


Cohamacu Yare Yahari
Tjuel



New Testament in Guanano

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2014-08-06

Contents

SAN MATEO	1
SAN MARCOS	58
SAN LUCAS	92
SAN JUAN	151
HECHOS	194
ROMANOS	246
1 CORINTIOS	272
2 CORINTIOS	297
GÁLATAS	313
EFESIOS	322
FILIPENSES	331
COLOSENSES	337
1 TESALONICENSES	343
2 TESALONICENSES	348
1 TIMOTEO	351
2 TIMOTEO	358
TITO	363
FILEMÓN	366
HEBREOS	368
SANTIAGO	389
1 SAN PEDRO	396
2 SAN PEDRO	403
1 SAN JUAN	408
2 SAN JUAN	414
3 SAN JUAN	415
SAN JUDAS	416
APOCALIPSIS	418

San Mateo

Jesucristo Cohamacu macano to coyea panopu macaina jira (Lc 3.23-38)

¹ Jesucristo coyeare panopu macainare õ sehe ni yahuihtja yuhu. Jesucristo ñachuno cjiro panopu macariro Davi wama tiriho jia tiha. To jihto pano ti ñachuno cjiro Abrahã wama tiriho jia tiha.

² Abrahã Isaa pucuro jiha.

Isaa Jacobo pucuro jiha.

Jacobo Juda cãhu pucuro jiha.

³ Juda pohna pucuro jiha. Fares, Zara jiha. Ti pocoro Tamar wama tiriho jiha.

Fares Esrom pucuro jiha.

Esrom Aram pucuro jiha.

⁴ Aram Aminadab pucuro jiha.

Aminadab Naasón pucuro jiha.

Naasón Salmón pucuro jiha.

⁵ Salmón Booz pucuro jiha. Booz pocoro Rahab jiha.

Booz Obed pucuro jiha. To pocoro Rut jiha.

Obed Jesé pucuro jiha.

⁶ Jesé Davi pucuro jiha.

Davi sehe Israe masa bui puhtoro jiha. Tiro Uria wama tiriho cjiro namonore to nuoari baharo Salomo wama tiriho pohna tiha.

⁷ Salomo Roboã pucuro jiha.

Roboã Abías pucuro jiha.

Abías Asa pucuro jiha.

⁸ Asa Josafat pucuro jiha.

Josafat Joram pucuro jiha.

Joram Uzías pucuro jiha.

⁹ Uzías Jotam pucuro jiha.

Jotam Acáz pucuro jiha.

Acáz Ezequía pucuro jiha.

¹⁰ Ezequía Manase pucuro jiha.

Manase Amón pucuro jiha.

Amón Josia pucuro jiha.

¹¹ Josia Jeconia cãhu pucuro jiha. Tina ti jiri pjare Israe yahpa macainare Babilonia macaina sehe ñaha wahcãha ti ya yahpau.

¹² ã yoa Babilonia yahpai ti sari baharo, Jeconia Salatiere pohna tiha. Salatie Zorobabe pucuro jiha.

¹³ Zorobabe Abiud pucuro jiha.

Abiud Eliaquim pucuro jiha.

Eliaquim Azor pucuro jiha.

¹⁴ Azor Zadoc pucuro jiha.

Zadoc Aquim pucuro jiha.

Aquim Eliud pucuro jiha.

¹⁵ Eliud Eleazar pucuro jiha.

Eleazar Matán pucuro jiha.

Matán Jacobo pucuro jiha.

¹⁶ Jacobo José pucuro jiha. José María manano jiha. María sehe Jesu pocoro jire. Jesu sehe masare yuhdohtiro jiro Cristo ti ni pisuriho jire.

¹⁷ Tó sehe jiro Abrahãre mari quihõ muhtachu, pu Davipure mari quihõ batoachu ahrina jipihtina ti panamana ji turiana mehne jia, catorce curuari waro jiha. Pari turi Davire mari quihõ muhtachu, pu Babiloniapau Israe masare ti naahto pano mari quihõ batoachu jipihtina ti panamana ji turiana mehne jia, catorce curuari waro pari turi jiha. ã yoa tuhsu Babiloniapau ti sari baharo mari quihõ muhtachu, pu Cristo to masa bajuachupau mari quihõ batoachu jipihtina ti panamana ji turiana mehne jia, catorce curuari waro jiha tjoa.

Jesucristo to masa bajuarire yahuha (Lc 2.1-7)

¹⁸ ã yoa õ sehe Jesucristo masa bajuari jire. To pocoro María sehe José namono cjihto jiri jire. Wiho mejeta ti puaro ji ducahto pano Espiritu Santo to tuua mehne wahma nijinocãre bocaro masiha ticoro to basi. ¹⁹ ã yoa José to manano cjihto quihõno yoiho jiro, tíre masino, ticorore cohãno taro nimaha. Masa ti ñurocaroi ticorore buhiri tichu yoa duaeraro, masa ti tuhoerasinichuta yaroa ticorore cohãno taro nimaha. ²⁰ Tíre to tuhoturo watoi Cohamacu anjo sehe cahãnopu Josére bajuaro, õ sehe niha:

—José, Davi cjiro panamino, Mariare buo tiro marieno namo tiga. Ticoro Espiritu Santo to yoadohoro mehne wahma nijinocãre bocaricoro jira. ã jicu buo tiro marieno namo tiga ticorore. ²¹ Ticoro pohna tirohca. Tirota to macanota to masare, pichacapu wahaborinare yuhdohtiro jirohca. To ã yuhdohtiro jichu

ñuçu, Jesu ni wama pisuihca mahu —niha anjo Josére.

²² Panopu macariro Cohamacu yare yahu muhtariro cjiro “Ã waharohca”, to ni joariro seheta ahri jipihtia ã wahaa tiha. Ahri ã wahahtore õ sehe ni joa dutia tiha Cohamacu tirore:

²³ “Cãcoro nuhmino, ne muno mehne jieraricoro, nijinocãre bocaro pohna tirohca to macunocãre.

Tirocã Emanuel wama tirohca”, ni joaa tiha Cohamacu yare. (Emanuel nino: “Cohamacu mari mehmeta jira”, nino nica.)

²⁴ Cohamacu anjo Josére to ã ni yahuri baharo José sehe wahcã, anjo to dutiriro seheta tiro María mehne wamomaca duhtehe. ²⁵ To macunocãre to pohna tihto pano José sehe ticoro mehne jiera tiha. Baharo ticoro sehe pohna tia wahaha. Tiro sehe wihãrirocãre Jesu wamoaha.

2

Sã muja taro macaina Jesucãre ñua sãha

¹ Herode Judea yahpa macaina ti bui puhtoro to jiri pja ti yahpai jiri macai Belëi Jesu masa bajuaha. To ã masa bajuari baharo ñahpichohare buheina ñahpichohare noano masiina sã muja taro macaina ta, Jerusalëpu wihia. ² ã wihia, masare tó macainare sinituha:

—¿Judio masa ti bui puhtoro jihtiro cjihto mipure nohopu masa bajuacari tiro? Sã muja taropu jina, ñahpichohaca to wahma bajua wahã sũchu ñuna, “Puhtoro masa bajuaro nica”, ni masihi sã. ã to bajuachu ñuna, sã cãno mehne tirore ño payona tana tahi õpu —ni yahuha buheina masare.

³ ã yoa paina Herodere tíre yahua tiha. Ti ã yahuchu tuhoro Herode sehe soro tuhoutuha. ã jia jipihtina Jerusalë macaina cãhu to yoaro seheta soro tuhoutuha tina cãhu. ⁴ ã jiro Herode sehe jipihtina sacerdotea puhtoare, mari judio masare buheina cãhure to pjirocari baharo ti cahmachu pihtichu ñuno, tinare sinituha tiro:

—¿Nohopu masa bajuaro hcaro Cristo sehe musa tuhoutuhu? —ni sinitu ñuha tiro.

⁵ Õ sehe ni yahuha tirore:

—Belëi, Judea yahpai jiri macai Cristo masa bajuaro hca. Õ sehe ni joaa tiha Cohamacu yare yahu muhtariro cjiro:

⁶ “Belëi yu yainare Israe masare dutihtiro tarohca.

ã jiro paye macari Judea yahpai jia macari yuhdoro jira Belë”,

ni joaa tiha Cohamacu yare —ni yahuha tina Herodere.

⁷ Ti ã ni yahuri baharo Herode masa ti marieno watoi sũ muja taropu tarinare pjirocaha. To cahapu tina ti sũchu ñuno, tinare sinitu ñuha. To ã sinitu ñuchu tuhoo, ñahpichohacare ti ñuri dachore yahuha tina.

⁸ Ti ã yahuri baharo Herode sehe tinare Belëpu warocaro õ sehe niha tinare:

—Tirocãre noano macaga. Tirocãre bocana tjuahna yuhure yahu tjuahga. Yuhu cãhu tirocãre ño payoi wahai tai nija —nimaha tinare Herode.

⁹ To ã niri baharo, tina wahaa wahaha. Ti ã wahachu sũ muja taroi ti ñuria ñahpichohaca sehe mu tãrucuha. ã yoa wihãrirocã to jiro bui waroi tjua wahã sãha tia sehe. ¹⁰ ã jia ñahpichohacare ñua, tuaro wahcheha tina. ¹¹ Wihãrirocã to jiri wuhupu su, sãa wahaha tina. ã sãa sãa, wihãrirocãre to pocoro mehne jirocãre ñuha tina. ã ñua tina na tuhcuca caha su, tirocãre ño payoha. Ño payo tuhsu ti caa pocare naroca pjõoroca, urure, inciensore, mirra wama tia me sitia cãhure na wio, tíre tirocãre wapa marieno waa tiha. ¹² Tíre wa tuhsu carã wahaha tina. Ti ã carichu cahãnopu Cohamacu yahuha tinare: “Herode cahai tjuaena tjiga”, ni yahuha Cohamacu tinare cahãnopure. To ã ni yahuri baharo, tina sehe wahcãha. Ti ã wahcãri baharo pa mahapu ti ya dihtapu tjuaa wahaa tiha.

José cãhu Jesucãre Egiptopu na duhti wahcãa wahaha

¹³ Ti ã wahari baharo Cohamacu anjo cahãnopu Josére bajuaro, õ sehe niha:

—Wahcãga. Herode sehe maharirocãre wajãno taro, macano nina mipure. ã yoa maharirocãre, to pocoro cãhure Egiptopu cjero na duhti wahcãa wahaga. Tõpуре yu niriuro purota jiga —ni yahuha anjo Josére.

¹⁴ To ã nichu tuhoro, José sehe ñamihta wahcã, maharirocãre to pocoro cãhure Egiptoru na duhti wahcãa wahaha. ¹⁵ Egiptoru sua, Herode to catiro puro tãpãre jiha tina. Æ yoaha panoru macariro Cohamacu yare yahu mãhtariro cjiro to ni joariro seheta. Tãre tirore Cohamacu joa dutia tiha. Õ sehe ni joaa tiha Cohamacu yare: “Egiptoru jirirore yu macare pjiroc-ahi”, ni joaa tiha Cohamacu yare.

Herode macanacãre wajã dutiri jire

¹⁶ Æ yoa ñahpichohare buheina ti duhti yuhduachu tuhoro Herode sehe sua yuhduaha. Æ suaro, Belẽ macainare, tí maca duhtu caha macaina cãhure ti pohñare mã pohñare pã cãhma cãmãinacãre wajã batoa dutiha tiro. Wahmanore ñahpichoha buheina ñahpichohacare ti ñari dachore yahuha Herodere. Ti ã nichu tuhoro tiro to wajã duarirocã to masa bajuari dachore masino, “Õpe cãhmari cãmara” nino, pã cãhma cãmãinare wajã batoa dutiha. ¹⁷ Panoru macariro Jeremã Cohamacu yare yahu mãhtariro cjiro to ni joariro seheta ã wahaha. Õ sehe ni joaa tiha tiro:

¹⁸ “Ramã wama tiropu bisiro coa tarohca. Tuario cahyaa mehne tiuro coa tarohca. Raquel panamana numia ji turia numiapu Israe masa namosãnumia ti pohñare tuaro tiyahca. Ti pohñare ti wajãchu ñua, ne cahya duhusi”, ni joaa tiha panoru.

¹⁹ Æ yoa Herode to yariari baharo Egiptoi jirirore Josére Cohamacu yairo anjo cahãnoru bajuaha. Æ bajuaro õ sehe niha Josére:

²⁰ —Maharirocãre wajã duaina cjiri yariaa wahahre. Æ jicu tirocãre to pocoro mehne Israe yahpãru na tjuaa wahaga mãhu —ni yahuha anjo Josére.

²¹ To ã niri baharo tiro wahcã, maharirocãre to pocoro mehñeta Israe yahpãru na tjuaa wahaha. ²² Wiho mejeta Arquelao Herode macno sehe to pãcãro cohtotariro to jichu tuhoro José sehe Judea yahpai cuuro, tjueraha. Æ jiro pari turita cahãnoru tirore yahu namoha tjoa. Tirore

pari turi Judea yahpare ji dutieraaha. To ã ni yahuri baharo, tina Galilea yahpãru wahaa wahaha. ²³ Tã yahpãre Nazare wama tiri macai jiha tina. Æ yoaha tina Cohamacu yare yahu mãhtaina cjiri ti joariro seheta. Õ sehe ni joaa tiha: “ ‘Cristo Nazare macariro tjira’, niahca masa”, ni joaa tiha Cohamacu yare yahu mãhtaina panoru macaina.

3

João masare bautisariro masare yahuha (Mr 1.1-8; Lc 3.1-9, 15-17; Jn 1.19-28)

¹ Æ yoa baharoru João masare bautisariro jiha. Judea yahpai masa marienoru tiro Cohamacu yare yahu ducaha masare.

² Õ sehe ni yahuha tinare:

—Mũano macariro Cohamacu mãsa puhtoro to sãho jihto mahanocã duhsara. Æ jina “Ñano yoaeraja”, mãsa ni tuhutumari cjirire duhuga. Mãsa ñaa buhirire cahya, Cohamacu sehere cahmaga mãsa —ni yahuha tiro tinare.

³ Panoru macariro Isaia Cohamacu yare yahu mãhtariro cjiro João to buhehtore õ sehe ni joaa tiha:

“Masa marienoru cãiro sañurucu, õ sehe ni buherohca:

‘Mari puhtoro to tahto pano tirore cahmaeraina cjiri mãsa tuhutuare cohtota, tirore cahmaina jiga mãsa’, ni sañurucu buherohca”, ni joaa tiha Isaia cjiro João cjihtore.

⁴ Tiro João camello pjoari suhtirore sãariro, wahiquiro cahsaroreta tuã dihoriro jiha. Poreroare, macaroca macaina miquina mi cãhure chu tiha. ⁵ Jerusalẽ macaina, jipihtiro Judea yahpai jiina, Jordão wama tiri ma cahai jiina cãhu tirore tuhoa taha. ⁶ Wihi, tirore tuho, ti ñaa yoirere Cohamacu yahuha tina. Ti ã ni yahuchu tuhoro Jordão wama tiri mai João tinare bautisaha.

⁷ Æ jiro payu fariseo curua macaina, saduceo curua macaina cãhu Joãore ti bautisa dutia tachu ñũno tiro tinare õ sehe ni yahuha:

—¿Mãsa cãhu agãa ñima tiina yoaro sehe mãsa mãhnoa buhea mehne masare dojomehneina jina, Cohamacu mãsare to

buhiri dahrehto pano tirore cui, duhti masierara m̄sa? ⁸ ã jina potocãta m̄sa ñaa buhirire bujua witi, Cohamacu cahmana jiihna, noaa yoa ñoga.

⁹ Õ sehe ni t̄hotuena tjiga: “Panopu macariro Abrahã mari ñuchu cjiro jia tiha. ã jina to panamana jina mari Cohamacu yaina jija”, ni t̄hotuena tjiga m̄sa. M̄sare niita nija. Abrahã panamana jiina jimana m̄sa. M̄sa ã jipachuta tí m̄sa ã jia yaba cjihti jierara. Cohamacu sehe ahri tãa mehne Abrahã coyeare dahre masina. ã jiro Abrahã coyea m̄sa jia wiho waro jira tãa ti wiho waro jiro seheta. ¹⁰ Õ sehe jira: Masa yucari yoaro seheta jira. Cohamacu sehe coma mehne yucirire cjã cohãriro yoaro sehe jira. ã jiro noaa dicha maria yucure nahcõri mehneputa cjã cohãnohca tiro. Tíre to cjã cohãri baharo, pichacaru jã cohãnohca tiro. ãta yoaro taro nina masa cūhure tirore cahmaerainare. ¹¹ Yu baharo yu bui tuariro tarohca. Noa yuhduariro jira tiro. Tiro yoaro sehe jieraja yuh sehe. ã jicu tirore t̄hotucu, “Wiho jiro jija yuh”, ni t̄hotuja yuh. Yuh sehe m̄sa ñaare t̄hotumari cjiire t̄hotu cohtotainare diap̄ bautisacu, co mehne yoamahi. Tiro sehe yu yuhdoro yoarohca. Espiritu Santore masa mehne ã jirucuchu yoarohca tiro. Wiho mejeta paina sehene ñaare ti t̄hotumari cjiire duhu duaeraina sehene tiro pichaca mehne buhiri dahrerohca. ¹² Yu baharo tariro cahsari cohãriro yoaro sehe jira. Cahsari cohãriro to batiro mehne jipihtia to trigo yapari cahsarire putiwera. To ã putiwera baharo trigo sehene to wihbori wuh̄i wihborohca. Tó seheta yoarohca tirore cahmainare yu baharo tariro. To putiwea cahsari sehene tiro jãnohca. Tí pichaca ne yatisi. ãta yoarohca tiro yu baharo tariro tirore cahmaerainare —ni yahuha João.

*João Jesure bautisaha
(Mr 1.9-11; Lc 3.21-22)*

¹³ Baharo Jesu Galilearu jiro cjiro waha, Jordão wama tiri mapu buhu s̄ha João bautisa dutiro. ¹⁴ Wahmanore João tirore bautisa duaeramaha.

—Neho, m̄hu sehe yu yuhdoro tuariro yuh sehere m̄ bautisachu noaboa. M̄hure bautisaboriro jieraja yuh —ni yuh timaha João Jesure.

¹⁵ Jesu sehe õ sehe ni yuh tiha tirore:

—Yuhure bautisasiniga. Õ sehe yoana, Cohamacu to dutiro seheta sohtori tina nija mari —niha Jesu.

To ã nichu t̄horo:

—Jai —ni yuh tiha João.

¹⁶ ã ni tuhsu, Jesure bautisaha. To bautisa tuhsuchu Jesu diap̄ ducuriro maja s̄rucu s̄ha. To maja s̄rucu s̄chuta, m̄ano parĩ m̄aha. Cohamacu to Espiritu buja yoaro sehe tiro bui to duji tachu ñuha. ¹⁷ To ã duji tachu m̄anopu durucuro coa taha:

—Ahroro yu macu yu cahãriro jira. Tiro mehne tuaro wahcheja —nino coa taha m̄anopu.

4

*Watino ñaare yoa dutimaha Jesure
(Mr 1.12-13; Lc 4.1-13)*

¹ ã yoa Espiritu Santo sehe Jesure masa marienopu naaha, tópu watino tirore ñaare to yoa duti ñuhto sehe.

² Tópu s̄ro cuarenta dachori waro churo marieno jiha Jesu. ã jiro j̄ca baaha. ³ J̄ca to baachu ñuno watino sehe tiro caharu s̄ro, õ sehe niha:

—M̄hu Cohamacu mac̄no jicu, ahri tãa pocare chua dojomehnega —nimaha tiro Jesure.

⁴ Jesu õ sehe ni yuh tiha:

—Yoaeraja. Cohamacu yare ti joari p̄i õ sehe nina: “Masare chua mehne dihta catieraro cahmana. Jipihtia Cohamacu to ya yahua mehne jiro cahmana”, nina Cohamacu —ni yuh tiha Jesu watinore.

⁵ To ã ni yuh tiri baharo watino sehe Jerusalẽpu “Cohamacu ya maca”, ti niri macaru Jesure naaha. Tópu na s̄ro, Cohamacu ya wuh̄ bui Jesure na s̄ha tiro. ⁶ Na s̄ tuhsu, tirore õ sehe nimaha:

—Cohamacu yare ti joari p̄i õ sehe nina: “Cohamacu to anjoare m̄hure ñu wihbo dutirohca. ã jia tina sehe m̄hure ñu wihboahca, “Tãcaru puha tu m̄ari’ nia”,

nina ti joari pũ. To ã niri potocã jichu mũhu Cohamacu macyno jicu yahparu pju bora ñoñujuta yuhure. Mũhure tina ti yoado-hochu ñoñujuta yuhure —nimaha watĩno.

⁷ Jesu pju bora ño duaeraro õ sehe ni yuhtiha:

—Cohamacu yare ti joari pũ õ sehe nina: “Mũsa puhtoro Cohamacu to niri cjrيره ‘¿Potocã tjjari?’ ni masi duana Cohamacure yoa ño duti macaena tjiga”, nina Cohamacu yare ti joari pũi —niha Jesu.

⁸ To ã ni yuhtiri baharo mũa yuhduu tũcũru Jesure na mũjaha watĩno tjoa. Tu buipũ mũja pja su, jipihtia macarine ñoroca boroha Jesure. Ti cjuua cũhure ñoha. ⁹ ã ñono Jesure õ sehe nimaha:

—Yuhure na tuhcuca caha su, ño payoga mũhu. Mũ ã yoachũ jipihtia ahri macarine mũhure waihtja —ni yahumaha watĩno.

¹⁰ To ã nichũ Jesu õ sehe ni yuhtiha:

—Satana, wahaga mũhu. Õ sehe nina Cohamacu yare ti joari pũi: “Mũ puhtoro Cohamacu dihtare ño payoga. To ya dutia dihtare yoaga”, nina Cohamacu yare ti joari pũi —niha Jesu watĩnore.

¹¹ To ã nichũ tuhoro watĩno wahaa wahaha. To wahari baharo anjoa sehe wihi, Jesure yoadohoa tirore chũa waha.

Galilea yahpai Jesu buhe dũcaha
(Mr 1.14-15; Lc 4.14-15)

¹² ã yoa Joãore peresu ti yoachũ tuhoro, wahaa wahaha Jesu. Waha, Galilea yahparu sũha. ¹³ Tói jiri macaru Nazarepu waha, yuhdu wahcã, Capernau wama tiri macaru sũha. Galilea wama tiri bucuariro duhtũ cahai jira Capernau. Tí maca Zebulõ yahpa cahai, Neftalí yahpa cahai jire Capernau. Tóru su, jiha Jesu. ¹⁴ ãta yoaha Jesu panopũ macariro Cohamacu yare yahu mũhtaroro Isaiã cjiro to ni joariro seheta. Õ sehe ni joaa tiha:

¹⁵ “Zebulõ yahpa cahai, Neftalí yahpa cahai, bucuariropũ waharoi, Jordão pa buhusehe coaru Galilea yahpa jira.

Tí yahpa judio masa jieraina ya yahpa jira.

¹⁶ Tó macaina Cohamacu yare noaare masierara.

ã masierapahta noarirore ñũaru masi-ahca.

Tina sehe Cohamacure ne masierara.

ã jia pichacaru wahaborina jimaha.

ã jiro cũiro tinare Cohamacu yare masichũ yoarohca”,

ni joaha Isaiã cjiro.

¹⁷ Tóru jiro, Cohamacu yare yahu dũcaha Jesu:

—Mũsa ñaare tuhotumari cjrيره duhu, noaa sehete tuhotu cohtota, Cohamacureta macaga mũsa. Mũano macariro Cohamacu jipihtina bui puhtoro to sũho jihto mahanoã dũhsara —ni yahu dũcaha tiro.

Pititiaro wahi wajãinare tiro mehne macaina cjihtire pjihã Jesu
(Mr 1.16-20; Lc 5.1-11)

¹⁸ ã yoa Galilea wama tiri bucuariro duhtũ caharu Jesu sito wahcãmahno ñũha Simore, to bahũro Andre mehne. Simota Pedro ti ni pisuriro jiha. Tina sehe wahi wajãina jia, ti wañuyucũre doca ño mũjaa niha bucuariropũ.

¹⁹ —Yuhũ mehne macaina cjihti taga mũsa. Yuhũ mehne mũsa tachũ, mũsa wahire ñaha cahmachuina mũsa jiro seheta, Cohamacu yaina cjihtire masare pji cahmachuina cjihtire yoaihtja mũsare. Yuhũ mehne mũsa tachũ ã yoahina cjihtire cũihtja mũsare —niha tiro tinare.

²⁰ To ã nichũ tuhoata ti wañuyucũre cũnoça, tiro mehne wahaa wahaha.

²¹ ã yoa Jesu tina mehne yuhdu wahcã, Santiagore to bahũro João mehne boca sũha tjoa. Tina Zebedeo pohna jiha. Tí yaria dohoriai ti puçũro mehne tina cũhũ ti wañuyucũre cahnoa niha. Tina puarore tiro pjirocaha. ²² To ã pjirocachũ tuhoa, tina sehe dóihã ti puçũrore, dohoria cũhure cũ, Jesu mehne wahaha.

Payũ masare buheha Jesu
(Lc 6.17-19)

²³ ã yoa jipihtiro Galilea yahpare Jesu buhe tiniha. Judio masa mari buhea wũhũsepũ noaa buheare, mũano macariro puhtoro to sũho jia tiare buheha. Tinare buhe, dohatiinare noaina wahachũ yoaro jipihtia dohatiare cohãha tiro. ²⁴ To ã yoare tuhoa Siria yahpa macaina jipihtirore tí yahpai jiina tirore masi dũcaha.

ã masia, soro jia dohatia cjuainare, tuaro purĩare cjuainare, watĩa ti sãanohrinare,

ñama yaria munare dohatiinare, tini masieraina cãhure na sãha. Ti ã na sũchũ ñũno jipihtina tinare noaina wahachũ yoaha Jesu. ²⁵ To ã yoachũ ñũa, Galilea yahpa macaina, Decapoli wama tiropũ jia macari macaina, Jerusalẽ macaina, Judea yahpa macaina, Jordão pa buhũsehe coa macaina payũ masa tiro mehne wahaha.

5

Tũcũpũ mũja, tói buheha Jesu masare

¹ Masa payũ to cahai ti sũchũ ñũno Jesu tũcũpũ mũjaha. Mũja sũ, tói dujiha. Tói to dujichũ to buheina sehe tiro cahapũ sãha.

² Ti sũchũ ñũno õ sehe ni buhe dũcaha:

Õ sehe jiina jira wahcheina (Lc 6.20-23)

³—Ti ñaa tũhotumari cjirire duhu, noaa sehere tũhotu cohtotaina Cohamacũre cahmaina wahcheina jira. Mũano macariro pũtoro to sũho jiropũre wahaahca tina. Mũano macaa ti ya jira.

⁴ 'Yahco tiina cãhũ wahcheina jira. Tinare wahchechũ yoarohca mari Pũcũ.

⁵ 'Painare yũhdũrũca duaeraina ã jica nieraina wahcheina jira. Cohamacũ "Waihtja", tinare to nirire cjũaahca tina.

⁶ 'Cohamacũ to dutiro sehe yoa duaina, noaare yoa duaina wahcheina jira. Cohamacũ to yoadohochũ tina noaare yoa sohtori tiahca.

⁷ 'Painare pja ñũina wahcheina jira. Ti ã pja ñũchũ Cohamacũ tina cãhure pja ñũnohca.

⁸ 'Ti ñaa buhirire cosanohrina wahcheina jira. Cohamacũre ñũahca tina.

⁹ 'Masare bosaina wahcheina jira. Tinare "Yũ pohna jira", ninohca Cohamacũ.

¹⁰ 'Cohamacũ dutiare ti yoari buhiri ti ñano yoanohrina sehe wahcheina jira. Mũano macariro pũtoro to sũho jiropũ to yare cjũaahca tina.

¹¹ 'Yũ yare mũsa yoari buhiri paina mũsare ti tuhtipachũta wahcheina jira mũsa. Mũsare ti ñano yoapachũta wahcheina jira mũsa. Yũ yaina mũsa jiri buhiri mũsare jipihtia ñaa ti quiti dojomehnepachũta ti mahũopachũta wahcheina jira mũsa. ¹² Cohamacũ yare

yahu mũhtainare mũsa pano jiinare tinapũreta ñano yoa mũhtaha. Mũsa cãhure ti yoariro sehe ti yoachũ wahchega. Noano yajeripohna tiga. ã jiro mũanopũ mũsa sũchũ pjĩro noano yoarohca mũsare Cohamacũ —ni yahuha Jesu.

Moa yoaro sehe, buhriaro yoaro sehe jira Jesu yaina

(Mr 9.50; Lc 14.34-35)

¹³ ã yoa Jesu õ sehe ni buhe namoha:

—Moa wahiquiro dihire to ñano wahaerachũ yoaro sehetã mũsa sehe yũ yaina sehe jipihtina painare ñaare ti yoa duaerachũ yoara. Wiho mejeta moa sehe ti ñaa wahachũ pari turi noaa yoahũ basioerara. Tĩ moa ne noaerara. Ti ã wahachũ tí moare cohãno cahmana. Ti ã cohãri baharo tí bui masa tũ cũna. Ne yaba cjihti jierara tí moa ti cohõa. (Ti yaba cjihti jieraro sehetã jiena tjiga mũsa. Cohamacũ ya sehere cohãena tjiga) —ni yahuha Jesu.

¹⁴ ã yoa tiro õ sehe ni buhe namoha:

—Buhriaro marine to ñũchũ yoaro sehetã mũsa sehe yũ yaina sehe ahri yahpa macainare Cohamacũre masichũ yoara. Tũcũ bui jiri macare nũohto basioerara.

¹⁵ ã yoa sihãriare masa sihãa, biato docapũ nũoerara. Tiare sihãriare mũanoi duhu payora tí wũhũ macaina jipihtina ti ñũhtiare. ¹⁶ Õ sehetã mũsa cãhũ buhriaro yoaro sehe jiina jina, noaare yoaga. Mũsa ã yoachũ ñũa masa mari Pũcũ mũano macarirore ño payo, "Tuariro, noariro jira", niahca —ni yahuha Jesu.

Cohamacũ to dutiare to joari cjirire yahuha Jesu

¹⁷ ã ni tuhsũ, tinare õ sehe ni yahu namoha:

—Ahrire mũsa masichũ cahmaja yũhũ. Cohamacũ to dutiare Moise cjĩrore to cũrire, to yare yahu mũhtaina cjiri ti joari cjiri cãhure cohãi tai nierahi. Tĩ dutiare mũsare noano yahu potoi tai nii. Tĩ dutiare ti quihõno jichũ ñoi tai. Ti niriro sehetã yoa sohtori tii tai nii. ¹⁸ Potocã mũsare nii nija. Pihtiri dacho pano jisnichũ Cohamacũ dutia Moise cjĩrore to cũrire ne mahanocã baro cohãsi mari. Ahri yahpa, mũano cãhũ ti jisnino puro to dutia cãhũ jirucuahca.

Ã jirucua ti niriro sehetã sohtori tirohca. ¹⁹ Ã jia tí dutiare cãina yãhdurũcaa, painare tó sehe yãhdurũca dutia, mũano macariro pũhtoro to sũho jiropũ cahamaca yoaro sehe jiahca. Cãno dutiacã to jipachũta tina yãhdurũcaa, cahamaca yoaro sehe jiahca tina. Paina tí dutiare noano yoaa, painare tí yoaro sehe yoa dutia, mũano macariro pũhtoro to sũho jiropũ pũhtoa yoaro sehe jiahca tina sehe. ²⁰ Mũsare niita nija yũhũ. Judio masare buheina, fariseo curua macaina cãhũ Cohamacũ cahmaare quihõno yoaerara. Tina ti yoariro yãhdoro Cohamacũ cahmaare yoaga mũsa sehe. Mũsa ã yoaerana, pũhtoro Cohamacũ to sũho jiropũre ne sũsi mũsa —ni yahuha Jesu.

*Susiniare yahuha Jesu
(Lc 12.57-59)*

²¹ Ã ni tuhsũ, tinare õ sehe ni yahu namoha:

—Panopũ macaina õ sehe ni ti yahuri cãirire tũhori jimare mũsa: “Masare wajãena tjiga. Masare wajãriro ti buhiri dahrehtiro jira”, ti niri cãirire tũhori jimare mũsa. ²² Ahri ti yahuri yãhdo curero mũsare ahri sehere yahu namoihtja. To coyeiro mehne susiniriro sehe ti buhiri dahrehtiro jira masũnore wajãriro yoaro sehetã. To coyeirore tuhtiriro, “Ne tũho masia maerariro jira mũhũ”, niriro buhiri dahre dutiina cahai ti nahtiro jira. “Tũho masierariro jira mũhũ”, to coyeirore nirirore pichacapũ wahahto cua yãhdũara tirore.

²³ Mũsa coyeiro mũsare to ñũ tuhtichũ õ sehe yoaga. Cohamacũ wũhũpũ Cohamacũre mũsa ño payohto pano, wahiquirore jã mũo, mũsa wahto pano õ sehe yoaga. ²⁴ Mũsa wahtire duhu cũ, mũsa coyeiro cahapũ waha, “Pari turi cahmachena tjijihna. Tó purota duhujihna tíre”, niga tirore. Mũsa ã niri baharo Cohamacũre wa, ño payona wahaga to wũhũpũ.

²⁵ Pairo mũhũre to yahusã duachũ, pũhtoro masare beseriro cahapũ mũhũre to naa duachũ, tiro mehne suaro marieno wahaga. Masare beseriro cahapũ to na sũhto pano tiro mehne noano jiga. Mũ ã

yoachũ ñũno tiro mũhũre yahusãeraboca. Mũ ã yoaerachũ tórpũre mũsa sũchũ tiro sehe mũhũre masare beserirore yahusãnohca. To ã yahusãchũ, beseriro sehe peresu yoainapũre mũhũre warohca. Ã jia tina mũhũre peresu yoaahca. ²⁶ Potocã nii nija mũhũre. Tórpũ jisiniihca mũhũ. Pũ ti wapa dutirire mũhũ wapa pahũoipũ wijaaihca mũhũ —ni yahuha Jesu.

Pairo namono mehne ñano yoaare yahuha Jesu

²⁷ Õ sehe ni yahu namoha Jesu:

—Panopũ macainare õ sehe ti ni yahuri cãirire tũhori jimare mũsa: “Pairo namono mehne ñano yoaena tjiga”, ti niri cãirire tũhori jimare mũsa. ²⁸ Ahri ti yahuri yãhdo curero mũsare ahri sehere yahu namoihtja. Numinore ñahaeraparota, cãiro ticorore ñano goa pjaro, ñano wacũ tũhoturo ñano yoa tuhsũha ticoro mehne.

²⁹ Ã jicũ mũ capariaca poto bũhũsehei jiriãcã mehne ñano yoaçũ, tiare orewe na mũ cohãboriro sehetã ti ñaa yoaare duhuga. Tíre duhueracũ pichacapũ wahaichca. Mũ capariacare mũ cohãchũ tia capariaca dihta butira. Mũhũ sehere pichacapũ mũ wahachũ ña yãhdũara. Ã jicũ tí ñaa yoaare duhuga. ³⁰ Ã jicũ mũ wamomaca poto bũhũsehei jiri wamomaca mehne ñano yoaçũ, tí wamomacare mũ dũte cohãboriro sehetã tí ñaa yoaare duhuga. Tíre duhueracũ pichacapũ wahaichca. Mũ wamomacare mũ cohãchũ tí wamomaca dihta butira. Mũhũ sehere pichacapũ mũ wahachũ ña yãhdũara. Ã jicũ tí ñaa yoaare duhuga —ni yahuha Jesu.

*To namonore cohãare yahuha Jesu
(Mt 19.9; Mr 10.11-12; Lc 16.18)*

³¹ Õ sehe ni yahu namoha Jesu:

—Panopũ ahri cãhũre niha: “To namonore cohã duariro to cohãhtore yahuri pũ mehne ticorore cohã masina”, nimaha panopũ. ³² Ahri ti yahuri yãhdo curero mũsare ahri sehere yahu namoihtja. To namono pairo mehne ñano yoaeraricoro to jipachũta to manũno ticorore cohãboca. To ã cohã daporicoro paioire manũ tiro ñano yoaro nica ticoro paioire mehne jiro. To

manano ticorore ã cohãno ticorore paio mehne ñano yoachũ yoara. To baharo namo tiriro cãhũ ticoro mehne ñano yoaro nina —ni yahuha Jesu.

Wama payo niare yahuha Jesu

³³ Õ sehe ni yahu namoha Jesu:

—Panopũ macaina õ sehe ti ni yahuri cjirire tũhori jimare mũsa: “Mũsa niriro seheta yoaga. ‘Cohamacũ mehne potocã ã yoaihtja’, mũsa niriro seheta yoaga”, ti ni yahuri cjirire tũhori jimare mũsa. ³⁴ Ahri ti yahuri yũhdo curero mũsare ahri sehere yahu namoihtja. “Mũano mehne potocã nii nija”, ni mũano mehne wama payo niena tjiga. Mũano sehe Cohamacũ mari pũhoro to sũho jiro jira. Wiho jiro jierara. To ã jichũ ñũna mũano mehne ã niena tjiga. ³⁵ Ahri yahpa mehne ne wama payo “Potocã nii nija”, niena tjiga. Ahri yahpa Cohamacũ ya yahpa jira. To ã jichũ ñũna ã niena tjiga. “Jerusalẽ mehne potocã nii nija”, ne wama payo niena tjiga. Turariro mari pũhoro ya maca jira Jerusalẽ. Wiho jiri maca jierara. To ã jichũ ñũna ã niena tjiga. ³⁶ “Yũ dapu mehne potocã nii nija”, ni wama payo niena tjiga. Mũsa pjoari ti yehsea wahachũ yoa masierara mũsa. Ti ñia wahachũ cãhũre yoa masierara mũsa. Æ yoa masieraina jina “Yũ dapu mehne potocã nii nija”, ni wama payo niena tjiga. ³⁷ “Yoanahtja”, nina wama payoro marieno õ sehe dihta tĩre nirucuga. “Yoasi”, nina cãhũ wama payoro marieno nirucuga. Mũsa wama payo nina, watĩno ñariro to dutiriro seheta yoana nica mũsa —ni yahuha Jesu.

Ti cahma suaare yahuha Jesu (Lc 6.29-30)

³⁸ Õ sehe ni yahu namoha Jesu:

—Panopũ õ sehe ti ni yahuri cjirire tũhori jimare mũsa. “Mũhũre paio mũ capariacare to cjã tihãriro seheta mũhũ cãhũ tirore cjã tihã cahmaga. Mũ piriacare to cjã nuhariro seheta mũhũ cãhũ cjã nuha cahmaga”, ti niri cjirire tũhori jimare mũsa. ³⁹ Ti yahuri yũhdo curero ahri sehere yahu namoihtja mũsare. Mũhũre ñano yoarirore ã ñũnocahga. Cũ bũhũsehe mũ wahsupure to cjãchũ, pa bũhũsehe cãhũre cjã dutiga

tirore. ⁴⁰ Pairo buhiri dahre dutirirore mũhũre to yahusãchũ, dutiriro sehe mũ camisare mũhũre yahusãrirore wa dutiboca. To ã wa dutichũ, tirore waga. Mũ bui macari suhtiro cãhũre wa namoga tirore. ⁴¹ Pairo surara paye barore cã kilómetro mũhũre to naabasa dutichũ, pa kilómetrore waha namoga tjoa. ⁴² Mũhũre sinirirore waga. Tuhsũ, paio mũhũre to waso dutichũ wasoga tirore —ni yahuha Jesu.

Mũsare ñũ tuhtiinare cahĩga (Lc 6.27-28, 32-36)

⁴³ Õ sehe ni yahu namoha Jesu:

—Masa õ sehe nina: “Mũsa mehne macainare cahĩga. Æ yoa mũsare ñũ tuhtiinare ñũ tuhti cahmaga tjoa”, ti niri cjirire tũho mũhtari jimare mũsa. ⁴⁴ Ti yahuri cjiri yũhdo curero ahri sehere yahu namoihtja mũsare: Mũsare ñũ tuhtiinare cahĩga. Æ cahĩna tinare noano yoaga. Mũsare ñano yoainare ti ya cjihtire Cohamacũre sini payoga. ⁴⁵ Mũsa ã yoana mari Pũcũ mũano macariro pohna jira mũsa. Cohamacũ sehe cãno potori yoara masare. Ñaina cãhũre, noaina cãhũre sũ sichũ yoara tiro. Tuhsũ, Cohamacũ dutiare yoaina cãhũre, yoaeraina cãhũre coro tachũ yoara tiro. Masare cãno potori to yoariro seheta mũsa cãhũ yoaga. ⁴⁶ Mũsare cahĩna dihtare mũsa cahĩchũ tí ne yaba cjihti jierara paina sehere mũsa cahĩerachũ. Pũhtoa ya cjihtire wapa na cohtaina cãhũ tó seheta yoara. Æ jina jipihtinare cahĩga. ⁴⁷ Mũsa coyea dihtare mũsa noano piti bocachũ tí cãhũ ne yaba cjihti jierara paina sehere mũsa noano piti bocaerachũ. Cohamacũre masieraina cãhũ tó seheta yoara. Æ jina jipihtinare noano piti bocaga. ⁴⁸ Ñaa marieina jiga mũsa. Mũsa Pũcũ mũano macariro to ñaa marieriro to jiriro seheta mũsa cãhũ ñaa marieina jiga —ni yahuha Jesu.

6

Noaa yoaare yahuha Jesu

¹ Pari turi tiro õ sehe ni yahu namoha:

—Cohamacũ ya cjihtire noaare yoana, “Cohamacũ yare yoa pahĩnoina jija sã”, ni yahua tjiga painare. Mũsa ã ni yahuri

buhiri noaare m̄sa yoari cjiri ne yaba cjihti jierara. ã jiro Cohamac̄u m̄ano macariro noaare m̄sa yoari wapa m̄sare ne wasi. ² ã jina pjac̄oinare yoadohona, tíre masare yoa ñoena tjiga. Masa ti ñ̄enoí yoadohoga tinare. Cãina noaa ti yoaare yoa ñohna mahap̄u jiiinare, judio masa mari buhea w̄h̄usep̄u jiiina c̄h̄ure. Tina mari baharo b̄h̄usehei ñ̄ano yoa cohtaina jira. ã yoa ñohna tina, “Noaina jira”, masare ni ñ̄u dutia. Ti ã ni ñ̄uch̄u ã yoa ñ̄oina sehe wahche tuhs̄ure. “Noaina jira” ni, masa ti ñ̄o payoch̄u wahche tuhs̄ure tina. ã jiro Cohamac̄u sehe ne wahche namoch̄u yoasi tinare. ³ ã jina pjac̄oinare yoadohona, masa ti ñ̄enoí yoadohoga tinare. M̄sa mehne macaina mehne jina ti ñ̄enoí pjac̄oinare yoadohoga. ⁴ Masa ti ñ̄erarop̄u m̄sa yoadohopach̄uta Cohamac̄u sehe ñ̄una. ã ñ̄uno m̄sa ã yoari wapa warohca m̄sare —ni yahuha Jesu.

*Cohamac̄ure siniare yahuha Jesu
(Lc 11.2-4)*

⁵ Pari turi tiro õ sehe ni yahu namoha:

—Cohamac̄ure sinina, mari baharo b̄h̄usehei ñ̄ano yoa cohtaina yoaro sehe yoaena tjiga m̄sa. Judio masa mari buhea w̄h̄usep̄u ducu, mahap̄u c̄h̄ure ducu, Cohamac̄ure sini ñohna tina masare. ã sini ñoa potocã masa tinare ti ñ̄o payoch̄u tí mehne tina wahche tuhs̄ure. ⁶ Cohamac̄ure sinic̄u tac̄u, m̄u ya tãtiap̄u biha sãaga. Biha sãa, m̄sa P̄uc̄u ñ̄mahnoerarirore siniga. M̄sa ã yoach̄u masa marienoí m̄sa sinipach̄uta m̄sa P̄uc̄u m̄sare t̄horohca. ã t̄horo m̄sare noano yoarohca tiro.

⁷ ã jina Cohamac̄ure sinina, t̄hoturo marieno m̄sa sinirireta pari turi sini majare tjua m̄jaena tjiga. Õ sehetã yoara Cohamac̄ure masieraina. “Paȳu durucua mehne Cohamac̄ure sã sinich̄u tiro sãre t̄horohca”, ni t̄hotumana tina. ⁸ Tina yoaro sehe yoaena tjiga. M̄sa sinihto pano m̄sa P̄uc̄u m̄sa cahmaare masi tuhs̄ura. ⁹ ã jina õ sehe ni sininahca Cohamac̄ure: “Sã P̄uc̄u, m̄ano macariro m̄h̄u ñ̄aa mari-eriro ã jirucura.

¹⁰ M̄ip̄ure jip̄ihtina bui p̄htoro jiga.

M̄hanop̄u m̄u dutiro sehetã ti yoariro sehetã ahri yahpa macaina c̄h̄u yoajaro.

¹¹ ã jic̄u dachoripe sã ch̄htire warucuga sãre.

¹² Paina sãre ti ñ̄ano yoarire sã boja.

ã jic̄u m̄h̄u c̄h̄u sã ñ̄ano yoarire boga.

¹³ ã jic̄u sã ñ̄aare yoa duana sã goa pjach̄u ñ̄uc̄u tíre yoa dutii tjiga.

ã jic̄u sãre ñ̄aare yoerach̄u yoaga.

[M̄h̄u sã p̄htoro tuariro ã jirucuihca. Jip̄ihtina m̄h̄ure ã ñ̄o payorucuahca], ni siniga Cohamac̄ure.

¹⁴ Paina m̄sare ti ñ̄aa yoarire m̄sa boch̄u ñ̄uno, m̄sa P̄uc̄u m̄ano macariro c̄h̄u m̄sa ñ̄aa yoarire borohca. ¹⁵ Wiho mejeta paina m̄sare ti ñ̄aa yoarire m̄sa boerach̄u m̄sa P̄uc̄u c̄h̄u m̄sa ñ̄aa yoarire ne bosí —ni yahuha Jesu.

Ch̄u duhuare buheha Jesu

¹⁶ ã jiro tiro tinare õ sehe ni yahu namoha:

—Cohamac̄ure ñ̄o payona tana ch̄u duhuna b̄j̄ua witiina yoaro sehe yoa ñoena tjiga. Tó sehe yoara mari baharo b̄h̄usehei ñ̄ano yoa cohtaina. Tina ti w̄hd̄uã poca cahyaina yoaro sehe jira. Ti ã jiiina jich̄u ti ch̄u duhuch̄u ñ̄u masina masa. Potocãta m̄sare nii nija. Tinare masa ñ̄o payoch̄u cahmana tina. ã jia tinare ti ñ̄o payoch̄u ñ̄uã tina wahche tuhs̄ure. (Cohamac̄u sehe tirore ti ñ̄o payori wapa tinare wahchech̄u yoasi. ã jina tina yoaro sehe yoa ñoena tjiga m̄sa.) ¹⁷ M̄sa ch̄u duhuna, m̄sa pjoarire co mehne wa payo waha majare payoga. ã jina m̄sa w̄hd̄uã pocare cosaga. ¹⁸ M̄sa ã yoach̄u m̄sa ch̄u duhuch̄u ñ̄u masisi masa. Mari ñ̄u mahnoerariro Cohamac̄u dihta m̄sa ch̄u duhuare ñ̄u masinohca. M̄sa sahsero m̄sa jich̄u tiro m̄sa mehne ã jirucura. ã ñ̄uno tiro m̄sare noano yoarohca tirore m̄sa ñ̄o payori wapa —ni yahuha Jesu.

*M̄ano macaare cj̄ua dutiha Jesu
(Lc 12.33-34)*

¹⁹ ã jiro tiro õ sehe ni yahu namoha:

—Ahri yahpa macaare na cahmachuena tjiga. Õ macaa baa wahaboca. Ti baaerach̄u yacariro naboca tíre. To yacaerach̄u

machu t̄aboca. ã jia ahri yahpa macaa nu butihto cuara. ã jina ahri yahpa macaare tuaro cahmaena tjiga. ²⁰ M̄ano macaa sehere cahmaga m̄usa. M̄ano macaare machu t̄a masierara. Tópu m̄usa c̄juaa ne baaerara. Tópu yacariro na masierara. ã jina m̄ano macaare cahmaga m̄usa. ²¹ Tópu m̄usa c̄juaa ti jichu, m̄ano macaare Cohamacu yare tuaro wac̄na m̄usa —ni yahuha Jesu.

Masa ti t̄ahoturo seheta yoara
(Lc 11.34-36)

²² ã jiro õ sehe ni yahu namoha tinare:

—Sihãria to noano buhriachu mari ñu masino seheta Cohamacu yare t̄ahotuna to yare noano yoa masinahca m̄usa. M̄usa t̄ahoturo seheta yoara m̄usa. Cohamacu yare t̄ahotuna noaare yoara m̄usa. ²³ To yare t̄ahotuerana ñaare yoara m̄usa. M̄usa ñaa dihtare m̄usa t̄ahoturucuchu tí ñaa sehe ñabiaa jira —ni yahuha Jesu.

Niñerure cah̄na, Cohamacu sehere cah̄erara
(Lc 16.13)

²⁴ ã jiro tiro õ sehe ni yahu namoha tinare:

—C̄airo Cohamacu sehere wac̄no, tuabiario niñeru sehere wac̄erara. Niñeru sehere tuabiario wac̄no Cohamacu sehere wac̄erara. Niñeru dihtare cahmariro jiro Cohamacure wahchechu yoaerara. Cohamacu c̄hure, niñeru c̄hure puarore cahma ȳhdur̄cahto basioerara m̄usare —ni yahuha Jesu.

Cohamacu to poh̄nare ñu wihbora
(Lc 12.22-31)

²⁵ ã jiro tinare õ sehe ni yahu namoha:

—ã jicu m̄usare nii nija: M̄usa ch̄are, sihniare, suhti c̄hure pjíro cahya t̄ahotuena tjiga. M̄usare bajuamehnenno ch̄are ch̄htina c̄jhti dihtare suhti s̄ahtina c̄jhti dihtare Cohamacu yoaeraha m̄usare. ²⁶ Minichahca perire Cohamacu to ñu wihboare masiga m̄usa. Tina weseri maeraina jira. ã yoa ch̄are ti wihboa w̄huse tinare mariahna. M̄usa P̄cu m̄ano macariro sehe tinare ti ch̄htire wara. Minichahca ȳhdoro m̄usa sehere cah̄na Cohamacu. ã jiro m̄usa c̄hure ñu wihborohca tiro. ²⁷ Pjíro m̄usa t̄ahotua

mehne c̄u hora m̄usare cati namochu yoa masierara m̄usa. ã jiro m̄usa pjíro t̄ahotua yaba c̄jhti jierara.

²⁸ ã jina m̄usa suhti s̄ahtire pjíro cahya t̄ahotuena tjiga. Macaroca macaa cohoari ti cohoare t̄ahotuga. Tí cohoari ti basi suhtire yoaerara. Wiho mejeta tí cohoari noaa suhti yoaro sehe noaa cohoari bajura. ²⁹ Salomo c̄jro noaa suhtire s̄ariro to jipach̄ta tí cohoari sehe tiro ȳhdoro noabia cohoari waro jira. ³⁰ Cohorire noaa cohoari yoara Cohamacu sehe. Tí cohoari sehe mahaa dachoricã jirucuma ñai boraahara. Mahanocã ji, pa dachoi pichacaru j̄a wahara. Ti ã jipach̄ta cohorire noaa cohoari jichu yoara Cohamacu. ã jiro Cohamacu cohorire to noaa cohoari to yoariro ȳhdoro m̄usa c̄hure noano yoarohca. Suhtire warohca. Cohamacure mahanocã wac̄u tuara m̄usa. ³¹ ã jina m̄usa ch̄htire, m̄usa sihnihtire, m̄usa suhti s̄ahtire pjíro cahya t̄ahotuena tjiga. ³² Cohamacure cahmaeraina sehe tíre ã macarucua nina. M̄usa P̄cu m̄ano macariro jipihtia m̄usa cahmaare masina. To ã masichu pjíro cahya t̄ahotuena tjiga. ³³ Cohamacu m̄usa puhtoro to jihto c̄jhtore cahma m̄ahtaga m̄usa. Jipihtia paye baro ȳhdoro tirore cahmaga m̄usa. Noaare to yoa dutia c̄hure cahmaga. M̄usa ã yoari baharo Cohamacu sehe m̄usa cahmaa d̄hsach̄ warohca. ³⁴ ã jina ñamichacaru m̄usa dohse wahah̄tore pjíro cahya t̄ahotuena tjiga. M̄usa ã pjíro cahya t̄ahotuna paȳbiaa jahca m̄usa t̄ahotu sehe. Micha macaa dihtare m̄usa t̄ahotuch̄u tó purota m̄u s̄rohca —ni yahuha Jesu.

7

Painare “Ñaina jira”, niena tjiga
(Lc 6.37-38, 41-42)

¹ ã jiro tiro tinare õ sehe ni yahu namoha:

—Painare “Ñaina jira”, niena tjiga m̄usa. M̄usa ã nierachu Cohamacu m̄usare “Ñaina jira”, nisi. ² Painare “Noano yoaerara”, m̄usa ni ñuriro seheta Cohamacu sehe m̄usa c̄hure ãta ni ñunohca. ³ Mari piti dahre buhechu õ sehe yoaina jira m̄usa. M̄usa coyeiro to capariacaru mahari pohcarocã to s̄ach̄u tí pohcarocãre noano

ñuna musa. Musa ya capariaca sehere pjiri pjĩ to jipachuta tí pjĩne ne ñerara musa. Mahari pohcarocãre musa ñuno sehetã musa coyeiro to ñano yoaa sehere noano ñuna musa. Musa basi musa ñaare tuaro yoapanahta tíre masierara musa, pjiri pjĩne musa ñeraro sehetã. ¿Dohse jiro baro ã jijari musa? ⁴ Õ sehe niina jira musa: “Coyeiro, ñaare yoai nica mũhũ. Ñ jicũ tíre duhuga”, niina jira musa. Ñ niina jipanahta pjĩro ñaare yoara musa sehe. ¿Dohseana musa ñaare yoapanahta tíre masierajari musa? ⁵ Masa ti baharo bũhũsehei ñano yoa cohtaina jira musa ã yoaina. Pjiri pjĩne musa capariacai jiri pjĩne musa na mũhtaboriro sehetã musa ñano yoaa sehere duhu mũhtaga. Musa ã yoari baharo musa coyeiro to ñano yoare duhuchũ yoa masiboca, mahari pohcarocãre musa naboro sehetã.

⁶ Dieya yoaro sehe jiina, yesea yoaro sehe jiina cũhũ ñabiainare Cohamacũ ya noa yũhdũare ti ño payoeraare yahuena tjiga tinare. “Tinapũ bũjũpe, ñano ni, mũsare ñabiaro yoari”, nina yahuena tjiga tinare — ni yahuha Jesu.

*Cohamacũre mari siniare yahuha Jesu
(Lc 11.9-13; 6.31)*

⁷ Ñ jiro tiro tinare õ sehe ni yahu namoha:

—Cohamacũre siniga musa. Mũsa sinina musa sinirire ñahanahca. Mũsa sinirire bocanahca. Tirore ã sinirucuga musa. Mũsa ã yoachũ tiro mũsare warohca. ⁸ Jipihtina Cohamacũre siniina naahca. Ñ yoa ti sinirire bocaahca. Jipihtina Cohamacũre ã sinirucuinare tiro tinare warohca.

⁹ ¿Mũsa pohna pão curire mũsare ti sinichũ tãca sehere wabocari musa tinare? Ne wasi musa. ¹⁰ ¿Mũsa pohna wahire mũsare ti sinichũ agã sehere wabocari musa tinare? Ne wasi. ¹¹ Mũsa ñaina jipanahta musa pohñare noaare waa tíre musa. Ñ jiro Cohamacũ sehe musa yũhdoro noaare wara mũsare to pohñare tirore siniinare. Mũsa pohñare musa wariro yũhdoro Cohamacũ sehe to pohñare wara.

¹² Paina mũsare ti noano yoachũ cahmana musa. Tinare musa noano yoachũ cahmano sehetã musa cũhũ noano yoaga

tinare. Ti noano yoerapachuta musa sehe tinare noano yoaga. Ñta yoa dutira Cohamacũ dutia Moise cjirore to cũripũ Cohamacũ yare yahu mũhtaina cjiri ti joari cjiri cũhũ —ni yahuha Jesu.

*Mahari sopacacã quitire yahuha Jesu
(Lc 13.24)*

¹³ Ñ jiro tiro õ sehe ni yahu namoha tinare:

—Mũanopũ Cohamacũ cahapũ waha duana to yare yoaro cahmana mũsare. Ñ jina to yare ã yoamacanocaeraro cahmana. Mahari sopacacãpũ musa sãa duachũ mijo curera. Tó sehetã mijo nina Cohamacũ cahapũ musa waha duachũ. Pichacapũ masa ti wahachũ mijoerara. Pjiri sopacapũ mari sãachũ mijoerara. Tí sopacapũ masa ti sãaboro sehetã pichacapũ masa ti wahachũ mijoerara. Ñ jia payũ masa tórpũ waha nina. ¹⁴ Cohamacũ cahapũ musa waha duachũ mijo nina. Mahainacã masa tórpũ wahaahca. Tórpũ wahaina jipihtia dachoripe Cohamacũ mehne jirucuahca —ni yahuha Jesu.

*Masa ti yoirire ñuna ti jia tiare masija mari
(Lc 6.43-44)*

¹⁵ Ñ jiro tiro õ sehe ni yahu namoha tinare:

—Noano yoaga. “Cohamacũ yare yahu mũhtaina jija”, ni mahñoinare tũhoena tjiga musa. Tina oveja yoaro sehe suaeraina sehe bajumana. Tí tũhotuapũ ñaina jira tina. ¹⁶ Tí ñano yoachũ ñuna, ñaina ti jichũ masinahca musa. Tí noano yoachũ ñuna noaina ti jichũ masinahca musa. Agã potacũ se tũhorine dicha tierara. Pota tidũ cũhũ higuera pocare dicha tierara. ¹⁷ Noadũ yucũcũ noaare dicha tira. Ñadũ sehe ñaare dicha tira. ¹⁸ Noadũ yucũcũ ñaare ne dicha tierara. Ñ yoa ñadũ noaare dicha tierara. ¹⁹ Noaare dicha tiera yucũre dũte cohãnocã, pichacapũ jũnohca. Ñta yoarohca Cohamacũ to cahmaare yoerainare. ²⁰ Ñ jina “Cohamacũ yare yahu mũhtaina jija”, ni mahñoinare õ sehe masinahca. Tí yoirire ñuna, mahñoina ti jiare masinahca —ni yahuha Jesu.

*“M̄sare ne masieraja”, ninohca Cohamac̄u paȳu masare
(Lc 13.25-27)*

²¹ Ā jiro tiro õ sehe ni yahu namoha tinare:

—Paȳu ȳh̄ure “P̄h̄toro”, niina jipahta m̄ano macariro p̄h̄toro Cohamac̄u to s̄ho jirop̄ure wahasi tina. Ȳu P̄h̄c̄u m̄ano macariro to cahmaare yoaina dihta p̄h̄toro to s̄ho jirop̄ure wahaahca. ²² Pihtiri dacho jich̄u paȳu masa õ sehe niahca ȳh̄ure: “P̄h̄toro, m̄u yare s̄a buhehi. M̄u wama mehne wat̄are coh̄a wiohi. Ā yoa m̄u tuaa mehne paȳu yoa ñohi s̄a”, ȳh̄ure niina jahca. ²³ Õ sehe ni ȳh̄tihca tinare: “M̄sare ne masieraja. Ñaa buhiri tiina jira m̄usa. Ā jina ȳu cahai taena tjiga”, ni ȳh̄tihca tinare.

*P̄na w̄h̄u yoaina quitire yahuha Jesu
(Lc 6.47-49; Mr 1.22)*

²⁴ Ā yoa jipihtina ahri ȳu buherire t̄horina ȳu dutiare yoaina, noano t̄ho masiriro w̄h̄u dahreriro yoaro sehe jira tina. Tiro sehe c̄ãa copari t̄a wapap̄u saha, w̄h̄ure noano dapo d̄caha. ²⁵ Tí w̄h̄ure to tuhs̄uri baharo coro tuaro ta, dia mini ȳh̄d̄u waha, tuaro wihnono w̄ha. Ā to tuaro w̄pach̄u t̄a w̄h̄u c̄ãno t̄a wapa bui to dapori w̄h̄u jiro ne waha s̄u cahaerara. ²⁶ Ā jia jipihtina ȳu buherire t̄hopahta ȳu dutiare yoaeraina, t̄ho masierariro w̄h̄u dahreriro yoaro sehe jira. Tiro sehe to w̄h̄ure pad̄uro buic̄a dapo, noano yoa d̄caeraha. ²⁷ Tí w̄h̄ure to tuhs̄uri baharo, coro tuaro ta, dia mini ȳh̄d̄u waha, wihnono tuaro w̄ha. Ā tuaro w̄no t̄a w̄h̄u sehere w̄roca c̄nocaha. Ā jiro t̄a w̄h̄u tuaro bora s̄u cahaa wahaha —ni yahuha Jesu.

²⁸ To ã ni buhech̄u t̄hoa, c̄aa wahaha masa. ²⁹ “Tiro potoc̄ata p̄h̄toro jira. Ā jiro noano masi pah̄oriro marine buhera tiro. Mari judio masare buheina yoaro sehe buherara”, ni t̄hotuha tina.

8

*Jesu cami baarirore noariro wahach̄u yoaha
(Mr 1.40-45; Lc 5.12-16)*

¹ Jesu t̄ac̄up̄u buhe dujiriro cjiro dujia wahaha. To ã dujiach̄u ñ̄a masa paȳu tiro baharo wahaha. ² To ã wahach̄u c̄ãiro cami b̄c̄u baariro tirore piti boca, na tuhcu caha s̄u, tirore siniha:

—P̄h̄toro, m̄h̄u ȳh̄ure noariro yoa duacu yoaga —niha.

³ To ã nich̄u t̄horo to wamomaca mehne Jesu tirore ñ̄a payoha.

—Jai, m̄h̄ure noariro wahach̄u yoaja —niha Jesu tirore.

To ã nich̄u t̄a t̄i to cami baari cjiri yati m̄aa wahaha. ⁴ Ā ni tuhs̄u Jesu tirore õ sehe niha tjoa:

—Ȳu m̄h̄ure õ sehe yoarire ne painare yahui tjia. M̄u p̄jac̄u noari p̄jac̄u to waharire sacerdotere ñoi wahaga. Moiserere Cohamac̄u to c̄ũiro seheta sacerdotere minichahcare waga m̄u ȳh̄d̄ure ti noano masihto sehe —niha Jesu.

*Surara p̄h̄toro to m̄no to dohatich̄u Jesu noariro wahach̄u yoaha tirore
(Lc 7.1-10)*

⁵ Tó baharo Jesu Capernau wama tiri macap̄u to s̄ch̄u cien surara p̄h̄toro to cahai s̄u, tirore tuaro õ sehe ni siniha:

⁶ —P̄h̄toro, ȳh̄ure dahra cohtariro p̄jac̄u b̄hariro jiro waha masierat̄j̄ãhno tirore tuaro pur̄ich̄u ȳu w̄h̄up̄u coãhre tiro —niha tiro Jesure.

⁷ To ã nich̄u, Jesu “Jai”, ni ȳh̄tiha:

—Tirore to dohatiare ȳh̄d̄uch̄u yoai wahaihtja —niha Jesu.

⁸⁻⁹ To ã nich̄u õ sehe niha surara p̄h̄toro:

—P̄h̄toro, noanohca. Tai tjia. Ȳu ȳh̄doro noa ȳh̄d̄ariro jira m̄h̄u. Ya w̄h̄u m̄h̄ure s̄a ta dutiboriro jieraja ȳh̄u. M̄u masia mehne noariro wahach̄u yoaga tirore. M̄u ã yoach̄u ȳu ȳh̄ure dahra cohtariro noariro waharohca. Ȳh̄ure ȳu bui jiina paina p̄h̄toa dutira. Ȳh̄u c̄h̄u surarare dutija. C̄ãirore “Wahaga”, ȳu nich̄u tiro wahara. Pairore “Taga”, ȳu nich̄u tiro tara. Ȳh̄ure dahra cohtarirore “Ahr̄ire yoaga”, ȳu nich̄u t̄ire yoara. (M̄h̄u c̄h̄u dutirirota jira. Ā jiro m̄u dutiro seheta tiro dohatiriro ȳh̄d̄rohca) —niha tiro.

¹⁰ To ã nich̄u t̄ho c̄aa waharo paȳu masa tiro mehne j̄inare õ sehe niha Jesu:

—Potoc̄ata m̄sare niita nija. Ahr̄iro surara p̄h̄toro Israe mas̄no jierariro

Cohamacure tuaro wacū tuara. Tirore dahra cohtarirore yu noariro wahachu yoachtire masi tuhsaha. Ne Israe masare ahriro yoaro sehe jiiinare ñerasinija. ¹¹ Musare niita nija. Payu ahriro yoaro sehe Cohamacure wacū tuaina jipihtiro macaina manano macariro puhtoro to suho jiropu sua, torpu jiina mehne chahca. Abrahã, Isaa, Jacobo mehne chahca tina. ¹² Masa paina sehe puhtoro Cohamacu to suho jiropu wahaborina ti jipachuta ñanopu nahitianopu cohãnocanohca tinare. Torpu to cohãrina tuaro tii, cahyaa mehne bahca dihoahca —ni yahuha Jesu.

¹³ Tíre ã ni tuhsu, surara puhtoro ò sehe niha:

—Tjuahga mu ya wuhupu. Mhure dahra cohtariro yuhdurohca. “Potocãta yuhdurohca”, ni mu tuhoturiro seheta yuhdurohca —niha Jesu.

To ã nino watoihita tirore dahra cohtariro sehe noa tuhsaha.

Pedro marechonore dohatiricorore yuhdoha Jesu

(Mr 1.29-31; Lc 4.38-39)

¹⁴ Baharo Jesu Pedro ya wuhupu su, Pedro marechono dohatichu ñaha tiro. Juaro tichu cama bui coãha ticoro. ¹⁵ To ã jichu ñutjiãhno to wamomacare ña payoha. To ã ña payochuta juaro surua wahaha. Suruchu tuhuturo ticoro sehe wahcãruca, tinare chure payoha.

Jesu payu dohatiinare yuhdoha

(Mr 1.32-34; Lc 4.40-41)

¹⁶ Æ yoa ñamichahapu payu watia ti sãanohrinare masa na wihia Jesu cahapu. Ti ã na wihichu ñano cã tahata to waha dutichu watia wahaa wahaha. Tuhsu, jipihina dohatiina ti na surinare ti dohatiare cohã pahnoha Jesu. Æ jia noaa wahaha tina. ¹⁷ Æta yoaha tiro panopu macariro Cohamacu yare yahu muhtariro Isaia cjiro to niriro seheta. Æ sehe ni joaa tiha: “Mari dohatiare yuhdonocanohca tiro. Mari dutiare cohãnocanohca”, ni joaa tiha Isaia cjiro Jesure.

Cãina Jesu mehne waha duamaha

(Lc 9.57-62)

¹⁸ Jesu payu masa to cahai ti jichu ñano: —Sie coapu basa pahãjihna —niha.

¹⁹ Ti pahãhto pano judio masare buheriro Jesu cahapu su, ò sehe niha:

—Buheriro, mahu mehne waha duaja nohoi mu waharoi —niha.

²⁰ Jesu ò sehe ni yuhtihia:

—Cãina macaroca macaina wahiquina ti copari cjuara. Minichahca cãhu ti suhti cjuara. Yuhu masano Cohamacu warocariro sehe yu cariri wuhu maeraja. (Æ jina yuhu mehne tana ñano yuhduhahca musa) —ni yuhtihia Jesu.

²¹ Æ yoa paio Jesu buheriro ò sehe niha:

—Puhtoro, yu puca to yariachu yasinii wahaihtja. Æ ya tuhsu pinihta mahu mehne wahaihtja —niha tiro Jesure.

²² Jesu ò sehe ni yuhtihia:

—Yuhure cahmaeraina yariaina yoaro seheta jira. Tina sehe yariainare yajaro. Æ jicu mahu sehe yuhu mehne macariro cjihto taga —niha tiro.

Jesu wihnonore yusu dutiha

(Mr 4.35-41; Lc 8.22-25)

²³ Æ ni tuhsu Jesu to jiriapu dohoriapu samuha. Æ jia to buheina cãhu tiro mehne waha, samuha. ²⁴ Tí bucupariropu ti pahãchu waro wihnono tuaro taha. Æ jia pahcõri dohoriare mionocamaha. Æ wihnono wãpachuta Jesu sehe carino niha. ²⁵ To ã wahachu ñua tina tirore wahcõha. Wahcõ ò sehe niha:

—Puhtoro, yuhdoga. Mari mini yariana tana nija —niha tina.

²⁶ Ti ã nichu Jesu ò sehe ni yuhtihia:

—¿Dohse jiro baro cuimacanocana nijari musa? Yuhure wacū tuaeraina jira musa —niha Jesu tinare. Æ ninota wahcãrucu su, wihnonore pahcõri cãhure “Yusua wahaga”, niha. To ã nichu wihnono yuhduu wahaha. Æ jia pahcõri cãhu yusu boraa wahaha. ²⁷ To ã yoachu ñu chaa, ò sehe niha tina:

—¿Cue, dohse jiro baro masano jijari ahriro? Ahri wihnono, pahcõri cãhu to dutichu yuhduhcaerara tirore —niha tina.

Watiare cohã wioha Jesu

(Mr 5.1-20; Lc 8.26-39)

²⁸ Tinare ã wahari baharo pahã su, Gadara macaina ya yahrapu suha. Torpu ti sachu puaro mu masa copari watopu

jiina Jesure piti boca. Tina watia ti sãanohorina cuaina jiha. Ñ jiro tópu masa ti wahamahnoeno jiha. ²⁹ Tirore piti boca, õ sehe ni sañurucuha:

—¿Mũhũ Cohamacũ macũno dohse yoai tai tajari mũhũ sã cahapũre? ¿Sãre Cohamacũ to buhiri dahrehti pja to jierapachũta sãre buhiri dahrei tai nijari mũhũ? —ni sañurucuha tina.

³⁰ Tó cahai payũ yesea maca chũa niha.

³¹ Tinare ñũa, watia õ sehe niha Jesure:

—Sãre cohã wiocũ sina yesea cahapũ yeseare sãa dutiga sãre —ni siniha watia Jesure.

³² —Jai, wahaga —niha Jesu.

To ã nichũ watia puaro masa mehne jirina cjiri waha, yesea ti pjacũripũ sãaha. Ñ yoa tinare ti sãari baharo, yesea pari cũpũpũ mũroca buha, bũcũpariropũ bora ñoja, mini yaria pihtia wahaha.

³³ Ti ã wahachũ ñũa yeseare ñũ wihboina sehe cui, mũrocaa wahaha. Macapũ sũ, yesea ti minirire yahu site pahñoa. Watia ti sãanohrinare Jesu to cohã wiori cũhũre yahu pahñoa tina. ³⁴ Ñ ti yahu siteri baharo tí maca macaina jipihtina Jesure ñũa taha. Ñ jia tirore ñũa, tuaro mehne waha dutiha tirore.

9

Pjacũ buharire noariro wahachũ yoaha Jesu

(Mr 2.1-12; Lc 5.17-26)

¹ Ñ ti waha dutiri baharo Jesu dohoriapũ samu, bũcũpariropũ pahã, to bũcũari macapũ sũha. ² Tópu paina pjacũ buharire to coãri cahsaro mehne yo wũa wihaha Jesu cahai: “Jesu ahrirore to dohatiare yũhdũchũ yoarohca”, ni tũhotuha tina. Ti ã ni tũhotuchũ masino dohatirirore õ sehe ni yahuha Jesu:

—Macũ, wahchega mũhũ. Ñnano mũ buhiri tiare cohã tuhsũja yũhũ —niha tiro.

³ To ã nichũ tũhoa cãina mari judio masare buheina õ sehe ni tũhotumaha: “Ahriro wiho jiriro ã nino, ‘Cohamacũ jija’, nino nina. Ñ nino Cohamacũre ñano nino nina”, ni tũhotumaha tina. ⁴ Ti ã ni tũhotuchũ masino, õ sehe niha Jesu:

—¿Dohseana ã ñano tũhotujari mũsa?

⁵ “Ñnano mũ buhiri tiare cohã tuhsũja”, yũ nichũ, “Mahñoriro jira”, nina mũsa noano masierapanahta. “Wahcãrũca, wahaga”, yũ nichũ yũ niri potocã jia jichũ dóihta mũsa masinahca. ⁶ Yũhũ masũno Cohamacũ warocariro ahri yahpai masa ti ñano buhiri tiare cohã masija yũhũ. Masa ti ñano buhiri tiare cohãhtiro cjihtore cũre Cohamacũ yũhũre. Yũ ã cohãrire mũsa masihtõ sehe õ sehetã yoa ñoihtja mũsa ñũhti cjihtire —niha Jesu.

Tinare ã ninota, pjacũ buharire õ sehe niha:

—Wahcãrũcaga. Mũ coãri cahsaro na wahcãga mũ ya wũhũpũ —niha tirore.

⁷ To ã nichũ tũhoro pjacũ buhariro wahcãrũcũ sũ, to ya wũhũpũ tjuaa wahaha.

⁸ Masa to ã wahachũ ñũa cuiha. Ñ yoa Jesure Cohamacũ to tuare to wachũ ñũa masa Cohamacũre ño payo, noano durucuha.

Jesu Mateore pjaha

(Mr 2.13-17; Lc 5.27-32)

⁹ Ti ã yoari baharo Jesu tópu jiriro ta, yũhũre Mateore boca wihire. Puhtoã ya cjihtire masare wapa na cohtariro jimai. Ñ jicũ tí pjare yũ dahrari tahtiapũ duji. Tói yũ dujichũ ñũno õ sehe nire yũhũre:

—Yũhũ mehne macariro cjihto taga mũhũ —nire Jesu yũhũre.

To ã nichũ tũhocũ wahcãrũca tiro mehne wahai.

¹⁰ Baharo ya wũhũpũ Jesu cũhũ chũa tare. Payũ puhtoã ya cjihtire wapa na cohtaina, “Ñnano yoaina”, ti niina cũhũ sã mehnetã chũre. ¹¹ Tina mehne sã chũchũ ñũa, fariseo curua macaina sãre Jesu buheinare õ sehe nire:

—¿Dohsearo mũsare buheriro wapa na cohtaina mehne, ñano yoaina mehne chũjari? —nire tina sãre to buheinare.

¹²⁻¹³ Ti ã nichũ tũhoro Jesu sehe piti dahre buhea mehne yũhtire:

—Dohatieraina duhturure macaerãra. Dohatiina dihta duhturure macana. Ñaare yoaina dohatiina yoaro sehe jira. Ñ jicũ ñaare yoaina dihtare ti ñaare ti tũhotumari cjirire duhu, noaa sehere ti tũhotu cohtotachũ yoai tai nii yũhũ. Ti basi “Noaina

jija sã”, ni tãhotuina barore yahui tai nierahi. Cohamacu to nirire ti joarire masiga musa. “Wahiquinare musa wajã, jã muoa mehne yuhare musa ño payochu cahmaeraja. Painare musa pja ñuchu sehere cahmaja”, ni joaha. Ahri to joari to dohse niare masiga musa. Tíre noano buhe namona wahaga —nire Jesu fariseo curua macainare.

Chu duhuare sinituha João buheina Jesure

(Mr 2.18-22; Lc 5.33-39)

¹⁴ Baharo João masare bautisariro to buheina Jesu cahapu su, õ sehe ni siniture:

—Sã João buheina sehe Cohamacure ño payona tana, chu duhuja. Fariseo curua macaina cãhu ãta chu duhura. ¿Dohse yoaa mu buheina sehe chu duhuerajari? —nire tina Jesure.

¹⁵ Jesu to tãhotua mehne piti dahre buhero taro tinare õ sehe ni yãhtire:

—Õ sehe jira tí: Wamomaca dãhteropu ti pjirocaina wamomaca dãhteriro mehne jia, chu duhu masierara. Tó seheta yu buheina cãhu yuhu mehne jia, chu duhu masierara. Yuhu wamomaca dãhteriro yoaro sehe jija. Wamomaca dãhteriro bose numu to yoachu tiro mehne macaina cahyaa mehne jierara. ã jia chu duhuina jierara. Yu Pucu Cohamacu yuhare to naari baharo pinihtare yu buheina mehne jisi yuhu. ã jia tí pjaruta yu buheina cãhu chu duhuahca —ni yãhtire Jesu.

¹⁶ Panopu macaa buhea wahma buhea mehne ti buhe more duachu ñuno õ sehe ni namore Jesu tinare piti dahre buhero:

—Ne wahma cahsaro suhtiro cahsaro mehne munano suhtirore sere õno cahmaerara. ã yoachu wahma cahsaro mari cosari baharo munano suhtirore waja cahmachu, pjibiario tãhnuchu yoara. (Ahri yoaro sehe ni, muna buhea wahma buhea mehne piti dahre buheraro cahmana.) ¹⁷ ã jina ne se co bisia core wahiquiro cahsaro wajuru mehne muna wajuru mehne posaeraro cahmana. ã yoachu se co bisia pahmoapu muna wajurure tãhrënocahna. To tãhnuchu se co cãhu, wajuru cãhu cohõa wahara. ã jina se co wahma core wahma wajurupu posaro cahmana. ã yoachu se

co cohõeraa, wajuru cãhu cohõerara. (Tó seheta wahma buhea muna buhea mehne buhe moreraro cahmana) —ni yahure Jesu tinare.

Jairo maconore noaricoro yoa, cahã ñaricoro cãhare noaricoro yoaha Jesu

(Mr 5.21-43; Lc 8.40-56)

¹⁸ To ã ni yahuro watoï judio masa mari buheri wuhu pãhtoro Jesu cahapu wihire. Wihi, na tuhcuca caha su, õ sehe nire:

—Yu maco yoatapu yariaa wahahre. Ticorore mu wamomacare duhu payoi taga. Mu ã yoachu masanohca —nire tiro Jesure.

¹⁹ To ã nichu tãhoro Jesu wahcãruca tiro mehne wahare. Sã to buheina cãhu wahai. ²⁰ Sã mahai waharucuchu tói numino ã cahã ñarucuricoro Jesu baharo buhusehei ta, to suhtiro sohtoare ñaha ñaha. Doce cãhmari waro dachoripe cahã ñarucuricoro jiha. ²¹ Õ sehe ni tãhotuha ticoro ã yoaro: “To suhtirore ñaha ñuco, noaricoro wahacohca”, ni tãhotuha ticoro.

²² To ã yoachu masino Jesu majarerucu su, ticorore õ sehe nire:

—Maco, wahchega mahu. Mu yuhare wacũ tuua mehne noaricoro tjuaara mahu mipure —nire tiro.

To ã nichuta noaa wahare ticoro.

²³ ã yoa tuhsu Jesu pãhtoro ya wãhupu sure. Sãa sãro, ñahacaha tiinare teneniaca yoaro sehe jiriare putiinare ñure. Payu masa ti ñano bisichu cãhure tãhore tiro.

²⁴ Ti ã nichu tãhoro masare õ sehe nire:

—Wijaahga musa. Yariaerari jira ticoro. Carĩno nina —nire tinare.

To ã nichu tãhoa, “ã nimacanocano nina ahriro”, nia masa bujure tirore. ²⁵ ã jiro wuhu puhichapure masare to wio pahñori baharo yariaricoro cahapu su, to wamomacare ñahaha. To ã ñahachu masa caha su, wahcãrucu sãha ticoro. ²⁶ To ã yoarire tãhoa, tó macaina masa jipihtina yahu sitere.

Puaro capari bajuerainare ñuchu yoaha Jesu

²⁷ ã yoaro Jesu tói jiriro to wahachu, puaro capari bajueraina tirore pisu nãnu tire:

—Davi panamino masare yãhdohtiro, sãre pja ñuga mahu —ni sañurucure tina.

28 Ti ã nichuta Jesu pa wuhuru sãare. To ã sãachũ masia capari bajueraina to caharu sãa wahare. Ti ã sãa suchũ ñũno tiro sehe siniture tinare:

—“Marine ñũchũ yoarohca tiro”, ¿ni tãhotujari mũsa yũhũre? —nire tiro.

—Pũhtoro, ãta ni tãhotuja sã —ni yũhtire tina.

29 Ti ã nichuta ti caparire ña payore. ã ña payorota õ sehe nire:

—Yũhũre “ã yoarohca”, mũsa ni tãhoturiro seheta ã yoaja —nire Jesu.

30 To ã nichuta ti capari sehe noaa wahare. ã yoa Jesu õ sehe nire tinare:

—Ahri yũ õ sehe yoarire painare ne yahuena tjiga —nire.

31 To ã nipachuta waha, tói jĩinare yahu sitere tina to ã yoarire.

Durucuerarirore durucuchũ yoaha Jesu

32 Tĩ wũhũre ti wijaachũ waro cãiro durucuerarirore na tare masa. Watĩno tiro mehne jiro tirore durucuerachũ yoaha. 33 Ti na suchũ ñũno watĩnore Jesu cohã wiore. To ã cohã wiochũ watĩno to sãanohriro cjiro sehe durucua wahare. To ã yoachũ ñũna jipihtina cũna pihtiare.

—Ne, ahri yahpa Israe yahpũre õ sehe yoare ñũera tihĩ mari —ni durucure tina ti basi.

34 Fariseo curua macaina sehe soro ni durucure:

—Watĩa pũhtoro to tuaa mehne watĩare cohãna ahriro —ni durucure tina.

Masare pja ñũha Jesu

35 ã yoa jipihtia macari tói jia macaricãre, bũjũa macari cãhũre buhe tinino wahare Jesu. Noaa buheare judio masa mari buhea wũhũsepũ buhero wahare tiro. ã jiro pũhtoro Cohamacũ to sũho jĩhtore yahure. Jipihtia dohatia cãhũre tó macainare yũhdore tiro. 36 Masa payũ ñano yũhdũina, pũacũoro wahaina ti jichũ ñũno Jesu tinare pja ñũre. Tina oveja pũa marieina yoaro sehe ti jichũ ñũno Jesu tuaro pja ñũre tinare. 37 ã jiro õ sehe nire tiro sãre to buheinare, piti dahre buhero:

—Yo payũ ti bũcũna tuhsũchũ payũ jichũ dahraa pjĩro jira. Wiho mejeta dahraina sehe mahainacã jira. (Tó seheta noaa buheare tãhohtina payũ jichũ pjĩro jira mari

dahraa. To ã jipachuta mahainacã dahrari masa yoaro seheta noaa buheare buhehtina cãhũ mahainacã jira.) 38 ã jina noaa buheare buhehtinare painare to warocahatore siniga Cohamacũre —nire Jesu.

10

Jesu doce waro bese dapoha to warocahĩtare

(Mr 3.13-19; Lc 6.12-16)

1 Baharo doce sãre to buheinare Jesu pjĩroca, tuaare cũre sãre. Watĩare sã cohã masihti cjihtire jipihtia dohatiare sã cohã masihti cjihtire cũre sãre.

2 Õ sehe wama tii sã Jesu to bese cũrina: Simo jire. Tiroreta Pedro ni pisure Jesu. Simo bahũro Andre cãhũ jire. Santiago cãhũ to bahũro João mehne jire. Tina Santiago cãhũ pũcũro Zebedeo wama tire. 3 Felipe, Bartolomé, Toma, yũhũ Mateo jii sã. Yũhũ sehe pũhtoa ya cjihtire masare wapa na cohtariro jimai. Sã mehne paio Santiago jire. Tiro sehe Alfeo macũno jire. ã jiro Tadeo cãhũ jire. 4 Simo cananeo ya curua macariro cjiro, Juda Iscariote cãhũ jire. Juda sehe Jesure ñũ tuhtĩinare ñohtiro jire.

Jesu to buheinare buhe dutiro warocaha

(Mr 6.7-13; Lc 9.1-6)

5 ã yoa sãre doce to buheinare warocaro, “Õ sehe mũsa yoanahca”, ni yahu quihõre sãre Jesu:

—Judio masa jieraina cahapũre wahãena tjiga. Ne Samaria yahpai jia macaripũ cãhũre wahãena tjiga. 6 Israe yahpa macaina cahapũ sehẽre wahãga. Tina oveja peri wisia wahaina yoaro sehe Cohamacũre masieraina jira. 7 “Mũano macariro to sũho jĩhto mahanocã dũhsara”, ni buhega tinare. 8 ã jina camĩ bũcũ baainare, paye payũ soro jia dohatiare cjuaina cãhũre noaina yoaga. Yariainare masoga. Watĩa masare ti sãanohorinare cohã wioga tinare. Mũsare ã wanocai nija ahri tuaare. ã jina mũsa cãhũ yũ ã wanocariro seheta masare noaina ã yoanocahga.

9 Mũsa wahana niñerure ne naaena tjiga. 10 Ne mũsa wajure, pũaro camisare, pũa

wahpa dahpo suhtire, m̄sa tjua yuc̄ c̄h̄re naaena tjiga. M̄sa s̄ano dihtare s̄a wahc̄ga. Paye suhtire naaena tjiga. M̄sa buhena waharop̄ jiina tina sehe m̄sare m̄sa puhi c̄jhtire waahca. Āta waro cahmana tinare.

11 'Tí macarip̄ s̄na, ji coaro mehne car̄nore warirore macaga. Ā jina tí w̄h̄ihta tjuasiniga. P̄, coã wahanap̄ wijaahga tí w̄h̄re. 12 Ā jina w̄h̄p̄ s̄ahna, “¿Jimajari m̄sa?” niga tí w̄h̄ macainare. 13 M̄sare noano ti cahmach̄ “Cohamac̄ mehne noano jiga m̄sa”, niga tinare. M̄sare ti cahmaerach̄, m̄sa ã niborire niena tjiga. 14 Ā jina m̄sare ti cahmaerach̄, ti t̄ho duaerach̄ tí w̄h̄re wijaahga. Wijaana, dahpo suhti macaa dihta pohcarire wajã site c̄ga m̄sa tinare ti ya buhirire masich̄ yoana. Tí maca macaina m̄sare ti cahmaerach̄ ãta yoaga tina c̄h̄re. 15 Potocã m̄sare niita nija. Ahri dacho pihtich̄p̄re Sodoma macaina, Gomorra macaina c̄h̄ tuaro buhiri tihtinata jira. Ti ã jipach̄ta tina ȳhdoro m̄sare cahmaeraina buhiri tihtina jiahca —ni yahure Jesu.

Jesu yainare paina ti ñano yoahatore yahuha Jesu

16 Ā ni tuhs̄ ò sehe ni namore:

—Ȳh̄re t̄hoga m̄sa. Oveja yoaro sehe j̄inare m̄sare ñaina watoi warocai nija. Tina ñaina macaroca macaina yaya suaina yoaro sehe jira. Ā jina m̄sa sehe paina wahiquina wac̄ masiina yoaro sehe jiga. Ā jiina jipanahta buja yoaro sehe ne suaeraina jiga m̄sa. 17 Noano yoaga m̄sa. Masa m̄sare p̄htoare waahca. Tuhs̄ Judio masa mari buhea w̄h̄sep̄ c̄j̄peahca m̄sare. 18 Ā jia ȳ yaina m̄sa jiri buhiri macari macaina p̄htoa cahap̄ ti bui jiina p̄htoa cahap̄ c̄h̄re naahca m̄sare. Ā jina m̄sare t̄op̄ ti naach̄ tinare judio masa jieraina p̄htoa c̄h̄re noaa buheare buhenahca m̄sa. 19-20 M̄sare p̄htoare ti wach̄ tinare m̄sa nihtire “Cue, masieraboca”, ni t̄hotuena tjiga. M̄sare ti sini-tuch̄ta m̄sa nihtire masinahca. Ā masina tinare yahuna m̄sa tíre m̄sa m̄ s̄uro durucuna nisi. Cohamac̄ sehe m̄sa P̄c̄ to

Esp̄ritu mehne m̄sare durucuch̄ yoarohca.

21 'Tí pjare ti wahmis̄ma ti bahanare wajã dutia waahca p̄htoare ȳ yaina ti jiri buhiri. Ti p̄c̄s̄ma ti poh̄nare wajã dutia waahca p̄htoare. Ti poh̄na sehe ti p̄c̄s̄mare wajã dutia waahca p̄htoare. 22 Jipih̄tina masa sehe ȳ yaina m̄sa jiri buhiri m̄sare ñ̄ tuhtiahca. Ti ã yoapach̄ta ahri yahpai m̄sa catisinino puro m̄sare ti ñ̄ano yoarire c̄no pjana ȳh̄re, ȳ buhea c̄h̄re duhuerana, ȳhd̄nahca m̄sa. 23 C̄macai m̄sare ti ñ̄ano yoach̄ pa macap̄ duhti wahc̄ga. Potocã m̄sare niita nija. Israe yahpai jia macarine jipih̄tia tí macarip̄ m̄sa duhti wahc̄hto pano, ȳh̄ mas̄no Cohamac̄ warocariro ahri yahpap̄ tjua taihtja.

24 'Ne c̄airo buheriro tirore yahuriro buip̄ jierara. Cahamac̄no c̄h̄ to p̄htoro bui cure jierara. 25 Ā jiro ò sehe t̄hoturo cahmana buherirore: “Ȳh̄re buheriro yoaro seheta j̄ihtja”, ni t̄hoturo cahmana. Cahamac̄no c̄h̄re ãta ni t̄hoturo cahmana. “Ȳ p̄htoro yoaro seheta j̄ihtja”, ni t̄hoturo cahmana. (“To bui j̄ihtja. Ā jic̄ ȳ p̄htoro to ñ̄ano ȳhd̄riro seheta ñ̄ano ȳhd̄si ȳh̄re sehe”, ni t̄hotueraro cahmana.) Ȳh̄re sehe w̄h̄ p̄ro yoaro sehe jija. M̄sa sehe tí w̄h̄i dahraina yoaro sehe jira. Ā jia masa ȳh̄re “Beelzebú jira”, ni yahusã, m̄sa c̄h̄re ȳ yainare ñ̄ano ni durucuahca tina —ni yahure Jesu.

“¿Diro barore cuich̄ noajari?” ni yahuha Jesu

(Lc 12.2-7)

26 Ā ni tuhs̄ ò sehe ni namore:

—Ā jina m̄sare ñ̄ano yoainare cuiena tjiga. Masa ti ya s̄ari c̄jirire baharo paina masiahca. Ā jia ti n̄ori c̄jiri c̄h̄re paina masiahca. 27 M̄sare yaroca ȳ yahuri c̄jirire paȳ masa watoi buhe turiaga m̄sa. 28 Mas̄nore wajãina to pjac̄ dihtare wajãna. To yajeripoh̄na yariaerara. Ā jina m̄sare wajã duainare cuiena tjiga. Cohamac̄ sehere cuiga. Tiro m̄sa pjac̄irire, m̄sa yajeripoh̄nari c̄h̄re pichacap̄ cohã masina. Ā jina tiro sehere cui, ȳhtiga m̄sa.

29 'Puaro siripia wapa mariahna. Ti ã wapa mariapachuta cãirocãre Cohamacu ne boerara. Cohamacu to dutierachu ne yarierara tirocã. 30 Æ jiro mûsa pjoarire ne cã pjoada dũsaro marieno masi pahõona Cohamacu. Tó seheta mûsa jia tia cũhare masi pahõona Cohamacu. Æ masino mûsare ñu wihborucura. 31 Siripiare to cahĩno yũdoro, mûsa sehere cahĩna Cohamacu. Æ jina pjíro tũhotuena tjiga mûsa —ni yahure Jesu.

Jesure mûsa wacũ tuari cjirire yahuga masare
(Lc 12.8-9)

32 Æ jiro tinare õ sehe ni yahu namore:

—Cãiro “Jesu yairo jija”, masare to ni yahuchu yũhu cũhu tirore “Yu yairo jira”, ni yahuihtja yu Pucare mûano macarirore. 33 Wiho mejeta cãiro “Jesu yairo jieraja”, masare to nichu yũhu cũhu “Yu yairo jierara tiro”, ni yahuihtja yu Pucare —ni yahure Jesu.

Jesu masare tju wachu yoara
(Lc 12.51-53; 14.26-27)

34 Æ ni tuhsu õ sehe ni yahu namore:

—¿Dohse ni tũhotujari mûsa yũhare? “Tiro masare to buheri baharo paina tinare ñu tuhtisi”, ¿ni tũhotujari mûsa? Æ jierara. Masare yu buheri baharo cãina yu yare tũhoahca. Paina sehe tinare ñu tuhtiahca. Cũno potori waro jisi masa. 35 Bũcuna yu buheare ti tũhori buhiri ti pohna yu buheare cahmaeraa, tinare ñu tuhtiahca. Bũcu numia yu buheare ti tũhori buhiri ti pohna numia yu buheare cahmaeraa, tinare ñu tuhtiahca. Ti marechosanumia yu buheare ti tũhori buhiri ti macu namosãnumia yu buheare cahmaeraa, tinare ñu tuhtiahca. 36 Æ jia masa ti coyeare ñu tuhtiina jiahca.

37 'Yũhare ti cahĩboriro yũdoro ti pucũsuma sehere cahĩ yũdũrũca yu yaina jisi tina. Yũhare ti cahĩboriro yũdoro ti pohna sehere cahĩ yũdũrũca yu yaina jisi tina. 38 Æ jia paina crusaru yu yariahto seheta yu yaina ti jiri buhiri ñano yũdũahca tina cũhu. Tó sehe ñano yũdũ duaeraina yu yaina jisi tina. 39 Masa yũhare wacũno marieno ti mû saro yoaa,

pichacapu wahaahca tina. Æ jia yu yare ã yoarucua jipihtia dachoripe yũhu mehne jirucuahca tina —ni yahure Jesu.

Mari wapatahtore yahuha Jesu
(Mr 9.41)

40 Æ ni tuhsu õ sehe ni yahu namore:

—Mûsare yu yainare cãiro noano cahmano, yũhu cũhare cahmano nina tiro. Æ yoa tiro yũhare noano cahmariro yũhare warocariro cũhare cahmano nina. 41 Æ jiro Cohamacu yare yahuriro wapatarohca. Tirore noano yoarohca Cohamacu. Æ jiro to yare yahuriro to jichu ñano paio tirore noano cahmano, yahuriro yoaro seheta wapatarohca tiro cũhu. Æ yoa paio noano yoariro wapatarohca. Tuhsu, noano yoariro to jichu ñano paio sehe tirore noano cahmano noano yoariro yoaro sehe wapatarohca tiro cũhu. 42 Yu yairo cãiro to jichu ñu, wiho jiriro to jipachuta dohse jiina tirore core ti sihõchu mahanocã ti wapachuta potocãta tinare noano yoarohca Cohamacu —ni yahure Jesu.

11

João masare bautisariro to buheinare Jesure sinitu ñu dutiro warocaha
(Lc 7.18-35)

1 Sãre to buheinare to ã ni yahuri baharo tó cahai jia macaripu buhero wahare Jesu.

2 Æ yoa to yoirire João peresui jiriro tũhorocaha. Æ tũhoro João to buheinare Jesure sinitu ñu dutiro warocaha. 3 Æ jia Jesu caharu su, sinitu ñu tina João buheina.

—¿João “Yu baharo paio tarohca”, to niriro tjijari mũhu? ¿To niriro mû jierachu paiore cohtanahcari sã? —ni sinitu ñu tina sehe Jesure.

4 Ti ã nichu tũhoro Jesu õ sehe ni yũhtire: —Mipure mûsa tũhorire, mûsa ñurire João yehuna wahaga: 5 “Capari bajúeraina ñu. Tini masieraina tinina. Cami bũcu baina noaina wahara. Tũho bocaeraina tũho wahara. Yariaina masaa wahara. Tina jipihtinare noaina wahachu yoahi yũhu. Tuhsu, pjacũoinare noaa buheare yahuja. 6 Yũhare tũhoriro ‘Potocã

tjira', niriro tiro wahcheriro jira" ni, Joãore yahuna wahaga —nire Jesu.

⁷ João buheina ti wahari baharo, Jesu sehe João to jia tiare yahu ducare payu masare:

—Masa marienopu João cahapu suna, tjare wihnono to wãroca cohtotachu yoariro seheta to buheare cohtota mujarimore ñuna snerare musa. ⁸ “Noaa suhti tirirore ñuna wahajihna”, nierare musa João cahapu masa marienopu wahana. Noaa suhti tiina wapa bujare cjaina puhto ya wuhusepu jira. ⁹ Masa marienopu suna Cohamacu yare yahu muhtarimore ñuna sure musa. Potocã tjira. João Cohamacu yare yahu muhtariro jira. Paina Cohamacu yare yahu muhtaina yuhdoro jiriro jira tiro. ¹⁰ Panopu Cohamacu yare ti joari pui Joãore õ sehe ni yahu joaa tiha:

“Cohamacu to macunore õ sehe niha: ‘Mu pano muhare yahuyuhtimore warocai nija’, niha”,

ni joaa tiha panopure Joãore. ¹¹ Musare potocã niita nija. Paina jipihtina bui jira João bautisariro. Ahri turupure to ã jipachuta muano macariro puhtoro to suho jiropure jipihtina docapu jiriro pinihta João bui jira.

¹² João masare bautisariro to buhe, bautisa ducachu payu masa muano macariro puhtoro to suho jirore pihtichu yoa duaa, ti mu suro cahmache, tìre yoa duamana. ¹³ Cohamacu yare yahu muhtaina ti joari cjirire, Cohamacu Moise cjirore to cùri cjiripu cãhare buhena puhtoro Cohamacu to suho jitore masija mari. João cãhu tìreta yahure. ¹⁴ “Eliã tarohca”, panopu ti niriro cjirota jira João sehe. Panopu macaina ti nirire “Potocã tjira”, ni duana João ti ã niriro cjiro to jichu masinahca musa. ¹⁵ Noano tuhoga musa ahrire.

¹⁶ ¿Mipu macaina masa yabaina yoaro sehe jijari tina, musa tuhotechu? Tina macanacã yoaro sehe jira. Paina ti cahmano sehe ti yoerachu tó wahaerara tinacãre. Pache duaropu pape dujia, õ sehe ni pisurucura tinacã ti basi: ¹⁷ “Musa basahti cjihtire sã putipemahi. ¿Dohseana musa baserari sã tìre putipechu? Sã tuaro ñahacaha tiipe, sañurucumahi. ¿Musa sehe

dohseana sã mehne tiiperari?” nirucuina yoaro seheta jira mipu macaina cãhu. Mipu macaina ti cahmano seheta sã yoerachu ñua tó wahaerara tinare. ¹⁸ Tina yoaro sehe yoana õ sehe yoara musa mipu macaina. João bautisariro Cohamacure ño payoro taro chu duhuro vinore sihnierare. To ã sihnierachu ñuna “Watino to sãanohriro, tuho masierariro jira”, nimare musa tiro sehere. ¹⁹ Yuhu masuno Cohamacu warocariro jicu yuhu chu, sihnija. Yu ã yoachu ñuna õ sehe nina musa yuhu sehere: “Ñuga. Ahriro pjiro churiro, cahariro jira. Wapa na cohtaina, ñano yoaina cãhu ti piti tiriro jira ahriro”, nina musa yuhare. (Ã nina macanacã yoaro sehe durucuina jira musa. Musã cahmano sehe sã yoerachu tó wahaerara musare. Ne sahsaerara musa.) ã masierapanahca sã yoarire ñuna, Cohamacu masiare sã cjachu masinahca musa —nire Jesu tinare.

Ti ñaare cahyaeraina ya macari macainare tuhtiha Jesu

(Lc 10.13-15)

²⁰ Baharo macari macainare tuhtire Jesu. Tí macarine paye macari yuhdoro Cohamacu tuua mehne yoa ñomare tiro. To ã yoa ñopachuta ti ñaare tuhohumarire duhuerasinire tina. ã jiro õ sehe ni tuhtire tinare tiro:

²¹ —Corazĩ macaina, musa ñano yuhdunahca. Betsaida macaina, musa cãhu ñano yuhdunahca. Musã ya macaripure Cohamacu tuua mehne yoa ñomahi. Tiro wama tiri macare, Sidõ wama tiri maca cãhare to tuua mehne yu yoa ñochu ñua panopu tó macaina sehe ti ñaare cahyaboa. ã yoaa ti ñaare tuhohumari cjirire tuhohu cohtotaboa. Cahyaa suhtire sãa, niti pohcare tina bui dahra site payoboa ti ñaa cahyaare ñoa. ²² Musare niita nija. Buhiri dahrehti dacho jichu Cohamacu Tiro macaina, Sidõ macaina yuhdoro ñaina musa jiri buhiri musare ñano waro buhiri dahrerohca tiro. ²³ Capernau macaina, musa mu suro muanopu waha duamana. Musare Cohamacu pichacapu cohãnohca. Musã ya macapu Cohamacu tuua mehne yoa ñomahi. Musã yuhare tuhohere. Sodoma wama tiri macare Cohamacu tuua mehne yu yoa ñochu tí maca sehe mipu jisinihoa.

²⁴ Músare niita nija. Buhiri dahrehti dacho jichu Cohamacu Sodoma macainare to yoariro yuhdoro, musa sehere musa ñaa buhiri ñabiaro buhiri dahrerohca —nire Jesu ti macari macainare.

“Yu cahapu sona taga”, niha Jesu (Lc 10.21-22)

²⁵ Tí pjare õ sehe nire Jesu to Pucuro mehne durucuro:

—Yu Pucu, muhu mano macaina bui puhtoro, ahri yahpa macaina bui puhtoro jira. Ahri mu buheare “Noano masiina jija sã”, niinare masichu yoerare muhu. Buhe pahñoeraina sehere mu yare masichu yoare muhu. Mu ã yoachu, “Noana”, nija yuhu muhure. ²⁶ ã tjira. Tina sehere ti masichu cahmare muhu —nire Jesu to Pucurore.

²⁷ ã ni tuhsu, masare õ sehe ni yahu namore:

—Yu Pucu jipihtiare yuhure ware. Tiro dihta yuhure noano masina. ã jina sã dihta yuhu yu masi dutiina mehne yu Pucure masija sã. ²⁸ Musa ñano buhiri tia nucu yoaro sehe jira. Nucure mana musa tahrño sehetã ñano buhiri tiare pumea wahara musa. ã pumeina jina yuhure cahmaga musa. Musare sochu yoaihtja. Musã ñaa yoare duhuchu yoaihtja. ²⁹ Yu dutiare yoaga. Yu yare noano masiga. Yuhu niji siaro yoariro jija. Yu ã jiro jichu yu yare noano masiga musa. ã yoa yuhu mehne sogã musa. ã sonã noano yajeripohnã tinahca musa. ³⁰ Yu yare musa yoachu mi-joerara. ã yoa musa mari cjiri ti nucueraro sehetã yuhu sehe musa bihoro purota yoa dutija musare —nire Jesu.

12

Judio masa ti sori dachoi trigo parorire pahaha Jesu buheina

(Mr 2.23-28; Lc 6.1-5)

¹ Mahanocã to ã ni buheri baharo Sabado jichu sã Jesu mehne trigo wesepu sui. Sã to buheina juca baana, trigo parorire paha, chu tuhsu yuhdu wahcã sã.

² Sã ã yoachu ñã, fariseo curua macaina Jesure õ sehe nire:

—Tuhosiniga sãre. ¿Dohse yoa tina Sabado mari sori namu to jipachata

dahrajari, trigo parorire ã pahaa? Mari dutiare yuhdurucaã nina —nire tina.

³⁻⁴ Jesu yuhtire. “Yu buheina yuhdurucaã nierare”, ni yahuro taro õ sehe ni yuhtire:

—Davi cjiro tiro mehne macaina mehne juca baaro Cohamacu wuhuru sã, Cohamacu ya pãore chaha. Tí pãore sacerdotea dihtare chu dutira. Cohamacu dutiare ti joari pu painare tí pãore chu dutierara. ¿Davi cuhu tíre ti yoari cjiro Cohamacu joari pu buherari musa? (Tí pãore churo Cohamacure yuhdurucaro nieraha. Michare ahri yaparire chã yu buheina cuhu Cohamacure yuhdurucaã nierara.) ⁵ ã yoa Cohamacu wuhuri dahraina sacerdotea ne soerara mari soa namurine. ã soerapahta Cohamacu dutiare yuhdurucaina jierara. ¿Tíre buherari musa Cohamacu Moise cjirore to curi pu?

⁶ Musare niita nija. Cohamacu wuhure ño payona tí wuhuri dahraina ti soerachu ñapanahã “Noanohca”, nina musa. Tí wuhu yuhdoro yuhu sehere ño payoro cahmana. ⁷ Cohamacu yare ti joari pu õ sehe nina: “Wahiquinare wajã, ju moa mehne yuhure musa ño payochu cahmaeraja. Painare musa pja ñuchu sehere cahmaja yuhu”, nina to yare ti joari pu. To ã nirire musa noano tuhona yu buheinare tuhtieraboa musa. Tina tíre chã yuhdurucaã nierare. ã jina tinare tuhtieraboa musa. ⁸ Yuhu masano Cohamacu warocariro ahri dacho Sabado dachore masa ti yoahãre yahurirota jicu puhtoro tjija —nire Jesu fariseo curua macainare.

Wamomaca buhariro quti jira (Mr 3.1-6; Lc 6.6-11)

⁹ To ã niri baharo waha, judio masa mari buheri wuhuru sui sã Jesu mehne. ¹⁰ Tói wamomaca buhariro jire. ã jia fariseo curua macaina sehe Jesure yahusãã taa, tirore õ sehe ni siniture:

—Sabado dachoi mari sori dachoi masunore noariro yoa dutierara Cohamacu. ¿ã tjijari mu tuhotuchu? —ni siniture tina.

¹¹ Jesu õ sehe ni yuhtire tinare:

—¿Musa yairo oveja Sabado jichu copapu to bora sãachu tirore na wioerabocari musa? Na wionahca musa. ¹² Oveja

yǎhdoro jira masuno sehe, Cohamacu to ñuchu. Ñ jiro Sabado jichu masunore yǎhdochu noa nina —ni yǎhtire Jesu tinare.

¹³ Ñ ni tuhsu, wamomaca buharirore õ sehe nire:

—Mu wamomacare siðrocaga —nire tiro.

To ã nichu buhariro sehe siðroca, noari wamomaca wahare. ¹⁴ Ti sori namu to ã yoachu ñu, fariseo curua macaina waha, ti basi õ sehe niha:

—¿Dohse yoa Jesure wajãnahcari mari? — niha tina ti basi.

Cohamacu yare yahu muhtariro panopu macariro Jesure yahuha

¹⁵ Jesu ti ã nire masino, waha wahare. To ã wahachu payu masa tirore nu nu tire. Ti ã nu nu tichu ñuno tiro sehe jipihina tina mehne macainare dohatiinare noaina wahachu yoare. ¹⁶ Ñ yoaro dohatiina cjirire tinare to yǎhdorire painare yahu dutierare tiro. ¹⁷ Ñ dohatiinare noaina wahachu yoaro Cohamacu yare yahu muhtariro Isaia cjiro panopu to ni joariro seheta yoaro nire Jesu. Õ sehe ni joaa tiha Isaia:

¹⁸ “Õ sehe nina Cohamacu:
‘Ahiro yu cahamacuno jira.

Tiro yu beseriro jira.

Tirore cahija.

Ñ jicu tiro mehne wahcheja.

Yu Espiriture tirore waihtja.

Ñ jiro yu tuua mehne jipihina masare yu buheare yahurohca tiro.

¹⁹ Ñ yahuro tiro ne purino mehne yahusi.

Ñ yoa niji siaroca yahuro jiro sañurucusi.

Tuhsu, maca macari mahai payu masa watoi tiro tuaro sañurucu yahusi.

²⁰ Wujucu o muquearucu sachu to nuhnuerachu yoaro seheta masa cuhare niji siaro dero yoarohca tiro.

Pjiroca juri pichacare to yaeraro seheta masa cuhare noano yoarohca tiro.

Ñta yoarucurohca tiro watinore to yǎhdurcahto pano.

²¹ Ñ jia payu masa tirore wacu tuaahca’, nina Cohamacu’,
ni joaa tiha Isaia.

“Jesu watino tuaare cjura”, ni yahusaha masa

(Mr 3.19-30; Lc 11.14-23; 12.10)

²² Cu dachoi watino to cohtotarirore masa na tare Jesu cahacu. Tiro sehe watino cjuaro durucu masierare. Tuhsu, capari ne ñerare. Ti ã na wihichu ñu, noariro wahachu yoare Jesu tirore. To ã yoachu watino to cohtotariro cjiro ñu, durucure.

²³ To ã wahachu ñu, masa ñu cuua wahare.

—¿Ahiro Davi cjiro panamino masare yǎhdohtiro jijari? —nire tina ti basi.

²⁴ Jesu watiare to cohãire tuhoa fariseo curua macaina õ sehe ni tuhoture:

—Beelzebú watia puhtoro to tuua mehne watiare cohãna Jesu —ni tuhoture tina.

²⁵ Ti ã ni tuhotuchu masino, Jesu quitu mehne piti dahre yahure tinare:

—Watino ya tuua mehne watiare cohãni niera. Cu yahpa macaina ti basi cahma wajãa, tí yahpa macaina yaria pihtia wahaboa. Cu maca macaina ti basi cahmachea tí maca macaina waha pihtia wahaboa. Cu wuhu macaina cuhu ãta wahaboa. ²⁶ Ñ jia Beelzebú watia puhtoro sehe watiare cohãno, tina watia ti basi cahmachea nibo. Ñ jia tina cuhu waha pihtia wahaboa. ²⁷ Õ sehe ni yahusana musa yahure: “Tiro Beelzebú yoadohoa mehne watiare cohãna”, ni yahusana musa. Musa mehne macaina cuhu watiare cohãna. ¿Watino to tuua mehne watiare cohãjari tina cuhu, musa ñuchu? Ñ cohãerara. Tíre masina musa. Yuhu cuhu watino tuua mehne watiare cohãeraja. ²⁸ Ñ jicu yuhu sehe watiare cohãcu Cohamacu to Espiritu tuua mehne tinare cohãja. Yu ã cohãchu ñuna õ sehe masiga musa: Cohamacu masa bui puhtoro ahri yahpapure ji tuhsura mipure.

²⁹ Õ seheta jira mari piti dahre buhechu: Tuariro ya wuhapu paio sãa su yaca masierara. Tuarirore duhteraro to ya wuhapu sãa su yaca masierara. Tirore to duhteri baharo sãa su yaca masina —ni yahure Jesu. (Ñ ni yahure watinore to yǎhdurcarire yahuro. Watino tuariro to jipachuta Jesu tirore yǎhdurcara watiare cohãno.)

Ñ ni tuhsu õ sehe ni yahu namore Jesu:

³⁰—Cũiro yũhũre cahmaeraro, yũhũre ñũ tuhtiriro jira. Cũiro yũhũre yoadohoeraro, yũhũre wapũ tichũ yoaro nina.

³¹ 'Ã jicũ mũsare potocã niita nija yũhũ. Jipihitia ñaare masa ti yoachũ ti durucuchũ cũhũre Cohamacũ bo masina. Ã boparota Espĩritu Santore ti ñano ni durucuchũ tí pi-nine ne bosì. ³² Yũhũre masũno Cohamacũ warocarirore yũhũre ti ñano ni durucurire bo masina Cohamacũ. Espĩritu Santo sehere ti ñano ni durucurire ne bosì Cohamacũ. Mipũre, pihtiri dacho baharopũ cũhũre ti ã niri cjirire bosì tiro —ni buhere Jesu tinare.

Masa ti durucuarẽ tũhona ti jia tiare masija mari

(Lc 6.43-45)

³³ Ã ni buhe tuhsũ, piti dahre buhero õ sehe ni yahu namore tinare:

—Noadũ yucũcũ noaare dicha tira. Ñaadũ yucũcũ ñaare dicha tira. Yucũcũ dichare masina “Tũ dichata jira”, ni masija mari. (Mari ã masino sehetã masa ti durucuarẽ tũhona ti jia tiare masija mari.) ³⁴ Agãa ñima tiina yoaro sehe ñaina jira mũsa. Mũsa ñaina jina, noaare ni masierara mũsa. Mari wacũapũ mari tũhoturiro sehetã mari dũseroi wijara. ³⁵ Noariro noaare tũhotura. Ã jiro noaare durucura. Ñariro ñaare tũhotura. Ã jiro ñaare durucura. ³⁶ Mũsare niita nija. Noano tũhotu durucuina jiga mũsa. Noano durucuerana, buhiri dahrehti dacho jichũ mũsa ã nimacanocarire Cohamacũre yahu yũhdũnahca. ³⁷ Quihõno mũsa durucurire masino “Noaina jira”, ninohca Cohamacũ. Tuhsũ, ñano mũsa durucurire masino “Ñaina jira”, ninohca tiro —nire Jesu tinare.

Masa ñaina Jesure Cohamacũ tuaa mehne yoa ño dutiha

(Mr 8.12; Lc 11.29-32)

³⁸ To ã niri baharo mari judio masare buheina, fariseo curua macaina cũhũ tirore õ sehe nire:

—Buheriro, Cohamacũ warocariro jicũ Cohamacũ tuaa mehne yoa ñoga sãre —nimare tina.

³⁹ Jesu õ sehe ni yũhtire:

—Mipũ macaina ñaina, Cohamacũre cahmaeraina Cohamacũ tuaa mehne yũ

yoa ñochũ ñũ duamana. Ti ã ñũ duapachuta Cohamacũ yare yahu mũhtarirore Jona cjiro panopũ macarirore Cohamacũ to tuaa mehne to yoari dihtare yoa ñonohca masare. ⁴⁰ Jona tia dacho waro pjiriro wahi pjaro puhichapũ jiha. To ã wahariro sehetã yũhũ cũhũ masũno Cohamacũ warocariro tia dacho waro masa copapũ jiihca. ⁴¹ Nĩnive macaina sehe Jona Cohamacũ yare to yahurire tũhoa ti ñaa yoarire cahya, Cohamacũ mehne macaina tjuaha. Ã tjuaina jia buhiri dahrehti dacho jichũ tina mipũ macainare ti ñaare tũhotumari cjirire duhuerainare “Ñaina jira”, ni yahusãahca. Jona cjiro tinare Cohamacũ yare to yahuchũ tũhoa noaare cahmaha tina sehe. Ã cahmaa noano yoaa niha mipũ macaina yũhdoro. Ã jia tina mipũ macainare “Ñaina jira”, ni yahusãahca. Mũsare niita nija. Mipũ mũsare yũ buhea Jona cjiro to buheri yũhdoro jira. ⁴² Ã yoa buhiri dahrehti dacho jichũ pũhtorocoro sur macaricoro panopũ macaricoro ducu, mipũ macainare “Ñaina jira”, ni yahusãanohca ticoro cũhũ. Ticoro Salomo panopũ macariro to masiare tũho duaro yoaropũ ahri yahpa pa buhũsehepũ jiricoro Salomore tũhoro taha. Ã yoaro noano yoaro niha mipũ macaina yũhdoro. Ã jiro ticoro “Ñaina jira”, ni yahusãanohca mipũ macainare. Mũsare niita nija. Mipũ mũsare yũ buhea to buheri yũhdoro jira —nire Jesu tinare.

Watĩno pari turi masũnore to sãari quitire yahuha Jesu

(Lc 11.24-26)

⁴³ Ã ni tuhsũ, pari turi Jesu to tũhotua mehne õ sehe ni piti dahre buhere tinare:

—Watĩno masũnore cohtotariro cjiro waha, tiro co marieni yahpai tini, to jihto cjihtore macamaha. ⁴⁴ Ã bocaeraro, õ sehe ni tũhotuha tiro. “Masũno yũ cohãiro cjiro mehnetã pari turi jii wahaihtja”, ni tũhotuha tiro. Ã ni tũhoturo tiro tjuaa waha, to cohãiro cjiroreta bocaaha. Ã to bocachũ masũno sehe noariro jimaha. ⁴⁵ Ã jiro watĩno paina siete watĩare to yũhdoro ñainare pjiro wahaha. To ã pjichũ

tina jipihtina tiro mehne jiha. Masuno sehe tó pano cãiro watino to cohtotariro jiro, ñariro jimaha. Mip̃ sehere paỹ watia ti cohtotariro jiro, tó pano to jiriro ỹhdoro ña ỹhdariro jiha. Mip̃ macaina Cohamac̃are masimarina tirore cohãa, tina cãh̃ ñaa ỹhd̃ina warota wahaahca —nire Jesu tinare.

*Jesu coyea tiro mehne s̃h̃du duaha
(Mr 3.31-35; Lc 8.19-21)*

⁴⁶ Masare to ã ni durucuro watoi to pocoro to bahana mehne sopacai ducu, tiro mehne s̃h̃du duare. ⁴⁷ ã jiro cãiro Jesure õ sehe ni yahure:

—M̃ poco m̃ bahana mehne sopacai ducura, m̃h̃re s̃h̃du duaa —nire.

⁴⁸ To ã nich̃ t̃horo tirore yahurire õ sehe nire Jesu tinare buhero taro:

—¿Noa jijari ỹ poco, ỹ bahana cãh̃, m̃sa ñ̃ch̃? —nire.

⁴⁹ ã nino, sãre to buheinare ñ̃ipuro, õ sehe nire:

—Ahrina jira ỹ poco ỹ bahana yoaro sehe jiina. ⁵⁰ Tina ỹ P̃c̃ m̃ano macariro to cahmaare yoara. Tó sehe yoaina ỹ bah̃, ỹ baho, ỹ poco yoaro seheta jira —nire Jesu tinare.

13

*Jesu wesere toari mas̃no quitire yahuha
(Mr 4.1-9; Lc 8.4-8)*

¹ Tí dachoihta Jesu w̃h̃i jiriro wijaare. Wijaa, b̃c̃parirop̃ waha, b̃c̃pariro d̃ht̃ cahai dujire. ² To ã dujich̃ ñ̃a paỹ masa tiro cahap̃ cahmachu wahpata ỹhd̃a, bihsaro yoare Jesure. ã bihsach̃ ñ̃no dohoriai samu, tiap̃ dujire tiro. Masa sehe pad̃roi ducure. ³ ã jiro paỹ to t̃hotua mehne piti dahre yahure tinare buhero taro. Õ sehe nire tiro:

—Toari mas̃no toaro, to toaa yaparire doca site c̃no wahaha. ⁴ To ã doca site c̃ wahcãch̃ paye yapari maha d̃ht̃ cahai bora caha s̃ha. ã bora caha s̃are tí yaparire minichahca duji ta, ch̃nocaha.

⁵ ã yoa paye yapari sehe tãa wapa buicã bora caha s̃ha. Tãa wapa buicã dihta mariea cureroi dóihta dumaha. ⁶ ã duri jipahta, s̃ to tuaro sich̃, nah̃cori mariaa, ñ̃aia wahaha. ⁷ Paye yapari sehe tja watoi

bora caha s̃ha. Tja sehe dia ỹhd̃a waha, toaa sehere wajãnocaha. ⁸ Paye yapari sehe noari yahpai bora caha s̃ha. Noano dua jia noano dicha tiha. Paye yuc̃ cien yapari, paye yuc̃ sesenta yapari, paye yuc̃ treinta yapari dicha tiha. ⁹ Ahrire t̃ho duaina noano t̃hoga m̃sa —nire Jesu.

*Jesu quiti mehne to buherire yahuha
(Mr 4.10-12; Lc 8.9-10)*

¹⁰ To ã niri baharo sã to buheina tiro cahai s̃, sinitui sã tirore:

—¿Ne, dohseac̃ masare quiti mehne piti dahre buhejari m̃h̃? —ni sinitui sã.

¹¹ Jesu õ sehe ni ỹhtire:

—M̃ano macariro masa bui p̃h̃oro masare to noano s̃ho jiare panop̃ macaina ti masierari cjirire m̃sare ỹ buheinare masich̃ yoara Cohamac̃. Paina sehere ã yoerara tiro. ¹² ã jiro masiinare masi namoch̃ yoarohca tiro. ã jia tina sehe noano masiahca. Masieraina sehe mahanocã ti masipach̃ta tina sehere masierach̃ yoarohca tiro. ¹³ ã jic̃ quiti mehne buheja. Õ sehe jira. Mip̃ macaina ñ̃pahta, ñ̃eraina cjiri yoaro sehe tjuara. ã jia t̃hopahta masierara. Tíre t̃hoeraina yoaro sehe jira tina. ¹⁴ ã jiina jia Isaia cjiro panop̃ macariro to ni joariro seheta yoara tina. Õ sehe ni joaa tiha:

“Õ sehe nina Cohamac̃: ‘Ỹ yare t̃honahca m̃sa.

ã t̃hopanahta, ne masisi m̃sa.

¹⁵ M̃sa dapu b̃tiina tjuara.

Tuhs̃, m̃sa cahmo coparire bihara m̃sa, “T̃hori”, nina.

M̃sa caparire wihmitjiahna m̃sa, “Ñ̃ri”, nina.

ã yoerana noano ñ̃na masiboa m̃sa.

ã yoa t̃hona, masiboa m̃sa.

M̃sa wac̃ap̃ noano masiboa.

ã masiina baro jina, m̃sa t̃hotumari cjirire t̃hotu cohtota, ỹh̃re macaboa.

M̃sa ã macach̃ ñ̃no, ỹh̃ sehe m̃sa buhiri tiare cohãboa’, nina Cohamac̃”,

ni joaha Isaia cjiro.

¹⁶ M̃sa sehe m̃sa capari mehne ñ̃na, masina. M̃sa cahmo mehne t̃hona,

masina. Ñ jina wahcheina jira m̄sa. ¹⁷ M̄sare niita nija. Mip̄ m̄sa ñ̄are m̄sa t̄hoare panop̄ macaina Cohamac̄ yaina cjiri tuaro ñ̄ duamaha. Cohamac̄ yare yahu m̄htaina cjiri c̄h̄ t̄re tuaro ñ̄ duamaha. Wiho mejeta ne ñ̄eraha. Mip̄ m̄sa t̄hoa c̄h̄re tuaro t̄ho duamaha tina. Ñ masi duapahta t̄re masieraha —ni yahure Jesu s̄are to buheinare.

Jesu wesere toari mas̄no quitire yahu pah̄noha

(Mr 4.13-20; Lc 8.11-15)

¹⁸ Baharo Jesu s̄are ò sehe ni yahu namore:

—T̄hoga m̄sa. Wesere toari mas̄no quitire m̄sare yahuihtja. Ȳh̄re t̄hona, noano masiga. ¹⁹ Doca site c̄a yapari noaa buhea yoaro sehe jira. Ñ jia maha d̄ht̄ cahai boraa yapari noaa buhea yoaro sehe jira. Masa noaa buheare t̄hopahta ne masierara. Noaa buheare masa t̄ t̄hoch̄ ñ̄no wat̄no sehe ta, t̄ buheare noaa buheare masi dutierara masare. Minichahca t̄ yaparire ti dota nariro seheta yoara wat̄no. ²⁰ Ñ yoa t̄a wapa buic̄a boraa yapari noaa buhea yoaro sehe jira. Ñ jia masa noaa buheare t̄ho, wahchea mehne d̄oihta t̄re t̄ho nana. ²¹ Ñ t̄ho napahta t̄a wapa buic̄a jia yuc̄ n̄hcori mariea yuc̄ yoaro seheta ahrina masa c̄h̄ tuaerara. Ñ tuaeraa ñ̄ano ȳhd̄a, ȳ yaina ti jiri buhiri paina tinare ti ñ̄ano yoach̄ ñ̄a ȳ ya sehere duhunocahna. Paina tinare ti ñ̄ano yoach̄ t̄re c̄no pjaeraa, ȳ yare duhunocahna. ²² Ñ yoa tja watoi boraa yapari noaa buhea yoaro sehe jira. Ñ jia masa noaa buheare t̄ho, ahri yahpa macaare pj̄ro cahya t̄hotua, niñerure cah̄na. Ti ñ̄ yoach̄ t̄ sehe noaa buheare d̄catara. Ti ñ̄ d̄catach̄ masa noaa sehere yoerara. ²³ Ñ yoa noari yahpai boraa yapari noaa buhea yoaro sehe jira. Masa noaa buheare t̄hoa, t̄re noano masina. Ñ masiina jia, Cohamac̄ to cahmano seheta noaare yoara tina. C̄ina pj̄ro noaare yoara cien yapari dicha tiro seheta. Paina doca curero noaare yoara sesenta yapari dicha tiro seheta. Paina mahanoc̄a noaare yoara treinta yapari dicha tiro seheta —ni yahure Jesu s̄are.

Trigo watoi tja diari quitire yahuha

²⁴ Ñ yoa pari turi to t̄hotua mehne piti dahre buhere Jesu:

—M̄ano macariro masa bui p̄htoro to s̄ho jiro ò sehe jira. Wese p̄ro to wese p̄ noaa yaparire to toariro seheta jira m̄ano macariro masa bui p̄htoro to s̄ho jiro. ²⁵ Wese p̄ro jipihtina tiro mehne macaina c̄h̄ ti car̄no watoi tirore ñ̄ tuhtiriro tara. Ñ taro trigore ti toariroi tjare toaha. Toa tuhs̄ wahaa wahaha. ²⁶ Baharo trigo duha. Ñ jiro ti dicha tia cahach̄ waro diaa wahaha. ²⁷ Ñ jia wese p̄rore dahra cohtaina tiro cahap̄ s̄, yahua: “¿P̄htoro, noaa yapari dihtare m̄ wesere m̄ toapach̄ta, dohse yoa tja c̄h̄ diajari t̄ wesere?”, niha tina. ²⁸ “Ȳh̄re ñ̄ tuhtiriro jia t̄ tjare toaro”, niha wese p̄ro. “¿Tjare s̄ curech̄ cahmajari m̄h̄?” nimaha tirore dahra cohtaina. ²⁹ “Tjare curena tjiga, tjare curemahna ‘Trigo sehere cureri’, nina. ³⁰ Trigo tja mehneta b̄c̄awahnosinijaro. Dicha ñ̄aini pja jich̄, trigo dicha nainare ò sehe nihtja: ‘Tjare cure m̄htaga. Tuhs̄ m̄sa curerire j̄ga. Baharo trigore pahaga. Paha pah̄no, t̄re ȳ wihbori w̄h̄p̄ c̄ga’, nihtja tinare”, niha wese p̄ro —nire Jesu, quti mehne yahuro.

Mostaza yapa quitire yahuha Jesu
(Mr 4.30-32; Lc 13.18-19)

³¹ Ñ yoa paye quti mehne s̄are ò sehe ni buhere tjoa:

—M̄ano macariro masa bui p̄htoro to s̄ho jiro mostaza yapac̄a yoaro sehe jira. T̄ yapac̄a mahabiari yapac̄a jira. ³² T̄ yapac̄are wesep̄ to toari baharo, noano dura. Ñ jiro pji cured̄ wahara. Ñ wahach̄ minichahca peri t̄ d̄p̄rip̄ suhti suhara. (Tó seheta m̄ano macarirore mari p̄htoro masiina mahainac̄a ti ji m̄htapach̄ta baharop̄ tina paȳ waahca) —ni yahure Jesu.

P̄o b̄c̄aro quitire yahuha Jesu
(Lc 13.20-21)

³³ Ñ yoa paye quti mehne s̄are ò sehe ni buhere tjoa:

—M̄ano macariro masa bui p̄htoro to s̄ho jiro p̄o b̄c̄aro yoaro sehe jira. T̄re

numino cã wajuru trigo pohcare co mehne noano tíre dahra morena pão bꝛꝛꝛahtore. To ã yoachꝛ pão bꝛꝛꝛaro sehe trigore noano sahserꝛꝛ sꝛra. (Tó seheta pão bꝛꝛꝛaro to sahserꝛꝛ sꝛro seheta mꝛano macarirore mari pꝛhtoroꝛe payꝛ masa jip-ihitiro macaina masiahca) —nire Jesu.

*Quiti mehne Jesu to buherire yahuha
(Mr 4.33-34)*

³⁴ Ahri jipihtiare buhero, quiti mehne yahure Jesu. Quiti marieno yahuerare tiro tinare. ³⁵ Āta yoare tiro Cohamacꝛ yare yahu mꝛhtariro cjiro to ni joariro seheta. Ō sehe ni joaa tiha panopꝛ:
“Quiti mehne yahuihtja.

Cohamacꝛ ahri yahpare to bajuamehneri baharo ne masare to yahuerari cjirore yahuihtja”,
ni joaa tiha Cohamacꝛ yare yahu mꝛhtariro cjiro.

Trigo watoi tja diari quitire yahu pahñoha

³⁶ Ā yoa masare coha siti, wꝛꝛꝛꝛꝛ sãa wahare Jesu. Ā jina sã to buheina tiro cahapꝛ sꝛ, sinitui sã:

—Trigo watoi tja diari quitire yahu pahñoga sãre —nii sã tirore.

³⁷ Jesu ō sehe ni yꝛhtire sãre:

—Wese pꝛro noaa yaparire toariro yoaro sehe jija yꝛꝛꝛ. Yꝛꝛꝛ masꝛno Cohamacꝛ warocariro jija. ³⁸ Wese sehe ahri yahpa yoaro sehe jira. Noaa yapari dua mꝛano macariro pꝛhtoro to sꝛho jiroꝛꝛ jihtina cjihti yoaro sehe jira. Tja sehe watĩno yaina yoaro sehe jira. ³⁹ Wese pꝛrore ñꝛ tuhtiriro tjare toariro watĩno yoaro sehe jira. Tí ñaini pja sehe pihtiri dacho yoaro sehe jira. Ā jia trigore naina anjoa yoaro sehe jira. ⁴⁰ Tjare ti cure jãriro seheta pihtiri dacho jichꝛ watĩno yainare, pichacapꝛ jũ cohãahca tinare. ⁴¹ Yꝛꝛꝛ masꝛno Cohamacꝛ warocariro yꝛ anjoare warocaihtja. Yꝛ ã warocachꝛ anjoa sehe ñaare yoa dutiinare, ñaare yoainare pꝛhtoro yꝛ sꝛho jiroꝛꝛe jimarinare na wioahca. ⁴² Na wio tuhsꝛ pichacapꝛ cohãahca tinare. Tóꝛꝛ tina tuaro tii, cahyaa mehne bahca dihoahca. ⁴³ Ā jia Cohamacꝛ yaina ti Pꝛꝛro pꝛhtoro to sꝛho jiroꝛꝛ

jiahca. Tóí jia, sã dacho macariro yoaro sehe noano buhriaahca tina. Ahrire noano tꝛhoga mꝛsa —ni yahure Jesu.

Noa yꝛhdꝛare to nꝛorire to bocari quitire yahuha

⁴⁴ Ā yoa paye quiti mehne ō sehe ni yahure tjoa:

—Mꝛano macariro masa bui pꝛhtoro to sꝛho jiro niñeru to nꝛori yoaro sehe jira. Masꝛno tíre wesepꝛ wacũeno boca, pari turi tíre nꝛo namona. Ā yoaro tuaro wahcheha tiro. Ā jiro to bocari cjirore nano taro, tí wesere nuchꝛ duaaha. Ā nuchꝛ duaro to yare dua pahño, tí wesere nuchꝛaha. Mꝛano macariro pꝛhtoro to sꝛho jiro to bocari cjiro yoaro sehe jiha. (To bocarire to cahma yꝛhdꝛariro seheta mꝛano macarirore masa bui pꝛhtoro noano ti masini baharo masa tuaro cahmana tirore) —ni yahure Jesu.

Wapa bꝛjꝛi yapa quitire yahuha

⁴⁵ Ā yoa paye quiti mehne ō sehe ni yahure tjoa:

—Mꝛano macariro masa bui pꝛhtoro to sꝛho jiro wapa bꝛjꝛa yaparire perla wama tia yaparire nuchꝛiro yoaro sehe jira. ⁴⁶ Tí yaparire macano noa yꝛhdꝛi yapare bocaaha. Ā bocaro, tí yapare nuchꝛ duaro, jipihtia to yare dua pahñono wahaha. Ā dua tuhsꝛ tí yapare wapa bꝛjꝛi yapare nuchꝛra. (Tí yapare tuaro to cahmariro seheta mꝛano macarirore masa bui pꝛhtoro noano ti masini baharo masa tuaro cahmana tirore) —nire Jesu.

Wañꝛno quitire yahuha

⁴⁷ Ā yoa paye quiti mehne Jesu ō sehe ni yahure tjoa:

—Mꝛano macariro masa bui pꝛhtoro to sꝛho jiro wañꝛno ti docañodꝛ yoaro sehe jira. Tꝛ wañꝛno mehne payꝛ wahi soro jĩinare ñahana. ⁴⁸ Tꝛ to wahpaa wahachꝛ wahi wajãina sehe tꝛe padꝛopꝛ waja maja, noaina wahire besera. Noainare ti pꝛꝛꝛsepꝛ bese sãana. Ñaina wahire cohãnocahna. ⁴⁹ Pihtiri dacho jichꝛ ō sehe jirohca. Anjoa sehe masare beseahca. Ñainare na wioahca noaina cahapꝛ jimarinare. ⁵⁰ Na wio, tinare pichacapꝛ

cohãahca. Tóí tina tii, tuaro cahyaa mehne bahca dihoahca ñaina sehe —ni yahure Jesu.

Muna buheare, wahma buhea cãhare yahuha

⁵¹ To ã ni yahuri baharo tiro õ sehe ni siniture sãre:

—¿Ahri jipihtiare tãhojari mûsa? —ni siniture tiro.

—Tãhoja sã —ni yãhtii sã.

⁵² Sã ã nichu tiro yahure sãre:

—Judio masare buheina mûano macariro masa bui pãhtoro to sũho jirore buhea, pãaro buheare yahura. (Panopu ti buhea cãhare mipu ti buhea cãhare yahura.) Tina, Judio masare buheina wãhu pãro yoaro sehe jira. Tiro to wãhãi jiare noare na wioro, wahmaare, mûnaa cãhare na wiora tiro —nire Jesu sãre.

Jesu Nazarepu wahaha

(Mr 6.1-6; Lc 4.16-30)

⁵³ Tí quitire to buheri baharo, wahai sã tiro mehne. ⁵⁴ Waha, to bũcãari macarpu sãhi. Tóru sũ, judio masa mari buhea wãhãsepu buhere tiro. To ã buhechu tãhoa, tãho cãaa wahare tina.

—Cuenah, ¿ahriro nohopu tãhoari ahri buheare? ¿Dohsearo noano masi pahãojari ahriro? Cohamacu tuaa mehne yoa ñona tiro to basi. ⁵⁵ Ahriro taboa dahrari masũno macũno jimanaro. Æ yoa to pocoro María jimanaro. Æ yoa Santiago, José, Simo, Juda, to bahana jimanabu. ⁵⁶ Mipure to bahana numia ahri macai jira. Æ jiro tiro mari yoaro sehe jiriro tjira. ¿Æ jiparota nohopu tãhoari tiro ahri buheare? —ni durucure tina ti basi.

⁵⁷ Æ jia tina tirore cahmaerare. Ti ã cahmaerachu ñũno õ sehe nire Jesu tinare:

—Cohamacu yare yahu mãhtarirore paina ño payora. Ti ã ño payopachuta to ya maca macaina, to coyera tirore ño payoerara. Æ jina yãhure ño payoerara mûsa õi yu bũcãariro jichu —nire tiro tinare.

⁵⁸ Æ jiro tirore ti wacũ tuaerachu ñũno “Cohamacu macũno jira”, ti ni duaerachu ñũno, tí macai Cohamacu tuaa mehne payu tahari yoa ñoerare Jesu.

14

João bautisariro cjiro to yariarire yahuha

(Mr 6.14-29; Lc 9.7-9)

¹ Tí pjare Herode Galilea macariro pãhtoro Jesu to yoarire tãhorocaha. ² Æ tãhoro õ sehe nimaha:

—João masare bautisariro yariariro cjiro pari turi bajuaro nica. Æ jiro mipure to bajuari baharo ahri tuaare cãara tiro bajuamehneare yoaro —nimaha Herode to cahamacare. (Jesure “Joãota jira”, ni tãhotumaha tiro Joãore ti wajãri baharo.)

³⁻⁵ Joãore to wajã dutihtoro pano Herode to bahuro Felipe namonore namo tiha. To ã yoachu ñũno João bautisariro Herode sehere õ sehe nia timaha:

—Mu bahu namonore namo ticu Cohamacu dutiare yãhdũrcãi nina mũhu —nia timaha João.

To ã niri buhiri Herode tirore wajã duamaha. “‘João Cohamacu yare yahu mãhtariro jira’, ni tãhotura judio masa” nino, tina sehere cuiha Herode. “Joãore yu wajãchu tina suaboca” nino, tinare cuiha. Æ cuiro Joãore wajã duaeramaha. Æ wajã duaeraparota Herode tirore ñaha dãhte duti, peresu yoaha. To namono Herodia to dutiro mehne Æ yoaha. ⁶ Æ yoa Herode to masa bajuari dacho jichu bose numu yoaha tiro. Tóí Herodia macono bose numu wihiina ti ñũrocaroi basa ñoha. To ã basa ñochu ñũno Herode wahcheha. Æ wahchero ticorore õ sehe niha:

⁷ —Cohamacu mehne potocã niita nija. Yãhure mu sinino purota waihtja yãhu mãhure —niha juna Herode sehe Herodia maconore.

⁸ To ã nichu tãhoro Herodia to maconore to sinihtore yahuha ticorore. To ã yahuchu to macono sehe õ sehe ni siniha Herodere:

—João masare bautisariro dapure cã ta dutiga. Æ yoacu waparo mehne tí dapure waga yãhure —niha ticoro.

⁹ To ã nichu tãhoro Herode tuaro cahyaha. Masa ti ñũrocaroi “Waihtja mãhure”, niha tiro. Æ jiro tiro buo tiro “Mũhure to dapure waeraja”, ni masieraha ticorore. Æ jiro ticoro to dutiriro seheta Herode sehe to cahamacare Joãore wajã dutiha. ¹⁰ João dapure cã taroca dutiha

juna. ¹¹ Ñ cã ta tuhsu, waparo mehne to dapure na taha tina. Herodia maconore to dapure ti wachu, ticoro sehe to pocorore yuhdoha tjoa.

¹² Ti ã yoari baharo João buheina ta, to pjacure masa coparu na cüha. Ñ cü tuhsu, tina tíre Jesure yahua tare.

*Cinco mil bui masare chua waha Jesu
(Mr 6.30-44; Lc 9.10-17; Jn 6.1-14)*

¹³ Ti ã ni yahuchu tuhoro, Jesu sã mehne dohoriai samu, masa marienopu suho wahare. Jesu tópu to wahachu tuhóa, masa ti ya macaripu jirina ta, mahapu tirore nunu ti wahcãre. ¹⁴ Tuhsu, sã wahã suri baharo tiro payu masare ñuno, pja ñure tinare. Ñ pja ñuno tina mehne macaina dohatiinare noaina wahachu yoare. ¹⁵ Ñamichahapu sã to buheina tirore õ sehe nii:

—Ñamichahapu jira. Ñ masa marienopu jira. Ñ jicu macaripu masare ti chũhtire nuchu dutiga ti puhĩ tihĩ cjihtire —nimai sã tirore.

¹⁶ Jesu yũhtire sãre:

—Wahaea tjjaro tina. Mũsa basita chũare waga tinare —nire sãre.

¹⁷ —Cũ wamomaca pihtia pão curi, puaro wahi mehne jira sãre. Tí dihtare cjuaja sã —ni yũhtii sã.

¹⁸ —Tíre yũhure na tahga mũsa —nire sãre.

¹⁹ To ã nichu tuhona na wahcãhi sã to cahai. Sã na suri baharo tja bui masare tiro duji dutire juna. Ti dujichu cinco pão curire, puaro wahire na, mũanopu ñu mũo, Cohamacure “Noana”, nire. Ñ ninota pão curire nuha, sãre to buheinare ware. To ã wachu sã sehe tíre masare witii. ²⁰ Ñ jia jipihitina noano chu, yapi yuhduwa wahare. Ti yapi wahyorire doce puhuse waro na cahmachu, wahpo dapoi sã to buheina. ²¹ Tó tíre chũrina mũa dihtare mari quihõchu cinco mil mũa jire. Numia, macanacã cãhu jire.

*Jesu co bui ducu wahcãha
(Mr 6.45-52; Jn 6.16-21)*

²² Baharo sãre to buheinare Jesu bucupariro pa buhusehe coparu pahãyu dutire masare to coha sitiro watoi. ²³ Coha siti tuhsu, tũcupu mũja, Cohamacure sinino

wahaha. Ñamine tóti tiro cãirota jiha. ²⁴ Tí pjaihta bucupariro dacho macai dohoria mehne pahãrucuna nimai sã. Wihnono tuaro ta, pahcõri bujua wahcã, dohoriare cã sãare. ²⁵ Wihnono tuaro to wãchu bohrea mũja tahto pano Jesu co bui ducu tare sã cahapu juna. ²⁶ Sã cahapu to tachu ñuna cui nii sã. Ñ cuina sañurucumai sã:
—Yariariro cjiro pjacu jira —ni sañurucumai sã.

²⁷ Sã ã cuichu ñuno Jesu õ sehe nire:

—Ne yũhure ñu cãaena tjiga. Yũhuta jija —nire sãre.

²⁸ To ã nichu tuhoro Pedro õ sehe nire tirore:

—Puhtoro, potocãta mũhuta jicu, co bui yũhure mũ cahapu ducu wahcã dutiga —nire tiro.

²⁹ —Taga —ni yũhtire tiro sehe.

To ã nichu Pedro dohoriapu jiriro co bui ducu su Jesu cahapu ducu wahcãmare.

³⁰ Wihnono tuaro to tachu ñuno cuire tiro. Ñ cuiro diha boraa wahamare.

—Yũhure yoadohoga puhtoro —ni sañurucure tiro Jesure.

³¹ To ã nichuta to wamomacare ñaha:

—Mahanocã wacũ tuara mũhu yũhure. ¿Dohseacu yũhure wacũ tuaerajari mũhu? —nire tiro Pedrore.

³² To ã niri baharo dohoriapu samu tare tina. Ti ã samu tari baharo wihnono yusu borare. ³³ Ñ jina sã to buheina dohoriapu jiina na tuhucua caha su, Jesure ño payoi:

—Potocãta mũhu Cohamacu macanota jira —nii sã tirore.

Genesare macaina dohatiinare yuhdoha Jesu

(Mr 6.53-56)

³⁴ Ñ yoarina cjiri pahã, Genesare wama tiri yahpamu sui. ³⁵ Tó macaina Jesure ñu masire. Ñ masia tó cahai jiiinare Jesu to wihirire yahu site pahõre. Ñ ti yahu sitechu tuhoina payu dohatiinare tiro cahapu na tare.

³⁶ —Mũ suhtiro dũhtu caha dihtare sãre ñaha ñu dutiga —ni sinire tina Jesure. Ñ jia to suhtirore ñaha ñuinape tópeinata noaina wahare.

15

*Masa ñaina wahachu yoare yahuha Jesu
(Mr 7.1-23)*

¹ Ñ yoa Jerusalē macaina, fariseo curua macaina, marine judio masare buheina mehne Jesu cahapũ wihia, õ sehe ni siniture tirore:

² —¿Dohse yoa mari ñũchũsuma cjiripũ ti yoa dutiriro seheta yoaerajari mũ buheina sehe? Tina ti chũhto pano ti dutiriro seheta wamo cosaerara —nire tina Jesure.

³ Jesu õ sehe ni yũhtire tinare:

—¿Mũsa sehe dohse yoana Cohamacũ dutia sehere yoaerajari mũsa? ¿Dohse yoana mari ñũchũsuma cjiri panopũ macaina ya dutia dihtare yoajari mũsa sehe? ⁴ Õ sehe nina Cohamacũ: “Mũsa pũcũsumare ño payoga”, nina. “Cũiro to pũcũsumare ñaare quiti dahreriro jiro tí buhiri paina ti wajãhtiro cjihto jirohca”, nina Cohamacũ. ⁵ To ã nipachũta õ sehe ni dutira mũsa sehe ti pũcũsumare yoadoho dutierana: Ti pũcũsumare ti waborire Cohamacũ sehere wa dutira mũsa. Ñ ni buhe mana mũsa. ⁶ Ñ buhena ti pũcũsumare ño payochũ yoaerara mũsa. Mũsa ã yoana Cohamacũ dutiare yũhdũrucana nina mũsa, mari ñũchũsuma cjiri panopũ macaina ya dutia dihtare yoana. ⁷ Masa ti baharo buhũsehei ñano yoa cohtaina jira mũsa. Cohamacũ yare yahu mũhtariro Isaia cjiro mũsare potocãta yahu joaa tiha panopũre:

⁸ “Ahrina masa yũhũre noano durucupahta ti tũhotuare yũhũre ne ño payoerara.

⁹ Ñ jia yũhũre ti ño payoa ne yaba cjihti jierara.

‘Cohamacũ ya dutia jira ahri’, ni mahño buhera ti ya buhea sehere”, ni joaa tiha Isaia cjiro —nire Jesu fariseo curua macainare, mari coyea judio masare buheina cũhũre.

¹⁰ Ñ ni tuhsũ to cahapũ paina cũhũre pjiroca, õ sehe nire:

¹¹ —Yũhũre tũhona taga. Tuhsũ, yũ niare noano tũho ñahaga mũsa. Mũsa dũserihi sãa sehe mũsa chũa sehe mũsare buhiri tichũ yoaerara. Mũsa ñaa durucua sehe mũsa dũseri wijaa sehe mũsare buhiri tichũ yoara —nire Jesu.

¹² To ã ni buheri baharo sã to buheina sehe tirore yahui:

—Mũ ã nichũ tũhoa fariseo curua macaina suaa nire —ni yahui sã tirore.

¹³ Tíre tũhoro, õ sehe ni yũhtire sãre:

—Tina fariseo curua macaina toaa yucũ yoaro sehe jira. Yũ Pũcũ mũano macariro jipihtia toaa yucũre to toaerari cjirire nũhcori mehneta cure, cohãnohca. Ñta yoaerohca tinare. ¹⁴ Tinare ã ñũnocahga mũsa. Tina capari ñũeraina ti ñũ masieraro seheta ne Cohamacũ yare masierara. Ñ jia pichacapũ wahaahca. Ñ masierapahta paina masierainare buhe duamana. Ñ jia tina, ti buheina cũhũ soro jia buheare cahmaahca, capari ñũeraina painare tũã wahcã, jipihtina copapũ ti borariro seheta —nire Jesu.

¹⁵ To ã nichũ tũhoro Pedro õ sehe nire:

—Ahri quitire masa ti dũseri wijaa quitire yahu namoga sãre tjoa —nire tiro Jesure.

¹⁶ Jesu õ sehe ni yũhtire:

—¿Ne, tũhoerasinijari mũsa? ¹⁷ Masa ti chũare chũchũ tí ti dũseroi sãahna. Ñ jia ti pjaropũ sãa sũ, yũhdũ wijaa wahara. Wiho waro jira. Mari chũa marine buhiri tichũ yoaerara, Cohamacũ to ñũchũ. ¿Ahrire masierajari mũsa? ¹⁸ Masa ti dũseroi wijaa, ti durucua sehe ti tũhotuapũ tara. Ti durucua sehe ñaa jia masare buhiri tichũ yoara.

¹⁹ Ñaa tũhotua, masare wajãa, pairo namono mehne ñano yoaa, ñano yoaa numia mehne ñano yoaa, yacaa, mahñoa, masare ñano quiti dahrea masa ti tũhotuapũ tara.

²⁰ Tí ñaa sehe masare buhiri tichũ yoara. Wiho mejeta mari ñũchũsuma cjiri ti yoaa tiri cjiro seheta masa wamo cosaerapahta ti chũchũ tí masare buhiri tichũ yoaerara —nire Jesu.

Judio masono jieraricoro Jesure wacũ tuaha

(Mr 7.24-30)

²¹ Ñ ni buhe tuhsũ, sãre sũho wahare tjoa. Tiro wama tiri maca cahapũ Sidõ wama tiri maca cahapũ sui sã. ²² Sã tópu sũchũ Canaa yahpa macaricoro tói jiricoro Jesu cahapũ wihiro, sañurucure:

—Pũhtoro, Davi panamino masare yũhdũchũ yoah tiro, yũhũre pja ñũga mũhũ. Yũ macore yũhdũchũ yoabasaga mũhũ. Yũ maco watĩno to cohtotaricoro, ñabiario yũhdũra ticoro —ni sañurucure to pocoro.

²³ To ã nipachuta Jesu ticorore yuhtierare. To ã yoachũ ñũna sã to buheina sehe tirore õ sehe nimai:

—Waha dutiga ticorore. Nu cariboro bisica —nimai sã.

²⁴ Sã ã nichũ tuhoro Jesu õ sehe ni yuhtire ticorore:

—Israe masare Cohamacũre masieraina dihtare yoadoho dutiro warocare yũ Pũcũ yũhũre —nire tiro.

²⁵ To ã nipachuta Jesu dahpori cahai na tuhcuca caha sũre ticoro tirore ño payoro.

—Pũthoro, yoadohoga yũhũre —nire ticoro.

²⁶ Jesu õ sehe ni yuhtire ticorore:

—Õ sehe jira ahri: Wahmanore wũhũ pũro pohna ya chũare dieyacãre yũ wa mũhtachũ tó wahaerara. (Israe masa yare pa yahpa macainare yũ wa mũhtachũ tó wahaerara) —nire Jesu ticorore piti dahre yahuro.

²⁷ —Ã tjira pũthoro. Ã jipachuta dieyacã cũhũ wũhũ pũro mesa docai ti chũ site boroare chũ cohtara tinacã cũhũ. (Pa yahpa macaricoro yũ jipachuta yũhũ cũhũre yoadoho masina mũhũ) —ni yuhtire ticoro.

²⁸ To ã nichũ tiro õ sehe ni yuhtire:

—Ne numino, mũhũ yũhũre tuaro wacũ tuara. Mũ cahmano seheta ã waharohca —nire Jesu ticorore.

To ã nichũta dóihta noaricoro wahare to macono.

Payũ dohatiinare noaina wahachũ yoaha Jesu

²⁹ Æ ni tuhsũ sãre sũho waha, Galilea wama tiri bũcũpariro dũhtũ cahapũ sũho sũre tjoa. Sũ, mahadũcã tũcũre mũja, tũ buipũ dujire. ³⁰ Tóí to jichũ payũ masa tini masierainare, capari ñũerainare, cũ bũhũsehe ñano dahporo tiinare, durucu masierainare, payũ paina dohatiinare tiro cahapũ na wihire masa. Na wihi tuhsũ Jesu dahpori cahai duhu cũre tina. Ti Æ duhu cũri baharo noaina wahachũ yoare Jesu tinare. ³¹ To ã yoachũ ñũna masa ñũ cũaa wahare. Durucu masieraina ti durucuchũ ñũna, cũ bũhũsehe ñano dahporo tiina noaina ti wahachũ ñũna, tini masieraina ti tinichũ ñũna, capari ñũeraina ti ñũchũ ñũna, cũaa wahare tina. Æ jia õ sehe nire:

—Israe masa mari pũthoro, Cohamacũ tuariro, noariro jira —ni ño payore tina Cohamacũre.

Cuatro mil masare chũare waha Jesu

(Mr 8.1-10)

³² To ã yoari baharo Jesu sãre to buheinare to cahapũ pjiroca, õ sehe nire:

—Ahrina masa yũhũ mehne tia dacho waro ji tuhsũra. Æ yoa tinare ti puhĩ mari-ahna. Ti puhĩ mariachũ ñũcũ tinare pja ñũja. “Tinapũ jũca baaina, mahai borari”, nicũ tinare chũa marieno ti wũhũsepũ waha duti duaeraja. Æ jicũ tinare puhĩ wa duaja —nire tiro.

³³ To ã nichũ sã to buheina tirore sinitu ñũi:

—¿Dohse yoa mari õre masa marienopũre pãore boca wabocari mari? —nii sã tirore.

³⁴ —¿Nohope curi pão curire cjuajari mũsa? —nire Jesu.

—Siete curi, wahi cũhũre mahainacã cjuaja —ni yuhtii sã.

³⁵ Sã ã nichũ tiro masare yahpai duji dutire. ³⁶ Tuhsũ siete pão curire, wahicã cũhũre na, Cohamacũre “Noana”, nire. Æ ninota pão curire nuha, sãre to buheinare ware. Æ jina sã sehe tí chũare masare witii. ³⁷ Æ jia masa tíre chũ, yapi yũhdũa wahare. Ti yapi wahyorire siete pũhũse waro wahpo dapoi sã. ³⁸ Tóí chũrinare mũa dihtare mari quihõchũ cuatro mil waro mũa jire. Numia, macanacã cũhũ jire. ³⁹ Ti Æ chũ tuhsũchũ Jesu masare waha dutire. Æ ni tuhsũ dohoriapũ samu, Magadán wama tiri yahparũ sãre sũho sũre.

16

Fariseo curua macaina, saduceo curua macaina cũhũ Cohamacũ tuaa mehne Jesu to yoa ñochũ ñũ duamaha

(Mr 8.11-13; Lc 12.54-56)

¹ Æ yoa fariseo curua macaina, saduceo curua macaina mehne Jesu cahapũ wihire. To ñano yoachũ ñũ duamare tirore yahusã duaa. Æ jia tina tirore Cohamacũ tuaa mehne yoa ño dutimare to masierachũ ñũ duaa, “Cohamacũ warocariro jierara”, nia taa. ² Ti Æ yoa dutichũ Jesu õ sehe ni yuhtire tinare:

—Ñamichahap̄ sũ sãach̄ to noano sohãch̄ ñ̄na “Noari ñami jirohca”, nina m̄sa. ³ Tuhs̄, bohrearo ñichuri dacho to jich̄ ñ̄na “Coro tarohca”, nina m̄sa. Æ noano masiina jipanahta Cohamac̄ tuaa mehne m̄sare ȳ yoa ñoch̄ ñ̄panahta ne tíre noano masierara m̄sa. ⁴ Mip̄ macaina ña ȳhd̄ina Cohamac̄re cahmaeraina Cohamac̄ tuaa mehne ȳ yoa ñoch̄ ñ̄ duamana. Yoa ñosi ȳh̄. Cohamac̄ yare yahu m̄htariro cjiro Jona cjiro to dohse waharirore masi tuhs̄re m̄sa. Tí dihtare ñoihtja m̄sare —ni ȳhtire Jesu.

Æ ni yahu tuhs̄ s̄ho wahaa wahare tjoa.

Fariseo curua macaina, saduceo curua macaina ti ñaa buheare yahuha Jesu
(Mr 8.14-21)

⁵ B̄c̄parirore sã pahãna, pãore bo pahã tari jikti sã. ⁶ Æ jiro Jesu sãre õ sehe ni yahure:

—Noano yoanohb̄. Fariseo curua macaina, saduceo curua macaina ti pão b̄c̄arore ñ̄na noano yoaga. Cua nina tí —ni yahure.

⁷ To ã nich̄ t̄hona t̄ho wisia wahana, sã basi tíre õ sehe ni durucui:

—Mari pãore mari na taerach̄ ñ̄no ã nip̄c̄ tiro —nimai sã, sã basi.

⁸ Sã ã nirire masino, sãre õ sehe ni siniture:

—¿Dohse yoana pão sehere wac̄jari m̄sa? Mahanocã waro ȳh̄re wac̄ tuara m̄sa. ⁹ ¿Masierasinjari m̄sa? ¿Cinco mil m̄are cinco pão curire ȳ nuha warire numia c̄h̄re ȳ warire wac̄erajari m̄sa? ¿Ti yapi wahyorire doce p̄h̄se waro m̄sa wahpo daporire wac̄erajari m̄sa?

¹⁰ ¿Ã jic̄ siete pão curire nuha, cuatro mil m̄are ȳ warire numia c̄h̄re ȳ warire wac̄erajari m̄sa? ¿Nohope p̄h̄se waro m̄sa wahpo daporire wac̄erajari m̄sa? ¹¹ ¿Ã jina pão b̄c̄arore ȳ yahuch̄ dohse yoana noano t̄hoerari m̄sa? Æ nic̄ pão warore nic̄ nieraja. Fariseo curua macaina, saduceo curua macaina ti pão b̄c̄arore ñ̄na noano yoaga. Cua nina tí —ni yahure sãre tiro.

¹² To ã ni yahuch̄p̄ sã masii. “Pão b̄c̄aro” nino, pão warore nino nierare. Æ

nino fariseo curua macaina, saduceo curua macaina ti buheare nino niri jimare sãre. “Ti ya buheare t̄hoena tjiga”, nino nire.

Jesu potocã Cristo to jiare Cohamac̄ warocariro to jiare yahuha Pedro
(Mr 8.27-30; Lc 9.18-21)

¹³ Æ yoa Jesu mehne wahana, Cesarea Filipino wama tiri maca cahai jia macarip̄ s̄i sã. Tuhs̄, macap̄ sã s̄ri baharo Jesu sãre to buheinare siniture:

—¿Diro baro jicari ȳh̄ masa ȳh̄re ti t̄hotuch̄? —ni siniture tiro.

¹⁴ —“João masare bautisariro jira”, nina m̄h̄re. Paina “Elia jira”, nina. Æ yoa paina sehe tjoa, “Jeremía jiboca o paio Cohamac̄ yare yahu m̄htariro cjiro jiboca”, nina —ni ȳhtii sã tirore.

¹⁵ —¿M̄sa sehe m̄sa t̄hotuch̄ diro baro jicari ȳh̄? —ni sinitu ñ̄re tjoa.

¹⁶ Simo Pedro õ sehe ni ȳhtire:

—M̄h̄ Cristo Cohamac̄ warocariro jira. Cohamac̄ catiriro waro mac̄nota jira m̄h̄ —ni ȳhtire Simo Pedro.

¹⁷ To ã nich̄ t̄horo Jesu tirore õ sehe nire:

—Simo Jona mac̄no m̄h̄ wahcheriro jira. Æ sehe ni ȳh̄re m̄ ȳhtich̄ masa ti ni yahuri jierara. Ȳ P̄c̄ m̄ano macariro sehe tíre m̄h̄re masich̄ yoare. ¹⁸ M̄h̄re niita nija. M̄h̄ Pedro wama tiri jira. (Pedro nino, “tãca”, nino nina.) Ahri tãa wapa bui pjiri w̄h̄re ȳ yoaboriro seheta ȳ yaina sehere pjiri curua jich̄ yoaihca ȳh̄. Æ jia wat̄no to yaina mehne ne ȳ yainare ȳhd̄r̄cas̄i. Æ jia ȳ yaina ne pichacap̄ wahasi. ¹⁹ M̄ano macariro mari p̄htoro to s̄ho jiro macari sawire m̄h̄re waihtja. Æ jic̄ ahri yahpare ñaare m̄ yoa dutierach̄ m̄anop̄ c̄h̄re yoa dutisi. Ahri yahpare noaare m̄ yoa dutich̄ m̄anop̄ c̄h̄re yoa dutia jiahca —nire Jesu.

²⁰ To ã niri baharo sãre to buheinare õ sehe nire:

—Ȳh̄re “Cristo jira tiro”, ni yahu sitesiniena tjiga painare —ni dutire sãre.

Jesu to yariahtore, to masa wijahto c̄h̄re yahuha
(Mr 8.31–9.1; Lc 9.22-27)

21 Tí pjata Jesu sãre to buheinare noano yahu pahño dũcare:

—Jerusalẽpũ yũhũre waharo cahmana mipũre. Tõpũ mari coyea judio masa bũcũna, sacerdotea pũhto, marine judio masare buheina cãhũ yũhũre ñano yoaahca. Yũhũre wajãahca. Āta ñano yũhdũro cahmana yũhũre. Ā jicũ tia dacho wahaboroi masa wijaaĩhca —ni yahure sãre tiro. 22 To ã nichũ tũhoro Pedro sehe pa sehe curerocã Jesure narũcũ sũ, tirore õ sehe nire:

—Pũhtoro, mũ nino sehe ã wahaero tji-jaro. Mũhũre tina wajãea tji-jaro —nimare tiro Jesure.

23 To ã nichũ tũhoro Jesu majarerũca, tirore õ sehe nire:

—Satana yoaro sehe durucui nina mũhũ. Ā nii tjiga. Mũ tũhotua masa ya jira. Cohamacũ ya jierara. Ā jicũ yũ yoahatore dũcata duara mũhũ —nire Jesu Pedrose.

24 To ã niri baharo sãre yahure:

—Cãiro yũ yairo ji duaro, to cahmano yoa duamarine duhunocanohca. Crusapũ yũ ñano yũhdũhtiro seheta yũ yairo to jiri buhiri ñano yũhdũparota yũhũre duhusi. Ā jiro yũ yare yoarucuriro jirohca. 25 Masũno yũhũre wacũno marieno to mũ sũro to cahmano seheta yoariro pichacapũ waharohca. Tuhsũ, masũno yũ yare ã yoarucuriro jipihtia dachoripe yũhũ mehne mũanopũ jirucurohca tiro. 26 ¿Cãiro masũno ahri yahpa macaare jipihtiare cjũariro Cohamacũre cahmaeraro pichacapũ waharo, yabare wapatajari tiro? Ā jiro ne wapataerara. Pichacapũ to wahachũ ne dohse wapa wiohto basioerara. 27 Yũhũ masũno Cohamacũ warocariro yũ yaina anjoa mehne ahri yahpapũ tjua tacũ yũ Pũcũ to si sitea mehne tjua tacũ jipihtina masare ti ñaa yoari buhiri buhiri dahreih̄tja. Noaa sehere ti yoachũ noano yoaihtja tinare. 28 Potocã mũsare yahuihtja. Cãina mũsa õpũre jiina mũsa yariahto pano yũhũre yũ tachũ yũ pũhto sãachũ cãhũre ñũnahca —ni yahure Jesu.

17

*Jesu to pjacũre cohtotaha
(Mr 9.2-13; Lc 9.28-36)*

1 Ā yoa seis dachori baharo Jesu Pedrose, Santiagore to bahũro João cãhũre mũadũ tũcũpũ tina dihtare pji mũjare. 2 Mũanopũ ti sũri baharo ti ñũrocaroi to pjacũre cohtotaha. To wũhdũũ sũ dacho macariro yoaro sehe si siteha. Tuhsũ, to suhtiro buhriaro yoaro seheta yehsea tiha. 3 To ã cohtotachũ Jesu Moise cjiro, Elia cjiro mehne ti sũhũdũchũ ñũha tina tiaro Jesu buheina.

4 Ā jiro Pedro Jesure õ sehe nimaha:

—Pũhtoro, mari õi jichũ noa duara. Mũ cahmachũ tia wũhũcã yoaihtja. Mũ ya wũhũcã, Moise ya wũhũcã, Elia ya wũhũcã yoaihtja —nimaha tiro.

5 To ã nino watoi me curua noano si sitea me ti bui duji pja wihiha. To ã duji pja wihihũta, me curua watoi õ sehe nino coa taha:

—Ahriro yũ macũ yũ cahĩriro jira. Tiro mehne wahcheja. Tirore tũhoga —nino coa taha.

6 Ā nino coa tachũ tũhoa to buheina cũaa waha, yahpai doca caha sũha. 7 Ti ã wahari baharo Jesu tina cahapũ sũ, tinare bũa carerota, õ sehe niha:

—Wahcãrucaga mũsa. Mipũre mũsa ñũrire, mũsa tũhori cãhũre cuiena tjiga —niha tiro tinare.

8 To ã nichũ tina ñũroca, Jesu dihtare ñũha. Ti ñũrina cjiri sehe marieraha jũna.

9 Ā jia tũcũpũ ti duji tachũ Jesu tinare tuaro mehne õ sehe niha:

—Michapucacã yũ ã waharire painare yahuena tjiga. Yũhũ masũno Cohamacũ warocariro yũ yaria masa wijaaari baharo tíre painare yahuga mũsa —niha Jesu.

10 To ã niri baharo Pedro cãhũ tirore õ sehe ni sinituha:

—“Cristo masare yũhdohtiro to tahto pano Eliare ta mũhtano cahmana”, nina marine judio masa buheina. ¿Dohse jiro baro ã nijari tina? —ni sinituha tina tirore.

11 Jesu õ sehe ni yũhtiha:

—Potocã tjira. Eliare ta mũhta dutire Cohamacũ, jipihtiare cahno mũhtahtirore.

12 Õ sehe nicũ mũsare nii nija. Elia wihi tuhsũre. To ã wihipachũta tina tirore ne ñũ masierare. Ā jia ti dohse yoa duaro ñano yoari jire tirore. Āta yoaahca yũhũ cãhũre. Yũhũ masũno Cohamacũ warocariro jija. Ti ã yoachũ ñano yũhdũih̄ca yũhũ —niha Jesu.

13 To ã ni yahuchu tina noano tuhoha. “Elia” nino, João bautisaritore nino niha. Tíre masiha tina.

Jesu ñama yaria munare dohatirirore yuhdoha

(Mr 9.14-29; Lc 9.37-43)

14 Æ yoa payu masa cahapu ti duji tachu ñuno cãiro muno Jesu cahapu su, na tuhcuca caha sure.

15 —Puhoro, yu macucãre pja ñuga. Tiro ñama yaria munare dohatiriro jira. Æ jiro tiro ñabiaro yuhdura. Payu tahari pichacaru bora su caha mujana tiro. Cãa tahari diararu bora ñoja mujana. 16 Æ jicu mu buheina cahapu tirore na sumahi. Tina tirore noariro wahachu yoa masierare — nire tiro Jesure.

17 Jesu õ sehe ni yuhtire:

—Mipu macaina, musa ñaa buhiri tiina jira. Yuhure ne wacũ tuaerara. Yoabiaru pja musare buhemaja yuhu. ¿Noho puro yoari pja yuhure musa caribobocari? Tirore na tahga yuhure —nire Jesu.

18 Æ jiro watĩnore to tuhtichuta watĩno sehe masunocãre sãariro cjiro wahaa wahare. To ã wahari baharocãta noariro wahare tiro.

19 Baharo sã to buheina sã sahsero jina Jesure õ sehe ni sinitui:

—¿Dohse yoana sã sehe ahriro sehere watĩnore cohã masierari, mu tuhochu? —ni sinitui sã.

20 Jesu õ sehe ni yuhtire:

—Yuhure mahanocã wacũ tuara musa. Potocã musare yahuita nija. Mostaza yapacã mahari yapacã jiparota duroru pjidu wahara. To ã wahariro seheta Cohamacure wacũ tuana õ sehe wahachu yoa masinahca musa. Ahdu tãcure “Sohõru wahaga”, musa nichu, waharohca. Cohamacure tó seheta wacũ tuana, jipihitiare yoa masina musa. 21 [Wiho mejeta ahriro baro watĩnore musa cohã duana Cohamacure tuaro sinino cahmana musare. Æ yoa duana chu duhuro cahmana musare Cohamacure sinina tana] —nire Jesu sãre.

Pari turi Jesu to yariahtore, to masah-tore yahuha

(Mr 9.30-32; Lc 9.43-45)

22 Æ yoa Galilea yahpapu sã tinichu, Jesu sãre õ sehe ni yahure:

—Yuhu masuno Cohamacu warocariro jija. Masa yuhure ñaha, painapure yuhure waahca. 23 Æ ti wari baharo yuhure wajãahca tina. Æ ti wajãricu tia dacho wahaboroi masa wijaaahca —ni yahure tiro sãre.

To ã ni yahuchu tuhona tuaro cahyai sã.

Cohamacu wuhu macaa wapa cjihtire sinituha paina

24 Æ jina Capernaupu sã suchu, Cohamacu wuhu macaa cjihtire wapa na cohtaina Pedro cahapu su, tirore õ sehe ni sinitu ñure:

—¿Musare buheriro Cohamacu wuhu macaa wapa cjihtire wapajari tiro? —ni siniture tina.

25 —Wapara tiro —ni yuhtire Pedro.

To ã niri baharo wuhuru to sãachu Jesu õ sehe ni sinitu muhtare Pedroro:

—¿Simo, dohse ni tuhochu? ¿Ahri yahpa macaina puhto yabaina sehere wapa cahmajari, mu tuhochu? ¿Tina mehne macainare wapa cahmajari? ¿O pa yahpa macaina sehere wapa cahmajari, mu tuhochu? —ni siniture tiro Pedroro.

26 —Pa yahpa macaina sehere wapa cahmana —ni yuhtire Pedro.

To ã nichu Jesu õ sehe ni yahure:

—Æ jiro puhoro to ya yahpa macainare wapa cahmaerara. 27 Æ jipachuta wapa na cohtainare suachu yoa duaeraja mari. Æ jina wapanahca tinare. Bucpariropu wahaga. Tõru su, yohgari canore doca ñoga. Æ yoacu wahi mähure churirore tuãga. To duseroru niñeru tare bocaihca mähü. Tí tu quihõno wapa tiri tu jirohca. Yuhure, mähü cãhure Cohamacu wuhu macaina ti wapa cahmachu noano quihõno mu sãrohca tí tu. Tí tare bocacu mari wapamonore wapai wahaga —nire Jesu Pedroro.

18

Jesu buheina tina mehne macarirore puhoro sõ duaa nimaha

(Mr 9.33-37; Lc 9.46-48)

1 Tí pjare sã to buheina Jesu cahapu su, õ sehe ni sinitui tirore:

—¿Mũano macariro pũhtoro to sũho jiroprẽ sã mehne macariro diro baro sehe wahabocari pũhtoro? —ni sinitui sã.

² Sã ã nichũ Jesu nijinocãre pjiroca, tirocãre sã panoi duhu dapore. Duhu dapo tuhsũ, sãre õ sehe nire:

³ —Potocã mũsare yahu bahrañoihtja. Ahrina macanacã Cohamacũre ti pũhtoro waro tũhotura. ã jina mũsa cãhũ pano mũsa tũhotumari cjirire cohtotaerana, tinacã yoaro sehe tũhotuerana mũano macariro pũhtoro to sũho jiroprẽ wahasi mũsa. ⁴ ã jiro mũano macariro pũhtoro to sũho jiroprẽ niji siaroca yoariro painare yũhdũca duaerariro ahriro nijinocã yoaro sehe tũhoturirota paina bui pũhtoro wahara. ⁵ ã jina yũ yare yoana tana õ sehe jiinacãre cahmana, yũhũ cãhũre cahmana mũsa —ni yahure Jesu.

*Ñaare yoachũ cua nina
(Mr 9.42-48; Lc 17.1-2)*

⁶ ã ni yahu tuhsũ, tinare õ sehe ni yahu namore:

—Ahrirocã sehe jiriro yũhũre wacũ tuarirocãre yahuihtja mũsare. Pairo ahrirocã sehe jirirore ñaare yoa dutiro tiro ñabiaro yũhdũrohca. Cãirore to wamũare pjiria tãcare dũhte yo, pjiri mapũ tirore tí cohãchũ ñano wahaboa tiro. ã jiro ahrirocã sehe jirirore ñaare yoa dutiriro tiro sehe pjiri mapũ tí cohãriro yũhdoro ñano yũhdũrohca. ⁷ Masare ñaare yoachũ yoaa jira. Tíre yoaa ahri yahpa macaina ñano yũhdũra. Ñaare yoarucura masa. Tí ã yoachũ tinare ñaare yoachũ yoaina sehe ñabiaro yũhdũhca.

⁸ 'Mũ wamomaca mehne ñano yoacũ tí wamomacare mũ dũte cohãboro seheta tí mũ ñaa yoaa sehere duhuga. Tíre duhueracũ pichacaprũ wahaihca. Tóprẽ ne pichaca yatierara. Mũ wamomacare mũ cohãchũ tí si dihta butiboa. Tuhsũ, mũhũ sehe ã si jipaihta baharo Cohamacũ mehne jiihca. Pũa wamomaca mehne pichacaprũ wahacũ mũ ã wahachũ ñaa yũhdũaboa mũhũre. ã jicũ tí mũ ñaa yoaa sehere duhuga.

'Mũ dahporo mehne ñano yoacũ tí dahporo cãhũre mũ dũte cohãboro seheta tí mũ ñaa yoaa sehere duhuga. Tíre duhueracũ

pichacaprũ wahaihca. Tóprẽ ne pichaca yatierara. Mũ dahporo mũ cohãchũ tí si dihta butiboa. Tuhsũ, ã si jipaihta baharo Cohamacũ mehne jiihca. Pũa dahporo mehne pichacaprũ wahacũ mũ ã wahachũ ñaa yũhdũaboa mũhũre. ã jicũ tí mũ ñaa yoaa sehere duhuga.

⁹ 'Mũ capariaca mehne ñano yoacũ tiare orewe mũ cohãboro seheta tí mũ ñaa yoaa sehere duhuga. Tíre duhueracũ pichacaprũ wahaihca. Tóprẽ ne pichaca yatierara. Tiare mũ cohãchũ tia dihta butiboa. Cũ bũhũsehe capariaca mariapaihta baharo Cohamacũ mehne jiihca. Pũa capariaca mehne pichacaprũ wahacũ mũ ã wahachũ ñaa yũhdũaboa mũhũre. ã jicũ tí mũ ñaa yoaa sehere duhuga —ni yahure Jesu.

*Oveja butiriro quitire yahuha Jesu
(Lc 15.3-7)*

¹⁰ ã ni tuhsũ, tinare õ sehe ni yahu namore:

—Ne, ahrinacãre macanacãre ñũ yabi-ena tjiga. Mũsare niita nija yũhũ. Tinacãre ñũ wihboina anjoa mũanoprũ jiina sehe yũ Pũcũ cahaprũ ã jirucura. ¹¹ [Yũhũ masũno Cohamacũ warocariro ahri yahpapũ pichacaprũ wahaborinare yũhdũchũ yoai tai nii yũhũ] —ni yahure Jesu.

¹² ã ni tuhsũ to tũhotua mehne õ sehe ni quiti dahre buhere sãre:

—Ovejare ñũ wihboriro cien ovejare cjũariro cãiro oveja butia wahachũ õ sehe yoarohca tinare ñũ wihboriro sehe. Paina ovejare noventa y nueve ovejare tí chũri campoprũ duhu dapo, butirirore macano waharohca. ¹³ Potocã niita nija mũsare. Tirore bocaro wahcherohca tiro. Paina noventa y nueve dũhsaina mehne wahchera tiro. Tinare to wahcheriro yũhdoro butiriro sehere bocaro tuaro wahcherohca. ¹⁴ Tó seheta ñũ wihboriro oveja to butichũ cahmaeraro seheta mũsa Pũcũ mũano macariro ahrina wiho jiina cãhũre pichacaprũ tí wahachũ cahmaerara —ni yahure Jesu.

*Mũ coyeiro mũhũre ñano to yoachũ õ sehe
yoa dutiha Jesu
(Lc 17.3)*

¹⁵ ã ni tuhsũ õ sehe ni yahu namore:

—M_u coyeiro m_uh_ure ñano to yoach_u tiro mehne s_uh_udui wahaga. M_usa sahsero tíre s_uh_uduga. M_u ã yoach_u tiro m_uh_ure t_uhoboca. To t_uhoch_u “M_uh_ure ne pari turi õ sehe yoasi y_uh_u”, to nich_u m_u coyeirore pari turi piti tii nica m_uh_u.
 16 M_uh_ure to t_uho duaerach_u pinihta c_uiro mehne waha duac_u o p_uaro mehne waha duac_u tinare piti ti wahcã, pari turi tirore s_uh_uduna wahaga. M_usa ã yoach_u m_usare p_uaro o tiarore to t_uhoeraputiach_u ñ_una paina Jesu yainare tirore yahusãga, Cohamac_u yare ti joari p_u to niriro seheta.
 17 ã jina m_usa mehne macaina c_uh_ure to t_uho duaerach_u jipihtina Jesu yaina cahmachuinare yahusãna wahaga. ã jina Jesu yaina cahmachuinare to t_uho duaerasinich_u ñ_una Cohamac_ure cahmaerarirore m_usa yoaboriro sehe yoaga tirore. Wapa na cohtarirore m_usa yoaboriro sehe yoaga tirore.

18 ’Potocã m_usare niita nija. Ahri yahpai m_usa Jesu yaina ñaare m_usa yoa dutierach_u m_uanop_u c_uh_ure yoa dutisi. Ahri yahpai m_usa noaare yoa dutich_u m_uanop_u c_uh_ure yoa dutia jiahca.

19 ’Pari turi m_usare yahuihtja ahrire: M_usa p_uaro Cohamac_ure sinich_u, m_usa p_uaro m_usa sinirire cãno potori m_usa t_uhotuch_u y_u P_uc_u m_uano macariro tíre yoarohca. 20 P_uaro o tiaro y_u yaina y_u yare yoah_utina cjihti ti cahmachuch_u y_uh_u tina mehne jija —ni yahure Jesu.

Cahamac_uno paio to wapamonore to bo duaerari quitire yahuha Jesu

21 Baharo Pedro Jesu cahap_u s_u, õ sehe ni siniture:

—¿P_uh_utoro, y_u coyeiro m_u yairo pay_u tahari y_uh_ure ñano to yoach_u ñ_uc_u nohope tahari tíre boihcari y_uh_u? ¿Siete tahari boihcari y_uh_u? —ni siniture Pedro.

22 Jesu õ sehe ni y_uhtire:

—Siete tahari dihta m_uh_ure paio to ñano yoarire m_u boch_u tó wahaerara. Pay_u tahari m_uh_ure ñano to yoach_u c_uh_ure boga.

23 ’M_uano macariro masa bui p_uh_utoro to s_uho jiro ahri quiti yoaro sehe jira. Jipihtina masa bui p_uh_utoro jiriro tirore dahra cohtainare tirore wapamoinare

wapa pah_uño duti dutimaha. 24 Ti wapamori cjirire to quih_uõ d_ucach_u, tirore dahra cohtaina sehe p_uj_uro wapamorirore tiro cahap_u na taha. Wapamoriro pjibiario wapamoha to p_uh_utorore. 25 ã jiro tiro to wapa masierach_u ñ_uno to p_uh_utoro tirore, to namonore, to poh_unare cahamaca s_u, tinare painare dua dutimaha. ã yoa jipihtia to c_uh_ure dua duamaha, to wapamonore wapa dutiro. 26 To ã dua dutich_u p_uj_uro wapamoriro sehe na tuh_ucua caha s_u, to p_uh_utorore tuaro siniha: “P_uh_utoro, y_uh_ure p_u ñ_uc_u cohtasiniga. M_uh_ure wapa pah_uñoihca”, niha tiro to p_uh_utorore. 27 To ã nich_u t_uhoro, tirore p_u ñ_uno to wapamorirore ãta bonocaha.

28 To ã yoari baharo p_uj_uro wapamoriro cjiro sehe waha, paio dahra cohtarirore tirore mahanocã wapamorirore boca s_uha. ã boca s_uro wam_u ñahaha tirore. “Y_uh_ure m_u wapamonore wapa bahrañoga”, niha tiro tó mehne macarirore to yoaro sehe dahra cohtarirore. 29 To ã nich_u paio dahra cohtariro sehe na tuh_ucua caha s_u, tirore tuaro sinimaha. “Y_uh_ure p_u ñ_uc_u mahanocã cohtasiniga. M_uh_ure wapa pah_uñoihca”, nimaha paio dahra cohtariro tirore. 30 To ã ni sinipach_uta tó mehne macariro tirore y_uhtieraha. Tuhs_u, tiro paio dahra cohtarirore peresu yoa dutiha. P_u to wapa pah_uñoich_up_u wiorohca tirore. 31 P_uj_uro wapamoriro cjiro mahanocã wapamorirore to ñano yoach_u ñ_u, susini, paina dahra cohtaina sehe ti p_uh_utorore yahusãa wahaha. 32 Ti ã ni yahusãch_u t_uhoro ti p_uh_utoro ti yahusãrirore p_ujiroca, õ sehe niha: “M_uh_u ñabiariro jira. M_u y_uh_ure tuaro sinich_u m_u wapamorirore bo pah_uñomahi y_uh_u. 33 M_uh_ure y_u ã yoapach_uta m_uh_u sehe m_uh_ure wapamorirore boerayuhti. M_u wapamoriro sehere y_u boriro seheta tiro m_uh_ure to wapamoriro c_uh_ure m_u boch_u noabiaboa. ¿Dohseac_u tirore p_u ñ_uerari m_uh_u ã yoac_u?” niha to p_uh_utoro tirore. 34 ã nino tuaro sua, peresu yoaha tirore dahra cohtarirore. P_u to wapa pah_uñoich_up_u wiorohca —ni yahure Jesu.

35 ã ni tuhs_u, õ sehe ni ahri quitire yahu batoare:

—Tó seheta yoarohca yu Pucsu mmano macariro musare. MUSA jipihtina musa coyea musare ti ñano yoarire noano musa bo pahñoerachu tiro musare buhiri dahrerohca —nire Jesu.

19

*Ti namosãnumiare cohãare yahuha Jesu
(Mr 10.1-12; Lc 16.18)*

¹ Tíre to ã ni yahuri baharo tiro Galileai jiriho Judea yahparu sãre sũho wahare. Jordão pa buhusehe coapu sui sã. ² Tópu sã wahachu payu masa sãre nunu ti wahcãre. Tina mehne macainare dohatiinare noaina wahachu yoare tiro.

³ ã yoa cãina fariseo curua macaina Jesure yahusã duaa, ñano to durucuchu tũho duaa, tirore õ sehe ni sinitu ñure:

—¿Mari cahmano seheta mari namore cohãchu noabocari? ¿Mari dutia sehe tó seheta yoa dutijari, mu tũhotuchu? —ni sinitu ñure tina.

⁴ Jesu õ sehe ni yũhtire:

—¿Cohamacu yare ti joari pũi ne ahrire buherasiniri musa? Õ sehe ni joaa tiha: “Wahmanopure ahri yahpare bajamehneriro muno, numino cũhare yoaha”, ni joaha. ⁵ Tuhsu õ sehe ni joa namoha: “Muno to pucsumare cohã wija, to namono mehne jirohca. ã jia tina puaro jipahta cã pjacu yoaro seheta jira”, ni joa namoa tiha. ⁶ ã jia tina puaro yoaro sehe jierara. Cã pjacu yoaro sehe jia nina. Cohamacu to wamomaca dũhte dutiina jira. ã jia tinare duhueraro cahmana — nire Jesu tinare.

⁷ To ã nichu fariseo curua macaina õ sehe ni siniture tjoa:

—Mu ã ni yahupachuta õ sehe ni joaa tiha Moise cjiro sehe: “Mu namore cohã duacu papera pũi tíre joaga. ã joacu tí pũre mu namore mu wari baharo ticorore cohã masina mũhu”, ni joaa tiha Moise cjiro. ¿Mu nino sehe jipachuta Moise cjiro sehe dohsearo õ sehe ni joari? —ni sinitu namore tina tirore.

⁸ Jesu õ sehe ni yũhtire tinare:

—Cohamacure musa ñuchusuma ti tũho duaerachu ñano ti namosãnumiare ti cohãchu, “ãta yoawahnojaro”, ninocaa tiha Moise. To ã nipachuta wahmanopure

ahri yahpare ã jierare. ⁹ Musare niita nija. Masano to namono to ñano yoaerapachuta ticorore cohãno, pacorore namo tiro, tiro pacoro mehne ñano yoaro nina. [Tuhsu, ahriro to cohãricorore namo tiriho cãhu ticoro mehne ñano yoariro jira] —nire Jesu.

¹⁰ To ã nichu tũhona, sã to buheina sehe tirore õ sehe nii:

—Tó sehe muno to namono mehne ti cahma cohãerachu mari sehere mari namo tierachu noaboca —nii sã.

¹¹ Jesu õ sehe ni yũhtire:

—Musa nino seheta jira. ã jiro cãinare namo ti dutierara Cohamacu. ¹² Mũare namo ti dutieraa cãa jira. Cãina mu numiare cahmaeraina masa bajuara. Paina mu masa ti wapãri tũhoca ti warina sehe namo ti masierara. Paina mu mmano macariro ti puhtoro yare yoadoho duaa, namo tierara. ã jia ahriina namo ti duaeraina ãta tũhotunocaina, tó seheta ti ji sohtori tichu noana —nire Jesu sãre.

*Macanacã ya cjihtire Cohamacure sini
payoha Jesu*

(Mr 10.13-16; Lc 18.15-17)

¹³ ã yoa masa macanacãre Jesu cahapu na wihire. ã na wihia, tina Jesure to wamomacare tinacã bui ña payo duti duamare. ã yoa tinacãre Cohamacure sini payo duti duamare Jesure. Ti ã yoachu ñuna sã to buheina tinare tuhtimahi. ¹⁴ Sã ã tuhtichu ñano, sãre Jesu õ sehe nire:

—Macanacã yu cahapu tajaro. “To cahai wahaena tjiga”, niena tjiga tinacãre. Tinacã Cohamacure ti puhtoro tũhotura. puhtoro Cohamacu to sũho jiina ahriinacã yoaro sehe tũhotuina baro dihta jira —nire Jesu sãre.

¹⁵ ã ninota to wamomacare tinacã bui ña payo tuhsu, wahaa wahare.

Pache puaro Jesure sinitu ñuha

(Mr 10.17-31; Lc 18.18-30)

¹⁶ To ã yoari baharo cãiro masano Jesu cahapu wihi, siniture tirore:

—¿Ne, buheriro, jipihtia dachoripe Cohamacu mehne ã jirucu duacu, noaare yoa duacu di baro sehere yoabocari yũhu? — nire tiro.

¹⁷ —¿Dohse jiro baro yũhare noaa barore ni sinitujari mũhu? Cohamacu dihta noariro jira. Jipihtia dachoripe Cohamacu

mehne ã jirucu duacu to dutiare yoaga — nire Jesu.

¹⁸ —¿Di baro dutia sehere nii nijari? —ni sinitu namore tiro.

Jesu ò sehe ni yuhtire:

—Masare wajãecu tjiga. Namu tiriropu paye numia manu tia numia mehne jiecu tjiga. Yacaecu tjiga. Mahñoa mehne painare yahusãecu tjiga. ¹⁹ Mu pucsumare ño payoga. Mu basi mu cahño sehetu mu cahai jiro cãhure cahña. Ahri dutiare yoaihca mahu —nire Jesu.

²⁰ —Ahri dutiare ne yuhducaera tih yuhu. ¿Dohse yoa namoihcari yuhu jipihtia dachoripe Cohamacu mehne jirucu duacu? —nire tiro Jesure.

²¹ To ã nichu tuhoro Jesu ò sehe ni yahu namore:

—Mahu ñaa buhiri marieriro ji duacu mu ya jipihtiare duai wahaga. ã duacu jipihtia mu wapatari niñerure pjacnoinare waga. Mu ã yoachu payu mu wapataa manopu, Cohamacu cahapu jiyuahca. Mu ã yoari baharo yuhu mehne macariro cjihto taga —ni yahure Jesu.

²² To ã nichu tuhoro tuaro cahyare. Tiro payu pache cjaruro jiro, tãre pjacnoinare wa duaeraro, cahya, wahaa wahare.

²³ To ã wahari baharo Jesu sãre to buheinare ò sehe ni yahu namore:

—Potocã masare niita nija. Pache puo puhtoro Cohamacu to suho jiropu to waha duachu mijobiara. ²⁴ Masare yahu namoihtja: Camello sehe awicã copapu to sãa nuhri wijaa duachu basioerara tirore. To ã jiro yuhdoro pache puo puhtoro Cohamacu to suho jihropu to waha duachu mijobiara —nire tiro.

²⁵ To ã nichu tuhona sã cuua waha, sã basi ò sehe nii:

—Cue, to nino sehetu jichu, ne cãiro masano Cohamacu cahapu waha masieraboca —nii sã basi.

²⁶ Sã ã nichu Jesu sãre ñuroca ò, ò sehe ni yahure:

—Masa ti basi ti mu suro yuhdu masierara. Wiho mejeta Cohamacu sehe masare pichacapu wahaborinare yuhdo masina. Tiro jipihtiare noano yoa masi pahñoriro jira —nire tiro sãre.

²⁷ To ã nichu Pedro tirore ò sehe nire:

—Tuhosiniga. Sã sehe sã ya jipihtiare cñocaa tii mahu mehne wahana tana. ¿Sã ò sehe yoana, dohse jiare wapatanahcari sã? —nire tiro.

²⁸ To ã nichu tuhoro ò sehe nire Jesu:

—Masare niita nija: Pihitiri dacho jichu jipihtia wahma dihta cohtotaahca. Tã pjapure yuhu masano Cohamacu warocaruro yuhu puhtoro yu dujiroi si siteroi dujihca yuhu. Tõi yu dujichu musa cãhu doce dujia pahtarihi puhtoa ti dujia pahtarihi dujinahca. ã jina Israe masare doce curuari macinare besenahca musa noaina, ñainare. ²⁹ ã yoa yu yare yoana tana musa wuhusere, musa bahanare, musa pucsumare, musa pohinare, musa weserire cñocarina jina, pjãro wapatanahca. Tuhsu, jipihtia dachoripe Cohamacu mehne jirucunahca. ³⁰ Wiho mejeta mipure payu puhtoa jirina cjiri tã pjapure wiho jiina tjuanocaahca. Tuhsu, mipure payu wiho jiina jirina cjiri tã pjapure puhtoa cohtotaahca tjoa —ni yahure Jesu sãre to buheinare.

20

Se wesere dahraina quitire yahuha Jesu

¹ ã yoa Jesu pari turi to tuhutua mehne piti dahre ò sehe ni yahu namore tjoa:

—Mano macaruro masa bui puhtoro jira. Wese puo quitu mehne puhtoro Cohamacu to suho jirore yahuihtja masare. Tiro wese puo bohrea parãcaroi to wesere dahrahtinare pjuro wahaha. ² “Cã tu niñeru tu wapaitja cã dachore”, niha tinare. “Jai”, niha dahrahtina. Ti ã nichu wesepu dahra dutiro warocaha tiro tinare.

³ ã yoa dachopu nueve hora jichu pache duaropu wahaha tiro. Tõpu suro, paina dahraerainare ñuha. ⁴ ã ñano tinare ò sehe niha: “Musa cãhu yu wesere dahrana wahaga. Noano wapaitja”, niha tiro tinare. ⁵ To ã nichu tuhoa, tina cãhu wesepu dahraa wahaha. ã yoa wese puo cohari pja jichu, ñamichapuru tres hora jichu cãhure painare dahra dutiha. ⁶ ã yoa ñamichapuru cinco hora jichu pache duaropu tiro wahaha tjoa. Tõpu su, paina dahraerainare ñano, tinare ò sehe niha:

“¿Ne yaba barore yoerapanahta cã dacho ñurucu nahñoajari m̄usa?” ni sinitu ñuha tinare. ⁷ “Ne, sãre dahraa mari-ahna”, ni yuhtiha tina. “M̄usa cũh̄u yu wesere dahrana wahaga”, niha tinare. Æ jia to niriro seheta to wesere dahraa wahaha. ⁸ Æ yoa ñamichahap̄u dahra duhuri p̄ja jich̄u wese p̄ro to yaina dahrainare cohtarirore õ sehe niha: “Dahrainare p̄jiga. Ti wihich̄u tinare wapaga. Ti baharop̄u yu dahra dutirinare wapa m̄htaga. Tinare wapa tuhs̄u, paina cũh̄u wapa tuhs̄u, yu dahra duti m̄htainare wapa batoaga juna”, niha tiro. ⁹ Æ yoa cinco hora jich̄u dahra d̄cainare cũ t̄u niñeru t̄u wapaha. ¹⁰ To ã wapach̄u ñha, “Sãre bui curero waparohca”, ni tuhotumaha to duti m̄htaina cjiri sehe. Tina cãh̄u cãno potori wapnocaha. ¹¹ Æ jia niñerure to wapach̄u ti p̄htoro mehne susinia ti basi õ sehe cahma niha: ¹² “Ahrina sã baharop̄u to dahra dutirina sehe cũ horata dahrahe. Sã sehe cũ dacho noano dahra nahñoamahi. Ñano sũ sihre sãre. Sã ã yoari p̄ja dahrapach̄u sã baharop̄u dahra d̄caina cũh̄u cãno potorita wapanocahre tiro”, ni suaha tina ti basi. ¹³ Cũiro tina mehne macariro to ã nich̄u tuhoro, wese p̄ro yuhtiha tirore: “Ne coyero, ‘Cũ t̄u niñeru t̄u wapaihtja’, nimahic̄u m̄sare. Yu ã nich̄u yuhtihre m̄sa. Æ jic̄u yu niriro seheta m̄sare wapaihtja. Quihõno wapaihtja. Ne yacaerahi m̄sare. ¹⁴ Æ jic̄u yu waparire na, m̄ wãh̄u t̄u jahga. Ahriroro baharo yu dahra dutiriro cũh̄u m̄sare yu wapariro purota wapaihtja. ¹⁵ Yu ya niñeru jira ahri. Æ jic̄u yu cahmano seheta ahri mehne wapaihtja. ¿Painare yu noano wapach̄u ñu tuhtijari m̄h̄u?” niha tiro wese p̄ro —ni yahure tí quitire Jesu.

¹⁶ Æ nino, õ sehe ni yahu namore tiro:

—Ahri quiti ti nino seheta baharo macari curua wiho jiina yoaro sehe ya curua ji m̄htari curua p̄htoa ya curua jirohca m̄anop̄u. Æ yoa ji m̄htari curua p̄htoa ya curua cjiro sehe ti baharop̄u macari curua wiho jiina ya curua t̄uaro hca m̄anop̄u —ni yahure Jesu.

*Pari turi Jesu to yariahtore, to masa wi-
jaahcore yahuha*

(Mr 10.32-34; Lc 18.31-34)

¹⁷ Æ yoa Jerusalẽp̄u wahana cũnoih̄ta waharucuma, sãre doce to buheinare p̄jiroca tuhs̄u, pa sehẽp̄u sã dihtare naahre Jesu. Sã sahsero sã jich̄u sãre õ sehe ni yahure:

¹⁸ —Tuhoga yuh̄u. Mip̄u Jerusalẽp̄u wahana nija mari. Tõp̄u yuh̄u mas̄nore Cohamac̄u warocarirore ñaha, painap̄u yuh̄u waahca. Sacerdotea p̄htoare, mari coyera judio masare buheina cũh̄u yuh̄u waahca. Æ jia yuh̄u wajã dutiahca tina. ¹⁹ Æ wajã dutia, judio masa jieraina sehẽre yuh̄u waahca. Ti ã wari baharo tina sehe yuh̄u buj̄u, tjana, crusap̄u cã puhaahca yuh̄u. Æ jii yu yariari baharo tia num̄u wahaboroi masa wijaaic̄u —ni yahure Jesu sãre.

*Santiago, João mehne ti pocoro tinare
sinibasaha Jesure*

(Mr 10.35-45)

²⁰ Æ yoa Zebedeo namono p̄ro to pohna mehne Jesu cahap̄u s̄u, na tuhca caha s̄u tirore sinino taro:

²¹ —¿Dohse yu yoach̄u cahmajari m̄h̄u? —niha Jesu ticorore.

—M̄h̄u p̄htoro sãac̄u yu pohna duti-ina sõga. Æ yoac̄u m̄ p̄ja buh̄useheri bato i dapoga tinare —ni siniha ticoro.

²² Jesu õ sehe ni yuhtiha:

—M̄sa ñano yuh̄duhtore masierapanahta ã sinina m̄sa. ¿Mip̄u yu ñano yuh̄duhtore seheta m̄sa cũh̄u ñano yuh̄d̄na cãno p̄jabocari m̄sa? —niha Jesu ticoro pohna.

—Cãno p̄janahca —ni yuhtiha Santiago, João mehne.

²³ —Potocã tjira. Yu ñano yuh̄duhtore seheta ñano yuh̄d̄nahca m̄sa cũh̄u. Wiho mejeta yuh̄u mehne dutihtinare, yuh̄u mehne dujihtinare bese masieraja yuh̄u. Yu p̄uc̄u sehe cahno tuhs̄u t̄u. Æ jia to besehtina dihta yu poto buh̄usehei yu cõ buh̄usehei dujahca —niha Jesu tinare.

²⁴ Æ jina sã paina diez to buheina sehe Santiago, João ahrina p̄ro mehne susinii sã. Jesure ti pocoro to sinibasarire tuhona susinii tina mehne. ²⁵ Sã ã susinich̄u ñano,

Jesu sãre jipihtina to buheinare pji cahmachu, õ sehe ni yahure sãre:

—Cohamacure masieraina pũtoa sehe ti masare dutia, purĩno mehne dutira. ²⁶ Mũsa sehe ne ã yoasi mũsa basi. Mũsa mehne macariro pũtoro ji duaro, jipihtina tiro mehne macaina cahamacũno jiro cahmana tirore. ²⁷ Æ yoa jipihtinare dutiriro ji duariro paina cahamacũno jiro cahmana tirore. ²⁸ Tõ sehetã jiriro jija yũhũ cũhũ. Yũhũ masũno Cohamacũ warocariro ahri yahpapũre masare yoadohocu tacũ tai. Tuhsũ, payũ masa ya buhirire yariai tai nii. Æ yoa masare pichacapũ wahaborinare yũhdũchũ yoai tai nii —nire Jesu sãre.

Pũaro capari bajuerainare ñũchũ yoaha Jesu

(Mr 10.46-52; Lc 18.35-43)

²⁹ Æ yoa Jericõpũ jirina sã wahachũ payũ masa Jesure nũnũ tire. ³⁰ Ti ã nũnũ tichũ Jesu to yũhdũachũ pũaro capari ñũeraina maha dũhtũ cahai dujiina tũhore. Æ tũhoa, õ sehe ni saũurucure:

—Sã pũtoro, Davi cjiro panamino masare yũdohitiro, sãre pja ñũga —ni saũurucure.

³¹ Ti ã ni saũurucuchũ masa sehe tinare tuhtire:

—Dihta mariaha —nire masa tinare.

Ti ã tuhtichũ tũhoa, ti pano saũurucuriro yũhdo curero saũurucu namore tjoa:

—Sã pũtoro, Davi cjiro panamino, sãre pja ñũga —ni saũurucure.

³² Ti ã nichũ tũhoro Jesu sũrũca, tinare pjiroca, õ sehe ni sinitu ñũre:

—¿Dohse mũsare yũ yoachũ cahmajari mũsa? —ni sinitu ñũre.

³³ —Sã pũtoro, sãre ñũchũ yoaga —ni yũhtire tina.

³⁴ Ti ã nichũ Jesu tinare pja ñũre. Æ pja ñũno ti caparire ñã payore. To ã ñã payochũta tina sehe ñũa wahare. Æ ñũa, tirore nũnũ ti wahcãre.

21

Jerusalẽpũ sũha Jesu

(Mr 11.1-11; Lc 19.28-40; Jn 12.12-19)

¹ Æ yoa Jerusalẽpũ sã suhto pano Betfagẽ wama tiri macapũ sũ mũhtasinii sã Jesu

mehne. Betfagẽ tũcũ Olivo wama tidũ cahai jire. Tõpũ sũro, sã mehne macainare pũaro to buheinare Jesu to pano waroca mũhtare. ² Õ sehe ni yahure tinare:

—Sí macapũ burroare nana wahaga. Tõpũ sana, dõihã burrore to macũnocã mehne ti dũhte daporicorore boca sũnahca. Tinare boca, yuta dare pjã, na tabasaga yũhũre. ³ Mũsa pjãchũ ñũno, cãiro dohse jiriro, “¿Dohseana tana burroare pjãjari mũsa?” to nichũ tũhona õ sehe ni yũhtiga: “Mari pũtoro burroare cahmarocasinire. Michapucacã tinare wiarohca tiro”, ni yũhtiga tirore —ni duti warocare Jesu to buheina pũarore.

⁴ Æ yoare Cohamacũ yare yahu mũhtariro cjiro to ni joariro sehetã. Õ sehetã ni joaã tiha panopũ:

⁵ “Jerusalẽ macainare õ sehe ni yahuga: Æũga mũsa.

Mũsa pũtoro mũsa cahapũ tara.

Tiro masa noariro jira.

Burro macũnocã bui pisariro tarohca’, ni yahuga Jerusalẽ macainare”,

ni joaã tiha panopũ.

⁶ Jesu to dutirocaina pũaro tí macapũ sũ, to dutiriro sehetã yoaha tina. ⁷ Burrore, to macũnocã cũhũre na ta, ti bui sãa suhtire tjuwe na, burrocã bui pjũpaha payore tina. Ti ã yoari baharo Jesu tirocã bui mũja pjare waharo taro. ⁸ Mũja pja tuhsũ, tirocã bui Jerusalẽpũ wahare. To tachũ ñũa masa payũ ti bui macaa suhtire tjuwe na, saõ cũ mũhtare to wahahti mahai, Jesure ñõ payoa. Paina sehe pũri tia dũpũrĩre mahai duhu cũ mũhta wahcãre tirore ñõ payoa.

⁹ Æ yoa to pano wahaina, to baharo nũnũ tiina mehne õ sehe ni saũurucure:

—Davi cjiro panaminore marine yũdohitirore wahche payojihna. Ahriro Cohamacũ to warocariro noano jijaro. Mũano macarirore “Tuariro jira”, ni wahche payojihna —ni saũurucure masa.

¹⁰ Æ jia Jerusalẽpũ ti sũchũ tõ macaina sehe ñũ cũaa wahare.

—¿Cue, diro baro jijari ahriro? —ni cahma siniture tina.

¹¹ Paina masa õ sehe ni yũhtire:

—Ahriro Cohamacũ yare yahu mũhtariro Nazare Galilea yahpai jiri maca macariro

Jesu wama tiriro jira —ni yahure tina masare.

*Cohamacu wuhupru saha Jesu
(Mr 11.15-19; Lc 19.45-48; Jn 2.13-22)*

¹² Baharo Cohamacu wuhupru sure Jesu. Tí wuhupru su, sãa wahare. Tí wuhupru duainare, nuchina cãhure cohã wiore tiro. ã yoaro niñeru cohtotaa mesarire na majareroca doca cã mjure. Bujaare duaina ti dujia pahtari cãhure ãta yoare. ¹³ ã yoaro tinare õ sehe nire:

—Cohamacu yare ti joari pũi õ sehe nina: “Yũ wuhũ Cohamacu mehne durucuri wuhũ wama tirohca”, nimare to joari pũi. Mũsa sehe ahri wuhũ duana mũsa basi cahma yacara mũsa —nire tiro tinare.

¹⁴ To ã yoari baharo capari ñueraina, tini masieraina cãhũ Cohamacu wuhupru tiro cahapu wihire. Ti ã wihichũ tinare noaina wahachũ yoare tiro. ¹⁵ ã noaare to yoachũ ñua, sacerdotia puhto, marine judio masare buheina cãhũ suare tiro mehne. ã yoa macanacã Jesure “Davi cjiro panamino masare yãhdohtiro, tuariro jira mũhũ”, ti ni ño payochũ tãhoa tó cãhure tina suare. ¹⁶ ã suaa õ sehe nire Jesure:

—¿Ti ã nichũ tãhoerajari mũhũ? ã niea tjiaro —ni tuhtire tina Jesure.

Ti ã tuhtichũ tãhoro Jesu tinare õ sehe ni yãhtire:

—Tina ti ã nichũ tãhoja. ¿Cohamacu yare ti joari pũi ahri ne buherari mũsa? “Macanacãre, wihãnacãre Cohamacure noano ño payochũ yoare mũhũ”, nina Cohamacu yare ti joari pũi —nire Jesu (“Macanacã yãhure ti ño payochũ noana”, nino).

¹⁷ ã ni tuhsũ tinare cohã wahcã, Betania wama tiri macapu su, tí ñamine tói jire.

*Jesu higuera yaria dutiha
(Mr 11.12-14, 20-26)*

¹⁸ Pa dachoi bohrearopũ Jerusalẽpu tjuaroo, jũca baare Jesu. ¹⁹ ã jũca baaro, maha dũhtũ cahai jidũ higuera yaria wama tidũre ñũno, tũ dichare macano wahamare. Dicha mariahe tũ sehe. Pũri dihta jire. Tũ ã jichũ ñũno Jesu tũre õ sehe nire:

—Ahdũ ne pari turi dicha tisi —nire tiro.

To ã nichũta dóihta tũ sehe ñaia wahare. ²⁰ Tũ ã wahachũ ñũna sã to buheina ñũ caa wahai.

—Cue, ¿dohsearo ahdũ dóihta ñaia wahajari? —ni sinitui sã.

²¹ Jesu õ sehe ni yãhtire:

—Potocã nii nija mũsare. Cohamacure noano wacũ tuaga. “Potocã ã yoarohca tiro”, nina ahdũre yũ yoariro seheta yoa masinahca mũsa cãhũ. Tuhsũ, ahdũre yũ yaria dutiriro yãhgoro yoa masinahca mũsa. Ahdũ tãcũre “Duha na, pjiri mapũ cohãdu jijaro”, mũsa nichũ duha cohãdu jirohca. ²² Cohamacure mũsa wacũ tuachũ, “Yũ siniriro seheta ã waharohca”, mũsa ni wacũchũ mũsa siniriro seheta ã waharohca —nire Jesu sãre.

*Jesure dutirirore sinituha paina
(Mr 11.27-33; Lc 20.1-8)*

²³ ã yoa Cohamacu wuhupru tju su, buhere tiro. To ã buhechũ sacerdotia puhto, mari coyea judio masa bucũna mehne tiro cahapu wihi, õ sehe ni siniture:

—¿Dohseacu canũre ã yoari mũhũ? ¿Noa mũhũre tíre ã yoa dutiri? —ni siniture tina.

²⁴ Ti ã nichũ Jesu õ sehe ni yãhtire:

—Mũsa sehere sinitu mũhtaihtja. Noano yãhure mũsa quihõno yãhtichũ mũsare yahuihtja yãhũ cãhũ. ²⁵ ¿Joãõ masare to bautisachũ diro baro sehe tirore bautisa dutia tiari, mũsa tãhotuchũ? ¿O Cohamacu dutiera tiari? ¿O masa sehe dutia tiari, mũsa tãhotuchũ? —ni siniture Jesu tinare.

To ã nichũ tina sehe ti basi õ sehe nire:

—¿Dohse ni yãhtinahcari mari? “Cohamacu Joãõre dutia tiri jire”, mari nichũ, “¿Dohseana Cohamacu Joãõre to dutipachũta tirore tãho duaerari mũsa?” niboca Jesu marine. ã jina “Cohamacu Joãõre dutia tiri jire”, ni yãhti masieraja mari. ²⁶ Ahriina masa sehe “Potocãta Joãõ Cohamacu yare yahu mũhtariro jire”, ni tãhotura tina. ã ni tãhotua “Joãõ to bautisachũ Cohamacu sehe tirore dutierari jire”, mari nichũ tãhoa masa suaboca mari mehne. ã jina tí cãhure yahu masieraja mari —nire tina ti basi.

²⁷ Ti ã niri baharo Jesure õ sehe ni yãhtire tina:

—Joãõre bautisa dutirirore sã masieraja —nire tina.

Ti ã nichu tãhoro õ sehe nire Jesu:

—Tí pja pinihta yũhũ cũhũ mũsa sinitu mũhtarire yahueraja mũsare. Yu yoarire dutirirore yahueraja mũsare —nire tiro tinare.

Pũaro pũcũro quitire yahuha Jesu

²⁸ To ã niri baharo Jesu to tũhotua mehne paye quiti mehne piti dahre buhe namore tinare:

—¿Ne, dohse ni tũhotujari mũsa ahri quitire? Pũaro pũcũro jiha. Wahmino sehere õ sehe niha to pũcũro: “Macũ, wesepũ dahrai wahaga”, niha. ²⁹ “Wahaeraja”, ni yũhtimaha to macũno wahmanore. ã niparota baharopũre wesepũ waha duaro jiha tirore. ã jiro wahaha tiro. ³⁰ Tuhsũ, ti pũcũro to macũno dũhsariro cahapũ sũ, to wahminore to dutiriro seheta wesepũ waha dutimaha. “Jai”, nimaha dũhsariro sehe. ã niparota wahaeraha tiro. ³¹ ¿Diro sehe to pũcũro to dutiriro seheta yoari? —ni siniture Jesu.

—To wahmino sehe yoaha —ni yũhtire tina.

Ti ã nichu Jesu õ sehe ni yahure:

—Mũsare niita nija. Wapa na cohtaina, mũa mehne ñano yoarucua numia ti buipũ waro mũsa sehe ñabiaina jira. ã jia pũhtoro Cohamacũ to sũho jiropũre mũsa sũborirore tina sehe mũsare mũ cõ sũ mũhtaahca. ³² João bautisariro buhero mũsare “Noano yoaga”, ni yahumare. ã to yahuchũ dũhsariro to pũcũrore to yũhtierariro seheta tirore tũhoerare mũsa. ã yoa tirore yũhtierare. Wapa na cohtaina sehe, mũa mehne ñano yoarucua numia cũhũ tirore tũhore. Ti ã tũhochũ ñũre mũsa. Mũsa ã ñũpanahta tirore ne tũho duaerare mũsa. Tuhsũ, tũhoerare mũsa —nire Jesu sacerdotea pũhtoare, mari coyea judio masa bũcũna cũhũre.

Ñaina dahra cohtaina quitire yahuha Jesu

(Mr 12.1-12; Lc 20.9-19)

³³ ã yoa Jesu pari turi to tũhotua mehne õ sehe ni piti dahre tinare buhe namore:

—Ahri quitire tũhoga mũsa. Yahpa pũro jiha. Tiro to ya yahpai se dari cijhtire toaha. Toa tuhsũ, sahrĩnore dapo, sere

ti tũ mũtohti copare saha, mũari wũhũcã dahreha.

ã jiro tí wesere painare cũ bũhũsehe coa pahma cũha. ã pahma cũno tí wesere tinare ñũ wihbo duti, pa yahpapũ wahaha tiro. ³⁴ ã yoa se ñiri pja jichũ wese pũro tirore dahra cohtainare wesere ñũ wihboina cahapũ warocaha. Wese macaa to toaa dichare to ya coa macaa dichare na dutiro warocamaha. ³⁵ To ã warocachũ wesere ñũ wihboina sehe tirore dahra cohtainare ñano yoaha. Cũirore tuaro cjã, pairore wajã, pairore tãa mehne docaha. ³⁶ Baharo wese pũro pari turi tirore dahra cohtainare to waroca mũhtarina bui curero pũhtoa jiri curuare warocaha tjao. To ã warocachũ wesere ñũ wihboina tina cũhũre mũnanota yoaha tjao.

³⁷ ã yoa to waroca batoariro to macũno jiha. “Yu macũ sehere ño payoahca”, nino tirore warocamaha. ³⁸ To ã ni tũhotupachũta wesere ñũ wihboina to macũno to tachũ ñũa, õ sehe niha: “Wese pũro macũno jira ahriro. Tirore wajãjihna mari. Mari ã wajãchũ ahri wese mari ya wese tjuarohca”, nimaha tina ti basi. ³⁹ ã niata tirore ñaha, wese dũhtũ cahai na wahcã, wajãha tina tirore.

⁴⁰ ¿Ne, wese pũro taro dohse yoarohcari tiro wesere ñũ wihboinare, mũsa tũhotuchũ? —ni siniture Jesu sacerdoti pũhtoare, bũcũna cũhũre.

⁴¹ To ã nichu tina õ sehe ni yũhtire:

—Tiro painare wesere ñũ wihbohtinare cohtotarohca ji mũhtainare ñabiainare wajãno taro. Tirore quihõno dichare tju wahtina sehere ñũ wihbo dutirohca —ni yũhtire tina.

⁴² Ti ã nichũta Jesu yahu namore tinare:

—¿Cohamacũ yare ti joari pũi ahrire yũhũre to ni joari cjirire ne buherari mũsa? “Ahriro Cristo tãca yoaro seheta jira.

Tãcare wũhũ dahreina ti cohãno seheta masa tirore cohãahca.

Ti ã yoapachũta mipũre wũhũ dahreina wũhũre yoaa ti cũ mũhtari tãcare ti cũno seheta Cohamacũ tirore pũhto sõre.

Cohamacũ sehe ahrire yoare.

To ã yoachũ ñũna, ‘Noa yũhdũara’, ni tũhotuja mari”,

ni joaa tiha panopu. ¿Tíre ne buherari musa? ⁴³ Musare niita nija yuhu. puhtoro Cohamacu to suho jiro musa jihto cjihto jiboa. To puhtoro jirore paina sehere musa jiboriore warohca Cohamacu. Paina masa sehe to dutiro seheta yoaahca. ⁴⁴ [Jipihtina tia táca bui bora pjainare payu dihicã peri yihsorohca tia táca. Tuhsu, tia táca sehe masuno bui bora pjaro tahãnocanohca tirore. To pjacu cjirore daa manaricã wahachu yoarohca. (Tó seheta yuhure cahmaeraina yu buhiri dahrehtina ñano yuhduahca) —nire Jesu sacerdotea puhtoare, mari coyea judio masa bucuna cãhure.]

⁴⁵ Tí quitire to ã nichu tuhoa, “Sohõ to yahu mahtari quiti wesere ñu wihboina quiti mehne marine nino nica tiro”, ni tuhoture tina. ⁴⁶ Ñ ni tuhotua, tirore ñaha duamare. Masa sehe Jesure ño payo “Cohamacu yare yahu mahtariro jira tiro”, ni ina jia tiha tina. Tíre masia, sacerdotea puhtoa, bucuna mehne masare cuia, Jesure ñahaerare.

22

Pjiri bose numu macaa quitire yahuha Jesu

¹ Ñ yoa pari turi to tuhotua mehne paye quiti mehne tinare buhe dacare Jesu:

² —Mũano macariro puhtoro to suho jiro ahri quiti yoaro sehe jira. Cũ yahpa macaina bui puhtoro jiha. Ñ yoa to macuno ya numu bose numu yoaha. To wamomaca duhteri bose numu jiha. ³ Ñ yoa puhtoro tirore dahra cohtainare bose numure ñua tahtinare pji dutiro warocamaha. Tina sehe ta duaeraha. ⁴ Ñ jiro painare pji dutiro warocamaha tjoa tirore dahra cohtainare. “Yu pjirocainare õ sehe ni yahuga. ‘Mari chãhtire dahre tuhsahre. Wachuare, wachuacã dihi tiinacã cãhure wajã tuhsahre. Ñ yoa jipihtiro bose numu macaa cjihtire cahno tuhsahre. Ñ jina bose numu macaare chuna taga’, ni yahuga tinare”, ni warocamaha puhtoro tirore dahra cohtainare. ⁵ Dahra cohtaina ti ã yahuri baharo to pjirocarina cjiri ã tuhotunocaha. Bose numure ñua wahaeraha. Cãiro to wesepu wahaahahaha.

Pairo to dahraare ñuno wahaha. ⁶ Paina sehe tirore dahra cohtainare ñaha, tinare ñano yoa, wajãnocaha juna. ⁷ Ti ã yoachu tuhoro, puhtoro sehe suaha. Sua, ti ã wajãri buhiri buhiri dahre dutiro to surarare warocaha. Ñ jia surara tinare wajã pahño, ti ya macare juncocaha. ⁸ Ti ã yoari baharo, puhtoro tirore dahra cohtainare õ sehe niha: “Bose numu macaa cjihtire cahno tuhsamahre. Wiho mejeta yu pjiroca mahtarina cjiri yu bose numure ñuborina jierara. Ñaina jira tina. ⁹ Ñ jina macare jia maharipu dohse jiina musa boca suinare bose numure ñuhtinare pjiga”, niha tirore dahra cohtainare. ¹⁰ To ã nichu tirore dahra cohtaina maharipu waha, jipihtinare ti boca suinare, ñaina, noaina cãhure yahuha. Ti ã pjiri baharo to cahapu suha tina peri. Noano tí bose numu ti yoari tahtiare masa wahpata yuhduahahaha.

¹¹ ‘Tói ti dujichu puhtoro sehe cãirore wamomaca duhteri numu macari suhtirore sãaerarirore ñua. ¹² “¿Ne coyeiro, dohse yoacu wamomaca duhteri numu macari suhtirore sãaerapaihta sã tari mahu?” ni sinituha puhtoro. To ã sinituchu masuno sehe yuhtieraha. ¹³ To ã yuhtierachu ñuno tirore dahra cohtainare õ sehe niha: “Ahriroro to wamomacarine duhtega. To dahpori cãhure duhtega. Duhte tuhsu na wijaa, sopacapu cohãga tirore nahitianopu. Tópu tiro tuaro tii, cahyaro mehne bahca dihorohca”, niha puhtoro —ni yahure Jesu.

¹⁴ To ã niri baharo õ sehe ni batoare tiro: —Ahri quiti jiro seheta Cohamacu payu masa to pjirocarina ti jipachuta mahainacã tiro mehne tjuaahca —ni yahu batoare Jesu.

Puhtoa ya wapare paina sinituha Jesure (Mr 12.13-17; Lc 20.20-26)

¹⁵ To ã niri baharo fariseo curua macaina waha, Jesure ti yahusãhtore ti basi durucuha tina. To ñano yuhtichu tuho duaa nimaha tirore yahusãa taa. ¹⁶ Ñ durucua tina mehne macainare, Herode ya curua macaina cãhure Jesure sinitu dutia warocaha. Tina sehe Jesu cahapu wihi, tirore mahño cã sinitu ñumare:

—Buheriro, potocã durucuriro mahñoa marieriro mu jichu masija sã. Cohamacu

yare quihõno m̄ yahuch̄ c̄h̄ure s̄a masija. ã jic̄ c̄airo p̄htoro waro to jipach̄ata tiro c̄h̄ure d̄óro marieno potota yahura m̄h̄. 17 ã jic̄ s̄are yahuga. ¿Roma macariro jipihtina bui p̄htoro jirirore gobierno macaare marine waparo cahmajari, m̄ t̄hotuch̄? ¿Mari dutia tirore wapa dutijari? —ni siniture tina Jesure.

18 Ti ã nich̄ t̄horo tirore ti yahus̄a du-aare masino õ sehe nire:

—Mahñopeina jira m̄sa. ¿Dohseana ȳ ñano durucuch̄ t̄ho duajari m̄sa?

19 Mip̄are niñeru t̄re p̄htoare wapahti t̄re na tahga. Tí t̄re ñ̄jihna —nire tiro.

To ã nich̄ t̄hoa niñeru t̄re na tare tina.

20 Ti ã na tach̄ õ sehe ni siniture tiro tinare:

—¿Diro baro mas̄ wah̄jari ahri t̄re? ¿Diro baro wama wah̄jari? —ni siniture.

21 —César, masa bui p̄htoro mas̄, to wama c̄h̄ wah̄na —ni ȳhtire tina.

Ti ã nich̄ t̄horo Jesu õ sehe ni yahure:

—Tí pja pini masa bui p̄htoro yare tiro sehere waga. Cohamac̄ yare Cohamac̄ sehere waga —nire Jesu.

22 To ã nich̄ t̄hoa, t̄ho c̄aa waha, waha wahare Herode ya curua macaina.

Saduceo curua macaina Cohamac̄ to masoare sinituha Jesure

(Mr 12.18-27; Lc 20.27-40)

23 ã yoa tí dachoihta c̄aina saduceo curua macaina Jesu cahap̄ wihire. Saduceo curua macaina sehe “Cohamac̄ yariainare masosi”, ni t̄hotuina jire. ã jia õ sehe nire tirore tina:

24 —Buheriro, õ sehe ni buhea tiha Moise cjiro: “C̄airo to wahmino namo tirore pohna mariaparota to yariach̄ to bah̄ore to wahmino namono cjirore n̄oano cahmana. ã yoaro to wahmino m̄nano to pohna tiboro seheta pohna tiro cahmana to bah̄ore. ã jia to pohna to wahmino m̄nano pohna yoaro sehe jahca”, ni joaa tiha Moise cjiro —nire tina saduceo curua macaina.

25 Tíre ã ni yahu tuhs̄ ahri quitire yahu namore tina Jesure:

—C̄airo mas̄no jiha. Seis to bahana jiha. Ti wahmino sehe namo ti, pohna marieriro yariaa wahaha. Tuhs̄, paio to

bah̄ro c̄h̄ to wahmino namono cjirore n̄oaha. 26 To ã n̄oari bah̄ro to wahmino yoaro seheta pohna mariaparota yariaa wahaha tjoa. ã yoa ahriro bah̄ro to wahmino m̄nano yoaro seheta pohna mariaparota yariaa wahaha. ã dihta wahaha c̄airo pohna waro. Ne pohna mariapahta yaria pihtia wahaha tina. 27 Ti namono cjiro c̄h̄ ti baharota yariaa wahaha juna. 28 ¿Ne, Cohamac̄ jipihtinare yariaina cjirire to masoch̄ diro baro namono jibocari ticoro? Tina jipihtina ticoro namo tirina cjiri jiha. ¿Á yoa diro namono sehe jibocari ticoro pototi? —ni siniture tina.

29 Jesu õ sehe ni ȳhtire tinare:

—Cohamac̄ yare ti joari p̄re, to masia c̄h̄ure ne masierara m̄sa. ã yoa m̄sa t̄hotua sehe ne potoc̄a jierara.

30 Yariarina cjiri ti masa m̄jari bah̄ro tina anjoa yoaro sehe jira. Tina namo marieina, man̄ mariea numia jira t̄p̄re.

31 Yariarina cjiri ti masa wijahto sehere m̄sare yahuihtja. ¿Cohamac̄ m̄sare to niri cjirire ne buherari m̄sa? Õ sehe niha tiro: 32 “Ȳh̄ Abrahã, Isaa, Jacobo ti p̄htoro tjija”, nina Cohamac̄”, ni joaa tiha panop̄re. Ti yariari bah̄ro “Ti p̄htoro tjija”, ni yahuha Cohamac̄. ã niparota yariarina cjiri p̄htoro jierara Cohamac̄. “Ti p̄htoro tjija”, to nia mehne catiina ti jich̄ masija mari. Tiro catiina p̄htoro jira —ni yahure Jesu tinare.

33 To ã ni buhech̄ t̄hoa paȳ masa t̄ho c̄aa wahare.

C̄ano noa ȳhd̄ro to dutiare yahuha Jesu
(Mr 12.28-34)

34 ã yoa saduceo curua macaina Jesure ti ȳhti masierach̄ t̄hoa, fariseo curua macaina sehe tiro cahap̄ cahmachure.

35 Cahmachu, tina mehne macariro marine judio masare buheriro sehe Jesu to ñano nich̄ t̄ho duaro mahño c̄ sinitu ñ̄mare tirore.

36 —¿Buheriro Cohamac̄ ya dutia noa ȳhd̄ro di baro sehe jijari, m̄ t̄hotuch̄? —ni siniture tiro.

37 Jesu tirore õ sehe ni ȳhtire:

—“Tuaro m̄sa yajeripohna mehne, m̄sa tuua mehne, noano m̄sa wac̄a

mehne Cohamacure cahĩga”, nina Cohamacu. ³⁸ Ahri dutiata paye dutia yuħdoro noa yuħdũara. ³⁹ Ahri dutia baharo paye dutia noa yuħdũara: “Mũ basi mũ cahĩno seheta mũ cahai jiina cũhare cahĩga”, nina Cohamacu. ⁴⁰ Ahri puaro dutiare yoana, jipihtia paye dutiare yoa pahũona nija mari. Cohamacu yare yahu mahtaina cjiri panopũ ti joari cũhare yoa pahũona nija mari —ni yahure Jesu.

*¿Diro baro coyeiro jijari Cristo?
(Mr 12.35-37; Lc 20.41-44)*

⁴¹ ã yoa fariseo curua macaina tói cahmachuina ti jichũ ⁴² Jesu tinare õ sehe ni siniture:

—“Cristo, Mesia mari ni pisuriro Cohamacu to warocahtiro jira”, nina mũsa. ¿Diro baro jijari Cristo ñũchũno cjiro panopũ macariro, mũsa tuhotuchũ? —nire tiro.

—Cristo Davi cjiro panamino jirohca —ni yuhtire tina.

⁴³ Jesu õ sehe ni yahure tinare:

—¿Cristo Davi cjiro panamino to jichũ dohsearo Davi sehe puħtoro tiari Cristore? ¿Dohsearo ã puħtoro ti dutiri Espĩritu Santo tirore? Õ sehe niha Davi cjiro:

⁴⁴ “Cohamacu yũ puħtorore õ sehe nire:

‘Õi yũ poto buħusehei dujiga.

ã jichũ mũhare ñũ tuhtiinare mũhare yuħdũrucabasaihca yũhũ’, nire Cohamacu yũ puħtorore”,

ni joaha Davi cjiro. ⁴⁵ ã ni joarota Davi cjiro puħtoro tiha Cristore. ¿Davi cjiro Cristo ñũchũno cjiro jiro dohsearo tiro puħtoro tiari Cristore? (Cristo Davi cjiro puħtoro tjira) —ni yahure Jesu.

⁴⁶ To ã ni yahuchũ tina tirore ne yuhti masierare. ã jia tó purota sinitu duhunocare tina tirore. Tuhsũ tirore cuia pari turi sinitu ñũerare tirore jũna.

23

*Judio masare buheina, fariseo curua macaina cũhũ ti ñano yoaare yahuha Jesu
(Mr 12.38-40; Lc 11.37-54; 20.45-47)*

¹ ã yoa payũ masare sã cũhare Jesu õ sehe ni yahure tjoa:

²—Marine judio masare buheina fariseo curua macaina cũhũ Cohamacu dutia Moise cjirore to cũri cjirire yahuina jira tina. ³ Ti ã yahuina jichũ mũsare ti yahuriro seheta tíre yoa pahũoga mũsa. ã yoapanahata tinare ñũ cũena tjiga mũsa. Ti buheriro seheta yoaerara tina. ⁴ Masare payũ dutira tina. ã dutipahta ti dutiro sehe masa ti yoaerachũ ñũa tinare yoadohoerara. ⁵ Masa ti ñũrocaro dihta noano yoa ñomana tina. Cohamacu yare ti joari pũre ti duhu sãa caa pocacãre, bujũ curea caa pocacãre ti wũhdũa poca bui duhte yohre tina masare ñũ dutia. Ti yachũri cũhare duhte yohre. ã yoa ti suhtipũ ti duhu yoa bocari bujũbia bocari jira. Cohamacure ti ño payorire masa sehene yoa ñoa nimana tina. ⁶ Tuhsũ, bese nũmũri jichũ puħtoa ti dujiapũ duji duara. Judio masa mari buhea wũhũsepũ cũhare noaa dujia pahtari dihtare jicoara tina. ⁷ ã yoa mahapũ ño payoa mehne paina tinare ti noano piti bocasinichũ cahmana tina. Tinare “Buheriro”, masa ti ni pisuchũ cahmana.

⁸ Paina mũsare pisua “Buheriro”, niea tjijaro. Mũsa jipihtina cũno potori jina nina. ã yoa mũsare buheriro cãirota jija yũhũ Cristo. ⁹ Ahri yahpa macainare “Mari puħcu”, nina tinare ño payona nica. Ne ã niena tjiga. Mũano macariro dihta mari puħcu jira. Tiro dihtare ño payoro cahmana marine. ¹⁰ ã yoa masũnore “Puħtoro”, niena tjiga. Mũsa puħtoro yũhũ Cristo sehe cãirota jija. ¹¹ Cahamacũno yoaro sehe mũsare yoadohoriro tiro tjica mũsa puħtoro jihtiro. ¹² Cãiro puħtoro ji duaro tirore wiho jiriro yoaro sehe jiro cahmana. “Wiho jiriro jija yũhũ”, ni tuhoturiro painare yuħdũrucã duaerariro tiro sehe puħtoro jirohca —ni yahure Jesu.

Judio masare buheina, fariseo curua macaina mehne ti mahũopeare yahuha Jesu

¹³ To ã niri baharo tinare õ sehe ni yahu namore:

—Mũsa judio masare buheina, fariseo curua macaina cũhũ ñano yuħdũnahca. Mahũopeina jira mũsa. Soro mũsa buhechũ tuhoa mũsare tuhorina sehe puħtoro Cohamacu to suho jiropare wahasi. Mũsa

cũhũ tópurẽ wahasi. ã buhena tópurẽ waha duainare dũcatana nina mũsa.

¹⁴ [’Mũsa judio masare buheina, fariseo curua macaina cũhũ ñano yũhdũnahca. Mahñopeina jira mũsa. Wapewahya numia ya wũhũsere manocahna mũsa tí numiare. Tuhsũ, yoari pja masa ti ñũrocaroi Cohamacũre sini ñomana mũsa masare. Mũsa ã yoari buhiri paina bui curero Cohamacũ pjíro buhiri dahrerohca mũsare.]

¹⁵ ’Mũsa judio masare buheina, fariseo curua macaina cũhũ ñano yũhdũnahca. Mahñopeina jira mũsa. Pjiri mapũ pahã, yoaro macaa yahparipũ wahara mũsa, mũsa dutiare yoahitirore macana tana. Mũsa dutiare yoahitirore boca, tirore buhera. Mũsa ã yoachũ tiro sehe mũsa yũhgoro pichacapũ wahahtiro jirohca.

¹⁶ ’Mũsa ñano yũhdũnahca. Capari ñũeraina ti ñũ masieraro seheta masieraina jira mũsa. ã jipanahta painare buhemana mũsa. Õ sehe ni buhemana mũsa: “ ‘Cohamacũ wũhũ mehne yũ nino seheta yoaihtja’, niriro to niriro sehe to yoerapachũta noanohca”, ni buhemana mũsa. “ ‘Cohamacũ ya wũhũ macaa uru mehne yũ nino seheta yoaihtja’, niriro tiro sehere to niriro seheta yoa sohtori tiro cahmana” ni, tí cũhũre buhemana mũsa.

¹⁷ Capari ñũeraina ti ñũ masieraro seheta masieraina jira mũsa. Tũho masieraina jira. ¿Di baro sehere ño payoro cahmajari? Urure ño payoeraro cahmana. Cohamacũ sehe tí uru to wũhũi jichũ noaa jichũ yoara tíre. ã jina to wũhũ sehere ño payoro cahmana mũsare. ã jia mũsa buhea sehe tó wahaerara. ¹⁸ Ahri cũhũre buhemana mũsa: “ ‘Cohamacũ wũhũ macari mesa mehne yũ nino seheta yoaihtja’, niriro to niriro seheta to yoerachũ noanohca”, ni buhemana mũsa. “ ‘Tí mesa bui jia mehne Cohamacũre ño payoa ti wari mehne yũ nino seheta yoaihtja’, niriro tiro sehere to niriro seheta yoa sohtori tiro cahmana”, ni buhemana mũsa. ¹⁹ Capari ñũeraina ti ñũ masieraro seheta masieraina jira mũsa. ¿Di sehe tí waro jijari, mũsa tũhotuchũ? Cohamacũre masũno to ño payoro to wari cjiri tí waro jiera curera. Tí mesa bui Cohamacũre to wachũ, noaa wahara tí mesa bui jia. ã jiro tí mesa sehe wiho

jiri mesa jierara. Cohamacũre ño payoa ti wari bui curero noari mesa jira. ²⁰ ã jiro “Cohamacũ wũhũ macari mesa mehne yũ nino seheta yoaihtja”, cũiro nino, tí mesa bui macaa to wari mehne tiro ã nino nica. ã jia mũsa buhea sehe tó wahaerara. ²¹ “Cohamacũ wũhũ mehne yũ nino seheta yoaihtja”, cũiro nino, potocãta Cohamacũ mehnetã ã ninota nica. Cohamacũ tí wũhũ macariro jira. ²² ã jiro “Mũano mehne yũ nino seheta yoaihtja”, cũiro nino, Cohamacũ to jiropurũ mehnetã ã nino nica. ã jiro Cohamacũ mehnetã ã nino nica. Tiro sehe tó macariro jira. ã jia mũsa buhea sehe tó wahaerara.

²³ ’Mũsa judio masare buheina, fariseo curua macaina cũhũ ñano yũhdũnahca. Mahñopeina jira mũsa. Moa yoaro sehe jiare chũare coachũ yoare cjũana mahanocã wamana mũsa. Cohamacũre ño payona tana sacerdotiare wamana mũsa. Mahanocã wamana mũsa. Menta, anis, comina wama tia coachũ yoare wamana mũsa. ã wapanahtja noare yoerara mũsa. Tuhsũ, masare pja ñũerara mũsa. ã yoa Cohamacũre wacũ tuaerara mũsa. Toaa dichare mũsa narire mahanocã sacerdotiare mũsa wachũ noa nina. ã wana õ sehe yoa namoga: Noare yoaga. ã yoa pja ñũga masare. Tuhsũ, Cohamacũre wacũ tuaga. ²⁴ Capari ñũeraina ti capari ñũeraro seheta masieraina jira mũsa. Õ sehe yoara mũsa: Mũsa ya dutiare yoa dutina, wiho jia waro dutiare yoara mũsa. ã yoapanahta Cohamacũ to pototi to dutia warore yoerara mũsa.

²⁵ ’Mũsa judio masare buheina, fariseo curua macaina cũhũ ñano yũhdũnahca mũsa. Mahñopeina jira mũsa. Mũsa waparire, mũsa sihnia wahwarire bui mũsa cosaro seheta noare yoa ñomana mũsa buicã warohna. ã yoapanahta Cohamacũ yare quihõno yoerara mũsa. Paina yare maina, mũsa basi dihta bũjũare na duaina jina, ã dihta tũhotura mũsa. ²⁶ Capari ñũeraina ti ñũ masieraro seheta masieraina jira mũsa fariseo curua macaina. Ñaare mũsa tũhotuare cohtotaga. Mũsa ã yoana masa ti ñũrocaroi noaina jinahca mũsa.

²⁷ MUSA judio masare buheina, fariseo curua macaina cãhũ ñano yãhdũnahca. Mahñopeina jira mUSA. Masa copa, yehsea mehne ti wisõri copa yoaro sehe jira mUSA. Masa tí copare ti ñũchũ noari copa bajura. To ã bajupachũta, puhicha macariro baarirore, to cohãrine, ñaare ñuerara tina. ²⁸ Tó seheta mUSA cãhũ masa ti ñũrocaroi noaina sehe bajumana mUSA. ã noaina sehe bajuina mUSA jipachũta mUSA tãhotuapũ ñaa, mahñoa ji yãhdũara yariaina yoaro seheta —ni yahure Jesu.

Judio masare buheina, fariseo curua macaina cãhũre to buhiri dahrehtore yahuha Jesu

²⁹ ã ni tuhsũ õ sehe ni namore tinare:

—MUSA judio masare buheina, fariseo curua macaina cãhũ ñano yãhdũnahca. Mahñopeina jira mUSA. Cohamacũ yare yahu mũhtaina cjiri panopũ macaina ti masa coparire noano cahnomana mUSA. Tuhsũ, noano yoaina cjiri ti masa coparire noano cahnomana mUSA. ³⁰ ã yoana õ sehe nirucumana mUSA: “Panopũre sã ñũchũsuma cjiri ti yoariro sehe sã sehe yoeraboa. Tí pjarũ jiinare Cohamacũ yare yahu mũhtaina cjirire sã wajãeraboa”, nirucumana mUSA. ³¹ ã nina mUSA ñũchũsuma cjiri Cohamacũ yare yahu mũhtainare wajãrina cjiri ti jiri cjirire bajuro wana nica. Tinare wajãrina cjiri panamana ji turiaina mUSA jia cãhũre bajuro wana nica mUSA. ³² MUSA ñũchũsuma cjiri ti yoariro seheta yoa sohtori tiwahnoga.

³³ Agãa ñima tiina yoaro sehe ñabiaina jira mUSA. MUSA ñaa tãhotumari cjirire cohtota duaerana Cohamacũ mUSA ñaa buhirire pichacapũ mUSA to cohãhto pano duhti masierara mUSA. ³⁴ ã jii mUSA niita nija. Cohamacũ yare yahu mũhtainare, paina noano masiinare, paina mUSA buhehtinare mUSA cahai warocaihtja. Yũ ã warocachũ mUSA sehe cãina tinare wajãnahca. Painare crusapũ cã puhanahca. Painare mUSA buhea wãhũsepũ tjananahca. ã yoana macaripepũ tinare ñano yoa, mURoca nũnũ tinahca mUSA. ³⁵ MUSA ã yoana jipihtina ñaa marieinare mUSA wajãri

buhiri buhiri tinahca. Noariro Abe cjirore Caĩ to wajãri buhiri jipihtina mUSA cãhũ buhiri tinahca. Jipihtina to baharo jiinare noainare ti wajãri buhiri cãhũre buhiri tinahca mUSA cãhũ. ã yoa Cohamacũ wãhũ cahai wahiquinare ti wari mesa cahai Zacariare wajãre tina. Tiro sehe Berequias macũno jire. ã jina Zacaria cãhũre ti wajãri buhiri buhiri tinahca mUSA cãhũ. ³⁶ Potocã mUSA yahuita nija. Tina jipihtinare ti wajãri buhiri mipũ macaina cãhũ mUSA buhiri tinahca —ni yahure Jesu.

Jerusalẽ macainare tuaro cahĩha Jesu (Lc 13.34-35)

³⁷ ã ni tuhsũ õ sehe ni namore:

—Cue, Jerusalẽ macaina, Cohamacũ yare yahu mũhtaina cjirire wajãrina jira mUSA. MUSA coyea panopũ macaina cjiri cãhũ ãta yoarina cjiri jiha. ã yoa mUSA cahai to warocaina cjirire tãa mehne doca wajãrina jira mUSA. Caracacoro to pohñare to cã mUA dũpũri mehne to moha coãno seheta payũ tahari cahĩrucumahi mUSA. MUSA cahmamahi. MUSA sehe yãhũre ne cahmaerare. ³⁸ Mipũre mUSA ya maca cohãri maca cjiro jirohca. ³⁹ Potocã mUSA niita nija. Baharopũ taihtja yũhũ. ã yũ tachũ ñũna mUSA yãhũre “Cohamacũ tuua mehne tariro noano tajaro”, ninahca. Yãhũre mUSA tíre nihto pano yũ tjua tahto pano pari turi yãhũre ñũsi mUSA —nire Jesu tinare.

24

“Cohamacũ wãhũ cohãri wãhũ jirohca”, niha Jesu

(Mr 13.1-2; Lc 21.5-6)

¹ ã yoa Cohamacũ wãhũ jiro Jesu to wijaa wihihũ sã to buheina tí wãhũre tí wãhũ cahai jia wãhũse cãhũre ñũna:

—Ahri wãhũse jira. Ñũga mũhũ cãhũ —nii sã tirore.

² Jesu õ sehe ni yãhtire:

—Ahri wãhũsere mipũre ñũmana mUSA. MUSA yahuita nija. Ahri wãhũsere jipih-tia mUSA ñũri cjiri ahri wãhũse macaa tãa cãhũ cohõ pih-tia wahaahca. Ne cãria tãca tjuaasi —nire tiro sãre.

*Pihtiri dacho cjihtore yahuha Jesu
(Mr 13.3-23; Lc 21.7-24; 17.22-24)*

³ Baharo Olivo wama tidu tucupu su, topu dujire Jesu. Tói to dujichu sa to buheina sa sahsero tiro cahapu su, o sehe ni sinitu ñuhi:

—Yahuga sare. ¿Dohse jichu a waharohcari mu niriro sehe waharo? ¿Pihtiri dacho panocare to jichu cuhure, mu tjua tahto cuhure dohse to waha ducachu ñunahcari sa? —ni sinitu ñui sa.

⁴ Jesu o sehe ni yuhtire:

—Noano yoaga musa. Musare paina ti mahñoare tuhoena tjiga. ⁵ Payu masa “Cristo jija yahu”, ni mahñoina taahca. Ti a mahñoachu tuhoa payu masa Cohamacu yare duhuahca. ⁶ Musa cahacai masa paina ti cahma wajachu tuhonahca musa. Tuhsu, yoaropu cuhure ti cahma wajachu tuhorocanahca musa. A tuhopanahta ne tire pjiro tuhoutuena tjiga. A waharohca. Ti a yoachu pihtiri dacho cjihto dhsasinohca mini. ⁷ Tí pjare cu yahpa macaina pa yahpa macaina mehne cahma wajahca. A yoa cuiro puhtoro yaina pairo puhtoro yaina mehne cahma wajahca. Tuhsu, payu masa juca mehne yariaahca. A yoa dohatia payu jiahca. Tuhsu, pjaró yahpa ñuhminohca. ⁸ To a wahachu ahri yahpa macainare ti ñano yuhdu namohto dhsasinina mini. Ñano yuhdusinihca.

⁹ Tí pjare paina musare ñaha, ñano yoa dutia waachu musare paina puhtoapure. Ti a wachu musare wajahca. Yu yaina musa jiri buhiri jipihtina musare ñu tuhtiahca. ¹⁰ Tí pjare payu yu yaina jimarina cjiri yuhure cohahca. A jia tina mehne macainare tina ñu tuhtiahca. A yoaa tina mehne macaina ti jipachuta tinare ñano yoahinare waahca tina. ¹¹ Tí pjare payu “Cohamacu yare yahu muhtaina jija”, ni mahñoina jiahca. A jia payu masa ti mahñoare tuhoahca. ¹² Tí pjare ñabiaro yoahca masa. A yoaa tina mehne macainare cahí namosi. ¹³ A jina musa tuaina jina, ahri yahpai musa catisinino puro cano pjarucuna, yuhduhahca musa. ¹⁴ Tuhsu, ahri noaa buhea jipihtiropu ahri yahpapore ti yahua buhea jiahca. Puhtoro Cohamacu to saho jiare yahuri buheare ti

yahu siteri jiahca, jipihtina tí buheare ti masihto sehe. Ti a yahuri baharo pihtiri dacho ducarohca.

¹⁵ Cohamacu yare yahu muhtariro Daniel cjiro panopu macariro ñabiarore Cohamacu yare ñano yoarore yahua tiha panopure. Tí pjare tiro ñariro sehe Cohamacu wuhupu to ducuchu ñunahca musa. Ahri yu nirire noano masiga musa. ¹⁶ Tói to ducuchu ñua, Judea yahpamu jiina sehe tuyucu cahapu muroca duhtijaro. ¹⁷ Soaro mehne muroca duhtijaro. Tí pjare ti wuhuseri bui macaa waparipu jiina wuhu puhichapu jiare ti yare na wahaea tjijaro ti waha bahrañohto sehe. ¹⁸ Tuhsu, tí pjare paina ti weseripu jiina ti bui macaa suhti wuhupu jia suhtire na wahaea tjijaro ti waha bahrañohto sehe. ¹⁹ Tí pjare nijipocosanumia, ti pohnare pu numia cuhu pjacuro wahaahca. ²⁰ A jina Cohamacure o sehe ni siniga: “Puhiro jichu judio masa sa soa numari jichu cuhure sa muroca duhtihti dacho jiero tjijaro”, ni siniga musa Cohamacure. ²¹ Tí dachorire masa nu ñano wahaahca. Ahri yahpare to bajuamehneri baharo masa ñano ti yuhdu jisinia tiha. Ti a jipachuta jipihtia tí puria yuhdoro pihtiri dacho panocá ñabiaro yuhduhahca masa. A ñano ti yuhduri baharo pari turi to sehe ñabiaro yuhdusi ahri yahpai juna. ²² Cohamacu tí dachorire mahaa dachoricá jisinchu yoarohca. To a yoerachu ne cuiro masano yuhdueraboca. A jiro to beserina ti yuhduhti cjihtire mahaa dachoricá a cusinohca Cohamacu. ²³ Tí pjare paina musare “Ñuga. Oi jira Cristo”, ti nichu tinare tuhoena tjiga. “Tói jira Cristo”, ti nichu tinare tuhoena tjiga. ²⁴ “Cristo jija”, ni mahñoina, “Cohamacu yare yahu muhtaina jija”, ni mahñoina jiahca tí pjare. A jia Cohamacu to beserinare mahñoa, tina bajuamehneare yoa ñoahca. Ti a yoa ñochu ñua, Cohamacu yaina cana tinare tuhoa “Potocá tjira” nia, Cohamacu yare pa tehe nia duhuboca. ²⁵ Ahri jipihitiare musare yahuyuja musare to a wahahto pano. A jina tuhoga musa. ²⁶ Paina masa musare “Ñuga. Masa marienopu jira Cristo”, ti nichu topure ñuna wahaena tjiga. A yoa tina “Oi ahri tahti pocai jira

tiro”, ti nichu tinare tahoena tjiga. ²⁷ Yuhu masano Cohamacu warocariro wacuenoca tjua taihtja. Oroca sitero manore su muja taropu, su sanopu wacuenoca to oroca site-rocaro seheta wacuenoca tjua taihtja yuhu. ²⁸ Yucaare mari nuna, yariariro to pjacu cjiro jichu mari noano masinahca. (To seheta ahri musare yu yahuyurire musa nuna noano masinahca ahri yahpau yu tjua tahto mahanoca to dhsachu cuhare) —ni yahure Jesu.

Cristo ahri yahpau to tjua tahtore yahuha tiro

(Mr 13.24-37; Lc 21.25-33; 17.26-30, 34-36)

²⁹ A yahu tuhsuro tinare o sehe ni yahu namore:

—Ti dachori masa ti nano yuhdu dachori baharo su dacho macariro, nami macariro cuhu buhria duhua wahaahca. Ti a wahachu nahpichoha poca manopu jia poca bora wahaahca. Tuhsu, manano macaa yahpari tuaro nuhmiahca. ³⁰ Ti pjata yuhu masano Cohamacu warocariro manopu yu bajuamehnenore yu nochu nuhca masa. A nuh jipihtia curuari macaina tiiahca. Tuhsu, yu tuua mehne, yu si sitea mehne manano macaa me bui ahri yahpau yu tjua tachu nuhca tina. ³¹ Corneta bisiro coa tarohca. To a coa tachu yu yaina anjoare jipihtiropu ahri yahpau warocaihtja. Tuhsu, jipihtiropu yu yaina yu beserinare tina naahca.

³² Mipure higueraure tuhotuga musa. Tu quiti mehne musare piti dahre buhehtja. Tu yucacu puri tichu nuna, cahu mahanoca to dhsachu masina musa. ³³ To seheta ahri jipihtia yu niri cjirore ti a wahachu nuna, yu tjua tahto mahanoca to dhsachu masinahca musa. ³⁴ Potoca niita nija musare. Ti pja macaina ti yariahto pano jipihtia yu niriro seheta a waharohca. Manano, ahri yahpa cuhu pihtia wahaahca. ³⁵ Manano cuhu ahri yahpa cuhu pihtia wahaahca. Yu durucua sehe ne cohtotasi. Jipihtia yu niriro seheta a waha sohtori tiarohca.

³⁶ Ti dachore yu tjua tahti dachore, ti ora cuhare masieraja yuhu. Anjoa cuhu tere masierara. Masa cuhu masierara. Yu Pucu dihta tere masina.

³⁷ Noe to jiri pja macaina ti jiro se-heta ahri yahpau yu tjua tahto panocare to seheta jahca masa. ³⁸ Yahpa to minih-to pano masa chu, sihni, yoaha. Tuhsu, muh, numiare namo tiha. Noe cuhu ti dohoriapu ti samuhto pano a yoaa timaha masa. ³⁹ Dohta tuaro coro ta, wacuenoca yahpa minia wahaha. Masa cuhu mini pihtia wahaha. Wacuenoca to miniro se-heta yuhu masano Cohamacu warocariro ahri yahpau wacuenoca tjua taihtja. ⁴⁰ Ti pjare wesepu puaro dahraina ti jichu curo yuhure cahmarirore naahca. A yo yuhure cahmaerariro toi tjuarohca. ⁴¹ Ti pjare puaro numia cunoi ti yore area numia jichu curo yuhure cahmaricorore naahca. A yo yuhure cahmaeraricoro toihta tjuarohca.

⁴² Noano wacu masi cohtaga. Yuhu musa puhtoro, yu tjua tahti dachore ne masierara musa. ⁴³ Ahrire wacuga musa. Yacariro to wuhpu to sa yacahto panore wuhu puo masino, ti namine tiro careraboa, yacarirore cohtaro taro. A yo yacarirore to wuhpu sa dutieraboa. Yuhu yacariro to wacuenoca to tariro seheta wacuenoca taihtja. ⁴⁴ A jina yu yare a yoarucuna yuhure cohtaga. Yuhu masano Cohamacu warocariro ahri yahpau tjua tai wacuenoca taihtja —nire Jesu.

Dahra cohtariro to puhtorore no pay-orirore, no payoerariro cuhare yahuha
(Lc 12.41-48)

⁴⁵ A yo Jesu to tuhotua mehne o sehe ni piti dahre buhe namore tjoa:

—Dahra cohtariro to puhtorore no pay-oriro tuho masiro jira. To a jichu nuno paina dahra cohtaina bui cuna tirore to puhtoro sehe waharo taro. A tirore cu tuhsu waha wahara puhtoro. To a wahachu nuno, churi pja jichu dahra cohtariro painare chure witera. ⁴⁶ Baharo puhtoro to ya wuhai tju wihira. To tju wihichu nuno dahra cohtariro sehe to puhtoro to dutiro seheta yo pahnoriro jiro, wahcheriro jirohca. ⁴⁷ Potoca musare niita nija. To a noano dahrachu nuno to puhtoro jipihtia to yare nu wihbohtiro cunohca tirore. ⁴⁸⁻⁴⁹ Wiho mejeta nariro

dahra cohtariro sehe “Y_u p_uhtoro so bajuerara” nino, paina dahra cohtainare cjãpe, pjíro ch_u, sihni, cahaina mehne caharohca. ⁵⁰ Baharo to p_uhtoro wac_uenoca tjua tarohca. Tí dachore ne masierara dahra cohtariro. ⁵¹ P_uhtoro sehe tjua taro ñariro to yoarire t_uhoro, tirore tuaro buhiri dahrerohca. ã buhiri dahrero, masa ti baharo b_uh_usehei ñano yoa cohtaina ti waharop_u cohãnohca tirore. Tó_pure tiro tuaro tii, cahyaro mehne bahca dihorohca —ni yahure Jesu.

25

Diez nuhmia quti mehne buheha Jesu

¹ ã yoa Jesu pari turi to t_uhotua mehne ò sehe ni piti dahre buhe namore tjoa:

—M_uano macariro masa bui p_uhtoro to s_uho jia ahri quti yoaro sehe jira: Diez nuhmia jiha. C_u ñami tina ti sihãa poca mehne wamomaca d_uhtehtirore piti boca wahaha. ² Tina mehne maca numia cinco numia t_uho masiera numia jiha. Paye numia sehe cinco numia t_uho masia numia jiha. ³ T_uho masiera numia sehe ti sihãa pocare, posa tia pocare naamaha. Paye pocare se posa tia pocare ti pihtich_u ti pioborire naeraha. ⁴ T_uho masia numia sehe ti sihãa poca se posa tia pocare naaha. Paye se poca c_uh_ure naaha. ⁵ ã jia wamomaca d_uhtehtiro to bajuerach_u tí numiare w_ujo purích_u caríã wahaha. ⁶ ã ti caríni baharo ñami dacho macai sañurucuro coa taha: “T_uhoga. Wamomaca d_uhtehtiro taro coa tara. Tirore piti bocana taga”, ni sañurucuro coa taha. ⁷ To ã nino coa tach_u t_uhoa tí numia wahcã, ti sihãa pocare cahnoha. ⁸ ã yoa t_uho masiera numia sehe paye numia t_uho masia numiare ò sehe niha: “Sã sihãa poca yatia nina. ã jina mahanocã m_usa ya sere waga sãre”, ni sinimaha tí numia. ⁹ Ti ã sinipach_uta t_uho masia numia ò sehe ni yaht_uha: “Sã ya se mari jipihtinare m_u s_ueraboca. ã jina se cj_uainare m_usa basi nuch_una wahaga”, ni yaht_uha t_uho masia numia sehe. ¹⁰ Ti ã nich_u t_uhoa, t_uho masiera numia sere nuch_uã wahaha. Ti ã wahari baharo wamomaca d_uhtehtiro wih_uha. ã to wihich_u ñ_uã ti yare cahno tuhs_uri numia

t_uho masia numia tirore piti boca. Piti boca, to wamomaca d_uhteri b_use n_um_up_u tiro mehne ñ_uã wahaha. Tuhs_u, b_use n_um_ure ti yoari w_uh_up_u paina mehne tí numia ti sãari baharo, sopacare bihanocaha. ¹¹ Baharop_u t_uho masiera numia sehe wihimaha. “P_uhtoro, sãre pj_uohga”, nimaha tí numia. ¹² “Potocã m_usare niita nija. M_usare masieraja y_uh_u”, niha tiro tí numiare.

¹³ ã jina t_uho masia numia ti yare ti noano cahno tuhs_u ti cohtariro sehet_u y_u tahtore noano cohtaga m_usa c_uh_u. Y_u tjua tahti dachore tí hora c_uh_ure ne masierara m_usa —ni yahure Jesu.

Niñeru t_uri uru t_uri quitire yahuha Jesu

¹⁴ ã ni yahu tuhs_u to t_uhotua mehne ò sehe ni piti dahre buhe namore tjoa:

—Tí pja y_u tjua tahti pja ahri quti yoaro sehe jirohca. W_uh_u p_uro jiha. Tiro pa seh_up_u tinino waharo taro, tirore dahra cohtainare pjiroc_uaha. ã yoaro tinare to yare cohta dutiha.

¹⁵ ã cohta dutiro ti wihbo masino puro tinare niñeru t_uri waha. C_uirore cinco t_uri wapa b_uj_uã t_uri uru t_uri waha. Pairore p_uã t_u waha. Pairore c_u t_u waha. Tinare wa tuhs_u, wahaa wahaha. ¹⁶ ã yoa cinco t_uri to wariro dóihta to wahari baharota tí t_uri mehne paye barore nuch_uha. To nuch_urire painare duaha. To duari wapa diez t_uri waro wapataha tiro. ã jiro diez t_uri cj_uaha. ¹⁷ ã yoa p_uã t_u to wariro dóihta to wahari baharota tí t_uri mehne paye barore nuch_uha. To nuch_urire painare duaha. To duari wapa pititia t_uri waro wapataha tiro. ã jiro pititia t_uri cj_uaha. ¹⁸ C_u t_ure to wariro sehe copa saha, tí t_ure yaha, tí copap_u n_uono.

¹⁹ Yoari pja baharo ti p_uhtoro wih_uha. ã wihiro to niñeru t_uri mehne ti ñaha namorire quih_uno taro tirore dahra cohtainare pjiroc_uaha. ²⁰ ã to pirocach_u cinco t_uri to wariro cjiro to p_uhtoro cahap_u s_u, diez t_uri wiaha tirore. “Cinco t_uri y_uh_ure ware m_uh_u. Ñ_uj_uta. Tí t_uri mehne paye cinco t_uri ñaha namohi”, niha tirore. ²¹ “Noano yoari jire m_uh_u. M_uh_u noariro, y_u dutiriro sehet_u yoariro jira. Mahanocã mehne noano yoare m_uh_u.”

Æ jicū mipure mūhare pjíro mū dahrah-
 tore cūihtja. Æ jicū yūhū mehne wahchega
 mūhū”, niha to pūhtoro. ²² Æ yoa pūa
 tare nariro cjiro to pūhtoro cahapū sū,
 yahuha tirore: “Pūa tū yūhūre ware mūhū.
 Ñūjūta. Tí tūri mehne paye tūri pūa tū
 ñaha namohi”, niha tiro. ²³ “Noano yoari
 jire mūhū. Mūhū noariro, yū dutiriro sehe
 yoariro jira. Mahanocāre noano yoare
 mūhū. Æ jicū mipure pjíro mū dahrah-
 tore cūihtja. Æ jicū yūhū mehne wahchega
 mūhū”, niha to pūhtoro. ²⁴ Æ yoa cū tare
 nariro cjiro to pūhtoro cahapū sū, yahuha
 tirore: “Pūhtoro, mūhū paina sehere tuaro
 dahra dutiriro jira. Æ tuaro dahra dutiriro
 jicū toaa maerariro jipaihta tí dichare
 mūhū nana. ²⁵ Mū ã jiriro jichū mūhare
 cuihi. Æ cuicū copa saha, tí copapū mū
 niñeru tare nuohi. Ñūjūta. Ōi jira mū niñeru
 tū”, niha tiro. ²⁶ To pūhtoro to ã nichū
 tūhoro tirore ō sehe niha: “Mūhū ñariro,
 capa būjūriro jira. Yū toaa maerariro ji-
 paihta tí dichare yū nariro jichū masina
 mūhū. ²⁷ Yū ã jiriro jichū ñūcū ya tare
 niñeru wihbori wūhūpū wihboboa mūhū.
 Mū ã wihbochū tina tí tare wiaapū paye
 niñeru wa namoboa tina”, niha pūhtoro
 tirore. ²⁸ Æ nino paina tirore dahra co-
 htainare dutiha tiro: “Niñeru tare maga
 tirore. Diez tūrire cūariro sehere waga.
²⁹ Cūainare wa namoihtja. Æ jia pjíro
 cūaahca. Cūaeraina sehere mahanocā tí
 cūapachūta tíre maihtja. ³⁰ Ahriro dahra
 cohtariro yaba cjihti jierara. Nahitianopū
 ñanopū cohānocahga tirore. Tópū tiro tuaro
 tii, cahyaro mehne bahca dihorohca”, niha
 pūhtoro —ni yahure Jesu.

Buhiri dahrehtore yahuha Jesu

³¹ Æ yoa Jesu ō sehe ni yahu namore:

—Yūhū masūno Cohamacū warocariro
 jipihtina anjoa mehne pūhtoro jicū tacū, yū
 pūhtoro dujiropū yū si sitea mehne duji-
 ihca. ³² Æ yū dujichū, ahri yahpa macaina
 jipihtina yū cahai cahmachuahca. Tí ã cah-
 machuri baharo pūa curua tinare tju wai-
 htja. Ovejare ñū wihboriro to ovejare, to
 cabra cūhūre to tju wariro seheta masare
 tju wa dapoihtja. ³³ Æ tju wacū oveja yoaro

sehe jiina noainare yū poto būhūsehei bese
 dapoihtja. Æ yoa cabra yoaro sehe jīnare
 ñainare yū cō būhūsehei bese dapoihtja.
³⁴ Yū ã yoari baharo yūhū jipihtina bui
 pūhtoro sehe yū poto būhūsehei yū bese
 dapoinare ō sehe ni yahuihtja: “Yū Pūcū
 mū sare noano yoare. Ahri yahpare ba-
 juamehnenopū mūsa ya cjihtire pūhtoro
 to sūho jirore cahno basayu tuhsūre Co-
 hamacū. Æ jina mipure to cahnoripopūre
 jina taga. ³⁵ Yū jūca baachū mūsa sehe
 yūhūre chūare ware. Yū ñahma yapiochū
 yūhūre mūsa sihōre. Mūsa cahai yū tinichū
 yūhūre ñū masierapanahta yūhūre noano
 piti bocare mūsa. ³⁶ Suhti maerariro yū
 jichū ñūna mūsa sehe yūhūre suhti sāare.
 Dohatiriro yū jichū mūsa yūhūre ñūna tare.
 Peresui yū jichū cūhūre yūhūre ñūna tare
 mūsa”, nihtja noainare. ³⁷ Yū ã nichū
 tūhoa tina yūhūre sinituahca: “¿Pūhtoro
 dohse jichū mū jūca baachū mūhare chūare
 wari sā? ¿Dohse jichū mū ñahma yapiochū
 mūhare sihōri sā? ³⁸ ¿Dohse jichū mūhare
 ñū masierapanahta mūhare noano piti bo-
 cari sā? ¿Dohse jichū suhti maerariro mū
 jichū mūhare suhti sāari sā? ³⁹ ¿Dohse jichū
 mū dohatichū o peresui mū jichū cūhūre
 mūhare ñūna sūri sā?” niahca yūhūre. ⁴⁰ Tí
 ã ni sinituchū tūhocū yūhū pūhtoro tinare
 yahuihtja. “Potocā mū sare niita nija. Ah-
 rina yū yaina mehne macariro wiho jiriro
 to jipachūta, tirore mūsa tó seheta yoare.
 Æ jirirore ã yoana, yūhūre yoaro seheta
 yoana nire mūsa tinare”, ni yahuihtja.

⁴¹ ‘Noainare yū ã ni yahuri baharo yū
 cō būhūsehei ducuinare yūhū jipihtina bui
 pūhtoro ō sehe ni yahuihtja: “Cohamacū to
 buhiri dahrehtina jira mūsa. Yūhū mehne
 tjuarena tjiga. Pichacapū wahaga mūsa.
 Tí pichaca ne yatierara. Watīno, to yaina
 anjoa cūhū tí jihtore tí pichacare yoare
 Cohamacū. ⁴² Yū jūca baachū mūsa sehe
 yūhūre chūare waerare. Yū ñahma yapio-
 chū mūsa yūhūre sihōerare. ⁴³ Yūhūre
 masierana mūsa yūhūre piti bocaerare.
 Æ ñūnocaboare. Suhti maerariro yū ji-
 pachūta, yūhūre suhti sāerare mūsa. Do-
 hatiriro yū jichū peresui yū jichū cūhūre
 ã ñūnocare mūsa yūhūre”, ni yahuihtja
 tinare ñainare. ⁴⁴ Yū ã nichū tūhoa tina

yuhure sinituahca: “¿Puhoro, m̄ j̄ca baach̄, m̄ ñahma yapioch̄, sã masierariro m̄ jich̄, suhti maerariro m̄ jich̄, dohatiriro m̄ jich̄, peresup̄ m̄ jich̄ dohse jich̄ sã sehe m̄hure yoadohoerari?” ni sinituahca yuhure. ⁴⁵ Ti ã ni sinituch̄ yuh̄ tinare õ sehe ni yahuihtja: “Potocã m̄sare niita nija. Ahrina ȳ yaina mehne macariro wiho jirirore m̄sa ne yoadohoerare. ã jirirore m̄sa yoadohoerana, yuhureta ã yoana nire m̄sa”, ni yahuihtja tinare. ⁴⁶ ã jiro tinare ã buhiri dahrerucurohca Cohamac̄. Tí buhiri dahrea ne pihtisi. ã yoa, noaina sehe jipihtia dachoripe noano jirucuahca —ni yahure Jesu.

26

Sacerdotea p̄htoa, judio masa b̄c̄na mehne Jesure wajã duaha

(Mr 14.1-2; Lc 22.1-2; Jn 11.45-53)

¹ Tí jipihtiare to buheri baharo Jesu sãre to buheinare õ sehe ni yahure:

² —P̄a dacho baharo pascua jirohca. Tíre m̄sa masina. Tí pjare yuh̄ masunore Cohamac̄ warocarirore ñahaahca. Ñaha tuhs̄, yuhure crusap̄ wajãahca —nire tiro sãre.

³ ã yoa sacerdotea p̄htoa, judio masa b̄c̄na c̄h̄ cahmachuha. Caifa sacerdotia bui puhoro ya wuh̄i cahmachuha tina. ⁴ Tóí cahmachu, ti mahñoa mehne Jesure ñaha ti wajãhtore cahma s̄h̄dua niha:

⁵ —Bose nam̄ jich̄ tirore ñahaena tjijina, “Masa suari”, nina —niha tina ti basi.

Numino me sitia se mehne Jesure pio payoha

(Mr 14.3-9; Jn 12.1-8)

⁶ Tí pjare Simo cami b̄c̄ baariro cjiro ya wuh̄i jire Jesu. To jiri maca Betania wama tiri maca jire. ⁷ Tí wuh̄i to ch̄ro watoi c̄coro numino me sitia na ta, Jesu dapu bui pio payore. Tí me sitia alabastro wama tiriai posa tire. Wapa b̄j̄na co jire. ⁸ To ã pio payoch̄ ñana sã Jesu buheina suahi.

—¿Dohsearo ahricoro ahri me sitia co wapa b̄j̄are ã yoa sitejari? ⁹ Tí me sitiare duaboa. ã duaro pjíro wapa nabo. ã nano

tí niñerure pjac̄oinare waboa ahricoro —nii sã to buheina.

¹⁰ Sã ã ni suach̄ ñno, Jesu õ sehe ni yahure sãre:

—ã niena tjiga ticorore. Yuhure noano yoaro nina. ¹¹ Pjac̄oina sehe m̄sa mehne ã jirucuahca. ã jina tina sehere m̄sa wa masina. Yuh̄ sehe ahri yahpare m̄sa mehne ã jirucusi. ¹² Yuhure ti yahto pano ȳ pjac̄ure cahnoyuro, ticoro yuhure pio payore. ¹³ Potocã m̄sare niita nija. Jipihtiro ahri yahpap̄ noaa buheare ti yahurop̄ ahricoro mip̄re to yoirire yahuahca. Ti ã yahuch̄ t̄hoa ticorore masa paȳ wac̄ahca —ni yahure Jesu sãre.

Juda Iscariote Jesure ñ̄ tuhtiinare to ñohtore yahuha sacerdotia p̄htoa

(Mr 14.10-11; Lc 22.3-6)

¹⁴ Tí pjare c̄iro sã mehne macariro Juda Iscariote sacerdotia p̄htoa cahap̄ s̄ha.

¹⁵ S̄, tinare õ sehe ni sinituha:

—¿Jesure m̄sare ȳ ñoch̄ noho puro wapahcari m̄sa? —ni sinituha tinare.

To ã nich̄ tina tirore treinta t̄ri plata t̄rire waha. ¹⁶ Ti ã wari baharo Juda sehe Jesure to ñohti ñamine cohtasiniha.

Jesu to buheina mehne to ch̄ batoari nam̄ jiha

(Mr 14.12-25; Lc 22.7-23; Jn 13.21-30; 1Co 11.23-26)

¹⁷ B̄caerari p̄ore ti ch̄a nam̄ d̄cari nam̄ sã to buheina sehe õ sehe ni sinitu ñ̄hi Jesure:

—¿Mari pascua macaa ch̄htire noho baroi cahnoyuro dutirocajari m̄h̄ sãre? —ni sinitu ñ̄hi tirore.

¹⁸ Sã ã nich̄ tiro õ sehe ni yahure sãre:

—Jerusalēp̄ wahaga. Tóí jirirore õ sehe ni yahuga: “Marine buheriro to ñano yuh̄d̄hti p̄a mahanocã dahsatjīyuh̄ti. Pascua jich̄ m̄ ya wuh̄i Jesu sãre to buheinare s̄ho ch̄hto jiyuh̄ti”, ni yahuga tí wuh̄ p̄rore —ni warocare Jesu sãre.

¹⁹ To ã ni warocach̄ sãre to dutiriro se-heta yoana, pascua jich̄ sã ch̄htore cahnoyui sã.

²⁰ ã yoa tí ñamine sã mehne doce to buheina mehne ch̄ro nire Jesu. ²¹ Sã ch̄ro watoi tiro sãre õ sehe ni yahure:

—Potocã m̄sare niita nija. Cãiro m̄sa mehne macariro ȳh̄ure ñ̄u tuhtiinare ñ̄onohca ȳh̄ure —ni yahure tiro sãre.

²² To ã nich̄u t̄hona tuaro cahyana, tirore sinitu ñ̄u d̄caĩ sã cãina jipihtina:

—¿P̄h̄toro, ȳh̄uta jijari m̄h̄ure ñ̄ohtiro? —ni sinitui.

²³ Sã ã ni sinituch̄u tiro õ sehe ni ȳhtire:

—Ȳu ch̄ari wapai ȳh̄u mehne soha ch̄arirota jira ȳh̄ure ñ̄u tuhtiinare ñ̄ohtiro.

²⁴ Panop̄u ȳh̄ure ti joariro seheta ȳh̄u masano Cohamac̄u warocariro yariaihca. ã jiro ȳh̄ure ñ̄u tuhtiinare ñ̄oriro ñ̄ano ȳhd̄rohca. Tiro sehe to masa bajuerach̄u noa ȳhd̄aboa. Ñ̄ano ȳhd̄eraboa —nire Jesu.

²⁵ To ã nich̄uta tirore ñ̄ohtiro Juda õ sehe ni siniture:

—Buheriro, ¿m̄h̄ure ñ̄ohtiro tjijari ȳh̄u? —ni siniture tiro.

Jesu õ sehe ni ȳhtire:

—Ëj̄u. M̄h̄uta jira —nire.

²⁶ ã ni yahu tuhs̄u sã to buheina mehne ch̄aro taro nire. ã yoa Jesu pãore na, Cohamac̄ure “Noana”, nire. ã ni tuhs̄u tíre nuha, sãre to buheinare witire.

—Ahr̄ire na, ch̄uga. Ahri ȳu pjac̄u jira —nire tiro.

²⁷ ã ni tuhs̄u tiro sihniri wahware na, Cohamac̄ure “Noana” ni, sãre ware.

—M̄sa jipihtina ahr̄ire sihniga. ²⁸ Ahri ȳu di jira. Paȳu masa ti ñ̄aa yoari buhirire cohãc̄u tac̄u yariaihca. ã yariac̄u ȳu dire cohãihca. Cohamac̄u “M̄sare ȳhd̄oihtja”, to ni c̄ũriro m̄u sach̄u ȳu ã ȳu yariaro mehne to niriro sohtori tiihca. ²⁹ M̄sare niita nija. Ȳu P̄sc̄u p̄h̄toro to s̄ho jirop̄u m̄anop̄u m̄sa mehne wahma co vinore sihniihtja. Mari ã sihniihto pano ahri co vinore sihni namosi ȳh̄u —nire Jesu sãre.

³⁰ ã jina Cohamac̄ure ñ̄o payo basana c̄ũnore basa tuhs̄una t̄c̄u Olivo wama tid̄p̄u s̄i sã.

Pedro Jesure to cohãhtore yahuha Jesu

(Mr 14.26-31; Lc 22.31-34; Jn 13.36-38)

³¹ Tóp̄u sã sach̄u Jesu sehe sãre õ sehe ni yahure:

—Micha ñ̄ami ȳh̄ure cohã wahcãnahca m̄sa. Õ seheta nina Cohamac̄u to yare ti joari p̄ui ȳh̄ure yahuro: “Ovejare ñ̄u

wihboriro yoaro sehe jirirore ȳh̄u Cohamac̄u cohãihtja. Ȳu ã cohãch̄u to yaina oveja yoaro sehe jiina duhti site wahcãa wahaahca”, nina Cohamac̄u to yare ti joari p̄ui. ³² ã yoa Cohamac̄u ȳh̄ure to masori baharo m̄sa pano Galileap̄u wahayuihca ȳh̄u —nire tiro.

³³ To ã nich̄u t̄horo õ sehe nimare Pedro:

—Ȳh̄u mehne macaina jipihtina m̄h̄ure ti cohã wahcãpach̄uta ȳh̄u sehe m̄h̄ure ne cohãsi —nimare Pedro tirore.

³⁴ Jesu õ sehe ni ȳhtire:

—Potocã niita nija m̄h̄ure. Micha ñ̄ami caraca to duhto pano “Ȳh̄u Jesure masieraja”, niihca m̄h̄u. Tia taha ã niihca m̄h̄u —nire tiro Pedroro.

³⁵ To ã nipach̄uta Pedro õ sehe ni ȳhtire:

—M̄h̄u mehne ȳh̄ure ti wajã dua-pach̄uta “Jesure masieraja”, ne nisi ȳh̄u —ni ȳhtimare Pedro.

ã jina sã c̄uh̄u paina to buheina Pedro to niriro seheta nimai sã Jesure.

Getsemaní wama tirop̄u Cohamac̄ure siniha Jesu

(Mr 14.32-42; Lc 22.39-46)

³⁶ ã yoa Getsemaní wama tirop̄u Jesu sã to buheina mehne waha, tóp̄u s̄u, sãre õ sehe nire:

—Õi dujiyusiniga. M̄sa õi dujiro wato sohõ curerop̄u Cohamac̄ure sinii wahai nija —nire tiro sãre.

³⁷ ã ni tuhs̄u, Pedroro, p̄aro Zebedeo pohnare tina tiarore p̄ji wahcãre. P̄ji wahcã tuhs̄u, tiro tuaro cahya, ñ̄ano yajeripohna tiha. ³⁸ ã cahyaro tó mehne macainare to p̄ji wahcãrinare õ sehe niha:

—Tuaro ñ̄ano yajeripohna tija ȳh̄u. Ȳh̄ure tuaro pur̄ino seheta t̄hotui nija michapucacã ȳu yariaboro seheta. Sohõ curero wahasinii nija. Õi tjuasiniga. ã yoa ȳu c̄ũno potori catiga m̄sa c̄uh̄u —niha tiro tinare.

³⁹ ã ni tuhs̄u mahanocã waha namo, yahpai na tuhcuca caha s̄u, Cohamac̄ure õ sehe niha:

—Mai, ȳu ñ̄ano ȳhd̄htire yoa duaeracu yoai tjia. Ȳu ã nipach̄uta ȳu cahmano sehe yoai tjia. M̄h̄u sehe masina. M̄u cahmano seheta yoaga ȳh̄ure —ni siniha tiro Cohamac̄ure.

⁴⁰ Ñ ni tuhsu, tiaro to buheina cahapu wihimahno, carĩnare boca wihaha tiro. Ñ boca wihiro Pedrore õ sehe niha:

—¿Cũ hora waro yu cãno potori cati masierari muhu? ⁴¹ Noano yoaga musa. Musa mu sũro quihõno yoa duamana musa. Wiho mejeta musa basi tíre bihoerara. Ñ jina Cohamacure siniga ñano musa yoaer-ahto sehe —ni yahuha Jesu.

⁴² Ñ ni yahu tuhsu, pari turi waha, Cohamacure õ sehe ni siniha:

—Mai, yu ñano yuhdũhtire yoa duacu yoaga yuhure. Mu cahmano seheta yoaga —ni siniha tiro.

⁴³ Ñ ni tuhsu, to buheina tiaro buheina cahapu pari turi wihaha tjoa. Ñ wihiro carĩnareta boca wihaha tjoa. Wujo caha yuhdũhaha tina. ⁴⁴ Ñ jiro tinare cũnoca, pari turi waha, Cohamacure siniha. Tó pano to niriro seheta niha tjoa. ⁴⁵ Ñ ni tuhsu to buheina cahapu wihi, tinare õ sehe niha:

—¿Carĩ, sosinina nijari musa? Tó purota carĩga musa —niha tiro.

Ñ ni tuhsu, õ sehe ni namoha Jesu:

—Tuhosiniga. Michapucacã yuhu masunore Cohamacu warocarirore ñainare waahca yuhure. ⁴⁶ Wahcãga. Basa wahana. Ñũga. Yuhure ñu tuhtiinare ñohtiro õi tara —niha tiro.

Jesure ñu tuhtiina tirore peresu yoaha
(Mr 14.43-50; Lc 22.47-53; Jn 18.2-11)

⁴⁷ To ã nino watoi sã mehne macariro cjiro Juda sehe wihire. Tiro mehne masa payu wihire. Tina sacerdotea pũtoa, judio masa bucuna cãhu ti warocarina jire. Ñosaa pjĩnine, yucu siri cãhure cjũare. ⁴⁸ Wahmanore Jesure ñu tuhtiinare ñohtiro masare õ sehe ni yahu quihõ tuhsuha:

—Yu wahsupu wihmirirota jirohca musa ñahahtiro. Tirore yu wihmiri baharo ñahaga tirore —niha Juda tinare.

⁴⁹ To ã ni tuhsuri baharo wihiro, Jesu cahapu dói waha baharõre.

—Buheriro, ¿jimajari muhu? —ni tirore wahsupu wihmire.

⁵⁰ To ã wihmichu Jesu õ sehe nire:

—Coyeiro, ¿michapucacã mu yoa duarire yoaga? —nire tiro.

To ã ni tuhsuchu tina Jesure ñahare.

⁵¹ Ti ã yoachu ñũno Jesu mehne macariro to ñosari pjĩne tuãwe na, sacerdotea bui pũtoro cahamacunore to cahmonore dũte pahrẽnocare. ⁵² To ã yoachu ñũno Jesu tirore õ sehe ni yahure:

—Mu ñosari pjĩne wihboga. Painare mu ñosachu ti ñosa cahmachu yariaihca muhu. ⁵³ Yu Pucure yuhure yu yoadoho dutichu tiro sehe payu anjoare doce curuarire yu cahai warocaboa tiro. ¿Tíre masierajari muhu? ⁵⁴ Ñ yoadohoboriro to jipachuta tirore yuhure yoadoho dutisi yuhure. Yu ã dutierachu Cohamacu yare ti joari pũ to niriro seheta ã waharohca —nire tiro.

⁵⁵ Ñ ni tuhsu masare õ sehe ni yahure tiro:

—¿Dohse jiro baro musa ñosaa pjĩni mehne, yucu tiri mehne yacarirore ti yoariro seheta musa yuhure ñahana tajari? Dachoripe Cohamacu wuhupu masare yu buhe dujichu, musa yuhure ne ñahaerare.

⁵⁶ Ñ jipachuta ahri jipihtia ã waharo cahmana Cohamacu yare yahu mũhtaina cjiri ti ni joariro seheta —nire Jesu.

Tirore ti ã ñahachu ñũna sã to buheina tirore cohã mũroca wahcãa wahai sã.

Judio masa pũtoa Jesure sinituha

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Ñ yoa tirore ñaharina cjiri sacerdotea bui pũtoro Caifa wama tiriro ya wuhupu na sũha tirore. Tí wuhũhta marine judio masare buheina, bucuna cãhu cahmachuha. ⁵⁸ Tópu Jesure ti naachu Pedro yoaropu tinare ñu nũnu tiha. Ñ nũnu tiro Caifa ya wuhure dũcatari sahrĩnore su, tí sahrĩno puhichapu sãa wahaha. Sãa su, tí wuhure cohtaina surara mehne dujiha. Jesure ti dohse yoachu ñũno taro niha.

⁵⁹ Ñ jia sacerdotea pũtoa, mari coyey judio masa bucuna, paina pũtoa mehne Jesure wajã duti duaa, tiro to quihõno yoerarire ti yahusãhtire wacũ macamaha.

⁶⁰ Wiho mejeta tíre bocaeraha. To quihõno yoerari mariapachuta, payu masa tirore ti cahmano yahusãmacanocaha. Ñ jia puaro ti baharo macaina tirore ⁶¹ õ sehe ni yahusãha tjoa:

—Ahiriõ õ sehe nire: “Cohamacu wuhure cohã masija. Ñ cohãcu tia nũnu

wahaboroi tí wuhure pari turi yoaihtja”, to nichu tuhohi sã —ni yahusãmacanocaha Jesure.

⁶² Ti ã niri baharo sacerdotea bui puhtoro wahcãruchu sã, Jesure õ sehe ni sinituha:

—¿Ahrina mähure ti yahusãpachuta tinare yuhti cahmaerajari mähü? ¿Mähure ti yahusãrire dohse ni yuhti cahmajari mähü? —niha puhtoro.

⁶³ To ã nichu tuhoharota Jesu äta tuhohunocaha. To ã yuhtierachu ñano sacerdotea bui puhtoro pari turi sinituha tjoa:

—Cohamacu catiro wama mehne potocã niga mähü. Mu ã nierachu tiro mähure buhiri dahrerohca. Yahuga sãre. ¿Cristo Cohamacu macunota jijari mähü? —ni sinituha tjoa.

⁶⁴ To ã nichupata Jesu õ sehe ni yuhtiha:

—Tirota jija. Musare potocã yahuita nija. Baharo yuhü masuno Cohamacu warocariro yu Puchü jipihtina bui tuariro cahapü to poto buhuseherü yu dujichü ñnahca masa. Æ yoa mähano macaa me bui yu tachü cãhure ñnahca masa —ni yuhtiha Jesu.

⁶⁵ To ã nichu tuhoro sacerdotea bui puhtoro, to basi to sãari suhtirore tuhrehnocaha painare “Sua yuhduara”, ni ñu masi dutiro. Æ tuhrehnocahno õ sehe niha:

—Cohamacure pjíro ñano durucuro nina ahriro. Æ jina to ñano durucure tuho tuhsüja mari. Æ jia to peinata yahusãjaro ahrirore. Ôihta to ñano durucuchü tuhohaja mari. ⁶⁶ ¿Dohse yoanahcari mari mipare ahrirore? —ni sinituha tiro paina puhtoare.

—To ñari buhiri wajãnocano cahmana tirore —ni yuhtiha tina.

⁶⁷ Ti ã niri baharo to wuhduare chahcho puti sihõ mÿja, tirore cjãpe, dota mÿjaha tina. ⁶⁸ Tirore cjãpe tuhsü, õ sehe nipeha tirore:

—¿Diro sehe mähure cjãjari? Cristo jicu ñerapahita yahuga sãre —ni cjãpe dota mÿjaha tina.

“Tirore masieraja”, niha Pedro Jesure (Mr 14.66-72; Lc 22.56-62; Jn 18.15-18, 25-27)

⁶⁹ Æ yoa tí wuhü cahai jiri wapai noari wapai Pedro sehe dujija. To ã dujichü ñano sacerdotea bui puhtoro cahamacono tiro cahapü sãro, õ sehe niha:

—Mähü cãhü Jesu Galilea macariro mehne jire —niha ticoro.

⁷⁰ To ã nichu tuhoro, Pedro õ sehe niha:

—¿Dohse nimacanocaco nijari mähü? Mu nirirore ne masieraja yuhü —niha Pedro ticorore jipihtina ti tuhohocaroi.

⁷¹ To ã niri baharo tí wapa macari sahrño sopaca cahapü wahaha Pedro. Tói to jichü pacoro cahamacono tirore ñano, tói jianare õ sehe niha:

—Jesu Nazare macariro mehne jire ahriro cãhü —niha ticoro Pedrore tjoa.

⁷² To ã nichu tuhoro Pedro õ sehe ni yuhtiha:

—Cohamacu mehne potocã nii nija. Tiro mu nirirore ne masieraja yuhü —ni yuhtiha Pedro.

⁷³ Æ yoa mahanocã baharota tói ducuina Pedro cahapü waha, tirore õ sehe niha tjoa:

—Potocã tjira. Jesu yaina mehne macariro jira mähü cãhü. Tina yoaro se-heta durucura mähü —niha tina Pedrore.

⁷⁴ Ti ã nichu Pedro õ sehe ni yuhtiha:

—Potocã Cohamacu mehne nii nija musare. Yuhü potocã yu nierachu Cohamacu yuhure buhiri dahrejaro. Tirore masa nirirore ne masieraja yuhü —ni yuhtiha tiro tinare.

To ã nichuta caraca duha. ⁷⁵ To duchü tuhoro Jesu tirore to nirire wacüha. “Caraca to duhto pano ‘Jesure masieraja’, niihca mähü. Tia taha ã niihca mähü”, Jesu to niri cjirire wacüha Pedro. Æ wacüno, tí sahrño sopacare wijaa, tuaro tiha.

27

Pilato cahapü Jesure naaha (Mr 15.1; Lc 23.1-2; Jn 18.28-32)

¹ Æ yoa bohrearopü sacerdotea puhto, mari judio masa bucuna cãhü Jesure ti wajã dutihtore cahma sahüduha. ² Ti ã yoari baharo tirore duhte, Pilato cahapü naa, tirore waha Pilatore. Pilato sehe tí yahpa macaina puhtoro jire.

Juda Iscariote yariaa wahaha

³ Æ yoa Jesure ti wajã dutichu ñũno Juda sehe Jesure ñoriro tirore to ñori cjirire tuaro wacũ cahyaha. Æ cahyaro treinta tũri to ñahari niñeru tũrire wiaro waharo, sacerdotea pũhtoa caharu, bucuna caharu su, õ sehe niha:

⁴ —Jesu musare yu ñoriro ñaa marieriro to jipachuta tina wajã dutire tirore. Æ jicu musare tirore ñocu ñano yoai nihti yuhu — ni yahuha Juda tinare.

To ã ni yahuri baharo tina õ sehe ni yuhtiha:

—Åta yoawahnojaro. Sãre yaba cjihti jierara tí mu ã nia. Mũhu dihta ã ni tuhotura tíre —ni yuhtiha tina tirore.

⁵ Ti ã ni yuhtiri baharo Cohamacu ya wahuí Juda to niñeru tũrire doca site cũnocaha. Doca site cũnoca, wahaa wahaha. Waha, yuta dare duhte yo, to basi wamui tju suha, puroca yoja su, yariaa wahaha jana.

⁶ Æ jia sacerdotea pũhtoa niñeru tũrire naa, õ sehe niha:

—Ahri niñerure Cohamacu wuhu macari caropu niñeru wihbori caropu mari cũ masieraja. Ahri niñeru mehnetas masunore wajã dutire. Æ jia mari dutia marine tó sehe jia niñerure wihbo dutierara —niha tina ti basi.

⁷ Ti ã niri baharo “Õ sehe yoajihna”, ti ni suhũduri baharo dihi biatorire yoariro ya yahpare nuchaha. Tí tũri mehne nuchaha. Pa sehe macaina ti wihi ti yariachu ti yahti yahpa cjihtore tí yahpare nuchaha. ⁸ Æ jia tí yahpare “Di yahpa” wamoare masa. Mipũ cãhure åta wama tira. ⁹ Ahri jipihitia ã wahari jire Jeremía cjiro panopũ “Å waharohca”, to ni joariro seheta. Tiro Cohamacu yare yahu mũhtariro cjiro jiha. Õ sehe ni joaa tiha tiro: “Treinta niñeru tũrire plata tũrire ‘Tó purota wapanahca tirore sã ñahatore’, niahca Israe masa. ¹⁰ Æ jia tí tũri mehne dihi biatorire yoariro ya yahpare nuchahca tina. Õ seheta yuhure yoa dutire Cohamacu”, ni joaa tiha Jeremía panopũ.

Pilato Jesure sinituha

(Mr 15.2-5; Lc 23.3-5; Jn 18.33-38)

¹¹ Æ yoa Pilatore ti wari baharo tiro sehe Jesure õ sehe ni sinituha:

—¿Potocãta judio masa ti pũhtorota jijari mũhu? —ni sinituha Jesure.

—Mu nino seheta tiro tjija —ni yuhtiha Jesu.

¹² Æ ni yuhtiparota, sacerdotea pũhtoa, bucuna cãhu ti yahusãchu yuhtieraha tiro.

¹³ To ã yuhtierachu ñũno Pilato õ sehe ni sinituha:

—¿Ahri jipihtia mũhure ti yahusãrire tuhoerajari mũhu? —ni sinituha tiro Jesure.

¹⁴ To ã ni sinitupachuta Jesu ne cã dũsero yuhtieraha. To ã yuhtierachu ñũno Pilato cãaa wahaha.

Jesure wajã dutiha

(Mr 15.6-20; Lc 23.13-25; Jn 18.38-19.16)

¹⁵ Cũhmaripe pascuaripe masa yairo cjihtore cãiro peresupu jirirore Pilato ã wiobasa mũjaa tiha. Masa ti wio dutirirore wiobasa mũjaa tiha. ¹⁶ Tí pjare Barrabá wama tiriro peresupu jiha. Tirore masia tiha payu masa. ¹⁷ Æ yoa ti ã cahmachuchũ Pilato sehe õ sehe ni sinituha tinare:

—¿Diro sehene musare wiobasabocari yuhu? ¿O Barrabá sehene o Jesure Cristo ti nirirore wiobasabocari yuhu? —ni sinituha tiro.

¹⁸ Jesure masa ti cahĩchu ñua judio masa mari pũhtoa tirore ñu tuhtiha. Æ ñu tuhtia tirore waha Pilatore. Æ jiro masa ti cahĩri buhiri judio masa mari pũhtoa ti ñu tuhtirire masino Pilato Jesure wio duamaha.

¹⁹ Æ yoa Pilato masare soro sehe yoainare to beseri pahtai to dujichu to namono tirore quitu warocaha: “Micha ñamine Jesure cahãco, tuaro ñano yuhdũhi. Æ jicu tirore ñaa marierirore ne jiape yoai tjiga mũhu”, ni yahurocaha to namono Pilatore.

²⁰ Æ jia wahmanopũre sacerdotea pũhtoa, bucuna cãhu masare õ sehe ni duti tuhsaha. “Barrabá sehene wio duti, Jesu sehene wajã dutiga”, ni dutiha masare. ²¹ Æ yoa Pilato masare õ sehe ni sinituha:

—¿Ahrina pũarore diro sehene musare wiobasabocari yuhu? —ni sinituha.

—Barrabá sehene wiobasaga sãre —ni yuhtiha.

22 —¿Ahriro Jesu Cristo ti niriro sehere dohse yoahcari yuhũ masa ã ni sañurucuchũ? —ni sinituha tiro.

—Crusapũ cjã puha wajãga tirore —ni yuhtiha masa jipihtina.

23 —¿Yaba barore ñaare yoari ahriro masa ã nichũ? —ni sinitu namoha tiro. To ã nichũ tuhoa tina tuaro mehne sañurucuha:

—Crusapũ cjã puha wajãga tirore —ni sañurucuha masa tirore.

24 Ti ã ni sañurucuchũ tuhorro, tirore ti tuho duaerachũ ñũno “Masa sua, cah-macheboca” nino, yuhtirota õ sehe yoaha Pilato. Masa ti ñũrocaroi tiro wamo cosaha. ã wamo cosaro õ sehe niha:

—Ahrirore ñaa marierirore wajãri buhiri ya buhiri jierara. Masa ya buhiri jira —nino wamo cosaha.

25 To ã nichũ tuhoa jipihtina masa õ sehe niha:

—Ahrirore wajãri buhiri sã, sã pohna cãhũ sã ya buhiri jijaro —niha masa.

26 Ti ã nichũ tuhorro Pilato Barrabãre peresupũ jirirore wio dutiha masa ti cah-marirore. ã yoa tuhsũ Jesu sehere yuta dari mehne tjana duti, tirore crusapũ wajã dutiro wiaha surarare.

27 To ã wiachũ Pilato ya wãhũpũ to surara Jesure na sũha. ã yoaa tina surara jipihtina Jesu cahapũ cahmachuha. 28 ã cah-machua to suhtire tjuwe na, puhtoro ya suhtiro sehe bajuri suhtirore tirore sãaha.

29 ã sãa tuhsũ, pota sorore yoa tuhsũ, to dapu bui duhu payoha. ã duhu payo tuhsũ, wãjũcare poto buhũsehe sehe dahra suhaha. Dahra suha tuhsũ, na tuhcuca caha sũ, bujũpeha tirore:

—Noano tagã. Judio masa puhtoro noano tagã —ni bujũpeha tirore.

30 ã niata tirore chahcho puti sihõ mũja, ti dahra suhadũ cjiroro tirore tuãwe na, to dapure cjãha tu mehnetã. 31 Ti ã bujũperi baharo ti sãari suhtirore tjuwe na, to ya suhti sehere sãaha tjoa. Sãa tuhsũ, crusapũ wajãa taa tirore na wijaaha.

*Tina Jesure crusapũ cjã puha, wajãha
(Mr 15.21-32; Lc 23.26-43; Jn 19.17-27)*

32 Tirore na wahcã, Simo wama tirirore Cirene macarirore piti boca, tirore Jesu to wũari crusare wãa wahcã dutire.

33 Wãa wahcã, Gólgota wama tiropũ sure. Gólgota nino, “Dapu cohã”, nino nina.

34 Tuhsũ, vinore sũẽa co ñimaca macaa co mehne ti morea core Jesure wamare tina. Tí core sihni ñũ, sihnierare tiro.

35 ã yoa to suhtire ti tjuwe nari baharo tirore crusapũ cjã puhare tina. ã cjã puha tuhsũ, to sãa suhti cjirire ti basi cahma witia taa, “¿Noa yaro jirohcari õ?” ni masia taa, docapea poca mehne docape mũjaha tina. [ã yoaa Cohamacũ yare yahu muhtariro cjiroro to ni joaroro sehetã yoaa nire tina. Õ sehe ni joaa tiha tiro: “Yu suhtire ti basi naa taa, ‘¿Noa yaro jirohcari õ?’ ni, docapea poca mehne docape mũjaha tina”, ni joaa tiha panopũ.]

36 Docape tuhsũ tirore ñũ dujirucure tina. 37 ã yoa Jesure “¿Yaba buhiri mehne yariabocari tiro?” ti ni masihtõ sehe, õ sehe ni ti joa õri pjĩne crusapũ duhu õha tina. “Ahriro Jesu judio masa bui puhtoro jiroro jira”, ni joa õre tina tí pjĩpũ. 38 Baharo puaro yaca bũcũna cãhũre Jesu cahai paye crusari pjĩnipũ cjã puha dapore tina. Cãiro to poto buhũsehei, paio to cõ buhũsehei cjã puha dapore tina. 39 Crusari cahai yuhdũ wahcãina Jesure ñũ, ti dapu pocare yureroca, tirore ñãno durucure:

40 —¿Cohamacũ wãhũre cohã, tia dacho wahaboroi pari turi tí wãhũre dahrehtiro jijari mũhũ? Cohamacũ macũno jicũ mũ basi dujia taga. ã yoa mũ basi yoadohoga. ã jii yuhdũ witiuhca mũhũ —nire masa.

41 ãta ni bujũpere tirore. Sacerdotea puhtoa cãhũ, marine judio masare buheina cãhũ bũcũna cãhũ tirore ã ni bujũpere:

42 —Tiro painare yuhdoriro jiparota to basi yuhdo masierara. “Israe masa puhtoro jija”, nimana tiro. ã jina to basi to duji tachũ ñũna tirore wacũ tuanhca.

43 Tiro sehe Cohamacũre wacũ tuamana. Tuhsũ, “Cohamacũ macũno jija”, nimana tiro. To ã jiroro jichũ Cohamacũ sehe tirore yoadohojaro —ni bujũpere tina.

44 Yaca bũcũna tiro cahai ti cjã puharina cjiri cãhũ tó sehetã tirore bujũpe, ñãno ni durucure tina cãhũ.

*Jesu yariaa wahaha
(Mr 15.33-41; Lc 23.44-49; Jn 19.28-30)*

⁴⁵ Ñ yoa cohari pja jichu tia hora waro jipihtiropu nahitiano jire. ⁴⁶ To nahitia duhuchu waro Jesu tuaro sañurucure:

—Elí, Elí ¿lama sabactani? —nire tiro. Ñ nino ò sehe nino nire: “Yu Cohamacu, yu Cohamacu, ¿dohseacu yuhure cohãri muhu?” nino nire.

⁴⁷ To ã nichu tuhoa cãina tói ducuina ò sehe nimare:

—Cohamacu yare yahu mũhtariro Elia cjirore pjirocaro niboca —nimare tina.

⁴⁸ Ti ã ni tuhsuchu cãiro tina mehne macariro wihmi nari suhtepu vino suẽa core soha tuhsu, na m̃aroca, yucucu sohtoai duhte ò, Jesure wihmi dutimare. ⁴⁹ To ã yoachu ñua paina wihmi dutirirore ò sehe nimare:

—Depusinia. Elia wihi, ahrirore to na borochu ñusinijhna mari —nimare paina.

⁵⁰ Ti ã niri baharo pari turi sañurucu, Jesu sehe yariaa wahare. ⁵¹ To ã yariachata Cohamacu wahu macari suhtiro, ti ducataru suhtiro dacho macai bui sehe tuhnu bora ta, tuhnaoca yoja sua wahaha. Tuhsu, yahpa cãhu ñuhmire. To ã ñuhmichu tãa bujua poca wahtia wahare. ⁵² Ñ yoa masa coparire pjõochu, payu Cohamacu yaina cjiri panopu yariarina cjiri masa wijaaha. ⁵³ Masa wijaa, Jesu sehe to masa wijaari baharo tí coparire cohãnoca, noari macapu Jerusalẽpu wahare tina. Tõpu ti wahachu payu masa ñua tiha tinare.

⁵⁴ Ñ jia yahpa to ñuhmichu ñua, payu paye ti ã wahachu ñua surara puhtoro to surara mehne sua wahare. Tina Jesure crusapu jirirore cohtaina jire. Sua waha, ò sehe nire:

—Potocã tjiri jimana. Ahriro Cohamacu macunota jiri jimana —nire tina.

⁵⁵ Ñ yoa Galileapu Jesu mehne tari numia cjiri tirore yoadohori numia cjiri yoaropu tirore crusapu jirirore ñurocarucua nire.

⁵⁶ Tí numia mehne María Magdalena jire. Pacoro María wama tiricoro cãhu jire. Ticoro sehe Santiago, José cãhu pocoro jire. Pacoro Zebedeo namono jire.

*Jesu pjacure masa copapu cãha José
(Mr 15.42-47; Lc 23.50-56; Jn 19.38-42)*

⁵⁷ Ñ yoa ñamichapu José Arimatea macariro pache puaro tói sua tiha. Tiro Jesu

buheriro jire. ⁵⁸ Ñ yoa Pilato cahapu su, Jesu pjacure siniha. To ã sinichu tuhoro Jesu pjacure tirore wa dutiha Pilato. ⁵⁹ To ã dutiri baharo José sehe Jesu pjacure na boro, noari suhtiro wete marieni suhtiro mehne to pjacure wahmaha. ⁶⁰ Wahma tuhsu, José to ya masa copapu siõ payoha to pjacure. Tí copa ti tãcai sahari copa wahma copa jire. Tí copapu yo sãa duhu payo tuhsu, pjiria tãcare tju turẽ wahcãha tia mehne bihoro taro. Biha tuhsu, wahaa wahaha. ⁶¹ Ñ jia María Magdalena, pacoro María mehne tí copare ñu dujirucua.

Jesure ti cãri copare surara cohtaha

⁶² Ñ yoa pa dachoi, Pascua cjihtore ti cahnori dacho baharo, sabado jichu sacerdotea puhto fariseo curua macaina cãhu Pilato cahi cahmachuha. ⁶³ Cahmachu tuhsu ò sehe niha tina Pilatore:

—Puhtoro, tiro mahñoriro Jesu catisinino ò sehe niha tiro: “Tia dacho wahaboroi masa wijaaica yahu”, niha tiro. ⁶⁴ To ã niriro jichu to buheina sehe to pjacure yacaboca. Ñ yaca masare ò sehe niboca: “Jesu masa wijaare”, niboca tina. Tiro Jesu sehe masare mahñono nire. Wiho mejeta to buheina sehe “Tiro masa wijaare” nia, mahñoina jiaha tina. Ñ jiro Jesu to mahñoriro yuhdoro ti ya mahñoa sehe ñaa yuhdurohca. “Ñ yacari” nicu, tia dacho waro to masa copare mu surarare cohta dutiga —niha tina Pilatore.

⁶⁵ Pilato ò sehe ni yuhtiha:

—Jai. Yu yaina surara cohtajaro. Ñ yoa musa cãhu musa bihoro puro tí copare noano cohtaga —niha tiro tinare.

⁶⁶ To ã nichu tina waha, tí copapu bihari tãca mehneputa ñahachuputa wihtã ñahaha masa ti sãachu ñu masia taa. Ñ yoa tuhsu, surarare tí copare cohta dutiha.

28

*Jesu masa wijaaha
(Mr 16.1-8; Lc 24.1-12; Jn 20.1-10)*

¹ Ñ yoa judio masa mari sori dacho sabado dacho sehe to yuhduri baharo domingo jichu ñami curero jichu María Magdalena, pacoro María mehne Jesu masa copare ñua wahaha. ² Tí pjare

dóih̄ta yahpa tuaro ñuhmi bahrañōha. To ã ñuhmich̄a mari p̄ahtoro to yairo anjo m̄ānop̄a jiriro duji ta, masa copare bihari t̄ac̄are tju turēroca, tia bui dujiha. ³Tiro anjo orocasitero yoaro sehe noano si siteriro, to suhti yaja pjoa yoaro sehe noano yehsea suhti jiha. ⁴To ã bajuach̄a tí copare cohtaina surara cui ȳah̄d̄ua, tetere, bui warohna yaria ȳah̄d̄ua wahaha. ⁵Ã yoa tuhs̄u anjo sehe tí numiare õ sehe niha:

—Ȳuh̄are cuiena tjiga. Crusap̄a ti c̄j̄a puhariro, Jesure m̄usa macach̄a masija ȳuh̄a. ⁶Wiho mejeta tiro sehe mip̄are õre mariahna. To niriro seheta tiro masa wijaa wahare. To p̄jac̄are ti duhu payoriro cjirore ñ̄na taga. ⁷Ã ñ̄u tuhs̄una to buheina cahap̄a ño duaro waha, õ sehe ni yahuna wahaga: “Jesu masa wijaare. Ã jiro m̄usa pan̄o Galileap̄a tiro wahayurohca. Tó̄p̄a tirore ñ̄nahca m̄usa”, ni yahuna wahaga m̄usa. Ahri ȳa nirire wac̄uga m̄usa —niha anjo tí numiare.

⁸To ã niri baharo tí numia masa copap̄a jia numia soaro mehne wijaa, tirore cuiipahta wahche ȳah̄d̄ua mehne Jesu buheinare yahua wahaa, m̄arocaha. ⁹Ã wahaa numiare Jesu piti boca, õ sehe niha:

—¿Noano jimajari m̄usa? —niha tiro.

To ã niri baharo, tina sehe tiro cahap̄a s̄u, to dahporire ñ̄aha, tirore ño payoha.

¹⁰—Cuiena tjiga m̄usa. Ȳa buheinare “Galileap̄a wahaga”, ni yahuna wahaga. Tó̄p̄a ȳuh̄are ñ̄nahca tina —niha Jesu tinare.

Masa copare cohtaina surara ti ñ̄urire yahuha

¹¹To ã niri baharo tí numia ti waharo watoi c̄aina masa copare cohtaina mehne macaina surara, Jerusalēp̄a sacerdot̄ea p̄ahtoare yahu pahñōa wahaha. Jesu to masa copap̄a wijaarire yahu pahñōnocaha.

¹²Ti ã ni yahuch̄a sacerdot̄ea p̄ahtoa, judio masa mari b̄uc̄una mehne cahmachuha. Cahmachu, s̄uh̄duha. Ã jia surarare mahño dutia paȳa niñerure wapaha.

¹³—Õ sehe niga m̄usa masare: “Ñ̄ami s̄a car̄ino watoi to buheina sehe masa copap̄a wihi, to p̄jac̄are nanocari jire”, ni yahuga masare. ¹⁴M̄usa ã ni yahuch̄a Pilato sehe m̄usa car̄i ȳah̄d̄uarire t̄ahorocaboca. To

ã t̄ahoch̄a, “M̄usare tuhtiri”, nina m̄usare yahubasanahca s̄a tirore —niha tina surarare.

¹⁵Ti ã niri baharo surara sehe niñerure ñ̄aha, tinare ti mahño dutiriro seheta masare yahua wahaha tina. Ã jia tó sehe Jesu to masa copare wijaarire yahurucura judio masa. Mip̄a c̄uh̄are ãta ni yahura tina.

Jesu buhe dutiro to c̄urinare dutiha

(Mr 16.14-18; Lc 24.36-49; Jn 20.19-23)

¹⁶Ã yoa s̄a Jesu buheina once buheina t̄uc̄ap̄a Galileai jid̄ap̄a Jesu to waha dutid̄ap̄a wahai s̄a. ¹⁷Tó̄p̄a s̄u, Jesure ñ̄na, ño payoi tirore. Ã ño payoina jipanahta, s̄a c̄aina “Ahriro Cohamac̄a mac̄uno jieraboca”, ni t̄ahotumai. ¹⁸S̄a ã ño payoch̄a tiro sehe s̄a cahap̄a wihi, õ sehe nire:

—Ahri yahpap̄are, m̄ano c̄uh̄are Cohamac̄a jipihtinare dutiriro waro jich̄a yoare ȳuh̄are. ¹⁹To ã yoach̄a õ sehe dutija m̄usare: Jipihtiro macainare ȳa yare buhena wahaga. Ȳa yaina ti wahahto sehe buhena wahaga. Ã yoana ȳa P̄uc̄a to wama mehne, ȳa wama mehne, Esp̄iritu Santo to wama mehne tinare bautisaga. ²⁰Ã jina m̄usare ȳa dutirire ti yoa pahñohti cjihtire buhega tinare m̄usa. Ã yoana ahrire ȳa nihtire wac̄uga: Jipihtia dachoripe ahri yahpa to jiro puro m̄usa mehne ã jirucuihca. M̄usa mehne ȳa ã jirucuh̄tore wac̄uga m̄usa —ni yahure s̄are Jesu.

San Marcos

João masare bautisariro buhe d#caha
(Mt 3.1-12; Lc 3.1-9, 15-17; Jn 1.19-28)

¹ Ahri tjui Jesucristo Cohamacu macuno to yoaare noaa buheare yahu d#caja.

² Cohamacu yare yahu mahtariro cjiro Isaia to joariro seheta ahri yahua jira. Ō sehe ni joaha tiro:

“Cohamacu to macunore ō sehe niha:
‘M# pano m#hare yahuyuhtirore warocai nija.

³ Ā jiro tiro masa marienopu waharohca. Tirore tuhoinare yahuro sañurucurohca:
“Mari puhtoro to tahto pano m#sa ñaa tuhotuare cohtota, cahno mahtaga m#sa”, ni sañurucurohca’, niha Cohamacu”,
ni joaa tiha Isaia cjiro João cjihtore.

⁴ João masare bautisariro masa marienopu masare buhea tiha:

—“Sã noaina jija”, ni m#sa tuhutumari cjirore duhu, m#sa ñaa buhirire cahya, Cohamacu sehere cahmaga m#sa. Ā jina bautisarina jiga. M#sa ā yoachu ñ#no Cohamacu m#sa ñaa buhirire borohca —ni buhea tiha tiro.

⁵ Ā yoa jipihtina Judea yahpa macari macaina, Jerusalē macaina mehne tiro cahapu ti s#chu ñ#no João sehe Jordão wama tiri mapu bautisaha tinare. Tinare to bautisahto pano tina sehe ti ñaa yoarire yahu y#hd#ha Cohamacure.

⁶ Tiro João sehe camello pjoari suhtirore sãariro wahiquiro cahsaroreta tuã dihoriro jiha. Poreroare, macaroca macaina miquina mi c#hure ch#ha tiha. ⁷ Ā yoa ō sehe ni buhea tiha:

—Y# baharo y# y#hdoro tuariro tarohca. Noa y#hd#ariro jira tiro. Tiro yoaare sehe jieraja y#hu sehe. Ā jicu tirore tuhotucu, “Wiho jirore jija y#hu”, ni tuhoutuja y#hu.

⁸ M#sare bautisacu co mehne yoamahi. Tiro sehe y# y#hdoro yoaarohca. Espiritu Santore m#sa mehne jirucuch# yoaarohca —ni buhea tiha João.

João Jesure bautisaha
(Mt 3.13-17; Lc 3.21-22)

⁹ Ā yoa tí pjare Jesu Nazarepu Galilea yahpai jiri macapu jirore Jordão wama tiri mapu s#ha. Tópu to s#chu João bautisaha tirore. ¹⁰ To ā bautisa tuhs#chu Jesu diap# ducuriro s#r#cu s#ro m#ano to parĩ m#aa wahachu ñ#ha tiro. To parĩ m#achuta Espiritu Santo buja yoaare sehe Jesu bui duji pja s#ha.

¹¹ To ā duji pja s#chu m#anopu durucuro coa taha:

—M#hu y# macu y# cahñiro jira. M#hu mehne tuaro wahcheja —nino coa taha m#anopu.

Satana ñaare yoa dutimaha Jesure
(Mt 4.1-11; Lc 4.1-13)

¹² Tí pjare Jesure masa marienopu Espiritu Santo naaha. ¹³ Tópuare s#ro cuarenta dachori waro jiha. Watino sehe Jesu to ñaare yoachu ñ# duaro, ñaare yoa dutimaha tirore. Tuhs#, Jesu wahiquina n#cu macaina mehne jiha. Tóto to jich# ñ#aa anjoa sehe tirore yoadohoa, ch#are waha.

Jesu Galilea yahpai buhe d#caha
(Mt 4.12-17; Lc 4.14-15)

¹⁴ Ā yoa Joãoare peresupu ti biha dapori baharo Jesu sehe Galilea yahpapu noaa buheare puhtoro Cohamacu to s#ho jiare yahuro wahaha. ¹⁵ Ō sehe ni yahuha:

—Mipure ō sehe jira. Puhtoro Cohamacu m#sare to noano s#ho jihto mahanocã d#hsara. Ā jina “Sã noaina jija”, m#sa ni tuhutumari cjirore duhuga. M#sa ñaa buhirire cahya, Cohamacu sehere cahmaga. Ahri noa buheare “Quihōnota jira”, ni tuhoga m#sa —ni buhea tiha Jesu tinare.

Jesu pititiarore wahi wajãinare “Y#hu mehne macaina cjihti taga”, niha
(Mt 4.18-22; Lc 5.1-11)

¹⁶ Tíre yahu tuhs#, Galilea wama tiri buc#pariro d#ht# cahapu sito wahcãmahno ñ#ha Simore, to baharo Andre mehne. Tina wahi wajãina jiha. Ā jia ti wañ#yucurire buc#pariropu doca ñoa niha.

¹⁷ Ā yoa Jesu tinare ō sehe niha:

—Y#hu mehne macaina cjihti taga m#sa. Y#hu mehne m#sa tach# m#sa wahire ñaha cahmachuina m#sa jiro seheta, Cohamacu yaina cjihtire masare pji cahmachuina cjihtire m#sare wahachu yoaihtja. Y#hu

mehne masa tachu ã yoahina cjihtire cūihtja masare —niha Jesu tinare.

18 To ã nichu tūhoa ti wañuyucurire cūnocaa, tiro mehne wahaa wahaha.

19 ã yoa tina mahanocã yuhdu wahcã, Santiagore, to bahuro João mehne boca suha tjoa. Tina sehe Zebedeo pohna jiha. Ti yaria dohoriaru wañuyucurire cahnoa niha. 20 ã yoa tiro to pjirocachu tina sehe ti pucurore, tiro mehne dahra cohtaina mehne dohoriaru cūnocaa, Jesu mehne wahaa wahaha.

Watia ti cohtotariro Jesure piti bocaha (Lc 4.31-37)

21 ã yoa tina Capernau wama tiri macaru suha. Tóru sūro Sabado jichu judio masa sã buheri wuhuru buhero sãaha tiro. 22 Sã judio masare buheina yoaro sehe jieraha tiro. Noano masi pahñoriro ji, noano waro buheha. To ã buhechu tí maca macaina tūho cūaa wahaha. 23 Tí pjare cūiro tí wuhui jiriro watia ti cohtotariro jiha. Tóji jiro õ sehe niha Jesure:

24 —Muhu Jesu Nazare macariro cariboi tjiga sãre. ¿Dohse yoai tai nijari sãre? ¿Muhu sãre butichu yoai tai nijari? Cohamacu macuno buhiri tia marieriro mu jichu masija yahu —ni sañurucuha tiro Jesure.

25 To ã nichu tūhoro Jesu tuhtiha watiare: —Dihta mariaha. Wijaaha tirore — niha Jesu.

26 ã jia watia tirore yahparu doca caha su tunuchu yoa, to tuaro sañurucuro watohta wijaaha tirore. 27 ã jia jipihtina tí wuhui dujiina ñu cūaa yuhdu wahaha.

—Cue, ¿wahma buhea jijari ahri? Tiro puhtoro yoaro seheta dutira watiare. To dutichu tina watia sehe yuhducaerara tirore —ni durucuha tí wuhui dujiina ti basi.

28 ã jia mahaa dachoricã baharoihta dóihta jipihtina Galilea yahpa macaina tíre to yoirire tūho sahsea wahaha.

Jesu Simo Pedro marechonore noaricoro wahachu yoaha (Mt 8.14-15; Lc 4.38-39)

29 ã yoa Jesu cūhu judio masa mari buheri wuhuru jiina wijaaha. Ti ã wijaari baharo Jesu, Santiago, João, paina tina

mehne macaina cūhure Simo to bahuro Andre mehne ti ya wuhuru suho sãa suha.

30 Tí pjare Simo marechono juaro mehne to dohatichu cama bui to coachu yahuha Jesure. 31 Ti ã yahuchu tūhoro tiro sehe ticoro caharu sūro, to wamomacare ñaha, ticorore waja wahcõ dapoha. To ã waja wahcõ dapochata ticorore juaro surua wahaha. To ã sururi baharo ticorota tinare chure payoha.

Jesu payu dohatiinare noaina wahachu yoaha

(Mt 8.16-17; Lc 4.40-41)

32 ã yoa sū sãari baharo nahi borachuru masa payu dohatiinare, watia ti cohtotarinare Jesu caharu na suha. 33 ã jia jipihtina tí maca macaina cahmachurucu suha tí wuhu sopacai. 34 ã jiro Jesu payu dohatiinare, payu soro jia dohatia cūainare noaina wahachu yoaha. Watia cūhure, masare sãamarinare payu cohã wioha. ã jiro watia Jesure ti masichu ñuno Jesu sehe tinare durucu dutieraha.

Jesu buhe tinino wahaha

(Lc 4.42-44)

35 ã yoa ñami curerocã wahcã, nahitia curechata masa marienopu Cohamacure sinino wahaha Jesu. 36 To ã wahari baharo Simo cūhu tirore macaa wahaha. 37 Tina tirore boca su, õ sehe niha:

—Masa jipihtina muhure macaa nihre — niha tina.

38 Ti ã nichu tūhoro õ sehe niha Jesu tinare:

—Tinare buhe tuhsuhi. Pa sehuru õ cahacã macaa macaripu wahajihna mari. Ahri yahpa macainare yahu site pahñoi tahi. ã jicu yuhu paye macari macaina cūhure buheihtja —niha Jesu.

39 ã ni tuhsu, jipihtia Galileai jia macaripu judio masa mari buhea wuhusepu buhero, watiare masare sãamarinare cohã wioha.

Jesu cami barirore noariro wahachu yoaha

(Mt 8.1-4; Lc 5.12-16)

40 ã yoa paio dohatiriro cami bariro Jesure piti bocaro, na tuhcuca caha su õ sehe ni siniha:

—Mũhũ yũhũre noariro wahachũ yoa duacũ yoaga —niha cami bariro.

⁴¹ To ã nichũ tũhoro Jesu tirore pja ñũha. ã jiro to wamomacare siõroca, tirore ña payoha. ã ña payoro õ sehe niha:

—Tĩre yoa duaaja. Noariro jiga mũhũ —ni yahuha Jesu.

⁴² To ã nichũta dohatiriro to cami bari cjiro yati mũaa wahaha. Noariro wahaha tiro. ⁴³ To ã wahachũ ñũno Jesu tirore tuaro mehne õ sehe ni yahuha:

⁴⁴ —Painare ahrire yahuecũ tjiga. ã yahuerapaihta mũ pjacũre sacerdotere ñoga. Cohamacũ dutia Moise cjirore to cũriro seheta yoaga. ã yoacũ minichahcare waga sacerdotere noariro mũ waharire mũ ñohti cjihtire —niha Jesu. ã ni tuhsũ “Wahaga”, niha tirore.

⁴⁵ To ã yahu dutierapachũta tiro waha, jipihtia macari macainare Jesu to yoirere yahuha. To ã yahuri baharo Jesu masa payũ ti jiropũre waha masieraha. ã jiro tiro mahainacã ti jiropũ jiha. Tõpũ to jichũ payũ macari macaina tiro cahapũ sũha.

2

Jesu pjacũ bũharirore ducuchũ yoaha (Mt 9.1-8; Lc 5.17-26)

¹ Mahaa dachori baharo Jesu Capernaupũ tjuaa wahaha. Wũhũ to jichũ masa tũhoha. ² ã jia tõi masa payũ cahmachu tí wũhũre wahpata wijaa sũrucaha. ã jiro Jesu tinare noaa buheare yahuha. ³ To ã yahuro wato, pititiaro mũaa jipihtiri pjacũ bũharirore na wihiha. ⁴ Ti masa payũ jichũ ñũa Jesu cahapũ sãa masieraha. ã jia tina wũhũ buipũ Jesu bui waroi mahanocã muji pahmare nawe, pjacũ bũharirore to coãri cahsaro mehne duhu boroha Jesu cahai. “Jesu ahrirore to dohatiare yũhdũchũ yoarohca”, ni tũhotuha tina. ⁵ Ti ã ni tũhotuchũ masino Jesu sehe dohatirirore õ sehe ni yahuha:

—Macũ, mũ ñaa yoari buhiri tiare cohã tuhsũja —niha Jesu pjacũ bũharirore.

⁶ To ã nichũ tũhoa sã coyea judio masare buheina tõpũre dujiina ti basi õ sehe ni tũhotumaha: ⁷ “Ahriro ã ni durucuero tji-jaro. Cohamacũre ñano durucuro nina tiro.

Tiro masũno mari yoaro seheta jiriro jira tiro cũhũ. ã jiro to ñaa yoari buhiri tiare cohã masierara. Cohamacũ dihta masa ti ñaa yoari buhiri tiare cohã masina”, ni tũhotumaha tina. ⁸ Ti ã ni tũhotuchũ ñũno Jesu ti tũhotuare masino õ sehe niha:

—¿Dohse yoana mũsa ã ni tũhotujari? ⁹ “Mũ ñaa yoari buhiri tiare cohã tuhsũja”, yũ nichũ “Mahñoriro jira”, yũhũre nina mũsa masierapanaha. “Wahcãrucã, wahaga”, yũ nichũ to tinichũ ñũna yũ niri potocã jia jichũ dóihta masinahca mũsa. ¹⁰ Yũhũ masũno Cohamacũ warocariro ahri yahpapũre masa ti ñaa yoari buhiri tiare cohã masija yũhũ. Ahrire mũsa masihto sehe õ seheta to wahachũ yoaihtja —niha Jesu judio masare buheinare.

Tinare ã ninota pjacũ bũharirore õ sehe niha:

¹¹ —Mũhũre niita nija. Wahcãrucãga. Mũ coãri cahsarore na wahcãga mũ ya wũhũpũ —niha Jesu tirore.

¹² To ã nichũta pjacũ bũhariro cjiro wahcãrucũ sũ to coãri cahsarore na, jipihtina ti ñũrocaroi wijaa wahaha. To ã yoachũ ñũa tina jipihtina ñũ cũa wahaha. “Cohamacũ tuariro jira” ni, “Ne, mari õ sehe yoaare ñũera tihĩ”, niha tina ti basi.

Jesu Levĩre Mateo ti ni pisurirore “Yũhũ mehne macariro cjihto taga”, niha (Mt 9.9-13; Lc 5.27-32)

¹³ ã yoa pari turi Jesu bũcupariro duhtũ cahapũ wahaha tjoa. Tõpũ sũro masa payũ tiro cahai ti cahmachuchũ ñũno tiro buheha tinare. ¹⁴ ã yoa tuhsũ tõpũ jiriro wahamahno Levĩre Alfeo macũnore to dahrari tahtiapũ boca sũha. Paina mehne pũhtoa ya cjihtire wapa na cohtaina jiha Levĩ cũhũ. Tirore boca sũro õ sehe niha:

—Yũhũ mehne macariro cjihto taga mũhũ —niha Jesu Levĩre.

To ã nichũta Levĩrẽ sehe wahcã sũrucã, Jesu mehne wahaa wahaha.

¹⁵ ã yoa baharo Jesu sehe to buheina mehne Levĩ ya wũhũpũ chũro niha. Jesu mehne wahaina sehe payũ jiha. Cãina pũhtoa ya cjihtire wapa na cohtaina, ã jichũ paina masa “Ñaa dihtare yoara”, ti nina mehne payũ mesa cahai duji, tina cũhũ tiro mehne cãnoi sũho chũa niha. ¹⁶ Tõpũ ti

dujiri baharo paina sã coyea judio masare buheina, fariseo masa ya curua macaina mehne Jesu to chũ dujichũ ñũha tina. Ñũha õ sehe ni sinituha:

—¿Dohsearo ñano yoaina, puhtoia ya cjihtire wapa na cohtaina mehne chũjari Jesu? —ni sinituha judio masare buheina Jesu buheinare.

¹⁷ Ti ã nichũ tuhoro piti dahre buhea mehne õ sehe ni yũhtiha Jesu:

—Dohatieraina duhturure macaerara. Dohatiina dihta duhturure macana. Ñano yoaina dohatiina yoaro sehe jira. Ñ jicũ ñano yoainare yahui tai nihi yũhũ. Ti basi “Noaina jija sã”, ni tuhotuinare yahui tai nierahi yũhũ —niha tiro tinare.

Chũ duhuare Jesure sinituha paina
(Mt 9.14-17; Lc 5.33-39)

¹⁸ Tí pjare João buheina, fariseo curua macaina cãhũ Cohamacũre ño payoa taa, chũera tiha. Ñ jia masa Jesure õ sehe ni sinituha:

—João buheina, fariseo buheina cãhũ Cohamacũre ño payoa taa chũerara. ¿Dohse yoa mũ buheina sehe chũ duhuerajari? —niha tina Jesure.

¹⁹ Jesu to tuhotua mehne quitu dahre buhero tinare õ sehe ni yũhtiha:

—Õ sehe jira tí: Wamomaca duhteriro bose nũmũ to jichũ tiro mehne macaina cahyaro mehne jierara. Tuhsũ, chũeraina jierara. Tó seheta yũ buheina cãhũ yũhũ mehne jia, chũ duhu masierara. ²⁰ Yũ Pũcũ Cohamacũ yũhũre to naari baharo pinihtare yũ buheina mehne jisi yũhũ. Ñ jia tí pjarũta yũ buheina cãhũ chũ duhuahca —niha Jesu.

²¹ Panopũ macaa buhea wahma buhea mehne ti buhe more duachũ ñũno õ sehe ni namoha Jesu tinare piti dahre buhero:

—Ne, wahma cahsaro suhtiro cahsaro mehne mũnũno suhtirore sere õno cahmaerara. Mari ã yoachũ wahma cahsaro mari cosari baharo mũnũno suhtirore waja cahmachu, pjibiario tuhnũchũ yoara.

²² Ñ yoa ne se co bisia core wahiquiro cahsaro wajuru mehne mũna wajuru mehne posaeraro cahmana. Mari ã yoachũ se co bisia pahmoapũ mũna wajurure tuhrẽnocahna. To tuhnũchũ se co cãhũ,

wajuru cãhũ cohõa wahara. Ñ yoa se co wahma core wahma wajurupũ posaro cahmana. Mari ã yoachũ se co cohõera, wajuru cãhũ cohõerara. (Tó seheta wahma buhea mũna buhea mehne buhe moreraro cahmana) —ni buheha Jesu tinare.

Sabado jichũ Jesu buheina trigo parorire pahaha

(Mt 12.1-8; Lc 6.1-5)

²³ Pa dacho Sabado jichũ Jesu cãhũ trigo wesepũ wahaha. To buheina sehe trigo parorire paha yũhdũ wahcãha. ²⁴ Ti ã yoachũ ñũha õ sehe ni tuhtiha fariseo curua macaina Jesure:

—Tuhsiniga sãre. ¿Dohse yoa tina Sabado mari sori nũmũ to jipachũta dahrajari? Marine dutiare yũhdũrũcaa nina —niha tina Jesure.

²⁵⁻²⁶ Ti ã nichũ tuhoro Jesu tinare yũhtiha. “Yũ buheina yũhdũrũcaa nierara”, nino taro õ sehe niha:

—Davi cjiro tiro mehne macaina mehne jũca baaro, Cohamacũ wũhũpũ sãa, Cohamacũ ya pãore chũha. Ñ chũro tiro mehne macaina cãhũre tí pãore waha. Tí pãore sacerdotia dihtare chũ dutira. Cohamacũ dutia ti joari tjuí painare tí pãore chũ dutierara. Tí pjare Abiata wama tiriro sacerdotia puhtoro jiha. ¿Davi cãhũ tíre ti yoari cjirire Cohamacũ yare ti joari tjuí buherari mũsa? (Tí pãore chũro Cohamacũre yũhdũrũcaro nieraha. Michare ahri yaparire chũ yũ buheina cãhũ Cohamacũre yũhdũrũcaa nierara) —niha Jesu tinare.

²⁷ Ñ ni tuhsũ õ sehe ni namoha:

—Ñ yoa Cohamacũ Sabado dachore ti sori nũmũ cũno masa ya dacho cjihto cũno nire dahra wahyarinare so dutiro. Tí dachore ño payohtina cjihtire cũno nierare masare Cohamacũ. ²⁸ Ñ jicũ yũhũ masũno Cohamacũ warocariro ahri dacho Sabado dachore masa ti yoahire yahurirota jicũ puhtorota jija —niha Jesu tinare.

3

Wamomaca bũhariro quitu jira
(Mt 12.9-14; Lc 6.6-11)

¹ Æ yoa Jesu sã judio masa buheri wãhũpũ sũro sãaha tjoa. Tí wãhũi cãiro wamomaca bũhariro dujiha. ² Sabado jichũ Jesu wamomaca bũharirore to noariro yoachũ ñũ duaha cãina tí wãhũi dujiina. To ã yoachũ ñũa tirore yahusã duamaha. “Mari sori nãmũi Jesu dahraro nina”, ni yahusã duamaha tina. Æ jia Jesu to sãa tachũ ñũa, tirore yahusã duaina sehe tiro dihtare ñũroca õha. ³ Tirore ti ã ñũroca õpachũta Jesu sehe wamomaca bũharirore õ sehe niha:

—Wahcã sũrucaga jipihtina ti ñũrocaroi —niha.

⁴ Æ ni tuhsũ tí wãhũi dujiinare õ sehe ni yahuha:

—¿Sabado jichũ noaare yoachũ noaerajari? ¿O ñaare yoachũ sehere noajari, mũsa tũhotuchũ? Sabado jichũ masũnore masochũ noa nina. Masũnore wajãchũ sehere noaerara —ni yahuha Jesu tinare.

To ã nipachũta tina yũhtieraha. ⁵ Ti ã yũhtierachũ ñũno Jesu tina mehne suaha. Ti tũho duaerachũ ñũno Jesu cahyaha.

—Mũ wamomacare siõrocaga —niha tiro wamomaca bũharirore.

To ã nichũ tũhoro tiro to wamomacare siõrocaha. To ã yoachũta noari wamomaca wahaha. ⁶ To ã noari wamomaca wahachũ ñũa, fariseo curua macaina wijaa wahaha. Wijaa, Herode mehne macaina mehne cahmachu, “¿Dohse yoa Jesure wajãnahcari mari?” niha tina ti basi.

Masa payũ bũcũpariro dũhtũ cahapũ jiha

⁷⁻⁸ Æ yoa pari turi Jesu to buheina mehne bũcũpariro cahapũ wahaha tjoa. Ti ã wahachũ ñũa Galilea macaina masa payũ to baharo sũha. Æ jia Judea yahpa macaina, Jerusalẽ macaina, Idumea yahpa macaina, Jordão wama tiri ma sie coa macaina, Tiro wama tiri maca macaina, tó cahai jiina, Sidõ wama tiri maca macaina, tó cahai jiina mehne masa payũ jipihtina to yoarire tũhoa, tiro cahapũ sũha. ⁹⁻¹⁰ Tópũ sua, payũ masa jiha. Payũ dohatiinare noaina to yoachũ tũhoa, paina dohatiina cãhũ Jesure piha dua, tju bihsarũcũ sũha. Ti ã tju bihsarũcũ sũchũ ñũno, Jesu bũsocare cahnopohobasa dutiha to buheinare. ¹¹ Æ yoa paina

watĩa ti cohtotarina sehe Jesure ñũa tiro cahai na tuhcuca caha sũha.

—Mũhũ Cohamacũ macũno jira —ni sañurucuha tina tirore.

¹² Ti ã sañurucuchũ tũhoro tinare Cohamacũ macũno to jiare tuaro mehne ni dutieraha Jesu.

Jesu to buheinare doce to warocahtinare bese dapoha

(Mt 10.1-4; Lc 6.12-16)

¹³ Æ yoa Jesu tũcũpũ mũja, to cahmainare pjirocaha. To pjirocachũ tũhoa, tiro cahapũ mũja sũha tina. ¹⁴ Ti mũja sũri baharo doce mũare tiro mehne macaina cjihtire, paye macaripũre to yare buhe duti to warocahtinare, bese dapoha Jesu.

¹⁵ Æ yoaro dohatiinare ti yũdohti cjihtire, watĩare ti cohã wiohti cjihti cãhũre cũha tinare. ¹⁶⁻¹⁹ Ahrinare doce mũare Jesu bese dapoha: Simo, Santiago Zebedeo macũno, João to bahũro, Andre, Felipe, Bartolomé, Mateo, Toma, Santiago Alfeo macũno, Tadeo, Simo cananista ya curua macariro cjiro, Juda Iscariote, tina jiha to bese daporina. Jesu Simore Pedro ni wama pisuha. Santiagore, João mehne Boanerges ni wama pisuha. Boanerges “Wũpo yoaro sehe jiina tuaro bisiina jira”, nino nina. Juda Iscariote Jesure ñũ tuhtiinare ñohtiro jiha. Tinare bese dapo tuhsũ, dujiaa, Jesu to buheina mehne wãhũpũ sãa wahaha.

“Jesu watĩno tuaare cjũara”, ni yahusãha masa

(Mt 12.22-32; Lc 11.14-23; 12.10)

²⁰ Æ yoa tói pari turi masa payũ cahmachua bihsa niha. Ti ã bihsachũ ñũno Jesu chũ masieraha. Tuhsũ, to buheina cãhũ chũ masieraha. ²¹ Æ jia paina Jesu coyea tíre tũhoa, tiro cahapũ sua, tirore ñahamaha.

—Tiro tũho masierariro waharo nina —nimaha tina.

²² Paina õ sehe niha:

—Beelzebú tirore ã wahachũ yoaro nica. Tiro watĩare cohãno Beelzebú watĩa pũhtoro to tuua mehne tinare cohãna —niha Jerusalẽpũ tarina sã judio masare buheina.

²³ Ti ã nichũ tũhoro Jesu sehe tinare pjiroca, to tũhotua quitu mehne piti dahre yahuha tinare:

24—Watĩno ya tuaa mehne watĩare cohãi nieraja. Watĩa ti basi cohã masierara. Cũ yahpa macaina ti basi cahma wajãa, tí yahpa macaina yaria pihtia wahaboa. 25 Cũ wuhũ macaina ti basi cahmachea tí wuhũ macaina waha pihtia wahaboa. 26 Tuhsũ, Satana watĩa puhtoro sehe watĩare cohãno ti basita cahmachea niboa. Ā jia tina waha pihtia wahaboa.

27'Õ sehetã jira mari piti dahre buhechũ. Tuariro ya wuhũpu pairo sãa sũ yaca masierara. Tuarirore dũhteraro to ya wuhũpu sãa sũ yaca masierara. Tuarirore to dũhteri baharo sãa sũ yaca masina —ni yahuha Jesu. (Õ sehe ni yahuha watĩnore to yũhdũrucarire yahuro. Watĩno tuariro to jipachũta Jesu tirore yũhdũrucara watĩare cohãno.)

28 Ā ni tuhsũ õ sehe ni yahu namoha Jesu: —Potocã niita nija mũsare. Jipihtia ñaare masa ti yoachũ ti durucuchũ cũhare Cohamacũ bo masina. 29 Ā boparota Espĩritu Santore ti ñano durucuchũ tí pinine ne bosĩ. Ti ã niri buhiri ã buhiri tirucuina jiahca —niha Jesu tinare.

30 Jesu Espĩritu Santo to tuaa mehne watĩare to cohãpachũta “Tiro watĩno to tuaa mehne watĩare cohãno nina”, nimaha masa. Ti ã nichũ tũhoro tí quitire Espĩritu Santo quitire yahuha Jesu tinare.

Jesu coyea tirore pjiha
(Mt 12.46-50; Lc 8.19-21)

31 Ā yoa Jesu bahana to pocoro mehne wihia. Ā wihia sopacapũ jia, painare pji dutiha tirore. 32 Ā jia masa tiro cahapũ dujiina yahuha tirore:

—Mũ poco, mũ bahana mehne sopacapũ pjiã nina mũhare —niha tina.

33 Ti ã nichũ tũhoro õ sehe niha Jesu tinare buhero taro:

—¿Noa jijari yũ poco, yũ bahana cũhũ, mũsa ñũchũ? —niha tiro tinare buhero taro.

34 Ā nino to cahai dujiinare ñũno õ sehe niha:

—Ahrina jira yũ poco yũ bahana yoaro sehe jiina. Cohamacũ cahmaare yoara ahrina. 35 Tó sehetã yoaina yũ bahũ, yũ baho, yũ poco yoaro sehetã jira —ni buheha Jesu tinare.

4

Jesu wesere toari masũno quitire buheha
(Mt 13.1-9; Lc 8.4-8)

1 Ā yoa pari turi bucupariro dũhtũ cahapũ Jesu masare buhe dũcaha tjoa. Ā tópre buhe dũcaro masa payũ tiro cahapũ ti cahmachuchũ ñũno Jesu sehe dohoriapũ samu wijaa, pahsaha. Ā jia masa sehe bucupariro dũhtũ cahai ducuha. 2 Ā jiro Jesu payũ to tũhotua mehne quiti dahre yahuha tinare buhero taro:

3—Ahri quitire tũhoga mũsa —niha tiro tinare.

—Toari masũno toaro, to toaa yaparire doca site cũno wahara. 4 To ã doca site cũ wahcãchũ paye yapari mahai bora caha sũha. Ā bora caha sũare tí yaparire minichahca duji ta, chũnocaha. 5 Ā yoa paye yapari sehe tãa wapa bui dihta se mininocã bui bora caha sũha. Tãa wapa buicã dihta mariea cureroi bora caha sũ, dói dumaha. 6 Ā dói duri jipahta, nũhcori mariaa, sũ to tuaro sichũ, ñaia wahaha. 7 Paye yapari sehe tja watoi bora caha sũha. Tja sehe dia yũhdũha waha, toaa sehere wajãnocaha. Ā jia tja watoi jiare dicha mariachũ yoaha. 8 Paye yapari sehe noari yahpai bora caha sũha. Noano du, noano dicha tiha. Paye yucũ treinta yapari, paye yucũ sesenta yapari, paye yucũ cien yapari dicha tiha. 9 Ahrire tũho duaina noano tũhoga mũsa —niha Jesu.

Jesu quiti mehne to buherire yahuha
(Mt 13.10-17; Lc 8.9-10)

10 Ā yoa ti sahsero jia doce to buheina, paina Jesu mehne jiina cũhũ tí quitire masi duaa, Jesure sinitu ñũha. 11 Ti ã sinitu ñũri baharo Jesu õ sehe ni yahuha:

—Cohamacũ masa bui puhtoro masare to noano sũho jiare, panopũ paina ti masierari cjirire mũsare masichũ yoara Cohamacũ. Paina sehere ã yoerara tiro. Ā jicũ tinare quiti mehne dihta buheihtja. 12 Ā jia tina ñũpahta ñũeraina cjiri yoaro sehe tjuara. Ā jia tũhopahta tũho ñaha masisi. Tina tũho ñahaina jia, ti ñaa yoarire cahya, Cohamacũre macaboa. Ti ã macachũ ñũno, tiro sehe ti ñaa yoari

buhirire bonocaboa. ã jipachata tina sehe ne tũho duaerara —niha Jesu.

Jesu wesere toari masũno quitire yahu pahũoha

(Mt 13.18-23; Lc 8.11-15)

¹³ To ã niri baharo õ sehe ni yahu namoha tinare:

—¿Ahri quitire tũhoerasinijari mũsa? ¿Mũsa ahri quitire tũhoerana, dohse paye quitire tũhonahcari mũsa? —niha Jesu tinare.

ã ni tuhsũ tiro õ sehe ni yahuha tinare:

¹⁴ —Toari masũno toaro, to doca site cũa yapari noaa buhea yoaro sehe jira.

¹⁵ ã yoa mahai boraã yapari noaa buhea yoaro sehe jira. Cãina noaa buheare ti tũhochũ ñũno Satana sehe ta, tí buhea noaa buheare ti tũho ñahamarire bochũ yoara tinare, minichahca tí yaparire ti chũro se-heta yoaro. ¹⁶ ã yoa tãa wapa bui dihta se mininocã bui boraã yapari noaa buhea yoaro sehe jira. ã jia paina noaa buheare tũho, wahchea mehne dóihta tíre tũho nũnũ wahcãna. ¹⁷ ã tũho nũnũ wahcãpahta tãa wapa buicã jia yucũ nũhcori mariea yucũ yoaro sehe ahrina masa cãhũ yoari pja cũno pjaerara. ã cũno pjaeraa, yũ yare ti cahmari buhiri paina tinare ti ñano yoachũ, ñano yũhdũa, yũ yare duhunocahna. Paina tinare ti ñano yoachũ tíre cũno pjaeraa, yũ yare duhunocahna. ¹⁸ ã yoa tja watoi boraã yapari noaa buhea yoaro sehe jira. ¹⁹ ã jia paina sehe noaa buheare tũhoa, ahri yahpa macaare wacũ nũnũ yũhdũara. Niñerure bũjũa cahma, paye baro cãhũre payũ cahma, tíre goa pja yũhdũara tina. Ti ã tũhtotuchũ tí sehe noaa buheare dũcatara. Ti ã dũcatachũ masa noaa sehere yoaerara. Dicha maria yucũ yoaro seheta jira. ²⁰ ã yoa noari yahpai boraã yapari noaa buhea yoaro sehe jira. ã jia paina sehe noaa buheare tũhoa tíre cahmana. Tíre masiina jia, Cohamacũ to cahmano seheta noaare yoara tina. Cãina mahanocã noaare yoara treinta yapari dicha tiro seheta. Paina bui curero noaare yoara sesenta yapari dicha tiro seheta. Paina pjíro noaare yoara cien yapari dicha tiro seheta —ni yahuha Jesu tinare.

Jesu sihãria quitire buheha
(Lc 8.16-18)

²¹ ã ni tuhsũ õ sehe ni yahu namoha Jesu:

—Ne, sihãriare ti sihãri baharo tiare dihi biato docapũ cũerara. ã jia tiare coãri casario docapũ cũerara. Mũanopũ duhu payora noano buhria dutia. ²² Jipihti ti masierari cjirire baharo masa masiahca. Sihãria to buhriachũ mari ñũ masino seheta panopũre ti masierari cjirire masiahca masa. ²³ Ahrire noano tũhoga mũsa. ²⁴ Mahanocã masi duana mahanocã masinahca. Pjíro masi duana pjíro masinahca. ã jina mũsa tũhona noano tũho nũnũga. ²⁵ Noano tũho nũnũriro noano masinohca. Tũho nũnũerariro “Mahanocã tũhoja”, to nipachata tí sehe butia waharohca —niha Jesu tinare.

Jesu trigore toariro quitire buheha

²⁶ ã ni tuhsũ õ sehe ni yahu namoha:

—Cohamacũ masa bui pũhtoro to sũho jia trigore toariro yoaro sehe jira. ²⁷ Toa tuhsũ bohrearo to toari duare ñũna tiro. “¿Dohse du wijaa ta bũcũajari tí?” ni ñũ masierara toariro to basi. ²⁸ Tí toari ti basi dicha tira. Pari pũca ji mũhtana. Baharo pari paro wijaa bũcũara. ²⁹ Tí parori bũcũa tuhsũchũ ñũno pahara. Pahari pja jira. (To toaa ti bũcũarire to masieraro seheta Cohamacũ yaina masa ti wahachũ cãhũre yahu pahũo masierara masa) —ni buheha Jesu.

Mostaza yapa quitire yahuha Jesu
(Mt 13.31-32; Lc 13.18-19)

³⁰ ã ni tuhsũ õ sehe ni buhe namoha Jesu piti dahre buhero:

—¿Ne Cohamacũ masa bui pũhtoro to sũho jia yaba baro yoaro sehe jijari, mũsa tũhotuchũ? ¿Di quitire mehne tíre yahunahcari? ³¹ Mostaza yapacã yoaro sehe jira pũhtoro Cohamacũ to sũho jia. Tí yapacã to toachũ mahabiari yapacã jira. ³² ã jiparota tí yapacã noano dura. ã jiro pjibiadũ wahara. ã jia tũ dũpũri bũjũa dũpũri bũcũachũ ñũna minichahca peri tũ dũpũripũ suhti suhara. (Pjibiadũ to wahariro seheta mũano macarirore mari pũhtoro masiina mahainacã ti ji mũhtapachata baharopũ tina payũ wahaahca) —niha Jesu.

*Quiti mehne to buherire yahuha Jesu
(Mt 13.34-35)*

³³ ã ni tuhsu, tí quiti ti niriro seheta payu quitire tuho ti cūno pjaro puro noaa buheare buheha tinare. ³⁴ Quiti marieno yahueraha tinare. Tuhsu, ti sahsero jiinare Jesu noano yahu pahñoha to buheinare.

*Jesu wihnonore yusuh dutiha
(Mt 8.23-27; Lc 8.22-25)*

³⁵ ã yoa tí dachoreta nahi borachupu Jesu to buheinare õ sehe niha:

—Basa, sie coapu pahājihna —niha tinare.

³⁶ To ã nichu tuhoa Jesu to jiriapu dohoriapu samu, masare yahpapu ducuinare tóihta cū, to buheina dihta Jesure na pahāa wahaha. ã yoa paye buso mehne paina cūhu tinare piti ti pahāa wahaha. ³⁷ Ti ã pahāchu wihnono tuaro taha. ã taro dohoriare pahcōri tuaro cjā sāaha. Mahanocā duhsamaha ti miniboro. ³⁸ To ã waharo watoi Jesu sehe dohoria oturopu suhti puti mehne to dapu ño tu tjiāhno carīno niha. ã jia tina tirore wahcōha.

—Buheriro, mari mini yariana tana nija. ¿ã jica niera putiajari mūhu? —niha tina tirore.

³⁹ Ti ã nichuta Jesu sehe wahcā, wihnonore:

—Tó purota wā duhuga —niha. ã ninota pahcōri cūhare:

—Yusua wahaga —niha bucuparirore.

To ã nichuta wihnono yuhduu wahaha. ã jia pahcōri cūhu yusu boraa wahaha.

⁴⁰ —¿Dohse ni cuimacanocana nijari musa? ¿Musa yuhure wacū tuaerasinijari? —niha Jesu.

⁴¹ To ã yoachu ñua tina cūa yuhduu wahaha.

—Cue, ¿dohse jiri baro masuno jijari ahriro? Ahri wihnono, pahcōri cūhu to dutichu yuhduucaerara tirore —niha tina ti basi.

5

Watia ti cohtotarirore noariro wahachu yoaha Jesu

(Mt 8.28-34; Lc 8.26-39)

¹⁻² ã yoa tina sie coapu Gerasa macaina ya yahpapu pahā suha. Pahā su, Jesu sehe

dohoriapu sãariro maja surucaha. To ã maja surucari baharocāta, watia ti cohtotariro tãa copari, masa copari watoi jiriro wija ta, tiro cahapu taha. ³ Tiro watia ti cohtotariro masa copari watoi jiriro jia tiha. Tirore ne cūiro coma da pjiri da mehne ñaha duhte cūno bihoeraha. ⁴ Payu tahari masa tirore dahpori wupōa sorori mehne comaa dari mehne duhte timaha. To wamomacari cūhare duhte timaha. Wiho mejeta tiro sehe comaa darire nuha, dahpori wupōa sorori cūhare nuha site mujaha. ã jia tiro tuariro to jichu ñua masa sehe tirore cjuaa bihoeraa tiha. ⁵ Ñamine, dachore tū yucaripu jia copari tãa copari watoi ã sañurucua tiha tiro. ã yoa tãa mehne to basi to pjacure cjāye mujaa tiha tiro. ⁶ ã yoa Jesu to maja surucachu yoaropu Jesure ñuroca, tiro cahapu muroca ta, na tuhcu caha suha, tirore ño payoro taro.

⁷⁻⁸ —Watia wijaahga tirore —niha Jesu.

To ã nichu tuhoro watia ti cohtotariro õ sehe ni sañurucua:

—Jesu, Cohamacu Jipihtina Bui Jiriromacuno, ¿yabare yoai tai nijari mūhu yuhure? Cohamacu to ñurocaroi sinija yuhū mūhare. Yuhure ñano yoai tjiga —ni sañurucua watia ti cohtotariro Jesure.

⁹ —¿Yabariro wama tijari mūhu? —niha Jesu tirore.

—Sã payu jija. ã jina “Payu watia”, wama tija. ¹⁰ Ahri dihtapu jiinare sãre pa yahpapu waha dutiecu tjiga —ni payu tahari siniha watia ti cohtotariro.

¹¹ Ti pjare ti cahacāi tūcu dahpotoi yesea nuina payu chūa niha. ¹² Tói ti churucuchū ñua õ sehe ni siniha watia:

—Sina yesea cahapu warocaga sãre ti pjacuripu sã sãahto sehe —ni siniha watia tirore.

¹³ Ti ã nichu tuhoro “Jai. Wahaga”, niha Jesu. To ã dutichu, watia masunopu jirina cjiri sehe wijaa, yesea pjacuripu sāaha. Tina yesea sehe payu waro jiha, dos mil. ã yoa tinare ti sãari baharo, yesea jipihtina bucupariro duhtu cahapu pari cunupu muroca buha, tí taropu bora ñoja, mini yaria pihtia wahaha.

¹⁴ Ti ã mini yariachu ñua yeseare ñu wihboina sehe muroca wahcā, pjiri macapu cūhare, daa macaricāpu cūhare tíre yahu

sitea wahaha. Ti ã yahuchu tãhoa, masa sehe payu ti ã waharire ñua wahaha. ¹⁵ Ñ jia Jesu cahapu wihia, payu watia ti cohtotariro cjiro to suhti tiriho, tuho masiriho to dujichu ñua, cui niha. ¹⁶ Watia ti cohtotariro cjirore, yesea cãhure ti ã waharire ñaina sehe paina masa ti cahai wihiinare noano yahu pahãoha. ¹⁷ Ti ã yahu pahãochu tãhoa, Jesure tuaro mehne pa sehepu waha dutiha.

¹⁸ Ñ yoa dohoriaru Jesu to samuchu ñano, “Mahu mehne waha duaja” ni, tuaro sinimaha watia ti cohtotariro cjiro sehe Jesure. ¹⁹ To ã nichuta Jesu tirore õ sehe ni yahuha:

—Yuhu mehne taecu tjiga. Mu ya wãhuru mu coyea cahapu yuhu mu puhtoro mãhure yu yoarire yahui wahaga. Mãhure yu pja ñurire yahuga tinare —niha tirore.

²⁰ To ã nichu watia ti sãanoriro cjiro sehe Decapoli wama tiropu jia macaripu Jesu tirore to yoari cjirore yahu dũcaha. To ã ni yahuchu tãhoa jipihtina masa cãaa wahaha.

Jairo maconore yũhdũchu yoa, cahã ñuricoro cãhure yũhdũchu yoaha Jesu (Mt 9.18-26; Lc 8.40-56)

²¹ Ñ yoa pari turi Jesu to majare pahã sũchu masa payu tiro cahapu bucuariho duhtu cahapu cahmachuha. ²² Ti ã cahmachuchu sã judio masa buheri wãhure ñu wihboriro Jairo wama tiriho wih, Jesure ñu, to dahpori cahapu na tuhcuca caha sũro, ²³ õ sehe niha:

—Yu macocã yariaro nihre. Ñ jicu ticorore mu wamomaca mehne ña payo, noaricoro yoai taga. Mu ã yoachu ticoro masanohca —niha tiro Jesure.

²⁴ To ã nichu Jesu cãhu sehe tiro mehne wahaha. Mahai to wahachu payu masa tirore nuu ti wahcã bihsaro sũrucu sũha tirore. ²⁵ To ã bihsaro wahachu numino doce cãhmari waro dachoripe cahã ñurucuricoro tõi jiha. Tõ pano payu duhturu ticorore ñano yũhdũchu yoaha. ²⁶ Ñ yoa duhturuare jipihtia to niñeru mehne wapamaha ticoro co tiro. Ti ã yoapachuta ticoro munanota jirucuha. Ñ jiro ticoro tõi pano to jiriho yũdoro ñano wahaha. ²⁷ To ã ñano yũdũricoro to jichu masia Jesu to

yoarire tãhoa paina tĩre yahuha ticorore. Ñ ti yahuchu tãhoro ticoro Jesu baharo masa payu watoĩ wih, Jesu suhtirore ñaha ñua. ²⁸ “Yuhu to suhtiro dihtare ñaha ñuco noaricoro wahacohca”, ni tãhotuha. ²⁹ Ñ jiro ticoro to ñaha ñuri baharo to cahã ñuare duhuro to pjacure noari pjacu tãhotuha. ³⁰ Ñ jiro Jesu to tuua mehne dohatiare to cohãrire masino, masa watoĩ majare ñua.

—¿Noa yu suhtirore ñaha ñuri? —niha tiro.

³¹ To ã nichu tãhoa to buheina õ sehe niha: —Bihsa nina. Ñ jia masa payu mãhure pihanocahna. “¿Noa yũhure ñaha ñuri?” nicu, ¿dohseacu ã nijari mãhu? —niha tina sehe tirore.

³² Ñ jiro Jesu tirore ñaha ñuricorore macaha. ³³ To ã macano watoĩ ticoro sehe to pjacu noano wahachu tãhoturo cui, tetere na tuhcuca caha sũha to panoĩ tirore ño payoro. ³⁴ Ñ jiro ticoro poto yahu pahãoha tirore. To ã ni yahuri baharo Jesu ticorore õ sehe ni yahuha:

—Maco, yũhure mu wacũ tuua mehne noaricoro tjuara mipure. Wahchea mehne wahaga. Dohatia marienicoro jiga —niha Jesu ticorore.

³⁵ To ã ni durucuro watoĩ judio masare buheri wãhure ñu wihboriro ya wãhu macaina yahua wihia:

—Mu maco yariaa wahahre. Ñ jicu buherirore pji tai tjiga —niha tina.

³⁶ Ti ã nipachuta ã tãhotunocahno, Jesu ñu wihborirore õ sehe ni yahuha:

—Cahya tãhotui tjiga. Yũhure wacũ tuaga. Tĩ dihtare yoaga —niha ñu wihborirore.

³⁷ Ñ ni tuhsu Santiago, to baharo João, Pedro tina dihtare “Yuhu mehne taga”, niha Jesu. ³⁸ Ñ pji wahcãno sã judio masa buheri wãhure ñu wihboriro ya wãhuru sũha tina. Tĩ wãhuru masa payu ñano bisi, ñahacaha tĩa ti sañurucuchu ñua Jesu.

³⁹ —Ñano ni, ñahacaha tiiena tjiga mũsa. Maharicorocã mũsa ã ni tiichu yariaerara. Carĩno nina —niha Jesu tinare.

⁴⁰ To ã nichu tãhoa “Ñ nimacanocano nina ahriro”, ni bujaha tina sehe tirore. Ti ã yoachu tiro tinare sopacapu wio pahãnocaha. Ñ wio tuhsuro maharicorocã

pɔcɔsmare, tiro mehne macaina cãhare ticorocã cahapɔ naaha Jesu.

⁴¹ ã naa tuhsɔro Jesu ticorocãre to wamomacare ñaha:

—Talita cumi —niha tiro. (“Talita cumi” nino, “ ‘Maharicorocã wahcãga’, nija yãhu”, nino nina.)

⁴² To ã nichata ticorocã wahcãrɔcɔ sɔ, tiniha. Doce cãhmari cjɔaricoro jiha ticoro. Ticorore to ã yoachɔ ñaha tina cɔa yãhdɔa wahaha. ⁴³ Ti ã yoachɔ ñano, Jesu tuaro mehne tíre to yoarire yahu site dutieraha. ã yoa tuhsɔ ticorore chɔa wa dutiha.

6

Nazare macaina Jesure cahmaeraha (Mt 13.53-58; Lc 4.16-30)

¹ ã yoa tópu jiriro waha, Jesu to buheina mehne to ya dihtapɔ tju sɔha. ² ã tju sɔro Sabado jichɔ sã judio masa buheri wãhɔi buhe dɔcaha Jesu. To ã buhechɔ masa payɔ tire tãhoa, cɔaa wahaha.

—Cue, çahriro nohopɔ tãhoari ahri buheare? çDohsearo noano masi pahñonocajari ahriro? Cohamacɔ tuua mehne yoa ñona tiro to basi. ³ Ahriro taboa dahrari masɔno María macɔno, Santiago, José, Juda, Simo ti wahmino jimanaro. ã yoa to bahana numia mari ya macai jisninimanabɔ. ã jiro tiro mari yoaro sehe jiriro tjira —niha tina Jesure tãhomarina.

ã jia Jesure ñɔ tuhtia, tireore cahmaeraha. ⁴ Ti ã cahmaerachɔ ñano ò sehe niha Jesu:

—Cohamacɔ yare yahu mãhtarirore paina ño payora. Ti ã ño payopachata to ya maca macaina, to coyea, to ya wãhɔi jiina ño payoerara tireore. ã jina yãhare ño payoerara mɔsa òi yɔ bɔcɔariro jichɔ —niha Jesu tinare.

⁵ ã jiro tí macai jiro Jesu Cohamacɔ tuua mehne yoa ño masieraha. ã yoaeraparota cãina dohatiina bui to wamomacare duhu payo, noaina wahachɔ yoaha tiro. ⁶ ã jiro tó macaina Jesure ti quihõno tãhoerachɔ ñano cɔaa wahaha tiro. ã jiro Jesu tó cahai jia macaripɔ buhero wahaha.

Jesu doce buheinare buhe dutiro warocaha

(Mt 10.5-15; Lc 9.1-6)

⁷ ã yoa Jesu doce to buheinare pjiroca, pɔaro dihta warocaha tinare macaripɔre buhe dutiro. ã jiro to tuaare waha tinare watãre ti cohã wiohto sehe. ⁸ ã warocaro pãore, wajure, niñerure tiro naa dutieraha tinare. Ti tjuayucɔ dihtare naa dutiha. ⁹ ã ni tuhsɔ, dahpori tɔ cãa cahsarire sãa dutiha tinare. Cãnota suhtirore sãa dutiha tinare. Pɔaro sãa dutieraha. ¹⁰ ã jiro ò sehe ni yahuha tinare:

—Jipihtia macaripɔ mɔsare ti carĩno wachɔ tí wãhɔihta tjuasiniga. Coã wãhanapɔ wijaaaha tí wãhare. ¹¹ ã jina pa maca macaina mɔsare ti cahmaerachɔ, ti tãho duaerachɔ tí macare yãhdɔana dahpori macaa dihta pohcari mene wajã site cãga mɔsa tinare ti ya buhirire masichɔ yoana —ni yahuha Jesu tinare.

¹² ã jia tina doce buheina masare ti ñaa tãhotumari cjirire tãhotu cohtota duti, Cohamacɔre maca duti, buhea wahaha. ¹³ ã wahaa payɔ watãre cohã wio, dohatiinare se mehne wisõa, noaina wahachɔ yoaha.

João masare bautisarirore paina wajãha (Mt 14.1-12; Lc 9.7-9)

¹⁴ ã yoa Jesure masa payɔ masiha. ã jiro to yoarire pãtoro Herode tãhorocaha. ã tãhorocarò ò sehe ni tãhotumaha tiro paina mehne:

—João masare bautisariro yariariro cjiro pari turi bajuaro nica. ã bajuariro jiro to tuua mehne tíre yoaro nica —ni durucumaha Herode paina mehne. (“Jesu Joãota jira”, ni tãhotumaha.) ¹⁵ Paina sehe ò sehe ni tãhotumaha:

—Elia jira —ni tãhotumaha.

Paina sehe:

—Cohamacɔ yare yahu mãhtariro panopɔ macaina cjiri yoaro sehe jira tiro —ni tãhotumaha Jesure.

¹⁶ Ti ã ni tãhotupachata Herode sehe Jesu to yoarire tãhorò ò sehe ni tãhotumaha:

—João dapure yɔ cã ta dutiriro cjiro bajuaro nica —ni tãhotumaha.

¹⁷⁻¹⁸ Joãore ti wajãhto pano Herode tireore ñaha duti, peresu yoa dutiha. Tó pano

Herode to baharo Felipe namonore Herodiare namo tiha.

—M_u bah_u namonore namo tic_u Cohamac_u dutiare y_uhd_ur_uc_ui nica m_uh_u—ni yahumaha João Herodere.

To ã niri buhiri to namono Herodia João_ure peresu ti yoach_u cahmaha. ¹⁹ ã jiro ticoro sehe João_ure ñ_u tuhtiro, tirore wajã duti duamaha. ã yoa duaparota ticoro tirore wajã duti masieraha. ²⁰ Herode João_ure cuiro, “João noaare yoariro, ñaa buhiri marieriro jira”, ni t_uhotuha. ã jiro Herodere cariboro yoaha João sehe tirore yahuro. ã to caribopach_uta tiro wahchea mehne t_uhomaha João_ure. ²¹ To ã wahchea mehne t_uhopach_uta Herodia tirore to wajã dutihti dacho m_u s_uha. Tí pjare Herode to masa bajuari dacho jich_u tiro bose n_um_u dahreha. ã jia to gobierno macaina, to surara p_uhtoa, Galilea macaina p_uhtoa c_uh_u to ya bose n_um_ure ñ_uha wihaha. ²² Tí ã wihiri baharo Herodia macono bose n_um_u ñ_uno wihiro ti ñ_urocaroi basa ñ_uha. To ã basa ñ_uoch_u ñ_uha Herode to pjirocaina mehne wahcheha. ã jiro õ sehe niha Herode ticorore:

—M_u cahmaare siniga y_uh_ure. ã jich_u waihtja m_uh_ure m_u cahmaare. ²³ Cohamac_u mehne potocã nii nija m_uh_ure. M_u sinino puro y_u yare dacho macai waihtja m_uh_ure—niha tiro ticorore.

²⁴ To ã nich_u t_uhoro ticoro Herodia macono sehe to pocoro cahap_u waha, õ sehe ni sinituha:

—¿Yabare sinicohcari y_uh_u? —ni sinituha ticoro to pocoro.

—João masare bautisariro dapure siniga—niha to pocoro.

²⁵ To ã nich_uta ticoro Herodia macono ño duaro mehne p_uhtoro Herode cahap_u waha, siniha:

—João masare bautisariro dapure wapararo mehne waga y_uh_ure—niha ticoro.

²⁶ To ã nich_u t_uhoro p_uhtoro Herode sehe tuaro cahyaha. Masa ti ñ_urocaroi “Waihtja m_uh_ure”, ni tuhs_uha tiro. ã jiro b_uo tiro “M_uh_ure waeraja”, ni masieraha ticorore.

²⁷ ã jiro dóihta surarare peresup_u jiiinare cohtarirore João dapure c_uã ta, na ta dutiha. ²⁸ To ã dutich_u t_uhoro surara sehe waha, to dapure c_uã ta, wapararo mehne na

taha. Na ta tuhs_u, nuhminore Herodia maconore waha. To ã wach_u ticoro to dapure ñaha, to pocoro y_uhdoha.

²⁹ ã jia João buheina sehe tíre t_uhoa tó_ure waha, to pjac_u cjirore na wahcã, tãcap_u ti sahari copap_u na sãa duhu payoha.

Jesu cinco mil bui masare ch_ua waha (Mt 14.13-21; Lc 9.10-17; Jn 6.1-14)

³⁰ ã yoa Jesu to warocarina to cahap_u tju s_ua, ti yoarire ti buherire yahuha tirore.

³¹ Tí pjare masa pay_u ã majarerucua, tinare ch_uro waeraha. ã jiro õ sehe niha Jesu tinare:

—Masa marienop_u mari sahsero sosinina wahajihna—niha tinare.

³² ã jia tina ti sahsero dohoria mehne masa marienop_u wahaha. ³³ Tí ã wahach_u ñ_uha masa pay_u tinare masiha. ã masia pay_u macari macaina mahap_u waha, Jesu to s_uhtop_u tina masa sehe m_uroca wahcã s_u m_uhtaha. ³⁴ Tí ã s_uch_u Jesu wahã s_u, b_usocap_u sãariro majano, tiro masa pay_u jiiinare ñ_uha. Oveja p_ua marieina yoaro sehe jiha tina masa, to ñ_uch_u. ã jiro Jesu tinare pja ñ_uno, pay_u noaare buhea tiha tinare. ³⁵ Ñamichahap_u doce buheina Jesu cahap_u s_u õ sehe niha:

—Õ masa marienop_u jira. Ñamichahap_u jira. ³⁶ Õ cahacã jia macarip_u daa macaricãp_u, b_uj_ua macarip_u ti ch_uhtire nuch_u dutiga masare ti puhi tihti cjihtire—niha tina Jesure.

³⁷ —Ch_uare waga tinare—nimaha Jesu to buheinare.

To ã nich_u õ sehe ni y_uhtiha:

—¿Dos cientos dachori dahrari wapa niñeru mehne ti ch_uhti pãore nuch_ubocari sã?—niha tina Jesure.

³⁸—¿Nohope curiri pão curiri jijari? Ñ_una wahaga—niha tiro.

To ã nich_u tina sehe ch_uare boca õ sehe niha:

—Cã wamomaca pihtia curiri pão curiri, p_uaro wahi jira—niha tina.

³⁹ Tí ã nich_u t_uhoro Jesu sehe pja curuari tja bui duji dutiha masare. ⁴⁰ To ã duji dutiri baharo tina pja curuari dujiha. Cãa curuari cincuenta masa jiha. Paye

curuari sehe cien masa jiha. ⁴¹ Ti ã duji tuhsuchũ ñũno Jesu sehe cã wamomaca pih̄tia curiri pão curirire, pũaro wahi mehne na, mũanopũ ñũha. Æ ñũno Cohamacũre “Noana”, niha. To ã niri baharo pão curirire nuha, to buheinare masare witi dutiro waha. Æ yoa tuhsũ, pũaro wahire witi dutiha jipihtinare. ⁴² Æ jia jipihtina chũ, yapi yũhdũa wahaha. ⁴³ Ti yapi wahy-orire doce pũhũse waro pãore, wahi cãhũre na cahmachu wahpo dapoha tina. ⁴⁴ Æ yoa pãore chũina mũa dihtare ti quihõchũ cinco mil mũa jiha. (Numia cãhũ, macanacã cãhũ tõi chũina jiha.)

Jesu co bui ducu wahcãha
(Mt 14.22-27; Jn 6.16-21)

⁴⁵ Tí pjata Jesu to buheinare dohoriapũ samu duti, sie coapũ Betsaidapũ to pano pahãyu dutiha. Æ jiro ti pahãri baharo Jesu sehe masare coha sitiha. ⁴⁶ Coha siti tuhsũ tũcũpũ Cohamacũre sinino wahaha. ⁴⁷ Baharo ñãmipũ dohoriã bũcũpariro dacho macai ti pahãrucuchũ Jesu cãirota ti pahã tariropũ jiha. ⁴⁸ Tópũ jiro, tina ñãno yũhdũ ti wajachũ ti panoi wihnono tachũ ñũrocãha tiro. Æ jiro bohrea mũja tahto pano tina cahapũ waharo co bui ducu wahcãha. Tinare tiro yũhdũ wahcã duamaha. ⁴⁹ To yũhdũ wahcã duapachũta tirore co bui to tachũ ñũa, “Yariãro cjiro jiboca”, ni tũhotumaha tina. Æ ni tũhotua tina sañurucuha. ⁵⁰ Jipihtina tirore ñũa, ñũ cũa waha, sañurucuha. Ti ã ñũ cũachũ ñũno Jesu tinare õ sehe ni yahuha:

—Ne, yũhũre cuiena tjiga. Yũhũta jija — niha tinare.

⁵¹ Æ ni tuhsũ tiro tina mehne dohoriapũ samua wahaha. To samuri baharocãta wihnono yũhdũa wahaha. To ã wahachũ tina sehe cũa yũhdũa wahaha. ⁵² To pão payũ yoarire wacũeraha tina. Tua yũhdũãriro to jiare noano tũho ñãhaeraha.

Jesu Genesare macainare, dohatiinare noaina wahachũ yoaha
(Mt 14.34-36)

⁵³ Æ yoa tina pahã sũ, Genesare dihtapũ wahã sũ, tia dohoriãre dũhte poho, dũhtũ cahapũ pahsaha. ⁵⁴ Æ yoa tina dohoriapũ jiina ti majachũta masa sehe Jesure ñũ

masiha. ⁵⁵ Æ ñũ masia jipihtiro ti ya yah-papũ mũroca maja, dohatiinare ti coãa cah-sari mehne yo wahcã, sũha Jesu cahapũ. “Jesu tópũ jihre”, masa ti nichũ tũhoa to cahapũ sũha tina. ⁵⁶ Æ jia jipihtia macari to sũa macaripũ, bũjũa macaripũ, daa macar-icãpũ, pache duaina cahapũ, masa dohati-inare ti cũnopũ Jesure to suhtiro dũhtũ cahare ñãha ñũ dua tuaro siniha tina:

—Mũ suhtiro dũhtũ caha dihtare sãre ñãha ñũ dutiga —ni siniha.

Æ jia to suhtirore ñãha ñũinape tópeinata noaina wahaa tiha.

7

Masa ñãina wahachũ yoaaare yahuha Jesu
(Mt 15.1-20)

¹ Æ yoa Jerusalẽpũ tarina sã coyeyã judio masare buheina, fariseo curua macaina cãhũ Jesu cahapũ cahmachuha. ²⁻⁴ Fariseo curua macaina jipihtina paina judio masa cãhũ ti ñũchũsũma cjiropũ ti yoa dutiriro seheta wamo cosaro marieno chũera tiha. Æ jia pache duaina cahapũ waha, sũ, majare tju wihiina cãhũ ti yoa dutiriro seheta wamo cosaro marieno chũera tiha. Payũ paye dutia cãhũre ti ñũchũsũma cjiropũ ti yoa dutiare yoaa tiha. Tasa waparire cosaa, dihi biatorire cosaa, comaa biatorire cosaa, yoaa tiha tina judio masa, “Cohamacũ ã cahmana”, nia. Æ jia sã coyeyã judio masare buheina, fariseo curua macaina cãhũ Jesu cahapũ cahmachua, Jesu buheina wamo cosaro marieno ti chũchũ ñũha. ⁵ Æ ñũ tuhsũa Jesure õ sehe ni sinituha:

—Mũ buheina chũa, mari ñũchũsũma cjiri ti yoa dutiriro cjiro seheta ti wamo-macarine wamo cosaerara. ¿Dohse yoa mari dutiare yoajerari? —niha tina Jesure.

⁶ Ti ã nichũ tũhoro Jesu õ sehe ni yahuha tinare:

—Masa ti baharo bũhũsehei ñãno yoa cohtaina jira mũsa. Panopũre Cohamacũ yare yahu mũhtãriro cjiro Isaia potocãta yahuro niri jira mũsa yoaro sehe tũhoerainare. Õ sehe ni yahu, joaa tiha tiro:

“Ahrina masa yuhure noano durucupahta ti tãhotuapũ yuhure ne ño payoerara.

7 ã jia yuhure ti ño payoa yaba cjihti jierara. ‘Cohamacũ ya dutia jira ahri’, ni mahño buhera ti ya buhea sehere”, ni joaha Isaia cjiro. 8 Tí potocã tjira. Cohamacũ ya dutia sehere duhu, masa ti yoa dutia sehere cohtota yoa yuhdũrũcũ sũa tira mũsa. 9 Cohamacũ ya dutiare cohãna, mũsa coyea ya dutia sehere yoara mũsa. 10 Õ sehe yoana Cohamacũ ya sehere yuhdũrũcana nina mũsa: Panopũre õ sehe niha Cohamacũ Moise cjiro to joariro seheta: “Mũsa pũcũsumare ño payoga. Cũiro to pũcũsumare ñano quitu dahreriro jiro tí buhiri ti wajãhtiro cjihto jirohca”, niha Cohamacũ Moise cjirore to cũri dutiai. 11 To ã nipachũta õ sehe yoa dutira mũsa ti pũcũsumare yoadoho dutierana: Ti pũcũsumare ti waborire Cohamacũ sehere wa dutira mũsa. ã ni buhemana mũsa. 12 ã buhena ti pũcũsumare ño payochũ yoaerara mũsa tinare. 13 ã yoana Cohamacũ dutiare yuhdũrũcana nina mũsa mari ñũchũsuma cjiri ya dutia sehere yoana. Painare mũsa buhea dihtare tũho dutira mũsa. Payũ tó sehe jiare yoara mũsa —niha Jesu tinare.

14 ã ni tuhsũro paina cãhũre pjirocãhã tiro. Õ sehe niha tinare:

—Mũsa jipihtina yuhure tũhona taga. Tuhsũ yũ niare noano tũho ñahaga mũsa.

15 Mũsa dũserire sãa sehe mũsa chũa sehe mũsare buhiri tichũ yoaerara. Ñaare mũsa tũhotua sehe mũsare ñaina jichũ yoara. 16 [Yuhure noano tũhoga mũsa] —niha Jesu.

17 Tinare ã ni yahu tuhsũ Jesu masa cahapũ jirore cjiro waha, wũhũpũ sãa waha. ã to sãa sũchũ ñũa to buheina sehe to buherire sinitu ñũa. Tí ã sinitu ñũchũ tũhoro õ sehe niha tiro:

18 —¿Mũsa cãhũ ne tũho ñahaerasinijari tíre? Mũsa dũserire sãa sehe mũsa chũa sehe mũsare ñaina jichũ yoaerara, Cohamacũ to ñũchũ. 19 Tí mũsa tũhotuapũre sãaerara. Mũsa pjaropũ sãa sũ, yuhdũ wijaa wahara —niha Jesu.

ã nino “Jipihtia chũa noaa jira”, nino niha. 20 ã yoa õ sehe ni namoha tjoa:

—Mũsa ñaa durucua sehe mũsa dũseri wijaa sehe mũsare ñaina jichũ yoara, Cohamacũ to ñũchũ. 21-22 Ñano tũhotua, numia mehne ñano yoarucua, yacaa, masare wajãa, namo tiriropũ jiparota pacorore manũ tiricorore wũana tia, paio yare tuaro cjoa, ñano yoaa, mahñoa, bũo tiro marieno ñaa yoaa, paina ti cjuare ñũ yabia, ñano quitu dahrea, “Painare yuhdũrũcãja”, ni tũhotua, tũho masieraina jia, tí jipihtia mũsare mũsa tũhotuapũ tara. 23 Jipihtia ahri ñaa mũsa tũhotuapũ taa, mũsare ñaina jichũ yoara, Cohamacũ to ñũchũ —niha Jesu.

Judio masono jieraricoro Jesure wacũ tuaha

(Mt 15.21-28)

24 ã ni tuhsũro Tiro wama tiri maca cahapũ, Sidõ wama tiri maca cahapũ sũro tó macari wũhũpũ sãa wahaha. ã sãahno painare to jiri wũhũre yahu dutieraha. ã yahu dutieraparota tinare tiro duhti masieraha. 25 Tí pjareta numino to macono watĩno to cohtotaricoro to cahai jiha. ã jia Jesu yoarire ñũa paina to pocorore yahuha. Tí ã yahuri baharo to pocoro sehe waha, Jesu dahpori cahapũ na tuhũca caha sũha tirore ño payoro. 26 Ticoro Sirofenicia wama tiri yahpa macaricoro jiha.

—Watĩnore cohã wiosiniga yũ macore —ni siniha ticoro Jesure.

27 To ã sinichũ tũhoro õ sehe niha Jesu:

—Wahmanore wũhũ pũro pohna ya chũare dieyacãre yũ wa mũhtachũ tó wahaerara. Israe masa yare pa yahpa macainare yũ wa mũhtachũ tó wahaerara —niha Jesu ticorore piti dahre yahuro.

28 —ã tjira pũhtoro. ã jipachũta dieyacã cãhũ mesa docai tí pohna tí chũ site boroare chũ cohtara tinacã cãhũ. (Pa yahpa macaricoro yũ jipachũta yũhũ cãhũre yoadoho masina mũhũ) —ni yãhtiha ticoro.

29 —Mũ ã ni yũhtichũ mũ macore watĩno wijaa tuhsũhre. Ñũco wahaga —niha Jesu ticorore.

30 To ã nichũ tũhoro majare tjuaa, to wũhũpũ tju sũro, to maconore watĩno marienicorore camapũ jiricorore ñũa.

Cahmono t̄hoerarirore, durucu masierarirore noariro wahach̄u yoaha Jesu

³¹ Tí pjare Jesu Tiro wama tiri maca cahap̄u jiriro waha, Sidō wama tiri macare s̄u ȳhd̄u wahcã, Decapoli wama tirop̄u jia macarine s̄u ȳhd̄u wahcã, Galilea wama tiri b̄uc̄parirop̄u s̄uha j̄una. ³² ã jia cahmono t̄hoerarirore, noano durucu masierarirore Jesu cahap̄u na wihiha paina.

—M̄u wamomaca mehne ña payoga tirore —ni siniha tina tirore.

³³ Ti ã nich̄uta Jesu sehe t̄hoerarirore na wahcã, masa marienop̄u s̄uho s̄uha. Ti sahsero jiha. Tuhs̄u, Jesu to wamo picari mehne t̄hoerarirore cahmo coparire be s̄ōha. ã yoa tuhs̄u, chahcho puti, to ñahmanore ña payoha.

³⁴ ã yoa tuhs̄u m̄hanop̄u ñ̄u m̄ho, yajeri na, ò sehe niha:

—Efata —niha Jesu. (“Efata” nino, “Pjōohga”, nino nina. ã nino tirore t̄ho dutiro niha. ã nino noano durucu dutiro niha.)

³⁵ To ã nich̄uta tiro sehe t̄ho boca, to ñahmano bidaro wahach̄u t̄hoturo noano durucuha. ³⁶ ã jiro Jesu tinare tíre painare yahu site dutieraha. To ã yahu site dutierach̄u t̄hopahta tina sehe painare yahu site namoha. ³⁷ ã jia masa t̄ho c̄u ȳhd̄u waha, ò sehe niha:

—Jipihtiare tiro noano yoara. T̄hoerainare noano t̄hoch̄u yoara. Durucu masieraina c̄uh̄re noano durucuch̄u yoara Jesu —niha masa.

8

Cuatro mil bui masare ch̄uare waha Jesu (Mt 15.32-39)

¹ Tí pjare pari turi masa paȳu ti cahmachuri baharo ch̄u maeraina ti jich̄u ñ̄no Jesu to buheinare pjirocaha:

² —Ahrina masa tia dacho waro ȳh̄u mehne ji tuhs̄ura. ã yoa tinare puhi mariahna. Ti puhi maerach̄u ñ̄uc̄u tinare pja ñ̄ja ȳh̄u. ³ Paina tina mehne macaina yoarop̄u tahre. “Tinap̄u j̄uca baaina mahai borari”, nic̄u tinare ch̄u marieno ti w̄h̄usep̄u waha duti duaeraja. ã jic̄u

tinare puhi wa duaja —niha Jesu to buheinare.

⁴ —¿Dohse yoa mari òre masa marienop̄ure p̄ore boca wabocari mari? —niha to buheina sehe Jesure.

⁵ —¿Nohope curiri p̄o curirire c̄uajari m̄sa? —ni sinituha Jesu.

—Siete curiri jira —niha tina.

⁶ Ti ã ni ȳhtich̄u t̄horo, tiro masare yahpai duji duti, siete curirire p̄o curirire na, Cohamac̄u “Noana”, niha. ã ni tuhs̄u, tí curirire nuha, to buheinare wa, masare witi dutiha. To ã dutiri baharo to buheina sehe p̄ore masare witiha. ⁷ ã jia wahi c̄uh̄re mahainacã c̄uaha tina. ã jiro tinare Cohamac̄u “Noana” ni, wahi c̄uh̄re witi dutiha. ⁸ Ti witi tuhs̄uch̄u tina ch̄u, yapi ȳhd̄u waha. Ti yapi wahyore siete p̄h̄use waro wahpo dapoha tina. Tina cuatro mil bui masa jiha. ⁹⁻¹⁰ ã yoa tuhs̄u Jesu masare coha sitiha. Coha siti tuhs̄u to buheina mehne dohoriap̄u samuha. Samu tuhs̄u Dalmanuta wama tiro cahap̄u waha.

Fariseo curua macaina Jesure Cohamac̄u tuua mehne yoa ño dutiha (Mt 16.1-4; Lc 12.54-56)

¹¹ ã yoa fariseo curua macaina wihi, Jesu mehne cahma sayoha. Tina Jesure Cohamac̄u tuua mehne yoa ño dutia, to yoa ño masierach̄u ñ̄u duamaha. ¹² Ti ã dutich̄u t̄horo Jesu cahyaro mehne yajeri s̄ano, ò sehe niha:

—¿M̄sa mip̄u macaina dohse yoana m̄sa Cohamac̄u tuua mehne yoa ñoare ñ̄u duajari? Potocã niita nija m̄sare. Mip̄u macainare m̄sare Cohamac̄u tuua mehne ne yoa ñosi ȳh̄u —niha Jesu.

¹³ ã ni tuhs̄u waha, pari turi dohoriap̄u samu, sie coap̄u pahã waha.

Fariseo curua macaina, Herode mehne macaina c̄uh̄re ñaare ti buheare yahuha Jesu (Mt 16.5-12)

¹⁴ ã waha, p̄ore boa waha, dohoriai c̄u curita p̄ore c̄uaha tina. ¹⁵ ã yoa Jesu cuaro mehne yahuha tinare:

—Noano yoanoh̄u. Fariseo curua macaina, Herode mehne macaina c̄uh̄u

ti pão bũcuarore ñũna noano yoaga. Cua nina tí —ni yahuha.

¹⁶ To ã nichũ tũhoa tina to buheina sehe tíre ti basi õ sehe ni durucuha:

—Mari pãore mari na taerachũ ñũno ã nino nica ahriro —nimaha tina ti basi.

¹⁷ Ti ã nirire masino tinare õ sehe ni sinituha Jesu:

—¿Dohse yoana mũsa pão borire wacũjari mũsa? ¿Mũsa masierasiniari? ¿Tũho ñahaerasiniari? ¿Tũho duaerajari mũsa?

¹⁸ ¿Capari tiina jipanahta ñũerajari mũsa? ¿Ã jina cahmori tiina jipanahta tũhoerajari mũsa? ¿Mũsa ahrire wacũerajari? ¹⁹ ¿Yũhũ cã wamomaca pihtia pão curirire nuha, cinco mil bui masare yũ warire wacũerajari mũsa? ¿Ti yapi wahyorire nohope pũhũsere pão curirire wahpo dapori mũsa? —niha Jesu tinare.

—Doce pũhũse —ni yũhtiha tina tirore.

²⁰ —¿Ã yoa yũhũ siete curirire pão curirire cuatro mil bui masare yũ wari baharo nohope pũhũsere pão curiri wahpo dapori mũsa? —niha Jesu.

—Siete pũhũse —ni yũhtiha tina tirore.

²¹ —¿Ã ñũpanahta noano tũho ñahaerasiniari mũsa? —niha Jesu tinare.

Jesu capari ñũerarirore ñũchũ yoaha

²² Æ yoa tina Betsaidapũ ti sũchũ ñũa, masa sehe capari ñũerarirore na wihiha.

—Tirore ña payoga —ni, tuaro siniha tina Jesure.

²³ Ti ã sinichũ tũhoro, Jesu capari ñũerarirore wamomacare ñaha, tí maca dũhtũ cahapũ tirore tũã wahcãha. Tópũ na sũ, to caparire chahcho puti, to wamomacari mehne tirore ña payoha.

—¿Mũ ñũchũ bajujari? —ni sinituha Jesu.

²⁴ To ã nichũ tirore ñũno, õ sehe niha:

—Mũare ñũja. Yũ ã ñũpachũta tina yucũri tinia yucũ yoaro sehe bajura —niha capari ñũerarirore cjiro.

²⁵ To ã nichũ tũhoro Jesu sehe to wamomacari mehne to caparire ña payoha tjoa. To ã ña payori baharo capari ñũerarirore cjiro tuaro to ñũchũ to capari noano bajuha. Æ yoaro jipihtiare noano ñũha tiro.

²⁶ To ã ñũ masichũ ñũno, Jesu tirore to wũhũpũ warocaha.

—Macapũ pinihtare wahai tjiga —niha Jesu tirore.

“Jesu potocã Cristo, Cohamacũ to warocariro jira”, ni yahuha Pedro (Mt 16.13-20; Lc 9.18-21)

²⁷ Æ yoa Jesu to buheina mehne Cesarea Filipino wama tiri maca cahai jia macaripũ waha namoha. Tópũ ti waharo wato, Jesu õ sehe ni sinitu ñũha to buheinare:

—¿Diro baro jicari yũhũ masa yũhũre ti tũhotuchũ? —ni sinitu ñũha tiro tinare.

²⁸ To ã sinitu ñũchũ tũhoa õ sehe ni yũhtiha tina:

—“João masare bautisariro cjiro jira”, nina paina. Paina “Elia jira”, nina. Paina “Cohamacũ yare yahu mũhtaina cjiro mehne macariro jira”, nina mũhũre —ni yũhtiha to buheina tirore.

²⁹ Ti ã ni yũhtiri baharo Jesu õ sehe ni sinitu namoha tinare:

—¿Mũsa sehe mũsa tũhotuchũ diro baro jicari yũhũ? —ni sinitu ñũha tjoa.

—Mũhũ Cristo Cohamacũ masare yũhdo duti to warocariro jira —ni yũhtiha Pedro.

³⁰ To ã nichũ tũhoro Jesu õ sehe niha:

—Yũhũre “Cristo jira tiro”, ni yahu sitesiniena tjiga painare —niha tinare.

Jesu to variahtore, to masa wijaahto cãhũre yahuha

(Mt 16.21-28; Lc 9.22-27)

³¹ Tinare to ã ni sinitu ñũri baharo, õ sehe ni buhe dũcaha tiro:

—Yũhũ masũno Cohamacũ warocariro jija. Æ jicũ tuaro ñano yũhdũcũhca. Æta waharo cahmana yũhũre. Mari coyera judio masa, bũcũna, sacerdotia pũhtoã, mari judio masare buheina yũhũre cahmaeraa, yũhũre wajã dutiahca. Ti ã wajãchũ tia dacho wahaboroi masa wijaahtũ —niha Jesu tinare.

³² Æ nino ne tũho wisiachũ yoaro marieno yahuro niha tinare. To ã nichũ tũhoro Pedro sehe pa sehe curerocã Jesure narũcũ sũ, tirore ã ni dutieraha. ³³ To ã ni dutierachũ tũhoro Jesu to buheinare majare ñũ, tuhtiha Pedore:

—Satana yoaro sehe durucui nina mũhũ. Æ nii tjiga. Mũ tũhotua masa ya jira. Cohamacũ ya jierara —niha tiro Pedore.

³⁴ Æ ni tuhsu masare to buheina mehne tiro cahapu pjiroca, õ sehe niha:

—Cãiro yu yairo ji duaro, to cahmano yoa duamarire duhunocanohca. Æ jiro crusapu yu ñano yuhduhtiro seheta tiro yu yairo to jiri buhiri ñano yuhduparota yuhure duhusi. Æ jiro yu yare yoarucuriro jirohca. ³⁵ Masuno to mu saro to cahmano seheta yoariro pichacapu tiro waharohca. Æ yoa masuno yu yare ã yoarucuro, noaa buheare ã yoarucuro, jipih-tia dachoripe yuhu mehne manopu jirucurohca. ³⁶ ¿Cãiro masuno ahri yahpa macaare jipihtiare cjariro pichacapu waharo yabare wapatajari tiro? Æ jiriro ne wapataerara. ³⁷ Pichacapu to wahachu ne dohse wapa wiohto basioerara. Masuno to jia tia wiho waro jierara. ³⁸ Mipure ñaina, Cohamacu cahmaeraina ti mu saro ti yoari dacho jiro nina. Cãina yu wamare, yu buheare ni dua buo tiboca. Ti ã yoachu ñacu yuhu masuno Cohamacu warocariro noaina anjoa mehne yu Pucu to si sitero mehne tjua tach yu wamare ni duapahta buo tiinare buo tisãaihca yuhu cãhu —ni yahuha Jesu.

9

¹ Æ ni tuhsu õ sehe ni namoha Jesu:

—Potocãta niita nija musare. Cãina musa õpore jiina musa variahto pano puhtoro Cohamacu to sũho jiropure yu sãachu yuhure ñnahca —niha Jesu tinare.

Jesu to pjacure cohtotaha
(Mt 17.1-13; Lc 9.28-36)

² Æ yoa seis dachori baharo Jesu Pedroro, Santiagore, ã yoa Santiago baharo João cãhure madu tãcupu tina dihtare pji mujaha. Manopu ti muja sari baharo ti ñarocaroi to pjacure cohtotaha. ³ To suhtiro noano si sitero, noano yehseri suhtiro wahaha. Ahri yahpa macaa numia suhti cosaa numia ã yehsechu yoa masierara. ⁴ Æ jia Elia cjiro, ã jichu Moise cjiro mehne Jesu mehne ti sũhduchũ ñaha tina tiaro Jesu buheina. ⁵⁻⁶ Æ jia tina tuaro cuiha. Æ cuiro dohse ni masieramahno õ sehe nimaha Pedro:

—Puhtoro, mari õi jichu noa duara. Tia wuhacã yoanahtja sã. Mu ya

wuhacã, Moise ya wuhacã, Elia ya wuhacã yoanahtja —nimaha tiro Jesure.

⁷ To ã niri baharocãta, me curua ti bui duji pja sũha. To ã duji pja sachata, me curua watoi õ sehe nino coa taha:

—Ahriro yu macu yu cahiro jira. Tuhoga tirore —nino coa taha.

⁸ Æ nino coa tachata Pedro cãhu ñarocamaha. Jesu dihtare ñaha. Ti ñarina cjiri sehe mariaha juna. ⁹ Æ jiro tãcupu ti duji tachũ Jesu tinare õ sehe ni yahuha:

—Michapucacã yuhure ã waharire painare yahuena tjiga. Yuhu masuno Cohamacu warocariro yu yaria masa wijaari baharo tíre painare yahuga musa —ni yahuha tiro.

¹⁰ Æ jia to dutiriro seheta tina ti ñarire yahueraha painare. Æ jia tina ti basi õ sehe ni sinitu durucuha:

—“Yu yaria masa wijaari baharo” nino, ¿dohsearo ã niri tiro? —ni durucuha tina.

Æ jia Jesure õ sehe ni sinituha:

¹¹ —“Cristo to tahto pano Eliare ta muhtano cahmana”, nina mari coyea judio masare buheina. ¿Dohse jiro baro ã nijari tina? —ni sinituha tina tirore.

¹²⁻¹³ Jesu õ sehe ni yahtia:

—Potocã tjira. Eliare ta muhta dutire Cohamacu, jipihtiare cahno muhtahtiro cjihtore. Yuhu masuno Cohamacu warocariro payu tahari ñano yuhduihca. Paina yuhure cahmaeraa, ñano yoahca. ¿Tí cãhure masijari musa? Æ jicu ahrire ni ihtja musare: Elia wihi tuhsure. To ã wihipachata tina ti cahmariro seheta tirore ñano yoaha. Æta ni joaha tirore —niha Jesu tinare.

Jesu wahma wahma taritore noariro wahachu yoaha

(Mt 17.14-21; Lc 9.37-43)

¹⁴ Æ yoa duji ta, paina buheina cahapu su, payu masare ñaha Jesu. To buheina sehe judio masare buheina mehne cahma sayoa niha. ¹⁵ Æ jia Jesu cãhu ti duji tachũ ñaha, jipihtina masa cuaa waha, tiro cahapu mrogaa wahaha. Tiro cahapu sã:

—¿Tamajari? —niha tirore.

¹⁶ —Tamaja —ni tuhsu—, ¿dohse ni cahma sayona niri musa tina mehne? —ni sinituha Jesu to buheinare.

17 To ã ni sinituch_u tãhoro, masa watoi ducuriro õ sehe ni yahuha tirore:

—Buheriro, y_u mac_ure watĩno to cohtotarirore m_uh_ure na tamahi. Watĩno sehe tirore durucu dutierara. 18 Y_u mac_ure to ñahach_u yahpap_u bora, bahca diho, buhaa wahaa tire tiro. ã waharo sahpo tua tire. ã jic_u m_u buheinare watĩnore cohã wio dutimahi. Y_u ã dutipach_uta tina sehe cohã wio masierare watĩnore —ni yahuha Jesure.

19 To ã nich_u tãhoro Jesu õ sehe niha tinare:

—Ne, y_uh_ure wac_u tuaerara m_usa. Yoabiari pja m_usare buhemaja y_uh_u. ¿Noho puro yoari pja y_uh_ure m_usa caribobocari? Tirore na tahga y_uh_ure —niha Jesu.

20 To ã nich_u tãhoa watĩno to cohtotarirore Jesu cahai na taha. Ti na wihich_u ñ_uno watĩno sehe wahma wahm_ua tarirore yahpap_u doca caha s_u, tunu teterech_u yoaha. ã yoa sahpo tua wahaha.

21 —¿Noho puro yoari pja watĩno to cohtotarirore jijari ahriro? —ni sinituha Jesu sehe to p_uch_urore.

—Wihãrirocã jirop_uta tiro watĩno to cohtotariro jira. 22 ã cohtotaro pay_u tahari watĩno sehe tirore pichacap_u, cop_u cãh_ure cohã wajãmaha. ã jic_u m_uh_u yoa masic_u sãre pja ñ_u, yoadohoga —niha to p_uch_uro Jesure.

23 To ã nich_u tãhoro õ sehe niha Jesu:

—¿Dohsea jiro baro “M_uh_u yoa masic_u”, nijari m_uh_u y_uh_ure? Y_uh_ure m_u wac_u tuach_u ñ_uno, Cohamac_u jipihtiare yoa pahño masina m_uh_ure yoadohobasaro —niha Jesu.

24 To ã nich_uta wahma wahm_ua tariro p_uch_uro õ sehe ni sañurucuha:

—M_uh_ure wac_u tuaja. Y_u wac_u tuaerach_u ñ_ucu y_uh_ure yoadohoga m_uh_ure y_u noano wac_u tuahto sehe —niha tiro.

25 ã jiro masa pay_u tina cahap_u m_uroca ta, ti cahmachuch_u ñ_uno, Jesu watĩnore õ sehe ni tuhtiha:

—M_uh_u durucu dutierariro, tãho dutierariro ahrirore cohtotariro wijaahga. ã wijaac_u tirore pari turi cariboi tjiga —niha Jesu.

26 To ã nich_u tãhoro watĩno sañurucu, wahma wahm_ua tarirore yahpap_u doca

caha s_u tunu teterech_u yoa, wijaaha. To ã wijaach_u wahma wahm_ua tariro yariariro yoaro sehe wahaha.

27 —Tiro yariaa wahara —nimaha masa pay_u.

Ti ã nipach_uta Jesu sehe to wamomacare ñaha, tirore wahcõha. To ã wahcõch_u wahcãha tiro sehe. 28 Baharo Jesu cãh_u w_uh_up_u ti sãa s_uch_u to buheina tirore õ sehe ni sinitu ñ_uha:

—¿Dohseana sã sehe watĩnore cohã wio masierari, m_u tãhotuch_u? —ni sinitu ñ_uha tina.

29 —Ahriro baro watĩnore cohã wio duana Cohamac_ure tuaro sinino cahmana m_usare. [ã yoa duana ch_u duhuro cahmana m_usare Cohamac_ure sinina tana] —ni yãhtiha Jesu tinare.

*Pari turi Jesu to yariahtore, to masa wi-
jahtore yahuha*

(Mt 17.22-23; Lc 9.43-45)

30 ã yoa tópu jiina waha, Galilea yahpap_u s_u, y_uh_ud_uaha. Tópu ti waharire paina ti masich_u cahmaeraha Jesu to buheinare buhe duaro. 31 Tópu saro to buheinare buheha. Õ sehe ni buheha:

—Y_uh_u mas_uno Cohamac_u warocariro jija. Masa y_uh_ure ñaha, painap_ure y_uh_ure waahca. Ti ã wari baharo y_uh_ure wajãahca tina. Ti ã wajãric_u tia dacho wahaboroi masa wijaaihca —niha tinare.

32 To ã nich_u tãhoa tina noano tãhoeraha. ã jia cuia tirore tíre sinitu ñ_u namoeraha.

*Jesu buheina tina mehne macarirore
pãhtoro sõ duaa nimaha*

(Mt 18.1-5; Lc 9.46-48)

33 ã yoa tina Capernaup_u ti sari baharo w_uh_up_u ti jich_u Jesu sehe õ sehe ni sinituha tinare:

—¿Mahap_ure tana, dohse ni durucu tana niri m_usa? —ni sinituha tinare.

34 To ã nich_u tina yãhtieraha. Mahap_ure taa, cahma õ sehe ni durucu taa niha:

—¿Mari mehne macarirore diro sehere mari pãhtoro sõnahcari mari? —ni durucua niha mahai tarucua.

35 ã jia ti ã niri b_uo tia Jesure yãhtieraha. Ti ã yãhtierach_u ñ_uno Jesu nuju s_u, to buheinare doce buheinare pjiroca õ sehe niha:

—Musa puhtoa ji duana jipihtina masa ti cahamaca jiro cahmana musare. Tuhsu, wiho jiina jipihtina docai jinahca musa — niha Jesu tinare.

³⁶ Æ nino nijinocãre tina watoi duhu dapoha. Duhu dapu tuhsu tirocãre na wua, õ sehe ni yahuha:

³⁷ —Yu yare yoa duana ahrirocãre musa cahmana, yuhu cãhure cahmana musa. Æ yoa yuhure cahmana, yuhure warocariro mari Pucã cãhure cahmana musa —niha Jesu tinare.

Marine ñu tuhtiriro jieraro, mari mehne macariro jira

(Mt 10.42; Lc 9.49-50)

³⁸ Baharo João õ sehe niha Jesure:

—Buheriro, mu wama mehne mu tuaa mehne watãre cohã wiorirore sã ñuhi. Tiro mari mehne macariro to jierachã ñuna tíre tirore yoa dutiera tihi sã —niha tina.

³⁹ Ti ã nichu tãhoro Jesu tinare õ sehe ni yahuha:

—Æ niena tjiga musa tirore. Cãiro yu wama mehne Cohamacu tuaa mehne yoaro, baharo yuhure ñano ni durucu masierara. ⁴⁰ Marine ñu tuhtiriro jieraro, tiro mari mehne macariro jira. ⁴¹ Musare potocãta nii nija. Yu yaina musa jichu ñua paina musare ti yoadohochu ñuno Cohamacu tinare noano yorohca. Core musare ti sihõchu mahanocã ti wapachuta tinare noano yorohca Cohamacu ti ã yoari wapa —niha Jesu tinare.

Ñaare yoachu cua nina

(Mt 18.6-9; Lc 17.1-2)

⁴² Æ yoa Jesu õ sehe ni yahu namoha:

—Ahrirocã sehe jirirore yuhure wacũ tua ducarirore yahuihtja musare. Pairo ahrirocã sehe jirirore ñaare yoa dutiro tiro ñabiaro yuhdãrohca. Cãirore to wamãpã pjiria tãcare dũte yo, pjiri mapu tirore ti cohãchu ñano wahaboa tiro. Æ jiro ahrirocã sehe jirirore ñaare yoa dutiriro tiro sehe pjiri mapu ti cohãriro yuhdoro ñano yuhdãrohca.

⁴³⁻⁴⁴ 'Mu wamomaca mehne ñano yoacu tí wamomacare mu dũte cohãboro seheta tí mu ñaa yoaa sehere duhuga. Tíre duhueracu pichacaru wahaihca. Tõpũre

ne pichaca yatierara. [Æ yoa dachoa ne yarierara.] Mu wamomacare mu cohãchu tí si dihta butiboa. Tuhsu, muhũ sehe ã si jipaihta baharo Cohamacu mehne jiihca. Pua wamomaca mehne pichacaru wahacu mu ã wahachu ñaa yuhdãaboa muhure. Æ jicu tí mu ñaa yoaa sehere duhuga.

⁴⁵⁻⁴⁶ 'Mu dahporo mehne ñano yoacu tí dahporo cãhure mu dũte cohãboro seheta tí mu ñaa yoaa sehere duhuga. Tíre duhueracu pichacaru wahaihca. [Tõpũre ne pichaca yatierara. Æ yoa dachoa ne yarierara.] Mu dahporore mu cohãchu tí si dihta butiboa. Tuhsu, ã si jipaihta baharo Cohamacu mehne jiihca. Pua dahporo mehne pichacaru wahacu mu ã wahachu ñaa yuhdãaboa muhure. Æ jicu tí mu ñaa yoaa sehere duhuga.

⁴⁷⁻⁴⁸ 'Mu capariaca mehne ñano yoacu tiare orewe mu cohãboro seheta tí mu ñaa yoaa sehere duhuga. Tíre duhueracu pichacaru wahaihca. Tõpũre ne pichaca yatierara. Æ yoa dachoa ne yarierara. Tiare mu cohãchu tia dihta butiboa. Cũ buhũsehe capariaca mariapaihta baharo Cohamacu mehne jiihca. Pua capariaca mehne pichacaru wahacu mu ã wahachu ñaa yuhdãaboa muhure. Æ jicu tí mu ñaa yoaa sehere duhuga.

⁴⁹ 'Ahri yahpai jina ñano yuhdãnahca musa. Pichacaru mari jũchu marine purĩno seheta ñano yuhdãnahca musa. ⁵⁰ Moa noano coara. Moa coerachũ, coa yoahito basioerara. Moa coeraro tí moa ne noerara. Tí moare dohseahito basioerara. Moa noano to coaro seheta musa cãhu ji coaina jiga. Tuhsu, paina mehne noano mehne jiga —ni yahuha Jesu tinare.

10

Ti namosãnumiare cohãare yahuha Jesu
(Mt 19.1-12; Lc 16.18)

¹ Æ yoa tiro tõpũ jiriro waha, Judea yahpa caharu su, Jordão wama tiri ma pa buhũsehe coaru suha. Tõpũ to sũchu ñua masa payu tiro caharu cahmachuha tjoa. Ti ã cahmachuchũ ñano tó pano to buheriro seheta pari turi buheha tjoa. ² To ã buhero watoi fariseo curua macaina wihiha. Jesure ñano to durucuchũ tũho

duamaha tina tirore yahusã duaa. Æ tũho duaa tina Jesure õ sehe ni sinitu ñũha:

—¿Mari namore cohãchũ noabocari? ¿Mari dutia sehe tó seheta yoa dutijari, mũ tũhotuchũ? —ni sinitu ñũha tina.

³—¿Dohse yoa dutiri Moise cjiro mũsare? —ni yũhtiha Jesu.

⁴—“Mũ namore cohã duacũ papera pũi tíre joaga. Æ joacũ tí pũre mũ namore mũ wari baharo ticorore cohã masina mũhũ”, ni joaa tiha Moise cjiro —ni yũhtiha fariseo curua macaina sehe.

⁵Ti ã nichũ tũhoro õ sehe ni yahuha Jesu:

—Cohamacũ dutiare mũsa yoa duaerachũ ñũno ã ni joaa tiha Moise cjiro.

⁶To ã ni joariro jipachũta ahri yahpare bajuamehneriro mũno, numino cũhũre yoaha. ⁷Æ jiro mũno to pũcũsumare cohã wijaa, to namono mehne jirohca. ⁸Æ jia tina pũaro jipahta cã pjacũ yoaro sehe jira. Tina pũaro yoaro seheta jierara. Cũ pjacũ yoaro sehe jia nina. ⁹Cohamacũ to wamomaca dũhte dutiina jira. Æ jia tinare duhueraro cahmana —niha Jesu tinare.

¹⁰Æ ni tuhsũ tiro to buheina mehne wũhũpũ sãa wahaha. Wũhũpũ sãa sua, ti namosãnumiare cohãare to buheina sinitu ñũha tjoa tirore. ¹¹Ti ã sinitu ñũchũ tiro õ sehe ni yũhtiha:

—To namonore cohãriro pacorore namo tiro, pacoro mehne ñano yoariro jira. Æ jiro to cohãricorore ñano wahachũ yoaro nina. ¹²Æ yoa numino sehe to manũnore cohãno, paioire manũ tiro, tiro mehne ñano yoaricoro jira —niha Jesu tinare.

Macanacã ya cjihtire Cohamacũre sini payoha Jesu

(Mt 19.13-15; Lc 18.15-17)

¹³Æ yoa macanacãre Jesure ña payo dutia taa tinacãre Jesu cahapũ na taa tiha. Ti ã na tachũ ñũa to buheina sehe tinacãre na tainare tuhtiha. ¹⁴Ti ã tuhtichũ ñũno Jesu suaha tina mehne. Æ suaro õ sehe niha tinare:

—Macanacã yũ cahapũ tajaro. “To cahai wahaena tjiga”, niena tjiga tinacãre. Tinacã Cohamacũre ti pũhoro tũhotura. Pũhoro Cohamacũ to sũho jiina ahrinacã yoaro sehe tũhotuina baro dihta jira.

¹⁵Potocã niita nija mũsare. Ahrinacã

Cohamacũ ti pũhoro cjihtore cahmana. Ti yoaro seheta mũsa cũhũ Cohamacũ mũsa pũhoro cjihtore cahmaerana, pũhoro Cohamacũ to sũho jihtina ne jisi mũsa —niha Jesu.

¹⁶Æ ni tuhsũ Jesu macanacãre na wũa tjiãhno, tinacãre ña payoro, õ sehe niha:

—Ahrinacã noainacã wahajaro —ni sini payoha Cohamacũre.

Pache pũro Jesure sinitu ñũha

(Mt 19.16-30; Lc 18.18-30)

¹⁷Æ yoa Jesu mahai to waharucuchũ paio sehe mũroca wihi, to dahpori cahapũ na tuhcuca caha sũha tirore ño payoro.

—¿Ne, noariro buheriro, yũhũ jipihtia dachoripe Cohamacũ mehne ã jirucu duacu dohse yoacũhcari yũhũ? —niha tiro Jesure.

¹⁸To ã nichũ Jesu õ sehe ni yũhtiha:

—¿‘Noariro’ ni pisujari mũhũ yũhũre? Noariro sehe Cohamacũ dihta jira. ¹⁹Ahri Cohamacũ dutiare masina mũhũ: Masare wajãena tjiga. Namu tiriropũ paye numia mehne jiena tjiga. Yacaena tjiga. Mahũoa mehne paioire yahusãena tjiga. Paina yare mahũo naena tjiga. Mũsa pũcũsumare ño payoga. Ahri dutiare yoaihca mũhũ —ni yahuha Jesu tirore.

²⁰—Buheriro, yũhũ tí jipihtiare wahma wahmũa tariro jipũta yũhdũũcaera tihĩ yũhũ —niha tiro Jesure.

²¹To ã nichũ tũhoro Jesu sehe tirore cahĩa mehne ñũroca õre. Æ ñũroca õno, õ sehe niha:

—Mahanocã dũhsara mũhũre mũ yoa pahũohto. Jipihtiare mũ yare duai wahaga. Æ yoacũ jipihtia mũ wapatari niñerure pjacũoinare waga. Mũ ã yoachũ payũ mũ ya noaa mũanopũ, Cohamacũ cahapũ jiyuahca. Mũ ã yoari baharo yũhũ mehne macariro cjihto taga —niha Jesu tirore.

²²To ã nichũ tũhoro tiro sehe payũ pache cjuariro jiro tíre pjacũoinare wa duaeraro, cahya, jicoaeraa, wahaa wahaha.

²³To ã cahyachũ ñũno Jesu majarerũcũ sũro, to buheinare ñũroca õ, õ sehe niha:

—Pache pũa pũhoro Cohamacũ to sũho jiropũre ti waha duachũ mijobiara —niha tinare.

24 To ã nichu tuhoa tina sehe tíre tuho cuaa wahaha. Á ni tuhsu Jesu pari turi õ sehe ni yahu namoha tinare:

—Coyea, jipihtina [Cohamacuare wacũno marieno “Mari mu sũro mari cjuaa mehneta noano yũhdũnahca”, ni tuhotuina pache puu] puhtoro Cohamacu to sũho jiropuare ti waha duachu mijobiara. 25 Camello sehe awicã copacãre to sãa nuhri wijaa duachu basioerara. To ã jiro yũdoro pache puo puhtoro Cohamacu to sũho jiropuare to waha duachu nu mijobiara —ni yahuha Jesu tinare.

26 To ã nichu tuhoa tina sehe tuho cuu yũhdũna waha, ti basi õ sehe niha:

—Cue, to nino seheta potocã jichu ne cũiro masũnore yũhdoeraboca Cohamacu —niha tina ti basi.

27 Ti ã nichu tuhoro Jesu tinare ñuroca õ, õ sehe niha:

—Masa ti basi ti mu sũro yũhdũ masierara. Wiho mejeta Cohamacu sehe masare pichacapu wahaborinare yũhdo masina. Tiro jipihtiare noano yoa masi pahũoriro jira —niha Jesu tinare.

28 To ã nichu Pedro tirore õ sehe niha:

—Tũhosiniga. Sã sehe jipihtia sã yare cũnocaa tii mũhu mehne tana —niha tiro Jesure.

29 To ã nichuta Jesu õ sehe niha:

—Potocã niita nija mũsare. Noaa buheare, yu yare yoana tana yũhũre ño payona tana mũsa wũhũsere, mũsa bahanare, mũsa pocsãnumiare, mũsa pohmare, mũsa weserire cũnocarina jina, pjíro wapatanahca mũsa mipũre. 30 Á yoana mũsa wũhũserire, mũsa bahanare, mũsa pocsanumiare, mũsa pohmare, mũsa weserire, tó pano mũsa cjuariro yũdoro mipũre payu cjuannahca mũsa. Á yoa paina mũsare ñano yoaahca. Á jina baharopũre pa turupu jipihtia dachoripe Cohamacu mehne jinahca. 31 Mipũre payu puhtoia jirina cjiri tí pjapũre wiho jiina tjuanocaahca. Á yoa mipũre payu wiho jiina jirina cjiri tí pjapũre puhtoia cohtotaahca tjoa —ni yahuha Jesu tinare.

*Pari turi Jesu to yariahtore, to masa wi-
jahtore yahuha*
(Mt 20.17-19; Lc 18.31-34)

32 Á yoa tina mahapu maja, Jerusalẽpu mũjaa niha. Jesu ti panocã mu tãha. Á to mu tãchu ñua to buheina ñu cuaa wahaha. Á yoa ti baharo nũnu tiina sehe cuiro mehne nũnu tiha. Á yoa Jesu doce to buheinare ti sahsero naaha tjoa. Á naa tuhsu, masa tirore ti dohse yoahtere Jesu yahu dũcaha tinare:

33 —Tũhoga yũhũre. Mipũre Jerusalẽpu wahana nija mari. Tópu masa yũhũre masũnore Cohamacu warocarirore ñaha, painapũre yũhũre waahca. Sacerdotea puhtoia, mari coyea judio masare buheina cũhũre yũhũre waahca. Á jia yũhũre wajã dutiahca tina. Á wajã dutia judio masa jieraina sehẽre yũhũre waahca.

34 Ti ã wari baharo tina sehe yũhũre bujũpe, chahcho puti sihõ, tjana, wajãahca. Á yoa yu yariari baharo tia nũmu wahaboroi masa wijaaahca —ni yahuha Jesu tinare.

Santiago João mehne Jesure siniha
(Mt 20.20-28)

35 Á yoa Santiago, João mehne Jesu cahapu sua, siniha tirore. Tina Zebedeo pohna jia. Á jia õ sehe ni siniha:

—Buheriro, sã sinino seheta sãre yoaga mũhu —niha tina Jesure.

36 —¿Dohse yu yoachu cahmajari mũsa? —niha Jesu tinare.

37 —Jipihtina bui puhtoro jicu sãre mũhu mehne duji dutiga. Cũiro mu poto buhũsehei paio mu cõ buhũsehei duji dutiga sãre, mũhu mehne puhtoia sã jihto sehe —niha tina Jesure.

38 Ti ã nichu tuhoro õ sehe ni yahuha Jesu tinare:

—Musa ñano yũhdũhtore masiera-panahta ã sinina yũhũre. ¿Mipũre yu ñano yũhdũhto seheta ñano yũhdũna cãno pjabocari mũsa cũhu? —ni sinituha tinare.

39 To ã sinituchu tuhoa tina õ sehe ni yũhtiha:

—Cãno pjanahca —ni yũhtiha tina.

Ti ã nichu Jesu õ sehe ni yahuha:

—Yu ñano yũhdũhto seheta ñano yũhdũnahca mũsa cũhu. 40 Mũsa ã yũhdũhtina mũsa jipachuta, yũhu mehne dutihtinare, yũhu mehne dujihtinare bese masieraja yũhu. Ahrire yu Pũcu sehe cahno

tuhure. ã jia to besehtina dihta yu poto buhusehei yu cõ buhusehei dujiahca —niha Jesu tinare.

41 ã jia paina diez buheina Santiago, João ahrina puaro mehne susiniha ti ã sinirire tãhoa. 42 Ti ã susinichu ñuno Jesu to buheinare pjiroca, õ sehe niha:

—Cohamacure masieraina puhtoã sehe ti masare dutia, purino mehne dutira. 43 Musa sehe ne ã yoasi musa basi. Diro musa mehne macariro musa bui puhtoro ji duaro, jipihtina tiro mehne macaina cahamacuno yoaro sehe jia tiro cahmana tirore. 44 ã yoa diro musa mehne macariro musare dutiriro ji duariro musa cahamacuno yoaro sehe jia tiro cahmana tirore. 45 Tô seheta jiriro jija yuhu cãhu. Yuhu masuno Cohamacu warocariro jipacãta ahri yahpapure yuhure musa yoadohohtire musare sinii tai nierahi. Musa sehere yoadohoi tai nii. ã yoacu payu masa ya buhirire yaria, wapabasai tai nii. Yu ã yariaro mehne payu masare pichacaru wahaborinare yuhduchu yoai tai nii —niha Jesu tinare.

Bartimeore, capari ñerarirore ñuchu yoaha Jesu

(Mt 20.29-34; Lc 18.35-43)

46 ã yoa baharo tina Jericõpu sãha. Jesu to buheina mehne, ã jichu paina masa payu mehne tí macai jiina ti wahachu tí macare ti yuhdu wahcãchu waro, Bartimeo sehe ti wahari maha duhtu cahai dujiha. Tiro Timeo macuno capari ñerariro jiro, masare niñerucãre ã sinirucuriro jiha. 47 Ti wahari maha duhtu cahai dujiro, “Jesu Nazare macariro tara”, ti nichu tãhoro, Bartimeo sehe õ sehe ni sañurucuha:

—Jesu, Davi cjiro panamino masare yuhdohtiro, pja ñuga yuhure —ni sañurucuha Jesure.

48 To ã nichu tãhoa masa payu Bartimeore “Dihta mariaha”, ni tuhtiha tina tirore. Ti ã ni tuhtichu tãhoro Bartimeo tó pano to sañurucuriro yuhdo curero sañurucu namoha tjõa:

—Jesu, Davi cjiro panamino masare yuhdohtiro, pja ñuga yuhure —ni sañurucuha tiro.

49 To ã ni sañurucuchu tãhoro Jesu sehe tjuarucu su, “Pjirocaga tirore”, niha. To ã nichu tãhoa tina sehe capari ñerarirore õ sehe ni yahuha:

—Wahchega. Wahcãrucaga. Tiro mähure pjira —niha tina Bartimeore.

50 Ti ã nichu tãhoro to bui macari suhtirore tjuwe cõ, pu wahcãrucu su, Jesu caharu surucu sãha. 51 ã jiro, Jesu sehe õ sehe ni sinituha tirore:

—¿Dohse yu yoachu cahmajari mahu? —niha Jesu tirore.

—Yu puhtoro, yuhure ñuchu yoaga —niha capari ñerariro Jesure.

52 —Wahaga mahu. Mahu yuhure wacõ tuacu noariro wahara —niha Jesu tirore.

To ã nichuta capari ñerariro ñua wahaha. ã noariro waharo Jesu mehne maharu wahaa wahaha.

11

Jerusalẽpu sãha Jesu

(Mt 21.1-11; Lc 19.28-40; Jn 12.12-19)

1 ã yoa tina Jerusalẽpu ti suhto panocã tãcu Olivo wama tidu duhtu cahai jiri maca Betfagã wama tiri maca cahai, ã jichu Betania wama tiri maca cahai su mãhtaha. Tí macari puã maca cahai Jesu sãro, to buheina puarore warocarõ taro, õ sehe ni yahu quihõha:

2 —Sí macaru wahaga. Tõpu sãna dóihta burrocãre ti duhte daporirocãre boca sãnahca. Tiro ne cãiro ti pisamahnoerarirocã jica. Tirocãre bocana, yuta dare pjã, na tabasaga yuhure. 3 Musa tirocãre pjãchu ñuno cãiro dohse jiriro, “¿Dohse yoana tana burrocãre duhte daporõ dare pjãjari musa?”, to nichu tãhona, õ sehe ni yuhtiga tirore: “Mari puhtoro burrocãre cahmarocasinire. Michapucacãta wiarõhca tiro”, ni yahuga tirore —ni yahu duti warocaha to buheina puarore.

4 To ã nichu waha, tí wãhu sopaca cahai burrocãre ti duhte daporirocãre boca. Boca, tirocãre pjãha. 5 Tirocãre yuta dare ti pjãchu ñua tó ducuina õ sehe ni sinituha tinare:

—¿Dohse yoana tana burrocãre duhte daporõ dare pjãjari musa? —ni sinituha tina.

⁶ Ti ã nichu tuhoa, tina sehe Jesu to niriro seheta yahuha tói ducuinare. Ti ã ni yahuchu tuhoa tói ducuína sehe “Naahga”, niha tinare. ⁷ Æ jia tina burrocãre Jesu cahapu na suha. Ti na suri baharo tirocã bui ti bui sãa suhtire ti pjũpaha payo tuhsuchu ñno, Jesu sehe tirocã bui mija pja, wahaha. ⁸ Tirocã bui to wahachu ñna, masa payu ti bui sãa suhtire tjuwe na, to wahahti mahai saño cũ mũtaha, Jesure ño payoa. Paina sehe campopu pũri tia dũpurire yucu dũpurire dũte na ta, to wahahti mahai duhu cũha.

⁹ Æ jia to pano wahaina, to baharo nunu tiina mehne õ sehe ni sañurucuha:

—Ahrimore wahche payojihna. Ahriro Cohamacu to warocariro noano jijaro. ¹⁰ Mari ñachu Davi cjiro puhtoro to noano suho jiri sehta, ahriro marine to suho jihto cũhu noano jijaro. Mũano macariro Cohamacu, mũhu tuariro waro jira —ni sañurucuha tina.

¹¹ Ti ã yoari baharo Jesu sehe Jerusalẽpu suha. Su, Cohamacu ya wũhũpu sãa suru, tí wũhũ jiare jipihtiare ñu pahñonocaha. Ñu tuhsu “Ñamichahapu waro jira marine” nia, Jesu to buheina doce buheina mehne Betaniapu wahaa wahaha.

Jesu higuera yaria dutiha
(Mt 21.18-19)

¹² Æ yoa pa dachoi tina Betaniapu jiina wahaa wahaha. Æ jiro Jesu sehe jũca baa, yoaropu higuera wama tidũre noano pũri tidũre ñno tu dichare macano wahamaha. ¹³ Dicha mariaha. Dicha tiri pja jieraro pũri dihta jiha. ¹⁴ Æ jiro dicha mariachu ñno õ sehe niha:

—Ahdũ dichare masa ne pari turi chũea tjiaro. Ne dicha tiero tjiaro —niha Jesu.

To ã nichu to buheina sehe tuhoa.

Jesu Cohamacu wũhũre Cohamacu mehne durucuri wũhũre yoa dutiha
(Mt 21.12-17; Lc 19.45-48; Jn 2.13-22)

¹⁵ To ã yoari baharo tina Jerusalẽpu suha. Tõpu suru, Jesu Cohamacu ya wũhũpu sãa suru pache duainare, nuchũina cũhũre cohã wioha. Æ yoaro niñeru cohtotaa mesarire yo wahcõ na majare cũ mija tiha. Bujaare duaina ti dujia pahtari cũhũre ãta yoaha. ¹⁶ Æ yoaro paye barore

na sãa dutieraha masare. ¹⁷ Tõ sehe yoa tuhsu, Jesu õ sehe ni buheha tinare:

—Õ sehe nina Cohamacu yare ti joari pũri: “Yu wũhu Cohamacu mehne durucuri wũhu wama tirohca. Æ jiro jipihtiro macaina ya wũhu cjihto jirohca”, ni joa tiha Cohamacu yare ti joari pũri. To ã nipachũta mũsa sehe ahri wũhũ duana, mũsa basi cahma yacara mũsa —ni buheha tinare.

¹⁸ To ã ni buhechu jipihtina masa sehe tuho cũaa wahaha. Æ jia sacerdotia puhtoa, sã judio masare buheina mehne tirore cui niha. Æ jia tina tirore ti wajãhti cjihtire wacũ macamaha. ¹⁹ Ti ã yoachu ñamichahapu Jesu to buheina mehne tí macapu jirina cjiri wahaa wahaha.

Higuera ñaia wahaha
(Mt 21.20-22)

²⁰ Æ jia bohrearo mahapu maja taa, higuera ñna. Tu nahcoripu ñai dũca, ñaia wahaha tu. ²¹ Tũre ñno Pedro sehe wacũno õ sehe niha:

—Buheriro, ñnga. Higuera mũ yaria dutidũ yaria wahari jira —niha Pedro.

²² To ã nichũta Jesu õ sehe ni yahuha tinare:

—Cohacũre wacũ tuaga mũsa. ²³ Potocã niita nija mũsare. Ahdũ tũcũre pjiri mapu mũsa cohã dutichũ mũsa niriro seheta ã waharohca. Cohacũre noano mũsa wacũ tuachũ “Yu siniriro seheta ã waharohca”, mũsa ni tuhotuchũ mũsa niriro seheta ã waharohca. ²⁴ Æ jicu ahrire yahuihtja mũsare. Cohamacu mehne durucuna, tirore sinina, “Yu siniriro seheta warohca yũhũre”, ni tuhotuga. Mũsa ã ni tuhotuchũ ñno Cohamacu mũsa siniare warohca. ²⁵ Æ yoana Cohamacu mehne mũsa durucuhto pano mũsare paina ti ñno yoachu mũsa suari cjirire duhuga. Mũsa ã yoachu ñno Cohamacu mũano macariro mũsa ñaa buhirire tiro cũhu sua duhurohca. ²⁶ [Mũsare ñno yoainare mũsa sua duhuerachu mari Pũcu cũhu mũano macariro mũsa ñaa buhiri sehere bosu tiro cũhu] —niha Jesu.

Sacerdotia puhtoa, judio masare buheina, bũcũna mehne Jesu mehne cahma sayoha

(Mt 21.23-27; Lc 20.1-8)

27 To ã niri baharo tina Jerusalẽpũ wa-haha tjoa. Ñ jia Jesu Cohamacũ wũhũi to tinichũ ñũa sacerdotea pũhũa, sã judio masare buheina, bũcũna mehne tiro ca-hapũ sua tirore õ sehe ni sinitu ñũha:

28 —¿Dohseacũ canũre ã yoari mũhũ? ¿Noa mũhũre tíre ã yoa dutiri? —ni sinitu ñũha tina Jesure.

29 Ti ã nichũ Jesu õ sehe ni yũhtiha:

—Mũsa sehere sinitu mũhtaihtja. Noano yũhũre mũsa yũhtichũ mũsare yahuihtja yũhũ cũhũ. 30 ¿João masare to bautisachũ diro baro sehe tirore bautisa dutia tiari, mũsa tũhotuchũ? ¿O Cohamacũ dutiera tiari? ¿O masa sehe tirore dutia tiari, mũsa tũhotuchũ? —ni sinituha tinare.

31 To ã nichũ tina sehe ti basi õ sehe niha: “¿Dohse ni yũhtinahcari mari? ‘Cohamacũ Joãore dutia tiri jire’, mari nichũ, ‘¿Dohseana Cohamacũ Joãore to dutipachũta tirore tũhoerari mũsa?’ niboca Jesu marine. 32 Ñ yoa, ‘João to bautisachũ Cohamacũ sehe tirore dutierari jire’, mari nichũ masa sehe suaahca mari mehne”, niha tina ti basi. “Potocãta João Cohamacũ yare yahu mũhtariro jira”, ni tũhotua tiha masa sehe. Ti ã ni tũhotuchũ masia, Joãore doca dahre duaeraha sacerdotea pũhũa cũhũ, “Masa suari”, nia. 33 Ñ jia tina Jesure õ sehe ni yũhtiha:

—Joãore bautisa dutirirore sã masieraja —niha tina Jesure.

—Tí pja pinihta yũhũ cũhũ ahrire yũ yoaare dutirirore yahueraja mũsare —niha Jesu tinare.

12

Ñaina dahra cohtaina quitire yahuha Jesu

(Mt 21.33-46; Lc 20.9-19)

1 Ñ yoa Jesu to tũhotua mehne õ sehe ni piti dahre buhe dũcaha tinare:

—Wese pũro se dari cijhtire toaha. Toa tuhsũ, sahrĩnore dapo, sere ti tũ mũtohti copare saha, mũari wũhũcã dahreha tiro. Tuhsũ, tí wesere painare cũ bũhũsehe coa pahma cũno, tí wesere ñũ wihbo dutiha. Ñũ wihbo duti tuhsũ, pa yahpapũ wahaha tiro. 2 Baharo se ñiri pja jichũ wese pũro tirore dahra cohtarirore wese macaa to ya

coã macaa dichare na dutiro warocamaha. 3 Ñ jia tí wesere ñũ wihboina sehe tirore dahra cohtarirore ñaha, cjãha. Ñ yoa tuhsũ tirore dahra cohtarirore se tõhõrine waerapahta tjuaa dutiha tirore. 4 Ñ jiro wese pũro paio tirore dahra cohtarirore warocamaha tjoa. Ñ jia wesere ñũ wihboina sehe tirore dahra cohtarirore dapure cami dahre, ñano yoaha tina tirore. 5 Tuhsũ, paio sehere to warocachũ ñũ wihboina tirore wajãha. Payũ paina cũhũre ã dihta yoa mũjaha. Paina sehere cjã, paina sehere wajãha tina.

6 Ñ jiro wese pũro macũno dihta dũhsaha. Tiro to cahĩro jia. Ñ jiro to macũnore warocaha jũna, “Yũ macũ sehere ño payoahca”, nino. 7 To ã ni tũhotupachũta tina ñũ wihboina ti basi õ sehe ni durucuha: “Wese pũro macũno baharo ahri wesere cjũhtiro jira ahriro. Tirore wajãjihna mari. Ñ jiro ahri wese mari ya wese tjuarohca”, nimaha tina ti basi. 8 Ñ nia tirore ñaha, wajã, wese dũhtũ cahapũ na wahcã, cohãnocahna tina tirore.

9 ¿Ne wese pũro taro dohse yoarohcari tiro wesere ñũ wihboinare? Õ sehe yoarohca tinare: Tiro tinare wajãno, paina sehere wesere ñũ wihbo dutirohca. 10-11 ¿Cohamacũ yare ti joari pũre ahrire buherari mũsa? Õ sehe ni joaa tiha: “Ahriro Cristo tãca yoaro seheta jira. Tãcare wũhũ dahreina ti cohãno seheta masa tirore cohãahca.

Ti ã yoapachũta mipũre wũhũ dahreina wũhũre yoaa ti cũ mũhtari tãcare ti cũno seheta Cohamacũ tirore pũhũa sõre.

Cohamacũ sehe ahrire yoare.

To ã yoachũ ñũna, ‘Noa yũhdũara’, ni tũhotuja mari”,

ni joaa tiha panopũ. ¿Tíre ne buherari mũsa? —niha Jesu tinare.

12 To ã nichũ tũhoa sacerdotea pũhũa, sã coyera judio masare buheina, bũcũna mehne õ sehe ni tũhotuha: “Jesu wesere ñũ wihboina quiti mehne marine tuhtiro nina”, ni tũhotuha. Ñ ni tũhotua Jesure ñaha duamaha. Ñ ñaha duapahta masare cui niha. Ñ cuia tirore cohã wahcãa wahaha.

Fariseo curua macaina, Herodeya curua macaina mehne gobierno macaa wapare sinituha Jesure

(Mt 22.15-22; Lc 20.20-26)

¹³ Waha, tina fariseo curua macainare, Herode ya curua macaina cūhare Jesure sinitu dutia warocaha tjoa. Jesu ñano to yuhtichu yoa duamaha tina, tirore yahusa taa. ¹⁴ ã jia Jesu cahapu sua, tirore mahño cū sinitu ñamaha:

—Buheriro, potocã durucuriro, mahñoa marieriro mu jichu masija sã. Cohamacu yare quihõno mu yahuchu cūhare masija sã. ã yoa cãiro puhtoro waro to jipachata tiro cūhare dõrero marieno potota yahura mahu. ã jicu sare yahuga. ¿Roma macariro jipihtina bui puhtoro jirirore gobierno macaare marine waparo cahmajari, mu tãhotuchu? ¿Mari dutia tirore wapa dutijari, mu tãhotuchu? —ni sinitumaha tina Jesure.

¹⁵ Ti ã sinituchu tãhoro ti yahusa duaare masino õ sehe ni sinituha tinare:

—¿Dohseana yu ñano durucuchu tãho duajari musa? Mipure niñeru tare na tahga. Tí tare ñujihna —niha Jesu tinare.

¹⁶ To ã nichu tãhoa tina sehe cū tare na taha. Ti na wihichu Jesu õ sehe ni sinituha tinare:

—¿Diro baro masu wahãjari ahri tare? ¿Diro baro wama wahãjari? —ni sinituha tiro.

—César, masa bui puhtoro masu, to wama cūhu wahãna —ni yuhtiha tina.

¹⁷ Ti ã nichu Jesu õ sehe ni yahuha tinare:

—Tí pja pinihta masa bui puhtoro yare tiro sehere waga. Cohamacu yare Cohamacu sehere waga —ni yahuha Jesu.

To ã nichu tãhoa, tãho sua wahaha.

Saduceo curua macaina Cohamacu to masoare sinituha Jesure

(Mt 22.23-33; Lc 20.27-40)

¹⁸ ã yoa cãina Saduceo curua macaina Jesu cahapu wihiha. Saduceo curua macaina sehe “Cohamacu yariainare masosi”, ni tãhotuina jimaha. ¹⁹ ã jia tina õ sehe niha tirore:

—Buheriro, õ sehe ni buhea tiha Moise cjiro: “Cãiro to wahmino namo tiro pohna mariaparota to yariachu ñano to baharore to wahmino namono cjirore

nuoano cahmana. ã yoaro to wahmino munano to pohna tiboro seheta pohna tiro cahmana to baharore. ã jia to pohna to wahmino munano pohna yoaro sehe jiahca”, ni joaa tiha Moise cjiro —niha tina Jesure.

²⁰ Tíre ni tuhsu, ahri quitireta yahu namoha Jesure:

—Cãiro masuno jiha. Seis to bahana jiha. Ti wahmino sehe namo ti, pohna mariaparota yariaa wahaha. ²¹ Tuhsu, paio to baharo cūhu to wahmino namono cjirore cjamaha. To ã nuoari baharo to wahmino yoaro seheta pohna mariaparota yariaa wahaha tjoa. ã jiro ahriro baharo to wahmino munano yoaro seheta pohna mariaparota yariaa wahaha tjoa. ²² ã dihta wahaha cãiro pohna waro. Ne pohna mariapahta yaria pihtia wahaha tina. Ti namono cjiro cūhu ti baharota yariaa wahaha. ²³ ¿Ne, Cohamacu jipihtinare yariaina cjirore to masochu diro namono sehe jirohcari ticoro? Tina jipihtina ticoro namo tirina cjiri jiha. ¿ã jiro diro namono sehe jibocari ticoro pototi? —ni sinituha tina.

²⁴ Jesu õ sehe ni yuhtiha tinare:

—Cohamacu yare ti joari pũre, to masia cūhare ne masierara musa. ã jia musa tãhotua sehe ne quihõno jierara. ²⁵ Yariarina cjiri ti masa mujari baharo tina anjoa yoaro sehe jira. Tina mu namo tierara tõpũre. ²⁶ Yariarina cjiri ti masa wijahto sehere musare yahuhtija: Tíre Moise cjiro noano yahu pahõoha. To mahaducã jũri quitire õ sehe ni yahuha tiro: “Yuhu Abrahã, Isaa, Jacobo ti puhtoro tjija”, ni yahure Cohamacu yuhure”, ni joaa tiha Moise cjiro to joari tjui. ²⁷ Ti yariari baharo “Ti puhtoro tjija”, ni yahuha Cohamacu. ã niparota yariarina cjiri puhtoro jierara Cohamacu. “Ti puhtoro tjija”, to nia mehne catiina ti jichu masija mari. Tiro catiina puhtoro jira. ã jina “Yariaina masasi”, ni tãhotuna quihõno tãhotuerara musa —niha Jesu tinare.

Cãno noa yuhdũro to dutiare yahuha Jesu
(Mt 22.34-40)

28 Ñ yoa cãiro sã coyera judio masare buheina mehne macariro tina cahapũ wihi, ti cahma durucuchũ tãhoha. Jesu to noano yãhtiare tãhoro õ sehe ni sinituha tirore:

—¿Cohamacũ ya dutia noa yãhdũaro di baro sehe jijari, mũ tãhotuchũ? —ni sinituha tiro Jesure.

29 Jesu tirore õ sehe ni yahuha:

—Ahri dutiata paye dutia yãhdoro noa yãhdũara: “Israe masa tãhoga. Cohamacũ mũa pãhtoro yũhũ cãirota jija. 30 Tuarõ mũa yajeripohnari mehne, noano mũa wacũa mehne, mũa tuaa mehne yũhũre cahĩga”, nina Cohamacũ. 31 Ahri dutia baharo paye dutia noa yãhdũara: “Mũ basi mũ cahĩno seheta mũ cahai jiina cãhũre cahĩga”, nina Cohamacũ. Ahri pãaro dutia jipihtia paye dutia yãhdoro jira —ni yahuha Jesu tirore.

32 To ã nichũ tãhoro judio masare buheriro õ sehe niha:

—Ã tjira. Buheriro, potocã nina mũhũ. Cohamacũ cãirota jira. Pairo tiro yoaro sehe jiro mariahna. Mũ nia potocã tjira. 33 Cohamacũre tuaro mari yajeripohnari mehne, mari wacũa mehne, mari tuaa mehne tirore cahĩno cahmana marine. Yũ cahai jinare yũ basi yũ cahĩno seheta tina cãhũre cahĩno cahmana yũhũre. Wahiquinare wajã jũ mũo mari wari mehne mari ño payochũ noa nimana. Ahri yãhdoro Cohamacũre masa cãhũre mari cahĩa noa yãhdũara. Mũ ã nia potocã tjira —niha judio masare buheriro Jesure.

34 To ã noano yãhtichũ tãhoro Jesu õ sehe ni yahuha tirore:

—Mahanocã dũhsara mũhũre Cohamacũre mũ noano masihto —niha tirore.

To ã nichũ tãhoa paina cuia, ne sinitu ñũeraha tirore.

*¿Diro baro coyero jijari Cristo?
(Mt 22.41-46; Lc 20.41-44)*

35 Ñ yoa Cohamacũ wãhũi buhero õ sehe niha Jesu:

—“Cristo Davi cjiro panamino jira”, ni buhera mari coyera judio masare buheina. ¿Dohse yoa ã ni buhejari tina? 36 Davi cjiro to basi Espĩritu Santo to dutiro seheta õ sehe ni yahua tiha:

“Cohamacũ yũ pãhtoro õ sehe nire: ‘Õi yũ poto bũhũsehei dujiga.

Ñ jicũ mũhũre ñũ tuhtiinare mũhũre yãhdũrucabasaihca yũhũ’, nire Cohamacũ yũ pãhtoro”,

ni joaa tiha Davi cjiro. 37 Ñ ni joaro Davi cjiro pãhtoro tia tiha Cristore. ¿Davi cjiro Cristo ñũchũno cjiro jiparota dohsearo Davi sehe pãhtoro tiari Cristore? Cristo Davi cjiro pãhtoro jira —ni yahuha Jesu.

To ã ni buhechũ payũ masa wahchea mehne tãhoha tirore.

Jesu judio masare buheina ti ñaare yahuha

(Mt 23.1-36; Lc 11.37-54; 20.45-47)

38 Ñ yoa tiro buhe namono õ sehe niha:

—Mari coyera judio masare buheina ti ñaa yoaa noano ñũga. Ñ jina ti yoaro sehe yoena tjiga. Tina yoaa suhti sãa, masa ti ñũrocaroi majarea, pache duaropũ paina pãhtoare noano ño payo ti sinino sehe ti piti bocasinichũ cahmana tina. 39 Ñ cahmana jia, mari judio masa buhea wũhũsei noaa dujia dihtare duji duara. Tuhsũ, bõse ñũmũ jichũ tó cãhũre noaa dujia dihtare cahmana tina. 40 Tina wapewahya numia ya wũhũsere ti ya cãhũre mana tí numiare. Ñ yoaina jia, tina masa ti ñũrocaroi yoari pja Cohamacũ mehne durucumana masare ñũ dutia. Ti ã yoari buhiri paina bui curero tinare Cohamacũ pjiro buhiri dahrerohca —niha Jesu tinare.

*Wapewahyoro to warire yahuha Jesu
(Lc 21.1-4)*

41 Ñ yoa Jesu niñeru wihbori caro cahapũ dujiha. Tí caropũ masa ti niñeru duhu sãachũ ñũ dujiro niha. (Tí niñeru Cohamacũ wũhũre ti cahnochũ ti wapahti jiha.) Ñ jia pache pãa tí caropũ pjiro duhu sãaha. 42 Ñ yoa wapewahyoro pjacũoricoro tí caropũ ta, pãa tũcãre duhu sãaha. Pãa tũ cũ centavo posa jira. 43 Tí tũrre to duhu sãachũ ñũno to buheinare pjirocaha:

—Potocã niita mũare. Ahricoro wapewahyoro pjacũoricoro sehe niñeru wihbori caropũ duhu sãano paina jipihtina ti wari yãhdoro wahre ticoro sehe. 44 Paina pache pãa pjiro ti wapachũta ti ya pjiro

dahsara. Ahricoro sehe pjacuoricoro jiparota jipihtia to chũhtire to nuchũboacãre wa pahñohre —ni yahuha Jesu.

13

“Cohamacũ wũhũ cohãri wũhũ jirohca”, niha Jesu

(Mt 24.1-2; Lc 21.5-6)

¹ Æ yoa Cohamacũ wũhũpũre ti wijaachũ cãiro buheina mehne macariro õ sehe niha:

—Buheriro, ñũga. Ahri wũhũse noaa tãa mehne ti yoaa wũhũse noacaa wũhũse jijari —niha tiro.

² To ã nichũ Jesu õ sehe ni yahuha tinare:

—Ahri jipihtia mari ñũri wũhũse cjiri, ahri tãa cãhũ cohõ pihtia wahaahca. Ne cãria tãca tjuasi —niha Jesu tinare.

Pihtiri dacho cjihtore yahuha Jesu

(Mt 24.3-28; Lc 21.7-24; 17.22-24)

³ Æ yoa Jesu Olivo wama tidũ tãcupũ Cohamacũ wũhũ potoi jidũpũ sũha. Tũ bui dujiha. Tói Pedro, Santiago, João, Andre mehne ti sahsero jia, tina tirore õ sehe ni sinituha:

⁴ —Yahuga sãre. ¿Dohse jichũ ã waharohcari mũ niriro sehe waharo? ¿Pihtiri dacho panocã to jichũ dohse to waha dũcachũ ñũnahcari sã? —ni sinituha tina Jesure.

⁵ Jesu õ sehe ni yũhtiha:

—Noano yoaga mũsa. Tuhsũ, paina ti mahñoare tũhoena tjiga mũsa. ⁶ Payũ masa “Cristo jija yũhũ”, ni mahñoina taahca. Ti ã mahñochũ tũhoa payũ masa Cohamacũ yare duhuahca.

⁷ Mũsa cahacãi masa paina ti cahma wajãchũ tũhonahca mũsa. Tuhsũ, yooropũ cãhũre ti cahma wajãchũ tũhorocanahca mũsa. Æ tũhorocapanahca ne tíre pjíro tũhotuena tjiga. Æ waharohca. Ti ã yoachũ pihtiri dacho cjihto dahsasinihca mini.

⁸ Tí pjare cã yahpa macaina pa yahpa macaina mehne cahma wajãahca. Æ yoa cãiro pũhtoro yaina pairo pũhtoro yaina mehne cahma wajãahca. Tuhsũ, pjaró yahpa ñũhminohca. Æ yoa payũ masa jũca mehne yariaahca. To ã wahachũ ahri yahpa macainare ti ñano yũhdũ namohto dahsasinihca. Ñano yũhdũsiniahca.

⁹ To ã wahachũ ñũna mũsa basi noano yoaga. Paina mũsare ñaha, ñano yoa dutia waahca paina pũhtoapũre. Æ yoa judio masa mari buhea wũhũsei mũsare cjãahca. Ti ã yoachũ bujũa macari macaina pũhtoa, ti bui pũhtoa cãhũ mũsare buhiri dahrea taa sinituahca mũsare. Yũ yaina mũsa jiri buhirire paina mũsare yahusãhca. Æ jina yare yahunahca mũsa tinare. ¹⁰ Æ jia pihtiri dacho pano noaa buheare jipihtiro yahpari macainare yahua buhea jiaahca. ¹¹ Æ jina mũsare buhiri dahre dutia, buhiri dahre dutiro cahapũ ti naachũ tirore mũsa nihtire “Yahu masieraboca”, ni tũhotuena tjiga mũsa. Tí pjare mũsa nihtire mũsare Espíritu Santo yahurohca. To ã yahurire yahuga mũsa. Mũsa mũsũro durucusi mũsa. Espíritu Santo sehe mũsare durucubasarohca. ¹² Tí pjare cãiro to bahũrore wajã dutiro warohca. Pairo sehe to wahminore wajã dutiro warohca. Ti pũcũro to pohnare wajã dutiro warohca. Æ yoa ti pohna sehe ti pũcũsumare wajã dutia waahca. ¹³ Yũ yaina mũsa jiri buhiri mũsare masa jipihtina ñũ tuhti-ahca. Æ ñano yũhdũpanahca yũ yare mũsa ne cohãerachũ pihtiri dacho jichũ mũsare yũhdõihca.

¹⁴ Æ yoa ñabiarirore Cohamacũ yare ñano yoarirore ñũnahca mũsa. Cohamacũ ya wũhũi to ducuchũ ñũnahca. Tói tirore jieraro cahmana. [Panopũ Cohamacũ yare yahu mũhtariro Daniel cjiro tirore yahuro joaa tiha.] Tói to ducuchũ ñũa Judea yahparũ jiina tãyucũpũ duhti mũroca mũjaa wahajaro. Ahri yũ nirire noano masiga mũsa. ¹⁵ Soaro mehne mũroca duhtijaro. Tí pjare ti wũhũseri bui macaa waparipũ jiina wũhũ puhichapũ jiare ti yare na waha tjiaro ti waha bahrañohto sehe. ¹⁶ Æ jia tí pjare paina ti weseripũ jiina ti bui macaa suhtire wũhũpũ jia suhtire na waha tjiaro ti waha bahrañohto sehe. ¹⁷ Tí pjare nihi pocosanumia, ti pohnare pũa numia cãhũ pjacũoro wahaahca. ¹⁸ Æ jina õ sehe ni siniga Cohamacũre: “Puhiro jichũ ã wahaero tjiaro”, ni siniga tirore. ¹⁹ Tí dachorire masa nu ñano wahaahca. Ahri yahpare to bajuamehneri baharo masa ñano ti yũhdũa jia tiha. Ti ã jipachũta jip-

ihitia tí puriã yũdoro pihtiri dacho jichũ masa ñabiaro yũhdũahca. Ñãno ti yũhdũari baharo pari turi tó sehe ñabiaro yũhdũasi ahri yahpai jũna. ²⁰ Ñã jiro Cohamacũ tí dachore mahaa dachoricã ti jichũ yoarohca. To ã yoerachũ ne cãiro masũno yũhdũeraboa. Ñã jiro to beserina ti yũhdũhti cjihtire mahaa dachoricã ã cũsininohca Cohamacũ.

²¹ 'Tí pjare paina mũsare "Ñũga. Õi jira Cristo", ti nichũ tinare tũhoena tjiga. "Tóti jira Cristo", ti nichũ cũhũre tũhoena tjiga. ²² "Cristo jija", ni mahñoina, "Cohamacũ yare yahu mũhtaina jija", ni mahñoina jiahca tí pjareta. Ñã jia Cohamacũ to beserinare mahñoa, tina bajuamehneare yoa ñoahca. Ti ã yoa ñochũ ñũa, Cohamacũ yaina cãina tinare tũhoa "Potocã tjira" nia, Cohamacũ yare pa tehe nia duhuboca. ²³ Ahrire yahuyuja mũsare to ã wahahto pano. Ñã jina noano yoaga mũsa —ni yahuha Jesu.

*Jesu yahpapũre to tjua tahtore yahuha
(Mt 24.29-35, 42-44; Lc 21.25-36)*

²⁴ Ñã ni tuhsũ õ sehe ni yahu namoha Jesu:

—Tí dachori ti ñãno yũhdũari baharo sũ dacho macariro, ñami macariro cũhũ buhria duhua wahaahca. ²⁵ Ti ã wahachũta ñahpichoha poca mũanopũ jia poca bora wahaahca. Ñã jia mũano macaa yahpari tuaro ñuhmiahca. ²⁶ Tí pjata yũhũ masũno Cohamacũ warocariro taihtja. Yũ ã tachũ mũanopũ yũ tuaa mehne yũ si sitea mehne mũano macaa me bui ahri yahpapũre yũ tjua tachũ ñũahca masa. ²⁷ Ñã jicũ yũ yaina anjoare jipihtioropũ ahri yahpapũ warocaihtja. Ñã jia jipihtioropũ yũ yaina yũ beserinare tina naahca.

²⁸ 'Mipũre higueraçũre tũhotuga mũsa. Tũ quitĩ mehne mũsare piti dahre buheihitja. Tũ yucũcũ pũri tichũ ñũna, cũhma mahanocã dũhsachũ masina mũsa. ²⁹ Tó seheta ahri jipihtia yũ niri cjiire ti ã wahachũ ñũna, yũ tjua tahto mahanocã dũhsachũ masinahca mũsa. ³⁰ Potocã niita nija mũsare. Tí pja macaina ti yariahto panore jipihtia yũ niriro seheta ã waharohca. ³¹ Mũano, ahri yahpa cũhũ pihtia wahaahca. Yũ durucua sehe ne cohtotasi.

Jipihtia yũ niriro seheta ã waha sohtori tiarohca.

³² 'Tí dachore yũ tjua tahti dachore, tí hora cũhũre masieraja yũhũ. Anjoa cũhũ tíre masierara. Masa cũhũ ne masierara. Yũ Pũcũ dihta tíre masina.

³³ 'Mũsa cũhũ tí dachore masierara. Ñã jina noano yoaga. Noano cohtaga. (Cohamacũre siniga mũsa.) ³⁴ Õ sehe cohtaga mũsa. Ahri quitĩ mehne mũsare piti dahre buheihitja. Wũhũ pũro yoaropũ to tinino seheta jira ahri. Tiro to wahahto pano to cahamacare wũhũre cohta dutiha. Cãinare ti dahrahtire cũha. Ñã jiro wũhũre ñũ wihborirore tirore to tjua tahtore cohta dutiha. ³⁵ Ñã jina mũsa cũhũ noano wacũ masi cohtaga. Wũhũ pũro to tjua tahtore tina ti masieraro seheta yũhũ mũsa pũhtoro yũ tjua tahti dachore masierara mũsa cũhũ. Ñamichapũ, ñami dacho macapũ, caraca to duri pja jichũ, bohrearopũ taboca. ³⁶ Yũ ã wacũenoca yũ wihhtore masina, yũ yare ã yoarucuina jiga mũsa. Ñã yoa yũhũre noano cohtaga. ³⁷ Ñã jicũ mũsare yũ nino seheta jipihtinare ã nija mũsare: Noano wacũ masi cohtaga —niha Jesu tinare.

14

*Sacerdotea pũhtoa, judio masare
buheina mehne Jesure wajã duaha
(Mt 26.1-5; Lc 22.1-2; Jn 11.45-53)*

¹ Ñã yoa tí pjare pascua wama tiri bose nũmũ cjihto bũcũaerari pãore ti chũhti nũmũri cjihto pũa dacho dũhsasiniha. Tí pjare sacerdotea pũhtoa, ã jichũ sã coyera judio masare buheina mehne dohse yoa ti mahñoa mehne Jesure ñaha ti wajãhtore cahma sũhũdua niha:

² —Mari bose nũmũri yũhdoro puro tirore ñahasiniena tjijihna, "Masa sua sañurucuri", nina —niha tina ti basi.

*Numino me sitia se mehne Jesure pio
payoha
(Mt 26.6-13; Jn 12.1-8)*

³ Ñã yoa Jesu cũhũ Betaniapũ, Simo cami bũcũ baariro cjiro ya wũhũpũ jiha. Tórpũ ti chũro watoi numino sehe alabastro mehne ti yoariare me sitia nardo wama tia sere posa tiriare na wihhiha. Tí se sehe wapa

buj̄a niha. ã na wihiro, ticoro tiare poharoca, Jesu dapu bui pio payoha. ⁴ To ã yoach̄a ñ̄a paina suaa waha, ti basi õ sehe niha:

—¿Dohse yoaro ahricoro ahri me sitia co wapa buj̄are ã yoa sitejari? ⁵ Tíre ticoro duaboa. Tíre duaro tres cientos niñeru p̄irine wapataboa. ã wapataro, tí niñerure p̄jac̄uoinare waboa ticoro —ni cohtaha paina sehe ticoro to ã yoach̄a ñ̄a.

ã jia tina ticorore tuhtiha.

⁶ Ti ã nich̄a t̄horo Jesu tinare õ sehe ni yahuha:

—ã niena tjiga ticorore. Yuh̄are ticoro noano yoaro nina. ⁷ P̄jac̄uoina sehe m̄usa mehne ã jirucuahca. ã jina m̄usa cahmari p̄ja tinare wa masina. Yuh̄a sehe ahri yahpare m̄usa mehne ã jirucusi. ⁸ To cj̄aro puro mehne ticoro yuh̄are ã yoahre. Yuh̄are ti yahto pano yu p̄jac̄ure cahnoyuro, me sitiare pio payohre ticoro. ⁹ ã jic̄a potocã niita nija m̄usare. Jipihtiro ahri yahp̄ap̄a noaa buheare ti yahurop̄a ahricoro mip̄are to yoarire yahuahca. Ti ã yahuch̄a t̄hoha ticorore masa payu wac̄uahca —ni yahuha Jesu.

Juda Iscariote Jesure ñ̄a tuhtiinare to ñohtore yahuha sacerdotea p̄htoare (Mt 26.14-16; Lc 22.3-6)

¹⁰ Tí pjareta Juda Iscariote wama tiriro doce to buheina mehne macariro Jesure to ñohtire yahuro wahaha tirore ñ̄a tuhtiinare, sacerdotea p̄htoare. ¹¹ To ã ni yahuch̄a t̄hoha, sacerdotea p̄htoa tíre t̄hoha wahcheha.

—Muh̄are niñerure wanahtja —niha tina Judare.

Ti ã nich̄a t̄horo, tiro Jesure ñ̄a tuhtiinare to dohse yoa ñohto cjihtore wac̄u macaha.

Jesu to buheina mehne to ch̄a batoari nam̄u jiha

(Mt 26.17-29; Lc 22.7-23; Jn 13.21-30; 1Co 11.23-26)

¹² Buc̄aerari p̄ãore ti ch̄a nam̄ari d̄acari nam̄u sehe oveja pascua macaina cjihtire ti waj̄ãhti nam̄u jiha. Tí nam̄u to buheina sehe õ sehe ni sinitu ñ̄aha Jesure:

—¿Mari pascua macaa ch̄ãhtire noho baroi cahnoyu dutirocaijari m̄uh̄a sãre? —niha tina tirore.

¹³ Ti ã nich̄ata Jesu sehe p̄aro to buheinare õ sehe ni yahu warocaha:

—Jerusal̄ep̄u wahaga. Tóp̄u m̄usa s̄uch̄u co situ w̄ariro m̄usare piti bocarohca. To piti bocach̄u tiro mehne wahaga. ¹⁴ ã wahana tiro to s̄uho s̄ãari w̄uh̄ap̄u s̄una, tí w̄uh̄u p̄urore õ sehe niga: “¿Dí tahtiai yuh̄u yu buheina mehne pascua macaa ch̄ãare ch̄ãnahcari?” ni sinitu dutirocahre buheriro”, niga tí w̄uh̄u p̄urore. ¹⁵ M̄usa ã nich̄a t̄horo, tóp̄u m̄uano macari tahtiare pjiri tahtiare, noano ti cahnoyuri tahtiap̄are m̄usare ñonohca w̄uh̄u p̄uro. Tóí mari ch̄ãhti cjihtire dahrega m̄usa —niha Jesu tinare.

¹⁶ To ã nich̄a t̄hoha tina to buheina tí macap̄u wahaha. Tóp̄u ti s̄uch̄u tinare to niriro seheta ã wahaha. ã jia tina pascua macaa ch̄ãare dahreha.

¹⁷ ã yoa nahitia bora tach̄u Jesu doce to buheina mehne tí w̄uh̄ap̄are s̄uha. ¹⁸ Tí w̄uh̄ap̄u ti s̄ari baharo, tina mehne mesap̄u ch̄aro Jesu tinare õ sehe ni yahuha:

—Potocã niita nija m̄usare. Cãiro m̄usa mehne macariro yuh̄u mehne ch̄ãrirota yuh̄are ñ̄a tuhtiinare ñonohca yuh̄are —ni yahuha Jesu tinare.

¹⁹ To ã nich̄a t̄hoha tina sehe cahyaha.

—¿Yuh̄ata jijari m̄uh̄are ñohtiro? —ni sinitu pihtiaha tina cãina jipihtina Jesure.

²⁰—M̄usa mehne macarirota jira tiro. Yu ch̄ãri wap̄ai yuh̄u mehne soha ch̄ãriro tjira yuh̄are ñ̄a tuhtiinare ñohtiro. ²¹ Panop̄u yuh̄are ti yahu joariro seheta yuh̄u mas̄ano Cohamac̄u warocariro yariãihca. Yuh̄are ñ̄a tuhtiinare ñoriro p̄jac̄uro yuh̄d̄arohca. Tiro to masa bajuerach̄u noaboa —niha Jesu tinare.

²² ã ni yahu tuhs̄u, to buheinare s̄uho ch̄aro, Jesu p̄ãore na, Cohamac̄ure “Noana”, niha. ã ninota, tí curire nuha, witiha tinare.

—Ahr̄ire na ch̄uga. Ahri yu p̄jac̄u jira —niha tiro tinare.

²³ ã ni tuhs̄u tiro sihnia posa tiri wahware na, Cohamac̄ure “Noana” ni tuhs̄u, waha tinare. To wach̄u tina jipihtina tíre sihni pihtiaha.

24 —Ahri yu di jira. Payu masa ti ñaa yoari buhirire cohãcu tacu yariaihca. Ñ yariacu yu dire cohãihca. Cohamacu “Musare yuhdoihtja”, to ni cūriro mu sūchu yu ã yariaro mehne to niriro sohtori tirohca. 25 Potocã niita nija musare. Mipure ahri co, se core ne sihni namosi yuhu. Pu puhtoro Cohamacu musare to sūho jichupu ahrire coã pari turi sihniihca tjoa —niha Jesu tinare.

*Pedro Jesure to cohãhtore yahuha Jesu
(Mt 26.30-35; Lc 22.31-34; Jn 13.36-38)*

26 To ã ni tuhsūchu tina Cohamacure ño payoa cūno basaare basaha. Ti basa pahñori baharo, tūcu Olivo wama tidupu tina wahaaha wahaha. 27 Tópu sūho sūro Jesu tinare õ sehe ni yahuha:

—Mipure musa jipihtina yuhure cohãnahca. Ñ sehetã nina Cohamacu yare ti joari pūi yuhure yahuro: “Ovejare ñu wihboriro yoaro sehe jirirore Cohamacu cohãnohca. Ñ to cohãchu to yaina oveja yoaro sehe jiina duhti site wahcãa wahahca”, nina Cohamacu yare ti joari pūi. 28 Ñ yoa Cohamacu yuhure to masori baharo musa pano Galileapu wahayuihca yuhū —niha Jesu tinare.

29 To ã nichu Pedro sehe õ sehe niha:

—Yuhū mehne macaina jipihtina ti cohã wahcãpachuta yuhū sehe mūhure ne cohãsi —nimaha Pedro tirore.

30 Jesu õ sehe ni yuhtiha:

—Potocã niita nija mūhure. Micha ñami pinihtare caraca puã taha to duhto pano “Yuhū Jesure masieraja”, niihca mūhū. Tia taha ã niihca mūhū —niha Jesu Pedore.

31 To ã nipachuta Pedro õ sehe ni tuaro bisiro yuhtiha:

—Mūhū mehne yuhure ti wajã duapachuta “Jesure masieraja”, ne nisi yuhū —ni yuhtimaha tiro Jesure.

Pedro to ã nichu tūhoa tiro mehne macaina cūhū ã dihta ni yuhtiha.

*Getsemaní wama tiropu Jesu Cohamacure siniha
(Mt 26.36-46; Lc 22.39-46)*

32 Ñ yoa tina Getsemaní wama tiropu wahaha. Tópu sūro, õ sehe niha Jesu:

—Cohamacure yu sinino watoi õi dujiyusiniga musa —niha to buheinare.

33 Ñ ni tuhsū Pedore, Santiagore, Joãore tina tiarore pji wahcãha. Tinare ã pji wahcãno, pjíro tūhotu dūcaha tiro. Ñ yoa ñano yajeripohna tiha.

34 Ñ cahyaro tó mehne macainare to pji wahcãinare õ sehe niha:

—Yuhū ñano yajeripohna tii nija. Ñano purĩnore tūhotui nija. Tí mehne yariahto cua yuhduaro coa taca yuhure. Ñi tjuaga. Yu cūno potorita catiga musa cūhū —niha Jesu tinare.

35-36 Ñ ni tuhsū tiro tópu mahanocã waha namo, yahpai caha sūro, Cohamacure õ sehe niha:

—Mai, mūhū jipihtiare yoa masina. Ñ jicu yu ñano yuhduhtire yoa duaeracu yoai tjia. Yu ã nipachuta yu cahmano sehe yoai tjia. Mūhū sehe masina. Mu cahmano sehetã yoaga yuhure —ni siniha tiro Cohamacure.

37 Ñ ni tuhsū, tiaro to buheina cahapu wihiro, carĩinare boca wihiha tiro. Tinare ñano Pedore õ sehe niha:

—Simo, ¿carĩi nijari mūhū? ¿Cū hora waro yu cūno potori cati masierari mūhū?

38 Noano yoaga musa. Musã mu sūro quihõno yoa duamana musa. Wiho mejeta musa basi tíre bihoerara. Ñ jina Cohamacure siniga ñano musa yoaerahto sehe —niha Jesu Pedore.

39 Ñ ni yahu tuhsū pari turi waha, Cohamacure siniha. Tó pano to siniro sehetã siniha tjoa. 40 Ñ sini tuhsūro pari turi tina cahapu wihiha tjoa. Ñ wihiro carĩinare boca wihiha tjoa. Wujo caha yuhduaha tina. Ñ jia tina Jesure dohse ni masieraha. 41 Ñ yoa pari turi Cohamacu mehne to durucuro sūri baharo tina cahapu wihi, tinare õ sehe niha:

—¿Carĩ, sosinina nijari musa? Tó puro carĩga musa. Michapucacã yuhure Cohamacu warocarirore ñano yoainare ti wahti pja mu sū tuhsūra. 42 Wahcãga. Basa wahana. Ñuga. Yuhure ñu tuhtiinare ñohtiro õi tara —niha Jesu tinare.

*Jesure ñu tuhtiina tirore peresu yoaha
(Mt 26.47-56; Lc 22.47-53; Jn 18.2-11)*

43 To ã nino watoihta Juda, doce buheina mehne macariro cjiro wihiha. Tiro mehne

masa payu ñosaa pjĩni, yucu siri cjuaina cũhu wihiha. Sacerdotea puhto, sã judio masare buheina, ã jichu bucuna, ti warocarina jiha masa sehe. ⁴⁴Wahmanore Jesure ñu tuhtiinare ñohtiro sehe tiro mehne tahtinare õ sehe ni yahu quihõ tuhsuha:

—Yu wahsupu wihmiriro tirota jirohca musa ñahahtiro. Tirore yu wihmiri baharo ñahaga tirore. ã yoana tirore noano ñahaga to duhtierahto sehe —ni yahu quihõ tuhsuha Juda sehe.

⁴⁵ ã yahu quihõ tuhsuro wihirota Jesu cahapu dóihta waha bahrañoa.

—Yu puhtoro —ninota wahsupu wihmiha tirore.

⁴⁶ To ã yoachu ñua tina Jesure ñahaha.

⁴⁷ Ti ã yoachu ñuno cãiro Jesu cahapu ducuina mehne macariro to ñosari pjĩne tãawe naroca, sacerdotea bui puhtoro cahamacunore to cahmonore date pahrënocaha.

⁴⁸ To ã yoachu Jesu õ sehe niha:

—¿Dohse jiro baro musa ñosaa pjini mehne, yucu tiri mehne tajari? ¿Yaca bucurore musa ñahano seheta yuhu cãhure ñahana tana nijari? ⁴⁹Dachoripe Cohamacu wuhupu musare yu buhe dujichu, musa yuhure ne ñahaerare. Musa ã ñahachu ahri jipihtia ã waharo nina Cohamacu yare ti ni joariro seheta —niha Jesu masare.

⁵⁰ To ã ni tuhsuchu, Jesu buheina tirore cohã wahcã, jipihtina maroca site wahcã wahaha.

⁵¹ ã yoa cãiro wahmuno suhti marieriro cãno coma yosaro dihta comariro Jesu baharo ñu nunu timaha. To ã ñu nunu tichu ñua tirore ñahamaha. ⁵² Tirore ti ñahachu ñuno to coma yosare cohãnoca, suhti marieriro marocaa wahaha.

Puhto cahapu naaha Jesure

(Mt 26.57-68; Lc 22.54-55, 63-71; Jn 18.12-14, 19-24)

⁵³ ã yoa sacerdotea bui puhtoro cahapu Jesure na wahcãha. Ti na suri baharo sacerdotea puhto, bucuna, sã coyea judio masare buheina cãhu jipihtina cahmachuha. ⁵⁴ Tiro Pedro sehe Jesu baharo yoaropu nunu tiha. ã nunu tiro sacerdotea bui puhto ya wuhu cahapu suha. ã

suro tiro tí wuhure cohtaina surara mehne pichaca duhtu cahai sohma dujiha.

⁵⁵ Sacerdotea puhto, jipihtina paina puhto cãhu Jesure wajã dutia taa, Jesu to quihõno yoaerarire ti yahusãhtire wacũ macamaha. Wiho mejeta tíre bocaeraha.

⁵⁶ ã wacũ bocaerapahta payu masa tirore ã yahusãmacanocaha. Ti ã yahusã potocã jieraha. Pairo soro ni, pairo soro niha. ⁵⁷ ã yoa paina wahcãrucu su, Jesure õ sehe ni yahusãha tjoa:

⁵⁸ —Ahriro õ sehe nire: “Yuhu ahri wuhure Cohamacu wuhure masa ti dahreri wuhure cohãihtja. ã cohãcu tia numu waboroi tí wuhure pari turi yoaihtja. Tí wuhu masa ti dahreri wuhu jisi”, to nichu sã tuhohi —niha tirore yahusãina.

⁵⁹ Ti ã ni yahusãpachuta ti yahusã cãhu potocã jieraha. Pairo soro ni, pairo soro niha tjoa.

⁶⁰ Ti ã nichu tuhoro sacerdotea puhtoro ti watoi ducuriro wahcãrucu su, Jesure õ sehe ni sinituha:

—¿Ahrina muhure ti yahusãpachuta tinare yuhti cahmaerajari muhu? ¿Muhure ti yahusãire dohse ni yuhti cahmajari muhu? —niha tiro Jesure.

⁶¹ To ã nichu tuhobarota Jesu ãta tuhhotunocaha. To ã yuhtierachu ñuno sacerdotea bui puhtoro tirore sinituha tjoa:

—Cristo, ¿Cohamacu warocarirota jijari muhu? ¿Noariro Cohamacu macano warota jijari muhu? —niha tiro Jesure.

⁶² —Tiro tjija. ã jina yuhure masunore Cohamacu warocarirore yu Pucu jipihtina bui jiro to poto buhusehei yu dujichu ñunahca musa. ã yoa muno macaa me watoi yu tachu cãhure ñunahca musa —niha Jesu tirore.

⁶³⁻⁶⁴ To ã nichuta sacerdotea bui puhtoro sehe to sãari suhtirore to basi tuhënocaha painare “Sua yuhduara”, ni ñu masi dutiro.

—Cohamacure ñano durucuro nina ahriro. To ñano durucure tãho tuhsuja mari. ã jia tópeinata yahusãjaro ahrirore. ¿ã jina dohse yoanahcari mari mipure ahrirore? —niha sacerdotea bui puhtoro paina puhtoare.

—Cohamacure to ñano durucuri buhiri wajānocano cahmana tirore —ni yuhtiha paina puhto.

⁶⁵ Ña ni yuhti tuhsu, cāaina tina mehne macaina Jesure chahcho puti sihō maja, to caparire dante ducata, tirore cjā, dota mājaha. Cjā tuhsu ò sehe ni bujapeha:

—¿Noa jijari mūhure dotaro? Ñuerapaihta yahuga säre —ni bujapeha tina.

Ti ña cjā dotari baharo puhtoro yaina surara sehe tirore na wahcā, tina cāhu tirore ti wamomacari mehne ñano cjā namoha.

“Tirore masieraja”, niha Pedro Jesure
(Mt 26.69-75; Lc 22.56-62; Jn 18.15-18, 25-29)

⁶⁶ Ña yoa wūhu cahai jiri wapai noari wapai Pedro to jichu sacerdotia bui puhtoro cahamacono wihiha. ⁶⁷ Ticoro Pedro to sohmachu ñano tiro dihtare ñarucuha.

—Nazare macariro mehne, Jesu mehne mūhu cāhu jihre —niha ticoro Pedore.

⁶⁸ To ña nichu tūhoro tiro ò sehe niha:

—¿Dohse nimacanocaco nijari mūhu? Mū nirirore ne masieraja yūhu —niha Pedro ticorore.

To ña niri baharo Pedro sahrīno sopaca macari mahapu wahaha. Tói to ducuchū caraca duha. ⁶⁹ Tói to jichu ñano cahamacono sehe ticoro cahapu ducuinare yahurocaha tjoa.

—Ahrīro cāhu Jesu buheina mehne macariro jira —niha ticoro.

⁷⁰ To ña nichu tūhoro Pedro pari turi ò sehe niha tjoa:

—Tirore masieraja yūhu —niha tjoa.

Baharo curero tói ducuína Pedore ò sehe niha:

—Potocā tjira. Mūhu Galilea macariro jira. Ña jichu tina mehne macarirota jira mūhu —niha tina tirore.

⁷¹ Ti ña nichu tūhoro tiro ò sehe ni yuhtiha:

—Potocāta Cohamacu mehne nii nija mūsare. Potocāta yū nierachu Cohamacu yūhure buhiri dahrejaro. Tirore mūsa nirirore ne masieraja yūhu —ni yuhtiha Pedro tinare.

⁷² To ña nichuta caraca duha tjoa. To ña duchu tūhoro Jesu tirore to nirire wacūha: “Caraca puha taha to duhto pano mūhu yūhure ‘Jesure masieraja’, niihca mūhu.

Tia taha ña niihca mūhu”, Jesu to nirire wacūha Pedro sehe. To ña nirire wacūno, tuaro tiirucuha Pedro.

15

Pilato Jesure sinituha

(Mt 27.1-2, 11-14; Lc 23.1-5; Jn 18.28-38)

¹ Ña yoa bohrearopu sacerdotia puhto, bucuna, sã judio masare buheina, jipihina paina puhto mehne cahmachu, durucuha Jesure ti yoahitire masia taa. Tirore ti wajāhtore durucu cahno tuhsu, Jesure dante, na wahcā, Pilatore waha tirore. ² Tirore ti na su wachu ñano Pilato tirore ò sehe ni sinituha Jesure:

—¿Potocāta judio masa ti puhtoro tjijari mūhu? —ni sinitu ñaha tiro Jesure.

—Ñaja. Mū nino sehetā tirota jija —ni yuhtiha Jesu.

³ Ña yoa sacerdotia puhto payu ni yahusāha tirore. ⁴ Ti ña ni yahusāchu tūhoro Pilato tirore ò sehe ni sinituha tjoa:

—Ahrina mūhure payu yahusāa nina. ¿Ti ña yahusāpachuta dohse yoacu ne yuhtierajari mūhu tinare? —niha tiro.

⁵ To ña nipachuta Jesu ne pari turi yuhti namoeraha. Ña jiro Pilato cūaa wahaha.

Jesure wajā dutiha

(Mt 27.15-31; Lc 23.13-25; Jn 18.38-19.16)

⁶ Cūhmaripe pascuaripe masa yairo cjihtore cūiro peresupu jirirore, masa ti wio dutirirore Pilato ña wiobasa mājaa tiha.

⁷ Tí pjare Barrabá wama tiroro peresupu jiha. Tiro puhtoare cohā duaina, masare wajāina mehne macariro jiha. ⁸ Ña jia masa payu Pilato cahapu suha, tirore ò sehe ni siniha:

—Cūhmaripe säre mū yoarucuro sehetā yoaga säre. Cūiro peresupu jirirore säre wiobasaga —niha tina.

⁹ Ti ña nichuta Pilato tinare ò sehe ni sinitu ñaha:

—¿Ahrīro Jesure mūsa judio masa puhtoro yū wiobasachu cahmajari mūsa? —ni sinitu ñaha masare Jesure wio duaro.

¹⁰ Jesure masa ti cahīchu ñaha sacerdotia puhto cāhu tirore ña tuhtiha. Ña ña tuhtia tirore waha Pilatopure. Ña jiro masa ti cahīri buhiri sacerdotia puhto ti ña

tuhtirire ti peresu yoa dutichu masino Jesure wio duamaha Pilato. ¹¹ To ã wio duapachuta sacerdotia puhto masare Jesu mehne suachu yoaha. Õ sehe ni dutiha tinare: “Jesu wijaachu cahmaeraja. Barrabá sehere wioga”, ni dutiha masare. ¹² Æ jiro Pilatore Barrabáre ti wio dutiri baharo Pilato sehe tinare ò sehe ni sinituha tjoa:

—¿Ahriri judio masa ti puhtoro musa niriro sehere dohse yoahcari yuhu musa ã nichu? —ni sinituha tiro.

¹³ —Crusapu cã puha wajãga tirore —ni sañurucuha masa.

¹⁴ —¿Yaba barore ñaare yoari ahriri musa ã ni sañurucuhu? —ni sinitu namoha tinare.

To ã nichu tuhoa tina sañurucu namoha tjoa:

—Crusapu cã puha wajãga tirore —ni sañurucuha tina.

¹⁵ Ti ã ni sañurucuhu tuhoru Pilato sehe masare wahchechu yoa duaro Barrabáre peresupu jirirore wio dutiha masa ti wio dutirirore. Tirore to wio dutiri baharo, Jesu sehere ñano tjanaye dutiha. Tirore ti tjanayeri baharo, tirore surarare wiaha, crusapu cã puha wajã dutiro.

¹⁶ Æ yoa surara Pilato ya wahu puhichapu pretorio wama tiri wahu puhichapu tirore na sãa suha. Na sãa su tuhsu, tina mehne macaina surarare pjiroca, cãnoi cahmachu dutiha. ¹⁷ Cahmachu tuhsu, tina puhtoro ya suhtiro yoaro sehe bajuri suhtirore Jesure sãa, pota sorore yoa, tí sorore to dapu bui duhu payoha. ¹⁸ Æ yoa tuhsu ò sehe ni bujupaha tina tirore:

—Noano tagã. Judio masa puhtoro noano tagã —ni bujupaha.

¹⁹ Æ niata yucucu mehne to dapure cã mija, tirore chahcho puti sihõ mija tina. Tuhsu, cua pisaro yoaina yoaro sehetu tirore na tuhcu caha su, ño payoro sehe yoaa, bujupaha tirore. ²⁰ Æ yoa bujupahu tuhsu ti sãari suhtirore tjuwe naroca, to ya suhti sehere tirore sãa, tirore crusapu cã puha wajã waha, naa wahaha tina.

Tina Jesure crusapu cã puha, wajãha
(Mt 27.32-44; Lc 23.26-43; Jn 19.17-27)

²¹ Jesure ti ã naano watoi, tói wahariro Simo Cirene macariro camporu sãriro,

tina cahapu to wihichu ñu surara sehe tirore Jesu to wari crutare wu wahcã dutiha. Alejandro, Rufo puaro puaro jiha Simo sehe.

²² Baharo, Gólgota wama tiropu Jesure na suha. Gólgota nino, “Dapu cohã”, nino nina.

²³ Tópu tirore ti na sari baharo, se core, mirra wama tidu co mehne ti morea core Jesure wamaha. Wiho mejeta tiro sehe tí core sihni duaeraha. ²⁴ Baharo tina Jesure crusapu cã puha dapoha. Cã puha dapu tuhsu, to sãa suhti cãjire ti basi cahma wita taa, “¿Noa yaro jirohcari ò?” ni masia taa, docapea poca mehne docape mujaha tina.

²⁵ Jesure crusapu ti cã puhachu tia hora waro duhsasiniha cohari pja to suhto. ²⁶ Æ yoa crusapu ò sehe ni joari pjine duhu òha tina tirore ti yahusãire yahu duaa. “Ahriri judio masa bui puhtoro jiriro jira”, ni joaha tina tí pjine. ²⁷ Æ yoa puaro yaca bucuna Jesu cahai paye pjiripu crusaripu ti cã puha daporina jiha tina. Cãiro to potu buhusehei, paio to cõ buhusehei cã puha dapoha tina cãhure. ²⁸ [Ti ã yoachu panopu Cohamacu yare ti yahu joariro sehetu ã waharo niha. Õ sehe ni joa tiha: “ ‘Dutiaru yuhducaina mehne macariro jira’, ni tuhoture masa tirore”, ni joa tiha panopu.]

²⁹ Æ yoa crusari cahai yuhdu wahcãina Jesure ñu, ti dapu pocare yureruca, tirore ñano ni durucuha:

—Noana. Noana. ¿Cohamacu wuhure cohã, tia dacho wahaboroi pari turi tí wuhure dahrehtiro jiji mahu? ³⁰ Æ jiriro jicu, mu basi dujiaga. Æ jicu mu basi yoadohoga. Æ jii yuhdu witiuhca mahu —ni bujupaha tina.

³¹ Ti yoaro sehetu sacerdotia puhto cãhu sã judio masare buheina cãhu tirore ã ni bujupaha. Æ ni bujupaha ò sehe niha ti basi:

—Tiro painare yuhdoriro jiparota to basi yuhdo masierara: ³² “Cristo, Cohamacu warocariro Israe masa puhtoro jija”, ni mana tiro. Æ jina to basi to duji tachu ñu tirore wacũ tuahca —ni bujupaha tina.

Ã yoa yaca bucuna tiro cahai ti cjã puha òrina cjiri cãhũ tó seheta tirore ñano ni bujũpeha tina cãhũ.

Jesu yariaa wahaha

(Mt 27.45-56; Lc 23.44-49; Jn 19.28-30)

³³ Ã yoa cohari pja jichũ tia hora waro jip-htiropũ nahitiano wahaha. ³⁴ To nahitia duhuchũ waro Jesu tuaro sañurucuha:

—Eloi, Eloi, ¿lama sabactani? —niha tiro.

Ã nino ò sehe nino niha. “Yũ Cohamacũ, yũ Cohamacũ, ¿dohseacũ yũhũre cohãri mũhũ?” nino niha.

³⁵ To ã nichũ tũhoa cãina tói ducuina ò sehe nimaha:

—Tũhoga mũsa. Cohamacũ yare yahu mũhtarirore Elia cjirore pjirocaro nina —nimaha tina.

³⁶ Ã jiro cãiro tina mehne macariro wihmi nari suhtere vino sũẽa core to sohari suhtere na mũroca, yucũcũ sohtoapũ dũhte ò, Jesure wihmi dutiha. Ã wihmi dutiro, ò sehe nimaha:

—Depũsinia. Elia cjiro wihi ahrirore to na bororo tachũ ñũsinijihna mari —nimaha tiro painare.

³⁷ To ã niri baharo Jesu sehe tuaro sañurucu, yariaa wahaha. ³⁸ To yariachata Cohamacũ wũhũ macari suhtiro tóre to jiri tahtia waropũ ti dũcatari suhtiro dacho macai bui sehe tũhnũ bora ta, pũa cahsaro tũhnũroca yoja sũa wahaha. ³⁹ To ã yariachũ ñũno surara pũhoro Jesu to wahãno potoi ducuriro ò sehe niha:

—Potocã tjiri jimana. Ahriro Cohamacũ macũnota jiri jira —niha tiro.

⁴⁰ Ã yoa yoaropũ ducua numia cãhũ Jesure ñũrocarucua niha. Tí numia mehne María Magdalena jiha. Pacoro María wama tiricoro cãhũ jiha. Ticoro sehe José, to bahũro Santiago ti pocoro jiha. Pacoro Salomé jiha. ⁴¹ Tí numia Jesu yahuare quihõno tũhoa numia jia, Galilea yahpai to jisnichũ tirore piti ti, yoadohoa tiha. Tí numia mehne payũ paye numia cãhũ Jerusalẽpũ Jesu to sũho tarina numia jiha.

Jesu pjacũre masa copapũ cũha

(Mt 27.57-61; Lc 23.50-56; Jn 19.38-42)

⁴²⁻⁴³ Ã yoa tí dacho to yariari dacho Sabado pano judio masa sã sori nũmũ pano

jiri dacho jiha. Ã yoa Pascua macaa cjihtire ti cahnori dacho jiha. Tí ñamihta José Arimatea macariro cuiro marieno Pilato cahapũ sũha Jesu pjacũre sinino sũro. José judio masa sã pũhoro mehne macariro, pũhoro ti cua pisaro ñũriro waro jiha. Tiro pũhoro Cohamacũ masare to sũho jihtore cohtaro niha. ⁴⁴ Ã yoa José Pilatore to ã sinichũ tũhoro, tũho cũaa wahaha Pilato sehe. “¿Jesu yaria tuhsũari?” ni tũhoturo, cũaa wahaha. Ã jiro surara pũhoro pjiroca ò sehe niha tirore:

—¿Potocãta Jesu yariaa wahari? —ni sinituha tirore.

⁴⁵ To ã nichũ surara pũhoro ò sehe ni yahtia:

—Ãja. Yariaa wahahre —niha.

To ã nichũ tũhoro, Pilato Jesu pjacũre wa dutiha Josére. ⁴⁶ To ã wa dutiri baharo José noari suhtirore nuchũbasaha. Nuchũbasa tuhsũ, Jesu pjacũ cjirore na boro, suhtiro mehne wahma, masa copapũ tãcai ti sahari copapũ to pjacũre siõ sãa payoha. Siõ sãa payo tuhsũ, tí copa cahai jiria tãcare pjiria tãcare tju turẽ wahcã, tí copare biha dapoha. ⁴⁷ María Magdalena, ã jichũ María José pocoro Jesure ti na sãa duhu payorirore ñũha.

16

Jesu masa wijaaha

(Mt 28.1-10; Lc 24.1-12; Jn 20.1-10)

¹ Ã yoa Sabado dacho yũdũri baharo, sũ sãari baharo, María Magdalena, Salomé, ã jichũ María Santiago pocoro, tina tiaro numia wisõa me sitia core nuchũha Jesu pjacũre wisõa taa. ² Ã jia domingo bohrea mũja tachũ Jesure ti duhu payori copapũ ñũa wahaha tina. ³ Tí copa cahapũ waharucua, ò sehe niha tina ti basi:

—¿Tí copare bihari tãcare noa marine pjõobasarohcari na? —niha tí numia ti basi.

⁴ Baharo tí copa cahapũ sũa, tí copare bihari tãcare, pjiria tãcare ti nawe cũriare ñũha tina. ⁵ Ã ñũa tí copapũ sãa wahaha. Tõpũ sũa, cãiro wahmũnore ti potu bũhũsehei dujirirore, yehseri suhtiro sãarirore ñũa, cũaa wahaha tina. ⁶ Tí ã cũachũ ñũno, tiro sehe ò sehe niha tí numiare:

—Yuhure ñu cñaena tjiga. Jesu Nazare macariro, crusapu ti cã puha wajãriro cjirore msa macana nimana. Wiho mejeta tiro sehe masa wijaa tuhsure. Ore mariahna. Tirore ti duhu payoro cjirore ñuga. ⁷ “Tiro msa pano Galileapu wahayuhto jiyuhti. Tói to niriro seheta msa tirore ñahtina jiyuhti”, ni yahuna wahaga to buheinare, Pedro cãhure —ni yahu dutiha wahmano tí numiare.

⁸ To ã nichu tãhoa tina cui, tetere, masa copã cahai jirina mrocaa wahaha. ã cuia painare yahueraha.

Jesu María Magdalenare bajuaha
(Jn 20.11-18)

⁹ [ã yoa Jesu sehe domingo ñamicunucã to masa wijaari baharo, María Magdalenare to siete watã to cohãnohricorore tiro bajua mahtaha. ¹⁰ Jesu mehne macaina cjiri sehe to yariachu ñua, tuaro cahya, tiia niha. ã ti tiiro watoi, María Magdalena sehe Jesure to ñarire tinare yahuro samaha. ¹¹ “Jesu catihre. Ñuhi yuhu”, ni yahumaha ticoro. To ã ni yahupachuta, tina sehe ticorore ne tãho duaeraha.

Jesu to buheinare bajuaha
(Lc 24.13-35)

¹² Baharo puaro tina mehne macaina masa marienopu ti tinichu Jesu soro bajuriro tina cãhure bajuaha tjoa. ¹³ To ã bajuachu ñua tina tjua waha, paina Jesu yainare tíre yahuha. Ti ã ni yahupachuta tina cãhure tãho duaeraha.

Jesu to yare buhe dutiro warocaha to buheinare
(Mt 28.16-20; Lc 24.36-49; Jn 20.19-23)

¹⁴ Baharo to buheina oncere mesa cahapu ti chu dujiro wato, tinare bajuaha tjoa Jesu. Tirore ñarinare ti yahuchu ti tãho duaerari buhiri, tirore ti noano wacũ tu-aerari buhirire masino, tiro tuhtiha tinare.

¹⁵ ã tuhti tuhsu, tinare õ sehe niha:

—Ahri yahpa jipihtiropure ahri yu ya quiti noaa buheare jipihtina ahri dacho macainare noano yahu site pahõna wahaga. ¹⁶ Yuhure wacũ tuainare ti bautisarinare pichacapu wahaborinare yuhdorohca Cohamacu. Tuhsu, yuhure wacũ tuaeraina Cohamacu to buhiri

dahrehtina pichacapu wahahtina jiahca. ¹⁷ ã jia yuhure wacũ tuaina yu tuaa mehne õ sehe yoaahca: Yu tuaa mehne, yu wama mehne watãre cohã wioahca. Tuhsu, wahmaa duserire durucuahca. ¹⁸ ã yoa agãare ti ñahachu, jipihtia ñima dohse jia ñimare ti sihnichu, tinare ne purisi. ã yoa dohatiina bui ti wamomacarine ti ña payochu tina noaina wahaahca —ni yahuha Jesu to buheinare.

Jesu manopu mujaa wahaha
(Lc 24.50-53)

¹⁹ ã ni yahu tuhsu mari puhtoro Jesu manopu mujaa wahaha. Tõpu soro Cohamacu poto buhusehei dujiha tiro mehne puhtoro jiro. ²⁰ ã jia tina jipihtiropu noaa buheare Cohamacu masare to yuhduchu yoahiti buheare buhea wahaha. Ti ã buhechu mari puhtoro tinare yoadohoha. To tuaa mehne yoa ño masichu yoaha tinare, masare to ya buheare tãho dutiro. [Tó puro tjira.]

San Lucas

1-3 Puhutoro Teófilo, ahrire m̄ buhehti cjihtire m̄hure joarocai nija. Jesu s̄ mehne jisninino to yoari cjiire paȳ paina joa d̄ca tuhs̄re. Wahmanop̄re Jesure ñ̄ina cjiire, to yare buheina cjiire ti ni yahuriro seheta paina tíre joa d̄ca tuhs̄re. Ā jic̄ ahri jipihtiare noano masi pah̄no duac̄ buhei. Ā jic̄ ȳh̄ c̄h̄ tíre noano joa duaja m̄ buhehti cjihtire yoac̄ tac̄. ⁴ Jesu yare yahuina m̄hure buhe tuhs̄re. Tíre noano m̄ masi namohto sehe ahri tjure m̄hure joarocai nija.

João masare bautisahtiro to masa bajuhtire anjo yahuha

⁵ Herode Judea yahpa macaina puhutoro to jich̄ c̄iro sacerdote Zacaria wama tiroiro jia tiha. Ā jiro Zacaria to ya curua macaina sehe sacerdotea curua Abías cjiro ya curua jiha. Zacaria namono c̄h̄ sacerdote Aarō cjiro panamañono ji turaricorop̄ jiha. Ticoro Elisabe wama tiroiro jiha. ⁶ Tina p̄aro Cohamac̄ dutiare noano yoa pah̄oina ti jich̄ ñ̄no, “Ahrina ȳ cahmano seheta ā jia tirucura”, ni ñ̄ha Cohamac̄ tinare. ⁷ Ticoro Elisabe ne pohna marienicoiro jiha. Ā jia tina p̄aro ne pohna marieina ji, b̄c̄na waro jiha.

⁸ Ā yoa sacerdotea ti dahraare dahraa taa, ō sehe yoaa tiha: Dahra m̄htari curua cjiro pa curua mehne cahma cohtota m̄jaa tiha. Ā jia Zacaria ya curua macaina dahrahti dachori jich̄, tina dachoripe sacerdotea ti dahraa tirucuriro seheta Cohamac̄ ya w̄h̄p̄ dahraa taa niha. ⁹ Sacerdotea Cohamac̄re ti ño payori mesap̄ inciensore me sitia pohcare jāhtiro cjihtore besea taa, docapea mehne besea tiha. Ā yoa ti quihōri dacho jich̄ Zacaria ya curua macaina me sitiare jāhtirore besea taa docapeha. Ā docapea Zacariare beseha. Ā jiro tiro puhutoro Cohamac̄ ya w̄h̄p̄ s̄a wahaha me sitiare jāno waharo. ¹⁰ Tí w̄h̄p̄ tíre to jāno watoi jipihtina masa sehe sopacap̄ Cohamac̄re sinia tiha. ¹¹ Tí pjare Cohamac̄ yairo anjo Cohamac̄re ño payori mesa

poto b̄h̄sehei bajuar̄c̄ s̄ha Zacariare. ¹² To ā bajuach̄ ñ̄no Zacaria tirore ñ̄ c̄a ȳhd̄a wahaha. ¹³ To ā c̄ach̄ ñ̄no anjo tirore ō sehe ni yahuha:

—Zacaria, cuii tjiga. Cohamac̄ m̄ sinirire t̄hore. Ā jina mip̄re m̄sa pohna tinahca. M̄sa mac̄ cjihto masa bajuarohca. To bajuach̄ “João” ni wama pisuga tiroc̄re. ¹⁴⁻¹⁷ “Tiro ȳ tuaa mehne paȳ noaare yoarucuriro jira”, ni ñ̄nohca Cohamac̄ m̄ mac̄re. Tiro to masa bajuari baharo vinore, sihbiori c̄h̄re sihni. Ā jiro tiro to masa bajuahto pano Espíritu Santo to niriro sehe yoariro jirohca tiro. Espíritu Santo tirop̄re s̄ar̄c̄ s̄ tuhs̄ ā baju yoarucurohca tiro mehne. Ā yoa paȳ Israe masare Cohamac̄ mari puhutoro cahmaeraina cjiire noano cahmach̄ yoarohca m̄ mac̄. Mari puhutoro to tahto pano Elia cjiro Cohamac̄ yare yahu m̄htariro to buheriro seheta Espíritu Santo to yoadohoro mehne Cohamac̄ to tuaa mehne m̄ mac̄ c̄h̄ buherohca. Ā buhero ti p̄c̄s̄ma ti pohna mehne ñ̄no jimarinare ti noano cahma cah̄ jich̄ yoarohca. Ā yoa Cohamac̄re ȳhd̄r̄c̄ina cjiire c̄h̄re noano ño payoa mehne ȳhtich̄ yoarohca. Ā buhero mari puhutoro Cohamac̄ yaina cjihtire yoarohca tiro. Ā jic̄ to masa bajuari baharo m̄h̄ wahcheihca. Paȳ paina c̄h̄ wahcheahca —niha anjo Zacariare.

¹⁸ To ā nich̄ t̄horo Zacaria sehe ō sehe ni sinituha anjore:

—S̄ b̄c̄na jija. ¿Ā jic̄ m̄ niri potoc̄ jich̄ dohse masic̄h̄cari ȳh̄? —niha tiro.

¹⁹ To ā nich̄ anjo sehe tirore ō sehe ni yahuha:

—Ȳh̄ Gabriele wama tiroiro jija. Cohamac̄ cahamac̄no to cahai ducuriro jija ȳh̄. Cohamac̄ ahri noaa quitire yahu dutiro, m̄ cahai ȳh̄re warocare. ²⁰ Ȳ yahuriro seheta potoc̄ta waharohca. Ȳ ā nipach̄ta ȳh̄re m̄h̄ potoc̄ t̄hoerare. Ā jic̄ mip̄re m̄h̄ durucu masierariro wahaihca. M̄ mac̄ to bajuari baharo durucuihca tjoa —niha anjo Zacariare.

²¹ Sopacap̄ jiina masa Zacariare cohtaa niha. “¿Dohse jiro baro tiro Cohamac̄

wahupu jiro, so wijaa taerajari?” ni, cohtaa niha masa tirore. ²² Tuhsu, tiro wahupu jiro wijaa wihi, tina mehne durucu masieraha. “Tiro Cohamacu wahu bajuaire ñno niboca”, ni tūhotu masiha tina. Ñ jiro tiro durucu masierariro jiro to wamomacari mehne yoa cayoha masa ti masihto sehe.

²³ Cohamacu wahu to dahraa pihtichu, tiro to namono mehne tjuaa wahaha ti wahupu. ²⁴ Ti ã tju sūri baharo to namono Elisabe niji pocoro jiha. Ñ jiro ticoro cinco sūri waro masa cahai wahaeraha. ²⁵ Õ sehe ni tūhotuha ticoro: “Mipure yuhure Cohamacu yoadohore juna. Pohna marienico jico buobiaro yuhdahi yahu. Cohamacu to yoadohoro mehne mipure nijinocāre boca ja yahu”, ni tūhotuha ticoro.

Jesu to masa bajuahtore yahuha anjo

²⁶⁻²⁷ Elisabe cinco sūri niji pocoro to ji wahcāchu waro Cohamacu sehe anjore Gabrie wama tirirore nuhmino, ne muu mehne jieraricoro cahapu warocaha. Ticoro María wama tiricoro Nazarei Galilea yahpai jiri macai jia tiha. José wama tiriro jiha to manano cjihto. Tiro panopu macariro Davi cjiro panamino jiti turiariporu jiha. ²⁸ Ñ to warocachu María cahapu sūro, anjo ñ sehe ni yahuha:

—María, ¿jimajari muhu? Cohamacu muhure yoadohoro nina. Muhure noano yoaro nina —niha anjo ticorore.

²⁹ To ã nichu tūhoro, ticoro tuaro wacū tūhotuha. Anjo to yahurire tūhoturo “¿Dohse nino baro yuhure ã nicari?” ni wacūha ticoro. ³⁰ To ã ni tūhotuchu masino anjo ñ sehe ni yahu namoha ticorore:

—María, Cohamacu muhure tuaro cahina. Ñ jico muhure yu yahuhtire tūho cuaecco tjiga. ³¹ Noano tūhoga. Cāiro nijinocāre pohna ticocha muhu. Tirocā to masa bajuari baharo, “Jesu” ni wama pisucohca muhu tirocāre. ³²⁻³³ Tiro tua yuhdūariro jirohca. Ñ jia tirore “Cohamacu Jipihtina Bui Jiroro macunota jira”, ni masihca masa. Mu macu ñuchuno mananopu Davi cjiro Israe masa ti puhtoro to jia tiriro cjiro seheta mu macu cjihto cūhure cūnohca Cohamacu. Ñ jiro jipihitia dachoripe tiro

Israe masare dutirohca. Puhtoro to jihto ne pihtisi —niha anjo.

³⁴ To ã nichu tūhoro María sehe ñ sehe ni sinituha:

—¿Dohse yuhu manu mariapacohca pohna tibocari yuhu? —niha ticoro.

³⁵ To ã nichu tūhoro anjo ñ sehe ni yuhtihia:

—Espíritu Santo to tuua mehne muhure nijinocāre bocachu yoarohca. Ñ jiro Cohamacu Jipihtina Bui Jiroro to tuua muhure to masuhca caharo seheta bajuaeraparota tarohca muhure. Ñ jia “Cohamacu macuno, ñaa buhiri tia marieriro jira”, niahca masa mu macure. ³⁶⁻³⁷ Cohamacu jipihtiare yoa masina. Ñ jiro mu coyeacoro Elisabe cūhu bucoro waro jiparota mipure niji pocoro jira ticoro. Ticoro pohna tirohca munocāre. Masa ticorore “Nijinocā boca masienico jira”, ti nirocoro cjiro mipure nijinocāre to bocari baharo seis sūri waro wahara —niha anjo Maríare.

³⁸ To ã nichu María ñ sehe ni yuhtihia:

—Yuhure tūhoga. Mari puhtoro to cahamacono jija yuhu. Mu niroro seheta yuhure ã wahajaro —niha ticoro.

To ã niri baharo anjo wahaa wahaha.

María Elisabere ñno wahaha

³⁹ To ã niri baharo María tūyucari jiri yahpapu Judea yahpai jiri macapu ño duaro wahaa wahaha. ⁴⁰ Tōpu sūro, Zacaria ya wahupu sāano, “¿Jimajari?”, niha ticoro Elisabere. ⁴¹ To ã nichu Elisabe to tūhochata, to macuno sehe niji suhtiropu jirocā ñuhmiha. Elisabe Espiritu Santo to dutiroro seheta yoa pahñoricoro jiro, to tuaare cjaricoro jiha. ⁴² Ñ jiro tuaro wahchea mehne ticoro bisiro durucuha:

—Jipihitia numia yuhdoro muhure noano yoahre Cohamacu. Mu macu cūhure noano yoahre Cohamacu. ⁴³ Cue, yu puhtoro pocoro yu cahai mu tachu noano yoara yuhure Cohamacu. ⁴⁴ Mu yuhure “¿Jimajari?” mu nichu yu macu sehe niji suhtiropu jirocā wahchea mehne ñuhmihti yuhure. ⁴⁵ Cohamacu to niroro seheta yoarohca. Ñ jico to yahurire tūhoricoro jico wahchericoro jira muhu —niha Elisabe Maríare.

⁴⁶ To ã nichu María ñ sehe ni yuhtihia:

“ ‘Cohamacu noariro, tuariro jira’, nija. Yuhu noano yajeripohna tija.

⁴⁷ Cohamacu yuhure pichacaru wahaboricorore yoadohoriro jira.

Ã jiro mipure yuhure noano wahchea mehne jichu yoara.

⁴⁸⁻⁴⁹ Tiro yuhure to cahamaconore wacuri jira. Cohamacu tua yuhdariro noaa dihtare yuhure yoadohohre.

Ã jia mipure ‘Ticorore Cohamacu noano yoahre’, jipihtina masa ã ni, durucuahca yuhure.

Cohamacu ñaa marieriro jira.

⁵⁰ Jipihtia dachoripe jipihtina tirore ño payoinare tiro pja ñariro jira.

⁵¹ Cohamacu to tuaa mehne yoaha. ‘Painare yuhdurucaja’, niinare yuhdurucaha tiro.

⁵² Puhtoare cohãha tiro. Ã jiro cahamaca sehere tiro puhtoa yoaro seheta cãha tinare.

⁵³ Juca baaina cjirire tiro noaa chure waha. Tuhsu, payu cãaina cjirire paye baro cãaeraina yoaha tiro.

⁵⁴⁻⁵⁵ Mari ñuchusuma cjirire to yahu cãiro seheta yoa pahnoha Cohamacu.

To cahamaca Israe masare tiro yoadohoha. Abrahã cjirire mari ñuchusuma cjirire jipihtina to coyea to baharo jiina cãhure Cohamacu jipihtia dachoripe ã pja ñarurucuriro jia tiha.

Tinare to yahu cãrre boeraha Cohamacu”, niha María.

⁵⁶ Tia sã waro Elisabe mehne jiha ticoro. Tó puro to jiri baharo to ya macaru tjuaa wahaha María.

João masa bajuaha

⁵⁷ Elisabe to niji wahcõri baharo to macuno masa bajuaha. ⁵⁸ Ã jia Cohamacu ticorore to ã noano yoachu to ya maca macaina to coyea cãhu ticoro mehne wahcheha. ⁵⁹ Ocho dachori to masa bajuari baharo, to pucsuma tirocãre mahanocã to pjacu cahsarocãre yihso dutia taa niha. Ã jia tina mehne macaina ti caharu sãha ti yihsochu ñha taa. Tina mehne macaina Zacaria to pucuro wamare tirocãre wamoa duamaha. ⁶⁰ Ti ã wamoa duapachuta to pocoro õ sehe niha:

—To pucuro wamare wamoeraja. João wamoanahca tirocãre —niha ticoro.

⁶¹ —Mũ coyea ne cãiro João wama tiriro mariahna —niha tina ticorore.

⁶² Ã jia ti wamomacari mehne yoa ño, Zacariare õ sehe ni sinitu ñaha tina:

—¿Mũhu waro dohse wamoa duajari mũ macure? —ni sinitu ñaha tirore.

⁶³ Ti ã nichu tiro sehe joahti pjine siniroca, ñaha, joaha: “Yũ macu João wama tirohca”, ni joaha Zacaria. To ã ni joachu tina sehe cãaa wahaha. ⁶⁴ To ã ni joari baharo tirore durucuchũ yoaha Cohamacu. Ã jiro tiro durucua wahaha juna:

—Cohamacu tuariro, noariro jira —niha tiro.

⁶⁵ To ã ni durucuchũ tãhoa tó macaina cãaa wahaha. Ã jia ahri jipihtiare Judea yahpa macainare tãyucu watoi jünare masa yahu siteha. Ã jia masa tó macaina noano masi pihtia wahaha. ⁶⁶ Jipihtina tãre tãhoa wacũha. “Cohamacu tuaare ahrirocã cãara. Ã jiro wiho jiriro jierara ahrirocã”, ni tãhotuha masa.

Zacaria Cohamacure ño payoha

⁶⁷ Ã yoa to pucuro Zacaria sehe Espiritu Santo to dutiriro seheta yoa pahnoriro jiro to tuaare cãariro jiro Cohamacu yare õ sehe ni yahuha:

⁶⁸ “Mari Israe masa Cohamacure, mari puhrore wahche payojihna mari. To yaina jija mari.

Ã jiro tiro mari caharu wihiro, marine yoadoho, noano yuhduchu yoaro taro nina.

⁶⁹ Cohamacu marine, pichacaru wahaborinare yuhduchu yoahrtirore, tua yuhdarirore warocara.

Ahriro marine yuhduchu yoahrtiro cjihto sehe Cohamacure dahra cohtariro Davi cjiriro panamino ji turariro jira.

⁷⁰ Panopure to yaina waro, to yare yahu mũhtaina cjirire ahri õ sehe wahahto cjihtore yahu cũ mũhta tuhsu tiha.

⁷¹ ‘Mũsare ñu tuhtiinare, jipihtina mũsare ñano yoainare ducataihtja’, ni cãha Cohamacu marine.

⁷² Mari ñuchusuma cjiripure ‘Mũsare pja ñu, yoadohoihtja.

Musare yu yahu cūrire wacūihtja', niha Cohamacu.

Tí pjarure to ni cūriro seheta mipure marine sohtori tiro taro nina.

⁷³⁻⁷⁵ Panopure õ sehe ni cūa tiha Cohamacu Abrahāre: 'Potocā niita nija mūhure.

Mu coyea baharopu ji nunuhtinare paina tinare ti űu tuhtichu, yuhu sehe tinare ducataihtja.

Ā jia mu coyea sehe ne cuiro marieno yu dutiare yoa, yuhure űo payoahca.

Tina ti catiro puro yu űurocaroi buhiri marieno, quihōno jia tiina jirucuahca', ni yahu cūa tiha Cohamacu mari coyeiro Abrahā cjirore",

niha Zacaria. Ā ni tuhsu tiro to macuño cūhure õ sehe niha tjoa:

⁷⁶⁻⁷⁷ "Macu, mūhure õ sehe niahca masa: 'Cohamacu Jipihtina Bui Jiriro yare yahu mūhtarirota jira', ni masiahca mūhure.

Mūhu mari puhtoro Cristo to tahto panore masare yahuyui wahaihca.

Ā yahuyui wahacu, õ sehe ni yahuyuihca tinare: 'Mari puhtoro tarohca.

Tiro musa űaa yoari buhiri tiare cohā, pichacapu wahaborinare yuhdorohca musare', ni yahuihca mūhu.

Ā ni yahucu, mari puhtoro to tahtore cahnoyu dutii niihca mūhu tinare.

⁷⁸ Cohamacu sehe marine tuaro pja űuriro ji, marine noano yoariro jitjiāno, tiro marine pichacapu wahaborinare yuhduchu yoa duara.

Ā jiro tiro Cristore buhriaro yoaro sehe jirirore mari cahapu warocara.

⁷⁹ Tiro mari cahai wihiro marine pichacapu wahaborinare nahitiano waropu jimarinare buhriaro marine to noano űu bocachu yoaro seheta Cohamacu ya potocā ni yahuaire masichu yoarohca tiro.

Ā yoa mari tiro mehne cūno mehne mari noano ji masihtu cjihto cūhure yahurohca marine", niha Zacaria.

⁸⁰ Ā yoa Zacaria macuño noano pjacu tiriho bucūaha. Ā bucūaro, Cohamacure tuaro űo payoriro jiha. Tuhsu, yoari pja

masa marienopu jia tiha. Israe masare buhe ducaro tópuṭa to jiriro cjiroi jia tiha.

2

Jesu masa bajuaha (Mt 1.18-25)

¹ Tí pjare jipihtia yahpari macaina bui puhtoro Augusto jia tiha. Ā jiro jipihtinare quihō dutiha. ² Ahrina masare ti coā quihō ducachu Siria yahpa macaina puhtoro Cirenio wama tiriho jiha. ³ Ā jia jipihtina ti űuchusuma panopu macaina ya macaripu ti wamare joa õa wahaha. ⁴ José cūhu Nazarepu Galilea yahpai jiri macapu jina waha, Judea yahpapu Belē wama tiri macapu sūha. Puhtoro Davi cjiro panopu macariro to masa bajariro jiha Belē. José Davi cjiro panamino ji turiariro jiro puhto masare to quihō dutichu tuhoro Belēpu to wamare joa õ dutiro wahaha. ⁵ Ā jiro tiro María to namono cjihto mehne tópu to wamare joa õ dutiro sūha. Ticoro sehe wihārirocāre cjuaro caharicoro jiha. ⁶ Ā jiro Belēpu sūro ticoro niji wahcōha. ⁷ Tópuṭe masa ti carīri wūhu ne mu sūeraha tinare. Ā jiro ticoro pohna ti tuhsu, tirocāre suhtiro mehne coma, wachūa ti chūri wahwai, tja bui tirocāre duhu payoha. Tirocā wahma to pohna ti mūhtarirocā jiha.

Anjoa ovejare űu wihboinare bajuaha

⁸ Tí űamine campopu ovejare űu wihboina ti yaina ovejare űu wihboa niha. ⁹ Tópu ti jichu Cohamacu warocariro anjo tinare bajuaha. To ā bajuachu Cohamacu to si sitea tinare buhriaha. To ā si sitechu űūa, ovejare űu wihboina cuia wahaha. ¹⁰ Ti ā wahachu anjo tinare õ sehe ni yahuha:

—Noaa quitire musare yahui taja. Jipihtinare masare wahchecu yoarohca ahri quiti. Ā jina yuhure cuiena tjiga musa.

¹¹ Micha űamine puhtoro cjiro Davi ya macapu musare pichacapu wahaborinare yuhdohtiro, Cristo Cohamacu warocariro mari puhtoro masa bajua tuhsūhre.

¹² Suhtiro mehne comariro wachūa chūri wahwa bui ti duhu payoriro musa űuhtiro tiro tjirohca —ni yahuha anjo tinare.

¹³ To ã nichuta payu mũano macaina ji mũhtariro anjo mehne Cohamacure wahche payoha. Ô sehe ni wahche payoha tina:

¹⁴ “Cohamacure mũano macarirore ño payojihna.

Ã jia Cohamacu to cahĩina cuiro marieno cahmacheno marieno noano jijaro”, ni wahche payoha anjoa peri.

¹⁵ ã ni wahche payo tuhsu mũanopu ti mujari baharo ovejare ñu wihboina sehe ti basi cahma durucuha:

—Ahrire Cohamacu marine to yahurire Belẽpu basa ñujihna —niha tina ti basi.

¹⁶ ã nia ño duaro waha wahaha tina. Marĩare, Josere boca su, wihãrirocãre wachua chãri wahwai ti duhu payorirocãre ñuha tina. ¹⁷ Ovejare ñu wihboina tirocãre ñu tuhsu anjo wihãrirocãre to yahurire yahu turiaha painare. ¹⁸ Ti ã ni yahu turiachu jipihtina tinare tuho cuaa wahaha. ¹⁹ Ahri jipihtiare Marĩa wacũ tuhoturucuha. ²⁰ ã yoa ovejare ñu wihboina sehe anjo to yahuriro seheta jichu ñua, “Cohamacu tuariro jira”, ni wahcheha. ã ni wahche, majare tjuaa wahaha.

Cohamacu wuhupu Jesu pucsuma tirocãre naaha

²¹ Cũ somana baharo wihãrirocã to pjacure mahanocã cahsarocãre yihso na tuhsu tirocãre tina Jesu wamoaha. Jesure wahma to bocahto pano anjo sehe “ ‘Jesu’ ni wama pisuga tirocãre”, ni yahu tuhsuha. ã jia tirocãre “Jesu” ni wama pisuha.

²² Cohamacu dutia Moise to yahuriro seheta yoaa taa José, Marĩa mehne Jerusalẽpu wahaha. Tõpu wahaha Marĩa to pohna tiri baharo to noaricoro to wahari baharo to ã waharire ñono taro. ã waha, tina Jesucãre naa wahaha. Tirocãre Cohamacure “Ahrirocã mũ yairo cjihto jira”, ni ñoa wahaha. ²³ Ô sehe yoaha Cohamacu yare ti joari pũi to yoa dutiriro seheta. “Jipihtina mũsa pohna wahma bajua mũhtainacãre Cohamacure ñoga. ‘Ahrirocã mũ yairo cjihto jira’, ni ñoga”, ni dutia tiha Cohamacu.

²⁴ ã ño tuhsu Cohamacu to yoa dutiriro seheta tina minichahcare waa wahaha Cohamacure ño payoa. Ô sehe dutia tiha

Cohamacu: “Bujaa puaro waga yuhure. O tina mariachu urĩtua wihãinacã puaro waga yuhure ño payona”, ni dutia tiha Cohamacu. To yoa dutiriro seheta yoaha tina ticoro pjacu noari pjacu to waharire ñoa taa.

²⁵ Jerusalẽi Simeo wama tiriro jiha. Tiro quihõno yoariro, Cohamacure ño payoriro jiro, Cohamacu Israe masare to yoadohotire cohtariro jiha. Tiro Espĩritu Santo to nino sehe yoariro jiha. ²⁶ ã jiro tiro to yariahto pano Cohamacu to warocahtirore Cristore to ñuhti cjihtire tó pano yahu tuhsuha Espĩritu Santo tirore Simeore. ²⁷ ã jiro Espĩritu Santo tirore to dutichu Cohamacu wuhupu sãa wahaha. To sãa sũri baharo Jesu pucsuma ti macunocãre na sãaha. Cohamacu to dutiriro seheta yoaa niha. ²⁸ Simeo sehe tirocãre wua na, Cohamacure ño payo, “Noana” ni, tiro mehne durucuha.

Ô sehe niha tiro Cohamacure:

²⁹⁻³² “Mĩpu pinihtare puhtoro, mũ niriro seheta jipihtina masare pichacapu wahaborinare yuhduchu yoahitiro cjihtore warocahre mũhu.

Tiro judio masa jierainare buhero mũhure noano masichu yoarohca tinare.

Masare yuhdohtiro Israe masunore mũhu cũha.

Sã coyeirore Israe masunore mũ cũchu jipihtina masia, ‘Israe masare noano yoara Cohamacu’, niahca masa.

Ahrirocã sãre yuhduchu yoahitiro jira.

ã jicu ahrirocãre ñu tuhsucu, mĩpũre noano wahcheriro yarialhca”,

niha Simeo.

³³ Simeo tirocãre to ã nichu Jesu pucsuma sehe tuho cuaa wahaha. ³⁴ ã jiro Simeo tinare “Noano jiga mũsa” nino, tiro Marĩa Jesu pocorore ô sehe ni yahuha:

—Cohamacu ahrirocãre beseha. To ã beseiro to jipachuta judio masa payu tirore yuhdurũcaahca. ã yoaa tina pichacapu wahaahca. Judio masare payu yuhdohtirore Cohamacu beseha tirocãre. Tiro Cohamacu yare yahuriro to jipachuta masa payu tirore ñano ni yahu wajaahca. ³⁵ Ti ã yoachu paina ti ñano wacũare masiahca. ã jico mũhu tuaro cahyacohca —niha Simeo Marĩare.

³⁶ Tóí Cohamacu yare yahu mahtaricoro Ana wama tiricoro jiha. Ticoro Fanuel macono jiro, Aser cjiro ya curua macaricoro jiha. Burocoro waro jiha. Ticoro nuhmino jiro manu tiha. ã yoa siete cūhmari to manno mehne jiha. Tó puro to jiri baharo to manno variaha. ³⁷ ã jiro ochenta y cuatro cūhmari waro wapewahyoro jia tiha ticoro. ã jiro ticoro dachopu cūhure ñamipu cūhure Cohamacu yare yoaro taro chūaeraro, Cohamacu mehne durucu, Cohamacu wūhure ne wijaaera tiha. ³⁸ Simeo to durucuro watoi ticoro tina cahai wihiro, wahchero Cohamacure “Noana”, niha. ã jiro Jerusalē macainare pichacapu wahaborinare yūhdohtirore cohtainare ticoro Jesucāre yahuha tina jipihtinare.

José, María, Jesu mehne Nazarepu tjuaa wahaha tjoa

³⁹ Cohamacu to dutiriro seheta yoa tuhsu, tina ti ya macapu Nazarepu tjuaa wahaha. Galilea yahpai jiha tí maca Nazare. ⁴⁰ Jesu sehe noano bucu, tuariro wahaha. ã jiro tiro noano tūho masiriro bucuaha. Cohamacu tirore noano yoaha.

Jesu wahma wahma tariro jiro, Cohamacu ya wūhūi judio masare buheina mehne sūhūduro niha

⁴¹ Cūhmaripe Jesu pūcusuma Jerusalēpu pascua nūmarine bose nūmarine yūhdoa wahaa tiha. ⁴² ã jia Jesu doce cūhmari to cūachū waro tí yoarucuriro seheta tina jipihtina Jerusalēpu bose nūmarine yūhdoa wahaha tjoa. ⁴³ Tí macapu sū, tí bose nūmarine yūhdo tuhsu tina ti ya macapu majare tjuaa wahaha tjoa. Wiho mejeta Jesu sehe ti ã majare tjuaapachūta, Jerusalēpu tjuanocaha. To pūcusuma sehe tíre to tjuarire masieraha. ⁴⁴ “Paina mari mehne macaina mehne taca mari macu”, ni tūhotumaha tina. ã jia tina cū dacho waro noano Jesu marieno waharucumaha. Tí dacho pihtichū waro tina Jesure tí coyea watoi ã jichū tí ñū masina watoi cūhure macamaaha. ⁴⁵ Wiho mejeta ne bocaeraha. ã jia tina pari turi Jerusalēpu majare tjuaa wahaha tjoa, tirore macaa wahaa.

⁴⁶ Tia dacho baharo Cohamacu wūhū wijaroi tirore boca sūha. Tóí Jesu judio masare buheina watopu duji, tinare tūho, tinare sinituro niha. ⁴⁷ Tina jipihtina Jesure to quihōno yūhtichū tūhoa noano masirirocā to jichū ñūa, tina cūaa wahaha. ⁴⁸ Jesu pūcusuma cūhū tirore ñūa, tina cūhū cūaa wahaha. ã jiro to pocoro tirore ò sehe niha:

—Macu, ¿dohseacu ã yoari mūhū sāre? Sā mū pūcusuma pjiro tūhotu, cahya, macana nihi mūhūre —niha ticoro to macunore.

⁴⁹ To ã nichū tūhoro tiro to pūcusumare ò sehe ni yūhtiha:

—¿Dohseana yūhūre macari mūsa? Yū Pūcu waro ya wūhūi ji to dutiriro seheta yoai nija. ¿Tíre masierajari mūsa? —niha tiro tinare to pūcusumare.

⁵⁰ To ã ni yahupachūta tina to yahuare tūho ñahaeraha.

⁵¹ ã yoari baharo, Jesu to pūcusuma mehne Nazarepu tjuaa wahaha. Tju sū, to pūcusumare ne yūhdūcaerariro jia tiha tiro. Ahri jipihtia to yoarire ñūno María noano tūhotu, wacūrucua tiha. ⁵² ã yoa Jesu bucu, noano tūho masiriro wahaha. Tó sehe jiriro to ji bucuachū ñūno, Cohamacu sehe tirore noano ñū ji coa, tuaro cahūa tiha. Masa cūhū tirore tó seheta noano ñū ji coa, tuaro cahūa tiha.

3

João masare bautisariro masare Cohamacu yare yahuha

(Mt 3.1-12; Mr 1.1-8; Jn 1.19-28)

¹ Tí pjare ti bui pūhtoro jiriro Tiberio wama tiriro to pūhtoro jiri baharo quince cūhmari wahaha. Tuhsū, Poncio Pilato wama tiriro sehe Judea yahpa macaina pūhtoro jiha. ã yoa Herode wama tiriro sehe Galilea yahpa macaina pūhtoro jiha. To bahūro Felipe sehe Iturea yahpa macaina, Traconite yahpa macaina cūhū ti pūhtoro jiha. Tuhsū, Lisanas wama tiriro Abilinia yahpa macaina pūhtoro jiha. ² Tí pjare Ana, Caifa mehne jipihtina sacerdotea bui pūhtoah jiha. Ahrina jipihtina ti jiri pjare João Zacaria macūno masa marienopu jirirore Cohamacu sehe tirore to yare buhe dutiha. ³ ã jiro Jordāo wama

tiri ma dũhtũ cahai jiri yahpai jipihtiropũ João buhero wahaha:

—“Noaina jija sã”, ni mũsa tũhotumari cjirire tũhotu cohtota, Cohamacũre cahmaga mũsa. ã yoana tíre mũsa yoarire ñona tana, bautisaina jiga. Mũsa ã cohtotachũ ñũno Cohamacũ mũsa ñaa buhirire borohca —ni buhea tiha tiro.

⁴ Isaia cjiro panopũ macariro Cohamacũ yare yahu mũhtariro to joariro seheta ahriro João yoaro niha. Õ sehe ni joaa tiha Isaia cjiro João to buhehtore:

“Masa marienopũ durucu sañurucuro ò sehe ni buherohca: ‘Mari pũhtoro to tahto pano “Noaina jija sã”, ni mũsa tũhotumari cjirire tũhotu cohtota, Cohamacũre cahmaga mũsa.

⁵ Pja wũhtũri, pja buri cũhũre noari wapa mari yoariro seheta, tuhcu maharine potoa mahari mari yoariro seheta, ñaa maharine noaa maharine mari yoariro seheta, wetere mũsa cosariro seheta mũsa ñaa tũhotuare cohtota, cahno mũhtagã mũsa.

⁶ Mũsa ã yoachũ Cohamacũ mũsare pichacũ wahaborinare to yũhdũchũ yoachũ ñũahca jipihti ahri yahpa macaina’, ninohca tiro sañurucu yahuriro sehe”,

ni joaa tiha Isaia cjiro panopũre.

⁷ Masa payũ João cahai wihia tiro tinare bautisachũ cahmaha tina. ã jiro tiro tinare ò sehe ni yahuha:

—Agãa ñima tiina yoaro seheta masare dojomehneina, cui duhti duaina jira mũsa. Mũsa ñaa yoarire mũsa cahya, duhu duaerari buhiri Cohamacũ to buhiri dahrehto pano duhti masierara mũsa. ⁸ Potocãta mũsa ñaa tũhotumarine cohtotaina jina, Cohamacũre cahmaina jina, tíre mũsa yoaa mehne ñoga. Õ sehe ni tũhotu wisiena tjiga. “Panopũ macariro Abrahã mari ñũchũ cjiro jia tiha. ã jina to panamana jina mari Cohamacũ yaina jija”, ni tũhotu wisiena tjiga mũsa. Mũsare niita nija. Abrahã panamana mũsa jiina jimana mũsa. Mũsa ã jipachũta tí mũsa ã jia yaba cjihti jierara. Cohamacũ sehe ahri tãa mehne Abrahã coyeare dahre masina. ã jiro Abrahã coyea mũsa jia wiho waro jira

tãa ti wiho waro jiro seheta. ⁹ Õ sehe jira: Masa yucũri yoaro seheta jira. Cohamacũ sehe coma mehne yucũrire cjã cohãriro yoaro sehe jira. ã jiro noaa dicha maria yucũre nũhcõri mehneputa cjã cohãnohca tiro. Tíre to cjã cohãri baharo, pichacapũ jũ cohãnohca tiro. (ãta yoaro taro nina masa cũhũre tirore cahmaerainare) —ni yahuha João masare.

¹⁰ To ã nichũ tũhoa masa sehe tirore ò sehe ni sinitu ñũha:

—¿Dohse yoanahcari sã? —niha tina Joãore.

¹¹ —Pũa suhtiro cjũariro suhti mari-erirore cũno waga. ã yoa mũsa chũa cjũana paina cũhũre waga —niha João.

¹² Mahainacã pũhtoa ya cjihtire wapa na cohtaina cũhũ tinare to bautisachũ cahmaha. ã jia João cahai wihia, tirore ò sehe ni sinituha:

—¿Buheriro, sã sehe dohse yoanahcari sã? —niha tina tirore.

¹³ —Mũsa pũhtoa ti wapa na dutiro purota masare wapa naga. Mahño na namoena tjiga —ni yahuha João tinare.

¹⁴ Paina surara tirore ò sehe ni sinituha tjoa:

—¿Sã sehe dohse yoanahcari? —niha tina tirore tjoa.

—Masa ti niñerure maena tjiga. ã yoana mahñoa mehne ti niñerure naena tjiga. Mũsare ti waparo purota wahchega —ni yahuha João.

¹⁵ Masa Cristore Cohamacũ to waroc-ahtirore cohtaa niha. ã jia ò sehe ni tũhotu dũcaha tina Joãore. “Ahriro João sehe Cristo jiboca”, ni tũhotumaha tina.

¹⁶ Ti ã nichũ tũhoro João jipihtinare ò sehe ni yahuha:

—Yũ baharo yũ yũhdoro tuariro tarohca. Noa yũhdũariro jira tiro. Tiro yoaro sehe jieraja yũhũ sehe. ã jicũ tirore tũhotucũ, “Wiho jiriro jia yũhũ”, ni tũhotuja yũhũ. Yũhũ sehe mũsare bautisacũ co mehne yoamahi. Tiro sehe yũ yũhdoro yoarohca. Espĩritu Santore masa mehne ã jirucuchũ yoarohca. Wiho mejeta paina sehere ti ñaare tũhotumari cjirire tũhotu cohtota du-aeraina sehere tiro pichaca mehne buhiri dahrerohca. ¹⁷ Yũ baharo tariro cahsarire cohãriro yoaro sehe jira. Cahsarire

cohãriro to batiro mehne jipihtia to trigo yapari cahsarire putiwera. ã yoa tuhsu trigo sehere to wihbori wuhui cũnohca. Tó sehetã yoarohca ti tirore cahmainare yu baharo tariro. To putiwea cahsari sehere tiro jũnohca. Tí cahsarire to jũri pichaca ne yatisi. (Ãta yoarohca tiro yu baharo tariro tirore cahmaerainare) —ni yahuha João.

¹⁸ Payu to ã ni yahua mehne masare noaa buheare yahuha João. ¹⁹ Tuhsu, puhtoro Herode sehe to baharo Felipe namonore to namo tiri buhiri, pjiro ñaare to yoari buhiri cãhare João tirore yahumaha. ²⁰ To ã ni yahuri buhiri Herode sehe ñaare yoa namoha, Joãore peresu yoaro.

João Jesure bautisaha
(Mt 3.13-17; Mr 1.9-11)

²¹ Joãore ti peresu yoahito pano paina masare João sehe bautisaro niha. Tinare bautisaro Jesu cãhare bautisaha. To ã bautisachu, Jesu diapu ducuriro Cohamacure to sinino watoí mũano parí mũa wahaha. ²² To parí mũari baharo Espiritu Santo buja yoaro sehe Jesu buipũ duji taha. To ã duji tachũ mũanopũ durucuro coa taha:

—Mũhu yu macũ yu cahĩriro jira. Mũhu mehne wahcheja —nino coa taha mũanopũ.

Jesu coyeyã panopũ macainare yahua jira ahri
(Mt 1.1-17)

²³ Jesu to buhe ducari cãhmare treinta cãhmari cjuaha tiro. “Tiro José macũno jira”, ni tahotumaha masa. José sehe Elí macũno jiha. ²⁴ Elí Matat macũno jiha. Matat Leví macũno jiha. Leví Melqui macũno jiha. Melqui Jana macũno jiha. Jana José macũno jiha. ²⁵ José Matatías macũno jiha. Matatías Amós macũno jiha. Amós Nahum macũno jiha. Nahum Esli macũno jiha. Esli Nagai macũno jiha. ²⁶ Nagai Maat macũno jiha. Maat Matatías macũno jiha. Matatías Semei macũno jiha. Semei Josec macũno jiha. Josec Joiadá macũno jiha. ²⁷ Joiadá Johanán macũno jiha. Johanán Resa macũno jiha. Resa Zorobabe macũno jiha. Zorobabe Salatí macũno jiha. Salatí Neri macũno jiha. ²⁸ Neri Melqui macũno jiha. Melqui Adi

macũno jiha. Adi Cosam macũno jiha. Cosam Elmodam macũno jiha. Elmodam Er macũno jiha. ²⁹ Er Josué macũno jiha. Josué Eliezer macũno jiha. Eliezer Jorim macũno jiha. Jorim Matat macũno jiha. ³⁰ Matat Leví macũno jiha. Leví Simeo macũno jiha. Simeo Juda macũno jiha. Juda José macũno jiha. José Jonan macũno jiha. Jonan Eliaquim macũno jiha. ³¹ Eliaquim Melea macũno jiha. Melea Mená macũno jiha. Mená Matatá macũno jiha. Matatá Natán macũno jiha. ³² Natán Davi macũno jiha. Davi Jesé macũno jiha. Jesé Obed macũno jiha. Obed Booz macũno jiha. Booz Sélah macũno jiha. Sélah Nahasón macũno jiha. ³³ Nahasón Aminadab macũno jiha. Aminadab Admín macũno jiha. Admín Arní macũno jiha. Arní Esrom macũno jiha. Esrom Fares macũno jiha. Fares Juda macũno jiha. ³⁴ Juda Jacobo macũno jiha. Jacobo Isaa macũno jiha. Isaa Abrahã macũno jiha. Abrahã Taré macũno jiha. Taré Nahor macũno jiha. ³⁵ Nahor Serug macũno jiha. Serug Ragau macũno jiha. Ragau Péleg macũno jiha. Péleg Éber macũno jiha. Éber Sélah macũno jiha. ³⁶ Sélah Cainán macũno jiha. Cainán Arfaxad macũno jiha. Arfaxad Sē macũno jiha. Sē Noé macũno jiha. Noé Lame macũno jiha. ³⁷ Lame Matusalē macũno jiha. Matusalē Enoco macũno jiha. Enoco Jared macũno jiha. Jared Mahalaleel macũno jiha. Mahalaleel Caina macũno jiha. ³⁸ Caina Eno macũno jiha. Eno Sete macũno jiha. Sete Adão macũno jiha. Adão Cohamacu to yoariro jiha.

4

Watĩno ñaare yoa dutimaha Jesure
(Mt 4.1-11; Mr 1.12-13)

¹ Jesu Espiritu Santo to dutiro sehetã yoa pahñoriro jiro, tiro Jordão wama tiri mapũ jiriro tjuaa wahaha. To ã tjuaa wahachu Espiritu Santo sehe tirore masa marienopũ naaha. ² Tópũ sũro cuarenta dachori waro jiha. Tópũ to jiro wato watĩno sehe Jesure ñaare yoachu cahmamaha. ã jiro ñaare yoa dutimaha tirore. Tí dachorire Jesu chũeraha. ã jiro tí dachori pihtichũ waro tiro jũca baaha.

³ To ã jũca baachũ ñũno watĩno ò sehe nimaha Jesure:

—Mũhũ Cohamacũ macũno jicũ, ahria tãcare chũa dojomehnega —nimaha Jesure.

⁴ Jesu ò sehe ni yũhtiha:

—Yoeraja. Cohamacũ yare ti joari pũi ò sehe nina: “Masare chũa mehne dihta catieraro cahmana. [Jipihtia Cohamacũ ya yahua mehne jiro cahmana]”, nina Cohamacũ —ni yũhtiha Jesu watĩnore.

⁵ To ã niri baharo watĩno sehe tirore tãcũ mũadu buipũ na mũja sũrota jipihtia macari perire ño bahrañoha Jesure. ⁶ ã ñono Jesure ò sehe ni yahuha:

—Jipihtia ahri macari yũhũre to wari cjiri jira. ã jicũ yũ cahmarirore wa masija. ã jicũ ahri macarine, ti cjũaa mehne mũhũre waihtja. (Yũ ã wachũ ahri macari macainare mũhũ dutiĩhca.) ⁷ Yũhũre mũ ño payochũ ahri macari jipihtia macarine mũhũre waihtja —niha watĩno Jesure.

⁸ Jesu ò sehe ni yũhtiha tirore:

—Mũhũre ño payoeraja. Ò sehe nina Cohamacũ yare ti joari pũi: “Mũ pũhtoro Cohamacũ dihtare ño payoga. To ya dutia dihtare yoaga”, ni joaa tiha Cohamacũ yare —niha Jesu watĩnore.

⁹⁻¹¹ To ã niri baharo Jerusalẽpũ watĩno sehe tirore na wahcã, Cohamacũ wũhũ bui na sũha tirore. Na sũ tuhsũ tirore ò sehe nimaha:

—Cohamacũ yare ti joari pũ ò sehe nina: “Cohamacũ yaina anjoare mũhũre ñũ wihbo dutirohca. ã jia tina sehe mũhũre ñũ wihboahca, ‘Mũhũpũ tãcapũ pũha tu mũari’ nia”,

ni joaa tiha Cohamacũ yare ti joari pũi. To ã niri quihõno jichũ mũhũ Cohamacũ macũno jicũ, yahpũpũ pju bora ño ñũjũta yũhũre. Mũhũre yoadohochũ ño ñũjũta yũhũre —niha watĩno Jesure.

¹² Jesu pju bora ño duaeraro ò sehe ni yũhtiha tirore:

—Cohamacũ yare ti joari pũi ò sehe nina: “Mũsa pũhtoro Cohamacũ to niri cjirire ‘¿Potocã tjijari?’ ni masi duana, Cohamacũre yoa ño duti macaena tjiga”, nina Cohamacũ yare ti joari pũi —niha Jesu watĩnore.

¹³ ã jiro watĩno jipihtia ñaare Jesure yoa dutimaha. ã duti tuhsũro mahanocã duhu wahcãsiniha.

Galilea yahpai Jesu buhe dũcaha
(Mt 4.12-17; Mr 1.14-15)

¹⁴ Baharo Jesu Galileapũ tjuaa wahaha. ã jiro, tiro Espĩritu Santo tuua mehne yoaha. Tói jipihtiropũ masa tirore quititiha. ¹⁵ Judio masa buhea wũhũsei tiro buhea tiha. ã jia jipihtina masa tirore noano durucuha.

Nazare macaina Jesure ne cahmaeraha
(Mt 13.53-58; Mr 6.1-6)

¹⁶⁻¹⁷ Baharo Nazarepũ Jesu to bũcũariropũta tju sũha. Tópũ tju sũro, Sabado jichũ to ã yoarucuriro seheta tiro judio masa ti buheri wũhũpũ sãa sũha. Tói tiro Cohamacũ yare ti joari pũre buhero taro ducuha. To ã ducuchũ ñũa tó macaina sehe Cohamacũ yare yahu mũhtariro Isaia cjiro to joari pũre tirore waha. Tí pũi Jesu ahri yahua bocaro buheha:

¹⁸ “Cohamacũ to Espĩritu yũhũ mehne jiro, yũhũre dutira.

Tiro pjacũoinare noaa buheare yahu dutiro warocare yũhũre.

ã yoa peresupũ jiina cãhũre tinare to yũhdohtore yahu dutiro warocare yũhũre.

Capari ñũeraina ti noano ñũhto cjihtore, painare ti ñano ti yoapeinare wiohtiro cjihtore yũhũre warocare.

¹⁹ Mari pũhtoro Cohamacũ to yainare pichacapũ wahaborinare to yũhdohtore yũhũre yahu dutiro warocare”,

ni buheha Jesu.

²⁰ ã ni buhe tuhsũ Jesu ti pũre noari tia turẽnocã, wũhũ macarirore wia tuhsũ, dujiha. To dujichũ ñũa tói jiina jipihtina tiro dihtare ñũha. ²¹ Tí ã yoachũ tiro tinare ò sehe ni yahu dũcaha:

—Ahri michapucacã yũ buheriro seheta Cohamacũ to niriro mũ sũro nina —niha Jesu.

²² To ã nichũ tũhoa “Ahriro noariro jira”, ni tũhotuha tina. ã jia tina to noano buhechũ tũhoa, cũaa wahaha. ã cũaa waha, ò sehe niha tina ti basi:

—Cuenah, ¿José macũno jierajari ahriro? —niha tina ti basi.

23 Ti ã nichu masino Jesu õ sehe ni yahuha tinare:

—Yu buheare tuho duaerana, õ sehe ni tuhotura musa yuhure: “Duhturu dohatiro to basi co ti masina duhturu waro to jiare ñono. Muhu cãhu duhturu to yoa ñono se-heta ma niriro sehe jiriro jicu Cohamacu tuaa mehne yoa ñoga sãre. Capernaupure Cohamacu tuaa mehne yoa ñoyuhti mahu. Sã cãhure ã yoa ñoga, ma buheare ‘Potocã tjira’, sã ni masihtõ sehe”, ni duara musa yuhure.

24 ‘Ahrire yahuihtja musare. Cohamacu yare yahu mahtarirore to ya maca macaina cahmaerara. ã jina yuhure cahmaerara musa õi yu bucuariro jichu. 25 Yuhure tuhoga mipure. Panopu Elia to jiri pjapure tia cãhma noano pa cãhma dacho maca waroi ne coro taeraha. ã jiro jipihtiroputa ne chãa mariaha. Tí pjare payu wapewahya Israe yahpapu ti jipachuta Cohamacu Elia cjirore tinare yoadoho dutiro warocaeraha. (Eliare, Cohamacu ya cãhure ti cahmaerachu ñuno tinare yoadoho dutiro warocaeraha.) 26 To ya macare ã yoa dutieraparota pa yahpai Sidõ cahai jiri macai Sarepta wama tiri maca macaricoro wapewahyorore yoadoho dutiro Elia cjirore warocaha Cohamacu.

27 Baharo Cohamacu yare yahu mahtariro Eliseo cjiro to jiri pjapure Israe yahpapu payu camì baina ti jipachuta cãiro Israe masunore ne noariro wahachu yoeraha Eliseo cjiro. To ya yahpa macainare yoeraparota Naaman wama tirirore Siria yahpa macariro dihtare noariro wahachu yoaha tiro. ã yoaro Israe masare yoadohoeraro, Israe masuno jierariro sehere yoadohoha Cohamacu — niha Jesu tinare.

28 To ã nichu tuhoa jipihtina tí wuhui jiina sua yuhduha wahaha. 29 ã jia tina wahcãruca, Jesure na wijaa, tí maca duhtu cahai jiri canupu tirore tjuroca boro duamaha. 30 Tí ã yoa duapachuta Jesu ti watoihta wahaa wahaha.

Watino to cohtotariro Jesure piti bocaha (Mr 1.21-28)

31 Baharo Jesu Galilea yahpai jiri macapu Capernau wama tiri macapu su, Sabado jichu masare buheha. 32 Tiro noano masi pahñoriro to buhechu tuhoa masa tuho cuaa wahaha. 33 Tí wuhui watino to cohtotariro jiro, õ sehe ni tuaro sañurucuha:

34 —Muhu Jesu Nazare macariro sãre cariboi tjia mahu. ¿Dohse yoai tai nijari sãre? ¿Muhu sãre butichu yoai tai nijari? Yuhu masija Cohamacu macuno, ñaa mari-eriro ma jiare —ni sañurucuha Jesure.

35 To ã nichu tuhorõ Jesu tuhtiha watinore:

—Dihta mariaha. Wijaaahga tirore — niha Jesu.

To ã niri baharo masunore watino sehe yahpapu doca caha su tunuchu yoaro, tirore wijaaah. To ã yoari baharo tiro sehe noariro tjuaha. 36 Tói jiina jipihtina to ã wahachu ñu cuaa wahaha. ã jia ti basi õ sehe ni durucuha:

—¿Yaba baro buhea jijari ahri ã wahachu yoaa? Cuenah. Tuarõ mehne puhtoro yoaro sehetã ahiro watãre dutira. ã jia to dutiro sehetã tina masare wijaaah —ni durucuha tina ti basi.

37 To ã yoachu ñua tí yahpapu jipihtiropu masa Jesu yoarire yahu siteha.

Jesu Simo Pedro marechonore noaricoro wahachu yoaha

(Mt 8.14-15; Mr 1.29-31)

38 Judio masa ti buheri wuhure wijaa, Simo ya wuhupu sãa suha Jesu. Tói Simo marechono dohati, tuaro juaro tiha. ã jia tina ticoro to dohatichu yahuha Jesure.

39 Tí ã yahuri baharo tiro ticoro cahai su, juarore suru dutiha. To ã suru dutiri baharo ticorore juaro surua waha, dóihta noaricoro wahaha. Ticoro ã waharo wahcã nuju su, tinare chãare payoha.

Payu dohatiinare noaina wahachu yoaha Jesu

(Mt 8.16-17; Mr 1.32-34)

40 Sã sãari baharo jipihtina masa tó cahai jiina dohatiinare Jesu cahapu na suha. Dohatiina payu soro jia dohatiare cjuaha. ã jiro Jesu to wamomacari mehne tina bui ña payo, jipihtinare ti dohatiare noano yuhduchu yoaha. 41 Watã cãhure Jesu to

wijaa dutichu tina wijaa wahaa, õ sehe ni sañurucuha:

—Muhu potocãta Cohamacu macano jira —niha tina Jesure.

Jesu Cohamacu warocariro to Cristo to jichu watia masiha. ã jiro Jesu tinare durucu dutieraha, “ ‘Cristo jira’, ni yahu siteri”, nino.

Galilea yahpai buheha Jesu

(Mr 1.35-39)

⁴² Bohrea maha tachu Jesu tí macai jiro waha, masa marienopu suha. To ã suri baharo masa tirore maca, boca suã õ sehe niha:

—Sã ya macai tjuaga. Wahai tjiga —nimaha tina Jesure.

⁴³ Ti ã nipachuta tiro sehe õ sehe ni yuhtiha:

—Cohamacu masare puhtoro to noano suho jiare noaa buheare paye macaripu cãhure buhero cahmana yuhure. Cohamacu yuhure warocare tíre yahuhtirore —niha Jesu tinare.

⁴⁴ ã ni tuhsuro judio masa ya yahpa macaa wuhusei, judio masa ti buhea wuhusei tiro buhe tiniha.

5

Jesu to buheinare payu wahire bocachu yoaha

(Mt 4.18-22; Mr 1.16-20)

¹ Pa namu Jesu Genesare wama tiri bucupariro duhtu cahapu suha. Tói to jichu ñha payu masa Cohamacu yare tãho duaa tirore nunu ti suha. Noano wahpa tarucu suha masa peri. ² Puaria buso paduroi pahsaa busore Jesu ñha. Tí buso macaina wahi wajãina maja suruca, ti wañuyucure cosaa niha. ³ ã jiro Jesu Simo yariapu samua wahaha. Samu tuhsu tia dohoriare dia duhtu cahai coãriare siõ buhu dutiha. Tuhsu, dohoriapu duji, masare buheha.

⁴ Buhe tuhsu, Jesu Simore õ sehe niha:

—Dacho maca cureroi siõ wioga. ã jina mahu mehne macaina mehne maha wañuyucure doca ñoga wahi ñahana —niha Jesu.

⁵ To ã nichu tãhoro Simo Jesure õ sehe ni yuhtiha:

—Puhtoro, wahi maca bohreamahi sã micha ñamine. Bohreapanahta ne cãirocã

wajãerahti sã. ã wajãerapanahta mu dutiro sehetã doca ño ñuhtã —ni yuhtiha Simo.

⁶ ã ni tuhsu tina doca ñoha. ã ti doca ñochu ti wañuyucure payu wahi sãaha. Payu ti sãachu wañuyucu tuhna wahamaha. ⁷ ã wahachu ñha tina paria macainare tina mehne macainare pjirocãha:

—Musa cãhu yoadohona tagã sãre —ni pjirocãha Simo cãhu.

Tina ti ã yoadohori baharo puaria buso noano minipahro bocaha wahire. ⁸ Simo Pedro ã wahi payu ti sãachu ñano, Jesu panoi na tuhcuã cãha su, tirore õ sehe ni yahuha:

—Yu puhtoro, mahu mehne jiboriro jieraja yuhu. Ñariro jija yuhu. ã jicu mu cahai ji masieraja —niha Simo Pedro Jesure.

⁹ Tiro, jipihtina tiro mehne macaina cãhu payu wahi sãachu ñha, cãaa wahaha tina cãhu. ¹⁰ Puaro Simo Pedro mehne macaina Zebedeo pohna Santiago to bahuro João mehne, tina cãhu ñha cãaa wahaha. Ti ã cãachu ñano Jesu Pedore õ sehe ni yahuha:

—Cuacẽu tjiga. Mipure mahu wahire ñaha cahmachuriro mu jiro sehetã Cohamacu yaina cjihtire pji cahmachuriro jiihca mahu —niha Jesu Simo Pedore.

¹¹ To ã niri baharo tina ti busore bucupariro duhtu cahapu waja mo cãnoca, ti ya jipihtiare tõihta cãnoca, Jesu mehne wahaa wahaha.

Jesu camì barirore noariro wahachu yoaha

(Mt 8.1-4; Mr 1.40-45)

¹² ã yoa Jesu pa macai to jichu camì bariro tirore piti bocaha. ã piti bocaro tiro Jesure ñha, na tuhcuã cãha su, õ sehe ni tuaro siniha:

—Puhtoro, mahu yoa duacu yuhure noariro yoa masina mahu —ni siniha.

¹³ To ã niri baharo Jesu tirore ña payoro õ sehe niha:

—Tíre yoa duaja. Mipure noariro jiga mahu —niha.

To ã nichuta to camì bari cjiri yati maha wahaha. ¹⁴ ã jiro Jesu tirore õ sehe ni dutiha:

—Ahri yu õ sehe yoarire painare yahui tjiga. Sacerdote cahai wahaga mipure. ã

jicū mū pjacūre noari pjacū to waharire ñoga tirore. Cohamacū dutia Moiserē to cūri to niriro seheta yoaga. Ā yoacū sacerdotere p̄aro minichahcare waga noariro mū waharire sacerdotēare ñoi tai —niha camī bariro cjirore.

¹⁵ “Yahui tjia”, to nipachūta jipihtiropū masa tirore yahu site namoha. Ti ā yahu sitechū tūhoa masa payū tiro cahapū sūha. Dohatiina noaina waha duaa, tina cūhū tiro cahapū sūha. ¹⁶ Ti ā sūpachūta Jesu masa marienopū Cohamacūre sinino wahaha.

Jesu pjacū b̄harirore noariro wahachū yoaha

(Mt 9.1-8; Mr 2.1-12)

¹⁷ Pa dachoi Jesu to buhechū fariseo curua macaina, judio masare buheina cūhū tói dujiha. Tina jipihtina Galilea yahpai jia macari macaina, Judea yahpai jia macari macaina, Jerusalē macaina jiha. Ti ā jichū ñūno Jesu Cohamacū tuaa mehne dohatiinare noaina wahachū yoaha. ¹⁸ Mahainacā mūa pjacū b̄harirore to coāri cahsaro mehne yo wūa wihīha. Ā jia tirore Jesu cahai cū duaa, wūhūpū yo sūa duamaha tina tirore. ¹⁹ Ā sūa dua-pahta masa payū jichū tina tirore yo sūa masieraha. Ā jia tirore wūhū buipū yo mūjaha. Yo mūja sū, mahanocā muji pahmare nawe, tí copai pjacū b̄harirore to coāri cahsaro mehnetā duhu boroha Jesu cahai jiina watoi. ²⁰ “Jesu ahrirore to dohatiare yūhdūchū yoarohca”, ni tūhotuha tina. Ti ā ni tūhotuchū masino Jesu pjacū b̄harirore ō sehe ni yahuha:

—Coyeiro, mū ñaare yoari buhiri tiare yūhū cohā tuhsūja —niha Jesu tirore.

²¹ To ā nichū tūhoa fariseo curua macaina, judio masare buheina cūhū ti basi ō sehe ni tūhotumaha: “Ahriro ā ni durucuero tjiaro. Tiro masūno mari yoaro sehe jiro, ñaare to yoari buhiri tiare cohā masierara. Cohamacū dihta masa ti ñaare yoari buhiri tiare cohā masina”, ni tūhotumaha tina.

²² Jesu ti ā ni tūhotuare masino, ō sehe niha:

—¿Dohse yoana ā ni tūhotujari mūsa?

²³ “Mū ñaa yoari buhiri tiare yūhū cohā tuhsūja”, yū nichū, “Mahñoriro jira”,

yūhūre nina mūsa noano masierapanahca. “Wahcārūca wahaga”, yū nichū yū niri potocā jia jichū dóihta masinahca. ²⁴ Yūhū masūno Cohamacū warocariro ahri yahpai ti ñaare yoari buhiri tiare cohā masija yūhū. Masa ti ñaare yoari buhiri tiare cohāhtiro cjihtore cūre Cohamacū yūhūre. Yū ā cohārine mūsa masihtō sehe ō seheta yoa ñoihtja mūsa ñūhti cjihtire —niha Jesu.

Ā ni tuhsū pjacū b̄harirore ō sehe niha:

—Mūhūre niita nija. Wahcārūcaga. Mū coāri cahsaro na wahcāga mū ya wūhūpū —niha tirore.

²⁵ To ā nichū tūhorota jipihtina ti ñūrocaroi wahcārūca, to coāri cahsaro na, to ya wūhūpū tjuaa wahaha. Ā waharo tiro Cohamacūre ño payoro, wahchea mehne noano durucuha. ²⁶ To ā yoachū ñūa masa sehe jipihtina cūaa wahaha. Tina cūaa waha, Cohamacūre ño payoa, wahchea mehne noano durucuha:

—Michare soro jiare ñūhi sā —niha tina.

Jesu Levíre piha

(Mt 9.9-13; Mr 2.13-17)

²⁷ Ā yoa tuhsū waha, Leví wama tirirore to dahrari tahtiapū jirirore boca sūha Jesu. Leví sehe pūhtoā ya cjihtire masare wapa na cohtariro jiha. Ā boca sūro tirore ō sehe niha:

—Yūhū mehne macariro cjihto taga mūhū —niha tiro Levíre.

²⁸ To ā nichū Leví sehe jipihtia to dahraare duhunoca, Jesu mehne wahaa wahaha.

²⁹ Baharo Leví ya wūhūi bose nūmū Jesure yoa payoro niha. Tói payū wapa na cohtaina, paina cūhū Leví mehne dujiha. ³⁰ Tina mehne Jesu cūhū ti dujichū ñūa mahainacā fariseo curua macaina, judio masare buheina mehne sua, Jesu buheinare ō sehe ni sinitu ñūha:

—¿Dohseana ñāno yoaina, wapa na cohtaina mehne chūjari mūsa? —ni tuhtiha tina.

³¹ Ti ā nichū tūhoro Jesu yūhtiha tinare. Ō sehe ni piti dahre buheha:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira. ³² Ā jicū ñaare yoainare yahui tai nihi yūhū Cohamacūre cahma duticū. Ti basi “Noaina

jija sã”, ni tãhotuinare yahui tai nierahi yũhũ —niha Jesu.

*Chũ duhuare Jesure sinituha paina
(Mt 9.14-17; Mr 2.18-22)*

³³ ã yoa mahainacã masa Jesure õ sehe ni sinitu ñũha:

—João buheina payũ tahari Cohamacũre ño payoa taa chũ duhura. ã yoaa, tina payũ tahari Cohamacũre sinina. Fariseo buheina cãhũ ti yoaro seheta yoara. Ti ã yoapachũta mũ buheina sehe Cohamacũre ño payoa taa chũ duhuerara. ¿Dohse yoa ã yoerajari tina? —niha tina Jesure.

³⁴ Ti ã nichũ Jesu to tãhotua mehne quiti dahre buhero taro tinare õ sehe ni yũhtiha:

—Õ sehe jira ti: Wamomaca dũhteropũ ti pjirocaina wamomaca dũhteriro mehne jia, chũ duhu masierara. Tó seheta yũ buheina cãhũ yũhũ mehne jia, chũ duhu masierara. Yũhũ wamomaca dũhteriro yoaro sehe jija. Wamomaca dũhteriro bose nũmũ to yoachũ tiro mehne macaina chũeraina jierara. ³⁵ Yũ Pũcũ Cohamacũ yũhũre to naari baharo pinihtare yũ buheina mehne jisi yũhũ. ã jia tí pjarũta yũ buheina cãhũ chũ duhuahca —niha Jesu.

³⁶ Panopũ macaa buhea wahma buhea mehne ti buhe more duachũ ñũno õ sehe ni namoha Jesu tinare piti dahre buhero:

—Ne wahma suhtirore mahari cahsarocã tãhrẽ na, mũnano suhtirore sere õno cahmaerara. Mari ã sere õna wahma cahsarore tãhrẽ cohãna nija. ã yoa wahma cahsaro mũnano suhtiro mehne cãno potori bajuerara. (Tó seheta mũna buhea wahma buhea mehne piti dahre buheraro cahmana.)

³⁷ ã yoa ne se co bisia core wahiquiro cahsaro wajuru mehne mũna wajuru mehne posaeraro cahmana. Mari ã yoachũ se co bisia pahmoapũ mũna wajurure tãhrẽnocahna. To tãhũchũ se co cãhũ, wajuru cãhũ cohõa wahara. ³⁸ ã yoa se co wahma core wahma wajurupũ posaro cahmana. Mari ã yoachũ se co cohõera, wajuru cãhũ cohõerara. (Tó seheta wahma buhea mũna buhea mehne buhe moreraro cahmana.) ³⁹ Mũna core masa ti sihniri baharo, wahma core cahmaerara tina. Õ sehe nia tire masa: “Mũna co wahma co

bui curero noaa jira”, nia tire masa —niha Jesu tinare.

6

*Sabado jichũ Jesu buheina trigo parorire paha yũhdũ wahcãha
(Mt 12.1-8; Mr 2.23-28)*

¹ Pa dacho Sabado jichũ Jesu cãhũ trigo wesepũ sũha. Tórupũ sũ, to buheina sehe trigo parorire paha, tí pohcarire sahã site boro, tí yaparire chũ wahcãa niha. ² Ti ã yoachũ ñũ mahainacã fariseo curua macaina tinare õ sehe ni sinituha:

—¿Dohse yoana mũsa Sabado mari sori nũmũ to jipachũta dahrajari? Marine dutiare yũhdũrcana nina mũsa —niha fariseo curua macaina Jesure.

³⁻⁴ Ti ã nichũ tãhoru Jesu tinare yũhtiha, (“Yũ buheina yũhdũrcaa nierara”), nino taro:

—Davi cjiro tiro mehne macaina mehne jũca baaro, Cohamacũ wũhũpũ sãa, Cohamacũ ya pãore chũha. ã chũro tó mehne macaina cãhũre tí pãore chũ dutiro waha. Tí pãore sacerdotea dihtare chũ dutira. Cohamacũ dutia tí pãore painare chũ dutierara. ¿Davi cjiro tíre to yoari cjirire buherari mũsa? (Tí pãore chũro Cohamacũre yũhdũrcaro nieraha. Michare ahri yaparire chũa yũ buheina cãhũ Cohamacũre yũhdũrcaa nierara.) ⁵ Yũhũ masũno Cohamacũ warocariro ahri dacho Sabado dachore masa ti yohtire yahurirota jicũ pũhtorota jija —niha Jesu.

*Wamomaca bũhariro quiti jira
(Mt 12.9-14; Mr 3.1-6)*

⁶ Pa dacho Sabado jichũ Jesu judio masa ti buheri wũhũpũ sãa sũro, buheha masare. Tói wamomaca poto bũhũsehe bũhariro jiha. ⁷ Mahainacã judio masare buheina, fariseo curua macaina cãhũ Jesure yahusã duamaha. “Sabado dachoi masũno noariro wahachũ yoaboca Jesu” ni, ñũ nũnũ yahusã duamaha tina Jesure. ⁸ Jesu ti tãhotuare masino, bũharirore õ sehe niha:

—Wahcã sũrcaga jipihtina ti ñũrocaroi —niha tirore.

To ã niri baharo bũhariro sehe wahcãrcũ sũ, tói ducuha. ⁹ ã jiro Jesu tinare õ sehe ni sinituha:

—Músare sinituhtja: ¿Sabado jichu yabare yoa dutijari Cohamacu dutia? ¿Noaare yoachu noajerari? ¿O ñaare yoachu sehere noajari, musa tuhutuchu? Sabado jichu masunore masochu noa nina. Sabado jichu masunore wajächu sehere noerara —niha Jesu tinare.

¹⁰ Ñ nino Jesu tinare ñuroca õ pahño, buharitore õ sehe niha tjoa:

—Mú wamomacare siðrocaga —niha tiro.

To ã nichuta buhariro sehe siðroca, noari wamomaca wahaha. ¹¹ To ã yoachu ñua tina Jesu mehne tuaro suaha. Ñ suaa õ sehe niha:

—¿Dohse yoanahcari mari ahrirore? — niha tina ti basi.

Jesu to buheinare doce to warocahtinare bese dapoha

(Mt 10.1-4; Mr 3.13-19)

¹² Tí dachorire Jesu tucuru Cohamacu sinino mujaa wahaha. Tóru jiro, ñamine Cohamacu mehne durucu bohreaa. ¹³ Bohrearopu to buheinare to caharu pjirocaha. Pjiroca tuhsu, tina mehne macainare doce waro to warocahtinare bese dapoha. ¹⁴⁻¹⁵ Ahrina jiha Jesu to bese daporina: Simo jiha. Simore Pedro ni pisuha Jesu sehe. Simo bahuro Andre, Santiago, João, Felipe, Bartolomé, Mateo, Toma, Santiago jiha. Santiago sehe Alfeo macano jiha. Ñ jia Simo cananista ya curua macariro cjiro, ¹⁶ Juda Santiago macano, Juda Iscariote tina jiha to bese daporina. Juda Iscariote sehe Jesure ñu tuhtinane ñohtiro jiha.

Jesu payu masare buheha

(Mt 4.23-25)

¹⁷ Ñ yoa Jesu to buheina mehne tucu buipru jirina duji taa, payu paina to buheina mehne duji wihiruca, noari wapai ducuha tina. Jipihtiro Judea yahpa macari macaina, Jerusalẽ macaina, Tiro wama tiri maca macaina, Sidõ wama tiri maca macaina, pjiri ma duhtu cahai jia macari macaina masa payu tiro caharu wihia. ¹⁸ Tina Jesu buheare tuhoa taa, ti dohatiare cohächu cahmaha tina. Watia ti cohtotarina cahu tiro caharu wihi, noaina wahaha. ¹⁹ Jesu to tuua mehne noaina

wahachu yoaha tinare. Ñ jia tina jipihtina tirore dahra ñua taha.

Jesu wahcheare, cahyaa cahure buheha
(Mt 5.1-12)

²⁰ Baharo Jesu to buheinare ñu, õ sehe ni yahuha:

—Musa pjacuroina, puhtoro Cohamacu to suho jiropru wahanahca musa. Ñ jina musa wahchenahca.

²¹ Mipure musa juca baaina yapiina jinahca. Ñ jina wahchenahca.

Mipru tiina jina, baharo musa bujunahca. Ñ yoa musa wahchenahca.

²² Yuhu masuno Cohamacu to warocariro jija. Ñ jina yu yare yoaina musa jiri buhiri paina musare ti ñu tuhtipachuta wahcheina jira musa. Musare ti cohãpachuta wahchenahca. Musare ti ñano durucupachuta “Ñaina jira”, musare ti nipachuta musa sehe wahchenahca.

²³ Musare ti ã yoachu ñano manopru musa sachu pjiro noano yorohca Cohamacu musare. Ñ jina tuaro wahcheina jiga. Noano yajeripohna tiina jiga. Musare ñu tuhtiina ti coyea panopru macaina tó sehetu ñano yoaha Cohamacu yare yahu muhtaina cjiri cahure.

²⁴ Ñ yoa musa mipru payu cjuaina ahri yahparu musa noano jinoca tuhsure. Ñ jina ñano yuhduina jinahca musa.

²⁵ Mipru yapiina musa juca banahca. Musa ã jina ñano yuhduinahca.

Mipure musa bujina jina baharopru musa cahya, tiinahca. Ñ jina musa ñano yuhduinahca.

²⁶ “Cohamacu yare yahu muhtaina jija”, ni mahñoinare “Noaina jira”, nimaha payu panopru macaina. Ñ nimarina ti coyea mipru macaina cahu ata “Noaina jira”, niboca caina musa mehne macainare. Ti ã nimarina musa jina ñano yuhduinahca musa cahu —ni buheha Jesu.

Músare ñu tuhtiina ti jipachuta tina cahure cahiga

(Mt 5.38-48; 7.12)

²⁷ Ñ yoa õ sehe ni buhe namoha Jesu:

—Yuhure tuho duainare, musareta nii nija. Musare ñu tuhtiina ti jipachuta tina cahure cahiga. Musare ñu tuhtinane noano

yoaga. ²⁸ M̄sare “Ñano ȳhd̄jaro”, niina ti jipach̄ta noa dutiga tinare. M̄sare ñano yoaina ti jipach̄ta “Tina c̄h̄ noano jiaro”, ni sini payoga Cohamac̄re. ²⁹ C̄iro m̄sa wahsupure to cj̄ch̄, pa b̄h̄sehe c̄h̄re cj̄ dutiga tirore. M̄sa bui macari suhtirore to mach̄ m̄sa camisa c̄h̄re ã wanocahga tirore. ³⁰ M̄sare sinirirore to sinino purota waga tirore. M̄sa yare to nach̄ tirore sinituena tjia pari turi tíre. ³¹ Paina m̄sare ti noano yoach̄ cahmana m̄sa. Tinare m̄sa noano yoach̄ cahmano seheta m̄sa c̄h̄ noano yoaga tinare. M̄sare ti noano yoaerapach̄ta m̄sa sehe tinare noano yoaga.

³² M̄sare cah̄ina dihtare m̄sa cah̄ich̄ tí ne yaba c̄iht̄ jierara paina sehere m̄sa cah̄erach̄. Ñaina c̄h̄ tinare cah̄ina dihtare cah̄ina. ³³ ã jina m̄sare noano yoaina dihtare m̄sa noano yoach̄ tí c̄h̄ ne yaba c̄iht̄ jierara paina sehere m̄sa noano yoaerach̄. Tíre ñaina c̄h̄ yoaa tire. ³⁴ ã yoa “Ȳh̄re wiaa tire”, m̄sa niina dihtare m̄sa wasoch̄ ne tí yaba c̄iht̄ jierara. Ñaina c̄h̄ painare “Ȳh̄re wiaa tire”, ti niinare wasoa tire. ³⁵ ã jina m̄sa sehe m̄sare ñ̄ tuhtiina c̄h̄re cah̄ga. ã yoa, tinare noano yoaga. Pairore wasona “Ȳh̄re ne wiasi ahr̄iro”, ni t̄hotuenata tirore wasoga. Cohamac̄ sehe tirore ji coaeraina c̄h̄re, ñaina c̄h̄re noano yoara. To yoaro seheta yoaga m̄sa c̄h̄. M̄sa ã yoach̄ Cohamac̄ pj̄ro noano yoarohca m̄sare. M̄sa ã yoana Cohamac̄ tua ȳhd̄ar̄iro m̄ano macar̄iro pohna jinahca. ³⁶ Mari P̄c̄ m̄ano macar̄iro to p̄ja ñ̄r̄iro seheta m̄sa c̄h̄ masare p̄ja ñ̄ga —ni yahuha Jesu.

Paina c̄h̄re “Ñaina jira”, niena tjiga (Mt 7.1-5)

³⁷ ã yoa tinare ò sehe ni yahu namoha:

—Painare “Ñaina jira”, niena tjiga m̄sa. M̄sa ã nierach̄ Cohamac̄ m̄sa c̄h̄re “Ñaina jira”, nisi. Paina m̄sare ti ñano yoar̄ire ti ñano niri c̄h̄re boga m̄sa. M̄sa ã boch̄ ñ̄no Cohamac̄ m̄sa c̄h̄re m̄sa ñ̄a yoari buhir̄ire borohca. ³⁸ Paye barore c̄jana painare waga. M̄sa ã wach̄ Cohamac̄ m̄sare

warohca. ã waro noano quih̄no m̄sare pj̄ro warohca. Wahpa ȳhd̄aro warohca. Painare m̄sa war̄iro purota Cohamac̄ m̄sa c̄h̄re warohca —niha Jesu tinare.

³⁹ ã ni tuhs̄ Jesu quit̄i mehne piti dahre buhero ò sehe ni yahu namoha:

—Capari ñ̄eraina sahsero ti basi noano t̄ã wahc̄ masierara. ã t̄ã wahc̄ã, tina p̄aro doca wah̄ s̄ bora s̄a wahaa hca copap̄. (Tó seheta Cohamac̄ yare masieraina painare buhe masierara. ã jia tina jipihtina pichacap̄ wahaa hca.) ⁴⁰ Buheina tinare buher̄irore masi ȳhd̄r̄caerara. ã jipahta jipihtina buheina ti noano buhe pah̄ori baharo tinare buher̄iro yoaro seheta jiahca —niha Jesu.

⁴¹ ã ni tuhs̄ paye quit̄i mehne yahu namoha:

—Mari piti dahre buhech̄ ò sehe yoaina jira m̄sa: M̄sa coyeiro to capariacap̄ mahari pohcaroc̄ã to s̄ach̄ tí pohcaroc̄ãre noano ñ̄na m̄sa. M̄sa ya capariacare pj̄ri pj̄ to jipach̄ta tí pj̄ne ne ñ̄erara m̄sa. (Mahari pohcaroc̄ãre m̄sa ñ̄no seheta m̄sa coyeiro to ñ̄no yoaa sehere noano ñ̄na m̄sa. M̄sa basi m̄sa ñ̄are tuaro yoapanahta tíre masierara m̄sa pj̄ri pj̄ne m̄sa ñ̄eraro seheta.) ¿Dohse j̄ro baro ã j̄jari m̄sa? ⁴² Ò sehe niina yoaro sehe jira m̄sa: “Coyeiro, m̄h̄ ñ̄are yoai nica m̄h̄. ã jic̄ tíre duhuga”, niina yoaro sehe jira m̄sa. ã niina jipanahta pj̄ro ñ̄are yoara m̄sa sehe. ¿Dohseana m̄sa ñ̄are yoapanahta tíre masierajari m̄sa? Masa ti baharo b̄h̄sehei ñ̄no yoa cohtaina jira m̄sa ã yoaina. Pj̄ri pj̄ne m̄sa capariacai jiri pj̄ne m̄sa na m̄htabor̄iro seheta m̄sa ñ̄a yoaa sehere duhu m̄htaga. M̄sa ã yoari baharo m̄sa coyeiro to ñ̄no yoare duhuch̄ yoa masiboca mahari pohcaroc̄ãre m̄sa naboro seheta —ni buheha Jesu.

Masa ti durucuar̄e t̄hona ti jia tiare masija mari

(Mt 7.17-20; 12.34-35)

⁴³ ã yoa piti dahre buhero ò sehe ni yahu namoha tinare:

—Noad̄ yuc̄c̄ ñ̄are dicha tierara. ã yoa ñ̄ad̄ noaare dicha tierara. ⁴⁴ Yuc̄c̄

dichare masina ture masina. Pota tidu higuera pocare dicha tierara. A yoa agã potacu se tãhorine dicha tierara. ⁴⁵ Tó se-heta jira masa cãhu. Noariro to tãhotuapã noaa jira. A jiro tiro noaare yoara noadu to noano dicha tiro seheta. Nãriro to tãhotuapã ñaa jira. A jiro tiro ñaare yoara ñadu ñaare to dicha tiro seheta. Mari tãhotuapã marine ti jiro seheta durucuja mari —ni yahuha Jesu.

*Pãa wãhu yoaina quitire yahuha Jesu
(Mt 7.24-27)*

⁴⁶ A yoa tinare õ sehe ni yahu namoha:

—Musa yãhure “Pãhtoro”, nina. A nipanahta yã dutia sehere yoerara musa. ¿Dohse jiro baro a yoajari? ⁴⁷ Jipihtina yãhure cahmaina yã yahuare tãhora. A jia yã dutiare yãhdãcaerara. O seheta jira yãhure yãhdãcaeraina: ⁴⁸ Wãhu dahreriro yoaro sehe jira tina. Tiro cããa coparire tãa wapai to sãchãru saha, wãhure noano dapu dãcaha. Tí wãhu noano to yoari wãhu jiro dia to minichã tuaro to cotiãpachãta tí wãhu noano tjuaha. ⁴⁹ A jia yã dutiare tãhopahta yãhdãcaina sehe wãhure noano yoerariro yoaro sehe jira. Tí wãhure buicã dapu, noano dahre dãcaeraha. To a cãri wãhu jiro dia minino to cotiãchã dóihta tí wãhu burãa wahaha. A jiro tí wãhu tuaro bora sã cahaa wahaha —niha Jesu.

7

*Surara pãhtoro cahamacãnore to dohatichã Jesu noariro wahachã yoaha tirore
(Mt 8.5-13)*

¹ Tí quitire masare yahu tuhsã Jesu cãhu Capernaupã sãha. ² Tó jiro cien surara pãhtoro to cahamacãnore tuaro cahãha. To cahamacãno sehe dohatiriro jiro, yariaro cahariro jimaha. ³ A jiro Jesu to yoare tãhoro, judio masa bucãnare Jesu cahapã warocaha pãhtoro sehe.

—Dohatirirore noariro wahachã yoai taga —ni yahu dutiro warocaha pãhtoro bucãnare.

⁴ Tina Jesu cahapã sãa, õ sehe ni tuaro mehne yahuha tirore:

—Surara pãhtoro sãre warocahre. To cahamacãnore dohatirirore to yãhdãchã cahmahre tiro. Tiro pãhtoro sehe noariro jira. To a jichã yoadohoga tirore. ⁵ Mari ya maca macainare tiro cahãna. A jiro tiro sã buheri wãhure ti yoari wapa wapare —niha bucãna Jesure.

⁶ Ti a ni yahuchã tãhoro Jesu sehe tina mehne wahaha. Surara pãhtoro ya wãhu cahacãi to sãro cahachã pãhtoro sehe tiro mehne macainare Jesure õ sehe ni yahu dutiro warocaha:

—Pãhtoro, noanohca. Tai tjiga. Noariro jieraja yãhu. Ya wãhu mãhure sãa ta dutiboriro jieraja yãhu. ⁷ A jicã mã cahai wahajeraja. Yã a jipachãta mã masia mehne noariro wahachã yoaga mãhu tirore. Mã a yoachã yã cahamacãno noariro waharohca. ⁸ Yãhure yã bui jiina paina pãhto dutira. A jicã yãhu cãhu surarare dutija. Cãirore “Wahaga”, yã nichã tiro wahara. Pairore “Taga”, yã nichã tiro tara. Yã cahamacãnore “Ahrire yoaga”, yã nichã tíre tiro yoara. (Mãhu cãhu dutiroto jira. A jiro mã dutiriro seheta tiro dohatiriro yãhdãrohca) —ni yahu dutiha surara pãhtoro.

⁹ To a nichã tãho cãaa waharo, payã masa tiro mehne jinare majarerãcã sã, õ sehe ni yahuha:

—Mãsare niita nija. Tiro surara pãhtoro Israe masãno jierariro Cohamacãre tuaro wacã tuara. To cahamacãnore yã noariro wahachã yoahire masi tuhsãra. Israe masare ne ahriro yoaro sehe jinare ñãerasinija —niha Jesu.

¹⁰ To a niri baharo surara pãhtoro Jesu cahai to warocarina sehe ti pãhtoro ya wãhãpã tjuaa wahaha. Tju sã dohatiriro to noariro jichã ñãha tina.

Jesu wapewahyoro macãnore masoha

¹¹ To a yoari baharocã Nai wama tiri macapã Jesu to buheina mehne payã masa mehne wahaha. ¹² Tí macare sãari sopaca cahai to sãchã yariarirore masa na wijaa taa niha. Yariariro pocoro wapewahyoro jiha. Cãirota jiro yariaha. A jia tó macaina masa payã ticoro mehne wahaha.

13 To ã wahach_u ñ_uno Jesu ticorore pja ñ_uha.

—Tiieco tjiga —niha Jesu ticorore.

14 ã nino yariariro to masa putihi ña payoha. To ã ña payoch_u ñ_ua tí putire w_uaina sehe sur_ucaha.

—Mac_u, y_uh_u m_uh_ure ò sehe nija. Wahcã nuju s_uga —niha Jesu.

15 To ã niri baharo yariariro cjiro wahcã nuju s_u, durucuha. ã jiro Jesu tirore to pocorore waha. 16 To ã yoach_u ñ_ua tina jipih_utina cuia wahaha. ã jia tina Cohamac_ure ño payoa, ò sehe niha:

—Cohamac_u yare yahu m_uhtariro masi y_uhd_uariro mip_u pinihtare mari watoi jira —niha tina.

—Cohamac_u marine to yainare yoadohoro wihi tuhs_uhre —niha paina.

17 ã jia jipihtina Judea yahpa macainare tó d_uht_u cahai jia macari macainare Jesu to yoarire masa yahu site pah_uñoha.

João masare bautisariro to buheinare Jesure sinitu dutiha

(Mt 11.2-19)

18-19 ã yoa Jesu to yoarire ñ_ua Joãore yahuha to buheina. ã ti yahuch_u t_uhoro p_uarore tiro cahai pjiroca, Jesure sinitu dutiro warocaha João. Ò sehe ni sinitu dutiha:

—¿João “Y_u baharo paio tarohca”, to niriro tjijari m_uh_u? ¿To niriro m_u jierach_u paioire cohtanahcari sã? —ni sinitu dutiha João p_uaro to buheinare.

20 ã yoa tina Jesu cahai s_u, sinituha tirore:

—João masare bautisariro m_uh_ure sinitu dutiro warocahre sãre. ¿João “Y_u baharo paio tarohca”, to niriro tjijari m_uh_u? ¿To niriro m_u jierach_u paioire cohtanahcari sã? —ni sinituha tina Jesure.

21 Tí pjata pay_u dohatiinare, watia ti cohtotainare, capari ñ_uerainare noaina wahach_u yoaha Jesu. 22 ã jiro João warocainare Jesu ò sehe ni y_uhtiha:

—Mip_ure m_usa ñ_urire m_usa t_uhorire Joãore yahuna wahaga: Ò sehe niga: “Capari ñ_ueraina ñ_una. Tini masieraina tina. Cami b_uc_u baaina noaina wahara. T_uho bocaeraina t_uhoa wahara. Yariaina masaa wahara. Tina jipihtinare noaina

wahach_u yoahi y_uh_u. ã yoa pjac_uoinare noaa buheare yahuja. 23 Y_uh_ure t_uhoriro ‘Potocã tjira’, niriro tiro wahcheriro jira”, Joãore ni yahuna wahaga —niha Jesu.

24 João buheina ti wahari baharo Jesu sehe João to jia tiare yahu d_ucaha pay_u masare:

—Masa marienop_u s_una tjare wihnono to wãroca cohtotach_u yoariro sehetu to buheare cohtota m_ujarirore ñ_una s_uerare m_usa. ã yoariro jierare João. 25 “Noa suhti tirirore ñ_una wahajih_una”, nierare m_usa masa marienop_u wahana. Noaa suhti tiina wapa b_uj_uare c_uuaina p_uhtoa ya w_uh_usep_u jira. Masa marienop_u jierara. 26 Masa marienop_u s_una Cohamac_u yare yahu m_uhtarirore ñ_una s_uhre m_usa. Potocã tjira. João Cohamac_u yare yahu m_uhtariro jira. Paina Cohamac_u yare yahu m_uhtaina y_uhdoro jiriro jira tiro. 27 Panop_u Cohamac_u yare ti joari p_ui Joãore ò sehe ni yahu joaa tiha:

“Mari P_uc_u to mac_uno_ure ò sehe niha: ‘M_u pano m_uh_ure yahuy_uhtirore warocai nija’, niha Cohamac_u”,

ni yahu joaa tiha panop_ure Joãore. 28 M_usare potocã niita nija. Paina jipihtina bui jira João. Ahri turup_ure to ã jipach_uta m_uanop_ure Cohamac_u masare p_uhtoro to noano s_uho jirop_ure jipihtina docap_u jiriro pinihta João bui jira —niha Jesu masare.

29 To ã nich_u t_uhoa jipihtina masa, p_uhtoa ya c_uj_uhtire wapa na cohtaina mehne João to bautisarina jia ò sehe ni t_uhotuha Cohamac_ure. “Cohamac_u quih_uno yoariro jira”, ni t_uhotuha tina.

30 Fariseo curua macaina sehe judio masare buheina c_uh_u João to bautisanohrina ji duaeraha. ã jia tinare Cohamac_u to yaina to yoa duach_u cahmaeraha.

31 ã yoa Jesu pari turi ò sehe ni yahuha:

—¿Mip_u macaina masa yabaina yoaro sehe jijari tina, m_usa t_uhotuch_u? 32 Tina macanacã yoaro sehe jira. Paina ti cahmano sehe ti yoerach_u tó wahaerara tinacãre. Pache duarop_u pape dujia, ò sehe ni pisurucura tinacã ti basi: “M_usa basahti c_uj_uhtire sã putipemahi. ¿Dohseana m_usa basaerari sã tíre putipech_u? Sã tuaro ñahacaha tiipe, sañurucumahi. ¿M_usa

sehe dohseana sã mehne tiiperari?” niru-
cuina yoaro seheta jira mipu macaina
cũhu. (Mipu macaina ti cahmano seheta sã
yoaerachu ñua tó wahaerara tina cũhure.)
³³ João bautisariro Cohamacure ño payoro
taro ne chueraro, vinore sihnierare. To
ã sihnierachu ñuna “Watĩno to cohtotariro
jira”, nimahre musa tireore. ³⁴ Yũhu masuno
Cohamacu warocariro jicu, yũhu chu sihn-
nija. Yu ã yoachu ñuna õ sehe nina musa
yũhu sehere. “Ñuga. Ahriro pjıro churiro,
cahariro jira. Pũhtoa ya cjihtire wapa na
cohtaina, ñano yoaina cũhu ti piti tiriro
jira ahriro”, nina musa yũhure. ã nina
macanacã yoaro sehe durucuina jira musa.
(Musa cahmano sehe sã yoaerachu tó wa-
haerara musare. Ne wahcherara musa.)
³⁵ ã masierapanahta sã yoa ñorire ñuna, Co-
hamacu yare sã masichu masinahca musa
—ni yahuha Jesu.

*Simo wama tiriro fariseo curua
macariro ya wũhũi jiha Jesu*

³⁶ Fariseo curua macariro to wũhũpu chu
dutirow jjiha Jesure. To ã pjichu Jesu to ya
wũhũpu su, ti churi mesa cahai nuju suha.
³⁷⁻³⁸ Tı macapure ñaare ñaare yoarucuri-
coro cjiro jiha. Jesu fariseo curua macariro
ya wũhũpu to dujichu ticoro tũhoha. ã tũho
tuhsu alabastro mehne yoariare me sitia
posa tiriare na ta, Jesu baharo bũhũsehei
wihı taruca, tiha. ã tirow Jesu dahporire
to yahco co mehne wayo, to pjoari mehne
pahã cohãha. To dahpori wũachu ñu ticoro
to dahporire wihmi, me sitia mehne pio
payoha. ³⁹ To ã yoachu ñuno fariseo
curua macariro Jesure pjiriro to basi õ
sehe ni tũhotumaha: “Ahrıcoro tireore ñaha
ñurıcoro ñaare yoarucurıcoro jira. Ahriro
Jesu Cohamacu yare yahu mũhtariro jiro
tıre masıboa”, ni tũhotumaha. ⁴⁰ To ã ni
tũhotuare masino Jesu õ sehe ni yahuha
tireore:

—Simo mipu pinihtare mũhure yahu du-
aja —niha Jesu.

—Buheriro, ¿yũhure dohse ni yahu dua-
jari mũhu? —ni yũhtiha Simo.

⁴¹ To ã nichu Jesu õ sehe ni piti dahre
buhe yũhtiha:

—Pũhtorore pũaro wapamoina jiha.
Cãiro wapamoriro quinientos niñeru

tũrire wapamoha. Pairo sehe cincuenta
niñeru tũrire wapamoha. ⁴² ã jia tina
ti wapamoare ti wapa bihoerachu ñuno
pũhtoro ti wapamoare wapa dutieraha.
¿Mipu pinihtare diro sehe wapamoriro
sehe to pũhtorore cahı yũhdũrohcarı? —
ni sinituha Jesu.

⁴³ Simo õ sehe ni yũhtiha:

—Bũah, pjıro wapamoriro mahanocã
wapamoriro yũdoro to pũhtorore cahı
yũhdũboca —niha Simo.

—Potocã ni yũhtihre mũhu yũhure —
niha Jesu.

⁴⁴ ã ni tuhsu tireore pio payoricorore
majare ñu, Jesu Simore õ sehe ni yahu
namoha:

—Ahrıcorore ñuga mũhu. Mu ya wũhũpu
yu sãa wihiri baharo yu dahporire cosahti
core yũhure waerare mũhu. Ahrıcoro sehe
to yahco co mehne yu dahporire wayo,
to pjoari mehne pahã cohãhre yũhure.

⁴⁵ Mũhu sehe yũhure piti boca wihmierare.
Ahrıcoro sehe õi yu dujirow puro yu dah-
porire wihmihre. ⁴⁶ Mũhu sehe yu dapure
se mehne pio payoerare. Ticoro sehe yu
dahporire me sitia mehne pio payohre.

⁴⁷ ã nicu mũhureta yahui nija. Ahrıcoro
to ñaa yoari cjiri payũbia jira. ã jirıcoro
jıparota ticoro tuaro cahıhre yũhure. ã
jicu ñaare to yoari buhirire cohãhi. ã
jia ñaare ti yoari buhirire mahanocã yu
cohãnohrina mahanocã cahına yũhure —
niha Jesu Simore.

⁴⁸ ã ni tuhsu tiro ticorore õ sehe ni
yahuha:

—Mipu pinihtare ñaare mu yoari
buhirire boja —niha Jesu.

⁴⁹ To ã nichu tũhoa Jesu mehne dujiina ti
basi õ sehe ni durucuha:

—¿Dohse jiriro baro jıjari ahriro ñaa
buhirire boriro? —niha tina ti basi.

⁵⁰ ã ni tuhsu, Jesu numınore õ sehe ni
yahuha:

—Yũhure mu wacũ tuachu mũhure
pıchacapu wahaborıcorore yũdoja. Cuiro
marıeno mu wũhũpu tjuaa wahaga —niha
Jesu ticorore.

8

Numia Jesure yoadohoha

¹ Baharo bujua macaripu daa macaricãpu cãhure su, Cohamacu masare puhtoro to noano suho jiare noaa buheare yahuha Jesu. Doce to buheina sehe tiro mehne jiha. ² ã yoa numia cãhu watã ti cohtotari numia cjiri, dohatia numia cjiri Jesu noaa numia to yoari numia tiro mehne tiniha. “María”, ti nimaricorore “Magdalena”, ni pisua tiha ticorore. Ticorore siete watãre Jesu cohã wioha tó pano. ã jiro ticoro cãhu Jesu mehne tiniha. ³ Cuza wama tiriro Herodere dahra cohtaina puhtoro cjiro namono Juana cãhu Jesu mehne tiniha. Susana wama tiricoro cãhu paye numia mehne payu ti cjuaa mehne tirore yoado-hoha.

Jesu wesere toari masano quitire yahuha
(Mt 13.1-9; Mr 4.1-9)

⁴ ã yoa payu macari macaina Jesu cahapu cahmachuha. Ti ã cahmachuri baharo Jesu to tuhota mehne quti dahre tinare õ sehe ni yahuha buhero taro:

⁵ —Toari masano toaro, to toaa yaparire doca site cãno wahaha. To ã doca site cã wahcãchu paye yapari mahai bora caha suha. Ti ã bora caha suchu paye yaparire masa tu diho cãha. ã jia paye yaparire minichahca duji ta, chunocaha. ⁶ ã yoa paye yapari sehe tãa wapa bui dihta se mininocã bui bora caha suha. Tí yahpapu co mariaha. ã jia tí yapari du wija tarucuma ñaia wahaha. ⁷ Paye yapari sehe tja watoi bora caha suha. Tja sehe tí toaa mehne duha. Tja sehe dia yuhdua waha, toaare wajãnocaha. ⁸ Paye yapari noari yahpai bora caha suha. Noano dua jia noano dicha tiha. ã jia payu dicha tiha —niha Jesu.

ã ni tuhsu õ sehe tuaro ni namoha:

—Ahrire tuho duaina noano tuhoga masu —niha tiro.

Jesu quti mehne to buherire yahuha
(Mt 13.10-17; Mr 4.10-12)

⁹ Baharo to buheina tí quitire masi duaa, Jesure õ sehe ni sinituha:

—¿Ahri quti mehne dohse ni yahui nijari muhu? —ni sinituha tina.

¹⁰ Ti ã nichu Jesu õ sehe ni yuhtiha:

—Cohamacu masa bui puhtoro to noano suho jiare panopu paina ti masierari cjirire

musare masichu yoarohca Cohamacu. Paina sehere ã yoerara tiro. Tinare quti mehnetu buheihitja. Yu ã yoachu tina yu buheare tuhopahta masisi —niha Jesu to buheinare.

Jesu wesere toari masano quitire yahu pahnoha

(Mt 13.18-23; Mr 4.13-20)

¹¹ ã ni tuhsu tinare õ sehe ni yahu namoha:

—Õ sehe ni yahura ahri quti: Toaa yapari noaa buhea yoaro sehe jira. ¹² ã yoa maha duhtu cahai bora yapari sehe noaa buhea yoaro sehe jira. Cãina masa noaa buheare ti tuhochu ñano watino sehe ta, tí buheare masi dutierara masare, minichahca tí yaparire ti chu cohãno se-heta yoaro. To ã yoerachu tina Cohamacure wacũ tuaboa. Ti ã wacũ tuachu ñano Cohamacu sehe tinare pichacapu wahaborinare yuhdoba. ¹³ ã yoa tãa wapa bui dihta se mininocã bui bora yapari noaa buhea yoaro sehe jira. ã jia masa noaa buheare tuho, wahchea mehne tíre tuho nunu wahcãna. ã tuho nunupahta tãa wapa buicã jia yucu nuhcori mariea yucu yoaro seheta ahri na masa cãhu yoari pja cãno pjaerara. ã cãno pjaeraa yu yare ti cahmari buhiri paina tinare ti ñano yoachu ñua yu yare duhunocahna. ¹⁴ ã yoa tja watoi bora yapari noaa buhea yoaro sehe jira. ã jia masa noaa buheare tuhopahta, ahri yahpa macaare wacũ nunu yuhduara. Niñerure bujua cahma, paye baro cãhure payu cahma, tíre goa pja yuhduara tina. Ti ã yoachu tí sehe noaa buheare ducataru. Ti ã ducatachu masa noaa sehere yoerara. Dicha maria yucu yoaro seheta jira. ¹⁵ ã yoa noari yahpai bora yapari noaa buhea yoaro sehe jira. ã jia masa noaa buheare tuhoa, noano mehne tí buheare yuhducaerara. ã jia yucucu dicha tiro se-heta noaa buheare tuhoina sehe Cohamacu to cahmano seheta noaare yoara —niha Jesu.

Jesu sihãria quitire buheha

(Mr 4.21-25)

¹⁶ ã ni tuhsu paye quti mehne piti dahre buheha tiro:

—Ne sihãriare ti sihãri baharo tiare dihi biato docai cõerara masa. Æ yoa tiare coãri casario docai cõerara. Mhãnopu tiare duhu payora wuhupũ sãa taina ti noano ñũ sãahto sehe. ¹⁷ Jipihti ti masierari cjirire baharo masa masiahca. Sihãria to buhriachũ mari ñũ masino seheta panopũ ti masierari cjirire masiahca masa.

¹⁸ Æ jina mũsa tuhona noano tuho nũnũga. Noano tuho nũnũriro, noano masinohca. Tuho nũnũerariro “Mahanocã tuhoja”, to nipachũta tí sehere boa waharohca —niha Jesu.

Jesu coyea tirore pjiha
(Mt 12.46-50; Mr 3.31-35)

¹⁹ Baharo Jesu bahana ti pocoro mehne tiro cahapu wahaa nimaha. Masa payũ jichũ to cahapu sũeraha. ²⁰ Æ jiro cãiro Jesure õ sehe ni yahuha:

—Mũ poco mũ bahana mehne sopacapũ ducuhre. Mũhũre ñũa taa niyuhti —niha tiro Jesure.

²¹ To ã nichũ Jesu õ sehe ni yahuha jipihinare:

—Cohamacũ ya buheare tuhoina, tíre yũhdũũcaeraina tinata yũ poco yũ bahana yoaro sehe jira —niha Jesu tinare.

Jesu wihnonore yũsũ dutiha
(Mt 8.23-27; Mr 4.35-41)

²² Pa dachoi Jesu to buheina mehne dohoriapũ samu:

—Basa, pahãjihna —ni, tina jipihtina tia mehne bũcũpariropũ pahãa wahaha.

²³ Æ pahãno carĩa wahaha Jesu. Ti ã pahãrucuchũ waro tuaro wihnono taha. Wihnono to tachũ bujũa pahcõri wahcã, tinare mionocamaha. Æ to wahachũ minihito cua yũhdũaha tinare. ²⁴ Æ wahachũ ñũa Jesu cahai waha, tirore wahcõha.

—Buheriro, mari mini yariana tana nijã —niha tina.

Ti ã nichũ Jesu sehe wahcã, wihnonore “Tó purota wã duhuga”, niha. Æ ninota pahcõri cãhũre “Yũsũa wahaga”, niha. To ã nichũta wihnono yũhdũa wahaha. Æ yoa pahcõri cãhũ yũsũ boraa wahaha. ²⁵ Æ wahari baharo Jesu tinare õ sehe niha:

—¿Mũsa yũhũre wacũ tuaerasinijari? —niha tiro.

To ã nichũ tina sehe cui, cũaa waha, ti basi õ sehe ni durucuha:

—Cue, ¿dohse jiro baro masũno jijari ahriro? Ahri wihnono, pahcõri cãhũ to dutichũ yũhdũũcaerara tirore —niha tina ti basi.

Watĩa ti cohtotarirore noariro wahachũ yoaha Jesu

(Mt 8.28-34; Mr 5.1-20)

²⁶ Æ yoa tina sie copapũ Gerasa macaina ya yahpapũ pahã sũha. Tí yahpa Galilea yahpa potoihta jiha. ²⁷ Tói Jesu to maja sũrũcũ sũchũ waro tó macariro watĩa ti cohtotariro tiro cahapu taha. Tiro yoari pja suhti marieriro jiro, to wuhupũre ne jieraha. Æ yoa masa copari tãa copari watoi jia tiha tiro. ²⁸⁻²⁹ Æ jia payũ tahari watĩa tirore ñahaha. Æ jiro tiro peresui to jichũ to wamomacarine dahporire comaa dari mehne dũhteriro jiparota, tiro tí darire nuha mũjaha. Æ yoa watĩa sehe tirore masa marienopũ na wahcãa tiha. Æ yoa tiro Jesure ñũroca õ tuaro sañurucu, Jesu panoi na tuhcuca caha sũha. To ã yoachũ ñũno Jesu sehe tirore õ sehe ni dutiha:

—Watĩa, duhuga ahrirore —niha Jesu.

To ã nichũ tuhoro watĩa ti cohtotariro tuaro sañurucu, õ sehe ni sinituha Jesure:

—Jesu, ¿Cohamacũ Jipihtina Bui Jiro macũno yabare yoai tai nijari mũhũ yũhũre? Yũhũre, ñãno yoai tjiga —niha watĩa ti cohtotariro.

³⁰ To ã nichũ Jesu sehe õ sehe ni sinituha tirore:

—¿Yabariro wama tijari mũhũ? —niha.

Payũ watĩa tiro mehne jiha. Æ jiro õ sehe niha watĩa ti cohtotariro:

—Watĩa payũ wama tija sã —ni yũhtiha watĩa ti cohtotariro tiro.

³¹ —Cũãri copapũ sãre waha dutiecũ tjiga —ni, tuaro siniha watĩa sehe.

³² Tí pjare tói tũcũ dahpotoi yesea payũ chũa niha. Ti tói chũchũ ñũa watĩa õ sehe ni siniha Jesure:

—Sina yesea cahapu warocaga sãre ti pjacũripũ sã sãahto sehe —ni siniha watĩa.

Ti ã sinichũ tuhoro “Jai. Wahaga”, niha Jesu. ³³ To ã dutichũ, watĩa masũno mehne jirina cjiri sehe wahaa, yesea pjacũripũ sãa wahaha. Æ yoa tinare ti sãari baharo, yesea jipihtina bũcũpariro dũhtũ cahapu

pari cunupm muroca buha, tí taropm bora ñoja, mini yaria pihtia wahaha.

³⁴ Yeseare ñu wihboina yesea ti ã minichu ñua, cui, murocaa wahaha. Æ muroca wahcã pjiri macapm cãhure, daa macaricãp m cãhure tíre ti ñarire yahu sitea wahaha. ³⁵ Ti ã yahuchu tãhoa, masa sehe payu ti ã waharire ñua wahaha. Æ jia Jesu cahai sm, watía ti cohtotariro cjirore to suhti tiriro, tãho masiriro to dujichu ñua tina. Tí jipihtiare ñua, tina cui niha. ³⁶ Watía ti cohtotariro cjiro noariro to waharire ñuina, ti ñarire painare noano yahu pahñoa. ³⁷ Tí pjata Gerasa yahpa macaina payu Jesure tuaro cuia, tirore pa seheru waha dutiha. Ti ã waha dutichu Jesu dohoriapm samu, waharo taro niha. ³⁸ Watía ti cohtotariro cjiro Jesu to wahahto pano tuaro siniha tirore:

—Muhu mehne waha duaja —ni sinimaha.

³⁹ To ã nichuta Jesu tirore õ sehe ni yuhtiha:

—Mu ya macapm wahaga. Æ wahacu Cohamacu mähure to yoarire yahuga painare —niha Jesu.

To ã niri baharo waha to ya macapm smro watía ti cohtotariro cjiro sehe Jesu tirore to yoarire jipihtina to ya maca macainare yahuha.

Jairo maconore yuhduchu yoa, cahã ñuricoro cãhure yuhduchu yoaha Jesu (Mt 9.18-26; Mr 5.21-43)

⁴⁰ Pari turi Jesu tí bucupariropm pahãa wahaha tjoa. To pahã tariroputa masa payu tirore cohtaa niha. Æ cohtaa, tirore piti bocasiniha wahchea mehne. ⁴¹⁻⁴² Tói judio masa buheri wuhu pãhtoro Jairo wama tiriro Jesu cahai sm, to dahpori cahai na tuhcuca caha sãha tirore ño payoro. To macono yariaro niha. Ticoro cãcorota jiricoro doce cãhmari cãharicoro jiha. Æ jiro tiro to ya wuhupm Jesure pji wahcãha. “Jai” ni, tiro mehne wahaha Jesu cãhu.

Mahai ti ã wahachu payubia masa tirore nunu ti wahcã, bihsaro smrucu sãha tirore. ⁴³ To ã bihsaro wahachu numino doce cãhmari waro ã cahã ñurucuricoro tói jiha. Tó pano duhturuare jipihtia to niñeru mehne wapamaha ticoro co wa dutiro. Ti

ã co wapachuta mananota jirucunocaha ticoro. ⁴⁴ Æ jiro ticoro Jesu baharo masa payu watoi wihi, Jesu suhtirore to ñaha ñuchuta to cahã ñua pihtia wahaha. ⁴⁵ To ã ñaha ñuchu tãhoturo Jesu õ sehe ni sini-tuha:

—¿Noa yu suhtirore ñaha ñuri? —niha tiro.

Jipihtina “Yoaerahi”, niha. Æ jia Pedro cãhu õ sehe niha:

—Buheriro, bihsa nina. Æ jia masa payu mähure pihanocahna. ¿Dohseacu ã ni sini-tujari mähü? —niha tina Jesure.

⁴⁶ Ti ã nichu Jesu õ sehe ni yuhtiha:

—Michapucacã yuhu noaricoro wahachu yoahi cãcorore. Æ jicu yuhure to ñaha ñuchu masija —niha tiro.

⁴⁷ To ã nichu tãhoro ticoro duhti masieraro, teterericoro Jesu cahai na tuhcuca caha sãha tirore ño payoro. Æ jiro jipihtina masa ti tãhoro to dohatiare, Jesure to ñaha ñarire to noaricoro to waharire yahuha ticoro. ⁴⁸ To ã ni yahu tuhsuchu Jesu ticorore õ sehe ni yahuha:

—Maco, yuhure mu wacũ tuaa mehne noaricoro tjuara mipure. Wahchea mehne wahaga —niha ticorore.

⁴⁹ To ã nino watoi Jairo ya wuhui jiriro yahuro wihiha:

—Mu macocã yariaa wahahre. Æ jicu buherirore pji tai tjiga —niha tiro.

⁵⁰ To ã nichu tãhoro, Jairore õ sehe ni yahuha Jesu:

—Cahya tãhotui tjiga. Yuhure wacũ tuaga. Tí dihtare yoaga. Mu ã yoachu ticorocã masaa waharohca —niha Jesu.

⁵¹ Æ ni tuhsu to wuhupm sm, Pedro, João, Santiago, dohatiricoro pucsumma tópeinata na sãaha. Paina sehere Jesu sãa dutieraha. ⁵² Tói jipihtina masa ti ñahacaha tiiro watoi sãa sãha Jesu.

—Tiiena tjiga. Ticorocã yariaerare. Carño nica —niha tiro.

⁵³ To ã nichu tãhoa tina sehe ticoro yariaricoro to jichu masia, Jesure bujüha. “Æ nimacanocano nina”, ni bujüha. ⁵⁴ Æ yoa Jesu ticorocã wamomacare ñaha, õ sehe ni pisuha:

—Maharicorocã wahcãga —niha.

⁵⁵ To ã nichuta yariaricoro masaa waha, tí pjata wahcãrũcũ sũha ticorocã. To wahcãri baharo Jesu ticorore chũare wa dutiha. ⁵⁶ To ã masachũ ñũa to pũcũsuma ñũcũaa wahaha. Æ jiro Jesu tíre painare yahu dutieraha.

9

Jesu doce to buheinare buhe dutiro warocaha

(Mt 10.5-15; Mr 6.7-13)

¹ Æ yoa Jesu doce to buheinare pjiroca, to tuaare waha tinare. Watĩare ti cohãhti cjihtire, dohatiinare noaina ti yoahiti cjihtire to tuaare waha tinare. ² Æ yoa tuhsũ tinare Cohamacũ masare pũhtoro to noano sũho jiare buhe dutiro, dohatiinare noaina wahachũ yoa dutiro warocaha tinare. ³ Õ sehe ni dutiha Jesu tinare:

—Mũsa wahana paye barore naaena tjiga. Tjuadũre, wajure, chũare, niñerure naaena tjiga. Mũsa sãano dihtare sãa wahcãga. Paye suhtire naaena tjiga. ⁴ Jipihtia macaripũ mũsare ti carĩno wachũ tí wũhũihta jinocasiniga. Coã wahanapũ wijaahga tí wũhũre. ⁵ Paye macari macaina mũsare ti cahmaerachũ ñũna tí macarine yũhdũ wahcãa wahaga. Æ wahana mũsa dahpori macaa dihta pohcari mene wajã site cũga mũsa tinare ti ya buhirire masichũ yoana —niha Jesu.

⁶ To ã niri baharo to buheina sehe waha, jipihtia macaripepũ noaa buheare yahu tinia tiha. Æ yoa dohatiinare noaina wahachũ yoaa tiha.

Jesu to yoarire Herode tũhoha

(Mt 14.1-12; Mr 6.14-29)

⁷ Æ yoa Herode Galilea yahpa macaina pũhtoro Jesu yoarire tũhorocaha. “¿Diro baro jijari tiro Jesu?” niparota ne masieraha. Cãina ò sehe nimaha Jesure: “João masare bautisariro cjiro pari turi bajuaro nica. Æ jiro ‘Jesu’, ti niriro tiro tjira”, nimaha cãina. Ti ã nichũ tũhoro Herode Jesure dohse ni masieraha. ⁸ Paina “Tiro Elia cjiro mipũ bajuaro nina”, nimaha. Paina sehe “Cohamacũ yare yahu mũhtaina panopũ macaina mehne macariro cjiro mipũ bajuaro nica”, nimaha Jesure. ⁹ Ti ã ni durucupachuta ò sehe ni

tũhotuha Herode sehe: “João dapure date ta duti tuhsũhi yũhũ. ¿Mipũre jiro masa ti yahuriro diro baro jibocari tiro sehe?” ni tũhoturo tiro Jesure ñũ duamaha.

Jesu cinco mil bui masare chũa waha
(Mt 14.13-21; Mr 6.30-44; Jn 6.1-14)

¹⁰ Æ yoa Jesu to warocarina tiro cahapũ tju sũa, ti yoarire yahuha Jesure. Ti yahu tuhsũchũ Jesu tina dihtare Betsaida wama tiri macapũ sũho wahamaha. ¹¹ Ti waharire masia, masa payũ tinare nũnũ ti wahcãha. Jesure ti mũ sũchũ ñũno piti bocasiniha Jesu tinare. Æ jiro tiro Cohamacũ masare pũhtoro to noano sũho jiare tinare yahu, dohatiinare noaina wahachũ yoaha.

¹² Ñamichahapũ doce to buheina tiro cahapũ sũ, Jesure ò sehe ni yahuha:

—Õ masa marienopũ jira. Õ majano macaa macaripũ, daa macaricãpũ cũhũre ahrina masare warocaga. Carĩa ti chũhti cjihtire maca dutiga tinare —niha tina Jesure.

¹³⁻¹⁴ Ti ã nichũ Jesu ò sehe ni yũhtiha tinare:

—Æ nienata chũare waga tinare —niha.

To ã nichũ tũhoa tina ò sehe ni yũhtiha:

—Cũ wamomaca pihtia pão curiri, pũaro wahi tó purocãta cjuaja mari. ¿Ahrina payũ masa ti chũhti cjihtire nuchũbocari sã? —niha to buheina.

Payũ masa ti jichũ ñũa ã niha to buheina. Tópũre cinco mil mũa jiha. (Numia, macanacã cũhũ jiha.) Æ jiro Jesu ò sehe ni yahuha to buheinare:

—Cincuenta masare cũ curuai duji dutiga. Paye curuari cũhũre tópeinata duji dutiga —niha Jesu to buheinare.

¹⁵ To ã nichũ to buheina to dutiro se-heta yoa, jipihtina masare duji dutiha.

¹⁶ Duji duti tuhsũ Jesu cũ wamomaca pihtia pão curirire pũaro wahi mehne na, mũanopũ ñũha. Æ ñũno Cohamacũre “Noana”, niha. To ã niri baharo pão curirire nuha, to buheinare masare witi dutiro waha. ¹⁷ Ti ã witi tuhsũchũ, tina jipihtina masa chũ, yapi yũhdũa wahaha. Ti yapi wahyorire doce pũhũse waro wahpo dapoha to buheina.

Jesu potocã Cristo to jiare Cohamacu warocariro to jiare yahuha Pedro

(Mt 16.13-19; Mr 8.27-29)

¹⁸ Cũ dacho Jesu cãirota jiro, Cohamacu sinino niha. To ã sinino watoi to buheina tiro cahapu sãha. A jiro Jesu õ sehe ni sinitu ñaha tinare:

—¿Diro baro jicari yuhu masa yuhure ti tãhotuchu? —ni sinitu ñaha.

¹⁹ To ã sinituchu tãhoa to buheina õ sehe ni yuhtiha:

—“João masare bautisariro jira”, nina mahure. Paina “Elia cjiro jira”, nina. Paina “Panopu macariro Cohamacu yare yahu mahtariro cjiro masa wijariro cjiro jira”, nina mahure —ni yuhtiha to buheina sehe tirore.

²⁰ Ti ã niri baharo Jesu tinare õ sehe ni sinitu ñaha tjoa:

—¿Musa sehe musa tãhotuchu diro baro jicari yuhu? —ni sinitu ñaha tjoa.

—Muhu Cristo Cohamacu warocariro jira —ni yuhtiha Pedro.

Jesu to yariahto cjihtore yahuha

(Mt 16.20-28; Mr 8.30-9.1)

²¹ Æ yoa Pedro “Cristo jira mahu”, to nirire painare Jesu yahu site dutieraha to buheinare. ²² Æ ni yahu site dutiera tuhsu õ sehe ni namoha:

—Yuhu masano Cohamacu warocariro tuaro ñano yuhduihca. Ata yuhduro cahmana yuhure. Æ jia mari coyera judio masare buheina, bucuna, sacerdotia puhto mehe yuhure cahmaeraa, yuhure wajãahca. Ti ã wajãri baharo tia dacho wahaboroi masa mujaihca —niha Jesu tinare.

²³ Baharo jipihtinare õ sehe ni yahuha Jesu:

—Cãiro yu yairo ji duaro, to cahmano yoa duamarine duhunocanohca. Æ yoa crusapu yu ñano yuhduhtiro seheta yu yairo to jiri buhiri ñano yuhduparota yuhure duhusi. Æ jiro yu yare yoarucuriro jirohca. ²⁴ Masano yuhure wacũno marieno to ma sãro to cahmano seheta yoariro pichacaru tiro waharohca. Æ jiro yu yare ã yoarucuriro jipihtia dachoripe yuhu mehe manopu jirucurohca. ²⁵ ¿Cãiro masano ahri yahpa macaare jipihtiare

cjariro Cohamacu cahmaeraro pichacaru waharo yabare wapatajari tiro? Æ jiro ne wapataerara. ²⁶ Cãina yuhure, yu buheare buo tiboca. Ti ã yoachu ñucu yuhu cãhu yuhure ã yoainare buo tisãaihca. Yuhu masano Cohamacu warocariro noaina anjoa ti si sitea mehe, yu si sitea mehe, yu Pucu to si sitea mehe tjua tacu tinare buo tisãaihca. ²⁷ Potocã niita nija musare. Mipure cãina musa õpore jiina musa yariahto pano Cohamacu jipihtina bui puhtoro noano to sãho ji ducachu ñunahca —niha Jesu tinare.

Jesu pjacu cohtotaha

(Mt 17.1-8; Mr 9.2-8)

²⁸ Æ yoa ocho dachori tíre to yahuri baharo Jesu Pedore, João, Santiagore tina dihtare pjiha. Æ yoa waha, Cohamacu sinia waha, tãcãpu mujaa waha tina. ²⁹ Cohamacu to sinino watoi Jesu wuhdu cohtotaha. To ã cohtotachu to suhtiro minoari suhtiro noano yehseri suhtiro waha. ³⁰ To ã waharo watoi puaro mua tiro mehe durucua niha. Durucuina sehe Elia cjiro, Moise cjiro jiha. ³¹ Tina manano macaa si sitea mehe bajuaha. Jesu baharocãta Jerusalẽpu to yariahtore tina Jesu mehe durucua niha. ³² Pedro cãhu wajo caha yuhduaha. Æ caripahta cua wahcã wihi Jesu to si siteare ñaha, puaro tiro mehe ducua cãhure ñaha. ³³ Moise cjiro cãhu ti wahahto panocã Pedro Jesu õ sehe nimaha:

—Puhtoro, mari õre jichu noa duara. Tia wuhcã yoanhtja. Mu ya wuhcã, Moise ya wuhcã, Elia ya wuhcã yoanhtja —nimaha Pedro.

Æ niparota to nirire ne masieraha. ³⁴ To ã ni durucuro watoi tinare me curua duji boro pja sãha. To ã duji boro pja sãhu ñaha tina cuia waha. ³⁵ Tuhsu, me curua puhichapu õ sehe ni durucuro coa taha:

—Ahroro yu macu, yu beseriro jira. Noano tuhoga tirore —nino coa taha me curua puhichapu.

³⁶ To ã nino coa tari baharo Jesu dihtare ñaha tina. Baharo ti ñurire painare yahueraha. Ne cãirore yahueraha.

Jesu watīno to cohtotarirocāre noariro wahach_u yoaha

(Mt 17.14-21; Mr 9.14-29)

³⁷ Pa dachoi tina tūc_u ti duji tach_u pay_u masa Jesure piti boca_u. ³⁸ Ā jiro tina mehne macariro Jesure ō sehe ni pisuha:

—Buheriro, m_uh_ure tuaro ahrire sini du-
aja y_uh_u. Y_u mac_u cāirota jira. Ā jic_u tirore
ñ_ubasaga m_uh_u. ³⁹ Watīno tirore ñaha,
sañurucuch_u yoa, tunu teterech_u yoa, sahpo
tua wahach_u yoaa tihre. Ā yoaro watīno
y_u mac_ure ñano y_uhd_uch_u yoa, ne duhu du-
aerara. ⁴⁰ M_u buheinare watīnore cohā wio
duti_u tuaro sinimahi. Y_u ā sinipach_uta
tina sehe tirore cohā wio masierare —niha
tiro Jesure.

⁴¹ To ā nich_u Jesu sehe ō sehe niha:

—Mip_u macaina m_usa ñaina jira.
¿Y_uh_ure ne wacū tuaeraputiajari? Yoabi-
ari pja m_usare buhemaja y_uh_u. ¿Noho puro
yoari pja y_uh_ure m_usa caribobocari? —ni
tuhtiha Jesu.

Ā ni tuhs_u watīno ti cohtotariro p_uc_urore
ō sehe niha:

—M_u mac_ure na tahga —niha.

⁴² To ā niri baharo to mac_uno Jesu ca-
hap_u to taro watoi watīno sehe tirore yah-
pap_u doca caha s_u, tunu teterech_u yoaha.
To ā yoach_u Jesu watīnore wijaa dutiha. To
ā wijaa dutich_u watīno sāarirocā noariro
wahaha. Ā jiro Jesu sehe tirocāre wiaha
to p_uc_urore. ⁴³ Cohamac_u tuaa mehne
noariro to wahach_u ñ_u, jipihtina masa
c_uaa wahaha.

*Pari turi Jesu to variahtore, to masah-
tore yahuha*

(Mt 17.22-23; Mr 9.30-32)

Masa Jesu to yoarire ti ñ_u, c_uaa wahach_u
Jesu sehe to buheinare ō sehe ni yahuha:

⁴⁴ —Michapucacā y_u yahuhtire boena
tjiga m_usa. Y_uh_ure Cohamac_u to waro-
carirore paio y_uh_ure ñaha dutiro warohca
masare —niha Jesu.

⁴⁵ To ā nipach_uta tina sehe to yahuare
noano t_uho ñahaeraha. To yahurire tinare
masihto basioeraha. Tí pjata Cohamac_u
tinare tíre t_uho ñaha dutierasiniha. Ā jia
tina cuia, tíre tirore sinitu ñ_ueraha.

*Jesu buheina tina mehne macarirore
p_uhtoro sō duamaha*

(Mt 18.1-5; Mr 9.33-37)

⁴⁶ Baharo Jesu buheina durucu sayoa
niha:

—¿Mari mehne macariro diro sehe
p_uhtoro ti cohtotacari? —ni sayoa niha
tina ti basi.

⁴⁷ Ti ā nich_u Jesu sehe ti t_uhotuare
masino, nijinocāre to cahai duhu dapo, to
buheinare ō sehe ni yahuha:

⁴⁸ —Y_u yare yoana tana ahrirocāre cah-
mana y_uh_u cāh_ure cahmana m_usa. Ā
yoa y_uh_ure cahmana, y_uh_ure warocariro
cāh_ure cahmana m_usa. M_usa mehne
macariro m_usa cahamac_uno jiro tiro cāh_u
p_uhtoro tjirohca —niha Jesu.

*Marine ñ_u tuhtiro jieraro, mari mehne
macariro jira*

(Mr 9.38-40)

⁴⁹ Baharo João Jesure ō sehe ni yahuha:

—Buheriro, m_u wama mehne watīare
cohārirore sā ñ_uhi. Tiro mari mehne
macariro to jierach_u ñ_una tíre tirore yoa
dutiera tihi sā —niha João Jesure.

⁵⁰ To ā nich_u Jesu Joãoire paina buheina
cāh_ure ō sehe ni yahuha:

—Ā niena tjiga m_usa tirore. Marine
ñ_u tuhtiro jieraro, tiro mari mehne
macariro jira —niha Jesu to buheinare.

Jesu Santiagore, João cāh_ure tuhtiha

⁵¹ Tí pjare Jesu m_uanop_u to wahahto
panocā, “Jerusalēp_u wahahtja”, niha tiro.
Ā nino tó_u waharo niha. ⁵² Ā jia Jesu
to panoi warocaina waha, Samaria yahpa
macari macap_u s_u, tói Jesu to jhtore cahno
duamaha. ⁵³ Jesu Jerusalēp_u waharo taro
niha. Tó_u wahahtiro to jich_u t_uhoa, tó
macaina tirore cahmaeraha. ⁵⁴ Tíre t_uhoa
Santiago, João mehne ō sehe ni yahuha
Jesure:

—P_uhtoro, m_u cahmach_u m_uano macari
pichaca mehne tinare wajā dutinahca —
niha tina tirore.

⁵⁵ Ti ā nich_u Jesu majare ñ_u, tuhtiha tina
p_uarore.

[—Espíritu Santo yaina jira m_usa.
Mip_u m_usa t_uhoturo seheta tiro sehe
t_uhotuerara. Y_uh_u mas_uno Cohamac_u
warocariro ahri yahpap_u tac_u pichacap_u
wahaborinare yoadohohtiro tai. Masare

butichu yoacu tacu nierahi —ni yahuha Jesu.]

⁵⁶ Æ tuhti tuhsu, pa macapu Jesu cahu wahaa wahaha.

*Paina Jesu mehne wahamaha
(Mt 8.19-22)*

⁵⁷ Tina mahai ti wahachu, masano Jesure õ sehe ni yahuha:

—Mahu mehne waha duaja nohoi mu waharoi —niha tiro.

⁵⁸ To Æ ni tuhsu Jesu õ sehe ni yuhtiha: —Caina macaroca macaina wahiquina ti copari cpara. Minichahca cahu ti suhti cpara. Yhu masano Cohamacu warocariro sehe yu cariri wuhu maeraja —niha Jesu.

⁵⁹ Baharo pairore Jesu pjiha:

—Yhu mehne macariro cjihto taga —niha.

To Æ nichu tiro õ sehe ni yuhtiha Jesure:

—Puhtoro, yu puacu to yariachu yasinii wahihtja. Æ ya tuhsu pinihta mahu mehne wahihtja —niha tiro.

⁶⁰ To Æ nichu Jesu õ sehe ni yahuha:

—Yhure cahmaeraina yariaina yoaro seheta jira. Tina sehe yariainare yajaro. Æ jicu mahu sehe Cohamacu masare puhtoro to noano saho jiare noaa buheare buhei taga —niha Jesu tirore.

⁶¹ Æ yoa paio Jesure õ sehe niha:

—Puhtoro, mahu mehne wahihtja. Wahmanore yu coyeare coha sitisinii wahihtja —niha tiro Jesure.

⁶² To Æ nichu Jesu õ sehe ni yahuha tirore:

—Wachu sahari pjine tuã puriro mehne dahrariro noari dare saha duara. Æ dahrariro to baharo buhusehere majare nuño, noano potori da saha masierara. (Tó seheta Cohamacu yare yoaro taro, dahrariro to pano to jia tiare tuaro wacuboca tíre duhu duaeraro, dahrariro to majare nuño seheta.) Æ wacūriro Cohamacu mari puhtoro yare dahraboriro jierara —niha Jesu.

10

Jesu setenta y dos buheinare buhe dutiro warocaha

¹ Baharo Jesu paina buheinare setenta y dos buheinare bese, macaripere to wahahto pano warocayuha. Cãa macaripere puaro dihta warocaha tiro. ² Æ warocarõ õ sehe ni yahuha tinare piti dahre buhero:

—Trigo payu ti bucu tuhsu payu jichu dahraa pjiro jira. Wiho mejeta dahraina sehe mahainacã jira. Tó seheta noaa buheare tuhohtina payu jichu pjiro jira mari dahraa. To Æ jipachuta mahainacã dahrari masa yoaro seheta noaa buheare buehtina cahu mahainacã jira. Æ jina noaa buheare buehtinare painare to warocah-tore siniga Cohamacu msa. ³ Wahaga msa. Msare yu warocachu msa oveja pohna yaya watoi ti jiro seheta msa cahu ñaina suaina watoi jinahca. ⁴ Niñeru wajure, buhawacua waju cature, dahpo suhtire naaena tjiga. Msa mahai tinina painare boca su durucuena tjiga. Poto wahaga. ⁵ Jipihtia msa sãa wuhusepu saahna “Ahri wuhu macaina noano jijaro”, ni muhtaga. ⁶ Tí wuhu macaina noano mehne jiina cahmachea marieina ti jichu, tíre niga tinare. Noano mehne ti jierachu ñuna tí wuhu macainare Æ niena tjiga. ⁷ Cũ wuhui sãa surucana ti noaina jichu tí wuhuihta tjuaga. Tói ti duhu payorire chu, sihnituga. Dahrainare ti wapataare nano cahmana. Æ jina ti wapataare ti nano seheta ti duhu payorire naga msa cahu. Æ jina cũ wuhuihta msa suri wuhuihta jina, tí maca macaa wuhusepu ji tiniena tjiga. ⁸ Macapere msa suna tó macaina sehe msare ti cahmaina jichu ti chu ti duhu payorire chuga. ⁹ Tó macaina dohatiinare noaina wahachu yoaga. Æ jina õ sehe niga tinare: “Cohamacu mipere mari puhtoro noano to saho jihtore yahuna nija msare”, niga tinare. ¹⁰ Pa macapu msa sachu tina sehe msare cahmaeraboca. Ti Æ cahmaerachu ñuna tí maca dacho macapu waha, õ sehe niga tinare. ¹¹ “Ahri maca macaa dihta pohcari mene wajã site cuna nija sare msa cahmaerari buhiri ñona. Æ jina ahrire wacuga. Cohamacu mari puhtoro mipere to noano saho jihtore yahuna nija msare”, niga tinare. ¹² Msare potocã niita nija. Sodoma macaina ñabiaina jiha. Ti Æ jipachuta pihtiri dacho jichu Cohamacu

to buhiri dahreri dacho jichu Sodoma macaina yuhdoro musare cahmaeraina sehere buhiri dahrerohca —niha Jesu.

Paye macari macaina Cohamacure yuhdurucaina jira
(Mt 11.20-24)

¹³ Baharo Jesu õ sehe niha macari macainare:

—Corazĩ macaina, musa ñano yuhdunahca. Betsaida macaina, musa cãhu ñano yuhdunahca. Musa ya macaripure Cohamacu tuaa mehne yoa ñomahi. Tiro wama tiri macare, Sidõ wama tiri maca cãhure to tuaa mehne yu yoa ñochu ñua tó macaina sehe ti ñaare cahyaboa. Æ yoa “Noaina jija”, ni ti tãhotumari cjirire tãhotu cohtotaboa. Dóihita tina duji, cahyaa suhtire sãa, ti basi niti pohcare ti bui dahra site payoboa ti ñaare cahyaare ñoa.

¹⁴ Cohamacu to buhiri dahreri dacho jichu Tiro macaina, Sidõ macaina yuhdoro ñaa buhiri tiina musa jiri buhiri musare ñano waro buhiri dahrerohca tiro. ¹⁵ Capernau macaina, musa mu sãro manopu waha duamana. Musa Æ waha duapachuta musa ñaa buhiri tiina musa jiri buhiri musare Cohamacu pichacapu cohãnohca —niha Jesu.

¹⁶ Æ ni tuhsu Jesu to buheinare õ sehe ni yahuha:

—Musare tuhoina yuhu cãhure tuhora. Musare cahmaeraina, yuhu cãhure cahmaerara. Æ jia yuhure cahmaeraina, tina yuhure warocariro cãhure cahmaerara —niha Jesu tinare.

Setenta y dos buheina tju wihia

¹⁷ Baharo setenta y dos buheina wahchea mehne tju wihia:

—Pãhtoro, mu wama mehne mu tuaa mehne watãre sã dutichu tina sehe sãre yuhdurucaerare —niha tina Jesure.

¹⁸ Ti Æ nichu Jesu õ sehe ni yãhtiha tinare:

—Manopu to oroca site bora taro seheta, watĩno to bora tachu ñuhi. ¹⁹ Noano tuhoga. Musare yu tuaare wahi yuhu. Æ jina agãare, pichõno soroare, watĩnore marine ñu tuhtirirore musa yuhdurucahtire wahi yuhu. Æ jia tina musare ñano yoa masierara. ²⁰ Yu Æ wapachuta watã musare ti yuhdurucaerachu ñuna tí dihtare

wahchena tjiga. Ahri sehere wahchega. Manopu Cohamacu yaina ti wamare to joa õri tjui musa wamare to joa õchu ñuna, tí sehere wahchega musa —niha Jesu tinare.

Jesu wahcheha

(Mt 11.25-27; 13.16-17)

²¹ Tí pjare Espĩritu Santo Jesure tuaro wahchechu yoaha. Æ jiro Jesu õ sehe niha:

—Mai, muhu manopu cãhure yahpau cãhure pãhtoro jira. Masi yuhdurucu sãinare mu yahuerari cjirire wiho jiina sehere yahure muhu. Mu Æ yoachu ñucu “Noa yuhdura”, nija. Æ tjira, Mai. Mu yoa duariro seheta, mu cahmariro seheta tinare mu yare yahure —niha Jesu.

Æ ni tuhsu painare õ sehe niha:

²² —Yu Pucu jipihtiare yuhure ware. Yu Pucu dihta yuhure masina. Yuhu cãhu tirore masija. Yu beserina cãhu tirore masina, yu masi dutiina jia. Tópeinata yu Pucure masija sã —niha Jesu.

²³ To Æ niri baharo ti sahsero ti jichu Jesu to buheinare õ sehe niha:

—Ahri jipihtiare musa ñuna wahcheina jira. ²⁴ Potocã tjira. Payu Cohamacu yare yahu mãhtaina cjiri, yahpari macaina pãhtoa cãhu mipu musa ñurire ñu duamaha tina cãhu. Æ jia musa tuhori cãhure tãho duamaha —niha Jesu.

Noariro Samaria macariro quitire yahuha Jesu

²⁵ Tí pjata judio masare buheriro Jesu cahai wihi, Jesure ñano to durucuchu yoa duamaha tirore yahusã duaro:

—¿Buheriro, yuhu jipihia dachoripe Cohamacu mehne ji duacu dohse yoaihcaru yuhu? —ni sinituha tiro Jesure.

²⁶ To Æ nichu Jesu õ sehe ni yãhtiha tirore:

—¿Dohse ni yahujari Cohamacu yare ti joari pũi? ¿Cohamacu to ni joari cjirire dohse ni tuhutarita muhu? —niha Jesu tirore.

²⁷ To Æ nichu tiro õ sehe ni yãhtiha:

—Õ sehe niha Cohamacu: “Tuaru musa yajeripohnari mehne, noano musa tuaa mehne, musa wacãa mehne Cohamacure cahãga. Æ yoa mu basi mu cahĩno seheta mu cahai jiina cãhure cahãga” —niha tiro Jesure.

28 To ã nichu Jesu õ sehe ni yahuha:

—Quihõno nire mahu. Tíre yoaga. ã yoacu jipihtia dachoripe Cohamacu mehne jiihca mahu —niha tirore.

29 “Ahríro Cohamacu dutiare yoa pahñoriro jira”, masa tirore ti ni tãhotuchu cahmaha judio masare buheriro. ã cahmano tiro Jesure õ sehe ni sinituha:

—¿Yabariro baro jicari yuhare mu cahĩ dutiriro? —niha tiro.

30 To ã nichu Jesu õ sehe ni piti dahre quiti mehne yuhtihã:

—Cã dacho Jerusalẽpu tariro Jericõpu wahariro mahai to tinichu yacaina tirore ñahaha. ã ñahaa, to suhtirore tjuwe na, tirore tuaro cjãha. ã tuaro cjãa, mahano to yariaro cahachu waro duhuha tina tirore. 31 Tí pjata sacerdote tí mahapu taha. ã taro ti cjãriro cjirore ñuparota maha pa buhusehe duhtu cahai do yuhdu wahcã, yuhdu wahaha. 32 ã yoa Cohamacu wuhai dahrariro cãhu pjacuroriro cahai su, tirore ñu, maha pa buhusehe coai do yuhdu wahcã wahaha. 33 ã yoa Samaria macariro sehe tói waha, yoa curerõpu pjacurorirore ñu, tirore pja ñuha.

34 ã pja ñuno, tiro pjacuroriro cahai su, se, vino mehne morea core to camine pio sihõha. Pio sihõ tuhsu suhtiro cahsaro mehne duhteha to camine. Tuhsu, pjacurorirore to burro bui duhu payo, carĩni wuhupu na suha tirore. Tói jiro, Samaria macariro noano ñu wihboha tirore. 35 Pa dachoi tiro carĩni wuhu purore puã tu niñeru tãrire wa, õ sehe niha: “Ahrírore ñu wihboga. Ahri mu suerachu pari turi tjua tacu wapa pahñoihtja”, niha Samaria macariro wuhu purore —niha Jesu.

36 ã ni tuhsu judio masare buherirore õ sehe ni sinituha Jesu:

—¿Ahrina tiaro muã diro sehe jijari pjacurorirore cahĩriro? —niha Jesu.

37 To ã nichu tãhoro buheriro sehe Jesure õ sehe ni yuhtihã:

—Pjacurorirore yoadohoriro jica tirore cahĩriro —niha tiro Jesure.

—Wahaga. Mahu cãhu masare tó seheta yoai wahaga —niha Jesu buherirore.

Marta, María cãhu cahai Jesu tiniha

38 ã yoa Jesu to buheina mehne ti wahachu, pa macapu ti tinichu, Marta wama tiricoro tinare to wuhai sãa ta dutiha. 39 To bahoro María to dahpori cahai duji, to buheare tãhoha. 40 To ã yoachu ñuno Marta to dahraa pjíro jichu suaha. ã jiro ticoro Jesure õ sehe ni sinituha:

—Puhtoro, ¿yuhu cãcoro yu dahrachu yuhare yu baho to yoadohoerachu mähare noajari, mu ñuchu? Ticorore yuhare yoadoho dutiga —niha Marta Jesure.

41 To ã nichu Jesu õ sehe ni yuhtihã:

—Marta, dahraa pjíro cjãaco pjíro tãhotura mahu. 42 Cohamacu to yare tãho dutira. María noaare yoaro taro tíre cahmahre. ã jicu yuhare to tãhochu “Dahradohoco wahaga”, nieraja ticorore —niha Jesu Martare.

11

Jesu Cohamacure siniare buheha (Mt 6.9-15; 7.7-11)

1 Cã dacho Jesu Cohamacure sinino niha. To sini tuhsuachu, cãiro to buheina mehne macariro tirore õ sehe niha:

—Puhtoro, João to buheinare to buheriro seheta Cohamacure siniare sã cãhare buhega mahu —niha tiro Jesure.

2 To ã nichu tãhoro Jesu tinare õ sehe ni yahuha:

—Õ sehe ni Cohamacure siniga: “Sã Puacu, mahu ñaa marieriro ã jirucura. Mipure jipihtina bui puhtoro jiga.

3 ã yoa dachoripe sã chãhtire warucuga sãre.

4 Paina sãre ti ñano yoarire sã boja.

ã jicu mahu cãhu sã ñaa yoarire boga.

Tuhsu, sã ñaare yoa duana sã goa pjachu ñucã tíre sãre yoa duaerachu yoaga”, ni siniga Cohamacure —niha Jesu tinare.

5 Baharo Jesu quiti mehne to buheinare õ sehe ni buheha:

—Cãiro ñami dacho macai to coyeiro ya wuhupu waha, tirore õ sehe ni siniha: “Coyeiro tia curi pão curi waga yuhare.

6 Pairo yu coyeiro tinino tariro michapucacãta ya wuhai wihihre. ã yoa tirore yu chua waboa mariahna”, niha tiro to coyeirore. 7 To ã nichu to coyeiro wuhu puhichapu jiriro yuhtihã: “Yuhare cariboi

tjiga. Sopa pahma bihariro jira. Yuhũ yũ pohna mehne carĩna nija. Wahcãno pjaeraca yuhũre. Mũhũre chũare waboricũ jieraja”, niha to coyeiro. ⁸ ¿Dohse waharohcari sinirirore? Potocã niita nija mũsare. To coyeiro jiparota, chũa waboriro wahcã duaeraha. Wahcã duaeraparota chũa siniriro sehe bũo tiro marieno to yoari pja sinirucuchũ tũhoro jipihtia to siniriro sehetã warohca. ⁹ Ā jicũ ahrire mũsare ni yahui nija: Cohamacũre siniga. Ā sinina mũsa sinirire ñahanahca. Mũsa sinirire bocanahca. Tirore Ā sinirucuga. Mũsa Ā yoachũ tiro mũsare warohca. ¹⁰ Jipihtina Cohamacũre siniina ti sinirire naahca. Ā yoa ti sinirire bocaahca. Ā jiro jipihtina Cohamacũre Ā sinirucũinare tiro tinare warohca.

¹¹ ¿Mũsa pohna mũsare wahire ti sinichũ agã sehere wabocari mũsa tinare? ¹² ¿Mũsa pohna caraca diecare ti sinichũ pichõno soro sehere wabocari mũsa tinare? Ne wasi. ¹³ Mũsa ñaina jipanahta mũsa pohna noaare wa masina mũsa. Ā yoa Cohamacũ sehe mũsa wari yũhoro noaare wara mũsare. Tiro mari Pũcũ mũano macariro to Espĩritu Santore warohca tirore siniinare —niha Jesu to buheinare.

“Jesu watĩno tuaare cjũara”, ni yahusãha masa

(Mt 12.22-30; Mr 3.19-27)

¹⁴ Tĩ pjare Jesu watĩnore cohã wioro niha. Watĩno sehe durucu masierariro jichũ yoaha masũnore. Ā jiro watĩno masũnore to duhuri baharo masũno sehe durucu dũcaha. To durucuchũ tũhoa masa payũ cũaa wahaha. ¹⁵ Tĩ Ā cũapachũta paina sehe õ sehe niha:

—Ahriro Jesu watĩare to cohã wiochũ Beelzebũ wama tiro watĩ pũhtoro sehe tirore yoadohora —niha paina.

¹⁶ Paina “¿Jesu Cohamacũ to warocariro jijari?” ni masi dua tirore Cohamacũ tuaa mehne yoa ño dutimaha. ¹⁷ Tĩ Ā dutichũ tũhoro “Watĩno tuaa mehne watĩare cohã wiora”, ni ti tũhotuare masino, tinare õ sehe ni yahuha Jesu:

—Watĩno ya tuaa mehne watĩare cohã wioi nieraja. Cũ maca macaina ti basi cahma wajãa, tĩ maca macaina yaria pihtia wahara. Ā jia cũ wuhũ macaina ti basi

cahmachea, tĩ wuhũ macaina waha pihtia wahara. ¹⁸ Ā yoa watĩno yaina watĩa ti basi cahmachea, tina watĩa cũhũ waha pihtia wahaboa. Cũ curua ji masieraboa. Mũsa yuhũre õ sehe nina. “Tiro watĩno tuaa mehne watĩare cohã wiora”, mũsa yuhũre nina nica. ¹⁹ ¿Yuhũre mũsa niri potocã jichũ mũsa mehne macaina watĩare cohã wioa, watĩno tuaa mehnetã cohã wiojari tina cũhũ, mũsa ñũchũ? Mũsa mehne macaina watĩare cohã wioa, watĩno tuaa mehne cohã wioa nierara. Ahrire masina watĩno to tuaa mehne watĩare yũ cohã wioerachũ masinahca mũsa. ²⁰ Ā jicũ yuhũ sehe watĩare cohã wiochũ Cohamacũ tuaa mehne cohã wioja. Ahrire masina, Cohamacũ mũsa pũhtoro to noano sũho ji dũcaare masinahca mũsa.

²¹ Tuariro to wamoa mehne to wuhũre to ñũ wihbochũ to yare paina na masierara. ²² To Ā ñũ wihbopachũta paio tua yũhdũriro tiro mehne cahmache, tirore yũhdũrũca, to wamoare manoca, to yare manocahna. (Õ sehetã yoa yũhdũrũcaro cahmana watĩare.) ²³ Cũiro yuhũre cahmaeraro, yuhũre ñũ tuhtiriro jira. Cũiro yuhũre yoadohoraro yuhũre ñano yoaro nina —ni buheha Jesu.

Watĩno pari turi masũnore to sãari quitire yahuha Jesu

(Mt 12.43-45)

²⁴ Ā yoa to tũhotua mehne õ sehe ni piti dahre buheha tinare:

—Watĩno masũnore duhuro tiro co marieni yahpai tinino, to sohto cjihtore macamaha. Bocaeraro, õ sehe ni tũhotuha: “Masũno yũ duhuriro mehne pari turi jii wahaihtja”, ni tũhotuha tiro. ²⁵ Ā nino tiro tjua waha, masũnore bocaha. Ā to bocachũ masũno sehe noariro jimaha. ²⁶ Tuhsũ, watĩno paina siete watĩare tiro bui ñaa yũhdũinare nano wahaha. Na wihi, tina jipihtina watĩa masũno mehne jiha. Ā jiro masũno sehe tĩ pano cũiro watĩnore cjũaro, ñariro jimaha. Mipũ sehere payũ watĩa ti cohtotariro jiro, tĩ pano to jiriro yũhdoro ña yũhdũariro jiha —niha Jesu.

Jesu wahcheare yahuha

²⁷ Tĩre to Ā nichũ masa watoi jiricoro numino Jesure õ sehe ni yahuha:

—Mũhũre pohna tiricoro, mũhũre pũricoro wahchericoro jira —niha Jesure.

²⁸ To ã ni tuhsũchũ tũhoro Jesu ticorore õ sehe ni yũhtiha:

—Cohamacũ durucũare tũhoina to du-tiare yoaina tina tjica wahcheina —niha Jesu ticorore.

Masa ñaina Jesure Cohamacũ tuaa mehne yoa ño dutiha

(Mt 12.38-42; Mr 8.12)

²⁹ ã yoa payũ masa Jesu cahai ti wihichũ, tiro tinare õ sehe ni yahu namoha:

—Mipũ macaina nu ñaina jira. Cohamacũ tuaa mehne yũ yoa ñochũ ñũ duamana. Ti ã ñũ duapachũta Jona panopũ macariro Cohamacũ tuaa mehne to yoari dihtare ñonohca Cohamacũ tinare.

³⁰ Jona Cohamacũ yare yahu mũhtariro jiro, tiro Nínive macainare Cohamacũ yare to masichũ yoariro seheta yũhũ masũno Cohamacũ warocariro masichũ yoaja mipũ macainare. ³¹ Buhiri dahrehti dacho jichũ pũhtorocoro sur macaricoro panopũ macaricoro ducu, mipũ macainare “Ñaina jira”, ni yahusãnohca ticoro. Ticoro Salomo panopũ macariro to masiare tũho duaro yoaropũ ahri yahpa pa sehẽpũ jiricoro Salomore tũhoro taha. ã yoaro noano yoaro niha mipũ macaina yũhdoro. ã jiro ticoro yahusãnohca mipũ macainare. ã nicũ mũsare potocã niita nija. Mipũ mũsare yũ buhea Salomo to buheri yũhdoro jira.

³² Buhiri dahrehti dacho jichũ Nínive macaina cãhũ ducu, mipũ macainare “Ñaina jira”, ni yahusãahca tina. Jona tinare Cohamacũ yare to yahuchũ tũhoa, ti ñaare tũhotumarire tũhotu cohtota Cohamacũre cahmaha tina sehe. ã cahmaa noano yoaa niha mipũ macaina yũhdoro. ã jia tina cãhũ mipũ macainare “Ñaina jira”, ni yahusãahca. Mũsare potocã niita nija. Mipũ mũsare yũ buhea Jona to buheri yũhdoro jira —ni yahuha Jesu.

Masa ti tũhoturo seheta yoara

(Mt 5.15; 6.22-23)

³³ ã ni yahu tuhsũ, piti dahre buhero õ sehe ni yahu namoha tinare:

—Masa sihãriare sihãa nũoerara. Tiare sihãa dihi biato docapũ duhu dapoeerara.

Tiare mũanoi duhu payora wũhũpũ sãa taina ti noano ñũ sãahto sehe. ³⁴ Sihãria to noano buhriachũ mari noano ñũ masino seheta noaare tũhotua mehne noaare yoa masinahca mũsa. Mũsa tũhoturo seheta yoara mũsa. Noaare tũhotuna noaare yoara mũsa. Noaare tũhotuerana ñaare yoara mũsa. ³⁵ ã jina noano yoaga. Mũsa tũhotuapũ ñaa jiero tjijaro. Ñaare goa pjaena tjiga. ³⁶ Tuhsũ mũsa tũhotuapũ noaa jichũ, ñaa ne mariachũ noaa dihtare tũhotunahca —ni buheha Jesu.

Fariseo curua macaina, judio masare buheina cãhũre Jesu tuhtiha

(Mt 23.1-36; Mr 12.38-40; Lc 20.45-47)

³⁷ Jesu to buhe tuhsũchũ ñũ fariseo curua macariro tirore to ya wũhũpũ chũ dutiro pjiha. ã jiro Jesu tiro ya wũhũpũ sãa sũ, ti chũroi tina mehne nuju sũha. ³⁸ To ã nuju sũchũ fariseo curua macariro sehe Jesure ñũ nũnũno judio masa ti wamo cosarucuro seheta to wamo cosaerachũ ñũno õ sehe ni tũhotuha: “Cuenah. ¿Ahriro dohsearo wamo cosaerajari mari yoaro sehe?” ni tũhotuha. ³⁹ To ã ni tũhotuchũ masino Jesu tirore õ sehe ni yahuha:

—Mũsa fariseo curua macaina sihnia wahwarire, wapari cãhũre bui sehe dihtare mũsa cosaro seheta noaare yoa ñona mũsa buicã warohna. ã yoapanahca Cohamacũ yare quihõno yoerara. Paina yare maina jina, ñaa dihtare tũhotura mũsa. ⁴⁰ Tũho masieraina jira mũsa. Cohamacũ mũsa pjacũrĩre yoariro mũsa tũhotuhti cãhũre yoaha. ¿Tĩre masierajari mũsa? ⁴¹ ã jina mũsa yare pjacũoinare waga mũsa. Mũsa ã yoana noaare tũhotuina jinahca.

⁴² Mũsa fariseo curua macaina ñano yũhdũnahca. Moa yoaro sehe jiare chũare coachũ yoare cãhũana mahanocã wamana mũsa. Cohamacũre ño payona tana sacerdoteara wamana mũsa. ã wapanahca noaare yoerara mũsa. ã jina masare pja ñũerara mũsa. ã yoa Cohamacũre ño payoerara mũsa. Toaa dichacãre mũsa narire mahanocã Cohamacũre mũsa wachũ noa nina. ã wana õ sehe yoa namoga: Noaare yoaga. ã yoa pja ñũga mũsa masare. Tuhsũ, Cohamacũre ño payoga mũsa.

⁴³ 'Musa fariseo curua macaina ñano yuhdñahca. Buheri wuhupɛ jina, noaa dujia dihtare duji duara mɛsa. Pache duaropɛ masa mɛsare pɛhtoare noano ño payo ti sinino sehe ti piti bocasinichɛ cahmana mɛsa.

⁴⁴ 'Ñano yuhdñahca mɛsa. Masa copa nɛori copa yoaro seheta jira mɛsa. Tí copa cahai masa jia, puhicha macariro baarirore ñɛrara tina. Tó seheta masa mɛsa cahai jia, mɛsa tɛhotuapɛ ñaa jiare masierara tina —niha Jesu tinare.

⁴⁵ To ã nichɛ tɛhoro judio masare buheina mehne macariro Jesure ò sehe ni yahuha:

—Buheriro, tíre nicɛ sã cɛhɛre ñano nii nica mɛhɛ —niha tiro Jesure.

⁴⁶ To ã nichɛ Jesu ò sehe ni yuhtiha:

—Potocã tjira. Judio masare buheina mɛsa cɛhɛ ñano yuhdñahca. Mɛsa painare ti bihoeraare yoa dutira tinare. Ñ dutipanahta mɛsa sehe tinare ne mahnocã yoadohoerara tí dutiare ti yoahto sehe.

⁴⁷ 'Ñ jina mɛsa ñano yuhdñahca. Cohamacɛ yare yahu mɛhtaina panopɛ macaina ti masa coparire noano cahnomanana mɛsa tinare ño payoro sehe yoana. Mɛsa ã yoapachɛta panopɛ macaina mɛsa coyea sehe tinare wajãha. ⁴⁸ Tina sehe Cohamacɛ yare yahu mɛhtaina cjirire ti wajãriro seheta mɛsa cɛhɛ yoaboa. Ñ jina mipɛre ti masa coparire cahnomanana mɛsa. Ñ cahnona mɛsa coyea tinare ti wajãri cjirire wacũ bajuro wana nica mɛsa. Ñ ti wajãrire wacũna “Noa nina”, nina nica mɛsa.

⁴⁹ 'Cohamacɛ to masia mehne ò sehe ni yahuha: “Yɛ yare yahu mɛhtaina cɛhɛre yɛ buhe duti cɛrina cɛhɛre warocaihtja tinare. Ñ jia tina yɛ warocainare painare wajã, painare ñano yoahca”, niha Cohamacɛ. ⁵⁰⁻⁵¹ Ahri yahpare Cohamacɛ to bajuamehneri baharo Caĩ sehe Abere wajãha. Tuhsɛ, Cohamacɛ yare yahu mɛhtaina cjirire Abe baharo jiina cɛhɛre ñaina wajãha. Baharo Zacariare Cohamacɛ wɛhɛi Cohamacɛre ño payori mesa cahai mɛsa coyeata wajãha. Jipihtina tinare ti wajãri buhiri mipɛ macainare Cohamacɛ buhiri dahrerohca. Ñ tjira.

Mɛsareta nii nija. Jipihtina tinare ti wajãri buhirire mipɛ macainare Cohamacɛ buhiri dahrerohca.

⁵² 'Musa judio masare buheina, ñano yuhdñahca. Cohamacɛ masiare ti joaa pɛrine cɛapanahca painare yahuerara mɛsa. Mɛsa basi Cohamacɛ yare tɛhoerara. Tuhsɛ, paina to yare ti tɛho duapachɛta tíre mɛsa tinare tɛho dutierara —niha Jesu tinare.

⁵³⁻⁵⁴ To ã nichɛ tɛhoa judio masare buheina fariseo curua macaina cɛhɛ tiro mehne sua tirore ñano ni durucuha. Ñ jia Jesu to ñano ni yuhtichɛ tɛho duaa, tina payɛ mahño cũ sinitu ñɛmaha tirore, tirore yahusã duaa.

12

Fariseo curua macaina ti ã mahñorucurire Jesu yahuha

¹ Ñ yoa Jesu cahai masa payɛ cahmachua, bihsa yuhdɛaha. Tóti Jesu to buheinare ò sehe ni yahu dɛcaha:

—Noano wacũ masiga mɛsa. Fariseo curua macaina ti pão bɛɛarore ñana noano wacũ masiga. Ti mahñorucurire nii nija “Pão bɛɛaro”, nicɛ. ² Jipihtia ñaare paina ti masierari cjirire baharo masiahca. ³ Ñ yoa ñamipɛre ti pjiroca durucuri cjirire buhriaroi to bajuro waro seheta masiahca jipihtina. Bihari tahtiapɛ paioire yaro ca ti nimari cjirire masa payɛ masiahca —ni yahuha Jesu.

Masa ti cuihtirore yahuha Jesu (Mt 10.28-31)

⁴ Ñ ni tuhsɛ Jesu ò sehe ni yahu namoha tinare:

—Potocã niita nija mɛsare. Masa wajãina wajã tuhsɛ pari turi ti wajãrina cjirire ñano yoa namo masierara. Ñ jina mɛsare wajã duainare cuiena tjiga. ⁵ Mipɛre mɛsa cuihtirore mɛsa ño payohtirore yahuihtja. Cohamacɛ sehere cui, ño payoga. Tiro mɛsa yariari baharo pichacapɛ cohã masina mɛsare. Ñ tjira. Potocã nii nija. Cohamacɛ sehere cui, ño payoga.

⁶ 'Cinco siripia wapa mariaha. Ti ã wapa mariapachɛta cãirocãre Cohamacɛ ne boerara. ⁷ Ñ yoa mɛsa pjoarire ne cũ

pjoa da d̄hsaro marieno masi pah̄õna Cohamac̄. Tó seheta m̄sa jia tia c̄h̄ure masi pah̄õna Cohamac̄. Ā masino m̄sare ñ̄ wihborucura. Siripiare to cah̄õno ȳhdoro m̄sa sehere cah̄õna Cohamac̄. Ā jina tirore ño payona cuiena tjiga m̄sa —niha Jesu.

*Jesu yaina m̄sa jiare yahuga masare
(Mt 10.32-33; 12.32; 10.19-20)*

⁸ Ā yoa Jesu ò sehe ni yahu namoha:

—M̄sare niita nija. C̄airo “Jesu yairo jija”, masare to nich̄ ñ̄c̄, ȳh̄ mas̄no Cohamac̄ warocariro “Tiro ȳ yairo jira”, ni yahuihtja Cohamac̄ yaina anjoare. ⁹ C̄airo “Jesu yairo jija”, masare nierariro sehere ȳh̄ “Tiro ȳ yairo jierara”, ni yahuihtja Cohamac̄ yaina anjoare.

¹⁰ ‘C̄airo ȳh̄ure ñ̄ano to ni durucuch̄ tí ñ̄aa buhirire Cohamac̄ bo masina. Ā boparota c̄airo Esp̄ritu Santo sehere to ñ̄ano ni durucuch̄ tí ñ̄aa buhirire ne Cohamac̄ bosi.

¹¹ ‘Mari judio masa buheri w̄h̄p̄ p̄h̄toa cah̄ai paina m̄sare na s̄aa yahus̄ahca. Tí ã yahus̄ach̄ m̄sa ni d̄catahti c̄jhtire “Cue, masieraboca”, ni t̄hotuena tjiga. ¹² Tí p̄jaihta Esp̄ritu Santo m̄sa yahuti c̄jhtire yahurohca —niha Jesu.

Pache p̄ro quitire yahuha Jesu

¹³ Ā yoa masa mehne macariro Jesure ò sehe ni yahuha:

—Buheriro, s̄a p̄c̄ to yariari baharo to ya cjiri s̄are tjuara. Ā jic̄ ȳ wahmine tíre ȳh̄ c̄h̄ure quih̄õno tju wa dutiga —niha tiro Jesure.

¹⁴ To ã nich̄ Jesu ò sehe ni ȳhtiha:

—Ne tí barore tju waboric̄ jieraja ȳh̄ —niha Jesu tirore.

¹⁵ Ā ni tuhs̄ Jesu jipihtinare ò sehe ni yahuha:

—Noano yoaga m̄sa. Pachere, paye baro c̄h̄ure cah̄õna tjiga. Paȳ c̄japanah̄ta tí mehneta wahche tuhs̄eraja mari —niha Jesu.

¹⁶ Ā ni tuhs̄ Jesu quiti mehne ò sehe ni yahuha tinare:

—Pache p̄ro noari yahpare c̄jaha. Ā jia tí yahp̄p̄ to toaa noano dicha tiha.

¹⁷ Ā jiro tiro to basi ò sehe ni t̄hotumaha: “Dicha wihboa w̄h̄use ne m̄ s̄erara.

¹⁸ Mip̄are ò sehe yoaihtja: Mip̄ ȳ wihboa w̄h̄sere coh̄õna, m̄na w̄h̄use cjiri ȳhdoro wahma w̄h̄use yoaihtja. Tí w̄h̄sei ȳ toaa dichare, jipihtiare ȳ yare wihboihtja. ¹⁹ Ȳ ã yoari baharo, ò sehe ni t̄hotuihtja ȳ basi: ‘Ȳh̄ jiape c̄jariro jija. Noano soihtja. Ā jic̄ ch̄, sihni, wahcheihtja’, ni t̄hotuihtja ȳ basi”, ni t̄hotumaha tiro. ²⁰ To ã ni t̄hotuch̄ Cohamac̄ tirore ò sehe ni yahuha: “M̄h̄ ne t̄ho masierariro jira. Micha ñ̄amihta m̄h̄ yariaihca. M̄ ã wahach̄ m̄ ya m̄ cah̄i butia wahaahca”, niha Cohamac̄ tirore —niha Jesu masare.

²¹ Tíre nino, masare ò sehe ni yahuha Jesu:

—Āta wahaahca pache p̄ Cohamac̄re wac̄eraina. Paȳ pachere, niñerure to ya c̄jhti dihtare wihboriro, Cohamac̄re wac̄eraro tiro p̄jacoriro jirohca, Cohamac̄ to ñ̄ch̄. Ā jiro Cohamac̄ tirore ñ̄ jicoaerara —niha Jesu.

*Cohamac̄ to poh̄nare ñ̄ wihbora
(Mt 6.25-34)*

²² Ā yoa Jesu to buheinare ò sehe ni yahuha:

—Ahr̄ire m̄sare nii nija: M̄sa ch̄hti c̄jhtire, m̄sa suhti s̄ahtire p̄j̄ro cah̄ya t̄hotuena tjiga. ²³ Cohamac̄ m̄sare bajuameh̄neno, ch̄htina c̄jhti dihtare yoeraha m̄sare. Tuhs̄, suhti s̄ahtina c̄jhti dihtare yoeraha tiro m̄sare.

²⁴ Minichahca perire Cohamac̄ to ñ̄ wihboare masiga. Tina weseri maeraina jira. Ā jia ch̄are ti wihboa w̄h̄use tinare mariahna. Tí ã jiina jich̄ ñ̄ano tinare Cohamac̄ ti ch̄htire wara. Minichahca ȳhdoro m̄sa sehere cah̄õna Cohamac̄.

²⁵ P̄j̄ro m̄sa t̄hotua mehne c̄ hora waro m̄sare cati namoch̄ yoa masierara m̄sa. Ā jiro m̄sa p̄j̄ro t̄hotua yaba c̄jhti jierara.

²⁶ ¿Ā yoa p̄j̄ro m̄sa t̄hotua ti yaba c̄jhti jierapach̄ta dohse yoana m̄sa ch̄htire, m̄sa sihnihtire, m̄sa s̄ahtire p̄j̄ro cah̄ya t̄hotujari?

²⁷ ‘Macaroca macaa coh̄ore t̄hotuga. Tí coh̄ori ti basi suhtire yoerara. Ā yoerapahta noaa suhti tiina yoaro sehe

²⁷ ‘Macaroca macaa coh̄ore t̄hotuga. Tí coh̄ori ti basi suhtire yoerara. Ā yoerapahta noaa suhti tiina yoaro sehe

noaa bajura tí cohuri. Salomo cjiro noaa suhtire sãariro to jipachuta tí cohuri sehe tiro yãdoro noabiaa cohuri waro jira. ²⁸ Cohorire noaa cohuri yoara Cohamacu sehe. To ã yoapachuta cohuri sehe mahaa dachoricã jirucuma ñai boraa wahara. Mahanocã ji, pa dachoi pichacaru jãa wahara. Ti ã jipachuta cohorire noaa cohuri jichu yoara Cohamacu. Æ jiro Cohamacu cohorire to noaa cohuri to yoariro yãdoro musa cãhure noano yoarohca. Suhtire warohca. Mahanocã Cohamacure wacũ tuara musa. ²⁹ Æ jina musa chũhtire, musa sihnihtire pjíro cahya tãhotuena tjiga. ³⁰ Cohamacure cahmaeraina sehe ahri yahpa macaina sehe tíre ã macarucua nina. Mari Pucũ muano macariro jipihtia musa cahmaare masina. To ã masichu pjíro cahya tãhotuena tjiga. ³¹ Cohamacu musa puhtoro to jihto cjihtore cahma mahtaga. Jipihtia paye baro yãdoro tirore cahmaga musa. Musa ã yoari baharo Cohamacu sehe musa cahmaa duhsachu warohca — ni yahu namoha Jesu.

Muanopũ mari payũ cjũa masija
(Mt 6.19-21)

³² Æ ni tuhsu, tinare õ sehe ni yahu namoha:

—Yũ cahĩina, mahainacã jipanahta, cuiena tjiga musa. Cohamacu musa puhtoro to noano sũho jiropare tiro mehne musa jichu cahmana tiro. ³³ Æ jina musa yare dua pahñoga. Tíre duanoca tí niñerure na, pjacũoinare waga. Tó sehe musa yoachu muano macaa musa wapataa ne pihtisi. Muanopũ musa ya jia ne pihtierara. Tópare musa yare na masierara yacariro. Æ yoa machu cãhu tíre tãa masierara. ³⁴ Muanopũ musa ya jichu muano macaa dihtare tãhotunahca musa —niha Jesu.

Jesu to tjua tahtore cohta dutiha to yainare

³⁵⁻³⁶ Æ ni tuhsu tinare õ sehe ni yahu namoha:

—Musa yare cahnoyu tuhsuina yoaro sehe yũ yare ã yoarucuina jina cohtaga yũhure. Dahra cohtaina ti puhtoro wamomaca duhteri bose namũpũ to wahachu to tjua tahtore tina cohtara. Tina ti ã cohtariro sehetu yũ tjua tahtore cohtaga

musa cãhu. Puhtoro to wũhũpũ wihi, sopacare to dotachu tũhoa tina dóihta pjõo sõhna tirore. ³⁷ Dahra cohtaina ti puhtoro to wihichu to cahmano sehetu yoarucuina jia, wahcheina jahca. Ti ã yoachu ñũno puhtoro sehe dahra cohtariro yoaro sehe cohtotarohca. Æ yoaro dahra cohtainare duji dutiro, tiro ti chũare duhu payorohca. ³⁸ Tiro to wihiti pja ñami dachomacaru, o bohrearopũ to jipachuta dahra cohtaina sehe to wihiti pjare tirore noano cohtaina jia, wahcheina jahca tina. ³⁹ Ahrire wacũga musa. Yacariro wũhũpũ to wihito pano tí wũhu puero masierara. Wũhu puero yacariro to wihitore masino, tiro yacarirore sãa dutieraboa. Æ jiro wacũenoca tara yacariro. ⁴⁰ Æ jina musa cãhu cohtaga. Yũhu masũno Cohamacu warocariro wacũenoca taihca. Æ jina yũ yare ã yoarucuina jina cohtaga musa —niha Jesu tinare.

Dahra cohtariro to puhtorore ño payorirore, ño payoerariro cãhure yahuha
(Mt 24.45-51)

⁴¹ To ã nichu Pedro sehe õ sehe ni sinituha Jesure:

—¿Ahri quitire yahucu sãre nii nijari? ¿O jipihtinare ã nii nijari? —niha Pedro.

⁴² To ã nichu Jesu to tãhotua mehne õ sehe ni piti dahre buheha tinare:

—Dahra cohtariro to puhtorore ño payoriro tũho masiriro õ sehetu jira. Puhtoro tinino waharo, dahra cohtarirore to wũhure cũna. To cũriro sehe dutiriro jirohca. Æ jiro tiro chũri pja jichu paina dahra cohtainare chũare witira. ⁴³ Baharo puhtoro to wihichu dahra cohtariro sehe to puhtoro to dutiriro sehetu yoa pahñoriro jiro, tiro wahcheriro jirohca. ⁴⁴ Potocã niita nija musare. To ã yoachu to puhtoro jipihtia to yare ñũ wihboriro cũnohca tirore. ⁴⁵ To ã cũpachuta dahra cohtariro “Yũ puhtoro yoari pja bajuerara”, niboca. Æ nino paina dahra cohtainare muare, numia cãhure cjãpe, payũ chu, sihni, cahaboca. ⁴⁶ To ã yoari baharo wacũenoca to puhtoro wihirohca. Æ wihiro tirore ñano buhiri dahrerohca. Æ jiro Cohamacure yãdũrũcainare to cohãriropũ tirore cohãnohca.

⁴⁷ Æ yoa dahra cohtariro to pũhtoro cahmaare masiriro jiparota tíre to yoaerachũ, tiro to noano dahraerachũ to pũhtoro sehe tirore yuta da mehne tuaro tjananohca. ⁴⁸ Pairo sehe dahra cohtariro to pũhtoro cahmaare masierariro jiro to noano yoaerachũ ñũno to pũhtoro sehe pjiroca dero tirore tjananohca. Cohamacũ to cahmaare masichũ yoara masare. Æ jiro masirirore yũhtiro cahmana. Tuhsũ, noano masirirore noano yũhtiro cahmana —niha Jesu.

Jesu masare cahma tju wachũ yoara
(Mt 10.34-36)

⁴⁹ Æ ni tuhsũ Jesu tinare õ sehe ni yahuha tjoa:

—Pichaca to jũwero seheta yũhũ ahri yahpapũre Cohamacũ tirore cahmaerainare to buhiri dahrehtore tinare masichũ yoai tai nii. Mipũ pinihta tíre ti masichũ tuaro cahmaja yũhũ. ⁵⁰ Yũhũ ñano yũhdũihca. Yũ ã ñano yũhdũhtire cohtacũ, ñano yajeripohna tija yũhũ. ⁵¹ ¿Dohse ni tũhotujari mũsa yũhũre? “Tiro masare to buheri baharo paina tinare ñũ tuhtisi”, ¿ni tũhotujari mũsa yũhũre? Æ jierara. Masare yũ buheri baharo cãina yũ yare tũhoahca. Paina sehe tinare ñũ tuhtiahca. Cãno potori waro jisi masa. Mũsare nii nija. Masa yũ buheare tũhoa, pũa curua cahma tju waahca. ⁵² Mipũre cũ wũhũ macaina cinco masa yũ buheare tũhoa, pũa curua ti basi cahma tju waahca. Cũ curua tiaro, pa curua pũaro jiahca. ⁵³ To pũcũro to macũnore ñũ tuhtirohca yũ yairo to jiri buhiri. Tuhsũ, pairo macũno cũhũ to pũcũrore ñũ tuhtirohca to pũcũro yũ yairo to jiri buhiri. Æ yoa to pocoro to maconore ñũ tuhtirohca yũ yacoro to jiri buhiri. Tuhsũ, pacoro macono cũhũ to pocoro ñũ tuhtirohca to pocoro yũ yacoro to jiri buhiri. Æ yoa to marechono to macũ namonore ñũ tuhtirohca yũ yacoro to jiri buhiri. Tuhsũ, pacoro macũ namono cũhũ to marechonore ñũ tuhtirohca yũ yacoro to jiri buhiri. Æta waharohca, yũ buheare ti tũhochũ —niha Jesu.

Noari dacho cjihtore, ñari dacho cjihtore masa ti masiare yahuha Jesu

(Mt 16.1-4; Mr 8.11-13)

⁵⁴ Æ yoa Jesu masare õ sehe ni yahuha tjoa:

—Ahrie sehẽpũ coro siterire ñũna, dóihta “Coro tarohca”, nina mũsa. Mũsa ã niri baharo coro tara. ⁵⁵ Æ yoa surpũ wihnono tachũ “Siri dacho jirohca”, nina mũsa ahri yahpai jiina. Mũsa ã niri baharo dacho sira. ⁵⁶ Mũsa mahñoperucuina jira. Mũsa ahri yahpare mũano cũhũre ñũna, noari dacho cjihtore, ñari dacho cjihto cũhũre masina mũsa. ¿Æ jina mipũ macaa dachore masipanahta dohseana ahri yahpa macaina mipũre mũsa dohse wahahtore masierajari mũsa? —niha Jesu.

Mũsare ñũ tuhtiro mehne mũsa cahmacherire cahma pjãga

(Mt 5.25-26)

⁵⁷ Æ ni tuhsũ õ sehe ni yahu namoha:

—¿Mũhũ quihõno mũ yohtire masierajari mũhũ mipũ? ⁵⁸ Pairo mũhũre yahusãno waharo buhiri dahre dutiri wũhũpũ waha dutiboca. Tópũ wahana “Pari turi mũhũre ã yoasi”, nicũ cahma pjãga. Mũ ã cahma pjãerachũ tiro buhiri dahre dutirore cahapũ naaboca mũhũre. Tuhsũ, buhiri dahre dutirore sehe mũhũre surarare to wachũ, mũhũre surara peresu yoaahca. ⁵⁹ Mũhũre nii nija. Tópũ jisiniihca mũhũ. Pũ ti wapa dutire mũ wapa pahñoirũ wijaaihca mũhũ —niha Jesu.

13

“Noaina jija”, ni mũsa tũhotumarine tũhotu cohtota, Cohamacũre cahmaga

¹ Tí pjare mahainacã masa Jesure õ sehe ni yahua tiha:

—Galilea macaina wahiquirore wajã jũ mũo Cohamacũre ti ño payoro watoí Pilato sehe tinare wajãha. To ã wajãchũ wahiquiro di mehne masa di moreha —ni yahuha tina Jesure.

² Ti ã ni yahu tuhsũchũ Jesu õ sehe ni yahuha:

—¿Galilea macaina Pilato to wajãrina cjirire dohse ni tũhotujari mũsa? ¿Ti ã yariachũ paina Galilea macaina yũhdoro ñaina ti jiri buhiri ã yoa dutiri Cohamacũ

tinare, m̄sa t̄hotuch̄? ³ Jierara. M̄sare niita nija. M̄sa sehe “Noaina jija” ni, m̄sa t̄hotumari cjirire t̄hotu cohtotaerana, Cohamac̄re cahmaerana, m̄sa c̄h̄ yariana pichacap̄ wahanahca. ⁴ Ā yoa soh̄o jirina diez y ocho masa Siloé wama tiri w̄h̄ m̄ari w̄h̄ ti bui bora pja wajā pah̄o. ¿Ā waha yariaa, paina Jerusalē macaina ȳhdoro ñaina jiri tina, m̄sa t̄hotuch̄? ⁵ Jierara. M̄sare niita nija. M̄sa ñaa t̄hotumari cjirire t̄hotu cohtotaerana, Cohamac̄re macaerana, m̄sa c̄h̄ yarianahca. Ā jina pichacap̄ wahanahca —niha Jesu tinare.

Higuerac̄ dicha maried̄ quitire yahuha Jesu

⁶ Ā ni tuhs̄a quiti mehne piti dahre yahuha tinare:

—Wese p̄ro to wese p̄a higuerac̄re cj̄aha. Ā jiro tiro t̄ dichare macano wahamaha. Bocaeraha. ⁷ Bocaeraro tiro wese dahrarir̄ore yahuha. “T̄hoga ȳh̄re. Tia c̄hma waro higuerac̄ dichare macamaja. Dicha mariaha. T̄ dicha mariach̄ t̄re cj̄ coh̄nocahga. T̄ ȳ wesei jich̄ pad̄re ȳh̄ toa masieraja. Ȳ wesei jiri yahpa macaare wiho waro nana t̄”, niha wese p̄ro tirore dahra cohtarir̄ore. ⁸ To ā nich̄a t̄horo dahra cohtarir̄o ò sehe niha: “P̄htoro, ah̄d̄ c̄ c̄hma waro ducusinijaro. T̄ dahpotoi ȳh̄ sahaihtja. Tuhs̄a, wahiquiro t̄ mehne tí copare yaihtja. ⁹ Ȳ ā yoari baharo t̄ pa c̄h̄mai dicha tiboca. T̄ dicha tierach̄ m̄h̄ cj̄ coh̄a dutīhca”, niha dahra cohtarir̄o wese p̄rore —ni yahuha Jesu.

Sabado dachoi Jesu dohatir̄icorore noaricoro wahach̄ yoaha

¹⁰ Tí p̄jare Sabado dachoi Jesu judio masa buheri w̄h̄ buhero niha. ¹¹ Tóí wat̄no to cohtotaricoro jiha. Wat̄no sehe diez y ocho c̄h̄mari waro dohatich̄ yoaha ticorore. Ā jiro pari muti ducuricoro jiro, poto ducu masieraha. ¹² To ā jich̄a ñ̄no Jesu ticorore ñ̄, ò sehe ni pisuha:

—Numino, m̄ dohatia pihtia wahahre —ni pisuha Jesu.

¹³ To ā pisuri baharo ticorore to ñ̄a payoch̄a dóihta ticoro noano poto ducuricoro wahaha. Ā waharo “Cohamac̄ tuariro, noariro jira”, ni ñ̄o payoha ticoro.

¹⁴ Jesu ticorore Sabado dachoi to noaricoro yoach̄a ñ̄no judio masa buheri w̄h̄ p̄htoro sehe tiro mehne suaha. Ā suaro tiro masare ò sehe niha:

—Seis dachori jira mari dahraa dachori. Ā jina m̄sa dohatiinare noaina wahach̄ yoa duana, tí dachorire tíre yoaga. Sabado dachore mari sori dachore tíre yoaena tjiga —niha w̄h̄ p̄htoro.

¹⁵ To ā nich̄a Jesu ò sehe ni ȳhtiha:

—M̄sa ā mah̄norucuina jira. M̄sa wach̄re, burro c̄h̄re cj̄ana Sabado dachoi ti d̄h̄teri dare p̄jā, tinare na buha, sihni dutiboa. ¹⁶ M̄p̄ ahricorore Abrah̄a cj̄iro coyeacorore wat̄no diez y ocho c̄h̄mari waro ticorore dohatich̄ yoahre. ¿Sabado dachoi ticorore noaricoro wahach̄ yoa dutierajari m̄sa? —niha Jesu.

¹⁷ To ā nich̄a t̄hoa, tina buoro wahaha. Ā jia paina sehe jipihtina Jesu yoarire ñ̄a, wahcheha.

Mostaza yapa quitire yahuha Jesu (Mt 13.31-32; Mr 4.30-32)

¹⁸ Ā yoa Jesu quiti mehne piti dahre buheha masare:

—¿Ne Cohamac̄ masa bui p̄htoro to noano s̄ho jia yaba baro yoaro sehe jijari, m̄sa t̄hotuch̄? Ahri quiti mehne tíre p̄htoro to s̄ho jiare yahuihtja ȳh̄. ¹⁹ Mostaza yapac̄a yoaro sehe jira. Tí yapac̄are toari mas̄no to wesei toaha. To toari baharo tí yapac̄a duha. Ā jia t̄ buc̄ach̄ minichahca peri t̄ d̄p̄rip̄ suhti suhaha. (Tó sehta m̄ano macarir̄ore mari p̄htoro masiina mahainac̄a ti ji m̄htapach̄ta baharop̄ tina paȳ wahaahca) —niha Jesu.

P̄o buc̄aro quitire yahuha Jesu (Mt 13.33)

²⁰ Ā ni tuhs̄a, pari turi Jesu ò sehe ni piti dahre buheha:

—¿Ne Cohamac̄ masa bui p̄htoro to noano s̄ho jia yaba baro yoaro sehe jijari, m̄sa t̄hotuch̄? ²¹ P̄o buc̄aro yoaro

sehe jira. Tíre numino cã wajuru trigore co mehne noano tíre dahra morena pão bũcahtore. To ã yoachũ pão bũcũaro sehe trigore noano sahserũcũ sũra. (To sahserũcũ sũro seheta mũano macarirore mari pũhtoro payũ masa masiahca) — niha Jesu.

Mahari sopacacã quitire yahuha Jesu
(Mt 7.13-14, 21-23)

²² ã yoa Jesu bũjũna macaripũ, daa macaricãpũ cũhũre buhe wahcã, Jerusalẽpũ sũro taro niha. ²³ To ã waharo watoĩ cũiro Jesure õ sehe ni sinituha:

—Pũhtoro, ¿mahainacã masare pichacarpũ wahaborinare yũhdorohcari Cohamacũ? —ni sinituha tiro Jesure.

To ã nichũ Jesu piti dahre buhero õ sehe ni yahuha:

²⁴ —Payũ masa Cohamacũ caharpũ waha duaa, sãa duamana. Mahari sopacacãre mũsa sãa duachũ mijo curera. Tó seheta Cohamacũ caharpũ mũsa waha duachũ mijo nina. Masa ã sãa duapahta sãa masierara. ã jina mũsa sehe mahari sopacacãre mũsa tuaro sãa duaboro seheta Cohamacũ sehene tuaro masiga. ²⁵ Õ sehe yorohca Cohamacũ payũ masare. Tiro wũhũ pũro yorohca sehe jira. Wũhũ pũro wahcã, sopacacãre biharohca. To ã yoachũ sopacacãpũ ducuna, sopa pahmare dotanahca. ã dotana õ sehe ninahca: “Pũhtoro, sopa pahmare pjõohga”, mũsa nichũ wũhũ pũro sehe õ sehe ni yũhtirohca. “Mũsare ne masieraja yũhũ. Nohoi mũsa tariro cũhũre masieraja”, ni yũhtirohca. ²⁶ To ã nichũ mũsa õ sehe ni yũhtinahca: “Mũhũ mehne sã chũ, sihnihi. Sã ya macai buhere mũhũ”, ninahca mũsa. ²⁷ Mũsa ã nichũ tiro sehe õ sehe ni yũhtirohca: “Mũsare ne masieraja. Nohoi mũsa tariro cũhũre masieraja. Jipihtina mũsa ñaa buhiri tiina yũ cahai taena tjiga”, ninohca wũhũ pũro. ²⁸ ã yoa Abrahã cjirore, Isaa cjirore, Jacobo cjirore, jipihtina Cohamacũ yare yahu mũhtaina cjirore Cohamacũ masare pũhtoro to noano sũho jirore ti jichũ ñũna, mũsa sehe sopacarpũ cohãrina jina tuaro tiinahca. ã tiina jina, mũsa tuaro cahyaro mehne piri bahca dihonahca. ²⁹ Tí pjare jipihtiro macaina

pũhtoro Cohamacũ to noano sũho jirore sũhũ, tiro mehne chũ dujiahca. ³⁰ Mipũre wiho jiina jirina cjiri tí pjare pũhtoa jiahca. ã jia mipũre pũhtoa jirina cjiri tí pjare wiho jiina jiahca —niha Jesu.

Jerusalẽ macainare tuaro cahũha Jesu
(Mt 23.37-39)

³¹ Tí pjare mahainacã fariseo curua macaina Jesu caharpũ sũa, tirore õ sehe ni yahuha:

—Herode mũhũre wajã duara. ã jicũ pa sehẽpũ wahaga mũhũ —niha tina tirore.

³² Tí ã nichũ Jesu sehe õ sehe ni yũhtiha:

—Herode mahũoa payũriro jira tiro. Õ sehe ni yahuga tirore: “Jesu watĩare cohã wioro nina. Tuhsũ, dohatiinare noaina wahachũ yorohca. Tíre michare, ñamichaca cũhũre yorohca. Ñamichaca bohrearo dahra batoarohca”, ni yahuga Herodere.

³³ ã jicũ michare waha, ñamichaca cũhũre waha, ñamichaca bohrearo cũhũre waha, Jerusalẽpũ sũihca. Cohamacũ yare yahu mũhtarirore yũhũre wajãahca masa. Cohamacũ yare yahu mũhtainare ti wajãchũ Jerusalẽpũ jiro cahmana tinare. ã jicũ yũhũ cũhũre Jerusalẽpũ jiro cahmana.

³⁴ 'Cue Jerusalẽ macaina. Mũsa Cohamacũ yare yahu mũhtaina cjirore wajã, mũsa cahai to warocainare tãa mehne doca wajãre mũsa. Mũsa coyera panorpũ macaina cũhũ ãta yorahca cjiri jiha. Caracacoro to pohmare to cjãpũ dũpũri mehne to moha coãno seheta payũ tahari mũsare cahĩrucumahi. Mũsare cahmamahi. Mũsa sehe yũhũre ne cahmaerare. ³⁵ Mipũre mũsa jiro cohãri maca jirohca. Potocã nita nija mũsare. Cohamacũ mari pũhtoro to tuua mehne taihca yũhũ. Yũ ã tachũ ñũna mũsa yũhũre “Cohamacũ tuua mehne tariro noajaro”, ninahca. Yũhũre mũsa tíre nihto pano pari turi yũhũre ñũsi mũsa —niha Jesu tinare.

14

Dohatirore noariro wahachũ yoaha Jesu

¹ Pa dacho Sabado dacho jichũ fariseo curua macaina pũhtoa mehne macariro ya wũhũpũ Jesu chũro wahaha. Tí wũhũi jiina tiro dihtare ñũroca õha. ² Tí ã ñũroca õno

watoi yachari wipiriro, ñachua wipiriro tiro caharu saha. ³ Æ jiro Jesu judio masare buheinare, fariseo curua macaina cãhure õ sehe ni sinituha:

—¿Sabado dachore dohatirirore noariro wahachu yoa dutijari Cohamacu yare ti joari pui? —ni sinituha Jesu.

⁴ To ã ni sinitupachata tina yãhtieraha. Ti yãhtierachu ñano Jesu dohatirirore noariro wahachu yoa, “Wahaga”, niha tirore. ⁵ Æ yoa tuhsuro, tinare õ sehe ni sinituha tjoa:

—“¿Cãiro musa mehne macariro to macano Sabado dachoi mari sori dachoi coparu to bora saachu na wioerabocari?” musa ã nina. “¿To wachu cãhure na wioerabocari?” musa ã nina —niha Jesu.

⁶ To ã nipachata tina to sinituare yãhti masieraha tjoa.

Wamomaca dãhteropu pjirocainare yahuha Jesu

⁷ Fariseo curua macariro ya wãhã jiro ti wãhu macariro to pjirocaina noaa dujiare ti besechu ñaha Jesu. Æ ñu tuhsu õ sehe ni yahuha jipihtinare:

⁸ —Wamomaca dãhteri bose numu musare to pjirocachu, noaa dujiare bese dujiena tjiga. Musu yãhgoro cua pisainare pjirocaboca ahri wãhu puro. ⁹ To ã yoachu musa noaa dujia dujichu, “Ahrina cua pisainare musa dujiare waga”, niboca wãhu puro musare. To ã nichu musa sehe bno tina, ñaa dujia dujiboca. ¹⁰ Æ jina wãhu puro musare to pjirocachu, ñaa dujia duji mãhtaga. Musu ã yoachu wãhu puro musare “Noaa dujia sehere dujina taga”, ninohca musare tiro. Musu ã wahachu paina to pjirocaina sehe musare ño payoa mehne ñahca. ¹¹ Cãiro to basi “Pãhtoro tjija”, ni tãhoturiro cahamacu jirohca. Pairo “Cahamacu jija”, ni tãhoturiro painare yãhdurca duaerariro tiro sehe pãhtoro jirohca —niha Jesu tinare.

¹² Æ ni tuhsu Jesu wãhu purore õ sehe ni yahuha:

—Mũhu bose numu dahrecu mu cahai jiinare, mu bahanare, mu coyeare, pache pure pjiecu tjiga. Mu tinare pjichu mũhu cãhure tina cãhu pji cahmaahca tjoa. Æ pji cahmaa mũhure ti wapamoare wapaahca.

¹³ Mũhu bose numu dahrecu pjacoinare, tini masierainare, cu bũhusehe dahporo dojori tiinare, capari ñerainare pjirocaga. ¹⁴ Mu ã yoachu ñano Cohamacu mũhure noano yoarohca. Tina sehe mũhure ti wapamoare wapa masierara. Æ jiro noaina yariaina ti masa mujari pja jichu Cohamacu sehe noaare mu yoari wapa mũhure noano yoarohca —niha Jesu wãhu purore.

Pjiri bose numu quitire yahuha Jesu

¹⁵ To ã nichu tãhoro paio churi mesa cahai dujiriro, Jesure õ sehe ni yahuha:

—Cohamacu masare pãhtoro to noano saho jiroi to churi mesa cahai dujiina tuaro wahcheina jahca —niha tiro Jesure.

¹⁶ To ã nichu Jesu ahri quitire yahuha tirore:

—Pjiri bose numu dahreriro payu masare pjirocaga. ¹⁷ To pjirocari baharo bose numu dachoi to cahamacunore to pjirocainare yahu dutiro warocaha. “Ma, jipihtiare bose numu macaa cjihtire cahno tuhsure. Æ jiro musare pjirocahre”, ni yahu dutiha to cahamacunore. ¹⁸ To cahamacu to ã ni yahupachata, to pjirocaina sehe “Waha masieraja”, niha tina. To pjiroca mãhtariro õ sehe ni yahuha to cahamacunore: “Michapucacã yahpare nuchãhi. Æ jicu ti yahpare ñu wahi tai nija. Æ yoacu waha masieraja. Ño payo curea yãhure. Yãhure basioerahca”, niha to pjiroca mãhtariro sehe to cahamacunore. ¹⁹ Pairo sehe õ sehe niha: “Wachure pu wamomaca pihtinare michapucacãta nuchãhi. Æ jicu wachure buhe cayo ñu wahi tai nija ti waja wahcãhtore. Æ yoai wahaeraja. Yãhure basioerahca”, niha tiro cãhu. ²⁰ Pairo sehe õ sehe niha: “Yãhu michapucacã wamomaca dãhtehi. Æ jicu bose numu waha masieraja”, niha tiro to cahamacunore. ²¹ To ã nichu to cahamacu sehe tjua waha, to pãhtoropure ti niri cjirire yahu pahãoha. To ã ni yahuchu to pãhtoro tuaro susini, õ sehe niha to cahamacunore. “Macari macaa maharipu pjacoina ti ducua maharipu wahaga. Æ jicu pjacoinare, tini masierainare, capari

ñerainare, cã buhusehe dahporo dojori tinare cjero na tahga tinare”, niha pãhtoro. ²² Baharo curero to cahamacano yahuha to pãhtoro: “Pãhtoro, mu dutiro sehta yoahi. Yu ã yoapachuta paina cãhu mu saahca”, niha to cahamacano. ²³ To ã nichu pãhtoro tirore õ sehe ni dutiha: “Campopu wahaga. Tói bujua maharipu jiinare, daa maharicãpu jiina cãhure masare yu wãhuru ta dutiga, ya wãhu to noano wahpahto cjihto sehe. ²⁴ Potocã nii nija mãhure. Ahrina yu pjiroca mãhtarina yu chãare ne mahanocã chãsi”, niha pãhtoro —ni yahuha Jesu.

Jesu mehne wahachu mijo nina

²⁵ Tí pjare payu masa Jesu mehne wahaha. ã jiro Jesu tinare majare ñu, õ sehe ni yahuha:

²⁶ —Cãiro yu buheriro ji duaro painare to cahãiro yãdoro yãhu sehere cahãno cahmana. To pãcurore, to pocorore, to namonore, to pohnare, to bahanare, to pjacu cãhure to cahãiro yãdoro yãhu sehere cahãno cahmana. ã yoeraro yu buheriro ji masierara. ²⁷ Cãiro yu buheriro ji duaro yu yare ã yoarucuro jirohca. ã yoa crusaru yu ñano yãhdũhtiro sehta yu yairo to jiri buhiri ñano yãhdũ duaeraro yu buheriro ji masierara. ²⁸ Ahrire masiyuro cahmana musare. Õ sehe jira tí: Wãhu dahreriro to mãari wãhure yoahito pano wãhu wapa tihtire quihõ cũ mãhtana. ã yoaro to wãhure to pahãhtore masina tiro. ²⁹ Wapa tihtire quihõeraro to wãhure yoaro pahãoeraboa. ã jia tirore ñina bujũpeboa. ³⁰ “Ahriro to wãhure yoaro bihoerare”, ni bujũpeboa. ³¹ Pãhtoro paio pãhtoro yaina mehne ti cahma wajãhto pano, to yaina surarare to cahma wajã dutihto pano, to surarare quihõnohca. “¿Yãhu diez mil surara mehne paio veinte mil surara cãariro mehne cahma wajãcũ bihocari yãhu?” ni tãhoturo quihõnohca tiro. ³² ã quihõno, to bihoeratore masinohca. ã masino paio pãhtoro to surara mehne cahma wajãno tariro yoaropu to jichuta, bihoerariro sehe “Cahma wajãena tjijihna”, ni dutiro warocaboa dahra cohtarirore. ³³ ã jina yu buheina ji duana,

musã yoahitire musare masino cahmana. Musã yoa duari sehere cohã duaerana, yu buheina ji masierara —ni yahuha Jesu.

Moa coerarore yahuha Jesu (Mt 5.13; Mr 9.50)

³⁴ ã ni tuhsu tinare õ sehe ni yahu namoha:

—Moa noano coara. To coerachu coa yoahito basioerara. ³⁵ Moa coerachu tí moa ne noerara. Tí moare dohseahito basioerara. Tí ã jichu tí moare cohãno cahmana. Ne yaba cjihti jierara ti cohõa. (Ti yaba cjihti jieraro sehta jiena tjiga musã. Moa noano to coaro sehta musã cãhu ji coaina jiga. Tuhsu, paina mehne noano mehne jiga.) Ahrire noano tãhoga musã —niha Jesu.

15

Oveja butiro quitire yahuha Jesu (Mt 18.10-14)

¹ ã yoa pa dachoi payu pãhtoa yare wapa na cohtaina paina “Ñãare yoaina”, ti niina mehne Jesure tãhoa taha. ² Ti ã yoachu ñua fariseo curua macaina, judio masare buheina cãhu Jesure ñu tuhtia, õ sehe niha ti basi:

—Ahriro ñainare piti tira. ã jiro jirota tina mehne chãra —ni durucuha tina ti basi.

³ Ti ã ni durucuchu Jesu to tãhotua mehne õ sehe ni piti dahre buheha tinare:

⁴ —¿Cien oveja pãro cãiro oveja butichu ñano dohse yoarohcari tiro? Õ sehe yoarohca. Tiro noventa y nueve ovejare ti chãri campopu cũ, butirore macano waharohca. Ovejare bocaropu duhurohca. ⁵ Tirore bocaro wahcherohca. ã jiro to comapariaca buipũ tirore cã payo, to wãhuru na tjuaa waharohca. ⁶ Na tju su, to cahai jiinare, to coyeare pji cahmachunohca. “Yu oveja butirore boca tuhsuhi. ã jina yãhu mehne wahchega”, ninohca tiro tinare. ⁷ Potocã niita nija musare. Noventa y nueve oveja payu ti jiro sehta, payu masa õ sehe ni tãhotura: “Ñano yoeraja. ã jicu yu ñãare cahya, yu tãhotumari cjirire tãhotu cohtotasi yãhu”, ni tãhotura payu masa. Ti ã ni tãhotuchu ñua mãano

macaina Cohamacu cahai jiina wahchera. Pairo sehere wahchera. Butiro oveja cãirota to butiro sehta to puro tirore to bocario sehta cãiro ñariro to ñaare cahyachu, “Ñano yoeraja”, ni to tãhotumari cjirire tãhotu to cohtotachu, Cohamacure to cahmachu ñaha, Cohamacu cahai jiina tuaro wahchera —niha Jesu.

Niñeru tu butiri quitire yahuha Jesu

8 Ñ ni yahu tuhsu, paye quitu mehne piti dahre yahu namoha tjoa:

—¿Diez niñeru tãri cãaricoro cã tu butichu ñano dohse yoarohcari ticoro? Õ sehe yoarohca ticoro. Sihãriare sihã, wãhure coha, noano maca pahñonohca. Tí tãre bocaroru duhurohca. 9 Tí tãre boca tuhsu, to cahai jinaru, to coyeare pji cahmachunohca. “Niñeru tu ya tu yãhure butiri tãre bocahi. Ñ jina yãhu mehne wahchega”, ninohca ticoro. 10 Potocã niita nija mãsare. Tó sehta cãiro ñariro to ñaare cahyachu, “Ñano yoeraja”, ni to tãhotumari cjirire tãhotu to cohtotachu Cohamacure to cahmachu Cohamacu yaina anjoa sehe tuaro wahcheahca —niha Jesu.

To macano butiri quitire yahuha Jesu

11 Ñ ni yahu tuhsu Jesu paye quitu mehne piti dahre yahu namoha tjoa:

—Bucuro pohna puro ma jiha. 12 Dãsaruro sehe õ sehe niha to purore: “Mai, ma yariari baharo yãhure ma wahtire yãhure wa bahrañoga”, niha tiro to purore. To ñ nichu ti purore purore to pohnae witira to cãari cjirire. 13 Maha dachoricã baharo dãsaruro to yare jipihãriare na, yoaroru pa yahpuru wahaha. Tõru sãro tãho masieraruro sehta yoa, to niñerure to yare yoa site pahñonohca. 14 To yoa site pahñori baharo tí yahpuru ne chãa marieni pja ji dãchãa. Ñ jiro tiro jãca baaha. 15 Ñ jiro tí yahpa maca dahraare macaha. To bocachu to puhtoro yesea cohtaruro sõha tirore. 16 Ñ jiro tiro yeseare nu, ti chãare chã duamaha. To ñ chã duapachãta tí chãare tó macaina waeraha tirore. 17 Ñ yoa tirore tó wacãa taha jãna. “Yã purore dahra cohtaina sehe bũãa chãare chãca.

Ti chã dãhaa cãhu bũãa dãhsaca. Ti ñ noano yãhuro wato yãhu sehe õi jicã, jãca yariari nija. 18 Mipure yã purore caharu tãuãhtja. Yã purore caharu sãca õ sehe nihtja tirore: ‘Mai, Cohamacure ñano yoahi. Mũhu cãhure ñano yohti. 19 Ñaruro jija. Mũ macu jiboruro jieraja yãhu. Mũhure dahra cohtaina sehta yoaga yãhure’, nihtja yã purore”, ni tãhotuha tiro. 20 Ñ ni tãhoturota wahcãrãca, to purore caharu tãua wahaha. Tõru to sãruro tãua tachã to purore sehe yoaropãta to macãno ñaha.

‘To ñ wihichu ñano to macãno pja ñaha. Ñ pja ñano to cahai mãroca wahcã tirore cã suhsu ma, to wahsupu wihmiha to purore to macãno. 21 “Mai, Cohamacure ñano yoahi. Mũhu cãhure ñano yohti. Ñaruro jija yãhu. Mũ macu jiboruro jieraja yãhu”, niha tiro to purore. 22 To ñ nichu tãhoro to purore sehe dahra cohtinare pjiha: “Cjero, noa yãhãri suhtirore na tahga. Ñ jina yã macure sãaga. Sãa tuhsu, to wamomaca sãari sorore sãa, to dahporire dahpo suhti cãhure sãaga. 23 Sãa tuhsu, dihi tãrocã wachãcãre wajãga. Bose numu yoajihna. 24 Ahriuro yã macu yariaruro sehta wahare. Ñ wahaparota mipure catira tiro. To butiboruro sehta jirurore mipure bocahi. Ñ jina bose numu yoajihna”, niha to purore. To ñ niri baharo bose numu dahre dãchãa tina.

25 ‘Tí pjare to wahmino sehe wesepu jiha. Wesepu jiruro coha tãua taro wãhu cahai sãro, ti basaare tãhorocaha tiro. 26 Ñ tãhorocaro, cãiro dahra cohtarurore pjiroca, tirore sinitu ñaha tiro: “¿Dohse yoa basaa niri?” ni sinitu ñaha tiro dahra cohtarurore. 27 “Mũ bahã tãu wihihre. Tiro noaruro, catiruro to tãu wihichu ma purore dihi tirore wachãcãre wajã dutihre”, ni yãhtiha dahra cohtaruro. 28 To ñ ni yahuchã to wahmino sehe tuaro suaro, wãhuru sãa taeraha. To sãa taerachu ñano to purore sopacaru wijaa ta, “Sãa taga” ni, tuaro pjimaha to macãno. 29 “Tãhoga, Mai. Yoari pja mũhure dahra cohtaruro sehta mũhure yoadohomahi. Ñ jicã ma dutiare ne cã taha yãhãrãcaera tihã. Yã mũhure dahra cohtapachãta yãhure ne waerare mũhu. Ne cãiro wahiqurocãre ne waera

tire m_uh_u y_uh_ure y_u piti tiina mehne y_u b_ose n_um_u dahrehti cjihtire. ³⁰ Wiho mejeta ahriro m_u mac_u sehe ñaina numia mehne m_u yare yoa site pahñoyuhti. Tíre yoa site pahño tuhs_u, tiro w_uh_up_u to tju wihich_u dihi tirirocãre wach_ucãre wajã dutiyuhti m_uh_u to ch_uhtiro cjihtore”, niha to wahmino to p_uc_urore. ³¹ “Mac_u, y_uh_u mehne jipihtia dachoripe m_u jich_u jipih-tia ya m_u ya c_uh_u jira. ³² M_u bah_u sehe yariariro seheta wahare marine. ã yoa mip_ure tiro catiriro jira. Tiro butiboriro seheta jire. To ã wahari baharo mip_ure tirore bocahi. ã jina to tju wihich_u mari b_ose n_um_u yoa wahchech_u noana”, niha tiro to mac_uno —niha Jesu tinare.

16

Niñeru ñ_u wihbo cohtariro t_uho masiriro quitire Jesu yahuha

¹ ã yoa ahri quitire to buheinare ò sehe ni yahuha Jesu:

—Pache p_uro ya niñerure ñ_u wihbo cohtariro niñerure noano to ñ_u wihboerach_u ñ_uno paio sehe yahusãha pache p_urore: “Tiro m_u niñerure yoa sitero nina”, ni yahusãha tirore. ² To yahusã tuhs_uri baharo niñeru ñ_u wihbo cohtarirore pjirocaha. ã pji tuhs_u, to wihich_u ñ_uno, tirore p_uhtoro ò sehe niha: “Paio y_u niñerure m_u yoa siterire y_uh_ure yahure. ã jic_u mip_ure y_u yare ñ_u wihboriro jisi m_uh_u. ã jic_u y_u yare m_u yoari cjirire yahu pahño joaga. M_uh_ure cohãi nija”, niha to p_uhtoro tirore. ³ To ã niri baharo ò sehe ni t_uhotuha ñ_u wihboriro to basi: “Y_u p_uhtoro y_uh_ure cohãno taro nica. Y_uh_u tuaeraja. ã jic_u tuaro dahraare bihoeraja. Tuhs_u, painare y_uh_u niñerure sinic_u b_uobiaro y_uhd_uboca y_uh_u. ¿Dohse yoahcari y_uh_u? ⁴ Mip_u pinihtare y_u yoah-tire masija y_uh_u jana. Ò sehe y_u yoach_u y_u dahraa maerach_u y_u p_uhtoro wapamoina y_uh_ure cahñahca. ã jia ti w_uh_usep_u sãa dutiahca y_uh_ure”, ni t_uhotuha tiro. ⁵ ã ni t_uhoturo tiro jipihtina to p_uhtoro wapamoinare pjirocaha. Pjiroca tuhs_u, cohtaha. ã cohtar_u wih_u m_uhtarirore ò sehe ni sinituha tiro: “¿Y_u p_uhtoro noho puro wapamojari

m_uh_u?” niha tiro. ⁶ To ã nich_u wapamoro sehe ò sehe ni y_uhtiha: “Cien tambores sere olivo dicha mehne ti yoari sere wapamoja tirore”, ni y_uhtiha tiro. To ã ni yahuch_u niñeru ñ_u wihboriro sehe ò sehe ni yahuha: “Õi jira m_u wapamonore joa õri p_u. Dujiga. ã jic_u m_u wapamonore dacho macai na, dacho macai joa cahnoga”, niha ñ_u wihboriro wapamoro. ⁷ ã ni tuhs_u paio wapamoro sinituha tiro: “¿M_uh_u waro, noho puro wapamojari?” niha tjoa. “Cien waju trigo yapari wajure wapamoja y_uh_u”, niha wapamoro niñerure ñ_u wihborirore. “Õi jira m_u wapamonore joa õri p_u. M_u wapamonore ochenta joa cahnoga”, niha ñ_u wihboriro. ⁸ To ã noano mahño mihnich_u ñ_uno “Ahriro mahñoriro noano masiriro jica”, ni t_uhotuha to p_uhtoro niñerure ñ_u wihborirore. Ahri dacho macaina, Cohamac_ure cahmaeraina ti yare cahnorire ti niñeru ti ñ_u wihborire Cohamac_u yaina y_uhdoro masica tina —niha Jesu.

⁹ ã ni tuhs_u Jesu ò sehe ni yahu namoha:

—Ahri quitire ã ni yahuc_u, m_usare ò sehe niita nija. M_usa cj_uaare, p_uac_uoinare m_usa wach_u, tina sehe m_usare cahñahca. M_usa ã yoach_u m_usa cj_uaa pihtiaro baharo m_usa m_uanop_u s_uch_u m_usare cahñahca t_op_ure.

¹⁰ ‘Wiho jiina ya dahraare quihõno yoana, p_uhtoa ya dahraa c_uh_ure quihõno yoanahca. Wiho jiina ya dahraare quihõno yoerana, p_uhtoa ya dahraa c_uh_ure quihõno yoasi m_usa. ¹¹ ã jina ahri yahpai m_usa cj_uaa mehne m_usa noano yoerana Cohamac_ure m_usare to yoa dutia c_uh_ure noano yoasi m_usa. ¹² ã jiro paio yare m_usa noano yoabasaerach_u ñ_uno m_usa ya cjihtire wasi m_usare.

¹³ ‘C_uiro Cohamac_u sehere wac_uno, tuabiaro niñeru sehere wac_uerara. Niñeru sehere tuabiaro wac_uno Cohamac_u sehere wac_uerara. Niñeru dihtare cahmariro jiro Cohamac_ure wahchech_u yoerara. Cohamac_u c_uh_ure, niñeru c_uh_ure p_uarore cahma y_uhd_ucahto basioerara m_usare. Niñerure cahma y_uhd_uariro Cohamac_ure noano ño payo masierara —niha Jesu.

¹⁴ To ã nich_u t_uhoa fariseo curua macaina sehe tirore b_uj_upeha. Tina sehe niñerure cahña. ã jia b_uj_upeha. ¹⁵ Ti

bujurechũ tũhoro Jesu tinare õ sehe ni yahuha:

—Masa ti ñurocaroi m̃sa noano yoa-mana. M̃sa ã yoachũ “Noaina, quihõno yoaina jira”, nimana masa m̃sare. Cohamacũ sehe m̃sa tũhotuare masina. Masa “Noa yũhdũara”, ti nirire Cohamacũ sehe soro ni tũhotu, tíre ñũ yabira —niha Jesu.

Cohamacũ to dutiare, pũhtoro to sũho jiare yahuha Jesu

16 ã ni tuhsũ õ sehe ni namoha Jesu:

—João masare bautisariro to jihto pano Moiserẽ to cũri dutia mehne Cohamacũ marine dutire. Cohamacũ yare yahu mũhtaina cjiri ti joari cjiri mehne cũhũre marine dutire. Mipũ sehere João to buhe dũcari baharo noaa buheare, Cohamacũ masare pũhtoro to noano sũho jia cũhũre masi dũcara masa. ã masia masa ti mũ sũro ti tuaa mehne Cohamacũ masare pũhtoro to noano sũho jirore sãa duamana.

17 Moiserẽ to cũri dutiai Cohamacũ to niriro seheta yoa pahũnonohca tiro. Cohamacũ yare yahu mũhtaina cjiri ti joari cjiripũ cũhũre to niriro seheta yoa pahũnonohca tiro. Mũano cũhũ ahri yahpa cũhũ ti pihtia wahapachũta Cohamacũ to niriro seheta yoa pahũnonohca —niha Jesu.

Namonore cohãare yahuha Jesu (Mt 19.1-12; Mr 10.1-12)

18 ã ni tuhsũ õ sehe ni namoha Jesu:

—Masũno to namonore cohãno, pacorore namo tiro, tiro ticoro mehne ñano yoaro nina. Tuhsũ, masũno paio to cohãricorore namo tiro, tiro cũhũ ticoro mehne ñano yoaro nina —niha Jesu.

Pache pũro cũhũre, Lázaro cũhũre to yahuri quitire buheha Jesu

19 ã yoa paye quitire mehne piti dahre yahuha Jesu:

—Tí pjarũre pache pũro jiha. To suhti sehe wapa bujubiaha. Tuhsũ, dachoripe tiro noaa dihtare chũro, payũ cjũaha tiro.

20 ã yoa tí pjarũ paio pjarũoriro, Lázaro wama tiriro jia tiha. Tiro to pjarũ payũ camĩ tiriro jiha. To ã jiriro jichũ paina sehe tirore pache pũro ya wũhũrũ na sũha. 21 ã jiro pjarũoriro sehe pache

pũro to chũri mesa docai yahpai dujiro to chũ site boroare chũmaha. “To chũ site boroare chũcũ yapicũhca yũhũ”, ni tũhotumaha tiro. ã jia dieya to camine nehnea taa tiha. 22 Baharo pjarũoriro to yariaa wahachũ, Abrahã cahapũ paraíso wama tiropũ anjoa tirore naa mũjaha. Pache pũro cũhũ to baharocãta yariaa wahaha. To yariachũ tirore yaha. 23 ã yoa pache pũrore tuaro pichaca jũha. To ã tuaro jũchũ, pichacapũ jiro mũanopũ jirirore Abrahãre ñũha. Lázaro cũhũre ñũha. 24 Ñũ tuhsũ, tiro Abrahãre pisurocaha: “Coyeiro Abrahã, pja ñũga yũhũre. Pichacapũ yũhũ ñano yũhdũi nica. Yũ ã wahachũ Lázarore yũhũre warocaga. Tiro core to wamo picapũ soha, yũ ñahmanore co mehne nehõjaro. Tóre yũsũojaro tiro”, niha pache pũro. 25 To ã nichũ Abrahã tirore õ sehe ni yahuha: “Coyeiro, catiriro jicũ jipihtiare mũhũ noaare cjũahre. Lázaro sehe dachoripe ñano yũhdũhũre. Mipũ sehere mũhũ ñano yũhdũchũ tiro sehe õpũre wahchea mehne jinocahno nina. 26 ã yoa mari watoi cũãri copa jira. ã jia õre jina tópũre waha masierara. Tuhsũ tóre jiina õpũ ta duaina ta masierara”, niha Abrahã pache pũrore. 27 To ã nichũ pache pũro õ sehe ni namoha: “Coyeiro, tuaro sinija mũhũre. Lázarore yũ pũcũ ya wũhũrũ warocaga. 28 Yũhũ cũ wamomaca pihtina bahana tija. Lázaro tinare yahujaro. Tina õre ñano yũhdũropũre taea tjijaro”, niha tiro. 29 To ã nichũ Abrahã sehe õ sehe ni yũhtiha: “Cohamacũ dutiare Moise marine to cũri cjirire, Cohamacũ yare yahu mũhtaina ti joari cjirire cjũara mũ bahana. ã jia mũ bahana tíreta tũhojaro”, niha Abrahã. 30 To ã nichũ pache pũro sehe yũhtiha: “Coyeiro Abrahã, tíre cjũapahta noano tũhosi. Lázaro yariariro masariro tina cahapũ to sũchũ ñũa tina sehe ti ñaare cahya, noaare cohtotaahca. ã jia noaare yoaahca yũ bahana sehe”, niha pache pũro cjiro. 31 To ã nichũ Abrahã sehe õ sehe ni yahuha: “Mũ bahana Moise to cũri pũ to yahũare, Cohamacũ yare yahu mũhtaina cjiri ti yahũare tũhoeraina jira. ã jia Lázaro yariariro cjiro masariro to jipachũta tina Cohamacũre tũho duasi”, niha Abrahã —ni

yahuha Jesu.

17

*Ñaaare yoachu cua nina
(Mt 18.6-7, 21-22; Mr 9.42)*

¹ Ñ yoa Jesu ò sehe ni yahuha to buheinare:

—Masare ñano yoachu yoaa payu jira. Ñ jia masa ñaaare yoara. Ti ñ jipachuta masunore ñaaare yoachu yoariro sehe ñabiario yuhdurohca. ² Masunore to wamuai pjiria tãca duhte yo, pjiri mapu tirore ti cohãchu ñano wahaboa tiro. Pairo sehe ahrinacã mehne macarirocãre ñaaare yoachu yoaro pjiri mapu ti cohãriro yuhdoro ñano yuhdurohca. Tirore tuaro buhiri dahrero cahmana. ³ Noano yoaga musa. Musa coyeiro ñano to yoachu ñuna “Yoi tjiga”, niga tirore. Ñ jina tiro to ñaaare cahyachu, noaare to cohtotachu musa sehe to ñaa yoaaare boga. ⁴ Ñ yoa musa coyeiro cã dachoihta siete tahari musare ñano to yoachu tópe tahari musare, “Yu ñaaare cahyaja. Parí turi ñ yoasi”, to nichu tópe taharita to ñaa yoaaare boga —niha Jesu.

Cohamacure wacũ tuaare yahuha Jesu

⁵ Ñ yoa Jesu buhe duti to cũina tirore ò sehe niha:

—Cohamacure sãre noano wacũ tua namochu yoaga —niha tina Jesure.

⁶ Ti ñ nichu Jesu ò sehe ni yuhtiha:

—Mostaza yapacã mahari yapacã jiparota duropu pjidu wahara. To ñ wahariro seheta Cohamacure pjíro wacũ tuana, ò sehe wahachu yoa masinahca musa. Ahdũ sicómoro wama tidũre ò sehe ni masina: “Mũhu yucucu mũ basi duhtu wahcã, pjiri mapu bora ñojaga”, ni masina musa. Musa ñ nichu tu yucucu sehe musa dutiro seheta waharohca —niha Jesu.

Dahra cohtariro to dahraare yahuha Jesu

⁷ Baharo ò sehe ni buheha Jesu:

—Musare dahra cohtariro jiro wesepu tjana, ovejare ñu wihbora. ¿Dahra cohtariro to tju wihichu dohse nibocari musa tirore? “Cjero taga. Mũ chũa òi jira”, ¿nibocari musa? ⁸ Ñ nierara musa. Tirore ò sehe nina musa: “Yu chũare doha cahnoga.

Ñ jicu yu chu sihnichu yuhũre cohtaga. Yu baharo mũhu cãhu chu sihniga”, nina musa dahra cohtarirore. ⁹ Dahra cohtariro musa dutiare to yoachu tirore “Noana”, nierara musa. To dahraa dihtare yoaro nica tiro. ¹⁰ Musa cãhu tiro yoaro sehe tjira. Cohamacu to dutiriro seheta yoa pahõona ò sehe ni tuhotuga musa: “Sã cãhu dahra cohtaina dihta jija. Wiho jiina jija sã. Sã dahraa dihtare yoaja sã”, ni tuhotuga musa —niha Jesu to buheinare.

Diez cami baainare noaina wahachu yoaha Jesu

¹¹ Pa dacho Jerusalẽpu Jesu waharo niha. Tõpu waharo Samaria yahpa, Galilea yahpa dacho macai yuhdu wahcãha. ¹²⁻¹³ Pa macapu wahari mahapu to tinichu diez cami baaina sehe tirore piti boca. Ñ jia tina yoa cureropu ducuata pisuha:

—Jesu, puhtoro, sãre pja ñũga —niha tina.

¹⁴ Ti ñ nichu tinare ñu, ò sehe ni yahuha Jesu:

—Sacerdotere musa pjacũre noaa pjacũri ti waharire ñona wahaga —niha tinare.

To ñ niri baharo ti waharo watoi tina ti pjacũri noaina wahaha. ¹⁵ Ñ jiro cũiro tina mehne macariro noano to pjacu wahachu ñũno, Jesu cahapu majare tjuaha. Ñ tjuaro tuaro mehne Cohamacure ño payoha. “Cohamacu tuariro, noariro jira”, tuaro ni, ño payoha tiro. ¹⁶ Ñ nino tiro Jesu dahpori cahai na tuhcuca caha su, “Noana”, niha tiro. Tiro sehe Samaria macariro jiha. ¹⁷ To ñ yoari baharo Jesu ò sehe ni yahuha:

—Diez jihre masa noaina wahaina. ¿Paina nueve dũhsaina sehe nohopu jicari tina? ¹⁸ Ahriro pa yahpa macariro dihta Cohamacure “Noana”, nino taro tjua tahre. ¿Dohse yoa paina taerari? —niha Jesu.

¹⁹ Ñ ni tuhsu Jesu ò sehe ni yahuha na tuhcuca caha sũrirore:

—Wahcãrucaga. Wahaga. Mũhu Cohamacure wacũ tuacu, noariro wahahre mũhu —niha Jesu tirore.

*Cohamacu masare puhtoro to noano sũho jihtore yahuha Jesu
(Mt 24.23-28, 36-41)*

20 Tí pjare mahainacã fariseo curua macaina Jesure õ sehe ni sinituha:

—¿Dohse jichu puhtoro Cohamacu masare suho ji ducarohcari? —niha tina.

Ti ã nichu Jesu õ sehe ni yuhtiha:

—Cohamacu masare puhtoro to noano suho ji ducachu masa ñu masierara.

21 “Cohamacu masare puhtoro to noano suho jia õi jira”, ni masierara. “Sohõpu jira”, ni masierara. Cohamacu masare puhtoro to noano suho jia masa ti tuhutuapu jira —niha Jesu fariseo curua macainare.

22 ã ni tuhsu Jesu to buheinare õ sehe ni yahuha:

—Baharo yuhu masuno Cohamacu warocariro ahri yahpamu yu tjua tahtore tuaro cahmanahca musa. Cũ dachoihta yuhure ñu duapanahta yuhure ñusi musa. Musa yuhure ã ñu duapachuta tí pjare tasi yuhu.

23 Paina musare õ sehe niahca: “Tirore ñuga. Tiro Cristo jira. Ahrirore ñuga. Ahriro Cristo jira”, niahca musare. Ti ã nipachuta tinare tuhoena tjiga. 24 Oroca sitero wacũenoca to oroca sitero seheta yuhu cãhu masuno Cohamacu warocariro wacũenoca tjua taihca. 25 ã yu tjua tahto pano yuhu tuaro ñano yuhduihca. ã jia yuhure mipu macaina cahmasi. 26 Noé to jiri pja macaina ti jiriro seheta yuhu masuno Cohamacu warocariro yu tjua tachu tó seheta jahca masa. 27 Noé to jiri pjare jipihtina masa ã churucua tiha. ã yoa sihnirucua tiha. ã jia mu numiare namo tia tiha. Noé pjiria dohoriapu to samuhto pano Cohamacu tinare to miohto pano tí jipihtiare masa yoarucua tiha. Tó seheta jirohca pari turi yu tjua tachu cãhure. 28 Lote to jia tiri pja macaina ti jiriro seheta yu tjua tachu jahca masa. Lote to jia tiri pjare masa chu, sihni, nuchu, dua, weserire toaa, wuhuse yoaha. 29 Ti ã yoaro watoi Sodoma wama tiri macai jiriro Lote to wahari dachoi muano macaa pichaca, picha sohãa poca tãa peri cãhu coro taro seheta tina bui bora ta, tinare wajã pahñonocaa tiha. 30 Yuhu masuno Cohamacu warocariro wacũenoca yu tjua tachu tina yoaro seheta yoaina jahca masa tí pjare.

31 Tí pjare cãiro to wuhu bui macari wapamu jiriro wuhu puhichapu to ya jichu tíre nano sãaeno tjijaro to waha bahrañohto sehe. Tuhsu, wesepu jiriro cãhu tí pjare to wuhupu piha taero tjijaro to waha bahrañohto sehe. 32 Lote namono to waharire wacũga musa. 33 Masuno yuhure wacũno marieno to mu saro to cahmano seheta yoaro pichacapu waharohca. Yu yare ã yoarucuriro sehe jipihtia dachoripe yuhu mehne manopu jirucurohca.

34 Tí ñamine puaro cã casario bui carĩnare cãiro yuhure cahmarirore naaihca. Tuhsu, yuhure cahmaerariro tó tjuarohca. 35 Tí pjare puaro numia cãnoi tí trigore arãa numiare cãcoro yuhure cahmaricorore naaihca. Tuhsu, yuhure cahmaeraricoro tóihca tjuarohca. 36 [ã yoa wesepu puaro dahraina ti jichu cãirota naihca. Cãiro tó tjuarohca] —niha Jesu.

37 To ã nichu to buheina sehe õ sehe ni sinituha tirore:

—¿Nohopu ã waharohcari? —ni sinituha tina.

Ti ã nichu Jesu õ sehe ni yuhtiha:

—Yucaare mari ñuna, yariariro to pjacu cjiro jichu mari noano masinahca. (Tó seheta ahri musare yu yahuyurire musa ñuna noano masinahca ahri yahpamu yu tjua tahto mahanocã to dũsachu cãhure) —niha Jesu.

18

Wapewahyoro to buhiri dahre dutia quitire yahuha Jesu

1 ã yoa Jesu tinare Cohamacure siniare yahuro õ sehe niha:

—Musa Cohamacure sinina, cohtaga to yuhtihtore. Yoari pja cohtapanahta cahyaena tjiga. Tirore sinina duhuena tjiga —niha Jesu.

2 To ã niri buhero taro ahri quitu mehne piti dahre yahuha tinare:

—Pa macapu ti buhiri dahre dutiriro jiha. Tiro Cohamacure ño payoeraha. ã yoa masa cãhure ño payoeraha.

3 Wapewahyoro cãhu tópu jiha. Ticoro tiro cahapu saroca majareno õ sehe niha: “Yuhure ñu tuhtirirore buhiri dahre dutiga muhu. Yuhure ni ducataga”, ni sinirucua ticoro tirore. 4 To ã nichu payu tahari

tiro “Yoasi yuhu”, nimaha ticorore. To ã nipachuta ticoro payu tahari ã sinirucuro tirore caribobiario yoaha. To ã caribochu, tiro õ sehe niha to basi: “Yuhu Cohamacure, masa cãhure ño payoeraja. ⁵ Yu ã ño payoerariro yu jipachuta ahricoro sehe yuhure caribobiara. Yuhure ã cariboro yuhure pomea wahachu yoarohca ticoro. To ã ni yahusãrucuchu ticorore ñu tuhtirirore buhiri dahre dutiitja”, niha buhiri dahre dutiriro —niha Jesu.

⁶ Æ nino Jesu tinare õ sehe ni yahu namoha:

—Æ niha tiro ñariro buhiri dahre dutiriro. To niri cjirire wacũga musa. ⁷ Tiro yuhdoro Cohamacu sehe to yainare to beseinare ñamipã cãhure, dachopã cãhure tirore sinirucuinare yuhtiro, yoadohorohca. ⁸ Musare niita nija. Cohamacure ti siniriro seheta dõicãta tinare yoadohorohca. ¿To ã yuhtiriro to jipachuta yuhu masano Cohamacu warocariro ahri yahrapã tjua tacu Cohamacure wacũ tuainare bocabocari yuhu? —niha Jesu.

Pãro Cohamacure ti sinia quitire yahuha Jesu

⁹ Æ yoa pari turi piti dahre buhero õ sehe ni yahuha Jesu: “Sã sehe noaina jija. Paina sehe ñano yoaina jira”, ni tuhotuina barore Jesu õ sehe ni yahuha:

¹⁰ —Cohamacu ya wãhãpã pãro mua Cohamacure sinia wahaha. Cãiro fariseo curua macariro jiha. Pairo puhtoã yare wapa na cohtariro jiha. ¹¹ Æ yoa fariseo curua macariro sehe wahcãrucu su, õ sehe ni yahuha Cohamacure: “Cohamacu, yuhu paina yare mahãopea mehne nariro, ñano yoariro, paina namosãnumia mehne wãana tiriro ne jieraja. Paina yoaro sehe ñariro jieraja. Ahriro wapa na cohtariro yoaro sehe ñariro ne jieraja yuhu. Æ jicu mãhure ‘Noana’, nija Cohamacu. ¹² Yuhu somanaripe pã dachore ne chãeraja, mu yare yoacu tacu. Tuhsu jipihtia dohse jiãpe yu wapataã cãhure mahano (diezmo) wa mãjaja yuhu mãhure ño payocã”, niha fariseo curua macariro Cohamacure. ¹³ Æ yoa wapa na cohtariro sehe yoa cureropã muhri yo ducã su, mãanopãre ñu mãoeraha. Æ ñu mãoeraro, to pẽbuhui

cãroca õ, õ sehe ni siniha Cohamacure: “Cohamacu, yuhu ñaare yoariro jija. Æ jicu mãhã pã ñãga yuhure”, niha tiro Cohamacure. ¹⁴ Musare niita nija. Ahriro wapa na cohtariro sehe Cohamacu to ñãchã buhiri marieriro to ya wãhãpã tjuaã wahaha. Wiho mejeta paio fariseo curua macarirore “Mu ñaa buhirire cohãhi”, ñieraha Cohamacu. “Yuhu noariro waro jija”, ni tuhoturirore Cohamacu buoro dahrerohca. Wiho mejeta “Yuhu ñaare yoariro jija. Æ jicu tãre tuaro cahyaja” nirirore Cohamacu wahchechu yoarohca tiro sehere —niha Jesu.

Macanacã ya cjihãre Cohamacure sini payoha Jesu

(Mt 19.13-15; Mr 10.13-16)

¹⁵ Æ yoa masa ti pohnare wihãinacãre Jesure ña payo dutia ta, to cahapã na wihimaha. Ti ã yoachu ñua Jesu buheina tinacãre na wihĩinare tuhtiã. ¹⁶ Ti ã tuhtichã ñuãno Jesu wihãinacãre pjirocaha to cahapã. Pjiroca tuhsu õ sehe niha tiro to buheinare:

—Macanacã yu cahapã tajaro. “To cahai wahaena tjiga”, niãna tjiga tinacãre. Tinacã Cohamacure ti puhtoro tuhotura. Puhtoro Cohamacu to suho jiina ahriñacã yoaro sehe tuhotuina baro dihta jira. ¹⁷ Potocã niita nija musare. Ahriñacã Cohamacu ti puhtoro cjihãre cahmana. Ti yoaro seheta musa cãhã Cohamacu musa puhtoro cjihãre cahmaerana, puhtoro Cohamacu to noano suho jihãna ne jisi musa —niha Jesu.

Pache pãro Jesure sinitu ñãha

(Mt 19.16-30; Mr 10.17-31)

¹⁸ To ã niri baharo judio masa puhtoã mehne macariro Jesure õ sehe ni sinitu ñãha:

—¿Ne noariro, buheriro, jipihtia dachoripe Cohamacu mehne ji duacu, dohse yoaihãari yuhu? —niha tiro.

¹⁹ To ã nichã Jesu õ sehe ni yuhtihã:

—¿“Noariro”, ni pisujari mãhã yuhure? Noariro sehe Cohamacu dihta jira. ²⁰ Ahri Cohamacu dutiare masina mãhã. “Numia mehne ñano yoacuã tjiga. Masare wajãecu tjiga. Yacaecu tjiga. Mahãoa mehne

pairore yahusãecu tjiga. M_u p_uc_us_um_are ño payoga”, ni dutira Cohamac_u —niha Jesu.

²¹ To ã nich_u tiro Jesure õ sehe ni y_uhtiha:

—Tíre jipihtiare y_u wahma wahm_ua tariro jip_ut_a y_uhd_ur_ucaera tih_i y_uh_u —niha tiro.

²² To ã nich_u t_uhoro, Jesu tirore õ sehe ni yahuha:

—Mahanocã d_uhsara m_uh_ure m_u yoa pah_uohto. Jipihtiare m_u yare duai wahaga. ã yoac_u jipihtia m_u wapatar_i niñerure p_jac_uoinare waga. M_u ã yoach_u p_jiro m_u wapataa m_uanop_u, Cohamac_u cahap_u jiyuahca. M_u ã yoari baharo y_uh_u mehne macariro cjihto taga —niha Jesu tirore.

²³ To ã nich_u t_uhoro tiro sehe pay_u pache c_jariro jiro tíre p_jac_uoinare wa duaeraro, tuaro cahya, wahaa wahaha. ²⁴ To ã cahyach_u ñ_uno Jesu õ sehe ni yahuha painare:

—Pache p_ua Cohamac_u masare p_uhtoro to noano s_uho jiro p_ure ti wahach_u basioera curera. ²⁵ Camello sehe awicã copacãre to sãa nuhri wijaa duach_u basioerara. To ã jiro y_uhdoro pache p_uro p_uhtoro Cohamac_u noano to s_uho jiro p_ure to waha duach_u nu mijobiara —niha Jesu.

²⁶ To ã nich_u tirore t_uhoina õ sehe niha:

—Cue, m_u nino seheta potocã jich_u, ne c_uiro mas_uno Cohamac_u cahap_u waha masieraboca —niha tina Jesure.

²⁷ Ti ã nich_u Jesu õ sehe ni y_uhtiha:

—Masa ti basi ti m_u s_uro y_uhd_u masierara. Wiho mejeta Cohamac_u sehe masare pichacap_u wahaborinare y_uhd_u masina. Tiro jipihtiare noano yoa masi pah_uoriro jira —niha Jesu tinare.

²⁸ To ã nich_u Pedro tirore õ sehe niha:

—T_uhosiniga. Sã sehe jipihtia sã yare c_unocaa tii m_uh_u mehne wahana —niha tiro Jesure.

²⁹ To ã nich_u Jesu õ sehe niha:

—Potocã m_usare niita nija. M_usa Cohamac_u yare yoana tana m_usa wah_usere, m_usa namosãnumiare, m_usa bahanare, m_usa p_uc_us_um_are, m_usa poh_unare c_unocarina jina, p_jiro wapatanahca m_usa mip_ure. ³⁰ M_usa c_uriro y_uhdoro wapatanahca. ã jina m_usa yariari baharo jipihtia dachoripe Cohamac_u mehne jirucunahca m_usa —niha Jesu tinare.

*Pari turi Jesu to yariahtore, to masa wi-
jaah_utore yahuha*

(Mt 20.17-19; Mr 10.32-34)

³¹ ã yoa Jesu doce to buheinare ti sahsero naaha. ã naano tinare õ sehe ni yahuha:

—T_uhoga y_uh_ure. Mip_ure mari Jerusal_ur_u wahana nija. Tó_u y_uh_ure mas_uno Cohamac_u warocarirore Cohamac_u yare yahu m_uhtaina c_jiri panop_u ti yahuriro c_jiro seheta paina ã yoaa_uca y_uh_ure. ³² Tó_u masa y_uh_ure ñahaa, judio masa jieraina sehere waahca y_uh_ure. Y_uh_ure ti wari baharo tina y_uh_ure b_uj_upe, ñano ni, y_uh_ure chahcho puti sih_uahca. ³³ Tuhs_u, yuta dari mehne tjana tuhs_u waj_uahca y_uh_ure. Ti ã waj_uri baharo tia dacho wahaboroi masa wijaa_uhca y_uh_u —niha Jesu tinare.

³⁴ To ã nich_u to buheina to yahuare noano t_uho ñahaeraha. Cohamac_u tíre tinare noano t_uho ñahach_u yoaerasiniha.

Capari ñ_uerarirore ñ_uch_u yoaha Jesu

(Mt 20.29-34; Mr 10.46-52)

³⁵ ã yoa Jesu c_uh_u Jericó wama tiri maca cahacã_u s_uha. Tó_i capari ñ_uerariro maha d_uht_u cahai duji, niñerure sinino niha.

³⁶ ã jiro masa pay_u to cahai ti y_uhd_uach_u t_uhoro tiro sinituha tinare:

—¿Dohse yoaa pay_u masa y_uhd_ujari? —ni sinituha tiro.

³⁷ —Jesu Nazare macariro waharo nina —ni yahuha paina tirore.

³⁸ Ti ã ni yahuch_u t_uhoro tiro õ sehe ni sañurucuha:

—Jesu, Davi c_jiro panamino masare y_uhd_uohtiro, y_uh_ure p_ja ñ_uga —ni sañurucuha Jesure.

³⁹ To ã nich_u to pano waha m_uhtaina sehe, “Dihta mariahga”, ni tuhtiha tirore. Ti ã ni tuhtipach_uta tó pano to sañurucuriro y_uhd_uo curero sañurucu namoha tjoa:

—Davi c_jiro panamino masare y_uhd_uohtiro, y_uh_ure p_ja ñ_uga —ni sañurucuha tiro.

⁴⁰ To ã ni sañurucuch_u t_uhoro, Jesu sehe t_juar_ucu s_u, “Pjirocaga tirore”, niha. To ã nich_u tina sehe capari ñ_uerarirore p_ji wahcãha. Ti ã p_ji wahcãch_u tiro Jesu cahap_u to s_uch_u Jesu sehe tirore õ sehe ni sinituha:

⁴¹ —¿Dohse y_u yoach_u cahmajari m_uh_u? —niha Jesu tirore.

—Ym pũhtoro, yũhũre ñũchũ yoaga —ni yũhtiha capari ñũerariro.

⁴² —Ñũga. Yũhũre wacũ tuacu, noariro wahara mũhũ —niha Jesu tirore.

⁴³ To ã nichũta capari ñũerariro ñũa wahaha. ã noariro waharo, tiro Jesu mehne waha, “Cohamacũ tuariro jira”, niha tiro. ã jia masa payũ capari ñũerariro to ñũchũ ñũa “Cohamacũ noariro, tuariro jira”, niha tina cũhũ.

19

Zaqueo Jesure piti bocaha

¹ ã yoa Jesu Jericópa sũ, tí macapũ yũhdũ wahcãno taro niha. ² Pache pũro Zaqueo wama tiriro pũhtoa ya cjihtire wapa na cohtaina pũhtoro tói jiha. ³ ã jiro tiro Jesure “¿Diro baro jicari?” ni ñũ masino taro Jesure ñũ duamaha. ã to ñũ dua-pachũta yahparirocã to jichũ masa payũ tirocãre dũcataha. ⁴ ã jiro tiro masare mũroca yũhdũa waha, sicómoro wama tidũ yuchũcũpa mũjaha Jesure ñũno taro. Baharo curero tũ cahai Jesu yũhdũaro taro niha. ã jiro Zaqueo tũ cohtaro niha. ⁵ To ã cohta pisaro watoĩ Jesu sehe tũ dahpotoĩ sũrucã, Zaqueore ñũroca mũo, tirore õ sehe niha:

—Zaqueo mipũre mũ wũhũi tjuasinihtja yũhũ. ã jicũ cjero duji taga —niha Jesu tirore.

⁶ To ã nichũ Zaqueo sehe soaro mehne duji ta, tuaro wahchea mehne to wũhũpũ pji wahcãha Jesure. ⁷ To ã ni piti bocachũ ñũa, jipihtina masa ti basi õ sehe ni durucuha:

—Ahriro Jesu ñaare yoariro ya wũhũpũ tinino waha duara —ni durucuha jipihtina ti basi.

⁸ Zaqueo sehe piti boca tuhsũ tói ducu, Jesure õ sehe ni yahuha:

—Pũhtoro tũhoga yũhũre. Jipihtia yũ yare dacho macai pjacũoinare waihtja. ã jicũ yũhũ paioire cien niñeru tũrire mahño mariro jicũ, cuatro cientos niñeru tũrire wapa bui payoihtja tirore —niha Zaqueo Jesure.

⁹ To ã nichũ Jesu sehe õ sehe ni yahuha tirore:

—Michare mũhũre mũ wũhũi jiina cũhũre pichacapũ wahaborinare Cohamacũ yũhdo tuhsũra. Mũhũ cũhũ Abrahã cjiro coyeiro jira. ¹⁰ Yũhũ masũno Cohamacũ warocariro pichacapũ wahaborinare macai tai nii. Tópa wahaborinare noano yũhdoi tai nii —niha Jesu Zaqueore.

Niñeru tũri uru tũri quitire yahuha Jesu (Mt 25.14-30)

¹¹ ã yoa tirore tũhoinare Jesu paye quiti mehne piti dahre yahuha. Mahanocã dũhsaha Jerusalẽpa to sũhto. ã jia tirore tũhoina õ sehe ni tũhotuha: “Pũhtoro Cohamacũ mipũre sũho ji dũcaro taro nina”, ni tũhotuha tina. ¹² Ti ã ni tũhotuchũ Jesu õ sehe ni yahuha tinare:

—Cũiro pũhtoro sãhtiro to ya yahpa macaina bui pũhtoro jihtiro yoaropũ waharo taro niha. Tópaure to sũchũ ñũno ti bui pũhtoro tirore pũhtoro sõno taro niha. Pũhtoro sãhtiro ya maca macaina bui pũhtoro sõno taro niha tirore. Baharo to ya wũhũpũ tju wihiro taro niha.

¹³ Wahmanore to wahahto pano pũhtoro diez dahra cohtainare pjirocaha. ã pjirocãro, tiro tinare cãinare típe tũri niñeru tũri wapa bũjũa tũri uru tũrire waha. Wa tuhsũ, õ sehe ni yahuha tinare: “Yũhũ yũ mariachũ ahri niñeru mehne mũsa wapata namohtire macaga”, niha tiro dahra cohtainare. ¹⁴ Pũhtoro sãhtiro to jipachũta to ya maca macainata tirore cahmaeraha. ã cahmaeraa, ti warocahtinare tirore pũhtoro sõhtirore yahu dutia warocaha. “Ahriro sã pũhtoro jichũ cahmaeraja sã”, niha tina ti yahu duti warocaina sehe.

¹⁵ ã ti cahmaerapachũta baharo ti pũhtoro sãaha tiro. ã pũhtoro sãa tuhsũro tiro to wũhũpũ tju taha. ã tju wihiro tiro dahra cohtainare to niñeru mehne ti wapata namoare masino taro, tinare pjirocãha. ¹⁶ To pjirocãri baharo, wihi mũhtariro tirore yahuha: “Pũhtoro mũ niñeru tũ, yũhũre mũ wari tũ mehne diez tũri wapata namohi yũhũ”, niha dahra cohtariro to pũhtoro. ¹⁷ “Noano yoari jire mũhũ. Mũhũ noariro dahra cohtariro jira. Mũhũ mahanocã mehne yũ dutiriro seheta yoa pahñoriro jicũ mipũ diez macari macaina ti pũhtoro cjihto wahaihca mũhũ”, niha

pūhtoro dahra cohtarirore. ¹⁸ To baharo wihiri tiro mehne macariro ò sehe niha: “Pūhtoro, mū niñeru tū, yūhure mū wari tū mehne cinco tūri wapata namohi yūhū cūhū”, ni yahuha to pūhtoro. ¹⁹ “Cinco macari macaina pūhtoro cjihto wahaihca mūhū”, niha pūhtoro tirore. ²⁰ To ā niri baharo pairo dahra cohtariro wihi, ò sehe ni yahuha: “Pūhtoro, mū niñeru tū òi jira. Suhtiro cahsaro mehne coma, tí ture wi-hbohi. ²¹ Mūhū tuaro dahra dutiriro jira. Paina yare mana mūhū. Tuhsū, tuaro dahra dutiriro jicū dahraerariro jipacūta mūhū paina ya dahrari wapare nana. Ā yoa toaerariro jipaihta dichare nariro jira mūhū. Ā jicū mūhure cui nihi”, niha to pūhtoro “Wapataerahi yūhū”, ni yahuro. ²² “Mūhū ā nicū ñano yoariro jira mūhū. Yūhure mū ā niri buhiri mūhure buhiri dahreihitja yūhū. Yūhū mūhure tuaro dahra dutiriro yū jichū masina mūhū. Paina yare yū nachū toaerariro jipai dichare nariro yū jichū masina mūhū. ²³ Yū ā jiriro jichū ñūpacūta ya ture niñeru wihbori wūhūpū cūerare mūhū. Tíre ti wasori wapa wapata namoboa mūhū. ¿Dohseacū ā yoaerari mūhū? Tíre mū yoachū tju wihicū wapata namoboa yūhū”, niha ti pūhtoro. ²⁴ Ā ni tuhsū tiro cahai ducuinare dutiha: “Niñeru ture maga tirore. Diez tūrire cjuarirore waga”, niha pūhtoro. ²⁵ To ā nichū tina sehe ò sehe ni yahuha tirore: “Pūhtoro, diez tūri cjuariro payū cjuā tuhsūra”, niha tina. ²⁶ Ti ā nichū pūhtoro ò sehe ni yūhtiha: “Mūsare niita nija. Jipihtina cjuainare wa namoihtja. Cjuaerariro sehere mahanocā to cjuapachūta tíre maihtja. ²⁷ Mipū pinihta yūhure ñū tuhtiinare yūhure ti pūhtoro ji dutierainare yū cahai na tahga. Ā yoana yū ñūrocaroi wajāga tinare”, niha pūhtoro dahra cohtainare —ni buheha Jesu.

Jerusalēpū sūha Jesu

(Mt 21.1-11; Mr 11.1-11; Jn 12.12-19)

²⁸ Ā ni tuhsū Jesu paina pano Jerusalēpū wahaha. ²⁹ Ā yoa tina Jerusalēpū ti sūhto panocā tūcū Olivo wama tidū dūhtū cahai jiri maca Betfagé wama tiri maca cahai, ā jichū Betania wama tiri maca cahai sū mūhtaha. Tí macari pūa maca cahai Jesu

sūro, to buheina pūarore warocarō taro, ò sehe ni yahu quihōha:

³⁰ —Sí macapū burrocāre nana wahaga. Tópū sūna, burrocāre ti dūhte daporirocāre boca sūnahca. Tiro ne cūiro ti pisamahno-erarirocā jica. Tirocāre bocana, yuta dare pjā, na tabasaga yūhure. ³¹ Tirocāre mūsa pjāchū ñūno, cūiro dohse jiriro “¿Dohse yoana tana burrocāre dūhte daporī dare pjājari mūsa?” to nichū tūhona ò sehe ni yūhtiga tirore: “Mari pūhtoro burrocāre cahmarocasinire”, ni yahuga tirore —ni yahu duti warocaha to buheina pūarore.

³² To ā nichū tina pūaro sehe to niriropū sūha. Ti ā sūchū jipihtia Jesu to niriro se-heta wahaha. ³³ Ā jia tina tirocāre ti pjāchū ñūa tirocā pūa tinare ò sehe ni sinituha:

—¿Dohse yoana tana burrocāre dūhte daporī dare pjājari mūsa? —ni sinituha tina.

³⁴ —Mari pūhtoro burrocāre cahmaro-casinire —ni yūhtiha tina.

³⁵ Ā ni yahu tuhsū tirocāre Jesu cahapū na sūha. Na sū tuhsū ti bui sūa suhtire tirocā bui pjūpaha payo tuhsūchū ñū, Jesu sehe tirocā bui to mūja pjachū yoadohoha tina.

³⁶ Jesu tirocā bui to pisachū to wahahto pano masa ti bui sūa suhtire tjuwe na, to wahahti mahai saño cū mūhtaha, Jesure ño payoa. ³⁷ Tina Jerusalē cahacāpū sū, Olivo wama tidū dujiari mahapū sūha. Tópū Jesu to buhechū tūhoina payū jipihtia Cohamacū tuua mehne to yoa ñorire, noaa to yoirire ti ñūri cjuirire wacūa, Cohamacūre “Noariro, tuariro jira”, ni sañurucuha. Ā yoa Cohamacūre ño payoa, ò sehe ni sañurucuha:

³⁸ —Ahiro Cohamacū to warocariro, mari pūhtoro noano jijaro. Mūano macaina noano jijaro. Mūano macariro Cohamacū, mūhū tuariro waro jira —ni ño payoha tina.

³⁹ Ti ā nichū tūhoa fariseo curua macaina mahainacā ti watoi jiina Jesure ò sehe ni yahuha:

—Buheriro, mū buheinare dihta mariea dutiga —niha tina.

⁴⁰ —Mūsare niita nija. Tina ti sañurucuerachū tūa peri sehe sañurucuboa —niha Jesu fariseo curua macainare.

41 Æ ni tuhsu Jesu Jerusalẽ cahacãpu su, tí macare ñurocaro, tiha. 42 Õ sehe niha tiro: —Jerusalẽ macaina mipu pinihtare musare pichacapu wahaborinare Cohamacu to yãhdohtore musa masichu noa yãhdãboa. Æ jipachuta mipure musa tíre ne tãho duaerare. Æ jiro Cohamacu tíre musare masi dutierare. 43 Musare ñu tuhtiina musa jiri macare soroahca. Æ yoaa musare tina wijaaro wasi. 44 Tí pjata tina musa ya macare cohã pahñoahca. Musa cãhure wajãahca. Musare ñu tuhtiina noano cohã pahñoahca musa ya macare. Cohamacu pichacapu wahaborinare musare to yãhdohtore musa masi duaerare. Musa masi duaerari buhiri musare ñu tuhtiinare Cohamacu musare cohã dutirohca —niha Jesu Jerusalẽ macainare.

Cohamacu wãhãpu Jesu sãha
(Mt 21.12-17; Mr 11.15-19; Jn 2.13-22)

45 Æ yoa Jerusalẽpu sãro, Jesu Cohamacu wãhãpu sãa wahaha. Æ yoaro pache duainare tí wãhãpu jiiinare boca sãro, tinare cohã wionocaha. 46 Õ sehe niha tiro tinare: —Õ sehe nina Cohamacu yare ti joari pũi: “Yã wãhã Cohamacu mehne durucuri wãhã wama tirohca”, niha to yare ti joari pũi. To ã nipachuta musa sehe ahri wãhã duana, musa basi cahma yacara musa —niha Jesu.

47 Æ yoa dachoripe Cohamacu wãhãpu Jesu buheha. Æ jia sacerdotia pãhãtoa, judio masare buheina, masa pãhãtoa cãhã tirore ti wajãhti cjihtire wacũ macaha. 48 Masa jipihtina tirore ã tãhorucua, to buheare noano tãho nãnãina jiha. Ti ã noano tãho nãnãichu ñã, Jesure wajã duaina sehe tirore ti wajãhtire bocaerasiniha.

20

Sacerdotia pãhãtoa, judio masare buheina, bũcãna mehne Jesure sinitu ñãha
(Mt 21.23-27; Mr 11.27-33)

1 Pa dachoi Cohamacu wãhãpu Jesu masare noaa buheare buhero niha. To ã buhechu sacerdotia pãhãtoa, judio masare buheina, bũcãna mehne tiro cahãpu wihia, tirore õ sehe ni sinitu ñãha:

2 —Yahuga sãre. ¿Dohseacu canure ã yoari mũhũ? ¿Noa mũhũre tíre ã yoa dutiri? —niha tina Jesure.

3 Ti ã nichu Jesu õ sehe ni yãhtiha tinare: —Musa sehere sinitu mũhtaihtja. Yahuga yãhure. 4 ¿João masare to bautisachũ diro baro sehe tirore bautisa dutia tiari, musa tãhotuchũ? ¿O Cohamacu dutiera tiari? ¿O masa sehe dutia tiari, musa tãhotuchũ? —ni sinituha Jesu tinare.

5 To ã nichu tina sehe ti basi õ sehe niha: —¿Dohse ni yãhtinahcari mari? “Cohamacu Joãoire dutia tiri jire”, mari nichu, “¿Dohseana Cohamacu Joãoire to dutipachuta tirore tãho duaerari musa?” niboca Jesu marine. Æ jina “Cohamacu Joãoire dutia tiri jire”, ni yãhti masieraja mari. 6 Ahriina masa sehe “Potocãta João Cohamacu yare yahu mũhtariro jira”, ni tãhotura tina. Æ ni tãhotua “João to bautisachũ Cohamacu tirore dutierari jire”, mari nichu tãhoa marine tãa mehne docaboca masa. Æ jina tí cãhure yahu masieraja mari —ni durucua tina ti basi.

7 Æ ni durucu tuhsã tina Jesure õ sehe ni yãhtiha:

—Joãoire bautisa dutirirore sã masieraja —niha tina.

8 Ti ã nichu Jesu õ sehe ni yãhtiha: —Tí pja pinihta yãhã cãhã musa sinitu mũhtarire yahueraja musare. Ahriire yã yoarire dutirirore yahueraja musare —niha tiro tinare.

Ñaina dahra cohtaina quitire yahuha Jesu

(Mt 21.33-44; Mr 12.1-11)

9 Æ yoa Jesu to tãhotua mehne piti dahre õ sehe ni buhe dũcãha masare:

—Wese pãro se dari cjihtire toaha. Toa tuhsũ, tí wesere painare cã bũhãsehe coa pahma cũha. Pahma cũno tí wesere tinare ñã wihbo dutiha. Æ duti tuhsũ pa yahãpã waha, yoari pja bajueraha. 10 Tuhsũ, se ñiri pja jichũ wese pãro to cahamacũnore wesere ñã wihboina cahãpu warocaha. Wese macaa to toaa dichare to ya coa macaare na dutiro warocamaha. Æ jia ñã wihboina sehe to cahamacũnore wiho piti boca cãnocaha tirore. Æ cãnocã, tina tirore dichare waerapahta tjuaa dutiha tirore.

11 Æ jiro wese p̄uro paio to cahamac̄nore tí wese macaa toaa dichare na dutiro warocamaha tjoa. Æ jia wesere ñ̄u wihboina tiro c̄h̄ure cjã, ñ̄ano yoaha. Æ yoa tuhs̄u tirore tí dichare waerapahta tjuaa dutiha tjoa. 12 Tirore ti ã yoari baharo wese p̄uro paio cahamac̄nore warocamaha tjoa. To ã warocach̄u ñ̄ua, wesere ñ̄u wihboina sehe tiro c̄h̄ure cami dahre, tí wese d̄uht̄u cahai cohãnocaha tirore.

13 "Ti ã yoari baharo wese p̄uro ò sehe ni t̄hotumaha: "¿Dohse yoaih̄cari ȳh̄u? Ò sehe yoaiht̄ja. Ȳh̄u ȳu mac̄ure ȳu cah̄irire warocaiht̄ja. Tina tirore ñ̄o payoboca", ni t̄hotumaha wese p̄uro sehe. 14 Æ jia to mac̄nore to warocarire to s̄uch̄u ñ̄ua ñ̄u wihboina sehe ti basi ò sehe ni duruca: "Ahr̄iro wese p̄uro mac̄no jira. Baharo ahri wesere cj̄aht̄iro jira. Tirore wajãjihna. Mari ã yoach̄u ahri wese mari ya wese tjuarohca", nimaha tina ti basi. 15 Æ ni tuhs̄u wese p̄uro mac̄nore wese d̄uht̄u cahai cohã, wajãnocaha tirore. ¿Ti ã yoach̄u ñ̄ano dohse yoaroh̄cari wese p̄uro wesere ñ̄u wihboinare? —niha Jesu.

16 —Tiro wesere ñ̄u wihboinare wajãno taro, paina sehere wesere ñ̄u wihbo dutirohca —ni ȳhtiha Jesu to basi.

To ã nich̄u t̄hoa masa sehe ò sehe niha:

—Marine ã wahaero tjijaro —niha tina.

17 Ti ã nich̄u Jesu sehe tinare ò sehe ni sinituha:

—¿Cohamac̄u yare ti joari p̄ure ò sehe ni durucua, dohse nino nijari, m̄usa t̄hotuch̄u?:

"Ahr̄iro Cristo tãca yoaro seheta jira.

Tãcare w̄h̄u dahreina ti cohãno seheta masa tirore cohãahca.

Ti ã yoapach̄ta mip̄ure w̄h̄u dahreina w̄h̄ure yoaa ti c̄u m̄uhtari tãcare ti c̄no seheta Cohamac̄u tirore p̄hto s̄ohre",

ni joaha. 18 Jipihtina tia tãca bui bora pjainare paȳu dihicã peri yihsorohca tia tãca. Tuhs̄u, tia tãca mas̄no bui bora pjaro, tahãnocanohca tirore. Æ tahãno to pjac̄u cjirore daa manaricã wahach̄u yoarohca. (Tó seheta ȳh̄ure cahmaeraina, ȳu buhiri dahrehtina ñ̄ano ȳhd̄ahca) —niha Jesu.

P̄htoa ya wapare paina sinituha Jesure (Mt 21.45-46; 22.15-22; Mr 12.13-17)

19 To ã nich̄u t̄hoa judio masare buheina sacerdotea p̄htoa c̄h̄u, "Jesu wesere ñ̄u wihboina quiti mehne marine tuhtiro nina", ni t̄hotuha tina. Æ ni t̄hotua tina Jesure ñ̄aha duamaha. Æ ñ̄aha duapahta tina masare cui niha. 20 Æ cuia, Jesure ti ñ̄ahaht̄i pjare cohtasinia tina. Æ jia tina quih̄no yoaina yoaro sehe ji mah̄no dutiha painare. To ñ̄ano ni ȳhtich̄u yoa duaa nimaha tirore yahusã duaa. Æ jia Jesure sinitu dutia warocaha mah̄noinare. Jesu ñ̄ano to ni durucuch̄u t̄hoa tí yahpa macaina bui p̄htoro peresu yoa dutia taa nimaha. 21 Æ jia tina Jesure mah̄no c̄u ò sehe ni sinitu ñ̄umaha:

—Buheriro, potocã durucur̄iro, mah̄noa marieriro m̄u jich̄u sã masija. Æ jic̄u wiho j̄inare, p̄htoa c̄h̄ure c̄no potori yoara m̄h̄u. M̄h̄u Cohamac̄u yare potocã m̄u buhech̄u c̄h̄ure sã masija. 22 Yahuga sãre. ¿Ne, Roma macarire jipihtina bui p̄htoro gobierno macaare marine waparocahmajari, m̄u t̄hotuch̄u? ¿Mari dutia wapa dutijari, m̄u t̄hotuch̄u? —ni sinituha tina Jesure.

23 Ti ã nich̄u t̄horu Jesu ti ñ̄ano yoa duare masino, tinare ò sehe ni ȳhtiha:

24 —Mip̄ure niñeru t̄re na tahga. Tí t̄re ñ̄ujihna —niha.

Tí t̄re ti na wihich̄u ñ̄ano ò sehe niha Jesu:

—¿Diro baro mas̄u wahãjari ahri t̄re? ¿Diro baro wama wahãjari? —niha Jesu tinare.

—César, masa bui p̄htoro jiriro ya mas̄u, to wama c̄h̄u wahãna —ni ȳhtiha tina.

25 Ti ã nich̄u Jesu ò sehe ni yahuha:

—Tí pja pinihta masa bui p̄htoro yare tiro sehere waga. Cohamac̄u yare Cohamac̄u sehere waga —niha Jesu tinare.

26 Æ to noano ȳhtich̄u, masa ti ñ̄urocaroi Jesure ñ̄ano ni durucuch̄u yoa masieraha tina. Æ jia Jesu ȳhtiare t̄hoa, tina c̄ua waha, dihta mariea waha.

Saduceo curua macaina Cohamac̄u to masoare sinituha Jesure

(Mt 22.23-33; Mr 12.18-27)

27 Æ yoa mahainacã saduceo curua macaina Jesu cahap̄u wihiha. "Cohamac̄u yariainare masosi", ni t̄hotuina jiha

saduceo curua macaina. ã jia tina õ sehe niha tirore:

²⁸ —Buheriro, õ sehe ni buhea tiha Moise cjiro: “Cãiro to wahmino namo tiro pohna mariaparota to yariachũ ñũno to bahũrore to wahmino namono cjirore nũoano cahmana. ã yoaro to wahmino mũnano to pohna tiboro seheta pohna tiro cahmana to bahũrore. ã jia to pohna to wahmino mũnano pohna yoaro sehe jiaha”, ni joaa tiha Moise cjiro —niha tina.

²⁹ Tĩre ni tuhsũ ahri quitire yahu namoha tjoa Jesure:

—Cãiro masũno jiha. Seis to bahana jiha. Ti wahmino sehe namo ti, pohna marieriro yariaa wahaha. ³⁰ ã jiro pairo to bahũro cãhũ to wahmino namono cjirore nũoaha. To ã nũoari baharo to wahmino yoaro seheta pohna mariaparota tiro cãhũ yariaa wahaha. ³¹ ã jiro ahriro bahũro cãhũ to wahmino mũnano yoaro seheta pohna mariaparota yariaa wahaha. ã dihta wahaha cãiro pohna waro. Ne pohna mariapahta yaria pihtia wahaha. ³² Ti namono cjiro cãhũ ti baharota yariaa wahaha. ³³ ¿Ne Cohamacũ jipihtinare yariaina cjirore to masochũ diro namono sehe jibocari ticoro pototi? Tina jipihtina ticorore namo tirina cjiri jiha. ¿ã jiro diro baro namono jirohcari? —ni sinituha tina.

³⁴ Ti ã nichũ Jesu õ sehe ni yãhtiha:

—Mipũ macaina wamomaca dũhtera.

³⁵ Ti ã dũhtepachũta paina sehe pa turu macaina sehe ã jierara. Paina mũare, numia cãhũre to yainare Cohamacũ ñaa marieina jichũ yoarohca. Tina ti yariari baharo masa mũjaahca. ã yoa tina tũpũ wamomaca dũhterara. ³⁶ ã jia tina anjoa yoaro seheta ne yariasi. Tina Cohamacũ to masorina jia, Cohamacũ pohna jira. ³⁷ Mipũre yariarina cjiri ti masa wijaahca sehere mũsare yahuihtja. Tĩre Moise cjiro noano yahu pahũoa tiha. To mahadũcã jãri quitire õ sehe ni yahua tiha tiro: “Yũhũ Abrahã, Isaa, Jacobo ti pũhtoro tjija”, ni yahure Cohamacũ yũhũre”, ni joaa tiha Moise cjiro. ³⁸ Ti yariari baharo “Ti pũhtoro tjija”, ni yahua tiha Cohamacũ. ã niparota yariarina cjiri pũhtoro jierara Cohamacũ. “Ti pũhtoro tjija”, to nia mehne

catiina ti jichũ masija mari. Tiro catiina pũhtoro jira. Jipihtina masa catira Cohamacũ to ñũchũ —niha Jesu tinare.

³⁹⁻⁴⁰ To ã nichũ tina sehe pari turi Jesure sinitu duaeraha. ã jia mahainacã judio masare buheina õ sehe niha:

—Buheriro, mũhũ noano yãhtihre —niha tina Jesure.

¿Diro baro coyeiro jijari Cristo?

(Mt 22.41-46; Mr 12.35-37)

⁴¹ Baharo Jesu õ sehe ni yahuha tinare:

—“Cristo Davi cjiro panamino jirohca”, ni buhera paina. ¿Dohse yoa tina ã ni buherajari? ⁴² Davi cjiro to basi Salmopũ to joari tjupũ õ sehe ni joaa tiha:

“Cohamacũ yũ pũhtorore õ sehe nire: ‘Õi yũ pototo bũhũsehei dujiga.

⁴³ ã jicũ mũhũre ñũ tuhtiinare mũhũre yãhdũrũcabasaihca yũhũ’, nire Cohamacũ yũ pũhtorore”,

ni joaa tiha Davi cjiro. ⁴⁴ ã ni joaro Davi cjiro pũhtoro tiha Cristore. Davi cjiro Cristo ñũchũno cjiro jiparota Cristore pũhtoro tiha. ¿Davi cjiro Cristo ñũchũno cjiro jiparota dohse jiro baro tiro pũhtoro tiari Cristore? —ni yahuha Jesu. (Cristo sehe Davi cjiro pũhtoro jira.)

Judio masare buheina ti ñaa yoaare yahuha Jesu

(Mt 23.1-36; Mr 12.38-40; Lc 11.37-54)

⁴⁵ Masa payũ Jesure ti tũhoro watoi Jesu sehe to buheinare õ sehe ni yahuha:

⁴⁶ —Mari judio masare buheina ti ñaa yoaare ñũna noano wacũ masiga. ã jina ti yoaro sehe yoaena tjiga. Tina yoa suhti sãa, masa ti ñũrocaroi majarea, pache duaropũ paina pũhtoare noano ño payo ti sinino sehe ti piti bocasinichũ cahmana tina. ã cahmaina jia, tina mari judio masa buhea wũhũsei noaa dujia dihtare bese duji duara. Tuhsũ, bose namũ jichũ tũ cãhũre noaa dujia dihtare cahmana.

⁴⁷ Tina wapewahya numia ya wũhũsere ti ya cãhũre mana tí numiare. ã yoaina jia, tina masa ti ñũrocaroi yoari pja Cohamacũre sinimana masare ñũ dutia. Ti ã yoachũ tinare Cohamacũ pjiro buhiri dahrerohca —niha Jesu tinare.

21

Wapewahyoro Cohamacu wuhui to warire yahuha Jesu

(Mr 12.41-44)

¹ Æ ni yahu tuhsu niñeru wihbori caroi pache pua ti niñerure ti duhu sãachu ñu dujiro niha Jesu. Tí niñeru Cohamacu wuhure ti cahnochu ti wapahti jiha. ² Æ ñuno wapewahyoro pjacuricoro to pua tucãre to duhu sãachu cãhure ñuha. ³ Tíre ñu tuhsu õ sehe ni yahuha:

—Potocã niita nija musare. Ahricoro wapewahyoro pjacuricoro sehe niñeru wihbori caropu duhu sãano paina jipihtina ti wari yãdoro wahre ticoro sehe. ⁴ Paina pache pua pjíro ti wapachuta ti ya pjíro duhsara. Ahricoro sehe pjacuricoro jiparota jipihtia to chũtire to nuchũboacãre wa pahñohre —ni yahuha Jesu.

“Cohamacu wuhui cohãri wuhui jirohca”, niha Jesu

(Mt 24.1-2; Mr 13.1-2)

⁵ Æ yoa paina Cohamacu wuhure õ sehe ni ñua niha:

—Noaa tãa mehne yoari wuhui, noacari wuhui jijari. Masa Cohamacu ya wuhui cjihtire ti wari cjiri cãhu tí wuhupure noaca cãri jira —ni durucua niha.

Ti Æ nichu Jesu õ sehe ni yahuha tinare:

⁶ —Ahri jipihtia mari ñari cjiri wuhuse, ahri tãa cãhu cohõ pihtia wahaahca. Ne cãria tãca tjuasi —niha Jesu tinare.

Pihtiri dacho cjihtore yahuha Jesu

(Mt 24.3-28; Mr 13.3-23)

⁷ To Æ nichu tãho tina sehe õ sehe ni sinituha tire:

—Buheriro, ¿dohse jichu mu niriro sehe waharo Æ waharohcari? ¿Pihtiri dacho panocã jichu dohse to waha ducachu ñunahcari sã? —ni sinituha tina Jesure.

⁸ Jesu õ sehe ni yãhtiha tinare:

—Noano yoaga musa. Æ jina musare paina ti mahñoare tãhoena tjiga. Payu masa “Cristo jija yuhui”, niina taahca. Æ nia, “Mipure pihtiri dacho cjihto mahanocã duhsara”, niahca. Ti Æ nichu tinare tãhoena tjiga. ⁹ Æ yoa paina “Cahma wajãa nina”, musare niahca. “Mipure pãhtoare masa cohãa nina”, niahca. Musa tíre tãhona cuiena tjiga. Pihtiri dacho pano õ sehe

waha mahñanohca. To Æ wahachu pihtiri dacho cjihto duhsasininohca mini —niha Jesu.

¹⁰ Æ ni tuhsu õ sehe ni yahu namoha:

—Cã yahpa macaina pa yahpa macaina mehne cahma wajãahca. ¹¹ Tuhsu, turo yahpa ñuhmi, masa payu juca mehne yaria, jipihtiro macaina dohatiahca. Æ yoa muano macaa bajuamehneare masa ñua, ñu cãaa wahaahca.

¹² Ahri jipihtia ti Æ wahahto pano, paina musare ñaha, ñano yoaahca. Tuhsu, mari judio masa buhea wuhusei tina musare yahusã, peresu yoaahca musare. Ti Æ yoachu yahpari macaina pãhtoa panoi, macari macaina pãhtoa panoi ducunahca musa ti yahusãhtina. Yu yaina musa jiri buhiri Æ yoaahca. ¹³ Ti Æ yahusãchu musa sehe noaa buheare tinare yahunahca. ¹⁴ Tí pjare musare ti yahusãchu pãhtoro musa yãhtihtore “Yahu masieraboca”, ni tãhotuena tjiga musa. ¹⁵ Yuhui musare yahubasaihtja. Musare Æ yoadohocu tãho masiare, noaa durucua cãhure musare yahuchu yoaihtja. Musa Æ yoachu musare ñu tuhtiina sehe musa durucua tãho, “Tí potocã jierara”, ni yãhti masisi. ¹⁶ Tí pjare musa pãcũsuma, musa bahana, musa coyea, musa mehne macaina cãhu musare ñu tuhtiinare waahca musare yu yaina musa jiri buhiri. Ti Æ yoachu musare ñu tuhtiina musa mehne macainare painare wajãahca. ¹⁷ Æ yoa yu yaina musa jichu ñua, jipihtina musare ñu tuhtiahca. ¹⁸ Musare Æ ñu tuhtipahta ne mahanocã musare ñano yoasi. ¹⁹ Æ jina Cohamacure wacũ tuaina jiga musa. Musa Æ yoana, Cohamacu mehne Æ jirucunahca.

²⁰ Æ yoa payu surara Jerusalẽpu ti soroachu ñua, Jerusalẽne ti cohãhto to mahanocã duhsachu masinahca musa.

²¹ Ti Æ yoachu ñua Judea yahpai jiina tãyucu cahpu muroca duhtijaro. Æ yoa Jerusalẽi jiina wahajaro. Æ yoa campoi jiina Jerusalẽpu wahaea tjijaro ti waha bahrañohito sehe. ²² Tí dachorihi buhiri dahrea dachorihi jipihtia Cohamacu yare ti joari pũ to niriro cjiro seheta Æ waharohca. ²³ Jipihtiropu ahri yahpai ñano

yuhduahca. To ã wahachu, niji wahcõa numia, ti pohnare pũina numia cõhu pjasõoro wahaahca. ²⁴ Paina ahri maca Jerusalẽ macaina mehne cahma wajãahca. Á cahma wajãa, paina ahri maca macainare jipihtia yahparipu na wahcã, peresu yoahca. Á jia judio masa jieraina Jerusalẽne ñano yoa, tinare yuhduarucaahca. Judio masa jieraina ya dacho to pihtichupu Jerusalẽ macainare ñano yoa duhuahca —ni yahuha Jesu.

*Jesu yahpapu to tjua tahtore yahuha
(Mt 24.29-35, 42-44; Mr 13.24-37)*

²⁵ Á ni yahu tuhsu, tinare õ sehe ni yahu namoha:

—Tí pjare sũ dacho macariro, ñami macariro, ñahpichoha cõhu cohtotaahca. Jipihtina ahri yahpa macaina “Cue, yari-anahca”, ni tãhotuina pjiri ma macaa pahcõri cuaro choro ti bisiro coa tachu tãhoa tuaro cuiahca. ²⁶ Tí pjare mũano macaa yahpari, ñahpichoha cõhu tuaro ñuhmiahca. Ti ã wahachu ñna, masa sehe ahri yahpa to pihtihore cohtaa, tuaro cuiahca. ²⁷ Tí pjata yuhu masuno Cohamacu warocariro Cohamacu tuaa mehne to si sitea mehne yu tachu ñnahca masa. ²⁸ Ahri ti ã waha ducachu ñna, wacũ tuaina jiga. Á jina mũanopu ñnga. Tí pjare Cohamacu mũsare pichacapu wahaborinare to yuhdohto mahanocã dũsarohca —niha Jesu.

²⁹ Á ni tuhsu ahri quiti mehne piti dahre buheha Jesu:

—Higueracure, paye yucu cõhure tãhotuga mũsa. ³⁰ Tí yucari pũri tichu ñna, cõhma cjihto to mahanocã dũsachu masina mũsa. ³¹ Tó sehetã ahri jipihtia yu niri cjirire ti ã wahachu ñna, Cohamacu masare puhtoro to noano sũho jihti pja mahanocã dũsachu masinahca mũsa.

³² Mũsare potocã niita nija. Tí pja macaina ti variahto pano jipihtia yu niriro sehetã ã waharohca. ³³ Mũano, ahri yahpa cõhu pihtia wahaahca. Yu durucua sehe ne cohtotasi. Jipihtia yu niriro sehetã ã waha sohtori tiarohca.

³⁴ Yu tjua tahti dachore ne masierara mũsa. Á jina noano yoaga. Bose numarine bujua yoarucuena tjiga. Á jina cahaena tjiga. Ahri yahpa macaare pjiro

tãhotuena tjiga. Mũsa yu niriro sehetã yoana, wacũenoca ahri yahpapu yu tachu mũsa ne cõasi. ³⁵ Wahiquirore yurida wahiquirore wacũenoca to tuã suhãro sehetã wacũenoca taihca yuhu. Jipihtina ahri yahpa macaina ti masieraro watoí tí dachoi wacũenoca ã waharohca. ³⁶ Noano wacũ masi cohtaga. Á jina Cohamacure ahrire ã sinirucuga: “Ahri pihtiri dachore ã wahachu yuhure yoadohoga. Tuaare waga yuhure ahrire noano yu yuhduhti cjihtire. Tuhsu, Cristore mu warocarirore cuiro marieno yuhure piti bocachu yoaga”, ni siniga Cohamacure —niha Jesu.

³⁷ Á yoa tí dachore Cohamacu wuhui Jesu buheha tiha. Ñaminipe buhe tuhsuro Olivo wama tidu tãcõpu waha, tõpu ji bohrea tiha. ³⁸ Bohrea taharipe jipihtina masa Cohamacu wuhupu tirore tãhoa waha tiha.

22

Sacerdotea puhtoa, judio masare buheina mehne wajã duaha Jesure

(Mt 26.1-5, 14-16; Mr 14.1-2, 10-11; Jn 11.45-53)

¹ Á yoa tí pjare bucaerari pãore ti chuhti bose numari mahanocã dũsaha. Tí bose numari pascua wama tiha. ² Á jia sacerdotea puhtoa, judio masare buheina mehne Jesure wajã duaa, ti wajãhtore wacũ macaha. Jesure wajã duapahta, masa sehere cuiha, “Suari”, ña.

³ Á yoa watĩno Juda Iscariotere ñano to yoa dutichu Juda sehe yuhthi tirore. Juda doce buheina mehne macariro jimaha. ⁴ Á yoa tiro sacerdotea puhtoare, Cohamacu wuhu macaina surara puhtoa mehne cõhure sũhũduro wahaha. Ti cahapu su, tinare Jesure to ñohtore sũhũduha tina mehne. ⁵ To ã nichu tãhoa, tina wahche, “Mũhure niñerure wapanahthja”, niha tina Judare. ⁶ Ti ã nichu Juda “Jai, tirore mũsare ñoihtja”, ni masa ti ñueraro watoí Jesure ñu tuhtinare to ñohti ñamine cohtasiniha.

Jesu buheina mehne to chu batoari numu jiha

(Mt 26.17-29; Mr 14.12-25; Jn 13.21-30; 1Co 11.23-26)

⁷ Būcaerari pāo bose nūmuri ti ji dūcari dacho jiha. Ā jiro pascua macaina cjihtire ovejare ti chūhtinare ti wajāhti nūmu jiha. ⁸ Tí pjata Pedrore, João cūhure Jesu ō sehe ni yahuha:

—Bose nūmuri mari chūhtire cahnoyuna wahaga —niha Jesu tinare.

⁹ —¿Mari pascua macaa chūhtire noho baroi cahnoyu dutirocaijari mūhu sāre? —ni sinituha tina tirore.

¹⁰ Ti ā nichu Jesu ō sehe ni yūhtiha:

—Jerusalēru mūsa sūchu co situ wūariro mūsare piti bocarohca. To piti bocachu tiro mehne wahaga. ¹¹ Ā wahana tiro to sūho sāari wūhuru suna tí wūhu pūrore ō sehe ni yahuga. “¿Dí tahtiai yūhu yū buheina mehne pascua macaa chūare chūnahcari?” ni sinitu dutirocahare buheriro”, niga tí wūhu pūrore. ¹² Mūsa ā nichu tūhoro, tóru mūano macari tahtiare pjiri tahtiare, noano ti cahnoyuri tahtiapure mūsare űonohca wūhu pūro. Tói mari chūhti cjihtire dahrega mūsa —niha Jesu tinare.

¹³ To ā nichu tina tí macaru wahaha. Tóru ti sūchu tinare to niriro seheta wahaha. Ā jia tina pascua macaa chūare dahreha.

¹⁴ Ti chūri pja jichu Jesu doce to buheina mehne chu dujiha. ¹⁵⁻¹⁶ Tóru ti chūropu dujiro Jesu tinare ō sehe ni yahuha:

—Mūsare niita nija. Ahri pascua bose nūmūrine mari dahreja Cohamacu to yainare to yūhdohtore wacūna. Baharo Cohamacu masare pūhtoro to noano sūho jiropu to yainare yūhdo tuhsūrohca. To ā yūhdohto pano ahri nūmuri baro macaare pari turi chūeraja yūhu. Ā jicu mipure űano yūhdū, yū yariahto pano ahri pascua macaa chūare mūsa mehne tuaro chu duaa tihī —niha Jesu.

¹⁷⁻¹⁸ Ā ninota Jesu sihniri wahware na, Cohamacure “Noana”, ni sini, tinare ō sehe ni yahuha:

—Mūsare niita nija. Cohamacu jipihtina bui pūhtoro to noano sūho jihto pano ahri vinore ne pari turi sihnisi yūhu. Ā jina ahri vinore na, mūsa basi witi, sihniga —niha Jesu.

¹⁹ Ā ni tuhsu pāo curire na, Cohamacure “Noana”, niha. Ā ninota, tí curire nuha,

witiha tinare. Tí curire witirota, tinare ō sehe ni yahuha:

—Ahri yū pjacu jira. Yū pjacu yūhure űu tuhtiinare ti wari pjacu jirohca. Mūsa űaa yoari buhirire cohācu tacu yariaihca yūhu. Ā jina yūhure mūsa wacūhti cjihtire ahrire chuga —niha Jesu.

²⁰ Ā chu tuhsu tó seheta tiro tinare sihniri wahwa cūhure waha. Ā waro, tinare ō sehe ni yahuha:

—Mūsa űaa buhirire cohācu tacu yariaihca. Ā yoacu yū dire cohāihca. Cohamacu “Mūsare yūhdoihtja”, to niriro mū sūchu ā yū yariaro mehne to niriro sohtori tirohca.

²¹ Mipure tūhoga mūsa. Yūhure űu tuhtiinare yūhure űohtiro mipure yūhu mehne ōi dujira. ²² Cohamacu to dutiriro seheta yūhu masūno Cohamacu warocariro yariaihca. To ā yaria dutipachūta yūhure űu tuhtiinare űoriro pinihta űabiaro yūhdūrohca —niha Jesu tinare.

²³ To ā nichu tina sehe ti basi ō sehe ni sinituha:

—¿Jesure űu tuhtiinare űohtiro mari mehne macariro diro baro jicari na? —ni durucuha tina ti basi.

“¿Mari mehne macariro diro sehe jicari na pūhtoro?” ni durucuha Jesu buheina ti basi

²⁴ Baharo Jesu buheina ō sehe ni durucuha:

—¿Mari mehne macariro diro sehe jicari na pūhtoro? —ni durucuha ti basi.

²⁵ Ti ā ni durucuchū tūhoro Jesu tinare ō sehe ni yahuha:

—Cohamacure cahmaeraina pūhto sehe ti masare dutia, purūno mehne dutira. Ā jia pūhtoare “Tina masare yoadohoina jira”, nimana paina masa tinare. ²⁶ Mūsa sehe tó sehe yoasi mūsa basi. Mūsa mehne macariro mūsa wahmi sehene to baharo yoaro sehe jiro cahmana. Mūsa mehne macariro pūhtoro ji duaro cahamacūno yoaro sehe jiro cahmana tirore. ²⁷ ¿Diro jijari pūhtoro? ¿Chu dujiriro sehe pūhtoro jijari? ¿O chūare duhu payoriro sehe pūhtoro jijari? Chu dujirirota jica pūhtoro. To ā jipachūta yūhu sehe cahamacūno yoaro seheta mūsare yoadohoi tai.

²⁸ Masa yūhure ti űano yoapachūta mūsa sehe yūhure duhuerare. ²⁹ Ā jicu yū

Puc̄a yuh̄ure to puhtoro sōriro seheta m̄usa cūh̄ure puhtoā sōihtja yuh̄u. ³⁰Yuh̄u puhtoro yu jich̄u yu ch̄uri mesai m̄usa cūh̄u ch̄u, sihninahca. Ā yoana m̄usa puhtoā dujiare dujinahca. M̄usa tói dujina Israe masare doce curuari macainare besenahca m̄usa ñaina, noainare —niha Jesu to buheinare.

*Pedro Jesure to cohāhtore yahuha Jesu
(Mt 26.31-35; Mr 14.27-31; Jn 13.36-38)*

³¹ Ā ni tuhs̄u Pedrore Jesu ō sehe ni yahuha:

—Simo Pedro yuh̄ure tuhoga. M̄usare jip-ihtinare yuh̄ure cohāch̄u yoa duara wat̄ino. Trigo wese p̄aro to trigore to wā site cohāriro seheta m̄usare jipihtinare wat̄ino ñano yoa duara “Ñaaare yoajaro”, nino. Ā yoa duaro, Cohamac̄ure sinihre. ³² To ā sinich̄u ñuc̄u yuh̄u sehe Cohamac̄ure sini payohi m̄uh̄ure. Yuh̄ure m̄u wacū tua duhuerah̄ti cjihtire sini payohi m̄uh̄ure. Ā jic̄u m̄uh̄u yuh̄u mehne macariro pari turi jic̄u m̄u coyeare yu yainare yoadohoga m̄uh̄u —niha Jesu Pedrore.

³³ To ā nich̄u Pedro ō sehe ni yuhtiha:

—Puhtoro, yuh̄ure ti peresu yoapach̄uta, yuh̄ure ti wajā duapach̄uta m̄uh̄u mehne macariro jiihtja —nimaha Pedro.

³⁴ Jesu ō sehe ni yuhtiha:

—Pedro m̄uh̄ure niita nija. Micha ñami caraca to duhto pano “Jesure masieraja”, niihca m̄uh̄u painare. Tia taha ā niihca m̄uh̄u —niha Jesu Pedrore.

Jesure ti ñano yoa d̄ucahto mahanoc̄ā d̄uhsaha

³⁵ Ā ni tuhs̄u Jesu to buheinare ō sehe ni yahuha:

—¿Sohō jiri pja m̄usa niñeru wajuru marieina, pjiri wajuru marieina, dahpo suhti marieina m̄usare yu warocach̄u paye baro d̄uhsari m̄usare? —ni sinitu ñaha Jesu.

—Ne s̄are yaba d̄uhsaerare —ni yuhtiha tina.

³⁶ —Tí pjare m̄usare d̄uhsaerapach̄uta mip̄u sehene niñeru wajurure c̄uana tíre naga. Pjiri wajurure c̄uana cūh̄u naga. Ā jina m̄usare ñosari pjī mariach̄u m̄usa suhtire duana tí pjīne nuch̄uga. ³⁷ Ahrire m̄usare nii nija. Cohamac̄u yare ti joari

p̄ui ti niriro seheta yuh̄ure ā waharo cahmana. Ō sehe niha tí p̄ui: “ ‘Tiro du-tiare yuh̄dur̄ucaina mehne macariro jira’, niahca masa”, ni joaa tiha —niha Jesu.

³⁸ —Ñuga puhtoro. Pua pjī ñosaa pjīnine c̄uaja s̄a —niha to buheina.

—Tó puro tjica —ni yuhtiha Jesu.

Getsemaní wama tirop̄u Jesu Co-hamac̄ure siniha

(Mt 26.36-46; Mr 14.32-42)

³⁹ Ā yoa Jesu to ā yoarucuriro seheta Olivo wama tid̄u t̄uc̄up̄u wahaha. To ā wahach̄u to buheina tiro mehne wahaha. ⁴⁰ Tórup̄u s̄uro tiro tinare ō sehe ni yahuha:

—Cohamac̄ure siniga ñano m̄usa yoaer-ahto sehe —niha Jesu tinare.

⁴¹ Ā ni tuhs̄u tiro to sahsero ma-hanoc̄ā waha namo, na tuhcuca caha s̄u, ⁴² Cohamac̄ure ō sehe ni siniha:

—Mai, yu ñano yuh̄duhtire yoa duaeracu yoai tjia. Yu ā nipach̄uta yu cahmaa sehene yoai tjia. M̄uh̄u sehe masina. M̄u cahmano seheta yoaga yuh̄ure —ni siniha Jesu Co-hamac̄ure.

⁴³ [To ā sinich̄u m̄uanop̄u duji tariro anjo Jesure bajua, yoadohoha tirore. ⁴⁴ Tuhs̄u, Jesu ñano yajeripohna ti, tuaro mehne Co-hamac̄ure siniha. Ā jia to so witia di yah-pari yoaro sehe jia tirore wijaa, yahpap̄u bora caha s̄uha.]

⁴⁵ Cohamac̄ure sini batoa wahc̄ar̄uc̄u s̄u, tiro to buheina cahap̄u wihiha. Ā to wi-hich̄u to buheina tuaro cahyaina jia, car̄ia niha. ⁴⁶ Ā jiro Jesu tinare ō sehe ni yahuha:

—¿Dohseana car̄ina nijari m̄usa? Wahc̄āga. Cohamac̄ure siniga ñano m̄usa yoaer-ahto sehe —niha Jesu tinare.

*Jesure ñu tuhtiina tirore peresu yoaha
(Mt 26.47-56; Mr 14.43-50; Jn 18.2-11)*

⁴⁷ To ā ni durucuro watoi masa paȳu wi-hiha. Juda doce buheina mehne macariro c̄jiro masare m̄u tā tariro jiha. Ā jiro tiro Jesu cahai wihi, wahsupu wihmiha tirore.

⁴⁸ To ā wihmich̄u Jesu tirore ō sehe ni sinitu-tuha:

—Judá, ¿yuh̄u masunore Cohamac̄u warocarirore yuh̄ure ñu tuhtiinare ñocu yuh̄ure wahsupu wihmijari m̄uh̄u? —niha Jesu.

49 To ã niri baharo Jesu buheina masa Jesure ti ñahahtire masia, tirore sinituha:

—Pũhtoro, ¿sã ñosaa pjĩni mehne tina mehne cahmachema? —niha tina.

50 Ti ã niri baharo cũiro Jesu buheina mehne macariro sehe sacerdotea bui pũhtoro cahamacũnore to ñosari pjĩ mehne to cahmonore poto bũhusehei jiri cahmonore cjã pahrẽnocaha. 51 To ã yoachũ ñũno Jesu tirore õ sehe niha:

—Ã yoai tjiga —niha.

Ni, cahamacũno cahmono jiriro cjiroi ña payoha. To ã ña payochũta cahmono mũnana seheta jiha tjoa. 52 ã yoa tuhsũ sacerdotea pũhtoare, Cohamacũ wũhũ macaina surara pũhtoare, bũcũna cũhũre tirore ñaha tainare Jesu õ sehe ni sinituha:

—¿Dohse jiro baro mũsa ñosaa pjĩni, yucũ tiri mehne yacarirore ti yoariro seheta mũsa yũhũre ñahana tajari? 53 Dachoripe Cohamacũ wũhũpũ mũsa mehne yũ jichũ, mũsa yũhũre ne ñahaerare. ã jipachũta mipũre mũsa ya dacho yũhũre mũsa ñano yoahti dacho jira. Mipũ watĩno to ñano yoahti dacho cũhũ jira —niha Jesu.

“Tirore masieraja”, niha Pedro Jesure (Mt 26.57-58, 69-75; Mr 14.53-54, 66-72; Jn 18.12-18, 25-27)

54 Tina Jesure ñaha tuhsũ sacerdotea bui pũhtoro ya wũhũpũ naaha tina tirore. Ti tũpũ naachũ Pedro yoaropũ tinare ñũ nũnũ tiha. 55 Pũhtoro wũhũpũ sũ, tõi wũhũ cahai jiri wapai, noari wapa dacho macai pichaca wijãha paina. Ti ã wijãchũ ñũno Pedro pichaca cahai dujiina mehne dujiha.

56 To ã dujiri baharo cãcoro cahamacono tirore noano ñũ, painare õ sehe ni yahuha:

—Ahriro cũhũ tiro mehne jihre —niha ticoro.

57 To ã nichũ tũhoro Pedro õ sehe ni yũhtiha:

—Numino, tirore ne masieraja yũhũ —nimaha tiro.

58 Ticoro to ã niri baharocãta paio Pedroro ñũ, õ sehe niha tjoa:

—Mũhũ cũhũ tina mehne macariro tjira —niha tiro.

—Ne jieraja —nimaha Pedro.

59 Cũ hora baharo paio painare õ sehe ni yahuha:

—Potocã tjira. Ahriro Galilea macariro jira. ã jiro potocãta Jesu mehne jihre ahriro cũhũ —ni yahuha tiro painare.

60 To ã nichũ Pedro õ sehe ni yũhtiha:

—Ne, mũ nirirore masieraja yũhũ —ni yũhtiha Pedro.

To ã ni durucuro watoi caraca duha.

61 To ã duchũta Jesu wũhũ cahai jiriro Pedroro majare ñũrocaha. To ã yoachũ Pedro sehe Jesu to yahurire wacũha. “Micha ñami caraca to duhto pano, ‘Yũhũ Jesure masieraja’, niihca mũhũ. Tia taha ã niihca mũhũ”, Jesu to niri cjirire wacũha Pedro. 62 ã wacũno Pedro tũpũ jiriro wijaa ta, tuaro tiirucuha.

Jesure bũjũpe, cjãha tina (Mt 26.67-68; Mr 14.65)

63 ã jia Jesure cohtaina surara tirore bũjũpe, cjã mũjaha. 64 ã cjã mũja, to caparire duhte dũcata, tirore õ sehe ni sinituha:

—¿Diro mũhũre cjãjari? Ñũerapaihta yahuga sãre —ni sinitu, bũjũpeha tina.

65 ã jia payũ ñano ni durucuha tina tirore.

Jesure pũhtoã sinituha (Mt 26.59-66; Mr 14.55-64; Jn 18.19-24)

66 Bohrearoi judio masa bũcũna, sacerdotea pũhtoã, judio masare buheina cũhũ cahmachuha. Ti ã cahmachunoi paina tina cahapũ Jesure na taha.

67 —Yahuga sãre. ¿Cristota jijari mũhũ? —ni sinituha tina Jesure.

Ti ã nichũ Jesu õ sehe ni yũhtiha:

—Mũsare yũ yahuchũ, yũhũre tũhosi mũsa. 68 Mũsare yũ sinituchũ yũhũre yũhtisi mũsa. 69 Mũsa yũhtierapachũta baharo curero jipihtia dachoripe yũhũ masũno Cohamacũ warocariro Cohamacũ tua yũhdũariro to poto bũhũsehei dujihtja —niha Jesu.

70 To ã nichũ tina jipihtina sinituha tjoa pari turi:

—¿Ã nicũ Cohamacũ macũnota jijari mũhũ? —niha tina.

—Tirota jija mũsa nino seheta —ni yũhtiha Jesu tinare.

71 To ã nichũ tũhoã, tina õ sehe ni durucuha ti basi:

—Ahriro Cohamacũre pjĩro to ñano durucuchũ mari basi tũhohi. ã yoa ahrirore

yahusãina tópeina tjjaro. (Tópeina mehne tirore mari wajã duti masija) —niha tina ti basi.

23

Pilato Jesure sinituha

(Mt 27.1-2, 11-14; Mr 15.1-5; Jn 18.28-38)

¹ ã ni tuhsu tina jipihtina wahcãruca, Jesure Pilato cahapu naaha. ² To cahapu na sua, Jesure yahusã ducaha:

—Ahriri mari ya yahpa macainare to ñano yoa dutichu sã tuhohi. Mari bui puhtorore ahriri wapa dutierara. Tuhsu, tiro “Puhtoro jija. Cristo masare yuhdohtiro jija yuhu”, ni durucure to basi —ni yahusãha tina Jesure.

³ Ti ã ni yahusãri baharo Pilato Jesure õ sehe ni sinituha:

—¿Judio masa puhtorota jijari muhu? —niha tiro Jesure.

—Mu nino seheta tiro tjija —ni yuhtiha Jesu.

⁴ To ã nichu Pilato sacerdotea puhtoare, masa cãhure õ sehe ni yahuha:

—Ahriri yaba buhiri mariahna —niha tiro.

⁵ To ã nipachata tina tuaro yahusã namoha:

—Tiro to buhea mehne masare cahmachechu yoara. Galilea yahpai tiro tíre yoa ducare. ã yoa ducã tuhsu jipihtiro Judea yahpapu tíre tiro yoare. Mipu õpu cãhure tíre yoaro taro nina —ni yahusãha tina.

Herode Jesure sinituha

⁶ Ti ã ni yahusãchu tuhoro Pilato sehe õ sehe ni sinituha:

—¿Ahriri Galilea macariro jijari? —niha tiro.

⁷ —Tó macariro tjira —ni yuhtiha paina.

Ti ã ni yuhtichu tuhoro Pilato sehe Jesu to jiri yahpare masino puhtoro Herode ya yahpa macariro Jesu to jichu masiha. Tíre masino Jesure Herode cahai warocaha. Tí pjare Herode Jerusalëi jia tiha. ⁸ Tó panopu Herode Jesure tuhoha tiha. To ã tuhori baharo yoari pja baharo tirore ñu duaha. Jesu Cohamacu tuaa mehne to yoa ñochu ñu duamaha tiro. ã jiro tiro Jesure ñuno, wahcheha. ⁹ ã jiro payu tahari sinituha Jesure. To ã sinitupachata Jesu ne

yuhtieraha tirore. ¹⁰ Sacerdotea puhtoã, judio masare buheina cãhu Herode cahai wahcãruca, tuaro Jesure yahusãha. ¹¹ Ti yahusãri baharo, Herode to surara mehne bujipe, Jesure ñano yoaha. ã bujipea, noari suhtirore puhtoro to sãari suhtiro yoaro sehe bajuri suhtirore sãaha tina Jesure. ã bujipe tuhsu, tirore Pilato cahapu warocaha tjoa. ¹² Tí dachore Herode, Pilato mehne noano ti basi cahma yoaina ji ducaha. Tó panore ti basi cahma ñu tuhtiina jisnimaha.

Masa Jesure wajã dutiha

(Mt 27.15-26; Mr 15.6-15; Jn 18.39–19.16)

¹³ ã yoa Pilato sacerdotea puhtoare, paina puhtoare, masa cãhure to pjirocachu, cahmachuha. ¹⁴ Ti cahmachu pitichu ñuno õ sehe niha Pilato tinare:

—Ahriroro yuhure na tana, “Tiro masare ñano yoa dutira”, nimahre musa yuhure. Mipu musa ñurocaroi ahriroro noano sinitu pahñohi tjoa. Yu ã sinituri baharo musa tirore ã yahusãrucuchu tirore ñaa buhiri ne mariahna, yu ñachu. ¹⁵ Herode cãhu tirore “Ne, ñaa buhiri mariahna”, nihre. ã nino ahriroro pari turi sãre wa majare tjuhre tjoa. ã jina ahriroro to ñaa buhiri mariachu tirore musa wajã duti masierara. ¹⁶ ã jicu tirore yuta dari mehne tjana dutiuhca yuhu. ã ti tjanari baharo tirore wioihtja —nimaha Pilato masare.

¹⁷ [Cuhmaripe pascua bose numarine masa yairo cjihtore cãiro peresupu jiriroro Pilato wiobasa majaa tiha.] ¹⁸ ã jia Pilato “Jesure wioihtja”, to nichu tuhoha jipihtina masa õ sehe ni sañurucuha:

—Tirore Jesure wajãga. Sã yairo cjihtore Barrabá sehere sãre wiobasaga —ni sañurucuha masa.

¹⁹ Tí pjare Barrabá wama tiriro Jerusalëpu puhtoare cohã duaina mehne macariro, masunore wajãriro peresupu jiha. ã jia tirore masa wio dutia niha. ²⁰ Pilato Jesu sehere wio duamaha. ã jiro tiro masare sinitu ñuha tjoa. ²¹ To ã wio duapachata tina tirore õ sehe ni sañurucuha tjoa:

—Crusap_u cjã puha wajãga tirore. Wajãga tirore —ni sañurucuha tina.

²² Ti ã nich_u Pilato tia taha waharoi õ sehe nimaha tinare:

—¿Yabare ñano yoari tiro m_usa ã ni sañurucuch_u? Ne tirore ñaa buhiri mari-ahna. ã jic_u tirore wajã duti masieraja. Tirore yuta da mehne tjana dutiuhca. Tó purota yoa dutiuhca. ã yoac_u wioihca tirore —niha Pilato.

²³ To ã nipach_uta tina tuaro mehne sañurucu namo, Jesure crusap_u wajã dutiha. Ti ã ni sañurucuch_u tãhoro ti cah-mariro seheta Pilato yoaha. ²⁴ Tirore ti siniro seheta Pilato Jesure wajã dutiha. ²⁵ ã dutiro tiro peresup_u jirore masare cahmachech_u yoarirore, masare wajãr_urore masa ti siniro seheta Pilato Barrabá sehere wioha. Tuhs_u, Pilato Jesure crusap_u wajã dutiha.

Tina Jesure crusap_u cjã puha, wajãha
(Mt 27.32-44; Mr 15.21-32; Jn 19.17-27)

²⁶ To ã wajã dutich_u tina Jesure wajãa waha, naaha. Tí pja ti ã yoaro watoi Simo wama tirore Cirene macariro campop_u suriro wihia. Jerusalēp_u to wihich_u ñaa Jesure naaina tirore piti boca, ñaha, Jesu to w_uari crusare tirore w_ua wahcã dutiha Jesu baharo.

²⁷ ã yoa masa pay_u Jesure ñ_u n_un_u tiha. ã jia masa watoi jia numia tirore ti ã yoach_u ñaa tuaro tiiha. ²⁸ Ti ã tiich_u tãhoro, tí numiare Jesu majare ñ_u, õ sehe niha:

—Jerusalē macaa numia, y_uh_ure tiiena tjiga. M_usa basi, m_usa pohna m_usa ñano y_uhd_uhtire masina, tiibasaga. ²⁹ Paye dachori jich_u ñabiaro y_uhd_unahca m_usa. Tí pjare masa õ sehe niahca: “Pohna mariea numia, pohna tierari numia, p_uera numia mip_u mari jich_u noabiaboa”, niahca masa. ³⁰ Tí pjare tãc_ure õ sehe ni durucuahca masa. “M_uh_u tãc_u sã buip_u bora pjaga. Sãre d_ucatahga”, niahca masa cuia. ³¹ Masa buhiri marierirore y_uh_ure õ sehe ti yoach_u, ñaa buhiri cj_uaina sehe ñabiaro wahaahca —niha Jesu.

³² Paina p_uaro, dutiare y_uhd_ur_ucaina ti jich_u tina cãh_ure Jesu mehne ti wajãhtinare naaha tina. ³³ Tinare naa, “Dapu cohã”, wama tirore s_u, crusap_u Jesure cjã puha õha. P_uaro y_uhd_ur_ucaina cãh_ure paioire to

poto b_uh_usehei, paioire to cõ b_uh_usehei cjã puha õha. ³⁴ [Ti ã yoach_u Jesu õ sehe niha:

—Mai, ahri_u mip_u ti ñaa yoarire boga tinare. Tina ti dohse yoarire masierara. ã jic_u ti ñaa yoari buhirire boga —niha Jesu.]

ã yoa Jesu suhtire cahma witia tina docepeha. To suhti cjirire “Noa yaro jirohcari õ”, ni cahma docepeha tina. ³⁵ Tuhs_u, masa tói ducaina ti ñ_urucuro watoi judio masa p_uhtoa Jesure õ sehe ni buj_upeha:

—Tiro paina masare yariaborinare yoadohoyumahtiro. ã jiro tiro Cristo Cohamac_u to beseriro jiro, mip_u yariaboriro jiro, to basi yoadohojaro —ni buj_upeha tina.

³⁶ Surara cãh_u tirore buj_upeha. Jesu cahai s_ua, tina tirore ñaa co vinore wamaha.

³⁷ Tíre waa, õ sehe niha tina:

—M_uh_u judio masa ti p_uhtoro jic_u m_u basi yoadohoga. ã jii y_uhd_u witiuhca m_uh_u —ni buj_upeha tina.

³⁸ ã yoa tiro bui ti cjã puha õri pjine õ sehe ni joaha: “Ahriro judio masa bui p_uhtoro jiro jira”, ni joaha. (Griego ya mehne, Roma macaina ya mehne, judio masa ya mehne ã ni joaha.)

³⁹ Pairo tiro mehne ti cjã puha daporiro y_uhd_ur_ucariro sehe õ sehe ni, ñano durucuha Jesure:

—¿M_uh_u Cristo masare y_uhd_urore jierajari? M_u basi, sã cãh_ure yoadohoga —niha tiro Jesure.

⁴⁰ To ã nich_u tãhoro paioire y_uhd_ur_ucariro Jesu poto b_uh_usehei ti cjã puha daporiro sehe tirore õ sehe niha:

—Mari cãh_ure cãno potori buhiri dahrera tina. ¿Dohseac_u Cohamac_ure ne ño payoerajari m_uh_u? ⁴¹ Marine ñaa buhirire yoa, quihõno yoa nina tina. Ñaare mari yoari buhiri marine buhiri dahrera tina. Ahriro sehe ñaare yoerare —niha tiro paioire y_uhd_ur_ucarirore.

⁴² ã nino, tiro Jesure õ sehe niha:

—Jesu, m_uh_u p_uhtoro jic_u, tjua tac_u, y_uh_ure wacãga —niha tiro Jesure.

⁴³ To ã nich_u tãhoro, õ sehe niha Jesu:

—M_uh_ure ahri_ure nii nija. Michare paraíso wama tirore m_uh_u y_uh_u mehne jiihca —niha Jesu tirore.

*Jesu yariaa wahaha**(Mt 27.45-56; Mr 15.33-41; Jn 19.28-30)*

⁴⁴ Æ yoa cohari pja jichu sã si duhua wahaha. Æ jiro jipihtiro tí dihtapure tia hora waro noano nahitiano jiha. ⁴⁵ Nahitiano to jiro watoi, Cohamacu wuhu macari suhtiro, ducatarí suhtiro dacho maca waroi bui sehe tuhnu bora ta, puha cahsaro tuhnu roca yoja sua wahaha. ⁴⁶ Æ jiro Jesu õ sehe ni tuaro sañurucuha:

—Mai, yu catiare mure wiaja mu ñu wihbohto cjihtore —ni sañurucuha Jesu.

Æ ni tuhsu yariaa wahaha.

⁴⁷ To ã yariachu ñuno, surara puhtoro sehe “Cohamacu tuariro jira”, nino: “Ahriro Jesu cjiro potocãta noariro jiri jimana”, niha surara puhtoro.

⁴⁸ Æ jia ti wajachu ñua tarina Jesu to yariachu ñua, ti wuhusepu tjuaa wahaha. Tjuaa waha, ti ñaa yoarire cahyaa mehne tí pëbuhui cã õ wahcãha. ⁴⁹ Jipihtina Jesu yaina tiro mehne macaina, Galileapu tiro mehne tari numia cãhu Jesure yoaropu ñurocarucua niha.

*Jesu pjacure masa copapu na sãa duhu payoha**(Mt 27.57-61; Mr 15.42-47; Jn 19.38-42)*

⁵⁰⁻⁵¹ Tí pjare José wama tiri to tí jiha. Judea yahpai jiri maca Arimatea wama tiri maca macariro jiha. Tiro noariro, quihõno yoariro jiro, Cohamacu to puhtoro ji ducatore cohtariro jiha. Æ jiro tiro judio masa puhto mehne macariro jiparota Jesure ti wajã dutichu cahmaeramaha tiro.

⁵² Æ jiro Pilato cahapu su, Jesu pjacure siniha. ⁵³ Sini tuhsu, Jesu pjacure na boro, noari suhtiro mehne to pjacure wahmaha. Æ wahma tuhsu, masa copapu tãcai ti sahari copapu na sãa duhu payoha to pjacure. Tí copare ne paina yariainare duhu payoerasiniha mini. ⁵⁴ Tí dacho Sabado dacho maca cjihtire ti cahnoyuri dacho jiha. Sabado judio masa ti sori numu cjihto mahanoã dũhsaha.

⁵⁵ Æ jia Galileapu Jesu mehne tari numia masa copapu José mehne wahaha. Masa copapu su, tí copare ñu, Jesu pjacure ti duhu payorire ñua. ⁵⁶ Baharo ti wuhusepu tjuaa waha, me sitia mehne wisõa co mehne cahnoha tina. Tuhsu, Sabado jichu Cohamacu

to dutiare Moise cjirore to cãri to dutiriro seheta tina soha.

24*Jesu masa wijaaaha**(Mt 28.1-10; Mr 16.1-8; Jn 20.1-10)*

¹ Domingo jichu bohrearopu tí numia ti me sitia ti cahnoyumarire Jesu masa copapu na wahcãmaha. ² Tí copapu sua, tí copare bihari tãca pjõo ti duhu cãri tãcare ñua. ³ Æ ñua tina tí copapu sãa wahaha. Jesu pjacure bocaeraha tina. ⁴ To pjacure bocaeraa, “¿Dohse wahapju?” ni tuhoutuha tina. Ti ã ni tuhoutu durucu coãno watoi puaro mu si sitea suhti tiina tina cahai ducuha. ⁵ Tóti ti ducuchu ñu, numia cuia na tuhcuca caha sua. Tuhsu, mu sehe tí numiare õ sehe ni yahuha:

—¿Dohseana yariariro to jiriro cjirore tirore macajari musa? Mipure tiro catiriro jira. ⁶ Tiro õre mariahna. Masa wijaa tuhsure. ¿Sohõ jiri pjare Galileapu musa mehne jiro musare to niri cjirore wacũjari musa? ⁷ “Yuhure Cohamacu warocarirore paio warohca ñainare. To ã wari baharo yuhure crusapu cã puha wajãhca tina. Æ jicu yu yariari baharo tia dacho wahaboroi masa wijaaahca yuhu”, ¿musare to nirire wacũjari musa? —niha mu sehe.

⁸ Ti ã nichu tuhoa, numia sehe Jesu to nirire wacũha. ⁹ Ti ã niri baharo tina tjuaa waha, once buheinare paina cãhure tíre yahu pahõoha. ¹⁰ Tí numia sehe María Magdalena, Juana, María Santiago pocoro jiha. Tí numia mehne paye numia cãhu jiha Jesu buheinare yahua numia. ¹¹ Ti ã ni yahupachuta Jesu buheina sehe “Potocã nia nieraca. Mahõopea nica ahri numia”, ni tuhoutumaha. Æ jia tí numiare tuho du-aeraha.

¹² Ti ã nichu tuhoro, Pedro sehe masa copapu mu roca wahcã, ñuno wahaha. Tí copapu su, tiro muhri caha, ñuroca sõha. Jesure ti wahmari suhtiro dihtare ñua. “¿Dohse wahari na?” ni tuhoutu, tiro wuhupu tjuaa wahaha.

Emau wama tiri macapu wahari mahapu Jesu bajuaha
(Mr 16.12-13)

13 Tí dachoihta p̄aro Jesu buheina mehne macaina Emau wama tiri macap̄ waha niha. Jerusalē once kilómetro yoaro jira Emaup̄ s̄hto. 14 Emaup̄ waha, jipihtia Jerusalēi tí pjare to ã waharire Jesure ti ñano yoirire durucu wahcãa niha. 15 Ti ã ni durucuro watoi Jesu sehe ti cahap̄ s̄, tina mehne wahaha. 16 Tirore ñapahta tina tirore “Jesu jira”, ni ñu masieraha.

17 —¿Dohse ni cahya durucu wahcãana ni-jari m̄sa? —ni sinituha Jesu.

18 To ã nichu t̄hoa tina cahyaro mehne saruca, Cleofa wama tiriro sehe Jesure ò sehe ni yuhtiha:

—¿Mip̄ure Jerusalēi tiniriro jipaihta m̄hu dihta ti yoari cjirire masierajari? —ni sinituha tiro.

19 —¿Dohse wahari Jerusalēi? —niha Jesu.

To ã nichu tina ò sehe ni yuhtiha:

—Jesure Nazare macarirore ti yoirire nina nija. Tiro Cohamacu yare yahu m̄htariro jimahre. ã jia to durucurire t̄hoa to yoari c̄hure ñu, “Tuariro jira”, ni t̄hotuhre masa. Cohamacu c̄hu ãta ni t̄hotuca. 20 Mari sacerdotia p̄hto, paina p̄hto mehne tirore wajã dutia, painare wahre. Ti ã wachu paina sehe tirore crusap̄ cjã puha wajãhre. 21 “Roma macainare cohãhtiro Israe masa p̄htoro cjihto jira”, ni t̄hotumahi sã tirore. Micha mehne tia dacho wahara tiro to yari-ari baharo. 22-23 Mahainacã numia sã mehne macaa numia sãre c̄achu yoahre. Bohrearop̄ Jesu to masa copap̄ tí numia s̄, to pjac̄ure bocaerayuhti. To pjac̄ure bocaeraa, tina tju wihi yahuhre. “Sãre an-joa bajuahre. Jesu catiyuhti”, ni yahuhre numia sehe. 24 Ti ã nichu paina sã mehne macaina tí copap̄ s̄, numia ti niriro se-heta ñuyuhti. Tina c̄hu Jesure ñerayuhti —niha tina Jesure.

25 Ti ã niri baharo Jesu ò sehe ni yahuha tinare:

—M̄sa ne t̄ho masiera cureina jira. ¿Cohamacu yare yahu m̄htaina cjiri ti nirire noano t̄hoerari m̄sa? 26 Cristore to p̄htoro jihto pano m̄anop̄ to m̄jahto pano tirore ñano yuhduro cahmare. ¿Tíre masierasinjari m̄sa? —niha Jesu tinare.

27 ã nino Cohamacu Cristore to ni yahu ti joari cjirire Jesu yahu pahñonocaha tinare. Moise cjiro to joari cjirire Jesu yahu d̄caha. Tuhsu, jipihtina Cohamacu yare yahu m̄htaina cjiri Cristore ti joari c̄hure yahu pahñonocaha tiro.

28 Tina ti wahari macap̄ ti s̄a cahachu, Jesu sehe tinare yuhdu wahcãno sehe yoaro nimaha. 29 To ã yoapachuta tina tirore waha dutieraha:

—Sã mehne tjuaga. Ñamichahap̄ jira. Nahinop̄ nina —niha tina tirore.

ã jiro Jesu tina mehne w̄hap̄ sãa waha. 30 W̄hap̄ sãa s̄, tiro tina mehne ti ch̄ri mesap̄ nuju s̄, p̄ore na, Cohamacure “Noana”, niha. ã nino tí p̄ore nuha na, tinare waha. 31 To ã yoachu ñu tina Jesure ñu masiha. Ti ñu masi m̄ari baharo tiro buti m̄a wahaha. 32 To ã buti m̄a wahachu ñu tina ti basi ò sehe ni durucuha:

—Mahai tiro marine to durucuro watoi Cohamacu to joari cjirire to yahuro watoi tuaro mari wacū t̄hotua mehne noano wahchea mehne t̄hotuhi mari —niha tina ti basi.

33 ã ni tuhsu tina dóicãta Jerusalēp̄ ma-jare tjuaa wahaha tjoa. Tóp̄ s̄a, once buheinare paina mehne cahmachuinare bocaha. 34 ã ti s̄chu, once buheina ò sehe niha:

—Potocãta mari p̄htoro masa wi-jaayuhti. Simo Pedro tirore ñuyuhti —niha once buheina.

35 Ti ã nichu p̄aro Emau macaina mahai Jesure ti ñarire yahuha:

—Jesu to p̄ore to nuhachu sã ñu masihi tirore —ni yahu pahñoha tina painare.

Jesu to buheinare bajuaha

(Mt 28.16-20; Mr 16.14-18; Jn 20.19-23)

36 Ti ã ni yahuro watoi ti cahai ji tuhsuha Jesu sehe.

—¿Jimajari m̄sa? Noano jiga m̄sa —niha tiro tinare.

37 To ã nichu t̄hoa tina “Mari yariariro cjirore ñana nija”, ni t̄hotua, tuaro cuiha.

38 Ti ã cuichu ñano tiro tinare ò sehe ni yahuha:

—¿Dohseana cuijari m̄sa? ¿Dohseana “Ahri potocã jierara”, nijari m̄sa? 39 Yu wamomacarine, yu dahpori c̄hure ñuga.

Musa yuhure ñana, ñu masinahca. Yuhure ñaha ñuga. Ñaha ñana, masinahca musa. Yariariro cjiropu pjacu mariahna. Yuhu sehe pjacu tija —niha Jesu.

⁴⁰ Ñ nino to wamomacari cūhure, to dahpori cūhure ñoha tinare. ⁴¹ To ã ñopachuta tina tuaro wahche, cūaa waha, “Ahri potocã jieraca”, ni tūhotusinimaha. Ti ã tūhotuchu masino Jesu tinare sinitu ñaha:

—¿Ōi chūa jijari? —niha tiro.

⁴² To ã nichu tūhoa wahi doharirore mi cūhure waha tirore. ⁴³ Tīre na, ti ñurocaroi Jesu chūha. ⁴⁴ Chu tuhsu, Jesu yahuha tinare:

—Sohō jiri pja musa mehne jicu musare yu yahuriro seheta mipu yuhu ã wahahi. Cohamacu dutia Moise cjiro marine to cūri cjiri to ã ni joariro seheta yuhure ã wahahre. Cohamacu yare yahu mūhtaina cjiri, Salmo joari tjure joaina cūhu panopu yuhure ti ni yahuriro seheta mipure yuhure ã wahahre. Ñta waharo cahmahre —niha Jesu.

⁴⁵ Ñ ni tuhsu Cohamacu yare ti yahu joari cjirire to buheinare masichu yoaha Jesu:

⁴⁶ —Cohamacu yare ti joari cjiri ō sehe niha: “Cristore ñano yūhūro cahmana. Ñ jiro tia dacho wahaboroi to yariari baharo tiro masa wijaarohca. ⁴⁷ To masa wijaari baharo jipihtia yahparipu to yaina Cristo yare yahuahca. Masa ti ñaa yoarire ti cahyahti cjihtire, “Ñano yoaeraja” ni, ti tūhotumarire ti cohtotahti cjihtire, Cohamacu ti cahmahti cjihtire, ti ñaa buhiri tiare to cohāhti cjihtire yahuahca to yaina. Ñ yahua taa, Jerusalēpu yahu dūcaahca”, niha Cohamacu yare ti joari pūi —niha Jesu.

⁴⁸ Ñ ni tuhsu ō sehe ni yahu namoha:

—Musa sehe ahri jipihtiare ñurina jira. Ñ jina painare yahunahca. ⁴⁹ Cohamacu “Tirore musare warocaihtja”, to nirirore yuhu sehe musare warocaihtja. Ñ jina Jerusalēpu ahri mūano macaa tuaa musare to wihitore cohtaga musa —niha Jesu to buheinare.

⁵⁰ Ñ ni tuhsu Jesu tinare Jerusalēi jinare Betania cahapu naaha. Tōpu su, Jesu to wamomacari mehne ñui muo, “Noano jiga”, niha tinare. ⁵¹ Ñ ni tuhsu, tinare cū, mūanopu mūjaa wahaha. ⁵² To mūjari baharo tina tirore ño payo, Jerusalēpu tuaro wahchea mehne tjuaa wahaha. ⁵³ Tōi jia, dachoripe tina Cohamacu wūhu Cohamacu mehne durucu, “Noana”, ni ño payoha tina tirore.

*Jesu mūanopu mūjaa wahaha
(Mr 16.19-20)*

San Juan

Cohamacu ya duserore yahuriro masunota ji ducaha

¹ Dóiputa ahri yahpa to jihto panoputa Cohamacu ya duserore yahuriro Cristo masare yuhduchu yoah tiro dóihta ji tuhsu tiha. Tiro Cohamacu mehne jiha. Æ yoa tirota Cohamacu jinocahno niha.

² Dóiputa wahmanoputa Cristo Cohamacu mehne jiha. ³ Æ yoa wahmanopure ne mariahri cjiire bajuamehneha. Ahri yahpare, muanore, jipihtiare, jipihtina cūhare bajuamehne dutiha Cohamacu tirore. Æ jiro ahrire bajuamehne pahñoha tiro. Ahrire mipure mari ñare, mari ñera cūhare to bajuamehnerachu ne mariaboa. ⁴ Cristo catiare wariro jiro nina. Buhriaro marine to noano ñu masichu yoaro seheta tiro to Pucuro muano macarirore noano masichu yoara. Æ yoaro to Pucuro muano macarirore masichu yoara masare. ⁵ Ahri yahpa macaina ñare ti wacū ti goa pjaah nahitiano yoaro sehe jia nina. Cohamacu ya duserore yahuriro buhriaro noano marine to ñu masichu yoaro seheta masare masichu yoara. Æ yoa nahitiano buhriarore to yuhducaeraro seheta Cristore ñaa ne yuhducaerara.

⁶⁻⁷ Cohamacu João wama tirore sehere warocaha, Cristore buhriaro yoaro sehe jirirore masare yahu mahta dutiro. To Æ warocachu João sehe masare yahuro tare to yahurirore Cristore jipihtina ti wacū tuahti cjihtire. ⁸ João sehe Cristo jierare. Æ jieraro tiro Cristo sehere masare yahu mahtano tare. ⁹ Cristo buhriaro yoaro sehe jiriro jipihtina masare Cohamacu masichu yoah tiro sehe ahri yahpapu tari jire. Potocā tjira ahri. Tiro buhriaro yoaro sehe jiriro waro tjira.

¹⁰ Cristo ahri yahpai jia timare. Ahri yahpare bajuamehneriro jiri jimare. To Æ jipachata ahri yahpa macaina sehe tirore ne masierare. ¹¹ To ya yahpai tiro masa bajuari jimare. To ya yahpai masa bajuariro to jipachata to ya yahpa macaina sehe

ne tirore cahmaerare. ¹² Ti Æ cahmaerapachata, tirore cahmaina sehere, tirore wacū tuaina sehere Cohamacu to pohna jichu yoari jire. ¹³ Tina Cohamacu pohnata jia nina. Æ jia masa ti masa bajuariro se-heta jierara, Cohamacu pohna ti wahachu. Tuhsu, masa ti cahmariro seheta jierara, Cohamacu pohna ti wahachu.

¹⁴ Æ jiro Cristo masu no to ji ducari baharo mari mehneti jire tiro. To Æ jichu ñu masare cahiro, potocā jiare yahuriro to jichu sã masii. Tiro dihta Cohamacu macu jiro tuariro noariro jire. To Æ jiriro jichu sã masii. ¹⁵ João Cristore yahu mahtano õ sehe ni sañurucure masare yahuro:

—Siro tara yu õ sehe ni yahuriro: “Tiro yu baharo tariro jira. Æ jiparota tiro yu yuhdoro tuariro jira. Tiro yu masa bajuah to panoputa ji tuhsu. Æ jiro tiro yu yuhdoro tuariro jira”, musare yu ni yahuriro ahriro tjira —nire João Cristore masare yahuro.

¹⁶ Tiro Cristo sehe noariro tuaro masare cahiro jiro marine jipihtinare noano yoarucure. ¹⁷ Cohamacu dutiare Moise cjiro sehe cūbasa mahtaa tiha marine. Jesucristo sehe Cohamacu masare to cahiare buhero tare. Cohamacu to potocā durucua cūhare buhero tare tiro. ¹⁸ Masa ne Cohamacu ñerara. Tirore mari ñerapachata to macu no to tuaro cahiro cãirota jiriro sehe to Pucurore marine masichu yoare.

Paina João masare bautisarirore sinituha

(Mt 3.11-12; Mr 1.7-8; Lc 3.15-17)

¹⁹ Sã coyeha judio masa puhto Jerusalēi jinare sacerdotiare, Cohamacu wuhai dahraina cūhare João cahpu warocari jire. “¿Diro baro jijari muhu?” ni sinitu dutia warocari jire tinare. Ti Æ ni sinituchu õ sehe ni yahure João sehe. ²⁰ Ne yaro marieno yahure. Potota yahure:

—Yuhu Cristo Cohamacu masare yuhduchu yoa dutiro to warocariro jieraja —nire tiro.

²¹ To Æ nichu tina sehe tirore pari turi siniture tjoa:

—¿Muhu Cristo jieracu, Elia sehe jijari muhu? —nire tina.

—Jieraja yuh̄u —nire tiro.

—¿Sã cohtariro Cohamac̄u yare yahu m̄htariro sehe jijari m̄uh̄u? —nire tina.

—Tiro jieraja yuh̄u —nire João sehe.

²² To ã nich̄u tina tirore pari turi õ sehe ni siniture tjoa:

—Sãre sinitu dutiinare sã noano yahuhto sehe poto sãre yahu bahrañoga. ¿Diro baro sehe jijari m̄uh̄u? ¿M̄u basi m̄uh̄u sehe dohse jiriro baro “Jija yuh̄u”, nijari m̄uh̄u? —nire tina João.

²³ Ti ã nich̄u õ sehe ni yuh̄tiro tiro:

—Masa marienop̄u õ sehe ni sañurucuriro jija yuh̄u Cohamac̄u yare yahu m̄htariro Isaia cjiro to ni yahuriro seheta: “Mari p̄h̄toro to tahto pano m̄usa ñaa t̄hotuare cohtota, cahno m̄htaḡa m̄usa”, ni masare yahu sañurucuriro jija yuh̄u —nire João tinare.

²⁴ João sinituina fariseo curua macaina ti warocarina jire. ²⁵ Æ jia tina João õ sehe ni siniture tjoa:

—¿M̄uh̄u Cristo, Elia, Cohamac̄u yare yahu m̄htariro sã cohtariro jierapac̄uta dohseac̄u masare bautisajari m̄uh̄u? —nire tina.

²⁶ Ti ã nich̄u t̄horo õ sehe ni yuh̄tiro tiro:

—Yuh̄u co mehne masare bautisaja. Pairo sehe m̄usa masierariro m̄usa watoi ji tuhs̄ura. ²⁷ Tiro sehe ȳu baharo tariro ȳu yuh̄doro tuariro jira. Noa yuh̄d̄ariro jira. Tiro yoaro sehe jieraja yuh̄u sehe. Æ jic̄u tirore t̄hotuc̄u, “Wiho jiriro jija yuh̄u”, ni t̄hotuja yuh̄u —nire João tinare.

²⁸ Æ ni durucure tina, Betaniap̄u Jordão wama tiri ma pa b̄h̄usehe coap̄u, João masare to bautisarip̄u.

Jesu Cohamac̄u to warocariro to oveja yoaro sehe jiriro jira

²⁹ Pa dachoi Jesu João cahai cahac̄a curero to tach̄u João tirore ñ̄no õ sehe nire:

—Ñ̄uga. Ahriro Cohamac̄u to warocariro to oveja yoaro sehe jiriro jira. Ovejare mari waj̄ariro seheta masa ahriro c̄h̄ure waj̄ahca. Æ yariaro ahri yahpa macainare ti buhiri tiare coh̄anohca tiro. ³⁰ Ahrirota jira ȳu õ sehe niriro: “Ȳu baharo tariro ȳu yuh̄doro tuariro jira. Ȳu masa bajuahto pano tiro ji tuhs̄uha. Æ jiro tiro ȳu yuh̄doro

tuara”, ȳu niriro ahrirota jira. ³¹ Yuh̄u sehe ahrirore noano waro masiera tihi. Æ masierapaihta co mehne bautisai tai nii ȳu coyera Israe masa ahrirore ti masihto sehe —nire João.

³² Æ ni tuhs̄u João to ñ̄uri cjirire õ sehe ni yahu namore tjoa:

—Esp̄ritu Santo m̄uanop̄u buja yoaro sehe duji ta, Cristo mehne to tjuach̄u ñ̄uhi.

³³ Cohamac̄u yuh̄ure to yahuerach̄u tirore ne masieraboa yuh̄u. Wiho mejeta tiro yuh̄ure masare co mehne diap̄u bautisa duti warocariro Cohamac̄u sehe õ sehe ni yahu m̄hta tuhs̄ure yuh̄ure: “Esp̄ritu Santo duji ta to bui to tjuaruc̄u s̄uriro tirota jirohca. Tiro sehe Esp̄ritu Santore to yaina mehne ã jirucuch̄u yoarohca”, nire Cohamac̄u yuh̄ure. ³⁴ Mip̄u pinihtare to ã ni yahurirore ñ̄u tuhs̄uhi yuh̄u. Æ ñ̄uc̄u “Ahriro potoc̄ata Cohamac̄u mac̄no jira”, ni yahuja yuh̄u m̄sare —ni yahure João sãre.

Jesu buheina to pji m̄htaina jira

³⁵⁻³⁶ Pa dachoi João mehne sã p̄aro to buheina sã ducuch̄u, Jesu sã cahai yuh̄du wahc̄ano nire. To ã yuh̄du wahc̄ach̄u João tirore ñ̄no, pari turi õ sehe nire sãre:

—Ñ̄uga. Ahriro Cohamac̄u to oveja yoaro sehe jiriro jira —nire João.

³⁷ To ã nich̄u sã p̄aro to buheina sehe tíre t̄hona Jesu baharo wahahi. ³⁸ Sã ã wahach̄u ñ̄no Jesu sãre majare ñ̄u, õsehe ni siniture:

—¿Nohop̄u wahajari m̄usa? —nire tiro.

To ã nich̄u sã c̄h̄u õ sehe ni sinitu ñ̄ni tirore:

—Rabi, ¿nohop̄u jijari m̄uh̄u? —nihi sã tirore. (Rabi sã ya mehne nina “buheriro”, nina nija.)

³⁹ —Yuh̄u mehne tatjiãhna ñ̄na taga —nire Jesu sãre.

To ã nich̄u sã sehe to jirop̄u ñ̄na wahai. Tí pjare ñ̄amichahap̄u cuatro hora jire. Æ jina tí dachore tiro mehne tjuai sã.

⁴⁰ Sã p̄aro João t̄hoina, Jesure nan̄u ti wahc̄aina ȳu piti Andre mehne jii. Andre sehe Simo baharo jire. ⁴¹ Æ jiro tiro dóihta to wahminore Simore maca, boca, tirore õ sehe ni yahuha:

—Mesiare Cohamacu marine yuhduchu yoa dutiro to warocaritore sã bocahi — niha Andre Simore. (Mesia sã ya mehne nina “Cristo”, nina nija.)

⁴² ã ni tuhsu tiro Simore Jesu cahai naahre. To cahai ti sũchu ñũno Jesu sehe Simore ò sehe nire:

—Mũhu Simo wama tiri, Jona macũno jira. Mipũre mũhũre Cefa ni wama pisuihtja —nire Jesu Simore. (Cefa sã judio masa ya mehne nina “Pedro”, nina nija.)

Felipere, Natanae cãhũre pjiha Jesu

⁴³ Pa dachoi Jesu Galilea yahpũ waha duare. ã jiro to wahahto pano tiro Felipere piti boca, ò sehe nire:

—Yũhu mehne macariro cjihto taga — nire Jesu.

⁴⁴ Felipe sehe Betsaida macariro jire. Tiro, Andre, Pedro mehne cã maca macaina jire tina. ⁴⁵ ã yoa Felipe Natanae maca, tirore bocaro ò sehe ni yahure:

—Cohamacu dutiare Moise cjiro to joari pũpũ to yahuritore paina Cohamacu yare yahu mãhtaina cjiri cũhu ti yahuritore sã bocahi. Jesu Nazare macariro, José macũno tjira —nire tiro Natanae.

⁴⁶ —Nazarepũre ne cũiro noariro mariahna —nire Natanae.

—Ñũi taga mũhu —nire Felipe.

⁴⁷ ã yoa Jesu cahai to sũchu ñũno Jesu sehe ò sehe nire Natanae:

—Ahriro mipũ tariro potocãta noariro judio masũno waro jira. Tirore mahũoa ne mariahna —nire Jesu Natanae sehere.

⁴⁸ To ã nichu tũhoro Natanae sehe tirore ò sehe ni siniture:

—¿Dohseacu yũhũre noano masijari mũhu? —nire.

—Felipe mũhũre to pjihto pano, higeracu docai mũ jichu ñũhi yũhu mũhũre —nire Jesu.

⁴⁹ To ã nichu Natanae sehe tirore ò sehe nire tjoa:

—Buheriro, potocãta mũhu Cohamacu macũno jira. Mũhu Israe masa sã Pũhtoro cjihto jira —nire Natanae.

⁵⁰ To ã nichu tũhoro ò sehe ni yũhtire Jesu:

—Higeracu docai mũhũre yũ ñũrire masicu yũhũre “Cohamacu macũno jira”, ni

wacũ tuara mũhu. ¿Tita mũhũre ã masichu yoajari? Ahri mũhũre yũ ñũri yũhoro Cohamacu tuaa mehne yoa ñoihca yũhu. Yũ ã yoa ñochu ñũihca mũhu —nire Jesu Natanae.

⁵¹ ã ninota ò sehe ni yahu namore:

—Potocãta mũhũre niita nija. Yũhu masũno Cohamacu warocariro tjija. Mũanopũ parĩ mũachu Cohamacu to yaina anjoa yũ bui ti duji tachu, ti mũjachu cãhũre ñũihca mũhu —nire Jesu tirore.

2

Caná wama tiri macapũ ti wamomaca dũhteropũ Jesu wahaha

¹ Tia dacho baharo Canái Galilea yahpai jiri macai wamomaca dũhteri bose nũmũ jire. ã jiro Jesu pocoro tí wũhũpũ jire. ² Jesu mehne sãre to buheina cãhũre wamomaca dũhteropũ pjirocare tina. ³ Tĩ bose nũmũ macaa vino pihtichu Jesu pocoro tirore ò sehe ni yahure:

—Mipũre vino pihtia wahare —nire ticoro Jesure.

⁴ To ã nichu tũhoro Jesu ò sehe nire:

—Iñõ, ¿dohseaco taco tíre yũhũre yahujari mũhu? Masa yũhũre ti masihtu dũhsasinina mini —nire Jesu to pocorore.

⁵ To ã niri baharo to pocoro sehe ti cahamacare ò sehe ni dutire:

—Yũ macu to dutiriro sehetã yoaga — nire ticoro.

⁶ Tĩ pjarũre sã coyẽa judio masa Cohamacu yare yoaa taa masare ti pjacũrire ã cosarucunoca dutia tire. ã yoa tí wũhũi seis situ pari tãa mehne ti yoaa situ pari co posa tia situ pari jire. Tĩ situ pari Cohamacu yare yoaa taa ti cosaa co posa tia pari cjiri jire. Tĩ situ parire cincuenta a setenta litro posa mũ sũre. ⁷ Tói ti jichu ñũno tí wũhu macaina cahamacare ò sehe ni dutire Jesu:

—Ahri situ parire co mehne pio sãa namoga wahpaa pari ti wahahto sehe — nire Jesu.

To ã nichu tina sehe noano wahpo dapu pahũnocare ti parire.

⁸ Tĩ ã yoari baharo Jesu tinare ò sehe ni dutire tjoa:

—Mipũre tí core wa na, wũhu macaritore waga —nire.

To ã nichu tãhoa tí core wa na, wuhu macarirore ware.

⁹ Ti ã wachu tiro sehe tí core vino to wahachu yoaa core sihni ñure. Tí core nohoi to tarirore masierare tiro. To ã masierapachuta to cahamaca tí core waina sehe masire. Wuhu macariro ã masieraro wamomaca dũhterirore pjiroca, ¹⁰ õ sehe ni yahure:

—Paina masa noaa core vinore wa mahtana. Masa ti noano sihniri baharo ña curea core wara tina. Muhu sehe noaa core wihbo, baharo curero tí core ware sãre —nire wuhu macariro wamomaca dũhterirore.

¹¹ Canái Galileai jiri macai Jesu core vino to wahachu yoari cjiri coã to bajuamehne ducari jire. A yoaro painare to tuaare ñore Jesu. To ã ñori baharo sã to buheina tirore wacũ tuai.

¹² Baharo Jesu to pocorore, to bahanare, sãre to buheina cãhure Capernaupũ sũho sũre. Tõpũ sũna, mahaa dachoricã tjuasinii sã.

Jesu Cohamacu wuhupũre sũha
(Mt 21.12-13; Mr 11.15-18; Lc 19.45-46)

¹³ Pascua jichu judio masa sã bõse numũri cjihti mahanocã dũhsatjiãhre. A jiro Jesu Jerusalẽpũ sũre. ¹⁴ Tõpũ sũro tiro Cohamacu wuhupũ sãa sũro, wachũare, ovejare, bujaare duainare boca sũre. Tuhsũ, niñerure cohtotaina ti mesaripũ ti dujichu tina cãhure boca sũre. ¹⁵ A boca sũro yuta dari mehne tjanari da yoa, tinare jipihtinare sopacapũ tjana nũnũ wionocare. Oveja, wachũa cãhure tjana nũnũ wionocare tiro. A yoa niñeru cohtotaina ti mesarire na majareroca doca cũnocare. Ti niñeru tũri cãhure doca sitenocare. ¹⁶ A yoa tuhsũ bujaare duainare õ sehe nire:

—Musa bujaare na wijaahga. Yu Pũcu ya wuhure pache duari wuhu yoarena tjiga —nire Jesu tinare.

¹⁷ To ã yoachũ ñũna sã to buheina sehe Cohamacu yare ti joari pũi to niri cjirire wacũi: “ ‘Cohamacu, mu wuhure tuaro cahĩja. A cahĩcu mu wuhure ñano ti yoachũ ñũcu tuaro cahyaja yũhũ’, ni joaa tiha Cohamacu yare ti joari pũi”, ni wacũi sã Jesu buheina.

¹⁸ Jesu to ã yoari baharo sã coyera judio masa pũhõto tirore õ sehe ni siniture:

—¿Dohseacu mũhũ ahrinare Cohamacu wuhupũre jĩinare cohã wiori? Cohamacu mũhũre tíre yoa dutiriro to jichu Cohamacu tuaa mehne yoa ñoga mũhũ sã ñũhti cjihtire —nire tina Jesure.

¹⁹ Ti ã nichu Jesu õ sehe ni yũhtire:

—Ahri wuhure mũsa cohãchũ tia dacho wahaboroi tuhsũihtja yũhũ —nire Jesu tinare.

²⁰ —Tia dacho mehne ahri wuhure tuhsũsi mũhũ. Cuarenta y seis cũhmari waro ti yoari wuhu jira ahri wuhu —nire tina Jesure.

²¹ To ã nichu tina tirore noano tãhoerare. Jesu “Ahri wuhure” nino, to pjacare nino niri jimare.

²² A yoa to yariari baharo, to masa wi-jaari baharo sã to buheina sehe to niri cjirire wacũna, Cohamacu yare ti joari pũre Jesu to yahuri cãhure “Tí potocã tjira”, ni wacũi sã.

Jipihtina ti wacũare Jesu masina

²³ Pascua bõse numũri jichu Jesu Jerusalẽpũ jire. Tõi to jichu masa payũ Cohamacu tuaa mehne to yoa ñochũ ñũa tirore wacũ tuare. ²⁴ Ti ã wacũ tuapachuta Jesu masa ti wacũare noano masino, “Yũhure ã wacũ tuarucuahca”, ni tãhotueraha. ²⁵ Tiro masa ti tãhotuare noano masire. A masino masa ti tãhotuare painare ne sinitu ñũerare.

3

Jesu Nicodemore yahuha

¹ Tí macai Nicodemo wama tiriro, judio masa pũhõto mehne macariro jire. Tiro fariseo curua macariro jire. ² Cũ ñami tiro Jesu cahai ta, tiro mehne õ sehe ni sũhũduri jire:

—Buheriro, mũhũ Cohamacu to buhe dutiro to warocariro mu jichu sã masija. Mũhũ payũ tahari Cohamacu tuaa mehne yoa ñona. Cohamacu mũhũre to yoadohõerachũ, mũhũ sehe to tuaa mehne ne ã yoa ñoaeraboa —niri jire Nicodemo Jesure.

³ To ã nichu tãhoro Jesu sehe õ sehe ni yahuri jire:

—Potocã mũhũre niita nija. Pari turi masa bajariro yoaro sehe wahariro dihta mari pũhõto Cohamacu mehne ji masina —niha Jesu.

4—Cuenah. ¿Bucuro sehe dohse yoa pari turi masa bajuabocari tiro? To pocoro nihi suhtirop_u majare sãa, pari turi bajua masieraboca tiro —niri jire Nicodemo.

To ã nich_u tũhoro Jesu õ sehe ni yũhtiri jire tjoa:

5—Potocã niita nija mũhũre. Co mehne, Espĩritu Santo to tuaa mehne pari turi masa bajuariro dihta mari pũhtoro Cohamac_u mehne ji masina. 6 Numia ni jipocosanumia jia, macanacãre masa bajuach_u yoara. Espĩritu Santo sehe masare Cohamac_u pohna jich_u yoara. 7 “Pari turi masa bajuariro yoaro sehe wahariro dihta mari pũhtoro Cohamac_u mehne ji masina”, y_u nich_u, tũho wisiec_u tjiga. 8 Espĩritu Santo masare Cohamac_u pohna to yoach_u wihnono yoaro sehe jira. Wihnono to tarirop_u tara. To taro coa tach_u mari tũhoja. Æ tũhopanahta to tarirore, to waharirore ne masieraja. Tó seheta yoara Espĩritu Santo masare Cohamac_u pohna jich_u yoaro —niri jire Jesu Nicodemore.

9—M_u niare noano masieraja —niri jire Nicodemo.

10 To ã nich_u tũhoro õ sehe niri jire Jesu:

—Mũh_u judio masare buheriro jipaihta, ¿dohseac_u y_u niare tũhoerajari? 11 Potocã mũhũre niita nija. Sã masirire, sã ñũrĩre sã yahuja. Sã ã yahupachũta ne mũsa sã coyera judio masa ne tũho duaerare. 12 Ahri yahpa macaa mehne masa ti masa bajuari mehne mũhũre piti dahre y_u buhe mũhtarire “Potocã tjira”, nierara mũsa. Æ nierana piti dahre buhero marieno Cohamac_u yare y_u yahuch_u cãhũre “Potocã tjira”, nisi mũsa.

13 Ne cãiro mũanop_u Cohamac_u cahap_u wahariro ne pari turi tjua tasi. Yũh_u masũno Cohamac_u warocariro yũh_u dihta mũanop_u jiriro ahri yahpap_u tahi. (Æ jic_u yũh_u dihta Cohamac_u yare mũsare yahu masija.) 14 Panop_ure masa marienop_u Moise cjiro bronca wama tiri comaa mehne ti yoarirore agãre yuc_uũc_u ti dapod_u sohtoap_u duhu õ dapoha. Yũh_u cãhũre masũno Cohamac_u warocarirore tiro agãre to duhu õ daporiro seheta yũh_u cãhũre duhu õ dapoahca. 15 Yũhũre ti ã yoari baharo jipihtina yũhũre wacũ tuaina

jipihtia dachoripe Cohamac_u mehne ã jirucuahca —niri jire Jesu.

Cohamac_u jipihtinare cahĩna

16 Æ ni tuhs_u õ sehe ni namori jire Jesu:

—Cohamac_u jipihtina ahri yahpa macainare tuaro cahĩna. Æ jiro yũhũre to macũnore cãirota jiriore Cohamac_u warocare jipihtina yũhũre wacũ tuaina pichacap_u ti wahaerahto cjihtore. Æ jia Cohamac_u ya catia mehne ã catirucuahca tina. 17 Cohamac_u yũhũre to macũnore masare buhiri dahre dutiro warocaerare ahri yahpap_ure. Masare pichacap_u waha-borinare yũhdũch_u yoah tiro cjihto sehẽre yũhũre warocare.

18 Yũhũre Cohamac_u macũnore wacũ tuainare ne buhiri dahresi Cohamac_u. Yũhũre wacũ tuaeraina pinihtare Cohamac_u buhiri dahre duti tuhsũre. Masa yũhũre Cohamac_u macũnore cãirota jiriore ti wacũ tuaerari buhiri buhiri dahrerohca tinare. 19 Yũh_u Cohamac_u macũno ahri yahpap_u tac_u buhriro to noano marine to ñũ masich_u yoaro seheta Cohamac_u yare noano masich_u yoaja. Y_u ã masich_u yoapachũta, yũhũre wacũ tuaeraina sehe yũhũre cahmaerara. Ti ñaa yoaa sehẽre noano cahmana. Ti ã cahmari buhiri tinare buhiri dahre duti tuhsũre. 20 Jipihtina ñaare ã yoarucuina baro ti ñaa yoare duhu duaerara. Æ jia buhriro to bajuro dahrero seheta ti ñaa yoirire “Bajuro dahreri” nia, yũhũre cahmaerara tina. 21 Quihõno yoaina sehe yũhũre, y_u buhea cãhũre cahmana. Cohamac_u yoadohoro mehne to yare ti yoare y_u noano bajuro dahrech_u bũo tierara tina. Æ jia yũhũre buhriro yoaro sehe jiriore cahmana —ni yahuri jire Jesu.

Pari turi João masare bautisariro Jesure yahuha

22 Baharo Jesu sãre to buheinare Judea yahpap_u sũho wahare. Tõp_u sũro tó macaina mehne mahaa dachoricã tjua, tinare bautisare. 23 João cãh_u masare bautisaro niha Enõn wama tiri macai. Enõn Salim wama tiri maca cahai jire. Tó dia jire. Tó dia jich_u João bautisaro niha masare. 24 Tirore ti peresu yoah to pano Enõni masare bautisaro niha João.

²⁵ Tí pjare João buheina mehne macaina mahainacã judio masuno mehne bautisaa macaare durucua niha. ²⁶ ã jia tina João cahapũ sũa, tirore õ sehe ni yahuha:

—Buheriro, Jordão sie coapũ mũhũ mehne jiro “Tiro tjica”, mũ niro sehe mipũre masare bautisaro nina. To ã yoachũ jipihina tiro cahapũ dihta wahara —niha tina João.

²⁷ Ti ã nichũ tũhoro João õ sehe ni yũhtiha:

—Tiro tuariro to jichũ Cohamacũ sehe tirore ã jichũ yoariro jira. ²⁸ “Cristo jieraja”, yũ nichũ tũhore mũsa. ã jierapaita to pano to waroca mũhtariro jija yũhũ. ²⁹ Cristo mehne masa ti wahachũ ñũcũ tuaro wahcheja. Õ sehe jira tí: Wamomaca dũhtericoro to manũno mehne jiro wahara. Wamomaca dũhtehtirore cohtariro sehe dũhtehtiro to namo tichũ ñũno to durucuchũ tũhoro tuaro wahchera. ã jicũ yũhũ wamomaca dũhtehtirore cohtariro to wahcheriro seheta Cristo mehne masa ti wahachũ ñũcũ tuaro wahcheja. ³⁰ Cristo sehere wacũ tuaro cahmana masare. Yũhũ sehere wacũ tuaeraro cahmana masare —ni yũhtiha João.

Cohamacũ macũno mũanopũ tariro jira

³¹ ã ni tuhsũro õ sehe ni namoha João:

—Mũanopũ tariro jipihina yũhdoro tuariro jira. Ahri yahpũ jũina jina ahri yahpa macaina jija mari. ã jina ahri yahpa macaare durucuja mari. Mũanopũ tariro sehe jipihina yũhdoro tuariro jira. ³² To ñũri cjirire, to tũhori cjirire tiro yahura. To ã yahupachũta to yahure masa sehe ne tũho duaerara. ³³ Mũanopũ tariro to yahure masa tũhoa, tíre cahmaa, “Cohamacũ potocã niro jira”, nia nina tina. ³⁴ Ahriro Cristore Cohamacũ warocarirore Espĩritu Santo ya tuare cũ pahũona Cohamacũ. ã jiro tiro Cohamacũ ya durucua yahura. ³⁵ Cohamacũ to macũnore tuaro cahĩna. ã jiro jipihina bui ti pũhtoro ji dutire to macũnore. Jipihina pũro ji dutire tirore. ³⁶ Cohamacũ macũnore wacũ tuaina sehe Cohamacũ catia mehne ã catirucua. To macũnore cahmaeraina sehe Cohamacũ catia mehne jisi. ã jiro Cohamacũ tinaro buhiri dahrerohca —niha João.

4

Jesu Samaria macaricoro mehne durucua

¹ Jesu João yũhdoro payũ buheinare to cjũachũ João yũhdoro masare to bautisachũ fariseo curua macaina tũhorocaha. ² Ti ã tũhorocapachũta Jesu sehe to basi masare bautisaerare. Sã to buheina sehe masare bautisahi. ³ Fariseo curua macaina ti ã masichũ tũhoro Jesu sehe Judea yahpai jiro Galilea yahpũ sãre sũho tjuaa wahare.

⁴ Tórpũ wahana Samaria yahpare sũ yũhũ wahcãna tana nihi sã. ⁵ ã yũhũ wahcãna Samaria yahpai jiro macapũ Sica wama tiri macapũ sũhi. Tí maca cahai panopũ macariro Jacobo cjiro to macũno José cjirore to wari yahpa jire. ⁶ Tói Jacobo cjiro co to naari copa jire. ã yoa Jesu sehe yoaropũ tariro cjiro jiro, tiro wahya yũhũaro tí copa dũhtũ cahai nuju sũre. Tí pja tói to so nuju sũri pja cohari pja waro jire. ⁷⁻⁸ Sã to buheina sehe macapũ chũare sã nuchana wahari baharo cãirota tiro tói tjua nuju sũre. ã so nuju sũro Samaria macaricoro tí copapũ co waro to wihichũ Jesu ticorore core siniha:

—Core waga yũhũre —niha.

⁹ —Mũhũ judio masuno jira. Yũhũ sehe Samaria macaricoro jija. ¿Dohseacu yũhũre core sinijari mũhũ? —niha ticoro Jesure. Judio masa Samaria macainare ñũ tuhtiina jira. ã jiro ticoro ã niha.

¹⁰ To ã niri baharo Jesu ticorore õ sehe ni yahuha:

—Mũhũre Cohamacũ to yoadoho duarire masico, mũhũre core sinirore masico, mũhũ yũhũ sehere siniboa. Mũ ã sinichũ paye co sehere waboa yũhũ. Tí co sehe catichũ yoara —niha Jesu ticorore.

¹¹ To ã nichũ tũhoro ticoro õ sehe ni yũhtiha tirore:

—Ne mũhũre situ mariaha. Wiho mejeta ahri copa cũãri copa jira. ¿ã jicũ ahri catichũ yoaa core nohopũ wabocari mũhũ? ¹² Mari ñũchũ cjiro Jacobo panopũ macariro ahri copare marine cũa tiha. Tiro, to pohna, to nuina cũhũ ahri core sihnia tiha. “Paye core waboa yũhũ” nicũ, ¿Jacobu yũhdoro masirore jijiari mũhũ, ã ni tũhotucũ? —niha ticoro.

¹³ To ã nichũ Jesu õ sehe ni yũhtiha:

—Jipihtina ahri core sihniina, pari turi ñahma yapioahca. ¹⁴ Ya co sehere sihniina ne pari turi ñahma yapiosi. Ñ jia ya core sihniina Cohamacu mehne ã jirucuahca. Ma pohtapu co to ã wijaarucuro seheta ya co ne pihtisi —niha Jesu.

¹⁵ To ã nichu tuhoro numino sehe õ sehe niha:

—Ne pari turi yu ñahma yapioerahto sehe tí core waga yuhure. Ñ jico pari turi ne õpurre co wasi —niha ticoro.

¹⁶ To ã nichu Jesu ticorore õ sehe ni yahuha:

—Tí pja pinihta mu manure pjico wahaga. Pji tuhsu õpu taga tiro mehne —niha Jesu ticorore.

¹⁷⁻¹⁸ —Manu marienico jija yuhu —niha ticoro.

—Potocãta nimana muhu. Muhu cinco tahari manu ti tuhsu mare. Tuhsu, mipure muhu mehne jiro mu manu jierara. Ñ yoa “Manu marienico jija” nico, potocãta nimana muhu —niha Jesu ticorore.

¹⁹ To ã nichu tuhoro õ sehe niha ticoro:

—Ne, Cohamacu yare yahu mahtariro jira muhu, yu tuhouchu. ²⁰ Sã ñuchusuma cjiri ahdu tucuru Cohamacure ño payoa tiha. Ñ jina musa sehe judio masa “Jerusalẽi Cohamacure ño payoro cahmana masare”, nia tire musa judio masa —niha ticoro.

To ã nichu Jesu õ sehe ni yuhtiha:

²¹ —Numino yuhure tuhosiinga. Baharopu ahdu tucui, Jerusalẽpu cõhure mari Pucure ño payosi musa. ²² Musa sehe musa ño payorirore masierara. Masare yuhduchu yoahiro judio masu nota jira. Ñ jina sã judio masa sehe sã ño payorirore masija. ²³ Mipure baharopu cõhure Cohamacure potocã ño payoina ti noano tuhota mehne tirore ño payoahca. Tó sehe mari ño payochu cahmana Cohamacu. ²⁴ Cohamacu pjacu marieriro to jichu masa tirore ñerara. Ñ jia tirore ño payoa, ti noano tuhota mehne tirore noano potocã ño payoro cahmana masare —niha Jesu.

²⁵ To ã nichu ticoro õ sehe ni yuhtiha:

—Mesa, “Cristo” ti niriro sehe masare yuhduchu yoahiro, to tahti cjihtire masija yuhu. Tiro taro, marine jipihtiare buhe pahõonohca —niha ticoro.

²⁶ —Yuhuta jija Cristo —niha Jesu ticorore.

²⁷ To ã ni yahuchu waro wihina sã to buheina sehe Jesu numino mehne to duruchu ñuna, cõaa wahai. Ñ cõapanahca “¿Dohse cahmajari muhu? ¿Dohse nii nijari muhu ticorore?” ni sinitu ñerahi. ²⁸ Ñ jiro numino to siture tói duhu daponoca, macapu waha, masare yahuro, õ sehe niha:

²⁹ —Yu yoari cjirire yahu pahõorirore ñuna taga musa. Tiro potocãta Cristo jiboca pa tehe nino —niha ticoro.

³⁰ To ã nichu tuhota tí maca macaina sehe Jesure ñua taa nire. ³¹ Tí pjare sã Jesu buheina sehe tirore tuaro chu dutimai:

—Buheriro, chuga —nimai sã.

³² —Soro jia chure cõaja yuhu. Tíre musa masierara —nire tiro.

³³ To ã nichu tuhona sã basi õ sehe ni durucui:

—¿Paina tirore chure wa tuhsuari? —nii sã basi.

Sã ã nichu Jesu õ sehe ni yahure:

³⁴ —Masa sehe chu ji coara. Yuhure warocariro to cahmaare yoacu ji coaja yuhu sehe to yoa dutiriro seheta yoa pahõocu tacu. ³⁵ “Cuatro sãri duhsara dicha naahito”, wese puro to niriro seheta musa sehe ni tuhota tjiga. “Cohamacu yare sã yahuhto duhsasinina”, ni tuhota tjiga. Potocã niita nija musare. Mipure pinihtare masare ñuga. Dicha tichu musa naari pja to jiro seheta, mipure pinihta masa yu buheare ti tuhota pja jiro nina. ³⁶ Toaa dichare naainare ti wapariro seheta yu yaina cjihti naainare yu yare buheinare ti ã yoari wapa tinare noano yoaihtja yuhu. Ti ã buhechu tuhota yu buheare tuhoina yu yaina sehe Cohamacu mehne jipihtia dachoripe jirucuahca. Ñ jia tinare buhe mahtaina, baharo yu yaina jichu yoaina cõhu cõno potori wahcherucuahca.

³⁷ “Cãiro toa mahtariro jira. Pairo sehe toaa dichare nariro jira”, nia tiha panopu. Tí potocã tjira. Ti ã niriro seheta cãina yu yare yahu mahtaina jira. Paina sehe yu yare buhea yu yaina jichu yoaina jira.

³⁸ Wese puro to yaina dahraina toeraina ti jipachata to toaa dichare tinare naa dutiro warocara. Tó seheta masare buhe mahtainera musa jipachata yu yaina

cjihiti yoa dutic̄a warocaja m̄sare. Paina sehe tinare buhe m̄hta tuhs̄re. Ti buherinap̄re pari turi buhe namona, ȳa yaina jich̄a yoanahca m̄sa sehe. Ā jina buhe m̄htaina sehe ti yoadohoro mehne painare ȳa yaina jich̄a yoanahca m̄sa — nire Jesu.

³⁹ Tí pjare Samaria macaricoro “Ȳa yoari c̄jirire tiro yahu pah̄ore”, to ā nich̄a t̄hoa Samaria macaina paȳa Jesure wac̄ū tua, tirore cahmaha. ⁴⁰ Ā jia Samaria macaina Jesu cahai s̄a, “Sā mehne t̄jasiniga”, nire tirore. Ti ā nich̄a s̄a c̄h̄a tiro mehne p̄a dacho tóti t̄jasinii. ⁴¹ Paina c̄h̄a paȳa Jesure t̄hoa cahmare tirore. ⁴² Ō sehe nire masa numinore:

—Wahmanop̄re m̄a yahurire t̄hona, Jesure cahmah̄i. Mip̄a pinihtare Jesu to durucuar̄e t̄hona tirore wac̄ū tuana, tirore cahmaja. Ā jina tiro sehere t̄hona ahri yahpa macainare pichacap̄a wahaborinare ȳhd̄ch̄a yoariro potoc̄a to jich̄a mip̄a s̄a masija — nire masa Samaria macaricorore.

P̄h̄toro mac̄n̄ore dohatirirore noariro wahach̄a yoaha Jesu

⁴³ P̄a dacho baharo Jesu s̄are Galilea yahpap̄a s̄ho wahare. ⁴⁴ Wahmanop̄re ō sehe nia tire tiro: “Cohamac̄a yare yahu m̄htarirore to ya yahpa macaina tirore ño payoerara. Ā jia ȳh̄re ño payoerara ō macaina ōi ȳa b̄ch̄ariro jich̄a”, nia tire Jesu. ⁴⁵ Ā jia Galileap̄a to s̄ch̄a tó macaina tirore noano piti bocare. Tó pano Jerusal̄i b̄se n̄m̄i Jesu Cohamac̄a tuaa mehne to yoach̄a ñ̄rina jire tina.

⁴⁶ Ā yoa Canár̄p̄a Galileai jiri macap̄a core vino to wahach̄a yoari macap̄a wahaa wahaī s̄a tiro mehne. Caná cahai jiri macai Capernau wama tiri macai jipihtina bui p̄h̄toro docai jiriro p̄h̄toro mac̄no dohatiro niha. ⁴⁷ Tuhs̄, Jesu Judeap̄a jiriro Galileap̄a to s̄ch̄a p̄h̄toro t̄hoha. Tíre t̄horo Jesu cahap̄a wihire:

—Ȳa mac̄a yariaro nihre. Ā yoa tirore noariro wahach̄a yoai taga —ni tuaro mehne pjire tirore.

⁴⁸ To ā nich̄a t̄horo Jesu ō sehe ni ȳhtire:

—Cohamac̄a tuaa mehne ȳa yoach̄a ñ̄erana, ne ȳh̄re wac̄ū tuaerara m̄sa —nire Jesu tirore.

⁴⁹ To ā nich̄a p̄h̄toro sehe ō sehe nire:

—P̄h̄toro, ȳa mac̄a to yariahto pano taga —nire tiro Jesure.

⁵⁰ —T̄juaahga. M̄a mac̄a catica —nire Jesu.

To ā nich̄a t̄horo, “To niriro seheta catirohca ȳa mac̄a” nino, p̄h̄toro t̄juaa wahare. ⁵¹ Ā t̄juaarucurirore to cahamaca tirore piti boca, ō sehe ni yahuha:

—M̄a mac̄a catihre —ni yahuha tina tirore.

⁵² —¿Noho waroi s̄a jich̄a noariro wahari tiro? —ni sinituha tiro to cahamac̄are.

—Can̄re cohari p̄a baharoc̄a juaro suruhre tirore —niha tina.

⁵³ Ti ā nich̄a t̄horo ō sehe ni t̄hotuha tiro: “Jesu ȳh̄re to ā ni yahuri p̄jaita juaro surua wahari jire”, ni t̄hotuha p̄h̄toro sehe. “Potoc̄a nino niri jira ȳh̄re” nino, tiro jipihtina to coyeha mehne Jesure wac̄ū tuaha.

⁵⁴ Jesu Judea yahpap̄a jiriro Galilea yahpap̄a to s̄ri baharo p̄h̄toro mac̄n̄ore noariro to waharire mari quih̄ch̄a p̄a taha Cohamac̄a to tuaa mehne yoa ño tuhs̄re Jesu.

5

Tini masierarirore noariro wahach̄a yoaha Jesu

¹ Baharo judio masa Cohamac̄are s̄a ño payori b̄se n̄m̄ari jich̄a Jesu Jerusal̄ep̄a s̄re t̄joa. ² Tóti oveja wama tiri sopaca cahai cuhs̄ari copa jihre. S̄a judio masa ya mehne nia Betesda wama tiri copa jihre. Tí copa cahai cinco tihamahnoera tahti poca jihre. ³ Tí tahti pocai paȳa dohatiina coãre. Capari ñ̄eraina, c̄a b̄h̄usehe dahporo ñ̄aina, p̄jac̄a b̄h̄aina tina tí copa cahai jia, [co ñ̄uhmi m̄a m̄janore cohtaa nire. ⁴ Tóp̄a buharo tí copa macaa core c̄a tahari ñ̄uhmich̄a yoa m̄jare anjo. Tí copa macaa co ñ̄uhmiri baharo ña mio m̄htariro sehe dohse jiare dohatiare c̄h̄ariro noariro wahare.] ⁵ Ā yoa tóti treinta y ocho c̄h̄mari waro dohatiriro jire. ⁶ Tóti to coãch̄a ñ̄ano to ā yoari p̄a dohatiriro jich̄a masire Jesu tirore. Ā masino tirore ō sehe ni siniture:

—¿Pjacu dohatia marieriro ji duajari mahu? —nire Jesu.

⁷ To ã nichuta dohatiriro õ sehe ni yuhtire:

—Tí co to ñuhmichu yuhure co jiri coparu naboriro mariaha. Tí coparu yu ña mio duapachuta paina sehe yu pano ã ña mio maharucura —nire tiro Jesure.

⁸ —Wahcãrucaga. Mu coãri cahsarore naa, wahaga —nire Jesu tirore.

⁹ To ã nichuta dohatiriro sehe to coãri cahsarore naa, ducu ducare. Tí dacho Sabado judio masa sã sori namu jire. ¹⁰ Tí dachoi Jesu to ã yoachu ña judio masa sã puhto sehe dohatiriro cjirore õ sehe ni yahuha:

—Michare Sabado dacho mari sori namu jipachuta mu coãri cahsarore naahna mahu. ã yoacu mari dutiare yuhdarucai nina mahu —niha tina tirore.

¹¹ —Yuhure yu dohatiare cohãriro sehe õ sehe nire yuhure: “Mu coãri cahsarore na, wahaga”, nire tiro yuhure —ni yuhtiha dohatiriro cjiro.

¹² —¿Tíre mahu ã niriro sehe diro baro jijari tiro? —ni sinituha tina.

¹³ Tóí masa payu ti jichu ñano Jesu sehe waha tuhsu. ã jiro dohatiriro cjiro sehe tirore noariro wahachu yoarirore to wamare masieraha. ¹⁴ Baharo Cohamacu wahuí Jesu tirore piti boca, õ sehe ni yahure:

—Tuhosiniga mahu yuhure. Mipure noano pjacu tira mahu. Ñaare yoa namoi tjiga. Pari turi ñaare yoa namocu mu dohatiriro yuhdoro wahaiha mahu —nire Jesu tirore.

¹⁵ To ã niri baharo dohatiriro cjiro sehe sã judio masa puhto tirore sinituina cjiro caharu soro, õ sehe ni yahuha tinare:

—Jesu wama tirore yuhure noariro wahachu yoahre —ni yahuha tiro.

¹⁶ ã yoa Sabado jichu Jesu dohatirirore to dohatiare to cohachu masia judio masa sã puhto sehe tirore ñu tuhtia, yahusãa dua ducare.

¹⁷ ã tirore ti yahusãa duachu masino Jesu sehe õ sehe ni yahure tinare:

—Yu Pucu mipure dahrasinina. Yuhu cãhu dahrasinii nija —ni yahure tirore yahusãa duainare.

¹⁸ To ã nichu judio masa sã puhto sehe tiro mehne tuaro suaa, tó pano ti niriro yuhdoro tirore wajã duare. Sabado dachore sã sori namure cãirore to noariro yoachu ña tina suare. ã suaa tiro Cohamacure “Yu Pucu” to nichu tuhoa, tina sehe tó pano ti niriro yuhdoro sua namoha tjoa. “ ‘Yuhu Pucu’ nino, Jesu to basi ‘Cohamacu mehne cãno potori jija’, ni wacũca tiro”, ni tuhoture judio masa sã puhto.

Jesu Cohamacu to warocariro jira

¹⁹ ã yoa Jesu tinare õ sehe ni yahure:

—Potocã musare niita nija. Yuhu, Cohamacu macuno, yu mu soro yoeraja. Yu Pucu to yoarire ñacu, tíre yoaja. ²⁰ Yu Pucu yuhure, to macunore, cahina. ã jiro to yoarire yuhure ño pahõna. Ahri mipu to tuaa mehne yu yoari yuhdoro tiro payere yoa dutirohca yuhure. To ã yoa dutichu to tuaa mehne yoa ñoihca yuhu. ã jina ñu cyanahca musa. ²¹ Yu Pucu yariarinare to masoriro seheta yuhu cãhu yu cahmainare masoihtja. ²²⁻²³ Ne yu Pucu sehe masa ti ñaa buhirire buhiri dahreriro jierara. Yuhu sehere tíre ti ñaa buhirire buhiri dahretirore cãre yu Pucu. Jipihtina masa tirore ti ño payoriro seheta yuhu cãhure ti ño payohti cjihtire buhiri dahretirore cãre yuhure. Yuhure to macunore ño payoerana yu Pucu cãhure ño payoerara musa. Tiro jira yuhure warocariro —nire Jesu.

²⁴ ã ni tuhsu õ sehe ni yahu namore:

—Potocãta musare nii nija. Yu durucure tuhoina yuhure warocarirore wacũ tuaina jipihtia dachoripe manopu ã jirucuahca. ã jicu tinare buhiri dahresi yuhu. ã jia tina pichacaru wahaborina yuhduahca. ²⁵ Potocã musare niita nija. Pichacaru wahahtina yuhure Cohamacu macunore ti tuhohti pja mipu jira. Baharopu cãhure yuhure tina tuhoahca tjoa. ã tuhoa tuho nanina sehe Cohamacu mehne ã jirucuahca. ²⁶ Cohamacu yu Pucu sehe ã jirucuchu yoariro jira. ã jiro yuhure to macunore ã jirucuchu yoahitiro ji dutire tiro yuhure. ²⁷ ã jicu yuhu masuno Cohamacu to warocariro yu jichu tiro masare buhiri dahretirore cãre yuhure. ²⁸ Ahrire tuhona, tuho caena tjiga musa.

Pa dachopure jipihtina yariaina masa coparipen jiina yen durucuchen tahoahca. ²⁹ Ña taho, noare yoaina cjiri jipihtia dachoripe Cohamacu mehne jihtina cjihti masa majaahca. Ñaare yoaina cjiri sehe ñaare ti yoari buhiri pichacapen wahaahca —ni yahure Jesu.

³⁰ Ña ni tuhsen ñ sehe ni yahu namore:

—Yehen yen men saro ne yoeraja. Ne yen basi yen cahmano yoa duaeraja. Yehure warocariro to dutiriro seheta yoa duaja. Ña jicu to niriro seheta buhiri dahreja. Tuhsen yehen masare buhiri dahrecu quihõnota yoaja. ³¹ “Yehen tuariro jija”, yen ni yahuchen “Men yahua ne quihõno jierara”, ni masiboca musa. ³² Pairo jira yehure yahuriro. Tiro João sehe masare yahure yehure. Masare yehure to yahuri cjiri quihõno tjira. Tíre yehen noano masija. ³³ Musa paina sehere Joãopure yehure sinitu dutina warocare. Ña jiro potocãta yahure tiro musare. ³⁴ “Cohamacu maceno jira ahriro”, yehure ni yahuhtinare macaeraja. Ña macaerapacuta João maseno to jipachuta yehure “Cohamacu maceno jira”, to ni yahurire yahui nija. Musa yehure wacũ tuahti cjihtire, musa pichacapen wahaborina musa yehdũhti cjihtire yehure João to yahurire yahui nija. ³⁵ Sihãria mahaa dachoricã to ñen masichu yoaro seheta João musare buhe mahtano mahanocã to catiro puro musare masichu yoare. To ña buhechu tãhona mahaa dachoricã wahchere musa. ³⁶ Yen jia tiare to ña buhepachuta Cohamacu sehe yen jiare noano yahura. To ña yahuchen João yen jiare to yahua yehdoro jira Cohamacu ya yahua. Ña jicu Cohamacu to tuaa mehne yehure to yoa dutiri cjirire mipen yoai nija. Ahrire yen yoachen ñena potocãta Cohamacu to warocariro yen jiare masina musa. ³⁷ Ña yoa yen Pucen yehure warocariro to basi “Tiro yen warocariro jira”, ni yahura musare. To ña ni yahupachuta to durucua ne tãhoerare musa. Ña jina musa tirore ne masierare. ³⁸ Yehure Cohamacu warocarirore musa ne tãho duaerare. Ña jina musa Cohamacu yare ne cahmaerare. ³⁹ Cohamacu yare ti joari pũre musa buhena, “Mari ahri pũre buhena jipi-

htia dachoripe Cohamacu mehne ña jirucunahca”, nina musa. Tí pũita yehure yahura. ⁴⁰ Tí pũ yehure to yahupachuta musa sehe yehure cahmaerara. Jipihtia dachoripe Cohamacu mehne musa ña jirucuhti cjihtire yehure sini duaerara musa —ni yahure Jesu.

⁴¹ Ña ni tuhsen ñ sehe ni namore:

—Yehure musa ño payoerachen ñen sueraja yehure sehe. ⁴² Musa sehe Cohamacure musa cahñerachen masija yehure. ⁴³ Cohamacu yen Pucen yehure to dutiriro seheta yen tapachuta musa yehure cahmaerare. Pairo sehere Cohamacu tirore warocaerariro to jipachuta to men saro to tapachuta tiro sehere cahmanahca musa. ⁴⁴ Paina masa musare ti ño payochu cahmana musa. Cohamacu musa mehne to ji coachu cahmaerara musa. Tiro dihta Cohamacu waro jira. Ña cahmaerana yehure tãhoerara musa. Yehure wacũ tuaerara. ⁴⁵ Musare yen Pucapure ne yahusãsi yehure. Tíre masiga musa. Moise cjiro to joari pũ sehe musare yahusãnohca. “Tí pũ macaa dutiare mari yoa pahñona, Cohamacu cahai wahanahca”, musa niri pũ sehe musare yahusãnohca. ⁴⁶ Moise cjiro to joari pũi yehure sehere yahua. Ña jina tí pũre “Potocã tjira” nina, yen yahua cãhure “Potocã tjira”, niboia musa. ⁴⁷ Moise cjiro to joari pũre “Potocã tjira” nierana, yen ya durucua cãhure “Potocã tjira”, nisi musa —nire Jesu tinare.

6

*Cinco mil bui masare chua waha Jesu
(Mt 14.13-21; Mr 6.30-44; Lc 9.10-17)*

¹ Ña to buheri baharo yoa cureri pja baharo Galilea wama tiri bucupariro pa buhusehe coapen sã to buheinare Jesu sũho pahãa wahare. Tí taro pjiri taro pa wama Tiberia wama tire. ² Tó pano Galilea yahpai Jesu Cohamacu tuaa mehne yoa ño, dohatiinare ti dohatiare to cohãchun masa ñna tire. Ña jia Jesu to pahãchun ñna, masa payu tirore nenun ti pahãre. ³ Ña yoa baharo tí taro dũhtu cahapen Jesu sãre sũho pahãsen, tãcupen mija, tu buipen sãre sũho dujire. ⁴ Tí dachore Pascua wama tiri bosen nenun cjihto, sã judio masa ya bosen nenun sũhti

dacho cjihto mahaa dachoricã dũhsare. ⁵⁻⁶ Tópũ dujiro, Jesu payũ masa to cahapũ ti tarucuchũ ñũre. Æ ñũno Felipere õ sehe ni sinitu ñũre:

—¿Ahrina masa ti chũhti cjihtire nohopũ nuchũnahcari mari? —nire Felipere.

Jesu to basi to yoahdire masiparota Felipere ã sinitu ñũre “¿Dohse ni yũhtirohcari?” nino. ⁷ To ã sinitu ñũchũ tũhoro Felipe sehe õ sehe ni yũhtire:

—Ocho sũri posa dahra wapataa niñeru mehne chũare mari nuchũpachũta masare cãinare daacã chũare mari witipachũta ne mũ sũsi —nire Felipe Jesure.

⁸ Æ yoa paio, sã mehne macariro Andre, Simo Pedro bahũro sehe Jesure õ sehe ni yahure:

⁹ —Ahrero wahma wahmũa tariro cinco pão curirire, ã jichũ wahi pũarocã cũhũre cjũara. Wiho mejeta masa sehe payũbia jira. Æ jiro ahri mahanocã chũa ne mũ sũsi —nire Andre.

¹⁰ To ã niri baharo:

—Masare duji dutiga mũsa —nire Jesu sã to buheinare.

Tói daacã tja jiro jire. Sã duji dutichũ masa nuju sũ pihtiare tja bui. Tina mũa dihtare sã quihõchũ cinco mil wahtaroi jire. ¹¹ Ti ã nuju sũchũ ñũno Jesu sehe pãore na, Cohamacũre “Noana”, nire. Æ ni tuhsũrota sãre to buheinare witi dutire. To ã dutichũ sã sehe tói dujiinare witi wahcãi. Tuhsũ, pũaro wahi cũhũre witihi tinare. Jipihtinare noano ti chũ duaro puro chũare tinare witihi. ¹² Baharo masa sehe yapi yũhdũa wahare. Ti ã yapi yũhdũachũ ñũno Jesu sãre õ sehe ni yahure:

—Ti chũ dũharire noano saa cahmachu pahñoga. Æ yoana ti chũ dũhaare ne bosì —nire.

¹³ To ã nichũ tũhona sã sehe cinco pão curiri dũhsarire sã saa cahmachuchũ doce pũhũse waro wijare. ¹⁴ Æ jia Jesu tũre to tuaa mehne to yoa ñochũ ñũa, masa sehe õ sehe nire:

—Potocãta jira. Ahrero Cohamacũ yare yahu mũhtariro ahri yahpapũ “Tarohca”, ti niriro mari cohtaroi tjira —nire tina.

¹⁵ Æ jia tina Jesure ti pũhtoro jihtiro cjih-tore ñaha sõ duamare. Jesu ti ã ni tũhotuare

masino pari turi cãirota tũcupũ wahaa wahare.

Jesu co bui ducu wahcãha (Mt 14.22-27; Mr 6.45-52)

¹⁶ Ñamichahapũ sã to buheina bucupariropũ buhai. ¹⁷ Tópũre buhu sũ, dohoriapũ samu, Capernau wama tiri macapũ majare pahãi. Tí pjare sã majare pahãri pjare ñamipũ jire. Jesu sehe sã cahapũ tju wihierasire mini. ¹⁸ Sã ã majare pahãno watoi wihnono tuaro sãre tachũ, pahcõri bujũa pahcõri wahcãre. ¹⁹ Sã cinco kilómetro sũboro waroi sã sũchũ waro Jesu sãre mũ sũre. Co buipũ to tachũ ñũi sã. Æ sã cahai to tachũ ñũna, sã sehe cũa yũhdũa wahacũrũ. ²⁰ Sã ã cũa yũhdũachũ ñũno tiro sãre õ sehe ni yahure:

—Cuiena tjiga. Yũhũta jija —nire Jesu.

²¹ To ã nichũ tũhona sã wahchea mehne tirore piti boca samu dutihi. To samuri baharocãta wacũenoca sã wahari yahpapũre pahã sũ tuhsũhi.

Masa sehe Jesure macaha

²² Æ yoa tí ñamine masa bucupariro pa buhũsehe coapũ tjuaina sehe sã yaria bũsoca, sã pahãhtia cãria to jichũ ñũre. Tia mehne sã sahsero sã pahã wahachũ cũhũre ñũre tina. Tuhsũ Jesu sã mehne to pahãerachũ ñũre tina. Æ jia pa dachoi tirore tói cohtaa niri jimare tina. ²³ Ti ã cohtaro watoi, paye bũso, Tiberia wama tiri macapũ taa bũso Jesu Cohamacũre “Noana”, to niriro cahacã cureropũ, masare to chũa witiro cahacã cureropũ wahã sũri jire tí bũso. ²⁴ Æ yoa sãre Jesu to sũho jimarirore to mariachũ ñũa, masa tí bũsopũ samu, Capernaupũ sãre nũnũ ti pahã tari jire, Jesure maca taa.

Jesu catichũ yoaa chũa yoaro sehe jiriro jira

²⁵ Ti pahã wihiri baharo, Jesure boca wihì, tina masa õ sehe ni sinitu ñũre tirore: —Buheriro, ¿dohse jichũ tari mũhũ õpũre? —ni sinitu ñũre tina.

²⁶ Ti ã ni sinitu ñũchũ, Jesu tinare õ sehe ni yahure:

—Potocã niita nija mũsare. Yũhũ mũsare Cohamacũ tuaa mehne yũ yoa ñopachũta yũhũre sehere wacũ tuaerara mũsa. Yũhũre wacũ tuaerapanahta yũhũre

macana m̄sa. Ȳh̄h̄ mehne b̄j̄h̄a ch̄h̄, m̄sa yapirina cjiri jina ȳh̄h̄re maca tari jira m̄sa. ²⁷ Wiho mejeta ch̄h̄a ne ã jirucuerara. Baharop̄h̄ pihtia wahara. Æ jina tíre ã macarucuenta tjiga m̄sa. Paye baro ch̄h̄a soro jia ch̄h̄are macaga m̄sa. Tí soro jia ch̄h̄are bocana jipihtia dachoripe Cohamac̄h̄ mehne jirucunahca. Æ jia tí ch̄h̄a pinihta ne pihtisi. Tí ch̄h̄are ȳh̄h̄ mas̄no Cohamac̄h̄ warocariro m̄sare waihtja. Cohamac̄h̄ ȳh̄ P̄h̄c̄h̄ ȳh̄h̄re tí baro ch̄h̄are wa dutiriro jira. Tirota to warocariro ȳh̄ jiare ño tuhs̄h̄re m̄sare — nire Jesu.

²⁸ To ã nich̄h̄ t̄h̄o tina õ sehe ni sinitu ñ̄h̄re tirore:

—¿Cohamac̄h̄ to yoa dutiare yoana tana dohse yoanahcari sã? —ni sinitu ñ̄h̄re tina.

Jesu sehe ti ã nich̄h̄ t̄h̄oro, õ sehe ni ȳh̄htire tinare:

²⁹ —Cohamac̄h̄ m̄sare õ sehe dutira. To warocarirore m̄sa noano t̄h̄o, wac̄u tuach̄h̄ cahmana tiro —ni ȳh̄htire Jesu.

³⁰ To ã nich̄h̄ t̄h̄o tina õ sehe nire tjoa:

—Cohamac̄h̄ warocariro jic̄h̄ tiro to tuaa mehne yoa ñoga sãre m̄h̄h̄re sã noano wac̄u tuahto cjihtore. ¿Yaba barore yoa ñobocari m̄h̄h̄? ³¹ Mari ñ̄ch̄h̄s̄ma cjirip̄h̄ panop̄h̄ macaina masa marienop̄h̄ maná wama wama tiare ch̄h̄a tiha. Cohamac̄h̄ yare ti joari p̄p̄h̄ õ sehe ni yahura: “Tiro tinare m̄h̄ano macaa ch̄h̄are waa tiha ti ch̄h̄ti cjihtire”, ni joaa tiha Cohamac̄h̄ yare ti joari p̄p̄h̄. ¿To ã yoiriro seheta yoih̄cari m̄h̄h̄ c̄h̄h̄? —nire tina.

³² Ti ã nich̄h̄ t̄h̄oro õ sehe ni yahure Jesu tinare:

—Potocã m̄sare niita nija: Moise cjiro m̄h̄ano macaa ch̄h̄are waera tire m̄sare. Ȳh̄ P̄h̄c̄h̄ sehe m̄h̄ano macaa ch̄h̄are potocã jia ch̄h̄are m̄sare wariro jira. ³³ Cohamac̄h̄ to ch̄h̄a m̄h̄anop̄h̄ duji ta, jipihtiro yahpa macainare catich̄h̄ yoa masina —nire Jesu tinare.

³⁴ —P̄h̄toro, dachoripe tí baro ch̄h̄are ã warucuga sãre —nire tina.

³⁵ Ti ã nich̄h̄ t̄h̄oro, Jesu sehe õ sehe ni yahure tinare tjoa:

—Ȳh̄h̄ sehe catich̄h̄ yoa ch̄h̄a yoaro sehe jiriro jija. Mari ya ch̄h̄are mari ch̄h̄ri baharocãta dóicãta j̄ca baa wahaja mari tjoa. Sihnia c̄h̄h̄re mari sihniri baharocãta

ñ̄h̄ma yapioa wahaja tjoa. Wiho mejeta diro ȳh̄h̄re cahmariro, ȳh̄h̄re wac̄u tuariro, ne j̄ca baaerariro yoaro seheta to wahchea sehe tirore ne pihtisi. ³⁶ M̄sa sehe ȳh̄h̄re ñ̄panahta ȳh̄h̄re wac̄u tu-aerasinina mini. Tíreta m̄sare yahumahi ȳh̄h̄. ³⁷ Jipihtina ȳh̄ P̄h̄c̄h̄ ȳh̄ yaina cjihtire ȳh̄h̄re to c̄r̄ina sehe ȳh̄h̄re cahmaahca. Æ jii ȳh̄h̄re cahmainare ne cohãsi ȳh̄h̄. ³⁸ M̄h̄anop̄h̄ tac̄h̄ ȳh̄ cahmano yoai tai nierahi. Ȳh̄h̄re warocariro to cahmariro seheta yoai tai nii ȳh̄h̄. ³⁹ Ahrita jira ȳh̄h̄re warocariro to cahmaa waro: Jipihtina ȳh̄ yaina cjihti ȳh̄h̄re to warina cjirire ȳh̄ boerach̄h̄ cahmana ȳh̄h̄re warocariro pihtiri dachoi ti masa m̄j̄ahto cjihtore. ⁴⁰ Jipihtina ȳh̄h̄re Cohamac̄h̄ mac̄n̄ore ñ̄ina, ȳh̄h̄re wac̄u tuaina jipihtia dachoripe tiro mehne ti jirucuch̄h̄ cahmana ȳh̄ P̄h̄c̄h̄. Æ jic̄h̄ pihtiri dachoi tinare masoihtja —nire Jesu.

⁴¹ “Ȳh̄h̄ m̄h̄anop̄h̄ taa ch̄h̄a yoaro sehe jiriro jija”, to nich̄h̄ t̄h̄o judio masa sã p̄h̄to sehe tiro mehne sua, ⁴² ti basi Jesure ñ̄ano ni durucure:

—¿Ahr̄iro Jesu José mac̄no jierajari? To p̄h̄c̄h̄o, to pocoro c̄h̄h̄re mari masija. Tuhs̄h̄ mari yoaro sehe p̄jac̄h̄ t̄irota jira. ¿Æ jiparota dohsearo “M̄h̄anop̄h̄ tahi”, nijari tiro? —ni suare tina.

⁴³ Ti ã nich̄h̄ t̄h̄oro Jesu õ sehe ni yahure tinare:

—M̄sa ȳh̄h̄re ñ̄ano ni durucuenta tjiga.

⁴⁴ Ȳh̄ P̄h̄c̄h̄ ȳh̄h̄re warocariro sehe masare ȳh̄h̄ sehere cahmach̄h̄ yoara. To ã yoaerach̄h̄ masa sehe ȳh̄ yaina ji masieraboa. Pihtiri dachoi ȳh̄ yainare masoihca ȳh̄h̄.

⁴⁵ Cohamac̄h̄ yare yahu m̄h̄taina cjiri sehe õ sehe ni joaa tiha: “Cohamac̄h̄ tinare buherohca”, ni joaa tiha Cohamac̄h̄ yare yahu m̄h̄taina cjirip̄h̄. Jipihtina ȳh̄ P̄h̄c̄h̄ to buheare t̄h̄oina, tirore ȳh̄tiina ȳh̄h̄re cahmana. Æ jia ȳh̄ yaina jira.

⁴⁶ ‘Ȳh̄ P̄h̄c̄h̄re ne c̄īro mas̄no ñ̄erare. Ȳh̄h̄ Cohamac̄h̄ warocariro dihta ȳh̄ P̄h̄c̄h̄re ñ̄ahi. ⁴⁷ Potocã niita nija m̄sare. Ȳh̄h̄re wac̄u tuariro jipihtia dachoripe ȳh̄ P̄h̄c̄h̄ mehne ã jirucurohca. ⁴⁸ Ȳh̄h̄ catich̄h̄ yoa ch̄h̄a yoaro sehe jiriro jija. ⁴⁹ M̄sa ñ̄ch̄h̄s̄ma cjiri masa marienop̄h̄

manáre chaa tiha. Ñ tíre chupahta yariaa wahaa tiha. ⁵⁰ Mhanopu taa chaa yu nia chaa masano churo, ne pichacaru wahasi. ⁵¹ Yuhu mhanopu taa chaa catichu yoaa chaa yoaro sehe jiri jija. Ahri chaa churiro jiphtia dachoripe yu Pucu mehne ã jirucurohca. Ahri chaa catichu yoaa chaa yoaro sehe jia yu pjacuta jira. Jiphtiri yahpa macaina Cohamacu mehne ti ã jirucuhti cjihtire yu pjacure waihtja. Ñ wacu yariaihca —nire Jesu.

⁵² To ã nichu tuhoa sã coyea judio masa sehe tíre ò sehe ni durucure ti basi:

—¿Ahriro dohse yoa to pjacure chuhti cjihtire warohcari? —nire tina ti basi.

⁵³ Ti ã nichu tuhoro Jesu ò sehe ni yahure: —Potocã niita nija musare. Yuhu masano Cohamacu warocariro jija. Yu pjacure chuerariro, yu dire sihnierariro Cohamacu ya catia mehne ã jirucusi. ⁵⁴ Yu pjacure churiro, yu dire sihniriro yu ya catia mehne ã jirucurohca. Ñ jicu phtiri dachoi tirore masoihtja. ⁵⁵ Yu pjacu potocãta chaa waro yoaro sehe jira. Yu di potocãta sihnia waro yoaro sehe jira. ⁵⁶ Yu pjacure churiro yu dire sihniriro yuhu mehne wahchea mehne jirucura. Yuhu cãhu tiro mehne wahchea mehne jirucuja. ⁵⁷ Yu Pucu yuhure warocariro ã jirucura. Ñ jirucuro, yuhu cãhure ã jirucuchu yoara. Ñ jia yuhure ã jirucurirore masa chaa, Cohamacu mehne mhanopu ã jirucuahca tina cãhu. ⁵⁸ Ahrita jira mhanopu taa chaa. Mari ñchusuma cjiri maná wama tia ti churi cjiri yoaro sehe jierara ahri chaa. Tina sehe tí chaa chupahta yariaa wahaa tiha. Ahri chaa sehere churiro mhanopu ã jirucurohca —nire Jesu.

⁵⁹ Capernaupu judio masa sã buheri wahuí Jesu buhero, ãta ni yahure.

Jesu buheare tuhona mhanopu ã jirucunahca mari

⁶⁰ Payu Jesure cahmaina to ã ni buheare tuhoa, ò sehe ni durucure:

—Ahri buhea nucu mijona. Ñ jina mari tuho duaera cureja —ni durucure tina ti basi.

⁶¹ Ti ã nichu Jesu sehe ti durucure masire. Ñ masino tiro ò sehe ni siniture tinare:

—¿Ahri buheare tuhona suajari musa? ⁶² ¿Yuhu masano Cohamacu warocariro mhanopu yu tjuaa wahachu ñna dohse ni tuhotubocari musa? ⁶³ Espiritu Santo masanore catichu yoara. Masa sehe ti basi catichu yoerara. Espiritu Santo masare to catichu yoariro seheta yu buhea sehe musare Cohamacu mehne ã jirucuchu yoara. ⁶⁴ Cãina musa mehne macaina ne yuhure wacũ tuaerara —nire Jesu.

Wahmanopure Jesu tirore wacũ tu-aerainare masire. Tirore ñu tuhtiinare ñohtiro cãhure masi tuhsure. Ñ tirore wacũ tuaerainare masino “Cãina musa mehne macaina yuhure wacũ tuaerara”, nire Jesu.

⁶⁵ Ñ ni tuhsu ò sehe ni namore:

—Ò sehe ni yahumahi musare: “Yu Pucu sehe masare yuhu sehere cahmachu yoara. To ã yoerachu masa sehe yu yaina ji masieraboa”, musare nii nimahi —nire Jesu.

⁶⁶ To ã ni buhechu tuhoa payu Jesure cahmamarina cjiri tirore cohã, tiro mehne pari turi wahaerare. ⁶⁷ Ti ã yoachu ñno Jesu sãre doce to buheinare ò sehe ni siniture:

—¿Musa cãhu yuhure cohãnahcari? —ni siniture sãre.

⁶⁸ To ã nichu Simo Pedro ò sehe ni yuhtire tirore:

—Puhtoro, sãre paio buheriro mari-ahna. Mu ya buheare tuhona Cohamacu mehne ã jirucunahca sã. Mu ya buhea dihta tíre yahura sãre. ⁶⁹ Ñ jina sã mähure wacũ tuaja. Ñ yoa mähno noariro, Cohamacu macano to warocariro mu jichu sã masija. Ñ jina mähure cohãsi sã —nire Simo Pedro Jesure.

⁷⁰ To ã nichu tuhoro Jesu ò sehe ni yahure sãre:

—Yuhu sehe musare doce besehi. Wiho mejeta cãiro musa mehne macariro watino yairo cjihto jira —nire sãre to buheinare.

⁷¹ Ñ nino Judare Simo Iscariote macanore nino niri jire. Juda sehe doce buheina sã mehne macariro Jesure ñu tuhtiinare ñohtiro jire.

7

Jesu bahana tirore “Cohamacu macano jira”, ni masieraha

¹ Baharo Jesu Galilea yahpai tinino wahare. Judea yahpai judio masa tirore wajã duare. Ti ã wajã duach_u masino tiro tí yahpap_u wahaerare. ² Judio masa daa w_uh_usecã sã yoahti n_um_uri b_use n_um_uri mahanocã d_uhsatjiãhre. ³ ã jia Jesu bahana tirore õ sehe ni yahure:

—Judeap_u wahaga. Tóí m_u yainare Cohamac_u tuaa mehne m_u ñohtiro cjihto wahaga m_uh_u. ⁴ Masare yoa ño duac_u yaeraro cahmana m_uh_ure. Yoa ñono cahmana. Potocãta Cohamac_u tuaa mehne yoariro jic_u tíre masare ñoga —nimare tina.

⁵ To bahana jipahta Jesure “Cohamac_u mac_uno jira”, nierare. ã jia, ã nire tina tirore. ⁶ Ti ã niri baharo Jesu õ sehe ni yahure tinare:

—Masa y_uh_ure ti noano masihti pja d_uhsasinina mini. M_usa sehe ñ_u duana b_use n_um_uri jich_u waha masina. ⁷ Ahri yahpa macaina m_usare ñ_u tuhtierara. Y_uh_u ti ñaa buhirire y_u yahuch_u tina y_uh_u sehere ñ_u tuhtira. ⁸ B_use n_um_u jich_u wahaga m_usa sahsero. Y_uh_ure y_u wahahto d_uhsasinina mini. ã jic_u y_uh_u sehe b_use n_um_urine ñ_ui wahaerasinija —nire Jesu tinare.

⁹ ã nino tiro Galileai tjuare.

Jesu daa w_uh_usericã ti yoari n_um_uri b_use n_um_uri jich_u wahaha

¹⁰ B_use n_um_urip_u Jesu bahana ti ñ_una wahari baharo Jesu c_uh_u ti baharo wahare. ã waharo masa ti ñ_ueraro watoi wahare. ¹¹ B_use n_um_urihi jiina judio masa sã p_uh_utoa tirore macare:

—¿Nohop_u jicari tiro? —ni sinituha tina.

¹² ã jia masa c_uh_u Jesure pay_u yahuwajaha. Paina “Tiro noariro jira”, niha. Paina sehe “Tiro ñariro jira. Masare mahñoriro jira”, ni yahuwajaha tina.

¹³ ã nipahta judio masa sã p_uh_utoare cuia, masa ti ñ_uerarop_u Jesure yahuwajaha.

¹⁴ B_use n_um_uri dacho macai Cohamac_u w_uh_urip_u Jesu sãa s_uro, buhere. ¹⁵ To ã buhech_u sã coy_uea judio masa t_uho c_uaa waha, õ sehe nire:

—¿Ahriro buherop_u buhemahnoerariro jiparota dohsearo noano masi pahñonocajari? —nire tina tirore.

¹⁶ Ti ã nich_u Jesu õ sehe ni yahure tinare:

—Y_u buheri cjiri y_u ya durucua jierara. Y_uh_ure warocariro ya durucua sehe jira ahri buhea. ¹⁷ Cohamac_u cahmaare yoa duaina y_u buhea sehere Cohamac_u ya durucua ti jich_u masiahca. Y_u m_u s_uro y_u buherach_u c_uh_ure masiahca tina. ¹⁸ Cãiro to m_u s_uro to masia mehne buheriro jiro “Y_uh_u dihtare ño payoga”, niriro jira tiro. Wiho mejeta y_uh_ure warocariro sehere m_usa ño payoch_u cahmaja y_uh_u sehe. Y_u ã nich_u t_uhona “Potocã durucuriro jira tiro. Ne mahñoerara”, ni masinahca m_usa.

¹⁹ ‘Cohamac_u dutiare Moise cjiro sehe c_uã tiha m_usare. To ã c_upach_uta m_usa jipihtina tí dutia sehere ne y_uhtierare. ¿Dohseana y_uh_ure wajã duajari m_usa? —nire Jesu sã coy_uea judio masare.

²⁰ —M_uh_u t_uho masierariro, wat_uno to cohtotariro jira. M_uh_ure wajã duaina mari-ahna —ni y_uhtire tina Jesure.

Ti ã nich_u Jesu õ sehe ni y_uhtire:

²¹ —Sori n_um_u Sabado jich_u c_u tahata Cohamac_u tuaa mehne dohatiriro to dohatiare y_u cohãch_u m_usa ñ_u c_uaa wahare.

²² Mari ñ_uch_us_uma cjiri panop_u macaina sehe ti pjac_ure mahanocã cahsarocãre yihsoina ti yoariro seheta Moise cjiro yihso dutiha. To ã dutich_u Sabado mari sori n_um_u jipach_uta mas_uno_ure to pjac_ure mahanocã cahsarocãre yihsoira m_usa.

²³ Sabado jich_u mas_uno_ure to pjac_ure mahanocã cahsarocãre yihsoira m_usa, Moise cjiro dutiri cjirire yoana tana. ¿M_usa c_uh_u Sabado dachoi tíre yoapanahata tí dachoi dohatirirore jipihtia to pjac_ure noariro y_u yoach_u ñ_una dohseana y_uh_u mehne suari m_usa? ²⁴ Y_u yoarire m_usa noano masierapanahata, y_uh_ure ñano t_uhotuena tjiga. M_usa noano masiri baharo y_uh_ure m_usa t_uhotua potocã tjahca —nire Jesu.

Jesu wahmanop_u to tariroro yahuha

²⁵ To ã ni yahuri baharo mahainacã Jerusalē macaina tirore õ sehe ni yahuwajare:

—¿Ahriro judio masa p_uh_utoa ti wajã duariro jierajari? ²⁶ ã tirore ti wajã duapach_uta jipihtina panoi masare buhero nina tiro. Wiho mejeta tirore wajã duaina jipahta ã ñ_unocahna. “Tiro potocãta Cristo jira”, ¿ni t_uhotubocari p_uh_utoa

sehe? ²⁷ Wiho mejeta ahriro Jesu to tarirore sã masija. Cristo sehe masare yuhduchũ yoah tiro to tachũ to tariro sehere masimahnoerara. ã jiro masare yuhduchũ yoah tiro Cristo waro jierara Jesu —ni yahuwajare tina Jerusalẽ macaina.

²⁸ Ti ã niare masino, Jesu õ sehe ni tuaro sañurucu buhere Cohamacũ wahuĩ:

—Yuhũre õ sehe ni tuhutura mũa: “Tirore masija. ã jina to tariro cãhũre masija”, ni tuhutumana mũa. Mũa ã ni tuhutupanahta yuhũre warocarirore ne masierara mũa. Yuhũre warocariro potocã niriro, potocã yoariro jira. Tirore ne masierara mũa. ²⁹ Tirota yuhũre warocare. ã jicũ tiro cahapũta tahi. ã jicũ yuhũre sehe tirore masija —nire Jesu judio masare.

³⁰ To ã nichũ tuhõa tirore ñaha duamare. Ti ã ñaha duapachũta Jesu to ñano yuhduhti pja duhsasinire. ã jia tina tirore ñaha masierare. ³¹ Paina masa sehe payũ tirore wacũ tua, õ sehe nire:

—Ahriro Jesu sehe payũ tahari Cohamacũ to tuua mehne yoa ño tuhsũre. Jipihtina paina yuhdoro Cohamacũ tuua mehne yoa ñohna tiro. ã yoarota Cristo Cohamacũ to warocariro tjira ahriro Jesu —nire Jesure wahma wacũ tua ducaina.

Fariseo curua macaina Jesure peresu yoa dutiha

³² Masa Jesure ti ã ni durucuchũ tuhõa sacerdotea puhto, fariseo curua macaina mehne Jesure ñaha dutia warocaha surarare.

³³ ã jiro Jesu judio masare õ sehe nire:

—Mahaa dachoricã mũa mehne jisinihca. ã jicũ baharocãta yuhũre warocariro cahapũ wahaihca. ³⁴ Yũ jihõpũ mũa waha masierara. ã jina yuhũre macapanahta ne bocasi mũa —nire Jesu judio masare.

³⁵ To ã nichũ tuhõa tina ti basi õ sehe ni durucure:

—¿Ahriro ã nino nohopũ wahabocari, mũa tuhõtuchũ? ¿Griego masa cahai judio masa waha siteina ti jia macari cjiripũ griego masapũre buhero wahabocari ahriro? ³⁶ “Yũ jihõpũ mũa waha masierara. ã jina mũa yuhũre macapanahta ne bocasi”, to nichũ ¿dohse nino baro ahriro ã nijari? —ni durucure judio masa ti basi.

Caticũ yoaa marine yahuha Jesu

³⁷ Bose namũri pihtiri dacho tí dacho waro jiro nire. Tí dachoi Jesu tói ducuro, tuaro mehne sañurucu õ sehe ni yahure:

—Ñahma yapioina core ti tuaro cahmano seheta jipihtia dachoripe Cohamacũ mehne mũa jihtire tuaro cahmaina yuhũre siniga. Mũa ã sinichũ Cohamacũ yaina mũsare ji dutihtja. ³⁸ Yuhũre wacũ tuainare õ sehe ni joaa tiha Cohamacũ yare ti joari tjui: “Mári pohtaripũ caticũ yoaa co to ã wijaarucuro seheta Cohamacũ yaina mehne caticũ yoariro ã jirucurohca”, ni joaa tiha Cohamacũ yare ti joari tjui —ni yahure Jesu judio masare.

³⁹ ã caticũ yoarirore wama payo yahuro “Yuhũre wacũ tuainare Espiritu Santo sãarũcũ sũ mũa waharohca”, nino nire Jesu. Tiro muanopũ to mũajaerasinichũ Espiritu Santo sehe wihierasiniha.

Judio masa puã curua tju waha

⁴⁰ Jesu to ã nichũ tuhõa, masa payũ õ sehe ni durucure:

—Ahriro potocãta Cohamacũ yare yahu mũhtariro mari cohtariro jira —nire masa.

⁴¹ Õ sehe nire paina sehe:

—Ahriro Cristo marine yuhduchũ yoah tiro jira —nire.

Paina sehe õ sehe nire tjoa:

—Cristo taro, Galilea yahpa macariro jisi tiro. Ahriro Jesu sehe tó macariro tjira. ⁴² Cristo Davi cjiro panamino ji turariro jirohca. ã jiro Davi ya maca cjiroi Belẽi Cristo masa bajuarohca. Õ seheta ni yahura Cohamacũ yare ti joari pũi. Ahriro Jesu sehe Belẽi masa bajueraha. ã jiro tiro Cohamacũ to warocariro Cristo waro jierara —nire tina.

⁴³ ã jia Jesure tuhõmarina cjiri tju ware ti basi puã curua. ⁴⁴ Mahainacã masa sehe Jesure ñaha duamare. ã ñaha duapahta tirore ñahaerare.

Judio masa puhto Jesure ne wacũ tuaeraha

⁴⁵ ã yoa surara sacerdotea puhto cahapũ fariseo curua macaina cahapũ tjuaa wahaha. Ti tju sũchũ ñua tina surarare sinituha:

—¿Dohseana Jesure ñahaerari m̄usa? —ni sinituha tina sehe.

⁴⁶ —Tiro noaputiaro durucuriro jihre. Paina tiro yoaro sehe durucuina ne mari-ahna —ni yuhtiha surara tinare.

⁴⁷ Ti ã nichu fariseo curua macaina sehe õ sehe ni yahua:

—¿M̄usare to mahñochu “Potocã nino nica”, niri m̄usa c̄hu? ⁴⁸ Mari puhto Jesure wacũ tuaeraina jia ne tirore cahmaerare. Sã c̄hu ã jina tirore cahmaeraja. ⁴⁹ Ahrina masa sehe Cohamacu dutiare Moise cjirore to c̄hire masierara. ã masieraina jia Jesure wacũ tuaina jia tirore cahmana. Ti ã cahmari buhiri tinare Cohamacu buhiri dahrerohca —niha fariseo curua macaina.

⁵⁰ Fariseo curua macariro Nicodemo Jesure s̄h̄duro s̄riro cjiro tói jiha tina mehne. Ti ã nichu t̄horo õ sehe niha tiro c̄hu tinare:

⁵¹ —Jesu to ñano yoarire masieraja mari. ã masierana tiro marine to yahuhto pano tirore buhiri dahre masieraja mari. ã masierapanahata tirore buhiri dahrena, mari ya dutiare yuh̄dūcana nija mari —niha Nicodemo tinare.

⁵² To ã nichu t̄hoa õ sehe ni yuhtiha tina:

—¿M̄hu c̄hu tiro yoaro seheta Galilea macariro tjijari? Cohamacu yare ti joari tjure buhe pahñoa. ã buhecu, “Cohamacu yare yahu m̄htaina ne c̄iro mariaha Galileare”, ni buhe masiica m̄hu. ã jiro ã nimacanocano nina Jesu —ni yuhtiha tina Nicodemore.

⁵³ [Ti ã niri baharo ti ya w̄h̄sep̄u tjuaa wahaha.

8

M̄no mehne ñano yoaricorore judio masa puhto wacũenoca s̄u p̄jaha

¹ Jesu t̄cup̄u Olivo wama tid̄cup̄u wahare.

² ã yoa pa dachoi bohrearo jichu Cohamacu w̄h̄p̄u tiro sare tjoa. To ã s̄chu ñhu masa payu tiro cahai cahmachure. Ti ã cahmachuchu ñno tiro sehe d̄ujitjiãhno tinare buhe d̄ucare. ³ To ã buhero watoi sã coyera judio masa buheina, fariseo curua macaina mehne tí w̄h̄p̄u numinore na tare. Ticoro m̄no mehne to ñano yoachu waro wacũenoca s̄u p̄jaha tina ticorore.

ã s̄u p̄jaha s̄u ticorore Cohamacu w̄h̄p̄u na sãare tina. Na sãa s̄u tuhsu jipihtina panoi ticorore duhu dapo, ⁴ õ sehe nire:

—Buheriro, ahricoro m̄no mehne ñano to yoachu waro wacũenoca ticorore s̄u p̄jaha s̄hi. ⁵ Cohamacu dutiare Moise cjiropu marine to c̄uri õ sehe nina: “M̄no mehne ñano yoaricorore tãa mehne doca, wajãga”, nia tiha Cohamacu dutia. M̄hu waro, ¿dohse ni t̄hotujari ahrire? —ni siniture tina Jesure.

⁶ Jesu to ñano nichu t̄ho duaa nimare tina tirore yahusa duaa. Ti ã sinitupachuta Jesu sehe puhsa nuju s̄u, yahpapu to wamo pica mehne joare. ⁷ ã jiro ã ti ni siniturucuchu Jesu sehe wahcãruca, tinare õ sehe ni yahure:

—M̄usa mehne macariro ñano yoarariro sehe ticorore tãa mehne doca m̄htajaro —nire Jesu.

⁸ ã ni tuhsu pari turi tiro puhsa nuju, yahpapu joare tjoa. ⁹ Tíre t̄hoa ti ñaa yoarire wacũa, ti wahmisuma sehe wijaa m̄htare. Ti baharo tina mehne macaina c̄hu wijaa pihia wahare. ã ti wijaa pihitari baharo numino tói ducuricoro Jesu mehne tjuare. ¹⁰ ã jiro Jesu wahcã nuju s̄u, ticorore õ sehe ni sinitu ñure:

—¿Nohopu wahari tina? ¿M̄hure buhiri dahre duamarina mariajari mipure? —nire ticorore.

¹¹ —Mariahna, puhtoro —ni yuhtire ticoro.

—Ȳhu c̄hu buhiri dahreraja m̄hure. Wahaga. ã jico ñaare yoa namoeco tjiga —nire Jesu ticorore.]

Buhriaro marine to ñhu masichu yoaro seheta Jesu ahri yahpa macainare Cohamacure masichu yoara

¹² Pari turi Jesu tí w̄h̄p̄u jiinare õ sehe ni yahure:

—Buhriaro marine to ñhu masichu yoaro seheta ȳhu ahri yahpa macainare Cohamacure masichu yoaja. Ȳhure wacũ tuariro jipihtia dachoripe Cohamacu mehne ã jirucurohca. ã jiro tiro noaare wacũnohca. ã yoa tiro ñaare wacũ duasi —ni yahure Jesu.

¹³ To ã nichu tirore fariseo curua macaina õ sehe nire:

—Muhu mu basi mu jia tiare ã ni durucui nina. Æ jia mu õ sehe ni, mu mu saro mu nimacanocachu tí yaba cjihti jierara —nire tina Jesure.

¹⁴ Ti ã nichu Jesu õ sehe ni yuhtire:

—Yu tarirore masija yuhu. Yu wahahto cãhure masija yuhu. MUSA sehe ne tíre masierara. MUSA õ sehe nipachuta yu jia tiare musare yu yahuri potocã tjira. ¹⁵ MUSA mu saro MUSA ñari dihtare masina MUSA. Æ jina noano masierara MUSA. Æ masierapanahta yuhure ñano ni durucura MUSA. Yuhu sehe yu mu saro masare ne ã nieraja. ¹⁶ Æ jicu masa ti jia tiare ñu masicu yu mu saro ñu masieraja. Yuhu pini yu PUCHU yuhure warocariro mehne ñu masija. Æ jicu masa ti jia tiare yu ñu masia tí potocã tjira. ¹⁷ Musare dutia ti joari pui õ sehe ni yahura: “Puharo masa cãno potori ti yahuchu ti yahua potocã tjira”, ni yahu joari jira. ¹⁸ Yuhure yahuriro mehne sã puharo tjija. Yuhu yu jia tiare yahuja. Tuhsu, yu PUCHU cãhu yahura yuhu sehere. Tirota jira yuhure warocariro —nire Jesu.

¹⁹ —¿Nohoru jicari mu PUCHU? —ni siniture tina.

—Yuhure MUSA masierara. Yu PUCHU cãhure masierara MUSA. Yuhure masina, yu PUCHU cãhure masiboa MUSA —ni yuhtire Jesu tinare.

²⁰ Jesu tinare buhero ã ni durucure Cohamacu wahu ti niñeru duhu sãa caa poca cahai. To ñano yuhduhti pja duhsasinire. Æ jia tina mehne to jipachuta tina tirore ñahaerare.

“Yu wahahtopure MUSA sehe waha masisi”, niha Jesu

²¹ Pari turi Jesu tinare õ sehe ni yahure tjoa:

—Yu tariropu wahaicha. Yu wahari baharo yuhure macanahca MUSA. Æ jina MUSA ñaa buhiri tiina yarianahca. Yu wahahtopure MUSA sehe waha masisi —ni yahure Jesu.

²² —“Yu wahahtopure MUSA sehe waha masisi”, ¿to nichu tuhoa ahriro to basi wajã yariarohcari ã nino? —nire sã coyea judio masa ti basi.

²³ Ti basi ti ã nichu masino õ sehe ni yahure Jesu tinare:

—MUSA sehe ahri yahpa macaina jira. Yuhu sehe muano macariro jija. Ahri yahpai bajarina jira MUSA sehe. Muanopu tariro jija yuhu sehe. ²⁴ MUSA yu jia tiare yu nirire “Potocã jierara” nina, MUSA ñaa buhiri tiina yarianahca MUSA. Æ jicu “MUSA ñaa buhiri tiina yarianahca MUSA”, nimahi musare —nire Jesu tinare.

²⁵ —¿Noa baro jijari muhu? —ni siniture tina.

—Wahmanopure yu nirucuriro se-heta jija yuhu. ²⁶ Musare yu yahuhti pjíro duhsasinina. Tuhsu, MUSA ñano yoari buhirire musare yu yahuhto cjihto pjíro duhsasinina mini. Æ jicu yuhure warocariro to yahuri cjirire ahri yahpa macainare yahuja. To yahuri potocã tjira —nire Jesu tinare.

²⁷ “Yuhure warocariro”, to nichu tuhoa “Mari PUCHU jica”, ni tuhotuerare tina. ²⁸ Ti ã ni tuhotuerachu ñano Jesu õ sehe ni yahure tinare:

—Yuhure masunore Cohamacu warocarirore MUSA yucucu taño mehne wahcõ daponahca. MUSA ã yoana, “Tiro Cohamacu warocariro tjira”, ni masinahca. Æ jina yu mu saro yu yoerariro yu jia tiare masinahca MUSA. Æ jina yu PUCHU yuhure to buheri dihtare yahuriro yu jia cãhure masinahca MUSA. ²⁹ Yuhure warocariro sehe yuhu mehne jira. To cahmaare jipihtia dachoripe yoarucuja. Æ jiro yuhure tiro ne cohãerara —nire Jesu tinare.

³⁰ To ã nichu tuhoa, tirore masa payu wacũ tuare.

Cohamacu pohnare, ñaare yoaina cãhure yahuha Jesu

³¹ Æ jia paina judio masa Jesure wacũ tuare. Æ jiro Jesu tinare õ sehe ni yahure:

—Yu dutiare yoa pahñoina jina, potocãta yu buheina jira MUSA. ³² Æ jina potocã masinahca MUSA. Potocã jiare masina, ñaa yoaare duhu masinahca. Æ jina cahamaca yoaro sehe ji namosi MUSA —nire Jesu tinare.

³³ To ã nichu tuhoa tina õ sehe ni yuhtire:

—Sã sehe panopu macariro Abrahã cjiro panamana ji turiaina jija. Æ jina ne paina ti cahamaca jieraja sã. Æ jicu “Cahamaca yoaro sehe ji namosi” nicu, ¿dohse jiro baro

sãre ã nijari mũhũ? —ni siniture tina Jesure.

³⁴ Ti ã nichũ tũhoro õ sehe nire tiro:

—Potocã mũsare niita nija. Jipihtina ñaare yoaina sehe ti ñaa yoare duhu masierara. ã jia tí ñaa sehe ti pũhtoro yoaro sehe jira. ã jiina jia cahamaca yoaro sehe jira tina. ³⁵ Cahamacũno sehe to pũhtoro ya curua macariro jipihtia dachoripe jirucuerara. ã jiro painare dutiro jierara. Tí wũhũ macariro sehe to macũno sehe jipihtia dachoripe potocãta tí curua macariro jira tiro. (Yũhũ sehe Cohamacũ macũno jija. ã jicũ dutiro jija. Mũsa ñaa yoare duhu dutihtja.) ³⁶ ã jina yũhũ Cohamacũ macũno ñaare yũ duhuchũ yoarina jina potocãta ñaare duhurina jira mũsa. (ã jina tí ñaa cahamaca yoaro sehe jĩ namoerara mũsa.) ³⁷ Abrahã cjiro panamana jĩ turiaina mũsa jichũ masija. ã jipanahta yũ yahua sehere tũho duaerara mũsa. ã jina yũhũre wajã duara mũsa. ³⁸ Yũ Pũcũ yũhũre to masichũ yoari cjiire yahuja mũsare. Yũ ã yahupachũta mũsa pũcũ watĩno mũsare to dutiare yoara mũsa cũhũ —nire Jesu tinare.

³⁹ —Abrahã cjiro panopũ macariro sã ñũchũ cjiro jia tiha. ã jiro watĩno sã pũcũ jierara —ni yũhtire tina.

Ti ã nichũ Jesu õ sehe ni yũhtire:

—Abrahã panamana jina, to yoariro seheta yoaboa mũsa. ⁴⁰ Cohamacũ yũhũre potocã to yahua mũsare yũ yahupachũta yũhũre wajã duara mũsa. Abrahã cjiro sehe ne ã yoera tiha. ⁴¹ Mũsa pũcũ to yoariro seheta yoara mũsa —nire Jesu tinare.

To ã nichũ tina õ sehe ni yũhtire:

—Wamomaca dũhtemahnoeraina pohna jieraja sã. Cũirota jira sã Pũcũ. Tirota jira Cohamacũ —nire tina.

⁴² Ti ã nichũ Jesu õ sehe ni yũhtire:

—Cohamacũ mehne macariro jicũ, õpũre tahi. ã jina Cohamacũ mũsa Pũcũ to jichũ yũhũre cahĩboa mũsa. Yũ mũ sũro taerahi yũhũ pinihta. Cohamacũ to warocachũ tahi õpũre. ⁴³ ¿Dohseana yũ durucuare tũhoerajari mũsa? Yũ yahua tũhona bihoerara mũsa. ã jina tũho duaerara mũsa.

⁴⁴ Mũsa pũcũ sehe watĩno jira. ã jina watĩno cahmaa sehere yoa duara mũsa. Ahri yahpa wahmanopũ to jĩ dũcachũpũ, mipũ cũhũre tiro masare wajãrucuro jira. Tirore potocã durucua mariaha. ã jiro tiro potocã ne durucuerara. Tiro wahmanopũre mahũno mũhta dũcariro jia tiha. ã jiro tiro ã mahũnucuro jiro, mahũoare yahura. ⁴⁵ Yũhũ sehe mũsare potocã yahuja. ã yũ yahuchũ yũhũre tũhoerara mũsa. ⁴⁶ “Mũhũ ñano yoariro jira”, yũhũre ni masierara mũsa. ¿Potocã mũsare yũ yahupachũta dohseana tũhoerajari mũsa? ⁴⁷ Cohamacũ pohna sehe to durucuare tũhoro. To pohna jierana, to durucuare tũho duaerara mũsa —nire Jesu tinare.

Abrahã cjiro to jihito pano Cristo sehe jĩ mũhta tuhsũa tiha

⁴⁸ To ã nichũ tũhoa judio masa tirore õ sehe nire:

—“Mũhũ Samaria macariro jira. ã jicũ tũho masierariro watĩno to cohtotariro jira mũhũ”, sã niri potocã tjira —nire tina Jesure.

⁴⁹ Ti ã nichũ tũhoro õ sehe ni yũhtire Jesu:

—Tũho masierariro, watĩno to cohtotariro jieraja yũhũ. Yũ Pũcũre ño payoja. Mũsa sehe yũhũre ño payoerara. ⁵⁰ Yũhũre masa ti ño payohtire macaeraja yũhũ. Yũ Pũcũ sehe masare yũhũre ño payo dutira. Tiro pinihta yũ jia tiare noano ñũ masino, ãta ño payo dutira. Tuhsũ, yũhũre ti cahmaerari buhiri buhiri dahreriro jirohca tiro. ⁵¹ Potocãta mũsare nii nija. Yũ dutiare yoariro jipihtia dachoripe Cohamacũ mehne ã jirucurohca —nire Jesu.

⁵² To ã nichũ tũhoa õ sehe nire tina:

—Mipũ pinihtare tũho masierariro, watĩno to cohtotariro mũ jichũ sã noano masija. Abrahã cjiro yariaa wahaha. Cohamacũ yare yahu mũhtaina cjiri cũhũ yaria pihtia wahaha. ã jicũ “Yũ dutiare yoariro jipihtia dachoripe Cohamacũ mehne ã jirucurohca” nicũ, ¿dohse nicũ ã nijari mũhũ? ⁵³ ¿Sã ñũchũ cjiro Abrahã yũhũdoro tuajari mũhũ? Tiro cjiro, Cohamacũ yare yahu mũhtaina cjiri cũhũ yariaa wahaha. ¿Mũhũ sehe diro baro jijari mũhũ ã ni durucucũ? Mũhũ ã niboriro jierara —nire tina.

⁵⁴ Ti ã nichu tãhoro Jesu õ sehe ni yahu namore:

—Yuhu yu basi “Tuariro jija yuhu” nicu, tuariro jieraboca yuhu. Yu Pucsu sehe “Tiro tuariro jira”, nina yuhure. “Sã yairo Cohamacu”, musa niriro sehe yu Pucsu tjira. ⁵⁵ Musa sehe yu Pucsure ne masierara. Yuhu sehe tirore masija. “Tirore masieraja” nicu, musa yoaro seheta mahñoa payariro jiboa yuhu. Potocãta tirore masija. ã jicã to dutiare yoaja. ⁵⁶ Ahri yahpapu yu tahtore mari ñachu cjiro Abrahã cjiro masia tiha. ã masino tiro wahchea tiha —nire Jesu.

⁵⁷ To ã nichu tina õ sehe ni yuhtire:

—Muhu cincuenta cuhmari cjuerasinica. Abrahã cjiro panopu macariro jira. ¿Mipure tiro cjirore muhu dohsea masiboari? —nire judio masa Jesure.

⁵⁸ —Potocã musare niita nija. Abrahã to jihto pano yuhu sehe ji muhta tuhsu tii —nire Jesu tinare.

⁵⁹ To ã nichu tuhoa tina sehe tãare na, tirore doca duamare. Ti ã doca duapachata Jesu sehe Cohamacu wahu jiriro duhti wijaa wahare.

9

Capari ñerarirore ñachu yoaha Jesu

¹ ã yoa Jesu sã to buheina mehne mahai wahana paire capari ñerarirore boca sui. Tiro wahma masa bajaroputa capari ñerariro jia tiha. ² Sã cuhu tirore ñuna, õ sehe ni sinitu ñahi Jesure:

—¿Buheriro, ahriro dohsearo capari ñerariro masa bajua tiari? ¿Ñare yoaa tiari ã waharo? ¿O to pucsuma sehe ñare yoaa tiari to ã wahachu? —ni sinitu ñahi sã sehe Jesure.

³ Sã ã nichu tãhoro õ sehe ni yuhtire tiro:

—Ahriro to ñare yoari buhiri capari ñerariro wahaerare. To pucsuma cuhu ñare ti yoari buhiri capari ñerariro wahaerare. Cohamacu sehe tirore capari ñerachu yoare tirore ñachu yoaro taro masare to ñohtire. ⁴ Yuhure warocariro to cõrire mipure yoaro cahmana yuhure. Ñamipu mari dahra masieraro seheta baharopu yuhure warocariro to cõrire yoa masieraja yuhu. ⁵ Ahri yahpapu buhriaro marine to ñu masichu yoariro seheta jiriro

jicu ahri yahpa macainare Cohamacu yare masichu yoaja yuhu —nire Jesu.

⁶ ã ni tuhsurota yahpapu chahcho puti cõre. To ã chahcho puti cõrire dahra more, capari ñerarirore to caparire wisõre. ⁷ ã wisõno õ sehe nire Jesu:

—Siloé wama tiri copai cuhsari copai mu caparire cosai wahaga —nire Jesu. (Siloé sã ya dusero mehne nia “Warocari copa”, nia nire.)

Jesu to caparire cosa dutiriro sehe waha, cosa, capari ñerarirore tju wihire. ⁸ To tju wihichu tiro cahai jiina tirore ñure. Tó pano niñeru siniriro cjiro to jichu ñarina tirore õ sehe nire ti basi:

—¿Ahriro sohõ jiriro niñeru siniriro cjiro jierajari? —nire tina.

⁹ —Tirota jira wiho —nire paina sehe.

—Tiro jierara. ã jieraparota tiro yoaro sehe bajuriro jira —nire paina.

Ti ã nichu tãhoro capari ñerariro cjiro sehe õ sehe nire:

—Tiro tjija yuhu —nire tinare.

¹⁰ To ã nichu masa tirore õ sehe ni siniture:

—¿Capari ñerariro cjiro jicu dohse waha ñari muhu? —ni siniture tina tirore.

¹¹ —Jesu wama tiriro dihta sohãare dahra more, yu caparire wisõre. Yuhure wisõ tuhsu “Siloé wama tiri copapu mu caparire cosai wahaga”, to nichu cosai suhi yuhu. Yu ã cosari baharo yu capari noano bajure yuhure —ni yahure tiro masare.

¹² —¿Muhure ã yoariro nohopu jicari tiro? —nire tina.

—Buh. Nohoi jiro jica —nire tiro.

Capari ñerariro cjirore fariseo curua macaina sinituha

¹³ ã ni durucu tuhsu tina capari ñerariro cjirore fariseo curua macaina cahapu naahre. ¹⁴ Tí dacho Jesu dihta sohãare dahra more capari ñerarirore noariro to yoari dacho Sabado dacho jire. Tí dacho sã sori numu jire. ¹⁵ ã jia fariseo curua macaina sehe tirore õ sehe ni sinituha tjoa:

—¿Dohse yoa muhu ñari? —ni sinituha tina.

—Dihta sohãa mehne yu caparire wisõhre. ã jicu yu caparire yu cosari baharo ñu ducahi yuhu —ni yahuha tiro tinare.

16 —Tiro Sabado dacho mari sori namui mari dahra dutierari namui dahrahe. A jiro tiro Cohamacu yairo jierara —niha paina fariseo curua macaina sehe.

Paina sehe o sehe niha:

—Naare yoariro o sehe noariro wahachu yoa masierara. A jiro tiro noariro jiboca —niha paina.

A jia tina pua curua ti basi tju waha. 17 A jia pari turi tina capari nuerariro cjirore o sehe ni sinituha tjoa:

—¿Muhare mu caparire noano yoarirore muhu waro dohse ni tujari Jesure? —niha tina tirore.

—Tiro potocata Cohamacu yare yahu mhtariro jira —niha capari nuerariro cjiro.

18 Wahmanopure judio masa o sehe ni tujumaha: “Ahriro capari nuerariro cjiro jierara”, ni tujumaha tina. A ni tujua capari nuerariro cjiro pucsumare pjirocaha tina. 19 Pjiroca tuhsu, to pucsumare o sehe ni sinituha fariseo curua macaina puhto:

—¿Ahriro potocata masa macu jijari? ¿Doihta tiro capari nuerariro masa bajuari? ¿Potocata capari nuerariro cjiro jiparota dohsearo njari mipure? —ni sinituha tina to pucsumare.

20 —Ahriro sa macata jira. A yoa doihta capari nuerariro masa bajua tire tiro. 21 Tire masipanahta to nure, tirore nuhu yoariro cuhare masieraja sa. Sa macure sinituga. Bucuro jira tiro. Tiro to basi yahu masina —niha to pucsuma.

22 Judio masa sa puhto wahmanopure o sehe nia tiha:

—“Jesuta Cristo Cohamacu warocariro jira”, niinare mari buhea wuhsepu sa dutisi sa —nia tiha judio masa puhto.

Ti a nichu tuhoa capari nuerariro cjiro pucsuma sehe judio masa puhtoare cui niha. 23 A cuia, “Bucuro jira tiro. Tiroreta sinituga”, niha tina judio masa puhtoare.

24 Baharo judio masa sa puhto pari turi capari nuerariro cjirore pjirocaha tjoa. Pjiroca tuhsu, o sehe niha tirore:

—Cohamacu mehne poto yahuga muhu. Jesure mahnoriro to naa yoariro jichu sa

masija. A jicu poto yahuga sare —niha judio masa capari nuerariro cjirore.

25 Ti a nichu tuho o sehe ni yuhtiha tiro: —Jesure to naa yoariro to jichu masieraja yuhu. Cunota masija yuhu. Panopure capari nuerariro jia ticuru yuhu. Mipu sehere nja yuhu. Ti dihtare masija yuhu —ni yuhtiha capari nuerariro cjiro tinare.

26 —¿Dohse yoari muhare tiro? ¿Mu capari nuhto cjihtore dohse yoari tiro muhare? —ni sinituha tina tjoa.

27 —Tireta musare yahu tuhsumahicu yuhu. Yu a ni yahupachata masa ne tuho duaerare yuhare. ¿Dohse yoa duana pari turi yu yahuchu tuho duajari masa? ¿Masa cuhu to buheina ji duajari? —niha tiro tinare.

28 To a nichu tuhoa tina tuhtiha tirore: —Muhu Jesu buheriro jira. Sa sehe Moise cjiro buheina jia. 29 Potocata Cohamacu Moise cjirore durucua tiha. Jesu to tarirore sa masieraja —niha tina capari nuerariro cjirore.

30 Ti a nichu o sehe ni yuhtiha tiro: —¿Tiro to tarirore masa masierachu yuhare nuhu yoariro jiro Cohamacu warocariro jierabocari tiro? 31 Cohamacu naa yoainare ti siniare tuhoerara. Ti pinihtare mari masija. Tinare tuhoeraparota Cohamacure no payorirore, to dutiare yoarirore to siniare tuhora Cohamacu. 32 Wahmanopure ahri yahpa to ji ducachupure ne coa masa bajuaropu capari nuerarirore ne cuiro baro nuhu yoariro mariea tiha. 33 A jiro Jesu Cohamacu warocariro jieraro yuhare nuhu yoeraboa tiro —niha tiro tinare.

34 —Muhu doihta nariro jia tiha. ¿A jipacata sare buhe duajari muhu? —niha judio masa sa puhto tirore.

A ni tuhsata tina tirore cohã wionocaha.

Jesu yare cahmaeraina capari nueraina ti nu masieraro sehta Cohamacure masierara

35 A yoa capari nuerariro cjirore ti cohã wiorire Jesu tuho. A tuho capari nuerariro cjirore boca suru, tirore o sehe ni siniture:

—¿Masunore Cohamacu warocarirore wacu tuajari muhu? —nire Jesu.

³⁶ —¿Puhatoro, noa jijari tiro? Tirore masichu wacū tuaihtja tirore —nire capari ñherariro cjiro Jesure.

³⁷ —Tirore ñu tuhsare mahu. Mipure mahu mehne durucuriro tiro tjija yuhu —nire Jesu capari ñherariro cjirore.

³⁸ —Puhatoro, mahure wacū tuaja —nire capari ñherariro cjiro.

Ñ ninota tiro Jesu panoi na tuhcuca caha su, tirore ño payore.

³⁹ To ã ño payochu ñuno ò sehe nire Jesu: —Noaina, ñaina cūhu ti yoarire masichu yoai tai ahri yahpapore tahi. Capari ñheraina ti ñu masieraro sehetā tina yoaro sehe jiina yu Puchure masierara. Ñ masierainare yu Puchure masichu yoai tai tahi yuhu. “Sā noano masija”, ni tuhhotumarina noano ti masierarire masichu yoai tai tahi yuhu —nire Jesu.

⁴⁰ To ã nichu tuhōa mahainacā fariseo curua macaina tirore ò sehe nire:

—“Capari ñheraina ti ñu masieraro sehetā noano masierara musa cūhu”, ¿nii nijari mahu säre? —nire fariseo curua macaina Jesure.

⁴¹ Ti ã nichu Jesu ò sehe nire:

—Capari ñheraina ti ñu masieraro sehetā potocā musa noano masierachu, musare buhiri mariaboa. “Sā noano masiina jija”, musa niri buhiri buhiri tiina jisninina musa mipure —nire Jesu tinare.

10

Ovejare ñu wihboriro quitire yahuha Jesu

¹ Baharo quitī mehne piti dahre buhero taro ò sehe nire Jesu:

—Potocāta nii nija musare. Ovejare wihbori sahrīno sopacai sāaerariro, sopaca marienopu sāariro sehe yaca buchuro jira. ² Sopacai sāariro sehe ovejare ñu wihboriro jira. ³ Sopacare cohtariro sopacare pjōhna ovejare ñu wihboriro to sāahto sehe. Ovejare ñu wihboriro to durucuchu taho tara to nuina oveja peri. Tinare pjirocaro, ti wama mehne pisurocarucura tiro. Ñ yoaro tinare sahrīnopu jīinare pji wiorucura sopacapu. ⁴ To yainare jipihtinare pji wio tinare mu tārucura. Oveja sehe

to durucuarē masia, to baharo nūnu tirucura. ⁵ Pairore ti masierarirore nūnu tierara tina. Ñ jia paina ti durucuarē taho, cui murocaā wahara —nire Jesu tinare.

⁶ Ahri quitire to ã yahupachata to yahuare taho ñahaerare tina.

Jesu ovejare noano ñu wihboriro yoaro sehetā to yainare noano ñu wihbora

⁷ Pari turi Jesu tinare ò sehe ni yahure tjōa:

—Potocāta musare nii nija. Ovejare wihbori sahrīno sāari sopaca yoaro sehe jija yuhu. ⁸ Jipihtina yu pano tarina quihōno yu durucuarē buheraina, ovejare ñu wihbo mahñoina yacaina yoaro sehe jira. Ti ã jipachata yu yaina sehe oveja yoaro sehe jiina painare ne taho wahcāerara. ⁹ Yuhu ovejare wihbori sahrīno sāari sopaca yoaro sehe jija. Ti sopacai sāaina yoaro sehe tjira yuhure wacū tuaina. Ñ jichu yuhu tinare pichacapu wahaborinare yuhdūchu yoaihtja. Oveja sehe tinare ñu wihboriro mehne ti cahmaare bocaro yoaro sehetā yu yuhdūchu yoaina cūhu yuhu mehne ti cahmaare bocaahca. Yuhu tinare noano ducata, noano ñu wihboihca —nire Jesu.

¹⁰ Ñ ni tuhsu ò sehe ni namore:

—Musare mahñoare buheina, ovejare ñu wihbo mahñoina sehe ovejare yacaina yoaro sehe jira. Yacaa taa, wajāa taa, dojomehnea taa tara tina. Wiho mejeta yuhu sehe yu yainare, oveja yoaro sehe jīinare, tuaro waro ti wahchea mehne ã catirucuchu yoai tahi. ¹¹ Ovejare noano ñu wihboriro yoaro sehe jija yuhu. Ovejare noano ñu wihboriro tinare noano ducata, to yariahtore ne cuierara. Tó yoaro sehetā yuhu cūhu yainare noano ducata, yariahca, tinare ne soro wahaerāto sehe. ¹² Oveja puro cahamacūno sehe potocā ovejare ñu wihboriro jierara. Ñ jia oveja to yaina jierara. Ñ jiro yairo ovejare to churo tachu ñuno to cahamacūno sehe ovejare cohā cūnoca, murocaā wahara. To ã cohā cūri baharo, yairo ovejare to ñahachu ñua oveja peri muroca site wahcāā wahara. ¹³ To cahamacūno sehe to wapataa dihtare cahmana. Ñ jiro tiro ovejare noano ñu wihbo ji coaerara —nire Jesu.

¹⁴ Ñ ni tuhsu ò sehe ni namore:

—Ovejare noano ñu wihboriro yoaro sehe jija yuhu. Ñ jicu yu yainare masija yuhu. Ñ jia yu yaina sehe yuhure masina. ¹⁵ Tó seheta yu Pucu cãhu yuhure masina. Ñ jicu yuhu cãhu yu Pucure masija. Oveja yoaro sehe jiina yu yaina Cohamacu mehne ti ã jirucuhti cjihtire yariaihca yuhu. ¹⁶ Paina oveja pa sahrĩno macaina yoaro sehe jiina paina masa cãhu yu yaina jiahca. Tina cãhure naaihca. Ñ jia yu durucuchu tũho wahcãahca tina cãhu. Ñ jia yu yaina jipihtina cã curuata jiahca. Ñ jicu yuhu dihta yu yainare ñu wihboihca —nire Jesu.

¹⁷ Ñ ni tuhsu õ sehe ni namore:

—Yu yaina Cohamacu mehne ti ã jirucuhti cjihtire yariaihca. Yu yariari baharo masa mujaihca. Yu ã yoah tiro jichu yu Pucu yuhure cahĩna. ¹⁸ Yu wajã dutierachu yuhure wajã masieraboa tina. Yu cahmano seheta yuhure wajãahca. Ñ jicu yu yaina Cohamacu mehne ti ã jirucuhti cjihtire yariaihca. Yaria masija yuhu. Ñ yoa masa mija masija. Yu Pucu yuhure tíreta yoa dutire —nire Jesu.

¹⁹ To ã nichu tũhoa judio masa pua curua tju ware. Paina soro tũhotu, paina cãhu soro tũhoture:

²⁰ —Tiro watĩno to cohtotariro jira. Ñ jiro tũho masierariro jira. ¿Dohseana tirore pari turi tũhojari masa? —nire paina payu judio masa.

²¹ Paina sehe õ sehe nire:

—Watĩno to cohtotariro jiro ã ni durucueraboa. Capari ñuerarirore ñuchu yoa masierara watĩno to cohtotariro. Ñ jiro jiro tiro watĩno to cohtotariro jierara —nire paina judio masa.

Judio masa Jesure cahmaeraha

²² Pa dachoi sã coyea judio masa Jerusalẽi bose numuri yoaa nire pari turi. Cohamacu wuhure panopu tirore ti wari cjihtire ti wacũhti dachori jire. Tí pjare puhiro jire. ²³ Tí dachoi Salomo wama tiri tahtiapu Cohamacu wuhui jiri tahtiapu Jesu ñu tinino nire. ²⁴ Tí tahtiapu to jichu ñua sã coyea judio masa tiro cahapu cahmachu, tirore õ sehe ni siniture:

—Yoaputiari pja sãre noano yahueraca mahu. Poto sãre noano yahu bahrañoga

mahu. ¿Cristo Cohamacu to warocariro tji-jari mahu? —nire tina Jesure.

²⁵ Ti ã nichu tũhoru õ sehe ni yuhtire Jesu:

—Musare yahu tuhsamajacu yuhu. Yu ã yahupachuta yuhure tũho duaerare masa. Yu Pucu yuhure to dutiriro seheta to tuua mehne yoa ñoja. Ñ yoacu yu Cristo jiarera musare ñoi nija. ²⁶ Yu ã ñopachuta yuhure tũho duaerara masa. Musa sehe yu yaina jierara. Ñ jina paio yaina oveja yoaro sehe jiina jina, yuhu sehere tũhoerara masa. ²⁷ Ovejare ñu wihborirore to yaina ti tũhoriro seheta yuhu cãhure yu yaina tũhora. Ñ jicu yu yainare masija yuhu. Ñ jia tina yuhu mehne wahara. ²⁸ Ñ jicu jipihtia dachoripe Cohamacu mehne ã catirucuchu yoaja tinare. Ñ jia tina sehe pichacapu ne wahasi. Ñ jia yu yainare yu ñu wihbochu paina sehe ne cãirore yuhure ma masierara tinare. ²⁹ Ñ yoa yu Pucu yu yainare yuhure wariro jipihtina yuhoro tuariro jira. Ñ jiro yu Pucu sehe yu yainare to ñu wihbochu, ne cãiro tiro cãhure ma masierara tinare. ³⁰ Yuhu yu Pucu mehne cãirota jija —nire Jesu judio masare.

³¹ To ã nichu tũhoa judio masa sehe tirore ti doca wajãhti tãare pari turi namare tjao.

³² Ti ã yoachu ñuno Jesu õ sehe ni siniture tinare:

—Yu Pucu ya tuua mehne payu tahari yoa ñomahi musare. ¿Di baro sehere yu yoari buhiri yuhure tãa mehne doca wajã duajari masa? —ni siniture Jesu.

³³ To ã nichu tũhoa õ sehe nire tina:

—Cohamacu tuua mehne mu yoa ñori buhiri mahu tãa mehne doca wajã duaeraja sã. Cohamacure mu ñano durucuri buhiri mahu tãa mehne doca wajã duaja sã. Masuno jipaihta “Cohamacu jija yuhu”, mu nia buhiri mehne mahu tãa mehne doca wajã duaja sã —ni yuhtire tina.

³⁴ Ti ã ni yuhtichu tũhoru Jesu tinare õ sehe ni yahure:

—Musa cãhure “Cohamana”, ni pisure Cohamacu. Ñta ni joaa tiha to dutiare ti joari pui. ³⁵ Cohamacu yare ti joari pu quihõno to jichu mari masija. “Mahñoa jira”, tí pũre ni masieraja mari. Ñ jiro to yare masiinare potocãta tiro “Cohamana”, ni pisura. ³⁶ Cohamacu yuhure besetjãhno,

ahri yahpapure warocare. ã jicu yuhu “Cohamacu macuno jija”, yu niri buhiri “Cohamacure ñano durucuro nina Jesu”, nina musa yuhure. ¿Dohseana yuhure ã nijari musa? ³⁷ Yu Pucu to cahmariro seheta to tuaa mehne yu yoa ñoerachu pinihtare yu buherire “Potocã tjira”, nieraboca musa. ³⁸ Yu Pucu to tuaa mehne yu yoa ñopachuta yuhu sehere tuho duaeraboca musa. ã tuho duaerapanahta to tuaa mehne yu yoa ñochu ñuna yu yoarire “Potocã tjira”, niga musa. Musa ã nina, yu Pucu mehne sã cãno potori sã jichu masinahca musa. ã jina yuhu yu Pucu mehne cãno potori yu jichu masinahca musa. ã jina tuho ñahanahca musa —nire Jesu tinare.

³⁹ To ã nichu tina pari turi tirore ñaha duamare. Ti ã ñaha duachu ñano tiro duhti wijaa wahare.

⁴⁰ ã wijaariroputa João masare to bautisa mahtariporu Jordão sie sehery pari turi wahare tjoa. Tõpu sũro tjuanocare tiro. ⁴¹ ã jia masa payu tirore ñaha sare. Õ sehe nire tina ti basi:

—João sehe Cohamacu tuaa mehne yoa ñoerare. ã to yoa ñoerapachuta jipihtia Jesure to yahuri cjiri sehe potocãta jira —nire masa ti basi.

⁴² ã jia tõpũre masa payu wacũ tua dũcare Jesure.

11

Lázaro wama tiriro yariaa wahaha

¹ ã yoa cũiro Lázaro wama tiriro to wahmiosãnumia María, Marta cãhu mehne Betania wama tiri macai jia tire. Tiro cãnumu dohatia wahari jire. ² Tiro wahmiono María sehe baharo Jesu to dahporire me sitia wisõ, to pjoari mehne tirore pahã cohãhticoro jiri jire. ³ ã yoa to dohatia wahachu ñaha, to wahmiosãnumia sehe painare Jesure yahu dutirocari jire:

—Puhtoro, mu cahĩriro dohatiro nina —ni yahu dutirocari jire Lázaro wahmiosãnumia.

⁴ Tĩ quitire tuhorõ ã sehe nire Jesu:

—Mipũre Lázaro to dohatia to yariahti cjihti jierara. Cohamacu tuaare masare ñohti cjihtire mipũre tiro dohatira. ã

jia yuhu to macuno tuariro yu jia cãhure ñahca masa —nire Jesu.

⁵ Jesu Martare, to bahoro cãhure, Lázaro cãhure tuaro cahã tire. ⁶ ã nino Lázaro dohatiriro to jichu tuhoparota tõi Jesu sehe pũa dacho tjuasinire. ⁷ Pũa dacho baharo Jesu õ sehe nire sãre to buheinare:

—Pari turi Judea yahpapu tjuaa wahajihna tjoa —nire sãre.

⁸ —Buheriro, canupucãta judio masa tõi macaina mũhure tãa mehne doca wajã duamare. ¿Dohseacu tõpu pari turi tjuaa waha duajari mũhu? —nihi sã to buheina.

⁹ Sã ã nichu tuhorõ, tirore ti wajã masierasininore yahuro, piti dahre buhero sãre õ sehe nire:

—Pjĩro tuhotuena tjiga. Cũ dachore doce horari waro jira. Sũ dacho macariro to jisnichu, noano ñuja mari. ã jina dachore tinina ne pũha tu mũa boraeraja mari. ¹⁰ Wiho mejeta nahitianoi tiniina sehe pũha tu mũa bora wahara. Sũ dacho macariro mariachu noano ñuerara tina —nire Jesu. (ã nino õ sehe nino niri jimare: “Mipũre yu Pucu yare yu yahu pahũohtu dũhsasinina. ã jia yuhure wajã masierasiniina”, nino niri jimare.)

¹¹ ã nino sãre õ sehe ni yahu namore tjoa:

—Mari mehne macariro Lázaro, carĩno nica. To ã carĩpachuta yuhu tirore wahcõi wahaihtja —nire sãre.

¹² —Puhtoro, Lázaro carĩriro jiro, yuhdũrohca —nimahi sã.

¹³ Sã ã nipachuta Jesu “Carĩno nica” nino, “Yariaa wahaca”, nino niri jimare. To ã nichu tuhona “Lázaro soro nica”, ni tuhotumai sã sehe. ¹⁴ Sã ã ni tuhotuchu masino Jesu poto yahure sãre:

—Lázaro yariaa wahaca. ¹⁵ Yu marieno to yariachu, noa nina. ã jina musa yuhure wacũ tua namonahca. Musu yu jia tiare masi namo, musa yuhure wacũ tua namohti cjihti jiahca ahri. ã yoana basata. Mari ñuna wahajihna to cahapu —nire Jesu.

¹⁶ Toma sũhũdũariro wama tiriro õ sehe nire sãre:

—Mari cãhu Jesu mehne wahajihna. Tirore wajãa, mari cãhure wajãjaro —nire Toma.

Jesu ã jirucuchu yoariro masare masoriro jira

17 Æ yoa sã tópure sã suna cahachu waro tó macaina õ sehe ni yahure Jesure:

—Pititia dachori wahara Lázaro cjirore masa copapu ti siõ sãari baharo —ni yahuha tirore.

18 Betania wama tiri maca sehe Jerusalẽ cahacãi tia kilómetro yoaro jire. 19 Æ jia Lázaro to yariari baharo, payu Jerualẽ macaina sã coyea judio masa Martare, María cãhure ñahacaha tiia taa tari jire. 20 Tópure sã suna cahachu tuhoro, Marta sehe sãre piti bocaro wihire. Wiho mejeta to bahoro María sehe to ya wuhuru tjuari jire. 21 Marta sehe Jesure piti boca wihi, õ sehe nire tirore:

—Puhtoro, yu bahu to yariahto pano mu õi jichu, tiro yariaeraboa. 22 Mipuhure Cohamacure mu sini payochu, tiro mu sinino seheta yoarohca —nire Marta Jesure.

23 —Mu bahu masa wijaarohca —nire Jesu ticorore.

24 —Æja. Ahri yahpa to pihtiri dachoi yariarina cjiri ti masa wijaahiti dachoi to masa wijaahitore masija yuhu —nire ticoro sehe.

25 To ã nichu Jesu õ sehe ni yahure tjoa:

—Yuhu masa wijaachu yoariro jija. Yuhu ã jirucuchu yoariro jija. Yuhure wacũ tuariro yariaparota ã catirucurohca. 26 Æ jia jipihtina Cohamacu mehne ã catirucuína, yuhure wacũ tuaina pichacapu ne wahasi. ¿Ahrire masijari muhu? —nire Jesu ticorore.

27 —Puhtoro, masija yuhu. Cristo Cohamacu macuno, masare yuhduchu yoariro “Ahri yahpahu tarohca”, ti niriro mu jichu masija yuhu —nire Marta Jesure.

Lázaro to masa copa cahai Jesu tiia

28 Marta ã ni tuhsu to bahoro Maríare pjiro wahare:

—Marine buheriro mari ya macai taro nina. Muhure pjihre —ni yaroca yahuri jire Maríare.

29 To ã nichu tuhoro María ño duaro wahcãruca, sã cahapu tari jire Jesure ñuno taro. 30 Ti ya macapu sãerasinihi sã. Marta sãre to piti bocaroihita jisinihi sã. 31 Judio

masa tí wuhui Maríare ñahacaha tiia niha. Æ jia ticoro to wahachu ñua, tina ticorore nunu ti tari jire. “To wahmino cjirore ti siõ sãari copapu tiro waharo nina ticoro”, ni tuhoturi jimare tina. Æ ni tuhotua ticorore nunu ti tari jire.

32 Æ yoa María sã cahapu wihiro, Jesure ñu, to dahpori cahai na tuhcuca caha sure.

—Puhtoro, yu bahu to yariahto pano mu õi jichu tiro yariaeraboa —nire ticoro Jesure.

33 Æ jiro ticoro judio masa ticoro mehne tarina cãhu ti tiichu ñuno Jesu sehe tuaro cahya ñano yajeripohna tire.

34 —¿Lázaro cjirore nohopu siõ sãari musa? —ni siniture Jesu.

—Ñui taga —ni pji wahcãre tina.

35 Ti ã nichu tuhoro Jesu tiia wahare.

36 —Lázaro cjirore Jesu tuaro cahiri jira —nire judio masa ti basi.

37 Wiho mejeta paina tina mehne macaina sehe õ sehe nire:

—Capari ñuerarirore ñuchu yoariro jira ahriro Jesu. ¿Æ jiro Lázaro cãhure to yariaborore yuhduchu yoeraboari ahriro? —nire tina ti basi.

Lázaro masa wijaaha

38 Æ jiro pari turi Jesu tuaro cahya namore. Æ jina sã jipihtina to masa copapu sãhi. Tí copa tãcapu ti sahari copa jire. Tí copapu to pjacu cjirore siõ sãa, tãca pjiria mehne tju biha cãri jire tina.

39 —Tãcare na pjõohga —nire Jesu.

To ã nichu tuhoro Marta yariariro cjiro wahmiono õ sehe nire:

—Puhtoro mipu pititia dachori waha tuhsura to yariari baharo. Æ jiro to pjacu cjiro urĩbiahca —nire Jesure.

40 —“Yuhure wacũ tuaco Cohamacu tuare ñucohca”, muhure nimahi —nire Jesu Martare.

41 To ã niri baharo tina tãcare na pjõohre. Æ ti na pjõori baharo Jesu sehe manopu ñu, Cohamacure õ sehe nire:

—Mai, yuhure muhu tuho tuhsuhre. Tíre mu yoachu masicu wahcheja muhure. 42 Æ yoa yuhure muhu dachoripe ã tuhorucura. Tíre masija. Æ masipaihta yuhu mu warocariro yu jiare õre ducuína ti masihti cjihtire muhure ã nii nija. Tíre “Potocã tjira”,

ti nihti cjihti cãhure ã nii nija —nire Jesu to Pucãrore.

⁴³ ã ni tuhsu Jesu tuaro sañurucure:

—Lázaro, wijaa tagá —ni sañurucure tiro.

⁴⁴ To ã nichu yariariro cjiro to wamomacarine to dahpori cãhure suhti cahsari mehne ti wahmariro cjiro, to dapure suhtiro mehne ti wahmariro cjiro, masa copapu wijaa tare juna.

—Ti wahmari cjirore pjãga —nire Jesu.

Judio masa puhtoã sehe Jesure ñaha duamaha

(Mt 26.1-5; Mr 14.1-2; Lc 22.1-2)

⁴⁵ To ã masochu ñua, payu judio masa Mariãre ñua tarina mehne macaina Jesure wacũ tuare. ⁴⁶ Wiho mejeta paina sehe, tina mehne macaina sehe fariseo curua macaina cahapu waha, su, Jesu to yoarire yahuri jire tinare. ⁴⁷⁻⁴⁸ ã jia sacerdotea puhtoã, fariseo curua macaina puhtoã cãhu cahmachu, ti basi õ sehe ni durucuha:

—Jesu payu tahari Cohamacu tuua mehne yoa ño mujana. To ã yoa ñoare mari tirore ã ñuoca mari ducataerachu, jipihtina masa tirore wacũ tua, tiro mehne waha pihtiaboca. ã yoa tiro Jesure ti puhtoro cjihto ti sõchu ñua, Roma macaina puhtoã sehe “Marine cohãã nina”, ni sua, ñano yoaahca marine. Tuhsu, Cohamacu wãhure cohã duti warocaahca ti yaina surarare. Mari ya dihta cãhure maahca tina. ¿ã jina dohse yoanahcari mipure? —ni durucuha tina ti basi.

⁴⁹ Ti ã nipachuta paio Caifa wama tiriro, tí cãhmare sacerdotea bui puhtoro jirore tinare õ sehe ni yahuha:

—Musa sehe ne masierara. ⁵⁰ Judio masa jipihtina mari ya cjihtire cãiro masuno to yariachu noana. To yariaerachu mari jipihtina judio masare cohã pahñonocaboa. Tíre musa masierara —niha Caifa tinare.

⁵¹ ã nino to mu sãro ã nino nieraha. Sacerdotea bui puhtoro to jichu judio masa ya cjihtire Jesu to yariahtore Cohamacu sehe Caifare ã ni yahu dutiha. ⁵² Jesu yariaro judio masa dihtare yãhduchu yoaro taro nierare. ã yariaro jipihtina Cohamacu pohna ahri yahpapu ji siteina cãhu cã curuata ti jhti cjihtire yariahtiro jire Jesu.

⁵³ ã jia tí dachoihta tina “¿Jesure dohse yoa

wajãnahcari mari?” ni durucuha, tirore wajã taa nimaha.

⁵⁴ Tirore ti ã wajã duachu masino Jesu payu judio masa watoi pari turi tinino wahaerare. ã jiro masa marieno cahacãi Efrañ wama tiri macapu sãre sãho wahare. Sãre tí macai sãho tjuasinire Jesu.

⁵⁵ Tí pjare pascua bose numari sã judio masa sã bose numari cjihto mahanoã dahsatjiãhre. ã jia bose numari panocã masa payu paye macari macaina Jerusalẽpu cahmachure. Pascua macaare ti chuhto pano Cohamacu yare yoaa taa ti ñaa buhiri cosaa taa nire. ⁵⁶ Tí pjare tina Jesure macaa niri jire. ã jia Cohamacu wãhupu jiina õ sehe ni durucuha:

—¿Bose numarine ñuno taerabocari Jesu, musa tãhotuchu? —ni durucuha tina ti basi.

⁵⁷ ã jia sacerdotea puhtoã, fariseo curua macaina cãhu õ sehe ni yahu dutiha masare:

—Jesu to jirore musa masina, yahuga sãre. Tirore ñahana tana nija —niha puhtoã masare.

12

María Jesu dahporire me sitia mehne pio payore

(Mt 26.6-13; Mr 14.3-9)

¹ Jesu sã to buheina mehne Betaniapu sã sãri baharo pascua dachori seis dachori waro dahsasinire. Lázaro Jesu to masoriro cjiro tí maca macariro jire. ² Sã sãri baharo Jesu cãhu ya chuã cjihtire yoare paina. ã yoa Lázaro, Jesu, sã mehne mesai nuju sãhi. Sã ã nuju sãri baharo Marta chuãre payore sãre. ³ Tuhsu, María me sitia sere nardo wama tidu macaa sere cã kilo dacho macai na ta, Jesu dahporire pio payore. Pio payo tuhsu to pjoari mehne tju cosare. To ã pio payori baharo tí wãhu noano me siti sahsea wahare. ⁴ Sã mehne macariro, Jesure ñu tuhtiinare ñohtiro Juda Iscariote sehe õ sehe nire:

⁵ —¿Dohse yoaro ahricoro ã yoa sitejari? Tíre ticoro duaboa. ã duaro tres cientos dachori posa dahrari wapa wapataboa. ã jiro ticoro tí niñerure pjacãoinare waboa —nire tiro.

⁶ Juda sehe pjacuoinare yoadoho duaerare. Tiro sã niñerure wihbobasariro jiparota yacariro jire. Tuhsu, tiro sã niñerure cãa tahari na mujare. Æ jiro “Tí niñerure naihtja” nino, ã nire Maríare tiro.

⁷ To ã nichu tãhoro õ sehe nire Jesu:

—Æ niecu tjiga ticorore. To me sitiare yuhure to duharire yuhure pio payore, yuhure masa copapu ti siõ sãahto pano yu pjacure cahnoyuro. Pjacuoina sehe musa mehne ã jirucuahca. Æ jina tinare wa masina musa. ⁸ Yuhu sehe ahri yahpapure musa mehne ã jirucusi —nire Jesu.

Sacerdotea puhtoa Lázarore wajã duaha

⁹ Æ yoa Jesu Betaniapu to jichu tãhoa sã coyera judio masa payu tirore ñua tare. Tiro dihtare ñua taa nierare. Lázarore yariariro cjirore Jesu to masorirore tiro cãhure ñua taa nire. ¹⁰ Ti ñua surire masia sacerdotia puhtoa Lázarore cãhure wajã duare. ¹¹ Lázarore yariariro cjiro Jesu to masorirore jichu ñua payu masa Jesure wacũ tuare. To ã masochu ñua payu judio masa ti sacerdotia ya buhea sehere duhunocari jire. Æ ti duhuchu ñua sacerdotia puhtoa sehe sua yuhduha Lázarore wajã duare.

Jerusalẽpu suha Jesu

(Mt 21.1-11; Mr 11.1-11; Lc 19.28-40)

¹² Pascua bose numurine ti yoachu payu masa Jerusalẽpu ñua wahari jire. Pa dachoi Jerusalẽpu Jesu to tahto cjihtore masa tãhori jire. ¹³ Æ jia pja pũ sahnarine na wahcã, tirore piti bocaa wahare. Æ piti bocaa õ sehe ni sañurucure tina:

—Ahriroro wahche payojihna. Ahriro Cohamacu to warocariro noano yuhdujaro. Ahriro Israe yahpa macaina mari puhtoro tjira —ni sañurucure tina.

¹⁴ Jesu burrocã to bocariro bui pisare. “Õ seheta yoarohca”, ni joaa tiha Cohamacu yare ti joari tjui:

¹⁵ “Jerusalẽ wama tiri maca macaina, cuiena tjiga musa.

Ñuga. Musa puhtoro burrocã bui pisa tara”, ni yahuha Cohamacu yare ti joari tjui.

¹⁶ “To ã ni joari Jesure nino nica” ni, sã to buheina noano masierasinihi. Æ masierasinihanahta manopu Jesu to mujari baharo sã ti joari cjirore wacũ boca

tãho ñaha masihi. Õ sehe ni tãhotuhi: “Cohamacu yare ti joari tjui sehe Jesure yahuro nimaha. Æ jia Cohamacu yare ti joari tjui to niriro seheta yoare masa Jesure”, ni tãhotu, sã masihi.

¹⁷ Lázarore ti siõ sãari copapu jirirore Jesu to pisuchu tirore to masochu ñurina cjirore yahure masare. ¹⁸ Æ jia Lázarore Jesu masorire ti tãhori baharo masa payu Jesure ñua tare. ¹⁹ Ti ã tachu ñua fariseo curua macaina ti basi õ sehe niri jire:

—Jipihtina Jesu yaina dihta wahaa nina mipure. Æ jina mari dohse yoa masieraja tinare —niri jire fariseo curua macaina ti basi.

Mahainacã griego masa Jesure maca taha

²⁰ Æ yoa bose numuri Cohamacure ño payoa taina mehne macaina mahainacã griego masa jire. ²¹ Æ jia tina Felipe cahapu wihiri jire. Felipe sehe Betsaida wama tiri maca Galilea yahpai jiri maca macariro jire. Æ jia tiro cahapu wihirina õ sehe niri jire tirore:

—Jesure ñu duaja sã —niri jire tina.

²² Ti ã nichu tãhoro Felipe Andrepare tíre yahuro wahari jire. Æ jia tina puaro Jesure yahure. ²³ Ti ã yahuri baharo Jesu tinare õ sehe ni yahure:

—Yuhu masuno Cohamacu warocariro jija. Yuhure jipihtina ti ño payohti pja mipure jirota nina. Mipure yu yariahti pja jirota nina. ²⁴ Potocãta musare yahui nija. Toari yapare yahpapu mari yaerachu, tí yapare mari toerachu cã yapata tjuarohca. Æ jiro tí yapare mari yari baharo dicha tirohca. (Tó seheta yu yariari baharo yuhure masa copapu ti siõ sãari baharo payu masare Cohamacu mehne ã jirucuhtina jichu yoaihca yuhu.) ²⁵ Ahri yahpai musa jiare pjíro tãhotuboca musa. Æ tãhotuna Cohamacure wacũerana, pichacapu wahanahca musa. Ahri yahpai musa jiare ã tãhotunocahna, Cohamacu mehne ã jirucunahca. ²⁶ Yu yare yoa duana, yu buheare noano tãhoga musa. Musa ã yoana musa cãhu yu jiptopure jinahca. Yu yare yoarirore yu Pacu sehe wahchea mehne ñanohca —nire Jesu.

Jesu to yariahtore yahuha

²⁷ Æ ni tuhsu õ sehe ni namore:

—Mipure yuhu ñano yajeripohna tija. ¿Yu Pucure dohse nihcari yuhu? “Mai, yu ñano yuhduhtore yoai tjia yuhure”, ¿nibocari yuhu? Tíre nieraja yuhu. Ñano yuhduhtiro cjihtota ahri yahpapure tahi. Æ yoa yu ñano yuhduhti pja mipure jiro nina —ni yahure Jesu sare to buheinare.

²⁸ Æ yoa õ sehe nire to Pucurore:

—Mai, mu tuariro jiare mipure ñoga masare —nire Jesu to Pucurore.

To ã nichu manopu durucuro coa tare:

—Tuariro yu jiare masare ño tuhsuhi. Mipure ã jicu pari turi ñoihca masare —nino coa tare.

²⁹ To ã nino coa tachu tahoa tói ducuina masa payu õ sehe nire:

—Wupo jica ã coa taro —nire masa.

—Anjo Jesure yahuro nire —nire paina masa.

³⁰ Æ sehe nire Jesu sehe:

—Manopu yuhure taho dutiro ã nino coa taerare. Musa sehere taho dutiro ã nino coa tare. ³¹ Mipure ahri yahpa macaina ti ñano yoari buhirire buhiri dahrerohca tinare. Ahri yahpa macaina ti puhtorore watínore cohãnohca Cohamacu.

³² Æ jicu yuhure crusapu ti wahcõ dapochu payu masare yuhu mehne macaina ti wahachu yoaihca yuhu —nire Jesu.

³³ Æ nino “Crusapu to yariahtore”, yahuro nire Jesu masare. ³⁴ To ã nichu taho masa sehe tirore õ sehe nire:

—Cohamacu yare ti joari tjui õ sehe nina: “Cristo jipihtia dachoripe jirohca”, ni joaa tiha. ¿To ã ni joachu mahure masunore Cohamacu warocarirore dohse jiro baro mahure crusapu wahcõ dapoahcari masa? ¿Masuno Cohamacu warocariro noa jijari tiro? —ni siniture tina.

³⁵ Ti ã nichu õ sehe ni yuhtire Jesu:

—Buhriaro to ñu masichu yoaro seheta jicu masare Cohamacu yare noano masichu yoaja yuhu. Baharo curerocã masa mehne jisi yuhu. Musare yu buhechu mipure tuhoga ñaare masa yoaerahti cjihtire Cohamacu mehne masa ã jirucuhti cjihtire. Yu buheare tahoeraina nahitianoi tiniina yoaro seheta ti wahahtore masierara. ³⁶ Yuhu buhriaro yoaro sehe jiro

tjija. Æ jicu masare buhechu Cohamacu yare noano masichu yoaja masare. Mipure yu wahahto pano yuhure wacũ tuaga. Æ wacũ tuana yu yaina jinahca masa —nire Jesu.

Æ ni yahu tuhsu duhti wahcãa wahare.

Judio masa Jesure cahmaeraha

³⁷ Payu tahari Cohamacu tuaa mehne tinare Jesu to yoa ñopachuta judio masa payu tirore ne taho duaerare. ³⁸ Cohamacu yare ti joari tjui Isaia cjiro to joariro seheta ã yoaa nire tina. Æ sehe ni joaa tiha Isaia cjiro:

“Cohamacu, mu buheare sã yahuchu masa taho duaerare.

Mu tuaare tinare mu yoa ñopachuta, tíre ‘Potocã jierara’, nire tina”,

ni joaa tiha Isaia cjiro.

³⁹ Ti ã taho duaerachu ñuno Cohamacu tinare masierachu yoare. Tí cãhure Isaia cjiro õ sehe ni joaa tiha tjoa:

⁴⁰ “Capari ñueraina yoaro sehe jiina jichu yoaa tiha Cohamacu tinare.

Æ yoa to yare masierachu yoaa tiha tinare.

Æ jia to tuaare ñupahta tina ti ñurire taho ñahaerara.

Æ jia to buheare tuhopahta tíre taho ñahaerara tina.

Cohamacu ya buheare masia, ti ñaa yoari buhirire cohã dutiboa.

Æ jiro tinare yuhduchu yoaboa tiro”,

ni joaa tiha Isaia cjiro Cohamacu yare ti joari tjui. ⁴¹ Æ ni joaro Isaia cjiro Cristo tuaare masino to niriro seheta Cristore yahu joaa tiha tjoa.

⁴² Paina Jesure ti cahmaerapachuta judio masa, sã puhto mehne macaina cãhu payu Jesure wacũ tuaa, tirore cahmare. Æ cahmapahta tina fariseo curua macainare cuia painare “Jesu mehne sãahi”, ni yahu duaerare. Tíre ti yahuchu taho Jesure ti cahmari buhiri judio masa sã buheri wuhupu tinare sãa dutieraboa fariseo curua macaina sehe. ⁴³ Cohamacure wahchechu yoa duapahta tí yuhdoro fariseo curua macaina sehere wahchechu yoa duare Jesure cahma ducaina. Æ jia tina “Jesu yaina wahahi”, ni painare yahu duaerare.

Jesu yahure ti taho duaerari buhiri masa buhiri tiahca

⁴⁴ Ñ yoa Jesu tuaro sañurucu, ò sehe ni yahure:

—Yuhure wacũ tuariro, yuh dihtare wacũ tuaerara. Yuhure warocariro cãhure wacũ tuara tiro. ⁴⁵ Tuhsu, yuhure masina yuhure warocariro cãhure masina. ⁴⁶ Buhriaro to ñu masichu yoaro seheta ahri yahpapu Cohamacu yare masichu yoai tai nihi yuhu. Ñ jicu Cohamacu yare masare masichu yoaja. Nahitianoï wahariro yoaro sehe jiriro ñaare yoarucura. Yuhure wacũ tuariro tiro yoaro sehe yoasi. Yuhure wacũ tuariro quihõno tãhorohca. ⁴⁷ Paina yu yahuaire tãhopahta yu niriro seheta yoerara. Ti ã yoerapachuta yu yahuaire ti yoerari buhirire buhiri dahresi yuhu sehe tinare. Ahri yahpapure buhiri dahrei tai nierahi yuhu. Ahri yahpa macainare pichacapu wahaborinare yuhduchu yoah tiro cjihto tai nihi yuhu. ⁴⁸ Yuhure cahmaerainare, yu yahua cãhure cahmaerainare buhiri dahrea jiaha. Tina yu yahuaire ti tãhoerari buhiri ahri yahpa pihtiri dachoi buhiri tiaha. ⁴⁹ Yuhu yu mu saro yahueraja. Yu Pucu yuhure warocariro sehe yuhure yahu dutire. Ñ jia yu yahua sehe to ya durucua jira. ⁵⁰ To ya durucuaire “Quihõno jira” nina, Cohamacu mehne ã jirucunahca musa. Ñ jicu yu Pucu to yahu dutiriro seheta yahuja musare —nire Jesu.

13

Jesu to buheina dahporire cosaha

¹ Ñ yoa pascua bose namuri panocã ahri yahpare to cohã wahcãhto cjihtore to Pucuro cahapu to wahahto cjihtore masire Jesu. Tuhsu, ahri yahpa macainare to yainare tiro tuaro cahire tina mehne to jiro puro. Ñ cahirucura to yainare.

² Tí ñamine Jesu sã to buheina mehne sã chachu Juda Iscariotere Simo macunore Jesure ñu tuhtiinare ño duti tuhsuri jire watino sehe. ³ Tuhsu, to Pucuro Cohamacu Jesure jipihtina bui to puhtoro sõrire masire Jesu. Ñ yoa Cohamacu cahapu to tari cjirire, baharo manopu to mjahti cãhure masire. ⁴ Ñ masino wahcãruca, to suhtiro bui macanore tjuwe na, tóre cũ tuhsu, suhtiro cahsaro mehne to pjaro

yujai dahtere. ⁵ Dãhte tuhsu, waparoi core pio sãa, sã to buheinare sã dahporire cosa ducare. Sãre cosa tuhsu to dahteri cahsaro mehne pahã cohãre sã dahporire.

⁶ Paina buheinare cosa wahcã, Simo Pedropure sare. To dahporire to cosahto pano Pedro sehe tirore ò sehe nire:

—Puhtoro, ¿yu dahporire cosai tai nijari mahu? —nire Jesure Pedro.

⁷ —Michapucacã mahure yu yoah ture masierara mahu. Ñ masierapacuta baharo masihca mahu —nire Jesu.

⁸ —Yu dahporire ne cosasi mahu —nire Pedro.

—Mahure yu cosaerachu yu yairo jisi mahu —nire Jesu.

⁹ —Puhtoro, yu dahpori dihtare cosai tjiga. Yu dahporire, yu wamomacarine, yu dapu cãhure cosaga —nire Pedro.

¹⁰ To ã nichu Jesu piti dahre buhero ò sehe nire:

—Cãiro masuno cuhsuro to pjacure noano tju cosa pahõna. Ñ jiro pari turi tirore tju cosaro cahmaerara. To dahpori dihtare cosaro cahmana. Jipihtina musa ñaa yoari buhirire cosarina cjiri musa jipachuta cãiro musa mehne macariro to ñaa yoari buhirire cosamahnoerariro jira —nire Jesu.

¹¹ Jesu tirore ñu tuhtiinare ñohtirore masire. Ñ masino “Cãiro musa mehne macariro to ñaa yoari buhirire cosamahnoerariro jira”, nire.

¹² Sã dahporire cosa tuhsu, to suhtirore sãa tuhsu, nuju sare to dujiriroihta.

—¿Michapucacã musare yu yoarire tãho ñahajari musa? ¹³ Musa yuhure “Buheriro”, ni pisuna, “Puhtoro”, ni pisuna potocãta nina nica yuhure. Musare buheriro, musa puhtoro potocãta jija yuhu. ¹⁴ Ñ jina yuhu musare buheriro, musa puhtoro jipaihta musa dahporire cosariro yu jichu ñuna musa cãhu musa mehne macaina dahporire cosaga. ¹⁵ Michapucacã musare cosachu, baharo musa yoah ti cjihtire musare ñoi nija. Musa mehne macainare musa yoadohohtire ñoi nija. Musare yu yoariro seheta musa cãhu yoaga. ¹⁶ Potocã musare niita nija. Musa yu cahamaca yoaro sehe jiina yu bui jierara. Musare buhe duti yu warocarina jira musa. Ñ jina

y_u bui jierara m_usa. ã jic_uta “Y_u yoariro seheta yoaga”, nihi m_usare. ¹⁷ Ahrire masina, y_u dutiare yoana, wahcheina jinahca m_usa.

¹⁸ M_usare jipihtinare ã nieraja. Y_u be-serinare masija y_uh_u. Cohamac_u to yare ti joari tjui to ni joariro seheta ã waharohca. “Y_uh_u mehne ch_urirota y_uh_ure wajã duare”, ni joaa tiha Cohamac_u yare ti joari tjui. ¹⁹ To ã yoah_uto pano ahrire yahuyui nija m_usare. Y_uh_ure to ã yoari baharo “Jesus_uta Cristo Cohamac_u warocarirota jira”, m_usa nihti cjihtire ahrire m_usare yahuyui nija y_uh_u. ²⁰ Potocã m_usare niita nija. Y_u warocainare cahmariro y_uh_u c_uh_ure cahmana tiro. Tuhs_u, y_uh_ure cahmariro y_uh_ure warocariro c_uh_ure cahmana tiro — nire Jesu sãre to buheinare.

Juda Jesure ñ_u tuhtiinare to ñohtore yahuha Jesu

(Mt 26.20-25; Mr 14.17-21; Lc 22.21-23)

²¹ ã ni yahu tuhs_u Jesu tuaro cahyare. ã cahyaro õ sehe ni yahure tiro sãre:

—Potocãta m_usare nii nija. Cãiro m_usa mehne macariro y_uh_ure ñ_u tuhtiinare y_uh_ure ñonohca —nire Jesu.

²² To ã nich_u tãhona Jesure ñohtirore masierana, sã basi cahma ñ_uroca õi. ²³ Cãiro Jesu to buheina mehne macariro y_uh_u, Jesu to cahãriro sehe to pari wahpa dujiji. ²⁴ Y_u ã dujich_u ñ_uno Simo Pedro y_uh_ure to wamomaca mehne yoa ño, siniture:

—¿Jesure ñohtirore diro sehere nino nibocari Jesu? Yahuga sãre —ni to wamomaca mehne yoa ño, sinitu ñ_ure Pedro.

²⁵ To ã nich_u y_uh_u sehe Jesu cahacãi dujiri jic_u sinitu ñ_uhi tiore:

—P_uhtoro, ¿dirore nii nijari m_uh_u? —ni sinitu ñ_uhi y_uh_u.

²⁶ —Ahri pãore dahra waha na, soha y_u wahtiro sehe tirota jira y_uh_ure ñohtiro — nire Jesu.

ã ni tuhs_u ti pão to dahra waha narirore soha tuhs_u tíre Judare Simo Iscariote mac_unore ware. ²⁷ ã yoa pãore to ñahari baharo watño sehe Judare ñano yoa dutiri jire. ã jiro Jesu tiore õ sehe nire:

—M_u yoah_uto cjihtore cjero yoa bahrañoga m_uh_u —nire Jesu Judare.

²⁸ To ã nich_u tãhona sã mesap_u dujiina, Jesu Judare to nire noano tãho ñahaerahi.

²⁹ Cãina õ sehe ni tãhotumahi: “Judá sã niñerure wihboriro jira. ã jiro bose n_um_ui sã ch_uhti cjihtire nuch_u dutiro warocare Jesu Judare. O p_uac_uoinare niñerure wa dutiro niboca Jesu”, ni tãhotumahi sã cãina.

³⁰ ã yoa Juda tí pãore ñaha tuhs_u, wijaa wahare. To wijaaari p_u ñami jire.

Wahma dutiare yahuha Jesu

³¹ To ã wijaaari baharo õ sehe nire Jesu:

—Mip_u pinihtare y_uh_u mas_uno Cohamac_u warocariro y_u tuariro y_u jia tiare ñonohca Cohamac_u masare. ã jic_u Cohamac_u to tuariro to jiare ñoihca y_uh_u sehe. ³² ã jiro Cohamac_u to tuaare y_u ñoch_u tiro sehe y_u ya tuaa cãh_ure mip_u pinihtare ñono taro nina. ³³ Y_u pohna y_u cahãina, y_uh_ure tãhoga. Mahaa dachoricã m_usa mehne jisinihca. Y_u wahari baharo y_uh_ure macanahca m_usa. ã jic_u mari coyea judio masare y_u niriro seheta m_usa cãh_ure nija. “Y_u wahahtore m_usa sehe waha masierara”, tinare y_u niriro seheta m_usa cãh_ure ã ni yahuja. ³⁴ Wahma dutiare m_usare yahuihtja. M_usa mehne macainare cahãga m_usa. M_usare y_u cahãriro seheta, m_usa mehne macainare cahãga. ³⁵ ã jina m_usa mehne macainare m_usa cahãch_u ñ_ua y_u yaina m_usa jiare masiahca paina —nire Jesu sãre.

“Jesure masieraja”, Pedro to nihto cjihtore yahuha Jesu

(Mt 26.31-35; Mr 14.27-31; Lc 22.31-34)

³⁶ To ã nich_u Simo Pedro Jesure õ sehe ni sinitu ñ_ure:

—P_uhtoro, ¿nohop_u wahaihcari m_uh_u? —nire Pedro.

—Y_u wahahtop_ure mip_ure y_uh_u mehne waha masierara m_uh_u. Mip_ure waha masierapaihta baharo y_u cahai wahac_uhca —nire Jesu Pedore.

³⁷ —P_uhtoro, ¿dohseac_u mip_ure m_uh_u mehne waha masierabocari y_uh_u? Y_uh_ure ti wajã duapach_uta m_uh_ure ne duhusi y_uh_u —nire Pedro Jesure.

³⁸ —¿ã tjijari? ¿M_uh_ure ti wajã duapach_uta, m_uh_u y_uh_ure duhueraihcari? Potocãta m_uh_ure nii nija. Caraca to duhto

pano “Jesure masieraja”, niihca m̄h̄h̄ painare. Tia taha ã niihca m̄h̄h̄ —nire Jesu Pedre.

14

Jesu Cohamac̄ cahap̄ wahari maha yoaro sehe jira

¹ Baharo Jesu s̄are õ sehe ni yahure:

—Ne cahya pj̄iro t̄hotuena tjiga. Cohamac̄ure wac̄ũ tuaga. ã jina ȳh̄h̄ c̄h̄h̄ure wac̄ũ tuaga. “Cohamac̄u mehne ȳh̄d̄nahca”, ni t̄hotuga tirore. Ȳh̄h̄ c̄h̄h̄ure ãta ni t̄hotuga m̄sa. ² Ȳh̄ P̄h̄c̄u to jiro p̄ure paȳh̄ w̄h̄use jira. M̄sa jihto c̄j̄ihtore cahnoyui wahai nija. Tí potoc̄ã tjira. ã jic̄u m̄sare tíre yahuja. ³ ã jic̄u m̄sa jihto c̄j̄ihtore cahno tuhs̄u, õp̄ta pari turi majare tjua taihtja ȳh̄h̄. ã jina t̄oi ȳh̄ jiroita m̄sa c̄h̄h̄ jinahca tjoa. ⁴ Mip̄ure ȳh̄ s̄htop̄ure wahari mahare masi tuhs̄ura m̄sa —nire Jesu s̄are to buheinare.

⁵ —P̄h̄toro, m̄ s̄htore masieraja s̄a. ¿ã jina dohse yoa m̄ wahari mahare masinahcari s̄a? —ni sinitu ñare Toma Jesure.

⁶ To ã ni sinituch̄ t̄horo Jesu sehe õ sehe ni ȳhtire:

—Ȳh̄h̄ Cohamac̄u cahap̄ wahari maha yoaro sehe jiriro jija. Cohamac̄u cahap̄ wahach̄u yoariro, potoc̄ã yahuriro, ã catirucuch̄u yoariro jinocaita nija ȳh̄h̄. ã jia ȳh̄ yaina dihta ȳh̄ P̄h̄c̄u cahap̄ wahach̄u. ⁷ Panop̄u ȳh̄h̄ure masina, ȳh̄ P̄h̄c̄u c̄h̄h̄ure masiboa m̄sa. Mip̄ure tirore ñare m̄sa. ã jina tirore masi tuhs̄ura m̄sa —nire Jesu s̄are.

⁸ To ã nich̄u Felipe sehe õ sehe nire:

—P̄h̄toro, mari P̄h̄c̄ure ñoga s̄are. Tó purota ñu duaja s̄a —nire tiro.

⁹ To ã nich̄u Jesu õ sehe ni yahure:

—Felipe, ¿yoari p̄ja ȳh̄h̄ mehne jipaihta, m̄h̄h̄ masierasinihari ȳh̄h̄ure? Ȳh̄h̄ure ñuriro ȳh̄ P̄h̄c̄u c̄h̄h̄ure ñu tuhs̄ure. ã jic̄u “Mari P̄h̄c̄ure ñoga s̄are” nic̄u, ¿dohseac̄u ã nijari m̄h̄h̄ ȳh̄h̄ure? ¹⁰ Ȳh̄h̄u ȳh̄ P̄h̄c̄u mehne p̄aro jipanahta c̄airota jija. ¿Tíre “Potoc̄ã jierara”, niimeje nijari m̄h̄h̄? M̄sare yahuc̄u ȳh̄ m̄ s̄aro yahui nieraja. Ȳh̄ P̄h̄c̄ure yahubasai nija. ã jiro tiro ȳh̄h̄ mehne jiriro to tuaa mehne yoa ñona. ¹¹ Ȳh̄h̄u

ȳh̄ P̄h̄c̄u mehne p̄aro jipanahta c̄airota jija. Tíre “Potoc̄ã tjira”, ni wac̄ũga m̄sa. Tíre “Potoc̄ã tjira” nierana, Cohamac̄u tuaa mehne ȳh̄ yoa ñoare wac̄ũna, ȳh̄ P̄h̄c̄u mehne ȳh̄ c̄airota jiare “Potoc̄ã tjira”, ni wac̄ũga m̄sa. ¹² Potoc̄ãta m̄sare nii nija. Ȳh̄h̄ure wac̄ũ tuariro ȳh̄ yoariro seheta yoarohca. ã yoa tiro ȳh̄ ȳh̄doro yoarohca. Ȳh̄ P̄h̄c̄u cahap̄u tjuaai tai nija mip̄ure. ã jiro ȳh̄h̄ure wac̄ũ tuariro ȳh̄ ȳh̄doro Cohamac̄u tuaa mehne yoa ñonohca. ¹³ ã jic̄u ȳh̄h̄ure wac̄ũ tuaina ti sinino purota yoaihca. ã yoac̄u ȳh̄ P̄h̄c̄u to tuariro jiare ñoihca. ¹⁴ Ȳh̄h̄ure wac̄ũ tuaina m̄sa jich̄u m̄sa sinino purota yoaihtja —nire Jesu.

“Esp̄ritu Santore m̄sare warocaihtja”, ni yahuha Jesu

¹⁵ ã ni tuhs̄u õ sehe ni namore:

—Ȳh̄h̄ure m̄sa cah̄na, ȳh̄ dutiare noano yoanahca. ¹⁶ Ȳh̄ P̄h̄c̄ure sinibasaihtja. Ȳh̄ ã sinibasach̄u ȳh̄ P̄h̄c̄u sehe paire m̄sare yoadohohtirore m̄sare warocarohca. ã jiro tiro m̄sare yoadohohtirore sehe jipih̄tia dachoripe m̄sa mehne ã jirucurohca. ¹⁷ Tiro potoc̄ãta yahuriro Esp̄ritu Santo tjira. Ahri yahpa macaina ȳh̄h̄ure cahmaeraina sehe tirore masierara. ã jia tirore c̄j̄ua masierara. Tirota m̄sa mehne ã jirucurohca. ã jina tirore masina m̄sa.

¹⁸ ’M̄sare coh̄si ȳh̄h̄. M̄sa mehne jihtiro c̄j̄ihtu tjua taihca ȳh̄h̄ tjoa. ¹⁹ Wiho mejeta mahanoc̄ã d̄hsara ȳh̄ wahahto c̄j̄ihtu. Ȳh̄ wahari baharo ahri yahpa macaina ȳh̄h̄ure wac̄ũ tuaeraina ȳh̄h̄ure pari turi ñusi. M̄sa sehe ȳh̄h̄ure ñunahca. Ȳh̄ catiriro jich̄u m̄sa c̄h̄h̄u jipih̄tia dachoripe Cohamac̄u mehne catirucunahca. ²⁰ Tí dachoi ȳh̄ tjua tahti dachoi ȳh̄h̄u ȳh̄ P̄h̄c̄u mehne c̄airota s̄a jich̄u masinahca m̄sa. ã jina ȳh̄h̄ mehne macaina m̄sa jich̄u m̄sa mehne macariro ȳh̄ jich̄u c̄h̄h̄ure masinahca m̄sa. ²¹ Ȳh̄ dutiare yoariro ȳh̄h̄ure cah̄irotta jira. ã jiro ȳh̄h̄ure cah̄irotore ȳh̄ P̄h̄c̄u sehe cah̄nohca. ã jic̄u ȳh̄h̄u c̄h̄h̄u ȳh̄ dutiare yoarirore cah̄ihca. ã yoa ȳh̄ jia tiare noano masich̄u yoaihca tirore —nire Jesu s̄are to buheinare.

²² Sã mehne macariro pairo Juda wama tiriro jire. Juda Iscariote Jesure ñu tuhtinare ñohtiro jierare tiro. Pairo Juda jire. Æ jiro tiro Jesure õ sehe ni siniture:

—Pũhtoro, ¿dohse yoajari mũhũ tinare ã nicũ? ¿Ahri yahpa macainare mũhũre masichũ yoeracũ, dohse yoacũ sã dihtare mũhũre masichũ yoaihcarĩ mũhũ? —ni siniture Juda.

²³ To ã nichũ tũhoro Jesu tirore õ sehe ni yahure:

—Yũhũre cahĩina, yũ dutiare noano yoaa nina. Tĩ ã yoachũ yũ Pũcũ sehe tinare cahĩnohca. Æ jina tina mehne jina tanahca sã. ²⁴ Yũhũre cahĩerariro yũ dutiare yoerara. Tuhsũ, yũ yahua mũsa tũhori cjiri sehe yũ ya yahua jierara. Yũhũre warocariro ya yahua sehe jira. Tiro yũ Pũcũ tjira.

²⁵ 'Mũsa mehne jisinicũ ahrire mũsare yahusini nija. ²⁶ Baharo yũ sinibasachũ yũ Pũcũ Espĩritu Santore warocarohca mũsare. Tiro Espĩritu Santo sehe mũsare yoadohohtiro jiro, mũsare buhe pahĩnohca tiro. Æ yoaa mũsare yũ yahuri cjirire mũsare wacũchũ yoarohca tiro.

²⁷ 'Mũsare noano jichũ yoaihca yũhũ. Yũhũ yũ noano jiriro seheta noano jichũ yoaihca mũsare. Ahri yahpa macaina ti mahĩoperiro seheta yoasi yũhũ mũsare. Yũhũ pinihta potocãta noano jichũ yoaihca mũsare. Cahya pjĩro wacũena tjiga mũsa. Æ jina cuiena tjiga mũsa. ²⁸ “Yũhũ wahaihca. Æ jicũ mũsa mehne jihtiro cjihto tjua taihtja tjoo”, mũsare yũ ã ni yahuchũ tũho tuhsũre mũsa. Tĩre tũhona, wahcheboa mũsa. Yũhũre mũsa potocã cahĩrina jina, wahcheboa mũsa. Yũ Pũcũ sehe yũ yũhdoro tuara. Æ jina tiro cahapũ yũ wahahto cjihtore mũsa masiri baharo yũhũre cahĩna, wahcheboa mũsa. ²⁹ Yũhũre mũsa wacũ tuahti cjihtire yũ wahahtore yahuyui nija mũsare.

³⁰ 'Ahri yahpa macaina pũhtoro watĩno sehe tara mipũre. To ã tachũ yũhũ mũsa mehne yũ durucu batoahti pja mahanocã dũhsara. Tiro sehe yũhũre yũhdũrũca masierara. ³¹ Wiho mejeta yũhũre yũ Pũcũ to dutiriro seheta yoaja yũhũ. Æta yoaja yũhũ yũ Pũcũre yũ cahĩare ahri yahpa macaina ti masihtĩ cjihtire.

Wahcãrũcaga. Basa wahana —nire Jesu sãre to buheinare.

15

Jesu secũ yoaro sehe jiriro jira

¹ Baharo piti dahre buhero sãre õ sehe nire Jesu:

—Yũhũ potocãta secũ yoaro sehe jiriro jija. Yũ Pũcũ sehe secũre ñũ wihboriro yoaro sehe jiriro jira. ² Yũ yaina secũ dũpũri yoaro sehe jiina yũhũ mehne macainata jira. Dicha mariea dũpũrire secũre ñũ wihboriro to paha cohãriro seheta yũ Pũcũ to cahmaare yoerainare cohãna. Dicha tia dũpũrire secũre ñũ wihboriro to cahnoriro seheta yũ Pũcũ to cahmaare yoainare yoadohorohca tiro “Yũ cahmaare yoaa namojaro”, nino. ³ Yũ yahuaare tũhona, “Potocã tjira”, nire mũsa. Æ jiro yũ Pũcũ mũsa ñaa yoari buhirire cohã tuhsũre. ⁴ Yũhũ mehne macaina jiga mũsa. Æ jii mũsa mehne jiihca. Secũ dũpũri secũ mehne wahã sũera dũpũri jia, tĩ dũpũri sehe dicha mariahna. Tõ seheta yũhũ mehne macaina jierana yũ Pũcũ cahmaare yoaa masierara mũsa.

⁵ 'Yũhũ secũ yoaro sehe jiriro jija. Mũsa sehe tũ dũpũri yoaro sehe jiina jira. Yũhũ mehne macariro mehne yũ jichũ dicha tia dũpũri yoaro sehe tiro yũ Pũcũ cahmaare yoara. Yũhũ mehne macaina jierana yũ Pũcũ cahmaare yoaa masierara mũsa. ⁶ Ñaa dũpũrire to cohãboriro seheta yũhũ mehne macaina jierainare yũ Pũcũ cohãnohca. Tĩ dũpũri ñaia wahachũ secũre ñũ wihboriro tĩ dũpũrire na cahmachu pichacapũ jũ cohãnohca. Æta yoarohca Cohamacũ yũhũ mehne macaina jierainare.

⁷ 'Yũhũ mehne macaina jina, yũ buheare boeraboca mũsa. Æ boerana, mũsa cahmano purota siniga. Æ jicũ mũsa sinino purota yoabasaihtja. ⁸ Yũ Pũcũ cahmaare yoaina mũsa jichũ ñũ “Jesu yaina jira ahri”, ni masiahca masa. Æ jia mũsare ñũ yũ Pũcũre ño payoahca. ⁹ Yũ Pũcũ yũhũre to cahĩriro seheta mũsare yũhũ cũhũ cahĩa tihĩ. Yũ cahĩina jirucuga mũsa. ¹⁰ Yũ cahĩina jirucuina yũ dutiare yoara. Yũ Pũcũ to

dutiare yoaja yuhũ. Ñ yoacu to cahĩro jirucuja yuhũ. Tó seheta m̄sa c̄hũ yũ dutiare yoana yũ cahĩna jirucunahca m̄sa.

11 'Ahrire m̄sare yahuhi yuhũ mehne m̄sa noano wahchehto cjihtore. Ñ jina tuaro wahchenahca m̄sa. 12 Õ sehe dutija m̄sare: M̄sare yũ cahĩro seheta m̄sa mehne macaina c̄hũre cahĩga. 13 C̄airo masũno tiro mehne macariro yaro jiborirore yariaro tiro mehne macarirore tuaro cahĩna, paina ti cahĩro yũdoro. 14 Ñ jina yũ dutiare yoana yuhũ mehne macaina jira m̄sa. 15 Potoc̄ata yuhũ mehne macaina waro jira m̄sa. M̄sa ã jiina jichũ jipihtia yũ yoarire yahuja m̄sare. Cahamacũno to pũhtoro yoarire masierara tiro. Ñ jicũ “Yũ cahamaca wiho jiina jira m̄sa”, m̄sare nieraja. Yũ Pũcũ yuhũre to yahurire m̄sare yahu pahñohi. Ñ yahucũ “Yũhũ mehne macaina jira m̄sa”, m̄sare nija mipũre. 16 M̄sa sehe yuhũre ne beserare. Yuhũ sehe m̄sare besei yũ Pũcũ cahmaare m̄sa yoahina cjihtire. M̄sa ã yoachũ m̄sa yoaa ne wiho waro jisi. Ñ jia m̄sa yoaa ã jirucuahca. M̄sa ã yoachũ yuhũre m̄sa wacũ tuachũ yũ Pũcũre m̄sa sinino purota tiro m̄sare warohca. 17 Ahrire m̄sare dutija yuhũ: M̄sa mehne macainare cahĩga m̄sa —ni yahure Jesu.

Jesure to yaina c̄hũre ahri yahpa macaina ñũ tuhtira

18 Ñ yoa tiro õ sehe ni yahu namore:

—Ahri yahpa macaina m̄sare ti ñũ tuhtichũ ñũna ahrire wacũga m̄sa: M̄sare ti ñũ tuhtihto pano yuhũ sehene ñũ tuhti dũcare tina. 19 Cohamacũre cahmaeraina m̄sa jisnichũ, tina mehne macainare ti cahĩro seheta m̄sa c̄hũre cahĩboa tina. Ahri yahpa macaina m̄sa jisnichũ m̄sare besei. Ñ jina mipũre ahri yahpa macaina waro jierara m̄sa. M̄sa ã jierachũ ñũna ahri yahpa macaina m̄sare ñũ tuhtira. 20 “Yũ yaina jina m̄sa yũ bui jierara”, m̄sare yũ niri cjihtire wacũga m̄sa. Ñ yũ docai jiina jina yũ ñano yũdũriro seheta ñano yũdũnahca m̄sa c̄hũ. Yuhũre ñano yoarinata m̄sa c̄hũre ñano yoahca. Yũ buhechũ yũhtirinata m̄sa buhechũ c̄hũre yũhtiahca tina.

21 Ahri yahpa macaina yuhũre warocarirore masierara. Ñ jia yuhũre wacũ tuaina m̄sa jichũ ñũna tina ñano yoahca m̄sa c̄hũre.

22 'Tinare yũ buhei taerachũ yuhũre ti cahmaerari buhiri buhiri mariaboa. Mipũre tinare yũ buheri baharo “Ñaa buhiri mariaha s̄are”, ni masierara tina. 23 Yuhũre ñũ tuhtiriro yũ Pũcũ c̄hũre ñũ tuhtira. 24 Cohamacũ to tuaa mehne paina ti ne yoerarire yoa ñohi. Ñ yoa tinare tíre yũ yoa ñoerachũ tinare ñaa buhiri mariaboa. Cohamacũ tuaa mehne yũ yoa ñoare ti ñũri baharo yuhũre yũ Pũcũ c̄hũre ñũ tuhtira tina. 25 Ñ ñũ tuhtia Cohamacũ yare ti joari tjuí dóip̄ta to ni joariro seheta yoaa nire tina. Õ sehe ni joaa tiha: “Tinare yũ ñano yoerapachũta yuhũre ñũ tuhtire tina”, ni joaa tiha dóip̄ta Cohamacũ yare ti joari tjuí.

26 'Yũ baharopũ m̄sare yoadohohtiro, yũ Pũcũ mehne jiriro m̄sare yũ warocahtiro Espĩritu Santo tjira. Tiro potoc̄ata yahuriro jira. Ñ jiro tiro taro yũ jia tiare yahurohca m̄sare. 27 Masare yũ buhe dũcachũp̄ta m̄sa c̄hũ dachoripe yuhũ mehne ã jirucure. Ñ jina m̄sa c̄hũ yũ jia tiare yahurahca painare —ni yahure Jesu.

16

1 Ñ ni tuhsũ s̄are õ sehe ni yahu namore:

—Baharo yũ buheare yuhũ c̄hũre m̄sa cohãerahti cjihtire ahrire jipihtiare yahuhi m̄sare. 2 Judio masa mari buhea wuhũsepũ m̄sa s̄aa duachũ s̄aa dutisi m̄sare yũ yaina m̄sa jiri buhiri. Ñ jia pa tehepũ m̄sare wajãa, “Cohamacũ cahmaare yoana nija”, ni tũhotuahca paina. 3 Yũ Pũcũre, yuhũ c̄hũre tina masierara. Ñ masieraa m̄sare ñano yoahca tina. 4 Ñ jina m̄sare ñano ti yoachũ ñũna, “Ti õ sehe yoahto panota Jesu yahu tuhsũre s̄are”, ni wacũnahca m̄sa. M̄sa ã ni wacũhti cjihtire mipũre ahrire yahu m̄htai nija m̄sare —ni yahure Jesu.

Espĩritu Santo to yoahtire yahuha Jesu

Ñ ni tuhsũ õ sehe ni yahu namore Jesu:

—Wahmanopũre m̄sa mehne jicũ ahrire m̄sare yahuerahi. 5 Mipũ sehene yuhũre warocariro cahapũ wahaihca

wahai tai nija. “¿Nohor_u wahaihcar_i m_uh_u?” y_uh_ure ni, ne cãiro barota sinitu ñ_uerara m_usa. ⁶ ã sinitu ñ_uerapanahta y_uh_u wahahtore m_usare y_uh_u yahu m_ujach_u m_usa ñ_uano yajeripohna tira. ⁷ M_usare potocãta yahui nija. Y_uh_u wahari baharo m_usare noanocanohca. Y_uh_u m_uanop_uh_u wahaerach_u m_usare yoadohohtiro sehe taeraboa. Wahac_u m_usare tirore warocaihtja y_uh_u. ⁸ Y_uh_u ã warocach_u tiro tarohca. ã wihiro ahri yahpa macaina ñ_uaa yoaina ti ñ_uaa buhiri tiare tinare masich_u yoarohca tiro. Noano jia tia cãh_ure buherohca tiro masare. Tuhs_u, Cohamac_u masare to buhiri dahrehto cãh_ure masich_u yoarohca masare yoadohohtiro sehe. ⁹ Y_uh_ure wac_u tuaeraina jira ahri yahpa macaina. ã jiro yoadohohtiro sehe masa ñ_uaa yoaina ti ñ_uaa buhiri tiare tinare masich_u yoarohca. ¹⁰ Y_uh_u P_uc_u cahap_u wahaihca. Y_uh_u ã wahari baharo m_usa y_uh_ure ne ñ_usinisi. ã jiro noano jia tia cãh_ure masich_u yoarohca yoadohohtiro sehe. ¹¹ Ahri yahpa macaina p_uhtoro wat_uno_ure Cohamac_u buhiri dahre duti tuhs_ure. ã jiro Cohamac_u masare, wat_uno_ure mehne macainare to buhiri dahrehti cãh_ure masich_u yoarohca yoadohohtiro sehe.

¹² 'Pj_uro jira m_usare y_uh_u yahuhti cjihti. Wiho mejeta m_usa sehe y_uh_u yahu pah_uoch_u, t_uho ñ_uaha pah_uoeraboa. ¹³ ã jiro potocã jiare yahuriro Esp_uritu Santo sehe m_usare quih_uno_u jiare yahu pah_uono tarohca. Tiro to m_u s_uro m_usare yahusi. Y_uh_u P_uc_u tirore to yahu dutirire tiro yahurohca m_usare. ã yoa “Baharop_u ò sehe waharohca”, ni yahuyurohca tiro sehe m_usare. ¹⁴ ã yoa y_uh_u yare m_usare tiro yahurohca. ã yahuro y_uh_ure ñ_uo payoch_u yoarohca m_usare. ¹⁵ Jipihtia y_uh_u P_uc_u ya y_uh_u cãh_u jira. ã jic_u “Esp_uritu Santo sehe y_uh_u yare yahurohca m_usare”, nihi m_usare —ni yahure Jesu.

“Cahyaina jipanahta baharo wahchenahca m_usa”, ni yahuha Jesu

¹⁶ ã ni tuhs_u ò sehe ni yahu namore:

—Mahanocã baharo y_uh_ure ñ_usi m_usa. ã jina baharocãta m_usa y_uh_ure ñ_unahca tjoa —nire Jesu sãre to buheinare.

¹⁷ To ã nich_u t_uhona, sã sehe mahainacã ò sehe ni durucui sã basi:

—“Mahanocã baharo y_uh_ure ñ_usi m_usa. ã jina baharocãta m_usa y_uh_ure ñ_unahca tjoa” nino, ¿dohse nino ã niri marine? ã yoa “Y_uh_u P_uc_u cahap_u wahaihca” nino, ¿dohse jiro baro marine ã niri tiro? ¹⁸ “Mahanocã” nino, ¿dohse nino ã niri tiro? To yahurire noano t_uho ñ_uahaeraja mari —ni durucui sã basi.

¹⁹ Sã ã ni durucuch_u Jesu tirore sã sinitu duarire masino, sãre ò sehe ni yahure:

—“Mahanocã baharo y_uh_ure ñ_usi m_usa. ã jina baharocãta y_uh_ure ñ_unahca tjoa”, ¿y_uh_u niri cji_ure sinitu duajari m_usa? ¿T_ure y_uh_u niri_ure t_uho ñ_uahaerajari m_usa? ²⁰ Potocãta m_usare nii nija. Y_uh_u yariach_u ñ_una m_usa tiinahca. Tuhs_u, tuaro cahyanahca. ã jia y_uh_ure ñ_uo payoeraina sehe wahcheahca. M_usa sehe cahyaina cji_ure jipanahta, baharo wahchenahca m_usa. ²¹ Ò sehe jira t_u: Numino nihi wahc_uno, to ñ_uano y_uh_uduht_u pano jira. ã jiro ticoro tuaro cahyara. ã cahyaparota to pohna tiri baharo ticorore pur_ure wac_uerara ticoro. Wihãrirocã ahri yahpap_u to masa bajuach_u ticoro wahchera. ã jiro ticorore pur_ure wac_uerara ticoro. ²² Tó seheta m_usa mip_ure cahyanahca. Baharo m_usare ñ_uihca tjoa. Y_uh_ure ã ñ_una m_usa tuaro wahchenahca. M_usa ã wahchech_u paina m_usare cahyach_u yoa masisi.

²³ 'T_u dachoi y_uh_ure m_usa ñ_uri dachoi y_uh_ure sinitu ñ_usi m_usa. Masi tuhs_urinap_u jinahca. Potocãta m_usare nii nija. Y_uh_ure m_usa wac_u tuach_u ñ_uno y_uh_u P_uc_ure m_usa siniare tiro m_usare warohca. ²⁴ Y_uh_ure wac_u tuaina jina, Cohamac_ure sini masina m_usa. Ahri dacho panoi tirore ã sinierasini_ure m_usa. Y_uh_ure wac_u tuatjiãhna Cohamac_ure siniga. M_usa ã sinich_u m_usa siniri_ure m_usare warohca, m_usa wahche pah_uohti cjihtire —nire Jesu sãre.

Ñainare Jesu y_uh_uduh_ucaha

²⁵ ã ni tuhs_u ò sehe ni namore:

—Quit_u mehne m_usare yahua tih_u. ã yahupaihta baharo m_usare quit_u mehne yahusi y_uh_u. ã yahuerac_u y_uh_u P_uc_u sehere

noano poto yahuihtja m̄sare. ²⁶ Tí dachore m̄sa ya cjihtire ȳ P̄sc̄are sini payosi ȳh̄h̄. Ȳh̄h̄re wacū tuana, m̄sa basi tirore sininahca. ²⁷ M̄sa ȳh̄h̄re cahīna. Ā jina ȳ P̄sc̄u cahap̄ ȳ tariro jich̄h̄ “Potocā tjira”, nina m̄sa. Ā niina m̄sa jich̄h̄ ñ̄no, ȳh̄h̄re cahīna m̄sa jich̄h̄ ñ̄no ȳ P̄sc̄u sehe m̄sare cahīna. To ā cahīch̄h̄ tirore m̄sa sininahca. ²⁸ Ȳ P̄sc̄u cahai jiriro jic̄h̄ ahri yahpap̄re tai ȳh̄h̄. Ā jic̄h̄ mip̄re ahri yahpap̄re jiriro jisinic̄h̄ ȳ P̄sc̄u cahap̄re wahaihca —nire Jesu.

²⁹ To ā nich̄h̄ s̄a to buheina ò sehe nii:

—Mip̄re pinihta q̄iti marieno durucui noano poto yahui nina m̄h̄h̄ s̄are. ³⁰ M̄h̄h̄ noano masi pahñ̄oriro m̄h̄h̄ jich̄h̄ mip̄re pinihtare s̄a masija. Ā jia paina m̄h̄h̄re buhe masierara. Tíre mip̄re s̄a noano masija. S̄a noano masiina jina, Cohamac̄u cahap̄re tariro m̄h̄h̄ jich̄h̄ “Potocā tjira”, nija s̄a —nii s̄a Jesure.

³¹ S̄a ā nich̄h̄ Jesu ò sehe ni ȳh̄htire s̄are:

—¿Mip̄re “Potocā tjira”, nijari m̄sa j̄na? ³² Baharo curero jipihtina m̄sa w̄h̄h̄sep̄re waha siteina jina, ȳh̄h̄re cohānahca m̄sa. M̄sa ā cohāpach̄ta ȳ P̄sc̄u sehe ȳh̄h̄ mehne jira. Ā jic̄h̄ ȳh̄h̄ c̄airota jieraja. ³³ Ahrire m̄sare yahu m̄htahi, ȳh̄h̄re m̄sa wacū tuaa mehne m̄sa noano jihto sehe. Cohamac̄ure cahmaeraina cahap̄re m̄sa jich̄h̄ ñ̄ano yoaaahca m̄sare tina. Ti ā yoapach̄ta wahchega m̄sa. Ahri yahpa macaina ñ̄aa buhiri tiinare, ti p̄htoro waf̄no c̄h̄h̄re ȳh̄d̄ar̄cariro jija ȳh̄h̄. Ā jina ȳh̄h̄re wacū tuana wahchega m̄sa —nire Jesu s̄are to buheinare.

17

Jesu to buheina ya cjihtire Cohamac̄ure sini payoha

¹ Ā ni yahu tuhs̄ Jesu m̄anop̄re ñ̄roca m̄o, Cohamac̄ure ò sehe ni durucure:

—Mai, mip̄re m̄h̄h̄ yahu quih̄oriro seheta ȳh̄h̄re ñ̄ano ti yoah̄ti p̄ja m̄h̄h̄ s̄urota nina. Ȳh̄h̄re m̄h̄h̄re masare ñ̄o payoch̄h̄ yoaga. M̄h̄h̄re ā yoach̄h̄ m̄h̄h̄re masare ñ̄o payoch̄h̄ yoaihca ȳh̄h̄ c̄h̄h̄. ² Jipihtina bui p̄htoro ȳh̄h̄re c̄ure m̄h̄h̄. Ā jic̄h̄ ȳh̄h̄re m̄h̄h̄ warinare m̄h̄h̄ mehne ā jirucuch̄h̄

yoaihca ȳh̄h̄. Tuhs̄, m̄h̄h̄re masare ñ̄o payoch̄h̄ yoaihca ȳh̄h̄. ³ M̄h̄h̄ dihta Cohamac̄u waro jira. Ȳh̄h̄ Jesucristo m̄h̄h̄ warocariro jija. Ā jia jipihtina m̄h̄h̄re masiina, ȳh̄h̄re c̄h̄h̄re masiina m̄anop̄re mari mehne ā jirucuahca —nire Jesu.

⁴ Ā ninota ò sehe ni namore Cohamac̄ure:

—Ahri yahpap̄re m̄h̄h̄re yoa dutiri c̄jirire yoa pahñ̄oja ȳh̄h̄. Ā yoac̄h̄ m̄h̄h̄re masare ñ̄o payoch̄h̄ yoaja ȳh̄h̄. ⁵ Ahri yahpa to jihto pano m̄h̄h̄ mehne ȳh̄h̄ jich̄h̄ jipihtina ȳh̄h̄re ti ñ̄o payo m̄htariro seheta mip̄re ȳh̄h̄re ti ñ̄o payoch̄h̄ yoaga tjoa.

⁶ Ahri yahpai jinare ȳh̄h̄re m̄h̄h̄ warinare m̄h̄h̄re masich̄h̄ yoahi. M̄h̄h̄ warina m̄h̄h̄re yaina jira. Ā jic̄h̄ tinare ware m̄h̄h̄re ȳh̄h̄re. Ā jia m̄h̄h̄re dutiare yoare tina. ⁷⁻⁸ Ȳh̄h̄re m̄h̄h̄re yahurire tinare buhehi. Ȳh̄h̄re ā buhech̄h̄ tuhoa ȳh̄h̄re buheare cahmare tina. Ā jia potocāta m̄h̄h̄re cahai tariro ȳh̄h̄re jich̄h̄ masina tina. Tuhs̄, m̄h̄h̄re warocariro ȳh̄h̄re jich̄h̄ “Potocā tjira”, ni tuhotura tina. Ā yoa jipihtia ȳh̄h̄re ya m̄h̄h̄re ya ti jich̄h̄ masina tina.

⁹ Ti ya cjihtire m̄h̄h̄re sini payoi nija. Paina ya cjihti sehene sini payoi nieraja ȳh̄h̄re. Ȳh̄h̄re m̄h̄h̄re warina m̄h̄h̄re yaina jira. Ā jic̄h̄ ti ya cjihtire sini payoi nija m̄h̄h̄re.

¹⁰ Tina jipihtina m̄h̄h̄re yaina jira. Ā jia m̄h̄h̄re yaina sehe ȳh̄h̄re yaina jira. Ȳh̄h̄re wacū tuaa ȳh̄h̄re tuariro jiare masich̄h̄re yoara tina masare.

¹¹ Mip̄re ahri yahpap̄re tjuasi ȳh̄h̄re. M̄h̄h̄re cahap̄re wahai tai nija. Ȳh̄h̄re ā waha-pach̄ta mip̄re ȳh̄h̄re m̄h̄h̄re warina ahri yahpare tjuaahca. Mai, m̄h̄h̄re noariro jira. Ȳh̄h̄re m̄h̄h̄re warinare m̄h̄h̄re tuaa mehne ñ̄o wihbobasaga. M̄h̄h̄re ā ñ̄o wihboch̄h̄re mari c̄airota mari jiro seheta tina c̄h̄h̄re c̄u curuata jahca. ¹² Tina mehne jic̄h̄h̄re m̄h̄h̄re tuaa mehne tinare noano ñ̄o wihbohi. C̄airo pinihta pichacap̄re waharohca m̄h̄h̄re yare ti joari t̄jui to yahuriro seheta.

¹³ Mip̄re m̄h̄h̄re cahai wahai tai nija. Ā jic̄h̄h̄re ahri yahpai ahri jipihtiare ȳh̄h̄re yainare yahuja ȳh̄h̄re mehne ti noano wahchehto c̄jire. ¹⁴ M̄h̄h̄re yare yahuhi tinare. Tina ȳh̄h̄re yoaro seheta ahri yahpai ji dojahtina jierara. Ā jia ahri yahpa macaina sehe tinare ñ̄o tuhtira. ¹⁵ “Ahri yahpai jinare, ȳh̄h̄re yainare naaga”, nieraja. Ā nierapaihta

tinare noano ñu wihboga “Watĩno ñaare yoa dutiri”, tinare nicu. ¹⁶ Ahri yahpa macariro jieraja. Tina cãhu yu yoaro seheta ahri yahpai ji dojahtina jierara. ¹⁷ Yu yainare mu buhea mehne noaina wahachu yoaga tinare. Mu yahua sehe potocã tjira. ¹⁸ Ahri yahpãre yũre mu warocariro seheta yãhu sehe yu yaina cãhure mu yare buhe duticu warocahi. ¹⁹ Mu cahmaare yoahrtiro cjihtore yariahtiro jicu yu pjacure waja. Æ waja yũhu yu yaina cãhu mu cahmaare potocã ti noano yohti cjihtire.

²⁰⁻²¹ “Yu yaina mipure jiina dihtare yoadohoga”, ni sini payoeraja yũhu. Yu yaina painare yu yare ti buheri baharo paina cãhu yũhure wacũ tuaahca. Tina cãhure yoadohoga, yu yaina jipihtina cã curuai ti jihto cjihto sehe. Yũhu mũhu mehne mari pãaro jipanahta cãiro tjija. Mari cãirota mari jiro seheta tina cãhu mari mehne cã curuaihta jijaro. Cã curuaita jijaro mu warocariro yu jiare jipihtina masa “Potocã tjira” ti nihto sehe.

²² Yũhure mu masichu yoariro seheta yu yainare yu jia tiare masichu yoai. Tinare yu Æ masichu yoachu cãirota mari jiro seheta tina cãhu cã curuaita jahca. ²³ Yũhu tina mehne jija. Tuhsu, mũhu yũhu mehne jira. Mari Æ jiina jichu yu yaina potocãta cã curuaita noano jahca. Cã curuaita ti jichu ñna mu warocariro yu jiare ahri yahpa macaina masiahca. Tuhsu, yũhure mu cahĩro seheta yu yaina cãhure mu cahĩare masiahca masa.

²⁴ Mai, ahri yahpa to ji dũcahto pano yũhure cahãa tire mũhu. Æ cahĩcu yu masi pahĩro, si siteriro yu jichu ñore mũhu. Æ jicu yũhure mu warina yũhu mehne ti jichu cahmaja masi pahĩro, si siteriro yu jichu ti masihti cjihtire. ²⁵ Mai, mũhu noariro jira. Ahri yahpa macaina ñaina mũhure masierara. Yũhu sehe mũhure masija. Æ jia mu warocariro yu jichu masina yu yaina. ²⁶ Mũhure tinare masichu yoai. Baharopu cãhure mũhure tinare masichu yoaihtja yũhure mu cahĩro seheta painare ti cahĩti cjihtire. Æ jicu yu yaina mehne jiihca —nire Jesu Cohamacure.

Jesure peresu yoaha

(Mt 26.47-56; Mr 14.43-50; Lc 22.47-53)

¹ To Æ niri baharo Jesu sã cãhu to buheina Cedrõ wama tiri mare pahã, olivo wama tia yucari ti toari wesepu sui. ² Payu tahari tí wesei, tí yucu docai sã Jesu mehne cahmachua tii. Æ jiro Juda Jesure ñu tuhtiinare ñohtiro tí wesere masire. ³ Æ masino pãa curua surarare mu tã tare tí wesepu Jesure ñono taro. Cã curua surara waro jire. Pa curua surara Cohamacu wũhure cohtaina jire. Tina sacerdotia pãtoa, fariseo curua macaina ti warocaina jire surara, Cohamacu wũhure cohtaina mehne. Æ taa sihãa pocare, sihãa yucari cãhure sihãa tare. Ti wamoa cãhure cãure tina. ⁴ Tí wesepu ti wihiri baharo Jesu to ñano wahahtore masino, tinare piti boca, õ sehe ni siniture:

—¿Noare macana nijari m̄sa? —nire Jesu.

⁵ —Jesu Nazare macarirore macaja sã —ni yũhtire tina.

—Tiro tjija yũhu —nire Jesu.

Juda sehe, Jesure ñaha dutiro ñoriro tina mehne jire. ⁶ Æ jia “Tiro tjija yũhu”, Jesu to nichuta tina sehe cãaa waha, yahpã du siti m̄a bora caha sãre. ⁷ Ti Æ wahachu ñano tinare pari turi õ sehe ni siniture Jesu:

—¿Noare macana nijari m̄sa? —nire.

—Jesu Nazare macarirore macana nija sã —ni yũhtire tina tjoa.

⁸ —“Tiro tjija”, ni tuhsũmahicu yũhu m̄sare. Æ jina yũhure ñahana, ahrinare yũhu mehne macainare peresu yoena tjiga m̄sa —nire Jesu.

⁹ Æ sãre cahĩno ne cãirore butichu yoerare. Æ yoaro tão pano Cohamacure to niriro seheta yoaro nire tiro. “Yũhure mu warinare ne cãirore boerahi”, to niriro seheta yoaro nire Jesu. ¹⁰ Æ yoa Simo Pedro ñosari pjĩne cãaro, tí pjĩne tãã we naroca, sacerdotia bui pãtoro cahamacano Malco wama tiriro cahmonore cãã pahrẽnocare. To poto bũhusehe macari cahmonore cãã pahrẽnocare. ¹¹ Æ to cãã pahrẽchu ñano Jesu tirore õ sehe nire:

—Mu ñosari pjĩne wihboga. Yu Pũcu yũhure to ñano yũhdũ dutiriro seheta ñano yũhdũhtja yũhu —nire Jesu Pedore.

Sacerdotea bui p̄htoro cahap̄u Jesure naaha tina

(Mt 26.57-58; Mr 14.53-54; Lc 22.54)

¹² To ã ni tuhs̄ch̄ta surara, ti p̄htoro mehne, Cohamac̄u w̄h̄ure cohtaina surara c̄h̄u Jesure ñaha, tirore d̄htere. ¹³ D̄hte tuhs̄u Ana cahap̄u naa m̄htare tina. Ana sehe Caifa marech̄no jire. Caifa sehe tí c̄h̄mare sacerdotea bui p̄htoro jire. ¹⁴ “Judio masa ya c̄jhtire c̄airo mas̄no yariach̄u noana”, niriro c̄jiro jire Caifa sehe.

“Jesure masieraja”, niha Pedro

(Mt 26.69-70; Mr 14.66-68; Lc 22.55-57)

¹⁵ Æ jina ȳh̄u Simo Pedro mehne Jesure yoa curerop̄u ñ̄u nun̄u tii. Ȳh̄u sehe sacerdotēa bui p̄htoro to ñ̄u masiriro jic̄u Jesu baharo p̄htoro w̄h̄u jiri sahr̄nop̄u s̄ãa wahaí. ¹⁶ Ȳu ã s̄ãach̄u Pedro sehe sahr̄no sopacai tjuar̄c̄u s̄ure. Æ jic̄u majare wijaa ta, sopacare cohtaricorore sinitu ñ̄u “Ahr̄iro Pedro s̄ãa ta masijari”, nic̄u. Ȳu ã sinitu tuhs̄ch̄u ticoro Pedore s̄ãa ta dutire. To s̄ãa ta dutiri baharo ȳh̄u Pedore na s̄ãa wahaí. ¹⁷ Ȳu ã na s̄ãach̄u ñ̄u no sopacare cohtaricoro sehe Pedore ò sehe ni siniture:

—¿Jesu buheina mehne macariro jierajari m̄h̄u? —nire ticoro Pedore.

—Jieraja ȳh̄u —ni ȳhtire Pedro sehe.

¹⁸ S̄ã suhto pano tó macaina cahamaca, surara mehne ti sohmahti pichacare wijã tuhs̄uri jire. Ȳus̄a nire. Æ jia tina tí pichaca d̄ht̄u cahai ducua, sohmaa nire. Ti ã sohmach̄u ñ̄u no, Pedro c̄h̄u waha, sohmare.

Sacerdotea p̄htoro Jesure sinituha

(Mt 26.59-66; Mr 14.55-64; Lc 22.66-71)

¹⁹ Æ yoa sacerdotea bui p̄htoro Jesu buherire, s̄ãre to buheina c̄h̄ure sinitu ñ̄uri jire Jesure. ²⁰ To ã sinituch̄u Jesu sehe ò sehe ni ȳhtiri jire tirore:

—Jipihtinare buhec̄u ti panoi ducuhi. Æ buhec̄u judio masa mari buhea w̄h̄usei Cohamac̄u w̄h̄u c̄h̄ure ã buherucuhi. M̄sa ñ̄u noi buherahi ȳh̄u. ²¹ ¿Dohseac̄u ȳh̄ure sinitujari m̄h̄u? Sinitu duac̄u ȳu buheinare sinitu ñ̄uga. Ȳu buherire tina masina —ni ȳhtiri jire Jesu.

²² To ã nich̄u t̄h̄oro tóí ducuriro surara sehe to wamomaca mehne Jesure c̄jãri jire.

—Æ nii tjiga sacerdotea bui p̄htorore —niri jire surara sehe Jesure.

²³ To ã nich̄ta Jesu ò sehe niri jire:

—Ñ̄ano ȳu ni durucurire yahuga ȳh̄ure. ¿Potoc̄ãta m̄sare ȳu yahupach̄ta, dohseac̄u ȳh̄ure c̄jãjari m̄h̄u? —niri jire Jesu surarare.

²⁴ Baharo Ana Jesure paina ti d̄hterirore Caifa sacerdotea bui p̄htoro cahap̄u warocari jire.

“Jesure masieraja”, pari turi niha Pedro

(Mt 26.71-75; Mr 14.69-72; Lc 22.58-62)

²⁵ Æ yoa Simo Pedro pichaca d̄ht̄u cahai ducuro, sohmano nire. Æ to sohmarucuch̄u ñ̄u, tó macaina tirore ò sehe ni siniture:

—¿M̄h̄u c̄h̄u Jesu buheina mehne macariro jierajari m̄h̄u? —nire tina Pedore.

—Jieraja ȳh̄u —ni ȳhtire Pedro.

²⁶ Tuhs̄u, sacerdotea bui p̄htoro cahamaca mehne macariro, Pedro to cahmono c̄jã pahr̄ero coyero sehe Pedore ò sehe ni siniture:

—¿Jesure ti ñ̄ahari wesei ȳu jich̄u m̄h̄u c̄h̄u tiro mehne jierapahte? —ni siniture tiro Pedore.

²⁷ —Ȳh̄u tiro mehne jierahi —nire Pedro. To ã nich̄ta caraca dure.

Jesure Pilato sinituha

(Mt 27.1-2, 11-14; Mr 15.1-5; Lc 23.1-5)

²⁸ Ñ̄amiwac̄ũnu jich̄u Caifa ya w̄h̄up̄u jirina Jesure naa wijaa, tí maca macaina p̄htoro Pilato ya w̄h̄up̄u naa wahare tina. Æ wahapahta to ya w̄h̄up̄u s̄ãaerare. Pascua dachori jich̄u tina tí bose ñ̄um̄ri macaare ch̄htina jia ò sehe nire: “Judio mas̄no jierara Pilato. To ã jiriro jich̄u to ya w̄h̄ure s̄ãana, mari dutiare ȳhd̄ur̄cana niboca. Æ jina mari s̄ãach̄u marine bose ñ̄um̄ri macaa ch̄are ch̄u dutierahca”, nire tina. Æ nia p̄htoro Pilato ya w̄h̄ure s̄ãaerare Jesure naahrina sehe. ²⁹ Ti ã s̄ãa taerach̄u ñ̄u no Pilato tina cahap̄u, w̄h̄u sopacap̄u s̄ur̄c̄u s̄uro, tinare ò sehe ni siniture:

—¿Yaba buhirire ahr̄irore yahusã duajari m̄sa? —nire Pilato tinare.

³⁰ —Ahr̄iro to noariro jich̄u m̄h̄ure s̄ã waeraboa. Ñ̄ariro jira tiro —ni ȳhtire tina.

³¹ Ti ã nich̄u Pilato ò sehe nire:

—Musa sehe tirore naahga. ã jina musa ya dutia ti niriro seheta tirore buhiri dahrega —nire Pilato tinare.

—Musa Roma macaina ya dutia sehe sãre masunore wajã dutierara —nire tina Pilatore.

³² ã nia Jesure judio masa ti wajã duarire masichu yoaa nire. Jesu sehe crusapu to variahtore tó pano to yahuriro seheta ã waharo nire. ³³ Ti ã ni durucuri baharo Pilato sehe wuhuru majare sãa, Jesure pjirocari jire. Pjiroca tuhsu, tirore õ sehe ni sinituri jire:

—¿Judio masa ti puhtoro tjijari mahu? —ni sinituri jire Pilato.

³⁴ —¿Mu mu sãrota ã sinitui nijari mahu yuhure? ¿O paina sehe yuhure ti yahusãri baharo tíre sinitu ñujari mahu? —niri jire Jesu Pilatore.

³⁵ —Judio masuno jieraja yuhu. Mu ya yahpa macaina, sacerdotea puhtoa cãhu mahure ware sãre. ¿Yabare ñano yoari mahu ti ã buhiri dahre duachu? —niri jire Pilato.

³⁶ —Ahri yahpa macariro puhtoro jieraja yuhu. Ahri yahpa macariro puhtoro yu jichu yu buheina yuhure yoadohoboa. Judio masare yuhure ñaha dutieraboa. Yu puhtoro jia ahri yahpa macaa jierara —niri jire Jesu Pilatore.

³⁷ —¿ã jicu puhtoro jijari mahu ã nicu? —niri jire Pilato.

—Mu nino seheta puhtoro tjija. Masa ti puhtoro jihtiro cjihto masa bajuai yuhu. ã jicu ahri yahpau tai ti puhtoro jicu tacu, potocã jiare yahucu tacu. Jipihtina potocã jiare tuho duaina, yu yahua tuhora —niri jire Jesu.

³⁸ —¿Yaba baro jijari potocã jia? Potocã jiare masihto basioerara —niri jire Pilato.

*Judio masa Jesure wajã dutiha
(Mt 27.15-31; Mr 15.6-20; Lc 23.13-25)*

ã ni tuhsu Pilato judio masa cahai majare tjua waha, tinare õ sehe ni yahure:

—Ahriro Jesure yaba buhiri mariahna. ³⁹ Cãhmaripe pascua jichu cãiro pèresui jirirore musa wio dutirucura. ¿ã jicu ahriro Jesureta musa puhtoro cjihto masare wiobasabocari yuhu? —nire Pilato judio masare.

⁴⁰ To ã nichu tuhoa judio masa õ sehe ni sañurucure:

—Tirore wioi tjiga. Barrabá sehere sãre wiobasaga —ni sañurucure judio masa Pilatore.

Barraba sehe yaca bucuro jire.

19

¹ Ti ã ni sañurucuri baharo Pilato Jesure tjana dutiri jire. To ã dutichu to mu sehe tirore tjanari jire. ² Tjana tuhsu tina pota soro dahre tuhsu, Jesu dapu bui duhu payori jire. Duhu payo tuhsu, puhtoa ya suhti barore tirore sãa, payu tahari tiro cahacã sãruca, õ sehe ni bujuperi jire tina:

³ —Noano tagã. Judio masa puhtoro noano tagã —ni bujupere, Jesu wuhduahi cã mujari jire.

⁴ ã yoa pari turi Pilato judio masa cahapu waha, tinare õ sehe ni yahure:

—Tuhoga musa. Ahrirore ñaa buhiri mariahna. ã jicu tíre musa masihti cjihtire musa cahai tirore na tai tai nihi —nire tiro.

⁵ To ã ni tuhsuchata Jesu pota soro pisariro, puhtoa ya suhti barore sãariro, wuhui jiriro wijaa tare. To ã wijaa tachu Pilato tinare õ sehe nire:

—Ñuga. Ahriro tjira tiro —nire Pilato.

⁶ To ã ni tuhsuchu tuhoa, sacerdotea puhtoa, Cohamacu wuhu cohtaina surara cãhu Jesure ñaa, sañurucure:

—Crusapu cã puha wajãga tirore. Crusapu cã puha wajãga tirore —ni sañurucure tina.

—Tirore ne ñaa buhiri mariahna. ã jina musa basita tirore naaga. ã jina musata tirore crusapu cã puha wajãga —nire Pilato tinare.

⁷ —Tiro to basi “Cohamacu macuno jija”, nia tire. Tíre to ã nichu sã dutia sehe tirore wajã dutira —nire tina Pilatore.

⁸ Ti ã nichu tuhora tó pano to cuiriro yuhdoro cuia wahare Pilato sehe. ⁹ ã jiro pari turi to wuhupere majare sãa, Jesure õ sehe ni sinituri jire tjoa:

—¿Noho macariro jijari mahu? —niri jire Pilato Jesure.

To ã ni sinitupachata Jesu tirore yuhtierari jire.

¹⁰ To ã yuhtierachu ñuno Pilato tirore õ sehe ni sinitu namori jire:

—¿Yuhure yuhtierajari mahu? Yuhu mahure peresui jirirore wio masija. Ñ yoa mahure crusapu cã puha wajã duti masija yuhu. ¿Tíre masierajari mahu? —niri jire Pilato Jesure.

¹¹ —Cohamacu mahure to dutierachu yuhure ñano yoape dutieraboa mahu. Yuhure ñu tuhtiinare ñoriro sehe mu yuhdoro ñano buhiri tira —niri jire Jesu Pilatore.

¹² To ã nichu tuhoro Pilato sehe tirore wio duari jimare. To ã wio duapachata pari turi judio masa õ sehe ni sañurucure:

—Jesu “Puhtoro jira” nino, mari jipihtina bui puhtoro jirirore Roma macarirore ñu tuhtiriro jira tiro. Ñ jicu tirore wiocu mahu cãhu mari bui puhtoro jirirore ñu tuhtiriro jiihca —ni sañurucure judio masa Pilatore.

¹³ Ti ã nichu tuhoro Jesure wuhai jirirore na wijaa ta, buhiri dahre dutiro taro to dujiri pahtai nuju sare Pilato sehe. Tõi to buhiri dahre dutiri wapa, tãa mehne ti yoari wapa judio masa sã ya mehne Gabatã wama tire. ¹⁴ Tí dacho pascua dacho bose numu sã chuhti cjihtire sã cahnori dacho jire. Tí pjare cohari pja waro jire. Nuju su tuhsu Pilato masare õ sehe ni yahure:

—Ahriri tjira musa puhtoro —nire tiro.

¹⁵ To ã nichu tãhoa judio masa õ sehe ni sañurucure:

—Yariajaro tiro. Yariajaro tiro. Crusapu cã puha wajãga tirore —ni sañurucure tina.

—¿Musa puhtoro to jipachata tirore crusapu cã puha wajã dutijari musa? —nire Pilato.

To ã nichu tãhoa õ sehe ni yuhtire sacerdotea puhtoa:

—Mari jipihtina bui puhtoro Roma macarirota sã puhtoro jira. Pairo puhtoro sãre mariahna —ni yuhtire sacerdotea puhtoa.

¹⁶ Ti ã ni durucuri baharo Pilato Jesure crusapu cã puha wajã dutiro, tirore ware tinare, tirore wajãhtinare.

Jesure cã puha wajãha tina
(Mt 27.32-44; Mr 15.21-32; Lc 23.26-43)

¹⁷ Ñ jia tina Jesure naa wijaare. Ti naa wijaachu Jesu sehe to crusare to basi waha naa, dapu cohã wama tiropu sare. Sã judio masa ya mehne dapu cohã Gólgota

wama tire. ¹⁸ Tõpu sua tina Jesure cã puha õre. Tuhsu, paina puarore cãiro to poto buhusehei, pairo to cõ buhusehei cã puha dapore tina. Ñ jiro Jesu ti dacho macai jire. ¹⁹ Ti cã puha tuhsuchu, Pilato taboa pjine joa, Jesure ti cã puha õri crusai cã puha õ dutire tí pjine. Õ sehe ni joare tiro: “Ahriri Jesu Nazare macariro, judio masa bui puhtoro jira”, ni joare Pilato tí pjine. ²⁰ Tí pjine joaro judio masa ya dusero mehne, Roma macaina ya dusero mehne, griego masa ya dusero mehne joare tiro.

Ñ yoa Jesure crusapu ti cã puha daporiro maca cahacã jire. Tõ cahacã jiina payu judio masa Pilato joarire ñu, buhere.

²¹ Ñ buhe tuhsu judio masa sã sacerdotea puhtoa õ sehe nire Pilatore:

—“Ahriri judio masa puhtoro jira”, ni joai tjiga. Sã puhtoro jierara ahriri. Ñ jicu õ sehe ni joa cahnoga mahu. “Ahriri ‘Judio masa puhtoro jira’, ni cãirota to basita ã ni tuhoturiro jira”, ni joa cahnoga —nire sacerdotea puhtoa.

²² —Yu joa muhtariro seheta jirohca —nire Pilato tinare.

²³ Jesure ti cã puhari baharo pititiaro surara sehe Jesu suhtire ti basi witire. Ti ã witi duapachata cã suhtirota yoari suhtiro dohori marieni suhtiro jire. Tí suhtiro suhari suhtiro jire. ²⁴ Tí suhtiro to ã jichu õ sehe nire tina ti basi:

—Ahri suhtirore tuhrëna tjijihna. Ahri suhtirore nahtiro cjihtore masi duana, docapejihna mari —nire tina ti basi.

Ñ docapea, Cohamacu yare ti joari tjui ti ni joariro seheta yoaa nire tina. “Yu suhtire tina ti basi witire. Ñ jia yu suhtire nahtiro cjihtore masi duaa, docapere tina”, ni joaa tiha Cohamacu yare ti joari tjui. To ã ni joariro seheta ã yoaa nire tina.

²⁵ Surara ti ã yoachu Jesu pocoro, Jesu muono, María Cleofa namono, María Magdalena mehne Jesu crusa cahacã ñurucure tina. ²⁶ Ñ jiro to pocoro yuhu to cahiro cãhu to cahacã sã ducuchu ñno to pocorore õ sehe ni yahure Jesu:

—Mipure ahriri mu macu cjihto jira —nire Jesu to pocorore.

²⁷ Ñ ni tuhsu, yuhure õ sehe ni yahure tiro:

—Mipare ahricoro ma poco cjihto jira — nire Jesu yahure.

To a niri baharo Jesu pocorore ya ya wahupu ji dutii.

Jesu yariaa wahaha

(Mt 27.45-56; Mr 15.33-41; Lc 23.44-49)

²⁸ To a ni yahuri baharo o sehe ni tahotu masiri jire Jesu: “Jipihtia Cohamacu yahure dahra dutiro to curire yoa pahnohi”, ni tahotu masiri jire Jesu. A masino Cohamacu yare ti joari tjui to ni yahuriro seheta o sehe nire Jesu:

—Nahma yapioca yahure —nire Jesu.

²⁹ A yoa toi vino sueta core posa tiri situ dujire. A jiro toi jirihi wihmi nari sahtere sueta co mehne ti sohari sahtere yucucu hisopo wama tidu sohtoai dante ore. Dunte o tuhsu, Jesu duseroi siõ muo, siõ ore. ³⁰ Ti core Jesu wihmi tuhsu o sehe nire:

—Tõ puro tjica —ninota to dapure muhriruca, yoja su, yariaa wahare.

Surara Jesu patipahma batoi nosaha nosadu mehne

³¹ Ti dacho pascua bose numu pano jire. Ti bose numu macaare sa chuti cjihtire sa cahnori numu jire. A jia pa dacho Sabado jichu ti bose numu jichu crusaripu ti wajarinare cu duaerare judio masa. Ti dacho Cohamacu ti no payori dacho bose numu jire. A jia ti dachoi ti cja puharina cjihtire crusapu ti jichu cahmaerare tina. A jia ti cja puharina cjihtire ti nuhca coharine cja nuha dutia taa judio masa siniha Pilatore, ti yaria marocahto cjihto sehe. Ti a yoari baharo ti pjacari cjihtire na boro bahraõa taa nire. ³² Ti a dutichu surara sehe crusari cahapu su, cuero yacariro cjiro nuhca coharine cja nuhare. Pairo cuhure ata yoare tina. ³³ A jia Jesu nuhca coharine cja nuha tamaa, to yariariro jichu nuha, cja nuhaerare.

³⁴ A cja nuhaeraa cuero surara to patipahma batoi nosadu mehne nosare. To a nosachu doihta to di, co mehne wijaare. ³⁵ To a wahachu nuhi yahu. Yuhu ahri tjure joariro musare potocã yahuja. Potocã ya yahua jichu masija yuhu. Musare yahuja musa cuhu Jesure musa wacu tuahto sehe.

³⁶ Cohamacu yare ti joari tjui to niriro seheta a wahare: “To coharine ne cu cohare cja nuhaerare”, to ni joariro seheta Jesu nuhca coharine ne cu cohare cja nuhaerare. ³⁷ A yoa pa tjui Cohamacu yare ti joari tjui o sehe nina: “Tirore ti nosariro cjirore nuhca tina”, ni joaa tiha Cohamacu yare ti joari tjui.

Jesu pjacure masa copapu cuha

(Mt 27.57-61; Mr 15.42-47; Lc 23.50-56)

³⁸ To yariari baharo José Arimatea macariro Jesu pjacu cjirore na bororo taro, Pilatore siniri jire. José sehe paina judio masare cuero, Jesure wacu tuariro to jiare yahu duaerari jire. To pjacu cjirore to siniri baharo Pilato sehe to pjacure naa dutiri jire. To a na dutichu José crusa cahai su, Jesu pjacu cjirore naa wahari jire. ³⁹ Nicodemo cuhu me sitiare yucucu di pohca, mirra wama tia me sitia yucucu pohca mehne dahra moreare na tari jire. Jesu pjacu cjirore masa copapu ti siõ sahto pano ti cahnotti jiri jire ti me sitia. Ti na tari cjiri treinta kilo nacari jire. Nicodemo sohõ jiri pja Jesu mehne to coã durucuri pja namipu Jesu cahai saruro jiri jire. ⁴⁰ A jia tina puaro Jesu pjacu cjirore naa, judio masa sa yariainare sa yoarucuriro seheta to pjacu cjirore me sitia mehne suhtiro cahsaro mehne wahmari jire. ⁴¹ Crusapu Jesure ti wajano cahai wese jire. Ti wesepu masa copa tacapu wahma ti sahari copa jire. Ti copai ne yariariro cjirore siõ saerasinire. ⁴² Pascua dacho bose numu judio masa sa bose numu sa chuti cjihtire sa cahnori dacho jire. To a jiri dacho jichu ti copa cahacã to crusa jichu, toi siõ saari jire tina Jesu pjacu cjirore.

20

Jesu masa wijaaha

(Mt 28.1-10; Mr 16.1-8; Lc 24.1-12)

¹ Domingo nami curero jichu, bohreahto panocã María Magdalena Jesu masa copapu sari jire. Toru saru ti copare ti tjui bihari tacare ti pjõo curia tacare nuhi jire ticoro. ² A nuhricoro jiro sa cahapu marocaa tare ticoro. Simo Pedro mehne yahu sa puaro jii. Wihi, o sehe ni yahure sare ticoro:

—Mari puhtoro pjacu cjirore naanocari jihre. Æ jina tiro cjirore ti cūrire mari masieraja —nire ticoro sāre.

³ To ã nichu tuhona, Pedro mehne masa coparu ñuna wahai sã. ⁴ Æ ñuna wahana sã puaro muroca wahcãi. Æ murocana, yuhu Pedrore muroca yuhdu wahcãcu masa coparu su muhtai. ⁵ Tõpu sucu muhri caha ñuroca sõi tí coparu. Muhri caha ñuroca sõcu tirore ti wahmari suhtiro cjiro dihtare ñni. Æ jii tí copare sãerahi. ⁶ Yu ã ñuri baharopu Simo Pedro yu baharo wihire. Wihi, masa coparu sãa, to pjacu cjirore ti wahmari suhtiro cjirore ñure tiro. ⁷ Jesu dapure ti wahmari cahsaro cūhure ñure tjoa. Tí cahsaro soro coãno to turëri cahsaro jire. ⁸ Æ jicu yuhu cūhu masa coparu su muhtariro tí coparu sãai. Jesure to ã mariachu ñucu “Potocãta Jesu masa wijaari jira”, ni tuhoutu yuhu. ⁹ Tí coparu sã wahahto pano Cohamacu yare ti joari tjui Cristo to variahtore yahurire, to masa wijahtore yahuri cūhure sã noano tuho ñahaerasinimai. Tí copare yu ñuri baharo, “Potocãta Jesu masa wijaari jira”, ni tuhoutu yuhu. ¹⁰ Æ ñu tuhsuna sã wuhusepu tjuaa wahai.

Jesu María Magdalenare bajuaha (Mr 16.9-11)

¹¹ Æ yoa masa coparu María majare tjua ta tí copa sopacaru wihi, ducuro, tiro niri jire. Æ tiiparota ticoro muhri caha ñuroca sõri jire masa coparu. ¹² Æ ñuroca sõno puaro anjoare, yehsea suhti tiinare Jesu cjiro to coãriro cjiropu ti dujichu ñuri jire ticoro. Cãiro to dapu coãriro cjiroi dujiri jire. Pairo to dahpori coãriro cjiroi dujiri jire. ¹³ Tinare to ñuchu tina sehe ticorore õ sehe ni sinituri jire:

—Numino, ¿dohse jiro baro tiico nijari mahu? —niri jire tina.

—Yu puhtoro pjacu cjirore naanocari jihre. Æ jico to pjacu cjirore ti cūrire masieraja yuhu —niri jire ticoro.

¹⁴ Æ ni tuhsu, majarercu samahno Jesure tõi ducurire ñuri jire ticoro. Æ ñuparota Jesure ñu masierari jire ticoro.

¹⁵ —Numino, ¿dohse jiro baro tiico nijari mahu? ¿Noare macaco nijari? —niri jire Jesu ticorore.

“Ahriro ahri wesere ñu wihboriro jira”, ni tuhutumari jire ticoro Jesure. Æ ni tuhoutu, õ sehe niri jire ticoro:

—Muhata to pjacu cjirore naariro jicu to pjacure mu cūrrore yahuga yuhure. Mu yahuri baharo to pjacu cjirore naaco waha-cohtja —niri jire ticoro tirore.

¹⁶ To ã niri baharo Jesu õ sehe niri jire:

—María —niri jire.

To ã ni pisuchu tuhoro majare ñuroca, ticoro hebreo ya mehne sã judio masa ya mehne õ sehe niri jire:

—Raboni —niri jire ticoro Jesure. (Raboni nino “Buheriro”, nino nina.)

¹⁷ —Yu Pucu caharu mjaerasinija yuhu. Yu ã mjaerasinichu yuhure ñahaeco tjiga. Tuhsu, paina yu yaina caharu wahaga. Ti caharu sūco õ sehe ni yahuga tinare: “Yu Pucu caharu wahai tai nija. Mūsa Pucu cūhu jira tiro. Yu yairo Cohamacu caharu wahai tai nija. Mūsa yairo Cohamacu cūhu jira tiro’, nihre Jesu”, ni yahuga tinare —niri jire Jesu Mariare.

¹⁸ To ã niri baharo María Magdalena sã Jesu buheina caharu wihi, yahure sāre:

—Mari puhtorore ñni yuhu —ni, Jesu ticorore to yahu dutirire yahure sāre ticoro.

Jesu to buheinare bajuaha

(Mt 28.16-20; Mr 16.14-18; Lc 24.36-49)

¹⁹ Tí dacho domingo ñamichahai sã Jesu buheina sã coyera judio masare cuina, wuhupu biha sãa, dujii sã. Sã ã dujichu Jesu sã watoi bajarucu sūro, sāre õ sehe nire:

—¿Jimajari mūsa? Noano jiga mūsa —nire.

²⁰ Æ ni tuhsu, to wamomacarine, to patipahma bato cūhure sāre ñore. Æ jina sã tirore sã puhtorore ñuna, wahchei. ²¹ Pari turi Jesu sāre õ sehe nire:

—Noano jiga mūsa. Yu Pucu yuhure to warocariro seheta, mūsa cūhure yu ya buheare buhehtinare warocaja —nire Jesu sāre.

²² Æ ni tuhsu tiro sāre puti sãare. Æ puti sãano Espiritu Santo sāre to sãarucu su mūsa

wahahtore ñono nire sãre. Ño tuhsu õ sehe nire:

—Mip̄u Esp̄ritu Santore ñahaga m̄usa, m̄usa mehne jihtirore. ²³ Paina ti ñaa yoarire m̄usa bochu, ãta jiahca. ã jia paina ti ñaa yoarire m̄usa boerachu tí bori jisi — nire Jesu sãre to buheinare.

Jesure masa wijaarore Toma ñ̄ha

²⁴ Jesu sã watoi to bajuachu Toma s̄hd̄ūariro ti ni pisuriro sã mehne mari-ahre.

²⁵ To ã mariachu sã mehne macaina tirore yahumare:

—Mari p̄htorore sã ñ̄hi —ni yahumai sã Tomare.

Sã ã ni yahupach̄ta õ sehe nire Toma:

—To wamomacarine ti cjã puhaa coparire ñ̄eracu tí coparire ȳu wamo pica mehne be ñ̄eracu, “Potocãta masa wijaari jira”, nisi ȳuh̄u. ã yoa to patipahma batoi jiri copare ȳu wamomaca mehne siõ s̄eracu, “Potocãta masa wijaari jira”, nisi ȳuh̄u tirore —nire Toma.

²⁶ Ocho dachori baharo pari turi sã to buheina sã w̄uh̄ūp̄u jii. Tí pjare Toma sã mehne jire j̄una. Tí w̄uh̄ū bihari w̄uh̄ū jire. Bihari w̄uh̄ū to jipach̄ta Jesu w̄uh̄ūp̄u sãa taro, sã watoi bajuarūcu s̄aro õ sehe nire:

—¿Jimajari m̄usa? Noano jiga —nire.

²⁷ ã ni tuhsu, tiro Tomare õ sehe ni yahure:

—Ñ̄uga ȳu wamomacarine. ã yoa m̄u wamo pica mehne ȳu wamomacarine ti cjã puhaa coparire be ñ̄uga. Tuhsu, m̄u wamomaca mehne ȳu patipahma batoi jiri copare siõ s̄o ñ̄uga. “Potocã jierara”, nii tjiga. “Potocã tjira”, niga m̄uh̄u, —nire Jesu Tomare.

²⁸ To ã niri baharo Toma õ sehe ni ȳuhtire:

—M̄uh̄u ȳu p̄htoro jira. M̄uh̄u ȳu yairo Cohamacu jira —nire Toma Jesure j̄una.

²⁹ —Ȳuh̄ure m̄u ñ̄ari baharo ȳuh̄ure wacũ tuara m̄uh̄u. Paina sehe ȳuh̄ure ñ̄erapahta ȳuh̄ure wacũ tuaahca. ã jia tina m̄u ȳuh̄oro wahcheahca —nire Jesu Tomare.

Jesure masa ti masihtu cjihtire ahri tjure joaha Joã

³⁰ ã yoa payu paye cãhure Cohamacu to tuaa mehne yoa ñore Jesu sã mehne jiro. Tíre to yoarire ahri tjui joa pahñoerati ȳuh̄u. ³¹ ã joa pahñoerapaihta ahri tjui ȳu yahuare joahi “Jesuta Cristo Cohamacu to warocariro jira. Tiro potocãta Cohamacu mac̄no jira”, m̄usa ni masihtu cjihtire. ã jina m̄usa tirore wacũ tuaina Cohamacu mehne m̄usa ã jirucuhti cjihtire joahi ahri tjure.

21

Jesu siete to buheinare bajuaha

¹ Baharo Tiberia wama tiri b̄uc̄pariro d̄uht̄u cahai sãre to buheinare Jesu pari turi bajuare tjoa. Sãre bajuaro õ sehe yoare tiro tjoa. ² Simo Pedro, Toma s̄hd̄ūariro ti niriro, Natanae Galilea yahpai jiri maca Canã wama tiri maca macariro, Zebedeo pohna sã p̄uaro, paina p̄uaro buheina sã õpeinata cahmachui.

³ Sã ã cahmachuri baharo Simo Pedro sãre õ sehe nire:

—Wahi wajãi wahi nija —nire tiro.

—Sã cãh̄u m̄uh̄u mehne wahanajt̄a —nii sã tirore.

ã ni tuhsu buhaa wahi. ã jina dohorria mehne wahi. Wiho mejeta tí ñamine sã noano maca bohreapanahta ne cãiro wahi wajãerahi. ⁴ Bohrea parĩ cahachu Jesu pad̄roi to ducuch̄u tirore ñ̄mai sã. ã ñ̄panahta tirore “Jesu jira”, ni ñ̄u masierahi sã. ⁵ ã jiro sãre tiro õ sehe ni siniture:

—¿Ne, wahi wajãri m̄usa? —nire Jesu.

—Ne wajãeraputiati sã —ni ȳuhtii sã.

⁶ —Dohoria poto b̄uh̄usehe sehe doca ñ̄oga. Tie sehe doca ñ̄ona wahi wajãnahca m̄usa —nire sãre.

To ã nich̄u t̄uhona sã to niriroihta doca ñ̄oi. Sã doca ñ̄o tuhs̄uch̄u payu wahi sãare. Payu wahi sãach̄u wañ̄n̄ore dohoriap̄u waja sãana bihoerahi sã. ⁷ ã jicu ȳuh̄u Jesu cah̄īriro Pedrore õ sehe ni yahui:

—Mari p̄htorota jira siro pad̄roi ducuriro —nii Pedrore.

Ȳu ã nich̄u t̄uhoro Jesuta to jich̄u masino, Simo Pedro to suhtirore sãare. Wahi wajãno taro to suhtirore tjuweriro jisn̄ire. To suhtirore sãa tuhsu, diap̄u pjuroca ñ̄ojare. ⁸ Sã paina buheina dohoriai jina, cien metro yoaro diap̄ure pahsai sã. ã

jina wañunore wahi payu sãadure dohoria mehne waja nujai sã. ⁹ Dũhtu cahai wahã suna pichaca niti dihta si coãri pichaca bui Jesu to puho cũrĩrore wahire ñui sã. Pão cũhure ñui sã.

¹⁰ Sã ã ñuchu ñuno Jesu sãre õ sehe nire:

—Michapucacã musa wajãrinare mahainacã na tahga —nire sãre.

¹¹ To ã nichu Simo Pedro sehe Jesu mehne jiro dohoriapu samu, wañunore, bujuna wahi ciento cincuenta y tres wahi sãadure waja majare. Payu wahi sãapahta wañunore tãhrẽrare.

¹² —Chusinina taga —nire Jesu sãre.

“¿Noa baro jijari mũhu?” ni sinitu ñuerahi sã tirore. Sã puhtoro to jichu masii sã. ¹³ Æ yoa Jesu pichaca cahapu sũro, pãore na, sãre witire. Wahi cũhure witire.

¹⁴ Æ jiro Jesu to masa wijaari baharo paduroi bajuaro tia taha sãre to buheinare bajuaro nire.

Jesu Simo Pedro mehne sũhũduha

¹⁵ Sã chũri baharo Jesu Simo Pedore õ sehe ni siniture:

—Simo Jona macũno, ¿ahrinare mũ cahĩrore yũdoro yũhure cahĩjari mũhu? —nire Simo Pedore.

—Puhtoro, mũhure cahĩja yũhu. Mũhure yũ cahĩchu masina mũhu —ni yũhtire Simo Pedro.

—Æ jicu ovejacãre ti nuriro seheta yũ yainare buhega mũhu —nire Jesu.

¹⁶ Æ ni tuhsu pari turi tiro Simo Pedore õ sehe ni siniture:

—Simo Jona macũno, ¿yũhure cahĩjari mũhu? —nire Jesu.

—Puhtoro, mũhure cahĩja yũhu. Mũhure yũ cahĩchu masina mũhu —ni yũhtire Simo Pedro.

—Ovejare ñu wihboriro ovejare to noano ñu wihboriro seheta, yũ yainare noano buhe ñu wihboga —nire Jesu Pedore.

¹⁷ Æ ni tuhsu pari turi tiro Simo Pedore õ sehe ni siniture:

—Simo Jona macũno, ¿potocãta yũhure cahĩjari mũhu? —nire Jesu tjoa.

Tia taha ã ni to sinituchu tũhoro Simo Pedro tuaro cahyare.

—Puhtoro, mũhu masi pahõna. Mũhure yũ cahĩchu masina mũhu —ni yũhtire Simo Pedro.

—Ovejare ti nuriro seheta yũ yainare buhega mũhu. ¹⁸ Potocã mũhure niita nija. Mũhu wahmũno jicu mũ suhtire sãa, mũ cahmarĩropu tinia tiri jire mũhu. Æ jiricu mũ jipachũta baharo mũ bucsũro jichu, mũ wamomacarine mũ siõrocachu paio mũhure suhtire sãanohca. Tuhsu, mũ waha duaeraropu mũhure naanohca —nire Jesu Simo Pedore.

¹⁹ Æ nino Simo Pedore dohse waha to variahtore yahuro nire. Æ jiro Simo Pedro yariaro Cohamacũre “Noariro, masi pahõnoro jira”, masa ti nichu to yoahore yahuro nire Jesu. Æ Pedro mehne sũhũdu tuhsũro õ sehe ni namore Jesu tirore:

—Quihõno yũ buheriro seheta yoaga mũhu —nire Jesu Pedore.

Jesu to cahĩro buheriro ahri tjure joariro jira

²⁰ To ã nichũta Pedro sehe majare ñũroca, yũhure Joãore Jesu to cahĩro buherirore tinare yũ nuũnu tichu ñũno Pedro Jesure siniture. Yũhu sehe to ñũriro tó pano õ sehe niriro jii: “Puhtoro, ¿mũhure ñu tuhtĩnare ñohtiro sehe diro baro jicari tiro?” ni, Jesure sinitu ñũriro jii yũhu. Tĩ pjare Jesu to pari wahpa chu dujii yũhu sehe. ²¹ Æ jiro yũhure ñũno Pedro Jesure õ sehe ni siniture:

—Puhtoro, ¿ahriro sehe dohse waharohcari? —ni siniture.

²² —Tĩre mũhure yahueraja. Ahri yahpapu yũ tjua tahto pano ahrirore jirucuchu yũ yoachu tíre masierara mũhu. Æ jicu mũhure yahueraja. Quihõno yũ buheriro seheta yoaga mũhu —nire Jesu Pedore.

²³ Tĩre to yahurire jipihtina Jesu yaina ti basi yahu sitemare. Tĩre yahu sitea õ sehe nimare tina sehe: “Jesu to cahĩro buheriro yariasi”, ni yahu sitemare yũhure Jesu yaina ti basi. Ti ã nipachũta “Tiro yariasi”, nino nierari jimare Jesu. “Ahri yahpapu yũ tjua tahto pano ahrirore jirucuchu yũ yoachu tíre masierara mũhu. Æ jicu mũhure yahueraja”, nire Jesu Pedore.

²⁴ Jesu buheriro ahrire yahuriro, ahri tjure joariro jija y_uh_u. ã jina ahri y_u yahua quihõno jich_u masija mari.

²⁵ Pay_u paye cãh_ure Jesu yoare. To yoarire mari joa pahñoch_u tí tjuri joaa tjuri pay_ubia wahaboa. ã jia tí tjure mari wi-hboch_u m_u s_ueraboa ahri yahpa. Wahpaa y_uhd_u wahaboa, y_u tãhotuch_u. Tó puro tjira.

Hechos

“Espíritu Santo tarohca”, niha ahri tjure joariro

¹⁻² Teofilo, ahri quitire mähure joarocai nija. Pano yu joa mähitari püre Jesu to yoaare, to buheare mähure yahu tuhsai. Pu manopu to mujarire yahu batoai. To mahahto pano Jesu Espiritu Santo mehne dutiha to bese cürinare. ³ Ä yoa Jesu crusapu to yariari baharo payu tahari pjacu tiriro bajua mujaha to cürinare, tina “Potocäta tiro catira”, ti ni masihto sehe. Cuarenta dachori waro tiro bajua mujaha tinare. Ä bajuaro tiro to basi to catiro jiare ñono niha tinare. Ä bajuaro puhtoro Cohamacu to suho jiare yahuha tinare.

⁴ Jesu to cürina mehne jisninino tinare ö sehe ni yahuha:

—Jerusalëita jisniga mipure. “Espiritu Santore musare warocaihtja”, yu Pucu to nirirore cohtasiniga. Türe to nirire musare yahui yuhu. ⁵ João musare bautisaro co mehne yoamare. Yuhu sehe tí yuhdoro yoaihtja musare. Maha dachoricä baharo yuhu sehe Espiritu Santore musa mehne jirucuchu yoaihtja musare —niha Jesu.

Jesu manopu mujaa wahaha

⁶ Ä yoa tina täcu Olivo wama tidupu Jesu mehne cahmachuina sehe ö sehe ni sinitu ñuha tirore:

—Puhtoro, ¿mipure säre Israe yahpare pari turi cü, mari coyea warore puhto söihcari mähü? —ni sinitu ñuha to yaina.

⁷ Ti ä nichu tuhoro Jesu ö sehe niha:

—Musa puhto sähti pjare yahu quihöriro, ä wahachu yoariro yu Pucu dihta jira. Musa sehere türe ne masihto basioerara. ⁸ Wiho mejeta musare Espiritu Santo to wihichu Cohamacu ya masiare cjanahca musa. Tí masiare musa cjuana Jerusalë macainare, jipihtina Judea yahpa macainare, Samaria yahpa macainare, ä yoa jipihtina ahri dacho mäsuro macainare noaa buheare buhenahca musa. Yu yariarire, yu masa mujarire tinare buhenahca musa —ni yahuha Jesu tinare.

⁹ To ä ni tuhsari baharota, Cohamacu Jesure manopu mujachu yoaha juna. Tina tirore ti ñu ñanu mähochata me curua watopu säa, buti mujaa wahaha. ¹⁰ To ä buti mujari baharota tina Jesu to mujarimore ti ñu mähono watoi puaro anjoa yehsea suhti tiina Jesu to cürina watoi bajuarucu suha.

¹¹ Ä bajuarucu su, tinare ö sehe niha:

—Musa Galilea macaina, ¿dohse jiro baro ñu mahorucuna nijari musa? Ahriro Jesu, musa mehne jirore cjirota, Cohamacu manopu to mujachu yoarirota, mipure to mujachu musa ñuhiro seheta, pari turi duji tarohca tjoa —ni yahuha anjoa tinare.

Jesu to cürina Juda cjirore cohtotahtirore beseha

¹² Ä yoa Jesu yaina täcu Olivo wama tidupu jiina duji taa, Jerusalëpu tju suha. Tu täcu cü kilómetro bui curero yoaro jira Jerusalë duhtu cahapure. ¹³ Tju su, tina manopu ti jiri tahtiapu mujaa wahaha. Ahrina jiha: Pedro, João, Santiago, Andre, Felipe, Toma, Bartolomé, Mateo, Santiago, Simo, Juda jiha. Santiago sehe Alfeo macuno jiha. Simo sehe cananista wama tiri curua macariro jimaha. Juda sehe Santiago macuno jiha. ¹⁴ Payu tahari ahrina jipihtina, to cürina, ä jichu numia, María Jesu pocoro, ä yoa Jesu bahana mehne cühu noano cahmachu, Cohamacu ä sinirucua tiha.

¹⁵ Ä yoa tí dachorire masa payu cahmachuha. Ciento y veinte jia jiboa. Ä jiro Pedro sehe tiro mehne macaina Cristo yaina watoi ducu, ö sehe ni yahuha tinare:

¹⁶ —Yu coyea, Cohamacu panopu to niriro seheta ä waharo nihre. Türe Espiritu Santo Davi cjirore yahu dutiha Juda cjirore. Juda cjiro Jesure ñahahtinare ñoriro jihre. ¹⁷ Ä yoahitiro jiparota mari mehne Jesu yare yoariro jimahre. Ä jiro sä mehne macarirota jimahre —niha Pedro.

¹⁸ Juda cjiro sehe Jesure ño dutia ti waparire to wiari baharo to basita wajä yariaha. Ä yoaro boraa waha, to tu misida tuhna waha, yariaa wahaha. To wiari cjiri mehne paina mahanocä yahpare nuchaha. ¹⁹ Jipihtina Jerusalë macaina masi pihtinocari jire Juda cjiro to ñano yoarire. Ä masia ti ya däsero mehne to

niñeru mehne ti nuchari yahpa cjirore Acéldama wamoari jire. Acéldama nia, “Di yahpa”, nia nina. ²⁰ Baharo õ sehe ni namoha Pedro:

—Panopu to joariro seheta ã wahahre Juda cjiro. Salmo to joari tjui õ sehe ni joaa tiha:

“Tiro to jiri wahu masa marieni wahu tjuarohca.

Ne noa jisi tí wahare”,

ni joaa tiha. Õ cãhare õ sehe ni joaa tiha:

“Pairo to dahraa cjirire cohtotariro jirohca”,

ni joaa tiha Salmopu.

²¹⁻²² ã jina mari cãiro besejihna. João masare bautisariro cjiro masare to buhero watoi cãina Jesu yaina mari mehne wahare. Tina mehne macarirore cãiro bese nano cahmana mari mehne macariro cjihto. Jesu mehne mari jichu mari mehne ã jirucirirore besero cahmana. ã mari beseri baharo Jesu to masa mujarire mari mehne buherohca —ni yahuha Pedro to coyeare Cristo yainare.

²³ To ã nichu tãhoa puarore bese dapoha tina. Cãiro José Justo wama tirirore beseha. Tiro Barsaba ti ni pisuriro jiha. Bese tuhsu, pairore Matia wama tirirore beseha. ²⁴⁻²⁵ Tinare bese dapo tuhsu, tina Cohamacure õ sehe ni siniha:

—Mahu sã puhtoro jipihtina masa ti tãhotuare masina. Ahrina puaro sã beseina jira. Juda cjirore cohtotahtirore diro mu cahmarirore besega. Jesure cohãtjiãhno Juda cjiro sehe pichacapu wahaha. Tirore cohtotahtiro Jesu to cãiriro jirohca. ã jiro sã mehne noaa buheare buherohca —ni siniha tina Cohamacure.

²⁶ ã niata tãa mehne doca mujaha besea taa. Matia yaro to noano quihõno wijachu, tiro sehe Jesu to cãrina once cãrina mehne macariro tjuaha.

2

Espíritu Santo Jesuyaina mehne ji ducaha

¹ ã yoa Pentecoste wama tiri dacho jichu tina jipihtina cã wãhni cahmachuha.

² Tí pjareta wihnono to tuaro taro seheta manopu bisiro coa taha. To ã bisiro coa tachu tãhoha jipihtina tí wãhpu jiina. ³ ã

yoa picha pohna yoaro sehe jia tina jipihina dapu poca bui bajuaha. Tí picha pohnaricã ñahmanoricã yoaro sehe bajuaha.

⁴ ã yoa Espíritu Santo tinapure sãarucu sua wahaha. Tinapure to sãarucu sua wahachu, paina ya durucuare to durucuchu yoaa mehne tina sehe paina ya durucuare noano durucuha.

⁵ Tí dachorire Jerusalẽpu payu judio masa, cã curua macaina masa jipahta, paró paye yahpari macaina jiha. Cohamacure ño payoina jiha. ⁶ ã yoa manopu coa tachu tãhoa tina Jesu buheina cahapu payu cahmachu wahcãha. Cahmachuina masape ya durucuare Jesu buheina ti durucu pahnochu tãhoa, tina tãho cuaa wahaha.

⁷⁻⁸ —Cuenah. ¿Dohse yoaa ahrina Galilea macaina jipahta mari ya durucuare noano durucujari? Tina mari ya yahpupu taina yoaro seheta durucua nina —niha tina sehe.

⁹⁻¹⁰ —Jipihtina mari durucuare mipure durucua nina: Õpe yahpari macaina mari õre cahmachuina jija: Partia macaina, Media macaina, Elam macaina, Mesopotamia macaina, Judea macaina, Capadocia macaina, Ponto macaina, Asia macaina, Frigia macaina, Panfilia macaina, Egipto macaina, Libia yahpai Cirene cahapu jiina, Romapu taina jija mari. Cãina judio masa waro jija mari. Paina judio masa dojoina jija mari. ¹¹ Creta macaina cãhu, Arabia macaina cãhu jira mari mehne. Mari payu paró macaina soro durucua tiina mari jipanata ahrina sehe mari masape curuari macaina durucuare ti durucuchu tãhoja mari. Tina mari ya durucua mehne Cohamacu tuaa mehne to yoirire yahua nina —ni durucuha masa ti basi.

¹² ã niata tina cuaa waha, ti ñari cãhare ti tãhori cãhare noano tãho ñahaeraha.

—¿Ahrina dohse jiro baro paina ya mehne Cohamacu yare ã noano durucujari, musa tãhotuchu? —ni cahma sinitu ñaha tina ti basi.

¹³ Wiho mejeta paina Jesu yaina ti durucuchu tãhoina mehne macaina sehe tinare õ sehe ni bujupaha:

—¿Dohse ahrina sihbiori sihni cahaa nijari? —ni bujupaha paina tinare Jesu yainare.

Pedro masare yahuha

¹⁴ ã jiro Pedro once Jesu to cūrina mehne wahcāruc̄u s̄u, tuaro durucutjiāhno masare õ sehe ni yahuha:

—M̄usa Judea yahpa macaina, jipihtina Jerusalēp̄u jiina, ahrire masiga m̄usa. Ȳu yahuch̄u t̄uhoga m̄usa. ¹⁵ M̄usa t̄uhotua quihōno jierara. Nueve hora jira mip̄uta. Mari ch̄u sihnini hora jierasínica. ã jia ahriña cahaina jierara. ¹⁶ Ahriña Cohamac̄u panop̄u to niriro seheta yoaa nina. Tí p̄jap̄ure Joere Cohamac̄u yare yahu m̄uhtariro cjirore, ahrire yahu dutia tiha Cohamac̄u sehe:

¹⁷ “Sohtori tia dachori jich̄u õ sehe jirohca: ‘Ȳu yairo Esp̄iriture masare jip̄ihtinare warocaihtja.

ã jia m̄usa pohnap̄u ȳu yare yahuahca.

ã yoa m̄usa mehne macaina wahma yapia bajuamehneare ñ̄ahca.

ã jia m̄usa mehne macaina buc̄una cahānop̄u cahāahca.

¹⁸ ã jic̄u ȳu cahamacare, m̄hare, numia c̄uh̄ure ȳu yairo Esp̄iriture warocaihtja.

ã jia tina ȳu yare yahuahca.

¹⁹ Tuhs̄u, ȳu tuaa mehne bajuamehneare yoa ñ̄oihca m̄uānop̄u.

Yahpap̄u c̄uh̄ure ȳu bajuamehneare ñ̄oihca: Dire, pichacare, mene ñ̄oihca.

²⁰ Tuhs̄u, s̄u dacho macariro nahitianore cohtotarohca.

Ñ̄ami macariro di yoaro sehe sohāriro cohtotarohca.

Õ sehe waharohca Cristo m̄usa p̄uhtoro to tahti dacho, ȳu niri dacho panoi.

Tí dachoi ñ̄u c̄uaa wahaahca masa.

ã jiro wiho jiri dacho jisi.

Tí dacho noari dacho jirohca.

²¹ ã jiro õ sehe jirohca.

Jipihtina masa Cristore ti ñ̄aa buhirire cohā duti siniinare tiro tinare pichacap̄u wahaborinare ȳuhdorohca’, nina Cohamac̄u”,

ni joaha Joe.

²² ‘M̄usa Israe masa ȳu yahuch̄u t̄uhoga: Jesu Nazare macariro sehe Cohamac̄u to warocariro jihre. Jesure to warocarire masa ti masihto sehe Jesu to P̄uc̄uro ya tuaa mehne yoa ñ̄ohre m̄usare. M̄usa t̄ire

masina. ²³ Jesure wajã dutina judio masa jierainare wahre m̄usa. Cohamac̄u panop̄u to cahmariro seheta, “ã waharohca”, to niriro seheta ã yoahre. ã jina m̄usa Jesure crusap̄u wajã dutihre Cohamac̄u dutiare c̄juaerainare. ²⁴ M̄usa ã yoapach̄uta Cohamac̄u sehe Jesure yariariro cjirore masohre. Pari turi ne yariasi tiro. Tiro yaria dojoaerara. ã catirucuhtiro jira. ²⁵ Õ sehe nia tiha Davi cjiro panop̄u macariro Cristo to ni durucuboriro seheta:

“Ȳu p̄uhtoro ȳuh̄u mehne jira m̄uh̄u.

Jipihtia dachoripe Cohamac̄u ȳu p̄uhtoro ȳu cahai m̄u jich̄u ñ̄ua tihi ȳu cuierahto sehe.

²⁶⁻²⁷ M̄uh̄u Cohamac̄u ȳuh̄ure yariaina ti jirop̄ure ne cohāsi.

Ȳuh̄ure m̄u cah̄irirore ñ̄anop̄u cohāsi m̄uh̄u.

Ȳuh̄u m̄u cahamac̄uño m̄uh̄ure ñ̄o payoriro jija.

Ȳu p̄jac̄ure baa dutisi m̄uh̄u.

ã jic̄u tuaro wahcheja.

Wahchea mehne durucuja.

ã jic̄u m̄uh̄ure Cohamac̄ure noano wac̄u tuariro jic̄u ñ̄aa buhiri marieriro jic̄u cuiro marieno noano jinocaja.

²⁸ Ȳuh̄ure pari turi catich̄u yoaihca m̄uh̄u.

Ȳuh̄u mehne m̄u jich̄u tuaro wahcheja”, ni joaa tiha Davi cjiro Cristo to ni durucuboriro seheta.

²⁹ ‘Coyea, õ sehe noano yahuihtja m̄usare Davi cjirore mari coyeyiro, panop̄u macarirore. Tiro yariaa wahaha. ã jiro tiro to masa copa mip̄ure jisínina. (ã jiro “Ȳu p̄jac̄ure baa dutisi m̄uh̄u”, ni joaro to basi wama payo yahuro nieraha.)

³⁰⁻³¹ Panop̄u Cohamac̄u Davi cjirore õ sehe niha: “Potocā nii nija. M̄u panamana ji turiana mehne macariro m̄u yoaro seheta ahri yahpa macaina bui p̄uhtoro jirohca”, nia tiha Cohamac̄u Davi cjirore. Davi Cohamac̄u yare yahu m̄uhtariro cjiro jiha. ã jiro Cristore Cohamac̄u to p̄uhto s̄õhtore masino, Cristo to masa m̄ujahtore yahu m̄uhta tuhs̄uha Davi sehe. Õ sehe niha: “Tiro yariaina ti jirop̄ure ji dojoasi. To p̄jac̄u tói baasi”, nia tiha Davi cjiro.

³² Ahriro Jesureta Cohamac̄u masohre. Sã jipihtina tirore ñ̄uhi. ³³ Mip̄ure Cohamac̄u poto buh̄usehep̄u jira dutiriro jiro. Tó

panopu to Pucuro “Espíritu Santore mu yainare warocaihtja”, to ni cūriro seheta wari jire Jesure. Ā jiro Jesu sehe ahrinare Espiritu Santore warocari jira. Ā jina mipare Espiritu to yoaare musa nu, tuhona nina. ³⁴ Davi cjiro sehe Jesu to mujariro seheta manopu mujaeraa tiha. Ā jiro tiro to basi o sehe nia tiha:

“Cohamacu o sehe nire yu puhtorore: ‘Yu potu buhusehei dujiga mahu.

³⁵ Mūhure nu tuhtiinare mūhure cūihtja mu cahamaca yoaro sehe jihtinare’, nire Cohamacu yu puhtorore”, nia tiha Davi cjiro.

³⁶ Ā jina jipihtina Israe masa ahrire noano masiga musa: Ahriro Jesure musa crusapu wajāriro cjirore musa puhtoro sōhre Cohamacu sehe. Tirore musare yūdohtirore Cristore cūre Cohamacu —ni yahuha masare Pedro.

³⁷ To ā nichu tuhōa tuaro cahya, pjīro tuhōtua, masa sehe Pedro cūhare o sehe ni sinitu nuha:

—¿Sā coyēa, dohse yoanahcari sā? —ni sinitu nuha tina.

³⁸ Ti ā ni sinitu nuhu o sehe ni yūhtiha Pedro:

—Musa nāa yoari buhirire cahyaga. Musa nāa tuhōtumari cjirire tuhōtu cohtota, “Ā tjiri jira” ni, Cohamacureta maca, tuhoga. Ā yoa Jesu yaina jina, bautisarina jiga musa jipihtina. Jesure musa wacū tuachu nuho, musa nāa yoari buhirire borohca Cohamacu. Tō sehe musa yoachu Espiritu Santore warohca musare. ³⁹ Musare, musa pohnare, musa panamana ji turiainare, yoaro macainare, ā yoa jipihtina Cohamacu mari puhtoro to beserinare, “Potocāta yūdoihtja musare”, ni cūha Cohamacu —niha Pedro.

⁴⁰ Tuhsu, tuaro mehne o sehe ni yahu quihōha tinare:

—Ahri yahpa macaina, Cohamacure ji coerainare buhiri dahrerohca Cohamacu. Wiho mejeta musa sehe, tina watoi jiina, Cohamacu yahurire, “Ā tjira”, ni bahrañoga musa yūhdūhto sehe —yahu quihōha Pedro masare.

⁴¹ To ā nichu tuhōa tina payu to yahuare noano tuhōha. Ā jiro tinare tiro bautisa dutiha. Tí dachore Cohamacu yaina mehne

macaina tres mil masa waha namoha. ⁴² Ā yoa tina masa Cristo to cūrina mehne dachoripe cahmachu, tí buheare tuhō nuhu, tíre yūhti mujaa tiha. Tina pāore nuha, cahma witi, Cohamacure sini, Cristo to cūrina mehne noano jinocaa tiha.

Jesu yaina wahma ji ducaina ti jia tiare yahuha

⁴³ Ā yoa Cohamacu to tuua mehne yoa nu mujaha to cūrina. Ti ā yoachu nuha masa jipihtina nu cuua wahaa tiha. ⁴⁴ Jipihtina Jesure wacū tuaina cahmachu, noano jinocaa tiha. Ā jia ti yare cahma witia tiha. ⁴⁵ Ti yare dua, jipihtinare paye baro maerainare cāina ti cahmaare waa tiha tina. ⁴⁶ Ā jia dachoripe tina Cohamacu wūhu wijaaroi cahmachua tiha. Ā yoa cāa wūhuse, ti ya wūhusepu cūhare nohopeina cahmachu, pāore nuha, wahchea mehne tina cānoi chu tiha. ⁴⁷ Ti ā cahmachuno watoi “Cohamacu noariro jira”, ni nu payoa tiha. Paina masa tinare ji coa yūhdū tiha. Ā yoaro dachoripe Cohamacu painare to yaina to yūdohtina wahachu yoaa tiha.

3

Tini masierarirore noariro wahachu yoaha Cohamacu

¹ Cū numu namichahapu tres jichu Cohamacu mehne durucuri pja jichu Pedro, João mehne Cohamacu wūhupu wahaa niha. ² Dachoripe tí wūhure ti sahrī sāari sahrīno taa mehne ti yoari sahrīno macari sopaca cahai paina cūiro masunore na ta duhu dapoa tiha. Tí sopaca noari sopaca wama tiha. Tiro masuno sehe wahma masa bajaroputa dojori wahiro jiro tini masierariro jiha. Ā jiro tiro tí sopaca cahai niñerure sini dujia tiha tí sopacai sāainare.

³ Ā yoa Pedro, João mehne tí sopacare ti sāa cahachu tini masierariro sehe tinare nu, niñerure siniha. ⁴ Ā jia tina puaroputa tirore nu, Pedro sehe o sehe niha:

—Sāre nuha mahu —niha Pedro tirore.

⁵ To ā nichu tuhōro “Ahrina mahanocā yūhure niñerure waahca”, ni tuhōturo nuhōca o tuhōha tinare. ⁶ To ā ni tuhōtupachuta Pedro tirore o sehe ni yahuha:

—Niñerure cjaeraja yuhũ. Cjaerapaihta, ahrire yoaihtja mũhare. Jesucristo Nazare macariro to tuaa mehne wahcãrũca, tiniga mũhũ —niha Pedro tini masierarirore.

⁷ Æ ninota to wamomacare potu buhũsehe macari wamomacare ñaha, tirore waja wahcõ dapoha. To ã yoachũta tini masierarirore to ñũchũa tuaa wahaha. ⁸ To ã wahachũta tiro wahcãrũca purũcũ sũ, tini dũcaha. Æ tini dũcaro tiro waha, pu tini “Cohamacũ noariro jira”, to ni wahcheriro mehne tina mehne Cohamacũ wũhũ macari sahrĩno puhichapũ sãa wahaha. ⁹ To ã tinichũ “Cohamacũ noariro jira”, to nichũ masa jipihtina tirore ñũha. ¹⁰ Æ jia masa tirore ñũ masiha. Tiro Cohamacũ wũhũ macari sahrĩno tãa mehne to yoari sahrĩno macari sopaca noari sopaca cahai niñerure to sini dujirire masiha masa. Æ jia tiro to tinichũ ñũa, ñũ cũaa wahaha.

Cohamacũ wũhũi Pedro masare buheha

¹¹ Æ yoa tini masierariro cjiro Pedro cũhare to siõ suha mũjano watoi, masa jipihtina ñũ cũaa waha, noari wapapũ Salomo wama tiri wapapũ mũroca wahcã, cahmachuha. ¹² Ti ã cahmachurũcũ sũchũ ñũno, Pedro sehe õ sehe ni yahuha tinare:

—Mũsa Israe masa, ¿dohseana ahrirore ñũ cũajari? ¿Dohseana sãre mũsa ñũ nũnũjari? Sã sehe sã ya tuaa mehne noaina sã jia tia mehne sã mũsũro ahrirore tinichũ yoaerahi sã. Jesu sehe tíre yoahre. ¹³ Abrahã, Isaa, Jacobo mari ñũchũsuma, panopũ macaina ti yairo Cohamacũ sehe to cahamacũno Jesure jipihtina Bui jiro cũhre. Wiho mejeta mũsa sehe tó sehe jirirore tirore ñũ tuhtiinare wahre. Baharo pũhtoro Pilato tirore to wio duapachũta, mũsa sehe tirore to wiochũ cahmaerare. ¹⁴ Pilato tirore wio duamahre. Wiho mejeta mũsa Jesure ñaa buhiri mari-erirore, quihõno yoirirore cahmaerana, pairore masa wajãriro sehere wio dutihre mũsa. ¹⁵ Æ yoana Jesure marine catichũ yoirirore wajãchũ yoare mũsa sã coyeyã judio masa. To yariachũ Cohamacũ tirore masohre. Tíre sã ñũhi. ¹⁶ Æ jina Jesu pjiriro to jia tiare wacũ tuaina jija. Tirore sã ã wacũ tuachũ ñũno ahrirore mũsa mipũ ñũririrore mũsa ñũ masirirore Jesu sehe to tuaa mehne tinichũ yoahre.

¹⁷ Yũ coyeyã, mũsa pũhtoa mehne Jesure noano masierapanahũ tirore wajãchũ yoare mũsa. Tíre masija yuhũ. ¹⁸ Wiho mejeta panopũ macaina Cohamacũ yare yahu mũhtaina cjiri Cohamacũ tinare to yahu dutiriro seheta, yahua tiha tina. “Cristo ñãno yũhdũ, yariarohca”, ni yahua tiha tina. Ti ã ni yahuriro seheta ã wahahre mipũre. ¹⁹ Æ jina mũsa ñãare yoari buhirire cahyaga. Mũsa tũhotumari cjirire tũhotu cohtota, ñãare mũsa goa pjarire duhu, Cohamacũreta majarerũca, to ya sehere quihõno tũhoga. Mũsa tirore majarerũca, quihõno tũhochũ ñũno, Cohamacũ mũsa ñãare yoari buhirire borohca. Æ boro, mũsare wahchehti dachorire cũ, mũsare noano yajeri sãachũ yorohca tiro. ²⁰ Æ yoa tiro mũsa pũhtoro cjihtore to beseriro Cristore mũsare warocarohca tjoa. Tiro Cristo sehe Jesuta jira. ²¹ Cohamacũ cahapũ jisninohca Jesu, pũ Cohamacũ ahri yahpapũ jipihtiare wahma to cohtota pahũochũpũ. To ã cohtota pahũohtore Cohamacũ yare yahu mũhtaina cjiri, to yaina waro panopũ yahu quihõ tuhsũa tiha. ²² Moise cjiro tíre yahuro õ sehe ni mũhtaha: “Cãiro mari mehne macarirore mari coyeyãrore Cohamacũ yare yahu mũhtaitiro cjihtore Cohamacũ mari pũhtoro warocarohca mũsare. Yũhare to warocariro seheta warocarohca tiro cũhare. Æ jina mũsare to yahuchũ tũhona, ‘Jai’, ni yũhti pihtinocaga mũsa. ²³ Õ sehe jirohca. Jipihtina tirore yũhtieraina to cohãhtina jiahca. Cohamacũ yaina mehne macaina jisi tina”, ni mũhtaa tiha Moise cjiro.

²⁴ Jipihtina Cohamacũ yare yahu mũhtainape Samue, ã yoa to baharo jiina cũhũ mipũ jia dachori cjihtire yahu mũhtaa tiha. ²⁵ Mari ñũchũsuma cjirire, Cohamacũ yare yahu mũhtaina cjiri cũhare panopũ macainare yahua tiha Cohamacũ. Mari cũhare ã ni yahuro nia tiha. Abrahãre to niriro seheta mari cũhare ni yahuro nia tiha. Õ sehe ni yahua tiha Cohamacũ Abrahãre: “Jipihtiro ahri yahpa macainare noano yoaihtja. Õ sehe tíre yoaihtja: Mũ coyeyã baharo jiriro sehe masare noano yoabasarohca yũhare”, nia tiha

Cohamacu Abrahãre. ²⁶ Cohamacu to macunore masa wijachu yoaro mari cahapu waroca mæhtare mari ñaa yoaare duhuchu yoahirore. ã yoaro marine tiro noano yoare —niha Pedro tinare.

4

Pedro, João mehne puhto mehne suhuhu

¹⁻³ Pedro, João cûhu masa mehne ti durucuro watoi sacerdoteta, Cohamacu wuhure cohtaina surara puhtoro, saduceo curua macaina cûhu tinare tuhoha. Õ sehe ni buheha Pedro João mehne masare:

—Jesu to yariari baharo masa mujaa wahahre. To ã masa mujarire ñana mari cûhu baharo to yaina mari masa mæjæhtore masija mari —ni yahuha Pedro cûhu.

Ti ã nichu tuhoha puhto sehe tina mehne suaha. ã suaa nahi cahachu ñana tina Pedrore, João cûhure ñaha, peresu yoaha. ⁴ ã tinare peresu ti yoapachuta payu ti yahuare tuhoina sehe “Potocãta jira”, ni tuhoutuha. ã jia Jesu yaina payu waha, tí dachoi wahma to yaina ji ducaina, ã yoa tó panopu Jesure wacû tua tuhsurina mehne mua sahserore mari quihõchu, cinco mil masa saro cahai jia.

⁵ ã yoa pa dachoi tí maca macaina puhto, bucuna, ã yoa judio masa buheina cûhu Jerusalëpu cahmachuha. ⁶ Ti ã cahmachunoi sacerdoteta bui puhtoro, Ana wama tiriro cûhu tói jia. ã yoa to coyeya cûhu jia. Caifa, João, Alejandro, paina mehne Ana coyeya cûhu jia. To coyeya to dahraare dahraina jia tina cûhu. ⁷ ã jia tina Pedro cûhure ti cahmarocachu, surara sehe puhto watopu tinare naa wihi dapoha. Ti ã na wihi dapochu, tina puhto ã sehe ni sinitu ñaha Pedro cûhure:

—¿Noa ya tuua mehne masa tirore noariro yoari? ¿Noa jijari masare tíre yoa dutiriro? —ni sinitu ñaha tina.

⁸ Ti ã nichu tuhoro Espíritu Santo to yoa dutiriro seheta to tuua mehne yahuha Pedro tinare:

⁹ —Musa puhto, ¿musa bucuna, sã dohse yoa ahriro tini masierarirore sã tinichu yoarire masi duana, sãre sinitu ñana nijari masa? ¹⁰ Tí pja pini ahrire masiga

masa jipihtina, Israe masa. Jesucristo Nazare macariro, masa crusapu wajãriro, Cohamacu to masoriro tiro sehe ahriro tini masierarirore noariro wahachu yoahre. ã jina ahrirore mipure masa ñarocaroi to tinichu ñana masa. Õ sehe nina Cohamacu yare ti joari pui Jesu cjihtore yahuro: ¹¹ “Ahriro tãca yoaro sehe jiriro jira. Tãcare wuhu dahreina wiho jiriare ti cohãriro seheta masa judio masa tirore cohãhre. Musa ã yoapachuta mipure wuhu dahreina wuhure yoaa ti cû mæhtari tãcare ti cûriro seheta Cohamacu tirore puhtoro sõhre. Tiro Cristo mariachu Cohamacu yaina wahaeraboa masa. (To ã wiho jiriro jierapachuta masa mari puhto mehne tirore cahmaerare. Musa ã cahmaerapachuta Cohamacu sehe tirore mari puhtoro sõhre)”, ni joaha panopu. ¹² Ne, paio masare pichacapu wahaborinare yuhdoriro ne mariahna. Ahri yahpapure Jesu dihta masare yuhdoriro jira. Ne paina tiro yoaro sehe jiina mariahna —ni yahuha Pedro tinare.

¹³ To ã ni yahuri baharo Pedro, João mehne buhemahnoeraina jipahta cuiro marieno ti buhechu ñana, puhto, bucuna, judio masa buheina mehne ñana suaa wahaha. ã jia Jesu yoaro sehe ti buhechu ñana, ã sehe masiha tina: “Potocã Jesu mehne macaina tjira ahriro”, ni masiha tina. ¹⁴ ã yoa tini masierariro cjiro Pedro cûhu mehne jia. Tiro to noariro jichu ñaha puhto, bucuna, judio masa buheina mehne. ã jia tina Pedro cûhure “Ñano yoaa nina”, ni yahusã masieraha. ¹⁵ ã yahusã masieraa puhto ti cahmachuri tahtiapu jinaro Pedro cûhure wijaa dutiha. ¹⁶ Ti wijaari baharo puhto sehe ti basi ã sehe ni suhuhu:

—¿Ahrinare dohse yoanahcari mari? —ni durucuha tina ti basi.

Õ sehe ni durucu namoha:

—Pedro, João Cohamacu tuua mehne tini masierarirore tinichu yoari jire. ã jia Jerusalë macaina jipihtina ti ã yoarire masica. ã jina mari sehe “ã yoaerare tina” ni masieraja mari. ¹⁷ ã jia Jesu to buheri cjirire painare buhe dutiena tjijihna tinare, “Paina tí buheare cahmari”,

nina —ni durucuha tina ti basi.

¹⁸ Æ ni durucu tuhsua Pedro cãhure pjiroca, õ sehe niha:

—Jesu to buheri cjirire ne buhena tjiga painare. Tíre ne durucu namoena tjiga —ni yahumaha tinare.

¹⁹ Ti ã ni yahuchu tãhoa tina Pedro João mehne õ sehe ni yãhtiha tinare:

—Musa õ sehe ni dutichu mhsare yãhtina, Cohamacu sehere yãhdurucana niboca sã. ¿Diro ya sehere sã yoachu quihõno jijari Cohamacu to ñurocarore? ¿Musa ya sehere sã yoachu quihõno jijari? ¿Cohamacu ya sehere sã yoachu quihõno jierajari, musa tãhotuchu? ²⁰ Sã sehere sã ñurire, sã tãhorire sãre yahto basioerara —ni yãhtiha Pedro, João mehne.

²¹ Ti ã nichu tãhoa pãtoa sehe pari turi dutimaha tjoa tinare:

—Jesu to buherire musa buheri buhiri ñano yãhdunahca musa —niri jimare pãtoa tinare.

“João, Pedro mehne ñano yoaa nina”, ni masierari jire tina. Æ jia masa sehe tini masierariro to noariro wahachu ñua, “Cohamacu potocãta noariro jira”, niha masa. Ti ã nichu tãhoa pãtoa sehe Pedro cãhure ti dohse yoa buhiri dahreboare bocaeraa, tinare wioha. ²² Tini masierariro, noariro ti yoariro cuarenta cãhmari bui cãmariro jiha.

Jesu yaina ti cuierahto cjihtore siniha Cohamacure

²³ Æ yoa, Pedro João mehne ti wiori baharo tina mehne macaina cahapu su, sacerdotea pãtoa, bucuna jipihtia tinare ti niri cjirire yahuha. ²⁴ Ti ã ni yahuchu tãhoa tina jipihtina cãno potori Cohamacure siniha:

—Sã pãhtoro mũhu mũanore, yahpare, mári cãhure yoariro jipihtina catiinare bajuamehneriro jira mũhu. ²⁵ Mũ Espiritu Santo sã ñuchu cjirore Davire mũ cahamacunore ahrire yahu dutia tiha mũ niriro seheta:

“¿Dohse yoa Israe masa jieraina suajari?

¿Dohse yoa Cohamacure ti yãhdurucãhtire wiho waro durucujari tina?

²⁶ Payu yahpari macaina pãtoa cahmachu, mari pãhtoro Cohamacure,

to pãhtoro sõriro Cristo cãhure ñu tuhti, ñano yoa duara tinare”, ni yahua tiha Davi cjiro mũ ni dutiriro seheta.

²⁷ Æ tjira. Ahri macai Herode, Poncio Pilato, judio masa jieraina, ã yoa judio masa cãhu cahmachuhre, mũ beserirore Jesure noariro mũ cahamacunore wajãa taa. ²⁸ Tí pja mũ cahmariro seheta “Æ waharohca”, mũ niriro seheta yoahre tina. Mũ masia mehne ã ni yahua mũhu. ²⁹ Æ jicu mipure sã pãhtoro, tina sãre purino mehne mũ jia tiare ti yahu namo dutierachu wacũ payoga mũhu. Sãre mũ cahamacare cuiro marieno mũ buheare yahuchu yoaga sãre. ³⁰ Mũhu mũ tuua mehne dohatiinare noaina yoaga. Æ jicu mũ buheare cuiro marieno yahu dutiga sãre. Æ yoa Jesu noariro mũ cahamacuno to tuua mehne yoa ño masichu yoaga sãre. Æ jicu dohatiinare noaina sã waha dutichu to tuua mehne yoadohoga sãre —ni siniha tina Cohamacure.

³¹ Ti ã ni siniri baharo, ti cahmachuri wũhu ñuhmi mũaa wahaha. To ã ñuhmichata Espiritu Santo to tuua mehne wacũ tua namoina wahachu yoaha tinare. Tinare ã wahachu Espiritu Santo to dutiriro seheta yoaa, cuiro marieno Cohamacu yare yahu namoha tjoa tina.

Jesu yaina ti yare tju waa tiha

³²⁻³³ Æ jia Cohamacu to tuua mehne tina Jesu to cõrina õ sehe ni yahua tiha masare: “Jesu yariariro to masarire sã ñuhi”, ni yahua tiha tina masare. Æ jiro tinare jipihtinare Cohamacu noano yoadohoru-cua tiha. Æ yoa Jesure wacũ tuaina payu jia, tina cãno potori tãhotuina jia tiha. Æ jia tina ti yare ti cãaare “Yu ya dihta jira”, ne niera tiha. Tina jipihtina ti yare paye baro maerainare tina mehne macainare tju waa tiha. ³⁴ Æ jia tina mehne macaina pjacũoina mariea tiha. Tina mehne macaina yahpari cãuaina, wãhuse cãuaina ti yare duaa tiha. ³⁵ Æ duaa ti wapa narire tina na ta, Jesu to cõrinare waa tiha. Æ jia tina sehe tíre tina mehne macainare tju waa tiha. Jipihtina cãaerainare tju waa tiha. ³⁶ Tí pjare cãiro tina mehne macariro

José wama tiro jija. Jesu to cūrina Josére Bernabé ni wama pisuha. To wama Bernabé “Masare wahchech_u yoariro jira”, nia nina. Tiro Leví ya curua macariro Chipre n_uco macariro jija. ³⁷ ã jiro tiro yahpare c_uariro jiro tíre duaha. ã duaro to wapa narire Jesu to cūrinare waha tiro painare witi dutiro.

5

Anania to namono Safira mehne mahñoa

¹ Paina c_uh_u Bernabé yoaro sehe yoaa timaha. Tina Anania wama tiro, to namono Safira wama tiricoro jija. Ti ya yahpare duaha tiro. ² ã duaparota tiro to wapatarire to basi naha. To namono c_uh_u to ã yoarire masiha. ã jiro ti wapataa ti d_uharire na ta, Jesu to cūrinare waha Anania sehe. ã waro “Wa pahñoi nija”, nimaha tiro. ³ To ã yoach_u ñ_uno Pedro tirore õ sehe ni yahuha:

—Anania, watíno m_uh_ure mahño dutiri jire Espíritu Santore. ã jic_u m_u ya yahpare dua, m_u wapatarire m_u basi nari jire m_uh_u. ⁴ M_u duahto pano m_u ya yahpa jihre. ã jiro m_u duari baharo m_u ya wapataa jihre. ¿ã yoach_u dohse jiro baro ã mahñori m_uh_u? M_uh_u sã dihtare mahñoerare. Cohamac_u c_uh_ure mahño_ure m_uh_u —niha Pedro tirore.

⁵ To ã nich_u t_uhorota, Anania sehe doca caha s_u, yariaa wahaha. ã jia jipihtina tiro to ã wahach_u masia, tuaro cuiha. ⁶ To yariari baharo wahma yapia ta, to p_uac_ure suhtiro cahsaro mehne wahma, sopacap_u na wijaa, masa copap_u cohānocaha tirore.

⁷ ã yoa tia hora baharo Anania m_unano namono, to yariarire masieraro Pedro cahap_u sãaha. ⁸ ã jiro Pedro ticorore õ sehe niha:

—¿M_usa ya yahpare duatjiãhna noho puro wapatarí m_usa? —niha tiro.

ã jiro ticoro to manano m_unano to niriro purota, “Tó purota wapatahi sã”, ni y_uhtimaha ticoro.

⁹ To ã ni y_uhtich_u t_uhoró Pedro õ sehe ni yahuha ticorore:

—¿Dohse yoana m_usa c_uno potori Cohamac_u Espíriture mahño duajari? “¿Pocātā maríne buhiri dahrebocari?” nina. T_uhoga mip_ure. M_u man_u c_uirore yarina tara. M_uh_u c_uh_ure m_u p_uac_ure naa taa nina —niha Pedro.

¹⁰ To ã ni yahuch_uta ticoro doca caha s_u, yariaa wahaha. ã jia wahma yapia tí w_uh_ure sãa wihi, ticoro p_uac_ure na wijaa wahaha. Na wijaa, to manano m_unano pari wahpa ticoro p_uac_ure masa copap_u cohãha. ¹¹ ã jia Jesu yaina jipihtina paina tíre t_uhoa cui y_uhd_ua wahaha.

Jesu to cūrina Cohamac_u tuaa mehne yoa ñoha

¹² ã yoa masa watoi Jesu to cūrina pay_u tahari Cohamac_u tuaa mehne yoa ñoa tiha. ã yoa tina Salomo wama tiri tahtiap_u tihamahnoeni tahtiap_u cahmachua tiha.

¹³ ã jia paina Jesu yaina jieraina sehe cui curea, tina cahap_u wahaera tiha. ã cuipahta tinare Jesu yaina warore “Noaina jira ahrina”, nia tiha masa. ¹⁴ ã jia m_ua, numia pay_u Jesure wac_u tua d_ucaa tiha.

¹⁵ ã jia tina dohatiinare na ta, coma yosaa mehne p_uj_upaha duhu c_ua tiha mahap_u tinare. ã yoaa Pedro tinare to ña payoch_u cahmaha tinare na taina sehe dohatiina tí noaina wahach_u cahmaa. Tinare to ña payoerach_u Pedro ti bui mas_uca c_uch_u cahmaha tina. Tí dihtare cahmaa tiha tí noaina wahahto sehe. ¹⁶ ã jia Jerusalé cahai jia macari macaina c_uh_u dohatiinare, watí ti sãaina c_uh_ure na taa tiha. Tí ã na tach_u tina jipihtina tí p_uac_uri noaina wahaha.

Jesu to cūrinare paina ñano yoaa tiha

¹⁷ Tí ã yoach_u ñ_ua sacerdotea bui p_uhtoro, tiro mehne macaina mehne Pedro c_uh_ure ñ_u tuhtiha. Sacerdotea p_uhtoro mehne macaina saduceo curua macaina jija. ¹⁸ ã ñ_u tuhtia tina sua y_uhd_ua Jesu to cūrinare ñaha, peresu yoaha. ¹⁹ ã jiro ñamip_u Cohamac_u yairo anjo p_uj_uoha tinare peresui dujiinare. ã yoa tinare wijaa ta dutiro õ sehe ni yahuha anjo:

²⁰ —Cohamac_u w_uh_up_u wahaga. Tí w_uh_up_u jina Cohamac_u to masorire ahri

noaa buheare yahuga masare —niha anjo tinare.

²¹ To ã nichu tãhoa, ñamiwacũnu jichu Cohamacu wãhũpũ sãa, masare buhea tiha tina. Tí dachoihta sacerdotia puhtoro, tiro mehne macaina, Israe masa puhtoa mehne cahmachu, Jesu to cũrinare peresupũ jĩinane na ta dutimaha surara puhtoare.

²² Wiho mejeta surara puhtoa peresu ti yoari wãhũpũ waha, ñũmaha. Tinare bo-caeraha. Bocaeraa tjuaa wahaha. Tju su õ sehe ni yahuha ti puhtoare:

²³ —Peresupũ jia pahmari bihaa pahmari jihre. ã jia tí pahmari cahai ti peresu yoarinare cohtaina ti ducuchũ ñũhi sã. Wiho mejeta pjõo sãa, sã ñũchũ, ti peresu yoarina mariahe —ni yahuha tina.

²⁴ Tí ã nichu tãhoa, surara Cohamacu wãhũre cohtaina puhtoro, sacerdotia puhtoa mehne tíre tãho, cuaa waha, “¿Dohse waha sohtori tiahcũ tina ã yoaa?” ni tãhotuha tina. ²⁵ ã jiro tina cahapũ paio su, tinare õ sehe ni yahuha:

—Musa peresu yoarina Cohamacu wãhũpũ jihre. Ñũna wahaa wiho. Tí wãhũpũ masare buhea nihre tina —ni yahuha.

²⁶ To ã nichu tãhoro, surara puhtoro, to surara mehne waha, Jesu to cũrinare pari turi ñaha taha tjoa. Wiho mejeta tinare surara tuhtieraha. ã jia tinare cjãborina jipahta, masare cuia cjãeraha tinare. “Ahrinare mari cjãchũ paina masa sehe tãa mehne docaahca marine”, ni tãhotuha tina surara sehe. ²⁷ ã jia tinare na ta, puhtoa panoi duhu dapoha tina. Tí ã na wihĩ dapochũ sacerdotia puhtoro tinare õ sehe ni tuhtiha:

²⁸ —Mũsare sã tuaro dutimahi. “Jesu yare buhena tjiga”, nimahi sã mũsare. Sã ã nipachũta mũsa sehe jipihtina Jerusalẽ macainare buhehe mũsa. Jesu to yariari buhiri, sãre buhiri tichũ yoa duana nica mũsa —niha puhtoro sehe.

²⁹ To ã nichu tãhoro Pedro sehe paina Jesu to cũrina mehne õ sehe ni yũhtiha:

—Cohamacu to dutiri sehere yoa mũhtanahtja. ã jina baharo Cohamacu cahmachũ masa ti dutiare yoanahtja.

³⁰ Cohamacu, mari coyea panopũ macaina

puhtoro, Jesure masori jire. Tirota jira mũsa crusapũ cjã puha wajã dutiriro.

³¹ Jesure “Noariro jira” ni, to poto buhũsehei duji dutihre Jesure Cohamacu sehe. ã jiro Jesu masa puhtoro, masare masoriro jiro, Israe masare ti ñaa yoarire cahyaina jĩ dutiro, ti ñaa yoari buhirire cohã duara Jesu. ³² ã jina sã sehe Jesu to yoarire ñũrina jina tíre yahuja sã. Espĩritu Santo tíre ñũriro jiro yahura tiro cãhũ. Tirore Espĩritu Santore Cohamacu warocahre. Jipihtina Cohamacu dutiare yoainare tiro Espĩritu Santore wahre —ni yahuha tinare.

³³ To ã nichu tãhoa puhtoa sehe sua yũhdũaha. ã suaa, tina Jesu to cũrinare wajã duamaha. ³⁴ Wiho mejeta Gamalie, fariseo curua macariro tói jiro tinare wajã dutiro taro nieraha. Tiro puhtoa mehne macariro, dutiare buheriro to jichũ, masa tirore ño payoa tiha. Tiro Jesu to cũrinare mahanocã cohta dutiro pa sehẽpũ tinare naa wahcã dutiha surarare. ³⁵ Tí ã naari baharo tiro õ sehe ni yahuha masare:

—Musa Israe masa, ahrinare mũsa yoahire noano tãhotuga “Mũsapũ wajãri”, nina. ³⁶ Wacũga Teuda cjirore. Tiro to basi “Masare yũhdũũcariro jija yũhũ”, nire masare. To ã yoachũ ñũa, masa payũ cuatro cientos masa tiro mehne macaina tjuare. Baharo paina sehe tirore wajãri jire. To buheare buherina cjiri sehe waha sitea wahari jire. ã jia tina cjiri mipũre mariahna. ³⁷ Baharo masare ti quihõri pja jichũ Galilea macariro Juda wama tiriro cjiro masare to buhechũ tiro mehne masa payũ tjuare. Tiro cãhũ yariaa wahari jire. ã yoa to yaina jipihtina waha sitea wahari jire. ³⁸ ã nicũ mũsare mipũ ahrire nii nija. ã ñũnocahga ahrinare Jesu yare yahuinare. ã yoa ahri buhea, ahrina ti ya buhea Cohamacu ya buhea jieraa, pihtia wahaahca Teuda cãhũ ti ya buhea ti pihtiriro seheta. ³⁹ Wiho mejeta ahri Cohamacu ya buhea jia, ne pihtisi. Ahri buhea Cohamacu ya jichũ ne ahrire butichũ yoa masierara mũsa. Mũsa ahrire butichũ yoa duana Cohamacu mehne cahmachena niboca mũsa —niha Gamalie tinare.

⁴⁰ To ã ni yahuchu tãhoa, “Potocã tjira”, ni tãhotuha masa. ã jia tina Jesu to cõrinare pjiroca, ti wihichu ñua, tinare tjanaha. “Jesu yare buhe namoena tjiga musa”, ni tuhsu, tinare waha dutiha. ⁴¹ Ti ã waha dutichu tãhoa tina puhtoah cahapu jirina cjiri wahaa wahaha. Jesu yare ti yoari buhiri ñano yãhdũa tuaro wahcheha Jesu to cõrina. ⁴² ã jia dachoripe Cohamacu wãhu cahai jia waparihi, ti ya wãhusei Cristo yare buhea, yahua tiha tina.

6

Siete yoadohinare beseha Jesu yaina

¹ Tí dachoripe Jesu yaina payu wahaha. Wiho mejeta ti ã waharo wato, cã curua macaina judio masa jipahta, pa sehepu masa bajuaina griego ya durucuina jiha. ã jia tina tóita masa bajuaina hebreo ya durucuinare õ sehe ni tãhotu, nureha: “Dachoripe masare yoadohoare ti witichu, mari griego ya durucuina wapewahya numia sehere daacã waro wara”, ni tãhotu, nure cohtaha. ² Ti ã nurechu masia, Jesu cõrina, doce jiina sehe jipihtina Jesu yainare ti cahapu pjiroca, õ sehe ni yahuha tinare:

—Sã Cohamacu yare buheina jija. Tíre duhu, masare yoadohoare witiborina sã jirucuchu tó wahaerara. ³ Musa sã coyeyã, siete mure, paina noaina ti niinare Espíritu Santo to dutirire yoainare, noano tãho masiinare macaga. Tinare ahri dahraare cõga musa. ⁴ Wiho mejeta sã sehe dachoripe Cohamacure sini mija, Cohamacu yare painare buhenahca —ni yahuha tina Jesu to cõrina.

⁵ Ti ã nichu tãhoa, “Jai. ãta yoajihna”, niha tina jipihtina Jesu yaina. Baharo Estebãre Cristore wacũ tuarirore, Espíritu Santo to dutiare yoarirore beseha tina. ã jichu Felipere, Prócorore, Nicanore, Timore, Parmenare, Nicola cãhure Jesu yainare yoadohohtinare beseha tina. Nicola sehe Antioquía macariro, judio masano jierariro, judio masa ya buheare cahmano, tina mehne sãariro jiha. ⁶ Tinare bese tuhsu, ti beserinare Jesu cõrina cahai na wihiha tina. Ti ã na wihichu ñua, tina Jesu cõrina sehe tinare Cohamacure

sini payo tuhsu, ti dapu poca bui ti wamomacarine duhu payoha.

⁷ ã yoa Jesu yaina painapure Cohamacu yare yahu site pahñoa wahaha. ã jia Jerusalẽpu jiina paina Jesu yaina payu waha namoha. Sacerdotea cãhu payu Jesu yaina wahaha.

Paina Estebãre ñahaha

⁸ ã yoa cãiro masare yoadohoare witi cohtariro Estebã sehe Cohamacu to noano yoariro ji, Cohamacu tuaare cãariro jiha. ã jiro tiro Cohamacu tuaa mehne yoa ño mãjaha masa ti ñurocaroi. ⁹ Wiho mejeta judio masa buheri wãhu macaina tirore ñu tuhti, to yahuchu, tirore soro ni cohtaha. Tina soro ni cohtaina “Cahamaca ji, wijarina cjiri”, wama tiri curua macaina sehe jiha. ã jia Cirene macaina, Alejandría macaina, Cilicia macaina, ã jichu Asia macaina cãhu jiha tina. ¹⁰ Tirore soro ni cohtapahta, Espíritu Santo to masia mehne Estebã to durucu mihnichu, tina to buheare ti dohse soro ni yãhtiboare wacũ bocaeraha. ¹¹ Ti soro ni yãhtiboare wacũ bocaeraa, tina painare mahño dutia, wãpaha tinare. Ti ã mahño dutichu õ sehe ni yahusãmaha tina:

—Ahriro Cohamacure, ã jichu Moise cjirore Cohamacu to cõri dutia cãhure to ñano durucuchu sã tãhohi —ni yahusãmaha tina mahñoina Estebãre.

¹² Ti ã nichu tãhoa masa, judio masa buheina, bucuna cãhu tiro mehne suaha. ã jia tina Estebãre ñaha, ti puhtoah cahapu naaha tirore. ¹³⁻¹⁴ ã yoa tina painare mahño dutiha:

—Ahriro dachoripe Cohamacu wãhure, to dutia cãhure ñano durucuriro jira. Tãhohi sã tirore to õ sehe nichu: “Jesu Nazare macariro Cohamacu wãhure cohã, ã yoa Moise dutiri cjiri, marine to yahu cõri cjirire cohtotarohca”, nihre Estebã sã tãhochu —ni mahño yahusãmaha tina.

¹⁵ ã jia jipihtina tói dujiina Estebãre noano ñuroca õ, to wãhdũare ñua tina. Anjo yoaro sehe bajuha to wãhdũa.

7

Estebã Jesu yare yahuha

¹ Æ yoa sacerdotea bui puhtoro ò sehe ni sinitu ñuha Estebãre:

—¿Ahrina ti nia potocã tjjari? —ni sinitu ñuha tiro Estebãre.

² To ã nichu tuhoro, Estebã sehe tinare ò sehe ni yuhtiha:

—Coyea, bucuna sã puchsuma tuhoga. Abrahã mari ñuchu cjiro panoru macariro Mesopotamiaru to jisinichu, Harãru to jhto pano, Cohamacu tuariro si siteriro sehe tirore Abrahãre bajuua tiha. ³ Æ bajuaro, Cohamacu ò sehe ni yahua tiha tirore: “Mu ya yahpare, ã jichu mu coyea potocãhure duhunoca, wahaga. Pa yahpa, yu mahure ñohti yahpare wahaga”, nia tiha Cohamacu Abrahãre. ⁴ To ã nichu tuhoro Abrahã cãhu Caldea yahpai jiina wijaa, Harãru su, jisinia tiha. Abrahã pucuro to yariari baharo, tiro cãhu tí macai wijaa, ahri yahpa, mipu musa jiri yahpare Cohamacu yoadohoro mehne taa tiha. ⁵ Cohamacu Abrahãre òru suho na taparota, tirore dói “Ahri yahpa puro jiga”, ni cãerasinia tiha. Ne mahanocã ahri yahpare, “Pu tãga mahu”, ni dutierasinia tiha tiro. Wiho mejeta Abrahã pohna mari-eriro to jipachuta, Cohamacu sehe tirore ò sehe ni yahu muhtaa tiha. “Mahure ã jichu mu panamana, pa tjuru macainaru cãhure ahri yahpare waihtja”, nia tiha Cohamacu Abrahãre. ⁶ Æ ninota ò sehe ni yahu namoa tiha Cohamacu. “Mu panamana pa tjuru macaina pa yahpare waha, tóru paina caharu jia, ti cahamaca jahca tina. Tuhsu, cuatro cientos cahmari waro tó macaina ñano yoapeahca mu panamanare.

⁷ Æ jicu tó macainare ti ã yoari buhiri buhiri dahrehtja yuhu. Yu ã yoari baharo mu panamana ji turiaina ahri yahpare wihí, yuhure ño payohtina jahca tina”, nia tiha Cohamacu Abrahãre. ⁸ To ã ni yahu cãare ti noano wacũrucuhto sehe, ò sehe yoa turia wahcã dutiha tirore. Munu pjacure mahanocã cahsarocãre yihso na dutia tiha tirore. Æ jiro ocho dachori to macuno Isaare to pohna tiri baharo, mahanocã cahsarocãre yihso naa tiha tiro Isaa pjacure. Baharo Isaa Jacobore pohna ti, to pjacure cãhure mahanocã cahsarocãre yihso naa tiha. Baharo Jacobo cãhu doce to pohname ã dihta yoaa tiha ti pjacure. Tina

doce mu sehe tópe curuari, mari masa curuari dahpoto macaina cjihti jia tiha.

⁹ Æ yoa baharo, tina Jacobo pohna, mari ñuchsuma cjiri, ti baharo Josére pahsu tia, paina ti cahamacuno cjihtore duanocaa tiha Egiptoru wahainare. Ti ã yoapachuta, Cohamacu Josére yoadohoa tiha. ¹⁰ Jipihti tí to ñano yuhdure Cohamacu tirore noano yuhduru yoaa tiha. Cohamacu tirore noano tuhó masichu yoaa tiha. Æ yoa faraõ Egipto macaina puhtoro sehere Josére ñu ji coachu yoaa tiha. Æ jiro faraõ sehe Josére puhto sãa tiha, tiro mehne masare dutihtiro cjihtore. Tirore faraõ ya wahu cãhure puhtoro cãa tiha.

¹¹ Æ yoa tí pjacure Egiptoru, Canaaru cãhure paró ne coro taeraa, yahpa sehe wuaa sãa wuaa tiha. To ã wua sãa wahachu, masa ti toamari cãhu ñai pihtia wuaa tiha. Æ jia mari ñuchsuma cjiri ñano yuhdu, ti chũboare ne bocaeraa tiha.

¹² Wiho mejeta Egiptoru “Trigo jiyuhca”, ti nichu tuhoro, Jacobo sehe to pohname, mari ñuchsuma cjirire tóru coã warocaa tiha. ¹³ Baharo pari turi to warocarina cjiri Egiptoru ti sachu tjoa, José to wahmisumare “Musa bahuta jija yahu”, ni yahu, tinare masichu yoaa tiha. Tí pja puhtoro faraõ sehe José coyeare coã ñuno nia tiha. ¹⁴ Baharo José to wahmisumare, ti pucuro Jacobore, ã jichu jipihtina ti coyea cãhure cahmarocaa tiha. To coyea setenta y cinco masa jia tiha. ¹⁵ To macuno to pjirocachu tuhoro Jacobo cjiro wuaa tiha Egiptoru to macuno caharu. To macuno caharu jiro, tiro yariaa wuaa tiha. Æ yoa to pohna, mari ñuchsuma cjiri cãhu tóru yaria pihtia wuaa tiha. ¹⁶ Tina ti yariari baharo, ti coyea ti pjacure cjirire Siquẽ wama tiropu naa tiha. Tóru na su, tãa coparipu Abrahã Hamor pohname niñeru mehne to nuchuri yahpare tina ti pjacure cjirire cãa tiha.

¹⁷ Æ yoa Cohamacu Abrahãre “Canaa yahpare waihtja mahure”, to ni cũriro cjiro mu sũro cahachu, Abrahã panamana, Israe masa, Egiptoi jisinia payu wuaa tiha. ¹⁸ Ti ã payu wahari baharo, paio faraõ, Egipto masa puhtoro José cjirore masierariro sãa tiha. ¹⁹ Tiro mari coyeare mahño, ñano

yoa, ti pohnare m̄ua pohnare wajã dua, cohãnocã dutia tiha tinacãre. Wahma bajuainacãre cohã dutia tiha “Tinacã yarijaro”, nino. ²⁰To ã yoaro watoi Moise cjihto sehe masa bajuaa tiha. Tirocã noariro, Cohamacu to noano ñu jicoariro jia tiha. Tia sũ waro to p̄uc̄usuma tirocãre noano ñu wihboa tiha. ²¹ ã jiro Moiserẽ n̄uo namo masieraa, diap̄u tirocãre p̄uh̄uoi comape mehne ti bihari p̄uh̄uoi poho b̄uroha. Ti ã yoach̄u faraõ macono tirocãre ñu boca, na maja, to mac̄unore yoaro seheta c̄juaa tiha tirocãre. ²² ã jia tina Egipto macaina, noano masiina ya jipihtiare Moiserẽ buhe b̄uc̄uoa tiha. Baharo, ne cuiro marieno durucuriro, p̄uhtoã jia tia c̄uh̄ure mihni yuh̄dur̄uc̄u s̄ur̄iro wahaa tiha Moise.

²³ ã yoa tiro cuarenta c̄uh̄mari c̄juaaro to coyea Israe masare ñu duaro ti cahap̄u ñu no wahaa tiha. ²⁴ Tóru ñu no s̄uro, Egipto macariro c̄uio Moise coyeirore to ñano yoach̄u ñua tiha. Tiro to ñano yoaborirore d̄ucata duaro, Egipto macariro sehere wajã cohãnocã tiha. ²⁵ ã wajã cohãno, Moise õ sehe ni t̄uhotua timaha. “Ȳu coyea ti coyeirore ȳu yoadohoch̄u ñua ‘Cohamacu marine noano yuh̄d̄uch̄u yoa dutiro warocare ahrirore’, ni t̄uhotuahca ȳu coyea”, ni t̄uhotua timaha Moise. Wiho mejeta tina sehe ne ã ni t̄uhotueraa tiha. ²⁶ Pa dachoi Moise to coyeare p̄uaro ti basi cahmacheinare boca s̄ua tiha. ã boca s̄uro, tinare yahu duaro tinare õ sehe ni yahua timaha: “¿M̄usa basi jipanahta cahmachejari m̄usa?” ni yahua timaha Moise tinare. ²⁷ To ã ni yahuch̄u t̄uhoro, c̄uio to coyeirore ñano yoariro sehe Moiserẽ tjurocaa tiha. “M̄uh̄u sã p̄uhtoro jierara. Sãre yahuboriro jierara m̄uh̄u. ²⁸ ¿Can̄ure Egipto macarirore m̄u wajãriro seheta yuh̄u c̄uh̄ure wajã duacu nijari m̄uh̄u?” nia tiha tiro Moiserẽ. ²⁹ To ã nich̄u Moise t̄uho c̄uaa waha, m̄urocaa duhti wahcã, Madiã yahpap̄u wahaa wahaa tiha. Tóruẽ pa sehe macariro jiparota, numino boca, p̄uaro pohna tia tiha.

³⁰ ã yoa Moise cuarenta c̄uh̄mari waro tói to jiri baharo, Sinaí wama tid̄u t̄uc̄u चाहai masa marienop̄u to jich̄u anjo tirore bajuaa tiha. Anjo sehe mahad̄ucã j̄uri picha

pohnai bajuaa tiha. ³¹ T̄u yuc̄uc̄uc̄ãp̄u to j̄urucuch̄u ñu no, Moise ñu c̄uaa wahaa tiha. Tí pichacare cahacã noano to ñu wahcãch̄u waroi Cohamacu to durucuch̄u t̄uhoã tiha. ³² “Cohamacu jija yuh̄u. M̄u ñuch̄usuma cjiri, Abrahã cjiro, Isaa cjiro, Jacobo cjiro ti ño payoriro jija”, nia tiha Cohamacu Moiserẽ. To ã nich̄u t̄uhoro Moise sehe tetere, ne ñu wahcõeraa tiha. ³³ Cohamacu õ sehe ni durucu namoa tiha tirore. “Yuh̄u ñaa marieriro ȳu õi jiro wato, m̄u ducuri yahpa sehe wiho jiri yahpa jierara. ã jicu m̄u dahpo suhtire tjuwe c̄uga. ³⁴ ã yoa ȳu yaina masa Egiptop̄u ti ñano yuh̄d̄uch̄u ñuja. Ti tiich̄u t̄uhoja. ã jicu õp̄ure wihija yuh̄u, tinare yuh̄d̄u witich̄u yoai tai. Ti ã wahach̄u, ñuc̄u wahaga m̄uh̄u c̄uh̄u. Egiptop̄u m̄uh̄ure warocaihtja. Tinare na wioi wahaga”, nia tiha Cohamacu Moiserẽ.

³⁵ Tó panop̄u tina sehe mari coyea, Israe masa Moiserẽ cahmaeraa tiha. “M̄uh̄u sã p̄uhtoro jierara. M̄uh̄u sãre yoadohoboriro jierara”, ni tuhtia tiha tina tirore. Wiho mejeta baharo, Cohamacu ti ã niriro cjirore Egiptop̄u warocaa tiha, mari coyea Israe masare yuh̄d̄u witich̄u yoah̄tiro, ã jich̄u ti p̄uhtoro jihtiro cjihtore. ã yoa anjo, tirore j̄ud̄up̄u bajuariro sehe to ã yoah̄tire yahua tiha tirore. ³⁶ Moise jia tiha mari coyea, Israe masare Egiptop̄u jiiinare na wioriro. Tinare na wioro, Egiptop̄u Cohamacu tuua mehne tiro sehe yoa ño d̄uc̄aa tiha tóru jiiinare. Pjiri ma sohãri map̄u ãta yoa ñoa tiha tjoa. Baharop̄u masa marienop̄u c̄uh̄ure cuarenta c̄uh̄mari waro Cohamacu tuua mehne yoa ño m̄ujaa tiha tiro to masare. ³⁷ ã yoa Moise cjiro jia tiha mari coyea, Israe masare õ sehe ni yahuriro: “Cohamacu c̄uio m̄usa coyeiro, to yare yahu m̄uhtahtiro, ȳu yoaro sehe jirirore warocarohca m̄usare”, nia tiha Moise tinare. ³⁸ Moise masa marienop̄u mari coyea Israe masa mehne jia tiha. Tuhs̄u, Sinaí wama tid̄u t̄uc̄up̄u ti cahmachuch̄u tirore yahuriro anjo mehne jia tiha. ã yoa mari ñuch̄usuma panop̄u macaina cjiri mehne jia tiha tiro. Cohamacu to dutiare c̄ur̄iro jia tiha Moise.

³⁹⁻⁴⁰ ã jia tí dutiare t̄uc̄u Moiserẽ to c̄uno watoi mari ñuch̄usuma cjiri Egiptop̄u tjua

duaa Moiserere yuhdurúcaa tiha. Tina tirore cahmaeraa tiha. Æ cahmaeraa tina Moise cjiro wahminore Aarō wama tirore cjirore ō sehe nia tiha: “Paina cohomanare yoaga mari yaina cjihti. Tina mari wahahti mahare marine sūho naahca. ¿Wiho mejeta marine Egiptopu jiinare na tariro Moise dohse wahari tiro? Masieraja sã”, nia tiha tina. ⁴¹ Æ jia tí dachorire tina wachu masure uru mehne yoaa tiha. Æ yoa tuhsu, tina wahiquinare wajã, ti yoariro cjiro cahai na ta, ño payoa tiha tirore. Æ jia tina ti yoariro cjirore wachure ñu, wahche, bose numu yoaa tiha. ⁴² Wachure ti ño payochu ñano, Cohamacu tinare cohã wahcãa wahaa timaha. “Yuhure cohã, manopu bajuaa, sũ dacho macariro, sũ ñami macariro, ã yoa ñahpichoha poca cūhure ño payowahnojaro”, nino cohã wahcãa wahaa timaha. Cohamacu yare yahu mūhtaina cjiro ã ni joaa tiha:

“Musa Israe masa, yuhure nu ñano yoare.

Masa marienopu cuarenta cūhmari waro jina wahiquinare musa wajãinare musa wajã, jũ wa mūopanahta, yuhure musa ño payoboriro seheta yoamare musa.

Wiho mejeta yuhu sehene musa ño payoerare.

⁴³ Æ jina musa Molo wama tiri masure ño payoia jina, tí masure ño payori wuhure cjuare musa.

Æ yoa paio cohamacu ñahpichohaca Refã wama tiri to masure musa yoariare musa cjuare tjoa.

Tí masurine musa yoarire musa ño payore. Musã ã yoari buhiri musare Babilonia sie seheru cohãrocaltja yuhu”, ni yahu joaa tiha Cohamacu yare yahu mūhtaina cjiro.

⁴⁴ Æ jia masa marienopu Cohamacu masa mehne to jiri wuhure wahiquina cahsari mehne ti yoari wuhure cjuaa tiha mari ñuchusuma cjiro panopu macaina. Tí wuhu Cohamacu masa mehne to durucuri wuhu jia tiha. Tí wuhuru Cohamacu dutia to joaa pjĩni tãa pjĩni jia tiha. Tí wuhure Cohamacu Moiserere to ñoriro seheta, “Ō sehe yoaga”, to ni yoa dutiriro seheta yoaa, tí wuhure cjuaa tiha tina. ⁴⁵ Æ yoa

ti panamanapu cūhu cjuaa turia nunu tia tiha tí wuhure, wahiquina cahsari mehne ti yoari wuhure. Baharo mari ñuchusuma cjiro Josué mehne Cohamacu mari coyee Israe masare to cūhti yahpapure, ahri yahpapure pu tia taha. Ti pu tia tachu ahri yahpai ji mūhtaina cjirore Cohamacu cohãnocaa tiha. Tí pjare Cohamacure ti ño payori wuhure na taa, cjuaa tiha tina ahri yahpapu, mipure mari jiri yahpapu. Pu Davi cjiro to jiri tjurupu cjuaa batoa tiha tí wuhure. ⁴⁶ Tiro Davi cjiro sehe Cohamacure wahchechu yoariro jia tiha. Cohamacu ya wuhu cjihtore pa wuhu tiro yoa duaro, sinia timaha Cohamacure. ⁴⁷ To ã sinipachuta Salomopu Cohamacu ya wuhu sehene yoaa tiha. ⁴⁸ To ã yoapachuta Cohamacu Jipihtina Bui Jiro sehe masa ti yoari wuhure jierara. Ō sehe nia tiha Cohamacu yare yahu mūhtariro cjiro:

⁴⁹ “Mūano yu dujiro jira.

Tóí ducicu dutija yuhu.

Æ jiro yahpa sehe yu dahporire duhu payoro yoaro sehe jira.

Yuhu tua yuhdurario jija.

Yu ya wuhu cjihtore yoa masierara musa.

Cohamacu yu jichu yu jikti wuhure musa yoa masierara.

⁵⁰ Yu basi ahri yahpare jipihtiro yoahi yuhu’, ni durucua tiha Cohamacu”, ni joaa tiha Cohamacu yare yahu mūhtariro cjiro.

⁵¹ ‘Musa Cohamacu yare tūhopanahta, tirore yuhti duaerara. Cohamacure masieraina yoaro sehe tūhotuina baro jira musa. Espiritu Santore yuhduraca yuhdurara musa. Musã ñuchusuma cjiro ti yoariro cjiro seheta yoara musa cūhu.

⁵² Musã ñuchusuma cjiro jipihtina Cohamacu yare yahu mūhtaina cjirore ñano yoaa tiha. Tina Cohamacu yare yahu mūhtaina cjiro “Baharo cūiro ñaa buhiri Marieriro tarohca”, ti ni yahu quihō mūhtachu tūhoa, musã ñuchusuma cjiro sehe tinare wajãa tiha. Æ yoa mipu cūhure tiro “Ñaa buhiri Marieriro”, tó panopu ti niyuriro sehe ōpu to wihichu, “Muhu mehne macaina jija”, ni ji mahño, tirore wajãhre. ⁵³ Cohamacu dutiare anjoa sehe yahu turia timaha musare. Ti ã yahu

turiachu musa tí dutiare cjamaha. Wiho mejeta tí dutiare yuhduhucara musa —niha Estebã.

Tina Estebãre tãa poca mehne doca wajãha

⁵⁴To ã nichu tuhõa tina sehe tuaro suaha. ã tuaro suaa, cuaina wahaha. ⁵⁵Ti ã sua-pachuta Estebã sehe Espiritu Santo mehne wacũ tuariro to tuaa mehne manopu ñuroca muo, Cohamacu si siteare ñha. ã yoaro Cohamacu poto buhusehei Jesu to ducuchu cãhure ñha tiro. ⁵⁶ã ñuroca muono, õ sehe niha:

—Ñu muoga musa. Manopu mahanocã to tjuwe machu, Jesu Cohamacu to warocariro Cohamacu poto buhusehei to ducuchu ñja yuh —niha Estebã tinare.

⁵⁷To ã nichu tãhoata tina tuaro sañurucu, ti cahmo coparire bihanoca, cãno potori tiro cahapu muroca wahcã, tirore ñahaha.

⁵⁸Ñaha tuhsu, tirore na wahcã, tí maca duhtu cahapu cohãha tirore. ã jia tãa poca mehne doca wajãha tirore. Ti ã wajãhto pano tirore yahusãrina tirore tãa poca mehne docahtina ti bui sãa suhtire tjuwe na, wahmunore Saulo wama tirirore ti suhtire cjabasa dutiha. ⁵⁹Estebãre ti tãa docaro watoi, sinino sehe õ sehe niha tiro:

—Jesu, yu puhtoro yu catiare naga —niha tiro.

⁶⁰Ni tuhsu, tiro na tuhcuca caha su, õ sehe ni tuaro sañurucuha:

—Puhtoro Jesu, ahrina mipu yuhure ti wajãri buhiri tinare buhiri dahrei tjia —ni sañurucuha Estebã.

ã ni sañurucu batoarota, yariaa wahaha tiro.

8

Saulo Jesu yainare ñano yoaha

¹Estebã to ã yariachu ñano, “Noana”, niha Saulo sehe.

Tí dachoreta Jesu yainare Jerusalẽ macainare ñano yoa ducaha Saulo mehne macaina sehe. Ti ã yoa ducachu Jesu yaina Judea yahpau, Samaria yahpau yoaropu duhti site wahcãa wahaha. Ti puhto, Jesu to cãrina dihta wahaeraha. ²ã yoa paina Cohamacure ño payoina Estebã pjacu cjirore tãca copapu, duhu sãa, tiro cjirore tuaro tii payoha tiro cjirore tina.

³Wiho mejeta Saulo sehe Jesu yainare ñabiaro yoaa timaha. Tiro ti wuhusepu sãa, muare, numiare ñaha wahcã, peresupu biha dapoa tiha.

Samariai Jesu yare buheha Felipe

⁴ã yoa yoaropu waha siteina cjiri nohoi ti waharoi Jesu yare buhea tiha. ⁵Cãiro tina mehne macariro Felipe cã maca, Samaria wama tiri yahpai jiri macapu su, Cristo masare yuhdoriro ya quitire buheha tí maca macainare. ⁶To ã buhechu, tó macaina sehe tirore tãho cahmachu, Cohamacu to tuaa mehne to yoa ñochu ñha tina. ã jia tina jipihtina cãno potori to yahure noano tãho nunha tiha. ⁷Payu masa watã sãanohrina tiro cahai ti wihichu ñano, watã sehere tiro wijaa dutia tiha masapu jirinare. To wijaa dutichu, tina watã sehe tuaro sañurucu, wijaa wahaha. Tuhsu payu pjacu buhainare, pari yuri tiniina cãhure pjacu noaina wahachu yoaa tiha.

⁸To ã yoa ñochu ñha tí maca macaina payu masa wahchea tiha.

⁹Tí pjare Simo wama tiriro tí maca macariro yairo jiha. ã jiro yaya ti yoarire yoa ñoa tiha Samaria macainare. To ã yoa ñochu ñha, tó macaina ñu cuaa waha, tirore cua pisaro ñuina jiha.

—Yuhu masi pahñoriro jija —nimaha Simo sehe tinare.

¹⁰To ã yoachu ñha masa sehe õ sehe nia timaha:

—Ahroro Cohamacu ya tuaare cjuariro jira. Cohamacu yoaro sehe tuariro jira —nia timaha tirore masa, puhto mehne. Tina jipihtina noano tãho nunha tirore.

¹¹Tiro yaya ti yoaa mehne yoari pja yoa ñoa tiha tinare. To ã yoa ñochu ñha tina cuaa wahaha. ã cuaa waha, tina tirore ño payoa tiha. ¹²Wiho mejeta ti ã ño payopachuta Felipe sehe puhtoro Cohamacu to sãho jiare, Jesucristo yare noaa buheare yahuha. To ã yahuchu tina tirore noano tãhõha. Ti ã noano tãhochu ñano muare, numia cãhure bautisaha Felipe. ¹³ã jiro Simo cãhu Felipere noano tãho tiha. ã jiro tiro cãhure bautisaha. To ã yoari baharo Felipe mehne tjuaa tiha tiro. Felipe sehe

Cohamacu tuua mehne to yoa ñochu ñuno Simo ñu cuua wahaa tiha.

14 Ñ yoa Samaria yahpa macaina Cohamacu yare ti tuaro cahmachu tũhoa Jerusalẽpu jiina tũhorocaa tiha tinare. Ñ ti cahmachu tũhoa Pedroke, João cũhure warocaa tiha Samaria yahpamu. 15 Tõpu sũa Pedro cũhure Cohamacure siniha: “Ahrina Samaria yahpa macaina mũhure ño payoinare mu Espõritu Santo sãajaro”, ni sini payoha tina Cohamacure. 16 Tina Samaria yahpa macaina Jesucristo yaina jia to bautisarina jiha. Tõ dihtare masiha tina. Ñ jiro Espõritu Santo tinare sãaerasiniha. 17 Ñ jia Pedro, João mehne Samaria yahpa macainare ti wamomacarine ti dapupoca bui ti duhu payori baharo Espõritu Santo tinare sãari jire.

18 Ñ yoa Pedro cũhure ti wamomacari mehne ti duhu payochu ñũha Simo. Espõritu Santo tinare to sãachu cũhure ñũha tiro. Ñ ñũriro jiro, tõ tuaare cahmano niñeru mehne wapa duamaha. 19 Õ sehe nimaha Simo:

—Yũhure cũhure waga ahri tuaare. Yũhure cũhure yu wamomacari mehne masa dapupoca bui duhu payoi tai nija Espõritu Santo tinare to sãahto sehe. Ñ jicu ahri yu yoahiti wapare wapa duaja —nimaha Simo tinare.

20 To ã nichu tũhoro Pedro õ sehe niha:

—Mũhure niñeru mehne Cohamacu ya tuaare mu nuchu duari buhiri mu niñeru mehnetã pichacapu wahaga mũhure. Cohamacu mu tũhotuare masina. Mũhure ñariro jisiniha. 21 Ñ jicu ahrire sã yoaare yoa masierara mũhure. Ahri mu yoaã baro jierara. 22-23 Paina ti cjuãare ñũcu suariro jira mũhure. Ñ jicu ñaa yoaare ne duhu masierara mũhure. Ñ jicu ahrire mu ñaa yoarire cahyaga mũhure. Cohamacure mu ñaa tũhotuare to bohto sehe siniga mũhure. Mu ã yoachu ñuno tiro mu ñaa buhirire boboca, pa tehe nino —ni yahuha Pedro tirore.

24 To ã nichu tũhoro Simo õ sehe ni yũhtiha tirore:

—Yũhure sini payoga mũsa Cohamacure mu niriro sehe yu wahaerahto sehe. Tõ buhiri pichacapu waha duaeraja yũhure —niha Simo tirore.

25 Baharo Pedro João mehne Cohamacu yare yahuha: “Jesu to masa mũjachu ñũhi sã”, ni payu Samaria yahpai jia macari macainare noaa buheare buheha. Tinare Cohamacu yare buhe tuhsu, Jerusalẽpu tjuua wahaha.

Felipe Etiopía yahpa macarirore buheha

26 Ñ yoa Cohamacu yairo anjo Felipere õ sehe ni yahuha:

—Mipure sur sehẽpu wahaga. Jerusalẽ cahai jiri mahapu Gazapu wahari mahapu, masa marienopu jiri mahapu wahaga —ni yahuha anjo Felipere.

27 To ã nichu tũhoro tiro sehe tõ mahapu wahaa tiha. Baharo tõ mahapu cũiro masũnore piti bocaro taro niha. To piti bocahtiro jiha Etiopía yahpa macariro puhtoro. Tiro numiare cahmaerariro eunuco masũno jiha. Ñ jiro Candace wama tiricoro Etiopía macaricoro puhtorocoro yare niñerure jipihtiare ñu wihboriro jiha. Wiho jiriro jieraha. Tiro Jerusalẽpu Cohamacure ño payoro waha tuhsu. 28 To ya macapu tunuria mehne tjuã taro tiapu wahaparota buhero niha. Cohamacu yare yahu mũhtariro Isaia cjiro to joari pũre buhero niha. 29 Ñ jiro Espõritu sehe Felipere õ sehe ni yahuha tiha:

—Siro tunuriapu wahariro cahapu wahaga —niha Espõritu tirore.

30 To ã nichu tũhoro Felipe sehe tunuria cahapu mũroca wahcã, Isaia cjiro to joarire Etiopía macariro to buhechu tũhoha. Ñ tũhoro Felipe õ sehe ni sinituha tirore:

—¿Mu buheare tũho ñahajari mũhure? —niha tiro.

31 To ã nichu tũhoro Etiopía macariro õ sehe ni yũhtiha:

—Pairo yũhure yahu yũhdoriro mariachu noano masieraja yũhure. Õi yũhure yahu dujii taga yu pari wahpa —ni yũhtiha tiro Felipere.

—Jai —ni nuju sũha to cahai.

32 Ñ yoa Cohamacu yare Etiopía macariro to buheri pũ õ sehe niha:

“Ovejare ti ñaha wajãriro seheta tiro cũhure ñaha wajãhca masa.

Ñ jiro ovejacã to pjoare ti sachu to sañurucueraro seheta tiro masũno cũhure dihta marieriro jirohca.

³³ Tirore tina bujapeahca.

Ã jia tiro to ñano yoaerapachuta tina sehe ñano yoaahca tirore.

Tiro ahri yahpapu to jichu tina tirore wajãahca.

Ã jiro tiro pohna marieriro yariaa waharohca”, ni joaha tí pũpũre.

³⁴ Tí pũ to ã ni yahuchu ñano, Etiopía macariro õ sehe ni sinituha:

—Yahuga yahure. ¿Õ sehe Isaia cjiro to niriro diro baro jicari ahriro? ¿Isaia cjiro to basi yahuro nicari? ¿O pairore yahuro nicari? —ni sinituha Etiopía macariro.

³⁵ To ã ni sinitu ñuchu tuhoro Felipe sehe tí pũre ñu, Jesu yare yahuha Etiopía macarirore. ³⁶ ã yoa tina tia mehne waha, macapu sãha.

—Ñuga, õi máca jira. Ahri macapu yahure bautisaga —niha Etiopía macariro.

³⁷ [—Jesure mu noano wacũ tuachu ñuchu mahure bautisaihtja —niha Felipe tirore.

—Jesure wacũ tuaja yuhu. Tiro Cristo Cohamacu macano jira. Tíre noano masija yuhu —niha Etiopía macariro.]

³⁸ ã ninota tiro tunuria uturirore yusuo dutiha. Tia to yusu caha sari baharo wijaa tina. Wijaa, tí macapu su, ñumuruçu sãha tina. Tói ñumuruçu su, Felipe sehe tirore bautisaha. ³⁹ Bautisa tuhsu ti maja surucu sũchu Cohamacu to Espiritu Felipere naa wahaha. To ã wahari baharo Etiopía macariro noano wahcheriro to ya yahpapu tjuaa wahaha. To ã yoari bato tichu ne pari turi Felipere ñeraha. ⁴⁰ ã yoa tuhsu Azotoru sãha Felipe sehe. Tuhsu, payu macarine noaa buheare buheha masare. Pu Cesareapu buhe batoa tiha.

9

Saulo Jesucristore ñano tirore wacũ tuacaha
(Hch 22.6-16; 26.12-18)

¹ Wiho mejeta tí pjare Saulo Jesu yainare ã ñu tuhtirucusinino, “Tinare wajãihtja” nino, tiro sacerdotea puhtoro cahapu wahaha. ² Tópu sũro tiro joaa pũrine õ sehe ni siniha sacerdotea puhtorore:

—Joaa pũrine waga yahure yu tuahti pũri cjihtire. Tí pũripu mu wama mu joa payochu, yuhu sehe tí pũri mehne, mu dutiro mehne Damascopu wahaihtja. Tópu su, judio masa mari buhea wãhusepu Jesu yaina mua, numia cãhure boca sũcu, tinare ñahadãhte, õpu Jerusalẽpu na majare tjuaa taihtja —ni siniha Saulo sacerdotea puhtoare.

³ Ti pũrine na tuhsu, tiro waha, Damasco cahai to sũro cahachu waro muanopu wacũenoca si siteroca boroha tirore. ⁴ Wacũenoca to ã si siteroca borochuta tiro yahpapu bora caha sũro, õ sehe ni durucuhu tuhoha:

—Saulo, Saulo, ¿dohseacu mahu yahure ñano yoajari? Mahu yuhu mehne suacu yahure yãhtieracu, mu basita ñano yãhdura —nino coa taha.

⁵ —Puhtoro, ¿diro baro jijari mahu? —ni sinitu ñuha Saulo sehe.

—Yuhuta jija Jesu, mu ñano yoarucuriro —niha Jesu Saulore. ⁶ [To ã nichu õ sehe ni sinituha Saulo:

—Puhtoro, ¿dohse yu yoachu cahmajari mahu? —niha Saulo.]

—Wahcãrucaga mahu. Macapu wahaga. Tí macapu mu sũchu tó macariro mu yohtire yahurohca mahure —niha Jesu Saulore.

⁷ To ã nichu Saulo mehne macaina sehe to durucua dihtare tuhoha. Wiho mejeta Jesu sehere ñeraha. To ã wahachu ñua, cuia, tina durucu masieraha. ⁸ ã jiro Saulo yahpapu coãriro wahcãruca, to ñuchu to capari bajueraha. ã jia tina to wamomacare ñaha, Damascopu tuã wahcãa wahaha tirore. ⁹ Tópu sũro, tiro tia dacho waro ne ñuera, chuera, ne sihniera tiha.

¹⁰ ã yoa cãiro Jesu to buheriro Anania wama tiriro Damascoi jiha. ã jiro Jesu bajua tiha Ananiare. ã bajuaro õ sehe ni pisuha tirore:

—Anania, ¿jimajari mahu? —niha Jesu.

—Jimajã —ni yãhtiha Anania tirore.

¹¹ To ã nichu Jesu sehe õ sehe ni yahuha tirore:

—Potori Maha wama tiri mahapu wahaga. ã wahacu Juda ya wãhupu cãiro Tarso macariro Saulo wama tirirore macaga. Tiro Cohamacure sinino nica.

¹² Tiro cahãnopure tirore mu yohtire ño

tuhshi yhu. Õ sehe jiare ñhure tiro: Mhu m wamomacarine tiro bui duhu payo, to capari noaa wahachu ñhure tiro to cahãnopure —niha Jesu Ananiare.

¹³ To ã nichu tuhoro Anania sehe õ sehe ni yhtiha:

—Puhtoro, tiro m yainare, noainare Jerusalẽ macainare nu ñano yoa mujayuhti. Payu masa yhure ã ni yahure. ¹⁴ Æ yoa õ cãhure tiro jipihtina mhure cahmainare peresu yoaro taro niyuhti. Sacerdotea puhto tirore ã yoa dutiyuhti —ni yhtiha Anania Jesure.

¹⁵ To ã nichu Jesu sehe õ sehe ni yahuha tirore:

—Tiro Saulo sehe yu beseriro jira. Tiro yu ya buheare judio masa jierainare, ti puhtoare, ã jichu Israe masa cãhure buherohca. Æ jichu wahaga mh. ¹⁶ Payu tahari yu yare yoaro tiro ñano yhdurohca. Tíre tirore masichu yoaihtja —niha Jesu Ananiare.

¹⁷ To ã niri baharo Anania sehe waha, su, Saulo to jiri wuhuru sãaha. Sãa su, to wamomacarine Saulo bui duhu payo, õ sehe ni yahuha tirore:

—Coyeiro Saulo, m capari m ñuhto sehe, Espíritu Santo mh mhne to jihto sehe, to dutiriro seheta m yoahito sehe, mari puhtoro Jesu sehe maharu mhure bajuariro yhure warocahre —ni yahuha Anania Saulore.

¹⁸ To ã nichuta to caparire wahi nuturi yoaro sehe bajua to caparipu wahãa pahna borachu ñha Saulo. To ã ñu tuhuri baharo to wahcãrcu sachu pairo sehe tirore bautisaha. ¹⁹ Tirore to bautisa tuhuchu, tiro sehe chu, tuariro wahaha.

Saulo Damascoi Jesu yare buhe dũcaha

Æ yoa Saulo mahaa dachoricã Damasco macaina Jesu yaina mehne jiha.

²⁰ Dói tí dachorita tiro judio masa buhea wuhusepu su, Jesu Cohamacu macno to jiare yahu dũcaha masare. ²¹ To ã yahuchu ñha jipihtina tirore tuhoina cuaa wahaha.

—Cho, ahriro Jerusalẽpore Cohamacu yainare Jesure cahmainare ñano yoariro cjiro jira. Æ yoa tirota jimana õ macaina Jesure cahmaina cãhure ñaha, duhte, sacerdotea puhtoare wiaboriro. Æ yoa duaro

õpore tari jimahre tiro —niha masa tirore tuhoina.

²² Wiho mejeta Saulo sehe cui tuhuro marieno buhe mihni wahcãa tiha. “Ahriro Jesu potocãta Cristo, marine yhdohitiro jira”, to ni yahu mihnichu, tó macaina judio masa ti ni yhti yhdurucaborirore bocaeraha.

²³ Æ jia payu dachori baharo judio masa tirore wajã duaa, ti basi durucua tiha.

²⁴ Wiho mejeta Saulo tirore ti wajã duachu masiha to basi. Tina tí macare sahrino tãa mehne ti yoari sahrino macaa sopacarire dachopure ñamipu cãhure cohtaa tiha tirore wajã duaa. ²⁵ Ti ã wajã duachu ñha ñamipu Saulo buheina tirore puuro pjiri puhí na sãa, tí maca macari sahrino baharo buhusehei duhu boroha tirore. Tó sehe ti yoachu yhduha tiro.

Saulo Jerusalẽi jiha

²⁶ Æ yoa Saulo Jerusalẽpu saro, tópu Jesu yaina mehne tiro ji duamaha. Wiho mejeta tina tirore “Jesu buheriro jierara ahriro” nia, tirore cui niha. ²⁷ Ti ã cuipachuta Bernabé sehe tirore na wahcãha Jesu to cãrina caharu. Æ jiro Saulo mahai Jesure to ñaire, Jesu Saulore to durucurire, ã jichu Damascopu cuiro marieno Jesu yare to buhe dũcarire yahuha Bernabé sehe. ²⁸ To ã ni yahuri baharo Saulo sehe tina mehne sãano, Jerusalẽpu tina mehne jia tiha. ²⁹ Tiro cuiro marieno judio masare Jesu yare yahu yhdurucaro niha. Tina judio masa griego masa yare durucuina jiha. Æ yoa Saulo to ã yahu yhdurucachu, tina tirore wajã duamaha. ³⁰ Ti ã wajã duachu ñha, Saulo mehne macaina Jesu yaina sehe tirore Cesareapu na duhti wahcãa wahaha. Tópu tirore saho jirucuma Tarsopu warocaha tirore.

³¹ Æ yoa jipihtiropu, Judea yahrapu, Galilea yahrapu, Samaria yahrapu cãhure Cohamacu yaina noano jia tiha. Tí pjare ne masa ñano yoera tiha tinare. Æ jia noano buheha tina. Tina Cohamacu yare buhe, tirore masi namo, noano yhti tiha. Æ yoa Cohamacu cua pisaro ñha tiha. Espíritu Santo tinare to yoadohochu tina sehe payu wahaa tiha.

Pedro Eneare noariro wahachu yoaha

³² Ñ yoa Pedro jipihtia macaripu waharo, Jesu yaina Lida macaina cahapu cūhare suha tiro. ³³ Tópu saro Enea wama tirirore boca suha. Enea pjacu bahariro jiro, ocho cahmari waro ti pūpaha cūriro coāa tiha.

³⁴ Ñ jiro Pedro sehe tirore ò sehe niha:

—Enea, Jesucristo mūhare noariro wahachu yoara. Wahcārucaga. Mū pūpaha coāri cahsarore cahnoga —niha Pedro tirore.

To ñ nichuta tiro wahcārucaha. ³⁵ Ñ jia jipihtina Lida macaina, Sarón macaina tirore ñha, tina ti ñaa yoare duhu, Jesure wacū tuua tiha.

Dorca wama tiricorore masoha Pedro Jesu to tuua mehne

³⁶ Ñ yoa Jope wama tiri macai Jesure ño payoricoro Tabita wama tiricoro jiha. To wama Tabita griego ya dusero mehne Dorca jira. Ticoro noaare yoaro payu waa tiha pjacuoinare. ³⁷ Ñ jiro tí pjare ticoro dohati wahcō, yariaa wahaa tiha. To yariachū ñha, tina ticorore noano cosa, mūano macari tahtiapu cūa tiha ticorore. ³⁸ Lida wama tiri maca Jope cahai jire. To ñ jichū Jesu buheina Jope macaina Pedro Lidapu to jichū tūhorocaa tiha. Ñ tūhorocaa, pūaro warocaha Pedro cahapu. Tiro cahapu sūa Pedre ò sehe ni yahuha tina:

—Soaro mehne sã jiropu wahaga —ni yahuha tina.

³⁹ Ti ñ nichū tūhorō tina mehne wahaa wahaha tiro. Tópu tirore ti na sari baharo mūano macari tahtiapu na mūjaa wahaha tirore. Ñ jia jipihtina wapewahya tiro cahai sūrucā, tiia tiha. Tabita tina mehne jisininopu payu suhtire yoaa tiha. Ñ jia tina to yoari suhti cjirire ñoha Pedre. ⁴⁰ Wiho mejeta Pedro tinare tí tahtiapu jjinare wijaa dutiha. Ti wijaari baharo tiro na tuhcuā caha sū, Cohamacūre ticorore sini payoha. Ñ jiro to pjacu cjirore majare ñha:

—Tabita wahcāga —niha tiro.

To ñ nichuta ticoro sehe ñha wahcō, Pedre ñha, wahcā nuju suha. ⁴¹ To wahcā nuju sūchū ñha, tiro to wamomacare ñaha, tūā wahcō dapoha ticorore. Ñ jiro tiro tó macainare Jesu yainare, wapewahyare

pjiroca, ticorore catiricorore wiaha tinare. ⁴² To ñ yoari baharo jipihtina Jope macaina tíre masia, payu masa Jesure wacū tua dūcāa tiha. ⁴³ Baharo Jopepu Simo wahiquina cahsarire cahnoriro mehne payu dachori Pedro tiro mehne jia tiha.

10

Pedro Corneliore Jesu yare yahu dūcaha

¹ Ti pjare Cesarepu cūiro Cornelio wama tiroro jiha. Tiro cien surara pūhtoro jiha. Tina surara sehe ti ya curua Italiano wama tiha. ² Cornelio to ya wūhū macaina mehne judio masa jieraina jipahta, Cohamacūre ño payoina, cua pisaro ñhina jiha. Tiro judio masa pjacuoinare yoadohoro payu waha. Ñ yoa dachoripe tiro Cohamacūre siniha. ³ Cū nūmū ñamichahapu tres jichū Cohamacū yairo anjo tirore bajuaha. Ñ bajuaro Cornelio cahapu sūaha.

—Cornelio —niha anjo tirore.

⁴ To ñ nichū tūhorō Cornelio tirore ñha, cuiro ò sehe niha:

—Pūhtoro, ¿yabare cahmajari mūhū? —niha tiro.

—Masa pjacuoinare mū warire, Cohamacūre mū sinirire Cohamacū noano ñhūno nina. ⁵ Ñ jicu Jopepu mū mūare warocaga. Tópu Simo Pedro wama tiroro jira. Tirore na ta dutiga mū mūare. ⁶ Tiro paio Simo wahiquina cahsari cahnoriro cahai, pjiri ma dūhtū cahai jiri wūhūi jira —niha anjo Corneliore.

⁷ Anjo ñ ni tuhsū, wijaa wahaha. To wi-jaari baharo Cornelio pūaro tirore dahra cohtainare, ñ yoa cūiro to surara mehne macarirore pjirocaha. Surara sehe Cohamacūre ño payoriro jiro, dachoripe Corneliore yoadohoa tiha. ⁸ Ñ jiro Cornelio tinare anjo to yahuri cjirire yahu pahño, Jopepu warocaha tinare.

⁹ Ñ yoa pa dachoi Jopepu ti waharo watoi cohari pja jichū Pedro sehe wūhū buipū Cohamacūre sinino wahaha. ¹⁰ To mūja sūri baharocā tirore jūca purīchū chū duaha. Wiho mejeta paina to chūare ti dahrero watoi, tiro sehe ò sehe bajuachū ñha. ¹¹ Mūanore parī mūachū, pjiri cahsaro pititia sohtoarire dūhteri cahsaro to duji tachū

ñuha. ¹² Tí cahsaro puhichapure payu wahiquina bua tiniina, chihchõina, waina peri cãhu jija. ¹³ Tíre to ñuri baharo, Pedro durucuro coa tachu tãhoha:

—Pedro, wahcãrucaga. Ahrinare waja chuga —nino coa taha tirore.

¹⁴ To ã nipachata Pedro õ sehe niha:

—Pũtoro, ne tina barore chueraja yuhu. Ñainare, Cohamacu to chu dutierainare ne chuera tih yuhu —niha Pedro.

¹⁵ To ã niri baharo Pedro pari turi durucuro coa tachu tãhoha:

—Cohamacu “Noaina jira”, to nirinare “Ñaina jira”, nii tjia mahu tinare —nino coa taha Pedore.

¹⁶ Æ yoa tia taha ti ã ni durucuri baharo tí cahsaro manopu mujaa wahaha tjoa.

¹⁷ To ã mujaa wahari baharo, Pedro tuaro wacũ “¿Dohse ni duaro nijari ã bajuaro?” ni tãhotuha tiro to basi. To ã ni tãhoturo watoi Cornelio mua to warocaina sehe Simo ya wãhuru suha. “¿Simo ya wãhu nohopu jijari?” ni, ti sinituri baharo to ya wãhuru suha tina. ¹⁸ Su, tina sinitu ñu bahrañoa. “¿Simo Pedro wama tiriro ahri wãhu jijiari?” ni sinitu ñuha tina. ¹⁹ Æ jiro Pedro to tãhoturo watoi Espiritu Santo tirore õ sehe ni yahuha:

—Ñuga. Tiaro mua mahure macaa nina.

²⁰ Wahcãrucaga. Dujiaga. Tina mehne wahaga. Jiape ni tãhotuecãta wahaga noano mehne. Yuhu sehe tinare õpure warocahi —niha Espiritu Santo Pedore.

²¹ To ã nichu tãhoro Pedro ti caharu dujia wahaha.

—Ñuga. Õi jija yuhu mua maca tariro. ¿Dohse yoana tana niri mua yu cahai? —niha Pedro tinare.

²² To ã nichuta tina sehe õ sehe niha:

—Cornelio cien surara pũtoro, noaare yoariro, Cohamacure cua pisaro ñuriro, jipihtina judio masa “Noariro”, ti niriro mahure pji ta dutiro warocahre sare. Cohamacu yairo anjo Corneliore mahure pji dutiyuhti. Õ sehe niyuhti: “Pedrore mu wãhuru na ta dutiga mu mare. Æ yoa tiro mahure to yahuchu, noano tãhoga tirore”, ni pji dutiyuhti anjo Corneliore —ni yahuha Cornelio Pedore to pji dutirina sehe.

²³ Ti ã nichu Pedro sehe tinare sã ta duti, chua wa, to jiri wãhuru carĩ dutiha tinare. Pa dachoi Pedro wahcã, tina mehne wahaa wahaha. Æ yoa paina Cristo yaina Jope macaina Pedore piti ti wahcãha.

²⁴ Pa dachoi tina Cesareapu suha. Ti sũto panocã Cornelio sehe to coyeare, tiro mehne macaina cãhure pji cahmachu, Pedore cohtaa niha. ²⁵ Æ jiro Pedro Cornelio ya wãhu caharu to tachu ñuno Cornelio sehe tirore piti boca wijaa, to dahpori cahai caha suha. ²⁶ Wiho mejeta Pedro tirore na wahcõ õ sehe niha:

—Ducuga mahu. Yuhu cãhu mu yoaro seheta jiriro jija —niha Pedro tirore.

²⁷ To ã ni tuhsuri baharo Cornelio tirore na sãa wahaha to ya wãhuru. Tõpu sãa sũro masa peri tí wãhuru cahmachu tirore cohtainare ñuha Pedro. ²⁸ Tinare ñuno õ sehe ni yahuha tinare:

—Judio masano jipaihta pa curua macaina masa mehne jicu, mua wãhusepu sãacu, judio masa sã dutiare yãhduracai nija yuhu. Tíre noano masina mua. Wiho mejeta pa curua macainare “Ñaina jira”, yãhure ni dutierare Cohamacu. Tíre ni yahuhre yãhure tiro. ²⁹ To ã nichu tãhocu õpure mua cahapure tahi. Mua yãhure pjirocachu “Ne wahaeraja”, nierahi. ¿Dohse jiro baro yu õpu tachu cahmari mua? —niha Pedro tinare.

³⁰ To ã nichu tãhoro Cornelio sehe õ sehe niha:

—Pititia dachori wahara, Cohamacu yairo anjo yãhure to bajuari baharo. Tí dachore tres jichu, ahri hora waroihta Cohamacure yu sinino watoi anjo minoa suhti tiriro yu cahai ducuhre. ³¹ Æ ducuro tiro yãhure õ sehe nihre: “Cornelio, mahu Cohamacure mu sinichu tiro tãhohre. Æ yoa pjacõoinare ti cahmaare mu wachu noano masino, Cohamacu mahure yoadohorohca. ³² Æ jicu Joperu mu mare warocaga, Simore, Pedro wama tirirore mu caharu ti na tahto sehe. Tiro paio Simo wahiquina cahsari cãnoriro ya wãhu, pjiri ma dũtu cahai jiri wãhu jira tiro. Mu caharu wihiro mahure yahurohca”, ni yahuhre yãhure tiro. ³³ To ã nichu tãhocu dóicãta yu mare mahure na ta duticu warocahi yuhu. Æ jicu noano yoacu

tari jira m̄h̄u s̄a cahap̄ure. ã jina s̄a jipihtina õre Cohamac̄u to ñ̄rocaroi jina nija s̄a. Jipihtiare Cohamac̄u m̄h̄ure to yahu dutirote t̄ho duana, cohtahi s̄a — niha Cornelio Pedrore.

Pedro Jesu yare yahuha

³⁴ To ã nich̄u t̄horo, Pedro õ sehe ni yahuha:

—Mip̄u masija. Potocã tjira. Cohamac̄u c̄ano potori noano yoara marine. ³⁵ ã jiro jipihtia macari macaina Cohamac̄ure cua pisaro ti ñ̄uch̄u, noaare ti yoach̄u Cohamac̄u sehe tinare ñ̄u wahchera. ³⁶ Cohamac̄u s̄a judio masa cahai Jesucristo noaa buheare yahuhtirote warocare. Masa Cohamac̄u mehne noano ji masica Jesu to yaria masa m̄jano mehne. Tí buheare m̄sa masina. Jesucristo sehe jipihtina masa p̄h̄toro jira. ³⁷ João bautisariro masare, “M̄sa ñ̄aa yoari buhiri tiare masiga”, ni yahu, to bautisari baharo, Galileap̄u noaa buheare Jesu sehe yahu d̄ucare. Baharo Judea yahp̄ap̄u c̄h̄ure tí buheare yahu pah̄ore. ³⁸ Ahriro Jesu Nazare macarirore Cohamac̄u sehe to tu-aare Esp̄iritu Santo mehne to yoa masihtire ware Jesure. ã jiro Jesu noano yoaro wahare. ã waharo wat̄ia s̄anohrinare, ñ̄ano ȳhd̄inare jipihtinare noaina wahach̄u yoare. Cohamac̄u Jesu mehne jiri jire. ³⁹ Judea yahpai, Jerusal̄e c̄h̄ure jipihtia to yoarire s̄a ñ̄uhi. Baharo tina crusap̄u cjã puha waj̄h̄re tirote. ⁴⁰ Wiho mejeta tia dacho wahaboroi Cohamac̄u tirote masori jire. Maso, Jesure s̄are bajuach̄u yoari jire Cohamac̄u. ⁴¹ Tí pjare Jesure jipihtina ñ̄erare. Sã dihtare bajuahre tiro. Cohamac̄u to cahmainare, Jesure ñ̄u, painap̄ure yahuhtinare panop̄u s̄are beseha. Sã sehe Jesu to masari baharo tiro mehne ch̄u, sihnihi. ⁴² ã jiro tiro s̄are õ sehe ni dutihre. “Masare õ sehe ni yahuga. Ȳh̄u Jesu jipihtina catiinare, yariaina cjiri c̄h̄ure ti ñ̄aa yoari buhiri tiare yahuhtiro buhiri dahrehtiro ȳu jich̄u yoare ȳh̄ure Cohamac̄u. ã jina tíre masare yahuga”, ni dutihre Jesu s̄are. ⁴³ Dohse jiina baro Jesure ti wac̄u tuach̄u ñ̄uno Cohamac̄u ti ñ̄aa yoari buhiri tiare borohca. Tíre jipihtina Cohamac̄u yare yahu m̄htaina

cjiri panop̄u macaina yahuyuha —ni yahuha Pedro.

Judio masa jierainap̄u c̄h̄ure Esp̄iritu Santo s̄ar̄uc̄u s̄ua wahaha

⁴⁴ Tí jipihtiare to ã ni yahuro watoi, jipihtina tíre t̄hoinap̄ure Esp̄iritu Santo s̄ar̄uc̄u s̄ua wahaha. ⁴⁵⁻⁴⁶ Tinap̄ure to s̄ar̄uc̄u s̄ua wahach̄u, t̄ho mahnoeraa d̄useri mehne wahchea mehne durucu d̄ucaha tina. Tí d̄useri mehne Cohamac̄ure “Tuariro, noariro jira m̄h̄u”, nia niha. Tí ã nich̄u t̄hoha Pedro mehne tarina judio masa, Jesu yaina. ã t̄hoha Esp̄iritu Santo judio masa jierainap̄u c̄h̄ure to s̄ar̄uc̄u s̄u yoadohoch̄u ñ̄ua, judio masa sehe c̄uaa wahaha. ã jiro Pedro õ sehe ni yahuha judio masare:

⁴⁷ —Mari yoaro sehet̄a Esp̄iritu Santore cj̄ara ahrina c̄h̄u. ã jina tina bautisa duaa ti sinich̄u, tinare, d̄ucataena tjijihna —niha Pedro tinare.

⁴⁸ ã ni tuhs̄u judio masa jierainare Jesu yaina ti jiare ñ̄ohto sehe bautisa dutiha Pedro. Tí ã yoari baharo “Sã mehne mahaa dachoricã tjuasiniga”, niha tina Pedro c̄h̄ure.

11

Pedro Jerusal̄e macainare Jesu yainare yahuha

¹ ã yoa judio masa jieraina c̄h̄u Cohamac̄u yare ti noano cahmach̄u Jesu to c̄urina sehe ti coyea Judeap̄u jiina mehne t̄horocaha. ² ã jia Pedro Jerusal̄ep̄u to tju s̄uch̄u ñ̄ua judio masa Jesu yaina mahainacã tirote õ sehe ni tuhtiha:

³ —¿Judio masa jierainare dohse jiro baro ñ̄ui s̄ari m̄h̄u? ¿Dohse jiro baro tina mehne ch̄uri m̄h̄u? —ni tuhtiha Pedrore tina.

⁴ Tí ã nich̄u t̄horo Pedro to yoari cjirire yahu pah̄oha tinare. Õ sehe ni yahuha:

⁵ —Ȳh̄u Jop̄ep̄u jic̄u Cohamac̄ure sinii nihi. ã jiro ȳh̄ure õ sehe bajuahre. Pjiri cahsaro pititia sohtoarire d̄ahteri cahsaro m̄anop̄u ȳu cahai to duji tach̄u ñ̄uhi.

⁶ ã jic̄u tí cahsarore noano ñ̄uhi “¿Yaba baro tí cahsarop̄ure jijari?” nic̄u. ã jic̄u ñ̄uhi tí cahsarop̄ure jiiinare: Tí cahsaro puhichap̄ure paȳu wahiquina, b̄ua tini-ina, chihchõina, w̄aina peri c̄h̄u jire. ⁷ ã

jic̄a yuh̄ure to durucuch̄a t̄ahohi. “Pedro, wahc̄arucaga. Waj̄ã ch̄uga ahrinare”, nino coa tahre yuh̄ure. ⁸ To ã nich̄a t̄ahoc̄a õ sehe nihi yuh̄u: “P̄uhtoro, ne tina barore ch̄ueraja yuh̄u. Ñainare, Cohamac̄u to ch̄u dutierainare ne ch̄uera tih̄i yuh̄u”, nihi yuh̄u. ⁹ Wiho mejeta m̄anop̄u pari turi yuh̄ure durucuro coa tahre tjoa. “Cohamac̄u ‘Noaina jira’ to niinare, ‘Ñaina jira’, nii tjia m̄uh̄u”, nino coa tahre yuh̄ure. ¹⁰ ã jiro tia taha sã ã ni durucuri baharo tí cahsaro m̄anop̄u m̄jahre tjoa. ¹¹ Ȳu ã ñ̄ano watoi tiaro m̄ua sã jiri w̄uh̄up̄u s̄uri jihre. Tina Cesarea macariro to warocarina jiri jihre. ¹² ã jiro Esp̄iritu Santo sehe yuh̄ure tina mehne waha dutiro, “‘Tina ñ̄aina jira’, nii tjia tinare”, ni yahuhre yuh̄ure tiro. ã jia ahrina seis mehne ȳu coyea Jesu yaina mehne Cesarea macariro ya w̄uh̄up̄u s̄aahi sã. ¹³ ã jiro tiro sãre õ sehe ni yahuhre: “Anjo ȳu w̄uh̄u ducuch̄a ñ̄uhi yuh̄u. Õ sehe ni yahuhre yuh̄ure: ‘Jop̄ep̄u Simore Pedro wama tirirore na ta dutiga. ¹⁴ Tiro m̄uh̄ure m̄a coyea mehne m̄sare jipihtinare pichacap̄u w̄ahaborina m̄asa ȳuh̄d̄uhtore yahurohca’, nihre anjo yuh̄ure”, ni yahuhre Cesarea macariro yuh̄ure. ¹⁵ ã yoa ȳu durucuro watoi Esp̄iritu Santo sehe tinap̄ure s̄ãaruc̄a s̄uh̄are, marine to yoa m̄ah̄tariro seheta. ¹⁶ ã jic̄a Jesu to yahurire wac̄uhi yuh̄u. Õ sehe ni yahuhre tiro: “João m̄sare bautisaro, cop̄u yoamahre. Ȳuh̄u sehe tí ȳuh̄doro yoaihtja m̄sare. Baharo Esp̄iritu Santore m̄asa mehne jirucuch̄a yoaihtja m̄sare”, ni yahuha. ¹⁷ ã jiro Jesucristo mari p̄uhtoro mari wac̄u tuach̄a ñ̄ano Cohamac̄u to Esp̄iritu Santore wahre marine. ã jiro Cohamac̄u marine to Esp̄iritu Santore to wariro seheta judio masa jieraina c̄uh̄are tiro wahre. Cohamac̄u to ã yoach̄a ñ̄uc̄a tirore ȳuh̄d̄uruc̄a masieraja yuh̄u —niha Pedro tinare, judio masare Jesu yainare.

¹⁸ To ã nich̄a t̄ahoa, tina tirore ne ni namoeraha. ã ni namoeraa, Cohamac̄ure wahche payo, tina õ sehe niha:

—Tí p̄ja pini judio masa jieraina c̄uh̄are Cohamac̄u cah̄iri jira. Ti ñ̄aa yoari buhiri

tiare masi, Cohamac̄ure cahma, tina c̄uh̄u Cohamac̄u mehne ã catirucuahca —niha tina.

Antioquíai paina Jesu yaina jiha

¹⁹ ã yoa Estebãre ti wajãri baharo masa Jesu yainare ñ̄ano yoaha. Ti ã yoach̄a ñ̄ua Jesu yaina duhti sitea wahaha. ã jia tina Feniciap̄u, Chiprep̄u, Antioquíap̄u c̄uh̄are waha site, tó̄p̄ure judio masa dihtare Cohamac̄u yare yahua timaha tina. ²⁰ Wiho mejeta paina Jesu yaina mehne macaina Chipre macaina, Cirene macaina, Antioquíap̄u s̄u, judio masa jierainare Jesu yare buheha Cohamac̄u tinare to ȳuh̄dohto sehe. ²¹ Ti ã buhech̄u, Cohamac̄u tinare yoadohoha. ã jia masa paȳu Cohamac̄ure cahma d̄uca, mari p̄uhtoro Jesure wac̄u tuaha.

²² ã yoa “Antioquía macainap̄u Jesure cahmaca”, ni t̄uhorocaha Jerusalẽ macaina Jesu yaina. Ti ã t̄uhorocari baharo Jerusalẽ macaina Bernabé wama tirirore Antioquíap̄u warocaha. ²³ Tó̄p̄u s̄uro, Cohamac̄u yoadohoa mehne judio masa jieraina to yaina ti wahach̄u ñ̄ano, tuaro wahcheha. Tuaro wahche, tiro tó macainare õ sehe ni yahuha:

—Jesure ã wac̄u tuarucuga. To yare ne duhuena tjiga —ni yahuha tiro jipihtina tinare.

²⁴ Bernabé noariro jiro, Esp̄iritu Santo dutiare yoariro Jesure noano wac̄u tuaha tiro. ã jia to buheri baharo Jesure wac̄u tuaina paȳu waha namoha tjoa.

²⁵ Baharo tiro Tarso wama tiri macap̄u Saulore macano wahaha. ²⁶ Tó̄p̄u tirore boca s̄uha. To boca s̄uri baharo Antioquíap̄u na majare tjuaaha Saulore. Tó̄p̄u tí s̄uri baharo c̄u c̄uhma waro tina Cohamac̄u yaina mehne cahmachu, paȳu masare buheha tina. ã jia Antioquíap̄u Cristo yaina Cristiano wama ti d̄ucaha.

²⁷ Tí p̄jare Cohamac̄u yare yahu m̄ah̄taina Jerusalẽp̄u jiina cjiri waha, Antioquíap̄u s̄uha. ²⁸ ã ti s̄uri baharo tina mehne macariro Agabo wama tiriro Jesu yaina watoi ducuro, Esp̄iritu Santo to tuaa mehne yahuha tinare. “Jipihtiro yahpap̄ure tuaro j̄ucaro waharohca”, ni yahuyuha tiro. Tí p̄jare ch̄ua marieni p̄ja

jichu jipihtina bui puhtoro Claudio jiha. ²⁹ ã jia Cristo buheina, jipihtina ti cjuaro puro ti coyeare wa duaa ti basi cahma durucuha. “Judea yahpa macaina Jesu yainare niñerure warocajihna”, niha tina ti basi. ³⁰ Ti ã niri baharo Bernabé Saulo mehne tí niñerure na wahcãbasaha. Tópu sua Judea yahpa macainare Jesu yaina puhtoare waha tí niñerure pja cuoinare tju wa dutia.

12

Pedrore peresu yoaha

¹ Tí pjare puhtoro Herode cãinare Jesu yainare ñano yoa ducaha. ² Tiro João wahminore Santiago sehere yoari pjí mehne to wajã dutichu paio sehe tirore wajãha. ³ Santiagore to wajãchu judio masa wahcheha. Ti wahcheare Herode masino, “Ã dihta cahmana tina”, nino Pedro cãhure peresu yoaha. Tí dachorire bucãerari pãore ti chuhti bose namari pascua jiha.

⁴ ã jiro Herode Pedrore ñaha, peresu yoaha. Peresu yoa diez y seis surarare cohta dutiha tirore. Pititiaro surara cohtaha tirore. Baharo pititiaro ti cohtotaina tirore cohta mujaa tiha. ãta yoaha tina diez y seis surara. Herode sehe pascua baharo Pedrore peresupu jiriore masa panoi duhu dapo duamaha tirore wajã dutiro taro. ⁵ ã jiro Pedro peresupu jiha. Tópu to jichu Jesu yaina sehe Cohamacure tuaro sini payorcua niha tirore.

Cohamacu peresupu jiriore Pedrore wioha

⁶ ã yoa ñamine Pedro puaro surara mehne comaa dari mehne ti duhteriro jiha. ã ti duhteriro jiro, ti watoi carño niha. ã yoa paina surara sopacai cohtarucua niha tirore. Tí ñami bohrearo Herode Pedrore judio masa panoi duhu dapo duamaha tirore wajã dutiro taro. ⁷ Wacuenoca Cohamacu yairo anjo Pedro cahai to ducuchu to peresu jiri tahtia buhria pihtia wahaha. ã jiro anjo Pedro cahai ducuro Pedro patipahmai be careha, tirore wahcõno.

—Cjero wahcãrucaga —niha tiro Pedrore.

To ã nichuta to wamomacarine ti duhteada dari comaa dari parí site boraa wahaha.

⁸ ã yoa anjo tirore õ sehe ni yahuha:

—Tuã dihoga mu tuã dihori dare. Mu dahpo suhti cãhure sãaga —niha tiro.

To ã nichu Pedro sehe to niriro seheta yoaha.

—Mu bui macari suhtirore sãa, yuhu mehne wahaga —niha anjo.

⁹ To ã nichu tí tahtiapu jiriore wijaa, anjo baharo wahaa wahaha tiro. ã wahaparota õ sehe ni tuhotumaha tiro. “¿Ahri potocã jieracari? ¿Cahãi nicari yuhu?” ni tuhotumaha tiro. ¹⁰ ã yoa tina to jiri tahtia sopacai ducuína surarare yuhdu wahcã, paina yoawacũno ducuína cãhure yuhdu wahcã, pjiri sopacapu sua. Tí sopa pahma, comaa pahma macapu wahari mahare ducatarí pahma jiha. Tí sopa pahma to mu saro paríchu tina wijaa wahaha. Wijaa waha, tina mahapu mahano wahachuta, anjo sehe buti mu wahaha. ã jiro Pedro cãirota tjuaha. ¹¹ ã tirore anjo to wahari baharo to yoirire Pedro masiha. Õ sehe ni tuhotuha tiro. “Potocã tjira. Anjo Cohamacu to warocariro peresupu jiriore yuhure wioro wihihre. Mipu tíre masija to ã yoirire. Judio masa sehe yuhure ti ñano yoaborire Cohamacu sehe tinare yoa dutierare. ã jiro yuhure, Herode to peresu yoirirore wiohre”, ni tuhotuha Pedro.

¹² To ã ni tuhoturi baharo María João pocoro ya wuhupu sua Pedro. João sehe pa wama Marco wama tira. Tí wuhupu masa payu cahmachu, Cohamacure sinia niha. ¹³ Tí wuhupu saro, Pedro sopa pahmare dotaha. Cũcoro ti cahamacono Rode wama tircoro to dotachu tuhoru, ñano sua ticoro. ¹⁴ ã yoro Pedro ticoro to pisuchu tuhoru to durucuare tuho masi, tuaro wahche, sopa pahmare pjõoboricoro pjõoeraha. Pedro tói to ducuchuta ticoro majareruca meroa sãa wahaha painare yahuro waharo.

—Pedro sopacapu wihihre —ni yahuro sãaha.

¹⁵ To ã nichu tuhoa, tí wuhui jiina sehe:

—ã ninocaco nica muhu —niha tina ticoro.

—Potocã tjira. Potocã nicota nija —niha ticoro.

To ã nichu tãhoa:

—Tiro jieraca. To yairo anjo wihiro nica —nimaha tina sehe.

¹⁶ Ti ã nino watoi Pedro sopa pahmare ãta dotarucuro niha. To ã yoachu tãhoa, tina sopacare pjõo, tirore ñu, cãaa wahaha.

¹⁷ ã jiro tiro Pedro to wamomaca mehne “Dihta mariaha” ni, Cohamacu peresupu tirore to wiorire yahuha tinare:

—Ahrire yahuga musa puhtoro Santiago, paina Jesu yaina cãhure —niha tiro.

ã ni yahu tuhsu tiro pa sehepu yuhdu wahcãa wahaha.

¹⁸ ã yoa bohrea bora tachu surara Pedro to dohse yoa wijaarire ne masieraha. ã masieraa cãaa wahaha. ¹⁹ ã jiro Herode Pedroro maca dutimaha. ã dutiro tiro surarare peresu cohtainare to sinituri baharo tinare wajã dutiha Herode sehe. ã jiro Herode Judeapu jiro waha, Cesarepu jiro wahaha.

Herode yariaa wahaha

²⁰ ã yoa Tiro wama tiri maca macaina mehne, Sidõ macaina mehne Herode sehe suaha. To ã suachu ñuã tí macari macaina sehe Herode tina mehne to suarire cahnoã waha, tiro mehne durucua wahaha. ã jia to docai jiro puhtoro Blasto wama tirirore piti tiha. ã jia tina Blasto to yoadohoro mehne Herode cahapu suha. Tiro cahapu sua, õ sehe niha:

—Mari noano jijihna. Mari basi ñu tuhtiena tjijihna —ni siniha tina Herodere.

Tina ya yahpa macaina Herode ya yahpai chãare boca tiha. ã jia Herode tinare ñu tuhtichu cahmaeraha tina. ²¹ ã yoa Herode to quihõri dachoi, puhtoro to sãa suhti noã suhtire sãa tiha tiro. ã sãano tiro to dujiroi duitjiãhno, masare durucu ñoa tiha. ²² To ã durucu ñochu tãhoa masa sehe õ sehe ni sañurucuha:

—Ahriri durucururo masano jierara. Cohamacu jira —ni sañurucu payomaha tina Herodere.

²³ Ti ã nichuta Cohamacu yairo anjo Herodere dohatichu yoaha. Cohacure ño payoeraro, “Cohamacu jieraja yuhu”, ne nieraha Herode. To ã nierari buhiri anjo

tirore dohatichu yoaha. To ã dohatichu tirore dachoa chu wajãnocaha.

²⁴ ã yoa Jesu yaina payu masare Jesu ya buheare buhea tiha.

²⁵ ã jia Bernabé, Saulo mehne buhe tuhsu, Jerusalẽpu tjuaa wahaha. ã jia João Marco wama tirirore tina na wahcãa tina mehne.

13

Jesu yaina Bernabére Saulo cãhure Cohamacu yare buhe dutia warocaha

¹ Tí pjare Antioquiapu Cohamacu yaina mehne macaina Cohamacu durucua yahu turiaina jiha. ã yoa Cohamacu to joa na dutiri cjirire, Jesu yaina ti yoaa tiare yahuina cãhu jiha. Bernabé, Simo Negro wama tiro, Lucio Cirene macariro, Menahem, Saulo mehne tina jiha. Menahem sehe puhtoro Herode cjiro mehne tina puaro cãno potori bucãina jimaha. ² Cã namu tina Jesu yaina chu duhu, Cohamacu yare ti buhero watoi Espiritu Santo õ sehe ni yahuha tinare:

—Bernabére, Saulo mehne cãga yu cahmano sehe yoah tinare. Tíre yoah tinare bese cãni nija tinare —niha Espiritu Santo.

³ To ã nichu tina sehe chu duhu namo, Cohacure sini, Bernabé dapu bui Saulo dapu bui ti wamomacarine duhu payoha. ã duhu payoa tinare buhe dutia warocaha.

Chiprepu Jesu to cãrina buheha

⁴ ã jia tina Espiritu Santo to warocaina jia, Seleuciapu su, tí macare dohoriapu samu, Chipre wama tiri nãcopu pahãa tina. ⁵ ã pahãa, Salamina wama tiri pitamahapu wahã suha. Tí macai judio masa buhea wuhusepu, Cohamacu yare yahu ducaha tina. ã yoa João Marco cãhu tina mehne jiro, tinare yoadohoha. ⁶ Tuhsu, tina tí nãco sohtoai maja, tí nãco topai jiri macapu Pafu wama tiri macapu sua, yairore boca suha tina. Tiro judio masano, Barjesu wama tiro jiha. Barjesu griego ya mehne nia Elima ti ni pisuriro jiha. “Cohamacu yare yahu mãhtariro jija yuhu” ni, masare mahõoperucururo jiha tiro. ⁷ ã yoa tiro Sergio Paulo wama tiro mehne macariro jiha. Sergio Paulo sehe tí nãco macaina puhtoro masi pahõoriro

jia. Æ jiro Cohamacu yare tũho duaro tinare Bernabé, Paulo mehne pjirocaha tiro. ⁸ Wiho mejeta Elima yairo sehe tinare buhe dutieraha. Tiro Sergio Paulo Jesu yare to ño payochu cahmasãaeraha yairo sehe. Æ jiro Sergio Paulore Cohamacu yare cohã dutiro nimaha. ⁹⁻¹⁰ To ã dutipachuta Saulo, Paulo ti niriro Espiritu Santo dutiare yoariro jiro yairore noano ñu diho cũ tirore õ sehe ni yahuha:

—Mũhu mahñoa payũriro, ñariro, watĩno to dutiare yoariro, noaare ñu yabiro jira mũhu. ¿Dohseacu Cohamacu yare “Ñaa jira. Mahñoa jira”, ã nirucujari mũhu? ¹¹ Mũhu ã yoariro jicu Cohamacu mũhure to pihachu capari bajuerariro jiihca mũhu. Æ jicu mahaa dachoricã mũhu ahri dachore ñusini —niha Paulo.

To ã nichuta tiro yairo sehe me yoaro sehe jiare ñu mũhtano, baharo nahitiano dihtare ñaha. Æ jiro tirore tũãhtirore macaha tiro. ¹² To ã wahachu ñũno, Sergio Paulo sehe Jesu yare “Potocã tjira”, ni masiha. Mari pũhtoro yare tiro tũho, cũaa waha, Jesure wacũ tua dũcaha.

Paulo Bernabé mehne Antioquía Pisidia yahpai jiri macai jia

¹³ Æ yoa Paulo cũhu Paforu jiina dohoria mehne pahã turia waha namo, Pergeru sũha. Perge Panfilia yahparu jira. Tõru su, João Marco tinare cohã wahcã, Jerusalõru majare tjuaa wahaha. ¹⁴ To ã wahapachuta tina sehe Pergeru jiina waha namo, Antioquiaru sũha. Antioquía Pisidia yahparu jira. Tõru sua, Sabado dacho jichu tina judio masa buheri wũhuru sãa su, tõru dujia. ¹⁵ Tĩ wũhu macaina pũhto Cohamacu dutiare, Moise cjiro masare to cũrire, ã yoa Cohamacu yare yahu mũhtaina cjiri ti joari cjirire ti buhe ñori baharo tina pjirocaha Paulo cũhure:

—Coyea, ¿masare wahchechu yoahiti cjihti mũsa yahu duaajijari? Tĩre yahu duana, yahuga michapucacã —niha tĩ wũhu macaina pũhto.

¹⁶ Ti ã nichu tũhoro, Paulo wahcãrucu su, “Durucuenta tjiga”, nino to wamomaca mehne cã tuha. Ti dihta mariachu ñu, tiro õ sehe niha:

—Israe masa, ã yoa mũsa Israe masa jieraina, Cohamacure ño payoia, tũhoga mũsa. ¹⁷ Mari ñũchũsuma cjiri Cohamacure ño payoa tiha. Tina cjirire Cohamacu besea tiha. Æ jia mari ñũchũsuma cjiri yoari pja Egiptoru jia tiha paina jipahta. Tõru ti jichu Cohamacu noano yoaa tiha tinare. Æ jia payu masaputia tiha tina. Õ sehe yoaa tiha tinare. Tinare Egiptoru jiiinare to tuua mehne wioa tiha Cohamacu. ¹⁸ To ã wiori baharo tina cuarenta cũhmari waro masa marienoru tinia tiha. Tõru tirore ti yũdũrucachu Cohamacu ãta tũhotunocaa tiha. ¹⁹ Tuhsu, Canaa wama tiri yahparu siete curuari macainare cohã tuhsu, Cohamacu tĩ yahpare waa tiha Israe masa sehere. ²⁰ Israe masa Egiptoi ti ji dũcachu, ru Cohamacu ahri yahpare to wachũru cuatrocientos cincuenta cũhmari waro yũdũa tiha. Baharo Israe masare dutihtinare cũa tiha Cohamacu tinare. Ru, Cohamacu to cũrina Samue to jichũru ji batoa tiha. Samue sehe Cohamacu yare yahu mũhtariro cjiro jia tiha.

²¹ 'Baharo Israe masa sehe ti pũhtoro cjihtore macaa tiha. Æ jia Cohamacure sinia tiha. Ti ã sinichu ñũno Cohamacu Saulo cjirore cũa tiha tinare. Saulo cjiro Cis macũno jiro, Benjami ya curua macariro jia tiha. Æ yoa cuarenta cũhmari waro ti pũhtoro jiihtiro cjihtore cũa tiha Cohamacu tiro cjirore. ²² Cohamacu Saulo cjirore to cohãri baharo Davi cjirore cũa tiha tiro. Õ sehe nia tiha Cohamacu Davi cjirore: “Davi Jesé macũnore bocahi yũhu. Tiro mehne wahcheja yũhu. Tiro yu cahmaare yoarohca”, nia tiha Cohamacu. ²³ Ahriro Davi cjiro to panamino ji turiariro jira Jesu. Cohamacu Jesure cũri jire Israe masare yũhdohtiro cjihto. “Masare noano yoai-hca”, niha Cohamacu. To niriro seheta yoare tiro. ²⁴ To ã yoahito pano Jesu to tahto pano João cjiro õ sehe ni buheri jire: “Mũsa ñaa tũhotumari cjirire tũhotu cohtota, Cohamacure macaga. Æ yoana bautisarina jiga”, ni buheri jire João cjiro jipihtina Israe masare. ²⁵ João cjiro to buhe batoahito pano, to yariahto pano õ sehe ni yahua tiri jire: “¿Diro baro jijari yũhu, mũsa tũhotuchu? Cristo jieraja yũhu. Pairo

jija. Ā jipachuta tuhoga yuhure. Yu baharo yu yuhdoro tuariro tarohca. Tiro noa yuhdhariro jira. Tiro yoaro sehe jieraja yuhu”, ni yahuha João cjiro masare.

²⁶ ‘Coyea, Abrahā panamana, jipihtina Cohamacu cua pisaro ñaina marine ahri to yuhdohtore yahua buheare warocari jire Cohamacu. ²⁷ Jerusalē macaina ti puhto mehne Sabado dachori jichu Cohamacu yare yahu mughtaina cjiri ti joarire buhepahta noano taho ñahaerari jire. Ā taho ñahaera, Jesu tinare yuhdohtiro to jichu cūhure masierari jire. Tina ā masierapahta Jesure wajā dutiha. Ā yoaa Cohamacu yare yahu mughtaina cjiri ti joariro seheta yoaa niha. ²⁸ Tirore ti wajāhto pano tina Jesure yahusāmaha. Wiho mejeta to ñaa yoaerapachuta tina Pilatore Jesure wajā dutia taa, siniha. ²⁹ Ā yoaa, panopu ti joariro seheta Jesure yoa tuhsu, tirore crusapu jirirore na boro, masa copapu tācai ti sahari copapu na sāa, duhu payoha tirore. ³⁰ Tirore ti ā wajāpachuta tiro to yariari baharo Cohamacu masori jire tirore. ³¹ Ā jia Galileapu taina Jerusalēpu tiro mehne saina payu dachori tirore yaria masa bajarirore ñaa tiri jire. Ā jia mipure tirore ti ñarire masare yahuhre tina.

³²⁻³³ Ā jina noaa buheare yahuja sā musare. Cohamacu mari ñuchusuma cjirire “Masare noano yoaihca”, panopu to niriro seheta mipure marine tinare jina nuna ti turiainare yoahre. Tíre to yahuri cjirire õ sehe yoahre tiro. Cohamacu Jesure masori jire. Ā jina Jesure to masorire yahuja musare. Salmo capítulo dosre panopu to joariro seheta ā wahari jire: “ ‘Muhu yu macu jira. Michare mahure yuhu mhu pucu jiare masichu yoahi’, nina Cohamacu to macunore”, ni joaa tiha panopu. ³⁴ Ā jiro Cohamacu Jesure to masohtire pari turi to yariaerahtore yahuyuro õ sehe ni yahu joaa tiha Salmo joariro. “ ‘Davire yu pja ñariro seheta tirore yu niriro seheta potocāta noano yoaihtja musa cūhure’, nire Cohamacu”, ni joaa tiha. ³⁵ Tuhsu, pa Salmo cūhure õ seheta ni yahua tiha: “Cohamacu mu yairo ñaa buhiri marieriro to pjacure baa

dutierara muhu”, ni joaa tiha. ³⁶ Ā jiro Davi Cohamacu to cahmariro seheta to jisniri pja macainare yoadohoha. Baharo tiro yariaa wahaha. To yariari baharo to pucusumare ti yoariro seheta masa copapu siõ sāaha tiro cūhure. Ā jiro tiro baa wahaha. ³⁷ To ā baapachuta ahriro, Cohamacu to masoriro sehe ne baaerare. ³⁸ Ā jina musa yu coyea ahrire masiga: Jesu to yariaro mehne Cohamacu mari ñaa yoari buhiri tiare to cohāhtore musare yahuja sā. ³⁹ Ā jiro Jesure wacū tuainare Cohamacu ti ñaa ñano yoaa, buhiri tiare bonocanohca. Wiho mejeta Moise cjiro to cūri dutiare musa yoari mehne musa ñaa yoari buhiri tiare ne cohāsi Cohamacu. ⁴⁰ Ā jina noano yoaga. Musa noano yoaerachu Cohamacu yare yahu mughtaina cjiri ti joariro seheta musare wahaboca. Ō sehe ni joaa tiha:

⁴¹ “Tuhoga musa.

Cyoya payaina, yuhure ñu tuhtiina jira musa.

Yu õ sehe yoachu cuiga musa.

Ā jina pichacapu wahaga.

Musa jia dachorire musare yoa ñoihtja.

Yu ā yoa ñochu ñupanahta ‘Potocā tjira’, nisi musa.

Pairo tíre musare to noano yahupachuta ‘Potocā tjira’, nisi musa”,

ni joaa tiha Cohamacu yare yahu mughtariro cjiro —ni yahuha Paulo tinare.

⁴² To ā ni yahuri baharo judio masa buheri wuhupu ti wijaari baharo, masa sehe tinare õ sehe ni siniha:

—Pa somanapu Sabado jichu sāre ahrire buhega tjoa —ni siniha tina Paulore.

⁴³ Ā yoa tí wuhupu jirina wijaa, judio masa payu, judio masa jieraina cūhu Paulo cūhu mehne wahaha. Judio masa jieraina sehe judio masa yare Cohamacu warore ti ño payoa tiare buheina jiha. Ti ā wahachu Paulo, Bernabé mehne noano yahuha tinare: “Cohamacu musare cahina. Ā jina tirore ño payoia, wacū tuaina ā jirucuga musa”, ni buheha tina.

⁴⁴ Ā yoa pa somanare Sabado jichu jipihtina Jesu yare taho duaina cahmachuha.

⁴⁵ Wiho mejeta judio masa sehe payu masare Jesu yare taho duainare ñaa pahsu

tia wahaha. Æ pahsu tia tina soro ni durucu, Paulore ñano quti dojomehneha. “M̄sare to buhea potocã jierara”, niha tina. ⁴⁶ Ti ã nichu tuhoa, Paulo, Bernabé mehne tinare quti dojomehnerinare cuiro marieno õ sehe ni yahuha:

—Cohamacu to dutiriro seheta m̄sare buhe m̄htamahi sã. Wiho mejeta m̄sa sehe tíre cahmaera tuhsuhre. Cohamacu catia mehne ã catirucua c̄hure cahmaera tuhsuhre m̄sa. Æ jina sã sehe judio masa jieraina sehere buhe d̄canahca. ⁴⁷ To joa dutiri cjiri mehne õ seheta dutiha Cohamacu sãre:

“M̄sa judio masa jierainare buhena tinare yu yare noano masichu yoanahca m̄sa.

Æ jicu ahri yahpa mu s̄ro macainare m̄sa buhechu, noano yuhure wacũ tuaina sehere pichacaru wahaborinare yuhdoihca yuh”,

ni yahu dutiha sãre Cohamacu —ni yahuha Paulo, Bernabé mehne.

⁴⁸ Ti ã nichu tuhoa judio masa jieraina sehe wahcheha. “Cohamacu ya sehe noaa jira”, niha tina. Tópeina Cohamacu to cahmaina, to catia mehne ã catirucua to wa duarina Jesure wacũ tua d̄caha.

⁴⁹ Æ jia mari p̄horo Cristo yare tí yahpare yahu site pahñoa. ⁵⁰ Ti ã yahu site pahñochu ñua judio masa ji coeraha. Æ jia tina Paulo c̄hure ñano durucuha. Tópe Cohamacu ño payoa numia, masa ti cua pisaro ñua numia jiha. Æ jia judio masa Paulo c̄hure ñano durucuha. Ti ã ni durucuhu tuhoa tí numia Paulo mehne, Bernabé mehne c̄hure suaha. Æ yoa tí maca macaina p̄hota c̄hure tina mehne suaha. Æ suaa tó macaina ñano yoaha Paulo c̄hure. Ti ã yoari baharo Paulo c̄hure ti ya yahpai jinare cohã wioha. ⁵¹ Ti ã yoachu ñua Paulo, Bernabé mehne ti dahpori macaa dihta pohcarire cjã site boro c̄ha tí maca macaina ti ñaa yoari buhiri tiare ñoa. Æ yoa tuhsu tina Iconiopu wahaa wahaha. ⁵² Æ yoa tina Jesu yaina pjíro wahchea, Espíritu Santo dutiare yoaina jiha.

14

Paulo, Bernabé mehne Iconioi jiha

¹ Æ yoa Iconiopu su, Paulo Bernabé mehne judio masa buheri w̄huru sã, Jesu yare noano durucu mihnia mehne yahuha. Æ jia payu masa Jesure wacũ tua d̄caha, judio masa c̄hu, judio masa jieraina c̄hu. ² Wiho mejeta judio masa Jesure cahmaeraina c̄hu tina mehne jiha. Tina judio masa jierainare Jesu yaina mehne ti suachu yoaha tjoa. Ti ã yoachu judio masa jieraina ñano tuhotuha Jesu yainare. ³ Ti ã tuhotuchu ñua Paulo, Bernabé mehne tópe yoari pja jia, cuiro marieno mari p̄horo Jesu yare noano buheha. Cohamacu masare to cah̄are buheha. Æ buhea Cohamacu to tuaa mehne yoa ñoha tina, “Ahri buhea potocã tjira”, niha. ⁴ Wiho mejeta tí maca macaina dacho macai judio masa ya buheare cahmaina tjuaha. Dacho macaihta Jesu ya buheare cahmaina c̄hu tjuaha. Tina p̄a curua tjuaha. ⁵ Æ jia judio masa jieraina, judio masa ti p̄hota mehne Jesu to c̄rinare ñano yoa duama, tãa mehne doca wajã duamaha tinare. ⁶ Ti ã yoa duarire masia, Paulo Bernabé mehne Licaonia yahpare duhti wahcãa wahaha. Tí yahpai jia macaripu Lистра, ã yoa Derbepu suha. ⁷ Tópe su, noaa buheare buheha tjoa tí macari macainare, tó cahai jiina c̄hure.

Listrai Paulore tãa mehne docaha

⁸ Æ yoa Listrai tini masierariro jiha. Tiro wahma masa bajuaroputa tini masierariro jiro ne tineraa tiha. ⁹⁻¹⁰ Æ jiro tiro Paulo to buhechu tuhoaha. To tuhoru watoi Paulo sehe tiro dihtare ñua.

—Ahriro Jesure wacũ tuara. Æ jiro tiro noariro waha duara —ni tuhotuha.

Æ ni tuhoturo tuaro mehne durucutjiãhno õ sehe niha Paulo tirore:

—Wahcãrucaga —niha Paulo tirore.

To ã nichu tuhorota tini masierariro sehe pu s̄rcu su, wahaa wahaha. ¹¹ Paulo to ã yoachu ñua masa ti ya mehne, Licaonia ya mehne õ sehe ni sañurucuha:

—Ahrina cohamana, m̄a yoaro sehe bajuina m̄anopu jiina mari caharu duji tari jira —ni sañurucuha tina.

¹² Æ jia tina cohamanare ti ni pisua wamari mehne tinare ni wama pisuha. Tina Bernabé “Zeus”, ni pisuha. Æ yoa Paulo

buhe m̄htariro to jich̄ũ ñ̄ha, “Hermes”, ni pisuha tina tirore. ¹³ ã jiro Zeusre ño payoina ya w̄h̄ũ tí maca d̄h̄t̄ũ cahai jiha. ã jiro Zeus yaina ti sacerdote sehe wach̄ũare cohoru mehne macap̄ũ s̄ãa tari sopaca cahap̄ũ na taha. Zeusre ño payo duaro to wach̄ũare jũ m̄ono, Paulore, Bernabére wa duamaha tiro, to masa mehne. ¹⁴ Ti ã yoach̄ũ ñ̄ha Paulo, Bernabé mehne ti basi ti ya suhtire t̄h̄r̄eocaha ti cahyaare masare ñ̄oa. T̄h̄r̄eoca tuhs̄ũ masa watoi m̄arocaa, ò sehe ni sañurucu wahc̄ãha tina:

¹⁵ —M̄usa ò sehe yoaena tjiga. Sã c̄h̄ũ m̄usa yoaro sehetã masa jija. Ò sehe m̄usa yoaa ne yaba cjihti jierara. ã jina m̄usare buhena tahi m̄usa ò sehe yoaare duhu dutina tana. Ahri cohamaana m̄usa niare, m̄usa yoaa, wiho jia mas̄ũri jira. Tí mas̄ũrine cohãga. ã jina Cohamac̄ũre catiriro sehere ño payoga. Cohamac̄ũ sehe m̄uanore, yahpare, pjiri mare, jipih-tiare yoariro jira. ¹⁶ Panop̄ũre tiro jipih-tia macari macaina ti yoarire ã ñ̄nocaha. ¹⁷ Wiho mejeta tiro to jia tiare ñona masare. Tiro masare noaare yoa, coro tach̄ũ yoa, dichare wa, masare ch̄ũare ã warucura. To ã wach̄ũ masa wahchera. Tó sehetã tiro to jia tiare ñona masare —niha Paulo, Bernabé mehne.

¹⁸ Wiho mejeta ti ã nich̄ũ t̄h̄opahta masa wach̄ũare wajã jũ m̄o tinare ño payo duamaha. Tó sehe ti ño payo duach̄ũ ñ̄ha tinare ã yoa dutieraha Paulo c̄h̄ũ. Ti ã yoaare duhu duaerapahta duhuha tó macaina sehe.

¹⁹ ã yoa paina judio masa Antioquíã macaina, Iconio macaina c̄h̄ũ Listrap̄ũ s̄ãha. Tó̄p̄ũ s̄ã, Paulore ñano durucuha tjoa judio masa. Ti ã ni durucuch̄ũ t̄h̄oa masa tiro mehne suaha. ã suaa tãa mehne docaha tirore. Tãa mehne tirore doca tuhs̄ũ “Ahr̄iro yariaa wahara” nia, tí maca d̄h̄t̄ũ cahap̄ũ tirore waja s̄ũ c̄ũnoca, wahaa wahaha. ²⁰ Ti ã yoari baharo Jesu yaina Paulore ñ̄ha wahaha. Tiro cahai ti cahmachur̄ũc̄ũ s̄ũch̄ũ waro Paulo wahc̄ãr̄ũca, tina mehne macap̄ũ wahaa wahaha. ã yoa pa dachoi tiro Bernabé mehne Derber̄ũ wahaha.

²¹ Tó̄p̄ũ s̄ã, tina noaa buheare tó macainare ti yahuri baharo, paȳũ masa

Jesure wacũ tuaina ji d̄ũcaha. ã yoa baharo tina ti s̄ã macaripe Listra, Iconio, Antioquíap̄ũ majare tjuaa wahaha. ²² Tí macarip̄ũ s̄ã tí macari macainare Jesu yainare noaa buheare yahua, tinare noano yajeripohna tich̄ũ yoaha. ã Jesure wacũ tuarucu dutia ò sehe ni yahuha tinare:

—Cohamac̄ũ to jirop̄ũre mari s̄h̄to pano, tuaro marine ñano ȳh̄d̄ũro cahmana —ni yahuha.

²³ ã jia macaripe macainare Jesu yainare ti p̄h̄toa cjihtire c̄h̄ũ Paulo Bernabé mehne. Cũ tuhs̄ũ, ti ch̄ũ duhuri baharo Cohamac̄ũre ò sehe ni sini payoha:

—P̄h̄toro, ahrina m̄ũ yainare ñ̄ũ wihboga —ni sini payoha tina Cohamac̄ũre ti wacũ tuarirore.

Paulo Bernabé mehne Antioquíap̄ũ ti ji m̄htarit̄ũ macap̄ũ tjuaa wahaha

²⁴ Ti ã yoari baharo tina Pisidia yahpap̄ũ jirina cjiri wahaa wahaha Panfilia yahpap̄ũ. ²⁵ Tó̄p̄ũ s̄ã, Pergep̄ũre tina buhe tuhs̄ũ Atalia wama tiri macap̄ũ wahaa wahaha. ²⁶ Tí macap̄ũ s̄ã, Antioquíap̄ũ tjuaa, dohorria mehne pahãa wahaha. Tí macaihta panop̄ũ ti jisnich̄ũ Jesu yaina Cohamac̄ũ yare buhe dutia Paulo c̄h̄ũre warocaha. ã warocaa:

—Cohamac̄ũ m̄ũ cahãa mehne ahrinare ñ̄ũ wihboga —ni warocaha tina.

ã tju s̄ã tinare ti buhe dutirire buhe tuhs̄ũha Paulo, Bernabé mehne. ²⁷ Antioquíap̄ũ ti tju s̄ãri baharo Jesu yaina mehne cahmachu, Cohamac̄ũ to tuaa mehne ti yoarire yahu pah̄ñoha tina. Judio masa jieraina c̄h̄ũ Cohamac̄ũ yaina ti waharire yahuha tina. ²⁸ ã jia Paulo c̄h̄ũ tó̄p̄ũre Jesu yaina mehne yoari pja jiha.

15

Jerusalēp̄ũ Jesu yaina cahmachuha

¹ ã yoa Judea yahpa macaina mahainacã Antioquíap̄ũ s̄ã, Jesu yainare ò sehe ni buhe d̄ũcaha tina:

—Cohamac̄ũ to dutiare Moise cjirore c̄ũno ò sehe ni c̄h̄ũ. Jipih-tina ti pjac̄ũre mahari cahsarocãre ti yihsohtore yahu c̄h̄ũ Moise cjirore. M̄usa tíre yoerach̄ũ Cohamac̄ũ m̄usare ȳh̄d̄osi —ni buheha tina tó macainare.

² Ti ã ni buhech_u t_uhoa Judea yahpa macaina sehe cahma sayoha Paulo cãh_ure Bernabé mehne. Ti ã cahma sayori baharo Jesu yaina sehe Paulore, Bernabére paina tó macaina cãh_ure Jerusalēp_u warocaha. Judea yahpa macaina ti buherire Jesu to cūrinare Jesu yaina p_uhtoa cãh_ure sinitu ñ_u dutia warocaha Paulo cãh_ure.

³ ã jia Jesu yaina tinare ti warocach_u waha, Fenicia yahpare s_u, y_uhd_u wahcã, Samaria yahp_up_u s_uha. Tí macarip_u s_ua, judio masa jieraina Cohamac_u yare ti cahma d_ucarire yahuha tina tó macainare. Ti ã yahuch_u t_uhoa tó macaina Jesu yaina tuaro wahcheha.

⁴ ã yoa tina Jerusalēp_u ti s_uch_u ñ_ua tó macaina Jesu yaina, Jesu to cūrina, to yaina p_uhtoa mehne wahchea mehne noano piti bocaha tinare. Ti ã piti bocach_u Paulo, Bernabé mehne Cohamac_u to tuaa mehne ti yoarire yahuha tina Jerusalē macainare.

⁵ Wiho mejeta tórp_u fariseo curua macaina Jesu yaina mahainacã jiha. ã jia tina tórp_ure wahcãr_uca, ò sehe ni yahuha:

—Tinare judio masa jierainare ti pjac_ure mahari cahsarocãre yihoro cahmana. “Cohamac_u Moise cjirore to dutirire yoaga m_usa cãh_u”, nino cahmana tinare —niha tina fariseo curua macaina cãh_u.

⁶ Ti ã nich_u t_uhoa Jesu to cūrina, to yaina p_uhtoa mehne ti ã nirire cahnoa taa, cahmachuha. ⁷ ã cahmachua tina pay_u ti durucuri baharo Pedro wahcãr_uca, ò sehe ni yahuha tinare:

—Coyea, panop_u y_uh_ure m_usa mehne jirirore Cohamac_u ò sehe yoa dutiro y_uh_ure cūre. Tiro y_uh_ure noaa buheare judio masa jierainare yahu dutiro cūre. Tinare Jesure wacū tua dutiro y_uh_ure tinare buhe dutire. ⁸ Cohamac_u masa ti t_uhotuare masina. ã jiro tiro judio masa jierainare to yaina to yoarire ñono taro tiro Espíritu Santore ware tinare, marine to yoariro seheta. ⁹ ã waro tiro marine tina cãh_ure cãno potori noano yoare. Tina tirore ti wacū tuach_u ti ñaa buhirire bore tiro. ¹⁰ Mari sehe Cohamac_u Moise cjirore to cūri dutiare cãno pjaeraja. Mari ñ_uch_us_uma cjiri cãh_u cãno pjaeraha. ¿ã mari cãno pjaerapach_uta dohse yoana Jesu yainare judio masa jierainare t_ure yoa duti

duajari m_usa? ã yoa dutina Cohamac_u tinare to yoarire “Quihõno wahaerara”, nina nica m_usa. ¹¹ Wiho mejeta ò sehe sã t_uhotuja. Mip_ure judio masa jieraina yoaro seheta mari cãh_ure mari p_uhtoro Jesu cahña mehne Cohamac_u y_uhdorohca. Dutiare mari yoa mehne marine y_uhdosi —niha Pedro tinare.

¹² To ã nich_u t_uhoa jipihtina dihta mariea wahaha. Ti ã dihta mariach_u Paulo, Bernabé mehne judio masa jieraina watoi Cohamac_u tuaa mehne ti yoa ñorire yahuha tinare. ¹³ ã ti yahu tuhs_uri baharo Santiago ò sehe ni yahuha:

—Coyea, t_uhoga y_uh_ure. ¹⁴ Cohamac_u judio masa jierainare to yaina cjihtire to coã yoarire yahu tuhs_ure Pedro. ¹⁵ Panop_u macaina Cohamac_u yare yahu m_uhtaina cjiri ti yahuriro seheta ã wahahre judio masa jierainare. Ò sehe ni Cohamac_u yare joaa tiha tina:

¹⁶ “Panop_u Davi cjiro ya curua macaina ti p_uhtoa jiri cjiri pihtia wahare.

Baharo tjua taihca y_uh_u.

ã jic_u pari turi to ya curua macarirore p_uhtoro sōihca.

¹⁷ Y_u ã yoari baharo jipihtina paina judio masa jieraina y_uh_ure p_uhtoro tiahca tina.

‘Y_u yaina jiga’, y_u ni pjirocarina sehe y_uh_ure cahmaahca.

¹⁸ ãta nina mari p_uhtoro.

Panop_u tiro ahrire masare yahuha tiri jire”, ni joaa tiha Cohamac_u yare yahu m_uhtaina cjiri.

¹⁹ ã jic_u ò sehe ni t_uhotuja y_uh_u. Judio masa jierainare Cohamac_u yare wahma cahma d_ucainare pay_u yoa dutiena tjijihna mari. ²⁰ Wiho mejeta tinare joa, warocajihna mari. Ò sehe ni joarocajihna: “Ñaa ch_uare, ‘Cohamac_u jira’, ti nia mas_urine ti waa ch_uare ch_uena tjiga. Tuhs_u, numia mehne ñano yoaena tjiga. Numia cãh_u m_ua mehne ñano yoaena tjiga. ã yoa wam_ua ti ñaha wajãinare wahiquinare ch_uena tjiga. Dire sihniena tjiga”, ni yahu joarocajihna.

²¹ Yoari pja judio masa buhea w_uh_usep_u Sabado jich_u Cohamac_u Moise cjirore to cūri dutiare buhea t_ure masa. ã yoa jipihtia macarip_u Moise cjiro to yahuare buhea

tire. (Ã jina y_u niriro seheta judio masa jierainare Jesu yainare joarocajihna, judio masa sehe tina mehne “Suari”, nina) — niha Santiago.

²² Tí pjare Jesu to cūrina, Jesu yaina p_uh_utoa, jipihtina Jesu yaina mehne p_uaro tina mehne macainare beseha ti warocah_utinare. Antioquíap_u Paulo, Bernabé mehne ti wahach_u wahah_utinare tinare bese warocaha. Å jia tina Judare, Sila mehne warocaha. Juda sehe Barsaba p_uaro wama wama tiha. Ti coyea Jesu yaina tinare ño payoha. ²³ Tinare ti beseri baharo Jesu yaina joarocari p_ure warocaha tina mehne. Õ sehe ni joaha tina:

“Jesu to cūrina, to yaina p_uh_utoa, m_usa coyea Jesu yaina mehne sã noa dutija m_usare. Jipihtina judio masa jierainare Antioquíap_u, Siriap_u, Ciliciap_u jiinare m_usare Jesu yainare noa dutija sã. ²⁴ Sã mehne macaina m_usa cahap_u s_ua, m_usare pay_u dutiare yoa dutiyuhti. Å yoa m_usare cariboyuhti. Tina Cohamac_u dutiare Moise cjirore to cūri cjirop_ure, mahari cahsarocãre yihsoa cūh_ure yoa dutiyuhti. Wiho mejeta sã sehe tinare tíre buhe dutina warocaerahi. ²⁵⁻²⁶ Å jina sã jipihtina cãno potori m_usa cahap_u warocah_utinare sã besehi. Mari cahĩinare Paulo, Bernabé mehne Cristo Jesu mari p_uh_utoro yare cuiro marieno ti buhech_u pay_u tahari paina tinare wajãmoñoha. Ti ã wajãmoñoch_u mahanocã mehne y_uh_uha tina. Tina mehne sã beserinare mip_ure warocaja. ²⁷ Å jina Judare, Silamehne m_usa cahap_u warocaja. Sã joarocarire tina sehe m_usare yahuahca. ²⁸ Espíritu Santo to wacūno seheta sã cūh_u t_uhotuja. Õ sehe jira tí: Paye dutiap_ure cūeraja m_usare. Ahri dutia dihtare cūnahca m_usare: ²⁹ Ñaa ch_uare, ‘Cohamac_u jira’, ti nia masarine ño payo ti duhu payoa ch_uare ch_uena tjiga. Dire sihniena tjiga. Wam_uare ti ñaha wajãinare wahiquinare ch_uena tjiga. Å jina numia mehne ñano yoaena tjiga. Numia cūh_u m_ua mehne ñano yoaena tjiga. Ahri y_u yoa dutierare yoaerana noare yoana nica m_usa. Tó puro tjira m_usare sã yahu duaa”, ni joarocaha Jesu yaina Jerusalēp_u jiina.

³⁰ Tí p_ure joa tuhs_u, waha Antioquíap_u wahainare. Ti wari baharo waha, Antioquíap_u s_uha. Ti tórp_u s_uri baharo pay_u masare cahmachu duti, ti joari p_ure wiaha tinare. ³¹ Tí p_ure ti buheri baharo tina yajeri sãa, noano wahcheha. ³² Å jia Juda, Sila mehne Cohamac_u yare yahu m_uhtaina jia, yoari pja Jesu yainare Cohamac_u yare yahuha. Ti ã yahuch_u t_uhoa, Jesu yaina sehe wahche, noano t_uhotuha. ³³ Å jia Juda, Sila mehne tórp_u mahaa dachoricã ti jiri baharo Jerusalēp_u ti tjuaa wahach_u tó macainare ti coha sitich_u, “Noano wahaga m_usa”, niha Antioquía macaina. Å jia Juda cūh_ure warocarinare noa dutirocaha. Ti ã niri baharo Juda sehe tjuaa wahaha. ³⁴ [Wiho mejeta Sila sehe tórp_uta tjuanocaha Antioquíap_uta.] ³⁵ Å jia Paulo Bernabé cūh_u mahaa dachoricã tjuasiniha tí macai tjoa. Tóti tina paina pay_u mehne Jesu yare buheha.

Pari turi Paulo noaa buheare buhe tinino wahaha

³⁶ Å yoa mahaa dachoricã baharo Paulo ò sehe ni yahuha Bernabére:

—Jipihtinare mari buhe d_ucarinare “¿Dohse jijari tina?” ni, ñ_una wahajihna tjoa —niha Paulo cūh_u ti basi.

³⁷ Å ni tuhs_u, Bernabé sehe João Marcocore tina mehne naa duamaha. ³⁸ To ã naa duapach_uta tó pano tiro tina mehne Panfliap_u s_uro tina mehne tjuaeraha. Ti yoaare cūno pjaeraro tjuaa wahaha. Å jiro Paulo pari turi tirore naa duaeraha. ³⁹ To naa duaerach_u ñ_uno Bernabé Paulo mehne p_uaro ti basi cahma durucu cahno masieraa, soro dihta waha wahaha. Bernabé sehe Chipre wama tiri n_ucop_u Marcocore na pahãa wahaha. ⁴⁰ Paulo sehe Silare piti ti wahcãa wahaha. Ti buhea wahahto pano Jesu yaina tinare waroca, “Cohamac_u m_usare noano ñ_u wihbojaro”, niha. Ti ã niri baharo Paulo Sila mehne waha wahaha. ⁴¹ Å waha, Siria yahpap_u, Cilicia yahpap_u cūh_ure s_ua, tórp_u Jesu yainare noano yajeripohna ti, Jesure wacū tua namoch_u yoaha tinare.

16

Timoteo Paulo mehne wahaha

¹ Ti ã yoari baharo Paulo cãhũ Derberũ, Listrapũ sãa, Timoteore boca sãha. Timoteo Jesu yairo jiro, judio masono macũno jiha tiro. To pocoro cãhũ Jesu yacorota jiha. To pũcũro sehe griego masũno jiha. ² ã jia Litra macaina, Iconio macaina Jesu yaina, “Timoteo masa noariro jira”, ni yahua tiha. ³ ã jiro Paulo Timoteore naa duaha. Wiho mejeta tí yahpa macaina judio masa sehe Timoteo pũcũro griego masũno to jichũ masiha. ã jiro Paulo judio masare “Suari” nino, Timoteo pjacũre mahari cahsarocã yihso naha. Judio masa ti dutia ti niriro seheta yoaha. ⁴ To ã yoari baharo tina ti sãa macari macainare ti joarocari pũ macaare yahuha. Tí pũ Jesu to cũrina, to yaina pũhũa mehne Jerusalẽpũ jiina ti joarocari pũ jiha. ã jia tí dutiare noano yahu turiaha tó macainare Jesu yainare. ⁵ Ti ã yahuchũ tũhoa Jesu yaina sehe Jesure wacũ tua namoha. ã yoa Jesure wahma wacũ tua dũcaina dachoripe payũ waha namoha.

Paulo cahãnopũ Macedonia macariroro ñũha

⁶⁻⁷ ã yoa Asia yahpapũ sehere noaa buheare buhe dutieraha Espĩritu Santo tinare. ã jia tina Frigia yahpare yũhdũa Galacia yahpare yũhdũa, Misia yahpa dũhtũ cahai sãha. Tópũ sũ, Bitinia yahpa sehe waha duamaha tina. Wiho mejeta Espĩritu Santo sehe tinare tóprũre waha dutieraha. ⁸ To ã niri baharo tina sehe Misia yahpare yũhdũa, Tróadepũ buhtũ wihire. ⁹ Tópũ ti buhtũ wihiri baharo, tí ñamine õ sehe cahãri jire Paulo. Macedonia yahpa macariro to cahai ducuchũ ñũri jire tiro. “Sãre Macedonia yahpa macainare yoadohoi taga” ni, pjiri jire tiro Paulore. ¹⁰ To cahãri baharo wahcã wihi, sã yare cahno tuhsũ, Macedoniapũ wahaa wahai sã. “Cohamacũ tí yahpapũre noaa buheare buhe dutiro nina marine”, ni tũhotui sã.

Paulo, Sila mehne Filipopũ jiha

¹¹ ã jina sã Tróadepũ jiina dohoria mehne Somatracia wama tiri nũcopũ pahã sũ sã. ã yoa pa dachoi Neapolipũ pahãa wahai sã. ¹² Tí macare yũhdũana, Fĩlipopũ Roma

macaina ya macapũ sũ sã. Tí maca Macedonia yahpai jiri maca jire. Wiho jiri maca jierare. Tóprũre mahaa dachoricã sã jii. ¹³ Tópũ jina Sabado jichũ sã tí maca dũhtũ cahapũ, dia dũhtũ cahapũ sũ. Tói Cohamacũ mehne ti durucuro jire. Tói dũjina tói cahmachua numia mehne sũhũdui sã. ¹⁴ Cũcoro sãre tũhoricoro Tiatira wama tiri maca macaricoro Lidia wama tiricoro jire. Ticoro noaa suhti wapa tia suhtire duaricoro, Cohamacũre ño payoricoro jire. ã jiro Paulo to yahuare noano tũhochũ yoare Cohamacũ ticorore. ¹⁵ To quihõno tũhochũ ñũno ticorore to wũhũ macaina mehne bautisare Paulo. To ã bautisari baharo õ sehe nire ticoro:

—“Jesu yacoro tjira mũhũ cãhũ”, nina mũsa yũhũre. ã jina ya wũhũ sãa tasinia mũsa. Yũhũ mehne tjuasinia —nire ticoro sãre.

To ã nichũ tũhona to wũhũ tjuasinii sã.

¹⁶ Pa dacho Cohamacũ mehne ti durucuropũ sã wahachũ watĩno to cohtotaricoro piti bocare sãre. Ticoro paina cahamacono jire. Ticoro watĩno yoadohoro mehne masare “Õ sehe waharohca mũsare”, ni yahuyuricoro jire. ã yahuro pjiro wapatabasare to pũhtoare. ¹⁷ ã jiro Paulo mehne sã wahachũ, sãre nũnũ ti, sañurucure ticoro:

—Ahrina Cohamacũ Jipihtina Bui Jiro to yoadohoina jira. Cohamacũ marine to noano yũhdohtire yahura tina —ni sañurucure ticoro.

¹⁸ Payũ dachori ã ni cariborucure Paulore. To ã ni sañurucuchũ Paulo majare ñũ, õ sehe nire watĩnore:

—Jesucristo tuua mehne dutija mũhũre. Ticorore wijaahga. Waharisa mũhũ —nire Paulo.

To ã nichũta watĩno sehe wahaa wahare.

¹⁹ To ã wahari baharo ticoro pũhũa sehe niñeru to wapataeraricoro to wahachũ ñũa, tina Paulore, Sila cãhũre ñahare. Ñaha tuhsũ, tinare naahre tí maca dacho macapũ jiina pũhũa cahapũ. ²⁰ ã naa wahcã, buhiri tiare cahnoina cahapũ tinare cũre tina.

—Ahrina judio masa mari ya macare cariboa nina. ²¹ Tina mari dutiare cohã dutia, paye buheare buhea nina. Mari ya dutiare yũhdũncachũ yoa duaa nina. Mari

Roma macaina jina ahrina ti yahua sehere yoa masieraja mari. ã jina ti buheare mari cahmaeraja —nire ticoro pũtoa buhiri tiare cahnoinare.

²² Ti ã nichu tũhoa masa payu Paulo cũhu mehne sua yũdũa wahare. ã jia buhiri tiare cahnoina sehe Paulo cũhu suhtire ti tũhrẽ cohãri baharo, yucuri wasõri mehne tjana dutire tinare. ²³ Tuaru tjana tuhsu peresu yoare tinare. Ti ã peresu yoari baharo peresure cohtarirore noano ñu wi-hbo dutiha tina. ²⁴ Ti ã dutiri baharo tinare cohtariro sehe tí wũhu puhicha macari tahtiapu tinare cũ, taboa pahtari mehne ti dahporire biha dapoha.

²⁵ Ñami dacho macai Paulo, Sila mehne Cohamacure sini, tirore basa payoha. Ti ã basachu tũhoha paina peresupu jiina. ²⁶ Ti ã ni basachuta ti wũhu tuaro ñuhmiha. To ã ñuhmichu cãno potori jipihtia sopa pahmari parĩ mu, peresupu jiiinare ti duhteada dari comaa dari nuhnu site boraa wahaha. ²⁷ To ã wahachu tí wũhure cohtariro sehe wahcã wihi, “Peresu jiina duhti tuhsuri jire”, ni tũhotumaha. ã ni tũhoturo to ñosari pjĩne naroca, to basi ñosamaha. ²⁸ To ã yoachu ñano Paulo tirore tuaro sañurucu õ sehe niha:

—Mu basi ñano yoai tjiga. Jipihtina õre jija sã —niha tiro tinare cohtarirore.

²⁹ To ã nichu tũhoro tinare cohtariro sehe sihã buhria duti, tina cahapu mũroca wahcã Paulo, Sila ti dahpori cahapu tetere, caha sũha tiro. ³⁰ Tuhsu, tiro tinare tí tahtiapu jiiinare na wijaa, sinituha tinare:

—¿Dohse yoaicari yũhu Cohamacu yairo ji duacu, to yũdohitiro ji duacu? —ni sinituha tiro.

³¹ —Jesucristore wacũ tuaga mũhu. Mu coyey cũhu tirore wacũ tuajaro. Mũsa ã yoachu mũsare pichacapu wahaborinare Cohamacu yũdohorca —ni yahuha tina.

³²⁻³³ Ti ã niri hora ñami dacho maca baharocã jiha. Ti ã niri baharo tinare cohtariro to ya wũhuru naaha tinare. To ya wũhuru na sũ ti camine cosaha tiro. To ã cosa tuhsuri baharo to coyey mehne Cohamacu yare buheha Paulo cũhu. Ti buheri baharo bautisaha tinare. ³⁴ Ti bautisa tuhsuri baharo tinare cohtariro cjiro Paulo cũhure chũare payoha. ã jia tiro to coyey

mehne noaa buheare ti tũhori baharo tuaro wahcheha, Cohamacure masi ducaa.

³⁵ Bohrea parĩ cahachu ñua pũtoa sehe surarare peresupu warocaha Paulo cũhure wio dutia. ³⁶ Ti ã wio dutiri baharo tí wũhure cohtariro Paulo cũhure yahuha:

—Pũtoa mũsare wio dutire. ã jina cuenata wijaahga —niha tiro Paulo cũhure.

³⁷ Ti ã wio duapachuta Paulo õ sehe ni yahuha surarare:

—Sã ñano yoaerahi. ã jina sã ne buhiri cjueraja. Wiho warota tina pũtoa sehe masa ti ñurocaroi yucuri wasõri mehne tjanahre sãre, Roma macaina sã jipachuta. Tjana tuhsu peresu yoahre sãre. ã jia mipu masa ti ñueraroi wio duara sãre, sãre ñano ti yoarire “Bũoro yũduri”, nia. Pũtoa ti basita ta, wioa tajaro sãre —niha Paulo surarare.

³⁸ To ã nichu tũhoa surara sehe pũtoare yahua wahaha. Ti ã ni yahuri baharo Paulo, Sila mehne Roma macaina ti jichu masia pũtoa sehe cui niha. ³⁹ ã jia tina Paulo cũhu cahai sũ, õ sehe niha:

—Ñano yoahiti sã mũsare. Ne pari turi ã yoasi —niha pũtoa Paulo cũhure.

ã ni tuhsu pũtoa tinare peresupu jiiinare wio, tinare pa sehempu waha dutiha. ⁴⁰ Ti ã niri baharo Paulo, Sila mehne peresupu jiina wijaa, Lidia wama tiricoro ya wũhuru wahaha. Tí wũhuru ti sũri baharo Jesu yainare piti bocaha. ã jia tina Jesu yainare noano buhea, noano yajeripohna tichu yoaha tinare. Ti ã yoari baharo Paulo, Sila mehne wahaa wahaha.

17

Tesalónica macaina suaha Jesu yaina mehne

¹ ã yoa tina Anfipolipu sũ, yũdũa, Apoloniapu sũ, yũdũa, Tesalonicapu sũha tina. Tói judio masa buheri wũhu jiha.

² Somanaripe to yoariro seheta Paulo buheri wũhuru wahaa tiha. Tõru sũ, tia so-mana waro sabado dachoripe tiro panopu macaa ti joari cjirire Cohamacu yare masare buhe, tíre tina mehne sũhũdua tiha Paulo. ³ ã yoaro tiro Cohamacu yare õ sehe ni yahuha:

—Judio masa, m̄asa p̄h̄toro m̄asa cohtariro Cristo tari jire ñano ȳhd̄ht̄iro. Cohamac̄u to ni c̄ūriro c̄jiro seheta tiro yariaa wahaha masa m̄ajano taro. ã jiro ahriro Jesu, ȳu yahuriro, tiro Cristo warota jira marine ȳhd̄oht̄iro. Tirota jira m̄asa cohtariro. Õ seheta nina Cohamac̄u yare ti joari p̄ũ —ni yahuha Paulo.

⁴To ã nich̄u t̄h̄oa, c̄aina t̄oi jiina “Potocã tjira”, niha. ã jia tina Paulo c̄h̄u mehne wahaha. ã jia paina c̄h̄u griego masa paȳu Cohamac̄ure ño payoina sehe Paulore quih̄õno t̄h̄oa, ã yoa tina mehne macaa numia c̄h̄u paȳu p̄h̄toa numia masa ti cua pisaro ñ̄a numia c̄h̄u tirore quih̄õno t̄h̄oa Jesu yaina t̄juaha. ã jia tina c̄h̄u Paulo c̄h̄u mehne wahaha. ⁵Wiho mejeta judio masa sehe ti ã wahach̄u ñ̄a, p̄ahu tiha. ã jia tina ñ̄aina dahraerainare paȳu p̄ji cahmachu ò sehe ni dutiha: “Ahrina ñ̄ano yoa nina”, ni sañurucu dutiha tinare. ã sañurucu jipihtina tí maca macainare suach̄u yoaha Paulo c̄h̄u mehne. ã jia judio masa Jasõ ya w̄h̄ur̄u s̄ã, Paulo c̄h̄ure macamaha, tinare masap̄ure waa taa. ⁶Wiho mejeta tinare bocaeraha. ã jia Jasõre, paina Jesu yaina c̄h̄ure ñ̄aha, waja wijaa wahaha tinare. P̄h̄toa cahap̄u na s̄u ò sehe ni yahusãha tina:

—Paulo c̄h̄u masare jipihtir̄op̄ure caribobiara. ã jia mip̄ure tina mari ya macare wihi tuhs̄h̄re. ⁷ã jiro ahriro Jasõ tinare to ya w̄h̄ur̄u s̄ã ta dutih̄re. Tina jipihtina mari bui p̄h̄toro Roma macariro to dutiare ȳhd̄ur̄ucara. “Pairo m̄asa p̄h̄toro jira. Jesu tirota jira” nia, mari p̄h̄toro dutiare ȳhd̄ur̄ucara tina —ni yahusãha judio masa sehe p̄h̄toare.

⁸Ti ã ni yahusãch̄u t̄h̄oa, jipihtina masa, p̄h̄toa c̄h̄u sua, tuaro sañurucuha. ⁹Wiho mejeta p̄h̄toa Jasõre, tiro mehne macaina c̄h̄ure, niñerure wapa duti, wioha.

Paulo Sila mehne Bereap̄u s̄uha

¹⁰Tí p̄jata ñ̄amip̄u Paulo c̄h̄ure Jesu yaina n̄uo warocaha Bereap̄u. T̄op̄u s̄ua tina judio masa buheri w̄h̄ur̄u s̄ã wahaha. ¹¹Berea macaina sehe Tesalónica macaina ȳhd̄oro Jesu yare noano t̄h̄oina

jia. ã jia tina Jesu yare ti t̄h̄ori baharo “¿Potocã tjijari?” ni masi duaa, dachoripe Cohamac̄u yare ti joari p̄ũre ã buherucua tiha tina. ¹²ã jia tina paȳu Jesure wac̄u tua d̄ucaha. Griego masa c̄h̄u, m̄ua, p̄h̄toa numia mehne Jesure wac̄u tuaina jia. ¹³Wiho mejeta Paulo Bereap̄u Cohamac̄u yare to buhech̄u c̄h̄ure t̄horocaa Tesalónica macaina judio masa t̄op̄u s̄uha. T̄op̄u s̄ua, Berea macainare quiti dojomehnea, Paulo c̄h̄u mehne suach̄u yoaha tina. ¹⁴Ti ã yoach̄u ñ̄a Jesu yaina Paulore soaro mehne p̄jiri ma d̄ht̄u cahap̄u warocaha. Wiho mejeta Sila, Timoteo mehne Bereap̄u t̄juaha. ¹⁵Paina sehe Paulore Atenap̄u na wahcã soha. Tirore so tuhs̄u majare t̄juaa wahaha Bereap̄u t̄joa.

—Soaro mehne waha, piti tina wahaga Paulore —ni yahuha Silare, Timoteo c̄h̄ure.

ã ni yahu dutiha Paulo tinare.

Paulo Atenai jia

¹⁶ã jiro Paulo Atenap̄u cohtaro niha Sila, Timoteo c̄h̄ure. Tinare cohtaro Atena macaina ti “Cohamana jira”, ti nia mas̄rine paȳu ti c̄j̄ach̄u ñ̄no Paulo tuaro cahyaha tina mehne. ¹⁷ã cahyaro, judio masa buheri w̄h̄ur̄u judio masa mehne, ã yoa judio masa jieraina mehne c̄h̄ure durucuha tiro. Judio masa jieraina sehe Cohamac̄ure ño payoina jia. ã yoa Paulo tí maca dacho macai dachoripe tiro cahap̄u ã tini majare s̄ãina mehne durucuha. ¹⁸Paina Epicureo yare buheina, Estoico yare buheina c̄h̄u Paulo mehne durucuha:

—¿Ahr̄iro durucuha pihtierar̄iro dohse ni durucuro nijari tiro? —niha tina.

Paulo Jesu yare, to masa m̄ajarire to yahuch̄u t̄h̄oa ò sehe ni t̄hotumaha masa: “Tiro paina cohomanare yahuro nica”, ni t̄hotumaha tina. ¹⁹Ti t̄h̄ori baharo tina Areópago wama tir̄op̄u Paulore naaha.

—Ahri buhea, wahma buheare m̄u mip̄u yahurire masi duaja s̄ã. ²⁰M̄u buhea soro sehe jira. ã jina s̄ã tíre masi duaja —niha tina Paulore.

²¹ Jipihtina Atena macaina, ã yoa paye yahpari macaina cãh̄ Atenap̄m̄ jina dachoripe wahma buheare durucurucu duaha. ã jia Paulo to yahuare tãho duaaha tina.

²² ã jiro Paulo Areópago wama tiroi wahcãr̄m̄ca õ sehe ni yahuha:

—Atena macaina, paȳm̄ m̄sa cohamanare m̄sa tuaro ño payoina m̄sa jich̄m̄ masija ȳh̄m̄. ²³ Ahri maca m̄sa ya macare cohamanare m̄sa ño payoa altarire ñ̄m̄ tinihi ȳh̄m̄. ã ñ̄m̄ tinich̄m̄ ȳh̄m̄ cã altarp̄m̄, cohamanare ño payona m̄sa waare m̄sa cūnoi ahrire buhehi. “Cohamac̄m̄, mari masimahnoerariro ya altar jira”, ni joari jire m̄sa tíre m̄sa cūnoi. M̄sa tirore masierapanah̄ta tirore ño payori jire m̄sa. Tiroreta m̄sa masierarirore yahu potoi nija ȳh̄m̄ m̄sare.

²⁴ Cohamac̄m̄ jipihtiri yahpare, jipihtiare bajuamehneriro jira. Tiro m̄anore, yahpap̄m̄re p̄h̄toro jiro, tiro masa ti yoaa wãh̄m̄sei jierara. ²⁵ ã jiro tiro mari jiare, mari yajeri naare, jipihtia marine paye barore wariro jiro, mari yoadohoare cahmaerara. Tiro pjac̄m̄oriro jierara.

²⁶ Tiro cãiro m̄anore yoa d̄m̄caha. Tiro mehneta jipihtia yahpari macaina cjihtire masare yoaha. ã masare yoaro jipihtiro yahpap̄m̄re marine cūha tiro. “Õ puro yoari p̄ja õp̄m̄re jahca”, nino quih̄õ cūha marine. ²⁷ “Tina ȳh̄m̄re maca, bocaboca”, ni tãhotuha Cohamac̄m̄. Wiho mejeta Cohamac̄m̄ yoarop̄m̄ jierara. Mari mehneta jira. Õ sehe ni joaa tiha paina: ²⁸ “Marine jich̄m̄ yoara tiro. Mari masapere catiina, ñ̄uhmiina jich̄m̄ yoara tiro”, ni joaa tiha. M̄sa mehne macaina panop̄m̄ macaina basaare noano joaina quiti yahuina cjiri ti joariro seheta nii nija. “Mari cãh̄ Cohamac̄m̄ pohna jija”, ni joaa tiha tina.

²⁹ ã jina mari to pohna jina õ sehe ni tãhotuena tjiga m̄sa. Masarine, uru, plata, tãa mehne m̄sa m̄ s̄uro m̄sa yoari masarine “Cohamana jira”, ni tãhotuena tjiga m̄sa. ³⁰ Panop̄m̄ masa ti masieraina jisnich̄m̄ ti ñ̄aare yoapach̄m̄ta Cohamac̄m̄ ã ñ̄anocasiniha. Wiho mejeta mip̄m̄re jipihtiri yahpa macainare ti ñ̄aa yoari buhiri tiare masi, cahya dutira Cohamac̄m̄.

³¹ Baharo Cohamac̄m̄ to quih̄õri dachoi jipihtiri yahpa macainare potocã beserohca noaina, ñ̄ainare. Tiro to bese duti to cūriro Jesu sehe beserohca. Jesure yariarirore masoha tiro. ã masono “Ahriro ȳm̄ cūriro jira” ni, ñ̄ono niha Cohamac̄m̄ masare —ni yahuha Paulo Atena macainare.

³² To ã nich̄m̄ masa m̄jarire to durucuch̄m̄ tãhoa paina tirore buj̄m̄peha. Wiho mejeta paina sehe õ sehe niha:

—Pari turi ahrire m̄m̄ yahuch̄m̄ sã tãho duaaja —niha tina Paulore.

³³ Ti ã niri baharo Paulo wahaa wahaha. ³⁴ To ã wahach̄m̄, cãina tiro mehne waha, Jesure wacū tua d̄m̄caha. Dionisio Areópago macariro p̄h̄toa mehne macariro Jesure wacū tua d̄m̄caha. ã yoa Damari wama tiricoro cãh̄m̄, paina mehne Jesure ãta wacū tua d̄m̄caha.

18

Paulo Corinto wama tiri macai jiha

¹ ã yoa, Paulo Atenap̄m̄ jiriro waha, Corinto wama tiri macap̄m̄ s̄m̄ha. ² Tóp̄m̄ s̄uro, judio mas̄no Aquila wama tirirore boca s̄m̄ha tiro. Jipihtina bui p̄h̄toro Claudio wama tiriro judio masare Romap̄m̄ j̄inare to cohãch̄m̄ Aquila sehe to namono Priscila mehne waha, Corintop̄m̄ s̄m̄ha. Aquila sehe Ponto wama tiri yahpai masa bajuariro jiha. ã jia tina Corintoi ti jich̄m̄, Paulo tina cahap̄m̄ s̄m̄ha. ³ Aquila cãh̄m̄ suhti wãh̄m̄sere yoaina jiha. Paulo cãh̄m̄ suhti wãh̄m̄sere yoarirota jiha. ã jiro tiro tina mehne dahra, tói tjuaha. ⁴ ã jiro Paulo sabado jich̄m̄ somanaripe judio masa ti buheri wãh̄m̄p̄m̄ judio masare, judio masa jieraina cãh̄m̄re Cohamac̄m̄ yare yahuha. To ã ni yahuch̄m̄ tãhoa, “Potocã tjira”, niha tina cãina.

⁵ ã yoa Sila, Timoteo mehne Macedonip̄m̄ j̄inare, Paulo cahap̄m̄ s̄m̄ha. Tóp̄m̄ ti s̄uri baharo Paulo sehe jipihtia dachoripe judio masare noano buhea tiha.

—Jesu, Cristo masare yãh̄dohtiro mari cohtariro jira —ni yahua tiha.

⁶ To ã ni buhepach̄m̄ta, judio masa sehe tirore tãho duaeraha. ã jia tina ñ̄ano ni quiti dojomehneha tirore. Ti ã yoach̄m̄

Paulo tinare to tuhtiboriro seheta, to suhti macaa mene cjã siteroca cūha.

—Musa ya buhiri pichacapu wahanahca. Cohamacu to dutiriro seheta musare buhemahi yuhu. Wiho mejeta musa yuhure tuho duaerare. Mipure judio masa jieraina sehene buhei wahihtja —niha Paulo judio masare.

⁷ To ã niri baharo tiro tópu jiriro waha, Ticio Justo wama tiriro ya wuhupu suha. Justo Cohamacure ño payoriro jiha. To ya wuhu sehe judio masa buheri wuhu cahai jiha. ⁸ ã jia Crispo wama tiriro buheri wuhu puhtoro, to namono, ti pohna cūhu Jesure wacū tuaina jiha. ã yoa paina Corinto macaina payu Cohamacu yare tuhoa, Jesure wacū tuaha. Ti ã wacū tuaina jichu tinare bautisaha. ⁹⁻¹⁰ Cū ñami Cohamacu cahānopu õ sehe ni yahuha Paulore:

—Muhu mehne jija. Ahri maca macaina yu yaina masa payu jira. ã jia paina masa mūhure ñano yoa masierara. ã jicu cuiecu tjiga mūhu. Wiho mejeta yu yare tuaro yahu namoga mūhu. Yahu duhuesu tjiga —ni yahuha Cohamacu Paulore.

¹¹ ã yoa cū cūhma noano, pa cūhma dacho maca waroi Paulo Corintopu ji, tó macainare Cohamacu yare buhea tiha.

¹² To ã buhero watoi Galiõ wama tiriro Acaya yahpa macaina puhtoro to jichu, judio masa jipihtina cāno potori Paulore yahusāa taa, tirore buhiri tiare cahnoina cahapu naaha tina.

¹³ —Ahriro Paulo masare Cohamacure ño payo dutiro ahri yahpa macaa dutia sehene cohā dutiro nina —ni yahusāha judio masa buhiri tiare cahnoinare.

¹⁴ Ti ã ni yahusāchu tuhoru Paulo sehe tinare yahu duamaha. Wiho mejeta Galiõ sehe judio masare õ sehe ni yahuha:

—Ahriro sã Roma macaina ya dutiare yuhdurucariro to jichu, musare yuhtiboa yuhu. ¹⁵ Wiho mejeta musa judio masa ya dutia sehene ahriro yuhdurucariro to jichu musa basi ahrire cahnoga. Ahrire masieraja yuhu musa mehne —ni yahuha tiro judio masare.

¹⁶ ã ninota tinare judio masa Paulore yahusāmarina cjirire to ya tahtiapu jijnare cohā wioha tiro. ¹⁷ To ã cohā wiori baharo jipihtina tí wuhui jina Sostenere judio

masa buheri wuhu puhtoro Jesu yairore ñaha, buhiri tiare cahnoina cahapu cjãha tirore. Ti ã cjāchu ñano Galiõ ã ñanocaha.

Paulo Antioquíapu tjuaa wahaha

¹⁸ ã yoa Paulo Corinto yoari pja jiriro cjiro “Wahai nija”, ni coha sitiha tiro Jesu yainare. To ã niri baharo tiro Priscila, Aquila mehne Siria yahpapu pahāa taa niha. Ti pahāto pano Cencrea wama tiri macapu su, tópu jisnino Paulo Cohamacure “Õ sehe mūhure yoabasaihtja”, to nirire yoa tuhsuroropu jiha. ã jiro tó sehe yoaina judio masa ti yoarucuriro seheta to pjoarire waha pahño dutiha. ¹⁹ Tíre to yoari baharo tina Efeso wama tiri macapu pahā su, Priscilare, Aquila cūhure cū, judio masa ti buheri wuhupu wahaha Paulo. Tí wuhupu su, Cohamacu yare yahuha. ã yahuro judio masa mehne suhūduha. ²⁰ To ã suhūduri baharo tirore tina mehne tjua dutimaha.

—Tjuaeraja musa mehne. ²¹ Wiho mejeta Cohamacu cahmachu, pari turi tjuaa taihtja —niha tinare Paulo.

ã ni tuhsu, Efesopu jiriro cjiro pahāa wahaha tiro.

²² Pahāa, Cesareapu pahā su, yuhdu wahcã, Jerusalēpu suha. Tópu su, tó macaina Jesu yainare “¿Ne jimajari musa?” ni, tinare ñu yuhduha Antioquíapu suha. ²³ Tóí mahaa dachoricã jiha. Tóí jiriro cjiro yuhduha. Galacia yahpai jia macaripu, Frigia yahpai jia macaripu pari turi su, tí macari macainare Jesu yainare buhero, Jesure wacū tua namo wahchechu yoaha tiro.

Apolo wama tiriro Efesoi buheha

²⁴ Tí pjare, judio masano Apolo wama tiriro, Alejandría macariro Efesopu suha. Tiro noano yahu mihniro jiha. ã jiro tiro Cohamacu to joari cjirire noano masiha. ²⁵ Pairo tirore Cohamacu yare yahu tuhsu tiha. ã jiro tiro João masare bautisariro to buhea dihtare masiha. ã jiparota tiro tuaro wahchea mehne Cohamacu yare noano buheha. ²⁶ ã jiro judio masa ti buheri wuhupu tiro cuiro marieno tinare buhe dūcaha. To ã buhechu ti tuhori baharo Priscila, Aquila mehne

tirore tina mehne naaha. Cohamacu yare to quihõno yahu pahñoerachu ñua quihõno yahu pahñoa tina tirore. ²⁷⁻²⁸ ã jia tiro Apolo sehe Acaya yahpamu to waha duachu Jesu yaina tirore “Noano wahaga”, ni joaa pürine waha tirore. Tí püri Acayamu jiina Jesu yainare Apolore noano piti boca dutia püri jiha. ã jiro Apolo tóru suro, tó macainare noano yoadohoha. Tó macaina Cohamacu cahña mehne Jesure wacũ tuaina jiha. Judio masare tí macai jainare õ sehe ni yahuha:

—Cohamacu to warocariro musa cohtariro jira Jesu. Cristo waro jira tiro —ni yahuha Apolo judio masare paina masa ti ñurocaroi.

Cohamacu yare ti joari cjiri mehne to noano quihõno yahuchu tũhoa tina “Potocã jierara”, ni masieraha.

19

Paulo Efesopu wahaha

¹ Corintopu Apolo to jiro watoi, Paulo sehe täyucupmu mija yuhduha, Efesopu suha. Tóru suro cãina Jesu yainare boca. ² Tinare boca suro tiro tinare õ sehe ni sinitu ñua:

—¿Musa Jesure wacũ tuari baharo musa sehe Espiritu Santore cjuha ducari? —ni sinitu ñua Paulo.

To ã nichu tũhoa tirore õ sehe ni yahuha tina:

—“Espiritu Santo jira”, ni yahuerare sãre —ni yahuha tina.

³ Tí ã ni yahuri baharo Paulo tinare õ sehe ni sinitu ñua tjoa:

—¿Noa ya buheare musa tũhori baharo bautisari musare? —niha tiro tjoa.

—João ya buheare sã tũhori baharo bautisahre sãre —ni yahuha tina.

⁴ Tí ã nichu tũhoro õ sehe niha Paulo:

—Masa ti ñaa yoarire cahya, tíre ti duhuchu ñano bautisaha João. ã jiro to bautisari cjiri sehe ti ñaa yoarire ti duhurire masare ti ñohti cjihti jira. Wiho mejeta paye baro cãhure yahu namoha João. “Yu baharo tariro sehere wacũ tuaga musa”, ni yahuha tiro. ã nino Jesure yahuro niha —ni yahuha Paulo tinare.

⁵ To ã nichu ti tũhori baharo, Jesu wama mehne to tuaa mehne bautisaha tinare.

⁶ ã to bautisachu, Paulo tina cãina bui to wamomaca to duhu payochu, Espiritu Santo sehe wihiha tinapure. To ã wihiri baharo tina sehe tũhomahnoera duseri mehne durucu, Cohamacu yare yahuha. ⁷ Tina jipihtina doce muha jia jiboa.

⁸ Baharo Paulo judio masa ti buheri wuhupu sãa, tia sũ waro cuiro marieno puhtoro Cohamacu to sũho jiare yahu, durucuha tina mehne. Tirore tí ã tũhori baharo “Ahri potocã jira”, niha tina.

⁹ Wiho mejeta paina sehe tũho duaeraha. ã jia tina masa ti tũhoro noaa buheare ñano ni ñoha. Tí ã nichu tũhoro Paulo sehe Jesu yainare pji wijaa, pa sehempu wahaha. Waha, Tirano wama tirore to buheri wuhupu dachoripe masare Cohamacu yare yahuha Paulo. ¹⁰ Puha cãhuma waro buhea tiha tinare. To ã buhechu jipihtina Asia yahpa macaina judio masa, judio masa jieraina mehne mari puhtoro Jesu yare tũhoha. ¹¹ ã yoa Cohamacu tuaa mehne Paulo masare ñu cãa yuhduachu yoaa barore yoa ñoha. ¹² Masa sehe suhti cahsari Paulo to pjacure pihaa cahsari cjirire, ã yoa tirore pihaa suhti cãhure naa, dohatiinare pihoha masa. Tí suhtire dohatiinare ti pihochu noaa wahaha. ã jichu watia tinapure jirina cjiri wijaa wahaha, tí suhtire ti pihori baharo.

¹³ Wiho mejeta paina judio masa, ã tinirucuina, watiare cohãina jiha. ã yoa puhtoro Jesu wama pisuro mehne watiare cohã duamaha. ã jia watiare õ sehe ni dutimaha tina:

—Paulo to yahuriro Jesu to wama mehne dutija musare. Wijaahga. Ahriro mehne pari turi jiena tjiga —nimaha tina watiare warocaa.

¹⁴ Esceva wama tirore siete to pohna sehe ãta yoamaha. Esceva sehe judio masano sacerdotia puhtoro jiha. ¹⁵ To pohna watĩnore ti wijaa dutiri baharo, watĩno sehe õ sehe niha tinare:

—Jesure masija. Paulo cãhure masija. ã masipacuta musa sehere masieraja —niha watĩno tinare.

¹⁶ To ã nichuta watĩno to cohtotariro sehe tuaro mehne tinare ñaha muha wahaha. Tinare ñaha, ñaabiaro yoa, yuhdurucanocaha. To ã yoachu Esceva

pohna sehe suhti marieina, cami tiina m̄aroca wijaa wahaha tina tí w̄h̄h̄re. ¹⁷ Ti ã yoari baharo jipihtina Efeso macaina, judio masa, judio masa jieraina mehne tíre t̄h̄oa, cui ȳh̄d̄h̄aaha tina. ã jia p̄h̄toro Jesu yare b̄j̄m̄pero marieno durucuha masa sehe.

¹⁸ ã yoa masa paȳm̄ Jesure wacũ tuaina ti ñano yoari buhirire yahu ȳh̄d̄h̄aaha taha. ¹⁹ Tina mehne macaina paȳm̄ yaya puti siteina jiha. ã jia tina ti joaa tjurire yaya ti yoaare yahua tjurire t̄ōp̄m̄ na ta, masa ti ñ̄arocaroi tí tjurire j̄ũ coh̄ãnocaha tina. Tí tjuri ti wapa tirire tina ti quih̄õch̄m̄, jipihtia tjuri cincuenta mil t̄ari plata mehne ti yoa t̄ari posa waro wapa timaha tí tjuri. ²⁰ ã jia Cohamac̄m̄ yare cahmaina paȳm̄ wahaha. Cohamac̄m̄ tuaa mehne to yaina wahaha.

²¹ Ti ã wahari baharo Paulo õ sehe ni t̄hotuha: “Macedonia yahpap̄m̄ s̄m̄ m̄h̄ta, tí yahpare ȳh̄d̄h̄aaha Acaya yahpare s̄iht̄ja. Tí yahpare ȳm̄ s̄m̄ri baharo Jerusal̄ẽp̄m̄ wahaiht̄ja. Tí macare ȳm̄ s̄m̄ri baharo Romap̄m̄ wahaiht̄ja”, ni t̄hotuha Paulo. ²² P̄uaro tirore yoadohoinare to pano waroca m̄h̄taha Macedonia yahpap̄m̄. Timoteo, Erasto c̄h̄m̄ jiha tina. ã jiro Paulo sehe c̄airota tjua n̄m̄m̄ tisiniha Asia yahpap̄m̄.

Efesoí masa sua, sañurucuha

²³ Tí pjare Efesoí Jesu yare paina cahmaeraa, Paulo c̄h̄m̄re paȳm̄ masa tuhti, sañurucuha. ²⁴ C̄airo platare dahrariro Demetrio wama tiroro plata mehne cohamac̄o Artemisa wama tiricoro ya w̄h̄m̄ mas̄ari yoariro jiha. ã jiro tiro paina plata dahraina mehne tí mas̄arine dua, pj̄iro wapataha tina. ²⁵ ã jiro Demetrio paina plata dahrainare p̄ji cahmachu õ sehe ni yahuha tinare:

—T̄h̄oga m̄sa. Ahri dahraa mehne pj̄iro mari wapatarire masina m̄sa. ²⁶ Ahriro Paulo to yoarire to buheri c̄h̄m̄re masina m̄sa. Õ sehe ni buhera tiro: “Cohamana mas̄ari masa ti yoari catiina jierara”, ni yahua tire tiro. To ã nich̄m̄ t̄h̄oa paȳm̄ Efeso macaina, jipihtiroi paina Asia yahpa macaina c̄h̄m̄ tí buheare “Potocã jira”, nia tire. ²⁷ ã nia mari dahraare

masa ñano durucuhto cua ȳh̄d̄h̄aaha. ã yoa masa mari cohamac̄o Artemisa ya w̄h̄m̄re “Wiho jiri w̄h̄m̄ jira”, ni coh̄ãboca. Ti ã coh̄ãch̄m̄ ticoro jipihtina Asia yahpa macaina, jipihtiri yahpa macaina ti ño payoricoro to jipach̄ta to tuaa butiarohca. ã jia masa baharop̄m̄ jiina ticorore masieraboca —niha Demetrio tinare.

²⁸ To ã nich̄m̄ t̄h̄oa tina sehe tuaro sua, sañurucuha:

—Artemisa Efeso macaina mari yacoro cohamac̄o tuaricoro jira —ni sañurucuha tina.

²⁹ ã jia Efeso macaina jipihtina sañurucu ȳh̄d̄h̄aaha, t̄h̄o masia pihtia wahaha. ã wahaa, Gayore, Aristarco c̄h̄m̄re ñaha, masa ti cahmachunop̄m̄ tinare waja wahc̄aha. Gayo, Aristarco mehne Macedonia macaina jia, Paulo mehne tiniina jia tiha. ³⁰ ã jia Paulore masa cahai to waha duach̄m̄, Jesu yaina sehe tirore waha dutieraha. ³¹ ã jia paina tí yahpa macaina p̄h̄toa, Paulo mehne macaina jia, ti cahamacare yahu dutiha Paulore:

—Masa ti cahmachunop̄m̄ wahai tjiga —ni yahu dutiha p̄h̄toa Paulore.

³² ã jia t̄oi cahmachuina mehne macaina sehe paȳm̄ “¿Dohseana tana mari cahmachuna nijari?” ni masieraha. ã jia tina sañurucu namoha. Ahrie sehẽp̄m̄ jiina soro ni, sañurucuha. Paina c̄h̄m̄ soro ni sañurucuha. ³³ ã jia judio masa sehe Alejandro wama tirore masare yahu dutimaha. ã jiro Alejandro “Dihta mariaha”, nino to wamomaca mehne cj̄atuha. “Ahrina s̄are judio masare tuhtia nina”, ni t̄hoturo judio masare d̄ucata duaro, durucumaha. ³⁴ Wiho mejeta tiro judio mas̄ano to jich̄m̄ ñ̄m̄ masa jipihtina c̄ãno potori p̄m̄ hora waro sañurucuha:

—Artemisa, Efeso macaina mari yacoro cohamac̄o tuaricoro jira —ni sañurucuha tina.

³⁵ Ti ã ni sañurucuch̄m̄ ñ̄m̄no, Efeso macaina p̄h̄toare yoadohoriro masare, “Dihta mariaha”, ni yahuha tinare.

—M̄sa Efeso macaina t̄h̄oga. Efeso macaina tuaricoro cohamac̄o Artemisa ya w̄h̄m̄ cohtaina mari jich̄m̄ jipihtia yahpari macaina masina. ã jia m̄anop̄m̄ bora tari

masure ñu wihboina mari jichu cãhure masina masa. ³⁶ Ñ jia paina “Ahri potocã jierara”, ni masierara. Ñ jina suaena tjiga musa. Noano tãhotuga musa. ³⁷ Ahrina musa ñaha taina mari cohamacore ñano ni durucuerare. Ñ yoa tina cohamana wahusepure sãa, yacaerare. Ñ jina noano yoaga musa. ³⁸ Ñ jia Demetrio, plata dahraina mehne ahrinare musa ñahainare yahusã duaa, buhiri tiare cahnoina sehere yahusãjaro tina. ³⁹ Pari turi cahmachuna noano mehne cahmachuga. Musa yoariro sehe yoarena tjiga. ⁴⁰ Michare musa sua, sañurucurire mari pãtoa tãhoa, “Marine cohãa nica”, ni tãhotuahca tina. Ñ jina musa ni sañurucurire tinare noano poto yahu masieraja mari —niha pãtoare yoadohoriro masare.

⁴¹ Ñ ni yahu tuhsu, “Tó puro tjira. Wahaga”, niha tiro masare.

20

Macedonia yahpapu cãhure, Grecia yahpapu cãhure Paulo suha

¹ Ti ñ wahari baharo, Paulo sehe Jesu yainare pji cahmachu yahu quihõha. Yahu quihõ tuhsu, tinare wahchechu yoa, tinare coha sitiha. Coha siti tuhsu, Macedonia yahpapu wahaa wahaha. ² Tópu su buhe, tí yahpai jia macari macainare Jesu yainare wahchechu yoaha tiro. Tinare buhe tuhsu, Grecia yahpapu suha tiro. ³ Tói tiro tia sũ waro jiha. Tói jirucuma, Siria yahpapu pahãa waha duamaha. Wiho mejeta judio masa cohtamaha tirore ñaha duaa. Ñ jiro Paulo pa mahapu, Macedoniapu wahari mahapu mananoputa majare tjuaa wahaha tjoa.

⁴ Ñ waharo Asiaputa suha. Tói Berea macariro Sópatro wama tiriro Pirro macano Paulore piti ti wahcãha. Ñ yoa Tesalónica macaina Aristarco, Segundo cãhu tirore piti ti wahcãha. Tuhsu, Derbe macariro Gayo wama tiriro Timoteo cãhu tiro mehne wahaha. Asia macaina Tíquico, Trófimo cãhu Asiapu tirore piti ti wahcãha. ⁵ Tiro mehne macaina to pano waha, Tróade wama tiri macapu tirore cohtari jire. ⁶ Ti ñ cohtachu bucuaerari pãore ti chua

bose namari baharo sã sehe Filipoi jiina dohoria mehne waha, cinco dachori pahã, Tróadepu sã tinare mu sui. Siete dachori waro jii tópure.

Tróadepu Paulo tinino wahaha

⁷ Domingo jichu Jesu yaina cahmachu pãore duhu payore Santa Cena yoaa taa. Ti ñ yoahto pano Paulo tinare buhere. Ñ yoaro Paulo pa dachoi wahahtiro jiro yoari pja tiro buhere. Ñami dacho macapu buhe duhuro taro nimare. ⁸ Ñ jina musano macari tahtiai payu poca sihãa poca jiri tahtiai cahmachui sã. ⁹ Paulore to tãhoro watoi, cãiro wahmano Eutico wama tiriro mahari sopaca cahai muja pja dujire. Duji, Paulo tinare yoari pja to buhe namochu wahmanore wujo tare. Wujo ta, tiro carĩ mu, tia casario buipu dujiriro majare boraah wahare. Boraah waha, yaria yuhduah wahare. To yariari baharo tina tirore yariariro cjiropure na wahcõ dapore. ¹⁰ Ti ñ yoachu ñano Paulo dujia, wahmanore cã suhsure. To ñ yoari baharo Jesu yainare õ sehe ni yahure tiro:

—Yajeripohna ñaena tjiga. Yarierara ahriro. Catira —nire Paulo sehe.

¹¹⁻¹² To ñ nichu wahmano yariariro cjiro masaa wahare. To ñ masachu ñua tina wahche yuhduare. Ñ wahchea musano macari tahtiapu muja, pãore duhu payore Santa Cena yoaa taa. Ti ñ yoari baharo yoari pja Paulo tinare buhe namore tjoa. Pu bohreahto panocãpu tinare buhe duhure. To buhe tuhsuchu wahaa wahai sã.

Paulo Tróadepu jiriro waha, Miletopu suha

¹³ Paulo pano dohoria mehne Asõpu sã sehe su muhtai. Paulo sehe mahapu waha duare. Paulo to niriro seheta Asõpu tirore sã piti bocai. ¹⁴ Tirore sã piti bocachu, sã mehne tiro samure dohoriapu. Tia mehne waha, Mitilenepu sã sui. ¹⁵ Tópure su yuhduah pa dachoi Quío wama tiri nacore yuhduai sã. Pa dachoi Samopu sui sã. Pa namu sehere Miletopu sui sã. ¹⁶ Paulo Pentecoste dacho waroi Jerusalẽpu su duare. Ñ jiro Asia yahpapu yoari pja ji duaerare. Ñ jiro Efesore poto yuhduah, Miletopu wahã sui sã.

Paulo Efeso macainare Jesu yainare p̄h̄toare yahuha

17 ã jiro Paulo Miletop̄ jiro, Efeso macainare Jesu yaina p̄h̄toare p̄jirocare tiro. 18 ã to p̄jirocari baharo tina Paulo cahap̄ wihire. Ti wihich̄ ñ̄no tinare Paulo õ sehe ni yahure:

—Asiap̄ coã wihic̄ m̄sa mehne ȳ yoarire masina m̄sa. 19 M̄sa mehne jic̄ ne soro nino marieno Jesu, mari p̄h̄toro yare yoaa tii ȳh̄. ã yoac̄ m̄sare p̄ja ñ̄i. “M̄sare ȳhd̄ur̄caja”, nierahi ȳh̄. Judio masa ȳh̄re ñ̄ano ti yoapach̄ta Cohamac̄ yare yoaa tii ȳh̄. 20 M̄sa noano wahahtore cahmac̄ m̄sare buhe pah̄ñocai ȳh̄. Masa ti ñ̄urocaroi, ã yoa m̄sa w̄h̄ser̄ c̄h̄re buhei ȳh̄. 21 ã yoa judio masare, judio masa jieraina c̄h̄re c̄no potori buhei ȳh̄. “M̄sa ñ̄aa yoari buhiri tiare masi, Cohamac̄ mehne tjuaahga. ã yoa Jesu mari p̄h̄torore wac̄ tuaga”, ni yahui ȳh̄. 22 ã yoa mip̄re Esp̄ritu Santo to dutiriro seheta Jerusal̄p̄ wahi nija. Ȳh̄ t̄p̄ wahaç̄ ȳ dohse wahahtore masieraja ȳh̄. 23 Esp̄ritu Santo to yahuri dihtare masija. Õ sehe nihre Esp̄ritu Santo ȳh̄re: “Nohoi m̄ s̄a macarip̄ep̄ m̄h̄ ñ̄ano ȳhd̄ih̄ca. ã jia m̄h̄re peresu yoaaahca”, nihre Esp̄ritu Santo ȳh̄re. 24 To ã nipach̄ta noaa buheare, Cohamac̄ masare to cah̄a buheare yahuhtiro c̄iht̄o jija. Jesu mari p̄h̄toro to yoa dutirire yoa pah̄ño duaja. Ahrire yoariro jic̄, ȳ variahtore cuieraja ȳh̄.

25 ’M̄sa mehne jic̄ p̄h̄toro Cohamac̄ to s̄ho jiare yahua tii ȳh̄ m̄sare. Mip̄re ne m̄sare pari turi ñ̄si ȳh̄. Ahrire masija ȳh̄. 26-27 ã masic̄ michare ahrire yahuja m̄sare. Jipihtia Cohamac̄ yare yahui ȳh̄ m̄sare. ã jiro jipihtina m̄sa mehne macaina Cohamac̄ yare cahmaeraina ti jich̄ ya buhiri jierara. 28-29 M̄sa basi noano yoaga. ã jina Jesu yainare Esp̄ritu Santo m̄sare to ñ̄ wihbo dutiinare ñ̄ wihboga. Ovejare ñ̄ wihboina ovejare ti ñ̄ wihboro seheta Jesu yaina c̄h̄re ñ̄ wihboga m̄sa. Cohamac̄ mac̄no to yariaro to di coh̄no mehne Cohamac̄ tinare to yaina c̄iht̄i

yoare. Ȳ õre wahari baharo paina ñ̄aina sehe yairo ovejare to ch̄ coh̄no seheta Jesu yare m̄sa yoaborire dojomehneahca. ã jina Jesu yainare noano ñ̄ wihboga. 30 Baharop̄re paina m̄sa mehne macaina sehe Jesu yainare mah̄ño, paye buheare t̄ho dutiahca. Ti ã dutich̄ tina t̄hohto cua ȳhd̄ara. 31 ã jina noano yoaga m̄sa. Tia c̄h̄ma waro dachoripe, ñ̄aminipe p̄ja ñ̄a mehne buhei ȳh̄ m̄sa jipihtinare. Tíre noano wac̄ga m̄sa.

32 ’Mip̄re ȳ wahari baharo, Cohamac̄ m̄sare ñ̄ wihborohca. Masare to cah̄a buheare m̄sa basi cah̄a buhena, noano jinahca m̄sa. Cohamac̄ to buhea mehne m̄sare wac̄ tua namoch̄ yoarohca. Baharop̄re to yainare “Noano yoaitja”, to niriro seheta m̄sa c̄h̄re noano yoarohca. 33 M̄sa niñerure, m̄sa suhti c̄h̄re “Ȳh̄re waga”, nierahi m̄sare. 34 Ȳ basi dahra wapatai ȳ ya c̄iht̄ire. ã yoa ȳ cahmaare, ȳh̄ mehne macaina ti cahmaa c̄h̄re ȳ dahraa wapatari mehne nahi. Ȳ ã yoarire masina m̄sa. 35 Mari õ sehe tuaro dahrana paye baro c̄j̄aerainare yoadohoro cahmana marine. Ahrire m̄sare yoa ñ̄oi ȳh̄. Jesu mari p̄h̄toro to niri c̄j̄ire wac̄ga m̄sa. “To wach̄ ñ̄ahariro ȳhd̄oro wariro sehe wahchera”, niri jire Jesu to basi —ni yahure Paulo Jesu yainare.

36 ã ni batoa Paulo tina mehne na tuh̄ca caha s̄, Cohamac̄re sinire. 37 To ã sini batoach̄ tina jipihtina Paulore c̄j̄a suhsu, wahsupu wihmi, tihre. 38 “M̄sare pari turi ñ̄si ȳh̄”, pano to nich̄ t̄ho tuaro cahyare tina. ã jia tirore tju n̄n̄ ti buhare p̄ pitamahap̄. T̄p̄ s̄re ñ̄ n̄n̄ tire s̄ wahach̄.

21

Paulo Jerusal̄p̄ pari turi wahaha

1 Jesu yainare “Wahana nija” ni, dohoria mehne Cos wama tiri n̄cop̄ poto waha, pah̄ s̄i s̄. Pa dachop̄ Roda wama tiri n̄cop̄ pah̄ s̄, ȳhd̄a, Pátara wama tiri macap̄ s̄i s̄. 2 Pátarai jina, Feniciap̄ wahahtiare, dohoriare bocai s̄. ã jina tia mehne wahi s̄. 3 ã wahana Chipre wama tiri n̄core poto ñ̄ ȳhd̄ai s̄. C̄õ b̄h̄usehe sehe jire tí n̄co. Tí n̄core ȳhd̄a, Siria

wama tiri yahpapu sui sã. Æ jina dohoria macaa pachere dohoria macariro Tiro wama tiri macai to dure mochũ, tói pah-sasinii. ⁴ Tói Jesu yainare ñũna, siete dachori waro tjuasinii sã tí macai. Æ jia tó macaina Jesu yainare Espíritu Santo to yahuriro seheta tina Paulore Jerusalẽpu waha dutieramare. ⁵ Ti ã nipachũta tí macare siete dachori sã jiri baharo, wahai sã. Sã wahahto panocã jipihtina Jesu yaina, ti namosãnumia mehne, ti pohna mehne, tí maca dũhtũ cahai sãre ñũ tjuaa wahare. Æ jina jipihtina sã padũroi su, na tuhcuca caha su Cohamacũre sinii. ⁶ Sã ã siniri baharo, “Wahana nija” ni, tinare cjã suhsu batoa, wahai sã. Sã wahachũ ñũ nuũũ ti, tina sehe majare majaa wahare ti ya wũhũsepũ.

⁷ Tiro wama tiri macai jiina wahana Tolemaidapu wahã sui sã. Tóihã pjiri mare waha batoai sã. Tí macai su, Jesu yainare “Coyea, ¿jimajari?” ni, cũ dacho sã tina mehne jisinii. ⁸ Æ yoa pa dachoi tjoa Cesarea wama tiri macapu sui sã. Tópu su, noaa buheare yahuriro Felipe wama tiri ya wũhũpu sui. Æ jina tiro mehne tjuai sã. Felipe Jesu yaina ti siete beseina mehne macariro jire. ⁹ Tuhsũ, tiro pititiaro numia puũũro jire. Tí numia sehe Cohamacũ yare yahua numia jire. Nuhmia jire. ¹⁰ Tópu sã mahaa dachoricã sã jiri baharo, Agabo wama tiri Cohamacũ yare yahu turiariro Judeapu jiri sãre ñũno wihire. ¹¹ Æ wihiro tiro Paulo ya dare tuã dihori dare na, to basi to dahporire, to wamomacarine dũhte cayõ sehe ni yahure:

—Õ sehe nire Espíritu Santo: “Ahri dare cjuariro Jerusalẽpu to sũchũ, judio masa ãta dũhteahca tirore. Dũhte tuhsũ, judio masa jierainare waahca tina tirore”, nire Espíritu Santo —ni yahure Agabo.

¹² To ã nichũ tũhona, sã Cesarea macaina mehne Paulore tuaro cahĩ sã. Tirore Jerusalẽpu waha dutieramai. ¹³ Sã ã nichũ Paulo sehe õ sehe ni yũhtire:

—¿Dohse ni tiina nijari mũsa? Yũhũ sehere cahyachũ yoaca mũsa. Tina yũhũre peresu ti yoachũ noanohca. Yũhũ Jerusalẽpu Jesu mari puhtoro yare yũ yoari

buhiri yũ yariachũ noanohca —nire Paulo sãre.

¹⁴ “Wahaeraja”, to nichũ tũho duana nimai sã. To “Wahaihtja” to nichũ, ã tũhotunocahi sã. Õ sehe nii:

—Mari puhtoro to cahmano seheta yojaro —nii sã.

¹⁵ Tíre sũhũdu batoa, sã yare cahno, waha wahai sã Jerusalẽpu wahana. ¹⁶ Tópu sã wahachũ mahainacã Cesarea macaina Jesu yaina sehe sã mehne wahare. Æ yoa tina mehne macariro Chipre macariro Mnasõ wama tiri ya wũhũpu sui sã. Tiro yoari pja Jesu buheriro jire. Æ jiro to ya wũhũ sã carĩhti wũhũ jire. Tí wũhũ sã carĩni baharo, Jerusalẽpu sui sã.

Paulo Santiagore ñũno wahaha

¹⁷ Jerusalẽpu sã sũchũ, tó macaina Jesu yaina sehe “¿Wihimajari?” ni, wahchea mehne piti bocare sãre. ¹⁸ Pa nuũũ Paulo sã mehne Santiagore ñũno sũre. Sã tópu sũchũ tói jipihtina Jesu yaina puhtoa jire. ¹⁹ Tói ti jichũ ñũno Paulo tinare to wamomaca ñahari baharo judio masa jierainare to buherire yahu pahũore Jesu yainare. Cohamacũ to yoadohoa mehne to yoarire yahu pahũore. ²⁰ To ã ni yahuchũ tũhoa, “Cohamacũ noariro, tuariro jira”, ni ñõ payore tina sehe. Æ ni tuhsũ tina Paulore õ sehe ni yahure:

—Coyeiro, mipũre payũ judio masa Jesure wacũ tuaina jira. Tíre masina mũhũ. Æ jia tina õ sehe ni tũhotura: “Cohamacũ to dutiare, Moise cjiropũ marine to cũrire marine yoa pahũono cahmana”, nia nina. ²¹ Õ sehe ni namona tina. “Pa sehẽpu jĩnare judio masa jieraina watoĩ jĩnare judio masare Cohamacũ Moise cjirore to cũri cjiire cohã dutiha Paulo”, nimare õ macaina judio masa mũhũre. “Paulo judio masa pohmare mahari cahsarocãre yihso na dutierara”, nimare mũhũre tina. “Judio masa ti yoaa tiare Paulo duhu dutira”, ni ahri cũhũre ni yahuwajara mũhũre. ²² Æ jia mũ õre wihichũ tũhoa tina cahmachuahca mũhũre tuhtia taa. Æ jicũ õ sehe yoaro cahmana mũhũre. ²³ Mũhũre sã dutiro seheta yoaga. Mipũre õre pititiaro mũ Cohamacũre wacũina “Õ sehe yoanahtja”, niina jira. ²⁴ Tina mehne wahaga. Æ

jia Cohamacu Moise cjirore to dutiriro seheta ti basi Cohamacu yare yoaa taa ti dutiare yuhdurucaare cosaa nina. Muhu cuhu ata yoaga. A yoacu ti a yoahti wapare wapaga muhu sehe. Mu a wapari baharo ti pjoarire waha duti masina tina. Mu a yoachu nha masa mure ti nia mahñori jichu masiahca jipihtina. Cohamacu Moise cjirore to cūri dutiare yoariro mu jichu masiahca tina. ²⁵ Wiho mejeta judio masa jieraina Jesu yaina sehere sã joari pūre waroca tuhsu. Ō sehe ni, joai sã. “Cohamacu jira”, ti nia masurine ño payo ti duhu payoa chure, dire, wamu ti nha wajainare wahiquinare chena tjiga musa. A jina numia mehne ñano yoaena tjiga. Numia cuhu mu mehne ñano yoaena tjiga”, ni yahu joahi sã joari pūre —nire tina Paulore.

Cohamacu wuhuru judio masa Paulore ñahaha

²⁶ Ti a ni durucuri baharo pa dacho Paulo sehe pititiro mu mehne ti basi Cohamacu yare yoaa taa ti dutiare yuhdurucaare cosaa taa, Cohamacu wuhuru sãa wahaha. Ti wuhuru sãa saro, tinare yahuha Paulo: “Ōpe dachori dhsara musa cosahto”, ni yahuha tiro pititirore. A jia ti cosa batoari dachoi tina caina Cohacure wahiquinare ti wahti dacho jire.

²⁷ A yoa ti cosa pahñoboriro mahanocã dhsachu waro Cohamacu wuhuru Paulo to jichu Asia yahpa macaina judio masa sehe nha tirore. A nha Paulore quti dojomehne, ti wuhuru jiina jipihtinare tiro mehne suachu yoaha tina. A suaa judio masa Paulore nha, ²⁸ ō sehe ni sañurucuha:

—Musa sã coyera Israe masa sare yoadhona taga. Ahriro jira marine dojomehneriro. Ahriro Cohamacu Moise cjirore to cūri dutiare ahri wuhu chure “Wiho jia jira”, ni buhe sito tara jipihtinare. A yoa tiro Cohamacu wuhurure judio masa jieraina chure na sare. A yoaro ahri wure nha marieni wure tiro dojomehnere —ni sañurucuha judio masa Asia yahpa macaina tó macainare.

²⁹ Tó pano Jerusalēi Paulo Trófimo wama tirore mehne to jichu judio masa nha tiha. Trófimo sehe Efeso macariro judio masano jierariro jire. To a jichu masia ō sehe ni tūhotuha tina: “Paulo Trófire Cohamacu wure na sãano nica”, ni tūhotumaha judio masa.

³⁰ Masare a ni yahu ti sañurucuri baharo tí maca macaina payu tuaro suaha. Payu muroca ta, Cohamacu wuhuri jirirore Paulore nha waja wijaa wahaha. A wijaa tuhsu, tí wuhu sopacarire bihaha tina.

³¹ A yoaa tina tirore wajãa taa nimaha. Ti a yoachu nha paina sehe “Jipihtina Jerusalē macaina sua, sañurucua nire”, ni yahu wahaha surara pūtorore. ³² Ti a nichu tūhoro surara pūtoro sehe to surarare, ti dutiina chure cahmachuroca, tina mehne Paulore wajã duaina cahapu muroca wahcã, suha. Surara ti sachu nha Paulore cjãmaina cjã duhunocaha. ³³ A jiro surara pūtoro Paulo cahapu su, tirore nha, pu da comaa dari mehne tirore dūhte dutiha. Ti dūhte tuhsachu nha, surara pūtoro Paulore cjãmainare sinitu nha:

—¿Diro baro jijari ahriro? ¿Yaba buhiri tirore a yoari musa? —ni sinitu nha tiro tinare.

³⁴ To a sinituchu tūhoa masa sehe “Ō sehe yoare tiro” ni, paina cuhu soro ni sañurucu, yahuha surara pūtorore. A ni ti sañurucuchu surara pūtoro noano tūhoeraha. A jiro tiro surara ya wuhuru Paulore naa dutiha. ³⁵ Tí wuhuru su, Paulo mujari escadai to mujano cahachu masa sehe tirore cjã duaa nimaha. Ti a yoachu surara sehe tirore na wua, na mujaa wahaha. ³⁶ Masa tinare payu nnu ti, sañu nnu tihaa:

—Tirore wajānocahga —ni sañurucuha tina Paulore.

Paulo “Ne masare ñano yoeraja yuh”, ni yahuha

³⁷ A yoa Paulore tí wuhuru ti peresu yoahito pano, Paulo sehe surara pūtorore ō sehe ni siniha:

—Yuhu mhu mehne sūdu duaja —ni siniha Paulo.

—¿Muhu griego masa yare durucujari? ³⁸ ¿Sohō jiriro, Egipto macariro jierajari

mähü? Tiro masare ti pũtoare cohã du-tiro, cuatro mil pũtoare cohã duaina se-herere masa marienopü naari jire. ¿Tiro jierajari mähü? —niha surara pũtoro Paulore.

³⁹ To ã nichü tũhoro Paulo õ sehe ni yũhtiha:

—Tiro jieraja yũhü. Judio masũno jija. Tarsoi Cilicia yahpai jiri macai masa bajuai yũhü. Wiho jiri maca macariro jieraja yũhü. Yũhü ahrina masa mehne durucu duaja yũhü —niha Paulo tirore.

⁴⁰ To ã nichü tũhoro surara pũtoro sehe tirore durucu dutiha masa mehne. ã jiro Paulo mũjari escadai ducuro to wamomacari mehne “Dihta mariaha”, niha masare. To ã yoachü ñüa, dihta mariea pihtia wahaha. Ti dihta marieachü ñü, Paulo judio masa ya mehne yahuha tinare.

22

¹ —Yü coyea, yü yoarire yahuihtja müsare. Yü yahuchü tũhoga müsä —niha Paulo.

² To ã nichü Paulo judio masa ya mehne to durucuchü tũhoa masa sehe dihta marieina tjuaha. ã jiro Paulo tinare õ sehe ni yahuha:

³ —Yũhü judio masũnota jija. Tarso wama tiri macai, Cilicia yahpai jiri macai masa bajuai yũhü. Wiho mejeta ahri maca Jerusalẽihta bücüai yũhü. Tuhsü, yũhüre Gamalie wama tiriro buhea tire. ã jicü yũhü mari ñüchusüma cjiri dutiare noano buhei. Mipüre Cohamacüre müsä yoaro seheta yũhü cãhü ño payoa timai. ⁴ ã jicü Jesu yainare ñano yoaa ticüü yũhü. Cãina tinare wajãa ticüü yũhü. Müare, numia cãhüre ñaha, peresu yoaa tii yũhü. ⁵ Sacerdotea bui pũtoro, judio masa bücüna mehne yü tuahti pũri cjihtire Jesu yainare ñaha dutia pũrine yũhüre joabasare. Mari coyeare Damasco macainare tí pũrine ñoi tai nimai Jesu yainare ñahai tai. Tinare ñaha, na ta peresu yoai tai nimai. Jerusalẽrü tinare na ta duamai buhiri dahrei tai. Ó sehe yü nichü sacerdotea bui pũtoro, judio masa bücüna cãhü noano masina —ni yahuha Paulo.

Paulo Jesu yairo to waha dũcarire yahuha

(Hch 9.1-19; 26.12-18)

⁶ ã ni tuhsü õ sehe ni yahu namoha:

—ã yoa cohari pja jichü, Damascopü yü süi cahachü waro müanopü wacũenoca si siteroca boroa tire yũhüre. ⁷ To ã si siteroca borochuta yũhü yahpapü bora caha süai yũhü. Yü bora caha süri baharo durucuro coa tare yũhüre. “Saulo, Saulo ¿dohseacü yũhüre ñano yoajari?” ni durucuro coa tare yũhüre. ⁸ “Pũtoro, ¿diro baro jijari mähü?” ni sinitui yũhü. “Yũhü Jesu Nazare macariro, mü ñano yoariro jija yũhü”, ni yũhtire yũhüre tiro. ⁹ Yü ã wahachü yũhü mehne macaina buhriarore ñüre. Wiho mejeta yũhü mehne to durucuchü tũhoerare tina. ¹⁰ “Pũtoro, ¿dohse yoaihcarü yũhü?” ni sinitui Jesure. “Wahcãrücaga. Damascopü wahaga. Tói mü wahachü, mähüre jipihtia yü yoa dutihtire paio yahurohca mähüre”, nire tiro yũhüre. ¹¹ Tuaro to minoa siterocachü, yü capari wapoa wahare yũhüre. ã jia, yũhü mehne macaina yü wamomacare ñaha, Damascopü tũã wahcãre yũhüre.

¹² Tói Anania wama tiriro, Cohamacüre ño payoriro, marine Cohamacü dutiare yoa pahñoriro jire. Tó macaina judio masa jipihtina ti ño payoriro jire. ¹³ ã jiro tiro yü cahai wihi tarüca yũhüre yahure. “Coyeiro Saulo, ñüga pari turi tjoa”, nire tiro. To ã niri baharo pari turi ñüi yũhü. ã ñü dũcacü tirore ñüi yũhü. ¹⁴ Yü ã ñüchü tiro Anania yũhüre yahure: “Cohamacü to cahmaare noano masihtirore panopü bese tuhsüyuhti mähüre. ã jiro ‘Yü macü noarirore ñü, tũhorohca’, ni yahuyuhti mähüre Cohamacü panopü. Tiro jira mari ñüchusüma müna ti ño payoriro. ¹⁵ ã jicü mähü mü ñürire, mü tũhorire yahuihca mähü jipihtinare. ¹⁶ ã jina mipüre yoari pja jiena tjijihna. Wahcãrücaga. ã jicü bautisariro jiga. Jesure mü sinichü mü ñaare yoari buhirire cohãnohca”, nire yũhüre tiro —niha Paulo.

Paulo judio masa jierainare to buherire yahuha

17 Ñ ni tuhsu Paulo õ sehe ni yahu namoha:

—Ñ yoa tuhsu yuhu Jerusalēpu tjua ta, Cohamacu wuhupu Cohamacure sinii sui.

18 Yu tói jichu Jesu yuhure bajua tire. Ñ bajuaro yuhure yahure. “Jerusalē macaina yu yare mu yahuchu tūho duaerara. Ñ jicu cjero pa seheru wahaga”, nire Jesu yuhure.

19 To ñ nichu tūhocu yahui tirore: “Pūhtoro, mu yainare judio masa buhea wuhusei jinare yu ñaha, cjāri cjirire masina Jerusalē macaina. 20 Ñ jicu mūhure yahurirore Estebā sehere ti wajāchu ñucu ‘Noano yoa wajāna’, nimai. Tirore ti wajāchu ti suhtire cjūabasai yuhu. Tí cūhure masina ahri maca macaina. Ñ jia yu yahuchu tūhoboca yuhure”, ni yahui yuhu Jesure. 21 Yu ñ nichu tūhoro Jesu yuhure õ sehe ni yahure: “Yoaropu judio masa jierainare buhehtirore warocaihtja mūhure. Ñ jicu wahaga mūhu”, nire yuhure yu pūhtoro —niha Paulo masare.

Surara pūhtoro Paulo mehne durucuha

22 To yahu mūhtari dihtare noano tūhomaha masa. Wiho mejeta judio masa jieraina cahai Jesu Paulore to warocahure to yahuchu tūhoa tina sañurucu dūcaha tjoa:

—Ahriro mipu pinihtare yariawahno-jaro —ni sañurucuha tina.

23 Ñ jia tina sañurucu namo, sua mehne ti suhtire wahba siteruca, dihta mehne docaha. 24 Surara pūhtoro surara ya wuhupu Paulore na sãa dutiha to surarare. Ñ jiro surara pūhtoro “¿Dohse yoa Paulo mehne sua ñaca sañurucua nijari masa?” ni sinitu duamaha. Paulore tūre sinituro taro, yuta dari mehne tjana dutimaha tirore. 25 Wiho mejeta tirore ti dūhteri baharo, tiro cahai jirirore surara pūhtoro õ sehe ni yahuha Paulo:

—Yuhu Roma macariro jija. Ñ jina “Ñano yoariro jira ahriro”, yuhure ni yahusã masierara masa. Ñ yahusã masierana yuta dari mehne yuhure tjana masierara masa —niha Paulo tirore.

26 To ñ nichu tūhoro surara pūhtoro, to bui pūhtoro õ sehe ni yahuro wahaha:

—Ahriro Roma macariro jira. Ñ jicu noano yoaga tirore —ni yahuha tiro to pūhtoro.

27 To ñ niri baharo surara bui pūhtoro sehe Paulore sinituro wahaha:

—¿Potocāta mūhu Roma macariro jijari? Yahuga yuhure tūre —niha tiro.

—Tiro tjija yuhu —ni yūhtiha Paulo.

28 To ñ nichu tūhoro surara bui pūhtoro sehe tirore õ sehe ni yahuha:

—Yuhu Roma macariro ji duacu niñeru pjūro wapai —niha tiro.

—Yuhu Roma yahpa macari macapu masa bajuai. Ñ jicu Roma macariro jija —niha Paulo.

29 To ñ nichu tūhoa tirore tjanaborina wahaa wahaha.

Ñ jiro Paulo Roma macariro to jiriro jichu masino, tirore comaa dari mehne ti dūhteri cjirire wacūno, cui niha surara pūhtoro sehe.

Paulo judio masa pūhtoro yahuha

30 Ñ yoa surara pūhtoro judio masa Paulore ti yahusārire noano masi duaha. Ñ masi duaro pa dachopu comaa darire tirore to pjā dutiri baharo, sacerdotea pūhtore, judio masa bucusna mehne cahmachu dutiha surara pūhtoro. To ñ cahmachu dutiri baharo tiro tōpu Paulore na wahcā, ti pano duhu dapoha tirore.

23

1 Ñ jiro Paulo judio masa bucusnare ñu piti boca, õ sehe ni yahuha:

—Coyea, Cohamacu to ñurocaroi jipihtia dachoripe noano yoarucuja yuhu —niha Paulo.

2 To ñ nichu tūhoro jipihtina sacerdotea bui pūhtoro jiriro Anania sehe Paulo dūserore cjā dutiha. 3 To cahai ducuinare cjā dutiha. Tirore ti cjāri baharo Paulo Ananiare tuhtiha:

—Masa ti ñurocaro dihtare noano yoariro jira mūhu. Masa ti baharo būhusehei ñano yoa cohtariro jira mūhu. “Cohamacu dutiare yūhdurūcai nina”, yuhure nipaihta yuhure cjā dutira mūhu. Ñ cjā duticu mūhu sehe dutiare yūhdurūcai nica —niha Paulo tirore.

4 To ñ nichu tūhoa Paulo cahai ducuína õ sehe niha tirore:

—Cohamacu to beseriro sacerdotea bui pũtorore ñano durucui tjiga mũhu —niha tina Paulore.

⁵ Ti ã nichu tũhoro Paulo õ sehe ni namoha tjoa:

—Coyea, tiro to sacerdotea bui pũtoro to jiare masierahi yũhu. ã jii ã ni-macanocati yũhu. Cohamacu yare ti joari cjiri õ sehe ni yahura tirore: “Mũ ya maca macaina pũtorore ñano ni, durucui tjiga”, ni joaa tiha —niha Paulo tinare pjãno.

⁶ ã yoa tói pũa curua macaina jiha. Cũ curua saduceo curua macaina jiha. Pa curua sehe fariseo curua macaina jiha. Pũa curua ti jichu masino, Paulo judio masa bucuñare tuaro sañurucu õ sehe ni yahuha:

—Coyea, yũhu fariseo curua macariro jija. Fariseo curua macariro macano tjija yũhu cũhu. “Yariaina masa mũjaahca”, yũ ã niri buhiri yũhure ñano yoa duara mũsa —niha Paulo.

⁷ To ã nichu tũhoa fariseo curua macaina, saduceo curua macaina ti basi cahma tuhtiha. ã jia ti basi pũa curua tju waha.

⁸ Saduceo curua macaina õ sehe niina jiha: “Yariaina masa mũjasi. Espiritua, anjoa cũhu ne mariahna”, niina jiha. Wiho mejeta fariseo curua macaina sehe tina yoaro sehe nieraha. ã jia Paulo “Yariaina masa mũjaahca” to nichu tina ti basi cahma tuhtiha. ⁹ ã cahma tuhtia, tuaro sañurucuha. ã yoa fariseo curua mehne macaina judio masa buheina wahcãruca, tuhti, õ sehe ni yahuha:

—Ahriri Paulo ñano yoaerare. ã jiro espíritu o anjo, potocã tiro mehne durucuro jiboca. [ã jina ahriroro buhiri dahrena, Cohamacure ñu tuhtiina jiboca mari. ã yoaina jiena tjiga mũsa] —niha tina.

¹⁰ Ti ã niri baharo, tina jipihtina cahma tuhti, tuaro suaha. “Ti basi cahma sua sayo, tirore wajãboca”, ni cuisãaha surara pũtoro sehe. ã jiro Paulore, masa watoi ducuriroro na wio, to ya wũhũpũ na ta dutiro warocaha to surarare.

¹¹ Pa ñamihĩ pũtoro Jesu Paulo cahai ducuro, õ sehe ni yahuha tirore:

—Wacũ tuaga. Mipũre õre Jerusalẽi yũ ya buheare yahure mũhu. Tó seheta

Romapũ cũhure yahui wahaihca mũhu —niha pũtoro Jesu Paulore.

Judio masa Paulore wajã duamaha

¹²⁻¹³ Pa dacho bohrearoi judio masa cahmachu, ti basi õ sehe ni cahma durucuha:

—Õ sehe yoajihna. Paulore wajãjihna. Cohamacure õ sehe ni yahu cũjihna. Ne mari sihnisi. Ne chũsi, pũ tirore mari wajãri baharopũ. Tirore mari wajãerachũ, mari sehere Cohamacu buhiri dahrejaro —niha tina ti basi.

Tina cuarenta bui curero judio masa jiha. ¹⁴ Ti ã niri baharo tina sacerdotea pũtoare, bucuña cũhure yahua wahaha:

—Paulore sã wajãhto pano chũare sã chũeraja. “Tirore sã wajãerachũ Cohamacu sã sehere buhiri dahrejaro”, nihi sã.

¹⁵ ã jina mũsa, bucuña mehne õ sehe ni pjirocaga. “Paulore pari turi sinitu duaja”, niga surara bui pũtorore. Mũsa ã niri baharo surara bui pũtorore na ta dutiga Paulore. Wiho mejeta Paulo to õre to wihiro cahachu waro tirore wajãnahca sã —niha tina sacerdotea pũtoare.

¹⁶ Wiho mejeta Paulo pjacamacũno ti ã ni durucuchũ tũhoha. Ti ã nichu tũhoro waha, surara ya wũhũpũ Paulore yahuro sãaha. ¹⁷ To ã yahuri baharo Paulo sehe cãiro surarare pjiroca, õ sehe ni yahuha tirore:

—Ahriri wahmũnore pũtoro cahapũ naahga. Ahriri mũ pũtorore yahu duaro nina —niha Paulo.

¹⁸ To ã nichu tũhoro surara sehe Paulo pjacamacũno to pũtoro cahapũ na sũ, õ sehe ni yahuha:

—Peresupũ jiro Paulo sehe yũhure pjiroca, ahriri wahmũnore mũ cahapũ naa dutihre. Ahriri mũhure yahuro taro nihre —niha surara to pũtorore.

¹⁹ To ã nichu tũhoro pũtoro sehe wahmũno to wamomacare ñaha tũã wahcã, masa marienopũ tirore sinitu ñaha:

—¿Dohse nii tai niri mũhu yũhure? —niha tiro Paulo pjacamacũno.

²⁰ To ã sinituchũ tũhoro õ sehe ni yahuha:

—Judio masa cãno potori, “Õ sehe yoajihna” ni, ñamichacapũ judio masa bucuña cahapũ mũhure Paulore naa dutiahca. “Bucuña Paulore pari turi sinitu duara”, ni mahñoahca. ²¹ Wiho mejeta cuarenta

bui curero m̄ua tirore wajã duaina b̄uc̄ua caha duara. Tina tirore ti wajãhto pano ch̄uare ch̄usi. ã yoa sihnisi. “Tirore mari wajãerach̄u, Cohamac̄u mari sehere buhiri dahrejaro”, nire tina ti basi. ã jia mip̄u m̄uh̄ure Paulore na ta dutia tina sehe duhti cohta tuhs̄uh̄re, Paulore wajãa taa. ã jic̄u ti yahua wihich̄u tinare yãhtii tjiga m̄uh̄u —ni yahuha wahm̄uno surara p̄uhtorore.

²² To ã nich̄u t̄uhoro surara p̄uhtoro ò sehe niha:

—Ȳuh̄ure m̄u yahurire painare yahui tjiga —ni yahuha wahm̄unore.

ã ni tuhs̄u wahm̄unore “Wahaga”, niha tiro.

Paulore p̄uhtoro Feli wama tiri cahap̄u warocaha

²³ ã ni tuhs̄u, surara p̄uhtoro p̄uaro to surarare p̄ji wahcã, tinare ò sehe ni dutiha:

—Dos cientos surarare, setenta cawaloa bui pisainare, dos cientos doca yuc̄u c̄uaina mehne ti yare cahno dutina wahaga. Micha ñami nueve jich̄u Cesareap̄u wahanahca m̄usa. ²⁴ Paulore cawaloare to pisahtinare cahnobasaga. Cesareap̄u p̄uhtoro Feli cahap̄u, noano ñu n̄un̄u sogã tirore —niha surara p̄uhtoro.

²⁵ ã ni tuhs̄u papera joaro, ò sehe ni joaha tiro:

²⁶ “Ȳuh̄u Claudio Lisia m̄uh̄ure tuariro p̄uhtoro Felire noa dutija. ²⁷ Judio masa ahriro Paulore ñaha, wajãmare. ã jic̄u tiro Roma macariro to jich̄u masic̄u, ȳu surara mehne tirore yoadohoi s̄uhi. ²⁸ ã jic̄u tirore ti yahusãrire masi duac̄u judio masa b̄uc̄una cahai nahi tirore. ²⁹ ã jic̄u tiro judio masa ya dutia dihtare to ȳuh̄d̄ur̄ucach̄u mari ya dutiare to ȳuh̄d̄ur̄ucaerach̄u ñuc̄u, tirore peresup̄u c̄u duaerahi. Yaba buhiri yariaro mariaha tirore. ³⁰ ã jiro judio masa tirore wajã dua, ti b̄uc̄ua cahach̄u t̄uhoro paio yahure ȳuh̄ure. To ã yahuri baharo Paulore mip̄ure m̄u cahap̄u warocai nija. ã jic̄u tirore yahusãrinare to ñaa yoarire m̄uh̄ure yahu duti tuhs̄uhi ȳuh̄u”, ni joaha surara p̄uhtoro.

³¹ ã yoa surara ti p̄uhtoro to dutiriro sehetã yoaha. Tí ñamine Antipatri wama tiri macap̄u Paulore na s̄uha. ³² Pa dachoi paina surara cawaloa bui pisaeraina

tí macai tjua taha ti ya macap̄u. Paina surara cawaloa bui pisaina dihta tirore na ȳuh̄d̄u wahcãha. ³³ P̄u Cesareap̄u na s̄uha Paulore. ã jia surara p̄uhtoro to warocari p̄ure p̄uhtoro Felire waha. ã jia Paulore na s̄uha p̄uhtoro cahap̄u. ³⁴ Ti ã wari baharo p̄uhtoro tí p̄ure to ñari baharo tiro painare sinitu ñaha:

—¿Di yahpa macariro jijari ahriro Paulo? —ni sinitu ñaha tiro.

—Cilicia yahpa macariro jira —ni yahuha tirore.

³⁵ Tinare sinitu tuhs̄u, Feli Paulore ò sehe ni yahuha:

—M̄uh̄ure yahusãrina òre ti wihich̄u m̄u yahuch̄u t̄uhoihtja —niha Feli Paulore.

To ã niri baharo Herode ya w̄uh̄ur̄u tirore c̄uha. ã jiro to m̄uare tirore cohta dutiha p̄uhtoro.

24

Paulo “Ñano yoaerahi ȳuh̄u”, ni yahuha Felire

¹ Cinco dachori baharo, Anania sacerdotea bui p̄uhtoro, paina judio masa b̄uc̄una, dutiare mihniro Tértulo wama tiri mehne Cesareap̄u s̄uha. ã jia tina Paulore yahusã dua, p̄uhtoro Feli cahap̄u s̄uha. ² ã jiro Paulore tópure ti na s̄uri baharo Tértulo tirore yahusã d̄uc̄aha. ã yahusã d̄uc̄aro ò sehe ni yahusãha Felire:

—M̄uh̄u noano masiriro, sã p̄uhtoro m̄u noano dutich̄u sã ahri yahpa macaina noano jinocaja sã cahmacheño marieno. M̄u dutia mehne nõaa sehere cohtotaro nina ahri yahpa. ³ ã jina sã noano jinocahna wahcheja. ã jina m̄uh̄u mehne noano wahcheja. ⁴ Mip̄ure mahanocã m̄uh̄ure cariboihtja ȳuh̄u. Mahanocã m̄uh̄u mehne s̄uh̄udu duaja. Sãre t̄uhorocasinia m̄uh̄u.

⁵ Ahriro sãre caribobiara. Jipihtia yahpari macainare judio masare ti sua sañurucuch̄u yoara ahriro. ã jiro masa ti basi cahma tuhtich̄u yoara ahriro. ã jiro nazareno wama tiri curua p̄uhtoro jira. ⁶ ã jina Cohamac̄u w̄uh̄ure ñano to yoa duach̄u ñana sã ñahahi ahrirore. [Sã ñahari baharo sã ya dutiare to ȳuh̄d̄ur̄ucariro jich̄u tirore buhiri dahre duamahi sã. ⁷ Wiho mejeta surara p̄uhtoro Lisia wama tiri tirore

sãre tuaro mehne manocahre. ⁸ Baharo tirore yahusãrinare m̄ cahap̄ waha dutihre Lisia. To ã nich̄ t̄hona tahi sã.] M̄h̄ pinihta ahrirore sinituc̄, jipihtiare to ya buhirire masic̄hca m̄h̄ —niha Tértulo Felire.

⁹ To ã niri baharo paina judio masa “Tértulo to niriro seheta potocã tjira”, niha tina c̄h̄. ¹⁰ Ti ã ni yahusãri baharo p̄htoro Feli Paulore yahu dutiha. Õ sehe ni yahuha Paulo:

—Paȳ c̄hm̄ari ahri yahpa macainare m̄ dutirire masija ȳh̄. ã jic̄ ȳ yoarire m̄h̄re yahuc̄ wahcheja. ¹¹ Doce dachorita wahara Jerusalẽp̄ Cohamac̄re ȳ ño payori baharo. M̄h̄ ahri potocã ti jich̄ masi duac̄ painare sinitu ñ̄ga. ¹² Judio masa ȳh̄re Cohamac̄ w̄h̄p̄re boca ti ñahach̄ masare ñano ni sañurucui nierahi. ã yoa masare sua sañurucuch̄ yoai nierahi. ã yoac̄ judio masa buhea w̄h̄sere, ti ya maca c̄h̄re ne ti nino sehe ñano yoaerahi. ¹³ ã jia ȳh̄re yahusãrina sehe ti yahusãri cjirire “Õ sehe yoare ahriro”, ni yahu masierara m̄h̄re. ¹⁴ Mip̄ ȳ yoarire yahuihtja m̄h̄re. Dóih̄ta sã ñ̄ch̄s̄ma ti ño payorirore Cohamac̄re ño payoja ȳh̄ c̄h̄. ã jic̄ to yare yoaja Jesu ya noaa buhea ti nino seheta. Ahrina “Jesu ya mahñopea jira”, ni durucura ahrina judio masa. Wiho mejeta Cohamac̄ dutia, Moise cjirop̄re to c̄ri cjirire tí c̄h̄re ño payoja ȳh̄. Cohamac̄ yare yahu mahtaina cjiri ti joari c̄h̄re ño payoja ȳh̄. ¹⁵ Ahrina paina judio masa ti t̄hoturo seheta Cohamac̄ jipihtina masare yariainare noaina, ñaina mehne ti masa m̄jach̄ yoaohca. Ȳh̄ c̄h̄ ãta ni t̄hotuja. ¹⁶ ã jic̄ buhiri mariaja ȳh̄. Cohamac̄ ȳh̄re tíre masina. ã yoa masa c̄h̄ tíre masina. ã jii potocãta yahuja ȳh̄ m̄h̄re. ã jic̄ noano t̄hotunocaja.

¹⁷⁻¹⁸ ‘Paye c̄h̄marine pa sehẽp̄ tiniriro jic̄ Jerusalẽne tju wihi, ȳ coyeare judio masa p̄ac̄oinare niñerure wai tai nihi. Tju wihi Cohamac̄re ño payoi tai to ya w̄h̄p̄ s̄mah̄i. ã jic̄ Cohamac̄ to cosa dutiriro seheta ȳ basi ȳ ȳhd̄r̄carire ȳ cosari

baharo wahiquirore wa duamahi tirore ño payoi tai. Tóp̄ ȳ jich̄ ahrirore judio masa ȳh̄re bocahre. Ti bocach̄ paina ȳh̄ mehne mariahare. Sua, sañurucuina mariahare. ¹⁹ Wiho mejeta paina judio masa Asia yahpa macaina tói jihre. Tina ȳ ñano yoach̄ ñ̄rina jia yahusãa tajaro. ²⁰ Ahrirore òp̄ jiina sehe judio masa b̄sc̄na mehne ȳ jich̄ ñ̄ina ȳ ñano yoaerire masia, tina c̄h̄ yahusãjaro. ²¹ Cãnocã pinihtare ȳh̄re tina yahusã masina: Pano tina mehne jic̄ ò sehe ni tuaro sañurucui ȳh̄: “ ‘Yariaina masa m̄jaahca’, ȳ niri buhiri, buhiri dahrera m̄sa”, nihi tinare —ni yahuha Paulo Felire.

²² To ã ni yahuri baharo Feli ò sehe ni yahuha Paulore:

—Mip̄ tó puro tjira. Surara p̄htoro Lisia to wihiri baharo m̄h̄re ȳ yoahtore masiic̄ ȳh̄ —niha Feli Paulore.

Feli sehe Jesu yaina ti yoaerire noano masi pahñoriro jiha.

²³ ã ni tuhs̄, Paulore cohtariro surarare Feli noano ñ̄ n̄n̄ dutiha “Peresup̄ jiriro duhtiri”, nino. Wiho mejeta mahanocã ware to tinihtore. Paulo mehne macainare tirore peresup̄ jirirore yoadoho dutiro ã dutiha Feli.

²⁴ Mahaa dachoricã baharo Feli to namono Drusila wama tiricoro mehne ta, Paulore p̄jia. Feli namono sehe judio masono jiha. Paulore ti p̄jiri baharo, Jesucristore to wac̄ tuaare Paulo sehe yahuha tinare. ²⁵ ã yahuro quihõno yoaare, ñaare yoa duaparota yoaeraare, p̄htiri dacho jich̄ Cohamac̄ masare to buhiri dahrehtore yahuha Paulo. To ã ni yahuch̄ t̄horo Feli cuiro, Paulore ò sehe ni yahuha:

—Mip̄re waharisa. Baharo ȳh̄re dahraa mariach̄ m̄h̄re p̄jihtja tjoa —niha Paulore.

²⁶ ã nino Paulo to niñeru wach̄ cahmamaha Feli. ã jiro tiro niñerure cahmano, paȳ tahari Paulore p̄jii, tiro mehne durucua timaha Feli. ²⁷ P̄h̄ c̄h̄mah̄ baharo Porcio Festo wama tiriro p̄htoro Felire cohtotariro jiha. Wiho mejeta Feli sehe judio masare tiro mehne wahchech̄ yoa duaha. ã jiro p̄htoro Feli to p̄htoro wijahto pano, tiro Paulore peresui ji dutisiniha.

25

Paulo Festore to yoaire yahuha

¹ Ñ yoa Festo tí yahparu tia dacho to jiri baharo, Cesarearu jiri waha, Jerusaleru saha. ² Tói to jichu sacerdotia puhto, judio masa puhto mehne Paulore ti yahusaire yahuha Festore. ³ Paulo to maharu wahachu tirore bucuna caha, wajã dua nimaha tina. Ñ jia tina Festore tuaro sinimaha:

—Paulore Jerusaleru warocaga —ni sinimaha tina Festore.

⁴ Ti ñ nichu tuhoro, Festo õ sehe ni yahuha tinare:

—Mipare Paulo Cesarearu peresu jira. Yuhu tóru wahi tai nija. ⁵ Paulo to ñano yoaire jichu, masu puhto Cesarearu yuhu mehne waha, tirore yahusãga —niha Festo.

⁶ Ñ jiro Festo ocho o diez dachori tina mehne to jiri baharo Cesarearu tjuua waha. Pa dachoi tiro buhiri tiare cahori wahu dujiro, Paulore na ta dutiha. ⁷ Ñ jia Paulo Festo caharu to wihichu, judio masa Jerusaleru tarina sehe Paulo cahai ducu, tirore tuaro mehne yahusã ducaha. Ñ yahusãpahta “Ahriri to ñano yochu ñhi”, ni yahu masieraha. ⁸ Ti ñ ni yahusãri baharo Paulo to yoaire yahuha:

—Judio masa ti dutiare, Cohamacu wuhu macaa dutiare, Roma puhtoro to dutiare yuhducacerahi —niha Paulo.

⁹ Festo sehe judio masare wahchechu yoa duaro, Paulore õ sehe ni sinituha:

—¿Jerusaleru waha duajari muhu? Mu yoaire yuhare tóru yahuhca muhu —niha Festo Paulore.

¹⁰ To ñ nichu tuhoro Paulo õ sehe ni yahuha:

—Jiphtina bui puhtoro César to ya wahu buhiri tiare cahori wahu jia mipare. Ahri wahu baroi yu yoaire tuhoga. Judio masare yu ñano yoaerare noano masina muhu. ¹¹ Dutiare yuhducariro yu jichu, yuhare wajachu noaboa. Wiho mejeta ahri ti yahusãri sehe mahña ti jichu yuhare yahusãrinare yuhare wiho waro wia masierara muhu. Yu yoaire jiphtina bui puhtoro César yahu duaja. Tiro sehe yu buhiri tiare to cahochu cahmaja —niha Paulo.

¹² To ñ nichu tuhoro Festo sehe noano masi yahinare sinitu tuhcu, õ sehe ni yahuha Paulore:

—Muhu jiphtina bui puhtoro mu yoaire mu yahu duachu, tiro caharu warocanajtja sã muhare —niha Festo Paulore.

Paulo puhtoro Agripa to yoaire yahuha

¹³ Baharoru puhtoro Agripa, Berenice wama tiricoro mehne Cesarearu Festore ñu saha.

—¿Ne, wihimari muhu cãhu? —niha tina Festore piti bocasinia.

¹⁴ Tói payu dachori ti jiri baharo Festo õ sehe ni yahuha Agripa Paulore:

—Õre Feli to peresu yoaire jira. ¹⁵ Ñ jia Jerusaleru yu wahachu judio masa ti sacerdotia puhto, ti bucuna mehne ahrirore yahusãhre. “To ya buhirare wajãga tirore”, ni sinihre tina yuhare. ¹⁶ Ti ñ nichu tuhocu yuhu tinare õ sehe ni yahuh: “Roma macaina sehe peresu ti yoaerare masare waerara. Ñ jicu tirore waeraja masare. Sã ñaharore tirore yahusãrinare to ñuhto pano tirore buhiri dahre masieraja sã. To basi to yoaire to yahuerasinichu tirore buhiri dahre masieraja sã”, nihi tinare. ¹⁷ Ñ jicu tina õre ti wihichu ñuc yoaire pja yoaerahi yuhu. Wiho mejeta pa dachoi buhiri tiare cahori wahu dujicu, ti yahusãrirore pjirocahi. ¹⁸ Ñ jia tí wahu to wihichu ñu tirore ñu tuhtina wahcãrucare. Ti ñ wahcãrucachu ñuc “Ñabiaro ni yahusãhca”, ni tuhutamahi yuhu tinare. Tirore yahusã duapahta yahusã masierare tina. ¹⁹ Wiho mejeta ahrirore Cohamacu yare to yahuri buhiri judio masa tirore tuhtihre. Jesu wama tiro yariro cjiro to masa mjarire to yahuri buhiri yahusãhre ahrirore. Ahri dihtare yahusãhre. ²⁰ Ahrirore masieracu tirore noano sinitu ñhi. “¿Jerusaleru waha duajari yuhu mehne? Tóru yahuga mu yoaire yuhare”, nimahi tirore. ²¹ Wiho mejeta tiro waha duaerare. “Yu yoaire jiphtina bui puhtoro César yahu duaja”, nire tiro yuhare. To ñ niri baharo õhta tirore cohta dutihi jiphtina bui puhtoro

cahai tirore yu warocahto pano —niha Festo Agripare.

²² —Yu basi tuho duaja tirore —niha Agripa Festore.

—Namichacapu tirore tuhoga mahu —ni yuhtiha Festo.

²³ Pa dachoi Agripa, Berenice mehne ti buhiri tiare cahnoru wuhuru su, “Puhtoa jija sa”, nia cua pisaro yoa noha tina, surara puhtoa, ti maca macaina puhtoa mehne. To sehe yoa sa tih ti wuhuru sa. Ti sa suri baharo Paulore pjirocaha Festo. ²⁴ A jiro Festo o sehe ni yahuha:

—Puhtoro Agripa, masa jipihtina ahri wuhure cahmachuina tuhoga. Ore ahriro payu judio masa ti yahusariro jira. Jerusaleru, Cesarepu cahuere tina tirore yahusahre. “Tirore wajaga”, a nirucua nina tina. ²⁵ Ti a nipachuta o sehe tuhotuja yuhu. Ahriro ne nano yoariro jierara. ¿Yaba buhiri wajabocari mari tirore? A jicu jipihtina bui puhtorore Cesar Augstore ahriro to yoarire to yahu duachu jipihtina bui puhtoro cahapu warocaihtja tirore. ²⁶⁻²⁷ A jicu ahriro to yoarire noano masierasinja yuhu. A masierasinicu mari puhtorore yahu joa masieraja. A jicu masare to yahuchu tuho dutii nija mipure. Puhtoro Agripa mipu pinihtare ahriro jira mu sinitu nuhti. Mu sinitu nu tuhsucu mari masiri baharo ahrirore ti yahusarire noano yahu joaihtja. Ahriro to nano yoarire yu masierapachuta mari puhtoro cahapu tirore yu warocachu noerara. A jicu mipure ti yahusarire noano masi duai nija —niha Festo tinare.

26

Paulo Agripare to yoarire yahuha

¹ To a niri baharo Agripa Paulore o sehe ni yahuha:

—Mu basita yahuga —niha tiro Paulore.

To a niri baharo Paulo sehe, “Dihta mari-ahga”, nino to wamomacarine wahcaruca, to yoarire yahuha:

² —Puhtoro Agripa, wuhure judio masa ti yahusarire, yu yoarire mahuere yahucu, mipure noano yajeripohna tija. ³ Muhu judio masa sa yoaa tiare, sa buhea cahuere

mu noano masichu pinine wahcheja yuhu. A jicu muhu wuhure noano tuhoga —ni dhacaha Paulo.

Paulo Jesu yairo to jipto pano to jia tirire yahuha

⁴ A ni tuhsuro o sehe ni namoha tiro:

—Wahmano yu jia tia cjirire jipihtina judio masa masina. Jipihtia dachoripe yu masa bajuari baharo yu ya dihtapure, Jerusaleru cahuere yu jiri cjirire masina tina. ⁵ Fariseo curua macaina paina yuhdoro sa dutiare yuhduraca dutieraina jira. Wahmanopure fariseo curua macariro jimai. A jicu fariseo curua macaina ti dutiare, ti yoaa barore yoa pahnoriro yu jichu tina masina. Tina mahuere yahu duaa, tice yahu masina tina. ⁶ Ahri buhirita wuhure yahusa mujana. Sa nuhcusuma cjirire “Yariainare masoihtja”, Cohamacu to ni curre “Potoca tjira”, yu niri buhiri ahriro wuhure yahusa mujana. ⁷ Yu coyea judio masa jipihtina doce curuari macaina Cohamacu masare to masohtore wahche cohtarucura. A yoaa Cohamacure no payorucura. A cohtarucuina jia sa yoaro sehetu yoara tina. Puhtoro Agripa, a cano potori yoaina sa jipachuta tina sehe to masohtore yu cohtari buhiri wuhure yahusa mujana judio masa. ⁸ ¿Dohse yoana Cohamacu to masorire sa yahuchu tuho duaerajari masa judio masa? —ni yahuha Paulo.

Paulo Jesu yainare to nano yoari cjirire yahuha

⁹ A ni tuhsu o sehe ni yahu namoha:

—Jesure Nazare macarirore nuerasinicu, naa dihtare yoaa duamai to yainare. ¹⁰ A jicu Jerusaleru a yoaa timai yuhu. Sacerdotea puhtoa wuhure ti dutiri baharo payu Jesu yainare peresu yoaa tii. A jicu puhtoa tinare ti waja dutichu, waja dutii yuhu cahu. ¹¹ Payu tahari jipihtia judio masa buhea wuhusei Jesu yainare nano yoaa dutia tii. A yoacu Jesu yaina Jesure ti cohachu yoaa duai nimai. Tina mehne tuaro suai yuhu. A jicu paina masa ya macaripu cahuere tinare nano yoai sa tih yuhu —ni yahuha Paulo.

Paulo Jesu yairo to waharire yahuha

¹² A ni tuhsu o sehe ni yahu namoha:

—Damascopu Jesu yainare ñano yoa duacu sumai. Tinare ñano yu yoa duachu ña sacerdotea puhto yuhure waha dutire. ¹³ Õ sehe jire puhtoro Agripa: Cohari pja jichu waroi mahai yu wahachu mmano macaa si sitea, sã dacho macariro yuhdoro, yuhure yuhu mehne wahaina cãhure si sitere. ¹⁴ Sã jipihtina yahrapu bora caha su, judio masa ya mehne yuhure to durucuchu tãhoi. “Saulo, Saulo, ¿dohseacu muhu yuhure ñano yojari? Muhu yuhu mehne suacu yuhure yuhtieracu, mu basi ñano yuhdura”, nire yuhure. ¹⁵ “Puhtoro, ¿diro baro jijari muhu?” ni sinitui. “Yuhu Jesu, mu ñano yojari jija. ¹⁶ Wahcãrucaga muhu. Muhure yu cahamacu cjihto yoi tai mipu bajuaja yuhu. Michare yuhure mu ñurire, baharo muhure yu ñohti cãhure painare yahuihca muhu. ¹⁷ Judio masare judio masa jieraina cãhure muhure buhe duticu, warocaihtja. Ti cahi mu jichu, muhure ti ñu tuhtichu muhure yoadohoihtja. ¹⁸ Yu yare tinare masichu yoaga muhu. Æ jicu nahitianopu tiniina yoaro sehe jinare ti ñaare duhuchu yoaga. Buhriaropu tiniina yoaro sehe noaa sehere cohtotachu yoaga tinare. Watĩnore cahmaerachu yoaga muhu. Æ yoacu Cohamacu ya sehere yuhtichu yoaga muhu tinare. Mu Æ yoachu tina yuhure wacũ tuaahca. Ti Æ wacũ tuachu ñacu ti ñaa yoari buhirire boihca. Æ jia tina Cohamacu to beserina mehne macaina jahca. To wahtire cãhtina jahca tina”, nire Jesu yuhure —ni yahuha Paulo.

Paulo to yoirire to dahraare yahuha

¹⁹ Æ ni tuhsu õ sehe ni yahu namoha:

—Puhtoro Agripa, mmano macaa yu tãhoare yuhdũcaerahĩ. ²⁰ Damascoi buhe mũhtai. Baharo Jerusalẽi buhei tjoa. Baharo Judea yahpai, judio masa jieraina cahapu cãhure masare “Ñaano yoeraja sã”, ni ti tãhotumari cjirire tãhotu cohtota duti, Cohamacu yare cahma dutii. “Noaare mũsa yoachu ña ‘Noaina jija sã’ ni, mũsa tãhotumari cjirire mũsa tãhotu cohtotarire paina masiahca” nicu, tinare noaare yoa duticu buhei. ²¹ Cohamacu ya wãhũ yu jichu yu Æ ni yahuri buhiri

judio masa yuhure ñaha, wajã duamare. ²² Wiho mejeta dachoripe Cohamacu to yoadohoro mehne Æ buherucuja. Æ jicu mipu mũsa jipihtina puhtoare wiho jina cãhure to yare yahui nija. Panopu macaina Cohamacu yare yahu mũhtaina cjiri, Moise cjiro mehne ti yahu mũhtariro sehetu yahuja yuhu cãhu. Õ sehe ni yahu mũhtaa tiha tina: ²³ “Cristo Cohamacu warocariro sehe ñano yuhdũrohca. Æ jiro yariaro masa mũja mũhtariro waharohca tiro. Æ jiro masare to yuhdohtore judio masare, judio masa jieraina cãhure masichu yorohca”, ni yahu mũhta joaa tiha panopu macaina cjiri. Yuhu cãhu ti yoaro sehetu yahuja —ni yahuha Paulo Agripare.

Paulo Agripare Jesu yairo cjihto yoa duamaha

²⁴ To Æ ni yahuri baharo Festo tirore turo sañurucu õ sehe ni durucuha:

—Paulo, muhu tãho masierariro jira. Muhu payu buhecu tãho masierariro wahara —ni sañurucuha tiro Paulore.

²⁵ To Æ nichu tãhoro Paulo õ sehe ni yuhtihca Festore:

—Puhtoro tãho masierariro jieraja yuhu. Yu yahua potocã tjira. Æ jicu yuhu ahrire cua pisaro mehne nija. ²⁶ Puhtoro Agripa sehe, ahri yu yahurire noano masina. Æ jicu yuhu tirore cuiro marieno yahuja. Ahri yahuare jipihtina masa masina. Æ jicu jipihtia ahrire yu nirire puhtoro Agripa to masichu masija yuhu —niha Paulo Festore.

Æ ni tuhsu õ sehe niha Agripare:

²⁷ —Puhtoro Agripa, Cohamacu yare yahu mũhtaina cjiri ti yahuri cjirire tãhoro muhu. Ti yahuare mu tãhochu masija yuhu —niha Paulo Agripare.

²⁸ —¿Ahrire yuhure yahucu mahanocã mu yahua mehne Jesu yairo yu wahachu yoa duai nijari muhu? —niha Agripa Paulore.

To Æ nichu Paulo õ sehe ni yuhtihca:

²⁹ —Mahanocã durucucu o yoari pja durucucu mũsa, jipihtinare “Yu jiro sehetu Jesu yaina jiaro”, ni sini payoja Cohamacure. Wiho mejeta yu yoaro sehe peresupu mũsa jichu cahmaeraja yuhu —niha Paulo Agripare.

30-31 To ã niri baharo Agripa, Festo, Berenice jipihtina paina mehne wahcārḡca, wijaa, ti basi õ sehe ni durucuha:

—Ahriro to yoari buhiri ne peresu yoa masieraja mari. ¿Ã jina mari yaba buhiri tirore wajābocari? —ni durucuha tina ti basi.

32 —Ahriro “Jipihtina bui p̄htorore Césare ȳa yoarire yahu duaja”, to nierach̄a mari wioboa tirore peresup̄a jirirore — niha Agripa Festore.

27

Paulo tirore ti yahusārire Romap̄a yahuro wahaha

1 Paulore Italiap̄a dohoría mehne warocaa taa, tirore paina mehne ti peresu yoarina mehne Julio wama tirirore cūre tina. Julio cien surara p̄htoro jiro, to ya curua “César yaina surara”, wama tire. 2 ã jina Adramitio wama tiro macaria dohoriai samui sã. Tia Asiap̄a wahahtia jire. Samu tuhs̄a, tia mehne waha. Aristarco Tesalónica wama tiri maca macariro sã mehne wahare. Tesalónica Macedonia yahpai jira. 3 Pa dachoi sã Sidōp̄a s̄ai. Tóp̄a s̄aro Julio Paulore noano yoare. ã yoaro Paulore tó mehne macaina cahap̄a ñ̄no waha dutire. ã jiro Paulo mehne macaina tirore to cahmaare ti wach̄a “Noanohca”, nire Julio. 4 Dohoria mehne sã pahāch̄a tuaro wihnono sãre pa sehep̄a wāroca pjohōre. ã jina Chipre wama tiri n̄co d̄cataroi poto b̄h̄usehei waha sã. 5 P̄a Ciliciare ȳhd̄a, Panfilia cūh̄are ȳhd̄a, Mira wama tiri macap̄a Licia yahpai jiri macap̄a wahã s̄ai.

6 Tóp̄a s̄ana, Alejandríap̄a tariare, Italiap̄a wahahtiare dohoriare bocai. ã jiro sãre tiap̄a surara p̄htoro naare. 7 Paȳa dachori pjiro dero waha, “Nu war̄oca” ni, waha, Gnido wama tiri maca potoi s̄ai sã. Tóp̄a s̄a ȳhd̄a, wihnono tuaro wã, sã waha duaroi sãre wārocaerare. ã jina sã cõ b̄h̄usehep̄a majare paa waha. ã jina Creta wama tiri n̄co to d̄catari pah̄re sehe sã pahāa waha, Salmo wama tiri ñ̄oacare ȳhd̄ai sã. 8 Tóp̄a ȳhd̄a, tí n̄co d̄ht̄a cahai waha, “Nu war̄oca” ni, waha, Noari Pitamaha wama tirop̄a wahã

s̄ai. Pitamaha Lasea wama tiri maca cahap̄a jira.

9 Tóp̄a yoari pja sã jiri baharo, sã wahahto sehe cuabiare. ã jiro ti ch̄a duhuri dacho bose n̄m̄a ȳhd̄ari baharo, Paulo tinare õ sehe ni yahure:

10 —T̄hoga m̄sa. Ch̄a duhuri dacho bose n̄m̄a baharo mari wahach̄a marine minihto cuabiara. Ahria dohoría, dohoría macaa, m̄sa pache cūh̄a mari mehne macaina cūh̄a mari butiboca wahana — nire Paulo.

11 Wiho mejeta surara p̄htoro dohoría p̄rore t̄horo, oturiro cūh̄are t̄horo, Paulo to yahua sehere t̄ho duaerare waha duaro. 12 Ti pahsari pitamaha noari pitamaha puh̄iro jich̄a ti pahsari pitamaha jierare. To ã jiri pitamaha jich̄a dohoría macaina paȳa waha dua, Fenicep̄a yoja duamare. Fenice Creta wama tiri n̄co macari pitamaha jiro, wihnono to tarirop̄a s̄a m̄ja taro sehep̄a cõ b̄h̄usehep̄a, poto b̄h̄usehep̄a cūh̄are ñ̄roca, wihnono tach̄a noano d̄catari maca jire. To ã jiri pitamaha jich̄a masia tina tóp̄a cã puh̄iro ji duamare.

Pjiri map̄a wihnono, coro pjíro taha

13 ã yoa sur sehe pjiroca wihnono ta d̄care. “Michare noari dacho mari wahahti dacho jira”, ni t̄hotumaha tina. ã ni t̄hotua tina comaa tañore t̄ã wahcõ, Creta n̄co d̄ht̄a caha cahai yojai sã. 14 Wiho mejeta baharo curero wihnono noreste wama tiri wihnono tuaro wãre. 15 ã jiro dohoriare wihnono tuaro wahã wihire. Wihnono to w̄r̄carore waha masierana, majare paha, wihnono mehne waha sã. 16 Cauda wama tiri n̄cocã cahap̄a sur sehep̄a waha, tí n̄cocã sãre mahanocã d̄catate. “Marine nu war̄oro wahara”, nina tóre pjiria dohoría macaria mahariacã b̄socare noano waja payo d̄hteí sã. 17 Tiare dohoriai sã waja payo d̄ht̄eri baharo pjiria dohoriap̄a pjiri da mehne tina wahma ñ̄aha payore. Sirte wama tiri pad̄are “Dohoria doca wahã s̄ari”, nia cui nire tina. ã jia tina co turre ti duhu miori baharo dohoría dihtare wihnono wārocare. 18 Wihnono, coro mehne tuaro tare. Pa dacho cūh̄are wihnono m̄nanota tjoa to tach̄a ñ̄a tina ti pachere diap̄a dureroca

ño tuhsu pahãa wahaĩ sã. ¹⁹ Pa dacho dohorĩa macaare diapũ cohãre tina ti basi. ²⁰ Payũ dachori ñichua dachori jichũ, sã dacho macarĩro ñahpichoha poca cũhũ ne bajuerare. ã jiro tuaro wihnono tare. ã jina “Minia wahaja mari. ã jina yariaa wahanahca”, ni tũhotumai sã.

²¹ ã jia tina yoari pja ti chũ duhuri baharo Paulo ti pano ducu, õ sehe ni yahure tinare:

—Pano musare yũ yahuchũ tũhoerare musa. “Cretapũ jiina mari wahachũ cua nica”, yũ nichũ tũhoerare musa. Yũhũre tũhona, ahria macaa jipihtiare boeraboa musa. ²² Wiho mejeta mipũ musare yahuja. Cuiena tjiga. Jipihtina mari yũhdũnahca. Ahria dohorĩa dihta marine wahtiabasaro-hca. ²³ Micha ñamine Cohamacũ yairo anjo yũhũre bajuahre. Cohamacũ yairo jija yũhũ. ã jicũ tirore dahra cohtarĩro jija yũhũ. Anjo sehe yũ cahai taro, õ sehe ni yahuhre: ²⁴ “Paulo, cuiecu tjiga. Jipihtina bui pũhtoro mũ yoari cjirire mũhũre yahuro cahmana. Cohamacũ noarĩro jira. ã jiro tirore mũ sinĩro sehetã mipũre mũhũ mehne macaina cãhũre yoadohoro-hca”, nihre yũhũre anjo. ²⁵ ã jina cuiena tjiga musa. Anjo yũhũre to nirĩro sehetã waharohca. Cohamacũre wacũ tuaja yũhũ. ã jicũ to yahurĩro sehetã “Potocã tjira”, ni tũhotuja yũhũ. ²⁶ Wiho mejeta marine nũcopũ wihnono wãroca, cohãnohca —ni yahure Paulo tinare.

²⁷ Cũ ñami pũ somana baharo pjiri ma Adriático wama tiri mai wihnono sãre tuaro wãre. Tĩ pjare ñami dacho macai dohorĩa macaina musa sehe “Dũhtũ cahapũ jija mari”, ni tũhoture tina. ²⁸ ã ni tũhotua nũcũri taño comaa tañore yuta da mehne dũhte, duhuroca mio, quihõre. Treinta y seis metro waro cããre. Mahanocã waha, quihõre tjoa. Tĩ pjare veintisiete metro waro cããre. ²⁹ ã jia tãare “Doca wahã sũri”, nia dohorĩa oturopũ pititia tañori comaa tañorine yuta dari mehne dũhte, duhuroca miore diapũ. ã jia “Cjero bohreajaro” ni, tuaro sinire tina. ³⁰ Dohoria macaina musa sehe duhtimare. Tina mahariacãre dohorĩa macariare diapũ waja boro, dohorĩa quenoĩ comaa tañorine ti boroborĩro

sehetã yoare tina mahariacãre “Marine ñũri”, nia. ³¹ Wiho mejeta Paulo surara pũhtoro, to surara mehne yahure:

—Ahria mũ mahariacã bũsocai ti wahachũ musa yarianahca —nire Paulo.

³² To ã nichũ tũhoa surara sehe mahariacãre dũhte darire yihso ta, tiare cohãre.

³³ Bohreahto panocã Paulo tinare tuaro chũ dutire.

—Pũ somana waro ne chũerare musa. ³⁴ ã jina mipũre chũna taga. Tuaro musare chũ dutija. Musã cati duana chũga. Jipihtina musa yũhdũnahca —nire Paulo tinare.

³⁵ To ã niri baharo Paulo pãore na, jipihtina ti pano Cohamacũre “Noana” ni, duhu payo, tĩre chũ dũcare tiro. ³⁶ To ã chũchũ ñũ tina cuiro marieina waha, jipihtina tina cãhũ chũre. ³⁷ Sã jipihtina doscientos setenta y seis masa dohoriapũ jii sã. ³⁸ Tina jipihtina yapia waha “Ahria dohorĩa nũcũ nica” ni, payũ trigo chũare diapũ cohãre.

Dohoria padũropũ doca pja sũha

³⁹ Bohreachũ dohorĩa macaina mũ nũcore ñũ, “Õ sehe wama tiri nũco jira ahri nũco”, ni ñũ masierare. Wiho mejeta tina pari tucũ padũro jichũ ñũ, “Mari tí tucũpũ wahana, tũpũre doca pja sũboca padũroi”, nire tina. ⁴⁰ ã nia, comaa tañorine dũhte darire yihso taroca mioha. Oturi pjĩ dũhte dari cãhũre yihso tanocare tina. Tĩ ã yoari baharo dohorĩa queno macari suhtirore wahcõ dapore poto wihnono wãrocachũ cahmaa. ⁴¹ Wiho mejeta dohorĩa queno sehe pa padũropũ caha sũ, nũja masierare. ã jiro oturore tuaro pahcõri cjã wahcõchũ tia oturo wahtia wahare. ⁴² To ã wahachũ ñũ õ sehe nire surara:

—Ahria minichũ mari peresu yoaina dũhtũ cahapũ ba wahã sũ duhtinocaahca. ã jina tinare wajã pahñonocajihna —nire surara.

⁴³ Wiho mejeta surara pũhtoro sehe Paulore wajã duaeraro, jipihtina peresu jĩinare wajã dutierare. ã jiro jipihtina ba masiinare surara pũhtoro poto dũhtũ cahapũ ba wahã sũ dutire. ⁴⁴ ã jia paina dohorĩa macaa pjĩni wahti sitea pjĩni mehne bora ñoja, tí pjĩni bui pisa ba nũjare. Sã tó

sehe yoana sã jipihtina dũhtũ cahai wahã sũi.

28

Paulo Malta wama tiri nũcoi jiha

¹ ã yoa tí nũcopũ sã jipihtina maja sũrũcũ sũna tí nũco wamare masii. Malta wama tiri nũco jire. ² Tí nũco macaina masa sãre noano yoare. ã jina sã coro waari baharo yũsua yũhdũare sãre. ã jia tó macaina sehe pichaca wijã tuhsũ, sãre sohma dutire. ³ Paulo pichare na ta, na tiãre. To na tiãri baharo tí picha puhichapũ sãariro agã tuaro sichũ tuhoturo wijaa taro, Paulo wamomacai bahca wãha sũre yahawero marieno. ⁴ To bahca wahã sũchũ ñũa tí nũco macaina ti basi õ sehe ni durucure:

—Ahriri masa wajãriro jiboca. ã yoaro tuaricoro buhiri dahrerico mũano macaricoro tirore buhiri dahrero, cati dutierara. Tiro pjiri mapũ minino yũhdũ tuhsũri jimare. Mipũre ticoro sehe tirore cati dutierara —nimare tina ti basi.

⁵ Wiho mejeta Paulo agãre pichacapũ wajã siterocare. Tirore agã purĩerare. ⁶ “Wipirohca” nia, cohtamare tina. Ne wipierare tirore. “Tiro yariaa waharohca” nia, tina cohtamare. Tirore purĩerare. Yoari pja baharo to wipierachũ ñũa, to purĩerachũ ñũa, soro tuhoture tina. “Ahriri cohamana mehne macariro jiboca”, nimare tina.

⁷ Ti ba wahã sũriro cahacãi Publio wama tiriyo ya weseri jire. Tiro tí nũco macariro pũhtoro jire. ã jina tiro sãre to noano yoachũ, tia dacho waro to ya wũhũi jii sã. ⁸ Publio pũcũro yojaro ti, juaro tiriyo jire. ã jiro tiro camai coãre. ã jiro Paulo dohatiriyo ya tahtiapũ sãa, Cohamacũre sini, to wamomacarine tiro bui duhu payo, noariyo wahachũ yoare tirore. ⁹ To noariyo wahachũ ñũa jipihtina paina tí nũco macaina dohatiinare Paulo cahapũ na tare. Ti ã na tachũ ñũano Paulo noaina wahachũ yoare tina cũhũre. ¹⁰ Baharo tina payũ sãre wapa marieno ware. Sã wahahto panocã jipihtia sã cahmaare, sã wahana sã chũhtire dohoriapũ dure sãare tina.

Paulo Romapũ sũha

¹¹ Tia sũ tí nũcopũ sã jiri baharo dohoria mehne wahai sã. Tia dohoria quenoi

pũaro cohamana Cástor, Pólux wama tiina ti masũ ducure. Alejandriapũ taria jire tia. Puhiro puro tí nũcopũ tia dohoria pahsare. ¹² Waha, Siracusa wama tiri macapũ sũna, tia dacho waro tí macare jii sã. ¹³ Tí macare wijaa, waha, Regio wama tiri macapũ sã sũi. Pa dachoi surpũ wihnono ta, sãre wãrocure. Pũa dacho baharo Puteoli wama tiri macapũ sũi. ¹⁴ Tópũ Jesu yaina mahainacã sãre piti bocare.

—Cũ somana waro sã mehne tjuaga — nire tina sãre.

Ti ã nichũ tuhona cũ somana waro tina mehne tjuasinii. Baharo mahai maja, Romapũ sũi sã. ¹⁵ Tó macaina Jesu yaina sehe Romapũ sã sũhtire tuhoa, Apio wama tiropũ pache duaropũ sãre piti bocare. Paina Jesu yaina Tia Wũhũ wama tiropũ sãre piti bocare. Ti ã piti bocachũ ñũno Paulo wahchea mehne Cohamacũre “Noana” ni, noano yajeri sãa wahare. ¹⁶ Romapũ sã sũri baharo ti peresu ti yoarinare tó macarirore peresu cohtaina pũhtoro yahure. Wiho mejeta Paulo sehere cãirota cũre tó macaina pũhtoa. ã jiro tirore cãirota surara cohtare.

Paulo Romai buheha

¹⁷ Tia dacho baharo Paulo judio masa pũhtoa mehne cahmachuno taro, tinare pjire. Ti cahmachuri baharo tiro tinare õ sehe ni yahure:

—Coyea, mari coyeare soro yoaerahi yũhũ. ã yoa mari ñũchũsũma cjiri ti yoaa tirire, marine ti buheri cũhũre yũhdũrũcũaerahi yũhũ. ã yũ yũhdũrũcũaerapachũta Jerusalẽpũ yũhũre ñahahre judio masa. Ti ñahari baharo Roma macainare yũhũre peresu yoa dutihre tina. ¹⁸ Ti ã yoachũ Roma macaina yũhũre sinitu, yũ ñano yoaerariyo yũ jichũ yũhũre “Buhiri tiriyo jira”, ni masierare. “¿Ne yaba buhiri wajãbocari mari tirore?” nihre yũhũre tina. ã jia yũhũre sinituina sehe yũhũre wio duamahre. ¹⁹ Wiho mejeta judio masa sehe yũhũre wiochũ cahmaerare. Yũ coyeare judio masare yũhũre ti yoarire yahusã duaeraja. Wiho mejeta yũhũre ti wio duaerachũ ñũcũ, “Jipihtina bui pũhtoro Césare yũ yoarire poto yahu duaia yũhũ”, ni sinihi. ²⁰ ã jicũ mũsare

ahrire yahu duacu pjihi. Cristo marine yuhdohtiro judio masa mari cohtariro to yare yu yahuri buhiri yuh peresupu jija. Æ jicu tíre musare yahui tai pjihi —nire Paulo judio masa puhtoare.

²¹ To ã nichu tuhoa tina sehe tirore õ sehe ni yahure:

—Judea yahpa macaina Judio masa mahure quiti yahua púrine sãre ne waro-caerare. Æ yoa tóru tarina cãhu mari coyeyã sãre mu ã waharire yahuera tire. Tina “Tiro ñano yoariro jira” ni, mahure yahuera tire. ²² Wiho mejeta Jesu yare mu yahuri curua macainare jipihtiropu masa ñano ti durucuchã sã masija. Æ masina mu buheare mu yahuchã tuho duaja sã —nire tina tirore.

²³ Æ ni tuhsu, “Pa dachopu jijihna”, nire tina. Pa dachopu Paulo mehne cahmachu mahutaina yuhdoro masa payu to jiropu wihire. Ñami curerocã puhtoro Cohamacu to suho jiare noaa buheare tiro buhe daca, pu, ñamipu Moise cjirore Cohamacu to cûri dutiare, ã yoa Cohamacu yare yahu mahutaina cjiri ti joari cjiri cãhure buhere. Æ buhero, tinare Jesure “Tiro tjica mari cohtariro”, ni masichu yoa duaro nimare Paulo. ²⁴ Cãina to buherire noano mehne tuhore. Wiho mejeta paina sehe tuho duaerare. ²⁵ Æ jia tina ti basi pu curua tju wa, wahaa taa nire. Ti wahahto pano Paulo Isaia cjiro to durucuri cjirire tinare yahure. Õ sehe nire tinare:

—Isaia Cohamacu yare yahu mahutariro cjiro to yahuri potocãta jira. Mari ñuchusuma cjirire yahuro taro Espíritu Santo Isaia cjirore õ sehe ni yahu joa dutiha:

²⁶⁻²⁷ “Ahrire ahriinare yahui wahaga:

‘Dapu butiina jira musa.

Yu yare tuho duaerara musa.

Cahmo copari susueraina yoaro seheta tuho duaerara musa.

Æ jina yu yare tuhopenahta tuho ñahasi musa.

Musa ã jieraina jina, noano tuho ñahaboa musa.

Æ jina yuhure cahmaboa musa.

Æ jicu musare pichacapu wahaborinare yuhdobia yuh’, niha Cohamacu Isaia cjiro to joari tjupu”

—nire Paulo tinare. ²⁸ Æ ni tuhsu, Paulo õ sehe ni yahu namore:

—Ahrire masiga musa. Cohamacu ya buheare masare to noano yuhdoare judio masa jierainare buhenahca sã. Tina sehe tuhoahca —nire Paulo judio masare.

²⁹ [To ã nichu tuhoa judio masa tíre ti basi tuaro cahma sayo, wijaare.]

³⁰ Pu cahma waro Paulo to ã waparucuri wuhupu jire. Tói jiro, jipihtina to wuhupu wihiinare wahchea mehne piti bocare tiro. ³¹ Æ jiro tiro cuiro marieno puhtoro Cohamacu to suho jiare, puhtoro Jesucristo ya cãhure buhea tire. To ã buhechu ne paina tirore “Buhei tjiga”, nierare.

Romanos

Paulo Roma macainare Jesu yainare joarocaha

¹ Yuhũ Paulo m̄sare Roma macainare joarocaja. Yuhũ jija Jesucristo cahamacũno. Tiro yuhũre beseri jire. To ya noaa buheare buhe duti warocahtiro cjihtore yuhũre cũri jire tiro.

² Tí buheare noaa buheare panopũ Cohamacũ “Yahui tai nija”, nia tiha. To ã ni yahuriro seheta to yare yahu m̄htaina cjiri panopũ macainare to yahuhtire to ya pũi joa dutiha. ³ Tí buheata to macũnore yahua jira. Tiro masũno waro jiro taro, Davi cjiro panamino ji turiariro jiha tiro. ⁴ Jesucristo mari p̄htoro Cohamacũ macũno ñaa buhiri marieriro to jiare õ sehe ñori jire Cohamacũ. To yariari baharo Cohamacũ to tuaa mehne tirore masa wijaachũ yoari jire. ã yoaro Jesucristo potocãta Cohamacũ macũno to jiare ñori jire Cohamacũ masare. ⁵ Tirota sãre pja ñũno sãre to yare buhe dutiro warocare jipihtina Jesucristore wacũ tua ti ño payohti cjihtire. ⁶ ã jiro m̄sa c̄hũre Jesucristo yaina cjihtire beseha tiro.

⁷ M̄sare, Cohamacũ to cahĩinare, Roma macainare, to yaina cjihti yoare m̄sare tiro. M̄sare jipihtinare ahri pũre joarocaja. ã jicũ Cohamacũ mari P̄cũ, mari p̄htoro Jesucristo mehne m̄sare noa dutija. Tina ti yoadohoa mehne noano jiga m̄sa.

Paulo Romap̄re ñũno waha duaro nimaha

⁸ Ahrire yahu m̄htaihtja m̄sare: Jipihitia macari macaina Jesucristore m̄sa wacũ tuarire masa yahuhre yuhũre. Ti ã ni yahuchũ t̄hocũ “Noana”, nija Cohamacũre. Jesucristo to yoadohoro mehne ã nija tirore. Cohamacũre sini payocũ m̄sa ya cjihti c̄hũre ã sini payorucuja.

⁹ Tiro yuhũre to dutichũ to macũno ya buheare noaa buheare tuaro buhecũ to cahamacũnota jija yuhũ. ã jiro m̄sa ya cjihtire Cohamacũre yũ ã sini payorucuchũ tiro masina. ¹⁰ ã sini payocũ Cohamacũ cahmachũ mipũ pinihtare m̄sa cahapũ yũ

ñũ wahahto cjihto c̄hũre sinija. Yoari pja m̄sare ñũ duacũ yũ wahahtore cohtai yoanocamaja yuhũ. ¹¹ Espĩritu Santo yuhũre to buheri cjirire m̄sare buhe turia duaja Jesure m̄sa wacũ tua namohto cjihto sehe. ã jicũ m̄sare tuaro ñũ duaja yuhũ. ¹² Jesure wacũ tuaja mari. ã jicũ m̄sare ñũ duaja Jesure mari wacũ tuaa mehne p̄ buhũseheri mari cahma wahchechũ yoahito cjihto sehe.

¹³ Yũ coyea, ahrire m̄sa masichũ cahmaja. Noaa buheare yũ buheri baharo paye macari macaina m̄sa coyea judio masa jieraina c̄hũ Jesure wacũ tuare. ã jicũ payũ tahari m̄sa cahapũ waha duamahi tina, Jesure ti wacũ tuariro seheta m̄sa mehne maçaina c̄hũ ti wacũ tuahto cjihto sehe. ã waha duapaihta waha masiera tihĩ yuhũ. ¹⁴ Jipihtinare noaa buheare buhero jiro nina yuhũre. Buheinare, buhemahnoeraina c̄hũre, masiinare, masieraina c̄hũre buhehtiro cjihto jii nija yuhũ. ¹⁵ ã jiro jicũ m̄sare Roma maçainare noaa buheare tuaro buhe duaja.

Noa buheare masa t̄hoa Jesure wacũ tua d̄cara

¹⁶ Noaa buheare t̄hoa Jesure wacũ tua d̄cara masa. ã jiro jipihtinare Jesure wacũ tuainare Cohamacũ to tuaa mehne pichacapũ wahaborinare yuhdora. Ti ã yuhdũchũ masicũ ahri buheare noaa buheare b̄o tiro marieno yahuja. Ahri buheare judio masa t̄ho m̄htari jire. Ti baharo, judio masa jieraina c̄hũ t̄ho turiari jire. ¹⁷ Ahri buhea õ sehe ni yahura: Jesure wacũ tuainare “Ñaa buhiri marieina, noaina jira”, ni ñũna Cohamacũ. Tirore wacũ tuaina dihtare ã ni ñũna Cohamacũ. Ahri panopũ ti ni joariro seheta jira: “ ‘Noaina jira’, to ni ñũina Cohamacũre wacũ tuaina dihta jira. ã wacũ tuaa, to ya catia mehne ã catirucuahca tina”, ni joaa tiha.

Masa ti ñaa yoari buhirire yahuha Paulo

¹⁸ Cohamacũ m̄hanopũ jirirore masa ti yuhdũrcarire, ti ñaa yoari c̄hũre ñũno, ti ã yoari buhiri tina mehne suara. Tó sehe jiina barore to buhiri dahrehtore masichũ yoara tiro. Masa ti ñaa yoaa mehne painare

noaa buheare t̄hoerach̄u yoara tina sehe. ¹⁹ Cohamac̄u to basi to jia tiare masich̄u yoaha. To ã yoach̄u Cohamac̄ure masich̄u mijoerara masare. ²⁰ Cohamac̄ure mari ñ̄erapach̄uta m̄ano macariro to jia tiare, tuariro to jia c̄h̄ure to basi masich̄u yoara tiro. Ahri yahpare to bajuamehneri baharo jipihtia to bajuamehnerire ñ̄ua “Cohamac̄u to yoari cjiri jira ahri” nia, Cohamac̄u to jia tiare masina masa. Æ jia masa Cohamac̄ure masipahta ã ñ̄aare yoarucua, buhiri tira. “M̄h̄ure masierahi. Æ jic̄u ñ̄aare yoahi”, ni masisi Cohamac̄ure. ²¹ Æ jia Cohamac̄u to jia tiare masipahta tina tirore ñ̄o payoerara. Æ jia tiro tinare to noano yoapach̄uta tina sehe “Noana”, nierara tirore. Æ t̄ho masieraina jia, wiho jia macaare, ñ̄aa dihtare t̄hoturucuina baro jira tina. ²² “T̄ho masiina jija”, nipahta t̄ho masieraina wahara tina. ²³ Æ wahaa Cohamac̄ure ã jirucurirore tina ñ̄o payoerara. Æ ñ̄o payoeraa, ti ñ̄o payoboriro sehere cohtota, wiho jia mas̄uri sehere “Cohamac̄u jira”, ti nia mas̄uri sehere ñ̄o payora. Wiho jia mas̄uri sehere yariahtina masa mas̄urine, ã yoa minichahca mas̄urine, chihch̄õina mas̄urine, wahiquina mas̄uri c̄h̄ure “Cohamac̄u jira”, ni ñ̄o payora tina.

²⁴ Ti ã yoach̄u ñ̄uno “Ti m̄u s̄uro ñ̄aare goa pja, yoawahnojaro”, nino Cohamac̄u coh̄ãnocare tinare. To ã coh̄ãri baharo tina ñ̄abiaro, pj̄iro buoro wahach̄u yoare cahma yoarucura ti basi. ²⁵ Æ jia Cohamac̄u ya sehere cahmaeraa, mah̄ñoa sehere noano t̄hora tina. Cohamac̄u ya sehere mah̄ñoa yoaro sehe jich̄u yoara tina. Potoc̄ãta Cohamac̄u warore jipihtiare bajuamehnerirore jipihtia dachoripe noano ñ̄o payoro cahmana. Wiho mejeta tina sehe tirore ñ̄o payoerara. Æ tirore ñ̄o payoeraa, Cohamac̄u to bajuamehneri cjiri, wiho jia sehere ñ̄o payora tina.

²⁶ Ti ã ñ̄o payoch̄u ñ̄uno “Ti m̄u s̄uro goa pja, yoawahnojaro”, nino Cohamac̄u coh̄ãnocare tinare. Æ jia tina numia m̄ua mehne man̄u tiboina cohtota, ti basi numia dihta ñ̄ano yoara ti pjac̄uri mehne. ²⁷ Ti yoaro seheta jiina m̄ua c̄h̄u numia mehne

namo tiboina jipahta, tíre cohtota, m̄ua ti basita ti pjac̄uri mehne ñ̄abiaro yoara. Æ yoaa, ti basita ti ñ̄ano yoari buhiri ti pjac̄uri sehe ñ̄ano ȳhd̄ura.

²⁸ Æ Cohamac̄ure ti cahmaerari buhiri Cohamac̄u tinare coh̄ãre. To ã coh̄ãch̄u tina sehe ñ̄ano wac̄urucu, ñ̄ano yoarucura. ²⁹ Æ jia tina tuaro ñ̄ano yoarucura. Numia mehne ñ̄ano yoarucuina, m̄ua mehne ñ̄ano yoarucua numia, ñ̄aare goa pjarucuina, paina yare tuaro cahmaina, painare ñ̄ano yoarucuina, paina paye baro ti cj̄ach̄u ñ̄ua goa pjaina, masare waj̄ãina, cahma sayoina, mah̄ñoina, masare ñ̄u tuhtiina, ñ̄aa q̄uiti dahreina, ³⁰ paina ti yoerapach̄uta ñ̄ano ni yahuwajaina, Cohamac̄ure ñ̄u tuhtiina, painare pur̄ño ȳhtiina, “Sã sehe masi ȳhd̄ur̄uc̄u s̄uja”, ni t̄hotuina, painare ã ni yahuina, paye ñ̄aare yoa d̄ucaina, ti p̄uc̄us̄umare ȳhtieraina, ³¹ t̄ho masieraina, ti nino seheta yoeraina, masare ne cah̄eraina, ti basi cahma susini duhueraina, ne pja ñ̄eraina jira tina. ³² Æ ñ̄ano yoarucuinare Cohamac̄u pichac̄ap̄u coh̄ãnohca. To ã coh̄ãhtire masipahta tina tí ñ̄aare ã yoarucura. Æ jia paina tinare ñ̄u c̄u ti yoaro seheta ñ̄ano ti yoach̄u ñ̄ua, “Mari yoaro seheta ñ̄ano yoara”, ni wahchera tina.

2

Masare buhiri dahre dutiro tíre quih̄õno yoarohca Cohamac̄u

¹ “Tina ñ̄abiaina jira”, ni yahuwajaena tjiga painare. M̄usa c̄h̄u ti yoaro seheta yoara. “Ñ̄aare yoeraja sã. Æ jina buhiri maeraja”, ni masierara m̄usa. M̄usa yahu wajaina yoaro seheta ñ̄aare yoana, m̄usa c̄h̄u m̄usa basita buhiri dahre dutina nica. ² Tó sehe yoainare Cohamac̄u to buhiri dahrech̄u potoc̄ãta quih̄õno to buhiri dahrech̄u masija mari. ³ Painare “Buhiri tiahca”, ni yahu waja ti yoaro seheta m̄usa yoach̄u, m̄usa c̄h̄ure buhiri dahrerohca. Æ jina “Sãre buhiri dahresi”, ni t̄hotuboca m̄usa. Jierara. M̄usa c̄h̄ure buhiri dahrerohca tiro. ⁴ M̄usa ñ̄ano yoapach̄uta Cohamac̄u m̄usare pja ñ̄uno, dói waro buhiri dahrerara. Æ jina “Cohamac̄u ȳh̄u mehne suasi”, ni t̄hotuboca m̄usa. Jierara.

Cohamacu musare pja ñano, dói waro buhiri dahrerara musa ñaa buhiri tiare cahyachu ñu duaro, tirore musa yuhtichu cahmano. ⁵ Ñ buhiri dahre duaeraparota, musa Cohamacure yuhti duaerachu, musa ñaa buhiri tiare musa cahyaerachu, buhiri dahrerohca musare. Tó pano musare to buhiri dahreboriro yuhdoro tí to buhiri dahrehti dacho waropure ñano, tuaro waro musare buhiri dahrerohca Cohamacu. Quihõno buhiri dahrerohca. ⁶ Cãinare ti yoa wapataro seheta yorohca Cohamacu. ⁷ Cãina noaare yorucuina jira. Tina Cohamacure noano wahchechu yoa duaina, jipihtia dachoripe Cohamacu mehne ji duaina jira. Tina pinihtare dachoripe tiro mehne jirucuchu yorohca Cohamacu. ⁸ Wiho mejeta paina sehe tina yoaro sehe jierara. Tina ti mu suro jia ti, ñaare goa pja yorucuina baro jira. Cohamacu ya warore cahmaerara. Tina mehne Cohamacu tuaro sua, buhiri dahrerohca. ⁹ Jipihtina ñano yoaina ñano yuhdahca. Judio masare áta waha muhtanohca. Tuhsu, judio masa jieraina cãhure áta waharohca. ¹⁰ Jipihtina noaare yoaina sehene Cohamacu “Noana”, ninohca. Ñ jia masa tinare ño payoahca. Ñ jiro tinare noano jichu yorohca Cohamacu. Judio masare áta waha muhtanohca. Tuhsu, judio masa jieraina cãhure áta waharohca.

¹¹ Cohamacu judio masare, ã jichu judio masa jieraina cãhure jipihtinare cãno sehe ñna. Mari yoirire ñano, quihõno besera jipihtinare, ñaina, noaina cãhure. ¹² Paina Cohamacu Moise cjirore to dutia cjirore masieraina sehe buhiri tiare ti yoachu, to dutiare ti masierapachata tinare buhiri dahrerohca Cohamacu. Ñ yoa tí dutiare masiina cãhure buhiri tiare ti yoachu, tí dutiare ti yuhdurucari buhiri buhiri dahrerohca Cohamacu. ¹³ Cohamacu dutiare tuhopahta yuhtierainare “Buhiri marieina, noaina jira ahrina”, ni ñnerara Cohamacu. To dutiare yoaina sehene “Noaina jira”, ni ñna tinare Cohamacu. ¹⁴ Judio masa jieraina Cohamacu Moise cjirore to cãri dutia maerapahta, ti mu suro noaare yoaa, Cohamacu dutiare yoaa nina. Ñ yoaa Moise cjirore to dutiare

joari pãre cãaerapahta tina ti mu suro to dutiare masina. ¹⁵ Ñ jia to dutiare ti tuhotuapu potocãta cãara tina. Ñ cãaa ñaare yoaa dóicãta ti ñaa yoirire masina tina. Ñ jiro ñaare yoiriro “¿Dohse jiro baro ñaare yoari yuhu?” ni tuhotura tiro. Ñ jiro noaare to basi to yoari cãhure masina tiro. ¹⁶ Ñ jiro Cohamacu Jesucristore to warocahti dachoi masa ti yoirire ti yahu duaerarire Jesucristo masi pahõno, tiro tinare beserohca noaina, ñaina cãhure. Tó sehe yorohca tiro noaa buhea to nino seheta. Ahrita jira masare yu buhea.

Cohamacu Moise cjirore to dutiare yahuha Paulo

¹⁷ Musu sehe judio masa jina, Cohamacu Moise cjirore to dutiare ño payoaina jina, “Cohamacu to yaina jija”, ni tuhotumana musa. ¹⁸ Ñ jina Cohamacu dutiare masiina jina, to cahmaare masina musa. Ñ masiina jina, “Noaare sã yoahore bese masija sã”, ni tuhotumana musa. ¹⁹ Ñ ni tuhotuna õ sehe ni tuhotu namona musa: “Painare ne masierainare noano masichu yoaja sã. Tinare sã buherachu ne Cohamacure masieraboa tina. Ñ jia ñaare duhueraboa”, ni tuhotumana musa. ²⁰ Ñ jina “Tuho masierainare noaare yoa dutiina, macanacã cãhure buheina jija sã”, ni tuhotumana musa. Ñ jina “Cohamacu dutiare cãana, potocã jiare masi pahõja sã”, ni tuhotumana musa. ²¹ ¿Ñ jina painare buheina jipanahta, dohse yoana musa sehe musa buheriro sehe yoajari? ¿Painare yaca dutieraina jipanahta dohseana musa sehe yacajari? ²² ¿Pairo namono mehne ñano yoa dutieraina jipanahta dohseana musa sehe pairo namono mehne ñano yoajari? “Cohamacu jira”, ti nia masurine ñu yabiina jira musa. ¿Ñ ñu yabiina jipanahta dohseana tí masurine ti ño payoa wuhusepu sãa yacajari musa? ²³ “Cohamacu Moise cjirore to dutiare cãaja sã”, niina jipanahta to dutiare yuhdurucara musa. Ñ yuhdurucana Cohamacure ño payoerachu yoana nica musa painare. ²⁴ Áta nina Cohamacu yare ti joari pãri: “Cohamacu dutiare musa yuhdurucari buhiri judio masa jieraina

sehere Cohamacure ti ñano durucuchu yoara masa judio masa”, ni joaa tiha Cohamacu yare ti joari pui.

²⁵ “Cohamacu yaina jija”, ni tūhotura cāina judio masa mahanocā cahsarocāre yihsoina. Cohamacu yare ti yoachu judio masa ti jichu noa nina. To yare ti yoerachu judio masa ti jia tia yaba cjihti jierara. Yihsoina ti jia tia cūhu yaba cjihti jierara. ²⁶ Ñ jiro judio masa jieraina mahanocā cahsarocāre yihsoeraina ti jipachuta, Cohamacu dutiare ti yoachu ñuno “Yū yaina masata jira”, ni ñuna Cohamacu tinare. Judio masa sehere to ña ni ñaboriro seheta judio masa jieraina sehere ña ni ñuna. ²⁷ Payu judio masa Cohamacu Moise cjirore to dutiare cjuapahta tíre yoerara tina. Ñ jia paina judio masa jieraina sehe mahanocā cahsarocāre yihsoeraina jipahta to dutiare yoara. Ñ yoaina jia judio masa ti ñano yoarire masichu yoaa nina. ²⁸ Mipure judio masuno waro to jiare yahuihtja musare. To pjacure mahanocā cahsarocāre yihsoeraro jiparota Cohamacure ño payoeraro potocāta judio masuno waro jierara. ²⁹ Cohamacu yairo Espiriture cjuariro tirore yūhtiriro tiro tjira judio masuno waro. Ñ yoa to pjacure mahanocā cahsarocāre to yihso cohāriro seheta to ñaa yoaaare duhura tiro. To musaro dutiare yoariro jieraparota Espiritu Santo to yoadohoa mehne to ñaa yoaaare duhura. Tó sehe yoarirore “Noariro jira”, ni ñuna Cohamacu sehe. Masa sehe tirore ti ña nierapachuta, ña nina Cohamacu sehe.

3

¹ ¿Yū ña nichu judio masa ti jia tia wiho waro jijari, masa tūhotuchu? Ne wiho waro jia nierara. ¿Cohamacu judio masare to dutiriro seheta ti pjacurire mahanocā cahsarocāre ti yihso cohāa wiho waro jijari, masa tūhotuchu? Ne wiho waro jia nierara. ² Judio masa ti jia tia wiho waro jierara. Cohamacu yare ti joari pūre judio masare cū mūhtaha. Ñ jia judio masa ti jichu noa nina tinare. ³ Ñ jia cāina judio masa Cohamacure ti tūhoerapachuta to niri cjiri potocāta jira. Ñ jiro to ni cūriro seheta yoarohca tiro. ⁴ Ñta jira.

Jipihtina masa mahñoina ti jipachuta Cohamacu sehe ne mahñoerara. Panopu to yare yahu mūhtariro cjiro to ni joariro seheta ne mahñoerara Cohamacu. Ñ sehe ni joaa tiha:

“Potocā niriro jira mūhu Cohamacu.

Mūhure ñ jia masa ‘Cohamacu quihño yoerara’, ni masierara mūhure”, ni joaa tiha panopu.

⁵ Ñ sehe ni tūhotuboca masa: “Mari ñaare yoana Cohamacu noaare to yoariro jichu masichu yoaja. Ñ jiro ñaare mari yoachu noa nina. ¿To ñ noaa jipachuta dohsearo tiro mari ñaare yoari buhiri buhiri dahremacanocajari?” ni tūhotuboca masa. Masa ti tūhotuboriro seheta ñ nii nija. ⁶ Tó jierara ti ña ni tūhotuchu. Mari ñaa yoari sehe noaa jichu Cohamacu mari ñaare yoari buhiri buhiri dahre masieraboa.

⁷ Masa sehe mahñoina jira. Cohamacu sehe ne mahñoerara. Ñ jina masa ti mahñoichu ñuna Cohamacu sehe ne mahñoerario to jichu noano ñu masija mari. Ñ jia masa mahñoa, Cohamacu to mahñoerario to jiare ñoa niboca tina. Ñta ni tūhotumana cāina. Ñ ni tūhotua ñ sehe ni tūhotu namomana tina: “Sā mahñoa mehne Cohamacu to mahñoerario jiare ñona nija. Ñ ñona noano yoana nija. Ñ jia sā mahñoa noa nina. ¿Sā mahñoa noaa nichu dohse jiro baro sā mahñori buhiri sāre buhiri dahremacanocabocari Cohamacu?” ni tūhotumana cāina masa. ⁸ Ñ jia ñ sehe ni mahñoa cāina sāre: “Ñano yoana Cohamacu to noariro jichu ñona nica. Ñ jina ñano yoajihna’, nihre Paulo cūhu”, ni mahño yahusāna sāre cāina. Ti ñ niri buhiri tinare Cohamacu buhiri dahrerohca. Ñta yoaro cahmana tinare.

Jipihtina buhiri tiina jija mari

⁹ ¿Ñ yoa dohse ni tūhotujari masa? ¿Mari judio masa paina yūhdoro noaina jijari mari? Jieraja mari. Judio masa, judio masa jieraina cūhu ñaa buhiri tia cjuaina dihta jija mari. Ñ jina jipihtina buhiri tiina jija mari. Ñta jira. Jipihtinare yū buheriro seheta jira. ¹⁰ Panopu to ni joariro seheta jira ahri: Ñ sehe ni joaa tiha:

“Ne cãiro masuno noariro mariahna, Cohamacu to ñuchu.

¹¹ Jipihntina masa tãho ñahaeraina dihta jira. Tuhsu, jipihntina masa ne Cohamacure macaeraina jia, tirore wacũ payoerara.

¹² Tina Cohamacu yare cohãa jipihntina ñaare yoaina wahare.

Ne cãiro noaare yoariro pinihta mariahna.

¹³ Ti duseri masa copari ti pjõo dapori yoaro sehe jira.

Ti durucuchu, masa copari urãa wijaaro sehe mahñoa dihta ti duserire wi-jaara.

Ã durucua agã duseroi to ñima purãa wijaaro sehetã purino ti durucua wijaara ti duserire.

¹⁴ Tina painare ñano durucuina, purino durucuina jira.

¹⁵ Ã jia sua ñaina dóicãta masare wajãina jira.

¹⁶ Nohoi ti waharoi tina masare ñano yoa, ñano yuhduchu yoara tinare.

¹⁷ Tó sehe jia paina masa mehne tina noano jierara.

¹⁸ Ã yoa Cohamacure ne ño payoerara”, ni joaa tiha panopure.

¹⁹⁻²⁰ Cohamacu jipihntiare to joa na dutiri cjiire sãre judio masare cãha. Ã jiro tó sehe to ni joariro cjiro mari cãhure dutisinina. “Buhiri mariahna sãre”, ni masieraja mari. Ã jina mari jipihntiro macaina judio masa, ã jichu judio masa jieraina cãhu to buhiri dahrehtina mari jia tiare masija mari. Ã jina buhiri tiina mari jiare masina, “Noaina jija sã”, ni masieraja Cohamacure. Cohamacu to yoa dutia sehere ne mari yoeraja. Ã jiro to dutia sehe buhiri tiina mari jia tiare masichu yoara marine. Ã masina, õ sehe ni masieraja mari: “Cohamacu dutiare yoa pahñoi. Ã jiro Cohamacu marine ‘Noaina jira’, ni ñana”, ne ni masieraja mari jipihntiro macaina.

Cohamacure noano mari wacũ tuana to yaina wahaja mari

²¹ Wiho mejeta mipure Moise cjiore to dutiri cjiire yoa pahño no marieno masare ti ñaa buhirire to cohãire masichu yoara marine Cohamacu. Moise cjiro to joari cjiri mehne, Cohamacu yare yahu mãhtaina

cjiri ti joari cjiri mehne yahu cã mãhta tuhsuha ahrire. ²² Jipihntina Jesucristore wacũ tuainare, tirore tãhoinare “Noaina jira”, ni ñana Cohamacu. Tó sehe cãno potori ñana tiro jipihntina dohse jiina Jesucristore wacũ tuainare. ²³ Mari jipihntina ñaare yoaina buhiri tiina dihta jija. Ã jina Cohamacu to cahmano sehe mari jiboriro duhsa yuhduara. ²⁴ Mari ã jiina jipachuta Cohamacu marine pja ñana. Ã jiro Jesucristo sehe mari ñaa buhirire wapabasari jire. To ã wapabasaro mehne “Buhiri marieina noaina jira”, ni ñana Cohamacu marine. ²⁵ Panopu macaina cjiri buhiri tiina ti jipachuta Cohamacu dóicãta buhiri dahreraha tinare. Ã buhiri dahreraro ti buhiri tiare wiho waro ã tãhotunocano nieraha. Baharo tiro Jesucristore warocari jire mari ñaa buhiri yariahtiro cjihtore, to di mehne mari ñaa yoarire wapabasahtiro cjihtore. Jesucristore mari wacũ tuachu Cohamacu sehe mari ñaa yoari buhirire borohca. Ahrire yoaro, quihõno yoariro to jia tiare masichu yoaro niha. ²⁶ Ã yoa mipu cãhure quihõno yoariro to jia tiare masa ti masichu cahmana tiro. Quihõno yoariro jira tiro. Ã jiro Jesure warocari jire masa ti ñaa buhiri yariahtiro cjihtore. Ã jiro Jesure wacũ tuainare, “Buhiri marieina, noaina jira”, ni ñano, quihõno yoaro nica.

²⁷ ¿Mipure “Noaina jija mari”, ni masicari mari mãsa tãhotuchu? Tíre ne ni masieraja mari. ¿Dohseana ã ni masieracari mari? ¿Cohamacu to dutiare yoana, “Noaina jija”, ni masibocari mari? Jierara. Tí cãhure ni masieraja mari. Mari ã ni masierapachuta Jesure mari wacũ tuachu “Noaina jira”, ni ñanohca marine Cohamacu. ²⁸ Õ sehe masija mari: Jesure mari wacũ tuachu ñano marine ñu jicoara Cohamacu. Ã jiro marine “Buhiri marieina, noaina jira”, ni ñana tiro. To dutiare mari yoari wapa ã ni ñerara. Tirore mari wacũ tuachu ã ni ñana.

²⁹ Tuhsu, Cohamacu judio masa pãhtoro dihta jierara. Judio masa jieraina pãhtoro cãhu jira tiro. ³⁰ Ã jiro Cohamacu cãirota jiro jiro, jipihntina bui pãhtoro jira. Ã jiro jiro judio masare, ã jichu judio masa jieraina cãhure Jesure ti wacũ tu-

achu, tinare cãno potori “Buhiri marieina, noaina jira”, ni ñuhocha Cohamacu. ³¹ ¿Ã jina Jesure wacũ tuana Cohamacu Moise cjirore to dutiare cohãna nibocari mari? Cohãeraja mari tíre. Jesure wacũ tuaina jina, Cohamacu dutiare yoa pahõona nija mari.

4

Abrahã Cohamacure to wacũ tuarire yahuha Paulo

¹ Mari ñuchu cjiro panopu macariro Abrahã cjirore Cohamacu õ sehe yoaha: ² Abrahã cjiro noaare to yoapachuta “Noariro jira”, ni ñeraha Cohamacu tirore. ã jiro noaare yoaparota ñariro jisino “Yuhu pini noariro jija”, ni masieraha Abrahã, Cohamacu to ñuchu. ³ Cohamacu yare ti joari pũ õ sehe nina: “Abrahã Cohamacu to nirire to quihõno tũho ñaha, tirore to wacũ tuachu ñuho Cohamacu tirore ‘Potocãta noariro jira’, ni ñaha”, ni yahura Cohamacu yare ti joari pũ. ⁴ Puhtoro dahrainare waparo, wiho waro to pja ñha mehne waparo nierara. Ti dahrari wapa tinare waparo nina. ⁵ Wiho mejeta Cohamacure wacũ tuainare dahrainare ti waparo sehe yoerara Cohamacu. Cohamacure wacũ tuarirore “Noariro jira”, ni ñuna Cohamacu. To ã ni ñuchu tí noaa to yoari wapa jierara. Cohamacu sehe tirore cahmaeraina cjirore tirore ti cahmachu ñuho buhiri marieina, noaina wahachu yoara. ã jiro masuho Cohamacure to wacũ tuachu ñuho “Noariro jira”, ni ñuna Cohamacu tirore. ⁶ ãta niha panopu macariro Davi cjiro. Masuho noaare to yoapachuta Cohamacu tirore “Noariro jira”, ni ñeraca. Tirore to wacũ tuachu ñuho pini Cohamacu tirore “Noariro jira”, ni ñuna. Cohamacu to ã ni ñariro wahcheare yahuha Davi cjiro. Õ sehe niha: ⁷ “Cohamacu ti ñaa yoirire to cohãchu masina sehe tuaro wahchera. ⁸ ‘Noaina jira. Mũsa buhiri tiare wacũsi yuhu’, to nichu tũhoina tuaro wahchera”, niha Davi cjiro. ⁹ ¿Judio masa ti pjacure mahanocã cahsarocãre yihsorina dihtare ti ñaa yoirire

boari Cohamacu? Jierara. Judio masa jieraina yihsoeraina cãhure ti ñaa yoirire bora tiro. Pari turi Abrahãre wacũga mũsa. Tiro Cohamacure to wacũ tuachu ñuho “Noariro jira”, ni ñaha Cohamacu. ¹⁰ ¿Dohse jichu ã yoari Abrahã, mũsa tũhotuchu? To pjacure mahanocã cahsarocãre to yihsohto panoputa tirore “Noariro jira”, ni ñaha Cohamacu. ã jiro yihsoho, to ñaa yoirire cohã tuhsuripũ yihsoha. ¹¹ ã jiro dóihtã Cohamacure wacũ tua mũhtaha Abrahã. To ã wacũ tuachu ñuho “Noariro jira”, ni ñaha Cohamacu tirore. ã to wacũ tuaare, to yairo to jiare to ñohto cjihtore Cohamacu tirore to pjacure mahanocã cahsarocãre yihso dutiha. ã jiro Abrahã to yihsohto pano Cohamacu sehe “Noariro jira”, ni ñu tuhsuha tirore. Tiro to yihsohto pano to ã ni ñariro seheta jipihtina Cohamacure wacũ tuainare judio masa jieraina yihsoerainare “Noaina jira”, ni ñuna Cohamacu. To ã ni ñuina ti jichu Abrahã ti ñuchũno cjiro waro yoaro sehe wahara. ¹² Tí yoaro seheta masa, yihsoina Cohamacure ti wacũ tuachu ti ñuchũno cjiro waro jia tiha Abrahã. Tiro to yihsohto pano Cohamacure wacũ tuaha. ã jia tiro yoaro seheta wacũ tuaina judio masa Abrahã panamana ji turiaina jira.

Cohamacu Abrahãre to ni cũrre “Potocã tjira”, niha Abrahã

¹³ Panopu õ sehe niha Cohamacu Abrahãre: “Ahri yahpare mũhure, mũ panamana ji turiainaru cãhure waittja”, ni yahu cũha Cohamacu Abrahãre. To dutiare to noano yoari wapa ã nieraha Cohamacu tirore. Abrahã Cohamacure to wacũ tuari wapa sehere ã niha Cohamacu tirore, “Noariro jira”, tirore to ni ñari baharo. ¹⁴ “Cohamacu Moise cjirore to cũri dutia dihtare yoaro cahmana”, nina judio masa. Tó sehe niina Cohamacure wacũ tuaro marieno ahri yahpa jipihtirore na duara. Wacũ tuaro marieno ti nachu mari sehe Cohamacure mari wacũ tuua yaba cjihti jieraboã. ã jiro Cohamacu marine to ni cũri cjiri yaba cjihti jieraboã. ¹⁵ Moise cjirore to cũri dutia sehere yoerara masa. ã jiro to dutiare ti yuhdurucari buhiri masare buhiri dahrerohca Cohamacu.

Wiho mejeta to dutia mariach_u to dutiare y_hd_ur_ucaro c_uh_u mariaboa.

¹⁶ Æ yoa Cohamac_ure wac_u tuaina dihta to wahtore naahca. Abrahã cjiro Cohamac_ure wac_u tuaha. Æ jiro jipihtina tiro yoaro sehe Cohamac_ure wac_u tuaina ti ñ_uch_uno waro yoaro sehe tjuara Abrahã cjiro. Æ jiro “Ahrire m_usare waihtja”, Cohamac_u nino jipihtinare tirore wac_u tuaina pinihtare nino niha. Æ jia Cohamac_u Moise cjirore to dutiri cjiire yoaina Cohamac_ure wac_u tuaina Cohamac_u to wahtore naahca. Tina dihta nasi. Jipihtina Abrahã cjiro yoaro sehe Cohamac_ure wac_u tuaina c_uh_u tinare to wahtore naahca. ¹⁷ Tíre Abrahã cjirore to niriro seheta joaa tiha panop_ure: “Pay_u macari macaina ti ñ_uch_uno cjihto c_uhi m_uh_ure”, ni c_ua tiha Cohamac_u Abrahã cjirore”, ni joaa tiha panop_u. Æ jiro tiro Cohamac_ure wac_u tuaa tiha. Æ to wac_u tuach_u mari ñ_uch_u cjiro yoaa tiha Cohamac_u tiro cjirore. Cohamac_u sehe yariainare masoriro, jipihtinare, jipihtia c_uh_ure bajuamehneriro jira.

¹⁸ “Pay_u yahpari macaina m_u panamana ji turiaina jiahca”, Cohamac_u to ã ni c_uch_u Abrahã cjiro sehe pohna marieriro jiparota, “Potocãta jira”, ni t_uhotua tiha. Æ ni t_uhoturo pay_u yahpari macaina mari ñ_uch_u cjiro yoaro sehe wahaha tiro Cohamac_u tirore to ni c_uriro seheta.

¹⁹ Æ jiro cien c_uhmari c_uariro jiparota “B_uc_uro waro jija”, ni t_uhotuparota, Sara to namono ne pohna marienicoro to jipach_uta “Pohna ti masieraja sã”, ni t_uhotueraa tiha Abrahã cjiro. Æ jiro Cohamac_u to ni c_urire “Potocãta jira”, nia tiha Abrahã cjiro. ²⁰ “To niriro seheta yoeraboca”, ne ni t_uhotueraa tiha Abrahã cjiro. Æ jiro tiro Cohamac_u to ni c_urire noano t_uhoa tiha. To ã niare t_uhotjiãhno “Cohamac_u tuariro jira”, ni ño payoro nia tiha. Æ jiro Cohamac_ure wac_u tua namoa tiha tiro. ²¹ “Cohamac_u to niriro seheta noano bihorohca”, ni t_uhotu noano masia tiha Abrahã cjiro. ²² To ã masich_u Cohamac_ure to wac_u tuach_u Cohamac_u sehe “Noariro jira”, ni ñ_ua tiha Abrahã

cjirore. Æta ni joaa tiha Cohamac_u yare ti joari p_ui.

²³ Æ yoa Abrahã cjiro dihtare ã ni joaeraa tiha. ²⁴ Tíre mari masihti cjihtire mari c_uh_ure ã ni joaa tiha. Æ jiro Cohamac_ure mari wac_u tuach_u “Noaina jira”, ni ñ_unohca mari c_uh_ure Cohamac_u. Tiro pini mari p_uhtoro Jesu to yariach_u masori jire tirore. ²⁵ Jesu sehe mari ñ_ua buhiri yariari jire. To yariari baharo masa wijaari jire tiro Cohamac_u marine “Noaina jira”, to ni ñ_uhto cjihtore.

5

“Noaina jira”, Cohamac_u to ni ñ_uch_u ò sehe waharohca marine

¹ Jesucristore mari wac_u tuach_u ñ_uno “Buhiri marieina, noina jira”, ni ñ_una marine Cohamac_u. To ã ni ñ_uch_u Cohamac_u mehne macaina marine jich_u yoara mari p_uhtoro Jesucristo. ² Æ jina mari tirore wac_u tuach_u ñ_uno Cohamac_u marine cah_uno, pichacap_u wahaborinare y_hdore tiro mehne mari jihto sehe. Cohamac_u pinihta noa y_hd_uariro jira. Æ jiro tiro yoaro seheta jiina wahach_u yoarohca marine tiro. To ã yohti cjihtire noano masi, wahcheja. ³ Æ yoa ñ_uno y_hd_una c_uh_u wahcheja mari. Ñ_uno y_hd_una, tíre c_uno pja masija mari. Æ c_uno pjana, ñ_uno y_hd_upanahta noano Cohamac_ure wac_u tuaina waha namoja mari. Æ jina Cohamac_u yare duhueraja mari. ⁴ Mari ã yoach_u ñ_uno “Noana”, ni ñ_unohca Cohamac_u marine. Æ jina marine to y_hd_uohtore noano masi, wac_u cohtana nija mari. ⁵ Ne wiho waro wac_u cohtana nieraja. Cohamac_u marine to Espíritu Santore warocare mari mehne jihtirore. Æ jiro Espíritu Santo sehe mari mehne jiro Cohamac_u marine to ã cah_urucuaire masich_u yoara. To ã masich_u yoach_u marine to y_hd_uohto noano waro jiro nina. Potocãta y_hd_unahca mari.

⁶ Tó pano mari ñ_ua yoarire mari basi mari y_hd_u masierach_u ñ_uno, to quih_uriro m_u s_uch_u, Cohamac_ure cahmaeraina mari jipach_uta, Cristo sehe mari ñ_ua buhirire yariabasaha. ⁷ C_uiro mas_uno noariro jiparota yariahtiro to jich_u paio sehe to

yariaborirote cohtota, to yariabasa du-achu mijo yuhduara. Noaa dihtare yoariro yaro jiborirote paio yariabasaboca pa tehe nino. ⁸ Wiho mejeta Cohamacu sehe õ sehe yoara. Buhiri tiina mari jisinipachuta mari yaro jiborirote Cristo yariaha. To ã yoachu Cohamacu marine to tuaro cahãare masija mari. ⁹ Mari yaro jiborirote to ñano di wijaa, yariachu Cohamacu sehe marine “Buhiri marieina, noaina jira”, ni ñuna. To ã ni ñuri baharo mipu pinihtare marine pichacapu wahaborinare yuhdorohca Jesu. Marine to yaina wahachu to yoari baharo marine buhiri dahresi pichacapu Cohamacu. ¹⁰ Cohamacure ñu tuhtiina mari jipachuta, to macuno sehe yariaro, mari ñaa buhiri tiare cohãno, Cohamacure mari ñu tuhtirire duhuchu yoare. To ã yoaro mehne Cohamacu mari buhiri tiare bora. Tuhsu marine to yaina wahachu yoara. Mipu pinihtare tí yuhdo curero yorohca marine. To yaina mari jichu Jesu to masa mujari mehne marine pichacapu wahaborinare noano yuhdorohca tiro. ¹¹ Æ jina baharopu mari yuhduhtore masina wahcheja mari. Mipure ahri cãhure wahcheja. Mari puhtoro Jesucristo mari ñaa yoari buhirire to yariari baharo Cohamacu yaina jija mari. Æ jina wahcheja.

Adãore, Cristore yahuha Paulo Roma macainare

¹² Adão cjiro Cohamacure to yuhduarucari baharo ahri yahpare ñaa buhiri tia ji ducaha. Ñaa buhiri tia ji ducaro mehne masa yaria ducaha. Jipihtina mari ñaare buhiri tiare yoaja. Æ jina jipihtina ñaina mari jiri buhiri yariaja. ¹³ Cohamacu to dutiare Moise cjirore to cũhto pano potocãta ahri yahpa macaina ñaa buhiri tiare yoaa tiha. Ti ã yoapachuta to dutia mariachu to dutiare ti yuhduarucari buhiri buhiri dahre masieraha. ¹⁴ To ã buhiri dahre masierapachuta Adão cjiro cãhu to baharo jiina cãhu tí dutia mariasinipachuta yariaa tiha. Moise cjiro to jihto pano tí dutia mariasinipachuta masa yariaa tiha. Paina ñano yoaa Adão cjiro ñano to yoariro sehe waro yoera timaha. Æ jipahta tina cãhu yariaa tiha. Æ jiro Adão cjiro ñaare to yoa ducariro

seheta yoari pja baharopu ahri yahpapu tariro noaare yoa ducari jire.

¹⁵ Adão cjiro to yuhduarucari Cohamacu masare to pja ñua yoaro sehe jierara. Cohamacu to pja ñua sehe noa yuhduara. Adão cjiro cãirota jiparota ñaare to yoa ducari buhiri payu masa yariaa tiha. Cohamacu sehe marine pja ñuno, Jesucristore warocari jire. To ã warocachu tiro cãirota jiriro pichacapu wahaborinare masare payu yuhdora. ¹⁶ Æ jiro Cohamacu masare to pja ñua Adão cjiro to yuhduarucari yoaro seheta jierara. Adão cjiro sehe cãirota jiriro ñaare to yoari buhiri jipihtina masa ñaa buhiri tiina jira. Æ ti buhiri tiina jipachuta masa pjiro ti ñaare yoapachuta mipure masare pja ñuno Cohamacu ti ñaare bora. Æ boro “Noaina jira”, ni ñuna tiro tinare. ¹⁷ Adão cjiro cãirota jiriro ñaare to yoa ducachu jipihtina masa yariarucura. Tí potocã tjira. To ã jipachuta ahri sehere wahchenahca mari. Mipure Cohamacu masare pja ñuno Jesucristo cãirota jiriro to yariaro mehne ti ñaare boro, tinare “Noaina jira”, ni ñuna. Æ jia jipihtina to ã ni ñaina manopu Cristo mehne puhtoa jiahca.

¹⁸ Adão cjiro cãirota to jipachuta to yuhduarucari buhiri jipihtinapu buhiri tiina waha ducaha. Æ jia Cohamacu to buhiri dahrehtinapu tjuaha tina. Tó yoaro seheta Jesu cãhu cãirota jiparota noano yoaro jipihtina ti buhiri tiare cohã masina. Ti buhiri tiare to cohãchu, “Buhiri marieina, noaina jira”, ni ñuna tinare Cohamacu. Æ jia to ya catiare cjuaa, ã catirucuahca tina.

¹⁹ Adão cjiro cãirota Cohamacure yuhduarucaha. To ã yuhduarucachu, payu masa ñaa buhiri tiina wahaha. Tó yoaro seheta Jesu cãhu cãirota Cohamacure yuhtiha. Æ yuhtiro, payu masa ti buhiri tiare cohã masina tiro. To ã cohãchu “Ñaare ti yoari buhiri tia mariena, noaina jira”, ni ñuna Cohamacu tinare.

²⁰ Cohamacu to dutiare Moise cjirore cãu tiha tí mehne jipihtina masa ti ñaa buhiri tiare ti noano masihto cjihtore. Æ jia masa ti ñaa buhiri tiare masia tí yuhdoro Cohamacu tinare tuaro to cahã tia cãhure masiahca. Tiro marine cahã yuhduara.

²¹ Buhiri tiina ti jiri buhiri masa variahtina jira. Ti yariari baharo, pichacapu waahaaca. Wiho mejeta Cohamacu masare cahĩ yuhduara. ã tuaro cahĩno, mari puhtoro Jesucristo masare to yariabasaro mehne masare “Buhiri marieina, noaina jira”, ni ñuna. To ã ni ñuna sehe to ya catia mehne ã catirucuahca.

6

Yariaina cjiri ti ñaare yoaeraro seheta Cristo yaina cãhu ñaare yoaeraro

¹ ¿Dohse yoanahcari mari mipure, musa tuhotchuh? Cãina õ sehe niboca: Ñaare mari yoachuh ñuno Cohamacu mari ñaa buhirire borohca. ¿Cohamacu marire to cahĩ namochuh ñu duana ñaare yoa namobocari mari? ² Jierara. Ñaare yoaena tjijihna mari. Yariaina cjiri ñaare ti yoaeraro seheta Cristo yaina jina mari cãhu ñaare yoaeraro masieraja mari. ³ Jesu yaina mari jia tiare masa ti ñu masihtu cjihtore copu bautisare marine paina. ã jina mari puhtoro Jesucristo to yariachuh, mari cãhu tiro mehne yariaina seheta wahahi. ¿Tíre masierajari musa? ⁴ ã bautisarina wahaana Cristo pjacure masa copapu ti siõ sãa payo cohãriro seheta pano mari ñaa yoaeraro duhuja. ã jina Cohamacu to tuaa mehne Cristo to masa mujariro seheta mari cãhu to tuaa mehne mari jia tia cãhure, mari tuhota cãhure cohtotaja. ã cohtotana to yare wahma yoaerocaina wahaja mari.

⁵ Cristo yaina jina, tiro mari puhtoro mehne yariaina seheta jina, to masa mujariro seheta mari cãhu masa mujanahca. Tí potocãta jira. ⁶ Cristo yaina ji ducana crusapu tiro mehne yariaina seheta wahai pari turi mari ñaare yoaeraro cuerahto sehe. ã waharina jina ñaare yoaeraro jina namo duasi mari. Tíre mari masija. ⁷ Yariariro cjiropure ñaare goa pjaa mariaha. ã jiro tiro cjiro ñaare to yoa duhuriro seheta tí ñaa sehe tirore to dutipe namoeraboro seheta tí ñaare duhura tiro. ⁸ Cristo mehne yariaina yoaeraro sehe jina, to masa mujariro seheta mari cãhu masa mujanahca. “Tí potocã tjira”, ni tuhota mari. ã jina tíre mari masa mujahitire wacũ cohtaja mari. ⁹ Cristo to yaria masa mujari

baharo ne pari turi yariasi. ã catirucuriro jira tiro. Tíre mari masija. ¹⁰ ã jiro Cristo cã tahata yariaro, masa tí ñaa yoaeraro buhirire cohãno taro yariaha. To masa mujari baharo Cohamacu to cahmano seheta yoaeraro jira tiro. ¹¹ Tiro yoaeraro seheta musa cãhu õ sehe ni tuhota: “Yariaina cjiri ti yoaeraro seheta mari cãhu ñaare yoa duaeraja. Jesu yaina jina Cohamacu to cahmano seheta yoahtina cjihtita jina nija mari cãhu”, ni tuhota musa.

¹² ã jina musa variahtina jina ñaare yoaeraro jina tjiga. ã jina musa ñaa yoaeraro goa pjapanahca tíre ã tuhota. ¹³ Ñaare yoaeraro jina tjiga. Musare pichacapu wahaborinare Jesu to yuhdorina jira musa. To ã yoaeraro jina Cohamacu cahmaa dihtare yoaeraro jiga musa. ã jina noaeraro yoaeraro jiga musa. ¹⁴ Mipure Cohamacu Moise cjirore to dutia mehne marine dutierara. Cohamacu marine cahĩno tiro sehe marine dutira. ã jina to yoadohoro mehne ñaare yoaeraro duasi mari.

Musa ñaare yoaerocuh tí ñaa musa puhtoro yoaeraro sehe jira

¹⁵ ¿Yuh ã nichuh dohse ni tuhota mari musa? ¿Cohamacu sehere yuhtitina jina Moise cjirore to dutiare yuhtitina jierana, ñaare yoaerocubocari mari? Jierara. ¹⁶ ¿Ahire masierajari musa? Musa noano yuhtiro musa puhtoro jira. ã jina to cahamaca jira musa. Musa ã yuhti musa puhtoro tirore seheta ñaare yoaeraro musa jichuh tí ñaa yoaeraro musa puhtoro yoaeraro sehe jira. ã jina ñaare duhu masierara musa. ã jina jina pichacapu wahahitina jira musa. Cohamacure noano ño payoeraro jina pinihta, to cahamaca jira musa. ã jina to yaina noaina jira musa. ¿Tíre masierajari musa? ¹⁷ Panopu ñaare yoaeraro musa jichuh tí ñaa yoaeraro musa puhtoro yoaeraro sehe jimare. Mipure sehere noaeraro buheare tuhona Jesure wacũ tuana Cohamacure noano ño payoeraro wahare musa. Musa ã wahachuh ñuna Cohamacure “Noana”, nija. ¹⁸ ã wahaana mipure ñaa ti dutiro cjiro seheta yoaeraro musa. ã jina Cohamacu cahamaca jina noaeraro sehere yoaeraro musa. ¹⁹ Cahamaca

ti p̄ahtoare ti noano ño payoare masi pah̄ñona m̄usa. Ñ jic̄u tí m̄usa masiri mehne tí mehne piti dahre buhehi m̄usare ahri buheare noano masieraina m̄usa jich̄u ñ̄uc̄u. Panop̄u ñaare yoarucuina jimare m̄usa. M̄usa ã yoarucuro seheta mip̄u sehere noaare yoarucuina jiga m̄usa. Ñ jina Cohamac̄u cahmaa dihtare yoanahca m̄usa.

²⁰ Panop̄u ñaa dihtare yoaina jina, noaa sehere yoaera tire m̄usa. ²¹ ¿Tí p̄jap̄ure ñaa dihtare yoana dohse jirore wapataru m̄usa? Tí m̄usa ñaa yoarure wac̄una mip̄ure b̄uo tica m̄usa. Tí ñaare m̄usa yoari buhiri pichacap̄u wahaboa m̄usa. Ñ jina ñaare yoana ne wapataerara. ²² Mip̄u sehere m̄usa ñaa yoarure duhuna Cohamac̄u cahmaca wahare m̄usa. Ñ jina Cohamac̄u cahmaa dihtare yoaina jinahca. Ñ jina jipih̄tia dachoripe Cohamac̄u mehne jirucunahca. ²³ Ñaare mari yoari buhiri pichacap̄u wahahtina jija jipih̄tina mari. Mari ã jipach̄uta mari p̄ahtoro Jesucristore mari wac̄u tuach̄u ñ̄uno, jipih̄tia dachoripe tiro mehne marine jirucuch̄u yoarohca. Mari ã jirucuh̄tore ã wanocanohca.

7

Cohamac̄u Moise cjirore to dutiare yahu namoha Paulo tjoa

¹ Ȳu coyea, Cohamac̄u Moise cjirore to dutirire noano masina m̄usa. Mas̄uno to catisinich̄u tí dutiare ȳhd̄ur̄ca dutierara. To yariari baharo pinihtare tí dutiare yoaro mariahna. Tí c̄uh̄re masina m̄usa. ² Õ sehe jira: Numinore to man̄no to catiro puro tiro mehne dihta ji dutira Cohamac̄u Moise cjirore to dutiri sehe. To ã dutipach̄uta to man̄no to yariari baharo ticoro sehe pairore man̄u ti masina. Ticoro tí dutia mehne ji namoerara. ³ Ñ jiro to man̄no to jipach̄uta ticoro pairore man̄u tiro, ñano yoaricoro jira. Wiho mejeta to man̄no to yariari baharop̄u pairore man̄u tiro, Cohamac̄u dutiare ȳhd̄ur̄caerara ticoro ã yoaricoro. Ñ yoaro ñano yoaricoro jierara ticoro.

⁴ M̄usa c̄uh̄u ȳu coyea Jesu yaina wahaana, Jesu to yariach̄u, m̄usa c̄uh̄u tiro

mehne yariaina seheta wahare. Ñ jina yariaina cjirore dutia ti marieno seheta Moise cjirore to dutia to c̄uri cjiri m̄usa c̄uh̄re mariahna. Tí dutia m̄usare dutierara. To man̄no to yariari baharo, pairore man̄u tiricoro yoaro seheta m̄usa c̄uh̄u panop̄u m̄usare dutimarire duhu, Cristo mehne jira, ticoro paio mehne to jiro seheta. Ñ jina mip̄ure to yaina jira m̄usa. Tiro sehe to yariari baharo masa m̄ajari jire Cohamac̄u cahmaare mari yoah̄to cjihtore. ⁵ Panop̄u ñaare mari m̄u s̄uro yoaa timai. Ñ jina Cohamac̄u Moise cjirore to dutirire mari masiri baharo tí dutiare ȳhd̄ur̄ca duamai. Tí dutia mariach̄u ȳhd̄ur̄ca duaeraboa. Ñ jina tí dutiare mari masiri baharo ñaare tuaro yoamai mari. Ñ mari ñaare yoana mari pichacap̄u wahahtinata jia timai. ⁶ Ñ wahahtina jipanahta Cristo yaina jina mip̄ure tí dutia mehne jieraja mari. Ñ jiro Esp̄iritu Santo mari mehne jiro marine noaa sehere cohtotach̄u yoara. To ã yoach̄u panop̄u macaa dutia m̄una dutia to joari cjiri tí mehne jieraja mari mip̄ure.

To ñaa yoari cjirore yahuha Paulo

⁷ ¿Ñ jina Cohamac̄u Moise cjirore to dutirire dohse nibocari mari? ¿Tí to dutia ñaa jicari, m̄usa t̄hotuch̄u? Jierara. Tí ȳh̄ure to dutiri mehne ñaare masii. Ñ jic̄u to dutia mariach̄u ñaare masieraboa ȳh̄u. To dutia ò sehe jira. “Paina yap̄ure tuaro cahmaena tjiga”, niha to dutia. Ti ã nierach̄u paina yap̄ure tuaro ti cahmari ti ñaa jich̄u masieraboa ȳh̄u. ⁸ Ñ jic̄u tí dutiare ȳu masiri baharo paina yap̄ure tuaro cahmaa tii ȳh̄u. Tí dutiare masierasinic̄u paina yap̄ure tuaro ȳu cahmari ti ñaa jich̄u masieraboa ȳh̄u. ⁹ To dutiare ȳu noano masihto pano ã t̄hotunocai. To dutiare ȳu masiri baharo pinihta tuaro ñaare yoa duamai. Ñ jic̄u pichacap̄u ȳu wahahtore masia tii. ¹⁰ Ñ jia Cohamac̄u dutiare ȳhd̄ur̄caeraa masa tiro mehne noano jirucuboa. Ñ jia tí dutia sehe noano jirucuch̄u yoabori dutia jipahta ȳu ȳhd̄ur̄cari buhiri ȳh̄ure pichacap̄u waha dutimare. ¹¹ Ñ jic̄u ñaare yoac̄u Cohamac̄u Moise cjirore to dutiare ȳhd̄ur̄ca duamai. Ñaare goa p̄jariro

jicɩ noaare masierahi. Tí ñaa yɩhɩre do-jomehnere. Ā jicɩ noano masierahi. Ā masieracɩ Cohamacɩ dutiare yɩhdɩrɩcaɩ. Ā jicɩ to dutiare yɩ masiri baharo yɩ ñaa buhirire pichacɩpɩ yɩ wahaborirore masii. To dutia mehne ā masii.

¹² Ā jia Moise cjirore Cohamacɩ to cūri dutia noaata jira. Ā jia quihōno jiata nina tí dutia. ¹³ Ā jipahta marine tí noaa dutia sehe pichacɩpɩ wahachɩ yoajari? Jierara. Tóɩpɩ wahachɩ yoaerara. Mari ñaa yoaa sehe marine pichacɩpɩ wahachɩ yoara. To dutiare mari masiri baharo tí dutiare yɩhdɩrɩcɩna ñaaare yoana masija mari. Ā jina mari ñaina mari jiare masina mari pichacɩpɩ wahahto cūhɩre masija mari. Ā jina to dutiare masina mari yɩhdɩrɩcarire tí ñaa yɩhdɩna jichɩ masija mari.

¹⁴ Cohamacɩ to dutiare Moise cjirore cūha. Tí to cūa noaa tí jichɩ masija mari. Wiho mejeta yɩhɩ sehe paina yoaro seheta ñariro jija. Ā jicɩta ñaaare yoarucuca yɩhɩ. ¹⁵ Ā Dohse waharo nijari yɩhɩre? Ne noano masieraja yɩ yoaaare. Yɩ yoa duaa sehere ne yoaera, yɩ tuaro yoa duaeraa sehere yoaja yɩhɩ. ¹⁶ Ñaaare yoa duaerapaihta ñaaare yoaja yɩhɩ. Tíre yoacɩ Cohamacɩ dutia noaa dutia tí jichɩ masija yɩhɩ. ¹⁷ Ā jicɩ mɩpɩre yɩhɩ waro tí ñaaare yoaeramaja. Wiho mejeta yɩ tɩhotuapɩ jia ñaa tí sehe yɩhɩre ñaaare yoachɩ yoara. ¹⁸ Noaare tuaro yoa duapaihta ne bihoeraja. Ahri yahpa macariro jicɩ yɩ tɩhotuapɩ ñaa dihta jira. Ne noaa mariaputiara. Ā jicɩ noaare tuaro yoa duapaihta ne bihoeraja. Ñaa sehe yɩhɩre dojomehne mɩjana. ¹⁹ Noaa yɩ yoa duaa sehere yoaeraja yɩhɩ. Ñaaare yɩ yoa duaeraa sehere yoaja. ²⁰ Yɩ yoa duaeraare yoacɩ mɩpɩre yɩhɩ waro tíre yoaeramaja. Yɩ tɩhotuapɩ jia ñaa tí sehe yɩhɩre ñaaare yoachɩ yoara.

²¹ Ā jiro yɩhɩre õ sehe wahara: Noaare yɩ yoa duapachɩta yɩ tɩhotuapɩ ñaa jira. Ā jicɩ noaa sehere ne yoa masieraca. ²² Cohamacɩ Moise cjirore to dutirire yɩ tɩhotua mehne tuaro cahma, quihōno yoa duamaja. ²³ Ā jicɩ yɩhɩ ahrire yɩ basi masija: Yɩ tɩhotua mehne noaare Cohamacɩ dutiare yoa duaja. Ā yoa duapai-

hta yɩ basi ñaaare tuaro yoa duaca. Yɩ mɩ sɩro ñaaare duhu masieraja yɩhɩ.

²⁴ Ā ñaaare duhu masieracɩ pjacɩoriro jija yɩhɩ. Ñaaare yoacɩ pichacɩpɩ wahaihca yɩhɩ. Cuenah. Ā Yɩhɩre pichacɩpɩ waha dutia ñaaare noa yɩhɩre yɩhdobasabocari? ²⁵ Jesucristore yɩ wacɩ tuachɩ tiro sehe ñaa yɩ yoari buhirire yɩhdobasarohca. To ā yoachɩ Cohamacɩre “Noana”, nija yɩhɩ. Ā jicɩ mɩpɩre yɩhɩ yɩ basi yɩ tɩhotua mehne Cohamacɩ dutiare quihōno yoa duamaja. Ā yoa duariro jipacɩta yɩ pjacɩ mehne yɩ mɩ sɩro ñaaare duhu masieraja.

8

Espíritu Santore cɩɩaina tí jia tiare yahuha Paulo

¹ Mɩpɩre Jesucristo yainare tí buhiri tiboro mariahna. ² Ā jiro Jesucristo yairo yɩ jichɩ Espíritu Santo ā catirucuchɩ yoariro ñaaare yɩhdɩrɩcachɩ yoara yɩhɩre. Ñaaare yɩhɩre yɩhdɩrɩcachɩ yoaro yɩhɩre pichacɩpɩ wahaborirore yɩhdore tiro. ³ Cohamacɩ Moise cjirore to dutiare mari mɩ sɩro ne yoa pahñosi. Ā yoa pahñoerana yɩhdɩrɩcɩna jija mari. Ā jina tí dutia yoaa mehne ne yɩhdɩsi mari. Mari ā jiina jipachɩta õ sehe Cohamacɩ marine yɩhdorohca. To macɩnore mari yoaro seheta pjacɩ tihtirore warocaha, mari buhiri tiare buhiri tihtiro cjihtore, marine yariabasahtiro cjihtore. Ā jiro mari tɩhotuapɩ jia ñaaare tiro duhuchɩ yoari jire. ⁴ Āta yoare Cohamacɩ dutiare to tuaa mehne mari bihohto cjihtore. To dutiare bihoina jina mari mɩ sɩro jieraja. Espíritu Santo to yoadohoa mehne to dutiro seheta yoaja mari.

⁵ Ñaaare yoa duaina, tí dihtare goa ppara. Espíritu Santo to dutiro seheta yoarucuina sehe tí to dutia dihtare wacɩ nɩnɩ, yoa duara tina. ⁶ Ñaa dihtare goa pjaa, wacɩ nɩnɩina pichacɩpɩ wahaahca. Espíritu Santo to cahmano seheta tuaro yoa duaina sehe jipihtia dachoripe Cohamacɩ mehne ā catirucuahca. Ā jia tina Cohamacɩ mehne noano jinocaahca. ⁷ Ñaa dihtare goa pja, wacɩ nɩnɩina Cohamacɩre

ñu tuhtira. Tina Cohamacu dutiare ne yuhtierara. To dutiare yuhti duaerara. Yuhtia cãhu bihoeraboa tina. ⁸ ã jia ti mũ sũro yoaina Cohamacure wahchechu yoa masierara.

⁹ Wiho mejeta mũsa sehe mũsa tuhotuapu jia ñaare yoerara. Espiritu Santo mũsa mehne to jichu to cahmano seheta yoara mũsa. ã jia Espiritu Santore cãaeraina sehe Cristo yaina jierara.

¹⁰ Mũsa sehe to yaina jira. Mũsa ñaa buhirita mũsa pjacuri yariara. ã mũsa pjacuri yariahtina jipanahta Cristo mũsa mehne to jichu tiro mehne to ya catia mehne ã catirucunahca mũsa. Cohamacu mũsare “Buhiri marieina, noaina jira”, to ni ñuchu mũsa tiro mehne ã jirucunahca.

¹¹ Cohamacuta Jesure masori jire. ã masoriro jiro Espiritu Santo mari mehne to jirucuchu mari yariari baharo Cohamacu mari cãhure masonohca. ã masono wahmaa pjacuri wahachu yoarohca marine. Jesure to masoriro seheta masonohca mari cãhure.

¹² Yu coyea, to ã yoachu ñuna ñaa mari goa pjarire yoarena tjijihna. ¹³ Mari ñaare yoaina jina, pichacapu wahahtinata jinocanata nija. Espiritu Santo to yoadohoa mehne ñaa yoare duhuna, jipihtia dachoripe Cohamacu mehne jirucunahca.

¹⁴ Jipihtina Espiritu Santore yuhtiina Cohamacu pohna jira. ¹⁵ Espiritu Santo mari mehne to ji dũcachuta Cohamacu pohna ji dũcai. Wiho mejeta tiro marine dutipe, dahrachu yoah tiro jierara. ã jina panopu mari cuiriro sehe mipu sehere mari cuieraja. To pohna jina, Espiritu Santo to yoadohoa mehne mipure “Yu Pũcu”, nija mari Cohamacure. ¹⁶ ã jiro Espiritu Santo mari wacũapu marine õ sehe ni masichu yoara: “Potocãta Cohamacu pohna jija mari”, ni masichu yoara. ¹⁷ ã jina to pohna jina, Cohamacu jipihtiare to pohnare “Waihtja”, to nirire mari sehe cãanahca. Jesucristo cãhu cãa, mari cãhu cãanahca tũre. Cristo yare mari yoari buhiri ñano yũhdũina jina mari tiro mehne mũanopu noano wahchea mehne jinocanahca. ã jina Cohamacu to pohnare to “Waihtja”, to nirire cãanahca mari Cristo mehne.

¹⁸ Mipure ahri yahpai ñano yũhdũsinija mari. Baharopure mari mũanopu noano jinocanahca. ã jina mipure ñano yũhdũna, pjũro cahya tuhotuena tjijihna. Ahri mari ñano yũhdũa wiho waro jira. Baharo noano jinocanahca Cohamacu mehne. ã jina tuaro wahchenahca. Ahri pini wiho waro jierara. ¹⁹ Cũ nũmu Cohamacu to pohnare cohtotarohca. Buhiri marieina, yariaerahtina, noaina waro jichu yoarohca marine. Mari ã wahachu jipihtia Cohamacu to bajuamehneri cjiri cãhu wahma dihta cohtota pihtia wahaahca. ²⁰ Jipihtiropure to bajuamehneri noaa ti jiborire dojomehneha masũno ñano yoa dũcaro. Ti mũ sũro ã wahaeraha. Masũno Cohamacure to yũhdũrucaro mehne to bajuamehneri ã waha. ã jiro Cohamacu to bajuamehneri cjirire ãta ñano ji dutisiniha. Baharo to bajuamehneri cjirire noaa wahachu yoarohca tjoa tiro. ²¹ ã jiro Cohamacu to bajuamehneri cjirire baa pihtiborire noaa wahachu yoarohca tjoa. Cohamacu pohnare noaina to wahachu yoariro seheta, tinare noano to yũhdũro seheta noaa wahachu yoarohca Cohamacu to bajuamehneri cjirire cãhure. ²² Jipihtia Cohamacu to bajuamehneri cjiri ñano ti ji dũcari baharo ñano yũhdũa tiha. Numino niji wahcõno to ñano yũhdũro seheta to bajuamehneri cãhu dachoripe ñano yũhdũrucura. Tũre mari masija. ²³ ã yoa mari cãhu to bajuamehneri cjiri yoaro seheta ñano yũhdũja. To yaina mari wahachu, Cohamacu to yairo Espiritu Santore dõihta ware marine. ã jina “Waihtja”, to niriro seheta sohtori tirohca”, ni masija mari. ã jina noaa sehere marine to cohtotahtore tuaro waro cohtaja. ã yoa to pohna mari tiro mehne mari noano jihto cãhure tuaro cohtaja mari. Tuhsu, wahma pjacure marine to wahto cãhure tuaro cohtaja. ²⁴ Mari ã cohtaina jichu, tirota marine pichacapu wahaborinare yũhdore. Tiro cahapu jirina jina tiro cahapure mari wahahtore cohtaeraboa mari. Marine to yũhdo tuhsuri baharo tũre cohta namoeraboa. ²⁵ ã jina to wahtire ñaerapanahta Cohamacu marine

to yuhdohtore cohtana, noano mehne ã cohtarucuja.

²⁶ Æ yoa Cohamacure wacũ tuaera cureina to cahmaare noano masieraina jija mari Æ jina tirore quihõno siniina cũhũ jieraja mari. Wiho mejeta mari ã jiina jipachuta, Espiritu Santo sehe marine yoadohora. Marine tuaro pja ñũno mari ya cjihtire durucuro marieno to tũhotua mehne tiro Cohamacure tuaro sini payobasara. ²⁷ Cohamacu to cahmano seheta mari Jesu yaina ya cjihtire sini payobasara tiro Espiritu Santo. To ã sini payobasachũ Cohamacu mari tũhotuare masi pahñoriro jiro, Espiritu Santo to sini payobasaare masina.

Cristo to tuaa mehne ñaa yoaare yuhduhũcanahca mari

²⁸ Ahrire yũ yahutire masija mari: Jipihitina Jesure cahĩna mari jichũ to cahmaare yoahinare besere marine tiro. Æ jiina mari jichũ ñũno Cohamacu ã yoadohorucura marine. Æ jina mari ñano yuhduhũpanahta ñano yuhduhũrucu dojoaeraja. Æ jina Cohamacu yoadohoro mehne noano jinahca mari. ²⁹ Cohamacu marine to yaina cjihtire dóirũta masi, bese tuhsaha. Æ besero to macũno Jesu to yoaro seheta jihtina cjihtire marine cũha, payũ masa to macũnore mari wahmi tihto cjihtore. ³⁰ Panopũ to yaina to ji dutirina mari jichũ, to pohna mari jihtina cjihti cũhũre beseha marine. Æ jiro marine to beserinare tiro “Buhiri marieina, noaina jira”, ni ñũre. Marine to ã niinare tiro yoaro sehe jihtina cjihtire tiro mehne mũanopũ noano jichũ yoarohca Cohamacu.

³¹ Tíre masina õ sehe tũhotuja mari: Cohamacu marine to cahĩinare ne paina ñũ tuhtia bihosi. ³² Cohamacu mari ya buhirire yariahtirore to macũnore warocaha. “Yũ macũre cahĩja. Æ jicũ tirore warocaeraja”, nieraha tiro. Marine ã tuaro yoadohoriro jiro, jipihtia marine duhsarire wa pahñonohca. ³³ Cohamacu to beseina mari jichũ, tiro marine “Ñaa buhiri marieina, noaina jira”, ni ñũre. Mari ã jiina jichũ paina marine “Ñaina jira”, ne ni yahusã masierara. ³⁴ Cristo

mari ya buhirire yaria masa mũajaha. Mipũre Cohamacu poto buhũsehe sehei jira pũhtoro jiro. Æ jiro tiro mari ya cjihtire potocãta sini payoro nina Cohamacure. Æ jia paina sehe marine ne buhiri dahre duti masierara Cohamacure. ³⁵ Cristo marine to tuaro cahĩchũ paina tirore “Cahĩ tija”, ne ni masierara. Cahĩ duhusi tiro. Mari ñano yuhduhũpachuta, mari cuipachuta, paina marine ti ñano yoapachuta, mari jũca baapachuta, suhti marieina mari jipachuta, nu cuaroi mari jipachuta, marine ti wajãpachuta Cristo marine ã cahĩrucurohca. ³⁶ Cohamacu yare ti joari pũi mari ñano yuhduhtore yahuro, õ sehe nina: “Mũ yaina sã jichũ masa ñũ jicoaeraa, ti wajãhtina ã jirucunata nija.

Oveja ti wajãhtina ti jiriro seheta sã cũhũre ã wahara”, ni joaa tiha Cohamacu yare ti joari pũi.

³⁷ Æ jina mari ñano yuhduhũpanahta Cristo marine cahĩiro to yoadohoro mehne tí jipihtiare yuhduhũ witinahca. Æ yuhduhũna to yare ne duhusi mari. ³⁸⁻³⁹ Jesucristo yaina mari jichũ ñũno Cohamacu sehe marine tuaro cahĩna. Æ jiro tiro marine ne cahĩ duhusi. Mari yariachũ cũhũre, mari catichũ cũhũre, mipũre, baharopũ cũhũre, tiro marine cahĩ duhusi. Æ yoa anjoa, watĩa pũhtoa, ahri yahpa macaina pũhtoa, mũano macaina, ahri yahpa macaina cũhũ marine Cohamacure “Mũ yainare cahĩ tija”, nia bihosi tina. Cohamacu to ba-juamehneri cjihipũre tirore marine ne cahĩ duhuchũ yoaa mariahna. Marine ne tiro cahĩ duhusi.

9

Israe masa Cohamacu to beserina jira

¹⁻² Yũ coyeyã Israe masare wacũcu tuaro cahyaja. Cristore cahmaerara tina. Æ jicũ ñano cahya yajeripohna tija yuhũ. Tí yũ ã ni yahua potocãta jira. Yuhũ Cristo yairo tjija. Æ jicũ mũsare “Cahyaja”, yũ nia sehe potocãta jira. Mũsare ã nicũ mahñoi nieraja. Espiritu Santo yũ ã mahñoechũ masino, yuhũre “Quihõno mũ cahyarire yahure mũhũ” ni, yuhũre masichũ yoare. ³ Israe masa yũ coyeyã yũ ya yahpa macaina pichacapũ wahaahca. Cohamacure tinare

yuhdo duti duacu õ sehe ni duamaca yuh sehe: “Ti ya buhirire yuh sehe pichacaru wahaihtja. ã jiro ti yaro jiborirore yuh sehere buhiri dahrejaro Cristo”, ni duamaca yuh. ⁴ Tina yu coyea Israe cjiro panamana ji turiaina jira. Tinare to pohna cjihtire cūha Cohamacu. Tuhsu, to si sitea mehne ti watoi jia tiha. Tinare jipihtinare to noano wahachu yoaa cūhare yahu cū mūhtaa tiha. Tuhsu, Moise cjirore to dutiri cūhare dóiputa tinare Israe masareta cū mūhtaa tiha. Tirore ti ño payohti macaa cūhare tinareta cū mūhtaa tiha. Tuhsu, masare to yuhdohto cūhare yahu cūa tiha tinare Cohamacu. ⁵ Sã ya curuari waro doce curuari waro jira. Sã ñuchusuma ji mūhtarina cjiropu ti panamana jia tiha. Ti panamana ji turiainaru jija sã Israe masa. ã jiro mari yoaro sehe pjacu tiriro taro, sã coyeiro Israe masano waro jire Cristo. Tiro Cohamacuta jira. ã jiro tiro jipihtina bui pūhtoro jira. Jipihtia dachoripe tirore noano ño payojihna mari. ã ño payorucujihna.

⁶ Paina Israe cjiro panamana ji turiaina jipahta Cohamacu yaina waro jierara. ã jina tina to yaina ti jierachu ñuna õ sehe ni tūhotuboca mūsa: “ ‘Israe masare yu yaina jichu yoaihtja’, niparota cāinare Cohamacu to niriro seheta yoerara”, ni tūhotuboca mūsa. ã ni tūhotuena tjiga. ⁷ Õ sehe jira: Paina Abrahã panamana ji turiaina ti jipachuta “Abrahã panamana ji turiaina waro jira”, ni ñerara Cohamacu tinare. ã jiro õ sehe nia tiha Cohamacu: “Mu macu Isaa panamana ji turiaina tina pinihta potocãta mu panamana ji turiaina waro jahca”, ni yahu cūa tiha Cohamacu Abrahãre. ⁸ To ã ni yahu cūchu ahrire masinahca mari: Abrahã cjiro panamana jipihtina waro Cohamacu pohna jieraca. Cohamacu to ni cūrire noano tūhoina tirore wacū tuaina sehe tinata jica Cohamacu pohna. ã jia tinata jira Abrahã cjiro panamana ji turiaina waro.

⁹ Õ sehe niha Cohamacu Abrahã cjirore: “Pa cahma ahri pja baroihta yu tjua tachu mu namo Sara wihãrirocãre cjarohca mu macure”, nia tiha Cohamacu Abrahã cjirore. ã nino Cohamacu Abrahã cjiro

macano to masa bajuahtore yahu cūyuro nia tiha.

¹⁰ Baharo Isaa cjiro namono Rebeca wama tiricoro pūaro pohna tia tiha. Ti pūcuro Isaa sã ñuchu cjiro jia tiha. ¹¹⁻¹² ã jia ti pohna ti masa bajuerasinipachuta, noaare, ñaa cūhare ti yoerasinipachuta Cohamacu ti pocoro cjihtore õ sehe nia tiha: “To baharo sehe to wahminore dutirohca. ã jiro to pūhtoro jirohca”, nia tiha ticorore. Cohamacu to cahmano seheta besera tiro. ã jirore jiro cãirocãre besero ticorore ãta ni yahua tiha. ã jiro masa ti yoare ñeraparota to cahmano seheta tiro to yaina cjihtire besera. ¹³ ãta ni joaa tiha to yare ti joari pūi: “ ‘Jacobó sehere cahãa tihi. Esaú sehere cahãera tihi’, niha Cohamacu”, ni joaa tiha panopu.

¹⁴ ¿Tíre wacūna dohse ni tūhotubocari mari? ¿Ti yohtire ñeraparota cãirore ã besero Cohamacu quihõno yoaro nierabocari, mūsa tūhotuchu? Jierara. ¹⁵ Õ sehe nia tiha Cohamacu Moise cjirore: “Diro yu pja ñu duarirore pja ñuihtja”, nia tiha tiro Moise cjirore. ã jiro cãirore ã besero quihõno yoaro niha Cohamacu. ¹⁶ ã jina mari mu sūro mari cahmano sehe Cohamacure marine pja ñuchu yoeraja mari. Tuhsu, ne mari noaare mari yoari wapa cūhare marine pja ñerara tiro. To mu sūro to pja ñu duaina sehere pja ñuna. ¹⁷ Egipto macaina pūhtoro faraõ cūhare to cahmano seheta yoaa tiha tiro. Õ sehe nia tiha Cohamacu faraõre: “Egipto macaina pūhtoro cjihtore cūi nii mūhare yu tuare jipihtinare yu ñohto cjihtore. Tuhsu, jipihtia yahpari macaina yūhare ti masihto cjihtore pūhtoro sõi nii yūhu mūhare”, nia tiha Cohamacu faraõre. Tó seheta nina Cohamacu yare ti joari pūi. ¹⁸ ã jiro to pja ñu duainare to mu sūro pja ñuna tiro. Tuhsu, paina sehere to mu sūro yūhtierachu yoara tiro. To cahmano seheta yoara tiro.

¹⁹ To ã yoariro jichu ñuna yūhu sehere õ sehe niboca mūsa: “Cohamacu marine to cahmano seheta to yoachu mari sehe tirore yūhdurucana bihosi. ¿Mari ã yūhdurucana bihoerapachuta dohse jiro baro marine buhiri dahre duajari tiro?” ni susini sinituboca mūsa yūhare. ²⁰ Tíre õ sehe ni

yũhtija m̄sare: ¿Masa wiho jiina jipanahta Cohamac̄re tuhtijari m̄sa? Dihi biato dahrerirore “¿Dohseac̄u yũh̄ure õ sehe jiri biato yoari m̄h̄u?” tí biato to ni sinitu-boriro seheta nina nica m̄sa Cohamac̄re. Tó sehe ni masierara m̄sa. ²¹ Dihi biato dahreriro dihi mehne to yoa duaro seheta yoara. ã yoaro c̄uria dihica mehne noaare c̄ũhti biatore yoa masina tiro. Tia dihica mehneti wiho jiare c̄ũhti biato c̄h̄ure yoa masina tiro. Tiro yoaro seheta Cohamac̄u c̄h̄u to yoa duaro seheta yoara.

²² ã jiro Cohamac̄u pichac̄ap̄u to cohãhtinare ti ñaa yoarire to ñu yabiare, to tuaa c̄h̄ure ñono taro, tinare dói buhiri dahre duamaha. ã dói buhiri dahre duaparota, yoari p̄ja ti ñaa yoaare ã ñnocasiniha. ã jiro tinare buhiri dahrerasiniha. ²³ ãta yoaha Cohamac̄u noabiariro to jiare, to tuaa c̄h̄ure mari masihtu c̄jhtore. Panop̄u marine to p̄ja ñina c̄jhtire tiro beseri jire jipihtia to tuaare to noaa c̄h̄ure mari c̄jhahto c̄jhtu sehe. ²⁴ ã jina mari sehe to beserina jinata nija. ã jia to beserina sehe c̄aina judio masa dihta jierara. C̄aina judio masa jieraina c̄h̄u jira to beserina. ²⁵ ãta nina judio masa jierainare Cohamac̄u yare Osea c̄jro to joariro seheta:

“Pano yu yaina jieraina c̄jri c̄h̄ure baharop̄u tinare ‘Yu yaina jira’, nihtja.

ã yoa pano yu cah̄eraina c̄jri c̄h̄ure baharop̄u tinare ‘Yu cah̄ina jira m̄sa’, nihtja”, nia tiha Cohamac̄u.

²⁶ “ ‘Yu yaina jierara m̄sa’, Cohamac̄u to nia yahpari macaina tina Cohamac̄u catiriro pohnata jiahca”,

ni joaa tiha Osea c̄jro panop̄ure. ²⁷ Tuhs̄u, panop̄u macariro Isaia c̄jro c̄h̄u Israe masare õ sehe ni yahua tiha: “P̄jiri ma macaa pad̄u yaparic̄are mari quihõna bihoeraja. Israe masa tí yaparic̄a peri paȳu ti jiro sehe jiina ti jipach̄ata mahainac̄a Cohamac̄u yũhdorohca tinare. ²⁸ Cohamac̄u ahri yahpa macainare paȳu masare to nino seheta c̄jro mehne potoc̄ata buhiri dahre bahrañonohca”, nia tiha Isaia c̄jro. ²⁹ ã yoa pari turita Isaia c̄jro õ sehe ni joaa tiha tjoa:

“Mari p̄htoro jipihtina bui p̄htoro mahainac̄a mari mehne macainare yũhdoeraro, marine judio masare jipihtinare butich̄u yoaboa tiro.

Sodoma macainare, Gomorra macaina c̄h̄ure to butich̄u yoariro seheta mari c̄h̄ure butich̄u yoaboa tiro”, ni joaa tiha Isaia c̄jro yu coyera Israe masare.

Judio masa noaa buheare cahmaeraha

³⁰ ã tjira. ã jina ahrire masi namoga m̄sa: Judio masa jieraina Cohamac̄ure macaerapahta tirore bocare. Jesucristore ti wac̄u tuach̄u ñno, “Buhiri marieina, noaina jira”, ni ñure tinare Cohamac̄u.

³¹ Wiho mejeta judio masa sehe “Cohamac̄u dutiare mari yoach̄u tiro marine yũhdorohca”, nia Cohamac̄u Moise c̄jrore to dutiare yoapahta, bihoerare. Ti ã bihoerach̄u ñno, Cohamac̄u “Noaina jira”, ni ñerare tinare. ã jia noaina ji duapahta bihoerare. ³² Õ sehe yoaa, tina bihoerare: Tina Cohamac̄ure wac̄u tuaro marieno ti m̄ s̄uro Moise c̄jrore to dutirire yoa duamare, to yaina ji duaa. Mari piti dahre buhech̄u Cristo tãca yoaro sehe jiriro jira. Ti m̄ s̄uro yoainare Cristo p̄ha tu borach̄u yoari tãca yoaro sehe jiriro jira. M̄roca wahc̄ariro sehe tãcap̄u p̄ha tu, bora s̄u caharo to wac̄u wahc̄anop̄ure ne s̄erara. (P̄ha tu borariro yoaro seheta tina Cristore tãca yoaro sehe jirirore cahmaeraina Cohamac̄u cahap̄u ne s̄si.)

³³ ãta ni joaa tiha Cohamac̄u yare ti joari p̄i:

“Jerusalẽ wama tiri macai p̄ha tu borach̄u yoari tãca yoaro sehe jirirore c̄ja.

Mari piti dahre buhech̄u õ sehe jira: M̄roca wahc̄ariro tãcap̄u doca wahã s̄u bora s̄u caharo to wac̄u wahc̄anore s̄erara.

Tãca yoaro sehe jirirore cahmaeraina sehe tiare p̄ha tu bora, ti wac̄u wahc̄anop̄ure ti s̄eraro seheta Cohamac̄u cahap̄u s̄si.

Wiho mejeta tirore wac̄u tuaina sehe tiro mehne ã wahcherucuahca”, ni joaa tiha.

10

¹ Y_u coyea, Israe masare pichacap_u wahaborinare Cohamac_u to y_uhdohtore, tuaro y_u yajeripohna mehne cahmas_uamaja y_uh_u. ² Ā jic_u Cohamac_u tinare to y_uhdohto cjihtore sini payoja y_uh_u. ³ Tuhs_u, tinare Cohamac_u to noaina wahach_u yoaborire tina t_uho ñahaerare. Ā t_uho ñahaeraa, ti m_u s_uro noaare yoa duapahta bihoerare. Ti ã yoach_u tinare Cohamac_u to wac_u tua dutiriro seheta ti yoerach_u ñ_uno, tiro sehe tinare “Noaina jira”, ni ñ_uerare. ⁴ Wiho mejeta Cristore wac_u tuaina sehere “Noaina jira”, ni ñ_una Cohamac_u. Ā jina dutia yoa mehne y_uhd_ueraja mari. Cristo mehne y_uhd_uja.

⁵ Moise cjiro panop_u macariro ò sehe ni joaa tiha: “Cohamac_u to dutirire ne c_uno d_uhsaro marieno mari yoa pah_uñoch_u Cohamac_u y_uhdorohca marine”, ni joaa tiha tiro. ⁶⁻⁷ To ã ni joapach_uta mip_ure masa Cristore ti wac_u tuach_u ñ_uno Cohamac_u tinare “Noaina jira”, ni ñ_una. Tí buhea noaina ti wahach_u yoari buhea ò sehe ni yahura: Cristo to basi ahri yahpap_u wihi tuhs_uri jire. Tuhs_u, masa m_uja tuhs_uri jire. Ā jina ò sehe ni t_uhotuena tjiga m_usa: “¿Diro sehe m_uanop_u Cristore na tabasaro wahabocari marine to y_uhdohto sehe? ¿Diro sehe yariaina cahap_u Cristore masoba_u na tabocari? Tirore na taboriro mariaha”, ni t_uhotuena tjiga m_usa. ⁸ Ā sehe ni yahura Cohamac_u yare ti joari p_ui: “Cohamac_u ya buheare mari macach_u to buhea òi jira. To buheare masi tuhs_ura m_usa. Ā yoa to buheareta durucua tire m_usa”, ni joaa tiha. Tí buheare Cristore wac_u tuaa buheare masare yahuja s_u. ⁹ Tí buhea ò sehe ni yahura: “Jesu mari p_uhtoro jira”, ni mari yahuch_u, “Cohamac_u Jesure yariariro cjirore potoc_uta masore”, ni mari wac_u tuach_u, Cohamac_u marine pichacap_u wahaborinare y_uhdorohca. ¹⁰ Jesure mari wac_u tuach_u Cohamac_u sehe marine “Noaina jira”, ni ñ_unohca. Jesure mari wac_u tuaare painare mari yahuch_u tiro marine pichacap_u wahaborinare y_uhdorohca.

¹¹ Ā sehe nina Cohamac_u yare ti joari p_ui: “Cohamac_ure wac_u tuaina tirore ti wac_u tuaa mehne ne cahyasi”, niha Cohamac_u yare ti joari p_ui. ¹² Judio masare, judio masa jieraina c_uh_ure Cohamac_u c_uno potorita yoadohora. Mari p_uhtoro jipihtina bui p_uhtoro jira tiro. Ā jiro tirore to yoadohoare siniinare jipihtinare noano waro yoadohorohca tiro tinare. ¹³ Ā sehe ni joaa tiha panop_ure: “Y_u buhiri tiare coh_uabasa, y_uh_ure y_uhdoga’, ni mari p_uhtorore masa ti sinich_u tinare pichacap_u wahaborinare mari p_uhtoro y_uhdorohca”, ni joaa tiha Cohamac_u yare. ¹⁴ Wiho mejeta masa sehe Cristore wac_u tuaeraa, tirore ã ni sini masierara tina. Tuhs_u, to buhea c_uh_ure t_uhoeraa, tirore wac_u tua masierara. Ā yoa to buheare yahuriro mariach_u c_uh_ure t_ure tina masisi. ¹⁵ Tuhs_u, to buheare yahuhtinare Cohamac_u sehe to warocaerach_u to buheare yahu masierara. Ā ni joaa tiha Cohamac_u yare ti joari p_ui: “Noa buheare yahuhtina ti tach_u noano wahcheja mari”, ni joaa tiha panop_ure.

¹⁶ Tí ã ni joari jipach_uta masa pay_u noaa buheare t_uho duaerara. Āta ni joaa tiha Isaia cjiro: “Y_u p_uhtoro, tinare mari yahurire tina ne t_uho duaerare”, ni yahua tiha Isaia cjiro Cohamac_ure. ¹⁷ Ā jia masa noaa buheare t_uho Cristore wac_u tuare. Ti t_uho sehe noaa buhea sehe Cristo ya buhea waro jira.

¹⁸ Ā jic_u ahrire ò sehe ni sinitu ñ_u duaja m_usare: ¿Israe masa Cohamac_u yare t_uhoerari, m_usa t_uhotuch_u? Potoc_uta tina t_uho waro t_uhomare. Āta nina Cohamac_u yare ti joari p_u c_uh_u:

“Cohamac_u noa putiariro to jia tiare yahuina jipihtirop_u yahu sitea wahare.

Ā jia jipihtiro macainap_u to yare t_uho sahseare”,

ni joaa tiha panop_ure. ¹⁹ Pari turi m_usare ò sehe ni sinitu ñ_u duaja tjoa: ¿Israe masa t_uhopahta noano masierari tina, m_usa t_uhotuch_u? Masia timaha tina. Ahrire yahu namoc_u Moise cjiro to nirire yahu m_uhtaihtja. Ā sehe ni joaa tiha tiro:

“Ā sehe ni yahura Cohamac_u Israe masare: ‘T_uho masieraina, ñ_uina jira”, ni

musa ñina sehere yu yaina cjihti wahachu yoaihtja.

Yu ã yoachu musa sehe tina mehne sua, tinare ñu tuhtinahca.

Ã yoacu musare suachu yoaihtja yuhu', ni yahure Cohamacu Israe masare Israe masa jierainare to yaina jichu yoaro taro",

ni joaa tiha Moise cjiro. ²⁰ Tuhsu, Isaia cjiro cãhu cuiro marieno õ sehe nia tiha:

"Õ sehe nina Cohamacu: 'Yuhure macaeraina sehe yuhure bocahre.

Ã jicu yuhure cahmaerainare tinare yuhure masichu yoahi yuhu', nire Cohamacu",

ni joaa tiha Isaia cjiro judio masa jierainare. ²¹ Tuhsu, Israe masa sehere õ sehe ni joaa tiha Isaia cjiro: "Õ sehe nina Cohamacu: 'Tina yuhure yuhdurucaina, yuhure cahmaeraina jira. Ã jicu tinare ti ñaare cahya duticu "Yu yaina wahaga", ã nirucumai tinare. Wiho mejeta tina sehe yuhure ne yuhti duaerare', nire Cohamacu", ni joaa tiha Isaia cjiro.

11

Mahainacã Israe masare pichacapu waborinare yuhdorohca Cohamacu

¹ ¿Ã jiro Israe masare Cohamacu to beseina cjirire cohãno niri tiro, musa tuhutuchu? Jierara. Tinare cohãerare tiro. Yuhu cãhu Israe masano, Abrahã panamino ji turiaropu jija. Benjami ya curua macariro jija yuhu. ² Panopure Israe masare to ya curua macaina cjihtire Cohamacu besea tiha. To ã beserinare cohãerare. Cohamacu yare ti joari pui Elia cjiro ya quitire yahura. ¿Elia cjiro Cohamacure sinino, Israe masare to yahusãire masierajari musa? Õ sehe ni yahusãha tiro: ³ "Yu puhtoro Cohamacu, tina Israe masa mu yare yahu muhtainare wajãre. Tuhsu, tinata paina muhure ño payoa taa, wahiquinare wajã ju muoa tuhuri cãhure cohãre. Ã jicu yuhu dihta mu yairo duhsaja mipure. Yu ã jichu tuhoa yuhu cãhure wajã duara tjoa, mipure", niha Elia cjiro Cohamacure. ⁴ To ã nichu tuhoru Cohamacu sehe õ sehe ni yuhtiha Elia cjirore: "Siete mil waro mu yaina jira

mipure. Tinare wihboi yuhu. Tina yu yaina sehe Baal wama tiri masure ne ño payoera tire tina. Ã jicu cuii tjiga muhu", nia tiha Cohamacu Elia cjirore panopure. ⁵ Ti pjare Elia cjiro to jia tiri pjarure to yaina masare to beseriro seheta mipu cãhure mahainacã Israe masare to yaina cjihtire besere Cohamacu. Cohamacu tinare cahmano tinare pja ñano besere. ⁶ Noaare ti yoari wapa tinare besero nierare. Tinare ã cahmano, pja ñano besere. "Noaare musa yoari wapa musare beseihtja" nino, tiro tinare potocãta pja ñano nieraboa.

⁷ Ã yoa õ sehe jira: Israe masa Cohamacu tinare "Noaina jira", to ni ñuchu yoa duapahta tina cãno pjaerare. Wiho mejeta Cohamacu to basi to beserina sehe noaina to yaina wahare. Tirore cãno pjaeraina sehe to yare tuho duaerare. ⁸ Ãta nia tiha Cohamacu yare ti joari pui:

"Cohamacu tirore cahmaerainare to yare tuho ñahaerachu yoare.

Ã jiro potocã jiare ti tuhopachuta tinare ne noano tuho ñahaerachu yoare Cohamacu.

Ãta jirucura tina mipu cãhure",

ni joaa tiha panopure. ⁹ Ã yoa panopu macariro Davi cjiro Israe masa Cohamacure ti cahmaerari buhiri õ sehe nia tiha Cohamacure:

"Tina Israe masa ti bese numuri, ti wahchea numuri ti yuhdoro wato, yurica ñahñoriro to ñano yuhdoro seheta tina cãhure ñano yuhduru yoaga.

Tó sehe yoainare tinare ñano buhiri dahrega muhu.

¹⁰ Tuhsu, mu yahuare tinare ne tuho ñahaerachu yoaga muhu.

Ã buhiri tirucuina ji, ã cahyarucuina jijaro tina",

nia tiha Davi cjiro Cohamacure.

Judio masa jierainare pichacapu waborinare yuhdorohca Cohamacu

¹¹ ¿Judio masa Cristore ti cahmaerachu ñano, Cohamacu tinare cohãno warota nibocari, musa tuhutuchu? Cohãsi tinare. Æ cohãeraparota tina Cristore ti cahmaerachu mipure judio masa jieraina sehere Cohamacu yuhdorohca. Mipure tinare

to yaina jichu yoare Cohamacu. To ã yoachu ñua cãina judio masa sehe tina mehne sua sayo, Cohamacu yainata ji du-aahca. ¹² Judio masa ti yuhdurucachu ti noano yoerachu paina sehere ahri yahpa macainare cãinare Cohamacu yuhdore. To ã yuhdochu tina sehere noano wahare. To ã yoariro yuhdoro, baharo judio masa sehe Cristore ti noano wacũ tua ducachu pinihtare ahri yahpa macainare jipihtiroputare noaputiaro waharohca.

¹³ Mipare musare judio masa jierainare yahui tai nija. Cristo cũre yuhure judio masa jierainare buhehtiro cjihtore. Æ jia yu dahraa sehe wiho jia jierara. ¹⁴ To cũriro seheta yuhu musare buheja, yu coyea judio masa sehere musare ti ñu cũchu yoa duacu. Cohamacu yuhdorina musa jichu ñua tina cãhu Cristore cahmaa, to yuhdoina wahaboca. ¹⁵ Judio masare cohãbo curero, judio masa jieraina sehere noaa buheare Cohamacu yahu dutire. Tí buheare ti tũhori baharo Jesure ti wacũ tuari baharo cãina judio masa jieraina, jipihtiro ahri dacho macaina Cohamacu yaina wahare. Æ jiro judio masare to cohãbo curechu noano wahare paye yahpari macaina sehere. To ã yoariro yuhdoro judio masa to cohãbo cureina cjrيره pari turi to yaina cjihti to yoachu pinihtare jipihtinapure ahri yahpa macainare noaputiaro waharohca. To yaina cjihti pari turi ti wahachu, jipihtinapure to yaina yariaina cjiri sehe pari turi ti masaboro seheta jirohca.

¹⁶ Õ sehe jira: Trigo yubu mehne wahma pãoca ti yolaria Cohamacu yaria cjihto Cohamacure ti wachu, tiare ti yoa dahari yubu cãhu to yariata jira. Tuhsu, yucucu nuhcori cãhu Cohamacu ya nuhcori cjihti jia, tu dũpuri cãhu Cohamacu yata jira. Õ sehe mari ni piti dahre buhechu Abrahã sã ñuchu cjiro Cohamacu yairo to jiriro seheta to panamana ji turianapure cãhu Cohamacu yaina jahca Cristore wacũ tuaina jia. Yoa dahari yubu cãhu to yariata jica. Tuhsu yucucu nuhcori cãhu Cohamacu ya nuhcori cjihti jia, tu dũpuri cãhu Cohamacu yata jica. Õ sehe mari ni piti dahre buhechu, Abrahã sã ñuchu cjiro Cohamacu yairo to jiriro seheta to panamana ji turianapure

cãhu Cohamacu yaina jira, Cristore wacũ tuaina jia.

¹⁷ Ti ã jihtina jipachuta cãinare ti coyea sehere judio masare Cohamacu cohãre. Olivo wama tidu dũpurre cãa dũpurre to dute cohãboro seheta cãina judio masa sehere Cohamacu cohãre. Æ yucucu dũpurre cohãno to cohãri dũpuri jiriro cjiroi paye dũpurre nucu macadu olivocu dũpurre cohtota duhu õhre. Tó yoaro seheta Cohamacu musare judio masa jierainare Abrahã panamana ji turianina cohtotare musare, musa cãhure yuhdoro taro. ¹⁸ Musare to ã cũchu “Judio masa yuhdoro noaina jija sã”, ni tũhotuena tjiga. Ahrire yu yahutire wacũga musa: Judio masa sehere bese muhtaha Cohamacu. Æ besero ti coyeiro cjihtore cãha Cristore, musare yuhdoro taro. Æ jina “Judio masa yuhdoro noaina jija”, ni tũhotuena tjiga musa.

¹⁹ Musa judio masa jieraina sehe õ sehe niboca: “Cãa ñaa dũpurre to cohãboro seheta Cohamacu cãina judio masare cohãre. Paye dũpurre cohtota to õno seheta to yaina marine cũno taro Æ cohãre tinare”, niboca musa judio masare yuhduruca duana. ²⁰ Tí musa nia potocãta jira. To Æ jipachuta tina Jesure ti wacũ tuaerari buhiri Cohamacu cohãre tinare. Æ jiro musa cãhure Jesure musa wacũ tuaerachu to yaina cjihti musare cũeraboa. Æ jina “Judio masa yuhdoro noaina jija sã”, niena tjiga musa. Æ nieranata “Cohamacu cua pisariro jira”, ni tũhotuga musa. ²¹ Olivocu ji muhtaa dũpuri waro yoaro sehe judio masa sehe Cohamacu yaina ji muhtaha. To cohtotaa dũpurre to õboro seheta Cohamacu to yaina musa sehere cohtota cãha. Wiho mejeta to yaina ji muhtaina judio masa tirore ti wacũ tuaerachu, cãinare cohãre. Tinare to cohãriro seheta musa cãhure cohãnohca, tirore musa wacũ tuaerachu. ²² Cohamacu musare noano yoariro to jichu masiga musa. Tuhsu, cua pisaro mehne buhiri dahreriro to jichu cãhure masiga musa. Tirore ño payoerainare tiro buhiri dahrerohca. Æ jiro tirore musa ño payoerachu olivocu dũpuri warore to cohãriro cjiro seheta musa cãhure cohãnohca Co-

hamacu. ²³ Æ yoa judio masa to cohãbo curerina cjiri Cristore ti wacũ tua ducachu ñño, olivocu dũpũri warore pari turi to duhu õno seheta Cohamacu to yaina cjihti yoarohca tinare. Cohamacu to ã yoa masihti cjihtireta tuaare cjuara tiro. Æ jiro tiro tinare cãinare to yaina cjihti yoarohca. ²⁴ Mũsa judio masa jieraina jina, nucũ macadũ olivocu dũpũri yoaro sehe jira mũsa. Æ jiina mũsa jipachu olivocu toadũ nucũ macaa dũpũrire to na ta õboro seheta, Cohamacu mũsare to yaina cjihti yoahre. To ã yoachu, ne mijoerare tirore. Judio masa Cohamacu to bese mũhtarina jira. Olivocu toadũ dũpũri waro yoaro sehe jira tina. Æ jiro ti jidũ waro cjiropũre pari turi to duhu õboro seheta to yaina cjihti pari turi judio masare to yoachu, ne mijoerara tirore.

Baharo judio masare pichacapũ wahaborinare yũhdorohca Cohamacu

²⁵ Yũ coyea, ahrire masa ti masieraare mũsare yahuihtja. “Mipũre sã dihtare besere Cohamacu. Cohamacu sã masi yũhdũrucu sũchu ñño, tiro sãre besere”, mũsa ni tũhotuerahto sehe ahrire yahuihtja mũsare. Õ sehe jira: Mipũre payũ judio masa Cohamacure tũho duasi. Wiho mejeta payũ judio masa jierainare Cohamacu to quihõriro puro to yaina to yoari baharo judio masa cũhu tirore cahma dũcaahca. ²⁶ Ti ã cahmachũ judio masa payũ warore pichacapũ wahaborinare Cohamacu yũhdorohca. Cohamacu yare ti joari pũi ãta ni yahu joaa tiha:

“Jerusalẽ wama tiri macai judio masa ya macai tinare yũhdohtiro tarohca.

Jacobo panamana ji turiainare ti ñaa yoari buhirire tiro cohãnohca.

²⁷ Tinare yũhdocu panopũ tinare yũ ni cũriro seheta yoai nija’, nire Cohamacu”,

ni joaa tiha Cohamacu yare ti joari pũi.

²⁸ Mipũre tina judio masa Cristo yare ño payoeraina Cohamacure ñũ tuhtira. Ti ã yoachu mipũre mũsa sehe judio masa jieraina Cristore wacũ tua dũcare. Judio masa sehere Cohamacu bese mũhtari jire. Judio masa ñũchũsũma cjiri to beserina ti jichũ mipũ jiina judio masa cũhũre tiro

cahĩna. ²⁹ Cohamacu to ni cũriro seheta tinare to beseriro seheta quihõno yoarohca tiro. To nirire ne bosu tiro. ³⁰ Panopũre mũsa cũhu Cohamacure yũhdũrucari jire. Mipũre judio masa Cohamacure ti yũhdũrucachu ñño tiro mũsa sehere pja ñño yũhdore. ³¹ Mipũre judio masa tirore yũhdũrucare. Ti ã yoapachũta Cohamacu mũsare to pja ñũriro seheta tina cũhũre baharopũre pja ñũnohca. ³² Õ sehe jira: Jipihtina masare “Yũhũre yũhdũrucaina jira”, nina Cohamacu. Æ jiro jipihtina tirore yũhdũrucaina ti jichũ ñño jipihtinare pja ñũ masina tiro.

³³ Cohamacu tua yũhdũrucu sũriro jira. Noano masi pahõriro jira tiro. Æ jiro to tũhotuare, to yoarire marine noano masihto basioerara. ³⁴ Õ sehe ni joaa tiha Cohamacu yare: “Cohamacu mari pũhtoro to tũhotuare ne masa noano masierara. Æ jia masa tirore ‘Õ sehe yoaga’, ni masierara. ³⁵ Æ jia masa Cohamacure paye barore ti wari baharo ‘Tiro marine wapamona’, ni masierara masa”, ni joaa tiha panopũre. ³⁶ Cohamacu jipihtiare yoaa tiha. Tuhsũ, to tuua mehne jipihtiare jisinchũ yoara tiro. Æ jia jipihtia to ya jira. To ã jiriro jichũ jipihtia dachoripe tirore ño payojihna mari. Æta yoarucujihna.

12

Cohamacu cahmaare marine yoarucu dutiha Paulo

¹ Cohamacu marine tuaro pja ñũre. To ã pja ñũriro to jichũ ñũna, yũ coyea, mũsa sehe oveja noarirore ti jũ wa mũoriro seheta Cohamacure ti ño payoriro seheta mũsa cũhu tirore ño payorucuga, to yare mũsa noano yoarucuhto sehe. Mũsa ã yoachu, tiro wahcherohca. Æta yoaro cahmana marine, Cohamacure quihõno ño payona tana. Æ jicũ mũsare tíre tuaro yoa dutija. ² Ahri yahpa macaina ñaaare yoaina yoaro sehe yoaena tjiga mũsa. Æ yoa mũsa tũhotuapũre Cohamacu noaa tũhotua sehere to cohtota, cũchu, yũhtiga mũsa. Æ yũhtina, noaa sehere tũho cohtotarina jinahca mũsa. Æ yoana noaare, Cohamacu

cahmaare, ñaa mariare, potocã jiare masinahca m̄sa.

³ Cohamac̄u ȳh̄ure to yare yoa masich̄u yoariro buhe dutiro beseri jire ȳh̄ure. ã jic̄u jipihtina m̄sare õ sehe ni t̄hotu dutieraja ȳh̄u. “Noabiaina ji ȳhd̄ur̄caja sã”, ni t̄hotuena tjiga. ã t̄hotunocahga. Jesure m̄sa wac̄u tuari baharo, Cohamac̄u m̄sa cãinare noaare yoa masihtire to c̄uch̄u, “To yoadohoro mehne ahri noaare yoaja”, ni t̄hotuina jiga m̄sa.

⁴ Õ sehe ni yahu namoihtja ȳh̄u m̄sare. Mari wamomacari, mari dahpori, mari capari jipihtiro mari pjac̄u jia paȳu jira. Mari pjac̄u jia c̄u pjac̄u jiparota soro jia dahraa c̄j̄ara. ⁵ Tí jiro seheta soro sehe jia dahraare c̄na Cohamac̄u marine. ã jina paȳu masa jipanahta Cristore wac̄u tuaina jina, to pjac̄u c̄u pjac̄u yoaro seheta c̄u curuata jija mari.

⁶ Cohamac̄u marine to yoadohoro purota to tuua mehne yoa dutira. ã yoaro marine cãinare soro jia mari yoah̄t̄ire c̄na tiro. To ã yoach̄u marine to c̄ir̄ire mari sehe noano yoajihna. ã jia Jesu yaina õ sehe yoajaro. Cãinare Cohamac̄u to yare yahuhtinare c̄na. ã jia tina Cristore ti wac̄u tuaro puro to yare noano yahujaro. ⁷ Cãinare Cohamac̄u m̄sare yoadohohtinare c̄na. ã jia tina m̄sare noano mehne yoadohojaro. Cãinare Cohamac̄u m̄sare buhehtinare c̄na. ã jia tina m̄sare noano buhejaro. ⁸ ã yoa paina c̄h̄u m̄sare s̄ho wahchech̄u yoah̄t̄ina jia, m̄sare noano s̄ho wahchech̄u yoajaro. Tuhs̄u, paye barore wahtina jia, ti wahtire noano mehne yajeripohna ti, wajaro. ã yoa paina c̄h̄u m̄sare s̄ho ji m̄htahtina jia, noano mehne s̄ho jijaro. ã yoa pjac̄uoinare yoadohohtina jia, wahchea mehne yoadohojaro.

Jesu yaina jina õ sehe yoaina jiga

⁹ “Sã basi cahma cah̄ja”, ni mah̄ño marieno m̄sa basi cahma cah̄ga. ã yoana ñaare ñu yabiina jiga m̄sa. Tuhs̄u, noaa sehere ã cahmarucuga. ¹⁰ Tuhs̄u m̄sa bahana warore m̄sa cah̄no seheta Jesu yainare m̄sa mehne macainare cah̄ga. ã

yoana m̄sa basi noano cahma ño payoga m̄sa.

¹¹ Cohamac̄u cahmaare yoana, ne caparo marieno yoaga. ã yoana mari p̄htoro to dutiro seheta noano wahchea mehne yoaga.

¹² Cohamac̄u m̄sare pichacap̄u waha-borinare to ȳhdorinap̄u jira m̄sa. ã jiro m̄sa wahahto noaputiario jira. Tíre masina wahchega m̄sa. ã yoa ñano ȳhd̄una, c̄no pjaga “Cristo yare duhuri”, nina. Tuhs̄u, Cohamac̄u ã sinirucuga.

¹³ Paye baro Jesu yainare d̄hsach̄u waga tinare. ã yoa m̄sa ya w̄h̄sep̄u c̄h̄ure masa ti s̄ch̄u noano yajeripohna tiro mehne tinare piti bocaga.

¹⁴ M̄sare ñano yoainare “Noano waha-jaro tinare”, ni sini payoga. Tinare ã sini payona, “Tina ñano ȳhd̄uwahnojaro”, niena tjiga.

¹⁵ ã yoa paina wahcheina mehne jina, m̄sa c̄h̄u tina mehne wahchega. Tuhs̄u paina ñano cahyaro mehne tiina mehne jina, m̄sa c̄h̄u cahya, tiidohoga tinare.

¹⁶ M̄sa mehne macaina mehne noano jiga m̄sa. ã jina “Paina ȳhdoro noaina jija”, ni t̄hotuena tjiga. Õ sehe ni t̄hotuga: “Wiho jiina jija”, ni t̄hotuga. ã jina “Masi ȳhd̄ur̄caina jija sã”, ni t̄hotuena tjiga.

¹⁷ Paina m̄sare ti ñano yoapach̄ta, tinare ñano yoa cahmaena tjiga. Noaa sehere yoaga, noaina m̄sa jia tiare jipihtina masa ti masihti c̄ihtire. ¹⁸ M̄sa bihoro puro jipihtina mehne noano jinocahga m̄sa. ¹⁹ M̄sa ȳ cah̄ina, ȳ coyeya paina m̄sare ti ñano yoapach̄ta tina yoaro sehe ñano yoa cahmaena tjiga. Cohamac̄u sehe m̄sare ti ñano yoari buhiri buhiri dahrejaro tinare. Cohamac̄u yare ti joari p̄i ãta ni joaa tiha: “Ȳh̄u sehe m̄sare ti ñano yoari buhiri buhiri dahreriro jija. ã jic̄u potocãta buhiri dahrehtja”, nina mari p̄htoro”, ni joaa tiha panop̄re. ²⁰ ã jina õ sehe yoaga m̄sa: M̄sare ñu tuhtiriro to j̄ca baach̄u ñana nuga tirore. To ñahma yapioch̄u c̄h̄ure ñana tirore sihõga. M̄sa ã yoach̄u ñano m̄sare to ñano yoari buhiri b̄o tirohca. ²¹ ã jina paina m̄sare ti ñano yoapach̄ta m̄sa sehe tinare ñano yoa cahmaena tjiga. Tinare noaa sehere yoaga

musa. Æ yoana ñaa sehere cahmaerana nica musa.

13

¹ Jipihtina musa bui pũtoa cjihtire Cohamacu dihta bese cũna. Ne cũiro pũthoro Cohamacu to bese cũerariro mari-ahna. To ã cũrina ti jichu ñuna jipihtina musa tinare noano yũhtiga. ² Mari pũthoare noano yũhtierana Cohamacu to bese cũrinare yũhdurucana nija mari. Æ yũhdurucainare Cohamacu sehe buhiri dahrerohca. ³ Noainare cuichu yoahntina jierara pũtoa. Ñaare yoaina sehere cuichu yoahntina jira tina. Noaare yoaga musa pũthoare musa cuierahto cjihto sehe. Æ yoana cuisu musa. Noaare musa yoachu pũthoro sehe “Noaare yoare musa”, musare ni ñunohca. ⁴ Musa pũtoa Cohamacu to cũno seheta musare yoadohohtinata jira musa noano jinocahto cjihto sehe. Wiho mejeta musa ñaare yoana pini tinare cuiga. Tina musare buhiri dahrehtina cjihtita jira. Jipihtina ñaare yoainare buhiri dahre dutiro Cohamacu tinare besere. ⁵ Ti ã buhiri dahrehtina ti jichu ñaare yoana musa pũthoare cuiga. Æ jina ño payoa mehne “Noaare yoaro cahmana yũhare”, ni tũhoturo mehne noano yũhtijihna. ⁶ Musa pũtoa ti dahrahti cjihtire Cohamacu cũre. Æ jina ti dahraare ti yoachu ñuna musa pũthoare wapa nabasainare wapara musa.

⁷ Jipihtinare musa pũthoare noano yũhtiga. Tuhsu, pũthoare wapa nabasaina cũhare wapaga musa. Æ yoa pũtoa sehe payere ti wapa dutichu cũhare wapaga. Æ jina jipihtina pũthoare noano ño payoga. ⁸ Tuhsu, paina masare wapamoena tjiga. Tinare cahĩno cahmana. To cahai jĩnare cahĩro Cohamacu dutiare yoa pahũo tuhsũriro jira. Æ jina musa cahai jĩna cũhare cahĩga. ⁹ Õ sehe nina Cohamacu dutia: “Pairo namonore wũana tiena tjiga. Numia cũhu pacoro manũnore wũana tiena tjiga. Masare wajãena tjiga. Yacaena tjiga. Paina yare goa pjaena tjiga”, ni yahura to dutia. Paye dutia cũhu jira. Ti ã jipachũta cũno dutiare musare yahui tai nija. Tĩ dutia cũno dutia to jipachũta

tĩ dutiare yoana Cohamacu dutiare yoa pahũona nija mari. Tĩ dutia õ sehe nina: “Mu basi mu cahĩno seheta mu cahai jĩna cũhare cahĩga”, nina. Tĩ dutiare yoana Cohamacu dutiare yoa pahũoina jina nina. ¹⁰ Musa cahai jĩnare cahĩna, tinare ñano yoasi. Æ jina tinare cahĩna, Cohamacu dutiare yoa pahũoinata jira musa.

¹¹ Æ jina carĩna yoaro sehe jiena tjiga musa. Noano wacũ masiga. Jesure noano wacũ cohtaga. Jesu marine to tjua ta naahto mahanocã dũhsatjiãna. Tirore mari coã wacũ tua dũcachu Jesu marine to yũdoro tahto mahanocã dũhsamare. Mipũ pinihtare cahacã waro jira to tahto. Ahri yũ nirire masina musa. ¹² Mipũre ñaina ya dacho jira. To tahto mahanocã dũhsara. Tĩre masina, buhiri tichu yoare, nahitiano yoaro sehe jiare duhu pahũojihna mari. Æ jina Cohamacu cahmaa sehere yoajihna mari. Æ Cohamacu yare yoana, ñaare duhu pahũonahca mari. Ahri dachore payu ñaa baro jichu, ñami yoaro sehe jira. Wiho mejeta Cristo to tachu, ñami yoaro sehe jiro pihtia waha, pa dacho, buhria mũja taro yoaro sehe waharohca. Surara coma suhtiro to sãa dũcataro seheta Cohamacu ñaare to dũcataare noano cjuã pahũojihna mari. Æ tĩre cjuana ñaare duhu, Cohamacu cahmaa sehere mari yoajihna. ¹³ Æ jina Jesu to tahtore wacũ cohtaina jina, noaa sehere yoajihna. Bose nũmarine yoana ñano yoarena tjijihna. Tuhsu, cahaena tjijihna. Æ jina numia mehne ñano yoaina, paina mehne ñano yoaina, cahma sayoina jiena tjijihna. Musa numia cũhu mũa mehne ñano yoarena tjiga. ¹⁴ Wiho mejeta Jesucristore pũthoro tina, tirore yũhtiga musa. Æ yũhtina to jiro seheta jiga musa. Æ jina ñaare musa goa pjaã sehere yoarena tjiga.

14

Musa coyeare Jesu yainare “Ñano yoa nina”, ni yahuwajaena tjiga

¹ Jesure wacũ tuarirore to noano wacũ tuaro dũhsasinichu ñuna tirore ji coaro mehne cahmaga. To ã jiriro jichu ñuna “Ne masierara mũhu” ni, tiro mehne cahmasayoena tjiga. ² “Jipihtiare

ch_u masija y_uh_u”, ni t_uhotura paina. Paina sehe Jesu yare noano masierasinia wahiquinare ch_ueraina, toaa dicha dihtare ch_ura. ³ Jipihtiare ch_uina sehe toaa dicha dihtare ch_uinare ñ_u tuhtiea tjijaro. Æ yoa toaa dicha dihtare ch_uina c_uh_u jipihtiare ch_uinare “Ñano yoaa nina”, ni cahma yahuwajaea tjijaro. Jipihtiare ch_uina sehe Jesure wac_u tuaina ti jich_u Cohamac_u tinare to yaina yoa tuhs_ure. To yaina ti jich_u ñ_una wahiquinare ch_ueraina sehe tinare yahuwajaea tjijaro. ⁴ Jesure wac_u tuaina Cohamac_ure dahra cohtaina dihta jira. Ti ã jich_u ñ_una m_usa tinare yahuwaja masierara. Jesure wac_u tuaina to cahmano sehe ti quih_ono yoaerach_u ñ_uno tiro dihta ti p_uhtoro jiro, t_ure yahu pototo masina. To cahmaare quih_ono ti yoach_u c_uh_ure t_ure yahu masina tiro. Æ jiro tiro sehe to yainare “Ñano yoare m_uh_u”, ni yahuhtiro jirohca. Æ jiro tirore dahra cohtainare noaa dihtare yoarucu masich_u yoariro jira Cohamac_u.

⁵ C_uina c_ua dachori cua pisaro mehne Cohamac_ure ti ño payohti dachori cjihtire c_uara. Paina sehe, “Dohse jiri dachore Cohamac_ure ño payoch_u, noana”, ni t_uhotu, ño payoia jira. Tina c_uno potori ã yoaeraina jipahta jipihtina ò sehe ni t_uhotujaro: “Jesu to cahmano seheta noano yoana nija”, ni t_uhotu masijaro. ⁶ C_uiro c_ua dachori cua pisaro mehne Cohamac_ure ti ño payoa dachorihi Cohamac_ure ño payoro, tiro c_uh_u quih_ono ño payoro nina. Tuhs_u jipihtiare ch_uriro ch_urota, Cohamac_ure “Noana”, ni wahche payora tiro. Æ jiro tiro c_uh_u Cohamac_ure ño payorota nina. Æ yoa paio sehe c_ua ch_uare ch_uerara, Cohamac_ure ño payoro. Tiro c_uh_u Cohamac_ure “Noana”, ni wahche payora.

⁷ Tuhs_u, mari cahmaa dihtare yoaina ne ji masieraja mari. Cristo jira mari p_uhtoro. Æ jiro mari catich_u mari yariach_u c_uh_ure mari p_uhtorota jira. ⁸ Mip_ure mari catisinino puro Cristo yare yoah_utina jija mari. To yaina jija. Mari yariari baharop_u c_uh_ure to yainata jinahca. Æ jiro mari catich_u mari yariach_u c_uh_ure Cristo mari p_uhtoro jira. ⁹ Æta jira. Cristo yaria masa

m_ujaha catiinare, ã jich_u yariaina c_uh_ure ti p_uhtoro jiro taro.

¹⁰ ¿Dohseana tana m_usa coyeirore Jesu yairore “Ñano yoaro nina”, ni yahuwaja duajari m_usa? ¿Dohseana tana m_usa coyeirore t_u diho c_u duajari m_usa? Mari jipihtina Cristo panoi mari ducuch_u tiro sehe mari yoarire masi pah_uonoriro jiro, marine beserohca noainare, ñainare. To ã besehtiro to jich_u m_usa coyeirore “Ñariro jira”, ni yahuwajaena tjiga. ¹¹ Cohamac_u yare ti joari p_ui ò sehe ni joaa tiha:

“Ò sehe nire mari p_uhtoro: ‘Y_uh_u catiriro jija.

Æ jic_u ò sehe ni quih_ono warota yahuja m_usare.

Jipihtina y_u panoi na tuhcuca caha s_uahca.

Æ na tuhcuca caha s_u, “Noariro, tuariro jira m_uh_u” ni, y_uh_ure ño payoahca’, nire mari p_uhtoro”,

ni joaa tiha. ¹² Æ jiro jipihtina mari yoarire Cohamac_u siniturohca marine. “¿Dohse yoana ã yoari?” ni siniturohca. To ã sinituch_u y_uhtiro jica marine.

M_usa coyeirore ñano yoach_u yoarena tjiga m_usa

¹³ Æ jina mari mehne macainare “Ñaina jira m_usa”, ni cahma yahuwajaena tjijihna. Æ yoana mari coyeirore Jesu yairore dojomehnena tjijihna “Jesure wac_u tua duhuri”, nina. ¹⁴ Y_uh_u Jesucristo yairo jic_u, ahri y_u nihtire noano masija y_uh_u. Y_uh_u sehe jipihtia ch_uare y_u ch_uch_u y_u ch_uri buhiri, buhiri mariahna. Wiho mejeta paio sehe “Ahri ch_uare ch_uc_u buhiri tii nica y_uh_u”, ni t_uhoturiro sehe ch_uro, potoc_uta buhiri tiriro jira. ¹⁵ Tí potoc_u tjira. Paina ti sio, ch_uera barore m_usa ch_uch_u ñ_uno, m_usa coyeiro ñ_u c_u ch_uro, “Cue, ñano yoai nica y_uh_u”, ni p_uiro t_uhotuboca tiro. Tirore ã ñ_u c_u ch_uch_u yoana, tirore cah_una nieraca m_usa. To sio, ch_uera barore m_usa ch_uch_u, tiro c_uh_u ñ_u c_u ch_uboca. Æ ch_uro “Ñano yoai nija”, ni t_uhoturo Cristore duhuboca. M_usa coyeiro yaro jiboriro c_uh_ure yariari jire Cristo. Æ jina “Cristore duhuri”, nina tirore ñ_u c_u ch_uch_u yoarena tjiga. ¹⁶ Æ jia “Ahri s_u yoari noa nica”, m_usa ni t_uhotuch_u paina m_usare yahuwajaboca. Ti ã yahuwajach_u ñ_una m_usa ã yoarire

yoa namoena tjiga, “Yahuwaja namori”, nina. ¹⁷ Cohamacu sehe mari puhtoro jira. To ã jichu mari chu, mari sihnia cãhu ã jinocaa nina. Wiho warota jira. Æ jia mari puhtoro to dutiare, noaa cãhure mari yoachu tí waro jia nina. Paina mehne mari noano jinocachu cãhure noaa waro jia nina. Tuhsu, Espiritu Santo yoadohoa mehne mari wahchechu noaa waro jia nina. ¹⁸ Tó seheta Cristo yare yoarirore ñu Cohamacu, masa cãhu “Noano yoare mahu”, niahca.

¹⁹ Tó seheta yoajihna mari pinihta noano mari jinocahto cjihtore, mari basi mari cahma yoadohohto cjihtore. Æ yoana Jesure wacũ tua namonahca. ²⁰ Pairo Jesu yairo to chu dutierari cjirire musa chuchu ñno tiro sehe ñu ji coareraro Cohamacu yare cohãboca. Æ jina tíre chũena tjiga. Potocãta jipihtia chu noaa chuata jira. Tí ã jipachata paye barore mari chuchu pairo “Ñaa chu jica ahri”, niriro jiparota ñu cũ chuboca. Æ churo ñano yoaro nica tiro. Æ jina marine to ñu cũ chuchu, mari cãhu ñano yoana nija. ²¹ Wahiquina dihire musa chuchu ñno, vinore musa sihnichu ñno, pairo Jesu yairo “Tíre chucu ñano yoai nica yuhu”, ni tuhoturiro jiparota tiro cãhu ñu cũ, chu sihniboca. Æ ni tuhoturiro pinihta chu sihnino ñano yoaro nina. Æ jina tiro to ñano yoerahto sehe Jesure to wacũ tua duhuerahito sehe wahiquina dihire, vino cãhure musa sehe musa duhuchu noa nina. ²² “Jipihtiare chu masija”, ni tuhotuna, tíre Cohamacu dihtare yahuga. Ñaare yoerariro, “Noano yoai nica yuhu”, ni tuhoturiro wahcheriro jira. ²³ Pairo sehe “Ahri chũare chucu ñano yoai niboca yuhu”, ni tuhoturiro jiparota tí chũare churo, buhiri tiriro jira tiro. “Ahrire chucu potocãta noaare yoai nija”, ni tuhotuerara tiro. Æ ni tuhotueraro tíre churo, to churi buhiri buhiri tira tiro. “Noaare yoai nija”, ni tuhotueraro tíre yoaro, buhiri tira tiro.

15

Mari cahai jijnare noano yoajihna

¹ Mari Cohamacure noano wacũ tuaina sehe wacũ tuaera cureinare yoadohojihna. Æ yoana mari ya cjihti dihtare yoena tjijihna. ² Æ jina mari cahai jijnare Jesu yainare noano yoajihna ti noano jinocahto cjihtore, Cohamacure ti noano wacũ tua namohto cjihtore. ³ Cristo sehe to ya dihtare yoeraha. Æta nina Cohamacu yare ti joari pũ. Õ sehe ni joaa tiha: “Cristo õ sehe nire Cohamacure: ‘Mahu sehere ñano durucuborina yuhu sehere ñano durucure’, nire Cristo Cohamacure”, ni joaa tiha panopure. Æ ñano ti durucuriro jiro Cristo to Pucuro ya sehere yoaro niha. ⁴ Panopu Cohamacu yare ti joari pũ tina joaa tiha mari noano buhehto cjihtore. Æ jina tí pũre buhena wahcheja. Æ buhena mari ñano yuhduna cãno pjana, noano mari yuhduhtore cohtanahca. ⁵ Cohamacu musare tuachu yoariro wahchechu yoariro musare jipihtinare cãno potori noano jichu yoajaro, Cristo to cahmano seheta. ⁶ Æta yoajaro tiro musa jipihtina cãno potori Cohamacure mari puhtoro Jesucristo Pucurore “Noariro, tuariro jira”, ni musa ño payohto cjihtore.

Judio masa jierainare noaa buheare yahu dũcaha

⁷ Cristo marine to yoariro seheta musa mehne macainare noano cahma piti bocaga. Musã ã yoachu ñu “Potocãta Cohamacu noariro jira”, ni ñuahca masa sehe. ⁸ Musare ahrire niita nija: Judio masare yoadohohtiro cjihto taha Cristo. Cohamacu tirore warocarõ judio masa sã ñuchusuma cjiripure to ni yahuriro cjiro seheta yoaro niha. Tíre to yoari cjirire masare masichu yoahitiro cjihto taha Cristo. ⁹ Masare Cristo to yoadohochu Cohamacu pja ñno nire tinare. To ã pja ñuchu judio masa jieraina cãhu Cohamacure “Noariro, tuariro jira” ni, ño payora mipure. Tina cãhure to yaina jichu yoaro taha Cristo. Cohamacu yare ti joari pũ ãta ni joaa tiha:

“Cristo õ sehe niha Cohamacure: ‘Judio masa jieraina cahai mahure “Cohamacu noariro, tuariro jira”, ni ño payoihtja.

Ã jic tina cahai basac m ya cjihtire basaihtja', niha Cristo Cohamacre", ni joaa tiha panopre. ¹⁰ Tuhs, õ sehe ni joaa tiha tjoa:

"Cohamac to beserina judio masa mehne cahma wahchega msa ch judio masa jieraina",

ni joaa tiha panopre. ¹¹ Tuhs, õ sehe ni joaa tiha tjoa:

"Judio masa jieraina jipihtina Cohamacre ño payojaro.

Ã jia jipihtiro macaina tirore 'Noariro, tulariro jira', ni ño payojaro",

ni joaa tiha. ¹² Ã yoa Isaia cjiro ch õ sehe ni joaa tiha:

"Jesé panamino ji turiariro tarohca.

Ã taro judio masa jieraina bui phtoro jirohca tiro.

Ã jia tina sehe tirore wac tuaa, tinare pichacap wahaborinare to yhdohtore masiahca tina",

ni joaa tiha panopre.

¹³ Cohamac marine baharop to yhdohtore wac cohtach yoariro noano msare wahchech yoajaro. Tuhs, msare Jesure wac tuainare noano jinocach yoajaro tiro. Msare to ã yoach msare to yhdohtore Espritu Santo to tuaa mehne wahchea mehne wac cohta namoch yoajaro.

¹⁴ Ahrire msare y yahuhtire noano masija. Msa sehe noaina jira. Tuhs, Jesu yare noano masina msa. Ã masina msa basi noano cahma yahu, buhe masina msa. ¹⁵ Msa ã masiina msa jipachta ca tahari ahri ppre msare cuiro marieno noano yahu paho joahi tíre msa boerahto sehe. Cohamac yhre cahno msare buhe dutiro cre yhre. Ã jic to criro seheta yoaja, msa tíre boerahto sehe. ¹⁶ Yhre to ã cch, sacerdote to yoaro sehe yoaja yh. Ã yoac, Jesucristo yare noaa buheare judio masa jierainare buheja yh. Y ã buhech thoa, tina Jesure wac tuara. Tina Jesure wac tuainare yh sehe sacerdote wahiquinare waj j mo Cohamacre y waboriro seheta, tinare "M yaina jira", nija Cohamacre. Y ã niinare Espritu Santo sehe tinare Cohamac yaina

cjihti jich yoara. Ti ã jiina jich ñno, Cohamac sehe ji coaro mehne tinare ñahanohca.

¹⁷ Cohamac to buhe duti criro jic Jesucristo to yoadohoa mehne y yoari cjirire wahchea mehne yahuja msare.

¹⁸⁻¹⁹ Tuhs, ahri pinihtare msare pototi yahu duahi. Y yahua y m sro y yahua ne jierara. Paina judio masa jierainare Cristo to yoadohoa mehne tinare y buhech thoa, y yoarire ña, ã jia Jesu tuaa mehne y yoa ñorire ña, Espritu Santo to tuaa mehne tina Cristore wac tuare. Jerusalp wahma y buhe dcari baharo jipihtia macaripep buhe wahchi. P Ilirico yahpap chre Cristo ya buhea noaa buheare buhei si. ²⁰ Cristo yare masieraina dihtare noaa buheare tuaro buhe duahi, yh mehne macaina ti buherinapre buhe duaerac. ²¹ Ãta ni joaa tiha Cohamac yare ti joari pi:

"Panop tirore ne thoeraina cjiri tirore masiahca.

Ã yoa tirore ne thoeraina cjiri to yare noano thoahca",

ni joaa tiha Cohamac yare ti joari pi.

Paulo Romap to wahahtore yahuha

²² Ã jic jipihtiro macainare buheriro jic pay tahari msa cahai waha duapaihta waha masiera tihi. ²³ Mip pinihtare ahri yahparipre y dahraa pihtia wahahre. Ã jic pay chmari msa cahap waha duariro jic msa cahap wahaihtja. ²⁴ Espaap wahac, msare ti ñ yhdaihtja. Ã yoac msa mehne wahcheihtja. Tuhs, msa mehne mahanoc y jiri baharo yhre msa yoadohoa mehne Espaap yhd wahcihtja. ²⁵ Mipre Jerusalp wahasinii tai nija. T macainare Jesu yainare y coyeare niñerure naasinii wahi nija. ²⁶ Macedonia yahpa macaina, Acaya yahpa macaina ch noano mehne Jesu yainare Jerusalp jiinare pjacoinare niñerure warocahre tinare yoadohoa. Ã jic tinare tíre wai wahi nija. ²⁷ T niñerure waa, noano mehne wahre tina. Ti ã yoach noa nina, y thotuch. Tinare judio masa jierainare judio masa sehe Cohamac yare

buhe m̄htare. ã jia tinare to ȳhdohto c̄h̄re buhe m̄htare judio masa. Ti ã buhech̄ ñ̄c̄ Macedonia macaina Acaya macaina mehne judio masare ti yoadohoch̄ noa nina ȳh̄re. Tinare ti buheri wapa yoaro sehe jira tí, ȳ t̄hotuch̄. ²⁸ ã jic̄ Jerusalẽ macainare tí niñerure wa tuhs̄c̄ Españār̄ wahihtja. Tó̄p̄r̄ wahac̄ m̄sare ñ̄ ȳhd̄aihtja. ²⁹ ã yoa m̄sa cahap̄ ȳ wahach̄ Cristo yare m̄sare ȳ buhech̄ tiro m̄sare noano yajeripohna tich̄ yoarohca.

³⁰ Ȳ coyeyá, mari p̄htoro Jesucristore wac̄ tuara m̄sa. ã yoa Esp̄ritu Santo to tuaa mehne painare cah̄na m̄sa. ã jiina jina ȳh̄ c̄h̄re tuaro sini payoga Cohamac̄re. ³¹ Õ sehe ni sini payoga: Judea yahpa macaina Jesure ño payoeraina ȳh̄re ti ñano yoa duach̄ Cohamac̄ ȳh̄re to ñ̄ wihbohto sehe sini payoga. Tuhs̄, Jerusalẽ macaina Jesu yainare niñerure ȳ wabasach̄ tina tíre wahchea mehne ti ñahahto sehe sini payoga. ³² M̄sa ã sinich̄ Cohamac̄ cahmach̄ wahchea mehne m̄sa cahap̄ wahihtja. ã jic̄ m̄sa mehne jic̄ wahchea mehne soihtja. ³³ Cohamac̄ marine noano jinocach̄ yoariro m̄sa mehne jirucujaro.

16

Paulo noa dutiha

¹ Mari coyecoro Febe wama tiricoro m̄sa cahap̄ waharo taro nina. Ticoro Cencrea wama tiri macai Jesu yainare cahmachuinare yoadohoricoro jira. ² ã jiro paȳre yoadohoricoro ȳh̄ c̄h̄re yoadohoricoro jihre ticoro. Tuhs̄, mari p̄htoro Jesu yacoro jira. ã jina ticorore noano mehne m̄sa mehne ji dutiga. Tó seheta yoaro cahmana marine Jesu yainare. ã yoana ticorore paye baro to maerach̄ ñ̄na ticorore waga m̄sa.

³ Aquila, to namono Priscila c̄h̄ noajaro. Jesucristo yare ȳ buhech̄ tina c̄h̄ ȳh̄ mehne dahrare. ⁴ Tinare mahano wajãmoñore paina ȳh̄re ti wajã duach̄ ti yoadohori buhiri. ã jic̄ tina mehne wahcheja ȳh̄. Tuhs̄, judio masa jieraina Jesu yaina jipihtina tina c̄h̄ tina

mehne wahchera. ⁵ Aquila ya w̄h̄i cahmachuina c̄h̄ Jesu yaina noajaro. Ȳ cah̄iro Epeneto c̄h̄ noajaro. Tiro Asia yahpa macariro tói jiro Cristore wac̄ tua m̄htariro jire. ⁶ María c̄h̄ noajaro. Ticoro m̄sa mehne tuaro dahrahe. ⁷ Ȳ coyeyá Andrónico, Junia c̄h̄ noajaro. Peresui ȳ jich̄ tinata ȳh̄re piti tiina jihre. ã jia ȳ pano Cristore wac̄ tua m̄htare tina sehe. Paina Jesu to c̄rina sehe tinare “Potocãta noaina jira”, ni durucura.

⁸ Ampliato c̄h̄ ȳ cah̄iro Jesu yairo jira. Tiro noajaro. ⁹ Urbano c̄h̄ noajaro. Tiro c̄h̄ mari mehne Cristo yare dahrahe. ã yoa ȳ cah̄iro Estaqui noajaro. ¹⁰ Apele c̄h̄ noajaro. Tiro potocãta noano Jesure wac̄ tuara. To yoarire ñ̄na tíre masija mari. Tuhs̄, Aristóbulo ya w̄h̄ macaina jipihtina to namono to pohna c̄h̄ noajaro. ¹¹ Ȳ coyeyá Herodiõ noajaro. ã yoa Narciso ya w̄h̄ macaina Jesu yaina noa pihtinocajaro. ¹² ã yoa Trifena, Trifosa c̄h̄ noajaro. Tí numia mari p̄htoro Jesu ya dahraare yoara. Mari cah̄icoro Péside c̄h̄ noajaro. Ticoro mari p̄htoro yare tuaro yoara. ¹³ Rufo mari p̄htoro Jesure noano wac̄ tuariro, to yare noano yoariro noajaro. To pocoro c̄h̄ noajaro. Ticoro ȳ poco yoaro sehe jiricoro jira. ¹⁴ Asíncrito, Flegonte, Herme, Patroba, Herma, paina Jesu yaina tina mehne macaina c̄h̄ noajaro. ¹⁵ Tuhs̄, Filólogo, Julia, Nereo, to bahoro c̄h̄, Olimpa, paina tina mehne macaina c̄h̄ Jesu yaina noajaro.

¹⁶ ã yoa m̄sa mehne macainare piti bocana, noano mehne piti bocaga. Jipihtina Jesu yaina jipihtiro macaina m̄sare noa dutira.

¹⁷ Ȳ coyeyá, m̄sa mehne macaina c̄ina m̄sare cahma ñ̄ tuhti, cahma tju wach̄ yoaina jira. ã jia m̄sare Jesu ya buheare dojomehnena. ã jina tó sehe yoainare ñ̄na noano yoanohb̄, “Dojomehneri”, nina. ã yoainare piti tiena tjiga. ¹⁸ Tó sehe yoaina mari p̄htoro Jesucristo yare yoaerara. Ñaare ti goa pjaá dihtare yoara. Tuhs̄, noano t̄ho ji coaro dero mahño buhera noano masierainare. Ti ã mahñoch̄ tinare noano t̄hora. ã jina ã yoainare piti tiena

tjiga m̄sa. ¹⁹ M̄sa sehe Jesure noano ȳhtiina jira. Tíre jipihtina masina. ã noano ȳhtiina m̄sa jich̄u wahcheja ȳh̄u. ã jic̄u noano m̄sa yoahore m̄sa masich̄u cahmaja ȳh̄u. ã yoa ne ñaare yoaeraina m̄sa jich̄u c̄h̄ure cahmaja ȳh̄u. ²⁰ ã jiro Cohamac̄u marine noano jinocach̄u yoariro mahanocã baharo wat̄ino Satanare ȳhd̄ur̄cach̄u yoarohca m̄sare. ã yoa mari p̄h̄toro Jesucristo m̄sare noano wahach̄u yoajaro.

²¹ Timoteo ȳ piti m̄sare noa dutira. Ȳ coyea judío masa c̄h̄u, Lucio, Jasõ, Sosípatro m̄sare noa dutira.

²² Ȳh̄u Tercio ahri p̄re Paulore joabasariro jija. Ȳh̄u Jesu yairo jic̄u m̄sare Jesu yainare noa dutija.

²³ Gayo ya w̄h̄u jinoai nija ȳh̄u Paulo. To ya w̄h̄u Jesu yaina cahmachuna. Tiro c̄h̄u m̄sare noa dutira. ã yoa Erasto ahri maca macaina p̄h̄toare niñerure ñ̄u wihbobasariro m̄sare noa dutira. Mari coyeiro Jesu yairo Cuarto c̄h̄u m̄sare noa dutira.

²⁴ [Ȳ coyea mari p̄h̄toro Jesucristo m̄sare jipihtinare to cah̄a mehne noano yoajaro. ãta yoajaro.]

Paulo Cohamac̄u ño payoro joa ba-toara

²⁵⁻²⁷ Mari p̄h̄toro Jesucristo ya buhea mehne noaa buhea mehne Cohamac̄u m̄sare tirore wac̄u tua namoch̄u yoa masina. Panop̄re tí buhea noaa buhea ne masare yahuerari buhea jimaha. Mip̄re Cohamac̄u yare yahu m̄htaina cjiri ti joari cjiri mehne tí buheare yahua jira. Ȳh̄u c̄h̄u tíreta buheja. Tí buheare Cohamac̄u ã jirucuriro to yahu site dutiro seheta jipihtiro macainap̄re mip̄re masina. Tí buheare tirota yahu dutiha masa tirore ȳhti, ti wac̄u tuahto cjihto sehe. ã jina tirore “Potocãta noariro, tuariro jira m̄h̄u”, ni wahche payojihna. Tiro c̄airota Cohamac̄u dihta noano masi pah̄oriro jira. Jesucristo to yoadohoa mehne Cohamac̄u ã ño payorucujihna mari. ãta yoarucujihna.

1 Corintios

Paulo Cohamacu yainare Corinto macainare joarocaha

¹⁻² Yuhu Paulo, Jesucristo yare buhe duti to cūriro jija. Cohamacu to cahmano seheta Jesu to cūhtiro cjihtore beseri jire yuhure tiro. Sostene wama tiro mehne musare Cohamacu yainare Corinto macainare joarocaja sã. Ahriro cūhu mari coyero Jesu yairo jira. Jesucristo mehne macaina musa jichu Cohamacu yaina cjihti beseri jire Jesu musare. ã yoa jipihtina paina mari puhtoro Jesucristore siniina jia, tina cūhu Cohamacu yainata jira. Ti ã jichu Jesucristo sehe mari jipihtina puhtoro jira. ã jina musare jipihtinare joarocaja sã. ³ ã yoa Cohamacu mari Pucu mehne, mari puhtoro Jesucristo mehne musare noa dutija. Cohamacu to yoadohoa mehne noano jiga musa.

Jesucristo sehe musare noano yoabasaha Cohamacure

⁴ Jesucristo yaina musa jiri baharo tiro sehe musare noano yoabasari jire Cohamacure. To ã yoabasachu ñucu, Cohamacure “Noana”, nirucuja yuhu dachoripe. ⁵ Cristo yaina musa jichu ñuno Cohamacu sehe musare noano jichu yoari jire. Tuhsu, to yare musare painare noano yahuhtina cjihtire yoari jire tiro. ã jiro tiro to yare noano masichu yoari jire musare. ⁶ Cristo yare musare sã buheriro seheta ã yoari jire musare, Cristo yaina musa wahachu. ⁷ ã yoa Cohamacu musare noano yoadoho pahñonocanhca. Mari puhtoro Jesucristo ahri yahpau to tjua tahtore musa cohtaro watoi Cohamacu musare ã yoadohorucurohca. ⁸ Cohamacu musare yoadohorohca to yare musa ne duhuerahito sehe. To ã yoachu musa sehe dachoripe, ahri dacho pichtichupu cūhure ñaa buhiri marieina jirucunahca, Cohamacu to ñuchu. ã jina Jesucristo mari puhtoro to tjua tachupure ñaa buhiri marieina jinahca musa. ⁹ Tíre Cohamacu to niriro seheta tiro yoara. Tiro to macuno mari puhtoro Jesucristo yaina cjihtire

marine beseri jire. To ã beserinare Jesu yaina jichu yoare marine.

Jesu yaina Corinto macaina cahmachua cahma sayoha ti basi

¹⁰ Yu coyera, mari puhtoro Jesucristo to dutiro mehne musare tuaro mehne yahui tai nija ahrire: Musa basi cahma sayoena tjiga. ã yoa musa basi cahma tju wa dapo jiena tjiga. Cū curuaihta jiga musa. ã jina jiape ni durucuena tjiga musa basi. ã yoana musa yoahito cjihtore tūhotuna, cūno pоторita yoaga musa. ¹¹ Yu coyera, musa basi cahma sayona niyuhca musa. ã ni yahure cāina Cloé ya wuhu macaina yuhure.

¹² Cāina musa mehne macaina õ sehe ni cahma sayoyuhca: “Paulo ya curua macaina jija sã”, ni cahma sayoyuhca cāina musa. ã yoa paina “Apolo ya curua macaina jija sã”, niyuhca tina cūhu. Paina sehe tjoa “Pedro ya curua macaina jija sã”, niyuhca tina cūhu. Paina sehe tjoa “Cristo ya curua macaina jija sã”, niyuhca tina cūhu. ¹³ Musa ã nipachuta Cristo yaina cū curuaihta jija mari. Mari basi cahma tju wa dapo masieraja mari. Cū curuaihta jija mari. Yuhu Cristo jieraja. Tiro yoaro sehe musa ya buhirire crusapu yariariro cjiro jieraja. Tuua maeraja. ã jicu wiho jiriro jija. ã yoa musare paio bautisaro, Cristo yaina musa jichu musare bautisari jire. Yu yaina musa jichu sehere musare bautisaerari jire. (ã jina yuhu sehere ñu wahāena tjiga musa.)

¹⁴ Musare, musa mehne macaina cūhure bautisaerahi yuhu. Crispore, Gayo cūhure tina dihtare bautisahi. Paina sehere bautisaerariro yu jichu noana, yu tūhotuchu. ¹⁵ Payu masare bautisariro yu jichu “Paul yaina sã jichu bautisare sãre”, ni ñu wahāboa musa yuhure. ã jicu tíre musa yoachu cahmaeraja. ¹⁶ Estéfana ya wuhu macaina cūhure bautisahi yuhu. Tópeinata bautisahi yuhu. Yu bautisarinare painare wacūeraja yuhu. ¹⁷ Cristo yuhure warocaro, masare bautisahtirore cūerare yuhure tiro. Noaa buheare buhehtiro sehere yuhure cūre. Cristo crusapu to yariarire mari buhechu tí buhea marine noaina wahachu

yoara. To ã yoapachuta noaa buheare yu mu sũro yu buhechu yũhu sehere ñu wahãboa mũsa. Mũsa ã ñu wahãna noaa buhea sehere ño payoeraboa mũsa. Tuhsu noaina wahaeraboa. Æ jicu Jesu ya buheare buhesu yu mu sũro yu masia mehne buheraja yũhu.

Cohamacu to tuaa cãhure to masia cãhure cãhariro jira Cristo

¹⁸ Pichacapu butihtina sehe Cristo crusapu to yariarire mari yahuri buheare “Tũho masieraina ya buhea jira tí”, nimana butihtina sehe. Mari sehe Cristo to yũhdũchu yoahntina cjihti jina õ sehe nija: “Crusapu to yariarire mari yahuri buhea tí waro jia nina. Tí buhea Cohamacu to tuaare yahura marine”, nija mari.

¹⁹ Cohamacu sehe to yare ti joari pũi õ sehe nina: “Ahri yahpa macainare ‘Noano masiina jira’, ti niinare ti masia yaba cjihti jierachu yoaihca yũhu”, nia tiha Cohamacu to yare ti joari pũi.

²⁰ Æ jia ahri yahpa macaina noano masiina ti masia yaba cjihti jierara. Sã coyea judio masare buheina cãhu ti masia yaba cjihti jierara. Mipũre ahri yahpa macaare durucu sayo mihniina cãhu ti masia yaba cjihti jierara. Ahri yahpa macaina noano masiina ti jipachuta quihõno masieraina ti jirire masichu yoare Cohamacu. ²¹ Cohamacu pinihta noano masiro jira. To ã jichu ahri yahpa macaina ti ya masia mehne Cohamacure ne masierara tina. Cohamacu to masi dutieraro seheta ã wahare tinare. Cohamacure cahmaeraina sehe õ sehe nina noaa buhea warore: “Tũho masieraina ya buhea jira”, nimana. Æ jia noaa buheare “Tũho masieraa buhea”, ti nia buheare tũhoa Cristore masi dũcara masa. Ti ã masi dũcachu Cristore ti wacũ tuachu ñũno tinare pichacapu wahaborinare yũhdũchu yoara Cohamacu.

²² Judio masa Cohamacu to tuaa mehne to yoa ñõrre ñu duaa nina. Æ yoa griego masa judio masa jieraina sehe noano ti masihti cjihtire macaa nina. ²³ Mari sehe Cristo crusapu to yariarire yahuri buheare buheja mari. Tí buheare judio masa

sehe ñu yabira. Æ yoa tí buheare judio masa jieraina sehe “Tũho masieraina ya buhea jira”, ni tũhotura. ²⁴ Ti ã ni tũhotupachuta Cohamacu to yaina cjihti to beserina sehe tí buheare õ sehe nina. “Cristo ya buhea Cohamacu to tuaare, to noano masiare masichu yoara marine”, nina tina ahri buheare. Tina judio masa, judio masa jieraina jipahta, ã nina Jesu yaina. ²⁵ Cohamacu masi pahõoriro jira. “Tiro tũho masierariro jira”, masa ti ni tũhotupachuta ahri yahpa macaina yũdoro noano masi pahõoriro jira tiro. Tuhsu Cohamacure “Tuaerariro jira”, masa ti ni tũhotupachuta ti bui tua yũhdũca sũro jira tiro.

²⁶ Yu coyea, Cohamacu mũsare to yaina yoachu mũsa payu wiho jiina mũsa jirire wacũga mũsa. Ahri yahpa macainare “Noano masiina”, ti niinare mahainacã Jesu yaina cjihtire beseri jire Cohamacu. Tuhsu pũtoa cãhure mahainacã Jesu yaina cjihtire beseri jire tiro. Æ yoa pũtoa pohna cãhure pache pũa pohna cãhure mahainacã Jesu yaina cjihtire beseri jire tiro. ²⁷ “Tũho masieraina jira”, ti niinare Cohamacu beseri jire “Noano masiina jira”, ti niina ti bũoro wahahto cjihto sehe. Tuhsu “Yaba cjihti jierara”, ti niinare Cohamacu beseri jire, “Wiho jiina jierara”, ti niina ti bũoro wahahto cjihto sehe. ²⁸ Masa ti ñu yabiinare “Yaba cjihti jierara”, nina masa. Ti ã nirinare Cohamacu to yaina cjihtire beseri jire tinare. Æ besero “Pũtoa waro jira”, ti niinare wiho jiina ti jiare masichu yoari jire Cohamacu tinare. ²⁹ To ã yoachu ñũa ahri yahpa macaina ne cãiro “Tuariro, noano masiro jija”, ne ni yũhdũca masierara, Cohamacu to ñũchu.

³⁰ Cohamacu sehe marine Jesu yaina jichu yoare. To yaina jina marine to yũhdũchu yoari baharo jipihtia dachoripe Cohamacu mehne jirucunahca mari. Jesu-cristo sehe Cohamacu yare noano masichu yoara marine. Tuhsu mari ñaa buhirire cohãna. Æ yoaro mari ñaa yoari buhirire cosaro, marine “Noaina jira”, to ni ñũchu yoara Cristo Cohamacure. Æ yoaro marine pichacapu wahaborinare yũhdũchu yoara. ³¹ To ã yoachu Cohamacu yare ti joari pũi

to ni joariro seheta ã wahara: “Y_u m_u s_uro masi pahñoriro jija’, niriro tíre nieno tjijaro. Õ sehe nijaro: ‘Mari p_uhtoro Cristo sehe marine y_uhd_uch_u yoariro jira’, nijaro tiro”, nina Cohamac_u yare ti joari p_ui.

2

Cristo crusap_u to yariarire sã yahuri buhea jira ahri

¹ Y_u coyea, m_usa cahap_u s_uch_u “Noano masi pahñoja”, m_usare ni buherahi. Cohamac_u yare m_usare buhec_u, tó sehe ni buhec_u nierahi. ² “Õ sehe ni buheih_tja”, nic_u m_usa mehne jic_u Jesucristo ya dihtare crusap_u to yariari dihtare wac_uch_u, tí buheare buhei y_uh_u. ³ Tuhs_u, m_usa mehne jic_u wiho jiriro yoaro sehe jii y_uh_u. ã jic_u Cohamac_u yare quihõno buhe duariro jic_u cuiriro tetereriro yoaro sehe jii y_uh_u. ⁴ ã jic_u Cohamac_u yare buhec_u, “Masi pahñoja”, ni buherahi. Mijoa durucua mehne y_u m_u s_uro buherahi. To yare y_u buhech_u Espíritu Santo to tuaa mehne y_u buhech_u ñure m_usa. ⁵ Õ seheta ni buhei y_uh_u m_usare masa ti m_u s_uro ti buhea sehere m_usa cahmaerahto sehe. Cohamac_u sehere m_usa wac_u tuahtore ã ni buhei y_uh_u.

Espíritu Santo sehe Cohamac_u to jia tiare buhera marine

⁶ ã jina Cohamac_u ya buheare m_usare Jesure noano masiinare yahuja sã. Masa ti m_u s_uro ti buhea yoaro sehe jierara ahri m_usare sã buhea. Ti p_uhtoa ya buhea c_uh_u jierara. Tina sehe pihtia wahaahca. ⁷ Paina ti masierari cjirire Cohamac_u ya durucua cjirire yahuja sã sehe. Panop_ure ahri buheare Cohamac_u yaina cjiri noano masi pahñorari jire. Ahri yahpa to jihto pano ahri buhea ti niriro seheta “Áta wahajaro”, ni tuhs_ua tiri jire Cohamac_u. Marine pichacap_u wahaborinare to y_uhd_uch_u yoah_to cjihtore, tiro mehne mari jirucuhto cjihtore, tiro yoaro seheta mari wahahto cjihto c_uh_ure. “Áta wahajaro”, nia tiri jire tiro. ⁸ To ã nich_u Cohamac_ure cahmaeraina p_uhtoa ne to buheare t_uho dueraa, masierari jire. Tíre noano masia, mari p_uhtorore Cohamac_u mac_uno

warore crusap_u c_uã puha wajãeraboa tina. ⁹ Cohamac_u yare ti joari tjui ã sehe nina:

“Jipihtina Cohamac_ure cahñina ya cjihtire Cohamac_u noano cahnobasa tuhs_uha.

Noa y_uhd_uara tí to cahnobasari.

Tí to cahnobasarire mari ne ñ_uerana, t_uhoerahi.

ã jina ‘Õ sehe yoarohca Cohamac_u’ ni, dohse masiyu pahñohto basioerara marine”,

nina Cohamac_u yare ti joari p_ui. ¹⁰ To ã nipach_uta Espíritu Santo Cohamac_u yare masich_u yoare marine. Jipihtia Cohamac_u yare Espíritu Santo masi pahñona. ã masino tiro marine tíre masich_u yoara.

¹¹ Ne paina sehe mas_uno to masiare masierara. Wiho mejeta mas_uno sehe to basi to wac_uap_u to t_uhotuare masina. Tó seheta paina Cohamac_u to masiare ne masierara. Cohamac_u to Espíritu Santo dihta to masiare masina, mas_uno to basi to t_uhotuare to masino seheta. ¹² ã yoa mari sehe Jesu yaina jina masa ti m_u s_uro ti buheare c_uãeraja. Cohamac_u to Espíriture ware marine masich_u yoaro taro. Tiro marine to noano yoah_tore masich_u yoara Espíritu Santo sehe. ¹³ Cohamac_u yare m_usare buhena, masa ya masia mehne sã m_u s_uro buheraja sã. Espíritu Santo to buhea sehere m_usare buheja. ã buhena Espíritu Santore c_uãainare Cohamac_u yare noano buheja sã.

¹⁴ Espíritu Santore c_uãeraina sehe Espíritu Santo yare ne cahmaerara. “To ya wiho warota jira”, nimana tina. Espíritu Santo to yoadohoro marieno ne to yare masihto basioerara masare. ã jia tina to yare ne masierara. ¹⁵ Espíritu Santore c_uãaina sehe Cohamac_u yare noano masina. ã jia jipihtiare noano bese masina. Paina sehe tina “Noaina jira. Ñaina jira”, ni bese masierara Espíritu Santore c_uãainare. ¹⁶ Õ sehe nina Cohamac_u yare ti joari p_ui: “Mari p_uhtoro Cristo to t_uhotuare masiina ne mariahna. ã yoa tirore masa ne ‘Õ sehe yoaga’, ni masierara”, nina to yare ti joari p_ui. Mari sehe Cristo yaina jina, Cristo yoaro seheta masija mari.

3

*Jesu yaina cãno potori Cohamacu
dahra cohtaina jira*

1-2 Y_u coyea, m_usare buhec_u Espíritu Santore noano y_uhtiinare y_u buheriro seheta buhe masierahi m_usa sehere. Cristo yaina jipanahta, wihãinacã ti wahiquire dihirore ti ch_u masierariro seheta Cohamac_u yare noano masierare m_usa. Mip_u cãhure noano masierasiniyuhca m_usa. ã jina wihãinacã pẽchore ti pũno seheta mijoera curea buhea dihtare tãhoyuhca m_usa. ã jic_u tó sehe jia buhea dihtare buhei m_usare. Cristo yaina jipanahta wihãinacã ti ch_u masierariro seheta Cristo yare noano masierayuhca m_usa. 3 M_usa sehe m_usa mehne macainare ti noano wahach_u ñ_una ñ_u tuhtina, cahmachena, m_usa basi cãa curuari tju war_uc_u s_una, Espíritu Santore cãaeraina yoaro sehe yoana niyuhca m_usa. ã yoana ahri yahpa macaina Cristore cahmaeraina yoaro sehe yoayuhca m_usa. 4 Õ sehe niyuhca m_usa: “Paulo mehne macaina jija sã”, niyuhca cãina m_usa. ã jia paina m_usa mehne macaina sehe “Apolo mehne macaina jija sã”, niyuhca. M_usa ã ni durucuna Espíritu Santore cãaeraina yoaro sehe ni durucuna nica m_usa.

5 ¿Y_uh_u Paulo, Apolo mehne dohse yoahntina cãhti jijiari sã, m_usa tãhotuch_u? Õ sehe yoahntina jina nija sã: Cohamac_u to dutiriro seheta tirore dahra cohtaina wiho jiina jija sã. ã jina m_usare sã buhech_u tãhona Jesucristore wacũ tua dũcare m_usa. 6 Noaa buheare buheina wesep_u dahraina yoaro sehe jira mari piti dahre buhech_u. Wese p_uro to toa m_uhtariro seheta y_uh_u cãh_u m_usare buhe m_uhtahi. Tuhs_u, paio wesere to cure n_un_u tiriro seheta Apolo sehe y_u baharo m_usare buhe namo n_un_u tire. Sã ã buhepachata wese macaa toaare b_uc_ua namoch_u to yoariro seheta Cohamac_u sehe m_usare to yare masi namoch_u yoahre. 7 ã jic_u y_uh_u buhe m_uhtariro jipaihta wiho jiriro jija. ã jiro Apolo y_u baharo buhe n_un_u tiriro cãh_u wiho jirirota jira. Cohamac_u pinihta toaare to b_uc_ua namoch_u yoariro seheta to yainare tirore masi namoch_u yoara. ã jiro

Cohamac_u sehe wiho jiriro jierara. 8 Toa m_uhtariro, baharo cure n_un_u tiriro cãno potori dahra cohtaina wiho jiinata jimana tina. ã jia ti dahrariro purota wapatarata tina. Tó seheta jija sã, Apolo mehne. 9 ã jina sã Cohamac_u yare dahra cohtaina jija. ã yoa Apolo y_u piti jira. Sã ã jich_u m_usa sehe Cohamac_u ya wese yoaro seheta jira. M_usa ã jich_u Cohamac_u wese macaa toaare to b_uc_ua namoch_u yoariro seheta m_usare to yare masi namoch_u yoarohca tiro.

ã yoa Cohamac_u m_usare to yainare noari curua yoaro nina. ã jina tãa mehne ti yoari w_uh_u yoaro sehe jira m_usa to ya curua macaina mari piti dahre buhech_u. 10 M_usa ã jich_u Cohamac_u y_uh_ure to dutiriro seheta y_uh_u sehe w_uh_u dahre mih-niriro tãare to cũ m_uhtariro seheta Jesucristo yare m_usare buhe m_uhtai. ã jiro tí tãa bui paio to yoa namo m_ujariro seheta paio y_u baharo buhe namo n_un_u tiro nina. ã buhe namono noano yoaro cahmana. Ne papero marieno noano buhejaro tiro. Cristo ya dihtare buhejaro tiro. 11 W_uh_ure ti dahre d_uca ti cũ m_uhtari tãa yoaro sehe Cristo jira. ã jina tí tãare sã noano cũ m_uhtariro seheta Cristo yare buhe tuhs_u. Pairo ya buhea sehere mari buhech_u tó wahaerara. 12-15 Uru mehne, plata mehne, wapa b_uj_ua tãa mehne mari yoari w_uh_ure mari jã ñ_uch_u j_uerara. Tó seheta Jesucristo yare mari noano yoari baharo pihtiri dacho jich_u Cohamac_u mari yoarire to jã ñ_uno seheta yoarohca mari yoarire masino taro. Tó sehe to yoach_u noari w_uh_u to j_uerariro seheta mari yoarire ti noaa jich_u masinohca. ã yoaro mari noano yoarina mari jich_u masich_u yoarohca tiro. Noaare mari yoari wapa noano yoarohca marine. Yuc_uri mehne, tja mehne, ñaia p_uri mehne mari yoari w_uh_ure mari jã ñ_uch_u j_ua waharohca. Tó seheta Jesucristo yare mari noano yoareri baharo pihtiri dacho jich_u, Cohamac_u mari yoarire jã ñ_uno sehe yoarohca mari yoarire masino taro. Tó sehe to yoach_u ñari w_uh_u to jã wahariro seheta mari yoarire ñaa ti jich_u tiro masinohca. ã yoaro mari noano yoaraina mari jich_u marine masich_u yoarohca tiro.

Noano yoaeraina mari jichu ñano noaare mari yoamari wapare noano yoasi. Tó sehe jiiinare Cohamacu yuhduchu yoarohca. To ã yuhduchu yoapachuta tó sehe noano yoaeraina mahanocã cohõbo cure yuhduahca.

¹⁶ MUSA sehe Jesu yaina Cohamacu ya wuhu yoaro sehe jira. MUSA ã jichu ñano tí wuhu to jiboro seheta Espíritu Santo sehe mUSA mehne jira. ¿Tíre masierajari mUSA?

¹⁷ Cohamacu ya wuhu ñaa marieni wuhu jira. Æ jina mUSA cãhu tí wuhu yoaro sehe jina to yaina warota jira. Æ jiro to yainare cãiro to dojomehnechu Cohamacu pichacapu cohãnohca tiro sehere.

¹⁸ Mahñoare tãhotuena tjiga mUSA. “Mipũ macaina ya masiare noano masija”, ni tãhoturiro mUSA mehne macariro jiro Jesu ya sehere noano masijaro. To ã masichu ñua paina tirore “Tãho masierariro jira”, niahca. Æ jiro Jesu yare masino, potocãta noano masiriro waharohca. ¹⁹ Masa ti mũ sũro ti basi ti masiare “Wiho warota jira”, ni tãhotura Cohamacu. Æta nina Cohamacu yare ti joari pũi: “Ti mũ sũro masiina ti masia yaba cjihti jierara Cohamacu to ñuchu. Æ jiro ti yoa duaare dũcatara tinare”, nina Cohamacu yare ti joari pũi. ²⁰ Æ yoa pa pũpu õ sehe nina: “Masa ti mũ sũro masi pahñoina ti tãhotua yaba cjihti ti jierachu masina mari pũtoro Cohamacu sehe”, nina Cohamacu yare ti joari pũi. ²¹⁻²² Æ jina “Sã mũ sũro yoahi”, ni masieraja mari masa jina. Æ jina yuhũ Paulo, Apolo, Pedro mehne sã jipihtina Cohamacu mUSA to yoadoho dutiina jina, mUSA dahra cohtaina jija sã. Jipihtia mUSA ya jira. Cohamacu to bajuamehnerire, catia cãhure ware mUSA. Tuhsu, pichacapu wahaerachu yoarohca mUSA. Mipũ jiare baharopũ jihti cãhure mUSA warohca. Æ jia jipihtia mUSA ya jira. ²³ Æ yoa mUSA sehe Cristo yaina jira. Cristo sehe Cohamacu yairo jira.

4

Cristo to yare buhe duti to cõrina ti dahraare yahuha Paulo

¹ Õ sehe ni tãhotuga mUSA yuhure Apolo cãhure: “Tina sehe Cristore dahra cohtaina jira. Æ jia masa ti masierari cjirire Cohamacu yare buheina jira”, ni tãhotuga mUSA sãre. ² Dahra cohtaina ti pũtoro to dutiro seheta yoa cohtara. ³ Wiho mejeta yuhure mUSA yahuwajapachuta ã tãhotunocaja yuhũ. Paina pũtoa yuhure ti yahuwajachu cãhure ã tãhotunocaja yuhũ. Yu yoaare ñua “Ahri noaa jira. Ahri ñaa jira”, ni masierara mUSA. Yuhũ cãhu masũnota jija. Æ jicu yu yoaare noano masi pahñoeraja yuhũ cãhu. ⁴ “Cristo yare yu yuhdũrucari yuhure mariahna”, ni tãhotumaja yuhũ. Yu õ sehe ni tãhotupachuta buhiri tia jisiboca yuhure. Mari pũtoro Cristo dihta yu yoaare ñano, noano masina. ⁵ Æ jina mari pũtoro to tjua tahto pano masare ñano ni yahuwajaena tjiga mUSA. Tiro tjua taro masa ti yoarire, panopũ paina ti masierari cjirire Cristo masichu yoarohca. Æ jiro mari yoa duarire, mari tãhotuare tiro masichu yoarohca. Æ yoaro to yare yoainare Cohamacu “Noano yoare mUSA”, ninohca.

⁶ Yu coyera, yuhũ Apolo mehne sã buheri cjirire yahuhi yuhũ mUSA buhecu tacu, sãre mUSA ñu cũhto sehe. Æ yahuhi yuhũ Cohamacu to yare ti joari pũi to niriro seheta quihõno mUSA yoarucuhto sehe. Æ yoana mUSA mehne macainare cãno potori ño payoga. Cãiroreta ño payoena tjiga. ⁷ MUSA sehe paina yuhdoro noaina jierara. Masi yuhdũrucaina jierara mUSA. Cohamacu mUSA to wari cjiri dihtare cjuara mUSA. Æ cjuana mUSA to yahuri cjiri dihtare masina mUSA. ¿MUSA mũ sũro cjuaina, mUSA mũ sũro masiina jierapanahca, dohse yoana “Masi pahñoina jija”, nijari mUSA? Æ nina “Sã mũ sũro masija sã”, niborina seheta yoara mUSA.

⁸ MUSA sehe “Cohamacu yare masi pahñoja sã. Sãre yaba waro dũhsaerara”, nimana mUSA. Tuhsu, mUSA cahai sã jierachu mUSA õ sehe ni tãhotumana: “Pũtoa yoaro sehe masiina jija sã”, ni tãhotumana mUSA. Potocãta Cohamacu masi pahñoina pũtoa yoaro sehe masiina mUSA jichu mUSA noabiaboa. MUSA Æ

jichu musa mehne sã cãhu pãhtoa yoaro sehe masiina jiboa.

⁹ Õ sehe ni tãhotuja yũhũ pinihta: Sãre Jesu to yare buhe dutiro cũno, masape doca macari curua cũre sãre. Paina ti wajãhtina yoaro sehe ñũna masa sãre. Ahri yahpa macaina masa, anjoa cãhu wapanañoina yoaro sehe ñũna sãre. ¹⁰ Cristo yare sã buhechu ñũna “Tuho masieraina jira”, ni ñũna masa sãre. Æ jia Cristo yare sã yoachũ ñũna, sãre ñũ tuhtira. Musa sehere ñũna, “Noano masiina jira”, ni tãhotumana masa. “Cohamacũre wacũ tuaeraina jira”, ni tãhotumana masa sãre. Musa sehere ñũna, “Noano wacũ tuaina jira”, ni tãhotumana tina. Musa sehere masa ño payora. Sã sehere tina ne ño payoerara. ¹¹ Sã sehe mipũre ñãno yũhdũina, jũca baaina, ñãhma yapioina, ñãno suhti maeraina, wũhũse maeraina jija. Tuhsũ, paina sãre ño payoeraa, sãre ñãno yoara. ¹² Æ yoa sã tuaro dahraja. Tuhsũ, paina sãre ñãno ni ti durucupachũta sã sehe tinare “Noano jiga”, nija sã. Æ yoana paina sãre ñãno ti yoapachũta Æ tãhotunocaja sã. ¹³ “Ñãno yoaina jira”, sãre ti nipachũta sã sehe noano mehne tinare yoaja. Panopũ, mipũ cãhũre ñãa weti tiina yoaro sehe masape curuari doca macari curua yoaro sehe ñũna masa sãre.

¹⁴⁻¹⁵ Mũsare noaa buheare buhe mũhtacu mũsa pũcu yoaro seheta wahai yũhũ. Payũ mũsare Cristo yare buheina ti jipachũta mũsare buhe mũhtariro cãirota jija yũhũ. Æ jiro jicu mũsare bũo tichũ yoai tai ahrire joai nieraja yũhũ. Yũ pohna warore, yũ cahĩinare yũ dutiboriro seheta mũsare noano mehne duticu tacũ ahrire joaja yũhũ. ¹⁶ Æ jicu ahrire mũsare tuaro mehne dutii tai nija yũhũ. Yũhũre ñũ cũga mũsa.

¹⁷ Ahrire yoa duticu tacũ mũsa cahai Timoteore warocahi. Tiro yũ cahĩiro mari pãhthora Jesu yairo jira. Æ jiro Cristo yare yoarucura tiro. Cristo yare mari yoahire jipihtina Jesu yaina cahapũ buhei yũhũ. Timoteo tire mũsare wacũrucuchũ yoarohca. Æ jicu Cristo yare yũ yoariro seheta mũsa ñũ cũhto sehe Timoteore warocahi yũhũ. ¹⁸ Timoteore yũ warocachũ

cãina mũsa mehne macaina pãhtoa ji duaina õ sehe nimana: “Paulo marine cuiro, mari cahapũ tasi”, ni tãhotumana tina. ¹⁹ Cohamacũ cahmachũ mũsa cahapũ michapucacãta sũihca. Æ sũcu pãhtoa ji duainare mũsa mehne macainare ti durucua quihõno jichũ masihtja yũhũ. Æ yoa Cohamacũ tuaare potocãta ti cãachũ cãhũre masihtja yũhũ. ²⁰ “Cohamacũ sã pãhthora jira”, mari ni yahupachũta to yare mari yoerachũ tí mari Æ nimari cjiri yaba cjihti jierara. Cohamacũ to tuaa mehne to cahmano sehe yoa masija. Tí pinihta wiho waro jierara. ²¹ ¿Mũsa cahapũ mũsare buhiri dahrehtiro mũsare tuhtihtiro yũ wahachũ cahmajari mũsa yũhũre? ¿O mũsare cahĩiro mũsare wahchehtiro yũ wahachũ cahmajari mũsa yũhũre? ¿Dohse jiro yũ wahachũ cahmajari mũsa?

5

Corinto macaina ti wũana tirire yahuha Paulo

¹ Potocãta õ sehe quiti tira sãre paina: Cãiro mũsa mehne macariro to pũcũro namonore wũana tiyuhca. Æta ni yahura masa sãre. Paina Cohamacũre cahmaeraina jipahta tina sehe tó sehe yoaina jierara. ² Musa mehne macariro to Æ yoapachũta mũsa sehe “Quihõno yoana nija sã”, ni tãhotumana. ¿Dohse yoana to ñãa yoarire masipanahta cahyaerajari mũsa? Æ jina Æ ñãno yoarirore mũsa mehne Jesu yaina mehne jirore cohã wioboa mũsa. ³ Yũhũ mũsa mehne jierapaihta yũ wacũapũ mũsa mehneti jija yũhũ. Æ jicu mũsa mehne jicu yũ niboriro seheta ñãno yoarirore to Æ ñãno yoari buhiri buhiri dahre duti tuhsũja yũhũ. ⁴ Jesu to dutiro mehneti Æ yoa dutija. Æ jina mũsa cahmachuna yũ wacũa mehnerũ mũsa mehne yũ jichũ to pũcũro namono mehne ñãno yoarirore cohã wiona, mari pãhthora Jesu to tuaa mehne õ sehe niga ñãno yoarirore: ⁵ “Watĩno to cahmano seheta mũhũre yoawahnojarõ”, niga tirore. Æta niga tirore ñãare to goa pjari cjirire to duhuhto sehe. Musa Æ cohãchũ tiro ñãno yũhdũrohca. Mari pãhthora Jesu to tjua tari

dachoi ñano yoiriro cjiro Jesu mehne to noano yuhduhto sehe mipure tirore ã niga.

⁶ “Quihõno yoana nija sã”, nipanahta ñano yoana nica musa. Ñano yoirirore musa ã ñanocahna, tí ñaare musa jipihitina piha pihtia wahanahca. Pão bũcũaro trigore to noano sãarũcũ sũriro seheta tí ñaa musare piha, noano sãarũcũ sũa waharohca. ¿Tíre masierajari musa? ⁷ Yũ coyeyã judio masa pascua jichũ ovejare wajã, jũ mũo, Cohamacũre ño payora. Tó seheta oveja to yariariro seheta Cristo mari ñaa buhirire yariari jire. To ã waharire masina, musa sehe ñano yoirirore musa mehne macarirore cohã wioga tí ñaa musare to pihaerahto sehe. Musa ñaa yoari buhirire cohã tuhsũre Cristo. ã jina ñano yoirirore cohã wioga “Tí ñaare pihari”, nina. ⁸ Pão bũcũaro trigore to sãarũcũ sũriro seheta panopũ ñaare ñũ cũ yoa pihtiina jimai mari. ã jina pascua bose numũrihi pão bũcũaro marieno pãore ti chũriro seheta mari cũhũ ñaare goa pjarõ marieno ñano yoaro marieno jijihna. Panopũ mari ñaare mari yoaa tiriro sehe yoaena tjijihna. ã yoana potocã noano tũhotua mehne, noano yoaina jijihna.

⁹ Musare yũ joarocari pũpũre Jesu yairo jiparota ã wũana tirucurirore ne piti ti dutieramahi. ¹⁰ ã nicũ numia mehne ñano yoainare, mũa mehne ñano yoaa numiare, paina yare goa pjainare, yacainare, “Cohamacũ jira”, ti nia masũrine ño payoinare Jesu yaina ti jierachũ “Tina mehne jiina tjiga”, nieraja. Ahri yahpai tó sehe jiina marieno Jesure cahmaeraina marieno mari dihta ji masieraja. Jipihtiropũ jira tina sehe. ¹¹ ã jicũ musare joarocacũ õ sehe yoa dutimahi: Mũsa mehne macariro “Jesu yairo”, ti niriro to jipachũta numino mehne ñano yoiriro, paye barore goa pjarõ, “Cohamacũ jira”, ti nia masũrine ño payoriro, ñano quitũ dahrerucuriro, cahariro, yacariro to jichũ tirore piti tiena tjiga. ã jina tó sehe yoiriro mehne pinihtare chũena tjiga. ¹² Jesu yaina jierainare ti ñaa yoari buhirire ne buhiri dahre dutiriro jieraja yũhũ. Tó sehe buhiri dahre dutiriro jira Cohamacũ sehe. Yũ ã nipachũta musa mehne cahmachuina Jesu

yaina musa basi musa yoirire ñũna masino cahmana musa sehere. ã tũhotunocaeraro cahmana. ã jina musa sehe tina ti ñano yoachũ ñũna buhiri dahrega tinare. ¹³ Jesu yaina jieraina sehere Cohamacũ sehe buhiri dahrerohca. ã jina musa sehe musa mehne macarirore ñano yoirirore cohã wioga.

6

Jesu yainare ti basi ti yahusaãire yahuha Paulo

¹ ¿Musa basi cahma ñũ tuhti yahusã duana dohse jiro baro Jesu yaina jieraina cahapũ musa coyeyare Jesu yainare yahusãna wahajari? Jesu yainare musa mehne macainare yahusã duana paina Jesu yaina sehere tíre yahuro cahmana musare. ã jia Jesu yainapũ besejaro. ² Pihtiri dacho jichũ mari Jesu yaina sehe masa jipihitina ti yoirire ñũna “Ahri ñaa jira. Ahri noaa jira”, besenahca mari tinare. ¿Tíre masierajari musa? ã jina pihtiri dacho jichũ masa jipihtinare besehtina jina, mipũ cũhũre bese masija mari. ã jina mipure wiho jiacã buhiri cũhũre bese masija mari. ³ Anjoa ti yoirire ñũna tina cũhũre besenahca mari. ¿Tíre masierajari musa? Mari ã besehtina jina potocãta tí yũhgoro mipũ cũhũre Jesu yaina ti yoirire ñũna bese masija mari. ⁴ ¿ã jina dohse yoana musa mehne macainare yahusã duana mari mehne jieraina cahapũ Jesu yainare yahusãna wahajari musa? ⁵ Ahrire nii nija musa quihõno yoarerare musa cahyahto cjihtore. ¿Musa mehne macainare musa cahma sayochũ musare yahuhtiro musa mehne macariro noano masiriro mariajari? Jira. ⁶ To ã jipachũta musa mehne macariro Jesu yairo paio Jesu yairore yahusã duaro Jesure cahmaerainare yahusãno wahara.

⁷ Masare beseina pũhtoare musa mehne macainare yahusãna Jesu yaina jipanahta quihõno yoarerara musa. Pairo musa mehne macariro musare ñano to yoachũ ã ñanocaboa musa. Jesure cahmaerainare musa yahusãhto pano musa coyeyorore musa ã ñanocachũ noabiaboa. Jesu yairo musare to yacachũ tirore musa yahusãhto

pano tiro to yacarire m̄sa ã ñ̄nocachu noabiaboa. ⁸ ã yoaborina jipanahta paina m̄sa mehne macaina Jesu yaina ti jipach̄ta tinare ñ̄ano yoaina, yacaina jira m̄sa.

⁹⁻¹⁰ Tó sehe yoaina p̄htoro Cohamac̄u to s̄ho jirop̄re m̄anop̄re waha masierara. ¿Tíre masierajari m̄sa? Mah̄ñoare t̄hotuena tjiga m̄sa: W̄hana tiina, “Cohamac̄u jira”, ti nia mas̄rine ñ̄o payoina, numia mehne ñ̄ano yoaina, m̄sa mehne ñ̄ano yoaa numia, m̄sa sahsero ti p̄jac̄ri mehne ñ̄ano yoaina, numia sahsero ti p̄jac̄ri mehne ñ̄ano yoaa numia, yacaina, paina yare goa p̄jaina, cahaina, masare ñ̄ano tuhtipeina, masa ti c̄juaare maina baro ne P̄htoro Cohamac̄u to s̄ho jirop̄re m̄anop̄re waha masierara. ¹¹ Panop̄re m̄sa c̄h̄u tó sehe yoaina tjimahre. ã yoamarina m̄sa jipach̄ta mip̄re m̄sa ñ̄ano yoari buhirire cosa tuhs̄ri jire Jesucristo sehe. ã to cosarina m̄sa jich̄u to yaina c̄jhtire yoare Cohamac̄u m̄sare. ã yoaro “Noaina jira”, ni ñ̄una m̄sare tiro. ãta yoare m̄sare mari p̄htoro Jesucristo, Esp̄ritu Santo c̄h̄u ti tuaa mehne.

Mari p̄jac̄ri Cristo ya p̄jac̄ri jia nina

¹² “Ȳu cahmano sehe yoa masija ȳh̄u”, niyuhca c̄aina m̄sa. Tí potoc̄a to jipach̄ta tíre yoac̄u noano jieraboca ȳh̄u. Ȳu cahmano sehe yoa masija. ã yoa masipaihta c̄aa tahari ã yoariro jic̄u tíre duhu masieraboca ȳh̄u. ã jic̄u tíre pari turi yoasi ȳh̄u, “Tíre duhu masieraboca”, nic̄u. ¹³ Õ sehe nina m̄sa: “Jipih̄tia ch̄ua mari p̄jaro macaa c̄jhti jira. Tuhs̄u mari p̄jaro ch̄ua posa tihti p̄jaro jira”, nina m̄sa. Tí potoc̄a tjira. ã jiparota baharo Cohamac̄u sehe mari ch̄uare mari p̄jaro c̄h̄ure ti pihtia wahach̄u yoarohca. ã jia mari ch̄ua wiho warota jia nina. Ch̄ua mari p̄jaro macaa c̄jhti jira. ã jiparota mari p̄jac̄ri numino mehne ñ̄ano yoah̄ti p̄jac̄ri jierara. Mari p̄jac̄ri sehe mari p̄htoro Cristo ya p̄jac̄ri c̄jhti jia nina. ã jiro mari p̄htoro sehe mari p̄jac̄ri noano yoah̄tiro c̄jhti jira. ¹⁴ Cohamac̄u to tuaa mehne mari p̄htoro

Cristore masori jire. ã to yoariro seheta mari c̄h̄ure masonohca tiro.

¹⁵ ¿ã jina m̄sa p̄jac̄ri Cristo ya p̄jac̄ri ti jich̄u masierajari m̄sa? ¿Ti ã jich̄u Cristo ya p̄jac̄u mehne ñ̄ano yoaricoro mehne mari ñ̄ano yoach̄u noajari, m̄sa t̄hotuch̄u? Noaerara. ¹⁶ Ñ̄ano yoaricoro ñ̄ahariro to p̄jac̄u sehe ticoro ya p̄jac̄u mehne jiro, c̄u p̄jac̄u yoaro seheta jira. ¿Tíre masierajari m̄sa? ãta ni joaa tiri jire Cohamac̄u yare ti joari tjui: “Tina p̄uaro jipahta c̄u p̄jac̄u yoaro sehe wahara”, ni joaa tiri jire. ¹⁷ Mari p̄htoro to yaina mehne jira. ã jiro Jesu yairo Jesu mehne p̄uaro jipahta c̄ano potori t̄hotuina c̄airota ti jiboro seheta jira.

¹⁸ ã jina numia mehne ñ̄ano yoaaare, m̄sa mehne ñ̄ano yoaaare goa p̄jaena tjiga. Tíre m̄sa yabiro seheta tíre yoaena tjiga. Paye ñ̄aare mari yoana mari p̄jac̄re dojomehneraja. Numino mehne ñ̄ano yoariro sehe to p̄jac̄re ñ̄ano dojomeh̄nena. ¹⁹ Esp̄ritu Santore marine ware Cohamac̄u. ã jiro mari mehne jiro nina Esp̄ritu Santo sehe. ¿Tíre masierajari m̄sa? ã jia m̄sa p̄jac̄ri m̄sa catia c̄h̄u m̄sa ya c̄jhti waro jierara. Cohamac̄u yaina c̄jhti waro jira m̄sa. ²⁰ M̄sa ñ̄aa buhirire buhiri dahre tuhs̄re Cristore. ã jina to yaina c̄jhti waro jira m̄sa. To yaina jina m̄sa p̄jac̄ri mehne Cohamac̄u to cahmano sehe yoaga. ã yoana Cohamac̄ure ñ̄o payona nina m̄sa.

7

Namo tiare yahuha Paulo

¹ Mip̄re ȳh̄ure m̄sa sinitu m̄sa joaricari c̄jirire ȳh̄u c̄h̄u ȳh̄ti cahmai tai nija: Mas̄no namo tierach̄u c̄h̄ure, noanocahna, ȳu t̄hotuch̄u. ² Tí ã jipach̄ta m̄sa sehe namo tijaro paina numia mehne ti ñ̄ano yoaerahto sehe. ã jia numia c̄h̄u man̄u tijaro paina m̄sa mehne ti ñ̄ano yoaerahto sehe. ³⁻⁴ Man̄u tiricoro to p̄jac̄u to ya p̄jac̄u dihta jierara. To man̄u ya p̄jac̄u c̄h̄u jira. To man̄u c̄h̄u to p̄jac̄u to ya p̄jac̄u dihta jierara. To namono ya p̄jac̄u c̄h̄u jira. ã jina m̄sa m̄sa sehe m̄sa namos̄anumiare noano c̄juga. ã yoa m̄sa numia c̄h̄u m̄sa man̄us̄mare “Ȳu

pjacure pihaecu tjiga”, niena tjiga. ⁵ Wiho mejeta Cohamacure p̄aro m̄sa sini duana “Mahaa dachoricã mari basi jiena tji-jihna. Cohamacure sinijihna”, c̄no potori ã nina, m̄sa basi wahã duhu masina m̄sa. M̄sa ã duhuri baharo m̄sa jiro sehetã jirucuga tjoa, Satana ñano m̄sare to yoa dutierahto sehe. “Paina mehne ñano yoaboca” nina, m̄sa basi piti ti duhuena tjiga. M̄sa jiro sehetã jirucuga tjoa.

⁶ Ahrire m̄sare mip̄ ȳ niri c̄jire yahuc̄ m̄sare dutia waro mehne nieraja. ã yahuta nija m̄sa yoah̄ore m̄sa masihto sehe. ⁷ Jipihtina m̄sa ȳ yoaro sehetã namo tieraina m̄sa jich̄ noaboa yah̄ure. ã ji duapanahta mari jipihtina c̄no potori jieraja. C̄inare marine namo ti dutira Cohamac̄. C̄inare namo ti dutierara.

⁸ ã yoa namo marieinare, man̄ marieinare, wapewahya c̄h̄re õ sehe nija: Namõ marieina, man̄ marieina ji masina, ãta jinocahga m̄sa ȳ yoaro sehetã. ⁹ ã ji masierana tuaro ñaare goa pjana, potota namo tiga. ã yoa numia c̄h̄ man̄ tiga. Ñaare m̄sa goa pjach̄ noaeraputiara m̄sare. M̄sa ã goa pjana m̄sa namo tich̄ pinihta noa nina. ã yoa m̄sa man̄ tich̄ c̄h̄re noana.

¹⁰ M̄sa namo tiinare, man̄ tia numiare õ sehe dutija. Ȳ ã nipach̄ta ya dutia waro jierara ahri. Mari p̄h̄toro Cristo ahrire dutira: M̄sa numia sehe m̄sa man̄sumare cohãena tjiga. ¹¹ M̄sa man̄sumare cohãna, man̄ mariea numia sehe tjuaga. ã tjuaerana pari turi tjoa m̄sa man̄suma mehne noano jiga tjoa. ã yoa m̄sa c̄h̄ m̄sa m̄sa namosãnumiare cohãena tjiga.

¹² ã yoa m̄sa c̄h̄re painare õ sehe nija ȳh̄. Mari p̄h̄toro to dutia jierara ahri. Ȳh̄ sehe õ sehe nija m̄sare: C̄ina m̄sa mehne macaina Jesu yaina sehe Jesure cahmaeraa numiare namo tina jira. ã jina m̄sa namosãnumia m̄sa mehne ti tjuã duach̄ tí numiare cohãena tjiga m̄sa. ¹³ ã yoa c̄ina m̄sa mehne macaa numia Jesu yaina numia Jesure cahmaerainare man̄ tia numia jira. ã jina m̄sa man̄suma m̄sa mehne ti tjuã duach̄ tinare cohãena tjiga. ¹⁴ M̄sa

man̄suma Jesure cahmaeraina jipahta Jesu yaina numiare ti namo tich̄, Cohamac̄ noaina yoaro sehe ñ̄na tinare. ã yoa m̄sa m̄sa sehe Jesu yaina m̄sa jich̄ m̄sa namosãnumia Jesure cahmaeraa numia jiboca. Ti ã jipach̄ta m̄sa mehne tí numia man̄ tich̄ Cohamac̄ noaa numia yoaro sehe ñ̄na tí numia c̄h̄re. To ã ñ̄erach̄ m̄sa pohna Jesure cahmaeraina pohna yoaro sehe ñ̄boa Cohamac̄. Wiho mejeta ti pohna c̄h̄re noaina yoaro sehe ñ̄na Cohamac̄. ¹⁵ ã yoa m̄sa m̄sa sehere m̄sa namosãnumia Jesure cahmaeraa numia m̄sare cohã duaa, ãta yoajaro. M̄sa man̄suma c̄h̄ ã cohã duaa, ãta yoajaro. Noano mari jich̄ cahmana Cohamac̄. ã jiro tí numia m̄sare ti cohã duach̄ “Tí numia mehne jisiniga”, ni dutierara Cohamac̄. ¹⁶ Ti namosãnumia Jesu yaina numia sehe noano ti yoach̄ ñ̄na baharop̄ ti man̄suma sehe Jesure cahmaboca. ã ti cahmach̄ Cohamac̄ tinare pichacap̄ wahaborinare ȳh̄d̄ch̄ yoarohca. ã yoa ti man̄suma Jesu yaina sehe noano ti yoach̄ ñ̄na baharop̄ ti namosãnumia Jesure cahmaboca. Ti ã cahmach̄ Cohamac̄ tí numiare pichacap̄ wahabori numiare ȳh̄d̄ch̄ yoarohca. ã Jesure cahmaborina ti jipach̄ta potota Jesure ti cahmahtore masiyuhto basioerara m̄sare.

¹⁷ ã jina jipihtina m̄sa mari p̄h̄toro Cristo m̄sare to ji dutiro sehetã yoaga. ã yoana Cohamac̄ m̄sare to c̄ri c̄jire yoaga m̄sa. Tíre jipihtina Jesu yainare ã yoa dutirucuja ȳh̄. ¹⁸ Jesu yaina m̄sa jihto pano circuncisiõre yoina c̄ri jina, ãta jirucuga. Tuhs̄, Jesu yaina m̄sa jihto pano circuncisiõre yoeraina c̄ri jina mip̄ c̄h̄re ãta jirucuga. ¹⁹ Mip̄re circuncisiõre yoina m̄sa jich̄ yaba c̄ihti jierara. Tíre yoeraina m̄sa jich̄ c̄h̄re yaba c̄ihti jierara. Wiho mejeta Cohamac̄ dutiare mari yoach̄ tí pini wiho waro jierara. ²⁰ ã yoana Cohamac̄ Jesu yaina m̄sare to c̄ri pja m̄sa jiro sehetã tjuaga. ²¹ Jesu yairo m̄ ji d̄cahto pano mas̄nore dahra cohtariro m̄ jich̄ noanohca. ãta tjuasiniga. M̄ p̄h̄toro m̄h̄re to wio duach̄ sehere wijaga

mũhũ. Mũ wijachũ noanohca mũhũre. ²² Mari pũhtoro Jesu yairo cũiro jiro masũnore dahra cohtariro jiparota Jesu to yũhdũchũ yoariro jira. Āta paio mari pũhtoro Jesu yairo jiro, masũnore dahra cohtariro jieraparota Jesure dahra cohtariro jira tiro cũhũ. ²³ Mari ñaa buhirire buhiri ti tuhsũri jire Cristo. Ā jina tiro dihtare “Yũ pũhtoro waro jira”, ni tũhotuga mũsa. Paina mũsare tíre ti ã ni tũhotu dutierachũ tinare tũhoena tjiga. ²⁴ Ā jina yũ coyeyea, Jesu yaina cjihti Cohamacũ mũsare to cũri pja mũsa jiriro seheta tjuaga. Ā tjuana Cohamacũ mehne macaina jiga.

²⁵ Mipũre namo marieinare, manũ maria numia cũhũre yahu duaja mũsare. Mari pũhtoro ahrire “Õ sehe niga”, nierare yũhũre. Yũhũre to pja ñũchũ yũhũre to yoadohochũ to cahmano seheta yoarucuriro jija yũhũ. Ā jiriro jicũ ahrire noano yahuihtja mũsare. ²⁶ Mipũre mũsa ñano yũhdũna nica. Ā jiomahchũ mũsa namo marieina cũhũ manũ maria numia cũhũ mũsa tjuachũ noanohca, yũ tũhotuchũ. ²⁷ Namu tiina, manũ tia numia mũsa jina āta tjuaga. Ā yoa namo marieina, manũ maria numia mũsa jina āta tjuaga. ²⁸ Namu tina ñano yoaerara mũsa. Ā yoa mũsa nuhmia manũ tina ñano yoaerara mũsa cũhũ. Wiho mejeta namo tiina, manũ tia numia mũsare wapũoro tjuarohca ahri yahpahi masa ti ñano yũhdũro seheta mũsa ñano yũhdũchũ. Ā jicũ mũsare “Ā wapũ tiri” nicũ, “Namo marieina, manũ maria numia tjuaga”, nihi yũhũ.

²⁹ Yũ coyeyea, ahrire mũsare yahui nija. Cristo ahri yahpapũ to tjua tahto mahano cã dũhsara. Ā jia mipũre namo marieina Cohamacũ to cahmano sehe ti noano yoa masino seheta noano yoaro cahmana namo tiina cũhũre. Ā yoa manũ tia numia cũhũre āta Cohamacũ to cahmano sehe noano yoaro cahmana. ³⁰⁻³¹ Ahri yahpa to mipũ jiro seheta baharocãta pihtia waharohca. Ā pihtihti yahpa to jicũ mipũre mari ñahacaha tiia, mari wahchea, mari cjũaa pihtia wahaa hca. Ā jia tí wiho waro jira. Cohamacũ yare yoaa sehe wiho waro jierara. Ā jia

ahri yahpa macaare cjũaina, cjũaeraina yoaro sehe jijaro. Ahri yahpa macaare pjĩro tũhotuea tjijaro. Ahri yahpa to mipũ jiro seheta baharocãta pihtia waharohca.

³² Mũsa ñano yũhdũerachũ cahmaja yũhũ. Pjĩro mũsa tũhotuerachũ cũhũre cahmaja. Namu marieriro Jesu yairo jiro Jesu yare wacũrucura. Ā wacũrucuro Jesu cahmaare tuaro yoa duara. ³³ Namu tiriro sehe to namono cahmaa sehene tuaro yoa duara. Ā jiro ahri yahpa macaare pjĩro tũhotura. ³⁴ Ā jiro tiro pũaro macaare yoa duara. Jesu cahmaa cũhũre, to namono cahmaa cũhũre tiro yoa duara. Ā yoa bũcoro manũ marienicoro jiro, ticoro mari pũhtoro Jesu cahmaare tuaro yoa duara. Nuhmino cũhũ āta yoa duara. Ā yoa duaro to pjacũ mehne, to wacũa mehne cũhũre ticoro tuaro Cohamacũ yacoro ji duara. Manũ tiricoro sehe ahri yahpa macaa sehene to manũno cahmaa sehene tuaro yoa duara. Ā jiro ahri yahpa macaare pjĩro tũhotura.

³⁵ Ahrire mũsare nii nija mũsare yoadohocũ tacũ. Wapũoa dutiare mũsare cũ duaeraja. Ā cũ duaerapaihta noano mũsa yoachũ cahmaja. Jesu mari pũhtoro yare mũsa tuaro yoa duachũ cahmaja yũhũ.

³⁶ Mũsa mehne macariro to sũhduricoro to bũcoro curero to wahachũ ñũno namo tijaro tiro ticorore. “Āta yoaro cahmana ticorore”, ni tũhoturo to niriro seheta yoajaro tiro ticorore. Ticorore namo ti masina. Ā yoaro tiro ñano yoaerara. ³⁷ Pairo sehe to sũhduricorore namo ti duaeraro, to cahmano seheta yoajaro tiro ticorore. “Ticorore namo tieraja yũhũ”, ni tũhoturo to cahmano seheta yoa duaro, tó seheta yoajaro. Ā yoariro noano yoara. ³⁸ Ā yoa to sũhduricorore namo tiriro cũhũ noano yoara. Tuhsũ, to sũhduricorore mipũre namo tierariro sehe paio yũhdoro noano yoaro nina.

³⁹ Manũ tiricorore to manũno cohã dutierara Cohamacũ. To ã cohã dutierapachũta to manũno to yariari baharo ticoro paio mehne to cahmariro mehne manũ ti masina. Ticoro to manũ tirirore Jesu yairo jiro cahmana tirore. ⁴⁰ Ticoro manũ marienicoro tjuaro, manũ tiricoro yũhdoro noano wahchericoro jirohca

ticoro. Ñta ni tãhotuja yũhũ sehe. Cohamacũ to Espĩritu Santore cjũariro jija. (Yũ ã jiriro jichũ masina ahri yũ yahurire masiga mũsa.)

8

“Cohamacũ jira”, ti nia masũrine ño payo ti duhu payoa chũare yahuha Paulo

¹ Mipũre “Cohamacũ jira”, ti nia masũrine ño payo ti duhu payoa chũare yahu duaja. Jipihtina mũsa tí barore “Masija”, ni tãhotura mũsa. Ñ ni tãhotuna “Painare masi yãhdũrũcaja”, ni tãhotumana cãina. Ñ ni tãhotua painare yoadohoerara tina. Painare cahãa tinare yoadohora. Ñ yoa masia yãhdoro painare cahãa sehe wiho waro jierara. ² “Masi pahũonocaja”, ti mũ sũro niina jia, Cohamacũ noaare to masi dutiare masierasina tina. ³ Wiho mejeta Cohamacũre ti cahĩchũ tinare masina tiro. (Ñ jia to yaina jira tina.)

⁴ Ñ yoa “Cohamacũ jira”, ti nia masũrine ño payo ti duhu payoa chũare ahrireta yahuihtja: Tí masũri ne yaba cjihti jierara. Potocãta tí masũri yajeripohna mariaha. Cohamacũ sehe cãirota jira. Paina cohamana mariaha. Ahrire mari masija. ⁵⁻⁶ “Payũ cohamana jira. Tina mari pũhtoa jira”, ni tãhotumana masa. Ñ yoa mũanopũ, ahri yahpãpũ cũhũre “Cohamana”, ti niina jipachũta mari sehere cãirota jira Cohamacũ. Tiro mari Pũcũ jipihtiare bajuamehneriro jira. Ñ yoaro to yaina cjihti yoari jire tiro marine. Ñ jiro mari pũhtoro Jesucristo cãirota jira. Tiro jipihtiare mari Pũcũre yoabasariro jira. To yaina cjihtire yoari jire tiro marine. Ñ jina tiro mehne ã jirucunahca mari.

⁷ Yũ niriro sehe ã jipachũta paina Jesu yaina tíre masierara. Panopũ tina “Cohamacũ jira”, ti nia masũrine “Catiina jira”, ni tãhoturucumaha. Tí pãpãre ã yoarina jia mipũ cũhũre tí masũrine ño payo ti duhu payoa chũare “Cohamana ya chũa jira”, ni tãhotumana. Ñ yoaa tí chũare chũa, “Mari ñano yoana nija cohamana ya chũare chũa”, ni tãhotumana. Tíre ti yoarire noano masieraa, ã ni tãhotumana.

Ñ jia tina ñano yoaa nina, ti tãhotuchũ. ⁸ Tí chũare mari chũchũ mari chũerachũ cãhũre Cohamacũ marine “Noaina jira”, ni ñũerara. Ñ yoa tí chũare mari chũchũ wiho warota jinocahno nina tí chũa. Mari tíre chũna ñano yoaeraja. Tí chũare mari chũerachũ cãhũre wiho warota jinocahno nina. Ti duhu payoa chũare mari chũerana paina yãhdoro noaina jieraja mari cũhũ. ⁹⁻¹⁰ Wiho mejeta noano yoaga mũsa. Tí chũare chũrina cjiri mũsa jichũ paina mũsare, “Masija” niinare, ñũ cũ chũboca. Ñ ñũ cũ chũa ti yoarire noano masieraa, “Ñano yoana nija mari”, ni tãhotuahca tina cũhũ. Ti ã ni tãhotuchũ tina sehere ñano yoachũ yoana nica mũsa. Ñ jina noano yoaga mũsa. ¹¹ “Mari tí chũare mari chũchũ noanohca marine”, mũsa ni tãhotuina jina paina noano masieraina cjirire ñano yoachũ yoaboca mũsa, mũsare ti ñũ cũchũ. Tina ya cjihti cãhũre yariari jire Cristo. Ñ yoana Cristo yainare mũsa coyeare ñano yoachũ yoana niboca mũsa. ¹² Noano masierainare Cristo yainare mũsa ñano yoachũ yoana, Cristo cãhũre ñano yoana nica mũsa. ¹³ Ñ jicũ tí masũrine ño payo ti duhu payoa chũare yũhũ chũcũ Cristo yainare ñano yoachũ yoai niboca yũhũ. Cristo yaina ti ñano yoachũ cahmaeraja. Ñ jicũ “Yũhũ tinare ñano yoachũ yoari” nicũ, tí chũare ne pari turi chũsi yũhũ.

9

Paulo Jesu to cũriro to jia tiare yahuha

¹ Jesu to yare buhe dutiro to cũriro jija. Ñ jicũ paina to cũrina ti yoaro seheta yoa masija yũhũ cũhũ. Mari pũhtoro Jesure ñũriro tjija yũhũ cũhũ. Ñ jina Jesu yare yũ buhechũ mũsa sehe tíre noano tãhorina jina to yaina wahare mũsa. Ñ to yaina waharina jina Jesu to cũriro yũ jichũ masi tuhsũra mũsa. ² Paina yũhũre yahuwajaa “Tiro Jesu to cũriro jierara”, niboca. Ti ã nipachũta mũsare yũ buheri baharo Jesu yaina wahana, “Jesu to cũriro jira” ni, yũhũre masi tuhsũra mũsa. Ñ jina paina ti yahuwajapachũta mũsa sehe to cũriro yũ jia tiare masina.

3 Yuhure yahuwajainare õ sehetä ni yuhtihtja: 4 Músare yu buheri baharo yu chuhtire yu sihnihti cūhare yuhure waboa mūsa yu buheri wapa. 5 Ā jicu namo tiriro jicu yu namo Jesu yacoro to jichu ticoro mehne tini masiboa yuhū. Paina Jesu to cūrina, Jesu bahana, Pedro cūhu ti namosānumia mehne ti tiniriro sehetä yuhū cūhu tini masiboa. 6 Yuhū Bernabé mehne músare noaa buheare sã buhepachūta sãre ne paye barocã waerare mūsa. Ā jina sã basita sã chuhti cjihtire dahra wapatai sã. ¿Sã dihtare wapataro marieno buhero cahmajari, mūsa tūhotuchū? 7 Ahrina yu yahuhtina sehe ti dahrari wapa wapatarä. Cūiro surara to dahrachu to puhtoä tirore wapara. To basi wapaerara. Chuare toariro cūhu to toari dicha tichu tíreta chu masina. Ā yoa ovejare ñu wihboriro to nuina pēchore sihni masina tiro. 8 “Ti dahrari wapare waparo cahamana”, nicu masa ti dutia dihtare músare yahueraja. Cohamacu to dutiapu to niri cjiri cūhare músare yahui nija. 9 Moise cjirore to cūri dutiare to yare ti joari pūi õ sehe ni yahura: “Wachu trigo yaparire to dahpori mehne suhtiwerirore to chu duachu to duserore dūcataena tjiga”, nia tiri jire Cohamacu dutia. 10 Ā dutiro wachūare nino nierari jire. Ā dutiro marine nino niri jire marine buhero taro. Wesere sahariro cūhu tí dichare narina cūhu ti dahrari baharo dicha tiri pja jichu ti wapatahtore cohtara tina. (Ā jina dahrainare ti dahrari wapare waro cahmana marine.)

11 Músare Cohamacu yare noaa buheare buhei sã. ¿Sã ã buhechu mūsa sehe sãre chuare waeraro cahmajari, mūsa tūhotuchū? Waro cahmana. Mūsa wachu noaboa sãre. 12 Ā waerarina jipanahta paina chuare músare ti sinichu mūsa tina sehere wara. Tina músare ti chuare sinichu sã sehe tina yūhdoro músare chuare siniborina jimaja.

Ā wa dutiborina jipanahta sã sehe “Sãre waga”, ne nierahi. “Cristo ya buheare músapu cahmaeraboca” nina, sãre chuä mariapachūta músare ne sinierahi. 13 Cohamacu wūhui dahrainä tí wūhuihta ti chuare nana. Ā yoa Cohamacure ti ño payori mesai cohtaina wahiquirere ti

jūrirore mahanocã na chūra tina cūhu. ¿Tíre masierari mūsa? 14 Tó sehetä ti yoariro sehetä noaa buheare buheinare ti buheri wapare ti chuhtire tinare waro cahmana músare. Āta yoa dutire mari puhtoro Jesu. 15 Ā jicu músare siniboriro jipaihta yuhū ne paye barore sinierahi músare. Ā jicu ahrire mipure joacu paye barore wapa cahmai tai joai nieraja. Músare ne wapa cahma duaeraja. Yariahtiro jipaihta ne wapa cahmasi yuhū músare. Wapa marieno buhecu ji coa yūhdūaja. Ā jicu músare yu buheri wapa ne wapata chūsi.

16 Noaa buheare buhe dutiro yuhure cūre Cohamacu. Tíre buheri masūno jinocaihta nija yuhū. Noaa buheare buheracu pjacūoriro jiboa yuhū. Ā jicu tí buheare buhecu “Painare masi yūhdūrucaja”, niboriro jieraja yuhū. 17 Noaa buheare yu mu sūro buhecu yu buheri wapa wapaa naboa yuhū. Cohamacu yuhure to yare buhe dutiro cūre yuhure. Ā jicu yu mu sūro buheraja. 18 ¿To yare ã buhecu yaba barore wapatajari yuhū? Ō sehe jira yu wapataa: Noaa buheare buhecu músare ne paye barore sinieracu wapa marieno tí buheare buheja músare. Yu ã nirire masicu wahcheja. Yu wahcheata jira yu wapataa.

19 Ne masare dahra cohtariro jierapaihta jipihtinare dahra cohtariro yoaro sehe jija yuhū payu paina masa Jesu yaina ti wahahto sehe. 20 Ā jicu yu coyēä judio masa mehne jicu, ti yoaro sehetä yoaja yuhū Jesu yaina ti wahahto sehe. Cohamacu to dutia cjirire Moise cjirore to cūri cjirire ño payoriro jierapaihta, tí dutia dihtare ño payoina mehne jicu tí dutiare ño payoriro baro yoaro sehetä jija yuhū. Āta yoaja yuhū tina Jesu yaina ti wahahto sehe. 21 Ā jicu Cristo yairo jicu Cohamacu dutiare Moise cjirore to cūri cjirire yūhdūrucä duaeraja. Tí dutiare yūhdūrucä duaerapaihta tí dutia marieina mehne jicu tí dutia marieriro yoaro sehetä jija. Āta yoaja yuhū tina cūhu Jesu yaina ti wahahto sehe. 22 Jesure noano masieraina mehne jicu ti yoaro sehetä jija. “Masi pahñoriro jija”, nieraja yuhū. Āta yoaja yuhū tina cūhu Jesu yaina ti wahahto sehe. Ā jicu jipihtina masa ti jiriro sehetä

jija yũhũ cãina tina Jesu yaina to yũhdũchũ yoaina ti wahahto sehe. ²³ Ahrire yoaja noaa buheare jipihtina ti tũhohto cjihtore. Yũ ã yoachũ ñũno Jesu to buheriro seheta tiro yũhũ cãhũre noano yoara. (Ã jicũ masa ti jia tiro seheta jija.)

²⁴ Õ seheta jira mari piti dahre buhechũ. Mũrocapeina mũrocaa tina jipihtina mũrocarã. Ti ã mũroca pihtipachũta mũroca yũhdũrũcariro sũ mũhtana. ã sũ mũhtariro wapataara. ã jina ti mũrocariro seheta mũsa cãhũ Cohamacũ cahmaare yoaga mũsa wapatahto sehe. ²⁵ Jipihtina mũrocaina ti pjacũre dojomehneare duhunoca noano mũrocapora ti mũroca tuahto sehe. Tuhsũ, ti noano mũrocahto cjihtore quihõno chũa, quihõno carĩa, noano yoara tina. ãta yoara tina mũroca sũ, ti wapatahto sehe. ã jia ti ã yoa wapataa pũri mehne ti yoari soro jira. Tĩ soro ñaco baaerara. Mari sehe Cohamacũ yare noano buheja to yare mari wapatahto sehe. Tĩ wapataa pinihta ne baaerara. ²⁶ ã jicũ yũhũ pa sehe mũrocariro yoaro sehe yoeraja. Potori da mũrocariro yoaro sehe yoaja yũhũ. Tuhsũ, cahmachep-eriro pa sehe dota moñoroca mũjariro yoaro sehe yoeraja. ã yoa duaeracũ Cristo yare quihõno yoa duaja. ²⁷ ã jicũ mũrocapeina, cahmachepeina cãhũ ti pjacũre ti buheriro seheta ti noano quihõno ti yoariro seheta yũhũ cãhũ yũ pjacũ mehne noaa dihtare yoarõja. ã yoeracũ painare buheriro jipaihta yaba cjihti jieraboa yũhũ sehe.

10

“Cohamacũ jira”, ti nia masũrine ño payo dutieraha Paulo

¹ ã yoa yũ coyeyã, ahrire masiga mũsa. Sã Israe masa ñũchũsũma cjiri panopũ macaina jipihtina Cohamacũ to me curu-are ñũ nũnũ ti wahcãa, waha tiri jire. ã wahaã sohãri mare co watoĩ jiri mahai wũa cahari mahai pahã tinia wahari jire. ² ã wahaã tina jipihtina me curua mehne sohãri ma macaa co mehne bautisarina yoaro sehe wahari jire. Bautisarina wahaãna Cristo yaina mari jiare ñona nija. Tó

seheta tina sohãri mare bautisarina yoaro sehe wahaã, Moise cjiro yaina ti jiare ñoa nia tiri jire. ³ ã yoa tina jipihtina mũano macaa chũare chũa tiri jire Cohamacũ to waare. ⁴ ã chũa tina jipihtina Cohamacũ to waa co cãhũre sihnia tiri jire. Tĩ pjapũre tĩ core Cohamacũ to cũri tãcai wijaa core sihnia tiri jire tina. Tia tãca yoaro sehe jiro, tinare co wariro Cristo jiri jire. ⁵ Tina ã waharina ti jipachũta paina tina mehne macaina ñano ti yoachũ ñũno Cohamacũ sehe payũ tina mehne macainare ñũ ji coerari jire. ã jiro tinare masa marienopũ yariachũ yoari jire Cohamacũ. ã yoaro masa marienopũ ti pjacũre cohã sitea wahari jire.

⁶ ãta yoari jire Cohamacũ tinare marine buhero taro. ã jiro tinare ñũ cũ ñaare mari goa pjaerahto cjihtore Cohamacũ ã yoari jire tinare. ⁷ ã jina “Cohamacũ jira”, ti nia masũrine ti ño payoriro seheta yoena tjiga mũsa sehe. Tĩ masũrine ti ño payorire Cohamacũ yare ti joari pũĩ yahuro õ sehe nina: “Tina chũ duji sihni tuhsũ, wahcãrũcũ sũ, bose nũmũ yoa dũcari jire wachũ masũre ño payoa taa”, ni joaa tiri jire panopũre. ⁸ Baharo paina sehe Israe masa numia mehne ñano yoari jire. Ti yoariro seheta yoeraro cahmana marine. Tina ti ñano yoari baharo cã dachoihta tina veintitrẽs mil masa yariaa wahari jire. ⁹ Ti ã wahari baharo pari turi paina Israe masa sehe Cohamacũre tina mehne suachũ yoari jire. “Marine buhiri dahresi”, nia ñaa warore yoari jire. ã yoaa tirore suachũ yoari jire. Ti ã yoari buhiri Cohamacũ agãa mehne bahca wajãri jire tinare tjoa. ã jina tina yoaro sehe Cristore yoena tjiga mũsa “Marine buhiri dahresi”, nina. ¹⁰ Pa tehe tjoa paina ñaa quiti dahre ti tuhtichũ anjo masare wajãriro tinare wajãri jire. ã jina tina yoaro sehe yoena tjiga.

¹¹ ã wajã dutiri jire tinare Cohamacũ marine buhero taro. Mari sehe pihtiri dacho panocã jiina jija. Mari ã jiina jichũ panopũ macaina ti ã waharire Cohamacũ joa dutiri jire marine noano buhero taro. ¹² ã jina “Noaina jija sã, Cohamacũ to ñũchũ”, ni tũhotuina jina, noano yoaga

musa “Ñaaare yoari”, nina. ¹³ Mari jipihtina cãiro duhsaro marieno cãa tahari ñaaare wacũja. Æ wacũna tí ñaaare yoa duaja. Mari Æ yoa duapachuta Cohamacu marine yoadohorucuriro jira. Æ jiro tí ñaa wacũare musa bo masierachu tiro sehe musare yoadohorohca. Æ jiro tí ñaaare musa yoa duachu ñno Cohamacu tí ñaaare musare yoa duaerachu yoarohca. To Æ yoachu tí ñaaare yoa duasi musa.

¹⁴ Æ jina yu cahĩina yuhure tuhoga. “Cohamacu jira”, ti nia masurine ne ño payoena tjiga. ¹⁵ Musa noano masiina jichu musare yahuja. Æ jina yu nihti cjihtire quihõno ti jichu masiga musa basi. ¹⁶ Cristore ti ñahari ñamine vinore to sihnihto pano Cohamacure “Noana”, niri jire. To niriro seheta mari cõhu tí core sihnina Cohamacure “Noana” nina, mari ya buhiri Cristo to yariarire masichu yoana nija. To di wijaarire masichu yoana nija. Tuhsu, to yaina mari jia tia cõhure masichu yoana nija mari. Æ yoa pãore mari Cristo yaina nuha, chõna, mari ya cjihtire to pjacu crusapu to yariarire masichu yoana nija. Tuhsu, to yaina mari jia tia cõhure masichu yoana nija. ¹⁷ Æ jina payu masa jipanahta cõ curi pão curire chõna jipihtina mari Cristo yaina cõ curuata jija.

¹⁸ Israe masa ti yoarire wacũga musa: Tina wahiquirore wajãa, jũ muo waa, Cohamacure ño payora. Æ ti wari baharo cõ curuaihta ti wariro cjirore chõra. Æ chõa Cohamacure ti ño payoare masichu yoara tina. ¹⁹ Cohamacure ti waa chõare yahucu “‘Cohamana jira’, ti nia masurine ti waa chõa sehe tí waro jira”, nii nieraja. Tí chõa pinihta wiho waro jia nina. Tí masuri cõhu wiho waro jia nina. ²⁰ Tí chõa ti yaba cjihti jierapachuta tí chõare chõeraro cahmana. Õ sehe jira tí. Cohamacure cahmaeraina wahiquirore wajã, jũ muoa, Cohamacure ño payoa nierara. Æ yoaa watia sehere ño payora tina. Ti Æ ño payoina jichu tina mehne chõna watino yaina yoaro sehe yoana nica musa cõhu. Musa Æ yoachu pinihtare ne cahmaeraja. ²¹ Santa Cenare mari yoari dachoi mari puhtoro Jesure wacũna tana sihnija. Mari Æ sihniina jina, watia

sehere ño payo masieraja mari. Æ yoa Jesure wacũna tana pãore chõja. Mari Æ chõina jina, watia sehere ño payo masieraja mari. ²² ¿Jesure musa mehne suachu yoa duajari musa, puarore musa ño payona? ¿Tiro yuhdoro tuaina jijari musa? Jierara. (Æ jina noano yoaga musa.)

Cohamacu to cahmaa dihtare yoaga

²³ Õ sehe nina cãina: “Sã cahmano seheta yoa masija sã”, nina. Musa yoari cjiri ñaa ti jierapachuta tíre yoana painare yoadohoeraboca musa. Tuhsu, tíre yoana Jesure wacũ tua namochu yoeraboca musa painare. ²⁴ Musa cahmaa dihtare yoana tjiga. Paina sehere noano yoadohoga musa.

²⁵⁻²⁶ Chõa duaropure chõare nuchõna “¿Ahri chõa masurine ti duhu payoa chõa jijari?” ni sinitu ñõena tjiga. “Ñaaare yoari” nina, sinitu ñõboca musa. Æ ni sinitu ñõena tjiga. Ahri yahpa, ahri yahpai jia cõhu Cohamacu ya jira. Æ jina tí chõare “¿Ñaa chõa jijari?” niena tjiga.

²⁷ Jesure cahmaerariro musare chu du-tiro to pjirocachu waha duana wahaga. Æ wahana musare to duhu payoare chõga. “¿Ahri chõa masurine ti duhu payoa chõa jijari?” ni sinitu ñõena tjiga. ²⁸ Æ jina paio Jesu yairo “Ahri chõa masurine ti duhu payoa chõa jira”, musare to ni yahuchu tí chõa pinihtare chõena tjiga. Musare Æ ni yahuriro “Ñaa chõare chõra ahrina”, musare to ni tuhoturerahto sehe chõena tjiga musa. Musa cõhu Æ ni tuhutori nina tí chõare chõena tjiga. ²⁹ Æ chu dutieracu musa ya cjihtire Æ nierahi. Musare ahrire yahuriro ya cjihti sehere tí chõare chu dutieraja. Tiropu musare “Ñaa chõare chõra ahrina”, niboca. “Æ niri” nina, tí chõare chõena tjiga.

“Chõena tjiga”, yu nichu õ sehe ni sinitu yuhtiboca musa yuhure: “¿Dohse jiro baro paiore ‘Soro tuhutori’ nina, chõerabocari sã? ³⁰ ¿Cohamacure ‘Noana’, sã niri baharo sã chõchu dohsearo tíre sã chõri buhiri paio sãre yahuwajabocari?” ni sinitu yuhtiboca musa yuhure. ³¹ Ahri jipihtiare yahucu õ sehe nii nija musare: Dachoripe Cohamacu to dutiriro seheta

wahchea mehne ch_u, sihnija, Cohamac_ure masa ti ño payohto sehe. ã jina jipih-tiare noano yoarucuga Cohamac_ure masa ti ño payohto sehe. ³² Ne judio masare, judio masa jierainare, Cohamac_u yaina cãh_ure ñano yoach_u yoaena tjiga m_usa tinare. ³³ Õ seheta yoaja y_uh_u sehe. Masa jipihtinare yoadoho duaja. ã yoac_u ya cjihti waro sehere pjiro tãhotueraja. Y_u ñano y_uhd_uch_u noanohca. Pay_u masa sehere yoadohoja tinare pichac_ure waha-borinare Cohamac_u to y_uhd_uch_u yoah_uto sehe.

11

¹ ã jina Cristore y_u ñ_u cãr_ure y_u yoach_u m_usa cãh_u y_uh_ure ñ_u cãga.

Corinto macaina ti cahmachunoi numia ti yoah_uto yahuha

² M_usare y_u buhe turiari cji_ure y_u yoari cãh_ure wac_u pah_uñoyuhca m_usa. ã wac_una m_usare y_u yoa dutiriro seheta yoayuhca m_usa. ã yoana noano yoara m_usa. ³ ã yoaina m_usa jipach_uta ahri cãh_ure m_usa masich_u cahmaja: Jipihtina m_ua ti pãhtoro, Cristo jira. Tuhs_u, to namono pãhtoro to man_uno jira. ã jich_u, Cristo pãhtoro to P_uc_uro jira. ⁴ Cohamac_ure siniriro to dapure mohariro sinino, to pãhtoro Cristore ño payoeraro seheta yoaro nina. Cohamac_u yare yahuriro cãh_u to dapure mohano ãta yoaro nina tiro cãh_u. ⁵ Tuhs_u, to dapure moharericoro Cohamac_ure sinino, to man_uno ño payoeraro seheta yoaro nina. Cohamac_u yare yahuricoro cãh_u to dapure moharero ãta yoaro nina ticoro cãh_u. ã yoaro to pjoarire wãha pah_uñoricoro yoaro seheta yoara ticoro. ⁶ To dapure moha duaeraro ticoro to pjoarire saa pah_uño dutijaro. To ã yoari baharo to dapure b_uo tiro, ticoro mohajaro to dapure. ⁷ M_ua sehe Cohamac_u noariro, tuariro to jia tiare ñona tina sehe. ã jia ti dapupure moharero cahmana tinare. Numia sehe m_ua ti pãhtoa jia tiare ñona. ã jia tina numia sehe ti dapupure mohajaro. ⁸ Cohamac_u m_uno yoaro, numino ya pjac_u macano mehne m_uno yoerari jire. Numino

sehere yoaro, m_uno ya pjac_u macano mehne ticorore yoari jire. ⁹ Tuhs_u, m_uno yoaro, numino yairo cjihtore yoerari jire. Numino sehere yoaro m_uno yacoro cjihtore yoari jire Cohamac_u ticorore. ¹⁰ ã jia numia ti dapupure mohajaro anjoa cãh_u m_ua ti pãhtoa ti jirire ti masihto sehe. ¹¹⁻¹² Cohamac_u numino yoaro, m_uno pjac_u macano mehne yoari jire. ãta mip_ure m_uno masa bajuaro, numino pjac_u masa bajuara. Tuhs_u, jipihtinare Cohamac_u sehe yoari jire. ã jiro m_uno to ji mãhtaerach_u numino mariaboa. ã yoa numino to mariach_u m_uno cãh_u mariaboa.

¹³ ¿M_usa basi dohse tãhotujari? ¿Numino to dapu moharericoro, Cohamac_ure to sinich_u noajari, m_usa tãhotuch_u? Noeraputiara. ¹⁴ Tuhs_u, m_uno pjoa nahmo m_uriro to jich_u ñaa nica. Jipihtina masa ti m_u s_uro tíre masina. ¹⁵ ã yoa numino to pjoa nahmo to dapure mohari cãh_uro yoaro sehe jira. Ticoro pjoa nahmo m_uricoro jiro noaricoro bajura ticoro. Tí cãh_ure jipihtina masina. ¹⁶ M_usa mehne macariro ahrire y_u yahurire to tãho duaerach_u, ò sehe ni yahuihtja tirore: “Y_u ni yahuriro seheta mari yoa tia jira. Paina Jesu yaina cãh_u ãta yoarucura tina cãh_u. Sã ã yoarina jich_u ñ_uc_u y_u ni yahuriro seheta yoaga m_uh_u cãh_u”, ni yahuihtja y_u yahurire tãho duaerarirore.

Santa Cenare ti ch_uro watoi do-jomehneha Corinto macaina

¹⁷ Mip_ure m_usare ahrire yahui tai, “Noano yoaina jira”, nieraja y_uh_u m_usare. M_usa cahmachuna noano yoerara. ñano yoara m_usa. ¹⁸ Õ sehe ni yahu mãhtaihtja m_usare: M_usa cahmachunop_u cahma sayona m_usa basi cãa curuari tju wayuhca m_usa. Paina tíre y_uh_ure ti yahuch_u “Potocã tjica”, ni tãhotu cureja y_uh_u. ¹⁹ ãta yoayuhca m_usa. M_usa ã tju warina m_usa jich_u ñ_una baharo Jesu yaina waro jiina sehere masinahca mari. ²⁰ M_usa basi ã ñ_u tuhtiina jina m_usa cãnoi cahmachu ch_uch_u tó wahaerara. Potocãta Santa Cena waro yoana nierayuhca. ²¹ M_usa cahmachuna cãina m_usa sahsero ch_u m_uh_uconca, paina sehere j_uca baach_u yoana niyuhca m_usa.

Tuhsu, sihni muhtaina sehe cahaa wahayuhca. ²² ¿Musare musa wuhuse mari-ajari? Musa wuhusepata chu, sihni. Mipure Cohamacu yaina ti cahmachunore dojomehneni niyuhca musa to yaba cjihti jieraboro seheta. Tuhsu, paina Jesu yaina pjacuoinare chu maeraina sehere musa sehe buoro yuhduchu yoayuhca. ¿Dohse ni yahuihcari yuh musare? “Noano yoana nina musa”, nieraja yuh.

Santa Cenare yoaa taa, ti churire yahuha Paulo

(Mt 26.26-29; Mr 14.22-25; Lc 22.14-20)

²³ Mari puhtoro Jesu to chu batoarire yahure yuhure. A to yahuri baharo yuh sehe musare tire yahu turiahi. Ti o sehe jira: Tirore nu tuhtiinare Juda to nohti namihi mari puhtoro Jesucristo paore na, Cohamacure “Noana”, niyuhti. ²⁴ To a niri baharo ti paore nuha, to buheinare witiyuhti. A witiro o sehe niyuhti: “Ahrire chuga. Ahri yu pjacu jira. Musa yaro jiborirore yariaihca. Yuhure musa wacuhti cjihtire ahrire chuga”, niyuhti Jesu mari puhtoro. ²⁵ A ti churi baharo tiro sih-niri wahware na wahcāno o sehe niyuhti: “Musa naa yoari buhirire cohacu tacu yari-aihca. A yoacu yu dire cohaihca. Cohamacu ‘Musare yuhduchu yoaihtja’, to niriro musachu yu yariaro mehne to niriro sohtori tiarohca. Ahri wahwai posa tiare sihni, yu di cohārire wacūnahca. Ahrire sihni, yuhure musa wacuhti cjihtire sihni”, niyuhti Jesu. ²⁶ A yoa Santa Cena macaa paore musa chu, sihniare sihni, Jesu mari puhtoro mari ya buhirire to yariarire noa nina musa. A norucunahca musa pu ahri yahpau to tjua tachpu.

“Santa Cenare chu sihni o seheyoga”, ni yahuha Paulo

²⁷ Santa Cenare chu, sihni, Jesu no payoro marieno yoana, cua pisaro yoerana, to pjacure to di cohāri chure bujupero sehe yoana nija mari. A yoana Jesu bujupena nija mari. To sehe yoana buhiri tiina jira. ²⁸ A jina mari yoiri, mari jia tiare noano wacūjhna. A wacūna Santa Cenare chu, sihni masija mari. ²⁹ Mari

puhtoro mari ya cjihtire to pjacu to yari-arire wacūno marieno Santa Cenare chu, sihni mari buhiri tinahca. ³⁰ O sehe dihta yoayuhca payu musa mehne macaina. A yoaa tina cāna tuaeraina, dohatiina wahayuhti. Tuhsu, paina ti a yoari buhiri yariaa wahayuhti. ³¹ Wiho mejeta Santa Cenare mari chu, sihni, mari yoiri, mari jia tiare noano wacūna, mari naa yoiri duhuna ti buhirire buhiri tisi mari. ³² Mari puhtoro sehe marine tuhtira, ti buhirire marine buhiri ti dutieraro. Paina naa Jesu no payoeraina buhiri tihtina dihta jira. Tina yoaro sehe marine buhiri tichu cahmasāerara mari puhtoro.

³³ A jina yu coyea, Santa Cenare chu tana cahmachuna, cohtasiniga musa coyeare. ³⁴ Tuhsu, musa mehne macaina jua baa, ti ya wuhusepu chusiniaro. A yoana Santa Cenare chu tana cahmachuna, cua pisaro yoeraina ya buhiri buhiri tisi musa. Paye barore yahu duamahi musare. Baharo yu basi supu musare yahuihtja tire.

12

Cohamacu yare mari yoahore cūno marine yoa masichu yoara Espiritu Santo

¹ Yu coyea, ahrire yahu duaja musare. Cohamacu yare mari yoahore cūno marine jipihtinare yoa masichu yoara Espiritu Santo. A jicu tire musa noano masichu cahmaja.

² Jesu yaina jierasini soro jia buheare tuho nana jina, musa sehe “Cohamacu jira”, ti nia masine, durucuera masine no payosinimare. Tire masina musa. ³ A jina musa jirina jicu mipure o sehe ni yahuihtja musare: “Jesu nano wahajaro”, niina Cohamacu yairo Espiritu to tuaa mehne a nia nierara. Espiritu Santo warore cuaerara tina. Tuhsu, “Jesu mari puhtoro jira”, niina Espiritu Santo to tuaa mehne a niina jira tina.

⁴ Cohamacu yare yoa masia payu jira. Ti a jipachuta marine yoa masichu yoiri sehe cairota jira. Tiro Espiritu Santo jira. ⁵ A yoa Cohamacu yare yoahina payu jina, to yare soro sehe mari yoahiti cahu payu jira. Ti a jipachuta mari

p̄h̄toro Jesu sehe c̄airota jira. ⁶ ã yoa Cohamac̄u yare yoaa c̄h̄u paȳu jira. Tí ã jipach̄uta Cohamac̄u marine yoa masich̄u yoariro sehe c̄airota jira. ⁷ Marine Jesu yainare Esp̄iritu Santo yoadohoro Cohamac̄u tuaare ñono nina. Õ seheta yoadohora tiro Jesu yainare jipihtinare mari noano yoadohohto sehe. ⁸ C̄ainare noano masi, yahuch̄u yoara Esp̄iritu Santo. Tuhs̄u, painare Cohamac̄u yare noano buhe masich̄u yoara tiro Esp̄iritu Santo pinihta. ⁹ ã yoa painare Cohamac̄u noano wac̄u tuach̄u yoara tiro. ã yoaro painare Cohamac̄u tuaare wara tiro. Tí tuaa mehne tina sehe dohatiinare noaina wahach̄u yoara. Esp̄iritu Santo c̄airota jiriro tí tuaare wara. ¹⁰ Tuhs̄u, tiro painare Cohamac̄u tuaa mehne yoa masich̄u yoara tiro. ã yoaro painare Cohamac̄u yare noano yahu masich̄u yoara tiro tinare. ã yoaro paina Jesu yainare buheare noano bese masich̄u yoara tiro. ã masia wat̄ino ya buhea ti jich̄u masina tina. Esp̄iritu Santo waro ya buhea c̄h̄u ti jich̄u masina tina. Tuhs̄u, painare t̄homahnoeraa d̄userire ti durucu masich̄u yoara tiro. ã yoa t̄homahnoeraa d̄userire durucuina ti nino seheta yahu ȳhd̄o masich̄u yoara tiro painare. ¹¹ Esp̄iritu Santo c̄airota jiriro to cahmano seheta marine c̄ainare ahri jipihtiare ȳu yahuriro seheta yoa masich̄u yoara. C̄ainare soro yoa masich̄u yoara. Paina c̄h̄u soro yoa masich̄u yoara.

Cristo yaina jina c̄u curuata jija mari

¹² Õ sehe jira ahri mehne mari piti dahre yahuch̄u: Mari p̄jac̄u c̄u p̄jac̄u to jipach̄uta wamomacari, capari, dahpori, cahmori tí pinihta paȳu jira mari p̄jac̄u jia. ãta jija mari Cristo yaina c̄h̄u. Cristo yaina to p̄jac̄u yoaro sehe c̄u curuata jira. ¹³ ã jina Cristo yaina jina, to p̄jac̄u yoaro sehe c̄u curuata jija mari. Judio masa, judio masa jieraina, dahra cohtaina, dahra cohtaina jieraina, paȳu curuari jipanahta c̄airota jiriro to p̄jac̄u yoaro sehe c̄u curuata jija mari. Esp̄iritu Santo c̄airota jiriro to tuaa mehne bautisarina jija mari. ã jina c̄airoreta Esp̄iritu Santore c̄u jija mari, Cristo ya curua macaina jina.

¹⁴ Mari p̄jac̄u c̄u p̄jac̄u to jipach̄uta wamomacari, capari, dahpori, cahmori tí mari p̄jac̄u jia paȳu jira. ¹⁵ M̄u dahporo durucuri dahporo jiro, ò sehe niboa m̄h̄u soro ni duaro: “Wamomaca jieraja ȳh̄u. ã jic̄u p̄jac̄u macariro jieraja ȳh̄u”, niboa. M̄u dahporo ã niparota p̄jac̄u macano jirota nina. ¹⁶ M̄u cahmono durucuri cahmono jiro ò sehe niboa m̄h̄u soro ni duaro: “Capariaca jieraja ȳh̄u. ã jic̄u p̄jac̄u macariro jieraja ȳh̄u”, niboa. M̄u cahmono ã niparota p̄jac̄u macano jirota nina. ¹⁷ ¿Mari p̄jac̄u capariaca dihta jich̄u dohse t̄h̄obocari mari? Basioeraboa. ¿ã jina mari p̄jac̄u cahmono dihta jich̄u dohse wij̄i t̄h̄otubocari mari? Basioeraboa. ¹⁸ Tó sehe jierara mari p̄jac̄u. Õ sehe jira. Mari p̄jac̄u jiare Cohamac̄u to cahmano seheta c̄uri jire mari p̄jac̄u. ¹⁹ ¿Mari p̄jac̄u jia mariach̄u dohse wahaboari mari p̄jac̄u? ²⁰ Mari p̄jac̄u ò seheta jira: C̄u p̄jac̄u to jipach̄uta mari p̄jac̄u jia paȳu jira.

²¹ “M̄u yoadohoch̄u cahmaeraja”, m̄u capariaca ni masierara m̄u wamomacare. ã jich̄u, m̄u dapu m̄u dahporire “M̄u yoadohoch̄u cahmaeraja”, ni masierara. ²² Paye mari p̄jac̄u jiare “Wiho jia curea jira”, mari nia sehene pototi cahmaja mari paye mari p̄jac̄u jia ȳhd̄oro. ²³ Paye mari p̄jac̄u jiare “Soro jira”, mari ni t̄hotupanahta tíre mari p̄jac̄u jiare noano yoaja. Tuhs̄u, paye mari p̄jac̄u jiare mari b̄uo tiare suhti mehne n̄uaja mari. ²⁴ Paye mari p̄jac̄u jiare n̄ueraja mari. Tí pinine ñona, b̄uo tieraja. Õ sehe ji dutiri jire Cohamac̄u mari p̄jac̄u. Mari ñoeraare mari p̄jac̄u jiare mari noano ño payoa mehne c̄u jija. ãta yoa dutiri jire Cohamac̄u. ²⁵ ã jia mari p̄jac̄u jia ti basi cahma yoadohora, c̄u p̄jac̄u to noano jihto sehe. ²⁶ ã jia mari capari ñano ȳhd̄uch̄u paye mari p̄jac̄u jia c̄h̄u ñano ȳhd̄ura. Tuhs̄u, mari capari noaa wahach̄u mari p̄jac̄u jia c̄h̄u wahcheina masa yoaro seheta noano t̄hotura.

²⁷ ã jic̄u ò sehe nii nija m̄sare: M̄sa sehe Cristo to p̄jac̄u yoaro sehe c̄u curuata jira. ã jina jipihtina m̄sa to p̄jac̄u jia yoaro sehe to yaina jira. ²⁸ ã jiro Jesu

yainare mari yoadohohti cjihtire cūri jire Cohamacu marine. Ō sehe cūri jire tiro marine. Cāinare marine buhe dutiro to cū mūhtainare cūri jire tiro. Painare to yare yahuhtinare cūri jire. Painare masare buhehtinare, painare Cohamacu tuaa mehne yoahhtinare, painare dohatiinare ti yūhdūchu yoahhtinare, painare masare yoadohohtinare, painare masa pūhtoa jihtinare, painare tūhomahnoeraa dūserire durucuhtinare cūri jire Cohamacu marine. ²⁹ Ā to cūchu jipihtina cāno potori to cūrina jieraja mari. Paina Cohamacu yare yahuhtina jierara. Paina Cohamacu buhe dutiro to cūrina jierara. Tuhsu, paina masare buheina jierara. Paina Cohamacu tuaa mehne yoaina jierara. ³⁰ Tuhsu, paina dohatiinare yūhdūchu yoaina jierara. Paina sehe tūhomahnoeraa dūserire durucuina jierara. Tuhsu, paina tūhomahnoeraa dūseri durucuare yahu yūhdoina jierara. Ā jiro cāinare mari yoahhtire cūri jire tiro. ³¹ Wiho mejeta Cohamacu yare yoa masi duana noa yūhdūa sehere tuaro cahmaga mūsa. Jipihtia ahri yu niri yūhdoro mūsa cahmahti cjihtire mipure yahuihtja mū sare yūhu.

13

Painare noano ti cahīhtire yahuha Paulo

¹ Masa ya dūserire durucu masipanahta, anjoa ya dūserire durucu masipanahta, painare cahīerana yaba cjihti jieraja mari. Mari durucua cūhu yaba cjihti jierara. Painare cahīerana mari durucuna, wiho waro durucuna nija. ² Cohamacu yare noano yahu masipanahta, masa ti masierari cjihtire Cohamacu yare ti buheri cjiri cūhure masi pahñopanahta, painare cahīerana yaba cjihti jieraja mari. “Ahdū tūcu pa sehēpu wahajaro”, mari nichu, “Potocāta mari siniro sehetā Cohamacu yoarohca”, ni mari tūhotuchū āta yoarohca. Cohamacure ā ni tūhotuina jipanahta painare cahīerana, yaba cjihti jieraja mari. ³ Jipihtia mari yare pjacuoinare wapanaha painare mari cahīerachū tí mari wari yaba cjihti jierara. Tuhsu, Cohamacu yare yoana tana mari

pjacure mari jā dutipachūta, painare mari cahīerachū marine yaba cjihti jierara.

⁴ Suaeraja painare cahīna. Tinare cahīna noano yoaja tinare. Tuhsu, painare cahīna tinare pahsu tieraja. Mari cahīriro mehne jina “Mū yūhdoro jiro jija”, niina jieraja mari. Painare cahīna “Mū sare masi yūhdūcaja”, ni tūhotueraja mari tinare. ⁵ Ā yoa painare cahīna tinare ño payoro mehne yoaja mari. Painare cahīna “Sā cahmano sehe yoaja. Mūsa cahmano sehe yoaeraja”, nieraja mari. Tuhsu, tinare cahīna suaeraja mari tina mehne. Painare cahīna marine ñano ti yoachū cūhure tina mehne ā suaruceraja mari. ⁶ Painare cahīna ñaare ti yoachū ñūna wahcheraja mari. Noaa sehere quihōno ti yoachū ñūna tuaro wahcheja. ⁷ Painare cahīna ti ya buhiri ñano yūhdūpanahta tinare ā cahīrucuja mari. Painare cahīna paina sehe tinare ti yahuwajachū tūhopanahta tíre tūho duaeraja mari. Painare cahīna “Tina ñaare yoasi”, ni tūhotuja mari tinare. Painare cahīna ñano yūhdūpanahta tinare cahī duhusi mari.

⁸ Painare cahma cahīa ne pihtisi. Cohamacu yare masa mari yahua sehe baharo pihtia wahaahca. Tūhomahnoeraa dūserire durucua cūhu baharo pihtia wahaahca. Cohamacu yare masa ti buheri cjiri cūhu baharo pihtia wahaahca. Painare cahma cahīa sehe ne pihtisi. ⁹ Mipure Cohamacu yare mari masi pahño masieraja. Ā jina to yare yahuna mari yahu pahño masieraja. Mari masi pahñohto dūhsasinina mini. ¹⁰ Ā jina Cristo ñaa marieriro to tjuā tari baharo mari masi pahñonahca. “Masieraja”, ni namosi.

¹¹ Mari masi pahñohto ō sehe jira: Nijinocā jicu nijinocā yoaro sehe durucumai yūhu. Nijinocā to yoaro sehe tūhoturucumai. Bucaro wahaipe nijinocā to yoariro sehetā duhunocai. (Tó sehetā mari mipure “Masi pahñoeraja”, nipanahta baharopure masi pahñonahca.) ¹² Ñóno to noano masu bajueraro sehetā mipure noano masi pahñoerasinija mari. Baharo paioire noano mari ñū masino sehetā mari masi pahñonahca. Mipure mari masi pahñohto marine dūhsasinina mini.

Cohamacu marine to noano masi pahñoriro seheta baharo mari cãhu noano masi pahñonahca. ¹³ ã yoana tiarore mari yoa masija mipure. Cohamacure wacũ tua masija. ã yoa marine to yãhdũchũ yoah-tore masina, mari noano cohta masija. ã yoa painare cahma cahĩ masija. Ahri tiaro jira pototi mari yoahiti. Tuhsũ, painare cahma cahĩna, ahri puaro yãhdoro yoana nija. Wacũ tuua, to yãhdũchũ yoah-tore cohtaa yãhdoro jira cahma cahĩa sehe.

14

Tũhomahnoeraa dũseri durucuarẽ yahuha Paulo

¹ ã jina painare cahma cahĩna jiga mũsa. ã yoa Cohamacu yare mũsa noano yoa masihtore cahmaga mũsa. Cohamacu yare mũsa yahuhti pinihtare tuaro cahmaga mũsa. ² Tũhomahnoerari dũserore durucuriro Cohamacu mehne dihta durucura. ã ni durucuro masa mehne durucuro nierara tiro. To ã ni durucuchũ tũhoa masa sehe ne tũho ñahaerara tirore. Masa ti masierare Espĩritu Santo to tuua mehne durucuro nina tiro. ³ Cohamacu yare yahuriro sehe masa sehere yahura. ã yahuro tiro masare yoadohoro nina. Tinare buhero nina tiro. Tuhsũ, ti ñano yãhdũchũ tiro tinare wahchechũ yoara. ⁴ Tũhomahnoerari dũserore durucuriro cãirota buhera. Painare buherara. Cohamacu yare yahuriro sehe painare Jesu yainare buhero, yoadohora tiro. ⁵ Tũhomahnoeraa dũserire jipihtina mũsa durucuchũ noaboa, yũ tũhotuchũ. Wiho mejeta Cohamacu yare mũsa yahuchũ pinihtare tuaro cahmaja. Cohamacu yare yahuriro pinihta tũhomahnoerari dũserore durucuriro yãhdoro painare yoadohora. ã jipachũta tũhomahnoerari dũserore durucuriro to durucuarẽ paio to yahu yãhdochũ tí sehe pototi painare yoadohora. To durucuarẽ yahu yãhdoriro jiro tiro sehe painare Jesu yainare buhero nina. ⁶ Tũhomahnoerari dũserore mũsa mehne durucucũ paio mũsare to yahu yãhdoerachũ mũsare yoadohoeraboca yũhũ. ã jicũ Cohamacu yũhũre to yahurire yahucũ, to yare yũ masiare yahucũ, payere to yare yahucũ mũsare yoadohoi nija. Tĩre

mũsa tũhohto sehe mũsare buhecũ mũsare noano yoadohoi nija yũhũ.

⁷ Tũhomahnoerari dũserore durucuriro to durucua ti putipea ti bũapũtẽa yoaro sehe jira. Carisure putina, arpare bũapũtẽna tĩre mari quihõno yoerachũ tí basaare painare masihtõ basioerara. ⁸ ã yoa cornetare putiriro surara jiro ti cahma wajãhto panore quihõno to putierachũ paina surara sehe ti cahma wajãhtore masisi. ã jia ti cahma wajãhto pano ti wajãhtire wamoare cahnoyueraina jiahca tina. ⁹ Tõ seheta mũsa cãhũre tũhomahnoerari dũserore mũsa durucuchũ tũhoa, yahu yãhdoriro mariachũ paina tĩre ne masisi. Ti ã masierachũ mũsa durucua yaba cjihti jierara. ¹⁰ Ahri yahpai payũ dũseri durucua jica. ã jia tí dũserire durucua ti basi ti ã durucuarẽ noano tũhora. ¹¹ To ya dũserore yũ tũhoerachũ ñano tĩre durucuriro sehe “Pa dihta macariro jira”, ni tũhoturohca yũhũre. ã jicũ yũhũ cãhũ ãta ni tũhotuĩhca tirore. ¹² ãta jire mũsa cãhũ tũhomahnoerari dũserore durucuna. Espĩritu Santo to tuua mehne tuaro yoa duamana mũsa. To tuua mehne ã yoa duana paina Jesu yainare mũsa buhehti sehere tinare mũsa yoadohohti sehere tuaro cahmaga mũsa. ¹³ ã jiro tũhomahnoerari dũserore durucuriro to durucuarẽ to noano yahu yãhdohto cjihtore Cohamacure sinijaro tiro. ¹⁴ Tũhomahnoerari dũsero mehne Cohamacure sinicũ Espĩritu Santo mehne sinii nija. ã sinicũ yũ tũhotuare masi namochũ yoeraja. ¹⁵ Ahrire masina, õ sehe yoanahca mari: Espĩritu Santo to tuua mehne tũhomahnoerari dũsero mehne Cohamacure sininahca. Tuhsũ, pa tehe noano masi tũhotu paina ti noano tũhohto sehe ti ya durucua mehne Cohamacure sinina, tí cãhũre sininahca tjoa. Espĩritu Santo to tuua mehne tũhomahnoerari dũsero mehne Cohamacu yare basanahca. Tuhsũ, pa tehe noano masi tũhotu paina ti noano tũhohto sehe ti ya durucua mehne Cohamacu yare basana, tí cãhũre basanahca tjoa. ¹⁶ Mari ã yoerachũ tũhomahnoera dũseri mehne Espĩritu Santo tuua mehne Cohamacure “Noariro, tuariro jira”, mari nipachũta paina ne

táhoerara. ã táhoeraa “Tóihata jira”, ni masierara. ¹⁷ Táhomahnoera duseri mehne Cohamacure “Noana”, ni masija mari. Mari ã nia noaa jipachata tíre yahu yúhdoerana painare buheraja mari. ã jina tinare yoadohoeraja mari. ¹⁸ Jipihtina mûsa yúhdoro yúhú sehe táhomahnoeraa duserire durucuja. ã jicú Cohamacú yúhúre ã durucu masichú to yoachú tirore “Noana”, nija yúhú. ¹⁹ ã durucuriro yú jipachata Jesu yaina cahmachuina watoi yú jichú, táhomahnoerari dusero mehne payú duserire yú nipachata yaba cjihti jierara. Tí yúhdoro masa ti noano táhohto sehe mahaa dusericã yú yahupachata noa nina, yú táhotuchú.

²⁰ Yú coyea, macanacã táho masieraina ti jiro sehe jiena tjiga mûsa. Wahma masa bajuaina ñaa yoaaare ti masieraro seheta jiga mûsa cûhú. Tuhsú, búcúna táho masiina ti jiro sehe jiga mûsa. ²¹ Cohamacú yare ti joari pûi õ sehe nina: “Táhomahnoeraa duserire durucuinare ahrina masare yú yare yahu dutiitja. ã yoa pa dihta macaina ya durucua mehne yú yare yahu dutiitja ahrina masare. Tinare ti ã yahupachata ahrina yú yahuaire táhosi’, nina Cohamacú mari pûhtoro”, nina Cohamacú yare ti joari pûi. ²² Táhomahnoeraa duserire durucua Jesu yainare Cohamacú tuaare masichú yoahiti cjihti jierara. Tí durucua Jesure cahmaeraina sehere Cohamacú tuaare masichú yoahiti cjihti jira. ã yoa Cohamacú yare yahua Jesure cahmaerainare Cohamacú tuaare masichú yoahiti cjihti jierara. Cohamacú yare yahua Jesu yaina sehere Cohamacú tuaare masichú yoahiti cjihti jira. ²³ ã yoa jipihtina mûsa Jesu yaina cahmachuchú táhomahnoeraa duserire mûsa durucuchú tíre masieraina, paina Jesure cahmaeraina cûhú sãa ta táhoboca. ã táhoa “Tina táho masieraina jira”, niboca mûsare tina. ²⁴ Jipihtina mûsa Cohamacú yare mûsa yahuchú pinihta tíre masierariro, Jesure cahmaerariro sãa ta táhoro, to ñaa yoari buhirire masiboca tiro. ã masino to ñaa yoarire cahyaboca tiro. ²⁵ ã jiro potocã to jia tiare to táhotua cûhúre masiboca tiro. ã yoaro Cohamacú panoi

na tuhcuá caha sûro, tirore ño payorohca. Tuhsú, “Cohamacú potocãta mûsa mehne jira”, ninohca tiro mûsare.

Mûsa cahmachuna noano yoaga do-jomehnenno marieno

²⁶ ã jicú yú coyea, mûsare ahrire nii nija: Mûsa Jesu yaina cahmachuna cãina mûsa mehne macaina Cohamacú yare basa duara. ã yoa paina mûsa buhe duara. Tuhsú, paina mûsa Cohamacú mûsare to buheri cjihtire yahu duara. Paina mûsa táhomahnoerari duserore durucu duara. Tuhsú, paina mûsa tí duseri durucuare yahu yúhdo duara. Tí jipihtiare ã yoana mûsare táhoina ti noano masihtó sehe tíre yoaga. ²⁷ ã jina táhomahnoerari duserore mûsa durucuna pûaro, tiaro tópeinata durucuga mûsa. ã yoana cãinata durucuga. Mûsa ã durucuchú, cûiro mûsa mehne macariro mûsa durucuare painare yahu yúhdojaro. ²⁸ Mûsa durucuare yahu yúhdoriro mariachú mûsa cahmachuna jipihtina mûsa táhomahnoeraa duserire durucu duaina durucuena tjiga. ã jina masa marienoj Cohamacú mehne durucuga mûsa. ²⁹ ã yoa Cohamacú yare yahu duana pûaro, tiaro tópeinata yahuga mûsa. Mûsa ã yahuchú paina mûsare táhoina mûsa yahurire Cohamacú ya to jichú noano masijaro. Cohamacú ya to jierachú cûhúre noano masijaro. ³⁰ ã yoa Espíritu Santo Cohamacú yare pairore tói dújirirore to yahu dúcachú tiro cûhú Jesu yainare yahu duara. ã jiro Cohamacú yare yahu máhtariro sehe dihta mariajaro. ³¹ ã jina jipihtina mûsa Cohamacú yare yahuna, cãinata yahuga mûsa jipihtina paina ti noano táhohto sehe, ti noano wahchehto sehe. ³² ã jina Cohamacú yare yahuna jina, noano táho masi, noano táhotu dapo, durucuina jiga. ³³ Cohamacú to yaina ti cahmachunopú ti cahma wisiachú cahmaerara tiro. Do-jomehnenno marieno ti noano jichú cahmana tiro.

Jipihtiropú Jesu yaina cahmachua, õ sehe yoara tina: ³⁴ Ti cahmachunoi numiare masa panoi yahu dutierara. Tí numiare mari sehe durucu dutieraja. Cohamacú to joari pû to niriro seheta numiare mûare noano yúhtia numia jiro cah-

mana. Ñ jia cahmachunoi numia durucuea tjijaro. ³⁵ Jesu yaina ti cahmachunoi numia ti durucuchu ñaa nina. Ñ jiro paye barore masi duaro numino to ya wuhupata to manunore sinitujaro.

³⁶ Ahri yu yahuhtire noano masiga musa. Cohamacu durucuaire yahu ducaina jierara musa. Tuhsu, to yare tuhorigina musa dihta jierara. Paina cahu to ya buheare cjuara. ³⁷ Musa mehne macariro “Yuhu Cohamacu yare yahuriro jija”, ni tuhorigina jiro ahri musare yu joari cjiri Cohamacu to dutia jichu masijaro tiro. Tuhsu, paio “Espíritu Santo to tuua mehne yoa masija”, ni tuhorigina jiro tiro cahu ahri yu joari cjiri Cohamacu to dutia jichu masijaro tiro. ³⁸ Tíre to masi duaerachu yu joari cjirire “Potocã jierara”, to nichu tirore duhunocahga. Tuhona tjiga tirore.

³⁹ Ñ jina yu coyea, Cohamacu yare yahuina musa jiltore tuaro cahmaga musa. Tuhsu, musa mehne macaina musa cahmachunoi tuhomañoeraa duserire ti durucu duachu ñ durucu dutiga tinare. ⁴⁰ Ñ cahmachuna noano, cahma dojomehnenno marieno yoaga musa.

15

Cristo to masa mujarine yahuha Paulo

¹ Mipure yu coyea, noaa buheare musare yu yahurire musare wacuchu yoa duaja. Tí buheare noano cahmare musa. Ñ cahmana tí buheare ñ yuhtirucure musa. ² Musa ñ cahmachu tíre musa ñ yuhtirucuchu Cristo musare pichacaru wahaborinare yuhduchu yoa tuhsare. Musa ñ tuhorigina baharo Cristo yare musa duhunocachu tí musa tuhorigina cjiri yaba cjihti jierara.

³ Ñ sehe ni yahu muhtaihtja musare. Ahri wiho waro jierara. Musare buhechu yuhure Cristo to yahuri cjirire musare ñ sehe ni yahui: Cohamacu yare ti joariro seheta mari ñaa buhirire Cristo yariari jire. ⁴ Ñ yoa Cohamacu yare ti joariro seheta Cristo to yariari baharo paina to pjacu cjirore copare ti duhu payori baharo tia dacho jiboroi tiro masa wijaari jire. ⁵ Tiro to ñ masa wijaari baharo Pedrore bajuari jire. To ñ bajuari baharo to buheinare

bajuari jire tjoa. ⁶ To ñ bajuari baharo cã tahata quiniento bui jiiinare to yainare tiro bajuari jire tjoa. Cãina tirore ñurina cjiri mipure yariarina cjiri jira. Tí ñ jipachuta payu tina mehne macaina cjiri mipure jisinina. ⁷ Baharo Cristo Santiagore bajuari jire tjoa. Ñ to bajuari baharo jipihitina to buhe duti to cürinare bajuari jire tjoa.

⁸ Jipihitina painare to bajuari baharo yuhu cahure bajuare tjoa. Wihãrirocã to quihõri dachoi masa bajuerarirocã to masa bajua nunu tiriro seheta yuhu cahu Jesure wacũ tua nunu tiriro jija. Yu ñ jiriro jichu ti baharopu bajuare Jesu yuhu cahure tjoa. Yuhureta tiro bajua batoare juna. ⁹ Panopure Jesu yainare ñano yoa-mai. Ñ yoariro cjiro jicu paina Jesu to cürina jipihitina ti docaru waro jija yuhu. Ñ jicu mipu cahure Jesu buhe duti to cüboriro jieramaja yuhu, yu tuhorigina. ¹⁰ Ñ jipaihta Cohamacu yuhure to cahichu mipure Jesu to cüriro jija yuhu. Ñ jicu tiro yuhure to cahichu mipure to cahmaare yoa pahñoja. Ñ jicu yuhure to cahichu to yairo ñ jinocai nieraja. Jipihitina paina to cürina yuhdoro yuhu sehe tuaro buhei. Ñ buhechu yu musero buherahi. Cohamacu yuhure cahino yuhure yoadohore. ¹¹ Yuhu sehe ahri buheare yu buhechu tuhorigina jiboca musa. O paina sehere tuhorigina jiboca musa. Ñ jipachuta yuhu, yuhu mehne macaina cahu cãno potori ahri buheare buheja sã jipihitina Jesu to cürina. Ñ sã buhechu tuhona musa sehe ahri buheare noano tuhore.

Yariarina cjiri ti masa mujarine yahuha Paulo

¹² Cristo to yariari baharo to masa mujarine sã buhepachuta “Yariarina cjiri ne masa mujaerara”, nina musa mehne macaina cãina. ¿Dohse jiro baro ñ nijari tina tíre? ¹³ Ñ jiro yariarina cjiri ti masa mujaerachu Cristo cahu ne masa mujaeraboa. ¹⁴ Ñ yoa Cristo to masa mujaerachu noaa buheare sã yahuri cjiri ne yaba cjihti jieraboa. To masa mujaerachu tirore musa wacũ tuua cahu yaba cjihti jieraboa. ¹⁵ Masa mujano mariachu sã sehe Cohamacu yare mahñoa

niboa. Yariarina cjiri ti masa m̄jaerach̄ Cohamac̄ sehe Cristore masa m̄jach̄ yoaeraboa. To ã yoaerach̄ “Cohamac̄ Cristore masa m̄jach̄ yoari jire”, sã nina mahñoina jiboa sã. ¹⁶ Yariarina cjirire Cohamac̄ masoeraro, Cristo c̄hure tiro masoeraboa. ¹⁷ ã jiro Cristo to masa m̄jaerach̄ tirore m̄sa wacũ tuaa yaba cjihti jieraboa. ã yoa m̄sa ñaa yoari buhiri buhiri tiina jisniboa m̄sa. ¹⁸ Masa m̄jano mariach̄ Cristo yaina cjiri yaria m̄htaina cjiri pichacap̄ waha tuhs̄boa. ¹⁹ Cristore mari wacũ tuari baharo mari yariana masa m̄ja masierana jipihtina paina masa ȳhdoro pjac̄oina jiboa mari sehe.

²⁰ Potocãta Cohamac̄ Cristore masa m̄jach̄ yoari jire. Cristo to masa m̄jari baharo mari c̄h̄ yarianap̄ masa m̄jahtina tjija. Tiro ã masa m̄jano, marine s̄ho masa m̄ja m̄htariro jira. ²¹ Õ sehetã jira ahri: Adão mehne masa yaria d̄caha. Tó sehe Jesu mehne yariarina cjiri masa m̄jaahca. ²² Adão yaina ji n̄n̄ tiinap̄ mari jipihtina yarianahca. Tó sehetã Cristo yaina mari jich̄ mari yariari baharo marine masa m̄jach̄ yoarohca Cohamac̄. ²³ Cãa curuari Cohamac̄ to quihõiro m̄ s̄ch̄ masa m̄jaahca. Cristo marine s̄ho ji m̄htariro masa m̄ja m̄htari jire. Baharo tiro ahri yahpap̄ to tjua tach̄ mari to yaina c̄h̄ masa m̄janahca. ²⁴ Tí pjata pihtiri dacho jirohca. ã jiro jipihtina ñaina p̄htoare, dutiinare, tuainare cohãno Cristo ȳhd̄r̄carohca. To ã yoari baharo jipihtina bui to p̄htoro to jirire Cristo wiarohca Cohamac̄ to P̄c̄urore. ²⁵ To wiahto pano to P̄c̄uro Cristore ñ̄ tuhtinare to ȳhd̄r̄ca pahñohto pano Cristo pinihta jipihtina bui p̄htoro jirohca. ã jirirota jiro cahmare tirore. ²⁶ Tirore ñ̄ tuhtinare to ȳhd̄r̄cari baharo, yariaro c̄h̄re cohã batoarohca tiro. Yariaro pihtia waharohca. Pari turi yariasi masa. ²⁷ Jipihtina bui dutihtiro cjihtore c̄ri jire Cohamac̄ Cristore. Jiphtia p̄ro c̄h̄re c̄ri jire tirore. ãta nina Cohamac̄ yare ti joari p̄i. Cohamac̄ sehe tirore c̄riro jira. ã jiro “Jipihtina bui dutihtiro cjihtore

c̄ri jire tirore” nino, “Cohamac̄ bui dutiriro jira tiro”, nino nierari jire to yare ti joari p̄i. ²⁸ Jipihtina bui dutiriro Cristo Cohamac̄ mac̄no to jich̄ Cohamac̄ tirore c̄riro sehe to mac̄no bui dutiriro jirohca. ã jiro Cohamac̄ sehe jipihtina bui p̄htoro waro jira. Jiphtia p̄ro c̄h̄ jira.

²⁹ ¿Masa m̄jano mariapach̄ta dohse yoa paina masa yariarina cjiri ya cjihtire ti bautisarina j̄jari? Yariarina cjiri masa m̄jaerach̄ ti ya cjihtire paina bautisarina ti jich̄ tí yaba cjihti jieraboa.

³⁰ Sã sehere sã buheri buhiri dachoripe paina sãre ti ñano yoa duach̄ cua nina sã c̄h̄re. Sãre ã cuapach̄ta masa m̄jano to jich̄ masina ã buherucuja sã. ³¹ Ȳ coyea, mari p̄htoro Jesucristo yaina m̄sa jich̄ tirore wacũ tua namoina m̄sa wahach̄ ȳh̄ sehe tuaro wahche t̄hotuja m̄sare. Tí potocãta jira. ã yoa, “Dohse jiri n̄m̄i ȳh̄re yariahto cua nina”, ȳ nich̄ tí c̄h̄ potocãta jira. ³² Efeso macaina suaina noaa buheare ȳ buheri buhiri ȳh̄re tuhti, c̄h̄re. Masa m̄jano mariach̄ Jesu yairo ȳ jierach̄, ȳ ã ñano ȳhd̄ri yaba cjihti jieraboa. Wiho waro ñano ȳhd̄i niboa ȳh̄. Yariarina cjiri ti masa m̄jaerach̄ ò sehe niboa mari: “Baharo curero yarianahca. Dohse wahasi mari. ã jina ch̄ sihnijihna. Mari m̄ s̄ro yoajihna”, niboa mari.

³³ Mahñoare t̄hotuena tjiga m̄sa. “Ñainare piti tina, noaa m̄sa yoaa tiare duhunahca m̄sa”, nina masa. Tí potocãta jira. ³⁴ Noaare t̄hotuina jiga m̄sa. Tuhs̄, noaare yoaina jiga tjoa. ã yoa ñaare yoa namoena tjiga tjoa. Cãina m̄sa mehne macaina sehe ne Cohamac̄re masierara. M̄sa buo tihto sehe m̄sare ã nija.

Yariarina cjiri masa m̄jaina ti pjac̄ri cjihtire yahu namoha Paulo

³⁵ ã yoa m̄sa mehne macariro ò sehe ni sinituboca ȳh̄re: “¿Dohse yoa yariarina cjiri masa m̄jaahcari? ¿Dohse jia pjac̄ri masa m̄jaahcari?” ni sinituboca. ³⁶ ã sinituriro t̄ho masierariro sehetã bisiro coa tara. Toari yapare mari toari baharo tí yapa baro cahach̄ waro dura. Tó sehe waheraro ne dusi. Tíre masina m̄sa. ³⁷ B̄c̄ yuc̄p̄re toeraja mari. Pja yapari dihtare

toaja mari. Tí yapari trigo yapari jia ji, o paye yapari baro jia jiboca. ³⁸Tí yaparire mari toari baharo Cohamacu to cahmariro seheta tí yaparire bucua mujachu yoara. ã yoaro mostaza yaparire mostaza yucu wahachu yoara tiro. Trigo yaparire trigo yucu wahachu yoara. ãta du dutira Cohamacu. ³⁹Jipihtina pjacuri cãno potori bajuerara. Masa pjacuri sehe cãno sehe jira. Wahiquina pjacuri cãhu soro sehe bajura. Minichahca pjacuri cãhu soro sehe bajura. Wahi cãhu soro sehe pjacuri tira.

⁴⁰ ã yoa m̃ano macaa poca cãhu soro sehe bajura. Tuhsu, ahri yahpa macaina cãhu pjacu tira. ã yoa m̃ano macaina pjacuri soro sehe bajura. ã jia ahri yahpa macaa m̃ano macaa yoaro sehe jierara. ⁴¹ Õ seheta jira. Sũ dacho macariro si sitera. ã yoa ñami macariro cãhu soro jira. Potota buhriara. Tuhsu, ñahpichoha poca cãhu soro sehe bajua si sitea cjuara. Ñahpichoha poca peri cãhure mari ñuchu cãa poca pjiroca sia poca bajura. ã yoa paye poca tuaro sia poca bajura. ⁴² Tó seheta jira yariarina cjiri ti masa mujachu. Masano to pjacure mari yari baharo to pjacu baa waharohca. Baharo pa pjacu soro jiri pjacu jipihtia dachoripe catihti pjacu masa m̃janohca. ⁴³ To pjacure mari yachu yariariro cjiro pjacuo nina. Cohamacu tirore to masochu to pjacu noa yuhduari pjacu jira. Tuhsu, to pjacu mari yari pjacu wiho jiri pjacu jira. Cohamacu tirore to masochu pinihtare to pjacu wiho jiri pjacu jieraro, tua yuhduara. ⁴⁴ Ahri yahpa macari pjacure mari yachu tiro yariariro cjiro to masa mujachu to pjacu m̃ano macari pjacu jirohca. Ahri yahpa macari pjacure mari cjuana, m̃ano macari pjacu cãhure cjuanahca, masa m̃jana.

⁴⁵ Õ sehe ni yahura Cohamacu yare ti joari pũi: “Ahri yahpai ji m̃htariro Adão wama tiri catiri waha tiha”, ni joaa tiha. To ã jipachuta Adão yoaro sehe jiri bato tiri Cristo sehe catiare waro tari jire. ⁴⁶ Ahri yahpa macari pjacu ji m̃htari pjacu jira. Baharopu m̃ano macari pjacu jirohca. ⁴⁷ Õ seheta jira: Ji m̃htariro Adão sehe ahri yahpa macariro

dihta mehne to yoari pjacure pjacu tiri jire. To baharo tariro, Cristo sehe m̃anopu tari jire. ⁴⁸ Dihta mehne ti yoari pjacu ti m̃htariro to jiri seheta jipihtina paina dihta mehne to yoari pjacu tiina jija mari. ã yoa m̃anopu tariro yoaro seheta to yaina jipihtina to yoaro sehe pjacu tiina jinahca mari. ⁴⁹ Dihta mehne to yoari pjacu tiri Adão yoaro sehe bajuja mari. Baharo m̃ano macariro Cristo yoaro sehe bajunahca mari.

⁵⁰ Yu coyea, musare ahri yahu duaja: Ahri yahpa macari pjacu di mehne, dihi mehne jiri pjacu puhtoro Cohamacu to sũho jiropure m̃anopure ne wahasi. Mari pjacuri baahti pjacuri jira. ã jia m̃anopu jipihtia dachoripe mari jihtopure ahri pjacuri wahasi. ⁵¹ Panopure masa ti masierari cjirire mipure musare yahu duaja: Mari mehne macaina cãina yariasi. ã jina dóicãta, mari pjacurire cohtotaina jinahca. ⁵² Corneta to puti batoari dachoi ãta waharohca marine. Dóicãta, mari capari wihmitjiã mari ñu p̃jorocaró sehe ò sehe waharohca. Corneta to bisiri baharo yariarina cjirire Cohamacu masonohca jipihtia dachoripe mari jihtina cjihtire. Tuhsu, mari pjacurire cohtotaina jinahca mari cãhu. ⁵³ Mari pjacurire to cohtotachu tó pano mari baahti pjacuri ti jipachuta mari cohtotari baharo ne baasi. ã yoa mari pjacuri ti cohtotachu tó pano mari yariahti pjacuri ti jipachuta ne yariasi. ⁵⁴ Mari bahti pjacuri ne baerahti pjacurire cohtotarohca. ã yoa mari yariahti pjacuri ã jirucuhti pjacurire cohtotarohca. Marine to ã cohtotachu panopu to joariro seheta ã waharohca: “Ñaina mari jiri buhiri tiare Cristo to cohã pahñori baharo, Cohamacu yariarore cohãnocari jire. ⁵⁵ Ne pari turi mari yariasi. ã jina yariaro mehne pari turi ñano yuhduasi mari”, ni joaa tiri jire panopure. ⁵⁶ Mari ñaa buhiri jichu pinihta yariaropu ñano yuhduanahca. ã yoa Cohamacu dutia Moise cjirore to cãri cjirire mari masiri baharo, buhiri tija mari. ã jiro marine pichacapu waha dutira Cohamacu dutia. ⁵⁷ To ã dutipachuta mari puhtoro Jesucristo sehe marine

pichacapu wahaerachu yoara. To ã yoariro jichu masina Cohamacu mehne wahche “Noana”, nija mari.

⁵⁸ Æ jina yu coyea, yu cahina, Cristore wacũ tua duhuena tjiga. Æ yoana paina musare noaa buheare ti cohã dutichu, ne cohãena tjiga tíre. Æ yoa dachoripe mari puhtoro Jesucristo to yoa dutirire noano yoarucuga musa. Mari puhtoro Jesucristo yare mari yoachu, ahri wiho waro jierara. Ahrire masina to yoa dutirire noano yoarucuga musa.

16

Painare Jesu yainare Corinto macaina niñeru ti wahtire yahuha Paulo

¹ Mipure painare Jesu yainare musa niñeru wahtire yahu duaja musare. Galacia yahpa macainare Jesu yainare yu dutiriro seheta musa cãhu yoaga. ² Somanaripe domingo jichu jipihtina musa Jesu yainare wahti cjihti niñerure mahanocã waga. Mahanocã cãhana mahanocã waga. Æ yoa pji curero cãhana pji curero waga. Somanaripe musa Æ yoachu musa cahapu yu sãchu musa warocahti cjihti niñeru ji tuhsurohca. ³ Musa wahtire, musa warocahtina cãhure yahuri pũre joaihtja. Æ jicu musa cahapu sãchu tí pũre Jerusalẽpu wahahtinare musa beserinare waihtja. Æ wa tuhsucu Jesu yainare musa warocari niñerure nahtina cjihtire tinare warocaihtja Jerusalẽpu. ⁴ Tí macapure yu yoahti jichu yãhu cãhu wahihsa. Yu Æ wahachu yãhu mehmeta tina wahaahca.

To tinihto cjihtore yahuha Paulo

⁵ Macedonia yahpa macainare masa boca yãhdũihca yãhu tinare. Yãhdũ wahcã, musa cahai Corintopu sãihca. ⁶ Tõpu sãchu musa mehne mahaa dachoricã jiboca yãhu pa tehe nicu. Yoa cureri pja puhiro puro musa mehne jiboca yãhu. Æ jina pa seheru yu wahachu musa cãhu yãhure yoadohoroca masina. ⁷ Mahaa numaricã ji duaeraja yãhu musa mehne. Æ jicu Cohamacu cahmachu yoa cureri pja musa mehne jiihtja yãhu. ⁸ Æ ji duapaihta Pentecoste bose numari jichupu Efesoi jisinihca yãhu. ⁹ Õi Efesoi mipure mari

puhtoro Jesu yare tãho duaina payu jira. Ti Æ tãho duachu tinare yahuja. Yu Æ yahuchu yãhure ñu yabiina payu jira.

¹⁰ Timoteo yu yoaro seheta mari puhtoro yare yoara. To Æ yoariro jichu musa cahapu to sãchu noano mehne tirore piti boca, tiro mehne noano wahchea mehne jiga musa. ¹¹ Æ yoana tirore ñu yabiro marieno noano mehne piti bocaga musa. Tuhsu, to coha sitichu noano mehne tirore yoadohorocaga yu cahapu to tjua tachu. Tiro paina Jesu yaina mehne ti tahtore cohtana nija sã. Æ jina noano mehne yoadohorocaga tinare.

¹² Apolo mari coyeiro Jesu yairo musare to ñu no wahachu tuaro cahmamahi. Æ jicu tirore waha dutimahi paina Jesu yaina mehne to wahahto cjihtore. Yu Æ waha dutipachata mipure tiro waha duaerare. Æ jiro baharo tirore yoaa mariachu musa cahapu waharohca tiro.

Paulo noa duti batoaha

¹³ Noano wacũ masiga musa. Cristore wacũ tua duhuena tjiga musa. Ne cuieraina jirucuga musa. Æ yoa Cohamacu tuaa mehne wacũ tuaina jirucuga musa.

¹⁴ Dohse jiare musa yoana, painare cahã mehne tíre yoaga musa.

¹⁵ Mipure yu coyea musare ahrire yahu duaja: Estéfana ya wãhu macaina Acaya yahpa macaina noaa buheare tãho mãhtaina, ti ya yahpai Cristore wacũ tua mãhtaina jire tina sehe. Tuhsu, painare mari coyeare Jesu yainare noano yoadohorucure tina. Tíre musa masina.

¹⁶ Tina yoaro sehe jiiinare, paina Cristo yare yoadohoinare musa noano yãhtichu cahmaja yãhu. ¹⁷ Estéfana, Fortunato, Acaico cãhu yu cahapu wihi tuhsure. Õi ti jichu pjiro mehne wahcheja yãhu. Musa mariachu musare tuaro wacũi nimahi yãhu. Æ jicu tina ti wihichu wahcheja yãhu.

¹⁸ Tina mehne jicu noano yajeripohna tirore wahihi yãhu musa cãhu tina mehne musa wahcheriro seheta. Tinare noano ño payoa mehne tãhoga musa. Æ yoa paina tina yoaro sehe jiiina cãhure ño payoa mehne tãhoga.

¹⁹ Asia yahpa macaina Jesu yaina musare noa dutira. Æ yoa Aquila, Priscila,

ti ya wuhui cahmachuina mehne Cristo to cahña mehne m̄sare pjíro noa dutira.

²⁰ Õ macaina Jesu yaina jipihtina m̄sare noa dutira. M̄sa mehne macainare noano mehne piti bocasinia.

²¹ Yuhui, Paulo yu basi ahri dihtare joaja. M̄sare noa dutija.

²² Mari p̄htoro Jesucristore paio to cahñerachui, Cohamacui tirore buhiri dahre-jaro. Mari p̄htoro cjero tjua tajaro.

²³ Yu coyea mari p̄htoro Jesucristo m̄sare jipihtinare to cahña mehne noano yoajaro. ²⁴ Yuhui Jesucristo yairo jicui, to yaina m̄sa cãh̄ui m̄sa jichui m̄sare tuaro cahñja.

2 Corintios

Õ sehe ni joarocaha Paulo Corinto macainare

¹ Yuhũ Paulo Jesucristo buhe dutiro to cũriro jija. Cohamacũ to cahmariro seheta cũre yuhũre Jesu. Yuhũ, mari coyeiro Jesu yairo Timoteo mehne mũsare Cohamacũ yainare, Corinto macainare joarocaja tjoa. Jipihtina Cohamacũ yainare Acaya macainare mũsa cũhũre joarocaja. ² Æ jina Cohamacũ mari Pũcũ, mari pũhtoro Jesucristo mehne mũsare noa dutija. Cohamacũ to cahĩa mehne to yoadohoa mehne noano jiga mũsa.

Paulo to ñano yuhdũrĩre õ sehe ni yahuha

³ Mari pũhtoro Jesucristo Pũcũro Cohamacũ marine pja ñũna. Æ jiro tiro marine ã yoadohorucura. “Noa yuhdũrĩro jira tiro”, nijihna mari. ⁴ Mari ñano yuhdũchũ ñũno jipihtinare marine to yainare yoadohora tiro painare mari yoadohohto sehe. Cohamacũ marine to yoadohoa mehne mari cũhũ paina cũhũre yoadohonahca. ⁵ Cristo yaina mari jiri buhiri mari ñano yuhdũchũ tiro tuaro yoadohorohca marine. ⁶ Sã sehe mũsare yoadohona ñano yuhdũja. Cristo mehne mũsa yuhdũhto sehe mũsare sã yahuri buhiri ñano yuhdũja. Æ yoa Cristo sãre to yoadohochũ sã sehe mũsa cũhũre yoadoho masija. Æ jina sã ñano yuhdũrĩro seheta mũsa cũhũ ñano yuhdũna, noano mehne cũno pjanahca mũsa. ⁷ Noano mehne mũsa cũno pjahtore sã masija. Sã ñano yuhdũrĩro seheta ñano yuhdũre mũsa cũhũ. Æ jina Cohamacũ to yoadohoa mehne wahche, sã cũno pjarĩro seheta mũsa cũhũ wahchena, cũno pjanahca.

⁸ Sã coyea, mipũre ahri yũ yahuhtire mũsa noano masichũ sã cahmaja. Asia yahpai ñabiaro yuhdũi sã. Õ sehe ni tũhotumai sã: “Ne bihosi mari. Ne cũno pjasi. Æ jina mari varianahca”, ni tũhotumai sã. ⁹ “Marine wajãnocahca”, ni tũhotumai sã. Æ ñano yuhdũna Cohamacũ dihtare tuaro sã wacũ tua namoi. Sãre ti

ñano yoachũ cahmaha Cohamacũ tirore sã wacũ tua namohto sehe. Tiro sehe yariainare masoriro jira. Æ tirore wacũ tuana sã mũ sũro sã cũno pjaerarire masija. Cohamacũ sehe marine yoadohora. ¹⁰⁻¹¹ Sãre cuabiaro jipachũta to yoadohoro mehne sã yuhdũi. Baharopũ cũhũre pari turi sãre yuhdorohca. Sãre Cohamacũre mũsa sini payochũ tiro sãre yoadohorohca. Sãre to yoadohohtore masija sã. Æ jina sãre to yoadohochũ ñũna, tirore “Noana”, ninahca mũsa. Payũ mũsa sini payorire to yuhũtichũ ñũna wahche, “Noana”, ninahca mũsa Cohamacũre. Payũ paina cũhũ ãta niahca.

Paulo Corintopũ to waha duamarire yahuha

¹² Mũsa mehne sã jirire wacũna wahchea mehne õ sehe tũhotuja sã: Ahri yahpai Cohamacũ to yoadohoa mehne mahũono marieno noano mehne masare piti ti buhehi. Mũsa pinihtare noano piti ti buhei. Õ sehe yoana sã mũ sũro sã masia mehne yoaerahi. Cohamacũ cahĩa mehne to tuaa mehne ã yoahi. ¹³⁻¹⁴ Æ yoana noano yahu joarocahi mũsare, noano mũsa masihto sehe. Mipũ sãre mũsa masi pahũohto dũhsasinina mini. Sã jia tiare mũsa noano masichũ tuaro cahmaja sã. Æ sãre noano masina, mari pũhtoro Jesu to tjua tachũ sã mehne wahchenahca mũsa. Mũsa mehne sã wahcheriro seheta mũsa cũhũ sã mehne wahchenahca.

¹⁵⁻¹⁶ Õ sehe nicũ Macedonia yahparũ waha duamaja yuhũ. Æ wahacũ mũsare ñũ yuhdũ wahcã duamaja yuhũ. Æ jicũ tũpũre sũricũ tjua tacũ pari turi mũsa mehne mahaa nũmũricã jiboca yuhũ. Æ jina pũa taha mũsa mehne yũ jichũ ñũna pjĩro yuhũ mehne mũsa wahcheboca. Baharo mũsa caharũ jiricũ Judea yahparũ yũ wahachũ ñũna yuhũre yoadohoboca mũsa. ¹⁷ “Wahaihtja”, yũ nichũ tũhorina jina mũsa caharũ yũ sũerachũ ñũna “Paulo mahũono niri jira”, ¿ni tũhotujari mũsa? “Wahaihtja”, nicũ yũ mũ sũro ã nicũ nieraja yuhũ. “To niriro seheta yoaerara”, ¿yuhũre ni tũhotujari mũsa? ¹⁸ Õ sehe ni

mahñoriro jieramaja yuhũ. Ñ jicũ “Yoaihtja”, nicũ yũ niriro seheta yoaja yuhũ. Tíre masina Cohamacũ. ¹⁹ Yuhũ, Sila, Timoteo mehne Jesucristo Cohamacũ macũno yare m̄sare yahui sã. Cristo sehe “Yoaihtja” nino, quihõno yoariro jiro nina. Cohamacũ to niriro seheta Cristo yoara. ²⁰ Jipihtiare Cohamacũ to yahurire Cristo yoa pahñoha. To ã yoariro jichũ ñũna Jesu yoadohoro mehne to yare sã painare “Ñ tjira”, ni yahuja Cohamacũre ti ño payohto sehe. ²¹ Cristo yaina marine jirucuchũ yoariro Cohamacũta jira. Ñ jiro to yare yahuhtinare sãre besere tiro. ²² Ñ yoa to yaina mari jiare ñũno tíre marine masichũ yoara tiro. Ñ yoaro, Espíritu Santore mari mehne ji dutire tiro. Mari mehne jiro tirota marine Cohamacũ to yũdohore masichũ yoara.

²³ Mipũre poto yahuihtja m̄sare. Poto yũ yahuerachũ Cohamacũ sehe m̄sare poto yahujaro. Tirota yũ tũhotuare masina. M̄sare tuhti duaeracũ m̄sa cahapũ wahaerahi. “M̄sare cahyachũ yoari”, nicũ m̄sa cahapũre Corintopũ wahaerahi. ²⁴ Ñ jina “M̄sare wacũ tua dutiina jija sã”, nina nieraja. Cristore noano wacũ tua tuhsũre m̄sa. Ñ jina “Õ sehe Cristore wacũ tuaro cahmana m̄sare”, nina nieraja sã. M̄sare yoadoho duaja sã m̄sa noano wahchehto sehe.

2

¹ Ñ jicũ õ sehe ni tũhotuhi: “Pari turinginare cahyachũ yoa duaeraja. Ñ jicũ mipũre wahaeraja”, ni tũhotuhi. ² M̄sare cahyachũ yoa duaeraja. M̄sa cahyachũ ñũcũ yuhũ sehe m̄sare wahcheraboa. Ñ jina yuhũre wahchechũ yoahina jieraboa m̄sa sehe. ³ Ñ jicũ m̄sa cahapũ wahaerahi. Wiho mejeta m̄sare wiho joaroca bahrañohi. M̄sa yuhũre wahchechũ yoahina jipanahta yuhũre cahyachũ yoaboa m̄sa, m̄sa cahapũ yũ sũchũ. M̄sa mehne yũ wahchechũ, m̄sa cãhũ wahchenahca. Tíre masija yuhũ. Ñ jicũ mipũre m̄sa mehne cahya duaeracũ wahaerahi m̄sa cahapũ. ⁴ Pjĩro tũhotucũ, ñãno yajeripohna ticũ, tuaro yahco mehne m̄sare joarocapacũta m̄sare cahyachũ

yoa duaerahi. M̄sare tuaro yũ cahĩre m̄sare masichũ yoa duacũ m̄sare joarocahi.

Tina mehne macariro to ñãno yoarire bo dutiha Paulo Jesu yainare

⁵ Cãiro m̄sa mehne macariro yuhũre cahyachũ yoariro jire. Wiho mejeta m̄sare to tuaro cahyachũ yoariro seheta yuhũ sehene pjĩro cahyachũ yoerare tiro. Ñ ñãno yoariro cãina m̄sa sehene tua curero cahyachũ yoayuhti. “Tua curero”, nija yũdho curero yahu duaeracũ. ⁶ Payũ m̄sa mehne macaina tirore buhiri dahre tuhsũyuhti. Tó purota buhiri dahre duhuro cahmana tirore. ⁷ Tirore m̄sa buhiri dahrerucuchũ tuaro cahyaboca tiro. Ñ jiro Cristo yare duhuboca. Ñ jina to ñãa yoarire boga m̄sa. Tirore yoadohoga to wahchehto sehe. ⁸ Tuhsũ, tirore noano yoaga m̄sa tirore m̄sa cahĩre to masihto sehe. M̄sa ã yoachũ tuaro cahmaja yuhũ. ⁹ Tó pano m̄sare joarocacũ “¿Potocãta yuhũre yũhtiahcari?” nicũ ã ni yahu joarocahi m̄sare. Yuhũre m̄sa yũhtichũ ñũ duacũ m̄sare ã ni joarocahi. ¹⁰ Mipũre to ñãa yoarire m̄sa bochũ ñũcũ yuhũ cãhũ tíre boihtja. Yuhũre ñãno yoerari jire tiro. M̄sa sehene ñãno yoayuhti. To ã jiriro jipachũta to ñãa yoarire boja yuhũ cãhũ. M̄sare noano yoadoho duacũ Cristo to ñãrocaroi to ñãa yoarire boja. ¹¹ Tíre boja Satana marine to yũhdũrũcaerahto sehe. Tiro marine ñãare yoachũ cahmana. Tíre noano masija mari. Ñ jina Jesu yaina ti ñãa yoarire wacũrucueraja mari, “Tinapũ Satana yare cahmari”, nina.

Tróade wama tiri macai jiro Titore bocaeraro pjĩro cahya tũhotuha Paulo

¹² Ñ yoa Tróade wama tiri macapũ sũi Cristo yare buhe duacũ. Tórpũ yũ jichũ payũ masa noaa buheare tũho duaina jire. Mari pũhtoro to yoadohoa mehne to yare yũ buhehtina payũ masa jire. ¹³ Ñ jipachũta mari coyeirore Titore bocaeracũ pjĩro cahya tũhotui. Ñ jicũ tó macainare coha siti tuhsũcũ Macedonia yahpapũ wahi.

Cristo to yoadohoa mehne ñãare yoarucueraja mari

14 Æ yoa Cohamacu Satanare to yuhdurucari baharo mari cãhare tirore yuhdurucachu yoara, Cristo mehne ñaa yoare marine duhuchu yoaro. Surara maharu pari pohna wahaga ti yuhdurucarire ti yoa ñono seheta mari cãhu Cohamacu mehne Satanare mari yuhdurucarire yoa ñona nija Cohamacu mehne. Æ jina “Noana”, nija tirore. Æ jina Cohamacu marine to dutichu masina jipihtiropu Cristore masare masichu yoaja mari. Æ tirore masia tina noano wahchera me sitiare ti wahcheriro seheta. 15 Cristo yaina jina, Cohamacu sehene wahchechu yoaja mari, me sitiare mari wahcheriro seheta. Æ jia Cristo yaina mari jia tiare ñu masina paina Cohamacu to yuhdohtina. Paina ti ñaa buhiri pichacaru wahahtina cãhu Cristo yaina mari jia tiare ñu masina. 16 Cristo yaina mari jichu ñua, ti ñaa buhiri pichacaru wahahtina sehe pichacaru ti wahahtore masina. Cohamacu to yuhdohtina sehe marine Jesu yainare ñua jipihitia dachoripe tiro mehne ti jhtore masina. Æ jia Cristo ya wiho jia buhea jierara. Æ jiro ahrire Cristo yare to mu saro buhe sohtori tiri ne mariaha. 17 Payu paina Cohamacu yare buhemana niñerure wapata duaa. Sã sehe tina yoaro sehe yoeraja. Mahõno marieno Cristo to tuaa mehne to yare buheja sã. Cohamacu sãre to cãchu to ñurocaroi noano buheja sã.

3

1 ¿Pari turi sã jia tiare musare yahuna nijari sã, musa tuhutuchu? Paina musare ti buhehto pano ti jia tiare masi duana ti joari pũre cahma mũhtare musa. Sãre masi tuhsara musa. ¿Sãre masipanahta tí pũ barore cahmajari musa? ¿O paina caharu sã buhena wahana tí pũ barore sãre nano cahmajari, musa tuhutuchu? 2 Tí pũ barore cahmaeraja sã. Musa sehere jipihitina paina ñua musare sã noano buherire masiahca. Musare sã buhechu Cristo yaina ji ducare musa. 3 Æ jina tí pũ baro yoaro sehe jira musa sehe. Cristo painare to joarocari pũ yoaro sehe jira musa. Tí pũre tiro to joarocaboro seheta, Espiritu Santo tuaa mehne musa jia

tiare noano cohtotachu yoari jire Cristo, painare to tuaare ñono taro. Potota tinta mehne to joarocari pũ yoaro sehe jierara musa. Cohamacu catiro waro to Espiritu Santo mehne musare cohtotachu yoaro, joarocari pũ painare to joaroca ñono seheta, musa sehe Cristo yaina wahana, to yare musare sã quihõno buherire noano ñona painare. 4 Ahrire jipihtiare michapucacã yu ni joarire tuhutuja sã Cohamacu noano wacũ tuana. Cristo to yoadohoa mehne ã wacũ tuarucuja sã. 5 “Sã mu saro ahri dahraare yoaja sã”, ni masieraja sã. Cohamacu to yoadohoa mehne bihoja sã.

6 Mipure to yahuare noaa buheare Cohamacu sehe noano sãre buhe masichu yoara. Ahri buhea panopu to dutia to joari cjiri yoaro sehe jierara. Noaa buhea sehere buheja sã. Panopu to dutirire mari mu saro ne bihoeraja. Æ mari bihoerari buhiri pichacaru wahaboa mari. Noaa buhea sehere tuhona Espiritu Santo to yoadohoa mehne Cristore wacũ tuaja. Æ wacũ tuana jipihitia dachoripe Cohamacu mehne jirucunahca mari.

7 Cohamacu to dutiare cũno tãa pjñipru joa õ tuhsu, Moise cjirore cũri jire. To ã cũri baharo to si sitea bajuari jire. Moise cjiro wuhduu si siteri jire. Minoa yuhduari jire. Baharo tí si sitea pihtia wahari jire. Baharo to si sitea to pihtia wahahto to jipachuta wahmanore to wuhduare masa ne ñuroca õa bihoerari jire. Tí dutiare masa ti yoa pahñerari buhiri pichacaru wahahtina jia tiri jire. Æ jia tí dutia masare pichacaru waha dutipahta, tuaro si sitea mehne ji ducari jire tí dutia. 8 Tí dutia yuhdoro noaa buhea sehe noa yuhduara. Ahri buheare painare mari buhechu ti noano tuhochu Espiritu Santo tina mehne jirohca. Æ jia panopu macaa dutia yuhdoro Cristo ya sehe noa yuhduara. 9 Cohamacu dutia panopu macaa masare pichacaru waha dutiri jire. Æ dutipahta Cohamacu tuaa mehne to si sitea mehne ji ducari jire. Tí yuhdoro noaa buhea sehe Cohamacu to tuaa mehne jira. Tí buhea mehne noaina wahara masa Cohamacu to ñuchu. 10 Panopu Cohamacu to dutiri cjiri sehe wiho jia dutia yoaro sehe tjuanocahna

mipure noaa buhea mehne mari ñu piti bocachu. Noaa buhea sehe noa yuhduara. ¹¹ Panopure to dutia yoa cureri pja si sitea jirucuma, pihtia wahaha. Tí dutia yuhdoro noaa buhea sehe noa yuhduara. Tí buheare noano tuhona, Cohamacu mehne ã jirucunahca.

¹²⁻¹³ Mari ã jirucutore masina, cuiro marieno noaa buheare noano yahu pahñonocaja sã. Moise cjiro sehe sã yoaro sehe yoerari jire. “‘Cohamacu to si sitea pihtiro nina’, Israe masa ni ñuri”, nino to wuhduare ducatarari jire Moise cjiro. Sã sehe tiro yoaro sehe yoeraja. Cuiro marieno, ducataro marieno to yare noaa buheare buheja sã. ¹⁴ Tí pjaru macaina Israe masa sehe ne masiera tiri jire. Mipure cãhure Cohamacu yare panopu to joaa pũrine tina buhea, ne masierara. Moise cjiro to wuhduare to ducatachu Cohamacu to si siteare ti ñuroca ñerariro seheta tina noaa buheare noano masierara. Cristore cahmaeraa, masisi tina. Tiore noano wacũ tuaa, tí pja pinihta to yare masiahca. ¹⁵ Mipure cãhure Israe masa Cohamacu dutia Moise cjirore to cũrire buhea, tinare ducataro seheta noaa buheare ti tuhoborore ducatarã. ¹⁶ Mari sehe mari puhtorore mari cahmachu tirota marine masichu yoara. Moise cjiro to wuhduã ducatarore to nanocaboriro seheta mari puhtoro marine to yare noano masichu yoara. ¹⁷ “Mari puhtoro” nicu, Espiritu Santore nii nija. Cohamacu to Espiritu Santo mari mehne to jichu pichacapu wahaborinare to yuhdoina jija. ã jina “Panopu macaa dutia mehne mari yuhduanahca”, nieraja mari. ã jina tí dutiare duhuna, Espiritu Santo to cahmano seheta yoaja mari. ¹⁸ ã jina Jesu yaina jina, Cohamacu yahuare masija mari. Ti wuhduã pocare ducataro marieina yoaro seheta Cristo to tuaare ñona nija mari. ã jiro mari puhtoro Espiritu Santo marine noaa sehene cohtotachu yoaro nina. To ã yoachu Cristo noa yuhduariro to jiro seheta wahana nija mari.

4

¹ ã yoa Cohamacu sãre pja ñuno, noaa buheare yahuhtinare cũre sãre. To ã

cũrina sã jiare masina, to yare buhena pomerana, bujua witi tuhoturaja. ² To yare buhena mahño cure buheraja. Tuhsu, sã tíre cohtotaeraja. Soro curero buhena buoro yuhduboa. ã jina tó sehe yoare cahmaeraja sã. Cohamacu to ñurocaroi jija sã. ã jina noaa buheare noano quihõno buheja sã. Sã ã buhechu ñua tíre noano masina sãre tuhoina. ³ Sã ya buheare noaa buheare buheja sã. Sã tíre buhepachuta paina ne noano tuhorerara tíre tinare ducataro seheta. ã tuhoreraina pichacapu wahahtina jira. ⁴ Satana ñariro ahri yahpa macaina bui puhtoro tinare masierachu yoara. Capari ñeraina ti ñu masieraro seheta masierachu yoara tinare. Noaa buheare Cristo tua yuhduacu sũriro ya buheare ti masierachu yoara tiro. Cristo sehe Cohamacu to jia tiare marine masichu yoara. Tiro Cristo Cohamacu waro jira. ⁵ Sã buhena “Sã sehene ño payoga”, ni buheraja. Õ sehe ni buheja sã: “Jesucristo sehe jira mari puhtoro”, ni buheja sã. Sã sehe Jesure yuhtiina jina, musare dahra cohtaina yoaro sehe jina, to yare musare buheja sã. ⁶ Panopu õ sehe niha Cohamacu: “Nahitianopure buhriaro jiga”, ni dutiha tiro. Mipure tirota jira marine to tuaare masichu yoariro. Buhriarocarõ marine to noano bajuchu yoaro seheta, tiro to tuaare marine masichu yoara. Cristo Cohamacu tuaare, to jia tia cãhure marine masichu yoara.

Cristo to tuaa mehne mari jija

⁷ ã masiina jina, to tuaare, noa buhea cãhure painare masichu yoaja. ã yoaina jipanahta wiho jiina jija sã. Dihi biato dóihta to wahtiro yoaro seheta sã cãhu wiho jiina jija. ã jipanahta Cohamacu to tuaare, noa buhea cãhure painare buheja sã. Sã ã buhechu ñua, wiho jiina sã jichu ñua, sãre tuhoina õ sehe ni, masiahca. “Ti mu sũro ahri buheare masierara. Cohamacu sehe tua yuhduariro tinare masichu yoara”, ni masiahca paina sãre. ⁸ Jipihtina paina sãre ñano yoapahta Cohamacu sãre to yoadohochu tina sãre yuhducaerara. ã jina “Ñano yuhduana nija”, ni tuhutupanahta, Cohamacu yare ne

duhueraja. ⁹ Säre ti ñano yoarucupachuta Cohamacu säre ã yoadohorucura. Säre ti cjäroca cü mäjapachuta to yoadohoa mehne yarieraja sä. ¹⁰ Ti wajähtina jinocanata nija sä, Cristo ahri yahpai to ñano yähdüriro seheta. Ä ti wajähtina jinata nija sä Cristo catiare wariro to jiare masa ti masihto sehe. Sä ã ñano yähdüchü ñüa tíre masiahca masa. ¹¹ Ä yoa dachoripe säre paina nu wajähto cuara Cristo yaina sä jiri buhiri. Ö seheta ñano yähdüja sä Cristo to catiare wariro to jiare paina ti masihto sehe. Sä pjacüri baharo yariaa wahaahca. Sä ã wahahtina jipanahta Cristore catiare warirore masichü yoaja sä painare. ¹² Ä jia müsare sä buheri buhiri sä sehene paina nu wajähto cuara. Sä buheare müsä tühori baharo jipihtia dachoripe Cohamacu mehne jirucuhtina jira müsä.

¹³ Cohamacu yare ti joari püi ö sehe nina: “Cohamacure wacü tuacu, to yare yahuhi”, ni joaa tiha panopü macariro. Sä cühü tö seheta yoaja. Cohamacure wacü tuana, to yare yahuja. ¹⁴ Ä buheja sä ahri yu nihtire noano masina: Cristo to yariari baharo Cohamacu tirore masori jire. Ä jiro Cristo yaina mari jichü ñüno tiro mari cühüre masonohca. To ã masori baharo to cahapü naanohca marine. ¹⁵ Ä jina müsare yoadohona, ñano yähdüja sä. Ä jina Cristo yaina müsä payü wahana, payü müsä Cohamacure wahchea mehne ño payonahca. Tirore “Noana”, ninahca.

¹⁶ Müsa ã wahachü ñüna, sä ñano yähdüpanahta cahyaeraja. Ä jina Cristo yare buhe duhueraja. Dachoripe wahyarucuna nija sä. Sä ã wahyarucupanahta dachoripe wahcheina jirucuja sä. ¹⁷ Mipüre ñano yähdüpanahta ñano yähdü dojoeraja. Tí mari ñano yähdüa pihtia wahaahca. Ä jina marine mahanocä ñano yähdüro cahmana. Ä mari ñano yähdürina cjiri jina, baharopüre pjíro wahchea mehne jirucunahca Cohamacu mehne. Ä jina mari ñano yähdüri yähdüro pjíro wahchea mehne jirucunahca. ¹⁸ Mari ñüri cjiri baa pihtia wahaahca. Mari ñüerari sehe ã jirucuahca. Ä jina mari

ñüeraare Cohamacu yare ã wacürucuja mari. Ä wacürucuna baharopü mari noano jihtore wahcheja.

5

¹ Wühüre to cohäboriro seheta baharo mari pjacüri sehe butia wahaahca. Ä jiro wahma wühüre to yoaboro seheta Cohamacu wahmaa pjacürire yoarohca. Ä yoaro tí pjacürire marine warohca. Tí pjacüri masa ti yoaa pjacüri jierara. Ä jina müanopü ã jirucunahca tí pjacüri mehne. Tíre mari masija. ² Ä jina tí pjacürire müano macaa pjacürire tuaro cahmana, mari ã cohtarucuna nija. ³ Tí pjacürire tuaro cahmaja, mari yariari baharo suhti marieina mari jiboro seheta pjacüri marieina ji duaerana. ⁴ Mipüre ahri pjacürire cohä duaerapanahta wahmaa pjacüri sehene tuaro cohtaja mari. Mipüre mari pjacürire cohä duaerapanahta jipihtia dachoripe Cohamacu mehne mari jihtore tuaro cahmaja mari. Ä jina ahri mari pjacüri yariahti pjacüri ti jichü masina, wahmaa pjacüri mehne Cohamacu mehne ã jirucu duaja mari. ⁵ Mari ã jirucuhtore cahnore Cohamacu sehe. Ä cahnono Espíritu Santore ware marine. Ä jiro Espíritu Santo mari mehne jiro, marine Cohamacu to yoahore “Potocä tjira” nino, marine masichü yoara tiro.

⁶ Ä jina Cohamacure wacü tuarucuja mari. Cuiro marieno jija mari. Ahri mari ji mühtari pjacüi jina, mari pühtoro mehne jierasinja. ⁷ Müano macaare Cohamacu cühüre mari ñüerapanahta “Tí potocäta jira”, ni tühotuja mari. Ä jina tirore wacü tuaja mari. ⁸ Ä jina mari cuieraja. Mari pjacürire ahri yahpai cohäna mari pühtoro mehne müanopü jirucunahca mari. Ä yoa mari yariachü noa nina marine. ⁹⁻¹⁰ Ä jina Cristore wahchechü yoa duaja mari. Ahri yahpa macari pjacü mehne jisina tirore wahchechü yoa duaja. Müanopü cühüre tirore wahchechü yoa duaja.

Jipihtina Cristo cahapü mari wahachü ñüno tiro mari yoarire ñüno marine beserohca. Ñano mari yoarire masinohca tiro. Ä masino wapa marieno to waborire

marine wasi tiro. Noaare mari yoari cūhure masinohca. Ā masino wahchero marine noano yoarohca. To ā masiro jichū ñūna tirore wahchechū yoa duaja mari.

Cohamacū marine to ñū tuhtichū ñūno Cristo marine yahura

11 Ā jina cua pisaro mehne Cristore ño payoro cahmana marine. Ahrire masina, Cristo yare masichū yoaja sã masare. Tinare cuisãana, tirore wacū tuachū yoa duaja sã tinare. Noano mehne sã tīre sã buherire Cohamacū noano masina. Sã ā buherire mūsa cūhure noano mūsa masichū cahmaja yūhū. 12 Pari turi noaina sã jia tiare mū sare yahuna nieraja. “Painare yūhdūcaja”, niinare mūsa yahuhto sehe noano mehne sã buherire yahuna nija sã mū sare. Tina sehe ti tūhotuapū ñaina jipahta masa ti ñūrocaro dihta noaina yoaro sehe yoa ñomana. Ā jina sã mehne mūsa wahchehto sehe ahri jipihtiare mū sare yahu joana nija. “Paulo cūhū sãre noano mehne buhere”, sãre painare mūsa ni dūcatahto sehe ahri jipihtiare mū sare yahu joana nija. 13 ¿sã ō sehe ni yahuna tūho masieraina jijari sã, mūsa tūhotuchū? Masa sãre ñūa, tūho masieraina yoaro sehe ñūna sãre. Cohamacū yare sã yoachū ñūa ā ni ñūboca sãre. Ti ā ñūborina jipanahta ā jiina jieraja sã mū sare yoadoho namona tana. 14 Cristo marine to cahīchū ñūna mū sare ā yoadohoja. To ā cahīchū ñūna to yare ā yahurucuja sã. Cūirota Cristo jipihtina mari ñaa buhirire yariari jire. To ā yariari baharo mari sehe jipihtina mari ñaa buhirire yariarina yoaro sehe jina, ñaare yoa namo duaeraja. 15 Jipihtina mari ñaa buhiri yariari jire tiro Cohamacū ya dihtare mari yoahito sehe. Mari mū sūro yoa dutieraro, to cahmaa sehere marine yoa dutiro yariari jire tiro. Tiro sehe mari yaro jiborirore yariaro, masa mūjari jire. 16 Ā jina mipure sã mū sūro masare “Noaina jira. Ñaina jira”, ni ñūeraja sã. Panopū sã mū sūro yoaa timai. Ā jina Cristore masierahi. 17 Ā jina Cristo yaina wahana wahma masa bajuaina yoaro sehe wahaja mari. Panopure mari mū sūro mari tūhotumarire, mari yoamarire

duhunocaja mari. Mipure wahma masa bajuaina yoaro sehe jina, noaa sehere cohtotana, Cohamacū ya dihtare yoa duaja mari.

18 Cohamacū sehe marine noaa sehere cohtotachū yoare. Cohamacūre ñū tuhtiina mari jichū ñūno Cristo sehe mari ñaa buhiri tiare cohāre. Ā cohāno mari ñū tuhtirire duhuchū yoare tiro. Ā yoachū yoare Cohamacū Cristore. Ā yoaro sãre to yare buhe dutiro cūre. Ā buhena, painare Cohamacū mehne ti ñū tuhtirire duhuchū yoaja sã cūhū. 19 Ō sehe masare yahu dutire Cohamacū sãre: “Cristore mari wacū tuachū ñūno mari ñaa buhirire buhiri dahrerara Cohamacū marine. Ā yoaro marine ñū tuhtiro cjiro jiparota tiro marine to yaina jichū yoara”, ni yahu dutire Cohamacū sãre. 20 Ā jina Cristo yare buhehtina to cūrina jija sã. Cohamacū mū sare to yahu-boriro seheta sã sehe ō sehe ni mū sare yahuja: Cristore yahubasana nija. Ā jina mū sare bosaja. Cohamacūre mūsa ñū tuhtiare tó purota duhuga. 21 Cristo ñaare to yoerapachūta Cohamacū sehe tirore mari ñaa buhirire yaria dutiri jire. Ā yoaro mari ñaa buhirire buhiri dahreri jire Cohamacū tirore. Ā jiro Cristo yaina mari wahachū Cohamacū yoaro sehe noaina jichū yoare tiro marine.

6

1 Cohamacū yare buhedohoina jija sã. Ā jina ahrire tuaro mū sare yoa dutija sã. Cohamacū yare noaa buheare mūsa tūhoriro seheta yoaga mūsa. Mūsa tūhoriro sehe mūsa yoerachū tí mūsa tūhori yaba cjihti jierara. 2 Ō sehe nina Cohamacū:

“Yū quihōri pjare, mū sare yū noano yoahiti pjare mūsa siniare tūho, yūhtihi.

Ā yoacū mū sare yū yūhdohti dachore mū sare yoadohohi”, nina tiro. Tūhoga mūsa. Mipure Cohamacū mū sare to noano yoahiti pja jira. Mipure Cohamacū mū sare to yūhdohti dacho jira.

3 Ne mahanocā painare ñano yoeraja sã. Painare ne ñano ni durucueraja, “Noaa buheare mū sare sã buheare cahmaerari”, nina. 4 Ā jina Cohamacūre dahra cohtaina sã jiare mū sare masichū yoa duaja. Ō

sehe jija sã: Ñano yũhdũna, paina ti ñano yoarina jina cũhu ã tũhotunocaja. Sãre ti ñano yoapachũta suaro marieno jija. ⁵ Õ seheta ñano yũhdũi sã: Masa sãre cjãchũ, peresu ti yoachũ, payũ masa sãre wajã dua ti sañurucuchũ, ñano yũhdũi sã. Sã tuaro dahra wahyana, wũjo purĩpachũta carĩerana, jũca baana ñano yũhdũi. ⁶ Numiare ã ñũnocai. ã jina ne ñano yoaerahi. ã yoa Cohamacũ yare noano masi buhei mũsare. Tuhsũ, ne suaerahi sã. ã yoa noano niji siaro mehne yoai sã mũsare. ã yoana Cohamacũre dahra cohtaina sã jiare masichũ yoana nii sã mũsare. Espĩritu Santo to yoadohoa mehne Cohamacũre dahra cohtaina sã jiare masichũ yoana nii mũsare. Potocã mũsare sã cahĩchũ ñũna, tirore dahra cohtaina sã jiare masina mũsa. ⁷ ã jina noaa buheare mũsare quihõno sã buhechũ ñũna, Cohamacũ tuaa mehne sã yoachũ ñũna tirore dahra cohtaina sã jiare masina mũsa. Noaa sehe jipihtia sã yoari cjiri sã wamoa yoaro sehe jira noano sã dũcatahto sehe. Tĩ noaare yoana watĩnore sã dũcatana nija. ã yoana tí noaare sã yoari mehne tirore sã yũhdũrũcaja. ⁸ Paina sãre ño payora. Paina sehe sãre ño payoerara. Paina noano ni durucura sãre. Quihõno sã buhepachũta “Mahñoina jira”, ni yahusãna paina sehe sãre. ⁹ Paina sãre ñũ masiina jipahta sãre ñũ masieraina yoaro sehe yoara. Sãre ti wajã duapachũta catisinija sã. Ñũga sãre. Potocã tjira. Sãre buhiri dahre ti cjãchũ, yarierasiniya sã. ¹⁰ Sã cãa tahari cahyaina jipanahta, ã wahcherucuja. Pjacũoina jipanahta painare noaa buheare buhena tinare pjĩro pachere sã waboro seheta yoana nija tinare. Paye baro cjũaeraina jipanahta, potocãta Cohamacũ yare cjũa pahñonocaja sã.

¹¹ Ne Corinto macaina yũ coyea mũsare noano mehne yahu pahño joahi sã mũsare. Mũsare tuaro cahĩna, ã yahuhi mũsare. ¹² Sã sehe mũsare cahĩ duhueraja. Mũsa sehe sãre cahĩera curera. ¹³ ã yoa pohna ticũ yũ pohmare yũ yahuboro seheta mũsare yahuihtja: Mũsare sã tũhoturiro seheta mũsa cũhu ãta noano tũhotuga sãre.

ã jina sãre cahĩga mũsa cũhu.

Cristore cahmaerainare piti ti dutieraha Paulo

¹⁴ ã yoana Cristore cahmaeraina mehne ã piti tirucuena tjiga. Tina mehne macaina jiena tjiga. Cũno potori jierara mũsa. Noaare yoariro ñaare yoariro mehne noano ji masierara. Cohamacũre cahmaina Cohamacũre cahmaeraina mehne noano cahma piti ti masierara, buhriaro nahitiano mehne to ji masieraro seheta.

¹⁵ ã jia Cristo watĩno mehne cũno potori tũhotuerara. ã yoa Cristo yairo, Cristore cahmaerairo mehne noano cahma piti ti masierara. ¹⁶ Cohamacũ wũhũi “Cohamacũ jira”, ti nia masũrine mari cjũachũ ñaa nina. To ya wũhũi tí masũrine mari cũchũ tó wahaerara. Tó seheta Cristo yaina Cristore cahmaeraina mehne mari piti tirucuchũ cũhare ñaa nina. Tina pũa curua cũno mehne ji masierara. Cohamacũ catiriro to wũhũ yoaro seheta jija mari. To wũhũ to jiro seheta mari mehne jira tiro. Õ seheta nina Cohamacũ:

“Tina mehne jiihtja yũhũ.

Ti watoi ã jirucuihtja.

Yũhũ Cohamacũ ti pũhtoro jiihtja.

ã jia tina sehe yũ yaina masa jiahca”, nina tiro.

¹⁷ ã yoa õ sehe ni namona tiro mari pũhtoro:

“Ñaina mehne tjuaena tjiga.

Tinare piti tiena tjiga.

Cristore cahmaeraina ti ñaa yoaare ñũ cũena tjiga.

Mũsa ã yũhare yũhtichũ ñũca, yũhũ sehe mũsare piti tiihtja.

¹⁸ ã jicũ mũsa Pũcũ jiihtja.

Mũsa sehe yũ pohna jinahca”,

nina Cohamacũ mari pũhtoro tua yũhdũariro.

7

¹ Yũ coyea, yũ cahĩna, ahri jipihtiare Cohamacũ to ã ni yahuchũ tũhona jipihtiare ñaa yoaare duhujihna mari. Ñaa wacũa cũhare duhujihna mari. Cohamacũre noano ño payoa mehne ñaa buhiri tia marieno jijihna mari.

Paulo wahchea mehne yahuha Corinto macainare

² Noano mehne jiga m_{usa} sã mehne. Ne mahanocã mehne ñano yoerahi sã m_{usare}. ã yoa tuhs_u, m_{usare} buhena, ne m_{usare} dojomehnerahi. Ne cãiro m_{usa} mehne macarirore mahñoa mehne wapa cahmaerahi. ³ ã nic_u m_{usare} tuhtii nieraja. M_{usare} yahu tuhs_uhi. Sã yajeripohnari mehne tuaro cahjã sã m_{usare}. Catisinina m_{usare} ã cahñrucunahca. Mari yariari baharop_u cãh_ure m_{usare} ã cahñrucunahca. ⁴ Y_u niriro seheta m_{usa} yoarire, m_{usa} yoah_{ti} cãh_ure masija y_uh_u. ã jic_u m_{usare} wacũrocac_u wahcheja. Sã ñano y_uhd_uro watoi m_{usa} sehe y_uh_ure pjíro wahchech_u yoara.

⁵ ã yoa Macedonia yahpap_u sã s_uri baharo tó_u jina, ne soerahi sã. Tó_ure ñano y_uhd_uhi sã. Paina sã mehne cahma sayo y_uhd_urc_uahre. ã jina “Cristo yare duhuri”, nina Cristo yaina sehere cuisãahi sã. ⁶ Sã ã ñano y_uhd_upach_uta Cohamac_u sãre wahchech_u yoahre. Tiro cahyainare wahchech_u yoariro jira. ã jiro Tito sã cahap_u to wihiro mehne sãre wahchech_u yoahre Cohamac_u. ⁷ Tito to wihi_u ñ_una wahchehi. Tirore m_{usa} wahchech_u yoarire sãre to yahuch_u wahchehi. Ahri cãh_ure wahchehi. M_{usare} to q_uiti yahuch_u cãh_ure tuaro wahchehi sã. Y_uh_ure m_{usa} ñ_u duarire yahuhre sãre. Y_uh_ure m_{usa} cahya m_{usa} pjíro tãhoturi cãh_ure yahuhre tiro. To ã ni yahuch_u tãhoc_u pjíro wahchehi y_uh_u.

⁸ Tó pano y_u joarocari p_u mehne m_{usare} cahyach_u yoamahi. ã yoaric_u jipaihta cahyaeraja y_uh_u sehe. Tí p_ure m_{usa} buheri baharo cahyayuhti m_{usa}. Tuhs_u, mahanocãta cahya duhuyuhti m_{usa}. ã jic_u wahma joaroca m_uhtac_u cahyapaihta mip_ure cahyaeraja. ⁹ Mip_u pinihtare wahcheja y_uh_u. M_{usa} cahyach_u tãhoc_u wahcheraja. Wiho mejeta ã cahyana, m_{usa} ñaare tãhotumarire cohtotayuhti m_{usa}. ã m_{usa} cahyach_u ñ_uno, Cohamac_u sehe to cahmano seheta m_{usa} ñaare tãhotumarire cohtotach_u yoari jira. ã jina m_{usare} cahyach_u yoana, ñano yoa dojomehnena nierahi sã m_{usare}. ¹⁰ ã jina Cohamac_u to cahmano seheta cahyana, mari ñaare

tãhotumarire cahyanahca. Cohamac_u to cahmano seheta cohtotannahca. Tó sehe mari cahyach_u ñ_uno marine pichacap_u wahaborinare y_uhdora Cohamac_u. Mari ã cahyach_u noa nina marine. Cristore cahmaeraina sehe ti ñaare tãhotumarire cahyaerapahta, ã cahyamacanocaa, pichacap_u wahahtina jisinina. ¹¹ M_{usa} sehe Cohamac_u to cahmano seheta cahyayuhti. M_{usa} ã cahyana õ sehe yoayuhti m_{usa}: Mip_ure ñaare yoainare ã ñ_unocaerayuhti m_{usa}. Tinare duhu dutiyuhti m_{usa}. ã jina ti ñaa yoare cuiyuhti m_{usa} “Tina yoaro sehe sã yoari”, nina. ã yoana y_uh_ure ñ_u duayuhti m_{usa}. Tuhs_u, ñaare yoarirore buhiri dahre duayuhti m_{usa}. Tí jipihtiare m_{usa} yoana mip_ure quihõno yoaina m_{usa} jirire masich_u yoahre m_{usa} sãre. ¹² Panop_u ñano yoarirore m_{usare} yahu joarocapaihta tirore yoadohoc_u tac_u ã ni yahu joarocaerahi. To ñano yoa payoriro cãh_ure yoadohoc_u tac_u ã ni joarocaerahi. M_{usa} sehere yoadohoc_u tac_u tí p_ure joarocahi. Sãre noano ño payora m_{usa} Cohamac_u to ñ_urocaroi. Tíre m_{usa} ño payorire noano m_{usa} masihto sehe tí p_ure joarocahi m_{usare}. Cohamac_u tíre m_{usare} masich_u cahmare. ¹³ ã jina Tito m_{usa} yoarire to q_uiti yahuch_u tãhona tuaro wahchehi sã.

Tito cãh_u tuaro wahchere. Tirore m_{usa} noano mehne m_{usa} piti bocach_u tãhona, m_{usa} mehne to wahcherire tãhona sã cãh_u noano wahchehi. ¹⁴ Wahmanop_u m_{usa} cahap_u to wahahto pano m_{usa} mehne y_u wahcherire, noaina m_{usa} jirire yahuhi tirore. Y_u ã yahuch_u y_u niriro seheta noano yoayuhti m_{usa} tirore. ã jic_u tirore y_u nirire b_uo tieraja. M_{usare} quihõno ã yahurucuja sã. Tó seheta Tito cãh_ure quihõno sã yahuhi m_{usare} to ñ_uriro seheta. ¹⁵ M_{usa} cahap_u to s_uch_u ño payoa mehne tirore piti bocayuhti m_{usa}. M_{usa} ã piti bocach_u, noano y_uhtiina, y_uhd_urc_uaro marieina m_{usa} jich_u ñ_uyuhti tiro. ã jiro m_{usare} cahñ namono nina tiro. ¹⁶ Mip_ure noano y_uhtiina, Cohamac_u to cahmano seheta m_{usa} noano yoa pahñoina m_{usa} jich_u noano masija y_uh_u. ã masic_u tuaro wahcheja.

8

Cristo yaina jina, painare ã wanocano cahmana marine

¹ Sã coyea, ahri yu yahuhtire musare masichu cahmaja sã. Cristo yaina Macedonia yahpa macaina Cohamacu cahña mehne to pja ñua mehne ti yoaire musare yahuihtja. ² Tina ñano yuhdupahta, niñeru maeraina jipahta niñerure cahño marieno ã wanocahre pjacuoinare Jesu yainare. Cristo mehne tuaro wahcheina jia, tina Judea yahpa macainare noano mehne ti cjuare ã wanocahre. ³ Musare niita nija. Tina ti cjuaro puro wahre. Jierara. Bui curero wahre. Sã sinibasaerapachuta pjacuoinare wahre tina. ⁴ Cohamacu yainare pjacuoinare tuaro yoadoho dua, “Macedonia macainare tuaro wa duaja sã”, nire tina sãre. ⁵ “Õ puro waahca”, tinare sã ni tuhoturiro bui curero wahre tina. Õ sehe yoahre tina: Wahmanore niñerure ti wahto pano mari puhtoro Cristo to cahmano seheta yoa pahñori jihre tina. ã yoa tuhsu, Cohamacu to cahmano seheta sã cãhure ño payoa mehne yuhtiri jihre. ã yoaina jia tina niñerure wahre. ⁶ Ti ã wa tuhsuchu ñuna Titore sã sehe ò sehe nihi: “Corinto macainare mu buhe ducariro seheta noano mehne pjacuoinare ti wahrenore buhe pahñoga”, nihi sã tirore. Musa cãhu painare pja ñuna, musa yoadohohto sehe ã nihi tirore. ⁷ Musa sehe jipihtiare noano yoaina ji tuhsura: Cristore potocãta noano wacũ tuara musa. ã jina to yare noano yahura musa. ã yoa Cohamacu yare noano masina musa. ã masina, Cohamacu to cahmano seheta tuaro yoa duara musa. ã yoa sãre cahña musa. Õ seheta noano yoaina ji tuhsura musa. Musa ã noaina jipachuta mahanocã duhsasinina mini musare. Pjacuoina pinihtare musa pja ñuchu cahmaja sã. ã jina jiape nino marieno tinare noano mehne musa pjíro wachu cahmaja sã.

⁸ ã nicu musare dutii waro nieraja. ã ni yahuita nija musare. Paina pjacuoinare ti tuaro yoadohorire musare yahui nija. “¿Potocãta pja ñuina jijari musa?” ni masi duai nija. ⁹ Mari puhtoro Jesucristo sehe

marine to pja ñuire masina musa. Tí to pja ñuri potocã tjira. Tiro manopu pjíro cjuariro jiparota ahri yahpamu taro pjacuoriro wahari jire. ã yoaro mari yaro jiborirore yariaro pjacuoriro wahari jire. Õ sehe wahari jire tiro mari sehe to yare pjíro mari cjuahito sehe, tiro mehne mari ã jirucuhto sehe.

¹⁰ Musare ã yahuita nija noaare musa masihto sehe. Õ sehe ni tuhotuja yuhu sehe pja cuoinare musa wahtire: Cũ cãhma wahara pja cuoinare musa wahtire musa wihbori baharo. Tí yuhdoro noano yoayuhti musa. Paina ti wa duahto pano musa sehe pjacuoinare wa dua muhtayuhti. ¹¹ ã jina musa wa dua muhtariro seheta mipure noano waga tinare. ã yoana pjíro cjuaina jina, pjíro waga. Mahanocã cjuaina jina, mahanocã waga. ¹² Tuaro musa wa duachu tíre musa warire Cohamacu wahcherohca. ã jina noho musa wa duaro puro waga. Musa wariro purota musa wachu wahcherohca Cohamacu. “Pjacuoinare wa yuhdoga”, musare nino nierara tiro.

¹³ “Pjacuoinare waga”, nicu tinare pjíro cjuã duticu nieraja. ã jicu musa sehene pjacuoina jichu yoa duaeraja.

Musare cãno potori cjuã duticu ã nii nija. ¹⁴ Mipure musa sehe pjíro cjuara. ã cjuana paye baro maerainare wa masina musa. Baharo musare paye baro maerachu tina cãhu wa masina musare. Musa ã cahma wana cãno potori cjuannahca jipihtina Cristo yaina. ¹⁵ Õ sehe nina Cohamacu yare ti joari pui: “Pjíro nariro cãhu paina bui curero cjuare. Mahanocã nariro cãhure ne mahanocã duhsaerare”, nina Cohamacu yare ti joari pui.

Tito tó mehne macaina mehne Corintopu wahaha

¹⁶ ã yoa musare yu yoadohoriro seheta Tito cãhu musare yoadoho duara. Cohamacu sehe musare to yoadoho duachu yoahre tirore. To ã yoachu ñucu “Noana”, nija Cohamacure. ¹⁷ Titore musa cahpu sã waha dutichu tiro noano mehne yuhtihre. Tirore sã waha dutihto panoputa to basita musa cahpu tuaro waha dua tuhsuriro jire.

18 Tirore pairo Jesu yairo mehne piti dahrerocahi sã tirore. Tito pitire jipihtina paina Jesu yaina noano ño payora. Noaa buheare to noano yahuriro jichu ñua tirore noano ño payora. 19 Ñ jia Jesu yaina tirore cahmahre sã mehne to tinino wahahto sehe. Tí niñerure pjacuoina cahapu sã naachu sã mehne wahahtirore cahmahre tirore. Ñ jia tí niñerure sã wabasachu ñua “Marire yoadohoriro jira”, niahca masa Cohamacu. Sã ñ wabasana tinare tuaro mari yoadoho duarire masichu yoanahca tinare. 20 Ñ jina ahri niñerure, pjíro Jesu yaina ti warire naabasana, noano ñu wihbonahca ti warocarire, “Sãre yahusãri”, nina. 21 Mari puhtoro to ñurocaroi quihõno, noano yoa duaja sã. Masa ti ñurocaro cãhure quihõno yoa duaja.

22 Ñ yoana tana pairore mari coyeirore warocanahca Tito cãhu mehne. Sã piti dahrerocarirore payu tahari painare to noano yoadohochu ñuhi sã. Ñ jiro mipure musa sehe painare musa yoadoho duachu ñuno tiro to pano to yoiro yãdoro noano musare yoadoho duara. 23 Tito sehere musare yahuihtja. Tiro yu piti jira. Musare yu yoadohochu tiro yãhu mehne dahrariro jira. Paina tiro mehne wahahtina Jesu yaina ti beserina ti warocarina jira. Tina Cristo yare yoara paina tirore ti ño payohto sehe. 24 Ñ jina cahã mehne noano mehne tinare piti bocaga musa. Musa ñ yoachu ñua paina Jesu yaina sehe musa cahãre masiahca. “Noano piti bocaahca Corinto macaina”, ni yahu tuhsãhi painare. Musa ñ noano piti bocachu ñua tí sã yahuri cjiri quihõno ti jichu masiahca paina Jesu yaina.

9

Jesu yainare pjacuoinare ti wahtore yahuha Paulo

1 Ñ yoana Cohamacu yainare musa yoadohohtore musa wahtore masi tuhsãra musa. 2 Painare musa yoadoho duaare masija yãhu. Ñ masicu Macedonia yahpa macainare õ sehe ni yahui: “Corinto macaina, ti ya yahpa Acaya yahpa macaina cãhu Jesu yaina sehe painare yoadoho

dua tuhsãhre. Cã cãhma yãhdura ti yoadoho duariro”, ni yahu tuhsãhi tinare musare. Musa ñ yoadoho duachu tãhoa payu tina cãhu pjacuoinare yoadoho duahre. 3 Musare ñ ni yahuriro jicu mipure ahrinare mari coyeare musa cahapu warocai tai nija, Macedonia yahpa macainare yu yahuriro sehetã musa yoahito sehe. Ñ jicu pjacuoinare musa wahtore musa cahmachu musa cãyayũto sehe ahrinare warocai nija. 4 Tinare warocaeracu Macedonia yahpa macaina mehne musa cahapu sãcu, musa wahtire musa cãaerachu ñucu bũo tisãboa yãhu musare. “Pjacuoinare waahca”, musare yu ni tãhoturi baharo musa waerachu ñucu bũo tisãboa yãhu. Musa cãhu bũoro yãhdũboa. 5 Ñ jicu musa cahapure yu sũto pano tinare mari coyeare waroca mũtai nija. “Pjacuoinare wanahca”, pano musa nirire musa cãyayũto sehe tinare waroca mũtai nija. Musa wahtire musa cahmachuchu tina sehe musare yahu quihõahca. Musa wahtire musa cãyayũ tuhsãchu wahchea mehne musa wa duarire masiahca jipihtina. Musare sã wa dutiri jisi tí. Musa mũ sũro musa wari jahca.

6 Ñ jina ahrire wacũga musa: Mahaa yaparicã toariro mahaa pocacã nanohca. Payu yapari toariro payu poca nanohca. (Tó sehe jira pjacuoinare mari wachu. Mahanocã mari wachu, Cohamacu mahanocã warohca marine. Pjíro mari wachu, pjíro marine warohca.) 7 Ñ jina cãina musa “Õ puro wahahtja”, ni waga. Niñerure cahãno marieno waga. “Marine wa dutire”, nino marieno waga. Wahchea mehne wainare cahãna Cohamacu. 8 Tiro sehe musa cahmano yãdoro musare warohca. Ñ jina jipihtia musa cahmarire dũhsaro marieno cãa pahãonahca. Ñ jia painare musa wachu cãhure noano mũ sãhca musa cãaa. 9 Õ sehe nina Cohamacu yare ti joari pũi:

“Pjacuoinare pjíro wara Cohamacu. Noano mehne masare ñ yoiarucura tiro”, nina to yare ti joari pũi. 10 Ñ jiro toaa dicha tiri baharo toariro to toahiti capare wara Cohamacu. Baharo to toarire dicha tichu yoara to chũhtire. Pjacuoinare musa

pjíro wachu toaritore to wariro seheta musa cūhare pjíro warohca Cohamacu. Tó sehe dihta musare warohca pjacuoinare musa wa namohto sehe. ¹¹ Ā tjira. Pjíro warohca musare painare pjíro musa ā warucuhto sehe. Ā jia musa warocari niñerure pjacuoinare sã wachu payu tina sehe Cohamacure wahchea mehne “Noana”, niahca. ¹² Ā yoana pjacuoinare Cohamacu yainare wana, tinare yoadohora musa. Ā yoadohona wahchea mehne Cohamacure “Noana”, ti nichu yoanahca musa. ¹³ Ā painare musa yoadohochu ñna, Cohamacure ño payoa mehne durucuahca masa. Tinare paina cūhare pjíro musa wachu ñna Cohamacure “Noa yuhduariro jira”, niahca masa. Ō seheta niahca Cristo ya buhea noaa buhea ti niriro seheta musa yoachu ñna tinare musa wachu ñna. ¹⁴ Ā jia Cohamacu musare tinare to wa dutichu musa sehe tinare musa pja ñuchu tina sehe musare cahña mehne sini payoahca Cohamacure. ¹⁵ Cohamacu marine noa yuhduaro yoara. To ā yoirire masina “Noa yuhduaro yoara”, nijihna mari tirore.

10

Jesu buhe duti to cūriro to jiare yahuha Paulo

¹ Mipure yuhu Paulo, musare yahuihtja. Cãina musa mehne macaina ō sehe nina yuhure: “Mari mehne jiro painare yuhduarica duaerariro, wiho jiriro yoaro sehe jira. Ā jiparota pa sehery jiro marine cuiro marieno tuhtirocara”, nina musa cãina yuhure. Cristo sehe ne suaerariro, masare noano yoiriro jira. Tiro yoaro seheta yuhu cūhu ji duaja. ² Ā jicu musare ahrire tuaro mehne yahuihtja: Musa caharu yu suchu noano yoaga musa “Paulo sãre tuhtiri”, nina. Cãina yuhure ō sehe nina: “Tiro to mu sūro, Cohamacu to dutiro marieno yoara”, nina yuhure cãina. Tó sehe niina pinihtare tuhtiboca yuhu. ³ Sã cūhu ahri yahpa macainata jina nija. Ā jipanahta ahri yahpa macaina ti mu sūro ti yoaro sehe yoaeraja sã, Cohamacu dutiare yoana. ⁴ Surara cahma wajã ti yuhduaricariro seheta sã sehe ñaare

yuhduarica duaja. Tí ñaare yoa duaeraja. Sã ā yoachu sã wamoa ahri yahpa macaina ti wamoa yoaro sehe jierara. Surara ti wamoa ti cjuaro seheta sã sehe Cohamacu to tuaare cjuaja. Tí tuaa mehne Cohamacure cahma dutierainare cohãja sã. Masa ti mu sūro ti masiare ti yaba cjihti jierachu masichu yoaja sã tí tuaa mehne. ⁵ Tuhsu, jipihtina yuhduarica duainare, ti mu sūro tuhotuinare, Cohamacure masi dutieraina sehere duhuchu yoaja sã. Ā yoa tí tuaa mehne Cohamacure cahmaerainare Cristore noano yuhtiina ti jichu yoaja sã. Cristo to cahmano seheta tinare tuhotuchu yoaja sã. ⁶ Ā yoa, paina musa mehne macaina Cristore ti yuhduaricachu ñna tinare buhiri dahrenahca sã. Musa sehe musa noano yuhtiri baharo Cristore yuhduaricainare ā buhiri dahrehtinata jinahca sã.

⁷ Yu pjacu dihtare masina musa. Yu jia tia sehere ne masierara musa. “Cristo yaina jija”, niina jina, ō sehe masiga musa: Sã cūhu musa yoaro sehe Cristo yaina tjija. ⁸ “Mari puhtoro ya buheare noaa buheare buhe dutiro, cūre sãre”, nicu payu tahari musare ā ni yahupaihta buo tieraja yuhu. Sãre ā buhe dutiro musare yoadohohtinare cūre sãre. Musare dojomehnehtinare cūno nierare sãre. ⁹ Ō seheta poto ni yahuja musare “Cuiri”, nicu. Ahri yu joarocari pūre ñna musa ñu cuachu cahmaeraja. ¹⁰ Cãina musa mehne macaina ō sehe nina: “Paulo joarocarero tuhtiriro yoaro seheta joaroca mujana marine. Ā jiriro jiparota mari mehne jiro ne ā jica nierariro jira. Pjacuoriro yoaro sehe jira. Ā jia, marine to durucua yaba cjihti jierara”, nina cãina. ¹¹ Tó sehe niinare ō sehe ni yahuihtja: “Ō seheta yoanahca”, sã ni joarocariro seheta tó seheta yoanahca sã, musa cahai jina.

¹² Cãina musa mehne macaina “Noano masi pahñoina jija”, ni durucura ti basi. Cuenah, noacaro masiina jijari tina ā ni durucua. Sã sehe ti yoaro sehe ne ā ni durucusi. Ti basi cahma ñu piti boca “Mari sehe noa yuhduaricaina jija”, nina tina ti basi. Tuho masieraina jira tina. ¹³ Sã sehe tina yoaro sehe yoasi. Cohamacu sãre buhe dutiro to cūri dihtare yahuja sã

sehe m̄sare. Paina ya dahraare “Yoahi”, nina nieraja. Tiro m̄sare buhe dutiro s̄are c̄ure. ¹⁴ Õ sehe nina, mahñona nieraja s̄a. Noaa buheare Cristo yare m̄sare buhe m̄htana s̄hi s̄a. ã jina Cohamac̄u s̄are buhe dutiro to c̄uri dihtare buhena nija m̄sare. ¹⁵ ã jina paina ya dahraare “S̄a sehe t̄ire yoahi”, ne nieraja s̄a. Wiho mejeta Cristore m̄sa wac̄u tua namoch̄u cahmaja s̄a. ã cahmana m̄sare buhe namo duaja s̄a. ã buhena Cohamac̄u to dutiriro purota buhe duaja m̄sare. ¹⁶ ã yoa m̄sa ya yahpa ȳhd̄rop̄u noaa buheare yahuna wahanahca. ã wahana paina ti buheri baharo s̄na, “S̄a buhehi”, nisi s̄a.

¹⁷ Mari yoaare “S̄ata yoaja”, nieraro cahmana. Mari p̄htoro Jesu to yoa sehere ñ̄na wahchero cahmana. Tí sehere painare yahuro cahmana. ¹⁸ Masa ti basi “S̄a sehe yoahi”, ti nich̄u ji coaerara Cohamac̄u. Mari p̄htoro Cristo “Ahrina noano yoare”, to niina sehere ji coara Cohamac̄u.

11

“Jesu to c̄urina jija s̄a”, ni mahñoinare yahuha Paulo

¹ Ȳu jia tiare yahuc̄u t̄ho masierariro yoaro sehe yahui nija. ã yahuriro ȳu jipach̄ata ȳh̄ure t̄hosiniga m̄sa mip̄ure.

² Cohamac̄u m̄sare to cahño sehetu tuaro cah̄ja ȳh̄u c̄h̄u m̄sare. Cristo yare m̄sare ȳu buhech̄u t̄hona tirore wac̄u tua d̄care m̄sa. ã jic̄u ahrire nija m̄sare: Man̄u tihticoro to man̄no c̄ihtu dihtare to cahño sehetu, Cristo sehere tuaro cah̄ga painare m̄sa cah̄riro ȳhd̄oro. Tó sehe yoaina ñ̄aa buhiri tia marieina m̄sa jich̄u m̄sare Cristore wa duaja to yaina c̄ihtire. Tó sehe j̄inare, “Tinare m̄h̄ure waihtja”, nihi Cristore.

³ Paina ñ̄aina m̄sare mahñoa, soro jia buheare cahmach̄u yoaboca m̄sare. Agã Evare mahño to masia mehne ticorore Cohamac̄u to ȳhd̄ur̄cach̄u yoari jire panop̄ure. To ã yoariro sehetu mip̄ure ñ̄aina m̄sare mahñoa, Cristore m̄sare noano ñ̄o payoerach̄u yoaboca. ã jic̄u m̄sare cuis̄aja. ⁴ Tina “Õ sehe jiriro jira Jesu”, ti m̄ s̄ro soro ni ti mahño

buhepach̄ata t̄hoyuhca m̄sa. M̄sare s̄a buheriro sehe jierapach̄ata m̄sare mahño buheinare t̄hoyuhca m̄sa. Tuhs̄u, “Õ sehe jiriro jira Esp̄ritu Santo”, ti m̄ s̄ro soro ni ti mahño buhēpach̄ata t̄hoyuhca m̄sa. M̄sare s̄a buheriro Esp̄ritu Santo waro jira. Tiro sehere quih̄no ti yahuerapach̄ata m̄sare mahño buheinare t̄hoyuhca m̄sa. Tina soro jia buheare ti mahño buhech̄u noaa buheare ti buherapach̄ata t̄ire t̄hoyuhca m̄sa. ⁵ M̄sa mehne macaina “Jesu to c̄urina jija”, nimarina ȳh̄ure masi ȳhd̄ur̄caerara. Tinare docar̄caeraja ȳh̄u. ⁶ Noano yahu mih̄niriro jieraboca ȳh̄u. Noano yahu mih̄nierapaihta Cohamac̄u yare noano masija. Ȳu ã masiare paȳu tahari m̄sare noano masich̄u yoahi.

⁷ Noaa buheare Cohamac̄u yare m̄sare buhech̄u ne wapa cahmaerahi. M̄sare yoadoho duac̄u wapa cahmaerahi. Wiho jiriro yoaro sehe j̄i ȳh̄u. ¿Ȳu ã wapa cahmaerach̄u noaerajari, m̄sa t̄hotuch̄u?

⁸ M̄sare ȳu buhech̄u paye macari macaina Jesu yaina ȳh̄ure niñ̄ere ware. Ti ã wach̄u tí niñ̄ere ñ̄ahai sinino marieno m̄sare buhei tai. M̄sa sehe ȳh̄ure m̄sa waborirore tina sehe ȳh̄ure ware. ⁹ M̄sa mehne jic̄u paye baro ȳh̄ure d̄hsapach̄ata m̄sare niñ̄ere ne sinierahi. Mari coyea Macedonia yahpa macaina Jesu yaina jipihtia ȳu cahmarire na wihire ȳh̄ure. Panop̄ure m̄sare ne cariboerahi ȳh̄u. Baharop̄u c̄h̄ure m̄sare ne caribosi. ¹⁰ Cristo potoc̄ata to yahuriro sehetu ȳh̄u c̄h̄u mip̄ure m̄sare potoc̄ata yahui nija. Jipihtiro Acaya yahpai j̄inare ahri m̄sare ȳu sinierari c̄jirire ã yahuruc̄ihtja. ¹¹ ¿M̄sare ȳu sinierari c̄jirire painare ȳu ã yahuruc̄uch̄u t̄hona, dohse ni t̄hotujari m̄sa? “Paulo ã ni yahuro s̄are cah̄eraro nina”, ¿ni t̄hotujari m̄sa? Jierara. M̄sare cah̄ja. M̄sare ȳu cah̄are Cohamac̄u masina.

¹² Wapa cahmano marieno m̄sare ȳu buhe d̄cariro sehetu sohtori tihtja. Ȳu buheri wapa ȳu wapa nach̄u ñ̄na tina “Jesu to c̄urina jija”, ni mahñoina ò sehe niboca: “Paulo noaa buheare buhero, wapa nana. ã jina s̄a c̄h̄u to yoaro sehetu yoaja”, niboca tina “Paulo yoaro sehe yoaja s̄a”,

ni duaa. “Ã niri” nicu, wapa cahmano marieno buheihija musare. ¹³ Tina potocãta Jesu to cûrina waro jierara. Tinare ne cûerare tiro. “Jesu to cûrina jija”, ni mahñoa, sã yoaro seheta jimana. ¹⁴ Ti ã mahñoina jichu masi tuhsuja yuhu. Satana cûhu noariro yoaro sehe cohtota mujana. Tiro anjo si siteriro yoaro sehe ji duaro cohtotamana. ¹⁵ To ã yoariro jichu masicû Satana yaina “Jesu to cûrina jija”, ni mahñoina Cohamacure yoadohoina yoaro sehe ti mahñoina jichu ñacu, mahñoina ti jiare masi tuhsuja yuhu. ã mahñoina ti jichu ñano, pihtiri dacho jichu jipihtia ti ñano yoari buhirire buhiri dahrerohca Cohamacu tinare.

To ñano yuhdurire yahuha Paulo

¹⁶ Pari turi ahrire musare yahuihtja. Ne “Tûho masierariro jira”, yuhure niena tjiga. Yu ã ni dutierapachata yuhure musa ã ni tûhotuchu noanohca yuhure. “Tûho masierariro jira”, yuhure ni tûhotupanahta tûhosiniga musa yuhure. Mahanocã yu jia tiare yu yahuchu tûhoga musa. ¹⁷ Musare ã yahucu tûho masierariro yoaro sehe yoai nija. Mari puhtoro Jesu yuhure “Mu basi mu jia tiare yahuga”, nierare yuhure. ¹⁸ To ã nierapachata ahrire yahuihtja musare. Ti mu suru “Noaina jija”, niina payu paina ti jichu ñacu yuhu cûhu yu jia tiare musare yahuihtja. ¹⁹ Musa sehe tûho masierainare tûhona wahchea mehne ñuyuhca musa tinare. Noacaro masiina jijari musa sehe ã tûhona. ²⁰ Musare cahamaca ti dahrechû, musare ti wapa cahmachu, musa yare ti machu, ã ñunocahna musa. ã yoa musare ti doca dahrechû, musa wahsupurire ti cjâchu, ã tûhotunocahna musa. ²¹ Noacaro yoajari musare tina. Cue, masare yuhdurucaina jijari tina. Sã sehe tina yoaro sehe yuhdurucaina jieraja.

ã jina tina yoaro sehe yoeraja. Tina yoaro sehe jierapaihta tina “Õ sehe jiina jija”, ti nichu tûhocu yuhu cûhu ãta ni yahuboca. Pari turi tûho masierariro yoaro sehe yoacu, õ sehe ni yahuihtja musare tjoa. ²² Tina “Hebreo masa jija”, nina painare yuhduruca duaa. Hebreo masanota jimaja yuhu cûhu. “Israe masa

Cohamacu to beserina jija”, nina tina tjoa. Ti yoaro seheta to beserirota jimaja yuhu cûhu. “Abrahã cjiro panamana ji turiaina jija”, nina tina tjoa painare yuhduruca duaa. Ti yoaro seheta Abrahã panaminota jimaja yuhu cûhu. ²³ “Cristo cahamaca jija”, nina tina tjoa. Yuhu cûhu Cristo cahamacunota jija. Tina yuhdoro Cristo yare noano yoaja yuhu. Cuenah, ã nicu tûho masierariro yoaro sehe durucui nija. Tina yuhdoro tuaro mehne dahrai yuhu Cristo yare yoacu. Payu tahari tina yuhdoro Cristo yairo yu jiri buhiri peresu yoare paina yuhure. Tina yuhdoro payu tahari tjanare yuhure masa. Tina yuhdoro Cristo yairo yu jiri buhiri payu tahari masa yuhure wajã duamare. Ti ã wajã duachu mahanocã yuhduri yuhu ti wajãboriro. ²⁴ Cinco tahari judio masa yuhure ñahare. Yuhure ti ñahape tahari treinta y nueve tahari yuhure tjanare. ²⁵ Tia taha paina yuhure ñahare. ã ñahaa tina pinihta yuhure ñano yucari mehne cjãre. Pa tehe yuhure paina tãa mehne docare. Tia taha dohoria mehne tâcapu doca wahã su, minii. ã jicu cû dacho, cû ñami pjiri ma dacho macapure ba pahsai. ²⁶ Payu tahari macaripure buhe tinii sui. Yu ã buhe tinichu cua yuhdure yuhure. Yuhure nu minihto cua nire. Yuhure yacahto cua nire. Yu ya dihta macaina judio masa, judio masa jieraina cûhu yuhure ñano yoahito cua nire. Macaripu, masa marienoru, pjiri mapu cûhure yuhure nu yariahto cua nire. “Mahu mehne macaina jija”, ni mahñoina cûhu yuhure ñano yoahito cua nire. ²⁷ Cristo yare yoacu tuaro dahraa tii. ã dahracu ñano wahyaa tii. Payu tahari yuhure wajo ñano puripachata ã dahrarucua tii. Ñano jucã baa tii. ã yoa ñahma yapioro jia tire yuhure. Payu tahari chua bocaeraa tii. Yu suhti sãaboa cûhu ne mariea tire yuhure. ã yoa yuhure yusua yuhdura tire.

²⁸ Õ sehe ñano yuhdurapaihta dachoripe jipihtina paina Cristo yainare, musa cûhure pjiro wacû tûhotuja. ²⁹ ã jicu cûiro Cristo yairo to ã jinocariro to jichu ñacu cahyaja. Paina Cristo yairore ñano yoa dutiboca. Ti ã yoachu ñacu Cristo yairore

cuisãacu, tina ñaina mehne suaja. ³⁰ Yahu duaerapaihta yu jia tiare yahui tacu, yu mu saro wiho jiriro yu jia tiare musare wahchea mehne yahuja. ³¹ Cohamacu mari puhtoro Jesu pucuro dachoripe mari ño payohtiro tirota musare yu mahñoerachu masina. Ahrire musare quihõno yahuihtja. ³² Damasco wama tiri macapu yu jichu ñano, cãiro puhtoro yuhure ñaha duamare. Jipihtina masa bui puhtoro Areta wama tiriro to docai jiriro puhtoro pinihta yuhure ñaha duamare. ã ñaha duaro tí maca macari sahrño, tãa mehne ti yoari sahrño macaa sopacaripe surarare cohta dutiri jire. ³³ Ti ã cohtaro watoihita yuhure mehne macaina pjiri puhropu yuhure duhu sãa, tí sahrño macari sopacacãpu yuhure duhu borore. Tí sahrño baharo buhusehepu yuhure duhu borore. Ti ã duhu borori baharo duhti wahcãa wahai.

12

Cristo Paulore to ñorire yahuha Paulo

¹ Yu jia tiare wahchea mehne yu yahuchu yaba cjihti jierara. To ã jipachuta yu jia tiare yahu namoihtja musare. Mari puhtoro Jesu yuhure to ñorire to masichu yoarire yahuihtja musare. ² Õ sehe ño ducare tiro yuhure: Catorce cãhari waro wahara yuhure Cristo yairore manopu to naa mujari baharo. Manopu ñahpichoha buipu yuhure naa mujare. Yu tuhutua dihtare to naachu masieraja yuhure. O yu pjacu cãhure to naachu ne masieraja. Cohamacu dihta tíre masina. ³⁻⁴ ã jiro paraíso wama tiropu naa mujare yuhure. Yu tuhutua dihtare to naachu masieraja yuhure. O yu pjacu cãhure to naachu masieraja. Cohamacu dihta tíre masina. To ã naa mujachu sucu tópuare to yahuaire tãhoi. Tí yu tãhorire masa ne masierara. Tí to yahurire marine yahu dutierara. ⁵ Tó sehe yuhure to ñorine musare yahucu, “Yuhure cãirota painare yuhurucariro jija”, niboia yuhure. ã nieraja yuhure. Yu mu saro masierariro yu jiare ñano yuhuriro, wiho jiriro yu jiare wahchecu musare yahuihtja. Tí dihtare wahchecu musare yahuihtja. ⁶ “Painare yuhurucaja”, musare ni yu yahu duachu yu niri cjiri potocã tjiboa.

Tó sehe ni yahucu tãho masierariro jieraboa yuhure. Wiho mejeta “Õ sehe painare yuhurucaja”, ni yahusi yuhure musare, “Cua pisaro choro yuhure ñuri”, nicu. Yuhure ñu masina ño payora musa. Musa ã ño payopachuta tí yuhuro yuhure musa ño payochu cahmaeraja. Yu yoarire ñana, yu nirire tãhona quihõno musa ño payoriro yuhuro yuhure musa ño payochu cahmasãeraja musare.

⁷ Cristo noa yuhure manore yuhure to ñochu ñuriro jicu, “Painare yuhurucaja”, niboca yuhure sehe. ã yu nierahito sehe Satana yu pjacure to duti dahrechu ñano “Noanohca”, niri jire Cohamacu. Yuhure duti dahreru jire Satana yuhure ñano wahachu yoaro. Ahri dohatiro potaca sãano to purino seheta yuhure purina. ⁸ Õ yu dohatirore yuhure yuhuro duticu sinia timai Cristore mari puhtorore. Tia taha sinia timai. ⁹ Õ sehe ni yuhure tire yuhure tiro: “Õ mu dohatiro pinihtare mahure yuhurucu yoasi yuhure. ã mahure yuhurucarihta mahure cahija. Yu cahia mehne noano jihca mahure. Dohaticu ñano yuhuriro, wiho jiriro jicu yu tuaare noano masichu yoaihca mahure. Tuaina yuhuro mahure sehe yu tuaare masare masichu yoaihca”, ni yuhure tire tiro yuhure. To ã nichu tãhocu ñano yuhuriro, wiho jiriro yu jiri cjirire masicu wahcheja. ã jicu ñano yuhuriro, wiho jiriro yu jiare musare wahchea mehne yahuihca. Õ seheta ni yahuihca Cristo to tuaa mehne yu noano jiare musa noano ñu masihtu sehe. ¹⁰ ã jicu Cristo yairo yu jiri buhiri yuhure purichu wahcheja. Paina ñano yuhure ti ni durucuchu, ñabiaro yuhurucu wahcheja. Yuhure ti ñano yoarucuchu, ñano yuhurucu Cristo tuaa mehne cãno pjaja tirore wacũ tuacu. ã jicu wahcheja.

Corinto macainare Cristo yainare pjiro cahya tuhutua Paulo

¹¹ Yu jia tiare yahucu tãho masierariro yoaro sehe yoahi yuhure. Yu ã yahupachuta tí musa ya buhiri jira. Musa sehe yu jia tiare painare noano yahuboa. Yuhure yu mu saro jicu yaba cjihti jieraboa yuhure. ã jiboriro jipaihta “Jesu to cãrina, masi pahñoina

jija”, ni mahñoinare docarucaeraja yuhũ. ¹² Potocãta ñano yũhdũriro jipaihta Cohamacũ tuaa mehne yoa ñomai mũsare. Æ ñocu Jesu to cũriro yũ jiare ñoi nimai mũsare. ¹³ Õ seheta yoamai. Paye macari macainare Jesu yainare mũsa cũhũre cũno potori yoaa timai yuhũ. Wiho mejeta mũsa dihtare cariboerahi. Mũsa dihtare paye barore sinierahi. ¿Yũ ã sinierachũ ñaa nijari, mũsa tũhotuchũ? Tí ñaa jichũ tí ñaare boga mũsa yuhũre.

¹⁴ Pũa taha mũsa cahapũ yũ sũri baharo pari turi waha duaja tjoa. Tórpũ sũcũ mũsare caribosi yuhũ. Paye barore sinisi yuhũ mũsare. Mũsa yare cahmaeraja. Cristo ya sehere mũsa yũhtiina jichũ cahmasãja yuhũ. Masa pohna sehe ti pũcũsumare ti cahmaare waerara. Ti pũcũsuma sehe ti pohna cahmaa sehere wara. (Tó seheta mũsa yũ pohna yoaro sehe jiina yũ cahmaa sehere wasi mũsa.)

¹⁵ Æ jicũ yuhũ pinihta yũ cjũaa sehere wa duaja mũsare yoadohocũ tacũ. Mũsa cahamacũno yoaro sehe ji duaja mũsare yoadohocũ tacũ. Mũsa sehere yũ ã tuaro cahĩpachũta yuhũre mũsa sehe pjiroca cahĩna, yũ tũhotuchũ.

¹⁶ Æ jicũ mũsa mehne jicũ mũsare cariboerahi. ¿Potocã tjjjarita, mũsa tũhotuchũ? Wiho mejeta cãina mũsa mehne macaina õ sehe niboca: “Paulo paye baro marine na duaro mahñoire marine”, niboca. ¹⁷ ¿Mũsa ã niriro seheta yoariro jicũ, dohse tíre yoari yuhũ, mũsa ñũchũ? ¿Mũsa cahapũ yũ warocarina yaba barore yuhũre mahño mabasari tina mũsare, mũsa ñũchũ? Mahño maerari jire tina. ¹⁸ Sohõ jiri pjapũ mũsa cahapũ Titore waha duti tuhsũhi tirore. Æ jicũ pairore Cristo yairore tiro mehne piti dahre warocahi. ¿Tito paye barore mũsare mahño mari, mũsa ñũchũ? Mahño maerari jire. Tiro yũ yoaro seheta Cohamacũ to cahmano seheta yoariro jira. ¿Æ jiro yũ yoaro sehe yoaerari tiro, mũsa ñũchũ? Yũ yoaro seheta yoari jire.

¹⁹ “Ñano yoaeraja sã”, ni dũcatana nieraja sã. Cristo yaina jija. Æ jina Cohamacũ to ñũrocaroi mũsare yahuna nija. Yũ coyea, yũ cahĩna, mũsare yahuihi mũsa sehere yoadoho duana. Mũsare yahuna, sã sehere

mũsare cahmachũ yoana nierahi. ²⁰ Tórpũ yũ sũchũ yũ cahmano sehe yoaina jieraboca mũsa. Æ jicũ mũsare tuaro cuisãaja. Æ yoa mũsa cahmano sehe yoariro jieraboca yuhũ cũhũ, tórpũ sũcũ. Soro mũsa yoachũ ñũcũ yahuihca mũsare. Tórpũ yũ sũchũ mũsa sehe cahma sayoina, painare pahsu tiina, ñaco suaeraina, mũsa mũ sũro painare yũhdũrũca duaina, painare ñano durucuina, ñaa quiti dahreina, “Painare yũhdũrũcaja” niina, mũsa cahmachunore dojomehneina jiboca mũsa. Æ jina mũsa jirore dojomehnena niboca mũsa. “Tíre yoari” nicũ, cuisãaja yuhũ mũsare. ²¹ Tórpũ yũ sũchũ mũsare yuhũre bũo tisãachũ yoaboca Cohamacũ. Jipihtinare panopũ ñano yoainare, ti ñaare cahyaerainare ñũcũ tuaro cahyaihca yuhũ. Numia mehne ñano yoainare, mũsa mehne ñano yoaa numiare, wũana tiinare, ñaare goa pjainare ñũcũ cahyaihca yuhũ.

13

Paulo yahu batoaha

¹ Mipũre mũsa cahapũ wahacũ tia taha sũihca tórpũre. Pũa taha tórpũre sũ tuhsũi. Õ sehe nina Cohamacũ yare ti joari pũi: “Cãirore mari buhiri dahrehto pano tiaro tirore yahusãno cahmana. Tiaro mariachũ pũaro tirore yahusãno cahmana. Ti ã yahusãri baharo buhiri dahre masija mari”, nina Cohamacũ yare ti joari pũi.

² Panopũre ñano yoaina cjiri mũsa jichũ mũsare, jipihtina paina cũhũre ahrire cuaro mehne yahui. Cũ taha mũsa cahai pari turi sũcũ mũsare ahrire yahui. Mipũre mũsa mehne jieracũ pari turi mũsare ahrire yahurocaihtja tjoa: Mipũre mũsa cahapũre sũcũ, panopũ ñano yoainare paina cũhũre potocãta buhiri dahrehtja yuhũ. ³ Yũ ã yoachũ ñũna, Cristo to cũriro yũ jia tiare to tuaa mehne yũ buherire masinahca mũsa, mũsa masi duariro seheta. Cristo sehe mũsare dutiriro tua yũhdũrũcũ sũriro jira. Æ jiro to tuaare ñona mũsare. ⁴ Mari yoaro sehe pjacũ tiro, to tuaare ñoaeraro tiro wiho jirore yoaro sehe crusapũ yariari jire. Æ yariaparota Cohamacũ to tuaa mehne catiriro jira tiro mipũre. Tiro crusapũ jiro wiho jirore to

jiriro seheta sã cũhũ wiho jiina jija. ã jipanahta Cohamacũ tuaa mehne jinahca m̄sare yoadohona tana.

⁵ ã yoa m̄sa sehe cãina m̄sa basi õ sehe ni tũhotuga: “¿Potocãta Cristore wacũ tuajari yũhũ?” ni tũhotuga m̄sa cãina. “¿Potocãta Cristo to cahmano seheta jijari yũhũ?” ni tũhotuga m̄sa cãina. M̄sa ã jierana to yaina waro jierara m̄sa. To yaina waro m̄sa jichũ Cristo m̄sa mehne jiro nina. ¿Tíre masierajari m̄sa? ⁶ Sã sehe “Jesu yaina, to yare yahu duti to cũrina jija”, ni mahñoina jieraja. To yaina, to cũrina waro jija sã. Tíre m̄sa masichũ cahmaja yũhũ. ⁷ ã jicũ m̄sa ñano yoaerahto sehe Cohamacũre sini payoja m̄sare. ãta sini payoja sã noaare, Cristo yare m̄sa yoahto sehe. M̄sa ã yoachũ ñuna sã õ sehe niboca: “Corinto macainare buhena, quihõno buhei sã”, niboca sã painare sãre ño payo dutina. ã ño payo dutieraja sã. Tí yaba cjihti jierara. ã jina Cohamacũre sini payona, m̄sa ya cjihtire sini payona nija. Paina sãre “Mahñoina jira”, ti nipachũta noaare, Cristo yare quihõno m̄sa yoachũ pinihtare cahma yũhdũaja sã. ⁸ Õ sehe dihta m̄sa noaare yoachũ cahmasãja sã. Cristo yare, potocã jiare soro ni yahu masieraja sã. ⁹ “Cristo cahmaare yoaerara m̄sa”, ni m̄sare yahusã masierana, wiho jiina yoaro sehe jiboca sã, m̄sa ñũchũ. Noanohca. Noaare, Cristo yare yoana m̄sa sehe wiho jiina jierara. M̄sa ã jichũ ñuna wiho jiina yoaro sehe sã jipanahta wahcheja. ã jina Cristore wacũ tuaina, noano yũhtiina m̄sa wahahtore Cohamacũre sini payona nija sã m̄sare. ¹⁰ ã jicũ m̄sa mehne jieracũ m̄sare ahri tjure joarocayui nija. M̄sa caharũ sũcũ, ñano yoaina m̄sa jichũ ñucũ m̄sare buhiri dahrehtja. Cristo yũhare to dutiriro seheta m̄sare buhiri dahrehtja. Yũ ã buhiri dahrerahto sehe ahri tjure m̄sare joarocayui nija. Cristo yũhare to dutiriro seheta m̄sare yoadohohtirota jija. M̄sare dojomehnehtiro jieraja.

¹¹ Mipũre yũ coyeya, ahrire yahu batoihtja m̄sare. Noano wahcheina jirucuga m̄sa. Cristore wacũ tua namoga. ã yoana

noaina, tirore yũhtiina jiga. M̄sa mehne macaina mehne cãno mehne jiga. M̄sa basi noano mehne jiga. M̄sa ã jichũ ñũno m̄sa mehne Cohamacũ jirohca. Tiro marine cahma cahĩchũ yoariro, marine noano mehne jichũ yoariro jira. ¹² ã yoana m̄sa mehne macainare noano mehne piti bocasiniga. ¹³ Jipihtina õ macaina Cohamacũ yaina m̄sare noa dutira.

¹⁴ Mari pũhtoro Jesucristo m̄sare to cahĩa mehne, Cohamacũ cũhũ m̄sare to cahĩa mehne Espĩritu Santo m̄sa mehne jirucuriro to yoadohoa mehne noano jiga m̄sa.

Gálatas

Galacia wama tiri yahpa macainare Jesu yainare joarocaha Paulo

¹ Yuhũ Paulo, Cristo yare buhe dutiro to cũriro jija. Masa ti cũriro jieraja yuhũ. Ā yoa masa sehe yuhũre Cristo buhe dutiro to cũhtore yuhũre yahuerare. Cohamacũ Jesu Pũcũro sehe Jesure yariaritore masoriro yuhũre cũre to yare buhehtirore. Jesucristo cũhũ yuhũre cũre. Ti Ā cũriro jicũ ahrire joarocaja mũsare. ² Yuhũ mũsare Jesu yainare Galacia yahpa macainare noa dutija. Yuhũ mehne macaina Jesu yaina cũhũ mũsare noa dutira. ³ Cohamacũ mari Pũcũ, mari pũhtoro Jesucristo mehne mũsare noa dutija. Cohamacũ to yoado-hoa mehne noano jiga mũsa. ⁴ Tiro Jesucristo sehe mari ñaare yoari buhirire yariari jire. Mipũre masa ti ñaare yoari dacho jira. Ā jiro ahri dacho baroihta tiro yariari jire Cohamacũ mari Pũcũ to cahmariro seheta marine yuhdũchũ yoaro taro. Ā to yuhdũchũ yoachũ ñaare mipũre ti yoariro seheta yoa duasi mari. ⁵ Ā yoa jipihtia dachoripe tirore mari Pũcũre ño payojihna. Āta yoajihna.

Cohamacũ masare to yuhdũchũ yoahiti buhea cãnota jira. Paye buhearũ mariahna

⁶ Cristo mũsare cahĩno to yaina cjihtire mũsare cũre. Ā jicũ mũsare cũriro yare cohãna, soro jia buhea sehere dói mũsa cahmachũ ñũ cũaa wahaja yuhũ. ⁷ Paye buhea noaa buhea yoaro sehe jia buhea waro jierara. Ti Ā jierapachũta cãina mũsa cahai jiina mũsare cariboa, soro jia buheare buhea, noaa buheare ni dojomehne duara. ⁸ Ā yoa mũsare sã buhe mũhtari cjihtire mari cohãchũ soro jia buhea sehere mari buhechũ Cohamacũ marine buhiri dahrejaro. Tuhsũ, anjo mũano macariro Ā to buhechũ tiro cũhũre buhiri dahrejaro Cohamacũ. ⁹ Pano sã niriro seheta mipũre pari turi nihtja tjoa: Cãiro mũsare sã buherire cohãno, soro jia buheare to buhechũ Cohamacũ tirore buhiri dahrejaro.

¹⁰ Ā nicũ “Tiro dihta noano buheriro jira”, yuhũre ni dutii nieraja. Cohamacũ sehe yuhũre “Noano buhere mũhũ”, to nichũ cahmaja. Masare wahchechũ yoacũ tacũ soro jia buheare buheboa yuhũ. Ā buhecũ ne Cristo cahamacũno jieraboa yuhũ.

Paulo Cristo to buhe duti to cũriro to jidũcarire yahuha

¹¹ Yũ coyea, ahrire mũsa masichũ cahmaja yuhũ: Noaa buheare yũ buheri cjiri masa ya buhea jierara. ¹² Tí buhea masũnore yũ tũhori jierara. Ā jia paina masa yuhũre tí buheare yahuerare. Jesucristo sehe yuhũre tí buheare masichũ yoare.

¹³ Panopũre yũ coyea judio masa ti yoaa tiro sehe yũ yoariro jichũ masina mũsa. Ō sehe yoaa tii yuhũ: Jesu yainare tuaro ñano yoacũ tinare noano wajã pahñonoca duamai. ¹⁴ Sã ñũchũsuma tí buherire tuabiaro yoa duacũ yũ coyea yũ cãno potori bũcũarina yuhdoro yoa mũhtariro jia timai yuhũ. ¹⁵ Yũ Ā jiro jipachũta yũ masa bajuahto pano Cohamacũ yuhũre bese tuhsũri jire. Ā jiro yuhũre cahĩno tiro to yairo cjihto, to cahamacũno cjihto cũre yuhũre. ¹⁶ Ā yoa to cahmano seheta to macũnore yuhũre masichũ yoare to yare noaa buheare judio masa jierainare yũ buhehti cjihtire. To Ā yoachũ “¿Dohse ni buhero cahmacari yuhũre?” ni masare sinitu ñũerahi yuhũ. ¹⁷ Ā yoa Cristo to cũrina yũ pano jirina cahapũre Jerusalẽpũre sinitu ñũi wahaerahi. Arabia yahpapũ wahai yuhũ. Ā jicũ Damascopũ majare wihii tjoa.

¹⁸ Tia cũhma baharo Pedrore ñũcũ wahai yuhũ Jerusalẽpũ. Tópũre pũa somana waro jii. ¹⁹ Ā yoacũ painare Cristo to cũrinare ñũerahi. Santiago dihtare mari pũhtoro bahũrore ñũi. ²⁰ Ō sehe ni joarocacũ Cohamacũ mehne ne mahñope joaeraja.

²¹ Baharo Siria yahpapũ, Cilicia yahpapũ cũhũre wahai. ²² Tópũre yũ sũchũ tí pjare Judea yahpapũ jiina Jesu yaina yuhũre ne ñũ masierasinire. ²³ Ā jia ahri dihtare yuhũre masi dũcare tina: “Panopũre marine ñano yoariro mipũre noaa buheare to

cohã duari buheare buhero nina”, ni masi ducare tina. ²⁴Yuhure ã masia Cohamacure “Noa yuhduariro jira”, nire tina.

2

Paina Cristo to cūrina Paulore piti boca dōihta cahmana

¹ Catorce cahmari baharo pari turi Jerusalēru wahacu Bernabé mehne wahai. Tito cūhu wahare yuhu mehne. ² Cohamacu yuhure to waha dutichu tōpūre wahai. Jerusalēi jicu Jesu yaina puhto ti sahsero ti cahmachuchu űucu noaa buheare judio masa jierainare yu buherire yahui tinare. “¿Judio masa jierainare noaa buheare yu buhechu noajari, m̱asa ṯhotuchu?” nicu, ã ni yahui tinare. Æ ni yahui tinare panopu yu buherire mipure yu buheri cūhure ti noano masihto cjihtore, tīre “Noana”, ti nihto cjihtore. Ti ã nierachu yu buheri cjiri yaba cjihti jieraboa. ³ Yuhu mehne macariro Tito judio masano jierariro jiro, circuncisiōre yoerariro jira. To ã yoamahnoerariro to jipachuta Jesu yaina puhto “M̱hu cūhu circuncisiōre yoaga”, nierare tirore. ⁴ Ti ã nierapachuta caina “Jesu yaina jija”, ni mahñoina wacūenoca sã mehne sãa, tirore circuncisiōre ti yoachu cahmamare tina. Jesu yaina mari jina “Panopu macaare ti dutiriro sehe yoana tí mehne yuhdusi”, ni ṯhotuja mari. Mari ã ni ṯhotuina jichu mari yoare űu duaa tina sehe sã mehne mahño sãare. Æ yoaa sã űuchusuma ya dutiare yoa duti duaa, tí dutiare ño payorucuina jichu yoa duamare sãre tina. ⁵ Ti ã yoa duapachuta noaa buheare quihōno m̱asa noano masihto cjihtore ne mahanocã mehne ṯho duaerahi sã tinare.

⁶ Æ yoa Jesu yaina puhto noaa buheare yu buherire ti ṯhori baharo “Õ sehe ni yahu namoga judio masa jierainare”, ni yahu quihōerare tina yuhure. Jesu yaina puhtoare wiho jiina yoaro seheta ṯhotuja tinare. Cohamacu sehe jipihtinare cūno potori ṯhotura. Æ jicu ãta ṯhotuja yuhu cūhu. Tina sehe yu buheriro sohtoare buhedoho masierare. ⁷ Æ jia judio masa jierainare yu buhehtire Cohamacu yuhure

to cūrire ṯhoa, “Tóiẖta jira”, nire tina. Judio masare buheare Cohamacu Pedrore to cūriro seheta tó seheta yuhu cūhure cūre judio masa jierainare yu buhehtiro cjihtore. ⁸ Judio masare Pedrore buhe dutirirota yuhu cūhure tirota buhe dutire judio masa jierainare.

⁹ Æ jia Santiago, Pedro, João mehne “Jesu yaina puhto”, ti niina noaa buheare buherire Cohamacu yuhure to cūrire ṯhoa “Tóiẖta jira”, nire tina. Æ niata yuhure Bernabé mehne noano wahchea mehne wamomaca ñahare sãre piti tia. Æ jina judio masa jierainare buheina jija sã. Santiago cūhu sehe judio masare buheina jira. “Æta wahajaro”, nii sã sã basi. ¹⁰ Æ nipahta tina judio masare pjac̱oinare yoadoho dutire sãre. Pjac̱oinare yoadohohtiro jiita nija yuhu.

Antioquíai Paulo Pedrore tuhtiha

¹¹ Æ yoa Pedrore Antioquíaru to s̱ri baharo quihōno to yoerari buhiri tuhtii tirore. ¹² Õ sehe yoare tiro: Santiago to warocaina Antioquíaru ti s̱hto panocã, Pedro sehe judio masa jieraina mehne cẖro nire. Santiago warocaina judio masa jierainare “Circuncisiōre yoaga” niina, judio masa panopu macaina ya dutiare yoa dutiina jire. To ã cẖro watoi tina s̱re. Æ cẖriro jiparota tina to caharu ti s̱chu űuno, tinare cuiro, Pedro judio masa jierainare duhunoca, pari turi tina mehne cẖro wahaerare. “Mipure wihiina yuhure tuhtiri” nino, judio masa jieraina mehne chu namoerare. ¹³ To ã mahño cureriro seheta to yoachu űua, paina judio masa cūhu tirore űu cū, tina cūhu tó seheta yoare. Æ jiro Bernabé masa noariro jiparota tina yoaro seheta yoare tiro cūhu.

¹⁴ Æ jicu judio masa jierainare ti duhuri buhiri noaa buhea ti niriro seheta tina ti yoerachu űucu, jipihtina Jesu yaina panoi Pedrore yahui: “Judio masa ya dutiare yoa dutiina ti űurocaroi judio masa jieraina mehne m̱u chu duaerachu űua õ sehe ni ṯhotuboca tina judio masa jieraina: “Jesu yaina dihta jina judio masa yoaro sehe yoajihna mari cūhu”, ni ṯhotuboca. Æ ni ṯhotuchu yoara m̱hu tinare. ¿Dohseacu tinare judio masare űu cūchu yoa duajari

mũhũ ã piti ti duhucũ? Judio masũno jipaihta judio masa jieraina yoaro sehe yoamare mũhũ. Æ yoacũ judio masa yoaro sehe yoerare mũhũ. ¿Æ yoariro cjiro jipaihta dohseacũ judio masa jierainare judio masare ñũ cũchũ yoa duajari mũhũ?” nii tirore.

Judio masare paina masa yoaro seheta Jesure wacũ tua dutiha Cohamacũ

¹⁵ Sã sehe judio masa masa bajuana, paina ñano yoaina judio masa jieraina yoaro sehe jieraja sã. ¹⁶ Æ jiina sã jipachũta Cohamacũ dutiare Moise cjirore to cũrire yoarina sã jichũ “Noaina jira”, ni ñũeraboa Cohamacũ sãre. Tíre mari masija. Æ yoa Jesucristore mari wacũ tuachũ Cohamacũ marine “Noaina jira”, ni ñũnohca. Tíre masina, sã cũhũ Jesucristore wacũ tuaja tirore sã wacũ tuari mehne sãre “Noaina jira”, Cohamacũ to ni ñũhto cjihtore. To dutia cjirore sã yoarina jichũ “Noaina jira”, ni ñũeraboa Cohamacũ sãre. Ne tí dutia yoaa mehne noaina jierara masa, Cohamacũ to ñũchũ.

¹⁷ Wiho mejeta Cristore mari wacũ tuaa mehne noaina Cohamacũ yaina mari waha duachũ, ñaina mari jiare masichũ yoarohca Cristo. ¿Cristo mari ñaare marine masichũ yoaro ñaina marine jichũ yoajari tiro, mũsa tũhotuchũ? Ne mahanocã mehne yoerara. ¹⁸ Sã dutia yoaa mehne yũhdũ duamarina cjiri jipanahta tí buheare cohãi. Æ cohãpanahta pari turi tí buheare yoana tí dutiare sã yoa pahñoerari buhiri potocãta buhiri tinahca sã. ¹⁹ Cohamacũ dutiare Moise cjirore to cũrire cũno pjaeraja mari. Æ jia, tí dutia marine duti namoerara. Cohamacũ to tuaa mehne to yaina jija mari. Cristo mehne crusai yariaina yoaro sehe jija mari. ²⁰ Æ jina yariariro to mũ sũro to yoerariro seheta mari mũ sũro yoeraja mari. Cristo ya tuaa mehne yoaja. Æ yoa mipũre Cohamacũ macũnore wacũ tuaa mehne jirucuja mari. Tiro Cohamacũ macũno marine cahĩre. Æ jiro mari ya buhirire yariare. ²¹ To dutia yoaa mehne noaina Cohamacũ yaina mari wahachũ Cristo to yariari sehe ne yaba cjihti jieraboa. Cohamacũ marine to cahĩre, Cristo to yariarire wiho jia yoaro sehe jichũ yoa

duaeraja yũhũ sehe. Æ jicũ “Dutia mehne yũhdũihca”, ne nieraja yũhũ.

3

Cohamacũ dutia Moise cjirore to cũrire, wacũ tuaa cãhũre yahuha Paulo

¹ Yũ coyea, mũsa Galacia macaina tũho masieraina ji wama tira mũsa. Jesucristo crusai to yariari buheare jipihina ti ñũrocaroi mũsare yahui. ¿Æ jina mipũre to yare mũsa yũhdũrũcahtore paina mũsare ti dojomehnechũ dohse yoana tinare yũhtiri mũsa? ² Ahrireta yahu duaja mũsare: Dutiare mũsa yoaa mehne Espĩritu Santore cjuerara mũsa. Noaa buhea sehene tũhona Cristore mũsa wacũ tuaa mehne Espĩritu Santore cjuara mũsa. ³ Espĩritu Santo mehne mũsa Cristo yaina ji dũcana mipũre mũsa mũ sũro mũsa yoaa mehne Cohamacũ cahapũ mũsa waha duachũ ña nina. Tũho masieraina jira mũsa, ã yoana. ⁴ ¿Noaa buheare mũsa yoari buhiri payũ tahari mũsa ñano yũhdũna wiho warota ñano yũhdũnocana niri mũsa, ã wahana? Wiho waro jierara mũsa ã wahari. ⁵ ¿Dohse mũsa yoari wapa Espĩritu Santore mũsare wari Cohamacũ, mũsa tũhotuchũ? To dutiare mũsa yoari wapa waerare tiro. To buheare noano mũsa tũhochũ ñũno tirore mũsa wacũ tuari baharopũ Espĩritu Santore ware tiro. ¿Cohamacũ mũsa watoi to tuaa mehne yoa ñono dohse jiro baro ã yoa ñojari tiro, mũsa tũhotuchũ? To dutiare mũsa yoari wapa ã yoa ñoerare tiro. To buheare noano mũsa tũhochũ ñũno tirore mũsa wacũ tuari baharopũ ã yoa ñore tiro.

⁶ Abrahã cjiro Cohamacũre wacũ tuaa tiri jire. To ã yoachũ tirore Cohamacũ “Noariro jira”, ni ñũa tiha. ⁷ Æ jina ahri yũ nihtire masiga mũsa: Cohamacũre wacũ tuainata potocãta Abrahã cjiro panamana ji turiaina waro pa turu macaina yoaro sehe jira. ⁸ Panopũ Cohamacũ yare ti joari pũi õ sehe ni yahua tiha: Judio masa jieraina Cohamacũre ti wacũ tuachũ ñũno “Noaina jira”, ni ñũna Cohamacũ. To ã ni ñũhtore Cohamacũ pano masiyuro, tiro noaa buheare Abrahãre pano yahu mũhta tuhsũa tiha. “Mũhũ mehne ahri yahpa macainare jipihinare noano yoaihtja”, nia tiha Cohamacũ Abrahãre. ⁹ Æ

jiro Abrahã cjiro Cohamacure noano tũho wacũ tuaa tiha. To ã wacũ tuachũ ñũno Cohamacu tirore noano yoaa tiha. ã yoa paina masa Cohamacure ti wacũ tuachũ, tina cũhure noano yoarohca Cohamacu, Abrahã cjirore to yoariro seheta.

¹⁰ “Moise cjirore to cũri dutia mehne Cohamacu yaina wahanahca”, ni tũhotuina buhiri tiina jira. To joari pũi ãta nina: “Cohamacu dutiare to ya tjuí ti joarire yoa pahõeraina buhiri tiina jira tina jipihtina”, ni joaa tiha. ¹¹ Cohamacu yare ti joari pũi õ sehe nina: “Cohamacure wacũ tuainare ‘Noaina jira’, ni ñũna Cohamacu. ã wacũ tuaa jipihtia dachoripe Cohamacu mehne ã jirucuahca”, nina Cohamacu yare ti joari pũi. To ã nichũ ahri yũ nihtire mari noano masija: To dutiare ti yoaa mehne masa noaina wahaerara, Cohamacu to ñũchũ. ¹² Dutia yoaa mehne Cohamacu cahapũ waha duaina Cohamacure wacũ tuaerara. Õ sehe nina Cohamacu yare ti joari pũi: “Dutiare yoaa mehne noaina waha duainare tí dutiare yoa pahõono cahmana tinare, dũhsaro marieno”, nina Cohamacu yare ti joari pũi. Wiho mejeta to dutiare yoa pahõeraina jira masa. ã jia Cohamacu ñũroçaroi noaina waha masierara.

¹³ ã jia tí dutia marine buhiri tichũ yoara. Mari ã buhiri tichũ ñũno Cristo sehe to basi mari yaro jiborirore buhiri tiroro waharo, mari buhiri tiborirore tiro sehe cohãbasare marine. Cristo to buhiri tihtore yahuro õ seheta ni joaa tiha panopure: “Jipihtina yucũçapũ ti duhu õina buhiri tiina jira”, ni joaa tiha panopure. ¹⁴ To ã ni yahu joariro seheta ã yoari jire Cristore. Cohamacu Abrahã cjirore “Ahri yahpa macainare noano yoaihtja”, to niriro seheta yoaro niri jire masare. ã yoari jire Cristo mehne. Tiro yariari jire Cohamacu judio masa jierainare noano to yoahito cjih-tore. ã yoaro Jesucristo mehne Cohamacu Abrahãre to niriro seheta tuhsuri jire. ã yoari jire tiro tirore mari wacũ tuari baharo Espiritu Santore mari cjuahito cjih-tore.

To buherire quti mehne yahu namoha Paulo

¹⁵ Yũ coyeyã, masa ya quti mehne tí yũ nirire yahuihtja musare: Cãiro paio

mehne “Õ sehe yoajihna mari”, ni cãno mehne ti joa cũpachũta paio tí pũre soro ni dojomehne joa namo masierara. ã yoa tuhsũ, tí pũre “Quihõno jierara”, ni masierara tiro. ¹⁶ Tí pũre cãno potori ti joa cũriro seheta “Musare noano yoaihtja”, Cohamacu nino, Abrahãre to panamino ji turiariro cũhure ni yahu cũno nia tiha. ã ni yahu cũno paina to panamana ji turiainarũre ni yahu cũno niera tiha. Cãiroreta to panamino ji turiariro dihtare ni yahu cũno nia tiha Cohamacu. Tiro Abrahã panamino Cristo jira. ¹⁷ Mipure noano yahuihtja musare: Abrahã cũhure Cohamacu “Musare noano yoaihtja”, to ni cũri baharo cuatrocientos treinta cũhmari yũhdũri baharo to dutiare Moise cjirore cũa tiha. ã cũno Abrahã cũhure Cohamacu “Musare noano yoaihtja”, to yahu cũri cjirore boro taro niera tiha. ¹⁸ Cohamacu marine yũhdũchũ yoaro, dutiare mari yoaa mehne marine yũhdũchũ yoarera. Dutiare yoaa mehne mari yũhdũchũ Cohamacu “Musare noano yoaihtja”, to ni yahu cũri sehe yaba cjihti jieraboa. Wiho mejeta to dutia mariasinichũpũ Abrahãre ã ni cũ mũhtaa tiha.

¹⁹ ¿ã jiro dohse jiro baro to dutiare cũri Cohamacu? To dutiare cũha tí dutiare mari yũhdũrũcarire mari noano masihto sehe. ã jiro panopure Cohamacu “Mũ panami mehne masare noano yoaihtja”, Abrahãre to niriro to wihihto pano Cohamacu to dutiare cjuaa timaha masa. Cohamacu to dutiare to cũchũ to anjoa sehe tíre duti turiaa tiha. ã yoa Moise cjirore ti cũchũ, tiro sehe masare cũ turiaa tiha tjoa. ²⁰ To dutiare Moise cjiro to cũ turiachũ Cohamacu to basita masare cũera tiha. ã cũeraparota Cohamacu “Mũhure noano yoaihtja”, Abrahã sehere ni yahu cũno, to basita ã ni yahu cũa tiha.

²¹ Cohamacu Moise cjirore to dutiare cũno, tó pano Abrahãre to ni yahu cũrire “Yũ niriro sehe yoasi yũhũ”, nino niera tiha tiro. Abrahãre to niriro seheta yoaro taro nia tiha. To dutia yoaa mehne Cohamacu yaina wahana tí pja pinihta dutiare mari yoaa mehne noaina wahaboa mari. ²² Wiho mejeta Cohamacu to yare

ti joari pũ sehe jipihtina ñaa buhiri tiina, ñaare duhu masieraina ti jirire yahua tiha. Æ ni yahua tiha Cohamacũ “Mũsare noano yoaihtja”, pano to niriro seheta to yoahito cjihtore. Æ yoaro Jesucristore wacũ tuainare noano yoara tiro pano to niriro seheta.

²³ Jesucristo ya buheare mari tũhohto pano, tirore mari wacũ tuahto pano Cohamacũ Moise cjirore to cũri dutia dihtare masimahi mari. Æ masimarina jina ñaa buhiri tiina, peresupũ jiina yoaro sehe tí ñaare duhu masieraina jina, dutia dihtare masiina jimahi mari. ²⁴ Æ jia Cristo to wihito pano Cohamacũ dutia sehe marine yahure dahra cohtariro to pũhtoro pohinare to yahuriro seheta. Æ yahure marine baharo Cristore mari wacũ tuua mehne Cohamacũ “Noaina jira”, marine to ni ñũhto cjihtore. ²⁵ Mipũ pinihtare Cristore mari wacũ tuari pja jira. To ã jichũ dahra cohtariro yoaro sehe to dutia sehe marine yahu namoerara. Marine dutirucu namoerara. ²⁶ Æ jina Cristo Jesure wacũ tuaina jina Cohamacũ pohina jira mũsa. ²⁷ Jipihtina mũsa co mehne bautisarina jira Cristo yaina mũsa jiare ñona tana. Æ yoana to yaina jina, Cristo yoaro sehe jiina wahana nina mũsa. ²⁸ Mipũre pũa curua jierara mũsa. Judio masa jieraina, judio masa mehne pũa curua jierara mũsa. Dahra cohtaina, dahra cohtaina jieraina mehne pũa curua jierara mũsa. Mũa, numia mehne pũa curua jierara mũsa. Jipihtina mũsa Cristo yaina jina, cã curuata jira mũsa. ²⁹ Cristo yaina jina, Abrahã Cohamacũre to wacũ tuariro seheta yoaina jina, Abrahã panamana waro jira mũsa. Mũsa ã jiina jichũ Cohamacũ Abrahãre “Mũsare noano yoaihtja”, to ni yahu cũriro seheta mũsa cãhũre noano yoarohca tiro. Cristo yaina mũsa jichũ ñũno mũsare noano yoarohca.

4

¹ Õ sehe jira ahri quitu mehne yũ yahu namochũ: To pũcũro baharo to yare nahtiro wahma bũcũariro jiro pũ jipihtia to ya jipachũta dahra cohtariro yoaro seheta ne paye baro maerariro yoaro seheta jira tiro. ² Æ jia tiro wahma bũcũariro to jichũ

tirore ñũ wihboina to yare ñũ wihbora. Æ yoa to pũcũro to quihõri pja mũ sũchũpũ to pũcũro yare cjuarohca to macũno. ³ Õ seheta wahma bũcũariro yoaro seheta jimai mari cãhũ. Æ jiina mari jisinchũ dahra cohtainare ti dutiriro seheta Moise cjirore to cũri dutia, mari ñũchũsuma panopũ macaina ti cũri dutia cãhũ marine dutisinimare. ⁴ Mari ã jiina jipachũta to quihõri pja mũ sũchũ Cohamacũ to macũnore warocari jire. Æ to warocachũ to macũno cãcoro numino mehne masa bajuari jire. Æ jiro tiro judio masũno masa bajuaro Cohamacũ dutia Moise cjirore to cũri cjirore yoarucuriro jiri jimare. ⁵ Mari cãhũre tí dutiata dutisiniri jimare. Æ jiro marine yũhdũchũ yoahitiro cjihtore warocari jire Cohamacũ to macũnore, to pohina waro mari wahahto cjihtore.

⁶ Æ jiro to pohina mũsa jichũ ñũno, Cohamacũ macũno to yairo Espĩritu Santore mũsa mehne jihtirore warocari jire Cohamacũ. To yairo Espĩritu sehe Cohamacũre “Mai”, niriro jira. ⁷ Æ jina mũsa Cohamacũ to yoadohoa mehne dahra cohtaina jierara mũsa mipũre. To pohina jira mũsa. Æ jina to pohina jina, Cohamacũ to wahtire cjuanahca mũsa.

Paulo Galacia macainare Jesu yainare cuisãha

⁸ Panopũ Cohamacũre mũsa masierasiniina jina “Cohamacũ jira”, mũsa nia masũrine ño payona tí masũrine dahra cohtaina jiri jimare mũsa. Mũsa ã ño payoina potocãta cohamana waro jierari jire. ⁹ Æ jirina cjiri jipanahta mipũre Cohamacũ warore masina mũsa. Jierara. Tiro pinihta mũsa sehere masina. ¿To ã masipachũta dohse yoana ahri yahpa macaina ya buhea sehere cahmajari mũsa tjoa? Ti ya buhea mehne noano yũhdũ duapanahita ne yũhdũsi mũsa. Æ yoa baharo Cohamacũ jipihtia dachoripe mũsare to wahtire cjuasi mũsa. Æ yoana tí buhea mehne yũhdũ duana, pari turi ti ya dutiare dahra cohtaina yoaro sehe wahana nica mũsa. ¹⁰ Cãa dachorire, cãa sũrine, cãa puhibũcũre, cãa cãhmarine bose nũmũrine dahre dutira mũsa. “Mari ã

yoaa mehne dutia mehne yuhduhahca”, ni tūhotumana mūsa. ¹¹ Mūsa ā ni tūhotuchū mū sare tuaro yū buheri cjiri yaba cjihti jieraboca, yū tūhotuchū.

¹² Yū coyea ahrire tuaro dutiitja mū sare: Cristore yū tūhoturiro seheta mūsa cūhū tirore tūhotuga. Panopū dutia yoaa mehne yuhdu duaina jierari jimare mūsa judio masa jieraina jina. Mipū sehēre yūhū cūhū mūsa yoaro seheta wahai dutia yoaa mehne yuhdu duaeracū. Ā jina Cristore yū tūhoturiro seheta mūsa cūhū āta tirore tūhotuga. Mūsa mehne yū jichū ne űano yoaerare mūsa yūhūre.

¹³ Ahrire masina mūsa. Tóru dohatiriro jicū, pa seherū waha masieracū noaa buheare mū sare buhe dūcai. ¹⁴ Yū ā dohatiriro jipachūta, yūhūre pumeborina mūsa jipanahta, yūhūre yabierare mūsa. Ā jina yūhūre “Waharisa”, nierare mūsa. Ā jina Cohamacū yairo anjore, Jesucristo cūhūre mūsa piti bocaboriro seheta yūhūre noano piti bocare mūsa. ¹⁵ ĶMipūre dohse wahari yūhū mehne mūsa wahchea? Mū sare ahrire niitja: Cūno pjana mūsa caparire orewe na yūhūre waboa mūsa. ¹⁶ ĶYūhū mehne macaina jipanahta mipūre quihōno mū sare yū yahuchū űū tuhtijari mūsa yūhūre?

¹⁷ Sohō jiina soro ni buheina mū sare tuaro cahmasāana. Ti tūhotua soro jira. Noaa jierara. Tina mū sare yūhūre yuhduhūcachū cahmana, tina sehēre mūsa cahmahto sehē. ¹⁸ Noano mehne mūsa noano wahahto sehē mū sare ti cahmasāachū noa niboa. Ā yoaa tópare yū mariachū cūhūre ti ā cahmasāachū noa niboa. ¹⁹ Yū pohna, niji wahcōricoro to űano yuhduro seheta mū sare űano wacū tūhotuja yūhū. Pū Cristo yoaro sehē mūsa jichūpū mū sare wacū duhuihca. ²⁰ Michapucacā mūsa mehne jicū tuhtiro marieno wahchea mehne mūsa mehne yū sūhūduchū noaboa yūhūre. Mū sare pjiro tūhotui nija yūhū.

Agar Sara mehne ti jiri cjirire yahuha Paulo

²¹ Tūhoga mūsa yūhūre. Cohamacū to dutiare yoaa mehne yuhdu duaina jipanahta to dutia sehēre noano masierara mūsa. ²² Ō sehē nia tiha Cohamacū

yare ti joari pūi: Abrahā pūaro pūcūro jia tiha. Tirore dahra cohtaricoro Agar wama tiricoro mehne cūiro pohna tia tiha. Ā yoaa to namono poto Sara wama tiricoro mehne cūiro pohna tia tiha. ²³ Wiho mejeta tirore dahra cohtaricoro macūno masa mari yoaro seheta masa bajuaa tiha tiro. To namono poto macūno sehē Cohamacū “Cūirocā pohna tinahca mūsa”, to niriro seheta masa bajuaa tiha tiro sehē. ²⁴ Ahri quti marine noano piti dahre yahura: Cohamacū pūa taha masare “Mū sare yoadohoihtja”, to nia yoaro seheta jira ahri numia pūaro numia. Cūcoro Sinaí wama tidūpū to dutiare wari yoaro sehē jira. Ticoro Agar jira. Ticoro mehne mari piti dahre buhechū judio masa cūhū dutiare yoarucua mehneta yuhdu duaina ticoro yoaro sehē jira. Tina dahra cohtaina yoaro sehē jira. ²⁵ Ticoro Sinaí wama tidū Arabiapū jidū yoaro sehē jiricoro jira. Mipūre Jerusalē macaina judio masa dutia yoaa mehne yuhdu duaina dutiare dahra cohtaina yoaro sehē jira. Ā jia mari piti dahre buhechū tina ticoro yoaro sehē jira dahra cohtaricoro to jia tiriro sehē. Tina Cohamacū pohna jierara. ²⁶ Pacoro sehē Abrahā namono poto mūanopū jiri maca Jerusalē wama tiri maca yoaro sehē jira, mari piti dahre buhechū. Ticoro dahra cohtaricoro jieraro, to macūno cūhū dahra cohtariro jierari jire. (Ā yoaa Jesucristore wacū tuaina mari jina, Sara macūno yoaro sehē jija. Mari cūhū Cohamacū Moise cjiroro to cūri dutia mehne yuhdu duaina jieraina jina, dahra cohtaina yoaro sehē jieraja.) ²⁷ Cohamacū yare ti joari pūi ō sehē ni joaa tiha Cohamacū pohna warore, Sara yoaro sehē jiricorore yahuro: “Pohna marienicoro, wahchega.

Ā yoaa wahchea mehne sañurucuga, niji wahcōno purīnore masieraricoro jico.

Mūhū sehē manū tiricoro yuhdoro payū pohna ticohca.

Ā jico wahchega”,

ni joaa tiha panopūre to pohna tihto pano Sara yoaro sehē jiricorore yahuro.

²⁸ Yū coyea, Cohamacū to niriro seheta Isaa masa bajuaa tiha. Mari cūhū tiro

yoaro sehe Cohamacu to niriro seheta to pohna jija mari. ²⁹ Wiho mejeta tí pjarure masa yoaro sehe masa bajuariro ñano yoaa tiha pairore Espíritu Santo to niriro seheta masa bajuarirore. Mipure cūhure āta jira to jiriro seheta. ³⁰ Wiho mejeta ò sehe nina Cohamacu yare ti joari pūi: “Dahra cohtaricoro macuno to pucuro yare cjuā masierara. To namono poto macuno sehe to pucuro yare cjuā masina. Ā yoā ticorore dahra cohtaricoro cjirore to macuno mehnetā cohānocahga”, ni joā tiha. ³¹ Yu coyea, ne dahra cohtaricoro pohna yoaro sehe jieraja mari. Wiho mejeta to namono poto pohna yoaro sehe jija mari.

5

Jesucristo yare noano tūho ñahana, tíre duhuena tjiga

¹ Dutia yoaa mehne yūhdū duaina tí dutiare dahra cohtaina ti dutipeina yoaro sehe jira. Cristo yaina wahana ti dutipeina mari jiare wijaana, Cristo mehne yūhdūja mari. Ā to yūhdūchū yoarina jina, to yare ā yoarucuga, “Tí dutia yoaa mehne yūhdūnahca”, ni tūhoturo marieno.

² Mipure yūhū Paulo ahrire yahuihtja mūsare: “Circuncisiōre mari yoari mehne yūhdūnahca”, mūsa ni tūhotuna, Cristo mūsare to yoadohorire yaba cjihti jierachū yoana nina mūsa. ³ Jipihtina circuncisiōre mūsa yoari mehne yūhdū duainare pari turi ò sehe ni yahuihtja yūhū: Circuncisiōre mūsa yoari mehne yūhdū duana, paye Cohamacu dutiare yoā pahñoerana, yūhdūsi mūsa. ⁴ Dutia yoaa mehne yūhdū duaina jina Cristo sehere cohāre mūsa. Ā yoaina jina, Cohamacu mūsare to cahīre, mūsare to yūhdūchū yoā duarire cahmaerara mūsa. ⁵ Wiho mejeta mari sehe Espíritu Santo to tuāa mehne Cohamacure wacū tuaja. Mari ā wacū tuachū “Noaina, ñāa buhiri marieina jira”, ni ñūna Cohamacu marine. To ā ni ñūchū marine to yūhdūchū yoahore masija mari. ⁶ Cristo Jesu yaina jina circuncisiōre mari yoachū ne yaba cjihti jierara. Circuncisiōre mari yoerachū cūhure ne yaba cjihti jierara. Wiho mejeta Cristo pinire wacū tuana painare

cahīnahca mari. Tí wacū tuāa sehe wiho waro jia nierara. Tí waro jia nina.

⁷ Mūsa Cristore noano wacū tuasini-mare. ¿Diina baro noāa buheare yūhdūrucā dutiari mūsare? ⁸ Ti ya buhea Cohamacu mūsare to pohñare cūriro to ya buhea jierara. ⁹ Ahri yū nihtire wacūga mūsa: Mahanocā pāo būcūaro trigo yūbure noano sahserucū sūra. (To ā sahserucū sūriro seheta yū coyea judio masa ya buhea sehere mūsa cahmarucuchū ñūa payū masa mūsa mehne macaina cūhū tí buheare cahmaboca tina cūhū.) ¹⁰ Mari puhtoro Cristore wacū tuaja mari. Ā jicū ahri yū nihtire masija yūhū. Cristo to yoadohoa mehne paye buheare baharopure cahmasi mūsa. Tíre masija yūhū. Mūsare dojomehne cohtaina dohse jiina jica. Tinare Cohamacupū buhiri dahrerohca.

¹¹ Yu coyea, “Dutia yoaa mehne yūhdūnahca”, ti nia buheare yū buheriro jichū judio masa yūhure ñāno yoaeraboa. Cristo crusai to yariari buheare yū buheri buhiri tina ñāno yoara yūhure. Cristo ya buhea mehne judio masa ya buheare yū buhe morechū yūhure ñāno yoaeraboa tina. ¹² Mūsare dojomehne cohtaina mūsare mahanocā mūsa pjacū macari cahsarocāre yihso dutiina ti basi dihta yihsojaro.

¹³ Yu coyea, “Dutia mehne yūhdūnahca”, ni tūhotu dutierara Cohamacu mūsare. Wiho mejeta “Dutia mehne yūhdūnahca”, ni tūhotuina jierapanahca “To dutiare yūhdūrucājihna”, ni wacūena tjiga. Ā yoā mūsa mehne macainare cahma cahīna, tinare dahra cohtaina yoaro seheta yoadohoga tinare. ¹⁴ Cānota dutiare noano yoana, Cohamacu dutiare yoā pahñona nija mari. Ō sehe jira tí dutia: “Mū basi mū cahīno seheta mū cahai jiina cūhure cahīga”, ni dutia tiha. ¹⁵ Ā jina wahiquina suaina yoaro sehe mūsa basi cahma sayoena tjiga. Tuhsū, cahmachena tjiga. Mūsa mehne macaina jipihtinare “Dojomehneri”, nina noano yoaga mūsa.

Masa ñāare ti goa pjaare, Espíritu Santo to cahmaa cūhure yahuha Paulo

¹⁶ Espíritu Santo to cahmariro seheta jirucuga mūsa. Ā jina mūsa ñāare mūsa

goa pjaare yoaena tjiga. ¹⁷ Ñaare m̄sa goa pjach̄u tíre m̄sa yoach̄u, Espíritu Santo ñ̄u yabira. To ã ñ̄u yabich̄u tí ñ̄aare duhunahca m̄sa. ã jina ñ̄aare m̄sa goa pjana, tíre yoana, Espíritu Santore ñ̄u tuhtira m̄sa. ã ñ̄u tuhtina to cahmano sehe yoerara m̄sa. ã jina m̄sa goa pjaare m̄sa yoa duaro seheta yoa masierara m̄sa. ¹⁸ ã yoa Espíritu Santo to cahmaare yoaina jina “Dutia mehne mari ȳhd̄uñahca”, ni t̄hotuerara m̄sa.

¹⁹ Masa ñ̄aare ti yoaare mari noano masi tuhs̄ja. Õ sehe jira tí: Numino mehne ñ̄ano yoaa, m̄no mehne ñ̄ano yoaa, w̄hana tia, tó sehe jia ñ̄aare b̄uo tiro marieno yoaa, ²⁰⁻²¹ “Cohamac̄u jira” ti nia mas̄rine ñ̄o payoa, puti sitea, paye yaya ti yoaa, ñ̄u tuhtia, cahma sayoa, doaa, suaa, to basi dihta c̄j̄ua duaa, ñ̄u tuhti cahma t̄ju waa, c̄u curua macaina pa curuare ñ̄u tuhtia, paina yare tuaro cahmaa, cahaa, cahaa bose n̄m̄arine dahrea, tó sehe jia jira ñ̄aare yoaa. Panop̄u m̄sare cuaro mehne ȳu niriro seheta mip̄u c̄h̄ure nihtja: Tí barore yoaina p̄h̄toro Cohamac̄u to s̄ho jirop̄ure m̄anop̄ure ne s̄si.

²²⁻²³ Espíritu Santo sehe marine õ sehe yoaina j̄ich̄u yoara: Masare cah̄ina, wahcheina, cuiro marieina, so suaeraina, painare noano yoaina, noaina, duhuro marieno Cohamac̄u cahmaare yoaina, painare ȳhd̄uñca duaeraina, noano mehne yoaina, ti ñ̄aa goa pjaare yoeraina j̄ich̄u yoara marine tiro. Tó sehe yoainare “ã yoaena tjiga”, ne c̄airo nierara. ²⁴ Cristo Jesu yaina jina mari ñ̄aa goa pjaare yoa namoeraja. ²⁵ Espíritu Santo marine Cohamac̄u mehne ã jirucuch̄u yoarohca. ã jina to cahmano seheta yoarucuina jijihna mari.

²⁶ “Painare masi ȳhd̄uñcaj̄a s̄ã”, ni t̄hotuina jiena tjijihna mari. ã jina mari mehne suach̄u yoaena tjijihna painare. ã yoana mari mehne macaina noano ti wahch̄u ñ̄uñna tinare sua t̄hotuena tjijihna.

¹ Ȳu coyea, c̄airo m̄sa mehne macariro to ñ̄aare yoach̄u ñ̄uñna, Cristore noano wac̄u tuaina jina niji siaroca dero tirore yoadohoga noaare pari turi to yoah̄to c̄jih̄to sehe. ã yoana m̄sa c̄h̄u “Ñ̄aare goa pjari”, nina noano yoaga. ² M̄sa mehne macaina ti ñ̄ano ȳhd̄uñch̄u c̄h̄ure yoadohoga tinare. M̄sa ã yoana Cristo to dutiro seheta yoana nina m̄sa.

³ C̄airo wiho jiriro jiparota “Painare ȳhd̄uñcaj̄a”, ni t̄hoturo, to basi mah̄noa dihtare t̄hoturiro jira. ⁴ C̄aina m̄sa sahsero m̄sa yoarire “Ahri noaa jira. Ahri ñ̄aa jira”, ni masiga. ã masina m̄sa yoari noaa jich̄u m̄sa basi wahchenahca. ã jina “Painare ȳhd̄uñcaj̄a”, nisi m̄sa. ã nierana painare m̄sa ȳhd̄uñcari mehne wahchesi m̄sa. ⁵ ã jiro Jesu yairo to m̄s̄ro Cohamac̄u yare yoara. Pairo mas̄no tirore tíre yoadoho masierara.

⁶ ã jina noaa buheare buherirore paye baro m̄sa c̄j̄uaare tirore waga m̄sa to yahuare t̄hoina.

⁷ Toari mas̄no ñ̄aa yaparire toaro ñ̄aa dichare c̄j̄uarohca. Noaa yaparire toaro noaa dichare c̄j̄uarohca. (Tó seheta mari c̄h̄u ñ̄aare yoana ñ̄aare c̄j̄uanahca. ã jiro mari ñ̄ari buhiri buhiri dahrerohca. Noaare yoana noaare c̄j̄uanahca. ã jina noano jinahca.) ã jina “S̄ã ñ̄aare yoach̄u Cohamac̄u s̄ãre buhiri dahresi”, ni t̄hotuena tjiga. Ñ̄aare yoaina Cohamac̄ure b̄j̄upeina jira. Cohamac̄ure b̄j̄upeinare buhiri dahrerohca tiro. ⁸ Mari ñ̄aare goa pjana, tíre yoana, tí mehneta yarianahca. ã jina pichacap̄u wahanahca. Espíritu Santo sehe to cahmaare mari yoach̄u tiro marine jipihtia dachoripe m̄anop̄u jirucuch̄u yoarohca. ⁹ ã jina noaare yoana tíre pumena tjijihna mari. Cohamac̄u to quih̄ori p̄ja jich̄u noaare c̄j̄uanahca mari pumerana. ¹⁰ ã jina jipihtinare mari ñ̄uinape noano yoajihna mari. Mari coyea Jesu yaina pinihtare paina ȳhd̄oro noano yoajihna.

6

M̄sa mehne macainare yoadohoga

Paulo yahu batoaro, noa duti batoaha

¹¹ B̄j̄ua letrari mehne ȳu wamomaca waro mehne m̄sare ȳu joarocarire ñ̄uga

musa. ¹² Musare circuncisiõre yoa dutiina masa tinare ño payochu cahmana. Cristo crusai to yariari buheare mari buheri buhiri masa ñano yoara marine. Ti ã yoachu ñua ahrina musare circuncisiõre yoa dutira “Judio masa ya buhea sehere yoaja”, nia. ã ti yoa dutichu judio masa tinare ñano yoeraboca. ã jia circuncisiõre yoa dutira. ¹³ Musare circuncisiõre yoa dutiina sehe Cohamacu to dutiri cjrيره yoa pahnoerara. ã jia circuncisiõre musare ti yoa dutiri baharo musa yuhtichu ñua, judio masa tinare musare dutiinare ño payoboca. Ti ã ño payohti cjihtire musare circuncisiõre yoa dutira tina. ¹⁴ Mari puhtoro Jesucristo crusai yariariro ya buhea dihtare jipihtinare wahchea mehne yahu duaja. Ne paye buheare ã ni yahu dueraja. ã crusai to yariachu ahri yahpa macaa ñaare watino yuhure yoa dutiro bihoerara. ã yariaro tí ñaare yuhure cahmaerachu yoare tiro. ¹⁵ To ã yoachu Cristo Jesu yaina mari jichu circuncisiõre mari yoachu ne yaba cjihti jierara. Circuncisiõre mari yoerachu cãhure ne yaba cjihti jierara marine. Wiho mejeta pari turi masa bajuaina yoaro sehe, Cohamacu cahmano seheta yoaina, marine to cohtotachu pinihta wiho waro jierara. ¹⁶ Jipihtina ahri yu buherire yoaina, Cohamacu yaina waro jina, cuiro marieno noano jiga musa. ã jina Cohamacu to pja ñua mehne jiga musa.

¹⁷ Mari puhtoro Jesure dahra cohtariro yu jiri buhiri yu pjacure cami tija yuhu. Yu ã jiriro jichu mipure paina yuhure cariboea tjijaro.

¹⁸ Yu coyea mari puhtoro Jesucristo musare jipihtinare to cahã mehne noano yoajaro. Áta yoajaro.

Efesios

Efeso macainare joarocaha Paulo

¹ Yuhũ Paulo m̄sare Efeso macainare joarocaja. Yuhũ Jesucristo yare buhe dutiro to c̄ũriro jija. Cohamacũ to cahmano seheta Jesu yuhũre to yare buhehtirore c̄ũre. Ā jicũ m̄sare Cohamacũ yainare Jesucristore ā wacũ tuarucuinare joarocaja yuhũ. ² Ā joarocacũ yuhũ m̄sare noa dutija. Cohamacũ mari P̄scũ, ā yoa mari p̄h̄toro Jesucristo c̄hũ m̄sare noano yoa, noano jichũ yoajaro.

Cristo yaina mari jichũ ñũno Cohamacũ noano yoara marine

³ Cohamacũ, mari p̄h̄toro Jesucristo P̄scũro marine noano yoarucura Cristo yaina mari jichũ ñũno. Jipih̄tia to ya m̄ano macaa noaa mehne tiro marine noano yoarucura. Esp̄ritu Santo mehne marine ā noano yoarucura. To ā yoariro jichũ ñũna noano ño payoa mehne tirore noano wahche payojihna. ⁴ Ō sehe yoaa tiri jire tiro marine to yainare: Ahri yahpare to bajuamehnehto pano mip̄are to yaina jih̄tinare beseyu tuhs̄a tiri jire tiro marine. Ā besea tiri jire marine ñaa buhiri marieina mari jihto sehe. Ā yoana ñaa buhiri marieina jija mari, Cohamacũ to ñũchũ. Ā jiro marine “Ñaa buhiri tiina jira”, nisi tiro. ⁵ Panopũ ō sehe nia tiri jire tiro marine: “Yũ macũ Cristo tinare to yoabasari mehne tina yũ pohna jahca”, ni c̄ũa tiri jire marine panopũ. To ji coariro seheta to cahmariro seheta ā wahachũ yoaa tiri jire tiro marine. ⁶ Wiho jiina mari jipachũta marine to ā noano yoachũ ñũna ño payoa mehne tirore noano durucujihna. To macũno to cah̄riro yaina mari jichũ ñũno noano marine yoara tiro. Ā jina tirore noano durucujihna. ⁷⁻⁸ Cristota jira marine pichacapũ wahaborinare yuh̄dũchũ yoariro. Cristo mari ñaa buhirire yariabasaro, to dire cohã, mari ñaa yoari buhirire cohãri jire. Mari ñaa yoari buhirire to cohãchũ ñũno, Cohamacũ sehe mari ñaa buhirire bonocahna. Marine ñaa dihtare yoaborinare

ā cahmano marine noaputiaro yoari jire Cohamacũ. Ā yoa marine to ā yoainare noano waro tũho masiina wahachũ yoari jire. ⁹⁻¹⁰ Tũho masiina wahachũ yoa, baharopũ to yoah̄tore marine masichũ yoare. Panopũ painare tíre masichũ yoaerari jire tiro. Ō sehe jira baharopũ to yoah̄to: Tiro to cahmariro seheta to tũhoturiro seheta jipih̄tinare c̄ũ curuata Cristo yaina jichũ yoarohca. Ā jiro jipih̄tiare to ya jichũ yoarohca. To quih̄õri p̄ja m̄ sũchũ m̄ano macainare, ahri yahpa macaina c̄hũre, c̄ũ curuata to yaina jichũ yoarohca tiro. Ā yoa m̄ano macaare, ahri yahpa macaa c̄hũre to ya jichũ yoarohca. Ā jiro Cristo sehe jipih̄tina bui p̄h̄toro jirohca. Ā yoa jipih̄tia p̄ro jirohca. Ā jih̄tiro ji dutia tiha Cohamacũ tirore.

¹¹ Ā yoaro Cristo yaina mari jih̄tore masino panopũ Cohamacũ marine bese tuhs̄a tiha to yaina mari jih̄tinare. Ahri jipih̄tiare to yoarire, baharopũ to yoah̄to c̄hũre, “Ā waharohca”, ni c̄yua tiha tiro to tũhoturiro seheta, to cahmariro seheta yoaro taro. Ā yoaa tiha tiro to yare sã yoah̄to c̄jih̄tore. ¹² Sã sehe judio masa Cristore cahma m̄h̄taina jina sãre to yuh̄dũchũ yoah̄tore cohta m̄h̄taina jija. Cohamacũ sãre besea tiha to yare sã yoah̄to c̄jih̄tore. Cohamacũ yare sã ā yoachũ ñũa, paina tirore ño payo, “Tuariro jira”, ti nihto sehe Cohamacũ sãre besea tiha. ¹³ M̄sa c̄hũ quih̄õno durucuareta noaa buheare tũhore. Tí buhea “Cohamacũ cahapũ m̄sa waha duachũ, ō sehe jira”, ni yahura marine. Tíre tũhona tirore wacũ tua, noano tũhona to yaina wahare m̄sa. To yainare ō sehe niri jire Cristo: “M̄sare Esp̄ritu Santore warocaihtja”, ni yahu c̄ũri jire. ¹⁴ Ā jiro tirore m̄sa wacũ tua, noano tũhochũ ñũno to yairo Esp̄ritu Santore ware m̄sare. Ā jiro Esp̄ritu Santo mari mehne jiro Cohamacũ yaina mari jia tiare masichũ yoara tiro sehe. Ā yoa Esp̄ritu Santo parore masichũ yoara. Cohamacũ mari ñaa buhirire bore marine yuh̄dũchũ yoaro. Ā jiro baharo to cahapũ naanohca marine to yainare. Marine to naah̄to pano Esp̄ritu Santo sehe Cohamacũ cahapũ mari

suri baharo to yare mari cjuahatore masichu yoara marine. Cohamacu marine ã yoara tirore ño payoa mehne “Noariro jira”, mari nihto cjihtore.

Paulo Cohamacure sini payoha Jesu yainare

15-16 Cristore wacũ tuaina musa jichu tãhorocacu Cohamacure ã sini payorucuja musare. Mari puhtoro Jesucristore musa wacũ tuarire, jipihtina to yainare musa cahĩre tãhorocacu Cohamacure “Noana”, nija. 17 Õ sehetã tirore sini payoja musare: Cohamacu mũano macariro mari puhtoro Jesucristo Pucuro, noa yãhdũariro to yare musa noano masihto sehe sini payoja. Æ yoaro tirore musa noano masihto sehe sini payoja musare. 18 Æ jichu paye yu nihti cãhũre musa noano masihto sehe musare sini payoja Cohamacure. Tiro musare yãhdũachu yoaro, to yaina cjihtire yoare. To ã yoachu noa yãhdũara marine. Tĩre musa masihto sehe sini payoja musare Cohamacure. Æ yoa marine to wahtire noa yãhdũa tí waro ti jichu cãhũre musa masiyuhto sehe sini payoja musare Cohamacure. 19 Õ sehe cãhũre musa masihto sehe sini payoja musare Cohamacure. Cohamacure wacũ tuaina mari jichu ñũno to tuaa mehne marine yoadohora tiro. Tiro sehe paina bui tua yãhdũariro jira. Tĩ cãhũre musa masihto sehe sini payoja Cohamacure. 20 Tĩ to masia mehne, to tuaa mehne tiro Cristo yariarirore masori jire. Æ maso tuhsũro, mũanopũ to poto bũhũsehei Cristore dujichu yoari jire Cohamacu, jipihtinare dutihtiro to jihto sehe. 21 Tói dujiro jipihtina mũano macaina puhtoa bui, ã yoa jipihtina ahri yahpa macaina dutiina bui jiro jira Cristo. Mĩpũre jipihtina ahri dacho macaina bui puhtoro jira. Baharopũ jipihtina pa tjuru macaina cãhũre ti bui puhtoro jihtiro cjihtota jira tiro. 22 Æ yoa jipihtina bui cũri jire Cohamacu Cristore. Æ yoaro jipihtiare pu tichu yoari jire tirore. Æ jiro Cristo yaina cã curua jiina bui puhtoro sõri jire tirore. Ti dapu jira tiro sehe. 23 Cristo yaina cã curuata jina, to pjacu yoaro sehe jija mari. Cristo jipihtiropũ Æ

jirucura. Æ jina mari to yaina mehne to jirucuchu, to jiro sehetã wahana nija. Æ wahana to jia tiare ñona nija.

2

Cohamacu marine cahĩno, pja ñũno yãhdũachu yoaha marine

1 Cohamacu yãhdũacaina, ñaa buhiri tiina yariaina cjiri yoaro sehe jiri jimare musa, Cohamacu to ñũchu. 2 Panopũre ahri yahpa macaina Cohamacure yãhdũacaina yoaro sehe yoarucuri jimare musa cãhu. Æ yoana watĩno to dutiro sehetã yoarucuri jimare musa. Tiro watĩno ahri yahpai dutiro Cohamacure yãhdũacaina puhtoro jira. Watĩa puhtoro cãhu jira tiro. 3 Panopũre jipihtina mari ã dihta yoarina jimai. Mari ñaa dihtare goa pjamai. Mari mũ sũro, mari tãhotu, mari cahmano sehetã yoamai. Æ yoaina jina jipihtina paina yoaro sehetã, mari cãhu ñaa buhiri tiina jirucumai. Mari ã jiina jiri buhiri, Cohamacu to buhiri dahreborina jimai. 4 Mari ã jiina jipachũta, Cohamacu marine tuaro pja ñũno, noano cahĩri jire marine. 5 Æ cahĩ yãhdũro, Cohamacure yãhdũacaina, yariaina yoaro sehetã mari jipachũta Cristo mehne marine catichu yoari jire. 6 Æ jiro Cristo yaina mari wahachu, Cohamacu Cristo mehne marine maso, ã yoa mũanopũ Cristo mehne dujihtinare marine sõ dapori jire, tiro mehne dutihtina cjihti mari jihto sehe. Cristo yaina jina, ãta wahaina baro jija mari, Cohamacu to ñũchu. 7 Õ sehetã noano yoara tiro marine to pja ñũre, to tuaro cahĩre baharopũ jihtinare masichu yoaro taro. Cristo yaina mari jichu ñũno ã yãhdũachu yoara tiro marine. 8 Cristore wacũ tua, mari noano tãhochu ñũno Cohamacu marine pichacapũ wahaborinare yãhdũachu yoara. Marine pja ñũno, marine cahĩno marine yãhdũachu yoara. Mari mũ sũro mari noano yoa mehne Cohamacu cahapũ waha masieraja mari. Cohamacu sehe marine yãhdũachu yoara. Æ jiro tiro mehne mari ã jirucuhatore cũna marine. 9 To ã cũchu mari mũ sũro noaare mari yoari wapa jierara tí.

“ Sã m̄ s̄uro ȳhd̄uhi’, niboca”, nino ò sehe dutiri jire tiro: Mari m̄ s̄uro ȳhd̄u dutierara marine. ¹⁰ Cristo yaina jich̄u yoare marine Cohamac̄u sehe noaa dihtare yoah̄tina mari jihto sehe. Panop̄u noaare mari yoah̄tire c̄u tuhs̄ua tiri jire tiro marine.

Cristore cj̄ana mari noano jija

¹¹ ã jina panop̄u m̄sa jia tirire mip̄u c̄uh̄are wac̄uga m̄sa. Cristo yaina jieras̄ina judio masa jieraina jina m̄sa coyea yoaro sehe yoarina jiri jimare m̄sa. Circuncisiõre yoaeraina jire m̄sa mip̄u m̄sa jiro seheta. M̄sa ã yoaeraina jich̄u ñ̄na sã judio masa sehe circuncisiõ yoaina sehe m̄sare ò sehe nia tii. “Circuncisiõre yoaeraina jia, Cohamac̄u yaina jierara”, nia tii m̄sare. Circuncisiõre yoaina m̄a pjac̄urire mahanocã cahsarocãre yihso narina jira. ¹² Panop̄u Cristo yaina jierari jimare m̄sa. Sã judio masa sehe Cohamac̄u to beseina jia tii. Sã ã jich̄u “M̄sare ȳhd̄uch̄u yoaihtja”, ni c̄ua tiha Cohamac̄u sãre. M̄sa sehe to ã ni c̄urina jierari jimare. ã yoa Cohamac̄u to beseinare ñ̄ tuhtiina jisniri jimare m̄sa. M̄sa ñ̄aa buhirire pichacap̄u wahahtina jiri jimare m̄sa. Cohamac̄u maeraina jina pichacap̄u butiborina jia tiri jimare m̄sa. ¹³ Mip̄u sehere Cristo Jesu yaina jira m̄sa. Panop̄u Cohamac̄u ñ̄ tuhtiina jipanahta, mip̄u to yaina jira m̄sa. Cristo m̄sa ñ̄aa buhiri crusap̄u to di cohãri mehne Cohamac̄u yaina jich̄u yoare m̄sare. ¹⁴ Sã judio masare cahma ñ̄ tuhtiina m̄sa jich̄u ñ̄no Cristo marine “M̄sa basi cahma ñ̄ tuhtiena tjiga”, ni yahure. Masare noano yahuro jira tiro. Sã judio masa, judio masa jieraina mehne p̄a curua mari jich̄u ñ̄no, tiro c̄u curuata yoare marine. D̄ac̄atari sahr̄ĩnore ti tju site cohãno yoaro sehe mari cahma ñ̄ tuhtirire duhuch̄u yoare tiro. ¹⁵⁻¹⁶ Ò sehe tíre yoare tiro: Mari ñ̄aa buhirire crusap̄u yariaro marine pichacap̄u wahahtinare ȳhd̄uch̄u yoare. ã ȳhd̄uch̄u yoaro to yaina jich̄u yoare marine. ã yoaro p̄a curua mari jimarirore c̄u curuata wahma curua jich̄u yoare marine. ã yoaro panop̄u mari cahma ñ̄ tuhtiina mari jimarirore marine cãnoi noano jich̄u

yoare. ã yoaro judio masa sã dutia cjirire cohãre tiro. Tí dutia marine p̄a curua ji dutiri jimare. Mip̄u c̄u curuata jija mari. Cristo Cohamac̄u yaina jich̄u yoare marine.

¹⁷ ã yoa Cristo noaa buheare marine yahuro tari jire. M̄sa judio masa jieraina Cohamac̄u yare cj̄aeraina jiri jimare. M̄sa ã jich̄u ñ̄no m̄sare yahuro tari jire tiro. Sã judio masa sehe Cohamac̄u yare cj̄ai. Sã c̄uh̄are yahuro tari jire. ã yahuro taro jipihtina marine c̄u curuata noano mehne ji dutiro tari jire tiro. ¹⁸ Mip̄u jipihtina mari judio masa, judio masa jieraina c̄uh̄u Cohamac̄u mari P̄uc̄u mehne noano ji masija mari. Esp̄iritu Santo to yoadohoa mehne mari P̄uc̄u mehne noano ji masija mari. Cristo sehe marine ã noano jich̄u yoari jire. ¹⁹ ã jina mip̄u pa dihta macaina yoaro sehe jierara m̄sa. Mip̄u Cohamac̄u yainare ñ̄ tuhtiina jierara m̄sa. Cohamac̄u yaina mehne macaina jira m̄sa. To ya curua macaina jira m̄sa. ²⁰ Cohamac̄u ya duruc̄uare yahu turiaina, sã c̄uh̄u to yare buhe dutiro to c̄urina jina to ya duruc̄uare m̄sare yahu d̄ac̄ai sã, wahma w̄h̄ure Cohamac̄u ya w̄h̄ure ti dahre d̄ac̄ariro seheta. Tí w̄h̄u ti c̄u m̄htari tãca yoaro sehe jiroro Cristo sehe marine ȳhd̄uch̄u yoariro mariach̄u mari ne ȳhd̄eraboa. ²¹ ã jiro to tuaa mehne marine to yainare c̄u curuata jich̄u yoare tiro, Cohamac̄u w̄h̄ure ñ̄aa marieni w̄h̄ure ti dahreboriro seheta. To ã yoach̄u to tuaa mehne noaina wahaja mari, Cohamac̄u to ñ̄ch̄u. Mari ã jich̄u ñ̄no, tirota mari mehne jiruc̄u. ²² ã jina Cristo yaina jina jipihtina paina to yaina mehne c̄u curua wahare m̄sa c̄uh̄u. M̄sa ã wahach̄u Cohamac̄u to Esp̄iritu Santo m̄sa mehne jiro nina, Cohamac̄u ya w̄h̄u to jiboro seheta.

3

Judio masa jierainare noaa buheare yahuro jija Paulo

¹ ã to ya curua macaina m̄sa jich̄u ñ̄ch̄u ȳh̄u Paulo m̄sare sini payoja Cohamac̄u. Cristo Jesu yare m̄sare jipihtina judio masa jierainare ȳ yahuri buhiri peresup̄u jija ȳh̄u. ² Cohamac̄u

wiho jiina mari jipachuta, marine cahño, noaa buheare musare judio masa jierainare yahure yahu dutiro cure. Tíre masi tuhsare musa. ³ Panopu masare to yahuerari cjirire Cohamacu baharopure yahure masichu yoare. Ahrire mahanocã yahu musare joaroca tuhsahi. ⁴ Yu ã joarocarire buhena Cristo to yare yahure to masichu yoarire masinahca musa. ⁵ Tí to yahuri cjirire panopu macainare tiro yahuera tiha. Mipure sehere sare Jesu to cürinare Cohamacu yare yahu muhtaina cühure sã jipihtina tirore dahra cohtainare to yahuri cjirire masichu yoare Cohamacu. To yairo Espiritu Santo sehe sare masichu yoabasare Cohamacure. ⁶ Õ sehe jira to yahuri cjiri: Sã judio masa dihtare Cohamacu yuhdachu yoaerara. Judio masa jieraina cühure yuhdachu yoarohca tiro. Æ jina sã judio masa, musa judio masa jieraina mehne Cristo yaina jina, cã pjacu yoaro sehe cã curuata jija mari. Æ jina mari jipihtina Cristo Jesu yaina jina cãno potori Cohamacu “Musare yuhdachu yoaihtja”, ni to yuhdachu yoaina jija mari.

⁷ Cohamacu yahure pja ñano, yahure cahño ahri noaa buheare yahuhtirore yahure cure. To tuua mehne ã cure yahure tiro. ⁸ Jipihtina Jesu yaina ti doca macariro waro jija yuhu. Yu ã jipachuta judio masa jierainare noaa buheare yahuhtirore cure Cohamacu yahure. Tí buhea Cristo noa yuhduariro to jiare, noa yuhdu to cjuare to wahtire yahura marine. ⁹ Yahure ã cño Cohamacu “Õ sehe yuhdachu yoaihtja masare”, nino to yuhdachu yoahtore noano yahu pahñohtirore cure yahure tiro. Æ jiro panopu macainare tí buheare ne yahu pahñoerasinia tiha Cohamacu. Jipih-tiare bajuamehneriro jira tiro. ¹⁰ Mipure noaa buheare yahu dutiro cure marine to yainare tiro to noano masi pahñoare masichu yoaro taro. Masi pahñoiro to jia tiare mano macaina puhtoare masichu yoa duari jire. Æ yoaro taro noaa buheare buhe dutire marine Jesu yainare. ¹¹ Ahri yahpa to jihto panoputa “Masare pichacaru wahaborinare yuhdachu yoaihtja”, nia tiha Cohamacu. Æ niriro jiro mipure mari

puhtoro Cristo Jesu yaria to masa mujano mehne to niriro seheta marine yuhdachu yoara Cohamacu. ¹² To ã yuhdachu yoachu mipure Cristore wacũ tuana to yaina wahaja mari. To yaina jina wacũ tuua mehne, cuiro marieno Cohamacu mehne durucu masija mari. ¹³ Noaa buheare musare yu buheri buhiri mipure peresupu jicu yu ñano yuhdachu ñana cahyaena tjiga. Noaa buheare yu yahuchu tuhona Cohamacu yaina wahare musa. Yu ã yoari buhiri peresui jija. Æ jicu musare yu yoadohori buhiri ñano yuhdui nija. Musa noano yuhduhto sehe ã wahaja yuhu. Tíre masina wahchega musa. Tíre tuaro wahche dutija musare.

Cristo masare tuaro cahña

¹⁴ Æ jicu ahri jipihtia Cohamacu mari Pucu to yoarire wacũcu tiro pano na tuhcuca caha sucu sini payoja musare. ¹⁵ Tiro jipih-tia curuari macaina manopu jiina, ahri yahpai jiina cuhu ti Pucuro jira. Jipihtinare bajuamehneriro jira tiro. ¹⁶ Tirore õ sehe ni sini payoja musare: Tiro masi pahñoiro jira. Tua yuhduariro jira. Æ jicu to tuua mehne musare noano to wacũ tuachu yoahito sehe sini payoja. Espiritu Santo to yoadohoa mehne ã yoarohca. ¹⁷ Æ sini payocu Cristore musa wacũ tua namohto sehe tiro musa mehne to noano jihto sehe sini payoja musare. Æ jicu painare noano cahña musa jihto sehe sini payoja musare. ¹⁸⁻¹⁹ Jipihtina paina Cohamacu yaina cuhu musa mehne Cristo masare to tuaro cahñare musa masihto sehe sini payoja. Tiro jipih-tina masare cahñi yuhduariro jira. To ã cahñi yuhduarire noano masi pahñohto basioerara. Æ jipachuta to ã cahñiro to jia tiare musa noano masihto sehe sini payoja musare. Æ yoa to cahñare musa masichu cahmaja Cohamacu musa mehne to noano jihto sehe. Noa yuhduariro, ñaa marieriro to jiro seheta musa wahahto sehe to cahñare musa masichu cahmaja. Æ jicu to cahñare musa masihto sehe sini payoja musare Cohamacure.

²⁰⁻²¹ Æ yoa Cohamacure pjiro ño payoa mehne “Tiro tuariro jira”, nijihna. To tuua mehne noaa sehere cohtota masina marine tiro. Marine noaina jichu yoa masina. Mari siniri yuhdoro yoa masina tiro. Mari

cahmaare mari t̄hoturi ȳhdoro yoa masina tiro. Cristo Jesu yaina to ya curua macaina jina jipihtia dachoripe jipihtina Cohamac̄ure ño payojihna. Āta yoajihna.

4

Cristo yaina jina c̄a curuata jija mari

¹ Ā jic̄u ȳh̄u, mari p̄htoro Cristo to cahmaare ȳh̄ yoari buhiri peresup̄u jiro jic̄u, m̄sare ò sehe ni tuaro dutija: Cohamac̄u to yaina c̄ihtire m̄sare besea tiri jire. Ā to beserina jina to cahmano seheta yoaina jiga m̄sa. ² “S̄a pinihta masi ȳhd̄ur̄caina jija”, ni t̄hotuina jiena tjiga. Painare noano mehne yoaga suaro marieno. M̄sa mehne macaina m̄sare ti ñano yoapach̄ta tinare cah̄a mehne noano yoaga. ³ Ā jina Esp̄ritu Santo to yoadohoa mehne noano mehne c̄ano mehne jirucuga m̄sa. Ā yoana cahmachea marieno jinahca m̄sa. ⁴ C̄u pjac̄u yoaro seheta c̄a curuaihta jija mari. Ā yoa Esp̄ritu Santo c̄airota jira. Cohamac̄u to yaina c̄iht̄i m̄sare besea tiha m̄sare ȳhd̄uch̄u yoaro taro. Ā jina to ȳhd̄uch̄u yoah̄tore cohtasinina m̄sa. C̄unota jira m̄sa cohtaro. ⁵ Mari p̄htoro Cristo c̄airota jira. To yahua, mari wac̄u tuaa c̄h̄u c̄unota jira. To yainare bautisarire yahua c̄h̄u c̄unota jira. ⁶ Ā jiro Cohamac̄u c̄airota jira. Tiro jipihtina P̄̄c̄aro jira. Ā jiro jipih̄tina mari p̄htoro jira. Jipihtinare marine to cahmano seheta yoach̄u yoa masina tiro. Jipihtina mari mehne jira. Ā yoa jipihtiro p̄u jira tiro.

⁷ C̄u curua mari jipach̄ta jipihtina marine c̄inare mari yoa masihtire c̄ure marine Cristo. Tiro to c̄uro seheta yoa masija mari. Tiro marine ã c̄uno paye barore to ã wanocaboriro seheta yoaro nire tiro. ⁸ Āta nina Cohamac̄u yare ti joari p̄p̄u:

“Cohamac̄ure ñ̄u tuhtiinare to ȳhd̄ur̄cari baharo tiro tinare naa m̄j̄aa wahare.

Ā naa m̄j̄ano tiro paȳu ã wanocare ahri yahpa macaina sehere”, ni joaa tiha panop̄ure.

⁹ “Tiro m̄j̄aa wahare”, to nich̄u wahanore m̄anop̄u jiro ahri yahpap̄ure to

tari c̄h̄ure mari masija. Ahri yahpap̄ure to duji tarire mari masija. ¹⁰ Ā jiro òp̄are duji tariro tirota jira m̄j̄aa wahariro. Jipihtiro bui m̄j̄aa wahari jire tiro, jipihtiro p̄u jiro taro. ¹¹ Tiro jira “Ahri yahpa macainare paȳu ã wanocariro”, ti niriro. Masare to ã wanocano seheta tiro paȳu ti yoa masihtire c̄uri jire masare. Ò sehe c̄uri jire tiro: C̄inare Cristo to yare yahu duti to warocah̄tinare c̄uri jire. Painare Cohamac̄u ya durucuaare yahu turiahtinare c̄uri jire. Noaa buheare buhe tinihtinare painare c̄uri jire. Cristo yaina cahmachuinare ñ̄u wihboina c̄ihtire, noano buhehtina c̄ihtire c̄uri jire painare. ¹² Tó sehe yoa, dahrahtina c̄ihtire c̄uri jire marine painare to yainare mari yoadohohto sehe Cohamac̄ure mari masi noano namohto sehe. Ā c̄uri jire marine to yainare tirore mari wac̄u tua namohto sehe. ¹³ Ā jina mari jipihtina noano mehne c̄ano mehne jinahca. Āta jiro cahmana marine Cristore wac̄u tuaina jina. Ā jina mari jipihtina Cohamac̄u mac̄nore noano masinahca. Ā yoana Cristo tuariro, noano masiriro to jiro seheta mari c̄h̄u noano masiina, Cohamac̄ure noano wac̄u tuaina wahanahca.

¹⁴ Mari ã wahana macanac̄a yoaro sehe jisi mari. Macanac̄a noano t̄ho masierasinica. Paina ti buhech̄u “Ahri potoc̄a jira”, ni ti mah̄ño mih̄nia mehne ti mah̄noch̄u tinac̄a yoaro sehe jiina soro jia buheare cahmana. Ā yoa paina ti soro buhech̄u tí buhea sehere cahmana tjoa. P̄jiri ma macaa pahc̄ori ti ã cohtotarucuro seheta tó sehe ã cohtotarucuna jira tinac̄a yoaro sehe jiina. Tina yoaro sehe jisi mari.

¹⁵ Ò seheta yoanahca mari: Mari mehne macainare cahma cah̄ina, potoc̄a noaa buheare cahma yahunahca mari basi. Ā yoana macanac̄a b̄c̄na t̄ho masiina ti wahariro seheta mari c̄h̄u tuaina, Cohamac̄u yare noano masiina wahanahca. Cristo to jiro sehe wahanahca. Tiro jira mari dapu. ¹⁶ To yaina jina to pjac̄u yoaro sehe c̄a curuaihta jija mari. Ā jina mari capari, mari cahmori, mari dahpori c̄u pjac̄u ti noano jiro seheta mari c̄h̄u paȳu jipanahta c̄ano potori noano jija. Mari ã c̄ano potori mari jihto sehe Cristo yoado-

hora. Ñ jina mari wamomaca mari pjacure to noano yoadohoriro seheta mari noano yoadohoja paina Cristo yainare. Mari mehne macainare Cristo yainare noano cahña, tinare noano yoadohona, tuaina Cristore wacũ tua namoina wahanahca mari.

Cristo yaina wahana mari ñaa yoaaare duhu, noaa sehere cohtotaja mari

17 Ñ yoa mari pãhtoro Cristo to dutiro mehne õ sehe nihtja musare: Cohamacure cahmaeraina waro yoaro sehe yoaena tjiga musa. Tina ti tãhotua sehe ñaa dihta jira. Ñ jia ti tãhotua yaba cjihti jierara. 18 Ñ jia nahitianoï ti ñu masieraro seheta tina Cohamacu yare ne masieraputiara. To yare ne tãhoeraputiara. Tũho duaerara tina. Ñ jia Cohamacu to noano ji dutiro seheta jierara tina. 19 Ñ jia tina ñaaare yoaa ne buo tieraputiara. Ñ yoa ne cahyaerara. Ñaaare ti goa pjaã dihtare yoarucura. Jipihtia ti ñaaare yoaaare duhu duaerara. 20 Musa sehe ã yoaerare, Jesure masi ducana. 21 Potocã to yare tãhoina musa jichu, Jesu yare noano masina musa jichu musa sehere tina yoaro sehe yoa dutierara tiro. 22 Ñ jina ñano wete tia suhtire musa tjuwe cohãno seheta panopu musa yoari cjirire duhunocahga. Tí pjare ñaaare yoarucuina musa jichu tí ñaa sehe musare dojomehnenno niri jimare. “Ñaaare yoana, noano wahchenahca”, ni tãhotuina jipanahta ne potocã wahcherare musa. 23 Ñ yoa musa tãhotuare noaa sehere Cohamacu to cahmano seheta cohtotaro cahmana musare. 24 Ñ jina noaa sehere cohtotaina jiga musa. Tó sehe jiina Cohamacu yoaro seheta jira. Musa ã jiina jina, noaaare yoarucunahca. Ñ yoana ñaaare ñu yabinahca.

25 Ñ jina mahño namoena tjiga musa. Musa mehne macainare quihõno yahuga, mahõno marieno. Mari cã pjacu yoaro sehe cã curua macainata jina nija. Ñ jina musa mehne macainare mahõnoena tjiga.

26 Paina mehne suana, ñaano yoaena tjiga. Ñ jina suana, cã dacho waro noano suarucuena tjiga. 27 Yoari pja suana, watño to cahmano sehe yoana

nica. Ñ yoaena tjiga watño musare “Dojomehneri”, nina.

28 Musa mehne macaina Jesu yaina musa jihto pano yacaina jirina cjiri pari turi yacaena tjiga. Ñ yoana mipu sehere noano dahraga musa wapataa mehne pjacuoinare musa yoadohohto sehe.

29 Ne ñano durucuena tjiga “Painare dojomehneri”, nina. Noaaare durucuna painare yoadohora Cohamacu cahmaare musa masi namohto sehe. Ñ jina noaa dihtare durucuga. 30 Ñaaare yoana Espiritu Santore cahyachu yoana nica musa. Ñ yoaena tjiga. Mipure pihtiri dacho pano Cristo marine to naahto pano Cohamacu to Espiritu Santo marine ñu wihbora ñaaare mari yoerahto sehe. Ñ jiro Cohamacu yaina mari jiare masichu yoara tiro marine. Ñ jina tirore cahyachu yoaena tjiga.

31 Ñ jina ne painare ñano yoa namoena tjiga. Cahma sayo namoena tjiga. Painare sua, ñano ni sañurucu namoena tjiga. Painare ñano quiti dahre namoena tjiga. Ne painare ñano ni tãhotu namoena tjiga.

32 Ñ yoa musa mehne macainare noano mehne noano yoaga. Cristo yaina musa jichu ñano musa ñaa buhirire bonocahre Cohamacu. Tó seheta musa cãhu paina musare ti ñano yoachu ñana ti ñaa yoarire bonocahga.

5

“Cohamacu pohnare õ sehe jiro cahmana”, ni yahuha Paulo

1 Ñ yoa Cohamacu pohna to cahña jina Cohamacu to jiro sehe jiga musa. 2 Ñ jina painare ã cahrucuga. Cristo marine cahño, mari ñaa buhiri yariari jire. Ñ yariaro Cohamacure ji coachu yoari jire tiro. Ñ jina marine to cahñiro seheta musa cãhu painare cahña.

3 Ñ jina Cohamacu yaina jina ne numia mehne ñano yoaena tjiga. Numia cãhu mua mehne ñano yoaena tjiga. Paye ñaaare tó sehe jia ñaaare yoaena tjiga. Paye barore cahma yãhduracaena tjiga. Ne ã yoaeraro cahmana musare, Cohamacu yaina jina. 4 Ñ yoana buoro durucueraro

cahmana m̄sare. T̄ho masieraina yoaro sehe duruc̄eraro cahmana m̄sare. Ā jina ñano ni buj̄peraro cahmana m̄sare. Ahri sehere yoaro cahmana m̄sare. Cohamac̄u mehne durucuga m̄sa. Ā durucuna tirore “Noano yoahre m̄h̄u s̄are”, nino cahmana. ⁵ Paye barore goa p̄jana, tíre tuaro cahmana, “Cohamac̄u jira”, ti nia mas̄rine ti ño payoro seheta yoana nija mari tíre. Ā yoa numia mehne ñano yoaina, ñaa dihtare t̄hotuina, paye barore goa p̄jaina Cohamac̄u Cristo mehne p̄htoro ti s̄ho jiro p̄u ne wahasi tina. Tíre noano masija mari. ⁶ Ō sehe yoaina ti yoari buhiri buhiri dahrerohca Cohamac̄u tirore ȳhd̄ūcainare. Ā jina paina m̄sare “Ahri ñaa jierara”, ti ni mah̄noch̄u t̄hoena tjiga. ⁷ Ā jina tó sehe yoa ȳhd̄ūcainare ne piti tiena tjiga.

⁸ Cristo yaina m̄sa jihto pano ā jirina cjirita jire m̄sa c̄h̄u nahitianoi jiina yoaro seheta. Mip̄u sehere to yaina jina buhriaroi jiina ti ñu masino seheta, Cohamac̄u noano masina m̄sa. Cohamac̄u yaina noaare yoara. Ā jina tó seheta yoaga m̄sa c̄h̄u. ⁹ Ā jina Cristo yaina jina buhriaroi jiina yoaro seheta noaare, Cohamac̄u cahmaare, mah̄ono marieno yoarucunahca m̄sa. ¹⁰ Noaare mari yoach̄u ñano mari p̄htoro Cristo wahchera. Tó sehe jiare, mari p̄htoro wahchech̄u yoaa sehere masi wahc̄aga m̄sa. Ā masina tíre yoaga. ¹¹ Cristore cahmaeraina nahitianoi jiina yoaro seheta ñaa ti yoaa, ñaa waro jira. Ā jina tina yoaro seheta m̄sa sehe yoaena tjiga. Noaa buheare Cristo yare yahuga tinare. Ā yoa ti ñaa yoaa tinare masich̄u yoaga buhriaroi mari ñu masino seheta. ¹² Masa ti ñeno tina ñano yoa cohtara. Ti ā yoarire durucuna mari buo tibo. Ā yoaa ñaputiaro yoara tina. ¹³ Ā jina tinare noaa buheare mari yahuna ñaputiina ti jia tiare masich̄u yoana nija mari tinare buhriaroi mari ñu masino seheta. ¹⁴ Tó seheta noaa buheare tinare yahuna, ñaina ti jia tiare masi pah̄noch̄u yoana nija tinare. Ā jia ō sehe ni yahura paina:

“Ne, car̄ina ti t̄hoeraro seheta yah̄ure t̄ho duaeraina, t̄hoga m̄sa car̄ina ti

wahc̄ano seheta.

Ā yoana yariaina t̄hoeraina ti jiro seheta Cohamac̄u yare t̄hoeraina ji namoena tjiga.

M̄sa ā yoach̄u ñano, Cristo buhriaro yoaro sehe jiro m̄sare noano masich̄u yoarohca”, ni yahura.

¹⁵ Ā jina dachoripe noano yoaga m̄sa. T̄ho masieraina yoaro sehe jiena tjiga. T̄ho masiina jiga. ¹⁶ Mip̄u macaina masa ñabiaro yoarucura. Ā jina m̄sa sehe noaare, Cristo yare m̄sa yoa masino seheta ā yoarucuga m̄sa. ¹⁷ Ā yoana t̄ho masieraina jiena tjiga. Cohamac̄u to cahmaa sehere noano masiga. Ā masina tíre yoaga. ¹⁸ Ā yoa cahaena tjiga. Cahainare ñano wahahto cua ȳhd̄ūara. Ā jina pahmoa core p̄jro cahmaena tjiga. Esp̄ritu Santo sehere p̄jro cahmaga m̄sa mehne to noano jihto sehe. Tirore noano yahtiina jiga. ¹⁹ M̄sa basi Cohamac̄u ño payoa basaare cahma durucuga. Ā yoa Salmore Cohamac̄u yare basaare, paye tirore ño payoa basaa c̄h̄u tirore basa payoga m̄sa. Noano wac̄u ño payoa mehne basa payoga. Ā yoana mari p̄htoro Cristore wahche payoga. ²⁰ Cohamac̄u mari P̄c̄u jipihtiare m̄sare to warire, to yoari c̄h̄u wahchena, “Noana”, ā nirucuga m̄sa tirore. Mari p̄htoro Jesucristo yaina jina mari P̄c̄u “Noana”, ā nirucuga m̄sa.

“M̄sa c̄h̄u w̄h̄u macaina Jesu yaina jina, ō sehe yoaga”, ni yahua Paulo

²¹ Ā yoa m̄sa mehne macainare noano ño payoa mehne cahma yahtiina jiga Cristore noano ño payoia jina.

²² M̄sa namos̄anumiare yahuihtja mip̄u. Mari p̄htoro Cristore mari yahtiro sehet m̄sa manus̄mare noano mehne yahtia numia jiga. ²³ Jesucristo marine ȳhd̄ūch̄u yoare to p̄ac̄u yoaro sehe jiina to ya curua macaina mari jihto sehe. Ā yoa mari to ya curua macaina mari p̄htoro to jiro seheta m̄sa manus̄ma m̄sa namos̄anumia bui pah̄toa jira. ²⁴ Cristo yaina jina tirore ā yahtirucuja mari. Tó seheta m̄sa

manu tia numia musa manusumare noano yuhtirucua numia jiga.

²⁵ Musa manusumare yahuhtja tjoa mipure. Cristo marine to yaina jichu yoaro taro, marine cahino, mari yaro jiborirore yariari jire. A jina marine to cahiro sehetu musa cuhu musa namosanumiare noano cahirucuga. ²⁶ Cristo ya buheare tuhona Cohamacu yaina wahahi mari. A jina to ya buheare “Quihono jira”, ni mari tuhoturi baharo, mari naa buhirire cosawere ti buhea mehne. Co mehne marine ti bautisachu cuhure mari naa buhirire Cristo to cosawerire nona nija mari. ²⁷ A cosawere tiro marine to yaina cjihti yoaro taro. To a cosawechu ne naa buhiri marieina jinahca, Cohamacu to nuhcu. ²⁸ Musa namosanumiare cahina, musa basi musa pjacurire musa cahino sehetu ti numiare cahiga. Mari namore cahina jina mari pjacure cahina jija. ²⁹⁻³⁰ Ne mari pjacurire nano wahachu cahmaeraja. Mari chure chuna noano yoana nija mari pjacurire. Cristo yaina jina to pjacu yoaro sehe to ya curua macaina jija mari. A jiro marine noano yoara tiro. Cristo marine to noano yoariro sehetu mari cuhu mari pjacure noano yoaja. (A jina mari namosanumia cuhure ata noano yoaro cahmana marine.) ³¹ Ata nina Cohamacu yare ti joari pu: “A yoa mano to pucsumare wijaaro to namono mehne jirohca. A jia tina puaro jipahta cuiro yoaro sehe jahca”, ni joaa tiri jire panopure. ³² Ahri to joari cjirire paina noano tuhoerari jire. Tire o sehe ni yahuhtja musare. O sehe ni yahuro nica: “Cristo to yaina mehne cu pjacu yoaro sehetu cu curuata jira”, ni yahuro nica. ³³ A jicu musare o sehe ni yahu namoihtja tjoa: Musa pjacurire musa cahino sehetu musa namosanumiare cahiga. A yoa musa manusumare noano no payoga musa.

6

¹ Mipure musa pohmare yahuhtja. Mari puhtoro Cristo yaina jina musa pucsumare noano yuhtiina jiga. Musa a yoana, quihono yoana nina. ²⁻³ O sehe nia tiri jire Cohamacu dutia: “Musa

pucsumare noano no payoga”, ni dutia tiri jire tiro. Ahri dutia mehne Cohamacu yahu namoa tiri jire. O sehe nia tiri jire: “Musa pucsumare no payona, ahri yahpau yoari pja wahchea mehne jinahca musa”, ni yahua tiri jire. A ni yahuro ahri dutiare mari yuhtichu mari noano wahahtore coa cuno nia tiri jire. A jina to niriro sehetu musa pucsumare no payoga.

⁴ Mipure ti pucsumare yahuhtja: Musa pohmare a tuhtirucuenta tjiga, “Suachu yoari”, nina. Mari puhtoro Cristo to cahia mehne to yoadohoa mehne tinare noano bucoga. A yoa quihono ti yoerachu nuna tinare noano yahuga.

⁵ Mipure dahra cohtainare yahuhtja: Cua pisaro mehne, no payoa mehne ahri yahpa macainare musa puhtoare, musare dahra dutiinare noano yuhtiina jiga. Mahono marieno noano yuhtiina jiga. Cristore musa yuhtiro sehetu tinare yuhtiga musa.

⁶ Ti nuocararo dihtare yuhtiina jiena tjiga. To sehe yoaina masa dihtare tinare nu jicoachu cahmana. Musa sehe Cristore dahra cohtaina musa jiro sehetu musa puhtoa cuhure a yuhtirucuga. Cohamacu to cahmano sehetu noano wahchea mehne yuhtiina jiga. ⁷ A jina Cristore yuhtiina musa jiro sehetu wahchea mehne yuhtiga musa puhtoa cuhure. Masa dihtare yuhtiina jierara musa. ⁸ A yoana ahrire wacuga musa: Mari jipihtina noare mari yoachu nuno mari puhtoro Cristo noano yoarohca marine. Dahra cohtainare, dahra cohtaina jieraina cuhure noano yoarohca.

⁹ Mipure puhtoare dahra dutiinare yahuhtja: Musare dahra cohtainare noano yoaga. Tinare noano yu yoa dutiriro sehetu yoaga musa cuhu tinare. Tinare noano mehne dutiga, tuhtiro marieno. Mano macariro Cohamacu potocata ti puhtoro jira. Musa yairo puhtoro jira tiro cuhu. A jina jipihtina musa tirore dahra cohtaina dihta jira. A jiro tiro cuno potori nuna musare jipihtinare. A jina musare dahra cohtainare noano mehne dutiga, tuhtiro marieno.

Cristo yaina watĩnore ti dꞩcataare yahuha Paulo

¹⁰ Ahrire yahu batoihtja mꞩsare: Cristore noano wacũ tuaina jiga mꞩsa. Mari pꞩhtoro Cristo mꞩsa mehne jira. Ā jina tua yꞩhdꞩriro to jia mehne wacũ tuaina jiga. ¹¹ Watĩno marine mahñono, ñano yoa dutira marine. Cohamacꞩ marine dꞩcatara ñaare mari yoaerahto sehe. Marine to dꞩcataa surara to dꞩcatari suhtiro, comaa suhtiro yoaro sehe jira. Ā jina tí suhtirore mꞩsa sãano seheta Cohamacꞩ to dꞩcataare noano cꞩa pahñoga. ¹² Jesu yaina mari jichꞩ, marine ñꞩ tuhtiina masa waro jierara. Mꞩano macaina ñaina, tuaina, tina sehe jira marine ñꞩ tuhtiina. Watĩa ahri yahpa macaina pꞩhtoa jira. Ā jia tina cꞩhꞩ jira marine Jesu yainare ñꞩ tuhtiina. ¹³ Ā jina mipꞩre dꞩcatari suhtirore mꞩsa sãano seheta Cohamacꞩ mꞩsare to dꞩcatahto sehe to yare noano cꞩa pahñoga. Ā yoana watĩno mꞩsare to ñano yoa dutichꞩ, mꞩsare to ñano yoa duachꞩ, tirore dꞩcatanahca. Ā yoa tirore yꞩhdꞩꞩcanahca. ¹⁴ Ā yoana tuaina jiga. Cohamacꞩ mꞩsare to dꞩcatahto cꞩihtore õ sehe yoaga mꞩsa: Surara to comaa suhtirore to tꞩã dihori dare sari dare noano tꞩã diho to dꞩcatariro seheta, Cohamacꞩ yare potoca yahuare noano wacũga mꞩsa, watĩnore mꞩsa dꞩcatahto sehe. Ā yoa, surara to comaa suhtiro mehne to yajeripohnare to dꞩcatariro seheta Cristo to yoadohoa mehne quihõno yoaia jiga mꞩsa, watĩnore mꞩsa noano dꞩcatahto sehe. ¹⁵ Surara to dahpo suhti mehne to dahporire to noano dꞩcatariro seheta noaa buheare noano masiga mꞩsa, watĩnore mꞩsa dꞩcatahto sehe. Tí buhea marine noano jichꞩ yoara. ¹⁶ Surara to dꞩcatari tꞩ mehne to dꞩcatariro seheta Cristore noano wacũ tuarucuga mꞩsa, watĩnore mꞩsa dꞩcatahto sehe. Bꞩea yucꞩ mehne mꞩsare to bꞩeboro seheta watĩno mꞩsare ñano yoachꞩ yoa duara. Ā jina Cristore noano wacũ tuana, watĩnore dꞩcatanahca mꞩsa. ¹⁷ Surara to comaa chapea mehne to dapure to dꞩcatariro seheta mꞩsare pichacapꞩ wahaborinare Cristo to yꞩhdꞩchꞩ yoarina jiga mꞩsa, watĩnore mꞩsa dꞩcatahto sehe. Surara to ñosari pjĩ mehne to dꞩcatariro seheta Co-

hamacꞩ ya buheare noano masiga mꞩsa, noano mꞩsa dꞩcatahto sehe. Ā jina painare noano yahuga to yare. Tí Cohamacꞩ ya buheare Espĩritu Santo marine yahura. ¹⁸ Ā watĩnore mꞩsa dꞩcatana Cohamacꞩre dachoripe ã sinirucuga. Espĩritu Santo to yoadohoa mehne ã sinirucuga. Ā yoana noano wacũ masiga. Ā sinina, pumena tjiga. Jipihtina Cohamacꞩ yainare ã sini payorucuga. ¹⁹ Ā yoana yꞩhꞩ cꞩhꞩre sini payoga Cohamacꞩre. Ā sehe ni sini payoga: Noaa buheare, panopꞩ ti masierari cꞩirire noano yꞩ yahuhto sehe sini payoga yꞩhꞩre. Ā jina cuiro marieno yꞩ yahuhto sehe sini payoga yꞩhꞩre. ²⁰ Cristo to yare yahu dutiro yꞩhꞩre warocare. Yꞩ ã yahuri buhiri peresupꞩ jija mipꞩre. Āi jipacꞩta cuiro marieno to yare yꞩ yahuhto sehe sini payoga yꞩhꞩre. To yare yahuhtiro jiita nija yꞩhꞩ.

Paulo noa duti batoaha

²¹ Mipꞩre Tĩquico mꞩsa cahapꞩ sꞩro yꞩ jia tiare mꞩsare yahu pahñonohca. Tiro mari coyeiro mari cahĩriro jira. Ā jiro mari pꞩhtoro Cristore dahra cohtariro ã jirucura. ²² Sã jia tiare mꞩsare yahu duticꞩ tirore warocai nija mꞩsa noano wahchehto sehe.

²³ Cohamacꞩ mari Pꞩcꞩ mari pꞩhtoro Jesucristo cꞩhꞩ mꞩsare Jesu yainare tirore wacũ tuainare noano jichꞩ yoajaro. Ā jiro mꞩsare noano cahma cahĩchꞩ yoajaro. ²⁴ Jipihtina mari pꞩhtoro Jesucristore cohtotaro marieno cahrucuinare mꞩsare noano jichꞩ yoajaro.

Filipenses

Peresup_u jiro ahri tjure joarocaha Paulo

¹ Y_u Paulo, Timoteo mehne Jesucristo dahra cohtaina jija sã. Æ jina jipihinare m_usare Jesucristo to noaina wahach_u yoainare Filipo macainare joarocaja sã. M_usa p_uhtoa cãh_ure, m_usare yoadohoina cãh_ure joarocaja. ² Cohamac_u mari P_uc_u, mari p_uhtoro Jesucristo mehne m_usare noa dutija. Cohamac_u to yoadohoa mehne noano jiga m_usa.

Paulo Jesu yainare Cohamac_ure sini payoha

³⁻⁶ Cohamac_u m_usare noaa sehere cohtotach_u yoaro nina. Æ jiro m_usare to Æ yoa d_ucariro seheta sohtori dahrerohca tiro. Æ jina Jesucristo ahri yahpap_ure to wihich_up_ure ñaa marieina jinahca m_usa. Wahmanop_ure Jesu yaina m_usa jiri baharo, mip_u cãh_ure yoadohora m_usa y_uh_ure noaa buheare y_u buhech_u. M_usa Æ yoaina jich_uta Cohamac_ure “Noana”, nija y_uh_u. M_usare wac_uc_u õ sehe dihta nija y_uh_u. M_usare Cohamac_ure sini payoc_u, wahchea mehne sini payoja. ⁷ M_usare y_u Æ t_uhotuch_u noa nina. Noaa buheare “Potocã tjira”, p_uhtoare y_u ni tua y_uhd_ug_ucach_u m_usa y_uh_ure yoadohore. Tí buheare potocã ti jiare tinare y_u yahuch_u yoadohore m_usa. Peresui y_u jich_u cãh_ure m_usa y_uh_ure yoadohore. Cohamac_u marine noano yoaro, to yare c_ure marine. M_usa y_uh_ure yoadohore. Æ jina to c_urire mari cãno potori yoana nija. Æ jic_u y_u yajeripohna mehne tuaro wac_uja y_uh_u m_usare. ⁸ Jesucristo to cah_u mehne tuaro m_usare wac_uja y_uh_u. Y_u Æ wac_uch_u Cohamac_u t_ure masina. ⁹ M_usare õ sehe ni sini payoja y_uh_u Cohamac_ure: Cohamac_u yare noano masia mehne, t_uho masi pah_uo mehne painare m_usa cah_u namohto cjihtore sini payoja y_uh_u m_usare Cohamac_ure. ¹⁰ Noa y_uhd_uare m_usa masich_u cãh_ure sini payoja m_usare. M_usa Æ masina Cristo ahri yahpap_u to tjua tach_u noaare yoaina, ñaa buhiri marieina jinahca m_usa. ¹¹ Æ jiina jina noaare,

Cohamac_u cahmaare yoanahca m_usa. M_usare Æ yoach_u yoarohca Jesucristo sehe. Cohamac_u noabiariro tuariro to jiare ñono taro, jipihina tirore ti ño payohto cjihtore to cahmaare m_usare yoach_u yoarohca.

Paulo Cristo yairo to jia tiare yahuha

¹² Y_u coyea, ahrire m_usa noano masich_u cahmaja y_uh_u. Mip_ure peresui jiro y_u jiro watoi noaa buhea sehe Æ m_u tãrucuro nina. Paina masa tí buheare cahmaina waha namoa nina. ¹³ Æ yoa Cristo yairo y_u jiri buhiri peresui y_u jirire masi pihira p_uhtoro ya w_uh_u macaina surara. Jipihina paina cãh_u õi jiina t_ure masina. ¹⁴ Æ jia peresui y_u jich_u ñ_ua, pay_u mari coyea Jesu yaina mari p_uhtoro Jesure wac_u tua namoa nina. Æ wac_u tuaa, cuiro marieno noaa buheare painare buhera tina.

¹⁵ Cãina Cristo yare buheraborina jipahta y_uh_ure ñ_u tuhtia, Cristo yare buhera paina tina sehere ñ_u wahãch_u cahmaa. Paina sehe noano mehne Cristo yare buhera. ¹⁶ Noaa buheare y_u ni tua d_ucatahti cjihtire Cohamac_u y_uh_ure to c_urire noano masina ahрина sehe. Æ masia tina cah_u mehne Cristo yare buhera. ¹⁷ Paina sehe y_uh_ure ñ_u tuhtia, masa tina sehere ti ñ_u wahãch_u cahmaa, Cristo yare buhera. Æ yoaa peresui y_u jich_u tina y_uh_ure ñ_uano y_uhd_uch_u yoa duara. ¹⁸ Noanohca. Cristo yareta buhea nina. Tina Cristore potocã cah_urapahta Cristo yareta buhera. Paina sehe noano mehne buhera. Jipihina tina to yare ti buhech_u wahcheja. Æ jic_u wahche namoihca y_uh_u.

¹⁹ Cohamac_ure m_usa sini payori mehne Jesucristo Esp_uritu to yoadohoa mehne Cohamac_u to wioriro jiihca y_uh_u peresup_u jiro. T_ure masija. Æ jic_u Æ wahcherucuihca y_uh_u. ²⁰ Õ seheta yoaihca y_uh_u. Dachoripe y_u yoariro seheta mip_u cãh_ure cuiro marieno Cristo yare buheja masa tirore noano ti ño payohto sehe. Õ seheta yoa duaja y_u yoarire y_u buheri cãh_ure y_u b_uoro y_uhd_uerahto sehe. Catisinic_u waro õ seheta yoa duaja. Tina y_uh_ure ti wajã duapach_uta õ seheta yoa duaja. ²¹ Catisinic_u Cristo yare yoasinihca. Yariac_up_u pinihta

tí yǎhgoro noano tjuaihca yǎh. 22 ǎ ni-pacǎta catisinicǎ Cristo yare yǎ yoa namohto sehe cati namosini duaja. ǎ nipaihta yariaa cǎhǎre cahmaja. ¿Di baro sehene yǎhǎ cahmabocari? Masieraja yǎh. 23 Yǎ Ǒ sehe ni durucuchǎ mijo nina yǎhǎre. Cristo mehne tuaro ji duaja. ǎ jicǎ mipǎre tiro cahapǎ waha duaja. Catia yǎhgoro ahri sehe noa yǎhdǎrcara. 24 To ǎ jipachǎta mǎsare yǎ yoadohohto cjihto sehe catisinino cahmana yǎhǎre. 25 Tíre masicǎ Ǒi mǎsa mehne yǎ jisinihtore masija yǎh. ǎ jisiniihca mǎsa Cristore wacǎ tua namohto cjihtore tí wacǎ tuaa mehne mǎsa wahchehto cjihtore. 26 Ahri yahpai jisinicǎ mǎsa cahapǎ pari turi yǎ wahachǎ mǎsa wahchenahca. Cristo Jesu yǎhǎre to yoadohochǎ masina, “Tuariro jira tiro”, ni ǎo payonahca mǎsa tirore.

27 Mipǎre ahri dihtare yahuihtja mǎsare. Cristo ya buhea ti niriro seheta jirucuga mǎsa. Wacǎ tuaina jiga. ǎ yoa cahma tju waro marieno noaa buheare ni tuaga. Ǒ seheta yǎ mariachǎ cǎhǎre yǎ jichǎ cǎhǎre mǎsa yoachǎ cahmaja. ǎ jiina mǎsa jichǎ tǎhoroca duaja yǎh. 28 Mǎsare ǎ tuhti-inare cuiena tjiga. Mǎsa ǎ cuierachǎ ǎha Cohamacǎ yaina mǎsa jichǎ masiahca tina. ǎ masia tina pichacapǎ ti wahahto cǎhǎre masiahca. Cohamacǎ mǎsare to yǎhdǎrchǎ yoahǎto cǎhǎre masiahca. Ǒ seheta masichǎ yoara Cohamacǎ masare. 29 Cristore mǎsa wacǎ tuahtore Cohamacǎ cǎha mǎsare. Ahri cǎhǎre cǎha tiro. Cristo yare mǎsa yoari buhiri mǎsa ǎano yǎhdǎhǎto cjihto cǎhǎre cǎha Cohamacǎ. 30 Ǒ sehe jira tí. Cristo yaina mǎsa jiri buhiri paina mǎsare ǎano yoara. Mǎsare ti yoariro seheta yǎhǎ cǎhǎre ǎano yoara tina. Mǎsa mehne yǎ jichǎ yǎhǎre ti ǎ yoachǎ ǎhǎre mǎsa. Mipǎ cǎhǎre yǎhǎre ti ǎ yoachǎ tǎhorocayuhti mǎsa. ǎ jina mari cǎno potori ǎano yǎhdǎja.

2

Cristo wiho jiriro to sǎari baharo, jipihǎtina bui pǎhtoro cjihto wahaha

1-2 Cristo mǎsare noano yajeripohna tichǎ to yoachǎ Cristo to cahǎa mehne mǎsa

wahchena, yǎhǎre noano wahchechǎ yoaga mǎsa. ǎ yoa Espíritu Santo jipihtina mǎsa mehne to jichǎ painare cahǎina, pja ǎhǎina jina, yǎhǎre noano wahchechǎ yoaga mǎsa. Ahri yǎ nihtire mǎsa yoachǎ wahcheihca: Cǎno potori noano yajeripohna tiga mǎsa. Tuhsǎ, cǎno potori tǎhotuina ji, mǎsa basi cahma cahǎga. ǎ yoa cǎno mehne noano jiga. 3 Mǎsa ya dihtare tǎhotuina, painare yǎhdǎrcara duaina jiena tjiga. ǎ tǎhotunocaina jiga mǎsa. ǎ jina painare noano ǎo payo, Ǒ sehe ni tǎhotuga: “Tina sehe yǎ yǎhgoro noaina jira”, ni tǎhotuga. 4 Cǎiro painare yoadoho duaeraboca. To ya cjihti dihtare tǎhoturiro jiboca. Tiro yoaro sehe yoaena tjiga. Paina cǎhǎre yoadohoga.

5 Cristo Jesu painare yǎhdǎrcara duaerariro to jiriro seheta mǎsa cǎhǎ painare yǎhdǎrcara duaeraina jiga. 6 Tiro sehe Cohamacǎ waro jiparota “Cohamacǎ mehne cǎno potori yǎ jiare ne wijaasi yǎhǎ”, ni tǎhotuerari jire tiro. 7 ǎ ni tǎhotueraro tiro Cohamacǎ mehne cǎno potori to jiare wijaa, Ǒpǎ taro, masǎnota masa bajuaro, tiro dahra cohtariro yoaro sehe ji dǎcari jire. 8 ǎ jiro tiro masǎno cǎno potori pjacǎ tiriro jiro, wiho jiriro waro sǎari jire. ǎ sǎano “Crusapǎ wajǎga tirore”, ti nichǎ tiro yǎhdǎrcaraerari jire. Crusapǎta yariahtiro jiparota tiro yǎhdǎrcaraerari jire. 9 ǎ jiro Cohamacǎ jipihtina ti ǎo payohtirore cǎri jire Jesure. ǎ jiro jipihtina bui pǎhtoro sǎri jire Cohamacǎ tirore, 10 jipihtina mǎano macaina, ahri yahpa macaina, yariaina cjiri yahpa puhichapǎ jiina cǎhǎ Jesu wamare tǎhoina ti na tuhcuca caha sǎ ti ǎo payohto sehe. 11 ǎ pǎhtoro sǎri jire tirore Cohamacǎ jipihtina “Jesucristo mari pǎhtoro jira”, ti nihtiro cjihtore. ǎ nia Cohamacǎre mari Pǎcǎre ǎo payoa nina.

Cristo yaina buhriaro yoaro sehe jia, noaare masare yahu, masichǎ yoara

12 ǎ jina yǎ cahǎina yǎ coyea Jesu yaina mǎsa mehne yǎ jichǎ mǎsa yǎhtirucuriro seheta, mipǎ yǎ yoaropǎ jichǎ cǎhǎre pano mǎsa yǎhtiriro yǎhgoro yǎhtiga yǎhǎre. ǎ jina pichacapǎ wahaborina

to yǎhdǎchǎ yoarina jina, Cristo yoaro sehe wahana tana, Cristo to yoadohoro mehne ñaa marieina jiga. Æ jina ño payoa mehne papero marieno Cohamacǎ yare yoaga. ¹³ Cohamacǎ noaa sehere mǎsare cahmachǎ yoaro nina to cahmano seheta mǎsa yoahito sehe. Æ jiro tíre mǎsa yoahitore yoadohoro nina Cohamacǎ. (To Æ yoachǎ tí yǎ niriro seheta Cohamacǎ yare yoaga mǎsa.)

¹⁴ Jipihtiare yoana nureno marieno, mǎsa basi jiape ni durucuro marieno yoaga. ¹⁵ Cohamacǎ pohna jira mǎsa. Æ jina nureno marieno jipihtiare yoaga mǎsa ñaa buhiri marieina, ñaare yoaeraina mǎsa jihto cjihto sehe. Æ yoaga mǎsa masa mahñoina, ñaina watoi dojomehnenno marieno mǎsa jihto cjihto sehe. Tina ñaina watoi jina buhriaro to ñǎ masichǎ yoaro seheta noaa buheare buhena masichǎ yoara mǎsa ahri yahpa macainare. ¹⁶ Tí buheare mǎsa tǎho ñahari baharo Cohamacǎ mehne Æ jirucuhtina wahare mǎsa. Tí buheare ahri yahpa macainare mǎsa Æ buhechǎ ñǎchǎ mǎsa mehne wahcheihca. Æ jicǎ mǎsare yǎ buherire “Wiho waro buherari jica yǎhǎ”, niichǎ yǎhǎ. Æ jicǎ Cristo ahri yahpapǎ to tjua tachǎ mǎsa mehne wahcheihca. Æ jicǎ buoro yǎhdǎsi yǎhǎ. ¹⁷⁻¹⁸ Cristore mǎsa wacǎ tuachǎ Cohamacǎ mǎsare ñǎ jicoarohca. To Æ ñǎ jicoachǎ masicǎ mǎsare Cristo yare yǎ buheri buhiri yǎhǎre ti wajǎ duapachǎta wahcheihtja. Æ jina mari jipihtina cǎno potori wahchenahca. Tó seheta mǎsa cǎhǎre cahyaro marieno wahchero cahmana yǎhǎ mehne, yǎ yariari baharo.

Timoteore, Epafrodito cǎhǎre yahuha Paulo

¹⁹ Mari pǎhtoro Jesu to cahmachǎ soaro mehne Timoteore mǎsa cahapǎ waroca duaja yǎhǎ mǎsa jia tiare masicǎ tacǎ. Æ masiipǎta wahcheihca. ²⁰ Tiro Timoteo yǎ yoaro seheta mǎsa noano jihto cjihtore potocǎta pjíro tǎhotura mǎsare. Pairo to yoaro sehe jiro marihana yǎhǎ mehne. ²¹ Paina sehe jipihtina ti cahmaa dihtare yoa duaa, Cristo Jesu to cahmaa sehere yoa

duaerara. ²² Timoteo sehe noano yoariro to jiare masina mǎsa. Yǎ macǎ yoaro seheta tiro yǎhǎ mehne noaa buheare yahua tihre. ²³ Æ jicǎ pǎhtoa yǎhǎre ti dohse yoahitore masicǎta, Timoteore mǎsa cahapǎ waroca duaja. ²⁴ Æ yoacǎ mari pǎhtoro Jesu to yoadohoa mehne soaro mehne yǎhǎ cǎhǎ mǎsa cahapǎ wahaihtja.

²⁵⁻²⁶ Yǎhǎre yoadoho dutina mǎsa Epafroditore warocari jire yǎ cahapǎ. Tiro yǎ coyeiro Jesu yairo yǎhǎ mehne dahrariro, yǎ piti, Cohamacǎ yare buhe tuariro jira. Tiro mǎsare tuaro wacǎrocara. Æ jiro to dohatirire mǎsa tǎhochǎ masino tiro sehe pjíro cahya tǎhotuhre. Æ pjíro to tǎhotuchǎ ñǎchǎ “Tirore mǎsa cahapǎ waroca tjuro cahmana yǎhǎre”, ni tǎhotuja yǎhǎ mipǎre. ²⁷ Potocǎta tiro tuaro dohatihre. Mahano yariabiho yǎhdǎhre. To Æ tuaro dohatipachǎta Cohamacǎ tirore pja ñǎno, yǎhdǎchǎ yoahre. Tiro to yariachǎ yǎhǎ sehe pano yǎ cahyariro yǎhdoro tuaro cahyaboa. Æ jiro Cohamacǎ yǎhǎ cǎhǎre pja ñǎhǎre tirore yǎhdǎchǎ yoaro. ²⁸ Æ jicǎ mipǎ pinihtare soaro mehne tirore mǎsa cahapǎ waroca duaja pari turi mǎsa tirore ñǎ, mǎsa yajeri sǎahito sehe. Mǎsa Æ wahchechǎ ñǎchǎ yǎhǎ cǎhǎ wahcheihtja. ²⁹ Æ jina tirore Epafroditore mari pǎhtoro yairore mari coyeirore noano wahchea mehne piti bocaga. Æ yoana painare tiro yoaro sehe jiiinare ño payoa mehne ñǎga. ³⁰ Tiro Cristo yare yoadohomahno mahano yariabiho yǎhdǎre. Mǎsa sehe yǎhǎre yoadoho masierachǎ tiro sehe yǎhǎre yoadohomahre. Æ yoaro yariamahre tiro.

3

Noano yoaa warore yahuha Paulo

¹ Mipǎ pinihtare ahrire yahu batoihtja. Mari pǎhtoro yaina mǎsa jina wahchega. Ahri buheare pano yǎ yahurire pari turi mǎsare yahu joarocacǎ ji coaja yǎhǎ. Æ jicǎ mǎsare ahrire yahucǎ yoadohoi nija mǎsare. ² Noano yoaga mǎsa. Ñaare yoarucuina, dieya yoaro sehe jiiina ñaina circuncisiõre yoa dutia, mǎsa pjacǎrire yihso duara. Noano yoaga mǎsa Æ yoa dutiina

sehe “Soro ni buheri”, nina. ³ Tina circuncisiõre yoapahta Cohamacu dutiare noano yoerara. Mari sehe potocãta Cohamacu dutiare noano yoaina jija mari. Espiritu Santo to yoadohoa mehne Cohamacure ño payoja mari. ã jina Jesu yaina mari jiare wahchea mehne painare mari yahuja. “Sã m̄ s̄ro Cohamacu dutiare bihoja”, ne ni t̄hotueraja. ⁴ ã ni t̄hotuerariro jipaihta “Tinare doca dahrenocaja”, ti yoaro sehe niriro jicu ã t̄jiboa yuh̄u c̄h̄u. Pairo “Tinare doca dahrenocaja”, ni yuh̄d̄r̄ca duara. Yuh̄u sehe tiro yuh̄doro ã niboa yuh̄u. ⁵ Õ sehe yoariro jimai yuh̄u: Ocho dachori yu masa bajuari baharo circuncisiõre yoari jire yuh̄re. Israe mas̄no jicu Benjami ya curua macariro jija yuh̄u. Yu p̄c̄s̄ma hebreo masa ti jich̄u potocãta hebreo mas̄no warota masa bajuai. Cohamacu dutiare quihõno pahño duacu fariseo curua mehne sãamai yuh̄u. ⁶ “Cohamacu ya jip̄cu”, nicu noano yoamai. ã yoacu Jesu yaina sehere ñano yoaa timai yuh̄u. Potocãta Cohamacu dutiare yoacu tíre yuh̄d̄r̄caro marieno yoa pahñoi. ⁷ Panop̄re “Tí noaa jip̄cu”, ni t̄hotumai. “Tí yu ã ni t̄hoturi cjiri panop̄u yu jia tiri yaba cjihti jierari jira”, ni t̄hotuja mip̄re. Õ seheta ni t̄hotu d̄cai yuh̄u Cristore wacũ tuacu tacu. ⁸ Cristo Jesu yu p̄h̄torore yu masich̄u pinihta noa yuh̄d̄ara. ã jicu paye sehere masa “Noaa jira”, ti nirire “Tí jipihtia yaba cjihti jierari jira”, ni t̄hotuja yuh̄u. Tí jipihtiare duhunocai Cristo ya sehere yoai tai. ã jicu tíre yu duhurire “Wiho jia waro jiri jira”, ni t̄hotui Cristore noano masich̄u tacu tiro mehne macariro jicu tacu. ⁹ ã jiro yu m̄ s̄ro noano yu yoari wapa “Noariro jira”, ni ñ̄erara Cohamacu yuh̄re. ã jiro Cohamacu dutia Moise cjirore to c̄r̄re yu yoari wapa c̄h̄re “Noariro jira”, ni ñ̄erara. Cristore yu wacũ tuari baharo “Noariro jira”, ni ñ̄ana tiro yuh̄re. Cohamacu sehe marine buhiri marieina jich̄u yoara, tirore mari wacũ tuach̄u. ¹⁰ ã jicu pano yu ni t̄hotu m̄htamari cjirire duhunocaja Cristore noano masich̄u tacu. Cohamacu tuaa mehne Cristo masa m̄jari jire. Tí tuaa mehne ji duaja. ã yoa tí tuaa

mehne noaare yoa duaja. Cristo crusapu variari jire mari ñ̄aa yoari buhirire cohãno taro. ã jicu to yare yu yoari buhiri tiro yoaro seheta ñ̄ano yuh̄d̄u duaja yuh̄u c̄h̄u. ¹¹ ã jicu Cristo to masa m̄jariro seheta masa m̄jatiro jiihca yuh̄u c̄h̄u. Cristo yuh̄re to ã masa m̄jach̄u yoah̄tore wacũ cohtaja yuh̄u.

¹² Ahri jipihtiare ã nicu, “Cristo yare yoa pahñonocaja yuh̄u”, ni t̄hotueraja. Yu ã ni t̄hotuerapach̄ta Cristo sehe to yairo yoa tuhs̄re yuh̄re. ã jicu to yare tiro c̄h̄re noano masi namo duacu tuaro mehne to yare yoaja yuh̄u. ã yoah̄tiro cjihtore besere tiro yuh̄re. ¹³ Yu coyea, “Cristo yare noano yoa pahñonocaja”, ni t̄hotueraja. ã t̄hotuerapaihta ahri pinihtare yoaja: Pano yu yoari cjirire ã ñ̄nocaja. Tíre p̄j̄ro t̄hotueraja. ã yoacu Cristo yare noano yoa pahñonoca duacu, tíre tuaro yoaja mip̄re. ¹⁴ M̄rocaperiro to wapata duariro seheta Cristo yare tuaro yoaja yuh̄u yu wapatahtore yu ñ̄ahahto sehe. Cristo yairo yu jich̄u ñ̄ano Cohamacu tí yu wapatahtore yuh̄re waro taro m̄anop̄u p̄j̄rocara yuh̄re to catia mehne yu catirucuhto sehe.

¹⁵ Õ sehe yu t̄hoturiro seheta t̄hotuga m̄sa c̄h̄u Cristore noano masiina jina. Wiho mejeta, ahri m̄sare yu yahurire m̄sa t̄ho duaerach̄u, soro m̄sa t̄hotuch̄u Cohamacu m̄sare noano masich̄u yoarohca. ¹⁶ ã jina to yare mari masirire noano yoa sohtori tijihna.

¹⁷ Yu coyea, m̄sa jipihtina yuh̄re ñ̄u c̄ga. ã jina paina sã yoaro sehe yoainare noano ñ̄ga m̄sa tinare m̄sa ñ̄u c̄hto sehe. ¹⁸ Payu tahari painare yahui yuh̄u m̄sare. Mip̄u c̄h̄re tuaro cahyacu tinareta yahuja m̄sare. Payu tina Cristo crusai to variari buheare ñ̄u yabiina jira. ¹⁹ Tina pichacap̄u wahahtina jira. Ti ñ̄aa goa p̄jaa sehere tuaro cahmana tina. Tuhs̄u, ti b̄o tiboare yoaa, tíre “Noaa jira”, nina tina. Ahri yahpa macaa dihtare noano t̄hotura tina. ²⁰ Mari sehere mari ya maca m̄anop̄u jira. ã jiro t̄p̄ta marine yuh̄d̄ch̄u yoah̄tiro, mari p̄h̄toro Jesucristo tarohca. ã jina to tahtore cohtana nija mari. ²¹ Tiro taro mari p̄jac̄r̄re wiho jia p̄jac̄r̄re soro sehe jia

pjacuri dihta cohtotarohca tiro. Ñ yoaro to ya pjacur yoaro sehe noa yuhdñari pjacure si siteri pjacure warohca marine to tuaa mehne. Jipihtina bui puhtoro sñari jire tiro tí to tuaa mehne. Ñ jiro jipihtia puero jira tiro tí tuaa mehne.

4

Dachoripe mari puhtoro mehne wahchega

¹ Ñ jina yu coyea, yu cahñina, tuaro yu wacñina, yuhure wahchechu yoaina, pano musa wacñ tuariro seheta mipure musare yu yahu joariro seheta mari puhtoro Jesure tuaro wacñ tuana, to yare ne duhuena tjiga musa.

² Ahrire yahuihtja musare Evodiare, Síntique cñhure: Jesu yaina numia jira musa. Ñ jina cahma sayoro marieno noano mehne jirucuga musa. ³ Mñhu sehe potocñta yu piti warota jira. Mñhu cñhure yahuihtja: Tí numia yñhu mehne, Clemente mehne, paina yu piti tiina mehne dahrare noaa buheare sñ buhechu. Cohamacu tina jipihtina wamare joa ðha to ya tjui. Jipihtia dachoripe catiare to warina wamare to joa ðri tjui joa ðha. Ñ jicu tí numiare “Cñno mehne noano jiga”, ni yahuga mñhu.

⁴ Dachoripe mari puhtoro mehne wahchega. Pari turita yahuihtja tjoa: Wahchega. ⁵ Noano yoaga jipihtinare masa yoaro seheta. Mari puhtoro Cristo to tahto mahanocñ dñsara.

⁶ Ne cahya pjíro tuhoutuena tjiga. Cohamacure noano yahu pahñoga. Ñ yoana tirore siniga. Ñ sinina, “Noana”, niga tirore. ⁷ Musa ã yoachñ noano jichñ yoarohca musare Cohamacu. To ã yoachñ noa yuhdñara. Ahri mari noano jia noa yuhdñara. Masa jina, marine to ã noano jichñ yoarire noano tuho ñaha masieraja mari. Cristo Jesu yaina mari jichñ marine noano jichñ yoaro, Cohamacu marine noano yajeripohna tichñ yoarohca. Ñ yoaro cahya tuhoutuerechñ yoarohca marine.

Noaare tuhutuga

⁸ Ahrire yahu batoi tai nija musare, yu coyea. Quihño jiare, masa ti ño payoare,

noano yoaaare, ñaa mariare, ji coaare, masa “Noaa jira”, ti niare tuhutuga musa. Noa yuhdñu ti jichñ tíreta tuhutuga. Masa noaare ñu ti wahchea sehere musa cñhu wahche tuhutuga.

⁹ Musare yu buheriro seheta ã yoarucuga musa. Ñ yoana, yuhure ñu cñga musa. Musa ã yoachñ Cohamacu musare noano jichñ yoariro musa mehne jirohca.

Filipo macaina Paulore ti wari cjirire yahuha tiro

¹⁰ Mipñ pinihta yoari pja baharo musa pari turi yuhure wacñna musa yoadohoare wahcheja. Ñ wahchecu mari puhtoro Cristore “Noana”, nija. “Yuhure boaa wahare musa”, nieraja yñhu. Panopure yuhure yoadoho duapanahata yoadoho masierare musa. ¹¹ Yuhure musa yoadohore yahucu yuhure dñsarire musare yahui tai nieraja. Musare paye barore cahmacu ã nii nieraja. Yu cñaa mehne ji masija yñhu. ¹² Paye baro cñuaceracu cñhu noano ji masija yñhu. Ñ yoa pjíro cñuacu cñhu noano ji masija. Dachoripe juca baacu cñhu jipoaja. Yapiriro jicu cñhu jipoaja. Pjíro cñuacu cñhu jipoaja. Yuhure paye baro mariachñ cñhure jipoaja. ¹³ Cristo yuhure tuachñ yoariro mehne jipihitiare Cohamacu to cahmaare yoa masi pahñoja yñhu. ¹⁴ Yu ã jipoariro yu jipachuta yu ñano yuhdñchñ musa yoadohona yuhure noano yoare musa.

¹⁵ Noaa buheare yu buhe dñcachñ Macedonia yahpai jiriro cjiro yu wahachñ musa dihta yuhure yoadohore. Tíre masina musa. ¹⁶ Ñ yoa Tesalónicai yu jisinchñ ñna yuhure yoadohona cña tahari warocari jire musa. ¹⁷ Paye barore sinicu ã nicñ nieraja. Painare musa yoadohochñ Cohamacu musare noano yoarohca. Musa ã yoadohori wapa Cohamacu musare to noano yoachñ cahmaja yñhu. ¹⁸ Mipure yuhure noano wa pahñohre musa. Yu cahmari yuhdoro wahre musa yuhure. Yuhure Erafrodito mehne musa warocari baharo paye baro ne dñsaerara yuhure. Cohamacu wñhupñ inciensore jñ mño Cohamacure ti noano ji coachñ yoariro seheta yuhure musa wari cñhu Cohamacure noano ji coachñ yoara. ¹⁹ Cristo yaina jira

musa. ã jiro jipihtiare musare dahsarire warohca Cohamacu musare, noa yuhduã to cjaare. ²⁰ Jipihia dachoripe mari Pacare Cohamacare ño payojihna. Æta yoajihna.

Paulo noa dutiha

²¹ Jipihina Cohamacu yaina, tópu jiina, Jesucristo yaina noajaro. Mari coyea cãhu Jesu yaina wãhu mehne macaina musare noa dutira. ²² Jipihina Cohamacu yaina, õ macaina, Jesu yaina noa dutira. Roma macaina bui pãhtoro ya wãhu macaina pinihta tuaro noa dutira.

²³ Mari pãhtoro Jesucristo musare to cahã mehne noano yoajaro.

Colosenses

Colosa macainare joarocaha Paulo cãhũ

1-2 Yũhũ Paulo mari coyero Timoteo mehne m̄sare Colosa macainare joarocaja sã. Yũhũ Jesucristo to yare buhe dutiro to cũriro jija. Cohamacũ to cahmano seheta Jesu yũhũre to yare buhehtirore cũre. ã jina m̄sare sã coyera Cristore wacũ tuaru cuinare joarocaja. ã jina Cohamacũ mari Pũcũ mehne m̄sare noa dutija. ã jina tiro mehne noano jiga m̄sa.

Jesu yainare Paulo sini payoha Cohamacũre

3 M̄sa ya cjihtire Cohamacũre sini payona “Noana”, ã nirucuja sã. Tiro sehe mari pũhtoro Jesucristo Pũcũro jira. 4-5 Tirore “Noana”, nirucuja sã m̄sa jia tiare tũhorocana. To ya buhea potocã jia buheare m̄sa tũhoriro seheta jipihtia dachoripe m̄anopũ m̄sare jichũ yoarocaha Cristo sehe. To ã yoachtiro jichũ tíre m̄sa ã cohtarucu wama tira. ã jina Cristo Jesure wacũ tua wama tira m̄sa. Tuhsũ, to yainare cahĩ wama tira m̄sa. M̄sa ã jiina jichũ Cohamacũ mehne wahche tirore “Noana”, nija sã. 6 Jipihtiropũre Jesu yaina potocã jia buheare noaa buheare ti yahuchũ tũhoa masa Cohamacũ yare cahmaa, noaa sehere cohtota namoa nina. M̄sa cãhũ noaa buheare Cohamacũ m̄sare to cahĩare quihõno m̄sa tũho dũcari baharo tina yoaro sehe Cohamacũ yare cahmana, noaa sehere cohtota wama tira m̄sa. 7 Ahrireta m̄sa cãhũre Epafra noaa buheare yahuri jire. Tiro sã tuaro cahĩriro sã mehne Cristore dahra cohtariro, Cristo yare ne duhuerariro jira. M̄sare sã buhe masierachũ tiro sehe sãre cohtotariro jiro, m̄sare buheri jire. 8 Tiro jira m̄sa jia tiare sãre yahuriro. Espĩritu Santo to yoadohoa mehne Jesu yainare m̄sa cahĩre yahure sãre.

9 ã jina m̄sare tũhorocana m̄sare sã tũhorocari dachoihta dóihta ã sini payorucuja sã Cohamacũre. Cohamacũ to cahmaare m̄sa masi pahõhto sehe tirore

sini payoja sã. Espĩritu Santo yoadohoro mehne Cohamacũ yare noano masiina m̄sa jihto sehe sini payoja sã. 10 Õ seheta sini payoja sã mari pũhtoro Cristo to cahmano seheta noano m̄sa yoahiti cjihtire. M̄sa ã yoachũ ñũno tiro wahcherohca. ã jina jipihtia noaare m̄sa yoahito sehe sini payoja. Cohamacũre m̄sa masi namohto sehe sini payoja. 11 Ahri yũ yahuhiti cãhũre sini payoja sã. Cohamacũ ya tuaa noa yũhdũara. Cohamacũ tí tuaa mehne m̄sa tuahtore m̄sare sini payoja. Õ seheta sini payoja m̄sa ñũno yũhdũpanahta wahchea mehne m̄sa cãno pjahto sehe. 12 Cohamacũ to yaina cjihtire marine jichũ yoari jire. ã yoaro to waare cjuahitina cãhũre yoari jire marine tiro. To jiropũ buhriaropũ mari cjuahitire warohca tiro. To ã yoachũ ñũna tirore m̄sa “Noana”, nihto cjihtore sini payoja sã m̄sare. 13 Tirota marine pichacarpũ wahaborinare yũhdũchũ yoari jire. Tó panore ñaare yoa duhu masieramai mari. Ñariro sehe nahitianoĩ jiro marine dutiriro jisiri jimare. Cohamacũ sehe to macũno to cahĩrirore pũhtoro sõno m̄anopũ marine jichũ yoari jire. ã jina to macũno mehne jinahca. 14 To macũno mehne marine yũhdora Cohamacũ. To macũno to yariaro mehne mari ñaa yoari buhirire bori jire Cohamacũ.

Masa Cohamacũ mehne ti cahma ti pũ bũhũseheri ti ñũ tuhtichũ ñũno Cristo bosaha

15 Jesu Pũcũrore ñũmahnoerara. To macũno sehe to Pũcũro to dohse jia tiare ñona masare. Tiro to macũno jipihtina pano jipihtia pano ji tuhsũri jire. ã jiro jipihtia pũro, jipihtina bui pũhtoro jira tiro. 16 Cohamacũ to dutichũ to macũno sehe to Pũcũro mehne jipihtinare, jipihitiare bajuamehneri jire. M̄anopũ jiare ahri yahpapũ jia cãhũre bajuamehneri jire. Mari ñũriro mari ñũerari cãhũre bajuamehneri jire. M̄ano macaina ñũmahnoerainare pũhtoare, dutiinare, jipihtinare bajuamehneri jire. ã jia jipihtina to yaina cjihti jimari jire. Jipihtia cãhũ to ya cjihti jimari jire. 17 Jipihtina pano jipihtia pano Cristo ji tuhsũri jire. ã

yoa to tuaa mehne jipihtia cãh̄u jipihtina cãh̄u mip̄ure jia nina. ¹⁸ Mari to yaina jipihtina to pjac̄u yoaro seheta to ya curua macaina jija. Æ jiro tiro mari dapu mari p̄ah̄toro jira. Tiro yariaro masa m̄aja m̄ah̄tariro jira jipihtina bui p̄ah̄toro, jipihtia p̄aro jiro taro. ¹⁹ Cristo to P̄uc̄uro mehne cãno potori to jiro seheta jira. To ã jich̄ta cahmana Cohamac̄u sehe. ²⁰ Jipihtina to P̄uc̄urore cahma ñu tuhtia tiri jire. Æ ti cahma ñu tuhtich̄u ñuno Cristo tinare “Ñu tuhtiena tjiga”, ni yahuri jire. M̄ano macainare ahri yahpa macaina cãh̄ure to P̄uc̄urore “Ñu tuhtiena tjiga”, ni yahuri jire Cristo. Æ yoa m̄ano macaa ahri yahpa macaa cãh̄u noano ti jich̄u cahmari jire tiro. Æ mari ñu tuhtirire duhuch̄u yoa duari jire tiro crusap̄u yariaro to di cohãno. To P̄uc̄uro to cahmariro seheta ã yoari jire Cristo.

²¹ M̄usa cãh̄ure ãta yoari jire tiro. To P̄uc̄urore ñu tuhtiina tiro mehne jieraina jimari jire m̄usa cãh̄u. Ñaare yoari jimare m̄usa. ²² Æ jimarina m̄usa jipach̄ta tiro to yariaro mehne to P̄uc̄urore m̄usare ñu tuhtierach̄u yoari jire tiro. Æ yoari jire tiro noaina ñaa buhiri marieina m̄usare to yoah̄to cjihtore. M̄usa ã jich̄u tiro m̄usare tó sehe jiap̄ure to P̄uc̄urore warohca. ²³ Æta warohca tiro m̄usa tirore wac̄u tuarucuch̄u. Æta yoarohca tiro noaa buheare m̄usa t̄ah̄ore m̄usa boerach̄u tí buheare m̄usa ã ȳhtirucuch̄u. Tí buheare noaa buheare jipihtina ahri yahpap̄ure jiina t̄ah̄ori jire. Æ jic̄u ȳh̄u cãh̄u Paulo Cristore dahra cohtariro jic̄u, tí buheareta yahuriro jija.

Jesu yainare tina mehne macainare yoadohohtinare cãh̄a Paulo

²⁴ Cristo mari ñano yoari buhirire ñano ȳhd̄ari jire. Æ jic̄u ȳh̄u cãh̄u m̄usare ȳ buheri buhiri ñano ȳhd̄ac̄u wahcheja. Æ ñano ȳhd̄ac̄u Cristo marine to c̄urire yoa sohtori tii nija. Æ jic̄u wahcheja. Cristo yare mari yoari buhiri mari ñano ȳhd̄u namohto d̄ah̄sasinina mini. Æ jic̄u tirore m̄usa wac̄u tuahtore ñano ȳhd̄ac̄u, wahcheja ȳh̄u. To pjac̄u yoaro sehe jiina to ya curua macaina jira m̄usa. ²⁵ Jesu yainare yoadohohtirore c̄ure Cohamac̄u ȳh̄ure. M̄usa

ya cjihtire yoah̄tirore ȳh̄ure c̄ure tiro. To yare jipihtirop̄ure yahu pah̄hohtirore c̄ure ȳh̄ure. ²⁶ Tí to yare panop̄ure payu tjururi macainare yahu pah̄hoera tiri jire Cohamac̄u. Mip̄ure ahri tjuru macainare to yainare t̄ire noano yahu pah̄h̄onocare juna. ²⁷ “Judio masa jieraina ya cjihtire ȳ ya buhea noa ȳhd̄ara”, ni to yainare t̄ire yahuri jire. Pano to yahuerari cjihtire yahuri jire. Õ sehe jira to ya: Cristo to yaina mehne jira. To ã jich̄u to yaina m̄anop̄u Cohamac̄u cahap̄u noa ȳhd̄arop̄u jiahca. Tí jira panop̄u ti masierari cjihtire Cohamac̄u ya.

²⁸ Cristoreta yahuja. Jipihtinare cuisãana tinare buheja sã. Noano masia mehne buheja sã noano Cristore masare masich̄u yoana tana. Æ buheja sã to yare noano yoaina ñaa buhiri marieina tinare jich̄u yoana tana. ²⁹ Ahri jira ȳ dahraa. Cohamac̄u to ya tuaa mehne ȳh̄ure to wari tuaa mehne tuaro dahraja ȳh̄u, to yare buhec̄u.

2

¹ Ahrire m̄usa masich̄u cahmaja ȳh̄u. M̄usa ya cjihtire, Laodicea macaina ya cjihtire, jipihtina paina ya cjihti cãh̄ure tuaro dahraja ȳh̄u. Jipihtina m̄usa ȳh̄ure ñeraina ya cjihti cãh̄ure tuaro dahrac̄u m̄usare tuaro yoadohoja ȳh̄u.

² Õ seheta m̄usare yoadohoja ȳh̄u m̄usa noano yajeripohna tihto cjihtore. M̄usa mehne macainare m̄usa cahma cah̄hto cjihto cãh̄ure ã m̄usare yoadohoja ȳh̄u. Cohamac̄u ya panop̄u to yahuerari cjihtire Cristore masich̄u yoaa jira. To yare m̄usa masich̄u noa ȳhd̄ara. Cristore m̄usa noano masihto cjihtore, tiro mehne m̄usa noano jihto cjihto cãh̄ure tuaro yoadohoja m̄usare. ³ Paina ti masierari cjihtire, noa ȳhd̄are Cohamac̄u to masiare Cristo dihta noano masich̄u yoara marine. ⁴ Ahrire nija m̄usare “Paina m̄usare t̄aho wisiach̄u yoaa durucua mehne mah̄ori”, nic̄u. ⁵ Ȳh̄u m̄usa watoi jierapac̄ta ȳ wac̄u mehne m̄usa watoi jiriyo yoaro seheta t̄ah̄otuja. Æ jic̄u Cristore m̄usa noano wac̄u tuarucurire, quih̄no m̄usa yoari cãh̄ure masic̄u wahcheja ȳh̄u.

⁶ Ñ jina Cristore m_{usa} wacũ tua d_ucariro seheta ãta tirore wacũ tuaa mehne dachoripe noano jirucuga. ⁷ Tirore noano masiina jiga m_{usa}. Ñ yoa dachoripe tirore masi namoga pano m_{us}are paina ti buheriro seheta. Ñ yoa Cristore wahche, “Noana”, nirucuina jiga m_{usa}.

Cristo yaina jina noaa sehere cahmaja mari

⁸⁻¹⁰ Noano yoaga m_{usa}. Masa ti m_u s_uro ti mahño buheare t_uhoena tjiga m_{usa}. Tina panop_u macaina ti m_u s_uro ti niare buhera. Ti ã nia yaba cjihti jierara. Ahri yahpa macaina ti m_u s_uro ti t_uhotuare buhe, Cristo ya sehere buherara. Cristo Cohamac_u to jiro seheta jiro jiro, ahri yahpap_u pjac_u tiro, Cohamac_u warota jirota nina. To yaina jina Cohamac_u mehne noano jija mari. Tirota jira jipihtina anjoa p_uhtoa bui paina bajueraina bui p_uhtoro jiro. Tíre masina mahñoare buheinare t_uhoena tjiga. ¹¹ Circuncisiõre ti yoiro seheta mahanocã pjac_u cahsarocãre ti yihso cohãiro seheta Cristo ñaa buhiri tiina m_{usa} jia tiare cohã, duhuch_u yoari jire. Ahri circuncisiõ masa ti pjac_urire mahanocã cahsarocãre ti cohãri jierara. Ahri circuncisiõ yoaro sehe yoaro, Cohamac_u sehe ñaa buhiri tiina mari jia tiare cohãna Cristore mari wacũ tuach_u ñ_uno. ¹² To yaina jina bautisarina wahari jire m_{usa}. To bautisarina wahana õ sehe ñona niri jire m_{usa}: Panop_u macaa m_{usa} ñaa yoiare m_{usa} duhurire ñona niri jire m_{usa}. Tí m_{usa} ñaa yoari buhirire m_{usa} ya c_uboro seheta tíre duhuri jire m_{usa}. Cristo masa m_ujano noanop_u wahari jire. To ã waharo seheta Cohamac_ure wacũ tuana “Tiro tuariro jira”, niina jina noaa sehere cohtotari jire m_{usa}. Tiro Cohamac_u sehe Cristore masoriro jira. To bautisarina wahana noaa sehere m_{usa} cohtotarire ñona nina m_{usa}. ¹³ Panop_ure ñaa buhiri c_uarina m_{usa} jiri buhiri pichacap_u wahaborina jimari jire m_{usa}. Ñ wahaborina jimari jire m_{usa} Cohamac_u yaina jierasinina. To dutiare c_uaeraina jimari jire m_{usa}. Mip_ure Cohamac_u marine tiro mehne ã jirucuhtinare yoari jire. Cristo to yoiaro mehne ã yoari jire tiro marine. Ñ yoaro jipihtina mari ñaa yoari buhirire bonocari

jire tiro. ¹⁴ Cohamac_u to dutiare ti joari c_uirire y_uhd_urcaina mari jipach_uta Cristore mari wacũ tuach_u ñ_uno tiro marine buhiri ti dutiare. Cristo crusap_u to yoiaro mehne Cohamac_u sehe mari ñaa buhirire cohãnocahna panop_u to dutiare, marine buhiri ti dutiare to cohãnocaboriro seheta. Crusap_u yoiaro tí tañop_u panop_u macaa dutiare ti joari p_ure to c_uã puha õboro seheta tí dutiare cohãnocahna. ¹⁵ Masa ti ñ_urocaroi watã p_uhtoare Cohamac_u y_uhd_urcari jire. Wiho jiina, tuaeraina tjuanocari jire tina sehe. Ñ yoaro tinare b_uoro wahach_u yoari jire, surara ti y_uhd_urcainare masare ti naa ño ti b_uoro wahach_u yoaro seheta. Crusap_u yoiaro Cristo watãre y_uhd_urcari jire.

M_uano macaare Cohamac_u yare cahmaja

¹⁶ Ñ yoa paina m_{usa} ch_uare m_{usa} sihnia c_uh_ure ñaa m_{us}are “Buhiri tiina jira”, ni ñ_uboca. Ti ã ni ñ_uch_u ã ñ_unocahga tinare. S_uripe jia dachorire, somanaripe jia dachorire, bose n_um_uri m_{usa} y_uhdoerach_u ñaa m_{us}are “Buhiri tiina jira”, ni ñ_uboca tina. Ti ã ni ñ_uch_u ã ñ_unocahga tinare. ¹⁷ Panop_u tí ch_ua dutiare, bose n_um_urine y_uhdo dutiare, paye dutia c_uh_ure c_uri jire Cohamac_u marine buhero taro. Tí dutia mehne baharop_u to dohse yoahtore Cohamac_u yoa ñono niri jire. Cristo to jia tia c_ujihtire yoa ño curero niri jire masare. “Tiro õ sehe waharohca”, nino ã yoa ñono niri jire. Ñ yoa ñohti c_ujiti jiri jimare tí dutia. ¹⁸ Ñ sehe nimana tí dutiare yoa dutiina. “Soro jiare bajuach_u ñ_uhi sã” nia, tina Cohamac_ure ti ño payoboro sehe anjoare ño payomana. Ñ jiina jia “Masi pahñonocaja sã”, ni t_uhotumana tina masa ti m_u s_uro ti t_uhoturiro seheta. Ñ jia tina painare y_uhd_urcaineraina, noaina yoaro sehe yoa ñomana m_{us}are. Ñ yoa “Quihõno yoerara m_{usa}”, ni yahusãna m_{us}are. Ti ã ni yahusãch_u, tinare ã ñ_unocahga. ¹⁹ Tó sehe yoapahta m_{us}are yahusãina Cristo to dutiro sehe yoaa nierara. Cristo sehe to yaina dapu ti p_uhtoro jira. To yaina sehe to pjac_u yoaro sehe jiina to ya curua macaina jira. Mari cohãri dohsaa mari wa dari c_uh_u mari pjac_ure cã pjac_u jich_u yoara. Tó seheta

Cristo sehe to yainare cãnoi noano mehne jichu yoara. ã yoa marine yoadohora Cohamacu cahmaare mari noano yoahto sehe.

²⁰ ã yoa Cristo yaina jina tiro mehne yariarina yoaro sehe jira musa, Cohamacu to ñuchu. ã jina ñaare musa yoarire duhurina jira musa. ã jina ahri yahpa macaa ñaa buheare, masa ti mu sũro ti buheare cahmaeraborina jira musa. ¿ã jiborina jipanahta dohse yoana masa ti mu sũro ti dutiare yũhtijari musa? ²¹ Õ sehe ni dutira ti mu sũro dutiina: Ahri barore chũena tjiga. Ahri barore ne chu ñũena tjiga. Ahri barore pihaena tjiga. Tó sehe ni dutira tina. ²² Mari paye barore chũchu dói pihtia wahara. Tó sehe jia barore pihtia barore tũhotua nina ã dutiina. Ti ã dutichu ahri yahpa macaa dutia dihta jira tí dutia. Masa ti mu sũro ti buhea dihta jira ahri buhea. ã jia yaba cjihti jierara. ²³ Tí dutiare yoaina Cohamacure ño payoina yoaro sehe jimana. ã yoa painare yũhdũcaeraina yoaro sehe yoa ñomana. Ti pjacũrre ñano yoaa Cohamacure ño payoina seheta yoa ñomana tina. Ti ã yoachu ti ya dutia sehe masi pahũoina ya dutia yoaro sehe jimana. ã jierara. Tí dutiare yoapahta ti ñaare goa pjaare duhuerara. ã jia tí dutia sehe yaba cjihti jierara.

3

¹ ã yoa Cristo yaina jira musa. ã jina Cohamacu tuaa mehne Cristo to masa mũjariro seheta tí tuaa mehne pano musa ñaa yoarire duhu, noaa sehere cohtotare musa. ã cohtotaina jina mũano macaare Cristo yare cahmaga musa. Tóũre mũanopũ Cohamacu poto bũhũsehei dujira tiro. ² Mũano macaa Cohamacu yare noano tũhotuga musa. Ahri yahpa macaare ne wacũ nũnũena tjiga musa. ³ Cristo yaina jina tiro mehne yariaborina seheta musa wahana ahri yahpa macaare pjĩro tũhotuena tjiga. ã jiro Cristo mehne musa jirucuhtore cahno tuhsari jire Cohamacu. ⁴ ã yoa Cristo mũanopũ marine ã jirucuhtinare yoariro si sitea mehne to tachũ tiro mehne wahanahca mari. ã

wahana tiro mehne mũanopũ Cohamacu yare cjuanhca.

Cristo yaina jierasinina ñaare yoamai mari

⁵ ã yoa ahri yahpa macaa ñaa musa yoare duhunocahga musa: Numino mehne ñano yoare, mũno mehne ñano yoare, ñaa yũhdũaro yoare, paio namonore goa pjaare, pacoro manũnore goa pjaare, ñaa goa pjaare duhunocahga musa. Paye barore tuaro cahmaina jiena tjiga. Paye barore cjona, tíre tuaro cahmana “Cohamacu jira”, ti nia masũrine ti ño payoro seheta yoana nija mari tíre. ⁶ Tí ñaare yoaina Cohamacure yũhdũcaina jira. Ti ã yoa yũhdũcachu ñũno tinare buhiri dahrerohca. ⁷ Panopũre musa sehe tí ñaare yoarina jina tina mehne macaina jiri jimare musa. ⁸ Wiho mejeta mipũre ahri ñaare duhu pihtinocahga musa: Suaare, sua yũhdũare, painare ñano ni tũhotuare, painare ñano quiti dahreare, ñano durucuare tí jipihtiare duhunocahga. ⁹⁻¹⁰ Musa sehe Jesu yaina wahana tí ñaa yoare duhu tuhsari jire. ã jina musa tũhotuare cohtotaina jira musa. Mũsare noaa sehere cahmachu yoaro nina Cohamacu to yoaro sehe musa jihto sehe. Õ seheta yoara tiro noano tirore musa masi namohto sehe. ã jiina jina musa mehne macainare mahũoena tjiga. ¹¹ Cristo yaina jina judio masa, judio masa jieraina cũhũ cãno potoriga jira musa, Cohamacu to ñuchũ. Circuncisiõre yoaina, yoeraina cũhũ Cristo yaina jia cãno potoriga jira, Cohamacu to ñuchũ. Pa yahpa macaina, masieraina, musa ya yahpa macaina cũhũ Cristo yaina jia cãno potoriga jira, Cohamacu to ñuchũ. Dahra cohtaina, dahra cohtaina jieraina cũhũ Cristo yaina jia cãno potoriga jira, Cohamacu to ñuchũ. Jesu jipihtina to yaina mehne jira. Wiho jiro jierara tiro, to yaina ti ñuchũ.

¹² ã yoa Cohamacu to beserina, noaina, to cahĩina jina õ sehe jiga musa: Painare pja ñũina, painare noano yoaina, painare yũhdũca duaeraina, painare niji siaro dero yoaina, mũsare ti ñano yoapachũta ã tũhotunocaina jiga musa. ¹³ Musa mehne

macaina mehne suana, dóih̄ta m̄sa basi m̄sa suarire p̄j̄ga. Mari p̄h̄toro m̄sa ñaa yoari buhirire bohre. ã to boriro seheta m̄sa c̄h̄u m̄sa mehne macaina m̄sare ti ñaa yoarire boga. ¹⁴ Ahri dutia mehne õ sehe ni dutija m̄sare: Painare cah̄iga. M̄sa ã yoana noano jipihtina mehne c̄no mehne jinahca. ¹⁵ Cristo marine noano jich̄u yoara jiape ni durucueraina mari jih̄to sehe. To ã yoach̄u noano jiga m̄sa, m̄sa basi. Õ seheta jihtina c̄j̄htire to yaina c̄j̄htire bese c̄uri jire Cohamac̄u m̄sare. ã jina to p̄jac̄u yoaro seheta c̄u curuata jira m̄sa. ã yoa Cohamac̄ure “Noana”, ni wahcheina jiga m̄sa Cohamac̄u mehne.

¹⁶ Cristo ya buheare noano wac̄urucuga m̄sa. Noano masi buhega to yare. Cua pisaro mehne tíre yahuga. ã yoa tuhs̄u, Salmore, Cohamac̄u yare basaare, paye tirore ño payoa basaare tirore basa payoga. Noano wac̄u ño payoa mehne basa payoga. ã basana to yare noano wac̄uga m̄sa. ã yoana Cohamac̄ure “Noana”, ni wahcheina jiga m̄sa Cohamac̄u mehne. ¹⁷ Jipihtia dohse jia m̄sa yoare noano yajeripohna ti yoaga mari p̄h̄toro Jesu to wahchehto sehe. Cristore ño payora m̄sa. ã yoa tirore ño payoa mehne noaa dihtare durucuga. ã yoana Cristo to yoadohoa mehne Cohamac̄u mari P̄c̄ure “Noana”, ni wahche payo siniga tirore.

Jesu yainare noano mehne ti jih̄ti dutia õ sehe jira

¹⁸ M̄sa man̄u tia numia, m̄sa man̄sumare noano yuhtiga m̄sa. ãta yoaro cahmana mari p̄h̄toro Cristo ya numia jina. ¹⁹ M̄sa namo tiina sehe, m̄sa namos̄anumiare cah̄iga. ã yoa tí numiare ne tuhtiena tjiga. ²⁰ M̄sa ti pohna c̄h̄u, m̄sa p̄c̄sumare yuh̄d̄ur̄caeraina jiga. M̄sa ã yoach̄u ñ̄no mari p̄h̄toro noano ji coara. ²¹ M̄sa ti p̄c̄sum̄a c̄h̄u m̄sa poh̄nare suach̄u yoena tjiga “Cahyach̄u yoari”, nina. ²² M̄sa tinare dahra cohtaina, m̄sa p̄h̄toare ahri yahpa macainare noano yuhtirucuga. Ti ñ̄rocaro dihtare yuhtiina jiena tjiga. Ti mariach̄u c̄h̄ure yuhtiina jiga. Mari p̄h̄toro Cristore cua pisaro m̄sa ñ̄riro seheta noano mehne

yuhtiga m̄sa p̄h̄toa c̄h̄ure. ²³ Potoc̄ata Cristo yaina jina noano yuhtira m̄sa tirore. ã jina m̄sa p̄h̄toare ahri yahpa macainare yuhtina, tina dihtare yuhtina nierara. Cristo c̄h̄ure m̄sa yuhtiboro sehe yuhtinata nina m̄sa. ã yoana m̄sa p̄h̄toa ti dutiro seheta tuaro mehne dahraga, Cristo ya dutia ti jiboriro seheta. ²⁴ M̄sa ã yoach̄u Cristo m̄sare noano yoarohca. “M̄sare waihtja”, to niare m̄sare warohca mari p̄h̄toro. Tíre masina m̄sa. Mari p̄h̄toro Cristore dahra cohtaina jira m̄sa. ã jiro tiro sehe m̄sa p̄h̄toro waro jira. ²⁵ Ñ̄aare yoainare buhiri dahrerohca mari p̄h̄toro. ã yoainare c̄airo d̄hsaro marieno c̄ano potori buhiri dahrerohca tiro.

4

¹ M̄sa p̄h̄toa sehe, m̄sare dahra cohtainare potoc̄ata noano yoaga tinare. M̄sa c̄h̄u p̄h̄toro c̄j̄ara. M̄sa p̄h̄toro m̄sa c̄j̄ariro sehe m̄ano macariro jira.

² Dachoripe Cohamac̄ure siniga m̄sa. Noano wac̄u t̄hotu siniga. ã yoana “Noana”, niga Cohamac̄ure. ³ Sã ya c̄j̄hti c̄h̄ure sini payoga t̄joa. Cristo yare paina pano ti masierari c̄j̄irire buhena ñ̄ja sã. Tinare sã noano masich̄u yoah̄to sehe sini payoga Cohamac̄ure. Cristo yare yu buheri buhiri yuh̄u mip̄are peresup̄u jija. ⁴ ã jic̄u m̄sa ã sini payoch̄u cahmaja to yare yu noano yahuhto c̄j̄hto sehe. Cristo to dutiro seheta yu yahuhto c̄j̄hto sehe sini payoga.

⁵ Jesu yaina jieraina mehne jina noano yoaga m̄sa. Cristo yare yahuga tinare. Tina mehne m̄sa jiro puro ãta noano yoaga. ⁶ Paina mehne s̄h̄uduna noano ji coaro mehne s̄h̄uduga. Noaa dihtare durucuga. Paina m̄sare ti sinituch̄u noano masi yuhtiga tinare.

Noa duti batoaha Paulo

⁷ Tíquico mari coyeiro Jesu yairo jira. Tiro mari cah̄iro, Cristo yare buhero, sã mehne dahrariro jira. ã jiro Cristo yare ne duhuerara tiro. Tiro yu jia tiare m̄sare yahurohca. ⁸ M̄sa cahap̄u tirore warocai ñ̄ja yuh̄u sã jia tiare m̄sa masihto

sehe, m̄sare wahchech̄u yoah tiro cjih-tore. ⁹ Onésimo mari coyeiro mari cah̄i-ro mehne piti dahre warocai nija. Tiro c̄h̄u Cristo yare ne duhuerara. M̄sa mehne macariro jira. Tina p̄aro s̄a õre dohse s̄a ȳhd̄arire yahuahca m̄sare.

¹⁰ Aristarco peresup̄u jiriro ȳh̄u mehne macariro m̄sare noa dutira. Marco c̄h̄u noa dutira. Tiro Bernabé tañ̄no jira. Tirore yahuroca tuhs̄i m̄sare. M̄sa cah̄u to s̄uch̄u ñ̄na noano mehne tirore piti bocaga. ¹¹ Jesu “Justo” ti ni pisuriro c̄h̄u noa dutira m̄sare. Ahrina tiarota ȳh̄u mehne dahraina judio masa waro jira. Judio masa waro tina dihta Cohamac̄u yare ȳh̄u mehne buhera. Õ sehe buheja s̄a Cohamac̄u yaina masa ti wahahto sehe, Cohamac̄u ti p̄ah̄toro to jihto sehe. Tina ȳh̄u noano yoadohoina jira. ¹² Epafra m̄sa mehne jiriro cjiro m̄sare noa dutira. Tiro Cristore dahra cohtariro jira. Cohamac̄u sinino, m̄sa ya cjihtire tuaro sini payorucura tiro. Cohamac̄u noano wac̄u tuarucuhtina, to cahmano sehe yoah̄tina m̄sa jihto sehe ã sini payorucura tiro Cohamac̄u. ¹³ Tiro m̄sa ya cjihtire tuaro sini payore m̄sare p̄j̄ro t̄hoturo. Laodicea macaina ya cjihtire, Hierapoli macaina ya cjihti c̄h̄u tiro tuaro sini payore. To ã yoariro jich̄u ñ̄c̄u m̄sare yahurocai nija. ¹⁴ Duhturu Luca mari cah̄i-ro m̄sare noa dutira. Dema c̄h̄u noa dutira.

¹⁵ Noajaro mari coyea Jesu yaina Laodicea macaina. Ninfa c̄h̄u noajaro. Jesu yaina ticoro ya w̄h̄i cahmachuina c̄h̄u noajaro. ¹⁶ Ahri p̄ure ȳ joarocari p̄ure m̄sa mehne macainare m̄sa buhe tuhs̄i baharo Laodicea macaina c̄h̄u warocaga. ã yoa tinare Laodicea macainare ȳ joarocari p̄ure m̄sa c̄h̄u buhega. ¹⁷ ã yoa õ sehe niga Arquipore: “Mari p̄ah̄toro Jesu yairo m̄ jich̄u to yare buhehtiro c̄ure m̄h̄u. To ã c̄uch̄u noano buhe sohtori tiga m̄h̄u”, niga tirore.

¹⁸ Ȳh̄u Paulo, ȳ wamomaca mehne ahrire joaja. M̄sare noa dutija ȳh̄u. Peresui ȳ jiare wac̄u, sini payoga m̄sa Cohamac̄u. Noano jiga m̄sa. Cohamac̄u to cah̄a mehne m̄sare noano yoajaro. ãta yoajaro.

1 Tesalonicenses

Paulo cãhũ joarocaha Jesu yainare Tesalónica macainare

¹ Yũhũ Paulo, Silvano, Timoteo sã tiaro ahri pũ mehne m̄sare noa dutija. M̄sa sehe Tesalónica macaina mari P̄cũ Cohamacũ yaina jira. Mari p̄horo Jesucristo yaina cãhũ jira m̄sa. ã jina Cohamacũ mari P̄cũ, mari p̄horo Jesucristo ti cahĩa mehne m̄sare noa dutija. Cohamacũ yoadohoa mehne noano jiga m̄sa.

Jesu yaina Tesalónica macaina sehe Jesure noano wacũ tuaha

² Cohamacũre sinina, jipihtina Jesure m̄sa wacũ tuaare wacũna “Noabiara sãre”, nirucuja sã m̄sare. Cohamacũre sinina, m̄sa ya cjihtire ã sini payorucuna nija sã. ³ M̄sa sehe Jesucristore noano wacũ tuayuhca. ã wacũ tuana, Jesu yare yoayuhca m̄sa. Jesucristore, paina cãhũre cahĩyuhca m̄sa. ã cahĩna, Jesu yare tuaro yoana niyuhca m̄sa. Jesucristore mari p̄horo wacũ tuarucuyuhca m̄sa. ã wacũ tuarucuna m̄sare to yãdohore masina, tíre cohtana niyuhca m̄sa. ã yoa tirore wacũ tua duhuerayuhca m̄sa ñano yãhdũpanahta. Cohamacũ mari P̄cũre sinina, tíre m̄sa ã yoarire wacũja sã. ⁴⁻⁵ Sã coyeya, Cohamacũ to cahĩina jira m̄sa. M̄sare to beserire masija sã. Sohõ jiri pja m̄sare noaa buheare buhena ã yahunocana nierahi m̄sare. Espíritu Santo to tuaa mehne noaa buheare buhena nii m̄sare. ã buhena tí buhea quihõno jichũ noano masii sã. ã jina m̄sa watoi sã jina, sã yoarire masina m̄sa. M̄sare yoadohona ã yoi sã. M̄sare buheina jina Cohamacũ to beserina m̄sa jichũ masija sã.

⁶ Sohõ jiri pjarẽre m̄sa ñano yãhdũina jina, noaa buheare cahmare m̄sa. M̄sa ã cahmachũ, Espíritu Santo sehe m̄sare noano wahchẽchũ yoare. To ã yoachũ m̄sa sehe sãre ñũ cũ, sã yoiro seheta yoare. ã yoana Jesu cãhũre ñũ cũre m̄sa. ⁷ ã jia Jesu yaina Macedonia yahpa macaina, Acaya yahpa macaina cãhũ Jesu

yare m̄sa yoarire masire. ã masia tina cãhũ m̄sare ñũ cũ, m̄sa yoiro seheta yoara. ⁸ Macedonia yahpa macaina Acaya yahpa macaina cãhũ mari p̄horo yare m̄sa buhechũ tãhorocare. Cohamacũre m̄sa wacũ tuarire tãhorina sehe tina dihta jierare. Jipihtiro macaina m̄sa wacũ tuarire tãhoyuhti. ã jia sã tinare yahuerapachũta tíre masi tuhsũre tina. ⁹ ã jia m̄sa cahai sã tinirire, sãre m̄sa noano piti bocarire yahure tina jipihtiro macainare. ã yoa Cohamacũ sehere wacũ tuana, “Cohamacũ jira”, m̄sa nia masũrine m̄sa cohãnocarire, Cohamacũ ya sehere m̄sa yoarire yahure tina jipihtiro macainare. Tiro Cohamacũ sehe catiriro, Cohamacũ waro jira. ¹⁰ ã yoa “Cohamacũ macũnore m̄anopũ tahtirore Tesalónica macaina cohta nina”, ni yahura masa m̄sare. To macũnore yariariro cjirore Cohamacũ masori jire. To ã masochũ to macũno Jesu sehe marine ñabiaro to buhiri dahreborinare yãdori jire.

2

Tesalónica wama tiri macapũ to dahrarire yahuha Paulo

¹ M̄sa cahai jina sã ã jinocana niera tii. M̄sare noano yoadohoina jia tii sã. Tíre noano masina m̄sa, sã coyeya. ² ã yoa Filipoi jina ñano sã yãhdũrere, sãre ñano ti yoarire potocãta masina m̄sa. Sãre ti ã yoapachũta Cohamacũ to yoadohoa mehne cuiro marieno Cohamacũ yare noaa buheare buhei sã m̄sa cãhũre. Sãre masa payũ ti ñũ tuhtipachũta noaa buheare buhei sã m̄sare. ³ M̄sare buheña noano sã masirire buhei sã m̄sare. ã buhena m̄sare dojomehne duana nierahi. ã yoa mahõerahi. ⁴ Cohamacũ to cahmano seheta buheja sã. Noa buheare buhehtina cjihtire Cohamacũ besere sãre. To ã beserina sã jichũ to ya buheare sã buhechũ noa nina, Cohamacũ to ñũchũ. ã jina õ seheta buheja sã. Masa ti tãho ji cohtire buhena nieraja sã. Cohamacũ sehe sãre to ñũ ji cohto cjihtore to yare buheja sã. Tiro sehe mari tãhotuare, dohse mari yoa duaare noano masina. ⁵ Noa buheare buhena tãho ji coaa dũseri mehne buhena nierahi. Ahrire masina m̄sa. ã yoa sã buhena, m̄sare

paye barore wapa cahmana nierahi sã. Ahrire Cohamacu masina. Potocã nii nija. ⁶ ã buhena masa sãre ti ñu wahãhti cjihtire yoana nierahi sã. Musare paina cãhure sãre ñu wahã dutina tana nierahi. ⁷ ã ñu wahã dutierapanahta Cristo to cãrina jija. ã jina musare wapa cahmaboa sã. ã yoa puhtoã yoaro sehe musare dutiina jiboa sã. Wiho mejeta numino wihãrirocãre to noano bucãoriro seheta noano niiji siaroca dero yoai sã musare. ⁸ ã jina musare noano cahmana, Cohamacu yare noaa buheare buhei sã musare. ã yoana tí dihtare yoeraí musare. Musare noano yoadohoi sã catisinina waro. Sã cahãina musa jichu musare ã yoadohoi sã. ⁹ ã musare cahãina tuaro yoadohoi sã musare. Tíre wacũna musa, sã coyea. Cohamacu yare noaa buheare buhena musa cãhaare sini cariboeraí musare. ã jina dachoru, ñamipu cãhure dahrai sã.

¹⁰ Noano, musare ñano papero marieno, mahõno marieno musare Jesu yainare sã yoarire masina musa. Cohamacu cãhu tíre masina. ¹¹ ã jina ti pucuro to pohnare to noano yahu to wahchechu yoariro seheta musa cãhure yahuna wahchechu yoai musare. Tíre masina musa. ¹² Puhtoro Cohamacu to suho jiropu, noa yãhdãaropu musare pjirocãre. ã jina to yaina musa jichu Cohamacu to cahmariro seheta musare ji dutii sã.

¹³ Cohamacu yare musare sã yahuri cjiire musa tuhona, õ sehe ni tuhature musa: “Masa ti mu sãro ti buhea jierara. Cohamacu ya buheata jira”, ni tuhature musa. Tíre musa tuhature masina wahcheja sã. ã jina Cohamacure sinina “Noana”, nirucuja sã tirore. Tóihãta jira. Musare sã buhea Cohamacu durucua potocã jiata nina. ã jiro Cohamacu musa Jesure wacũ tuaina jichu to ya buhea mehne musare noaa sehere cohtotachu yoaro nina. ¹⁴ Jesucristore wacũ tuainare Judea yahpa macainare ti yoariro seheta musa cãhure yoare paina. Judea yahpa macainare Jesu yaina sehere judio masa ñano yãhdũchu yoare. Musã cãhure musa ya dihta macaina ãta ñano yãhdũchu yoare. ¹⁵⁻¹⁶ Judio masa sehe Cohamacu yare yahu

mãhtaina cjiire panopu macainare wajãa tiri jire. ã jia mari puhtoro Jesu cãhure wajãri jire tina. Tuhsu, tina sãre cohãre. Cohamacure tina cahyachu yoahre. ã yoaina jia, payu masare ñu tuhtira tina. Judio masa jierainare Cohamacu yare sã yahu duamai tina cãhure pichacãpu wahaborinare “Cohamacu yãdõjaro”, nina. Sã ã yahu duapachãta judio masa sehe sãre ne Cohamacu yare painare yahu dutierare. ã yahu dutieraa pjiro buhiri ti namoa nina tina. Mipure tinare tuaro Cohamacu buhiri dahrerohca juna.

Paulo Tesalónica macaina cahapu pari turi tini duamaha

¹⁷ Sã coyea, mipure mahanocã musa mehne jierana musare wacũna nija. ã jina musare tuaro ñu duana, musa cahai waha duamai. ¹⁸⁻¹⁹ Cãa tahari yãhu Paulo musare ñu waha duamai. Yu ã waha duapachãta Satana sehe sã wahaborirore dũcatãre. ã jina wahaerahi sã. Sãre wahchechu yoaina musa jichu musare ñu duamai. Mari puhtoro Jesu ahri yahpã to tjua tachu musa sehe sãre wahchechu yoanahca. ã jina wahchea mehne musa mehne Jesu panoi ducunahca. ²⁰ ãta jira. Musare ñuno Jesu sehe “Noano buheri jira musa”, ninohca sãre. ã jina noano wahcheja sã.

3

¹⁻² ã yoa musare yoari pja ñuerana musare tuaro tuho duana tíre wacũna, Timoteore musa cahapu warocai. Tiro mari coyero Jesu yairo Cohamacure dahra cohtariro jiro, sã mehne noaa buheare buheriro jira. ã jina tirore warocai Jesucristore noano musa wacũ tuahti cjihtire, musa wahchehti cjihti cãhure. Tirore warocana sã sahsero Atena wama tiri macai tjuai. ³ Musã ñano yãhdũpanahta Jesu yare musa cohãerahto cjihtore warocai sã Timoteore. Jesu yaina jina ñano yãhdũnahca mari. Tíre masina musa. ⁴ Musã mehne tó panopure jisina mari ñano yãhdũhtoreta yahu tuhsu musare. ã jina sã niriro seheta mari ñano yãhdũ. Tíre musa noano masina. ⁵ ã jicu musare yoari pja ñueracu musare tuaro tuho duai. ã jicu

Jesure m_{usa} wacũ tuarire masii tai Timoteore warocai y_{uh}. “Watĩno m_{usare} ñano yoa dutiri” nic_u, “M_{usare} sã buheri cji_{ri}re m_{usap} duhuri” nic_u, tirore warocai y_{uh}.

⁶ ã yoa mip_{ure} Timoteo m_{usa} cahap_u jiri_{ro} sã cahap_u tju wihihre. ã tju wihiro noaa quitire sãre yahure tiro. Jesure m_{usa} noano wacũ tuaare, painare m_{usa} cahĩa cãh_{ure} tiro yahure sãre. ã ni tuhs_u sãre m_{usa} noano wacũ_{ri}re, m_{usare} sã ñ_u duariro seheta m_{usa} cãh_u tuaro sãre m_{usa} ñ_u duarire yahure sãre tiro. ⁷ ã jina sã coy_{ea}, mip_{ure} sã ñano y_{uh}d_upanahta m_{usa} Jesure noano wacũ tuach_u tãhona sã wahcheja. ⁸ Jesure m_{usa} noano wacũ tuarire to yare m_{usa} cohãer_{ar}ire tãhona noano yajeri sãaja sã. ⁹ M_{usare} ã ni tãhotuna, Cohamac_u to ñ_urocaroi sã tuaro wahcheja. ã wahchena Cohamac_{ure} “Noana”, nija sã. ¹⁰ Dach_o cãh_{ure}, ñamip_u cãh_{ure} Cohamac_{ure} sinija sã m_{usare} sã ñ_uhti cjihtire. Jesu yare m_{usa} noano masi pah_{ñoch}u yoa duaja sã noano m_{usa} tirore wacũ tua namohto sehe.

¹¹ Cohamac_u mari P_uc_u to basi, mari pãhtoro Jesu cãh_u sãre ti yoadohoch_u cahmaja sã m_{usa} cahap_u sã wahahto sehe.

¹² ã yoa mari pãhtoro Jesu jipihtina m_{usa} mehne macainare, jipihtina paina cãh_{ure} cahĩ namoch_u yoajaro m_{usare}. M_{usare} sã cahĩ_{ri}ro seheta tuaro cahĩ namoch_u yoajaro m_{usare}. ¹³ M_{usare} noano to yoadohoch_u, buhiri marieina, ñaa marieina jinahca m_{usa}, Cohamac_u mari P_uc_u to ñ_uch_u. Mari pãhtoro Jesu jipihtina to yaina buhiri marieina mehne ahri yahpap_u tjua taro ã jiina jich_u yoajaro m_{usare}.

4

“Cohamac_{ure} ji coach_u yoa duana õ sehe yoaga”, ni yahuha Paulo

¹ Mip_{ure} Jesu mari pãhtoro to dutiro mehne m_{usare} õ sehe ni yahu batoaja: “Cohamac_{ure} ji coach_u yoa duana õ sehe yoaga”, ni buhei sã m_{usare}. Sã ã buheri baharo sã buheriro seheta yoayuhti m_{usa}. M_{usa} ã yoariro seheta yoa namoga. Tíre tuaro yoa dutija m_{usare}.

² Jesu mari pãhtoro to buhe dutiro mehne m_{usare} sã buherire noano masina

m_{usa}. ³ Ahrire m_{usare} yahu namoihtja: M_{usa} õ sehe jich_u cahmana Cohamac_u: Ñaare yoeraina, Cohamac_u yare yoaina jiga. ã jina numia mehne ñano yoaena jiga. M_{usa} cãh_u numia m_{usa} mehne ñano yoaena tjiga. ⁴ Ñano yoapero marieno, ño payoro mehne m_{usa} namosãnumiare cãh_uga. Cohamac_u m_{usa} tíre masich_u cahmana. ⁵ Cohamac_{ure} cahmaeraina Cohamac_{ure} masieraina ñaare goa pjaa, numia mehne ñano ti yoariro seheta yoaena tjiga m_{usa} cãh_u. ⁶ M_{usa} ã yoach_u cahmaerara Cohamac_u to yairore m_{usa} coy_{ei}rore m_{usa} ñano yoerahto sehe. M_{usa} ã ñano yoana m_{usa} coy_{ei}rore y_{uh}d_ug_ucana nica. Mari pãhtoro Cohamac_u tí ñaare ti yoach_u ñano buhiri dahrehtiro jinocanota nina. ã jina tíre yahu tuhs_ui m_{usare} “Tí buhirire buhiri tiri”, nina. ⁷ Ñaare yoah_tina cjihtire beserari jire marine Cohamac_u. Ñaare yoeraina cjihtire beseri jire marine. ⁸ ã jina jipihtina m_{usa} ahri sã buherire y_{uh}d_ug_ucana, masa ya buhea sehere y_{uh}d_ug_ucana nierara m_{usa}. Cohamac_u ya sehere y_{uh}d_ug_ucana nina. Tiro m_{usare} Espí_{ri}tu Santore wariro jira.

⁹⁻¹⁰ M_{usa} coy_{ea}re Jesu yainare m_{usa} cahĩ_tire Cohamac_u m_{usare} buhe tuhs_uri jire. To ã buhech_u potocãta Jesu yainare Macedonia macainare jipihtinare noano cahĩna m_{usa}. M_{usa} ã cahĩch_u ñuna “M_{usa} coy_{ea}re cahĩga”, ni buheraja m_{usare}. Tinare cahĩ tuhs_ura m_{usa}. ã ni buhe namoerapanahta ahri sehere m_{usare} dutija. Mip_{ure} painare m_{usa} cahĩno seheta cahĩ namoga m_{usa}. ¹¹ ã yoa m_{usa} basi cahma ñ_u tuhtiro marieno jiga m_{usa}. Painare soro ni durucuena tjiga. ã ñ_unocahga tinare. ã jina m_{usa} ya dahraa sehere noano dahraga. Panop_uta m_{usare} ã yoa dutii. ¹² ãta yoaga m_{usa}, paina m_{usare} ti ño payohto sehe, paina yare m_{usa} cariboerahto sehe.

Ahri yahpap_{ure} Jesu to tjua tahtore yahuha Paulo

¹³ Coy_{ea}, mip_{ure} yariarina cji_{ri}re yahuihtja m_{usare}: Jesure cahmaeraina Cohamac_u cahap_u wahasi. ã jia tina

mehne macaina ti yariach_u ñ_ua tuaro cahyara. Yariarina cjiri ti wahahtore quihõno noano m_usa masich_u cahmaja sã, paina ti cahyariro seheta m_usa cahyaerahto sehe. ¹⁴ Jesu to yariari baharo masa m_ujari jire. “Ti potocãta jira”, nija mari. ã niina jina ahri cãh_ure “Potocãta jira”, nija mari. Cohamac_u sehe to yaina cjirire yariarina cjirire masa m_ujach_u yoaro, baharop_u Jesu mehne na tarohca. Tí cãh_ure “Potocãta jira”, nija mari.

¹⁵ Jesu to tjua tach_u to yaina yariarina cjiri catiina pano masa m_uja m_uhtaahca. Mari p_uhtoro Cohamac_u ya yahua tjira ahri. ¹⁶ Õ sehe jirohca Jesu to tjua tach_u: Mari p_uhtoro to basi tuaro sañurucu m_uhtanohca. ã jiro to anjoa p_uhtoro tuaro pisurohca. ã to pisuch_u Cohamac_u to corneta bisiro coa tarohca. Ti ã yoach_u Jesu yaina yariarina cjiri masa m_uja m_uhtaahca. ¹⁷ Baharo catiinare, yariarina cjiri mehne Cohamac_u m_uanop_u me yehsea cururip_u m_ujach_u yoarohca. To ã yoach_u mari p_uhtoro Jesure piti bocanahca mari. ã piti bocana jipihtia dachoripe mari p_uhtoro Jesu mehne jirucunahca mari. ¹⁸ Ahri y_u yahurire m_usa mehne macainare yahuga. ã ni yahuna wahchenahca m_usa jipihtina.

5

¹ Y_u coyeya, Jesu to tjua tahti dachore “Ahri dachoi tjua tarohca” ni, m_usare yahu joarocaró cahmaerara. ² Mip_u m_usa masino seheta to tjua tahti dachore marine masihto basioerara. Yacariro ñamip_u wac_uenoca to yacaro taro seheta ahri yahpap_ure mari p_uhtoro wac_uenoca tjua tarohca. Ahrire m_usa basita noano masina. ³ “Mip_ure mari noano jinocaja. Cuaró mariahna marine”, masa ti ni wac_uch_u dóicãta ñano waharohca tinare. To ã wahach_u tina duhti masisi. Niji wahcõricoro wac_uenoca to pur_uno tãhoturo seheta wac_uenoca ã waharohca masare. ⁴ Y_u coyeya, m_usa sehere ã wahasi. Yacariro wãh_u p_urore to c_uoriro seheta m_usa sehere ã wahasi. Jesu taro m_usare c_uosi. Nahitianoí jiina ti ñ_u masieraro seheta paina Jesure ne masierara. M_usa sehe tina yoaro sehe jierara. ⁵ M_usa jipihtina Jesu

yaina jira. ã jina buhriaroi ti ñ_u masino seheta Jesu to tahtore masina m_usa. Paina nahitianoí jiina seheta tirore masieraina yoaro sehe jieraja mari. ⁶ ã jina car_uina yoaro sehe Cohamac_ure tãho n_un_ueraina jiena tjijihna mari. Paina ãta yoara. Tina yoaro sehe yoarena tjijihna mari. Car_uieraina yoaro sehe quihõno yoaina, noano wac_u masiina jijihna mari. ⁷ Car_uina ñamip_u car_uina. ã jia cahaina ñamip_u cahara. ⁸ Mari sehe buhriaroi jiina yoaro sehe Jesure masiina jina, noano wac_u masiina jijihna. ã yoa surara comaa suhtiro mehne to cutirore to sãa d_ucatariro seheta Cohamac_ure wac_u tuaga m_usa, wat_uinore to d_ucatahto sehe. ã yoana Cohamac_ure, paina cãh_ure cah_uga. M_usa ã yoach_uta Cohamac_u m_usare ñ_u wihborohca. ã jina m_usare pichacap_u wahaborinare Jesu to yãhdohtore “Potocã tjira”, niga m_usa. M_usa ã niina jich_u surara to dapure comaa chapea mehne to pisa d_ucatariro seheta wat_uino m_usare to ñano yoa duach_u Cohamac_u tirore d_ucatarohca. ⁹ To buhiri dahrehtinare marine beserari jire Cohamac_u. Jesucristo mari p_uhtoro pichacap_u wahaborinare to yãhdohtina cjihtire marine beseri jire tiro. ¹⁰ Jesu mari ya cjihtireta yariari jire tiro mehne mari jihto sehe. Catiina, yariaina cãh_u tiro mehneta jiahca. ã jina jipihtina tiro mehne jinahca mari to yaina jina. ¹¹ ã jina m_usa mehne macainare mip_u m_usa wahchech_u yoariro seheta m_usa basita wahchech_u yoaga tjoa. ã yoana m_usa basita Cohamac_ure wac_u tua namoch_u yoaga m_usa mehne macainare.

Jesu yainare Paulo yahu batoaha

¹² M_usare buheinare, Cohamac_u dutiare m_usare yahuhtinare mari p_uhtoro buhe dutiro taro beseri jire. To ã ni beserinare noano ño payoga m_usa. M_usa ã ño payoch_u cahmac_u tuaro dutija m_usare. ¹³ Ti dahraare ti yoach_u tinare cah_u mehne noano ño payoga. ã yoa m_usa mehne macaina mehne cahmacheno marieno jiga.

¹⁴ M_usare sã coyeyare, ahrire tuaro dutija: Dahra duaerainare dahra dutiga m_usa. Cahyainare wahchech_u yoaga m_usa. Jesure wac_u tuaera cureinare

yoadohoga. Tina jipihtina mehne noano suaro marieno ji coaro jiga m̄sa.

¹⁵ Cãiro m̄sare to ñano yoach̄ ñ̄na tirore ñano yoa cahmaena tjiga. ã jina m̄sa mehne macainare, jipihtina paina cãh̄re noano yoaga.

¹⁶ ã yoana dachoripe ã wahcherucuga m̄sa. ¹⁷ ã jina Cohamac̄re ã sinirucuga dachoripe. ¹⁸ M̄sa ñano ȳhd̄panahta Cohamac̄re wahche, “Noana”, niga. M̄sa noano ȳhd̄ri p̄ja cãh̄re “Noana”, niga tirore. ã nina Cohamac̄ to cahmano se-heta yoana nica m̄sa. Cristo Jesu yaina m̄sa jich̄ ñ̄no m̄sa ã nich̄ cahmana tiro.

¹⁹ Esp̄ritu Santore ȳhti duaeraina jiena tjiga. ²⁰ Esp̄ritu Santo to masia mehne paina sehe m̄sare buhera. Ti ã buhech̄ tí buheare cahmaeraina jiena tjiga. ²¹ Paina m̄sare soro ti ni buhech̄ tí Cohamac̄ ya jierach̄ masiga m̄sa. ã jina Cohamac̄ ya buhea ti jich̄ cãh̄re masiga m̄sa. ã masina noaa buhea dihtare cahmaga. ²² ã yoana jipihtia ñ̄are cahmaena tjiga m̄sa.

²³ Cohamac̄ marine noano jich̄ yoariro jira. Tiro to basi m̄sare to yainare noaina ñ̄aa marieina jich̄ yoa namojaro m̄sare. M̄sa p̄jac̄ri cãh̄re m̄sa catia cãh̄re noano ñ̄ wihbojaro. Mari p̄h̄toro Jesu-cristo ahri yahp̄are to tjua tahto pano m̄sare Cohamac̄ noano ñ̄ wihbojaro ñ̄are m̄sa yoaerahto sehe. To ã yoach̄ Cristo to tach̄ ñ̄aa marieina jinahca m̄sa. ²⁴ ãta jich̄ yoarohca Cohamac̄. Tiro m̄sare beseriro to niriro seheta yoara.

Paulo cãh̄ noa dutirocaha

²⁵ Sã ya cjihtire Cohamac̄re sini payoga m̄sa, sã coyea.

²⁶ M̄sa mehne macainare noano mehne piti bocasiniga.

²⁷ Jipihtina Jesu yainare ahri tjure buhega m̄sa. Jesu mari p̄h̄toro to dutia mehne ahrire m̄sare dutija ȳh̄.

²⁸ Jesucristo mari p̄h̄toro to cah̄a mehne m̄sare noano yoajaro.

2 Tesalonicenses

*Paulo cãhũ joarocaha Jesu yainare
Tesalónica macainare*

¹ Yũhũ Paulo, Silvano, Timoteo cãhũ ahrire m̃sare joarocaja tjoa. M̃sa sehe Tesalónica macaina mari Pũcũ Cohamacũ yaina jira. Mari pũhtoro Jesucristo yaina cãhũ jira m̃sa. ² ã jina Cohamacũ mari Pũcũ, mari pũhtoro Jesucristo mehne m̃sare noa dutija. Cohamacũ yoadohoa mehne noano jiga m̃sa.

*Ahri yahpãre Cristo tjua taro buhiri
dahrerohca*

³ Cohamacũre sinina Jesure m̃sa wacũ tuaare wacũna “Noabiara sãre”, nirucuja sã Cohamacũre. Sã ã nichũ noa nina. Dachoripe Cohamacũre m̃sa noano wacũ tua namona niyuhca. ã yoana dachoripe m̃sa mehne macainare cahĩ namona niyuhca m̃sa. ã jichũ Cohamacũre “Noabiara sãre”, sã nichũ noa nina. ⁴ Paina m̃sare ñano ti yoapachũta Jesure wacũ tuarucuyuhca m̃sa mipũ cãhũre. ã yoa tirore wacũ duhuerayuhca. M̃sa ã yoachũ ñũna tíre m̃sa yoarire paina Cohamacũ yainare wahchea mehne yahuja sã. ⁵ ã wacũ tuarucuna Cohamacũ mari pũhtoro yaina m̃sa jiri buhiri ñano yũhdũna niyuhca m̃sa. ã jiro pũhtoro Cohamacũ to sũho jiropũre waha dutira m̃sare. To ã dutichũ to quihõno yoariro jichũ masija mari.

⁶ ã yoa Cohamacũ quihõno yoariro jira. ã jiro m̃sare ñano yũhdũchũ yoaina sehere ñano yũhdũchũ yoarohca tiro. ⁷ ã yoaro m̃sa ñano yũhdũrina cjiri jichũ tiro m̃sare noano jichũ yoarohca. Sã cãhũre noano jichũ yoarohca. Mari pũhtoro Jesu to yaina anjoa tuaina mehne, picha pohna mehne m̃sanopũ bajuaro noano jichũ yoarohca marine, ñano yũhdũrina cjirire. ⁸ ã yoa Cohamacũre masierainare, mari pũhtoro Jesu to buheare noaa buheare yũhdũrcarinare Cohamacũ buhiri dahrerohca. ⁹ Cohamacũ tinare õ sehe buhiri dahrerohca: Pichacapũ tina ñano yũhdũrucuahca. ã jia tina tuariro mari

pũhtoro Jesu cahai ne ji masierara. ã jia tua yũhdũariro to jiare ñũsi tina. ¹⁰ ãta waharohca tí dachoi Jesu to tjua tahti dachoi. Tí dachoihta tiro tarohca noaina tirore wacũ tuaina “Noariro, tuariro jira Jesu”, ni wahchea mehne ti ño payohto cjihtore. M̃sare sã buherire m̃sa noano tũhore. (ã jina m̃sa cãhũ tiro mehne jinahca.)

¹¹ ã jina Cohamacũre ã sini payorucuja sã m̃sa ya cjihtire. Õ sehe ni Cohamacũre sini payoja sã: To cahmano seheta yoahinare m̃sare to cũriro seheta m̃sa jihtina cjihtire sini payorucuja sã m̃sare. M̃sa noaina ji duanata niyuhca. ã jina Cohamacũ to tuua mehne noaina m̃sa ji duariro seheta m̃sa jikti cjihtire sini payorucuja sã. M̃sa Cohamacũre wacũ tuayuhca. ã wacũ tuana to yare yoayuhca m̃sa. Tíre m̃sa noano yoa namohti cjihtire Cohamacũre sini payorucuja sã m̃sare. ¹² ã yoana mari pũhtoro Jesucristore painare ño payochũ yoanahca m̃sa. M̃sa ã yoachũ Jesucristo yaina m̃sa jichũ ñũna paina ño payoahca m̃sare. Cohamacũ to cahĩa mehne, mari pũhtoro Jesucristo cãhũ to cahĩa mehne ã waharohca.

2

Ñano yoarucurirore yahuha Paulo

¹ Mipũre mari pũhtoro Jesucristo ahri yahpãre to tjua tahtore, tirore mari cahmachu mari piti bocahtore yahu namo duaja yũhũ. Õ seheta tuaro yahu duaja m̃sare, sã coyea: ² Paina m̃sare õ sehe niboca: “Mari pũhtoro to tjua tahti dacho, pihtiri dacho jiropũ nina”, niboca m̃sare. Tí ã nichũ tũhona, tũho cãaena tjiga. ã yoa tũho wisiena tjiga. “Cohamacũ yũhũre ãta niri jire”, niboca m̃sare paio. Pairo cãhũ m̃sare buhero ãta niboca. Pairo cãhũ ãta ni joarocaboca, “Yũhũ Paulo tjija”, ni mahño joarocaró. ³ Paina m̃sare tí ã mahño chũ tũhoena tjiga m̃sa. Tí dachoi ahri yahpa to pihtihto panocã payũ masa Cohamacũre duhuahca. ã jiro tí dachoi ñano yoarucuriro pichacapũ wahahtiro bajuarohca jipihtina tí ñũhtiro cjihtore. ⁴ Tiro

Cohamacu warore, paina bajueraina masa ti ño payoina cãhare jipihtina masare ño payo dutisi ñano yoarucuriro. Tiro õ sehe ni tãhoturohca. “Ahrina jipihtina bui pãhtoro jija yũhũ”, ni tãhoturohca. ã jiro Cohamacu wũhũi dujiro “Yũhũ sehe Cohamacu jija”, ninohca.

⁵ Mũsa mehne jisinicu tíreta yahui. ¿Tíre wacũerajari mũsa? ⁶ Mipũre pairo sehe ñano yoarucurirore ne ji dutierasinina. ã yoa tirore ji dutierarirore masina mũsa. Tiro sehe to dutichũ to quihõri dacho jichũ ñano yoarucuriro bajarohca. ⁷ Mipũre masa ti ñaenoi tiro yoaro seheta paina ñaare yoa tuhsũra. Ti ã yoapachũta ñaare yoa dutierariro to wahahto pano tiro ñano yoarucuriro sehe jisi. ⁸ To wahari baharo pinihtare ñano yoarucurirota bajarohca. Baharo mari pãhtoro Jesucristo tirore yũhdũrcarohca. Ahri yahpapũ to si sitea mehne tjua taro, to dũsero mehne putirocaro, tirore wajã boarohca. ⁹ Ñano yoarucuriro sehe watĩno tuaa mehne taro, payũ bajuamehnerire, mahñoa bajuamehnerire yoa ñonohca. ¹⁰ Payũ ñaa to yoa ñoa mehne to ã mahñochũ pichacapũ wahahtina sehe tirore tũhoahca. Tina sehe noaa buheare cahmaerare. Ti ã cahmaerachũ Cohamacu tinare pichacapũ wahahtinare yũhdosi. Tina pinihta ñano yoarucuriro mahñoriro to yoarire “Potocã tjira”, niahca. ¹¹ ã jiro noaa buheare ti cahmaerari buhiri Cohamacu tinare wisiomehnenohca. ã wisiaa mahñoaare cahmaahca tina. ¹² ã jiro jipihtina noaa buheare tũho duaerainare, ñaa dihtare yoa ji coainare tirota buhiri dahrerohca.

“Cohamacu mũsare beseha to yaina jichũ yoaro taro”, ni yahuha Paulo

¹³ Mũsa sã coyeyã, mari pãhtoro Jesu to cahĩina jira mũsa. Dóipũta wahmanopũreta mũsare pichacapũ wahaborinare to yũhdohtina cjihtire Cohamacu beseri jire mũsare. Mũsare beseri jire Espĩritu Santo to tuaa mehne to yaina ñaa marieina mũsare jichũ yoaro taro. ã jiro noaa buheare “Potocã tjira”, nihtina mũsa jichũ ñũno mũsare beseri jire. To ã beserina mũsa jichũ ñũna Cohamacũre wahche, “Noana”, nirucuja sã. ¹⁴ Noa buheare

mũsare sã buhechũ Cohamacu mũsare beseri jire mari pãhtoro Jesucristo to masa mũjariro seheta mũsa cãhũ mũsa masa mũjahto cjihtore.

¹⁵ ã jina yũ coyeyã, noano wacũ tuaina jiga mũsa. ã jina sã durucua mehne sã joarocaa pũri mehne mũsare sã buherire noano wacũga mũsa. ã yoa tí buheare yũhdũrũcaena tjiga. ¹⁶ Mari pãhtoro Jesucristo to basi, Cohamacu mari Pũcu cãhũ marine cahĩa, jipihtia dachoripe marine wahchechũ yoare. Marine cahĩa marine pichacapũ wahaborinare yũhdoahca. ã jina Cohamacu to yũhdohtore noano masina wahcheja mari. ¹⁷ Jesucristo, mari Pũcu mehne mũsare noano yoajaro pjĩro mũsa wahchehto sehe. ã yoa jipihtia noaare mũsa yoahito sehe, mũsa noano durucuhto sehe Cohamacũre mũsare sini payoja.

3

“Sã ya cjihtire Cohamacũre sini payoga”, ni joaha Paulo cãhũ

¹ Mipũ sã coyeyã, sã ya cjihtire Cohamacũre sini payoga mari pãhtoro Jesu to buhea payũ masare sã buhehto sehe. To buheare mũsa noano cahmariro seheta paina cãhũ tí buheare ño payoa mehne ti cahmahto sehe sini payoga mũsa Cohamacũre. ² Cãinata Jesure wacũ tuara. Paina sehe to yare tũho duaeraa, Jesure wacũ tuaerara. ã jina ñaina masa sãre ti ñano yoa duachũ Cohamacũre sini payoga mũsa sãre to yoadohohto sehe. ³ Mari pãhtoro Jesu to niriro seheta yoariro jira. ã jiro mũsare tirore wacũ tuachũ yoarohca. ã yoa tuhsũ, watĩno mũsare to ñano yoa dutichũ tiro mũsare yoadohorohca. ⁴ Cohamacu mũsare to yoadohorire masija sã. ã jina mũsare sã dutirore seheta mũsa yoachũ cãhare masija sã. ã yoa ãta yoarucunahca mũsa. Tí cãhare masija sã. ⁵ Cohamacu mũsare to cahĩare mũsare masichũ yoajaro. ã jina Cristo yoaro sehe ñano yũhdũpanahta cũno pjaina jichũ yoajaro mũsare mari pãhtoro.

Marine tuaro dahraro cahmana

⁶ Jesucristo mari p̄htoro to dutiro mehne õ sehe ni dutija m̄sare: Jesu yainare dahra duaerainare, m̄sare sã buheriro seheta yoaerainare, tinare piti tiena tjiga. ã ñnocahga tinare. ⁷ Sohõ jiri pja m̄sa mehne sã jich̄ tuaro sã dahrach̄ ñure m̄sa. ã jina sã yoariro seheta m̄sa c̄h̄ure dahraro cahmana. Tíre noano masina m̄sa. ⁸ ã jina m̄sa ch̄are wapa marieno ch̄erahi sã. ã yoa dachop̄ure, ñamip̄ c̄h̄ure tuaro dahrai sã “M̄sa ch̄are sã siniri”, nina. ⁹ Sã buheri wapa m̄sare wapa cahmaboa sã. ã wapa cahmaborina jipanahta wapa cahmaerana tuaro dahrai sã, m̄sa sehe sãre m̄sa ñ̄ c̄h̄to sehe. ¹⁰ M̄sa mehne jina, õ sehe ni buhei m̄sare: “Dahraeraina ch̄ea tjijaro”, ni buhei sã m̄sare. ¹¹ Cãina m̄sa mehne macaina ne dahra duaerayuhca. ã dahra duaeraa, painare ã yahu wajamacanoca, caribobiaro yoayuhca tina. ¹² Mari p̄htoro Jesucristo to dutiro mehne ã dahra duaerainare õ sehe nija: Noano wahchea mehne dahrajaro tina ti noano jihto sehe, ti ya ch̄are ti ch̄to sehe.

¹³ Sã coyeya, m̄sa sehe noaare yoarucuna pumena tjiga. ¹⁴ Cãina tó macaina ahrire sã joarocarire ȳhd̄ur̄caboca. Ti ã yoach̄ ti yoarire noano ñ̄ga. ã ñ̄na tinare piti tiena tjiga ti b̄oro wahahto sehe. ¹⁵ ã piti ti duhupanahta tinare ñ̄ tuhtiena tjiga. Tina m̄sa coyeya, Jesu yaina tjira. Ti ã jich̄ ti ȳhd̄ur̄carire yahuga tinare tíre ti yoaerahto sehe.

Paulo tinare noa duti batoaha

¹⁶ Mari p̄htoro Jesu marine noano jich̄ yoariro mehne dachoripe noano jirucuga m̄sa. ã jic̄ “Mari p̄htoro m̄sa jipihtina mehne jirucujaro”, nic̄ m̄sare noa dutija.

¹⁷ Ȳh̄ Paulo, ȳ wamomaca mehmeta mip̄are ȳ basita joa batoai nija: ã joac̄ m̄sare noa dutija. Jipihtia ȳ joarocaa p̄rine õ sehe dihta ȳ wamomaca mehne joa batoaja ȳh̄. Ȳ õ sehe dihta ȳ joa batoach̄ ñ̄na ȳ joarocari p̄ to jich̄ masinahca m̄sa. ¹⁸ Mari p̄htoro Jesucristo to cah̄a mehne noano yoajaro m̄sare jipihinare.

1 Timoteo

Paulo Timoteore joarocaha

1-2 Yuhũ Paulo ahrire mũhũre Timoteore joarocaja. Cohamacũ marine pichacapũ wahaborinare yũhdoriro jira. Jesucristo yare buhe dutiro to cũriro jija yũhũ. To Pũcũro, to Macũno Jesu mehne ti dutiriro seheta ti cũriro jija yũhũ. Jesuta marine yũhdora. ã jina marine to yũhdohtore masina, tíre cohtaja mari. Mũhũre Timoteore Jesu yare buhei. Yũ ã ni buhechũ tũhocũ Jesure wacũ tua dũcare mũhũ. ã jicũ mũhũ potocãta yũ macũ yoaro sehe jicũta nina. Cohamacũ mari Pũcũ mehne, mari pũhtoro Jesucristo mehne mũhũre noa dutija. ã yoa mũhũre cahĩa, pja ñũa ti yoadohoa mehne noano jiga mũhũ.

Paulo mahñoa buheare buhe dutieraha

3 Sohõ jiri pjare Macedonia yahpapũ wahacũ mũhũre Efesoĩ cũ yũhdũ wahcãĩ. Tóĩ cãina ti ya buheare mahñoa buheare buheina jire. Tí buheare mũ buhe dutierahitiro cjihtore cũĩ yũhũ mũhũre. 4 Tina ti mũ sũro ã buhemacanocahna. ã yoa ti coyera panopũ macaina cjiri ti mũ sũro ti buherire ã buherucura. Tí buhea mehne paina mehne cahma sayorucura. Cohamacũ marine to dutirire noano yoachũ yoarerara tina ã buhea. Cohamacũ ya sehere yoana tirore wacũ tuaja. ã jicũ ti mũ sũro ti buherire buhe dutierahitiro cjihtore cũĩ mũhũre.

5 ã cũĩ mũhũre Jesu yaina painare ti cahĩhti cjihtire. Ñaa buhiri mariea mehne, noaa wacũa mehne, potocã Cohamacũre wacũ tuaa mehne painare ti cahĩhti cjihtire ã cũĩ mũhũre. 6 Cãina ahri noaa buheare cohã tuhsũ paye buhea sehere cahmana tjoa. ã ti cahmachũ, tí buhea sehere ti cahma sayochũ tó wahaerara. Tí buheare ti cahma sayoa yaba cjihti jierara. 7 Tina Cohamacũ dutiare buheina ji duamana. ã buhe duapahta tí buheare tina ti basi noano masierara. Tí buheare masiina yoaro sehe buhepahta tí buheare ne masierara tina.

8 Cohamacũ dutiare Moise cjiro marine to cũri cjirore quihõno mari buhechũ noaa dutia jira. Tíre mari noano masija. 9-10 Tí dutiare buhena ahrire masino cahmana: Tí dutia noaare yoainare ti buhehti cjihti jierara. Ahrina sehere ti buhehti cjihti jira. Pũhtoare cohã duainare, dutiare yũhdũrcainare, ñaa dihtare yoainare, ñano buhiri tiinare, Cohamacũre ño payoerainare, Cohamacũ yare cahmaerainare, ti pũcũsumare wajãinare, ti pocosãnumia cũhũre wajãinare, paina masare wajãinare, numia mehne ñano yoainare, mũa mehne ñano yoaa numiare, cahma numia mehne ti ñano yoariro seheta mũa sahsero o numia sahsero jipahta ti pjacũri mehne ñano yoainare, masa pohnare paina cũhũre duhti yacainare, mahñoinare, painare mahñoa mehne yahusãinare Cohamacũ dutia Moise cjiro marine to cũri cjiri sehe tinare buhehti cjihti jira. ã yoa paina jipihtinare noaa buheare yũhdũrcainare buhehti cjihti jira Cohamacũ to dutia. 11 Tí buhea noaa buhea sehe noariro Cohamacũ to ya buheata jira. Tí buhea sehere yũhũre Cohamacũ buhe dutire.

Cohamacũ Paulore to pja ñũare yahuha tiro

12 ã yũ buhechũ Jesucristo mari pũhtoro yũhũre tuaare waro yũhũre yoadohora. “Paulo noano buherohca yũ yare”, ni tũhoture Jesu yũhũre. ã jiro yũhũre besero tirore yoadohohtiro cjihtore cũre yũhũre. To ã yoachũ “Noana”, nija yũhũ tirore. 13 Tó panopũre Cristore yũ ñano durucupachũta, to yainare ñano yũ yoapachũta, tiro yũhũre beseri jire. Tirore masierasinicũ tirore ñano yoacũ “Ñano yoai nica yũhũ”, ni tũhotueracũrũ. Yũ ã masierasinicũ ñano tiro pja ñũare yũhũre. 14 ã pja ñũno, Cohamacũ mari pũhtoro yũhũre tuaro cahĩno, noano yoare yũhũre. ã yoa Cristo Jesure wacũ tuachũ yoare yũhũre tiro. ã yoaro painare cahĩchũ yoare yũhũre Cohamacũ.

15 Yuhũ sehe paina yũhdoro ñaa yũhdũariro jimai. Ñaina mari jipachũta Jesucristo ahri yahpapũ tari jire ñainare

pichacapu wahaborinare yuhdohtiro cjihto. Tí potocã tjira. To ã jiriho jichu jipihtina tíre masijaro. ¹⁶ Ñaa yuhduariro yu jipachata tiro yuhure pja ñure. Ñ pja ñano Jesucristo suaro marieno yuhure to noano yoarire masichu yoaro nire painare baharo tirore wacũ tuahtinare masichu yoaro taro. Ñ wacũ tuahtina manopu ã jirucuahca. ¹⁷ Cohamacu jipihtia dachoripe masa bui puhtoro jira. Tiro ne yariaerara. Mari mehne to jipachata tirore ñeraja mari. Tiro dihta Cohamacu waro jira. “Potocãta noariro, tuariro jira tiro”, nijihna tirore. Jipihtia dachoripe tirore ño payojihna. Ñta yoajihna.

¹⁸ Timoteo, yu macu yoaro sehe jira mahu. Ñ jicu mipure ahrire mahuare dutija: Mari coyera Jesu yaina Cohamacu yare yahu mautaina baharo mu yoahrire ti ni mahtariro seheta mahure dutija. Cristo yare noano yahurucuga. Ñ yoa ñano yuhdupaihta tirore wacũ tua duhui tjiga mahu. Tuhsu, to yare quihõno buherainare pota yahuga duhuro marieno. ¹⁹ Jesure ã wacũ tuarucuga. Ñaa buhiri marieriro jiga. Noaa dihtare yoaga. Cãina tíre yoeraa Jesu yare cohãna. Ñ cohãa tirore wacũ tua duhure. ²⁰ Ñta yoare Himeneo, Alejandro mehne. “Watino to cahmano seheta yoawahnojaru musare”, ni cũi tinare, ñano Cohamacure ti durucu namoerahto sehe.

2

Cohamacure sini payoare yahuha Paulo

¹ Mipure õ sehe ni dutija musare. Ahri wiho waro jierara: Jipihtina ya cjihtire Cohamacure sini payoga. Ñ sini payona “Noana. Wahcheja”, niga Cohamacure. ² Puhto, paina masa bui dutiina cuhu ti ya cjihti cuhure Cohamacure sini payoga, cahmacheno marieno Cohamacure ño payoaina mari noano jihto cjihtore. Ñ sini payona mari Cohamacu cahmaare, quihõno yoaina noano ji masija. ³⁻⁴ Tó sehe paina ya cjihtire mari sini payochu noa nina. Tíre mari yoachu ñano Cohamacu marine yuhdohtiro sehe marine noano ñu jicoara. Jipihtina pichacapu wahaborinare to yuhdoina jichu cahmana Cohamacu. Ñ yoa

noaa buheare ti masichu cahmana tiro. Ñ jiro paina ya cjihtire mari sini payochu wahchera tiro. ⁵ Cãirota jira Cohamacu. Ñ yoa Cohamacure mari ñu tuhtichu Cohamacu cuhu marine to ñu tuhtichu bosariro cãirota jira. Tiro masunota jiriho, Jesucristota jira. ⁶ Wapamonore waparo seheta jipihtina ti ñaa yoari buhirire yariari jire tiro. Cohamacu to quihõri pjai tíre masare masichu yoari jire. ⁷ Tíre yahuhtiro cjihtore, Jesu to cũihtiro cjihtore tiro yuhure beseri jire. Judio masa jierainare Jesure wacũ tuaare, noaa buheare buhehtiro cjihtore beseri jire yuhure. Potocãta musare yahui nija yuhu. Mahñoeraja.

⁸ Cohamacu yare noano yoaina jipihtiro macaina sehe Cohamacure ti sinichu cahmaja. Ñ yoa tina suaro marieno, cahma sayoro marieno tiro mehne ti durucuchu cahmaja. ⁹ Ñ yoa, numia sehene carera numia yoaro seheta ti suhti tiina jichu cahmaja. Ñ jia soro bajua pjoari ti pjoarire yoaea tjijaro. Uru dari busaa darire perla yapari dari cuhure busaea tjijaro tí numia painare “Goa pjachu yoari”, nia. Ñ yoa wapa bujua suhtire sãaea tjijaro tina Jesu ya numia. Painare goa pjachu yoaa numia jiea tjijaro. ¹⁰ Ñ yoa tí numia noaa sehene yoajaro. Ñta yoaro cahmana “Cohamacu ya numia jija”, nia numiare. ¹¹ Dihta marieno ño payoa mehne buheare tuhojaro tí numia. ¹²⁻¹⁴ Ñ jia numia muare buhea tjijaro. Ñ yoa muare dutiea tjijaro. Tí numia sehe dihta mariea numia jijaro. Adãore Cohamacu bajuamehne mahtari jire. To baharo Evare bajuamehneri jire. Ñ yoa watino to mahñochu tuhoriro Adão jierari jire. To mahñochu tuhoricoro sehe Eva jiri jire. Ñ to mahñochu tuhoro, Cohamacure yuhdurucaricoro wahari jire ticoro. Ñ jia numia sehe muare dutiea tjijaro. ¹⁵ Numino ji mahtaricoro to yuhdurucapachata numia ti pohna tichu ñano tinare Cohamacu yoadohorohca. Tí numia pohna tia numia sehe Cohamacure ti wacũ tuarucuchu tiro yoadohorohca tinare. Ñ yoa masare, Cohamacu cuhure ti cahrucuchu, noaa numia ti jirucuchu,

quihõno yoaa numia ti jichu Cohamacu tinare yoadohorohca.

3

Jesu yaina puhto ti yoahdire yahuha Paulo

¹ Masa Jesu yaina puhto ji duaa, noaare yoa duaa nica tina. Tí potocãta jira. ² Jesu yaina puhtoare besecu õ sehe jiiinare besega: Buhiri marieinare besega “Paina tinare ñano ni yahusãri”, nicu. ã yoa cãa numiata namo tiinare, noano tuho masiinare, quihõno yoainare, paina ti ño payoia, masare wahchea mehne ti wuhure sãa ta dutiinare, painare noano buhe mihniinare besega muhu. ³ ã besecu cahaerainare, cahmacherainare, masare noano yoainare, cahma sayoerainare, niñerure cahierainare besega muhu. ⁴ ã yoa mu beseina ti ya wuhu macainare noano yahuina, ti pohnare noano ño payoa mehne yuhtichu yoaina, noano yahuina jijaro. ⁵ Tinare yuhtichu yoa masieraa, noano yahu masieraa, Jesu yaina cãhure noano yahu, yuhtichu yoa masieraboca tina. ⁶ Jesu yaina puhto ji duaina Jesu yaina wahma sãaina jia, tina puhto ji masierara. Wahma sãainare Jesu yaina puhto masa cũchu tina “Noa yuhduaina jija”, ni tuhotuboca. Ti ã ni tuhotuchu Cohamacu tinare buhiri dahre dutirohca watĩnore to yoariro seheta. Watĩno cũhu ãta ni tuhotua timaha Cohamacure yuhduaraca duaro. ⁷ ã yoa puhto ji duaina Jesu yaina jieraina ti ño payoia jiro cahmana tinare. Noano yoaina ti jichu ñua paina ño payoahca tinare. ã jia masa tinare ñano quitu dahresi. ã jiro watĩno tinare dojomehne masisi.

Jesu yainare yoadohoina ti yoahdire yahuha Paulo

⁸ ã yoa Jesu yainare yoadohohtina sehere besecu õ sehe jiiinare besega: Tina masa ti ño payoinare, noano potocãta durucuinare, cahaerainare, niñerure cahierainare, mahñoa mehne wapata du-aerainare, ⁹ Cohamacu to yahuri buhea to nino seheta yoainare, ñaa buhiri marieinare besega muhu. ¹⁰ Tinare mu

besehto pano Jesu yainare yoadohoina ji duainare ti yoarire ñuga muhu. Tinare mu ã ñuri baharo tina sehe ñaa buhiri marieina, ñaare yoeraina jia, Jesu yainare yoadohoina sãajaro tina. ¹¹ ã yoa ti namosãnumia õ sehe ti jichu cahmaja mari. Masa ti ño payoa numia, masa noaa numia, ñano quitu dahrera numia, tuho masia numia, jipihtiare noaare yoarucua numia ti jichu cahmaja mari. ¹² Jesu yainare yoadohohtinare besecu cãa numiata namo tiinare, ti pohnare paina ti wuhu macaina cãhure noano yuhtichu yoainare besega. ¹³ ã jia mu beseina Jesu yainare ti yoadohochu paina tinare noano ñu ji coahca. ã jia tina yoadohoina sehe noaa buheare, Jesucristore ti wacũ tuua cãhure cuiro marieno buheahca tina.

Cohamacu ya buheare yahuha Paulo

¹⁴⁻¹⁵ Mipure mu cahapu waha duai ni-maja. ã waha duapaihta mipure wahaerasinicu ahri pũu yahu, mũhure joarocai nija. Jesu yaina cahmachuina watoi mũsa dohse yoahdire mũhure yahu joarocai nija, “Michapucaca yuhu wahaerasiniboca”, nicu. Jesu yaina Cohamacu catiriro yaina jira. To yaina potocã jia buheare Cohamacu ya buheare cjuara. ã cjuaa, tíre buherucura. ¹⁶ Ahri potocã tjira. Marine Cohamacu to buheri cjiri, panopu mari noano masierari cjiri noa yuhduu buhea jira. Ahri buhea õ sehe jira: Tiro Cristo mari pjacu seheta pjacu tiriro masa bajuari jire. Noariro, ñaa marieriro to jichu ñore Espiritu Santo sehe. Anjoa cãhu tirore ñuri jire. ã yoa buhe duti to cũrina paye yahpari macainare to yare buhei sã. ã jia ahri yahpai masa payu tirore wacũ tuare. Baharo muanopu Cohamacu naahre tirore. Tí jira noaa buhea.

4

Noa buheare cohãrina cjirire yahuha Paulo Timoteore

¹ Espiritu Santo ahrire noano yahura: Pihitiri dacho panocã cãina masa Jesu ya buheare cohãhca. ã cohãa mahñoa buheare

watía ya buhea sehere tũho nũnũahca tina. ² Tí buheare mahñorucuina yahuahca masare. Tina mahñorucuina sehe “Ñaa buhiri mariahna sãre”, ni tũhotuina jira. Æ jia tina ti ñaa yoare ne tũhotuerara. ³ Õ sehe ni buheahca tina: “Namo tienã tjiga. Ahri chũare chũena tjiga”, ni buheahca tina. Ti ã chũ dutierapachũta Cohamacũ chũare bajuamehnenõ mari chũhti cjihtire noare cũri jire tiro. Mari Cristore wacũ tuaina jichũ noaa buheare mari masina jichũ, mari ya cjihtire tí chũare bajuamehnea tiri jire tiro. Tí chũare cjuana tirore “Noana”, mari nichũ cahmana tiro. ⁴ Jipihtia Cohamacũ to bajuamehneri cjiri noaa jira. Æ jina to bajuamehneri chũare nana, Cohamacũre “Noana” nina, tíre marine cohãeraro cahmana. Tíre marine chũ ji coaro cahmana. Æ jicũ paina ti chũ dutierachũ tũhocũ tjiga tinare. ⁵ To bajuamehnea noaa ti jichũ yahu tuhsũã tiri jire Cohamacũ. Æ jia tirore “Noana”, mari ni wahcheri baharo tí chũã to yoari chũã noaa waro jia nina.

Jesucristore dahra cohtarirore noarirore yahuha Paulo Timoteore

⁶ Ahri yũ yahurire Jesu yainare mari coyeare buhecũ Jesucristore dahra cohtariro noariro jira mũhũ. Æ buhecũ noaa buheare, quihõno mũ tũhori cjirire mũhũre ti yahuriro seheta noano mũ masirire yahuriro jiihca mũhũ. ⁷ Æ jicũ ti mũ sũro ti buherire, Cohamacũ ya jieraare tũhoi tjiga. Cohamacũ cahmaa sehere yoaporiro jiga mũhũ. ⁸ Mũ mũrocaporochũ noa curera. Mũ mũrocaporiro yũhoro Cohamacũ cahmaare mũ yoapochũ noa yũhdũara mũhũre. Cohamacũ cahmaare yoapocũ mipũre noano jiihca mũhũ. Mũ yariari baharopũ cũhũre masa mũjacũ noano jiihca mũhũ. ⁹ Tí potocãta jira. Jipihtina tíre yũ nirire masiinare “Potocãta jira”, nino cahmana tinare. ¹⁰ Jipihtina tíre ti nihti cjihtire Cohamacũ cahmaare ti yoahiti cjihtire mari tuaro dahraja. Æ jina ñano yũhdũja mari, paina marine ñano ti yoachũ. Cohamacũ catiriro, jipihtinare pichacapũ wahaborinare yũhdoriro jira. Tirore wacũ

tuaina pinihtare tiro yũhdorohca. Æ jina to yũhdohto cjihtore masina, cohtaja mari.

¹¹ Ahri jipihtia yũ nirire dutiga Jesu yainare. Æ yoa tíre buhega mũhũ. ¹² Wahmũno mũ jichũ ñũã paina Jesu yaina mũhũre yũhdũrũca duaboca. Ti ã yoerahto sehe õ sehe yoa ñoga tinare. Masare cahĩga. Æ yoa Jesure wacũ tuarucu, buhiri marieriro jiga. Wahmũno jipaihta mũ ã yoachũ ñũã mũhũre yũhdũrũcasi tina. Æ jia mũ durucurire tũhoa, mũ yoarire ñũã mũhũre ñũ cũahca. ¹³ Æ jicũ mũ cahapũ yũ sũhto pano Jesu yainare Cohamacũ yare ti joari pũre buhe tuhsũ, mũsa cahmachupe tahari tinare ã yahurucuga. ¹⁴ Jesu yaina mehne macaina pũhtoa Cohamacũ yare yahu tuhsũ mũ bui ti wamomacarine duhu payore. Ti ã duhu payochũ Cohamacũ ya cjihtire mũ yoa masihtõ sehe cũre mũhũre Cohamacũ. To ã cũrire boecũ tjiga. Æ yoa tíre ã yoarucuga.

¹⁵ Ahri dutiare tuaro cahmaga. Æ cahmacũ ahri dutiare ã yoarucuga mũhũ. Mũ ã yoari baharo noare mũ yoa namochũ jipihtina ñũahca. ¹⁶ Mũhũ sehe noano yoaga, “Soro yoari”, nichũ. Æ yoa noano buhega mũhũ, “Soro buheri”, nichũ. Æ jicũ mũ basita pichacapũ wahaboriro yũhdoriro jiihca. Æ jia mũhũre tũhorina cũhũ pichacapũ wahaborina yũhdũrina jiahca.

5

“Paina Jesu yainare õ sehe yoaga mũhũ”, niha Paulo Timoteore

¹ Ne bũcũrore tuhtiecũ tjiga. Mũ pũcũre mũ noano yoariro seheta bũcũro cũhũre noano mehne yahuga. Æ yoa mũ bahanare mũ noano yoariro seheta wahma yapia cũhũre noano ñõ payoro mehne tinare yahuga. ² Æ yoacũ mũ pocore mũ noano yoariro seheta bũcũ numia cũhũre noano ñõ payoa mehne yahuga. Mũ bahana numiare mũ noano ñõ payoriro seheta nuhmia cũhũre ñãno goa pjaro marieno, noano ñõ payoa mehne yahuga tina numiare.

³ Æ jicũ wapewahyaa numiare potocãta pjacũoa numiare ñõ payoa mehne yoadohoga tí numiare. ⁴ Wapewahyoro pohna tiricoro to jichũ, o panamana

tiricoro to jichu cãhare tina sehe ticorore yoadohojaro. ã yoadohoa Cohamacu masare ti coyeare to yoa dutirire yoaa nina tina. ã yoaa tina ticorore ti wapamonore wapaa nica ticoro to buchori wapa. Ti ã yoachu ñno Cohamacu noano wahchera. ⁵ Pjacorico, wapewahyoro coyea marienico jiro, Cohamacu ticorore to yoadohohto cjihtore cohtara ticoro. ã jiro ñaminipe, dachoripe ticoro Cohamacu mehne ã durucurucura. ⁶ Pacoro sehe wapewahyoro ã yoamacanocarico carerico jiro, ticoro catirico jiparota pichacaru butihticoro ji tuhsara. ⁷ Ahri jipihitia yu yahurire Jesu yaina cãhare yoa dutiga muhu, noaa dihtare ti yohti cjihtire. Ti ã yoachu ñna paina tinare “Ñano yoaa nina”, ni masierara. ⁸ Cãiro to coyeare ñu wihboeraro, to pohna, ti pocoro cãhare noano ñu wihboeraro “Jesu yairo jija”, ni masierara. ã jiro Jesure cahmaeraina yuhdoro ña yuhdharigo jira tiro.

⁹ Wapewahyaa numiare yoadohonahca musa. Õ sehe besega musa yoadohohti numiare. Ti wamare joa õhti pui joai tai õ sehe besega ti numiare: Sesenta cãhmari sãeraricorore to wamare joa õi tjiga. Tuhsu, to pano puaro cjirore manu tiricoro wape wahyoro to wamare joa õi tjiga. Cãirota manu tiricoro wapewahyoro wamare joa õga. ¹⁰ Ti numiare, “Noaare yoaa numia jira”, masa ti nia numiare, ti pohmare noano buchoa numiare besega. ã yoa tuhsu, ti wãhusei painare noano sãa ta dutia numiare, dahra cohtaina yoaro sehe Jesu yainare yoadohoa numiare, ñano yuhdãinare yoadohoa numiare, noaa dihtare yoaa numiare besega. Ti numiare musa yoadohohti numiare bese tuhsucu, ti wamare joa õga muhu.

¹¹ Wiho mejeta wapewahya numia nuhmia curero ti jichu ti numia sehere besei tjiga. ã jicu ti pui ti wamare joa õi tjiga. Baharo tina mure goa pja, Cristore cohã, pari turi manu tiboca. ¹² Tina Cristore “Pari turi manu tisi sã. Mu yainare yoadohonahtja”, niri numia jipahta baharopure ti niriro seheta yoeraboca ti numia. Ti ã yoerari buhiri buhiri tiahca. ¹³ Ti nu-

mia õ sehe yoaa numia jira: Dahraera numia jipora. ã jia paina ya wãhusepu waharucu, ñaa quiti dahre, ti numiare mari sinituerapachata ti mu sãro mari jia tiare ã yahurucura. Tuhsu, ti yahu dutierari cjirore yahura ti numia. ¹⁴ ã jicu ti õ sehe yoachu cahmaja yuhu: Wapewahya numia nuhmia curero jia numia manu tijaro. ã manu tia, pohna tijaro. Ti ya wãhu macainare noano ñu wihbojaro. Mari ya numia wapewahyaa numia ti ã yoachu marine ñu tuhtiina marine “Ñaaare yoaa nina”, ni tuhti masierara. ¹⁵ Mipu pinihtare cãa numia wapewahya numia Cristo yare duhu, watino cahmaa sehere yoa tuhsara. ã jicu ã ni yahuja muhare.

¹⁶ Jesu yaina ti coyeacoro wapewahyoro to jichu tina to coyea ticorore yoadohojaro. Paina Jesu yaina sehe ticorore yoadohoea tjijaro. ã jia tina paina Jesu yaina ticorore coyea cãaricorore yoadohoeraa, paye numia wapewahya numia coyea mariea numia sehere yoadoho masina.

¹⁷ Jesu yaina puhtoã mure ti noano buhechu ti dahraare ti noano yoachu ñna ji coaro mehne ñuga tinare. ã yoa noano wapaga tinare. Cãina tina mehne macaina Cohamacu yare yahuina, mure buheina cãhu jira. Tina pinihtare paina yuhdoro ji coaro mehne ñuga. ¹⁸ Cohamacu yare ti joari pui õ sehe nina, dahrarirore ti wapah-tore yahuro: “Wachu trigo yaparire to dahpori mehne suhti werirore to chu duachu to dãserore dãcataena tjiga”, ni joaa tiri jire. ã yoa pa pui õ sehe nina: “Dahrarirore to dahrari wapare waro cahmana”, nina Cohamacu yare ti joari pui. (To ã nichu tuhona Jesu yaina puhtoãre ji coaro mehne ñu, noano wapaga tinare.)

¹⁹ Jesu yaina puhtoro to ñano yoachu ñno cãirota paina Jesu yaina cahmachuinare yahusã masierara. Puhtoro to ñaaare yahusãhtina tiaro jia, tirore yahusã masina. Tiaro mariachu puaro yahusã masina. ²⁰ ã yoa ñaaare yoarucurirore jipihitina musa wato to jichu tirore tuhtiga, cuia, paina ñaaare ti yoerahto cjihtore. ²¹ ã jicu Cohamacu, Jesucristo, to beserina anjoã cãhu ti ñurocaroi ahrire dutija

muhure: Mipuhure yuh dutiri cjiire yoa pahñoga. Ñ yoiri jicu jipihinare Jesu yainare cño potori yoaga. Pairore soro, pairore soro yoi tjiga. ²² Painare Cohamacu dahraare mu cñhti cjihtire ti bui mu wamomacarine mu duhu payohto pano soaro marieno noano tuhutu pahño, tinare besega. Tina ñaina jiboca. Ñ jinare Cohamacu dahraare cñi tjiga. Ñ cñcu muhuh cñhu mu beseina ti ñaare yoaro seheta yoi nica. Tó sehe yoi tjiga. Ñ yoa ñaa marieriro jiga muhu.

²³ Suruca pjaro cariro jira muhu. Mipuhure co dihtare sihnimana muhu. Ñ jicu mahancã vino cñhure sihniga muhu. Co jira tí.

²⁴ Cãina ti ñaare yoachu mari ñaja. Ñ jina Cohamacu tinare to buhiri dahrehtore masija mari. Paina sehere ti ñaa yoiri mari masieraja. Ti ñaa yoiri baharo masinahca. ²⁵ Tó seheta cãina noaare ti yoachu tíre mari masija. Paye ti noaa ti yoerarire mari masierapanahta baharo masinahca mari. Tíre nuhohto basierara.

6

¹ Dahra cohtaina Jesu yaina sehe ti puhtoare noano ño payojaro. Ti ñ ño payochu ñha paina Cohamacure, mari buhea cñhure ne ni dojomehne masierara. ² Ti puhtoa Jesu yaina ti jichu ñha tinare dahra cohtaina sehe Jesu yaina jia, tinare ñuroa ño payoeraboca. Ñ yoeraro cahmana. Ti puhtoa Jesu yaina ti jichu pinihtare tinare dahra cohtaina noano ño payojaro tinare. Ñ ño payoa dahra cohtaina sehe Jesu yainare, ti cahñinare ti coyeare yoado-hoa nina. Ti puhtoare Jesu yainare dahra cohtaina jia, Jesure cahmaerainare ti ño payoriro yuhdoro Jesu yaina sehere ño payojaro puhtoa ti cahñina ti jichu. Ahri yuh yahurire buhega. Ñ jicu ahrire dutiga.

Cohamacure ño payoa cñhure noano jia cñhure yahuha Paulo

³ Soro jia buheare buheriro mari puhtoro Jesucristo ya buheare noaa buheare “Potocã tjira”, ni tuhutu duaerara. Ñ tuhutu duaeraro, mari ya buheare Cohamacure ño payoa buheare cahmaerara.

⁴ Ñ jiro tiro “Masi pahñoriro jija”, niparota tíre ne masierara. Ñ masieraro, tuhutu masierariro yoaro seheta tuaro cahma sayo duara tiro. Ñ yoa Cohamacu yare ñ nimacanoca sayorucuriro tjira. Masa tiro yoaro sehe jina cahma sayoa, paina ti noano wahachu ñ tuhtia, cahma ñ duaraa, noano mehne jierara. Tuhsu, painare ñano quitu dahre, masierapahta masare ñano ni tuhutura tina. ⁵ Tina ñaa dihtare tuhutuina, potocã jiare ne masieraina ñ cahma sayorucuina jira. Ñ yoa “Cohamacu yare buhena niñerure wapatanahca mari”, ni tuhutura tina. ⁶ Mari ya mahancã mari cñaa mehne wahchena, Cohamacure ño payona, to cahmano seheta yoana, potocãta noano jina nija. ⁷ Ahri yahpapure masa bajuana ne paye barore na taerahi mari. Ñ yoa mari yariari baharo wahana ne paye barore naa masieraja mari. ⁸ Ñ jina mari chure mari suhti cñhure cñana payere cahma namoena tjijihna. Mari cñaro purota wahchejihna mari. ⁹ Pache pu jia duainare watino ñaare to yoa dutichu tina sehe jiape ñaare yoarucuina jiboca. Ñ yoaa tina payu tahari tuhutu masieraina seheta paye barore tuaro cahmaa, ñaa yoare duhueraa, ti basita ñano yuhdura. Ñ duhueraa pichacaru wahaahca tina. ¹⁰ Niñerure tuaro cahmaa, jiape ñaare yoa ducara masa. Cãina niñerure cahña, tuaro cahmaa, Jesure wacũ tua duhua, payu tahari ñano yuhdura tina.

Cohamacu yare yoana ñaare duhuga

¹¹ Muhu pini Cohamacu yairota jira. Ñ jicu ahri ñaare yoi tjiga. Noaa sehere cahmaga. Cohamacu yare yoaga. Ñ yoacu Jesure wacũ tuaga. Painare cahña. Ñano yuhdupaihta cño pjaga. Ñ yoa painare noano dero yoaga. ¹² Surara cahmachero tuaro to yoiri seheta, muhu cñhu Cohamacure wacũ tuacu to yare tuaro yoaga. Mhanopu ñ jirucuhtiro cjihtore Cohamacu beseri jire muhure. Ñ jicu Cohamacure mu wacũ tuaare payu masare noano yahuhre muhu. Ñ jicu ñano yuhdupaihta tirore wacũ tua duhui tjiga. Mhanopu ñ jirucuhtiro jiga. ¹³ Cohamacu jipihinare, jipihiare

jichu yoariro jira. Jesucristo sehe Poncio Pilatore Cohamacu yare noano yahuriro jira. ã jicu tina Cohamacu, Jesucristo cūhu ti ñurocaroi ahrire mūhare yoa dutihtja: ¹⁴ Mūhare Cohamacu to dutirire yoa pahñonocahga. Jesucristo to tjua tahto pano masa mūhare ñaare ti ne yahusāerahto cjihtore to dutirireta yoarucuga. ¹⁵ To quihōriroihta Cohamacu Cristore tjua tachu yoarohca. Cohamacu noariro, tiro dihta masare dutiriro jira. ã jiro jipihtina paina pūhtoa ti bui pūhtoro jiriro jira tiro. ¹⁶ Tiro dihta ne yariaerariro jira. To si sitea mehne jiriro jira. To si sitea cahapu waha masierara masa. ã yoa tirore masa ne ñerare. Mipū cūhare tirore ñerara. Tiro sehere ño payojihna. ã jina “Jipihtia dachoripe tuariro jira tiro”, nijihna tirore. ãta yoajihna.

¹⁷ Ahri yahpa macaina pache pūare õ sehe ni dutiga mūhu: “Painare yūhdurūcaja”, ni ti basi tūhotuea tjijaro tina. Ti pache ti cūaa pihtia wahaahca. ã jia ti cūaa dihtare wahchea tjijaro. Cohamacu sehere tuaro wahchejaro. Jipihtia pototi mari cahmaare wariro jira tiro. Tiro sehere wacū tuajaro tina pache pūa. ¹⁸ ã jia tina noaa sehere yoajaro pjiro noaare yoaina ti jihto sehe. ã yoa ti cūaare waina jijaro. ¹⁹ Ti ã yoachu mūanopū Cohamacu cahai ti ya jahca. Ti ya tópu jia, ne butisi. ã jia tópu ã jirucuahca tina.

Paulo Timoteore duti batoaha

²⁰ Timoteo, mūhare Cohamacu to cūrire to buhe dutirire noano yoanohbū. Voi ninohbū mūhu. Cāina masa Cohamacure cahmaeraina yoaro sehetā mahñoare, tūho masieraina ya buheare durucurucura. ã durucua “Noano masiina ya buhea jira”, nimana tina. ã ti ni durucua tūho nūnūi tjiga. ²¹ Cāina tí durucua tūho nūnūina Cristo yare cohānocare. Cohamacu to cahīa mehne mūsare noano yoajaro.

2 Timoteo

Paulo Timoteore pari turi joarocaha

¹ Yuhũ Paulo, ahrire mũhũre Timoteore joarocaja tjoa. “Jipihtina Jesucristore wacũ tuaina mũanopũ ã jirucuahca” ni, cũre marine Cohamacũ marine yũhdũchũ yoariro. To ã ni cũrire yahuhtiro cjihtore yũhũre bese cũre Jesu. ã cũno Cohamacũ to cahmano seheta yoaro nire yũhũre. ² Mũhũ Timoteo yũ cahĩriro jira. Mũhũre Jesu yare yũ buhechũ tũhocũ tirore noano wacũ tua dũcare mũhũ. ã jicũ yũ macũ yoaro sehe jira mũhũ. ã jicũ Cohamacũ mari Pũcũ, mari pũhtoro Jesucristo mehne mũhũre noa dutija. ã yoa mũhũre pja ñũa, cahĩa tina ti yoadohoa mehne noano jiga mũhũ.

Masare Cristo yare ti yahurire yahuha Paulo

³ Ñamipũ dachopũ cãhũre Cohamacũ mehne durucucũ mũya cjihtire sini payocũ mũhũ mehne wahcheja. ã wahchecũ Cohamacũre “Noana”, nija yũhũ. Panopũ macaina yũ coyea Cohamacũ yare ti yoariro seheta yũhũ cãhũ “Buhiri tija”, ni tũhoturo marieno mipũre to yare yoaja. ⁴ Sohõ jiri pjare yũ wahachũ mũ tii nũnũ tirire wacũcũ mũhũre tuaro ñũ duaja mũhũ mehne noano wahche duacũ. ⁵ ã jicũ Jesure potocãta mũ wacũ tuarire wacũja yũhũ. Mũ ñũchocoro Loida, mũ poco Eunice cãhũ Jesure wacũ tua mũhtare mũ pano. ã yoa mipũre mũhũ cãhũ tirore mũ wacũ tuachũ noano masija yũhũ.

⁶ ã jicũ ahrire mũhũre wacũchũ yoa duaja. Mũ bui yũ wamomacarine yũ duhu payochũ Cohamacũ yare mũ yoahiti cjihtire tuaare ware mũhũre. Ti tuaa mehne yoa namoga mũhũ. ⁷ Cohamacũ marine Espĩritu Santore wari jire. ã jiro masare marine cuierachũ yoara Espĩritu Santo. ã yoaro tuaina, masare cahĩina, tũho masiina marine jichũ yoara tiro. ⁸ ã jicũ mari pũhtoro ya cjihtire painare yahucũ, bũo tiecũ tjiga mũhũ. Yũhũ to yare yũ yoari buhiri peresui jiro jija. Peresui yũ jichũ yũhũre bũo tisãai tjiga mũhũ. Wiho mejeta

noaa buheare mũ buheri buhiri ñano yũhdũcũ “Noanohca”, niga mũhũ cãhũ. Mũ ã ñano yũhdũchũ Cohamacũ mũhũre yoadohorohca. ⁹ Cohamacũ sehe marine pichacapũ wahaborinare yũhdũchũ yoare. ã yoa noaina to yaina jihtina cjihtire tiro besea tiri jire marine. Mari noano yoari mehne besera tiri jire marine Cohamacũ. To mũ sũro to cahmariro seheta yoaro ahri yahpare to bajuamehnehto pano marine cahĩno, tiro marine besea tiri jire. Marine ã cahĩno marine yũhdũchũ yoahitirore Jesucristore warocari jire Cohamacũ. ¹⁰ Mipũre Jesucristore marine yũhdũchũ yoahitirore warocaro, marine potocãta to cahĩare noano masichũ yoaro niri jire Cohamacũ. Jesu marine to yainare pichacapũ wahaerachũ yoare. ã yoaro “Yũhũre wacũ tuana Cohamacũ mehne ã jirucunahca” nino, buhriaro marine to ñũ masichũ yoaro seheta noaa buheare marine masichũ yoaro tari jire tiro.

¹¹ Ti buhea noaa buheare yahuhtiro cjihtore to cũhtiro cjihtore besea tiri jire yũhũre. ¹² ã to beseriro jicũ mipũre ñano yũhdũja yũhũ. Õ sehe ñano yũhdũpacũta yũhũ bũo tieraja. Yũ wacũ tuarirore Jesure masija yũhũ. Tuariro jira tiro. ã jiro yũhũre to yare buhe duti cũno noano yoadohorohca yũhũre. ã yoa ahri yahpapũ to tjua tahto pano, “Mũhũre yũhdũchũ yoahitja”, to niriro seheta sohtori tiarohca yũhũre. Yũhũre yũhdũchũ yoarohca tiro. Tĩre noano masija.

¹³ Mũhũre noano yũ yahurire yoa pahũoga. Cristo Jesu yaina jina tirore noano wacũ tuaja mari. ã yoa painare noano cahĩja. ã jicũ tirore ã wacũ tuarucuga mũhũ. Tuhsũ, painare noano cahĩrucuga. ¹⁴ Espĩritu Santo mari mehne jiro to yoadohoro mehne noaa buheare noano yoaga. Quihõno buhega. Soro ni buhecũ tjiga.

¹⁵ Jipihtina Asia yahpa macaina Jesu yaina yũhũre yoadoho duaeraa cohã wahcãa wahare. Tina mehne macaina pũaro Figelo, Hermógenes ãta yoare tina cãhũ. Ti ã cohã wahcãire masi tuhsũra mũhũ. ¹⁶⁻¹⁷ Ti ã cohãpachũta Onesĩforo sehe payũ tahari yũhũre yoadohoro noano

yajeri sãachũ yoare. Ñ yoaro peresui yũ jichũ tiro yũhũre bũo tisãaerare. Ñ jiro Romai yũ jichũ ã macarucuri jire yũhũre. Ñ macarucuro yũhũre bocare. Ñ jiro tirore, jipihtina to ya wũhũ macaina cãhũre pja ñũnohca Jesu mari pũhtoro. To ã yoahito sehe tirore sini payoja. ¹⁸ Ñ yoa ahri yahpapũ Jesu mari pũhtoro to tjua tahti dachoi tirore pja ñũnohca. To ã yoahito sehe tirore sini payoja. Efesoi payũ tahari yũhũre to yoadohore noano masina mũhũ.

2

Ñano yũhdũparota Jesu yairore cãno pjaro cahmana

¹ Mũhũ sehe yũ macũ yoaro sehe jiri, Jesucristo marine noano yoariro to yoadohoro mehne tirore wacũ tuarucuga.

² Ñ yoacũ payũ masare yũ buherire mũ tahore paina cãhũre buhega mũhũ. Tina mũ buheina Cohamacũ yare yoarucuina jijaro. Ñ jia painare buhe turiaina jijaro.

³ Surara ñano yũhdũparota to cãno pjariro seheta mũhũ cãhũ Jesu yairo jicũ ñano yũhdũcũ cãno pjaga mũhũ. ⁴ Surara to pũhtoro dutia sehere yoara tirore wahchechũ yoaro taro. Ñ yoaro tiro surara jieraina yoaro sehe wiho jiare yoerara tiro. (Mũhũ cãhũ tó seheta Cohamacũ dutia dihtare yoaga.) ⁵ Mũrocaperiro mũroca dutiina ti dutiare quihõno yoeraro to mũroca yũhdũri wapare na masierara. (Ñ jicũ mũrocaperiro ti dutiare quihõno to yoariro seheta Cohamacũ dutiare quihõno yoa pahõoga mũhũ.) ⁶ Ñ yoa wese dahrariro wapũ tiro mehne noano dahrariro sehe tí wese maca dichare noano na mũhta, noano wapatara. (Ñ jicũ mũhũ cãhũ tiro yoaro sehe Cohamacũ yare mũ noano yoachũ tiro mũhũre noano yoarohca.) ⁷ Jipihtiare noano masichũ yoarohca Jesu mari pũhtoro mũhũre. Ñ jicũ mipũre mũhũre yũ nirire noano wacũ tũhotuga.

⁸ Ñ jicũ Jesucristore wacũga. Tiro pũhtoro Davi cjiro panopũ macariro to panamino ji turariro jia tiri jire. Ñ jiro yariaro masa mũjari jire tiro. Noaa buheare buhecũ to ã waharireta buhei nija. ⁹ To yare buhecũ

ñano yũhdũja yũhũ. Ñ jicũ tíre yũ buheri buhiri ñaare yoariro yoaro sehe peresupũ jija yũhũ. Yũ ã jipachũta Cohamacũ ya durucuarẽ buhe duhuchũ yoa masierara masa. ¹⁰ Ñ yoa Cohamacũ to beserinare buhecũ payũ tahari ñano yũhdũja yũhũ, tina cãhũ Jesucristo yaina ti jihti cjihtire. To yaina jia tina pichacapũ wahaborina sehe to yũhdũchũ yoahitina jiahca. Ñ jia tina Cohamacũ mehne ã jirucuahca.

¹¹ Ahri yũ yahuhti potocã tjira: Cristo crusapũ to yariariro seheta wahana, yariaina ti yoare ti duhuriro seheta mari ñaa yoarire mari duhuna, Cristo mari mehne macariro ã jirucurohca.

¹² Ñ yoa to yare mari yoari buhiri ñano yũhdũpanahta cãno pjana pũhtoro to sũho jiropũre tiro mehne pũhtoata jinahca mari cãhũ.

“Cristore sã masieraja”, mari nichũ, tiro cãhũ marine ãta ninohca.

¹³ Tirore mari yũhdũrcachũ ñũno to niriro seheta marine yoarohca.

To niriro seheta yoariro jira tiro. Ne mahõerara tiro.

Cohamacũ to ñũ ji coainare, to yare buheinare yahuha Paulo Timoteore

¹⁴ Ahrire mũhũ mehne macainare wacũchũ yoaga. Ti mũ sũro durucu ti yũhdũrcaa yaba cjihti jierara. Ñ jia tinare tũhoinare ñano yoachũ yoaa, tinare dojomehna. Ñ jicũ mari pũhtoro to ñũrocaroi õ sehe ni yahuga tinare. “Ñ ni durucuena tjiga mũsa”, niga tinare.

¹⁵ Mũhũ sehe Cohamacũ yare noano buhega. Ñ yoa Cohamacũ yare tuaro yoaga. Mũ ã yoachũ ñũno “Noano yoare mũhũ”, ninohca Cohamacũ mũhũre. Ñ jicũ mũ buherire to ñũchũ bũo tisi mũhũ. Ñ jicũ to buheare noano masiga mũhũ. Tíre quihõno buhega. ¹⁶ Ti mũ sũro durucu yũhdũrcaina ñaare ã yoarucu, Cohamacũ yare yoerara. Ñ jicũ ti ã ni durucuarẽ ã ñũnocahga. Tinare tũhoi tjiga mũhũ.

¹⁷ Tina ti durucua sehe camino to ñano baa mũjano yoaro sehe jira. Camino to ñano baa mũjano seheta ti durucua cãhũ paina Jesu yainare ñaina wahachũ yoahca. Ñ durucuina mehne macaina Himeneo,

Fileto cãhũ jira. ¹⁸ Tina “Jesu yaina masa m̃ja tuhsũhre”, ni buhea, noaa buheare duhunocahre tina. ã soro buhea cãina Jesu yainare tirore wacũ tua duhuchũ yoahre tina. ¹⁹ Ti ã ñano buhepachũta Cohamacũ ya buhea sehe ne cohtotaerara. Õ sehe nina to buhea: “Mari pũhoro Jesu to yainare masina”, nina. ã yoa õ cãhũre nina: “Jipihtina, ‘Jesu yaina jija’, niina ñaare duhunocajaro”, ni yahura Cohamacũ ya buhea.

²⁰ Mari piti dahre buhechũ masa pja wahwari yoaro sehe jira. Pjiri wãhũi uru, plata mehne ti yoaa wahwari jira. Tuhsũ, tí wãhũi paye wahwari yucũcũ mehne, dihi mehne tí yoaa wahwari jira. Uru, plata mehne ti yoaa wahwari noaare ti posahti jira. Paye wahwari wiho jiare ti posahti jira. ²¹ ã yoa ñaare yoerariro uru wahwa noari wahwa yoaro sehe jirohca. ã jiro tiro sehe Jesu ya dihtare yoarucuriro jirohca. Wãhũ pũro noari wahwa mehne noaare to yoariro seheta, ñaare yoerariro Jesu ya cjihtire noaare yoarohca.

²² Wahmũno jira mũhũ. ã jicũ wahma yapia ñaare goa pja ti yoariro seheta yoai tjiga mũhũ. ã jicũ noaare yoaga. Jesure wacũ tuarucuga. Tuhsũ, tirore, masa cãhũre cahĩga. ã yoa mũhũ mehne macaina Jesu yaina mehne jicũ cahmacheno marieno noano jiga mũhũ. Tina Cohamacũre yãhtiina tirore sinirucuina cãhũ ãta yoajaro. ²³ ã jicũ tũhoturo marieno ti durucu yãhdũrũcaare mũhũ cãhũ tũho nũnũi tjiga. Tuhsũ, mũhũ cãhũ durucu yãhdũrũcai tjiga. ã durucu yãhdũrũcaa masa ti basi cahma suara. ²⁴ Cohamacũre dahra cohtarirore durucu yãhdũrũcaeraro cahmana. ã yoa jipihtinare noano yoariro, buhe mihniro, dóicãta suaerariro tirore jiro cahmana. ²⁵ ã jiro paina tiro mehne ti durucu yãhdũrũcachũ tiro tinar yahuro noano mehne suaro marieno yãhtiro cahmana tirore. To ã yãhtichũ ñũa Cohamacũ to yoadohoa mehne tina sehe ti ñaa yoare cahyaboca. ã jia noaa buheare masi dũcaboca. ²⁶ Tinar watĩno sehe peresu yoaro sehe jiinare cãmamare to cahmaare yoahina cjihtire. ã jia quihõno ti tũhoturi

baharo noaa buheare masia, watĩnore cohãnocahca.

3

Pihtiri dacho cjihtore yahuha Paulo Timoteore

¹ Pihtiri dacho panocãre ñano yãhdũhũca masa. Tĩre noano masiga mũhũ. ² Tí pjare masa painare wacũ payoeraina, niñerure cahma yãhdũrũcaina, “Painare yãhdũrũcaja”, ni ti basi tũhotuina, tíre painare ã ni yahurucuina, Cohamacũre ñano durucuina, ti pũcũsumare yãhdũrũcaina, ti wapachũta “Noana”, nieraina, Cohamacũre ño payoeraina jiahca. ³⁻⁴ ã jia masare cahĩeraina, paina mehne sua, tíre bo duaeraina, ñaa quti dahreina, ti mũ suro ñano yoarucuina, masare ã cãrũcuina, noaare ñũ yabiina, tina mehne macinare ñano yoaina, tũhotua marieina, “Masi pahĩoina jija”, ni tũhotuina jiahca masa. Tina ñaare ti goa pjaare yoa ji coaina jia Cohamacũ sehere cahmaeraina jiahca. ⁵ ã jia tina masa ti ñũrocaroi Cohamacũre ño payopahta “Cohamacũ wiho jiro jira”, ni tũhotumana tina. ã niinare piti tii tjiga mũhũ.

⁶ Tina mehne macaina tũho masieraa numia ya wãhũsei sãa, tí numiare mahĩnoare buhera. Tí numia sehe ã ñaare yoarucua numia, tuaro ñaare yoa duara. ⁷ Tí numia wiho jia buheare ã buherucua numia jia, soro jia buheare tũhoa numia jia, Cohamacũ ya buhea sehere ne masierara. ⁸ Panopũ Jane, Jambre yaya jirina Moise cjirore ti ñũ tuhtiro seheta pihtiri dacho panocã jiina masa noaa buhea sehere ñũ yabiahca. Tina ñaa dihtare tũhotuina jiahca. ã jia Jesure wacũ tuaina waro jierara. ⁹ Tó sehe yoaina mahĩoa bihosi. Baharo ti mahĩnoare tũho masieraina ti jia cãhũre jipihtina masiahca. Jane, Jambre mehne ti mahĩnoare panopũ masa ti masiro seheta ãta masiahca pihtiri dacho panocã jiina ti mahĩnoare.

Paulo Timoteore duti batoaha

¹⁰ Yũ buheare, yũ yoaa tiare, yũ jia tiare, Jesure yũ wacũ tuaare masina mũhũ. Yũ ã jiro jichũ, suaro marieno yoariro yũ jichũ, masare cahĩro yũ jichũ, ñano yãhdũpaihta

y_u cãno pjach_u masina m_uh_u. ¹¹ ã yoa y_uh_ure ti ñano yoaare, y_u ñano y_uhd_uare masina m_uh_u. Antioqu_uai, Iconioi, Lистраi y_uh_ure ñabiaro ti yoari cãh_ure masina m_uh_u. Y_u ã wahach_u ñ_uno mari p_uhtoro Jesu sehe y_uh_ure yoadohore. ¹² Jipihtina Jesucristo yaina ti ji duach_u Cohamac_u to dutiriro seheta ti yoarucu duach_u paina tinare ñano yoaahca. Tí potocã tjira. ¹³ Ñaina sehe mah_uño buheina cãh_u ñabiaina wahaahca. Painare mah_uño, ti basi cãh_u mah_uñoare t_uho, ãta ñabiaina wahaahca. ¹⁴ M_uh_u sehe m_uh_ure y_u buherire, noano m_u t_uhorire ã wac_urucuga. ã jic_u y_u buheriro seheta yoaga. M_uh_ure buherinare masina m_uh_u. ¹⁵ M_uh_u wih_uriro jic_up_uta Cohamac_u yare ti joari p_ure masi d_ucari jire. To yare ti joari p_ui ò sehe ni yahura m_uh_ure: “Jesucristore wac_u tuaina dihtare pichacap_u waha-borinare y_uhd_uch_u yoara Cohamac_u”, ni yahura m_uh_ure. ¹⁶ Cohamac_u yare ti joari p_ui jipihtiare Cohamac_u sehe joa dutia tiri jire. ã jina tí p_ure buhena mari masi namoja. Tí p_ure buhena Cohamac_u dutiare mari yoahtire masija. ã buhena mari ñaa yoarire “Ahri ñaa jica”, ni t_uhotuja mari. ã jiro tí p_u marine noaa sehere cohtota dutira. ã jiro dachoripe mari noaare yoarucuhti cijhtire yahura tí p_u. ¹⁷ Cohamac_u yairo to ya p_ure buhero, masi pah_unonohca. ã masino jipihtia noaare yoa masinohca tiro.

4

¹ Jesucristo jipihtina bui p_uhtoro, tjua tahtiro, catiinare, yariaina cãh_ure buhiri dahre dutihtiro to ñ_urocaroi m_uh_ure ò sehe ni yahuihtja. Cohamac_u cãh_u to ñ_urocaroi ò sehe ni yahuihtja m_uh_ure. ² Dachoripe masa ti t_uho duach_u ti t_uho du-aerach_u cãh_ure Cohamac_u yare yahuga. ã yahuc_u masa ti ñaa yoari buhirire masich_u yoaga tinare. ã yoa ti ñaa yoarire “Yoa namoena tjiga”, ni yahuga tinare. Noaa sehere yoa dutiga. ã buhec_u ne suaerariro, pumerariro jiga m_uh_u. ã jic_u ne painare buhe duhui tjiga. ³⁻⁴ Baharo, pa tehep_ure masa noaa buheare t_uho duasi. ã t_uho duaeraa ti cahmano seheta yoa, ti t_uho

ji coaa dihtare buheinare cahmaahca tina. ã jia mah_uñoa buheare pay_u buheinare c_ujaahca. Tina ã yoa noaa buhea sehere cohã, ã ti buhemacanocarire t_uho n_un_uahca. ã jic_u noaa buheare buhe duhui tjiga m_uh_u. ⁵ M_uh_u cãh_u ã jic_u dachoripe t_uho masiriro jiga. Ñano y_uhd_upaihta cãno pjaga. ã yoac_u noaa buheare ã buherucuga. Cohamac_u m_uh_ure to yoa dutirire yoa pah_unonocahga m_uh_u.

⁶ Y_uh_u Cohamac_u yare y_u yoari buhiri y_u yariahto mahanocã d_uhsara. ã jic_u mahaa dachoricã catisinihca. ã jic_u mip_ure m_uh_ure dutija. ⁷ Y_u yariahto panocã ahrire yahuihtja: Jesu noaa buheare y_uh_ure buhe dutiro to c_urire noano buhe sohtori tih_u. To dutiare noano yoa pah_unonocahi. ã jic_u ñano y_uhd_upaihta tirore ne wac_u tua duhuerahi. ⁸ Mip_ure Cohamac_u yare y_u yoari wapare m_uanop_u wihboro nica. ã jiro mari p_uhtoro buhiri dahre dutiro quih_uno yahuriro to tjua tahti dachoi to yare y_u yoari wapare warohca y_uh_ure p_uhtoro to pisari soro uru mehne ti yoari sorore y_uh_ure to waboriro seheta. Paina cãh_ure to tjua tahtore cohtainare tirore cah_uinare to yare ti yoari wapare warohca Jesu.

Paulo yahu namoha Timoteore

⁹ Y_u cahap_u cjero ñ_ui taga m_uh_u. ¹⁰ Dema ahri yahpa macaa jipihtiare tuaro cahmano y_uh_ure yoadoho duaeraro y_uh_ure cohã wahcãa wahahre Tesalónicap_u. Crescente cãh_u Galacia yahpap_u wahahre. ã yoa Tito Dalmaciap_u wahahre. ¹¹ Luca dihta y_uh_u mehne jira. Marco y_uh_ure noano yoadohohtiro jira Cristo yare y_u buhech_u. ã jic_u tirore na tahga m_uh_u. ¹² ã yoa Tíquicore Efesop_u warocahi. ¹³ Òp_u tac_u, y_u bui sãari suhtirore, Troai Carpo ya w_uh_ui y_u c_uri suhtirore na tahga. ã yoa soh_u jia tjuri joaa tjuri cãh_ure na tahga. Soh_u jia cahsari joaa cahsari pinihtare tuaro cahmaja y_uh_u. ã jic_u tí cahsari cãh_ure na tahga.

¹⁴ Alejandro comaare dahrariro y_uh_ure ñabiaro yoare. ã jiro to ã yoari buhiri Cohamac_u tirore buhiri dahrerohca. ¹⁵ Tiro Alejandro mari buheare tuaro ñ_u yabire.

Ã jicũ tiro mũhũre “Ñano yoari” nicũ, tirore ñũcũ noano wacũ masiga.

¹⁶ Masare beserirore peresu yoa dutirirore yũ yoarire, yũ buheri cãhũre tirore yũ coã yahuchũ ne cũiro baro Jesu yairo yũhũre yoadohoerare. Jipihtina yũhũre yoadohoeraa cohã wahcãa wahahre. Ti ã cohãpachũta yũhũre ti cohãri buhiri Cohamacũ buhiri dahrero tjijaro. ¹⁷ Yũ ã wahapachũta Cohamacũ yũhũre yoadohohre. ã jiro to buheare yũ noano yahuhti cjihtire to tuaare wahre yũhũre, jipihtina judio masa jieraina tí buheare ti tũhohti cjihtire. ã jiro yũhũre ñano ti yoa duapachũta yũhũre ti wajãborirore yũhdũchũ yoare mari pũhtoro suaina yayare yũhũre to yũhdũchũ yoaboriro seheta. ¹⁸ Jipihtina yũhũre ñano yoainare yũhdũrcaro, yũhũre yoadohorohca mari pũhtoro. ã jiro mũanopũ pũhtoro to sũho jiropũ yũhũre ji dutiro yũhũre yũhdũchũ yoarohca tiro. ã jina “Tiro noa yũhdũariro, tua yũhdũariro jira”, nijihna mari jipihtia dachoripe. ãta nijihna.

Paulo noa dutiha Timoteo cahai jĩinare

¹⁹ Prisca, Aquila, Onesíforo ya wũhũ macaina cãhũ noajaro. ²⁰ Erasto Corintoi tjuahre. Tróximo Miletoi dohatia wahahre. ã jicũ tirore tói cũhi yũhũ. ²¹ Puhiro pano cjero taga mũhũ. Eubulo, Pudente, Lino, Claudia cãhũ, jipihtina paina Jesu yaina mehne mũhũre noa dutira.

²² Mari pũhtoro Jesucristo mũhũ mehne jirohca. ã jiro Cohamacũ to cahã mehne mũsare jipihtinare noano yoajaro.

Tito

Paulo Titore joarocaha

¹ Ȳh̄u Paulo Cohamac̄ure dahra cohtariro, Jesucristo yare buhe dutiro to cūriro jija. Cohamac̄u to beserina Jesure ti wacū tuahti cjihtire noaa buheare ti masihti cjihtire Jesu buhe dutiro ȳh̄ure cūre. Tí buhea Cohamac̄u to dutiro sehetā mari yoahtire yahura. ² Ā jic̄u jipih-tia dachoripe Cohamac̄u yaina m̄anop̄u ti jirucuhto cūh̄ure buheja tinare. Cohamac̄u ne mahñoa marieriro ahri yahpare to ba-juamehnehto pano õ sehe ni cūa tiri jire marine: “M̄anop̄u ā jirucunahca”, ni cūa tiri jire marine. ³ Ā jiro to quihōri pjai Cohamac̄u to ni cūrire yahu dutire masare. Tó sehetā ȳh̄ure ni yahu dutire tiro. Marine pichacap̄u wahaborinare ȳhdoriro jira tiro. ⁴ M̄h̄ure Titore Jesu yare buhei. Ȳh̄u ā buhech̄u t̄hoc̄u Jesure wacū tua d̄ucare m̄h̄u. Ā jic̄u m̄h̄u potocāta ȳh̄u mac̄u yoaro sehe jic̄ata nina. M̄h̄ure ahrire joarocai nija. Cohamac̄u mari P̄uc̄u mehne, Jesucristo marine ȳhdoriro mehne m̄h̄ure noa dutija. M̄h̄ure pja ñ̄a, cahña ti yoad-ohoa mehne noano jiga m̄h̄u.

Creta wama tiri n̄coi Tito to yoahtire yahu quihōha Paulo

⁵ Creta wama tiri n̄coi m̄h̄ure ȳh̄u cūch̄u Jesu yaina ti buhehto cjihto d̄ahsasinire tí pjare. Ā jic̄u ti yoahtire yahuhtiro cjihtore cūi ȳh̄u m̄h̄ure. Ā yoa macaripe macaina Jesu yaina p̄h̄toa cjihtire bese dutic̄u cūi m̄h̄ure. ⁶⁻⁸ Tina p̄h̄toa Cohamac̄ure dahra cohtaina jira. Ā jic̄u tinare besec̄u noainare besega soro yoaerainare. Ā besec̄u, cāa numiata namo tiinare, “Painare ȳhd̄uc̄aj̄a”, ni t̄hotuerainare, suaerainare, cahaerainare, cahmacherainare, paina yare mahñoa mehne tuaro na duaerainare besega. Ā besec̄u ti w̄h̄usere s̄aa s̄winare noano ñ̄a wihboinare, noaa sehere noano ji coainare, t̄ho masiinare, noaare yoarucuinare, ñ̄aa marieinare, ñ̄aa yoaerainare, caparo marieno dahrainare besega. Ā yoa m̄u besehtina pohnare

õ sehe jina jiro cahmana: Jesure wacū tuaina, noano yoarucaina, jipihtinare noano ȳh̄tiina jiro cahmana p̄h̄toa pohnare. ⁹⁻¹⁰ Ā yoa noaa buheare quihōno mari buherucuro sehetā ne duhueraina jijaro p̄h̄toa m̄u besehtina. Ā jia tina noaa buheare yahuina jiahca paina tí buhea mehne ti wahchehto sehe. Ā yoa noaa buheare ñ̄u yabiinare buhea, ti ya mahñoa ti jich̄u masich̄u yoaahca tina. Ā jic̄u noano besega Jesu yaina bui p̄h̄toa jihtinare.

Paȳu ti p̄h̄toare ȳhd̄uc̄aina, noano t̄hotu durucueraina, mahñoina jira mip̄ure. Ā yoaina judio masa pinihta ñ̄abiaro yoa nina. Ti ya buhea ti potocā jierach̄u tinare masich̄u yoaro cahmana. ¹¹ Tina judio masa sehe niñerure wapata dua mahño buhera. Ā yoaeraro cahmana tinare. Ā buhea cāa w̄h̄use macainare jipihtinare Cohamac̄u ya sehere cohāch̄u yoa nica tinare. Ti ā yoach̄u tinare ā yoa dutieraro cahmana.

¹² Ti yare panop̄u yahuriro tina mehne macariro jiparota õ sehe ni yahuri jire: “Creta n̄co macaina ā mahñorucuina jira. Tina n̄c̄u macaina wahiquina yoaro sehe suaina jira. Ā yoa ā ch̄rucuina jia ne dahra duaeraa, capa b̄j̄ina jira”, niri jire tiro to ya n̄co macainare. ¹³ To ā nia potocā tjira. Ti ā jich̄u ñ̄uc̄u tinare tuaro tuhtiga Jesu ya buhea sehere noano ti masihto cjihtore. ¹⁴ Ā jic̄u judio masa panop̄u macaina ti m̄u s̄ro ti nimacanocari cjiire, Jesu yare potocā jiare cahmaeraina ti dutia cūh̄ure Creto macaina ti t̄ho n̄n̄erahto cjihtore tuhtiga tinare.

¹⁵ Buhiri marieina noa dihtare t̄hotura. Ñ̄aare yoarucaina, Jesure wacū tuaeraina sehe ñ̄aa dihtare t̄hotura. Tina ti t̄hotua sehe ñ̄aa ȳhd̄ara. Ā jia noa sehere bese masierara.

¹⁶ Tina “Cohamac̄ure masija s̄a” nipahta, ñ̄aare yoara. Ā yoaina ti jich̄u ñ̄na Cohamac̄ure masieraina ti jich̄u masija mari. Ā jia tina ñ̄aa ȳhd̄aina, Cohamac̄u yare ȳhd̄uc̄aina jira. Ne noaare yoa masierara.

2

Noa buheare quihõno yahu dutiha Paulo Titore

¹ Mũhũ sehe buhecũ noaa buhea ti nino seheta noano buhega. ² Bũcũnare õ sehe ni yahuga: Cua pisaina, masa ti ño payoia, tũho masiina, Jesure noano wacũ tuaina, Jesure, masa cũhũre cahĩina, ñano yũhdũpahta cãno pjaina jijaro tina. ³ Bũcũ numia cũhũre ãta ni yahuga: Cua pisaa numia, Cohamacũre ño payoa numia, ñaa quitu dahrera numia, cahaera numia jijaro tí numia cãhũ. ã jia numia jia, noaare buhejaro paye numiare. ⁴⁻⁵ Paye numiare õ sehe ni buhejaro bũcũ numia: Ti manũsumare, ti pohna cũhũre ti cahĩhtore, tũho masia numia, paina mũa mehne ñano yoaeraa numia, cũ wũhũ macaina jiina noano ñũ wihboa numia, masa noaa numia, ti manũsumare noano yũhtia numia ti jhtore buhejaro tí numia Cohamacũ ya buheare paina ti dojomehnerahto sehe.

⁶ ã yoa wahma yapia cũhũre õ sehe ni yahuga: Tũho masiina jijaro tina. ⁷ Mũhũ sehe noaa dihtare yoarucuga mũhũre ti ñũ cũhto sehe. Buhecũ ne mahõõno marieno buhega. ã buhecũ cua pisaro mehne buhega mũhũ. ⁸ ã buhecũ noano tũho masino mehne noano buhega ne paina “Ahriro ñano yoaro nina” ni, mũhũre ti yahusãerahto sehe. Mũ ã buhechũ ñũa marine ñũ tuhtiina jipahta marine wiho warota yahusã masierara. Marine wiho waro ã yahusãmacanoca bũoro wahaahca tina.

⁹ ã yoa dahra cohtainare õ sehe ni yahuga: Ti pũhtoare noano yũhtiina jijaro. ã jia ti pũhtoare noano wahchechũ yoajaro. ã dihta yoajaro. ã jia ti pũhtoare purĩno yũhtiea tjijaro. ¹⁰ ã yoa ti pũhtoa yare yacaea tjijaro. Tuhsũ, noaina, ti pũhtoa dutiare quihõno yoarucuina jijaro. ã noano yũhtiina ti jichũ ñũa Cohamacũ marine yũhdoriro to buheare tũho ji coaahca paina.

¹¹ Masare to cahĩare Cohamacũ masare ño tuhsũre. ã cahĩno jipihtina pichacapũ wahaborinare Cohamacũ tuaro yũhdo duara. ¹²⁻¹³ Masare ã cahĩno Cohamacũ marine õ sehe ni buhera: Cohamacũre ñũ

yabiare, ñaa goa pjaare duhunoca dutira marine. Cohamacũ tuariro, Jesucristo marine yũhdoriro to si siteare mari ñũhti dachore, noari dachore mari cohtana nija. ã jiro mari cohtari dacho panoi tũho masiina, noaare yoarucuina, Cohamacũ cahmaare yoarucuina, marine ji dutira Cohamacũ. ¹⁴ Tiro Jesucristo mari ya cjihtireta yariari jire jipihtia mari ñaa yoare duhuchũ yoaro taro marine to yaina wahachũ yoaro taro. Mari ñaa yoari cjirire to ã cohãchũ mari ñaa yoari buhiri marieina jinahca. ã jina tuaro noaare yoa duaina jinahca.

¹⁵ Ahri jipihtiare tí nũco macainare Jesu yainare buhega mũhũ. Ti pũhtoro jinocaita nina mũhũ. ã jicũ tinare yahuga. Ti ñaaare yoachũ ñũcũ yahuga tinare. Jipihtina paina mũhũre ño payoa mehne yũhtijaro.

3

Jesu yaina ti yoahiti cjihtire yahuha Paulo

¹ Õ sehe ni yahuga tó macaina Jesu yainare: Ti pũhtoare paina tinare dutiina cũhũre noano yũhtiina jijaro. Jipihtia noaare yoahitina jijaro. ² ã yoa painare ne ñano quitu dahrea tjijaro. ã jia masa noaina, jipihtinare ño payoia jijaro.

³ Panopũre mari cũhũ tũho masieraina, yũhdũrcaina, mahõõare tũho nũnũina, ñaaare yoa ji coaina, tíre goa pja duhu masieraina, dachoripe ñaaare yoarucuina, paina ti cjũaare cjoina jia timai mari cũhũ. ã yoa marine paina ñũ tuhtire. Mari cũhũ tinare ñũ tuhtimai. ⁴⁻⁵ ã jirina cjiri mari jipachũta Cohamacũ marine pichacapũ wahaborinare yũhdũchũ yoare. ã yũhdũchũ yoaro to noariro jiare, masare to cahĩã cũhũre marine ñõõo nire tiro. Noano mari yoari mehne yũhdũchũ yoarerare marine. Marine pja ñũno mari ñaa yoari buhirire cosaro, Espĩritu Santo mehne marine yũhdũchũ yoare. ã yoaro marine to pohna wahachũ yoare. ã to yoachũ Espĩritu Santo sehe noaina mari jihtina cjihtire cohtotachũ yoare marine. ⁶ Jesucristo marine yũhdũchũ yoariro to yaria masa mũjaa mehne Cohamacũ to yairo Espĩritu

Santore ware marine pjíro to tuaa mehne marine yúhdúchú yoah tiro cjihto. ⁷ Marine cahĩno, marine noano yoa duare. ã yoa duaro tiro to yairo Espíritu Santore marine ware ñaa buhiri marieina mari jihto cjihtore, m̄anop̄ mari ã jirucuhto cjihtore. Mari ã jirucuhtore masina, tíre cohtana nija.

⁸ Tí yú niri potocãta jira. ã jicú tíre yú ni joariro seheta masare buhecú tí dutiare yoa pahño dutiga m̄hú. ã jicú Cohamacúre wacú tuainare tíre buhega noaare ti noano yoah tiro cjihtore. Ahri yú ni buheri noaa buhea jira. ã jia jipihtina masa ahri buheare ti t̄ho n̄n̄chú wiho waro jierara. ⁹ Paina ti durucua sehe yaba cjihti jierara. ã jia masierapahta ti ni yúhdúrc̄aare m̄ t̄ho n̄n̄chú yaba cjihti jierara. ã jia ti coyea panop̄ macaina ti jia tiare ti ni yúhdúrc̄aare, Cohamacú Moise cjirore to dutirire ti ni yúhdúrc̄aare tí jipihtiare noano m̄ t̄ho n̄n̄chú yaba cjihti jierara. ã jicú tíre t̄ho n̄n̄i tjiga.

¹⁰ M̄sa mehne macariro ã ni yúhdúrc̄ariro m̄sare cahma tju wachú to yoachú ñ̄cú “Yoaí tjiga”, niga tirore. P̄na taha tíre tirore m̄ yoa dutierari baharo to yúhtierachú ñ̄cú tirore piti tiecú tjiga. ¹¹ Tó sehe yoariro ñaa dihtare goa pjarucuriro jira. To ã jichú ñ̄na to ñariro to jichú masija mari.

Paulo duti batoaha

¹² Nicopolip̄ puhiro puro jii tai nija. ã jicú Artemare o Tíquicore m̄ cahap̄ yú waroca m̄htachú yú warocahtiro tórc̄are to s̄chú, Nicopolip̄ yúh̄re piti bocaga m̄h̄ tiro mehne. ¹³ ã yoa dutiare noano mih-nirirore Zena wama tirirore, Apolo c̄h̄re noano yoadohoga ti wahahto cjihtore. ã yoacú ti cahmaare jipihtiro tinare waga “Paye baro d̄hsari”, nicú. ¹⁴ ã jia Jesu yaina mari mehne macaina noaare yoapojaro paye barore d̄hsainare ti yoadohohto sehe noaare yoarucuina ti jihto sehe.

Paulo noa dutirocaha Jesu yainare

¹⁵ Jipihtina yúh̄ mehne macaina m̄h̄re noa dutira. Tóí jiina Jesu yaina s̄are cahĩina noajaro. Cohamacú to cahĩa mehne m̄sare jipihtinare noano yoajaro.

Filemón

Paulo Filemo wama tiriore joarocaha

¹ Yuhuh Paulo, Jesucristo yairo yu jiri buhiri peresupu jija. Yuhuh, mari coyeiro Jesu yairo Timoteo mehne mähure Filemore joarocaja sã. Mähuh sã cahĩriro Cristo yare sã mehne dahradohoriro jira mähuh. ² ã jina Jesu yaina mu ya wuhuh cahmachuina cühure joarocaja sã. Mari coyeacoro Jesu yacoro Apia cühure joarocaja sã. Arquipo cühure joarocaja sã. Arquipo sehe sã yoaro sehe Cristo yare yahuriro jira. ³ ã jina Cohamacu mari Pucuh, mari puhoro Jesucristo mehne musare noa dutija. Cohamacu to macuno mehne ti cahĩa mehne, ti yoadohoa mehne noano jiga musa.

Filemo painare to cahĩare, Cristore to wacũ tuaare yahuha Paulo

⁴⁻⁵ Yu coyeiro Jesu yairo Filemo, Cohamacure mähure sini payocu mähure wacũcu “Noana”, nija tiriore. Cristore mu cahĩchu, tiriore mu wacũ tuachu, paina Cohamacu yainare mu cahĩchu tuhocahi yuhuh. ã jicu Cohamacure “Noana”, ni wahcheja. ⁶ Cristore mari wacũ tuana cãno potori to yaina jina nija mari. ã wacũ tuaina jina, Cristore mari noano cahĩna, pjıro noaare cjanahca mari. Tıre musa noano masihtu sehe sini payoja Cohamacure. ⁷ Coyeiro, mipure painare mu cahĩchu tuhocu wahcheja yuhuh. Jipihtina Cohamacu yainare noano wahchechu yoayuhti mähuh. Mu ã yoachu tuhocu wahcheja yuhuh.

Paulo Onésimo ya cjihtire sini payoha Filemore

⁸⁻¹⁰ ã jicu mipure Onésimore mähure dahra cohtarirore mu yoahıre mähure sini payo duaja. Peresupu yuhuh mehne to jichu Cristo yare yahuhi yuhuh tiriore. Tıre tuhoro Cristore cahmahre tiro. ã yoaro tiro Cohamacu yairo wahahre. ã waharo yu macu yoaro sehe jiriro jira. ã jicu yuhuh Paulo bucuro jicu Cristo yare yu buheri buhiri peresui jicu mähure yahurocaıhtja

Onesimore mu yoahıre. Cristo buhe dutiro to cıriro jija yuhuh. ã jiriro jicu tiriore mu yoahıre dutiboa yuhuh. ã jiriro jipaihta mähure dutisi yuhuh. Cahĩa mehne mähure yahurocaıhtja tó purota.

¹¹ Cristo yairo to jihto pano Onésimo mähure dahra cohtariro jiro yaba cjihti jierasıniri jire. Mähure noano yoadoho masierasıniri jire. Mipuh pinihtare tiro mähure, yuhuh cühure noano yoadoho masiriro jirohca. Mipure Cristo yairo jiro wiho jiriro waro jierara. ¹² ã jicu mipure tiriore mähure waroca tjuı nija. ã jicu tiriore noano piti bocaga mähuh. Tiriore tuaro cahĩa. ¹³ Noaa buheare yu buheri buhiri peresupu yu jiro watoi tiriore yuhure yoadoho dutiboa yuhuh tiriore warocaeracu. Yuhuh mehne tjua dutiboa yuhuh. Mähuh sehe yuhure mu yoadoho masierachu tiro sehe yuhure yoadohoriro tjuaboa, tiriore warocaeracu. ¹⁴ Yuhure yoadohoboriro to jipachuta tiriore mähure waroca tjuja. Mähuh sehe tiriore “Paulo mehne tjuasiniga”, mu nichu masicu yuhuh mehne tiriore tjua dutiboa yuhuh. Yuhuh sehe “Yuhuh mehne cıga tiriore”, ni duaeraja mähure. ã jicu tiriore waroca tjuı nija. ¹⁵ Tiro Onésimo mahaa numurıcã mähure to duhti wahcãri baharo pari turi mähuh mehne jira. Cohamacu to cahmariro seheta mähure duhti wahcãri jire tiro Cohamacu yairo to wahahto sehe, yu tuhotchuh. ã jiro pari turi mähuh mehne jiro ã jirucurohca mähuh mehne. ¹⁶ ã jiro tiro mipure dahra cohtariro jierara. Dahra cohtariro buı curero jiriro jira tiro, yu ñuchuh. Mipure tiro mu coyeiro Jesu yairo jira. ã jicu tiriore tuaro cahĩa. Mähuh sehe yu yuhdoro tiriore cahıhca. Mu ã cahĩriro jiro dahra cohtariro jisıniparota mipure dahra cohtariro to jiriro sehe jierara tiro. Tiro mu coyeiro Jesucristo yairo jira.

¹⁷ ã jicu yuhure mu piti bocaboriro seheta Onésimo cühure noano piti bocaga. Mähuh mehne macariro yu jichu tuhotchuh tiro cühure noano piti bocaga mähuh. ¹⁸ ã jicu mähure soro to yoariro jichu mähure to wapamoriro jichu yuhuh sehe tıre wapaihtja. ¹⁹ Yuhuh Paulo yu basi

ahrire mähure yahu joaihtja: Yuhü sehe wapaihtja mähure. Mähure yu buheri baharo Cristo yairo wahacu jipihtia dachoripe Cohamacu mehne jirucuhtiro jira mähü. Mähure yu ã buheri baharo mähü cãhü yuhure pjíro wapamoriro jiboca. Mu ã jipachuta mähure wapaihtja to wapamonore. ²⁰ Yu coyeiro yu cahĩiro mari pãhtoro Cristo yairo jira mähü. Cristo yairo jicu yu coyeiro jira mähü. ã jiriro jicu yuhure noano wahchechü yoaga. (ã jiriro jicu Onesimore noano piti bocaga.)

²¹ Ahri yu yahurire noano yoaihca mähü. Yu yahuri yãhgoro yoaihca mähü. Tíre masicu mähure joarocai nija. ²² Ahri cãhure yahuihtja mähure. Mõsa caharu yu wahalto sehe Cohamacure sini payoyuhti mõsa yuhure. Mõsa ã sini payorire tiro yãhtiboca. “Jai” to nichü cahmaja yuhü. ã jicu mõsa caharu yu sãhti tahtiare cahnoyuga mähü.

Paulo noa duti batoaha Filemore

²³ Erafra mähure noa dutira. Tiro sehe Cristo yare to yoari buhiri yuhü mehne peresupu jiriro jira. ²⁴ ã jia Marco, Aristarco, Dema, Luca mehne mähure noa dutira. Cristo yare yu buhechü tina sehe yuhü mehne buheina jira.

²⁵ Mari pãhtoro Jesucristo to cahã mehne mõsare noano yoajaro.

Hebreos

Cohamacu macuno to Pucurore yahubasaha masare

¹ Panopu Cohamacu payu tahari mari coyeare panopu macaina cjirire to yare yahua tiri jire. Payu to beserina to yare yahu turiaa tiri jire. To yare yahu mahtaina cjirire yahu dutiro, ã yahua tiri jire tiro mari coyeare. ² Mipure pihtiri dacho panocãi jia dachorire to macunore to yare to yahu dutichu tiro sehe marine yahua tire. Tiro to Pucuro to yoa dutiro mehne ahri yahpare, muanano cãhure yoariro jira. To Pucuro sehe pihtiri dacho panocã jipihtiare cãhtirore cãa tiri jire tirore. ³ Æ jiro to macuno sehe to Pucuro si siteare cãariro jiro, cãno potori to Pucuro yoaro seheta jiro, to Pucuro to jia tiare marine ñona. Æ yoa to macuno to tuaa mehne to dutichu ahri yahpa, muanano cãhu ã jirucura. Æ yoa mari ñano yoari buhirire to cosari baharo manopu to Pucuro tua yuhduariro poto buhusehei dujiri jire tiro, to puhtoro jiare ñono.

Cohamacu macuno anjoa bui jira

⁴ Tiro Cohamacu macuno wama tira. Tí wamare cãri jire Cohamacu tirore. Æ wama tiro paina bui puhtoro jira. Æ jiro tiro anjoa yuhdoro tua yuhduaricariro jira. ⁵ To yaina anjoa sehere Cohamacu ne õ sehe ni yahuerari jire: “Yu macu jira mahu. Michare yu macu mu jiare masichu yoaihca”, niri jire Cohamacu to macunore. Anjoa sehere ne õ sehe ni yahuerari jire. Tinare ahri cãhure ne yahuerari jire: “To pucuro jija yuhu. Æ yoa tiro yu macu jira”, niri jire Cohamacu to macunore. Anjoa sehere ne õ sehe ni yahuerari jire. (Æ jiro to macuno tina yuhdoro tua yuhduaricariro jira.) ⁶ Pa tehe to macunore wahma masa bajuarirore ahri yahpai cãno õ sehe niri jire Cohamacu tirore: “Jipihtina yu yaina anjoa na tuhcuca caha su, ño payoahca tina yu macure”,

niri jire tiro. ⁷ Æ yoa to yaina anjoa sehere yahuro taro õ sehe niri jire tiro:

“Yu yaina anjoare wihnono yoaro sehe pjacu tichu yoaja yuhu.

Tina yuhure dahra cohtaina jira.

Tinare pichaca yoaro sehe pjacu tichu yoaja yuhu”,

ni yahuri jire Cohamacu. ⁸ Tinare ã ni-parota to macuno sehere õ sehe niri jire:

“Mahu Cohamacu jipihtina bui puhtoro ã jirucuihca.

Quihõno dutiuhca mahu mu yainare.

⁹ Mahõono marieno yoaare, noano yoaare tuaro cahmana mahu.

Æ jicu ñaa yoaare ñu yabira mahu.

Mu ã jiriro jichu ñacu yuhu mu Pucu jipihtina paina yuhdoro mahure wahchechu yoahi”,

niri jire Cohamacu to macunore. ¹⁰ Ahri cãhure niri jire tiro to macunore “Puhtoro”, ni pisuro:

“Puhtoro, wahmanopure ahri yahpare, muanano cãhure bajuamehnere mahu mu basi.

¹¹ Tí jipihtia cohtota pihtia wahaahca.

Mahu sehe ne cohtotasi.

Æ jirucuihca mahu.

Tí jipihtia suhtiro to baa boraro seheta pihtia wahaahca.

¹² Tí jipihtia manore ahri yahpa cãhure cohtotachu yoaihca mahu.

Munano suhtirore mu cohãboro seheta tí jipihtiare cohtotachu yoaihca mahu.

Suhtirore tjuwe na mu cohtotaro seheta tí jipihtia cohtotaahca.

Mahu sehe ne cohtotasi.

Æ jirucuihca mahu”,

niri jire Cohamacu to macunore. ¹³ Ne anjoa sehere ahrire yahuerari jire Cohamacu:

“Yu poto buhusehei dujiga mahu.

Puhtoro jira mahu.

Æ jicu mahure ñu tuhtiinare doca dahre, yuhduaricabasaihtja.

Tina bui puhtoro jiihca mahu”,

niri jire Cohamacu to macunore.

¹⁴ Jipihtina anjoa sehe Cohamacure dahra cohtaina jira. Æ jiro Cohamacu warocara tinare to yaina anjoare Cristo to yuhduchu yoahinare yoadoho dutiro.

2

Cohamacu yare noaa buheare marine ã tũhotunocano cahmaerara

¹ Æ yoa Cohamacu macũno waro marine yahuriro to jichũ masina to yahuare mari tũhorire noano wacũno cahmana marine, “Tĩre bori”, nina. ² Anjoa masare Cohamacu dutia cjrĩre ti yahu cũ turiarĩro seheta tí dutiare yũhdũrũca dutierari jire. Æ jia masa sehe anjoa ti yahurire ti yũhdũrũcachũ ñũno Cohamacu tinare quihõno buhiri dahreri jire. ³ Anjoa ti yahurire mari yũhtiri yũhdoro Cristo sehere yũhtiro cahmana. Tiro mari pũhtoro marine to yũhdũchũ yoahtore yahu mũhtari jire. Æ jia tirore tũhorina sehe to yahurire marine yahu turiare marine noano masichũ yoaa taa. Æ jiro tí buheare marine to yũhdũchũ yoahti buheare mari ã tũhotunocachũ Cohamacu tuaro marine buhiri dahrerohca. Tĩre duhti masieraja mari. ⁴ Tĩ buheare tũho mũhtaina painare ti buhero watoi Cohamacu sehe tí buhea quihõnota ti jichũ ñono nire. To tuaa mehne ñono nire. Æ yoa payũ tahari to tuaa mehne yoa ñono, tí buheare quihõno ti jichũ ñono nire. Æ yoaro to yainare ti yoahtire to cahmano seheta cũri jire to buhea quihõno ti jiare ti masihti. Espĩritu Santo sehe jira marine ã yoa masichũ yoarĩro.

Jesucristo mari yoaro seheta pjacu tĩro masa bajuaha

⁵ Pihitiri dacho baharoi jiina Cohamacu cahai jiina michapucacã yũ yahurina cjrĩ bui pũhtoa jisi anjoa sehe. Tina anjoare pũhtoa sõi Cohamacu. ⁶ Wiho mejeta cãiro Cohamacure to durucurire õ sehe ni joari jire panopũ:

“Masa wiho jiina ti jipachũta tinare wacũna mũhũ. Masare noano yoara mũhũ.

⁷ Mahaã nũmũricã anjoa docai masare cũri jire mũhũ.

Æ cũpacũta mipũre tinare tuaare wacu pũhtoa sõri jire mũhũ.

⁸ Mũ ã sõchũ ahri yahpa macaa bui jipihtia bui jira masa”,

niri jire panopũ macarĩro Cohamacure. Æ cũno ahri yahpa macaina wahiquina jipihtina bui, jipihtia bui cũri jire Cohamacu. Masare to ã pũhtoa sõpachũta jipihtina ahri yahpa macaina, ahri yahpa macaa bui jierasĩnica masa. ⁹ Æ tina bui jierasĩnĩpanahta, Jesu sehere masija mari. Mahaã nũmũricã anjoa docai Cohamacu to macũno cũhũre cũri jire, mari yaro jiborĩrore yariãhtĩrore. Cohamacu marine cahĩno Jesure mari yariaborĩrore to yariachũ cahmari jire. Æ jiro to ã yariachũ ñũno tirore tuaare waro, pũhtoro sõri jire tirore.

¹⁰ Cohamacu jipihtiare bajuamehnerĩro jira. Æ yoa jipihtia to ya dihta jira. Æ jiro Jesure to yariã dutichũ, tiro sehe mari ñaa yoari buhirire cohãri jire. Æ cohãri jire tiro masa payũ to yaina jĩhtinare mũanopũ naano taro. Jesu to ñano yũhdũchũ masare yũhdũchũ yoahtiro Cohamacu to waha dutiro seheta yoaro niri jire tirore. To ã yoachũ pinihta noa nina. Æ jiro Jesu sehe marine yũhdũchũ yoarĩro waro, mari pũhtorota jira. ¹¹ Jipihtina masare ti ñaa yoari buhirire Jesu, to cosawerina mehne pũcu tira Cohamacure. Æ jiro mari Pũcu cãirota jira. Mari Pũcu to jichũ Jesu marine to yainare to cosawerinare “Yũ coyera jira”, ni pisuro ne bũo tierara. To ã ni pisurire mũsare yahuihtja. ¹² Õ sehe nino niri jire tiro:

“Cohamacu, mũ jia tiare yahuihtja yũ coyeraũre.

Jipihtina yũ yaina panoi mũhũre ño payocu ‘Tuarĩro jira’, ni yahuihtja yũhũ tinare”,

niri jire tiro to Pũcurore. ¹³ Ahri cãhũre niri jire tiro:

“Cohamacure wacũ tuaihca yũhũ”, niri jire tiro. Ahri cãhũre niri jire tiro:

“ Õi jija yũhũ.

Cohamacu pohna mehne õi jija.

Yũhũre to cũrina yũ coyera mehne õi jija’, niri jire tiro to yainare ‘Yũ coyera’”, ni pisuro.

¹⁴ “Cohamacu pohna”, to niina pjacu tĩina mari jichũ ñũno, Jesu sehe mari ya pjacu yoaro sehe jĩro tari jire. Æ jĩro tari jire tiro crusapũ yariaro taro, watĩnore

butichu yoaro taro. Tiro watino sehe yari-
achu yoariro jira. ¹⁵ ã yoa watinore bu-
tichu yoaro, marine yuhduchu yoare. Mari
sehe dachoripe mari yariahtore cuimai. ã
cuiina jina pichacapu wahaborina jimai
mari. ã jiina mari jichu ñuno tiro ma-
rine yuhduchu yoare. ¹⁶ ã yuhduchu yoaro
anjoa sehere yoadohoro taerari jire tiro.
Abrahã panamanare Cohamacu yainare
mari sehere yoadohoro tari jire. ¹⁷ ã taro
tiro mari coyero warota tari jire. Cũno
potori mari yoaro sehe pjacu tiriro tari
jire. ã taro mari yuhduhtire mari ñaa yoari
buhirire Cohamacu cohã dutiro taro niri
jire. ã yoaro mari sacerdotea pãhtoa bui
pãhtoro to yoariro sehe yoaro taro niri
jire. Mari yoaro sehe jiro marine noano
pja ñana. ã yoa marine noano yoadohora.
ã jiro tiro mari sacerdotea pãhtoa ti bui
pãhtoro jiro nina Cohamacu dahra co-
htariro jiro. ¹⁸ Tiro ñano yuhduchi jire. ã
jiro watino tirore ñano yoa dutimari jire.
Yoaerari jire tiro. ã ñaare yoaerariro jiro,
tiro sehe mari cãhure ñaare yoaerachu yoa
masina. Watino to ñaare to yoa dutichu
ñuno marine ñaare yoaerachu yoa masina
Jesu.

3

Jesu Moise cjiro bui jiriro jira

¹ Jesu to ã jiriro jichu ñana tirore noano
wacũga m̃sa. Yu coyera Jesu yaina, Co-
hamacu to beseina jira m̃sa. Tiro Jesu
sehe Cohamacu to warocariro jiro mari
sacerdotea pãhtoa ti bui pãhtoro jira. To
buheare noaa buheare mari quihõno tãho,
buheja. Tiro sehe Cohamacu warocariro,
mari sacerdotea bui pãhtoro to jia tiare
noano wacũga m̃sa. ² Cohamacu tirore
marine to yuhduchu yoahore to cũchu
tiro sehe to cũriro seheta yoari jire. Ne
yuhducaerari jire. Moise cjiro cãhu Co-
hamacu yaina Israe masare yoadohoro
ne yuhducaerari jire. ãta yoari jire
Jesu cãhu. ³ Moise cjirore ti ño pay-
oriro yuhdoro Jesu sehere ño payoro cah-
mana marine. Õ sehe jira tí mari piti
dahre buhechu: Wãhure mari ño payoriro

yuhdoro wãhu dahreriro sehere ño pay-
oro cahmana marine. ã jiro Jesu sehe
wãhu dahreriro yoaro sehe jiriro to jichu
Moise cjirore mari ño payoriro yuhdoro
tiro sehere ño payoro cahmana marine.
⁴⁻⁶ Õ sehe jira ti: Mari Cristo yaina Co-
hamacu ya curua macaina jija. Cristo
sehe wãhure to cũboriro seheta marine
to ya curua macaina cjihtire cũno nina.
Masa sehe wãhuse yoaina jira. Cohamacu
sehe jipihtiare yoariro jira. Moise cjiro
sehe Cohamacu ya curua macainare yoad-
ohorucuriro jiro, baharopu Cohamacu to
yahuhtore yahua tiri jire masare. Cristo
sehe Cohamacu macano jiro, Cohamacu
yare yoarucuriro jiro, Cohamacu ya cu-
rua macaina bui pãhtoro jira. To ã jiriro
jichu ñana Moise cjirore mari ño payoriro
yuhdoro Cristo sehere ño payoro cahmana
marine. ã jina mari sehe Cristore wacũ tua
duhuerana, marine to yuhduchu yoahore
ã wahcherucuna to ya curua macaina jija
mari.

Cohamacu to yainare tiro mehne ti noano sochu cahmana

⁷ ã jina Cristore mari wacũ tua duhuer-
ahore õ sehe yoaro cahmana marine. Õ
sehe nina Espiritu Santo:

“Michare yuhu Cohamacu m̃sare yu
yahuchu, yãhti duaeraina jiena
tjiga.

⁸ Noano yãhtiga m̃sa yãhure.

Panopu Israe masa masa marienopu jia, ãta
yuhducaerucure yãhure.

ã jina tina yoaro sehe yoarena tjiga m̃sa
yãhure.

⁹ Tõpũre cuarenta cãhmari waro tinare yu
tuaa mehne yoa ñomai.

Yu ã yoa ñopachata tina sehe õ sehe ni
tãhotua timare: ‘¿Ñare mari yoachu
ñuno Cohamacu marine buhiri
dahrebocari?’ ni tãhotua timare.

ã ni tãhotua ñano yoa ñua tire.

¹⁰ Ti ã yoachu ñucũ tina mehne sui.

ã suacu õ sehe nii: ‘Tina yu durucuaere
tãho duaeraa, soro jia buheare ã
wacũmacarucua nina.

Ya sehere ne yãhti duaerara’, nii tinare.

¹¹ ã jicu tina mehne suacu õ sehe ni yahui:
‘Tina yuhu mehne macaina ne jisi.

Ã jia wapꝰ tiro marieno jisi tina', ni yahuri jire Cohamacꝰ", niri jire Espiritu Santo sehe.

¹² Ã jina yꝰ coyea, noano yoaga mꝰsa, "Cohamacꝰre cohãri", nina. Mꝰsa ñaare tãhotuna, Cohamacꝰre catirirore wacũ tuaerana, tirore cohãboca mꝰsa. Ne cãiro mꝰsa mehne macariro ã yoaero tjijaro.

¹³ Ã jina ahri sehere yoaro cahmana mꝰsare: Mꝰsa mehne macainare dachoripe Cohamacꝰ yare mꝰsa basi cahma durucuga "Ñaare yoari", nina. Ñaare yoana, "Tí mehne wahcheja" nina, mahñoare tãhotuna nija mari. Ã ni tãhotuena tjiga. Ñaare yoarucuna Cohamacꝰ ya sehere ji coaeraja mari. Ã yoana ñaare duhu duaeraja. "Ã yoari" nina, mꝰsa mehne macainare Cohamacꝰ yare mꝰsa basi cahma durucuga. Cristo to tahto pano dachoripe tíre ã cahma durucurucuga.

¹⁴ Wahmanore Cristore mari wacũ tuaducariro seheta tó seheta mari wacũ tuarucuna, mari catiro puro to yare duhuerana, tiro mehne macaina jija.

¹⁵ Õ sehe nina Cohamacꝰ yare ti joari pũi: "Michare yꝰhꝰ Cohamacꝰ mꝰsare yꝰ dutichꝰ noano yãhtiga mꝰsa yꝰhꝰre.

Panopꝰ macaina Israe masa yꝰ yahupachꝰta ño payo duaeraa, yꝰhꝰre yãhti duaerare.

Ã jina tina yoaro sehe yoaena tjiga mꝰsa, niri jire Cohamacꝰ",

ni joaa tiri jire panopꝰre. ¹⁶ Ã yoa Cohamacꝰ to yahurire tãhomarina jipahta tina tirore yãhtierari jire. Tina jipihtina Egiptopꝰ jiina Moise to na wiorina jipahta tirore ne yãhtierari jire. ¹⁷ Ã jia ã ñano yoarucua, cuarenta cãhmari waro Cohamacꝰre suachꝰ yoa mꝰjaa tiri jire. Ti ã yoari buhiri masa marienopꝰ yariari jire tina. ¹⁸ Tirore ti ã yãhti duaerachꝰ ñꝰno ò sehe cua pisaro mehne niri jire tiro: "Tina yꝰhꝰ mehne macaina ne jisi. Ã jia wapꝰ tiro marieno ne jisi tina", niri jire tiro.

¹⁹ To ã nichꝰ tãhona ahri sehere masinahca mari: Tina Cohamacꝰre ti wacũ tuaerari buhiri tiro mehne macaina ji masierari jire. Ã jia tiro mehne noano so masierari jire.

4

¹ Ã jiro panopꝰ macainare tiro mehne ti noano sohtore cahmano, tinare "Yꝰhꝰ mehne wapꝰ tiro marieno sonahca", ni cũri jire Cohamacꝰ. Mari cũhꝰre ãta ni cũri jire tiro. Ã jina cuaro mehne Cohamacꝰre yãhdꝰrucaena tjijihna mari, "Cohamacꝰ yare yoa moñori", nina. Ã yoa moñona tiro mehne noano sosi mari. ² Panopꝰ macaina cjiri Cohamacꝰ yare ti tãhoriro seheta mari cũhꝰ noaa buheare tãhohi. Tina tãho mãhtaina cjiri sehe tãhoa, "Cohamacꝰ ya waro jira", ni tãhotuerari jire. Ã jia ti tãhori cjiri yaba cjihti jierari jire. ³ Mari sehe tirore wacũ tuana Cohamacꝰ mehne macaina jija. Ã jina tiro mehne noano jinocahna, tiro mehne sonahca. Wapꝰ tiro marieno jinahca. Cohamacꝰ to niriro seheta jira tí. Õ sehe niri jire tiro tirore yãhtieraina cjirire:

"Tina mehne suacꝰ cuaro mehne ò sehe ni yahui: 'Tina yꝰhꝰ mehne macaina ne jisi.

Ã jia wapꝰ tiro marieno ne jisi', ni yahui", niri jire Cohamacꝰ yare ti joari pũi. Ahri yahpare to yoari baharo dahra duhusiniri jire tiro. Yoari pja dahra duhuparota tina sehere tiro mehne so dutierari jire tiro.

⁴ Ahrire mari masija. Seis dachori ahri yahpare to yoari baharo to dahra duhurire yahuro ò sehe niri jire Cohamacꝰ ya durucua ti joari pũi:

"Seis dachori baharo jipihtiare to dahraare pahño, Cohamacꝰ dahra duhuri jire",

niri jire to yare ti joari pũi. ⁵ Ã yoa pari turi Cohamacꝰ yare ti joari pũi ò sehe ni yahura tiro mehne noano jierainare:

"Tina yꝰhꝰ mehne macaina ne jisi.

Ã jia wapꝰ tiro marieno ne jisi, niri jire Cohamacꝰ",

nina to yare ti joari pũi. ⁶ Noaa buheare tãho mãhtaina tirore ti yãhdꝰrucari buhiri tiro mehne macaina jisi tina. Ã jia tiro mehne wapꝰ tiro marieno jisi tina. Paina sehe tiro mehne macaina jiahca. Ã jia tiro mehne wapꝰ tiro marieno soina jiahca. ⁷ Ã jiro masare to yãhdꝰchꝰ yoahti dachori paye dachorire cũri jire pari turi Cohamacꝰ. Tí dachorita mipꝰre

jira. Paya cãhmari baharo Israe masa cjiri Cohamacure ti tãho mãhtari baharo tí dachorire yahuri jire Davi cjiro sehe. Cohamacu tirore to yahu dutichu yahuri jire tiro. Cohamacu ya durucua ti joarire mãsare yu yahua dachorire õ sehe ni joari jire Davi cjiro:

“Ahri dachorire yuhu Cohamacu mãsare yu yahuchu yuhduhucaro marieno noano yuhtiga mãsa yuhare”,

ni joari jire panopure. ⁸ Tí pjarure Josué cjiro Israe masare Cohamacu to wari yahpai na sari jire. “Yuhu mehne wapu tiro marieno soina jiahca” nino, tí yahpai ti sohtore nino nierari jire Cohamacu. Tí yahpai so dutiro, paye dachori to yuhduchu yohti dachorire cãeraboa tiro. ⁹ Wiho mejeta seis dachori baharo ahri yahpare to yoari baharo Cohamacu to dahra duhuriro seheta mari to yaina cãhu tiro mehne wapu tiro marieno mari sohto jirohca. Tiro mehne mari noano jihto jirohca. ¹⁰ Cohamacu sehe to dahrarire duhuncasiniri jire. Tó seheta tiro mehne soina cãhu mari wapu tirire duhuncanahca. ¹¹ ã jina mari to yaina noano yoajihna. Cohamacu yare noano yuhtijihna tiro mehne mari noano sohto sehe. Panopu macaina mari coyea cjiri ti yuhduhucari baharo Cohamacu mehne macaina ji masierari jire tina. Tina yoaro sehe yoarena tjijihna mari.

¹² Cohamacu ya durucua marine catichu yoara. Noaa sehere marine cohtotachu yoara. ã jia to ya durucua wiho jia jierara. ã yoa ñosari pjĩ pu buhuseheri siori pjĩ mehne dihirore ti yihso ñu ti masirore seheta to ya durucua cãhu mari jia tiare noano masichu yoara. To durucua mari tãhochu, tíre mari buhechu mari jia tiare, mari tãhotua cãhure noano masi pahñoochu yoara marine. ¹³ Ne Cohamacure mari jia tiare mari dohse yoarire nu masieraja mari. Jipihtiare to bajuamehnerire, to bajuamehnerina cãhure ñuna tiro. ã jina mari yoarire tirore yahu yuhduro cahmana marine.

Jesu tuariro mari sacerdotea puhto bui puhtoro jira

¹⁴ Jesu Cohamacu macuño to Pucuro cahapu tjuariro jira. Tiro tuariro mari sacerdotia puhto bui puhtoro jira. ã jiro marine Cohamacure sini payora. To ã jirore jichu ñuna mari sehe to yare noano yuhtijihna. Tirore noano wacu tuarucujihna. ¹⁵ Tiro mari sacerdotia puhto bui puhtoro mari ñano yuhduchu ñano noano pja ñuriro jira. Mari ñaa goa pjaare masina tiro. Watino jipihtiare ñaare marine to yoa dutirore seheta tiro cãhure ñaare yoa dutimari jire. To ã yoa dutipachata tiro ñaare yoaerari jire. ã ñaare to yoa dutimariro jiro, marine pja ñano tiro yoadoho masina marine. ¹⁶ ã jina cuuro marieno Cohamacure sinijihna. Tiro marine cahna. ã jiro tirore mari sinichu tiro sehe pja ñano, marine yoadohorohca. Watino marine to ñaare yoa dutichu, mari ñano yuhduchu cãhure tiro marine yoadohorohca.

5

¹ Sacerdotia puhto bui puhtoro besero, masunore besera Cohamacu. ã to beseriro jiro sacerdotia puhto bui puhtoro sehe tiro mehne macainare yoadohoro taro, Cohamacure dahra cohtariro jira. ã jiro ti ñaare ti yoari buhiri Cohamacure sinibasara tiro mehne macainare. Wahiquirore wajã jũ muono, Cohamacure sinibasara. ² Sacerdotia puhto bui puhtoro paina masa yoaro sehe noano masi pahñoerariro jira. ã masi pahñoerariro jiro paina masierainare yoadoho masina. ã jiro noano yoaeraina cãhure noano yoadoho masina. ³ ã jia sacerdotia noano yoa pahñoeraina jia ñaa buhiri tiina jira tina cãhu. ã jia ti basi ti ñaare ti yoari buhiri wahiquirore wajã jũ muo, Cohamacure sinina. Paina masare yoadohoa taa, ti ñaa buhiri ti sinibasariro seheta ti basi ti ñaa buhiri cãhure sinina Cohamacure.

⁴ To basi to mu saro sacerdotia puhto bui puhtoro sãerara. Cohamacu sehe tirore besero, sacerdotia puhto bui puhtoro sõna. Panopu macariro Aarõ cjirore to cãurore seheta paina sacerdotia puhto bui puhtoro cãhure cãna tiro. ⁵ Tó seheta Cristo cãhu to basi to mu saro sacerdotia puhto

bui p̄htoro s̄aerari jire. Cohamac̄u sehe tirore p̄hto s̄ono, ò sehe niri jire:

“Ȳu mac̄u jira m̄h̄u.

Michare ȳu mac̄u m̄u jiare masich̄u yoai-hca”,

niri jire Cohamac̄u. ⁶ Pa tehe ò sehe niri jire Cohamac̄u Cristore:

“Jipihtia dachoripe sacerdote jirucuihca m̄h̄u.

Melquisede to jiriro seheta sacerdote jirucuihca m̄h̄u”,

niri jire to mac̄unore. ⁷ Cristo ahri yahpai jiro sañurucua mehne, yahco mehne Cohamac̄ure tuaro siniri jire tiro “Ȳh̄ure masoga”, nino. Cohamac̄u sehe tirore yari-
arore maso masiro jira. To ã sinich̄u Cohamac̄u t̄hori jire tirore. Cohamac̄u cahmaa dihtare to yoach̄u ñano Cohamac̄u sehe to sinirire t̄horo, tirore ȳhtiri jire.

⁸ Cristo Cohamac̄u mac̄uno jiparota ñano ȳhd̄ari jire tiro. ã ñano ȳhd̄uro ȳhtiri jire Cohamac̄ure. ã ȳhtiro noano ȳhtiare masiri jire. ⁹ ã ñano ȳhd̄uro, crusap̄u yari-
aro jipihtina tirore ȳhtihtinare ȳhd̄uch̄u yoah̄tiro wahari jire. ¹⁰ ã jiro Cohamac̄u sehe tirore sacerdotea p̄h̄toa bui p̄htoro c̄uri jire. ã jiro Melquisede sacerdotea p̄htoro to jiriro seheta jira Cristo.

Cristo yaina tirore wac̄u tua duhuch̄u cua nina

¹¹ Paȳu ò sehe jiare m̄sare yahu namo duaja s̄a. S̄a ã yahu namo duapach̄uta m̄sa sehe dapu butiina jira. ã jina m̄sare s̄a yahuch̄u mijo nina s̄are. ¹² Yoari p̄ja Cristo yaina jimana m̄sa. ã jina mip̄ure painare buheinap̄u ji tuhs̄uoa m̄sa. M̄sa ã jinanap̄u jiborina jipach̄uta paina m̄sa se-
here bueahca t̄joa. Cohamac̄u yare mi-
joera curea buhea dihtare t̄hora m̄sa. Wih̄ainac̄ã p̄cho dihtare ti sihni masino seheta m̄sa c̄h̄u mijoera curea dihtare noano t̄hora. Wahma buhe d̄caina yoaro sehe jira m̄sa. ¹³ P̄cho sihniina wih̄ainac̄ã jisina. Tina yoaro seheta m̄sa c̄h̄u jira mijo cureare t̄hoerana. “Ahri ñaa jira. Ahri noaa jira”, ni bese masierara m̄sa. ¹⁴ Ch̄are ch̄uina sehe b̄c̄na jira. Tina yoaro sehe jiina noano t̄ho masiina noano buheina jira. “Ahri ñaa jira. Ahri noaa jira”, ni bese masina tina sehe.

6

¹⁻² ã jina Cohamac̄u yare noano masi-
ina, noano ȳhtiina jijihna. Cristo yare wahmanore mari buhe d̄cana ò sehe masi d̄cai: Mari m̄u s̄uro mari yoaa yaba c̄ihti jierara. Mari noano yoaa mehne ȳhd̄usi mari. Cohamac̄ure wac̄u tuaro cahmana marine. Ahrire wahmanop̄ure buhe d̄care marine. ã jia bautisaare, wamomacarire marine ti duhu payoare, yariaina ti masa m̄jaare, ahri dacho to pihtiri baharo Cohamac̄u to buhiri dahrehtore, to buhiri dahrehtina ti ñano ȳhd̄urucuhto c̄h̄ure ahri c̄h̄ure wahmanop̄ure marine buhe d̄care. Ò sehe jia buheare masi tuhs̄u, paye sehere noano buhe namojihna t̄joa. ³ ã jina Cohamac̄u to cahmach̄u ãta yoanahca mari.

⁴ Mari ã yoerana Cohamac̄u yare duhuboca mari. Cohamac̄u yare masi-
ina jipahta tíre duhuinare ne pari turi pano ti ñaa t̄hotumarire cohtotach̄u yoa masierara. Tó sehe jiina Cohamac̄u tinare to noano yoah̄tore masia, Esp̄iritu Santo to yoaa tiare mahanoc̄ã masimare. ⁵ ã yoa Cohamac̄u ya durucuare t̄hoa noaa durucua ti jich̄u masimare. Tuhs̄u, pihtiri dacho baharop̄u Cohamac̄u to tuaa mehne mari ã jirucuh̄tore, masare to buhiri dahrehto c̄h̄ure tina masimare. ⁶ ã jinanap̄ure Cristo yare duhurinare pari turi ti ñaa t̄hotumarire tinare cohtotach̄u yoa masierara. Tó sehe yoaina Cohamac̄u mac̄unore pari turi crusap̄u ti c̄j̄a puharo seheta tirore yoaa nina. Ti ã yoach̄u ñaa paina masa Cristore buj̄pera. Ti ã yoach̄u tinare ti ñaa t̄hotumarire tinare cohtotach̄u yoa masierara. ⁷ Ò sehe jira tí mari piti dahre buhech̄u: Noari yahpare p̄j̄ro coro tach̄u tí toaa noano du, d̄cha tira. ã jiro tí wese p̄uro dichare c̄j̄ara to ch̄htire. Tí yahpa Cohamac̄u noano to yoari yahpa jira. (Tó seheta noano yoara tiro to yaina c̄h̄ure.) ⁸ Wiho mejeta aḡa pota mehne, t̄ja mehne tí yahpa diaro yaba c̄ihti jierara. ã jiri yahpa Cohamac̄u to j̄u coh̄hti yahpa jira. ã jiro tí yahpare j̄nocanohca. (Tó seheta yoara tiro tirore duhuinare.)

*Cristore ã ño payorucuinare yuhduchũ
yoara Cohamacũ*

⁹ Yũ cahĩina, m̃sare ã ni yahupaihta m̃sa sehere “Cristore duhuina jira”, nii nieraja. M̃sa sehe Cristo to yuhduchũ yoaina jira. ã jina noaare yoana nica m̃sa. Tĩre masija yũhũ. ¹⁰ Noano mari yoari wapa quihõno marine noano yoariro jira Cohamacũ. ã jiro to yare m̃sa tuaro dahrari wapare bosu tiro. Tirore cahĩna noano yoadohore m̃sa tirore. Paina Cristo yaina cãhũre yoadohore m̃sa. ã yoa tinare yoadohosinina nica m̃sa. ã yoaina m̃sa jichũ ñũno bosu tiro. ¹¹ M̃sa catisinino puro painare m̃sa cahĩrucuchũ, m̃sa yoadohorucuchũ cãhũre cahmaja sã, baharopũ Cohamacũ yare m̃sa duhuri nina. M̃sa ã noano yoachũ ñũno noano yoarohca Cohamacũ m̃sare. ¹² ã jina m̃sa capa bñũina m̃sa jichũ cahmaeraja sã. Paina Cristo yaina ñano yuhduprahta to yare ne duhuerara. Ti ã yoachũ ñũno Cohamacũ “M̃sare waihtja”, to nirire tinare wa pahõnohca. ã jina m̃sa cãhũ tina yoaro seheta yoarucuga.

¹³⁻¹⁴ Panopũ Cohamacũ Abrahã cjirore õ sehe ni cãa tiri jire: “Yũ wama mehne ahrire potocã nii nija m̃hũre. M̃hũre noano yoaihtja. ã yoacũ m̃ panamana ji turianapũre payũ masa jichũ yoaihtja”, ni yahu cãa tiri jire Cohamacũ Abrahã cjirore. ã ni yahu cũno to ya wama mehne ã ni yahuro niri jire. Pairo tiro bui jirore ne mariachũ to ya wama mehne to basita ã ni yahua tiri jire. ¹⁵ “M̃hũre noano yoaihtja”, Cohamacũ to ni cũrire Abrahã cjiro sehere noano to cohtachũ ñũno to niriro seheta tirore noano yoaa tiri jire. ¹⁶ “Cohamacũ mehne potocã nina nija”, masa sehe nia, tina ti bui jirore wama mehne ã ni yahua nina. “Cohamacũ mehne potocã nii nija”, cãiro to nichũ tãhoro tiro pairo mehne cahma sayoriro “Potocã tjira”, ninohca. ã jia cahma sayo duhuahca tina. ¹⁷ Cohamacũ Abrahãre “M̃hũre noano yoaihtja”, ni cũno to ya wama mehne ã ni yahua tiri jire. To ã ni yahurire tãhona “Potocã tjira tí. ã yoa to niri ne cohtotasi” ni, masija mari. Tĩre

mari masihto sehe to ni cũri mehne “Yũ wama mehne potocã nii nija”, ni yahua tiri jire Cohamacũ. ¹⁸ ã jiro pũaro to ni durucuri mehne potocãta to nirire masichũ yoari jire Cohamacũ marine: To ni cũri cãhũ “Yũ wama mehne potocã nii nija”, to ni yahuri cãhũ tí pũaro mehne to ni durucurire yahua tiri jire tiro. To ni cũri cãhũ, “Yũ wama mehne potocã nii nija”, to ni yahuri cãhũ ne cohtotaerara. Cohamacũ ne mahõerara. To ã jirore jichũ masina, marine to yoadohore macana, tirore noano wacũ tuana, wahchea mehne marine to yuhduchũ yoahore cohtanahca mari. ¹⁹⁻²⁰ ã to yuhduchũ yoahore cohtana, wacũ tuaina jija mari. ã jina cuieraja. Sacerdotea pũtoa bui pũtoro Cohamacũ to jiri tahitia waropũ sãano, ducataru suhtirore yuhdu sãahna. ã sãano masa ya cjihtire sini payobasara Cohamacũre. To ã yoariro seheta Jesu cãhũ baharo mari wahahto seheta m̃anopũ Cohamacũ cahapũ waharo, mari ya cjihtire sini payobasara Cohamacũre. Tõpũ mari wahahto pano tiro sehe wahari jire. ã jiro jipihtia dachoripe sacerdotea pũtoa bui pũtoro jira tiro. Melquisede sacerdote to jirore seheta sacerdotea pũtoro jirucura tiro cãhũ.

7

*Melquisede sacerdote to jirore seheta
Jesu sacerdote jira*

¹ Melquisede cjiro sehe Salẽ wama tiri maca macaina bui pũtoro jia tiri jire. Sacerdote jiro Cohamacũ tuarirore, m̃ano macarirore sini payobasariro jia tiri jire. ã jiro paina pũtoare Abrahã cjiro cahma wajã yuhduhũca tuhsũ, to tjua tachũ waro Melquisede cjiro to ya macai jirore Abrahã cjirore piti bocaro sãa tiri jire. ã piti bocaro tirore sini payobasaa tiri jire Cohamacũre: “Noano yoaga ahrirore”, ni sini payobasaa tiri jire Cohamacũre Abrahã cjirore. ² To ã piti bocahto pano Abrahã cjiro sehe tirore ñũ tuhtinane wajã tuhsũ to wajãrina cjiri pũtoa yare naa tiri jire. To ã nari cjirire mahanocã waa tiri jire Melquisede cjirore. Cohamacũ to dutirore purocãta mahanocã waa tiri jire

Melquisede cjirore. Melquisede cjiro to wama sehe “Bui p̄h̄toro noano yoariro jira”, nino nina. Tiro cjiro Salē wama tiri maca macaina p̄h̄toro to jich̄u to wama ò sehe nino nina: “Bui p̄h̄toro noano jich̄u yoariro”, nino nina. “Salē” nino, “Noano jia”, nino nina. ³ Ne Melquisede cjiro p̄c̄s̄um̄are, to pano ji m̄h̄tainare to coyeare ti yahu joa òri mariahna. To masa bajuarire, to yariari c̄h̄ure yahu joa òri mariahna. ã jiro ã jirucuriro yoaro sehe jira tiro cjiro. To ã jiro jich̄u Cohamac̄u tiro mehne marine piti dahre buhera. Cohamac̄u to mac̄no to sacerdote to jirire marine buhera. Melquisede cjiro sacerdote ã jirucuriro yoaro sehe jira. Tiro yoaro seheta Cristo c̄h̄u sacerdote ã jirucuriro jira.

⁴ ã jiro Melquisede ne wiho jiro jiera tiri jire. Abrahã mari ñ̄ch̄u cjiro p̄h̄toro waro jiparota mahanocã to tjua narire tiro sehere waa tiri jire. Mahanocã waa tiri jire Melquisedere. ⁵ ã jia Cohamac̄u dutia Moise cjirore to c̄uri dutia jipihtina paina Israe masare tó purota wapa dutira. ã dutiro Leví panamana ji turiainare ti coyea waparire ñaha dutiro, c̄ua tiri jire. Leví panamana sacerdotea wahaa tiri jire. ã jia Israe masa Abrahã panamana ji turiaina jipahta ti sacerdotearo wapa tiri jire. ⁶ Melquisede sehe Leví panamino ji turiariro jieraparota wapa naa tiri jire Abrahãre. Cohamac̄u “M̄h̄ure noano yoaihtja”, to ni c̄uriro jiparota Abrahã sehe Melquisedere wapa tiri jire. ã jiro Melquisede sehe Cohamac̄ure Abrahãre sini payobasaro noano yoa dutia tiri jire. ⁷ Noano yoa dutiriro Melquisede cjiro sehe to noano yoa dutiriro bui Abrahã bui jira. Tíre mari noano masija. ⁸ Mari mehne macaina sacerdotea marine mahanocã wapa naina mari yoaro seheta masa jira. ã jia yariahtinata jira tina c̄h̄u. Ahriro Melquisede sehe Abrahãre mahanocã wapa nariro cjiro ã catirucuriro yoaro sehe jira, mari piti dahre buhech̄u. To yariarore yahueraro, ãta nino nia tiri jire Cohamac̄u yare ti joari p̄i. ⁹ Mip̄u macaina Leví panamana ji turiaina sacerdotea jia, mahanocã wapa nana.

ã jiina ti jipach̄ata Abrahã Melquisedere mahanocã waparo jipihtina Leví panamana ji turiaina ya cjihti c̄h̄ure wabasaro sehe yoaro nia tiri jire. ã jia tina c̄h̄u Melquisedere mahanocã wapaina yoaro sehe jira. ¹⁰ Melquisedere Abrahã to waparip̄are Leví sehe masa bajuerasinia tiri jire. ã masa bajuerasiniparota to ñ̄ch̄u cjiro Abrahã p̄jac̄u to jiboriro seheta Leví sehe ji tuhs̄aro nia tiri jire. ã jiro Melquisede Abrahãre to piti bocach̄u Leví c̄h̄u to ñ̄ch̄u cjiro mehne jiro sehe jiro nia tiri jire. ã jia Leví, to panamana ji turiaina mehne Melquisedere mahanocã wapaina yoaro sehe jia, tina to docai jia nia tiri jire.

¹¹ To dutiare c̄no Cohamac̄u Levíre to coyea c̄h̄ure sacerdotea ji dutia tiri jire. ã jia to dutia ti niriro seheta tina sacerdotea wahiquinare wajã j̄u m̄u, sinibasaa tiri jire Cohamac̄ure masa ya cjihtire. Ti ã yoari mehne mari ȳhd̄na, paio sacerdotere soro sehe jiro sacerdotere cahma namoeraboia mari. ã jina paio sacerdotere cahmaja mari mip̄ure, Melquisede yoaro sehe jirore. Leví ya curua macariro Aarõ cjiro yoaro sehe jina sacerdotearo mip̄ure mari cahmaeraja. ¹² ã jina sacerdotere mari cohtotana, marine dutia c̄h̄ure cohtotaro cahmana marine. (Sacerdotea ti yoadohoa mehne mari ȳhd̄eraro seheta tí dutia mehne mari ȳhd̄eraja. ã yoana tí dutiare cohtota pah̄ono cahmana marine.) ¹³ Aarõ, Leví c̄h̄u ti ya curua macaina dihtare sacerdotea sãa duti m̄hta tiri jimare Cohamac̄u to dutiare c̄no. To ã dutipach̄ata mip̄ure mari p̄h̄toro sacerdote to s̄iro pa curua macariro jira. Tí curua macariro ne sacerdote jierasinire. ¹⁴ Tiro Cristo Juda ya curua macariro masa bajuari jire. Tíre mari noano masija. Moise cjiro sehe sacerdotea s̄no, Juda ya curua macainare ne c̄iro sacerdote s̄era tiri jire.

¹⁵ Ahrire masina, ò sehe mari noano masija: Mip̄ure wahma to s̄iro sacerdote Cristo Melquisede yoaro sehe jiro jira. ¹⁶ Panop̄u macaa dutia ti niriro seheta Leví ya curua macaina dihta sacerdotea s̄ari jire. Mip̄ure to s̄iro sacerdote ti yoaro

sehe jiro sacerdote sãerari jire. Tiro Cohamacu tuaa mehne jipihtia dachoripe jiro jira. ã jiro tí tuaa mehne sacerdote sãari jire tiro. ¹⁷ Õ sehe nina Cohamacu yare ti joari pui:

“Jipihtia dachoripe sacerdote jirucuihca mahu.

Melquisede sacerdote to jiro seheta sacerdote jirucuihca mahu, nia tiri jire Cohamacu to macunore”,

ni joaa tiri jire panopu. ¹⁸ To dutia to cū mūhtari dutiare masa ti bihoerachu yaba cjihti jierari jire. ã jiro tí dutiare duti namoerari jire Cohamacu. ¹⁹ Moise cjirore to cūri dutia mehne ne yūhdūerara masa. ã jiro mipu sehene Cohamacu marine to yūhdūchu yoahore marine cūre. To ã yoachu mipure tiro cahapu waha masija mari. ã yoa tiro mehne durucu masija.

²⁰ ã yoa Cristore sacerdote sōno, “Yū wama mehne potocã nii nija”, nino tirore sōri jire to Pucuro. Paina sacerdoteare tirore to yoiro sehe wama payo sōerari jire. ²¹ Cristo sehe Cohamacu tuaro to yahuri mehne sacerdote sãari jire. Õ sehe nia tiri jire to Pucuro Cristore:

“Yūhu mā pūhtoro yū wama mehne mūhure potocã yahuihtja.

Ahrire ne duhu cūno marieno yahuja mūhure.

Jipihtia dachoripe sacerdote jirucuihca mahu”,

ni cūa tiri jire Cohamacu to macunore.

²² ã “Yū wama mehne potocã nii nija”, to nino mehne cūno, wahma buheare noaa buheare marine cūno, marine to yūhdūchu yoahore cūno nia tiri jire. Panopu macaa dutia yūhdoro mari noano jihtore cūno nia tiri jire. ã cūno Cohamacu “Mūsare yūhdūchu yoaihtja”, to niriro seheta yoiro taro, Jesure warocari jire marine yūhdūchu yoahore cjihtore. ²³ Ji mūhtaina sacerdotea ti yariachu ñua paina cohtota sãana tjoa. ã jia tina payu sacerdotea wahara. ²⁴ Jesu sehe ã jirucura. ã jia tirore cohtotaina mariahna sacerdotea.

²⁵ ã jiro tiro ã jirucuro, Cohamacure ã sini payobasarucura to yaina ya cjihtire. ã yoa Cohamacu mehne ti ã jirucuhto sehe masare yūhdūchu yoa masina tiro.

Jipihtina tirore wacū tuaina Cohamacu cahapu wahaahca. ã jiro Jesu jira pototi tinare yūhdūchu yoiro.

²⁶ ã jiro Jesu jira mari sacerdotea pūhtoa bui pūhtoro. Tiro pinihtare tuaro cahmaja mari. Ne ñaa buhiri marieriro jira tiro. Masa yoiro sehe ne ñaare yoiere. ã jiro Cohamacu tirore ñaina cahai jirore naahno, mūanopu cū, jipihtina paina bui pūhtoro sōri jire. ²⁷ Paina sacerdotea yoiro sehe jierara tiro. Tina sehe dachoripe wahiquinare wajã, jū mūoa, Cohamacure sinia tihre. Ti basi ti ñaa yoiro buhirire sini mūhtaa tihre. Baharo paina masa ti ñaa buhiri cūhure sinibasaa tihre tina. ã jia payu tahari tina Cohamacure sinia tihre. Jesu sehe sacerdote jiro, cū tahata to yariaa mehne siniri jire Cohamacure masa ti ñaa buhirire cohãno taro. ã yoiro to basi to pjacure to catia cūhure Cohamacure to waboriro seheta yoiro niri jire. ²⁸ Cohamacu dutia Moise cjirore to cūri cjirore sacerdotea pūhtoa sãa dutira. ã sãapahta ñaa marieina jierara ã sacerdotea sãa. Tí dutia baharo jia buhea mehne Cohamacu “Yū wama mehne potocã nii nija”, to nino mehne to yahuri buhea mehne to macuno sacerdotea pūhtoro sãari jire. Tiro sehe ñaa marieriro ã jirucura.

8

Cohamacu “Mūsare yūhdūchu yoaihtja”, ni cūha tjoa Moise cjirore to cūre cohtotaro. Tiro yahubasariro jira Jesu

¹ Tí jipihtiare yahuna, ahri pinihtare mūsare yahuna nija: Mūsare sã yahuriro sacerdotea pūhtoa bui pūhtoro tiro pini mari yairo waro jira. Mūanopu Cohamacu tua yūhdūariro to pūhtoro dujiro cahai to poto bāhusehei dujira Cristo mari sacerdotea pūhtoro. ² ã jiro ahri yahpa macari wūhūi, masa ti yoiro wūhūi sacerdotea dahraare yoiere tiro. Mūanopu jiri wūhūpūre mari pūhtoro to yoiro wūhūpūre sacerdotea dahraare yoiro tiro. Tí wūhū pinihta Cohamacu waro ya wūhū jira.

³ Jipihtina ahri yahpa macaina sacerdotea pūhtoa wahiquinare wajã jū mūoa, wara, Cohamacure ño payoa. ãta yoa dutia

tiri jire tinare. Mari yairo sacerdote cãhure wa dutia tiri jire Cohamacure mari ño payohto sehe. Mari ñaa buhirire tirore wa dutia tiri jire. Æ jiro Cristo mari ñaa buhiri yariaro wahchechu yoari jire Cohamacure sacerdotea pãhtoa Cohamacure waa ti wahcheriro seheta. ⁴ Mari judio masa mari dutia ti niriro seheta ahri yahpapu sacerdotea masa ti ñaa buhirire wara Cohamacure sinia. Ahri yahpapu sacerdotea ji tuhsura. Æ jiro Jesu sehe mari yairo sacerdote ahri yahpapu jisinino, sacerdote jieraboa tiro sehe. ⁵ Ahri yahpa macaina sacerdotea ti dahraare ahri yahpa macari wãhũihta dahrara. Tí wãhũi Cohamacure ti ño payorire ñãna mãano macari wãhũpãre tirore mari ño payohtore masi cureja. “Tí wãhũ yoaro sehe jira”, nino nia tiri jire Cohamacu tãcũi Moise cjirore to wãhũre dahre dutiro. To ã dahrehto panocã Cohamacu õ sehe nia tiri jire tirore: “Tãcũi mãhũre yã ñoriro seheta tí wãhũ to jiriro seheta yã ya wãhũre quihõno dahrega”, nia tiri jire Cohamacu tirore. ⁶ Mipũ sehẽre Jesu sacerdote jiro to dahraa paina sacerdotea ya dahraa yãhdoro jira. Wiho waro jierara. Cohamacu marine “Mũsare yãhdũchũ yoaihtja”, to ni yahuri cjiri panopũ macaa dutia Moise cjirore to cũri dutia yãhdoro jira. Marine to yahuri cjiri tí dutia yãhdoro marine noano jichũ yoahca. Æ jiro marine Cohamacure yãhdũchũ yoabasariro jiro, Cristo sehe paina sacerdotea yãhdoro jira.

⁷ Wahmanopũre to dutiri cjiri mehne mari yãhdũeraja. Tí dutia mehne mari yãhdũchũ, paye buheare cũeraboa Cohamacu. ⁸ Wiho mejeta tí dutiare ti yoa pahño masierarire yahuro õ sehe nia tiri jire to yainare Israe masare:

“Õ sehe nina mari pãhtoro: ‘Noano tãhoga. Baharopũ paye buheare “Õ sehe yoad-ohoihtja mũsare”, ni yahuihtja yã yainare Israe masare, Juda ya curua macaina cãhure.

⁹ Tí buhea ti ñũchũsuma cjirire yã yahu cũri cjiri yoaro sehe ne jisi.

Yã basi tinare Egipto yahpai jĩnare na wiocũ tinare yahumai.

Yã ã ni yahurire yãhdũũcare tina.

Ti ã yoachũ ñũcũ tinare ã ñũnocahi.

¹⁰ Æ jicũ baharopũ Israe masare õ sehe ni yahuihtja: Yã dutiare tinare wacũchũ yoaihtja.

Æ jia yã dutiare yãhtiahca.

Æ jicũ yãhũ Cohamacu ti pãhtoro, tinare ñũ wihboriro jũihtja.

Tina sehe yã yaina masa jiahca.

¹¹ Æ jia tí pjare tina mehne macainare ne tina õ sehe cahma nisi: “Mari pãhtorore Cohamacure masiga mũsa”, ne ni cahma buhesi.

Tina jipihitina yãhũre masi tuhsũahca.

Wihãinacã, bũcũna cũhũ yãhũre masiina dihta jiahca.

¹² Æ jicũ ti ñaa yoari buhirire boihca yãhũ.

Tinare buhiri dahresi yãhũ.

Ti ñaa yoari buhirire pari turi wacũsi yãhũ’, nia tiri jire mari pãhtoro”,

nina Cohamacu yare ti joari pũi. ¹³ Mipũre marine wahma buheare cũno, panopũ macaa dutiare duhuro nire. Æ yoa mũna dutia cjirire mahanocã to duhuri baharo tí dutia cjiri cohtotaa wahara.

9

Ahri yahpa macari tahtiare mũano macari tahtia cãhũre Cohamacure ño payori tahtiare yahuha

¹ Wahmanore Cohamacu to dutiare Moise cjirore cũno masa tirore dohse ti ño payohto cãhure cũa tiri jire. Æ yoa Cohamacure ti ño payohti wãhũ cãhure yoa dutiro cũa tiri jire. ² Tí wãhũ wahiquina cahsari wãhũ jia tiri jire. Pũa tahtia cjũaa tiri jire. Pjiwacũri tahtia ti sãa sũ mũhtari tahtia Cohamacu ya tahtia wama tia tiri jire. Tí tahtiai ti sihã buhriadũ jia tiri jire. Æ jiro mesa cãhũ jia tiri jire. Tí mesa bui Cohamacure ti wari pão pisaa tiri jire.

³ Pa tahtia suhti cahsari mehne ti dũcatari tahtia jia tiri jire. Tí tahtia Cohamacu to jiri tahtia waro wama tia tiri jire. ⁴ Tí tahtiai uru mehne ti yoari altar, inciensore ti jũ mũori altar jia tiri jire. Æ yoa uru noaa mehne ti duhu õri caro tói coãa tiri jire. Tí caro puhichapũ uru wahwa maná wama tia chũa posa tiri wahwa jia tiri jire. Æ jiro tí caro puhichapũ Aarõ to tjuadũ cjiro

pūri tidu jia tiri jire. Ā yoa pua pjĩ tãa pjĩni Cohamacu to dutiare to joa òa pjĩni cūhu tí caro puhichapu sãa tiri jire. ⁵ Tí caro bui puaro anjoa masu jia tiri jire. Tí masu Cohamacu to si siteare, tí tahtiai to jiare ñoa nia tiri jire. Tí caro mohano bui ti wua dūpuri mehne mohaa tiri jire. Tí caro mohano bui masa ñaa buhirire ti warire wajã site payoa tia tiri jire sacerdotēa puhtoro. Tó purota yahuihtja ahri wuhū macaare mipare.

⁶ Ā yoa tí wuhūre ti noano cahnorī baharo sacerdotēa dachoripe ti sãa su māhtari tahtiai sãa su, ti dahraare yoaa tia tiri jire. ⁷ Sacerdotēa puhtoa bui puhtoro dihta pa tahtiapu sãa tiri jire. Cūhmaripe cū tahata to sãari dacho baroihta sãa tiri jire tiro. Ā sãano ti wajãriro wahiquiro ti wariro dire na sãano, Cohamacu ño payoa tiri jire. Di marieno ne sãaera tiri jire. To basi wacūenoca to yoari buhirire, to ñaa buhirire, jipihtina paina Israe masa wacūenoca ti yoari buhirire, ti ñaa buhirire dire na sãa tiri jire tiro Cohamacu sini payoro taro. ⁸ Jipihtia ahri mehne Espiritu Santo ò sehe ni marine buhero nina: Tí wuhūi Moise cjirore to cūri wuhūi mari ño payosinina, to cūri dutiare yoahntina jisinina, wiho jiina Cohamacu ño payona wahaeraboa mari. Sacerdotēa puhtoa bui puhtoro dihta Cohamacu to jiri tahtia waropu sãa masina. Ā jina wiho jiina ti ño payoa wahaeraro seheta āta jiboa mari cūhu Moise cjirore to cūri dutiare cūasinina. ⁹ Ahri jipihtiare Cohamacu ño payori wuhūpu jiare marine cūno, marine mipu macainare buhero niri jire Cohamacu. Wahiquinare wajã jū mūoa, masa Cohamacu ti ño payori mehne ne Cohamacu cahapu wahasi. Ti ā yoari mehne ti ñaa yoari buhirire cosawerara. ¹⁰ Ā wahiquinare waa, ti chūa, ti sihnia, ti pjacu cosaa, ti ò sehe yoaa mehne Cohamacu ño payoa timari jire. Ahri ti ā yoari wiho warota jira mipare. Ā yoa tí dutia Moise cjirore to cūri dutia marine noaina wahachu yoaerari jire. Tí dutiare yoapanahnta mānanota jirucunocaja mari. Mari tūhotuare cohtotaeraja mari. Ā jia wahma buheare Cohamacu to cūri baharo

mūna dutia sehe yaba cjihti jierara.

¹¹ Cristo sehe mari sacerdotēa puhtoro jiro ta tuhsuri jire. Ā jiro marine noaare cū tuhsuri jire. Cohamacu ño payori wuhū mānopu sacerdotēa puhtoro to dahrari wuhū paina sacerdotēa ti dahraa wuhūse yūhdoro noari wuhū jira. Mūano macari wuhū jira. Tí wuhū ahri yahpa macari wuhū jierara. Ā yoa masa ti yoari wuhū jierara.

¹² Cristo mānopu Cohamacu to jiro waropu cū tahata sãari jire mari ñaare yoari buhirire Cohamacu waro sehe yoaro taro. Tópu mānopu òpu to jiri tahtia waro yoaro sehe jira mari piti dahre buhechu. Ā yoaro cabritoā dire, wachūacā dire na sãa, waerari jire tiro. Tiro sehe to ya di warore Cohamacu to waro sehe yoaro niri jire yariaro. Jipihtia dachoripe Cohamacu mehne mari jirucuhto sehe to dire cohāri jire. Mari ñaa buhirire yariari jire. ¹³ “Yariainare pihana mūsa pjacu wete tiina jira”, ni cūa tiri jire Cohamacu Moise cjirore. Tó sehe jia ñaare wete tiare cosawea tiri jire cabritoā dire ti wari mehne. Wachūa dire ti wari mehne, wachūacāre ti jūri nitine ti wari mehne to sehe jia ñaare cosawea tiri jire. ¹⁴ Tó sehe jia ñaare wahiquina dire ti wari mehne, nitine ti wari mehne ti cosaweriro seheta tí yūhdoro Cristo sehe to dire to cohāno mehne mari ñaare yoarire noano cosawe pahñonocahna. Tiro ñaa marieriro jiro, crusapu yariaro to basita to pjacu to catia mehne Cohamacu waro sehe yoari jire. Espiritu Santo ā jirucuriro to yoadohoa mehne ā yoari jire tiro. Ā yoa mari ñaa yoari buhirire Cristo to cosawechu ñūno mari ñaa buhirire Cohamacu bonocahno, mari ñaa yoarire duhuchū yoara. Tí ñaa buhirire cūasinina pichacapu wahahtina jimai mari. To cosawerina jina, Cohamacu catiriro yare yoaina jija mari.

¹⁵ Ā jiro “Ò sehe mū sare yūhdūchu yoaihtja”, masare Cohamacu to ni yahu cūchu Cristo sehe to yahuaare yahubasariro jira. Ā yahubasara tiro Cohamacu to beserinare yūhdūchu yoaro taro. To ā yūhdūchu yoachu jipihtia dachoripe tiro mehne jirucunahca mari to yaina. Ā jina mari to

yainare Cohamacu to wahtire cjuanhca mari. Moise cjirore to cūri dutia dihta jichu masa ti ñaa buhiri jisinia tiri jire. Ñ yoa crusapu yariaro tí pjata ti ñaa yoari buhirire yuhduchu yoari jire tiro to yainare. ¹⁶⁻¹⁷ Masuno baharo to coyeare to wahtire joa ðyura papera pūi. To wahtire yahuro taro joa ðyura. Tí pūre joa ðyuriro to yariaerasinichu tí pū yaba cjihti jierara. To coyea to cjuarire na masierasina. Wiho mejeta, to yariachu ñua tí pūi to ni joariro seheta to yare naahca tina. ¹⁸ To yariahto pano tí pū to yaba cjihti jieraro seheta yariaro marieno di wijaro marieno Cohamacu Moise cjirore to cūri dutia cūhu ne yaba cjihti jieraboia. Ñ jiro wahiquiro dire sacerdote to wajã siteri baharo to dutiare quihōnota yoaro nia tiri jire. ¹⁹ Ñ yoaro ð sehe yoa mūhtaa tiri jire Moise cjiro: Cohamacu to cūri dutiare masare yahu pahñoa tiri jire. Baharo wachuacã dire, cabritoa dire co mehne morea tiri jire. Tuhsu, hisopo wama tidu dūpu mehne oveja pjoari sohãa mehne ti ñimiori pjoarire torëa tiri jire. Tí dūpu mehne dire soharo, Cohamacu dutiare to joari tju bui wajã site payoa tiri jire. Jipihitina masa bui cūhure wajã site payoa tiri jire. ²⁰ Ñ yoaro ð sehe nia tiri jire tiro: “Cohamacu marine to yahuri cjiri to dutiri cjiri ahri di mehne ti potocã jichu masija mari. Ahri dire ñua to niriro seheta marine to yoahdire masija mari. Tí dutiri cjirire yūhti dutiri jire tiro marine”, nia tiri jire Moise cjiro. ²¹ Ñ yoaro masare to yoariro seheta Cohamacure ti ño payori wūhu wahiquina cahsari wūhure, jipihtia tí wūhui jia cūhure wajã sitea tiri jire. ²² Ñ tjira. To dutia ti niriro seheta payu ñaare di cohãno mehne cosawero cahmana. Mahanocã dūhsaa ñaare paye baro mehne ti cosawechu noana. Ñ jiro Cohamacu mari ñaa yoari buhirire ne bosu to di cohæerachu.

Cristo to dire cohãno, to yaina ti ñaa yoari buhirire cosaweha

²³ Tí jipihtia Cohamacure ti ño payori wūhu, tí wūhui jia cūhu mūano macari wūhui jia yoaro seheta jiri jire mari piti dahre buhechu. Mūano macari wūhu sehe potocãta Cohamacu ya wūhu waro

jira. Ñ jia ahri yahpa macari wūhure, tí wūhui jia cūhure wahiquina dire to wajã siteri mehne cosawero cahmari jire. Tí yūhgoro mūanopu wahahtinare ti ñaa buhiri cjuainare cosawero cahmana. Ñ jiro wahiquina yūhgoro jiro ya di to cohãno mehne tinare ti ñaa yoari buhirire cosawero cahmana. ²⁴ Ñ yoa Cohamacure ti ño payori wūhu masa ti yoari wūhu jira. Mūano macari wūhu yoaro seheta jira tí wūhu cūhu, mari piti dahre buhechu. Ñ jiro Cristo sacerdote jiro marine sini payobasaro taro ahri yahpa macari wūhure sãaerari jire. Potota mūanopu wahari jire tiro Cohamacu panoi marine sini payobasaro taro. ²⁵ Mari judio masa mari sacerdotia pūhto bui pūhtoro cūhmaripe Cohamacu to jiri tahtia waropu sãa tiri jire wahiquina dire waro taro. Cristo sehe to dire Cohamacure waro sehe yoaro taro, yariaro payu tahari sãaerari jire. ²⁶ Payu tahari yariariro jiro, ahri yahpa to jiro puro payu tahari yariaboia tiro. Payu tahari tiro mari ñaa buhirire yariarucuriro jiboia. Wiho mejeta pihitiri dacho panocã mipure marine jipihtinare yuhduchu yoaro taro cū tahata bajuari jire tiro ahri yahpai. Ñ bajuari jire to yariaa mehne mari ñaa buhirire cohãno taro. ²⁷ Jipihtina masa cū tahata yariaahca. Ti ñ yariari baharo masa noainare, ñaina cūhure beserohca Cohamacu. ²⁸ Cū tahata mari yariaro seheta Cristo cūhu cū tahata yariari jire payu masa ti ñaa yoari buhirire cohãno taro. Baharo pari turi tarohca. Mari ñaa yoari buhirire cohã tuhsariropu jirohca. Ñ jiro pari turi mari ñaa yoari buhirire cohãno taro nisi. Ñ taro tirore cohtainare wahchea mehne tirore ñu duainare yuhduchu yoaro tarohca.

10

¹ Cohamacu to dutia Moise cjirore to cūri cjiri noaa buhea yoaro seheta jipahta, cūno potori jierara. Tí dutia ti yoa dutiriro seheta cūhmaripe wahiquinare wajã, jū mūo, Cohamacure ño payorucura. Ti ñ yoa mehne masa ti ñaa yoari buhirire cohæerara. ² Tí mehne ti ñaa yoari buhirire

cohãa, cã tahata Cohamacure ti ño payori baharo “Mipure ñaa buhiri mariaha sãre”, ni tuhutuboa masa. Æ jia pari turi wahiquinare wajã jũ mho Cohamacure ño payoeraboa. Ti ã yoarire duhunocaboa.

³ Cuhmaripe wahiquinare wajã jũ mho, Cohamacure ti ño payochu tí tinare ti ñaa yoari buhirire wacũchu yoara. Tó purocãta yoadoho duara tí tinare. ⁴ Wachu di mehne mari ño payori mehne, cabrito di mehne mari ño payori mehne ne mari ñaa yoari buhirire cohãerara.

⁵ Tí potocãta jira. Ti ã jichu ñano Cristo ahri yahpape to tahto pano õ sehe nia tiri jire Cohamacure:

“Wahiquinare jũ mho ti wachu, trigo pohcare ti wachu cãhure mhu ñhu ñu ji coerara mhu.

Æ jichu yu pjacure yoare mhu yu ya pjacu cjihtore.

⁶ Ñaa yoari buhirire ti cohãhtore wahiquinare wajã ti jũ mhochu ñhu ñu ji coerara mhu.

⁷ Mu ã ñu ji coerachu ñhu ñu õ sehe nihi mhure:

“Õi jija. Mu cahmano seheta yahpape yoai wahaihtja.

Æta yuhure ni yahura mu ya tjupu’, nihi yuhu’,

nia tiri jire Cristo to Pucurore. ⁸ “Wahiquinare

jũ mho ti wachu ñhu, trigo pohcare ti wachu cãhure ñhu ñu ji coerara mhu”, ni yahu mhtaata tiri jire tiro. Wahmanopure to dutia wahiquinare, trigo pohca cãhure ti waa mehne ti ño payo dutipachata ã nia tiri jire tiro. ⁹ Æ ni tuhsu õ sehe ni namoa tiri jire: “Õi jija. Mu cahmano seheta yahpape yoai wahaihtja”, nia tiri jire. To ã nichu õ sehe masija mari. Panopu wahiquinare wajã jũ mhoa mehne ti ño payori cjirire duhuchu yoaro paye buhea sehere cãno niri jire Cohamacu.

Æ cãno mipure Cristo to yariaro mehne masare yuhduchu yoarohca Cohamacu. ¹⁰ Jesucristo to pjacure waro, yariaro, jipihtina mari to yainare mari ñaa buhirire cohãri jire. Cã tahata to pjacure wari jire mari ñaa yoari buhirire cohãno taro. Æ yoaro Cohamacu to cahmano seheta yoaro niri jire.

¹¹ Jipihtina mari judio masa mari yaina sacerdotia dachoripe Cohamacure ño payori wuhai dahrarucura. Æ dahrarucua dachoripe mananota wahiquinare wajã, jũ mho, Cohamacure sinirucura. Ti ã wajã jũ mhupachata tí mari ñano yoari buhirire ne cohãerara. ¹² Cristo sehe cã tahata mari ñaa yoari buhirire yariaro, mari ñaa yoari buhirire noano cohã pahñonocari jire. Tíre cohã tuhsu wahaa wahari jire to Pucuro cahapu to potu buhusehei dujiro waharo. Puhtoro jiro tópu dujira. ¹³ Tópu dujiro cohtaro nina. Tirore ñu tuhtiinare Cohamacu sehe to yuhduhcabasahtore cohtaro nina Cristo. ¹⁴ Æ jiro cã tahata to yariaro mehne ti ñaa yoari buhirire to cohãbasarinare ñaa buhiri marieina ti ã jirucuchu yoara tiro.

¹⁵ Tí potocã tjira. Æta ni yahura Espiritu Santo marine. Õ sehe ni yahura tiro:

¹⁶ “Õ sehe nina Cohamacu: ‘Baharopure õ sehe ni yahuihtja Israe masare, “Yu dutiare ti wacũapu cãihtja”’, ni yahuihtja”,

nina tiro. ¹⁷ Õ sehe ni namona Cohamacu: “ ‘Ti ñaa yoari buhirire yu dutiare ti yuhduhcari cãhure pari turi wacũ namosi yuhu’, nina tiro”,

ni yahura Espiritu Santo. ¹⁸ Mari ñaa yoari buhirire to ã bochu pari turi mari ñaa yoari buhiri yariahtirore cahmaeraja mari.

Cohamacu cahai sãna cuiro marieno tiro mehne mari durucuboriro seheta tiro mehne durucu masija mipure

¹⁹ Æ jina yu coyea Cristo to yariaro mehne to di cohãno mehne mipure mari cãhu cuiro marieno Cohamacu to jiri tahtia waropu sãana, tiro mehne durucu masija. Æ yoana tirore sini masija. ²⁰ Mari catirucuhtu cjihtore Cohamacu marine ã coã yoaro niri jire. Cristo sehe mari ñaa yoari buhirire yariaro to di cohãri mehne Cohamacu mehne durucu masija mari. Sacerdotia puhtoa bui puhtoro tí tahtiapu to sãariro seheta Cristo sehe Cohamacu cahapu sãri jire mari ñaa yoari buhirire bo dutiro waharo. Tí tahtia macari suhtirore ducataru suhtirore to tuhrẽ cohãboro seheta Cristo to pjacure cohãri jire Cohamacu mehne mari jirucuhtu sehe. ²¹ Æ jiro Cohamacu ya wuhai dahraruro mari Yairo

Sacerdote tua yuhduariro jira tiro. ²² ã jina Cohamacure sinijihna mahñoño marieno. Tirore noano wacũ tuaa mehne, cuiro marieno tirore sinijihna. Cristo mari ñaa yoari buhirire to cosaweinapũ jija. ã jina “Buhiri tiina jija mari”, ni tuhutuina jieraja mari. ã yoa wete mariea co mehne mari cosawero seheta Cristo to cosaweinapũ jija. ã jiina jina Cohamacure sinijihna. ²³ “Musare yuhduchũ yoaihtja”, to niriro seheta yorohca. ã jina tiro marine to yuhduchũ yoahore noano masija mari. Tíre masina, ne boena tjijihna. Cohamacure ã wacũ tuarucujihna. ²⁴ Mari mehne macainare cahña, tinare yoadohojihna mari jipihtina mari cahma cahĩ yoadohohto sehe. ²⁵ ã jina noano cahmachurucujihna Cohamacũ yare yoana tana. Paina sehe ti cahmachumarirore duhua nina. Tina yoaro sehe yoana tjijihna. Mari mehne macainare wahchechũ yoajihna. Ahri yahpapũre mari puhtoro to tahto mahanocã duhsara. Tíre masina tuaro wahchechũ yoajihna mari mehne macainare Jesu yainare.

²⁶ Potocã jia buheare noaa buheare mari masipanahta ñaare mari pari turi ã yoarucuchũ mari ñaa yoari buhirire cosawe namohto basioerara. ²⁷ ã jiro tó sehe yoainare cua nina. Jipihtina tirore ñũ tuhtiinare buhiri dahrero, tuaro jãnoi cohãnohca Cohamacũ tinare. ã jia to buhiri dahrehtore cuiina dihta jimana tirore duhuina. ²⁸ Cohamacũ dutia Moise cjirore to cūri cjiire yuhduarucainare buhiri dahrea, mari coyea judio masa wajãna tinare. Ne pja ñũno marieno wajãna tinare. Tiaro ti yahusãchũ tuhoro beseriro ti yuhduarucarire masino tinare buhiri dahre dutira. Tiaro mariachũ puaro ti yahusãchũ tinare buhiri dahre dutira. To ã dutichũ tinare wajãna. ²⁹ Tí yuhdoro Cohamacũ macũnore ñũ yabiina to buhiri dahrehtina jiahca. Cohamacũ Cristo to di cohãno mehne mari ñaa yoari buhirire cohãna. To ã cohãhtore yahuri jire tiro marine. ã jia tina ti ñaa yoari buhirire cohãrina jipahta baharo pari turi ñaare yoarucua ti ñaa yoari buhirire to cohãrre to di cãhũre “Wiho waro jira”, nia nina.

ã niina, to buhiri dahrehtina waro jia niahca. ã niina Espíritu Santore ñano ni durucuina jira. Tiro tinare cahĩro jira. Ti ã ñano durucuchũ ñũno tuaro buhiri dahrerohca Cohamacũ tinare. ³⁰ Ahrire mari noano masija. Cohamacũ to basita õ sehe nia tiri jire: “Yuhũ jija buhiri dahrehtiro. Ti ñaare yoari buhiri buhiri dahrehtja yuhũ”, nia tiri jire tiro. Õ sehe ni namoa tiri jire: “Yuhũ ñano yoainare yũ yainare buhiri dahrehtja”, nia tiri jire tiro. ³¹ Cohamacũ catiriro marine to buhiri dahrechũ cua yuhduara.

³² Panopũ musa jirire wacũga musa. Tí pjare Cohamacũ yare wahma masi dũcana payũ tahari ñano yuhdupanahta to yare duhuerare musa. ³³ Cãa tahari masa ti ñũrocaroi paina musare ñano ni, ñano yoapere musare. Paina Jesu yainare ti ñano yoachũ ñũna, tinare pja ñũ, tinare piti tire. ³⁴ Ti peresu yoainare pja ñũre musa. Tuhsũ, musa yare ti mapachuta wahchea mehne, “Noanohca”, nire musa. Ahri yahpa macaa yuhdoro noaare cjuara musa mũanopũ. Tí noaa ã jirucuahca. Tíre masina, musa cjuare ti machũ cahyaerare musa. ³⁵ ã jina cuiena tjiga. Cohamacure ã wacũ tuarucuga. Musã ã yoachũ ñũno tiro noano yorohca musare. ³⁶ Cohamacũ “Musare õ sehe yoadohoihtja”, to ni cūrre noano cohtaga musa ñano yuhdupanahta. ã cohtaina jina to cahmaare yoanahca musa. ã yoana to ni cūrre cjuanahca. ³⁷ Õ sehe nina Cohamacũ yare ti joari pũi: “Mahanocã duhsara Cristo to wihito. ã taro dói wihi bahrañonohca.

³⁸ Yũ yaina noaina sehe yuhũre wacũ tuarucuahca.

ã yoaa yaina jirucuahca.

Yuhũ mehne ã jirucuahca.

Yũ yare cohãina sehere ñũ yabiya yuhũ”, nia tiri jire to ya durucua ti joari pũi.

³⁹ Mari sehe Cohamacũ yare cohãina jieraja mari. ã jina pichacapũ wahahtina jieraja mari. Cohamacure wacũ tuaja mari. ã jina to yuhduchũ yoaina jija.

11

Wacũ tuaare yahuha

1 Õ sehe jira wacū tuaa: Cohamacure wacū tuana, marine to noano yoahore noano masija mari. Cohamacu to niriro seheta to yoerasinipachata to yahuare “Potocã tjira”, ni tãhotuja mari tirore wacū tuana. Tirore ñerapanahata, tirore wacū tuana, “Potocã tjira”, ni tãhotuja mari to yahuare tãhona. ² Panopu macaina Cohamacure ti wacū tuachu ñuno ñu ji coaa tiri jire tiro sehe.

³ Cohamacu to durucua mehne jipihtiare bajuamehnea tiri jire. ã jiro tiro mari ñerari mehne jiphtia mari mipu ñuare bajuamehnea tiri jire. Tíre mari noano masija Cohamacure wacū tuana pinihta.

⁴ Cohamacure wacū tuaro Abe sehe corderore wajã, jã mœo, Cohamacure ño payoro “Noana”, nia tiri jire. To wahmino Caí yãdoro noanore waro, ño payoa tiri jire tiro Cohamacure. ã jiro Cohamacu to warire wahchea tiri jire. ã wahchero “Noariro jira”, ni ñua tiri jire tiro Abere. ã Cohamacure to wacū tuachu ñuna mari tirore ñu cūja. To yariari baharo jipachata to wacū tuarire ñu cūja mari.

⁵ Enoco Cohamacure to wacū tuachu ñuno wahchea tiri jire Cohamacu. ã wahchero tirore to cahapu na mœoa tiri jire. ãta nina Cohamacu yare ti joari pũi. To na mœori baharo ne masa tirore bocaera tiri jire. To na mœoriro jiro ne yariaera tiri jire. ⁶ Cohamacure wacū tuaerana, tirore wahchecu yoa masieraja mari. Cohamacure wacū tuaerana, tirore ño payo masieraja mari. “Potocãta tiro Cohamacu warota jira. ã jiro tirore mari ño payochu marine noano yoara tiro”, mari ni tãhotuerana tirore sini masieraja mari.

⁷ Noé Cohamacure wacū tuaro, tirore to yahurire noano yãhtia tiri jire. Baharopu ti ñano wahahtore to yahuchu tãhoro noano yãhtia tiri jire tiro. ã yãhtiro, pjiria dohoriare yoaa tiri jire. ã yoa tia dohoria mehne tiro to coyea mehne dia mininore yãhdna tiri jire. ã wacū tuariro jiro ahri yahpa macaina ñaina ti wacū tuaerarire ti pichacapu ti wahahto cãhure ñono nia tiri jire. ã jiro to wacū tuachu ñuno “Noariro jira”, ni ñua tiri jire Cohamacu tirore.

⁸ Abrahã cjiro cãhu Cohamacure wacū tuaro tirore yãhtia tiri jire. Pa dihtapure tirore to wahti dihtapure Cohamacu to waha dutichu tãhoro Abrahã yãhtia tiri jire. To ya dihtai jirirowijaa waharo, to masierari dihtapu sua tiri jire. ⁹ “Ahri dihtare mãhure waihtja”, Cohamacu to nichu tãhoro tirore wacū tuaro tí dihtaihta tjuaa tiri jire tiro. Tóí jiro pa dihta macariro jiparota tóíhta tjuanocaa tiri jire. Tirore, to macuno Isaa cãhure to panamino Jacobo cãhure tina cañare “Ahri dihtare mœsare waihtja”, ni yahua tiri jire Cohamacu sehe. ã jia tina tí dihtai jia, wahiquina cahsari wãhusei jia tiri jire mœnana jieraina jia. ¹⁰ Tóí jisinia tiri jire Abrahã Cohamacu mehne to jihtore cohtaro. Pa macapu Cohamacu to jiri macapu mœanopu to wahahtore cohtaro nia tiri jire tiro. Tí macare dahrea tiri jire Cohamacu. ã jiro tí maca ne pihitisi.

¹¹ Cohamacure wacū tuaro Abrahã cjiro bœcuro waro jiparota, to namono Sara mehne pohna tia tiri jire. To namono pohna marienicoro to jipachata, “To niriro seheta yoarohca”, Cohamacure nino, tirore wacū tuaro pohna tia tiri jire Abrahã. ¹² ã jiro Abrahã bœcuro waro jiparota pohna tia tiri jire. ã jia to panamana ji turiainapu payu wahanocari jire. Ñahpichoha perire, padu pohcaricã cãhure mari quihõna bihoeraro seheta to panamana ji turiaina cãhure quihõna bihoeraja mari.

¹³ Jipihtina ahрина yã yahuina cjiripu Cohamacure wacū tua tuhsainapu yariaa tiri jire. Cohamacu tinare “Mœsare waihtja”, to ni quihõ cãrirore sœerapahta yariaa tiri jire. Tíre ñahaerapahta Cohamacu to niriro seheta yoari pja baharopu ti cãahtire masia tiri jire. ã masia wahchea tiri jire. ã jia õ sehe nia tiri jire tina: “Ahri yahpai tiniina jija. Pa yahpa macaina jija”, nia tiri jire tina. ¹⁴ Tóí sehe niina pa yahpare ti ya yahpa cjihtore cohtaa nina. Tíre mari noano masija. ¹⁵ “Pa yahpa macaina jira”, nicu panopu ti cohãri yahpare nicu nieraja. Pa yahpapu ti ji mœhtari yahpapu waha duaa, wahaboa. ¹⁶ Noa yãhduari yahpa sehere cahmaa nia tiri jire. Tí yahpa

muanopu jira. Ti ã cahmachu ñano “Cohamacu sã pũhtoro jira”, ti nichu tũhoro buo tierara Cohamacu. Ti ya maca cjihtore dahrebasa tuhsua tiri jire tiro.

17-18 Cohamacu Abrahãre to macunore Isaare wajã jũ mũo dutia tiri jire. Tirore ñu duaro ã dutia tiri jire, “¿Potocãta yũhure wacũ tuajari?” nino. Cohamacure wacũ tuaro to niriro seheta yoaa tiri jimare Abrahã. “Mũ macu Isaa mehne mũ panamana ji turiainare payu cjuaihca mũhũ”, Cohamacu to niriro jipachuta to macunore wajãno taro nia tiri jimare Cohamacure ño payoro taro. 19 “Yũ macu Isaare yũ wajãchu Cohamacu tirore masonohca”, ni tũhoturo tirore wajãno taro nia tiri jimare. Æ niriro jiparota Cohamacu tirore dũcata, wajã dutiera tiri jire. To pũcuro to ã wajãboriro jiro, masariro yoaro sehe jia tiri jire Isaa, Abrahã to ñuchũ. Æ jiro Abrahã tirore catirirore pari turi cjuaa tiri jire.

20 Isaa Cohamacure wacũ tuaro, to pohnare Jacobore, Esaú cũhure “Baharopũ Cohamacu mũsare pjĩro noano yoarohca”, nia tiri jire. 21 Cohamacure wacũ tuaro Jacobo to yariahto panocã José pohnare, mũare “Cohamacu mũsare pjĩro noano yoarohca”, nia tiri jire Jacobo. Na tuhcuca caha sũ, to tjuadũ mehne tjua ñaha caha sũ, Cohamacure ño payoro, “Cohamacu mũsare noano yoarohca”, ni cũa tiri jire. 22 Cohamacure wacũ tuaro José to yariahto panocã Israe masa Egipto jina ti wijaahore yahuyua tiri jire. Æ ti wijaahore masiyuro to yariari baharo to pjacu cjirore naa dutia tiri jire to pohnare.

23 Cohamacure wacũ tuaa, Moiscãre tia sũ waro nũo cjuaa tiri jire to pũcusuma, to masa bajuari baharo. Noarirocã to jichũ ñua tirocãre nũoa tiri jire. Tĩ yahpa macaina bui pũhtoro ti pohnare to wajã dutirore yũhdũrucanocaa tiri jire tina. Tirore cuiera tiri jire. 24 Moise cjirore bũcũoricoro Egipto yahpa macaina bui pũhtoro macono jia tiri jire. Æ to bũcũoriro jiro Cohamacure wacũ tuaro “Ticoro macuno”, tirore ti ni pisuchũ cahmaera tiri jire Moise. 25 Cohamacure yũhdũrucariro jiro tirore bũcũoricoro cahapũ mahaa nũmũricã noano jiboa. Æ jiboriro jiparota

tĩ yũhdoro tiro Cohamacu yaina mehne ñano yũhdũ duaa tiri jire. 26 Æ ñano yũhdũro Cristore ti bũjũpehto seheta ti bũjũperiro jia tiri jire. Baharopũ to noano yoari wapa Cohamacu tirore to noano yoahore masino ñano yũhdũ duaa tiri jire Cristo to ñano yũhdũhto seheta. Jipihina Egipto macaina ti noaare ti cjuaro yũhdoro tiro Cohamacu sehene tuaro cahmaa tiri jire. Ñano yũhdũparota, Cohamacure cahmaa tiri jire. 27 Cohamacure wacũ tuaro, Egipto macaina bui pũhtoro tiro mehne to suachũ cuieraa tiri jire Moise. Æ cuieraro tĩ yahpai jiriro tĩ yahpare cohã wahcãa wahaa tiri jire. Æ waharo Cohamacure bajuerarirore to ñũboriro seheta cuierariro jia tiri jire. Cohamacu tirore to yoa dutirire ne duhuera tiri jire Moise cjiro.

28 Cohamacure wacũ tuaro Moise cjiro Israe masare Cohamacu to yũhdũchũ yoahore masia tiri jire. Æ masino Cohamacu to dutiriro seheta Israe masa ti sopacarire õa pjĩnine di mehne wajã site dutia tiri jire tiro. Ti ã yoachũ ñano anjo masare wajãriro ti masa wahmisũmare wajãboriro Israe masa ti wahmisũmare wajãera tiri jire. 29 Cohamacure wacũ tuaa, Israe masa “Sohãri ma”, ti niri mapũ co watoi jiri wahsai co marieni wahsai wahaa wahaa tiri jire. Ti ã wahachũ ñua Egipto macaina cũhũ tinare ñu cũ, nũnũ ti wahcãmaa, mini yariaa wahaa tiri jire.

30 Cohamacure wacũ tuaa Israe masa Jericó wama tiri maca macari sahrĩno tãa mehne ti yoari sahrĩno sũ butiri sahrĩno baharo bũhũsehei soroa majarea tiri jire. Siete dachori waro tĩ macare soroa tinia tiri jire. Tõpe dachori ti soroa tiniri baharo tĩ sahrĩno sehte bora pihtia wahaa tiri jire. 31 Cohamacure wacũ tuaro tõ pano mũa mehne ñano yoarucuricoro cjiro Rahab wama tiricoro, tĩ maca macaricoro Israe masare yoadohoa tiri jire. Tĩ macare ti cohãhto pano mahainacã Israe masa tõpũ sãa ti duhti ñuchũ ticoro tinare yoadohoa tiri jire. To ã yoadohochũ ñua Israe masa wajãera tiri jire ticorore. Tĩ maca macainare Cohamacure yũhdũrucainare wajãpahta ticoro sehene wajãera tiri jire.

32 Painare Cohamacure wacũ tuainare

yahu namoboa y_hh. ã yahu duapaihta pay_hre ã Cohamac_hre wac_u tuainare yahu joa pah_ho masieraca y_hh. Pay_h jira tina. Gedeõ, Baraca, Sansõ, Jefté, Davi, Samue, Cohamac_h yare yahu m_htaina c_hh ahrina jipihtina y_h yahuborina jira. ³³ Cohamac_hre wac_u tuaina c_hina paye yahparip_h jia, tí yahpari macainare cahma wajã y_hdh_hcaaa tiri jire. ã yoa paina noano dutiina jia tiri jire. Cohamac_h tinare “M_hsare yoadohoihtja”, to niriro seheta tinare yoadohoa tiri jire. Tirore ti wac_u tuach_h ñ_hno ã tinare yoadohoa tiri jire. ã wac_u tuaa, yaya tinare ti ch_h duach_h ti d_hserire bihach_h yoaa tiri jire tina. ³⁴ Tuaro j_hri pichacarp_h jipahta j_hera tiri jire tina Cohamac_hre wac_u tuaa. Paina tinare ti ñosa wajã duach_h duhti wahc_hã waha tiri jire Cohamac_hre wac_u tuaa. Tuaeraina jipahta Cohamac_hre wac_u tuaa, tuaina waha tiri jire. Cohamac_hre wac_u tuaina jia, cahma wajã tuaina jia tiri jire. ã jia paye yahpari macaina surara tinare wajã taina ne c_hno pjaera tiri jire tinare. ³⁵ C_hã numia Cohamac_hre ti wac_u tuach_h ñ_hno ti coyea ti yariach_h ñ_hno Cohamac_h sehe tinare masobasaa tiri jire.

Paina “Cohamac_hre cahmaena tjiga”, ti ni peresu yoaina ti ñabiaro yoapeina Cohamac_hre wac_u duhuera tiri jire. “Cohamac_hre m_hsa wac_u duhuch_h m_hsare wionahca”, nia tiri jimare tinare peresu yoaina Cohamac_h yainare. Ti ã nipach_hta tinare y_htiera tiri jire Cohamac_h caharp_h tuaro waha duaa. ã jia tinare ñabiaro ti yoapech_h yariaa waha tiri jire. ³⁶ Painare Cohamac_hre wac_u tuainare ñ_hno ni b_hj_hpe tinare tjana m_hjaa tiri jire. ã yoa painare dahporire, yach_hire d_hhtenoca peresu yoaa tiri jire. ³⁷ Cohamac_hre wac_u tuainare ñ_hina tãa mehne doca wajã tiri jire. Painare ti pjac_hire seroti mehne yihso ta m_hjaa tiri jire. Painare ñosaa pj_hni mehne ñosa wajã tiri jire tina. Ti ã ñ_hno yoapeina oveja cahsari mehne, cabra cahsari mehne suhti tiina pjac_hoina jia tiri jire. ã jia paina tinare ñ_hno yoapea tiri jire. ³⁸ Tina Cohamac_hre wac_u tuaina peri y_h yahuina noa y_hdh_hina ti jich_h ahri yahpa macaina ñ_hina tina mehne jiborina jierara.

Ahrina Cohamac_hre wac_u tuaina w_hh_hse marieina jia, masa marienop_h, t_hyucarp_h ji sitotaa tiri jire. ã ji sitotaa, t_hyucarp_h jia coparip_h, yahpai jia coparip_h c_hh_hre car_h sitotaa tiri jire. ³⁹ Ahrina jipihtina Cohamac_hre ti wac_u tuach_h ñ_hno wahchea tiri jire tiro. Ti ã wac_u tuapach_hta Cohamac_h tinare “M_hsare y_hdh_hch_h yoaihtja”, to niriro m_h s_herasinia tiri jire. ⁴⁰ To y_hdh_hch_h yoerasinirire yahuro õ sehe ni t_hhotua tiri jire Cohamac_h. “Ahrina y_h yainare baharop_h j_hina y_h yaina mehne c_hno potori y_hdh_hch_h yoaihtja”, ni t_hhotua tiri jire. ã ni t_hhoturo to niriro seheta yoarohca. To ã yoach_h noa y_hdh_hara to pano yoariro y_hhdoro.

12

Jesure ã wac_urucujihna mari

¹ ã jina ahrina y_h yahurinare pay_h Cohamac_hre wac_u tuainare masina, jipihtia ñ_haa yoare duhunocajihna mari c_hh. Õ sehe jira mari piti dahre buhech_h: M_hrocaperirore tirore m_hroca tuach_h dojomehnea jira paye. To dahpo suhti n_hca suhti tirore m_hroca tuaerach_h yoaboca. Tí yoaro seheta Cohamac_h cahmaare mari yoa duach_h dojomehnea c_hh jira. Ahri c_hh_hre duhujihna mari. ã yoana m_hrocapeina soro marieno ti m_hrocaro seheta mari c_hh Cohamac_h to cahmano seheta soro marieno yoajihna. ² ã jina Jesure ã wac_urucujihna mari. Tirota jira marine wac_u tua d_hcach_h yoariro. ã yoa marine wac_u tua namoch_h c_hh_hre yoara tiro. Crusarp_h yariaro c_hno pjari jire. Baharo to wahchehtore masino crusarp_h yariari jire. ã yariaro b_ho tiboriro jiparota b_ho tierari jire tiro. ã yoaro mip_hre Cohamac_h to p_hhtoro dujiro pototo bah_hsehei dujit_hãhno tiro dutiriro jira.

³ ñ_hina masa tirore ti ñabiaro yoapach_hta c_hno pjari jire tiro. Tíre wac_uga m_hsa, m_hsa c_hh ñ_hno y_hdh_hna, “C_hno pjaerari”, nina. Tíre wac_uga m_hsa “Tirore wac_u tua duhuri”, nina. ⁴ Jesu to ñ_hno y_hdh_hiro sehe ñ_hare yoaerapanah_hta ñabiaro waro y_hdh_herasinica m_hsa. ñ_hina m_hsare wajãerasinica. ⁵ ¿Cohamac_h m_hsare to

pohnare to yahurire bonocajari m̄usa? M̄usa ñano ȳhd̄uhtire to yahurire wacūga m̄usa. Ō sehe nia tiri jire tiro:

“Ȳu mac̄u, m̄uh̄ure ȳu yahuch̄u ȳuh̄ure ā ñ̄nocaí t̄jiga ñ̄ano ȳhd̄uipaihta.

M̄uh̄ure ȳu tuhtich̄u t̄h̄oc̄u cahyai t̄jiga.

⁶Jipihtina ȳu cah̄ĩinare yahuja.

Ã yoa jipihtina ‘Ȳu pohna jira m̄usa’, ȳu ni ñ̄ĩinare ȳhd̄uĩr̄uca dutieraja.

Ã jic̄u ti ȳhd̄uĩr̄ucach̄u ñ̄ĩc̄u tinare buhiri dahreja”,

nia tiri jire Cohamac̄u. ⁷Ñano ȳhd̄una Cohamac̄u yare duhuena t̄jiga. Co-

hamac̄u m̄usare to pohnare buhero nina. Ti p̄c̄us̄uma ti pohnare ā yahu-

rucura. Ã yoa tinare buherucura. Tó sehta yoara Cohamac̄u c̄h̄u marine

to pohnare. ⁸Cohamac̄u jipihtina to pohnare ā yahurucura. Ã jina m̄usare to

yahuerach̄u to pohna waro jierara m̄usa. P̄c̄us̄uma marieina yoaro sehe jira m̄usa

to yahueraina. Ã jina “Sã P̄c̄u waro jira”, ni masierara m̄usa Cohamac̄ure,

m̄usare to yahuerach̄u. ⁹Mari p̄c̄us̄uma marine ti yahuch̄u t̄h̄ona tinare ñ̄o payoja

mari. Mari p̄c̄us̄umare mari ñ̄o payoriro ȳhd̄oro ñ̄o payoro cahmana mari P̄c̄ure

Cohamac̄ure to yahuch̄u. Ã jina tirore ȳhtiro cahmana marine. Ã ȳhtiina jina

jipihtia dachoripe tiro mehne jinahca. ¹⁰Mahaa ñ̄m̄uricã ahri yahpai mari

jisinich̄u mari p̄c̄us̄uma marine yahua, buhiri dahrera. Ti m̄u s̄uro ti masino

purocãta marine yahua, buhiri dahrera. Cohamac̄u sehe marine noano yahura.

Ã jiro to masia mehne marine buhiri dahrera marine noaina b̄uc̄u dutiro. Ãta

yoara tiro marine tiro yoaro sehe noaina mari jihto sehe. ¹¹Marine to buhiri

dahrech̄u wahcheraja mari. Wiho mari cahyaja. Ã cahyapanahta to ã buhiri

dahrer̄i baharo noaina b̄uc̄uanahca mari. Ã jina soro yoaro marieno noano jinahca.

Cohamac̄u marine to dutiare mari ȳhtierach̄u cua nina marine

¹²Ã jina wacū tuaera cureina jipanahta Cohamac̄ure wacū tuaina jiga. Tirore

duhuena t̄jiga. ¹³Noano potori mahare m̄usa wahaboro sehta noano potocã

yoaga m̄usa. M̄usa ã yoach̄u ñ̄u c̄uã, paina Jesu yaina soro jiare yoasi. M̄usa noano yoach̄u ñ̄u c̄uã, noano wacū tuaera cureina c̄h̄u wacū tuaina wahaahca.

¹⁴Jipihtina masa mehne noano jiga, cahmачeno marieno. Ã yoa ñ̄ano yoarucuenta t̄jiga. Ñ̄aa buhiri marieina dihta mari p̄htoro Cristore ñ̄uahca.

¹⁵Noano yoaga m̄usa. Cohamac̄u m̄usare to yoadohoch̄u tirore noano ȳhtiga. Ñ̄aa

diaa ti toaare ti dojomehnenno sehta m̄usa c̄h̄u Cristo yare duhuena t̄jiga, “Painare

dojomehneri”, nina. ¹⁶Ne numia mehne ñ̄ano yoaina jiena t̄jiga. Ã yoa Cohamac̄u

yare cahmaeraina jiena t̄jiga. Cohamac̄ure cahmaerar̄i jia tiri jire Esaú c̄j̄iro. Tiro

masa wahmino jia tiri jimare. Ã jiro to p̄c̄uro to yariari baharo to p̄c̄uro yare

c̄j̄ahtiro jis̄inia tiri jimare. Cohamac̄u to p̄c̄urore to ni c̄ũri c̄h̄ure c̄j̄ahtiro jis̄inia

tiri jimare. Ã jiro jiro c̄ũ dacho c̄ũ wapaihta ch̄ure cahmano, tí wapa mehne

to bah̄uro sehere to wahmino yoaro taro cohtotaa tiri jire. ¹⁷To ã yoari baharo to

dohse waharire masina m̄usa. To p̄c̄uro tirore to wahtire tuaro cahmaa tiri jimare

Esaú. To ã cahmapach̄uta to bah̄urore to wahmino to yoari buhiri, baharo to

c̄j̄aborire waera tiri jire to p̄c̄uro Esaúre. Tíre yahco mehne to sinipach̄uta tirore

waera tiri jire to p̄c̄uro.

¹⁸Cohamac̄u to dutiare Moise c̄j̄irote to c̄ũch̄u mari coyea Israe masa c̄j̄iri Co-

hamac̄u mehne jia tiri jire. Tina tiro mehne ti jiro sehta m̄usa sehe jierare.

Ō sehe yoaa tiri jire tina sehe. T̄ũc̄ur̄u Cohamac̄u mehne jia taa, s̄uã tiri jire. T̄u

sehe Sinaí wama tid̄u jira. T̄ur̄u ti s̄uch̄u tuaro pichaca j̄ũã tiri jire. Ã jiro nahit-

tiano, buiri, tuaro wihnono c̄h̄u jia tiri jire t̄ũ t̄ũc̄i. ¹⁹Tóur̄u ti s̄uch̄u corneta bisiro

coa taa tiri jire. Ã yoa durucua bisiro coa taa tiri jire. To ã durucua bisiro coa

tach̄u t̄h̄oa, masa c̄ũno pjaeraa, “Ã durucu namoeno t̄j̄jaro”, tuaro ni sinia tiri

jire. ²⁰Cohamac̄u cuaro mehne ō sehe ni, dutia tiri jire tinare: “Jipihtina ah̄u

t̄ũc̄ure pihainare t̄ãã mehne doca wajãga tinare. Ah̄ure pihar̄i ro wahiquiro waro

to jipachata tiro cãhure tãa mehne doca wajãga tirore. O ñosadũ mehne ñosa wajãga tirore”, nia tiri jire Cohamacũ. To ã nichũ tãhoa to ã ni dutiare cãno pjaera tiri jire tina. ²¹ Jipihtia tũ tũcũ jiro to ñũrire ñũ cuiro, õ sehe nia tiri jire Moise cjiro: “Cuicũ teterei nija”, nia tiri jire tiro.

²² Tó sehetã Cohamacũ mehne ti ji dũcariro sehetã jierara mũsa sehe. Cohamacũ mehne jina wahana, Siõ wama tidũpũ mũano macadũpũ mũsa sũboro sehetã potota Cohamacũ mehne durucure mũsa. Cohamacũ catiriro to ya macapũ mũsa sũboro sehetã potota tiro mehne durucure mũsa. Tí macã pa macã wahma macã Jerusalẽ mũano macari macã jira. Tórpũre payũ anjoa peri jira. ²³ Tina Cohamacũ mehne wahchea taa cahmachuina jira. ã jina mũsa sehe to ya macã macaina jina, tórpũ Cohamacũ pohna ji mũhtaina mehne mũsa cahmachuboriro sehetã jira. Tina to pohna wamare to joa õri pũi mũanopũ ti wamare to joa õina jira. Tiro Cohamacũ sehe jipihtinare besehtiro jira. Tiro mehne macaina jira mũsa sehe. ã jina paina noaina Cohamacũ yaina mehne cahmachuina sehetã jira mũsa cãhũ. Tinareta ñaa marieina jichũ yoa tuhsuri jire Cohamacũ. ²⁴ ã jina Jesu mehne macaina jira mũsa sehe. Wahmanopũ Moise cjirore to duti cũri cjirore cohtotaro “Mũsare yũhdũchũ yoaihtja yũhũ”, ni cũa tiri jire Cohamacũ marine. To ã ni cũriro sehetã yoiriro jira Jesu. To dire cohã to yariaro mehne ã marine yũhdũchũ yoara. Abe cjiro to di cohãchũ ñũno Cohamacũ Abere wajãrirore buhiri dahrea tiri jire. Jesu sehe to dire cohã to yariariro mehne noano yũhdũja mari. ã jiro Abe to di cohãri wiho warota jia tiri jire. Cristo sehe to di cohãri baharo noa yũhdũaro yoiri jire Cohamacũ marine. ã jia to di cohãri wiho warota jierara.

²⁵ ã jina noano yoaga mũsa. Cohamacũ yare mũsare yahurirore noano yũhtiina jiga. Panopũ ahri yahpai jiro Moise cjiro Cohamacũ yare to yahuchũ tãhoa, payũ tíre tãho duaera tiri jire. ã ti tãhoerari buhirire buhiri dahrea tiri jire Cohamacũ tinare. Cristo sehe mũanopũ

jiriro Cohamacũ yare yahuriro jira. ã jiro panopũ macainare to buhiri dahreriro yũdoro buhiri dahrerohca Cohamacũ Cristore cahmaerainare. Cristo sehe mũanopũ jiro Cohamacũ yare yahuriro jira. ²⁶ Tí pjare Moise cjirore to dutiare to cũri pjare Cohamacũ to durucuro mehne yahpa ñũhmichũ yoaa tiri jire. Mipũ sehere õ sehe ni yahuri jire tiro: “Ahri yahpa to ñũhmichũ cã taha yoa namoihtja. Ahri yahpa dihtare ñũhmichũ yoasi yũhũ. Mũanopũ cãhure ñũhmichũ yoaihtja”, ni yahuri jire tiro. ²⁷ “Ahri yahpa to ñũhmichũ cã taha yoa namoihtja”, nino jipihtiare to bajuamehnerire to cohãtore masichũ yoaro niri jire. Pũhtoro Cohamacũ to sũho jiropũre cohãhto basioerara. ã jiro to bajuamehneri cjirore to cohãchũ pũhtoro to sũho jiro dihta tjuarohca. ²⁸ Pũhtoro to sũho jiropũ wahanahca mari. ã jina pũhtoro to sũho jiropũre to cohãerachũ ñũna, Cohamacũre “Noana”, nijihna mari. ã jina tirore ño payoa mehne, cua pisaro mehne to yare yoajihna mari tirore wahchechũ yoana tana. ²⁹ Pichaca jũno to cuaro to jiro sehetã Cohamacũ cuaro choro buhiri dahreriro jira.

13

Õ sehe Cohamacũre wahchechũ yoaga

¹ Mũsa mehne macainare cahĩ duhuena tjiga. ² Masa mũsa masieraina ti jipachata tinare mũsa wũhũsepũ noano mehne sãa ta dutiga. Paina ã yoaa, masierapahta anjoare ti wũhũsepũ sãa ta dutiri jire. ã jina ti yoaro sehetã yoaga mũsa cãhũ.

³ Peresui jiinare pja ñũga. Mũsa sehe tina mehne peresui jiina mũsa jiboro sehetã tinare pja ñũga. Paina ti ñano yoaina cãhure pja ñũga. Tina yoaro sehe mũsa cãhũ mũsa ñano yũhdũboro sehetã tinare pja ñũga.

⁴ Wamomaca dũhteina jipihtina mũsa basi noano cahma ño payoga. ã yoa paina mehne ñano yoena tjiga. Jipihtina numia mehne ñano yoainare, mũa mehne ñano yoaa numia cãhure buhiri dahrerohca Cohamacũ.

⁵ Niñerure cahĩina ne jiena tjiga. Õ sehe nia tiri jire Cohamacũ: “Mũsare ne cohãsi.

Ã yoadohorucuihtja m̄sare”, nia tiri jire tiro. Noho puro m̄sa c̄m̄aa mehne tó purota wahchega. Pj̄iro cahma namoena tjiga. ⁶ Ã jina cuiro marieno õ sehe ni t̄hotunahca mari:

“Mari p̄htoro Cohamac̄ marine yoadohoriro jira.

Ne cui si mari.

Masa marine ti ñano yoahtore cui si mari”, ni t̄hotunahca mari.

⁷ Cohamac̄ yare m̄sare yahurinare m̄sare dutirinare wac̄uga m̄sa. Ã yoa noano ti jia tirire noano ti yoaa tirire wac̄uga. Ã wac̄una, Cristore ti wac̄u tuariro seheta yoaga m̄sa c̄h̄u.

⁸ Jesucristo ne cohtotaerara. Panop̄u, mip̄u c̄h̄ure, baharop̄u c̄h̄ure to jiriro seheta jirucurohca tiro. ⁹ Paȳu buheare soro jia buheare t̄hoena tjiga m̄sa “Noa buheare s̄p̄u coh̄ari”, nina. “Ahr̄ire ch̄uga. Ahr̄ire ch̄uena tjiga”, ni buhera c̄aina. Ã ni ti nia buheare mari ȳhtich̄u tí marine yoadohoerara. Ã jiro tó sehe jia buheare mari yoach̄u wiho warota jira. Tí marine wac̄u tuaina jich̄u yoaerara. Cohamac̄ sehe marine p̄ja ñano wac̄u tuaina jich̄u yoara. Ã jina to ya tuaa mehne tirore wac̄u tuaina jiga m̄sa c̄h̄u.

¹⁰ Cristo mari ñaa buhirire yariari jire mari ñaare coh̄ano taro. Sacerdotea sehe õ sehe niina jira: “Wahiquina mari waj̄ã j̄u m̄uoina, mari waina mehne ȳhd̄unahca”, niina jira sacerdotea. Ã niina ti ñaa yoari buhirire coh̄aina ne ji masierara. Cristo to crusai to yariaro mehne ȳhd̄uina ji masierara tina ã ni t̄hotuina. ¹¹ Mari judio masa mari sacerdotea p̄htoro Cohamac̄ to jiri tahtia warop̄u ðire na s̄ano waj̄ã sitea tiri jire, masa ti ñaa yoari buhirire cosawero taro. Ã yoa to waj̄ãriro wahiquiro to p̄jac̄ure tí maca d̄ht̄u cahap̄u j̄u coh̄anocahna. ¹² To yoariro seheta Jesu c̄h̄u maca d̄ht̄u cahap̄u yariari jire, masa ti ñaa buhirire to ði coh̄ano mehne cosawero taro. ¹³ Maca d̄ht̄u cahap̄u to yariach̄u ñaa, ti ya buheare to coh̄ach̄u ñaa judio masa p̄htoa tirore ñu tuhtiri jire. Ã jina mari c̄h̄u tiro mehne macaina jijihna. Mari ã jich̄u ñaa, masa mari c̄h̄ure ñu tuhtiahca. ¹⁴ Ahri yahpap̄u

mari ji dojoahti maca ne mariahna. Ã jina mip̄ure mari baharop̄u jihti macare cohtana nija mari. ¹⁵ Ã jina Jesu to yoadohoro mehne Cohamac̄ mehne durucuja mari. Ã jina tirore noano sinijihna. Sacerdote wahiquirore j̄u m̄u, Cohamac̄ure to ño payoriro seheta Cohamac̄ure mari d̄useri mehne noano durucu ño payojihna mari. “Cohamac̄ tuariro jira”, ni ño payorucujihna. Mari ã nich̄u tiro wahcherohca. ¹⁶ M̄sa mehne macainare noano yoaga. Ã yoa tinare yoadohoga. Tíre boena tjiga. M̄sa ã noano yoana Cohamac̄ure ño payona nica m̄sa. Ã yoana tirore wahchech̄u yoana nica.

¹⁷ M̄sa p̄htoare noano ȳhtiga. Ti dutiro seheta yoaga. Cohamac̄ m̄sare ñu wihbo, buhe dutiro c̄ure tinare. To ã c̄urina jia m̄sare ã ñu wihborucua nina “Cohamac̄ure ȳhd̄urucari”, nia. Ã jina tinare noano ȳhtiga m̄sa. M̄sa ã ȳhtich̄u ñaa wahchea mehne m̄sare yoadohoahca tina. M̄sa ȳhtierach̄u ñaa tina cahyaahca. Ã ȳhtierana noano jisi m̄sa.

¹⁸ S̄are sini payorucuga Cohamac̄ure. Dachoripe noaa dihtare yoa duaja s̄ã. Ã jina “Ñaaare yoana nija”, ni t̄hotueraja s̄ã. ¹⁹ Ahri pinihtare tuaro sini payoga Cohamac̄ure ȳh̄ure: Soaro mehne m̄sa cahap̄u ȳu wahahtore tirore sini payoga.

Ahri p̄ure joariro noa duti batoaha

²⁰ Cohamac̄ mari p̄htoro Jesure yariarirore masori jire. Marine noano jich̄u yoariro jira. Tiro “M̄sare ȳhd̄uch̄u yoaihtja”, ni c̄ua tiri jire Cohamac̄ marine. To ã ni c̄urire yoariro marine ȳhd̄uch̄u yoariro Jesu sehe jira. Mari ñaa buhirire yariari jire tiro. Ã jiro tiro tuariro ovejare ñu wihboriro yoaro sehe jiro, marine to yainare noano ñu wihbora. ²¹ Ã jiro Cohamac̄ tirore masoriro m̄sa c̄h̄ure yoadohojaro jipihtia noaare to cahmaare m̄sa yoahto sehe. Ã jiro Jesucristo to yoadohoro mehne Cohamac̄ to cahmano seheta jipihtinare marine noaa sehere cohtotach̄u yoajaro. Jipihtia dachoripe Cristore ño payojihna. Åta yoajihna.

²² Y_h coy_ea, ahri_re tuaro m_usare duti-
ihtja: Ahri p_ui y_h yahurire noano mehne
t_uhoga m_usa. Ahri m_usare y_h joarocari
p_u p_ji_ri tju jierara. ã jina ahri_re noano
t_uhoga. ²³ Ahri cãh_ure m_usare yahuihtja:
Mari coy_eirore Timoteore peresu jirirore
wioyuhti. Soaro mehne to wihich_u m_usare
ñ_ui wahac_u tirore naaihtja. Y_hh_u mehne
waharohca.

²⁴ M_usa p_uh_toare, jipihtina painare Co-
hamac_u yainare t_oi j_iinare noa dutija.
Italia macaina Jesu yaina cãh_u m_usare noa
dutira.

²⁵ Cohamac_u to cah_ia mehne m_usare jip-
ihtinare noano yoajaro.

Santiago

Santiago Israe masare macari waharinare joarocaha

¹ Yuh, Santiago ahri pui musare noa duti joarocai nija. Cohamacure, mari puhtoro Jesucristo cature dahra cohtariro tjija yuh. A jic Israe masa ya curuari macainare doce curuari macainare Jesu yainare macari waharinare y coyeya musare joarocai nija.

Cohamacu sehe noano masichu yoara

² Yu coyeya, payu jiahca musa nãno yuhduhti. A nãno yuhduna noano wahchea mehne tuhutuga. ³ A nãno yuhduna, potocãta Jesure musa wacũ tuaare ñona ninahca musa. A jina nãno yuhdupanahta Jesure musa noano wacũ tuaina jina, tirore wacũ tua namoina wahanahca. A wahana musa nãno yuhduare cãno pjanahca. ⁴ A yoana duhuro marieno a cãno pjarucuina jiga musa, tuho masiina, Cohamacu cahmaare noano masiina musa jihto sehe. A jina duhsaro marieno to yare yoarucuina jinahca musa.

⁵ Cohamacu duhsaro marieno jipihtinare wara. A waro tirore siniinare soro nino marieno wara tiro. To a jiro jichu masina, musa masihti duhsachu tuhutuna, tirore siniga. Musa a sinichu musare masi namochu yorohca tiro. ⁶ A sinina Cohamacure noano wacũ tuatjiãhna siniga musa. “Sã sinichu Cohamacu waeraboca sãre”, ni tuhutuena tjiga. Tó sehe ni tuhutuina pjiri ma macaa pahcõri yoaro sehe jira. Pahcõri ti sũroca cohtotaro seheta tina cãhu ti wacũapure sũroca cohtotara. Cãno potori yoerara tina. A jia Cohamacure wacũ tuaerara. ⁷ Tó sehe ni tuhutuinare ti sinipachuta ne mahanocã ti siniare tinare wasi mari puhtoro Cohamacu. ⁸ Michare ahrire cahmariro jiparota ñamichacapure soro tuhutura tjoa. A yoiroro tó wahaerara.

⁹ Jesu yainare wiho jinare Cohamacu sehe puhtoã sõnohca. To a yoahina jia wahchejaro tina. ¹⁰ A jia Jesu yaina

pache puã jia ti ya pache pihtihore masia wahchejaro. Tí pache wiho warota jira, Cohamacu to ñuchu. Cohori ti dói baa boraa waharo seheta ti pache pihtia wahaahca. A jia tina cãhu wahchejaro. ¹¹ Sã muja taro to tuaro sichu tja sehe ñaia wahara. A yoa cohori cãhu ñai boraa waha, noaa cohori ti jia cjiri pihtia wahara. Ata waharohca pache puare ti pachere ti na cahmachuno watoi. Tina ti pache mehneta butia wahaahca.

Ñano yoa dutiare yoerario wahcheriro jira

¹² Ñano yuhduro cãno pjaru, ñano yoa dutiare yoeraro wahcheriro jirohca. To a cãno pjachu, to ñaare yoerachu jipihitia dachoripe mãno macaa catiare tirore warohca Cohamacu. “Tí catiare wai-hca”, ni cãu tiri jire Cohamacu jipihtina tirore cahinare. ¹³ Musare ti ñano yoa dutichu “Cohamacu yuhure ñano yoa dutiro nina”, ni tuhutuena tjiga. Ñano yoare tuhutuero jira Cohamacu. A jiro tiro sehe masare ñano yoa dutiro jierara. ¹⁴ Masa tuaro ñaare ti goa pjaata tita tinare ñano yoachu yoara. ¹⁵ A jia ñaare goa pjara masa. A goa pjaã, tí sehere tuhutura. A tuhutuã, tí ñaare yorucura tina. Ti a yorucuri buhiri Cohamacu tinare pichacapu cohãnohca.

¹⁶ A jina yu coyeya yu cahina, “Cohamacu yuhure to dutichu ñano yoahi”, ni tuhutuena tjiga. Potocã jierara tí. ¹⁷ Cohamacu mãno macariro marine noaa dihtare wara. Tiro pinihta sã dacho macarirore, ñami macarirore, ñahpichoha poca cãhure bajuamehneriro jiro, tiro sehe to jiro seheta a jirucunocahna. Ne cohtotaerara. ¹⁸ To cahmariro seheta tiro noaa buhea mehne marine to pohna wahachu yoare. A yoare tiro to pohna ji mũhtaina mari jihto sehe.

Potocãta Cohamacure ño payoa õ sehe jira

¹⁹ Yu cahina, yu coyeya ahrire noano tuhoga musa. Cohamacu yare noano tuhoga musa. A tuhona, noano tuhuturo marieno durucuena tjiga. A yoa suaena tjiga. ²⁰ Cãiro suariro jiro, Cohamacu

to cahmano seheta quihõno yoariro jierara. ²¹ ã jina jipihtia m̄sa ñaa yoarire, m̄sa ñaare goa pjarire duhuga m̄sa. ã jina Cohamac̄re noano ȳhtiina jina to buheare tuaro cahmaga m̄sa. To ya buheare m̄sa tuaro cahmach̄ Cohamac̄ sehe m̄sare pichac̄p̄ wahaborinare ȳhd̄ch̄ yoarohca.

²² To yare t̄hopanahta to nino sehe yoerana mahñoare t̄hotuna nica m̄sa. “To nino sehe ȳ yoerach̄ noanohca”, ni t̄hotuna mahñoare t̄hotuna nica m̄sa. ã jina to yare t̄hona tí sehere yoaga. ²³ Cohamac̄ yare t̄hopanahta, to nino sehe yoerana, to w̄hd̄are ñõno mehne ñ̄riro yoaro seheta jira m̄sa. ²⁴ Tiro to w̄hd̄are to ñ̄ri baharo waha, to ñ̄rire boa wahara. ²⁵ Pairo sehe to ñ̄rire to boerariro seheta Cristo to dutirire t̄horo tíre yoaro, wahcheriro jirohca. Tí dutia Cristo to cahña mehne masare to ȳhd̄ch̄ yoahti buhea jira. Tí buheare ne coh̄erariro wahcheriro jirohca. Tiro pinihta to t̄horire yoariro jira. ã yoariroro noano yoarohca Cohamac̄.

²⁶ C̄airo to ã durucumac̄anocarire duhu masieraro, potoc̄ata Cohamac̄re ño payoerara. “Cohamac̄re noano ño payoja”, ni t̄hoturiro jiparota mahñoare t̄hotura tiro. “Cohamac̄re ño payoja”, niriro to jipach̄ta to ño payoa ne yaba c̄ihti jierara. ²⁷ Potoc̄ata Cohamac̄re mari P̄ch̄re mari ño payona, to cahmano seheta ño payona, õ sehe yoaja mari: P̄ch̄s̄ma marieinare, wapewahya numia c̄h̄re ñano ti ȳhd̄ch̄ ñ̄na, tinare yoadohoja mari. ã jina ahri yahpa macaina ñaare ti yoaa barore ne yoa duaeraja mari. ã yoana potoc̄ata Cohamac̄re ño payoina jija mari.

2

Masare c̄ano potori noano yoaro cahmana marine

¹ Ȳ coyea, noa ȳhd̄ariroro Jesucristore mari p̄htorore t̄hona, tirore wac̄u tuaina jira m̄sa. ã wac̄u tuaina jina masare c̄ano potori noano yoaro cahmana m̄sare. ²⁻³ ã yoa uru sororire, wamomaca s̄a sororire c̄ariro, wapa tia suhtire

s̄ariro m̄sa Jesu yaina cahmachuno cahp̄ to tach̄ ñ̄na tirore noano mehne piti bocaboca. “Õi dujiro jira”, niboca m̄sa tirore. ã nipanahta tí pjata pjac̄oriro c̄h̄ ñ̄no suhti tiriro m̄sa cahai to tach̄ ñ̄na tiro sehere noano piti bocaeraboca. “Õi ducuga. O yahpai dujiga”, niboca m̄sa tirore. ⁴ M̄sa ã yoana masare c̄ano potori yoerana nica m̄sa. ã yoana ñaare t̄hotuina masare beseina yoaro sehe jina nica m̄sa. “Ahriro sehe noariro jira. Ahriro ñ̄ariro jira”, ni besemana m̄sa.

⁵ Ȳ coyea, ȳ cahñina, ȳh̄re t̄hoga. Paȳ pjac̄oina sehere Cohamac̄re noano wac̄u tuahtina c̄ihtire, p̄htoro to s̄ho jirop̄re jihtina c̄ihtire besea tiri jire Cohamac̄. “T̄p̄re wahanahca m̄sa”, ni c̄a tiri jire Cohamac̄ tirore cahñinare. ⁶ Tinare to ã besepach̄ta m̄sa sehe pjac̄oinare noano yoerare. Pache p̄a sehe m̄sare ñ̄no yoara. ã yoaa tina masare beseriro cahp̄ m̄sare naahna m̄sare yahus̄a taa. ⁷ M̄sa sehe “Cristo yaina”, masa ti nina jira. Paȳ pache p̄a sehe Cristore ñ̄no ni durucuina jira. (ã jiro pjac̄oinare m̄sa ño payoriro ȳhd̄oro pache p̄are m̄sa ño payoch̄ sehere ñaa nina.)

⁸ Cohamac̄ dutia mehne macaa dutiare paye dutia bui curero jia dutiare õ sehe ni joaa tiri jire: “M̄ basi m̄ cahño seheta m̄ cahai jiina c̄h̄re cahñga”, nina Cohamac̄ dutia. Ahri dutiare yoana, noare yoara m̄sa. ⁹ Wiho mejeta masare c̄ano potori yoerana ñ̄no yoana nina m̄sa. ã jina Cohamac̄ dutiare ȳhd̄r̄caina jira m̄sa. ãta nina Cohamac̄ yare ti joari p̄i. ¹⁰ Cohamac̄ dutiare yoaina jipanahta c̄notare m̄sa yoerach̄ paye dutiare m̄sa yoa pahñopach̄ta yaba c̄ihti jierara. ñaa buhiri tiina jisina m̄sa. ¹¹ “Pairo namono mehne ñ̄no yoaena tjiga” ni, m̄sare dutiriro Cohamac̄ta jira. “Masare waj̄ena tjiga”, niriro tirota jira Cohamac̄. Pairo namono mehne ñ̄no yoerapanahta mas̄nore waj̄ana Cohamac̄ to dutiare ȳhd̄r̄caina jira m̄sa. ¹² Cristo marine tuaro cahño, marine dutira marine ȳhd̄ch̄ yoaro taro. To dutiare mari yoarire, mari yoerari c̄h̄re ñ̄no marine besero tarohca. To ã besehtina jina

to dutiare noano yoajihna. Æ yoa to cahmano seheta durucujihna mari. ¹³ Mip_{ure} painare mari pja ñ_{erach} Cohamac_{ure} sehe masare to beseri pja jich_{ure} marine pja ñ_{si}. Wiho mejeta painare mari pja ñ_{ch} Cohamac_{ure} sehe pja ñ_{no}, marine buhiri dahresi.

Cristore wacũ tuaina sehe noaare yoara

¹⁴ Y_{ure} coyeya t_{hoga} m_{usa}. “Cristore wacũ tuaja y_{ure}”, c_{airo} to nipach_{uta} painare to noano yoadoherach_{ure} to ã nimari cjiri sehe ne yaba cjihti jierara. Tó sehe ni wacũ tuamacanocarirore Cohamac_{ure} y_{hdch} yoasi. ¹⁵⁻¹⁶ ¿Jesu yairo, Jesu yacoro ñ_{aa} suhti dihta ti c_{ach} ñ_{na} ti ch_{hti} mariach_{ure} ñ_{na} dohse yoajari m_{usa} tinare paye baro c_{aina} jina? “Noano jiga m_{usa}. Æ yoana noano suhti tige. Æ jina noano ch_{aa} mehne yapi wahc_{ãga}”, nipanahta ti cahmaare m_{usa} waerach_{ure} m_{usa} ã nimari cjiri ne yaba cjihti jierara. ¹⁷ Æ yoa “Cristore wacũ tuaja”, m_{usa} nipach_{uta} noaare m_{usa} yoerach_{ure} Cristore m_{usa} wacũ tuaa ne yaba cjihti jierara.

¹⁸ M_{usa} mehne macariro ahri y_{ure} buherire t_{ho} duaeraro õ sehe masijaro. Noaare yoeraparota “Cristore wacũ tuaja”, niboca tiro. Noaare yoeraro Cristore to wacũ tuaare painare masich_{ure} yoa masierara. Noaare yoariro pinihta noaare to yoaa mehne Cristore to wacũ tuaare masich_{ure} yoa masina. ¹⁹ “Cohamac_{ure} c_{airo}ta jira”, ni t_{hotura} m_{usa}. M_{usa} ã ni t_{hotuch} noa nina. Æ jipach_{uta} tó purota Cohamac_{ure} y_{htiro} marieno tirore m_{usa} masich_{ure} tí yaba cjihti jierara. Wat_{ia} c_h m_{usa} t_{hoturo} seheta t_{hotura}. Æ yoa Cohamac_{ure} to jia tiare masina tina. Æ masia, cuia, teterera. ²⁰ C_{airo} noano yoeraparota “Cristore wacũ tuaja”, ni t_{hoturo} jiro t_{ho} masierariro jira. Cristore wacũ tuamariro painare noano yoeraro potoc_{ãta} Cristore wacũ tuaerara. Õ sehe ni yahuihtja m_{sare} ahrire: ²¹ Abrahã mari ñ_{ch} cjiro to mac_{no} Isaa wama tirore cjirore wajãbasaa tiri jimare Cohamac_{ure}. Æ yoaro tirore tãa mehne ti yoari tuhu bui duhu payoa tiri jimare. Æ duhu payoro Cohamac_{ure} to dutiriro seheta

to mac_{no}re wajãno taro nia tiri jimare Cohamac_{ure} ño payoro taro. To ã yoach_{ure} ñ_{no} potoc_{ãta} Cohamac_{ure} to wacũ tuarire masia tiri jire Cohamac_{ure}. To ã wacũ tuariro to jich_{ure} masino, “Potoc_{ãta} noariro jira”, ni ñ_{aa} tiri jire Cohamac_{ure} tirore. ²² To ã ni ñ_{ch} ahrire masina m_{usa}: Abrahã Cohamac_{ure} wacũ tuaro tirore y_{htia} tiri jire. Æ y_{htiro} Cohamac_{ure} to wacũ tuarire masich_{ure} yoaro nia tiri jire. ²³ Æ jiro Cohamac_{ure} yare ti joari p_{ui} to niriro seheta ã wahaa tiri jire: “Abrahã Cohamac_{ure} wacũ tuaa tiri jire. To ã yoach_{ure} ñ_{no} ‘Noariro jira tiro’, ni ñ_{aa} tiri jire Cohamac_{ure} tirore”, ni joaa tiri jire Cohamac_{ure} yare ti joari p_{ui}. To ã ni ñ_{ch} masia “Abrahã Cohamac_{ure} mehne macariro jira”, nina masã tirore.

²⁴ Æ jina ahri y_{ure} yahuitire masina m_{usa}: “Cohamac_{ure} wacũ tuaja” niriro, to noano yoerach_{ure} ñ_{no} Cohamac_{ure} sehe tirore “Noariro jira”, ni ñ_{erara}. Cohamac_{ure} wacũ tuariro sehene potoc_{ãta} to noano yoach_{ure} ñ_{no} “Noariro jira”, ni ñ_{na} Cohamac_{ure} tiro sehene. ²⁵ Æta ni ñ_{aa} tiri jire Cohamac_{ure} Rahab wama tiricorore m_{aa} mehne ñ_{no} yoarucuricoro cjirore. Josué cjiro to warocarinare noano piti boca “Noano sãa tahga”, nia tiri jire ticoro. Æ yoaro tina ti tjuaa duach_{ure} ticoro sehe pa maha sehene ñ_{oa} tiri jire tinare “Tinare ñ _{tuhtiina} wajãri”, nino. To ã yoach_{ure} ñ_{no} “Noaricoro jira”, ni ñ_{aa} tiri jire Cohamac_{ure} ticorore. ²⁶ Æ tjira. Mari pjac_{ure}ure catia mariach_{ure} ji masieraja mari. Æ jiro catia marieno mari pjac_{ure} yaba cjihti jierara. Tó seheta “Cohamac_{ure} wacũ tuaja”, nipanahta painare mari noano yoerach_{ure} potoc_ã jierara mari wacũ tuaa. Æ jiro mari noano yoaa mariach_{ure} mari wacũ tuaa yaba cjihti jierara, catia marieni pjac_{ure} to yaba cjihti jieraro seheta.

3

Mari d_{seroi} wijaare yahuha

¹ Cohamac_{ure} yare masare buheina to yare ti noano yoerach_{ure} ñ_{no} tina pinihtare masare buheraina y_{hgoro} Cohamac_{ure} buhiri dahrerohca. Tíre masina m_{usa}, y_{ure} coyeya. Æ jina m_{usa}

mehne macaina masare buheina payu jiena tjiga. ² Jipihtina payu tahari mari ñaare yoaja. Cũiro ñaare durucuerariro Cohamacu cahmaare noano yoariro jira tiro. ã jiro paye ñaa cũhure yoerara. ³ Õ sehe jira ahri mari piti dahre buhechu: Cawalo to duseroi comaa pjĩ to ñahmanore ña dihohti pjĩne mari cũja, tirore mari majarerucachu yoana tana. ã yoana tí pjĩ comaa pjĩ mehne tirore to wahahto mari waja majareruca dapoja. Tí pjĩca mahari pjĩca to jipachuta tí pjĩ mehne tirore wahachu yoaja mari. (Õ sehetã mari dusero mahanocã to jipachuta tí dusero mehne pjĩro ñano yoaja mari.) ⁴ Dohoria quitĩ mehne piti dahre yahu namoihtja musare: Busoca pjiria to jipachuta tiare wihnono to tuaro wãrocapachuta oturiro sehe mahari pjĩca mehne tia nohoi to waha duaroi oturocara. ⁵ Tó sehetã jira mari duseroi wijaa. Mari dusero mahanocã to jipachuta tí dusero mehne pjĩro yoaja mari. Mahari pichacacã pjĩro to jũ wahcãno sehetã mari dusero mehne pjĩro ñaare yoa masija. ⁶ ã jiro mari dusero pichaca yoaro sehe jira. Mari duseroi wijaa jipihtia ñaare yoachu yoara marine. Pichaca to jũ ducaro sehetã mari duseroi wijaa mehne mari noano jiborirore ñabiaro yoaja mari. Ñaare durucuna watĩno to dutiro sehetã mari yoana nija. ⁷ Jipihtinare nucu macainare wahiquinare, minichahcare, chihchõ wahcãinare, wahire mari masa sitichu yoa masija. Mari payu tina barore masa sitichu yoa tuhsuja. ã jia tina noano tũho masina. ⁸ Tinare mari yũhtichu yopachuta mari dusero sehe ñaare durucuro ne tjueraputiara. ã jiro nuina ti niji siariro sehetã mari dusero sehe ne niji siaeraputiara. Mari duseroi wijaa ñabiaa jira. ã jiro ñima painare to wajãno sehetã marine paina cũhure ñabiaro wahachu yoara mari duseroi wijaa. ⁹ Mari dusero mehne Cohamacu mari puhtoro mehne mari noano durucuja. ã durucupanahta masa Cohamacu yoaro sehe jĩinare to bajuamehnerina ti jipachuta tinare ñabiaro ni durucuja mari. ¹⁰ Cũ duseroihta noaa durucua cũhu, ñaa durucua cũhu wijara. Yu

coyera, ã ni durucueraro cahmana. ¹¹ Máca pohtai mu wiori copai noaa co, ñaa co cũhu ne wijaaerara. ¹² Yu coyera, higuera olivo pocare dicha tierara. Tuhsu, secu higuera pocare dicha tierara. ã yoa máca pohtai mu wiori copai moa tia co to wijaaachu moa mariea co wijaaerara. (Tó sehetã mari duseroi noaa durucua, ñaa durucua mehne wijaaachu yoeraro cahmana. ã ni durucuaeraro cahmana.)

Noano masia waro õ sehe jira

¹³ Cãina musa mehne macaina noano masiina jira. Noano masiina musa jia tiare õ sehe yoa ñonahca musa. “Paina yũdoro noano masija sã”, niena tjiga. ã nienata noaare yoaga musa. ã noaare yoana potocãta noano masiina jira musa. ¹⁴ Wiho mejeta paio paye barore to cjuachu ñuna tíre tuaro cahmaina jina, paina mehne suarucuina jina, painare yũdũruca duaina jina, “Noano masiina jija sã”, niena tjiga musa. Musa ã niina jina mahõina jira musa. ¹⁵ ã yoaina ti tũhotua ne Cohamacu ya tũhotua jierara. Ti tũhotua Cohamacure yũdũrucaina ti ñano tũhotua jira. Tí tũhotua sehe watĩno ya jira. ¹⁶ Masa ti cjuare tuaro cahmaina, painare yũdũruca duaina ã cahma sayorucura. ã yoaina jia jipihtia ñaare yoarucura. ¹⁷ Paina sehe Cohamacu yare noano masiina sehe tina pinihta ã yoamacanocaa nierara. ã yoa tina ne cahma sayoerara. ã jia masa noaina, painare noano yũhtiina, pja ñaina, masare yoadohoina, masare cãno potori yoaina jira tina. Tíre yoaa, mahõono marieno yoara tina. ¹⁸ ã yoana cahmachea marieno jina, painare “Cahmachena tjiga”, mari ni yahuna, noaina wahachu yoana nija mari masare.

4

Ahri yahpa macaa ñaare cahmana, Cohamacure cahmaeraina jira musa

¹ ¿Dohse jiro baro musa cahma sayojari? ¿ã jina dohse jiro baro cahmachejari musa? Ñaare goa pjana, cahmache duara musa. Noaare yoa duapanahta ñaare

yoara m̄sa. ² Paye barore m̄sa cahmana. ã cahmana masare wajãna m̄sa ti yare nana tana. Pairo paye barore to cjuach̄u ñ̄na tíre m̄sa tuaro cahmana. ã cahmapanahta tíre na masierara m̄sa. ã yoa tíre cahma sayorucura m̄sa. Cohamac̄ure sinierana, m̄sa cahmaare ne bocaerara. ³ ã yoa sinina, m̄sa ya cjihti dihtare sinimana m̄sa, m̄sa cahmano seheta yoarucuna tana. Paina ya cjihti sehere sini payoerara m̄sa. ã jiro m̄sa sinich̄u Cohamac̄u m̄sa siniare waerara. ⁴ Cohamac̄ure cohãina jira m̄sa. Ahri yahpa macaa ñ̄aare cahmana, Cohamac̄ure cahmaeraina jira m̄sa. Ahri yahpa macaa ñ̄aare cahmaina Cohamac̄ure cahmaeraina ji tuhs̄ura. ¿Tíre masierajari m̄sa? ⁵ Õ sehe nia tiri jire Cohamac̄u yare ti joari p̄i: “Cohamac̄u Esp̄ritu Santore mari mehne jihtirore c̄h̄re. ã jiro Esp̄ritu Santo sehe marine cah̄no, ñ̄aare mari tuaro cahmapach̄uta cahmasãaerara tiro. To man̄no to namonore to cah̄i doaro seheta marine tuaro cah̄ina Esp̄ritu Santo”, ni joaa tiri jire panop̄ure. To ã ni joari wiho warota jierara. Potocãta jirota nina. ⁶ ã yoa Cohamac̄u marine noano yoadohora tirore mari noano yuhtihto cjihtore. Õ sehe nina Cohamac̄u yare ti joari p̄i: “Yuh̄u pinihta painare masi yuh̄urucaja’ nirirore, Cohamac̄u ñ̄u tuhtira. Pairo sehere ‘Ñariro, wiho jiriro jija’, niriro sehere Cohamac̄u yoadohora”, nina to yare ti joari p̄i. ⁷ ã jina Cohamac̄ure noano yuhtiina jiga m̄sa. ã yoa wat̄nore yuhtiena tjiga. M̄sa ã yuhtierach̄u ñ̄no tiro sehe m̄sare duhti wahcã m̄rocaa waharohca. ⁸ Cohamac̄ure noano yuhtiga m̄sa. M̄sa ã yoach̄u tiro sehe m̄sare yoadohorohca. Ñaina jira m̄sa. ã jina ñ̄aare yoa namoena tjiga. Ñaa c̄h̄ure cahmana, noaa c̄h̄ure cahmaina jira m̄sa. ã jina m̄sa ñ̄aa tuhotumarire cohtotaga. M̄sa ã yoach̄u ñ̄no Cohamac̄u m̄sa ñ̄aa yoari buhirire cohãnohca. ⁹ M̄sa ñ̄aa yoarire tuaro cahyana, buj̄ua witiga. ã yoana m̄sa ñ̄aare yoari buhirire tiiga. Tíre wahcheina jiena tjiga. ã jina m̄sa ñ̄aa yoarire ñ̄ano yajeripohna tiga. ¹⁰ “Ñariro,

wiho jiriro jija yuh̄u”, nina Cohamac̄ure ñ̄o payoga. M̄sa ã yoach̄u ñ̄no tiro sehe ñ̄o payoa mehne noano yoarohca m̄sare.

Ti coyeeare Jesu yainare ti basi ñ̄ano quiti dahre dutieraha

¹¹ Yu coyeeare Jesu yaina jina, m̄sa basi ñ̄ano quiti dahrena tjiga. M̄sa coyeeirore ñ̄ano quiti dahrena, tirore buhiri dahre duti duaina jina nica m̄sa. Cristo ya dutia sehe masare buhiri dahrehti dutia ji tuhs̄ura. ã jina masare ñ̄ano quiti dahrena Cristo ya dutiare õ sehe nina nica m̄sa: “Marine noano dutierara Cristo ya. ã jina mari m̄suro buhiri dahre dutijihna”, nina nica m̄sa masare ñ̄ano quiti dahrena. ã nina Cristo ya dutiare ñ̄ano ni durucuina tjuara m̄sa. ã jina tí dutiare yoeraina tjuara. ¹² Masare dutiare wariro, masare beseriro Cohamac̄uta jira. Masare pichac̄ap̄u wahaborinare tirota yuh̄duch̄u yoa masina. ã yoa tirota masare pichac̄ap̄u cohã masina. ã jina mari sehe masare “Ñaina jira”, ni masieraja. Cohamac̄u dihta mari coyeeare besehtiro jira.

Ñamichac̄ap̄ure dohse marijihtore masieraja mari

¹³ Mip̄ure yuh̄ure tuhoga m̄sa. Õ sehe niina tuhoga yuh̄ure: “Michare, ñ̄amichac̄are pa macap̄u jina wahanahca. Tóp̄ure c̄u c̄h̄ma jina, paye baro dua, nuch̄nahca. ã yoana wapatanahca mari”, nina cãina m̄sa mehne macaina Cohamac̄ure wac̄no marieno. ã niina jina, yuh̄u sehere tuhoga m̄sa. Tó sehe niinare ahrire yahui tai nija: ¹⁴ Ñamichac̄ap̄u dohse m̄sa jihtore masierara m̄sa. Me ti ji, dói pihti m̄ano seheta jira mari jia tia. Me mahanocã jiro, pihtia wahara. Tó seheta mari c̄h̄u mahanocã jina, yarianahca. ¹⁵ ã jina õ seheta ni tuhoturo cahmana m̄sare: “Cohamac̄u to cahmach̄u jinahca mari. ã jina õ sehe yoanahca mari”, ni tuhoturo cahmana m̄sare. ¹⁶ ã jipanahta mip̄ure “Mari m̄suro õ sehe yoanahca”, nirucumana m̄sa Cohamac̄ure wac̄no marieno. Tó sehe nirucuna painare yuh̄durucaina jina, ñ̄aare yoara m̄sa. ¹⁷ ã

jina noaare mari yoahtire masipanahta tíre yoaerana ñaare yoana nija mari.

5

Pache p̄are yahuha Santiago

¹ Pache p̄a m̄sa m̄p̄are t̄hoga ȳh̄are. Baharop̄are m̄sa ñano ȳhd̄nahca. ã jina tii sañurucuga m̄sa. ² M̄sa pache ba pihtia wahaahca. ã yoa m̄sa suhtire cas̄poca c̄h̄ ch̄ pah̄noahca. ³ Ahri dachorire, pihtiri dacho pano niñerure m̄sa p̄j̄ro wi-hboch̄ ne tí yaba cjihti jierara. M̄sa ã wi-hboch̄ ñano niñerure m̄sa cah̄ich̄ masina Cohamac̄. Tí niñeru to wapo wi-jiboriro seheta tí niñeru pihtia waharohca. ã jina niñerure m̄sa cah̄iri buhiri ñano ȳhd̄nahca pichac̄ap̄ m̄sa j̄ch̄ m̄sa p̄jac̄are j̄ p̄jaro seheta. ⁴ M̄sa wese-
serire dahra cohtainare wapaerare m̄sa. Tinare mah̄ore m̄sa. ã jiro tinare m̄sa wapaerari niñerure ñano, m̄sa mah̄orire masina Cohamac̄. M̄sare dahra cohtaina wapa na dua, sañurucura tina. Ti ã ni sañurucuch̄ mari p̄htoro Cohamac̄ tinare t̄hora. ⁵ Ahri yahp̄are paȳ pache mehne jia tira m̄sa. ã jina m̄sa ji coa dihtare yoaa tira m̄sa. ã jina p̄j̄iro wach̄ ti noano nuriro yoaro sehe jira m̄sa. P̄j̄iro wach̄ p̄j̄ro to ch̄ri baharo tirore ti waj̄hti cuhtup̄ na wahc̄ana. Tó seheta m̄sa c̄h̄re p̄j̄ro m̄sa c̄j̄ari baharo m̄sare to buhiri dahrehtop̄ na wahc̄anohca Cohamac̄. ⁶ Noainare ñano tí yoaerapach̄ta peresu yoa waj̄ dutire m̄sa tinare. M̄sa ã yoach̄ tina sehe m̄sare ȳhd̄uca masierare.

Cristo to tjua tahtore noano cohta dutiha marine Santiago

⁷ ã jina ȳ coyey, mari p̄htoro Cristo ahri yahp̄are to tjua tahtore noano cohtaga. Wese p̄ro to toaa dicha tihti p̄jare noano to cohtaro seheta noano cohtaga. Puhiro to d̄cach̄. baharop̄ coró to ta namoch̄ c̄h̄re to toaap̄are “Coro ta s̄ajaro” nino, to wesere to noano duhtore noano cohtara tiro. ⁸ To ã cohtariro seheta m̄sa c̄h̄ noano cohtaga. Mari p̄htoro to tjua tahto mahanoc̄a d̄hsara. ã jina Cohamac̄re ã wac̄ tuarucuna to tahtore ã cohtarucuga m̄sa.

⁹ Ȳ coyey m̄sa basi nurena tjiga Cohamac̄ m̄sare to buhiri dahrehta sehe. ã yoa ahrire wac̄ga m̄sa. Buhiri dahrehtiro to tahto mahanoc̄a d̄hsara. ¹⁰ Ȳ coyey, ñano ȳhd̄panahta mari p̄htoro noano cohtaga Cohamac̄ yare yahu m̄htaina cjiri tí yoariro seheta. Tina tí c̄no p̄j̄iro seheta c̄no p̄jaga m̄sa c̄h̄ tinare ñ̄ c̄na. ¹¹ ã yoa ahri ȳ yahuhtire wac̄ga m̄sa. Ñano ȳhd̄pahta Cohamac̄re duhueraina wahcheina jira. Panop̄ macarirore Job wama tirore c̄j̄irore t̄hore m̄sa. Tiro ñano ȳhd̄parota Cohamac̄re duhuerari jire. ã jiro to ñano ȳhd̄ri baharo Cohamac̄ tirore noano yoari jire. Cohamac̄ mari p̄htoro noano p̄j̄ ñ̄riro jiro ãta yoari jire tiro. Tí jipihtiare masina m̄sa.

¹² Ȳ coyey ahrire noano t̄hoga tjoa. Õ sehe ni wama payora masa: “M̄ano macariro mehne potoc̄a nina nija”, nina masare t̄ho dutia. Tuhs̄, “Ahri yahp̄ mehne potoc̄a nina nija”, nina masa. Paye mehne c̄h̄re wama payora tina. Tina yoaro sehe ã ni wama payoena tjiga. Ahrire m̄sare tuaro dutija. M̄sa painare yahuna, noano potota yahuga tinare. Wama payoro marieno ni yahuga tinare. ã m̄sa potoc̄a yahuch̄ ñano Cohamac̄ soro m̄sa niri buhirire buhiri dahresi.

¹³ M̄sa mehne macariro ñano ȳhd̄riro jiro, Cohamac̄re sinijaro tiro. Pairo wahcheriro jiro Cohamac̄re wahchea mehne basajaro. ¹⁴ M̄sa dohatina, Jesu yaina p̄htoare p̄j̄rocaga m̄sa. M̄sa ã p̄j̄rocach̄ tina sehe m̄sare se mehne wis̄ahca mari p̄htoro Jesu wama mehne to tuaa mehne. ã wis̄ tuhs̄, mari p̄htoro Cohamac̄re m̄sare sini payoahca tina. ¹⁵ ã tí sini payoch̄ “Mari sinino seheta tiro yoarohca”, tí ni t̄hotuch̄ Cohamac̄ m̄sare dohatiinare m̄sa dohatiare ȳhd̄ch̄ yoarohca. ã yoa m̄sa ñaa yoari buhiri m̄sa dohatiina jich̄ ñ̄a m̄sare sini payoahca. Tí ã sini payoch̄ ñ̄ano m̄sa ñaa yoari buhirire borohca Cohamac̄. ¹⁶ ã yoa m̄sa mehne macaina mehne m̄sa ñaa yoarire cahma p̄ bah̄seheri yahuga. ã ni tuhs̄, m̄sa basi Cohamac̄re cahma sini payoga.

Musa ã sini payochu musa sini payoinare Cohamacu yuhduchu yoarohca. Noaare yoaina musa jichu Cohamacure tuaro musa sini payoriro seheta yoarohca tiro. Ñ jia musa sini payoa tua nica. Wiho jia jierara. ¹⁷ Cohamacu yare yahu mahtariro cjiro Elia wama tiriro mari yoaro seheta masuno jia tiri jimare. Ñ jiro “Coro taero tjjaro” ni, tuaro sinia tiri jire Cohamacure. To ã ni sinichu tia cuhma noano pa cuhma dacho macai ahri yahrapare ne coro taera tiri jire. ¹⁸ Pari turi tjoa Cohamacure corore to sinichu coro taa tiri jire. Ñ jiro pari turi ahri yahpai yucari bucua, dicha tia tiri jire. (Ñ jia Cohamacure mari sinia wiho jia jierara.)

¹⁹ Yu coyea, musa mehne macariro Cohamacu yare duhuriro cjiro Cohamacu yare pari turi to cahmahto cjihtore tirore yahuna, noano yoana nina musa. ²⁰ Ñ yoa ahrire masiga musa: Cohamacure duhuriro cjirore Cohamacure pari turi cahmachu yoana, pichacaru waha-borirore yuhduchu yoana nica musa. Ñ jiro payu to ñaa yoari buhirire Cohamacu bo pahñonohca.

1 San Pedro

Jesu yainare macari waharinare joarocaha Pedro

¹ Yuhũ, Pedro, Jesucristo buhe dutiro to cūrirota jija. Ā jicũ m̄sare yoaro macaa macaripũ waha siterinare Ponto yahpapũ, Galacia yahpapũ, Capadocia yahpapũ, Asia yahpapũ, Bitinia yahpapũ tí yahparipũ waharinare m̄sare jipihtinare joarocaja yuhũ. M̄sare noa duti joarocaja yuhũ.

² Wahmanopũre Cohamacũ mari Pũcũ “Ō sehe yoaihtja”, to ni wacũyuriro seheta m̄sare besea tiri jire. To ā beseri baharo to yairo Espĩritu Santo sehe m̄sare Cohamacũ yaina cjihtire sōri jire. Ō seheta sōri jire tiro Jesucristore noano yuhtihina m̄sa jihto sehe, to di cohāri mehne m̄sa ñaa buhirire cosarina m̄sa jihto sehe. Cohamacũ to cahĩa mehne m̄sare noano jichũ yoajaro.

Jesu yaina jina marine m̄nanopũ to naah-tore cohtana nija mari

³⁻⁵ Cohamacũ marine tuaro pja ñũno, Jesucristo yariaro to masa m̄jari mehne marine pichacapũ wahaborinare yuhdũchũ yoare tiro. Ā marine yuhdũchũ to yoachũ pari turi mari masa bajariro seheta Cohamacũ to pohnata wahaja mari. Ā waha tiro mehne mari ā jirucuhtore noano masija mari. Ā jiro m̄sare noano yoaro taro m̄sare cohtaro nina. Tiro mehne m̄sa ā jirucuhtire cūnohca tiro. Ā jina ā jirucunahca m̄sa. Tórpũ Cohamacũ m̄sare to wahto ne baasi. Ahri yahpapũ mari ya ti wete wahāno seheta, ti ñaia waharo seheta Cohamacũ m̄sare to wahto ne ā wahasi. Ā jia ne pihtisi. Ā jiro tirore m̄sa wacũ tuachũ, Cohamacũ to tuaa mehne m̄sare ñũ wihboro, yuhdũchũ yoarohca. Pihtiri dacho jichũ m̄sare to yuhdũchũ yoarire masichũ yoarohca tiro. Marine to ā pja ñũchũ ñũna, Cohamacũre mari pũhoro Jesucristo pũcũrore ño payo, “Noana”, nijihna tirore.

⁶ Ā to yuhdũchũ yoahina jina, mahano ahri yahpai m̄sa jiro puro payũ tahari m̄sa ñano yuhdũpanahta wahchera m̄sa.

⁷ Ā ñano yuhdũpanahta Cohamacũre duhuerana m̄sa tirore noano wacũ tuarire masichũ yoana nica m̄sa. Uru ahri yahpa macaa pini pihtia wahaahca. Uru yuhdoro m̄sa wacũ tuaa sehe wiho waro jierara. Ā jia masa uru to jiare masi duaa doha ñũna. Urure ti doha ñũno seheta m̄sa wacũ tuaare Cohamacũ ñũ duaro “Ñano yuhdũjaro”, niboca m̄sare. M̄sa ā ñano yuhdũri baharo potocāta tirore m̄sa noano wacũ tuarucuchũ, Cristo ño payoa mehne m̄sare “Noano yoahre m̄sa”, ninohca. Ahri yahpapũ tjua taro ā ninohca.

⁸⁻⁹ Tirore Jesucristore m̄sa ñũerapanahta cahĩna m̄sa. Ā yoa mipũre tirore ñũerapanahta tirore wacũ tuara. Ā wacũ tuana, tuaro wahchera m̄sa. Cohamacũ ā m̄sare to wahchechũ yoachũ pjĩro wahchera m̄sa. Tí wahchea noa yuhdũara. Cohamacũ m̄sare pichacapũ wahaborinare yuhdũchũ yoarohca m̄sa tirore noano wacũ tuachũ. Ā jina pjĩro wahchera m̄sa.

¹⁰ Cohamacũ m̄sare to ā yuhdũchũ yoahore, m̄sare to tuaro cahĩare panopũ macaina Cohamacũ yare yahu m̄htaina cjiri tíre masi duaa, buhe, sinitu ñũa tiri jire. Ā jia tíre yahuyu joaa tiri jire.

¹¹ Cristo to ñano yuhdũhtore, to masa m̄jahtore, jipihtina bui pũhoro to sũho jihtore tina to masa bajuahto panopũta yahuyu tuhsũa tiri jire. Jesucristo to yairo Espĩritu Santo to yoadohoa mehne ā yahuyua tiri jire tina. Ā yahuyua tina Cohamacũ yare yahu m̄htaina cjiri ti yahurire noano masi duaa sinitu ñũa tiri jire tina Cohamacũre. Espĩritu Santo “Cristo wihrohca”, to nirirore “¿Dohse jichũ wihrohcarĩ?” ni sinitu ñũa tiri jire tina. “¿To wihichũ dohse waharohcarĩ?” nia, tó cũhare sinitu ñũa tiri jire. ¹² Tí ti yahuyuri cjiri ti basi ti masihti cjihti jiera tiri jire. Tíre tinare masichũ yoaa tiri jire Cohamacũ. Mari sehe mari masihti cjihti jiri jire Cohamacũ yare yahu m̄htaina cjiri ti joari cjiri. M̄nanopũ tariro Espĩritu Santo to yoadohoa mehne mipũre noaa buheare m̄sare sã yahuja. Panopũ m̄sa masihti cjihtire ti yahuyuri cjiri títa jinocaata nina mipũre m̄sare sã yahua. Tí buheare anjoa

cũh tuaro masi duaa tiri jire.

Cohamacũ marine ñaa marieina ji dutira

¹³ Ñ jina noano wacũ masitjiãhna jiyuga m̄sa. Ñ yoana noano tuho masiina jiga. Cristo to tjua tachũ Cohamacũ m̄sare noano to yoahore wacũga. Ñ yoa tíre noano cohtaga. ¹⁴ Panopũ Cohamacũre masierasinina ñaare goa pjaina jimare m̄sa. Mip̄are tíre yoaena tjiga. Ñ yoaerana ti pohna ti p̄cũsumare noano ti yũhtiriro seheta Cohamacũre yũhtiga m̄sa. ¹⁵ Ñ yoana to yaina cjihtire m̄sare beseriro ñaa marieriro to jiro seheta m̄sa cũhũ ñaa marieinata jiga. Ñ jina noaa dihtare yoaina jiga. ¹⁶ Ñta ni joaa tiri jire Cohamacũ yare ti joari p̄ũ: “Ñaa marieriro jija yũhũ. Yũ ã jichũ m̄sa cũhũ ñaa marieina jiga”, ni joaa tiri jire.

¹⁷ Tiro Cohamacũ jipihtina cãinare ti yoarire ñũno cãno potori besera tinare. Ñainare, noainare besera. To ã beseriro jichũ tirore “Yũ P̄cũ” ni duana noano yoaga. Ahri yahpai m̄sa jiro puro cua pisaro mehne Cohamacũre ño payoro mehne noano jirucuga m̄sa jiape nino marieno. ¹⁸ M̄sa ñũchũsuma cjiri ti yoari cjiri ne yaba cjihti jierari jire. M̄sa cũhũ ti yoariro sehe yoaina m̄sa jipachũta Cristo m̄sare to yaina cjihti yoare. Wapamoinare ti wapamorire ti boriro seheta tiro sehe m̄sa ñaa yoari buhirire potota bonocare. Tíre noano masina m̄sa. M̄sare ã yoaro plata mehne, uru mehne wapa wioerare tiro m̄sare ã yoaro. Plata, uru butia wahaahca. ¹⁹ Tiro sehe oveja noariro, wete marieriro yoaro seheta jiriro Cristo to di mehne to yariari mehne m̄sa ñaa yoari buhirire cohã, m̄sare yũhdũchũ yoare. To di mehne marine ã yoaro wiho waro ã yoaro nierare. ²⁰ Panop̄ure ahri yahpare to bajuamehnehto pano Cristo to ã wahahto cjihtore masi tuhsũa tiri jire Cohamacũ. Mip̄ũ sehere pihtiri dacho panocã to jichũ, Cristore noano masichũ yoare Cohamacũ m̄sare. ²¹ Cristo to yoadohoro mehne Cohamacũre wacũ tuara m̄sa. Cohamacũ sehe Cristore yariarirore masori

jire. Ñ yoaro tirore m̄sanop̄ũ cũno jipihinare tirore ño payochũ yoari jire Cohamacũ. To ã yoachũ tirore Cohamacũre wacũ tuara m̄sa. M̄sa ã wacũ tuachũ tiro noano yoara m̄sare. Ñ jina m̄sare to yũhdũchũ yoahore noano masi, cohtara m̄sa.

²² Noaa buhea ti niriro seheta yoaina jina, m̄sa ñaa yoari buhirire cohãrina jira m̄sa. Ñ jiina jina potocãta mari coyeare Jesu yainare cahĩ masina m̄sa. Ñ jina m̄sa mehne macainare m̄sa yajeripohnari mehne tuaro cahĩga. ²³ Ñ yoa pari turi wahma masa bajuaina yoaro sehe jiina Cohamacũ pohna wahare m̄sa. Mari p̄cũsuma ti pohna tirina jina baharo yarianahca. Tí yoaro sehe jierara Cohamacũ pohna m̄sa wahachũ. Cohamacũ to buhea mehne to catichũ yoaa buhea mehne to pohna wahare m̄sa. Tí buhea mehne Cohamacũ mehne ã jirucunahca mari. ²⁴ Ñ sehe nina Cohamacũ yare ti joari p̄ũ: “Jipihtina masa tja yoaro sehe jira.

Ñ yoa noaa ti cjũaa, tja cohoru yoaro sehe jira.

Tja ñaia wahara. Cohori cũhũ buru bora, baa wahara.

Tí yoaro seheta yariara masa cũhũ.

²⁵ Mari p̄hutoro ya buhea sehe ne pihtisi. To niriro seheta ã waharohca”, ni joaa tiri jire. Tí buhea m̄sare ti yahuri cjiri noa buheata jira.

2

¹ Ñ Cohamacũ pohna jina jipihtia ñaa yoare, mahñoare, ti baharo buhũsehei ñano yoa cohtaare, paina ti cjũaare cjoare, painare ñaa quitu dahreare tíre duhuga m̄sa. ² Ñ yoa wahma masa bajuaina p̄chore ti tuaro cahmano seheta m̄sa cũhũ noa buheare Cohamacũ yare tuaro cahma namoga. Ñ cahma namoga m̄sa tirore m̄sa wacũ tua namohto sehe, to yũhdũchũ yoaina m̄sa wahahto sehe. ³ Ñ yoaga m̄sa mari p̄hutoro m̄sare to noano yoare masiina jina.

Cristo catichũ yoariro tãca yoaro sehe jiriro jira

⁴ Cristo catichũ yoariro tãca yoaro sehe jiriro jira. Wũhũ dahreina cũria tãcare ti

cahmaeraro sehetá masa tirore cahmaerare. Cohamacu sehe tirore to ñuchu to beseriro noa yuhduariro jira. To ã jiriro jichu tirore wacũ tuaga. ⁵ MUSA cãhu wãhu macaa tãa yoaro sehe jira. MUSA ã jina Cohamacu ya wãhu macaa tãare noano ti cãriro sehetá mUSA to yaina cãhu noano mehne jinahca mUSA. ã yoana Cohamacu ya wãhu macaina noaina sacerdotea jinahca mUSA. ã jina sacerdotea wahiquinare wajã jã mUSA Cohamacu ti wariro sehetá Jesucristo to yoadohoa mehne Cohamacu yare noano yoanahca mUSA. MUSA ã yoachu ñu ji coarohca Cohamacu. ⁶ Õ sehe nina Cohamacu yare ti joari pũ:

“Tãca wãhu ti cã mũhtari tãca marieno wãhure yoa dũca masierara.

Tó sehetá Cristo marieno yu yaina waha masierara masa.

ã jiro tiro wiho jiriro jierara.

ã jicu tirore Jerusalẽru mipure cãi nija.

Tiro yu beseriro noa yuhduariro jira.

ã jia tirore wacũ tuaina wahche, ne buo tisi”,

ni joaa tiri jire Cohamacu yare ti joari pũ.

⁷ Tirore wacũ tuaina sehe noa yuhduaro wahaahca. ã jiro wiho jiriro jierara tiro. Tirore wacũ tuaeraina sehe soro wahaahca. Tinare õ sehe nina Cohamacu yare ti joari pũ:

“Ahriro Cristo tãca yoaro sehetá jira.

Tãcare wãhu dahreina ti cohãno sehetá masa tirore cohãahca.

Ti ã yoapachuta mipure wãhu dahreina wãhure yoa ti cã mũhtari tãcare ti cãno sehetá Cohamacu tirore puhtoro sõre”,

ni joaa tiri jire. ⁸ Õ cãhure nina Cohamacu yare ti joari pũ:

“Murocariro tãcare doca wahã sũro to wacũ wahcãnore ne sũerara.

Tó sehetá tãca yoaro sehe jirirore Cristore cahmaerana, tirore yuhduarucana, Cohamacu caharu sũsi mari”,

ni joaa tiri jire panoru. Tina Cohamacu ya buheare yuhtierare. Cohamacu panoru “ã waharohca”, to niriro sehetá Cristore cahmaerare tina. ã yoahinare cãa tiri jire Cohamacu tinare.

Õ sehe jira Cohamacu yaina

⁹ MUSA sehe Cohamacu to beserina jira. Tiro mari puhtoro to yaina sacerdotea tirore dahra cohtaina jira mUSA. ã jina to ya curua macaina ñaa marieina Cohamacu yainata jira mUSA. ãta jira mUSA. Cohamacu noa yuhduare to yoarire painare yahuhtina cjihti jira mUSA. MUSA besea tiri jire nahitiano iina mUSA jiboro sehetá ñaare yoarucu dutieraro. ã besero noano buhriaroi iina ti noano ñu masino sehetá, Cohamacu noano masiina, to yare yoarucuina ji dutira mUSA. ¹⁰ Panopure Cohamacu yaina jierari jire mUSA. Mipru pinihtare to yaina jira mUSA. Panopure mUSA pja ñuriro mUSA mariasiniri jire. Mipru sehere mUSA Cohamacu pja ñure.

Cohamacu yare yoaina jiga mUSA

¹¹ Yu cahãina, ahri yahpai ji dojoahntina jierara mUSA. Cohamacu yaina jira mUSA. MUSA ã iina jichu ahrire tuaro yahuja mUSA: MUSA ñaare goa pjaare ne yoaena tjiga. Tí ñaare yoana, Cohamacu ñu tuhtiina, ñaina wahana nica mUSA. ¹² Cohamacu cahmaeraina wato iina noano yoaina jiga mUSA, mUSA “Yahusãari”, nina. MUSA ã yoaina jichu tina mipure mUSA ñano yahusã duapahta, mUSA noano yoare masiahca tina. ã masia, tina Cohamacu “Noariro, tuariro jira”, niahca. Õ sehetá niahca Cristo ahri yahparu to tjua tachu.

¹³ Mari puhtoro yuhti duana ahri yahpa macaina puhtoa cãhure yuhduarucaina jiena tjiga mUSA. Ahri yahpa macarirore mUSA jipihtina bui puhtoro jirirore tiro cãhure yuhtiga. ¹⁴ Puhtoare yuhduarucainare buhiri dahre dutiro, warocara tiro tirore yoadohoinare. ã yoa noano yoainare “Noano yoare mUSA”, ni dutiro warocara tiro. To ã warocachu, tina cãhure yuhtiga mUSA. ¹⁵ MUSA noano yoachu ñu tuho masieraina ti mu sũro mUSA quiti dahre duapahta quiti dahre masierara. MUSA ãta yoachu cahmana Cohamacu. ã jina mUSA puhtoare yuhtiga.

¹⁶ Cohamacu mUSA puhtoro jira. Painare dahra cohtaina jierara mUSA. ã jipanahta “Sãre dutiriro mariaha. ã jina ñaare yoanahca”, ni tuhotuena tjiga “Ñaare

yoari”, nina. Cohamacure dahra cohtaina jira musa. Æ jina tirore noano yuhtiina jiga musa. ¹⁷ Jipihtina masare ño payoga. Mari coyea Jesu yainare cahiga. Cohamacure cua pisaro mehne ñuga. Ahri yahpa macaina jipihtina ti bui puhtoro jiri cãhure ño payoga.

Cristo ñano yuhduro to cãno pjariro se-heta cãno pjaga musa cãhu

¹⁸ Dahra cohtaina, cua pisaro mehne musa puhtoare yuhtiina jiga. Noaina, musare noano yoaina dihtare yuhtiina jiena tjiga. MUSA mehne suaina cãhure yuhtiga mUSA. ¹⁹ MUSA ñano yoerapachuta musare ti buhiri dahrechU CohamacU to cahmano seheta tíre mUSA cãno pjachU “Noano yoare mUSA”, ninohca CohamacU musare. ²⁰ MUSA ñano yoari buhiri tina musare ti buhiri dahrechU tíre mUSA cãno pjachU tí yaba cjihti jierara. Tí yaba cjihti jierapachuta noano mUSA yoapachU ti buhiri dahrechU tíre noano mehne mUSA cãno pjachU CohamacU “Noano yoare mUSA”, ninohca musare. ²¹ Æ ñano yuhduhtinare ji dutire CohamacU musare to yainare. Cristo mUSA ya cjihtire ñano yuhdare tirore mUSA ñu cũhto sehe. ²² Tiro ne ñano yoerare. Æ yoa ne mahnoerare. ²³ Tirore ti tuhtichU, tiro sehe tinare tuhti cahmaerare. Tirore ti ñano yoapachuta “Cjãihtja musare”, ne nierare tiro. Ti ã yoapachuta tinare CohamacU to buhiri dahrehtore quihõno to yoahtore masino, “YU PUcUPU tinare buhiri dahrerohca”, ni tuhoture tiro. ²⁴ Tiro to basi crusapU mari ñaa buhirire yariare. Æ waha yariare pari turi mari ñaare yoerahto sehe, CohamacU cahmaa sehere mari yoahito sehe. Tiro ñano camí tíre marine pichacapU waha-borinare yuhduchU yoaro taro. ²⁵ Oveja wisia ti butiro seheta mari cãhu pichacapU butihtina jimai. MipU sehere Cristore ovejare ñu wihboriro yoaro sehe jirirore, marine ñu wihborirore wacũ tuaja mari. Æ wacũ tuana, to yaina wahi mari.

3

Wamomaca duhteinare õ sehe yoaro cahmana tinare

¹ Æ yoa dahra cohtinare yU dutiriro se-heta mUSA namosãnumiare dutihtja. MUSA manUSumare yuhducaena tjiga tina CohamacU ya buheare ti cahmahto sehe. Cãina tina to ya buheare cahmaeraina jia, tinare mUSA yuhducaerachU ñua CohamacU ya buheare cahmaboca tina. Tí buheare mUSA yahuerapachuta to yare cahmaboca tina. ² Æta cahmaboca tina mUSA noano yoare, mUSA ño payoa cãhure ñua. ³ MUSA numia, carea numia yoaro sehe yoena tjiga. Æ yoa mUSA pjoarire wuhawe sapahtaa numia, uru darire busaa numia, wapa ti yuhduca suhtire sãa numia jiena tjiga mUSA, musare “Goa pjachU yoari”, nina. ⁴ Æ yoa mUSA cua pisaro mehne painare niji siaroca mehne yoaa numia jina, noano sahduca numia jina, ahrieta ñu ji coachU yoaga. Ahrire mUSA yoachU wiho waro jierara, CohamacU to ñuchU. ⁵ Õ seheta yoaa tiri jire panopU macaa numia CohamacU ya numia cjiri. Tí numia Cohamacure wacũ tuaa numia jia, ti manUSumare yuhducaera tiri jire. ⁶ Tó seheta Sara cjiro to manUo Abrahã cjirore noano mehne yuhtia tiri jire. Æ jiro tirore “Puhtoro”, ni pisua tiri jire. Æ jina mUSA noano yoaa numia jina, cuiro mariea numia jina, Sara cjiro pohna numia yoaro sehe jira mUSA cãhu.

⁷ To noano yoariro seheta mUSA cãhu mUA mUSA namosãnumiare noano yoaga. Tí numia mari mUA yoaro sehe tua numia jierara. Æ jina ño payoa mehne noano yoaga tí numiare. CohamacU jipihtia dachoripe tiro mehne mari jihtore marine to wariro seheta tí numia cãhure warohca tiro. Ti ã jiina jichU tí numiare noano yoaga. Cohamacure mUSA siniare mUSA dojomehnerahto sehe tí numiare noano yoaga.

Noano ti yoapachuta paina tinare ti ñano yoare yahuha Pedro

⁸ Ahri mehne yahu batoihtja: MUSA jipihtina cãno mehne noano mehne jiga. Æ jina mUSA mehne macainare noano pja ñuina jiga. MUSA coyea Jesu yainare pu-buhuseheri cahma cahiga. Æ jina noano yoaga tinare. Æ yoa “Wiho jiina jija”,

ni t̄hotuga. ⁹ Paina m̄sare ñano ti yoach̄u tinare ñano yoa cahmaena tjiga. M̄sare ti tuhtich̄u tinare tuhti cahmaena tjiga. M̄sare ti ã yoapach̄uta noano yoaga tinare. ã yoana “Noano jiga”, niga tinare. Tíre yoah̄tina c̄jhtireta to yaina c̄ũre m̄sare Cohamac̄u sehe m̄sare noano yoaro taro.

¹⁰ ãta nina Cohamac̄u yare ti joari p̄ũi: “M̄sa noano wahchea mehne ji duana ne ñano ni durucuena tjiga.

Painare mah̄noena tjiga.

¹¹ Ñaa yoaare duhunocahga.

Noaa sehere yoaga.

Cahma m̄sa basi ñ̄u tuhtiro marieno jiga.

M̄sa noano jhtore tuaro cahmaga.

¹² Cohamac̄u cahmaare yoaina mari p̄h̄toro ã ñ̄u wihborucuro nina.

Tirote ti siniare ã t̄horucuro nina.

Ñano yoaina sehere tiro ñ̄u tuhtira”,

ni joaa tiri jire.

¹³ Noare m̄sa tuaro yoach̄u paina sehe m̄sare ñano ȳhd̄ch̄u yoa dua bihosi tina. ¹⁴ Noano m̄sa yoapach̄uta m̄sare ñano ȳhd̄ch̄u ti yoach̄u ñ̄no Cohamac̄u m̄sare noano yoarohca. ã jina painare cuiena tjiga. ã yoa p̄j̄ro t̄hotuena tjiga.

¹⁵ Cristore “Sã p̄h̄toro jira” ni, m̄sa t̄hotuna, ño payoga tirote. ã yoana Cristore m̄sa wac̄ũ tuaare, Cohamac̄u mehne m̄sa jhtore paina ti sinituhto pano tinare m̄sa ȳhtih̄tore noano masiyuga. ã ȳhtina niji siaro mehne, noano ño payoa mehne yahuga tinare. ¹⁶ Noaina jiga. ã jina “Ñaaare yoaja”, ni t̄hotusi m̄sa. ã jia Cristo yare noano yoaina m̄sa jich̄u paina m̄sare ñaa quiti dahrea, b̄oro wahaahca tina. ¹⁷ Ñaaare m̄sa yoari buhiri m̄sa ñano ȳhd̄ch̄u noaerara. ã yoa Cohamac̄u cahmach̄u noaare m̄sa yoapach̄uta m̄sa ñano ȳhd̄ch̄u noa nina tí pinihta.

¹⁸ Õ sehta ȳhd̄re Cristo. Cã tahata jipihtina ti ñaa buhirire yariare tiro. Noariro jire. ã jiro ñaina mari jich̄u mari yaro jiborirore ñano ȳhd̄re tiro. Ñano ȳhd̄re tiro marine Cohamac̄u yaina wahach̄u yoaro taro. To p̄jac̄u yariaa wahare. ã yariaparota to catia mehne masari jire. ¹⁹ ã masariro jiro tiro ti buhiri

dahrehtore cohtaina cjiri presu jiina cjiri variarina cjirire buheri jire. ²⁰ Tina cohtaina panop̄u Cohamac̄u ȳhtieraina cjiri jia tiri jire. Tí p̄jap̄re Noé c̄jro to jiri p̄jap̄re, p̄jiria dohoriare dohoro nia tiri jire. Tiare to dohoro watoi Cohamac̄u ȳhtieraina cjirire ti ȳhtich̄u cahmano yoari p̄ja cohtaa tiri jimare Cohamac̄u. ã yoa mahainacã ochota dia mininore ȳhd̄ua tiri jire. ²¹ Minia ti ȳhd̄ariro sehta bautisaa mehne ȳhd̄ara masa. Mari p̄jac̄u mari wete t̄ju cosaro sehe jierara bautisaa. Soro sehe jira bautisaa. “Ñaa buhiri marieina jija”, mari ni masihtore Cohamac̄u “M̄h̄are wac̄ũ tuaja”, mari ni yahua jira ahri bautisaa. ã yoa Jesucristo to masa m̄jari mehne ȳhd̄ja mari. ²² Tiro Jesucristo m̄anop̄u wahari jire Cohamac̄u poto b̄h̄usehei jiro, tiro mehne dutiro taro. ã jiro tiro anjoa bui, m̄ano macaina p̄h̄toa bui, dutiina bui ti p̄h̄toro jira.

4

Cristo yaina jina noa sehere cohtotaina jinahca

¹ Mari ñano ȳhd̄na ñano yoaare duhunocaja mari. Cristo ñano ȳhd̄ari jire. ã jina tiro ñano ȳhd̄aro to cuierariro sehta to suaerariro sehta m̄sa c̄h̄u to yoariro sehta yoaga. ² Õ sehta yoaga m̄sa ñaaare m̄sa goa p̄jaare pari turi m̄sa yoaerahto sehe, Cohamac̄u cahmaa sehere m̄sa yoarucuhto sehe. ³ Panop̄u Cohamac̄u cahmaeraina ñaaare goa p̄jaare ti yoariro sehta yoarucuri jimare m̄sa c̄h̄u. B̄o tiro marieno ñano yoana, ñaaare goa p̄jaare yoana, cahana, cahaa b̄ose n̄m̄rine yoana, “Cohamac̄u jira”, m̄sa nia mas̄rine, Cohamac̄u to ñ̄u yabia mas̄rine ño payona ahri sehereta yoari jimare m̄sa. ã jina tó purota yoa batoaga. ⁴ ã jia tí ñaputiare yoaina mehne m̄sa jisínich̄u mip̄re m̄sa tíre yoerach̄u ñ̄u tina sehe ñ̄u c̄uaa wahara. ã yoa m̄sare ñano quiti dojomehnena. ⁵ Tí ã yoach̄u ñ̄no tí ñaa yoarire Cohamac̄u sehe sinitu ñ̄no, yahu ȳhd̄u dutirohca tinare. Tiro catinare, yariaina c̄h̄ure besehtiro buhiri

dahrehtiro jira. ⁶ To ã besehtiro jichu jipihtina masa sehe mipu yariarina cjirire noa buheare yahure Cristo ti yariahto pano. Õ sehta ni yahure ti pjacurire Cohamacu to yaria dutipachuta. Ñ yahure tiro Cohamacu jipihtia dachoripe to jiro sehta tiro mehne ti jirucuhto cjihtore.

⁷ Pihtiri dacho cjihto mahanocã dũhsara. Ñ jina noano tũho masiina jiga, mipure Cohamacu mehne musa durucuhto noano. ⁸ Painare cahĩna payu tahari ñaare ti yoapachuta ã ñunocaja mari. Ñ jina musa mehne macainare ã cahĩrucuga. Paye dutia yũdoro tíreta yoaga. ⁹ Musa mehne macainare ne nureno marieno musa wũhũsepu sãa ta dutiga tinare. ¹⁰ Cohamacu musare cãinare musa yoa masihtipe cũri jire. To ã cũchũ, musa yoa masiriro sehta musa mehne macainare tire noano yoaga. To cũriro sehta painare noano yoadohona, Cohamacu to cũriro sehta noano yoana nica musa. ¹¹ Musa Cohamacu yare noano yahuina jina, Cohamacu to yahuboriro sehta noano yahuga musa cũhũ. Masare yoadohoina jina Cohamacu to cũri tuaa mehne painare yoadohoga. Tí jipihtiare yoana Cohamacure masa ti ño payohto sehe ã yoarucuga. Jesucristo sehe tíre musa yoachũ yoadohorohca. Tirore jipihtia dachoripe ño payoa, “Tuariro jira”, nino cahmana jipihtinare. Ñta nijaro.

Jesu yaina ti jiri buhiri ti ñano yũhdũare yahuha Pedro

¹² Yu cahĩina, mipure ñaputiaro yũhdũna, “Cue, soro jiro wahaca yũhũre” ni, wacũ cũaena tjiga. Musa ñano yũhdũchũ Cohamacu musa tirore wacũ tua namochũ yoa duaro, “Ñano yũhdũjaro”, nino nica tiro. ¹³ Cristo to ñano yũhdũriro sehta musa cũhũ ã wahana, wahchega musa. Ñ wahchena Cristo to si sitea mehne to tjua tachũ musa noano wahchenahca. ¹⁴ Cristo yaina musa jiri buhiri paina musare ti tuhtichũ Cohamacu to yairo Espĩritu Santo to si siteriro musa mehne jiro nina. Ñ jina wahchega musa. ¹⁵ Ñ yoa masare musa wajãri buhiri, musa yacari buhiri, paina ti yoarire ñana tinare musa soro ni dojomehneri buhiri musa ñano yũhdũchũ

ñaa nina. ¹⁶ Ñ jipachuta Cristo yaina musa jiri buhiri ñano yũhdũna, bũo tienã tjiga. Ñano yũhdũpanahta Cristo yaina musa jiare wahchena, Cohamacure “Noana” ni, ño payoga musa.

¹⁷ Cohamacu to yaina ti yoarire ñuno to besehti pja jiro nina mipure. Jipihtina mari to yaina mari yoarire ñuno bese mũhtanohca “Ahri ñaa jira. Ahri noaa jira”, nino. ¿Ñ bese mũhtano dohse yoarohcari to yaina jieraina sehere? Tirore yũhtieraina sehere tuaro buhiri dahrerohca. ¹⁸ Õ sehe nina Cohamacu yare ti joari pũ: “Noaina yũhdũahca. Ti ã yũhdũhto mijo curera. To ã mijo curechũ Cohamacure cahmaeraina sehe ne yũhdũsi. Basioerara tinare”, nina Cohamacu yare ti joari pũ. ¹⁹ Ñ jina Cohamacu to cahmachũ musa ñano yũhdũina jina, noaare musa yoarire ne duhuena tjiga. Ñ yoa musare bajuamehnerirore musare ne duhuerarirore tirore wacũ tuarucuga musa.

5

Jesu yaina ti yoahore yahuha Pedro

¹ Mipure Jesu yaina cahmachuina pũhtoare yahuihtja. Yũhũ Jesu yaina pũhtoro jija. Musa cũhũ ti pũhtoa tjira. Musare yũ yoaro sehe pũhtoa jĩinare ahrire yahui tai nija yũhũ. Cristo to ñano yũhdũriro ñuriro cjiro jicũ, mũanopũ Cristo mehne yũhdũhtiro jicũ ahrire musare yahuihtja: ² Cohamacu yaina oveja yoaro sehe jira. Musa sehe ovejare ñũ wihboina yoaro sehe jira. Tinare Cohamacu musare to cũrinare musa yaina masare noano ñũ wihboga. Ñ yoana Cohamacu to cahmariro sehta noano yajeripohna tia mehne tinare ñũ wihboga. Ñ tinare ñũ wihbona, “Sã ñũ wihbori wapa niñerure wapatanahca”, niena tjiga musa. Wahchea mehne tinare ñũ wihboga. Wahchea mehne tinare ñũ wihboga. ³ Ñ ñũ wihbona tinare ñano dutipena tjiga. Ñ jina noano yoaga musa Jesu yaina musare ti ñũ cũhto sehe. ⁴ Musa ã yoana Cristo jipihtinare marine ñũ wihboriro to tjua tachũ pũhtoro to pisari soro noano si siteri sorore musare to waboriro sehta tiro musare noaare to

wahtore cjuannahca. Tí m̄usa cjuah̄ti ne pihtisi. ã jina tiro mehne yuh̄d̄annahca m̄usa.

⁵ Tinare yu dutiriro seheta m̄usa wahma yapia c̄hu tinare m̄usa puhtoare yuhtiina jiga. ã yoa m̄usa mehne macainare jipih̄tinare ño payoa mehne yoadohoga. Õ sehe nina Cohamacu yare ti joari p̄i:

“Masare yuh̄d̄ar̄uca duainare Cohamacu ñu tuhtira.

Painare ño payoina sehere ‘Wiho jiina jija’, ni tuhotuina sehere noano yoara tiro”,

nina to yare ti joari p̄i. ⁶ ã jina Cohamacu tuariro m̄usare to dutichu “Wiho jiina jija” ni, tirore ño payoga. M̄usa ã yoach̄u to quih̄ori p̄a jich̄u m̄usare paina ño payoahca to dutiro mehne. ⁷ Tiro m̄usare p̄j̄iro tuhotu ñu wihbora. ã jina ne p̄j̄iro tuhotuena tjiga m̄usa sehe.

⁸ ã yoa wac̄u masi jinohbu. M̄usare ñu tuhtiriro wat̄ino yairo suariro to maca ch̄uro seheta m̄usare ñano yuh̄d̄uch̄u yoa duara. ã yoa m̄usare ñano yoa dutira.

⁹ Jipih̄tirop̄u ahri yahpap̄ure paina Jesu yainare ñano yuh̄d̄uch̄u yoa, ñano yoa dutira wat̄ino. Tíre masina, tirore yuhtiena tjiga. ã jina Cristore tuaro wac̄u tuaga m̄usa. ¹⁰ ã yoa mahanoc̄a m̄usa ñano yuh̄d̄ari baharo Cohamacu m̄usare yoadohorohca. M̄usare noaina jich̄u yoarohca. Tirore m̄usa wac̄u tua namoch̄u, tirore m̄usa ne duhuerach̄u yoarohca m̄usare. Tiro jipih̄tia dachoripe m̄uanop̄u Cristo mehne m̄usa jihtore m̄usare c̄riro jira. Tiro Cohamacu jira jipih̄tinare p̄a ñur̄iro.

¹¹ “Jipih̄tia dachoripe tiro tuariro jira”, ni ño payojihna tirore. ãta yoarucujihna.

Noa duti batoaha Pedro

¹² Ahri p̄uc̄are mahari p̄uc̄are m̄usare yu waroca duach̄u Silvano sehe yuh̄are joabasahre. Tiro Jesu yairo yu coyeiro, Jesu yare ã yoarucuriro jira, yu tuhotuch̄u. M̄usare noano yahu duaja. ã jicu “Ahri buhea potoc̄ata Cohamacu m̄usare to cah̄a buhea jira”, ni yahucu m̄usare ahri p̄ure joarocaja. ã jina ahri buheare ne duhuena tjiga m̄usa.

¹³ M̄usare to yaina cjihtire to beseriro seheta Jesu yaina Babilonia macaina c̄h̄ure besea tiri jire Cohamacu. Tina sehe m̄usare noa dutira. Marco yu macu yoaro sehe jiriro c̄hu m̄usare noa dutira. ¹⁴ M̄usa mehne macainare noano mehne piti bocasiniga.

Jipih̄tina Jesucristo yaina noano jiga m̄usa.

2 San Pedro

Jesu yainare joarocaha Pedro

¹ Yuhh Simo Pedro Jesucristo buhe du-tiro to cūrirota jija. Tirore dahra cohtariro jija. Jesucristo, Cohamacu waro jiro, ñaa buhiri marieriro jiro marine cūno potorita yuhdychu yoariro jira. Æ jiro tirore mūsa wacū tuachu, to yaina wahachu yoare mū sare. Mūsa Æ wacū tuachu wiho waro jierara, Cohamacu to ñachu. Æ to yaina mūsa wahachu mari cūno potorita to yaina jija. Æ jicu mū sare joarocaja.

² Æ yoa Cohamacu cūhure mari puhtoro Jesu cūhure masi namona ti cahña mehne noano jirucunahca mūsa. Æ noano mūsa jihto sehe mū sare sini payoja. Æ nicu mū sare noa dutija. Cohamacu mū sare pjīro noano yoa namojaro.

Õ sehe jira Cristo yaina

³ Cohamacu ñaa marieriro jiro, to tuaa mehne marine to yaina jihtinare bese cū tuhsua tiri jire. To Æ bese cūchu tūhona, tirore masina to yaina wahaja mari. Æ waha-na Cohamacure masi namona, to tuaa mehne to cahmano seheta noaina jinahca mari. ⁴ Tí to tuaa mehne marine noa yuhduaro yoare. “Õ seheta mū sare noano yoaihtja”, to niriro seheta marine noa yuhduaro yoara. Marine to Æ yoachu ñuna Cohamacu to jiro seheta waha namonahca mari. Æ jina ahri yahpa macaa ñaare, mari ñaare goa pjaare mari duhunocaja. Tí ñaa sehe marine dojomehne yuhduamahre.

⁵ Cristore noano wacū tuaina ji tuhsura mūsa. Æ jina õ sehe yoa namoga tjoa: Noaare yoaina jiga mūsa. Æ jina Cohamacu cahmaare noano masiina jiga mūsa. ⁶ Ñano yoa duapanahta Cohamacu cahmaa sehere yoarucuina jiga mūsa. Æ yoa Cristo yaina mūsa jiri buhiri ñano yuhdupanahta Æ cūno pjarucuga mūsa. Æ jina Cohamacure ño payoina, to cahmaare yoaina jiga mūsa. ⁷ Æ yoa mūsa mehne macainare cahma ño payoina, tinare noano yoadohoina jiga

mūsa. Æ yoa jipihtina paina cūhure cahña jiga.

⁸ Mūsa õ sehe yoa namochuta noa yuhduara. Mūsa Æ yoa namona, noano yoaina jirucunahca. Æ jina Cristo to cahmaare noano yoarucuina jinahca mūsa. Wiho waro jiina jisi mūsa. Æ yoa Cristore mūsa wacū tuari wiho waro jisi. Yu niriro seheta mūsa yoa namochu pinihtare noa yuhduara. ⁹ Mūsa Æ yoa namoerana Cohamacu yare ne masieraputiara mūsa. Æ yoa namoeraina jina capari ñueraina o capari noano ñu bocaeraina yoaro sehe jina, Cohamacu cahmaare ne masierara mūsa. Æ yoa namoerana Cristo mūsa ñaa yoari buhirire to cohāri cjirire ne wacū payoerara mūsa. Æta bonoca duara mūsa.

¹⁰ Æ jina, yu coyea, Cohamacu to yaina cjihtire mū sare to ji dutichu yuhtire mūsa. Æ yuhtiina jina, to yare ne wacū duhuerana to cahmaare tuaro yoarucuga. Mūsa Æ yoarucuna potocāta Cohamacu mehne jinahca mūsa. Æ yoa potocāta to beserina jinahca mūsa. Æ yoana to yare duhuina jisi mūsa. ¹¹ Mūsa Æ to cahmano sehe yoaina jina mari puhtoro marine yuhdychu yoariro Jesucristo to sūho jiropu noano wahanahca mūsa. Tópu tiro mari puhtoro Æ jirucurohca. Potocā to yaina waro mūsa jichu ñuno “Noano mehne yuhh mehne jiga mūsa”, ninohca Jesu mū sare.

¹² Æ yoa ahrire mū sare Æ wacūchu yoarucuihtja. Ahri mū sare yu yahurire masi tuhsuhre mūsa. Æ masina Cohamacu yare mūsa tūhoriro seheta noano yoana nina mūsa. Æ yoaina mūsa jipachuta ahri mū sare yu yahurire Æ wacūchu yoarucuihtja mū sare. ¹³⁻¹⁴ Mahanocā duhsara yu variahto. Tíre noano yahure mari puhtoro Jesucristo yuhure. Æ jicu catisinicu waro ahri yu yahurire mū sare Æ wacūchu yoarucuihtja. Yu Æ yoachu noa nina. ¹⁵ Æ jicu ahri yu yahu joari cjirire mū sare joa cū pahñoihca yu yariari baharo mūsa noano masihto sehe. Æ jina ahri yu yahurire Æ wacūrucunahca mūsa.

Cristo to tuariro to jia tiare ñuha Pedro cūhu

16 Ñ yoa Cristo to tuaa cãhure to tahto cãhure m̄sare yahuna, sã m̄ s̄ro yahuna nieraja. Masa ti m̄ s̄ro ti masia mehne ti yahua jierara m̄sare sã yahua. Turariro to jiare sã basita ñi. 17 Cristo to tua yãhd̄ariro to jiare sãre ñore Cohamac̄u mari P̄uc̄u. To ã ñoch̄u tiro sehe noano si siteriro jire. To ã si sitech̄u ò sehe nino coa tare to si sitero watoi: “Ahriro ȳ mac̄u, ȳ cah̄iriro jira. Tiro mehne tuaro wahcheja”, nino coa tare Cohamac̄u tua yãhd̄ariro. 18 M̄anop̄u to ã nino coa tach̄u tãhoi sã. Tãc̄u buip̄u Cohamac̄u to jiri tãc̄u Cristo mehne jii sã.

19 Tíre ñurina jina, Cohamac̄u yare yahu m̄htaina cjiri panop̄u macaina ti joari cjiri potocã ti jich̄u noano masija sã. Ti joari cjirire noano ñu buherucuna noano yoana nina m̄sa. Tí ti joari cjiri Cohamac̄u yare marine noano masich̄u yoara. Ahri yahpai ñaare ti yoari yahpai nahitianoi mari jiboro seheta buhriaro marine to noano ñu masich̄u yoaro seheta Cohamac̄u noano masich̄u yoara marine. Ñ jina Cohamac̄u yare ti joarire ã buherucuga. Ñ buherucuna Cristo to tjua tach̄up̄u buhe duhuna. Ñ tjua taro to yare mari masierarire marine noano masi pah̄noch̄u yoarohca. 20 Jipih̄tia ahri ȳ yahuri yãhd̄oro ahri sehere noano masiga m̄sa: Cohamac̄u yare yahu m̄htaina cjiri panop̄u ti joari cjirire mari m̄ s̄ro tíre buhena, “Ò sehe nino nica”, ni masieraja. 21 Ne masa ti m̄ s̄ro Cohamac̄u yare joera tiri jire. Panop̄u macaina cjiri Cohamac̄u yare ti joach̄u Esp̄ritu Santo sehe ti joatore tinare masich̄u yoaa tiri jire.

2

Cohamac̄u yare potocã buherainare yahuha Pedro

1 Panop̄u mari coyea judio masa mehne macaina “Cohamac̄u yare yahu m̄htaina jija”, ni mah̄noina jia tiri jire. Ti yoaro seheta mip̄u cãhure m̄sa mehne macaina ã ni mah̄noina jiahca. Tina potocã ti buheboro seheta mah̄noa sehere buheahca. Ñ buhea Cristo ya sehere dojomehneahca. Ñ yoa Cristo to yãhd̄uch̄u yoaborina jipahta tirore “Sã p̄htoro jira”, ni tãhotuerara.

Tí jipih̄tiare ti ã yoari buhiri dóihta Cohamac̄u tinare tuaro buhiri dahrerohca. 2 Ñ mah̄no ti buhech̄u tãhoia tina ti ñaare goa pjariro seheta paȳu masa tinare ñu c̄u ñano yoaaahca. Ti ã ñano yoach̄u ñua paina masa cãh̄u noaa buheare ñano quiti dahreahca. 3 Ñ jia tina mah̄noina niñerure wapa cahmaa, mah̄noa, ti m̄ s̄ro ti yahua buheare buheahca m̄sare. Ti ã buheri buhiri Cohamac̄u tinare tuaro buhiri dahrerohca yãhd̄uro marieno. Panop̄uta ã yoainare buhiri dahre duti tuhs̄ua tiri jire tiro.

4 Tó seheta panop̄uta Cohamac̄u ñaina anjoa cãhure to buhiri dahrehtore c̄u tuhs̄ua tiri jire. Tinare pichacap̄u nahitianop̄u peresu yoaa tiri jire. Ñ yoaro pihtiri dacho baharo tinare buhiri dahrerohca. 5 Tó seheta panop̄u macainare Cohamac̄ure cahmaerainare tiro buhiri dahrea tiri jire. Ñ yoaro jipih̄tiro ahri yahpare miono, jipih̄tina masa ñainare mio wajãa tiri jire. To ã miohto pano Noe cjiro sehe tí pja macaina cjirire noaare yoa dutiro yahua tiri jimare. To ã yoaro watoi Cohamac̄u ahri yahpare miono, Noéne tiro mehne macaina cãhure yãhd̄uch̄u yoaa tiri jire. Tina jipih̄tina to yãhd̄uch̄u yoarina ocho masa jia tiri jire. 6 Tó seheta Sodoma wama tiri maca macaina cjirire Gomorra wama tiri maca macaina cjiri cãhure Cohamac̄u buhiri dahrea tiri jire. Tí macarine pichaca mehne noano jã pah̄nonocaa tiri jire. Ñ yoaro baharop̄u jihinare tirore cahmaerainare ñono nia tiri jire. Ñainare to buhiri dahrehtore ñono nia tiri jire tinare. 7 Ñ yoaro Lote wama tiro cjiro sehere yãhd̄uch̄u yoaa tiri jire. Lote sehe noariro jia tiri jire. Ñ jiriro jiro Sodoma macaina Cohamac̄u dutiare yãhd̄urucaina ñabiaro ti yoach̄u ñano pomea waha, ñano tãhotua tiri jire. 8 Tiro noariro ñaina watoi jiro, dachoripe ñabiaro ti yoach̄u ñano, ñano ti durucuch̄u tãhoro ñano yajeripohna tia tiri jire.

9 Tirore to yãhd̄uch̄u yoach̄u ñuna ahri ȳ yahuhtire masija mari. Cohamac̄u mari p̄htoro tirore cahmainare ti ñano yãhd̄uch̄u ñano tinare yoadohorohca. Ñ jiro ñaina sehere peresu yoaro tinare c̄uara pihtiri dacho jich̄u to buhiri dahre-

hto sehe. ¹⁰ Ñaare tuaro goa pjainare Cohamacure yǎhdurucainare tina pinihtare ñano buhiri dahrerohca tiro. Ahrina mǎsa mehne macaina mahño buheina ñaare yoaa, ne cuierara. Æ yoa buo tierara tina. “Painare masi yǎhdurucaja”, ni tǎhotuina jira tina. Æ jiina jia mǎano macaina tuainare ne ño payoeraa, cuiro marieno ñano ni bujǎpera tinare. ¹¹ Anjoa sehe ne ti yoaro sehe yoaerara. Tina sehe mahño buheina yǎhgoro tuaina jira. Æ jipahta tina ne bujǎpea mehne mǎano macaina tuainare ñano yahusǎerara Cohamacure, “Painare yǎhdurucaja”, nieraina jia.

¹² Wiho mejeta ahrina mahño buheina sehe nǎcu macaina wahiquina yoaro sehe tǎho masieraina jira. Nǎcǎpǎ boca sǎa ti wajǎhtina yoaro sehe jira tina. Ti cahmano seheta yoara tina. Æ jia ti masierainare bujǎpe, ñano ni durucu cohtara. Æ yoaina jia wahiquina yariahtina ti jiro seheta tina cǎhu to buhiri dahrehtina jirucuahca. ¹³ Tinare ti ñano yoari buhiri buhiri dahrerohca Cohamacu. Tina ñaare goa pja yǎhdurara. Æ yoaa dachopǎ masa ti ñurocaroi to jipachǎta ñano yoarucura. Mǎsa mehne bose nǎmǎ yoaa, tí bose nǎmǎi ñaare yoa yǎhdurara. Æ jia mǎsa bose nǎmǎre ti wete dahrero seheta tinare mǎsa ñu cǎchǎ tí ñaa pihara mǎsare.

¹⁴ Æ yoaa numiare ñua, ñaha duara tina. Tuhsǎ, ñaare ã yoarucu duara. Cohamacure wacǎ tuaera cureinare ñaare yoa dutia, tó sehe jiinare tinare ñu cǎchǎ yoara. Æ yoa ti sahsero paye barore, niñeru cǎhǎre mahño ma mihniina jira. Tina Cohamacu to buhiri dahrehtina jira. ¹⁵ Tina Cohamacu yare buheraa, soro jia buhea sehere buhera. Æ yoaa Balǎa yoaro sehe yoaa nina. Balǎa, Beor macano jia tiri jire. Tiro sehe panopǎ to ñaa yoari mehne niñerure wapata duaa tiri jimare. ¹⁶ To ã yoachǎ ñano Cohamacu tuhtia tiri jire tirore. To burro durucueraricoro jiparota masano yoaro sehe to pǎrore durucu tuhtia tiri jire. To ã tuhtichǎ tǎhoro Balǎa tuaro to ñaare yoa duamarire duhunocaa tiri jire. Tǎho masierariro to yoa duamarire duhunocaa tiri jire.

¹⁷ Ahrina mahñoina mári pohtaripǎ co

marieno yoaro sehe jira. Co mariea mári pohtari ti yaba cjihti jieraro seheta tina mahñoina ne yaba cjihti jierara. Æ yoa me curuari mǎano macaa core waboa curuarire wihnono to wǎrocachǎ ti curuari yaba cjihti jierara. Æ ti yaba cjihti jieraro seheta, tina mahñoina cǎhu masare yoadohoera, ne yaba cjihti jierara. Æ jiro nahitiano warore yoa tuhsǎa tiri jire Cohamacu tópǎ tinare buhiri dahrero taro. ¹⁸ Tina mahñoina ti durucua yaba cjihti jierara. Masiina yoaro sehe masare ã buhemacanocahna. Õ sehe ni buhera tina: “Mari cahmano seheta mari yoachǎ noa nina”, ni buhemana tina. Ti ã ni buhechǎ masa tǎhoa ñaare goa pja, ti ya buheare cahmana. Paina masa Cohamacure potocǎta wahma cahma dǎcaina mahanocǎta wahara ti ñaare ti duhuri baharo, quihõno yoaeraina mehne macaina ti jiri baharo. Tinare mahñoina ti buhechǎ tǎhoa ñaare cahmana tjoa Cohamacu yaina jiborina jipahta. ¹⁹ Tinare õ sehe ni buhera mahñoina: “Mari cahmano seheta mari yoachǎ noa nina”, ni buhemana tina. Ti ã ni buhepachǎta ti niriro sehe wahaerara tinare. Ñaare duhu duaeraa, tíre duhu masieraputiara. Ti ã duhu masierachǎ, tí ñaa ti pǎhtoro yoaro sehe jira. ²⁰ Mari pǎhtoro Jesucristore marine yǎhdachǎ yoarirore wahma cahma dǎcaina sehe ahri yahpa macaa ñaare duhunocamare. Ti ã duhuri baharo pari turi ñaare yoaa tjoa, ñabiaro waro tjuara tina. Cristore ti masihtó pano ti ji mǎhtariro yǎhgoro ñabiaro tjuara jǎna, pari turi ñaare yoaa tjoa. ²¹ Æ ñabiaro tjuaa, Cohamacu tinare to dutiare yǎhdurucaa, noaa buhea sehere ti ne masi mǎhtaerachǎ noabiaboa tinare. ²² Æ jia pari turi ñaare yoaa, masape ti ni durucurucuriro seheta yoaa nina tina. Õ sehe ni durucura masa: “Diero toa tuhsǎ pari turi to toa cǎri cjirire chǎra. Æ yoa yesere ti cosari baharo pari turi tiro ñari sahbai cuhsǎra tjoa. (Tó seheta yoara noaa buheare cahmamarina cǎhu pari turi ñaare cahmaa tjoa)”, ni durucura masa.

3

Cristo ahri yahpapǎ to tjuatahtore yahuha Pedro

¹ Y_u cahĩina, musare cã pũ joaroca tuhsu. ã jicu ahri pũre mipure musare joarocai nija tjoa. Tuhsu pua taha joarocacu ahri jipihtiare musare wacũchu yoa duai nija noaa dihtare musa tuhoutuhe. ² Panopu macaina noaina Cohamacu yare yahu muhtaina cjiri ti yahu joari cjirire wacũga musa. Mari puhtoro marine yuhduchu yoariro Cristo to dutia cãhure wacũga. Tí dutiare sã to cũrina musare buhei.

³ Ahrire musa masichu tuaro cahmaja. ã jina wahmanore ahrire wacũ muhtaga: Pihtiri dacho panocã Cohamacu yare bujupaina jiahca. Tina ñaare goa pjarucuina jiahca. Õ sehe ni bujupeahca: ⁴ “Cristo ‘Tjua taihtja’, niparota ne tjua tasi. ¿Tjua ta duaparota dohsearo ne bajuerajari tiro? Ahri yahpa to ji ducari baharo mari ñuchusuma mana ti yariari baharo jipihtiro soro sehe waharo marieno ã jirucura. ã jiro ahri yahpare tahtiro manopure mariahna”, ni bujupaina jiahca. ⁵ ã ni bujupea ahri sehere ne wacũerara tina: Panopure Cohamacu to dutiro mehne ahri yahpare, manano cãhure bajuamehnea tiri jire. ã yoa tuhsu ahri yahpai co dihta jirore yahpa jichu yoa tiri jire tiro. ã yoaro co mehne ahri yahpa mipu to jiro seheta ahri yahpare yoa tiri jire tiro. ⁶ ã yoa baharopu ahri yahpare miono, cohã pahñoa tiri jire ahri yahpa macaare ahri yahpa macaina cãhure. (ã jiro ahri yahpare cã tahata soro wahachu yoa tuhsu tiri jire Cohamacu.) ⁷ ã soro wahachu yoaparota mipure manore, ahri yahpa cãhure pari turi cohtotachu yoerasinire tiro. Tiro to dutiro mehne ahri yahpare manano cãhure mipure ti jiro seheta jirucu namochu yoaro nina. ã jiro cohtaro nina baharo jipihtipopure jãno taro. ã cohtaro nina Cohamacu tirore cahmaerainare buhiri dahrero taro. ã buhiri dahrero tinare pichacapu cohãnohca.

⁸ Y_u cahĩina ahrire wacũga musa: Mil cãhmarine “Yoabiari pja jira”, mari ni tuhutupachuta cã dachota jira Cohamacu to ñichu sehere. ⁹ “Cohamacu to niriro sehe

ne so yoeraputiara”, nina masa. ã jierara. Masare noano yoa duaro cohtasinino nina. Ne cãiro masunore pichacapu cohã duaerara tiro. ã jiro jipihtina pano ti ñaare tuhoutumarire ti duhuchu, Cohamacu ti cahmachu cahmasinina tiro.

¹⁰ Ñamipure yaca bucuro to wacũenoca yacaro sãariro seheta Cristo ahri yahpapure wacũenoca tarohca. To tachu to tuaro bisichuta manano macaa pihtia wahaahca. Jũ pihtia wahaahca. ã yoa ahri yahpa, ahri yahpa macaa cãhu jũ pihtia wahaahca. Cohamacu ahri yahpa macainare buhiri dahrero taro nina.

¹¹ “Ahri jipihtia pihtia wahaahca”, Cohamacu to nichu tuhona ñaare duhuina, Cohamacu cahmaare yoaina jiro cahmana marine. ¹² Mari puhtoro Cristo ahri yahpapu to tahtore cohtaina jina, soaro mehne to tachu yoaga musa. Tí dachoi manano macaa jũ pihtia wahaahca. Jipihtia jũ sipã wahaahca. ¹³ To ã cuaro wahahto to jipachuta mari sehe Cohamacu to ni cũiro seheta jipihtiare to cohtotahtire cohtaja mari. Jipihtia ti jũ pihtiari baharo ã sehe jirohca. Manopu cãhu ahri yahpapu cãhu wahma jiahca. ã yoa tí pjarure noaa dihtare yoahca jipihtina. Ahrireta cohtaja mari.

¹⁴ ã yoa y_u cahĩina, mari puhtoro to tahtore cohtaina jina Cohamacu to ñurocaroi noano yoaina jiga musa ñaa buhiri marieina musa jihto sehe. ã noano yoaina jiga musa Cohamacu musa mehne to wahchehto sehe. ¹⁵ Yoa cureri pja to bajuerachu ñuna ahrire masiga musa. Masa tirore cahmaina to yuhduchu yoahcina dahsasina mini. ã jiro tinare cohtasinino nina Cohamacu. ãta ni musare joarocari jire mari coyeiro mari cahĩiro Paulo. Cohamacu to masia mehne tíre joarocari jire tiro. ¹⁶ ã dihta ni joarocara Paulo to joarocaa taharipe. Cristo to tahtore, ñaare yoeraina mari jihto cãhure yahuro ã sehe dihta ni joarocari jire tiro. Cãa tahari mijo cureare tiro yahu joarocari jire. Paina ne masieraina, tuho masieraina mahñoa mehne to ã nirire cohtota mujana. To ã niri jipachuta soro ni cohtota yahura tina. Paye Cohamacu yare ti joaa pũri cãhure tó seheta yoara

tina. Ti ã yoachũ ñũno Cohamacũ tinare tuaro buhiri dahrerohca.

¹⁷ Yũ coyeyã, yũ cahĩina ahri jipihtiare ti ã wahahto pano yahuyui nija mũsare. ã jina ahrire masina, noano yoaga mũsa. Ñaina mũsare soro ni ti buhechũ ne tũhoena tjiga tinare, “Cristore wacũ tua duhuri”, nina. ¹⁸ ã jina mari pũhtoroze marine yũhdũchũ yoariroze Cristore noano wacũ tua namoga mũsa. Tirore, marine to cahĩã cũhũre noano masi namoga mũsa. Mipũre, jipihtia dachoripe tirore noano wahche payojihna mari. “Noariro, tuariro jira”, nijihna mari tirore. ãta nijihna.

1 San Juan

Jesucristo catiare wariro jira

¹ Jesu Cohamacu ya duserore yahuriro jira. Dóiputa wahmanoputa jiriro tiro masare Cohamacu mehne ã jirucuchu yoariro jia tiri jire. Mipure sã tirore yahu joana nija. Tirore tuhona, catiriro warore tirore ñai sã. Æ tjira. Tirore ñana, sã wamomacari mehne tirore dahra ñai sã. ² Ahriro Cohamacu mehne ã jirucuchu yoariro ahri yahpau to masa bajuari baharo tirore sã ñai. Æ jina tirore yahuja sã musare. Tiro jipihtia dachoripe to Pucuro mehne jirucuriro to jichu, mipure Cohamacu tirore ñore sãre. Tíre yahuja sã musare. ³ Cohamacu mehne macaina jija sã. To macuno mehne macaina cūhu jija sã. Æ jina musa cūhu sã mehne macaina, Cohamacu mehne macaina, to macuno mehne macaina musa jihto cjihtore sã ñurire, sã tuhore musa cūhure sã yahuja. ⁴ Ahrireta sã joaja noano mari wahchehti cjihtire.

Buhriaro to wete marieno seheta Cohamacure ñaa yoaa ne mariahna

⁵ Ahri buhea Cohamacu macuno sãre to yahuri cjiri jia nina. Miputa ahrire yahunahca sã musare: Cohamacu buhriaro yoaro sehe jira. Buhriaro wete marieno to jiro seheta tirore ne ñaa yoaa mariahna. Ñaa sehe nahitiano yoaro sehe jira. Cohamacure ne ñaa yoaa mariahna. To ã jia tiare yahuja musare. ⁶ Æ jina nahitiano jina yoaro seheta mari ñaare yoaina jipanahta “Cohamacu mehne macaina jija” nina, mari mahñona nija. Æ yoa Cohamacu yare quihõno yoeraja. ⁷ Æ yoa buhriaropu jina yoaro seheta Cohamacu to yoariro seheta mari noaa sehere yoana, paina Jesu yaina mehne noano jina nija. Mari ã yoaina jichu Cohamacu macuno Jesu to di cohãno mehne, crusai to yariari mehne jipihtia mari ñaa yoari buhirire cohãna.

⁸ “Yuhu pini ne ñaare yoeraja”, ni wacūna, mahñoare tuhona nija mari. Mari ã ni tuhona Cristo yare potocã

jiare ne masieraja. ⁹ Wiho mejeta Cohamacure mari ñaa yoarire mari yahuchu tiro quihõno yoariro jiro, mari ñaare borohca. Æ boro jipihtia mari ñaa buhirire cosawerohca tiro. To niriro seheta yoariro jira tiro. ¹⁰ “Ñaare yoeraja” nina, “Cohamacu mahñoriro jira”, nina nija mari. Æ seheta niina to buheare cahmaerara.

2

Cristo marine yoadohora

¹ Yu pohna, musa ñaare yoerahto sehe ahriro joai nija. Yu ã ni joapachata ñaare yoaboca musa. Musu ã yoachu ñano Jesucristo noariro musa ya cjihtire to Pucurore ò sehe ni sini payorohca: “Ahriro ti ñaare yoari buhirire buhiri dahrei tjiga”, ni sini payorohca to Pucurore. ² Cristo mari ñaa yoari buhirire cohãriro jira. Mari ñaa yoari buhirire mari dihtare cohãerara. Jipihtiro macainapu cūhure ti ñaa yoari buhirire cohã masina tiro.

³ Cohamacu to dutiare yoana, tirore potocãta noano masija mari. ⁴ Cūiro Cohamacu dutiare yoeraaparota “Yuhu Cohamacure masija” nino, tiro mahñoriro jira. Æ jiro Cristo yare potocã jiare ne masierara. ⁵ Pairo sehe Cohamacu dutiare yoariro Cohamacure tuaro cahñiro jira. “¿Cohamacu mehne macaina jijari mari?” ni masi duana, ò sehe mari masinahca: ⁶ “Cohamacu mehne macariro jija”, niriro Jesucristo yoaro seheta noaare yoariro jiro cahmana tirore. To ã yoariro jichu ñana “Cohamacu mehne macariro jija”, ni masija mari.

Wahma dutiare yahu dūcaha

⁷ Yu cahñina, ahri dutia mipure musare yu yahuhto wahma dutia jierara. Ahri dutia musa wahmanopure cjariro cjiro muna dutia tjira. Tí dutiare musa tuho tuhsure. ⁸ Mipure sehere musare yu yahuhto muna dutia jiparota wahma dutia cūhu jira. Cristo, musa cūhu tí dutiare yoara. Miputa nahitiano to pihti wahcāchu mari ñu masino seheta mari masierarire masi dūca wahcāna nija mari. Æ jiro buhriaro mehne mari ñu masino seheta Cristo musare potocã jiare masichu yoaro ta tuhsure.

⁹ “Yuhuh buhriaropuh jiriyo yoaro seheta Cohamacuh dutiare yoariro jija”, cãiro ni-parota, painare ñuh tuhtiriyo jiro, tiro Cohamacuh dutiare yoerara. ¹⁰ Æ yoa pairore cahãriyo pinihta buhriaropuh jiriyo yoaro seheta Cohamacuh dutiare yoariro jira tiro. Æ jiro ñaare pari turi yoa duaerara. ¹¹ Pairore ñuh tuhtiriyo sehe nahitianopuh jiriyo yoaro seheta jiro nina. Tiro capari ñuerariyo yoaro seheta jira. To wahahtore ñuh masierara tiro.

¹² Yuh pohna, Cristo to yariaro mehne mûsa ñaa yoari buhirire cohãri jire. Æ jicuh mûsare yahu joai nija. ¹³ Mûsa pucûsuma cûhuh, mûsa Cristore wahmanopure jiriore masina mûsa. Mûsa ã masiina jichuh mûsa cûhure yahu joai nija. Mûsa wahma yapia ñariyo watĩnore yuhdurucare mûsa. Mûsa ã yuhdurucaina jichuh mûsa cûhure yahu joai nija.

¹⁴ Yuh pohna, Cohamacuh mari Pucure mûsa masina. Mûsa ã masiina jichuh mûsare mipure yahu joai nija. Mûsa pucûsuma, mûsa Cristore wahmanopure jiriore masina mûsa. Mûsa ã masiina jichuh mûsare yahu joai nija. Mûsa wahma yapia potocãta mûsa Cohamacure wacû tuaina jira. Æ jina mûsa Cohamacuh yare yoara. Æ yoana, mûsa ñariyo watĩnore yuhdurucare. Æ jicuh mûsare yahu joai nija.

¹⁵ Ahri yahpare ahri yahpa macaa ñaare cahmaena tjiga. Ahri yahpa macaa ñaare cahmaina jina Cohamacuh mari Pucuh sehere cahmaerara mûsa. ¹⁶ Ñaina ti basi ñaare ti goa pjari, ñaare ti ñuh duari mari Pucuh Cohamacuh ya jierara. “Noano cjua pahñoriro, masi pahñoriro jija yuhuh. Ne cãiro masuno yuhure yuhdurucaerara”, masa ti ni tuhótua mari Pucuh Cohamacuh ya jierara. Tí jipihtia ahri yahpa macaa jira. ¹⁷ Ahri yahpa, ahri yahpa macaa cûhuh masa ti cahmari cjiri pihtia wahaahca. Cohamacuh cahmaare yoariro sehe jipihtia dachoripe Cohamacuh mehne jirucurohca.

Cristore ñuh tuhtiriyo sehere yahuha Joã

¹⁸ Yuh pohna, ahri dacho to pihtihto mahanocã dahsara. “Cristore ñuh tuhtiriyo tarohca” ni, Jesu yaina mûsare yahu tuhsure. Mipure Cristore ñuh tuhtiina payuh ji tuhsure. Tí ã jichuh ñuhna mipure pihtihti

dacho cjihto mahanocã to dahsachuh masija mari. ¹⁹ Ahrina Cristore ñuh tuhtiina sehe mari mehne jipahta potocã mari mehne macaina jierare. Æ jia tina marine cohãnocare. Tina mari mehne macaina jia, mari mehne jiboa. Marine cohãnocare. Tí ã cohãchuh mari mehne macaina ti jierachuh masija mari.

²⁰ Cristo Espiritu Santore mûsa sehere ware. Æ jiro Espiritu Santo mûsa mehne jira. Æ jina mûsa jipihtina Cristo yare potocã jiare masi tuhsura. ²¹ Mûsare yahucuh “Cristo yare masierara mûsa”, ni tuhótueraja yuhuh. Mûsa Cristo yare masiina jichuh ñucuh mûsare yahuja. Cristo ya ne mahñoa jierara. Tí cûhure masiina mûsa jichuh masija yuhuh.

²² Ahriyo jira mahñoriro: “Jesu Cohamacuh masare yuhdûchuh yoa duti to warocariro Cristo waro jierara”, niriro sehe mahñoriro jira. Potocãta Cristore ñuh tuhtiriyo jira tiro. Cohamacure, to macuno cûhure cahmaerariyo jira Cristore ñuh tuhtiriyo. ²³ Õ sehe tjira: Jesure cahmaerariyo sehe to Pucuro cûhure cahmaerariyo tjira. Jesure cahmariro sehe to Pucuro cûhure cahmariro jira.

²⁴ Wahmanopure Cohamacure mûsa tuhori cjirire noano wacûga. Tíre wacûna, Jesu mehne macaina jinahca mûsa. Æ yoa to Pucuro mehne macaina jinahca. ²⁵ Tíreta Jesu marine yahure. Õ sehe jira to yahuri cjiri: “Mûsa jipihtia dachoripe Cohamacuh mehne jirucunahca”, ni cûre Jesu marine.

²⁶ Paina mûsare mahñoa nina. Tí ã mahñoare masicuh mûsare yahu joai nija. ²⁷ Æ ti mahñoina mûsa jipachuta mûsa sehere Cristo Espiritu Santore wa tuhsure. Espiritu Santo mûsa mehne jira. Mûsa mehne jiro mûsare buheriro jira. Æ jiro tiro jipihtiare mûsare yahura. To yahua potocãta jira. Mahñoare yahuerara tiro. Æ jina paio mûsare buhehtirore cahmaerara mûsa. Espiritu Santo to niriro seheta yoaga mûsa mipure. Æ yoana mûsa Cristo yare tuhona, tiro mehne macaina jiga.

²⁸ Æ tjira. Yuh pohna, Cristo mehne macaina jiga mûsa. Æ jina Cristo to tahti dachore mûsa cuisí. Æ jina tiro to tahti

dachore m̄sa b̄o ti duhtisi. ²⁹ Cristo noaare yoariro to jich̄ m̄sa masina. Tíre masina ahri c̄h̄re masiga m̄sa. Jipihtina noaare yoaina Cohamac̄ pohmata jira. Ahri c̄h̄re masiga m̄sa.

3

M̄sata Cohamac̄ pohma jira

¹ “M̄sa ȳ pohma jira” nino, tuacaro cah̄ ȳhd̄uc̄ajari Cohamac̄ marine. To ã cah̄ina jinata to pohma jija mari. Ahri yahpa macaina ñaina Cohamac̄re masierara. ã jia Cohamac̄ pohma mari jich̄ ñ̄a tina mari c̄h̄re masierara. ² Ȳ cah̄ina, mip̄re Cohamac̄ pohma jija mari. ã jipanahta baharo mari jihti c̄jhtire mari noano masierasinja. ã masierapanahta ahri sehere masija. Cristore mari ñ̄na, dóihta mari tirore ñ̄ masinahca. ã jina Cristo marine to bajuach̄ tiro to jiro sehetamari cohtotanhca. ³ Jipihtina ahrire masiina Cristo to tahtore cohtaina tirore ñ̄ c̄a ñ̄aare yoa duaerara.

⁴ Ñ̄aare yoana to dutiare ȳhd̄uc̄ana nija. ã jia jipihtina ñ̄aare yoaina Cohamac̄ dutiare ȳhd̄uc̄aina jira. ⁵ Cristo masare ti ñ̄a buhirire coh̄htiro c̄jhtro bajuari jire. Tiro ne ñ̄aare yoaerara. Tíre masina m̄sa. ⁶ ã jia jipihtina Cristo yaina ñ̄aare yoarucuerara. Pairo sehe ñ̄aare ã yoarucuriro Cristore wac̄ tuaeraro, ne tirore masierara. ã jiro Cristo yairo jierara. ⁷ Ȳ pohma, m̄sare mah̄oinare ne t̄hoena tjiga. Jipihtina noaare yoaina Cristo yoaro sehe noaina jira. ⁸ Pairo sehe ñ̄aare ã yoarucuriro wat̄no yairo jira. Wat̄no pinihta dóihta ñ̄aare yoariro jia tiri jire. ã jiro wat̄no to ñ̄aare yoaare, to ñ̄aare yoa dutia c̄h̄re duhuch̄ yoah̄tiro c̄jhtro Cohamac̄ mac̄no bajuari jire.

⁹ Cohamac̄ pohma jina Cohamac̄ yoaro sehetamari jija. ã jinata ñ̄aare yoarucueraja. Cohamac̄ mari P̄uc̄ to jich̄ mari sehe ñ̄aare yoarucu masieraja. ¹⁰ Õ sehe jinare Cohamac̄ pohmare masinahca: Cohamac̄ pohma wat̄no pohma yoaro sehe jierara. Ñ̄aare yoarucuina, painare cah̄eraina Cohamac̄ pohma jierara.

M̄sa mehne macainare cah̄ga

¹¹ “Mari mehne macainare cah̄jihna”, ni buheare wahmanop̄re t̄ho tuhs̄re m̄sa. ¹² Mari Cā to ñ̄ano yoariro sehetamari t̄jihna. Tiro wat̄no yairo jiro, to bah̄rore waj̄a tiri jire. ¿Dohse yoaro tirore waj̄ari, m̄sa t̄hotuch̄? Tíre yahuihtja m̄sare: Cā to yoari c̄jiri ñ̄a jia tiri jire. To bah̄ro sehe to noaare yoariro jich̄ ñ̄ tuhtiro to wahmino sehe tirore waj̄a tiri jire.

¹³ ã jina ȳ coyera, ahri yahpa macaina m̄sare ti ñ̄ tuhtich̄ “¿Dohse jiro baro marine ñ̄ tuhtijari tina?”, ni t̄hotuena tjiga. ¹⁴ Mari pichac̄p̄ wahaborina jimai. Mip̄re m̄anop̄ ã jirucuh̄tina cohtotarinap̄ jina nija mari. Jesu yainare cah̄ina, Cohamac̄ marine to cohtotach̄ yoarire masija mari. Masare cah̄eraro pichac̄p̄ wahahtiro jira. ¹⁵ To coyero ñ̄ tuhtiro masare waj̄ariro jira, Cohamac̄ to ñ̄ch̄. Masare waj̄ina ne m̄anop̄ Cohamac̄ mehne jirucusi. Tíre noano masina m̄sa. ¹⁶ Masare cah̄are ò sehe masinahca. Jipihtia dachoripe Cohamac̄ mehne mari jihto c̄jhtore Cristo yariaro marine tuaro cah̄re. ã yariaro marine to ã cah̄rurire masich̄ yoaro nire. ã jina Cohamac̄ to cahmach̄ mari c̄h̄re Jesu yaina yaro jiborirore yariaro cahmaboca. ¹⁷ Paȳ c̄jariro Jesu yairore p̄ac̄orirore ñ̄parota tirore p̄a ñ̄eraro, Cohamac̄re cah̄erara tiro. ¹⁸ Ȳ pohma, mari cah̄a sehe mari d̄sero dihta wijaero t̄jijaro. Masare mari cah̄ina, potoc̄ta tinare yoadohoro cahmana marine.

Cuiro marieno Cohamac̄ cah̄a jia masija mari

¹⁹ Tó sehetamari ñ̄aare mari potoc̄ Cohamac̄ yaina mari jia tia c̄h̄re masinahca. ã jina Cohamac̄ cah̄a jia masija. ²⁰ ã jina “Ñ̄a buhiri jica ȳh̄re”, mari ni t̄hotupanahta, Cohamac̄ cah̄a cuiro marieno jia masija. Tiro sehe mari ȳhd̄oro tuariro jiro jipihtiare masi pah̄oriro jira. ²¹ Ȳ cah̄ina, noaare yoana, “Noaa sehere yoana nija”, ni t̄hotuna, Cohamac̄ cah̄a mari cuiro marieno jia masija. ²² Cohamac̄ to dutiare, to cahmaa c̄h̄re mari yoach̄, tirore mari sinino purota tiro warohca.

²³ Õ sehe dutira tiro marine: “Cohamacu macunore Jesucristore wacũ tuaga. Å yoa Cristo marine to dutiriro seheta m̄sa mehne macainare cah̄ga m̄sa”, ninota dutira marine.

²⁴ Cohamacu dutiare yoariro Cohamacu mehne macariro jiro nina. To å jiriro jichu, Cohamacu tiro mehne macariro jira. Cohamacu mari mehne macariro to jiare mari masi duachu marine to wariro Espiritu Santo tíre marine masichu yoarohca.

4

Mahñoare ti buhechu, Cohamacu yare ti buhechu cãhure noano ñu masi dutiha

¹ Yu cah̄ina, paina “Cohamacu yairo Espiritu c̄uaja”, niina ti jipachuta ti buhea mahñoa jira. Paina sehe Espiritu Santo warore c̄uaina ne mahñoa marieno buhera tina. Payu “Cohamacu yare yahu m̄htaina jija”, nipahta mahñoa jira mip̄re. Jipihtiropu jira tina. Å jina paina m̄sare ti buhea sehe mahñoa buhea jichu ñu masiga m̄sa. Cohamacu ya ti jichu cãhure ñu masiga m̄sa. ² Cohamacu yairo Espiritu Santore c̄uainare m̄sa ñu masi duana, õ sehe masinahca: “Jesucristo ahri yahpapu mari yoaro sehe pjacu tiriro bajuari jire” ni, buheina Cohamacu yairo Espiritu Santore c̄uaina jira tina. Å jina å ni buheinare ñu masinahca m̄sa. ³ Paina sehe “Jesu ahri yahpapu mari yoaro sehe pjacu tiriro bajuerari jire” ni, buheina Cohamacu yairo Espiritu Santore c̄uaineraina jira. Ti ya tãhotua Cristore ñu tuhtiriro to tãhoturo seheta jira. “Cristore ñu tuhtiriro tarohca”, ti nirire tãho tuhsure m̄sa. Å yoa to ya buhea ahri yahpapure wihi tuhsure.

⁴ M̄sa sehe yu pohna, Cohamacu yaina jira m̄sa. Å jina “Cohamacu yare yahu m̄htaina jija sã” ni, mahñoinare yãhduraca tuhsure m̄sa. M̄sa mehne jiriro Espiritu Santo sehe tua yãhduracara. Å jiro ahri yahpa macaina yairo watino yãhdoro tuara. Å jina mahñoinare yãhduracare m̄sa. Å jina ti buheare cahmaerare m̄sa. ⁵ Mahñoa sehe ahri yahpa macaina ñaina jira. Å jia tina ahri yahpa macaa

ñaare ti buhechu ahri yahpa macaina ñaina sehe tinare noano tãhora. ⁶ Mari sehe Cohamacu yaina jija. Å jia Cohamacu masiina marine noano tãhora. Paina sehe Cohamacu yaina jieraa, marine ne tãho duaerara. Ti å tãho duaerachu ñuna ti ya buhea Cohamacu ya buhea ti jierachu masinahca mari. Paina sehe marine ti tãhochu ti ya buhea noaa buhea ti jichu cãhure masija mari.

Cohamacu painare tuaro cah̄rucuriro jira

⁷ Yu cah̄ina, Cohamacu marine painare cah̄chu yoariro jira. To å yoariro jichu ñuna mari mehne macainare cah̄jihna mari. Masare noano cah̄ina sehe Cohamacu pohna jira. Å jia tina Cohamacu noano masina. ⁸ Cohamacu jipihtinare tuaro cah̄rucuriro jira. To å cah̄rucuriro to jichu masare cah̄eraina sehe Cohamacu masierara. ⁹ Cohamacu marine to cah̄are mari masi duana, õ sehe masinahca: Cohamacu sehe to macunore cãirota jirirore marine yãhduchu yoahrtiro c̄ihtore ahri yahpapure warocari jire. Å warocaro marine to cah̄are marine masichu yoaro niri jire. ¹⁰ Cah̄a waro õ sehe jira: Cohamacu mari cah̄iri c̄iri sehe potocã cah̄a waro jierara. Marine Cohamacu to cah̄a sehe potocãta cah̄a waro jira. Å yoa to macunore mari ñaa buhirire cohãhtiro c̄ihtore warocaro marine tuaro cah̄ina tiro.

¹¹ Yu cah̄ina, Cohamacu å tuaro marine to cah̄ichu ñuna mari cãhu mari mehne macainare cah̄jihna. ¹² Masa sehe ne Cohamacu ñuerare. Tirore ñueraina mari jipachuta mari mehne macainare mari cah̄ichu, Cohamacu sehe mari mehne å jirucuro nina. Å jiro potocãta marine cah̄i namorucuchu yoara tiro. ¹³ Cohamacu sehe marine to yairo Espiritu Santore ware. Å jina Espiritu Santore c̄uana, Cohamacu mehne mari noano jia tiare, tiro sehe mari mehne to noano jia tia cãhure masija mari.

¹⁴ Å yoa Cohamacu mari Pucu to macunore ahri yahpa macainare yãhduchu yoahrtiro c̄ihtore to warocarire sã ñu. Tíre ñuna painapure tíre yahuja sã. ¹⁵ Cohamacu mehne macariro õ sehe niriro jira: “Jesu Cohamacu macuno jira”, niriro tiro pini Cohamacu mehne macariro jiro nina. Å

yoa Cohamacu cãhũ tiro mehne macariro jiro nina.

¹⁶ Æ yoa marine Cohamacu to cahĩare masija mari. Cohamacu jipihtinare tuaro cahĩrucuriro jira. Æ jiro cãiro masare cahĩrucuriro jiro, Cohamacu mehne macariro jira. Æ jiro Cohamacu cãhũ tiro mehne macariro jira. ¹⁷ Æ jina mari noano cahĩ namorucuja Cohamacure, paina cãhũre, buhiri dahreri dacho jichũ mari cuiro marieno mari jihto cjihtore. Æ jina cuisu mari ahri yahpai Cristo yoaro sehe jina. ¹⁸ Painare cahĩa mehne ne cuiro mariaha. Cohamacu marine to cahĩare masina mari ñano wahahtore ne cuieraja. Masa cuia tinare buhiri dahrehtore cuiina jira. Æ jiro cuiriro sehe Cohamacu cahĩare masierariro jira.

¹⁹ Marine Cohamacu cahĩ mahtari jire. Æ jina mari cãhũ tirore cahĩja. ²⁰ Cãiro “Cohamacure cahĩja”, niriro jiparota paire ñũ tuhtiriro jiro, mahñoriro jira tiro. Tiro to ñũriore cahĩeraro, Cohamacure cahĩ masierara tiro, tirore ñũeraro. ²¹ Æ jiro õi jira marine Cristo to dutia: Cohamacure cahĩiro jicu mũ cahai jiriro cãhũre cahĩga.

5

Cohamacu pohna ahri yahpa macaa ñaare yoa duaerara

¹ Jipihtina Jesure “Cohamacu masare yũhdũchũ yoa duti to warocariro Cristo jira” niina, Cohamacu pohna jira. Paina pũcũrore cahĩna, to pohna cãhũre cahĩja mari. ² Tó seheta Cohamacure cahĩna, to dutiare noano yoana to pohna cãhũre mari cahĩna nija. ³ To dutiare noano yoana Cohamacure cahĩna nija. Cohamacu to dutiare mari yoachũ marine warũoerara. Mari jipihtina Cohamacu pohna jina, ahri yahpa macaa ñaare cahmaeraja mari. Æ jia to dutiare mari yoachũ warũoerara. ⁴ Cohamacure wacũ tuana ne ahri yahpa macaa ñaare cahmaeraja. Æ jina tirore mari wacũ tuari baharo ñano yoa duaeraja. ⁵ Ñaare cahmaerana õ sehe niina jija mari: “Jesu Cohamacu macũno jira”, niina jina ahri yahpa macaa ñaare cahmaeraina jija mari.

Cohamacu macũnore yahuha João

⁶ Jesucristo ahri yahpapũ to tachũ tirore João co mehne to bautisarire masina, crusapũ to di cohãri cãhũre masina, Cohamacu macũno to jiare masija mari. To bautisari dihta Cohamacu macũno to jiare marine masichũ yoerara. To di cohãri cãhũ marine tíre masichũ yoara. Espĩritu Santo “Jesucristo Cohamacu macũno jira”, ni yahura marine. Tiro potocã ni yahuriro jira. ⁷ Æ jia Jesu Cohamacu macũno to jiare tiaro marine yahura: ⁸ To macũno to jiare Espĩritu Santo sehe marine yahura. Æ yoa Jesure co mehne to bautisari cãhũre masina, Cohamacu macũno to jiare masija mari. Æ jina mari ya cjihtire to yariarire to di to cohãrire masina, Cohamacu macũno to jiare masija mari. Æ jia tí sehe cãno potori marine masichũ yoara Jesu Cohamacu macũno to jiare. ⁹ Masa ti yahuare tũhona “Potocã tjira”, nija mari. Æ niina jipanahta Cohamacu to macũnore to yahuchũ masa ti yahua yũdoro tiro sehene noano tũhoro cahmana marine. Cohamacu waro to jichũ to macũnore to yahuare tũhoro cahmana marine. ¹⁰ Æ jia jipihtina Cohamacu macũnore wacũ tuaina Jesure yahua buheare noano tũhora. “Potocã tjira”, ni tũhotura tina Jesure yahua buheare. Cohamacu to macũnore to yahuare tũhoerariro “Cohamacu mahñoriro jira”, niriro jira tiro. ¹¹ Cohamacu marine jipihtia dachoripe to catia mehne ã jirucuchũ yoarohca. Cohamacu macũno yaina mari jichũ ñũno ã jirucuchũ yoarohca marine. Ahri jira Cohamacu marine to yahua. ¹² Cohamacu macũno yaina jia to catia mehne ã jirucuahca. Paina tirore cahmaeraina sehe to catia mehne ne ã jirucusi.

Yahu to joa batoa jira

¹³ Mũsa Cohamacu macũnore wacũ tuaina Cohamacu catia mehne ã jirucunahca. Tíre mũsa masihti cjihtire mũsare yahu joai nija.

¹⁴ Cohamacu to cahmariro seheta mari tirore dohse jiare mari sinichũ tiro marine noano tũho nũnũnohca. Æ mari sinina “Potocãta noano tũhora tiro”, ni masija

mari. ¹⁵ Tirore mari sinichu, tiro marine tãhora. To ã tãhorire masina, tirore mari sinino purota to wahtiro jichu cãhure masija mari.

¹⁶ Mũsa coyeiro to ñaare yoachu ñana, tí ñaa Cohamacu pichacaru to waha dutia ñaa jierachu, tirore sini payobasaga Cohamacure. Ñ jiro Cohamacu tirore yoadohoro to catia mehne ã jirucuchu yoarohca tirore. Cohamacu pichacaru to waha dutieraina dihtare sini payobasaga mũsa. Paye ñaa sehe Cohamacu pichacaru to waha dutia ñaa waro jira. Cãiro tí ñaa warore to yoachu “Tirore sini payobasaga mũsa”, nieraja yũhũ. ¹⁷ Jipihtia ñaa yoaa ñaa warota jira, Cohamacu to ñũchu. Ti ã jipachuta paye ñaa Cohamacu pichacaru to waha dutia ñaa jierara.

¹⁸ Cohamacu macũno Jesu sehe Cohamacu pohnare noano ñũ wihbora. To ã ñũ wihbochu watĩno sehe Cohamacu pohnare ne ñano yoa masierara. Ñ jia Cohamacu pohna sehe ñaare ã yoarucuerara. Ahrire mari masija.

¹⁹ Mari sehe Cohamacu yaina jija. Watĩno sehe ahri yahpa macaina pũhtoro jira. Ahri cãhure mari masija.

²⁰ Cohamacu macũno ahri yahpare taro marine noano masichu yoare tiro. To ã yoachu potocãta Cohamacu waroreta mari noano masija. Ahri cãhure mari masija. Cohamacu macũno Jesucristo yaina jija mari. Ñ jina potocãta Cohamacu waro mehne macaina jina nija. Ahriro yũ niriro potocãta Cohamacu waro jira. Ñ yoa ahriro to macũno to catia mehne ã jirucuchu yoariro jira. ²¹ Yũ pohna, “Cohamacu jira”, ti nia masurine ño payoena tjiga.

2 San Juan

Jesucristo yare, potocã cahã cãhare yahuha

¹⁻² Yũhũ bũcũro mũhũre Cohamacũ to besericorore mũ pohna cãhare ahri pũre joarocaja. Jesucristo yare yahtiina jija mari. Tiro to buhea cãhũ mari mehne jipihtia dachoripe ã jirucuahca. Æ jicũ potocãta mũsare cahĩja yũhũ. Yũhũ dihta cahĩcũ nieraja mũsare. Paina Jesu yare masiina tina cãhũ potocãta cahĩna mũsare. ³ Cohamacũ mari Pũcũ, Jesucristo to macũno cãhũ potocãta ti cahĩa mehne marine noano yoahca. Æ jia pja ñũa mehne marine noano jichũ yoajaro tina.

⁴ Cohamacũ mari Pũcũ marine to dutiro seheta cãina mũ pohna to yare yahtiina ti jichũ masicũ wahcheja yũhũ. ⁵ Yũ cahĩricoro, mipũre mũhũre yũ dutihto wahma dutia jierara. Wahmanopũre ahri dutia marine dóipũta ji tuhsũri jire. Õ sehe dutira marine. Mari mehne macainare cahĩjihna. ⁶ To dutiare yoa pahñona mari tirore cahĩja. Wahmanopũre mũsa tãhoriro seheta mipũ cãhare õ sehe dutira mũsare. Painare Æ cahĩrucuina jiga.

Payũ mahñoina jira

⁷ Payũ mahñoina “Potocã Jesucristo ahri yahpapũ mari yoaro sehe pjacũ tiriõ masa bajuerari jire”, niina cãhũ ahri yahpa macainare buhea wahare. Tõ sehe niina mahñoriro, Cristore ñũ tuhtiro yoaro sehe jiina jira. ⁸ Noano yoaga mũsa. Cohamacũ ya wapare mũsa noano yoari wapare boena tjiga. Mũsa Æ boerachũ Cohamacũ noa yũhdũaro yoarohca mũsare.

⁹ Jipihtina Cristo yare yũhdũrucaina, Cristo yare quihõno buheraina Cohamacũ yaina jierara. Æ yoa Cristo yare ne cohãeraina Cohamacũ mari Pũcũ, to macũno mehne macaina jira tina. ¹⁰ Cristo ya buheare ne cahmaerariro, paye buheare yahuriro mũsa cahai to tachũ, tirore mũsa wũhũi sãa ta dutiena tjiga. Tirore piti bocaena tjiga. ¹¹ Paye buheare yahuriro Cristo yare cahmaerariro ñano yoara. Æ

jiro tirore piti bocariro sehe ñano yoarirore yoadohoro nina.

Yahu joa batoa jira

¹² Payũ mũsare yahu duapaihta tíre joa duaeraja. Mũsare ñũi waha duaaja. Mũsare ñũcũ mũsa mehne sãhũduihtja mari noano wahchehti cijhtire.

¹³ Cohamacũ to besericoro mũ baho pohna sehe mũhũre noa dutira.

3 San Juan

João Gayo wama tirirore “Noariro jira”, niha

¹ Y_hh_h b_hc_hro m_hh_hre Gayore potocã y_h cahĩrirore ahri pũre joarocaja.

² Y_h cahĩriro, Cohamac_h mehne macariro m_h jich_h masija y_hh_h. Tiro mehne m_h noano jiriro seheta m_h noano y_hhd_hhti cjihtire, m_h pjac_h dohatiro marieno m_h jihti cjihtire Cohamac_hre sini payoja m_hh_hre.

³ Mahainacã Jesu yaina y_h cahai wihia m_h jia tiare yahuhre y_hh_hre. “Cristo to cahmano seheta potocãta yoa namono nihre Gayo”, ni yahuhre tina y_hh_hre. Ti ã ni yahuch_h t_hhoc_h tuaro wahchehi y_hh_h.

⁴ M_hsa Jesu yare y_h buherina cjiri to cahmano seheta m_hsa yoach_h t_hhoc_h tuaro wahcheja.

⁵ Y_h cahĩriro, Jesu yainare yoadohoc_h noano yoara m_hh_h. M_h ñ_h masieraina ti jipach_hta, tinare yoadohoc_h noa y_hhd_haro yoara m_hh_h. ⁶ Tina panop_h m_h ñ_h masieraina sehe Jesu yainare õi cahmachuinare sãre õ sehe ni yahuhre: “Gayo Jesu yainare noano cahĩna”, ni yahuhre panop_h m_h ñ_h masieraina sehe. Baharo m_h ya macare ti y_hhd_h wahcãch_h ñ_hc_h tinare noano yoadohoga Cohamac_h to wahchehto sehe. ⁷ Tina Jesu yare buhe tinia wahaa, Cohamac_hre cahmaeraina ti yoadohoch_h cahmaerara. ⁸ ã jina tinare Jesu yare buhe tiniinare yoadohojihna mari. Tinare ã yoadohona nija potocã jiare ti yahuhti cjihtire.

Diotrefe to ñaa yoarire yahuha João

⁹ Tó macainare Jesu yainare mahanocã joarocamahi. Y_h ã joarocapach_hta Diotrefe to basi ti p_hhtoro yoaro sehe ji duaro, y_hh_hre t_hho duaerayuhca. ¹⁰ M_hsa cahai y_h s_hri baharo to yoarire m_hsare yahu pahñoihtja. Sãre ñano durucuyuhca tiro. Mahñoa payuriro jira tiro. ã yoa paye ñaa cãh_hre yoayuhca tiro. Jesu yainare to yare buhe tiniinare ne tiro to w_hh_hre sãa ta dutierayuhca. ã yoa paina tó macaina Jesu yaina sehe buhe tiniinare ti sãa ta dutich_h ñ_hno tiro sehe

“Buhe tiniinare sãa ta dutiena tjiga m_hsa ya w_hh_hsep_hre”, ni yahusãyuhca tinare. “M_hsa ya w_hh_hsep_hre buhe tiniinare m_hsa sã ta dutiri buhiri mari Jesu yaina mari cahmachuri w_hh_hp_hre sãaena tjiga m_hsa sehe”, niyuhca Diotrefe tó macainare Jesu yainare.

¹¹ Y_h cahĩriro ñainare ñ_h cũi tjiga. Noano yoaina sehere ñ_h cũga. Noaare yoaina Cohamac_h yaina jira. Ñaare yoaina Cohamac_hre masierara.

Demetrio noaa to yoarire yahuha João

¹² Jipihtina noano durucura Demetrio sehere. ã yoa to yoarire ñ_hno noano to yariro jich_h masina masa. Sã cãh_h tirore ãta ni yahuja. Sã yahua sehere potocã jich_h masina m_hsa.

Yahu batoaha João

¹³ M_hh_hre pay_h yahu duamahi. ã yahu duapaihta tıre joeraja. ¹⁴ Mahanocã baharota m_hh_hre ñ_h duaja. ã jina tó_h mari basi s_hhdunahca.

¹⁵ Noano jiga m_hh_h. Mari mehne macaina õ macaina Jesu yaina cãh_h m_hh_hre noa dutira. Tó macaina mari mehne macaina jipihtina noajaro.

San Judas

Juda Jesu yainare joarocaha

¹ Yuhuh Juda Santiago baharo Jesucristore dahra cohtariro musare Jesu yainare ahri pūre joarocaja. Musare Cohamacu mari Pucu besea tiri jire. Ā jina to cahīa mehne noano jira musa. Ā yoa musare Jesucristo ñu wihboro nina. ² Noa dutija musare. Cohamacu musare pja ñano to yoadohoro mehne to cahīa mehne noano jiga musa.

Mahñoina ti buheare yahu dhacaha Juda (2P 2.1-17)

³ Cohamacu marine pichacapu waha-borinare to yuhduchu yoaa sehere tuaro joaroca duamahi musare, yu cahīinare. Ā joa duapaihta musare mipure mahñoa buheare cahma sāeracu musare joarocaja. Ā jina Jesucristo ya yahua sehere tuaro yahuga. Ahri yahua sehere tuhona, mari Cohamacure noano wacū tuaja. Ahri yahua sehe Jesu to cūrina to yainare ti yahuri cjiri āta jirucunocahna cohtotaro marieno. ⁴ Mahainacā masa ñaina Cohamacure cahmaeraina wacūenoca musa cahai wihire. Musa mehne jia tina ō sehe ni yahumana musare: “Cohamacu yaina musa jichu, tiro cahīna musare. Ā jiro numia mehne musa ñano yoachu tiro musare ne buhiri dahresi”, ni yahumana tina. Ā jia mari puhtorore cūirota jirirore Jesucristore “Cohamacu macuno jierara”, ni yahumana tina. Ō sehe ni yahuinare Cohamacu to buhiri dahrehtore yahua tiri jire panopure. To yare ti joari pūi ā ni yahua tiri jire.

⁵ Mipure musare payere wacūchu yoa duaja. Ahrire musa masipachuta pari turi ahrire musare wacūchu yoa duaja. Cohamacu judio masare Egiptoi jinare to naa wiori baharo tina mehne macainare tirore wacū tuaerainare tiro wajāa tiri jire. ⁶ Ā yoa paina cūhure wacūga musa. Paina anjoa sehe Cohamacu dutiare yoa duaera tiri jire. Ā jia tinare to ji duti to cūrirore tina ji duaera tiri jire. Ā yoa ti jimarirore cohānoca tiri jire tina. Tī ā cohāchu ñano

Cohamacu nahitianopu tinare peresu yoaa tiri jire. Ā jia tina pihtiri dacho pano comaa dari mehne duhterina yoaro sehe jirucuahca tina to peresu yoarina. Ā jiro pihtiri dacho jichu tinare buhiri dahrerohca Cohamacu. ⁷ Āta yoaa tiri jire paina cūhu. Tina cūhure wacūga musa. Tina Sodoma wama tiri maca macaina, Gomorra wama tiri maca macaina tí macari cahacāi jia macari macaina cūhu numia mehne ñano yoaa tiri jire. Soro yoaa cūhure yoaa, tina muha sehe ti basita ti pjacuri mehne ñano yoaa tiri jire. Numia cūhu āta yoaa tiri jire. Ti ā yoari buhiri Cohamacu tinare jū pahñonocaa tiri jire. Tinare jūno Cohamacu jipihtina tirore yuhduhcainare to buhiri dahrehtore masare ñono nia tiri jire. Tinare to buhiri dahreri pichaca ne yatisi.

⁸ Tina Cohamacu to buhiri dahrerina cjiri yoaro sehetā mipu cūhure āta yoarucura mahñoare buheina. Tina tuho masieraina yoaro sehetā ti pjacuri mehne ñano yoara. Ā yoa Cohamacu dutiare ne cahmaerara tina. Ā yoa musano macaina si siteinare tina sehe ñano durucu cohtara. ⁹ Noaina anjoa sehe tuaina jipahta ā ni durucuerara. Miguel wama tiriro anjoa puhtoro sehe Moise pjacu cjirore cahmano, watīno mehne cahma sayoa tiri jire. Tua yuhduariro jiparota tiro “Watīno yuhdoro yuhu pinihta tuaja”, ni tuhotuera tiri jire. Ā jiro to musuro watīnore ñano durucuera, tirore tuhtiera tiri jire. Ā jiro ō sehe nia tiri jire watīnore. “Cohamacupu muhure tuhtijaro”, nia tiri jire Miguel watīnore. ¹⁰ To ā yoariro jipachuta ahriina mahñoina sehe ti masierainare ñano durucu cohtara. Ā yoa wahiquina tuho masieraina ti musuro ti yoaro sehetā tina mahñoina cūhu yoara. Ā yoaina jia, pichacapu wahaahca.

¹¹ Tinata ñano yuhduahca. Caī cjiro to yoariro sehetā ñano yoara tina cūhu. Ā jia Balāa to yoariro sehetā tina niñerure na duaa, mahñoare buhera. Ā yoa Coré to puhtorore cohā duariro cjiro yoaro sehetā tina cūhu tó sehetā yoara. Ā jia tiro yoaro sehetā tina cūhu pichacapu wahaahca. ¹² Tina mahñoina sehe musa cahma cahīhti bose numurine chua, ño payoa marieno mehne tina ti cahmano pape, ti sahserota

chũare bora painare waro marieno. Wete yoaro sehe tina m̄sa bose n̄m̄r̄ine noaa dachori jiborirore dojomehne cohtara. Me curuari wihnono to w̄arocaa curuari, co mariea me curuari ti yaba cjihti jieraro seheta tina mah̄noina ne yaba cjihti jierara. ã yoa dicha tiri pja jichũ dicha tieraa yuc̄ari yoaro sehe jira tina. Tí yuc̄ari p̄aa tahap̄ yariaa wahara. Cũ taha dicha tieraa yuc̄ũ, yariaa yuc̄ari yoaro sehe waha tuhs̄ara. Tí yuc̄arire ti duhari baharo pari turi yariaa wahara tjoa. Tí yuc̄ari yoaro seheta jia yaba cjihti jierara tina mah̄noina. ¹³ ã yoa pjiri ma macaa pahc̄ori buj̄ua pahc̄ori yoaro sehe jira tina. Tí pahc̄ori ti c̄j̄ar̄ca õchũ, wete tia sahpo wahara. Dohse jiare tina mah̄noina ti yoachũ pahc̄ori macaa sahpo wete tia sahpo ti waharo seheta mah̄noina ti ñaa yoaa jira. ã yoa si m̄ wahc̄ãa poca ñahpichoha poca yoaro sehe jira tina. Tí ñahpichoha poca ti wahahti mahare duhunoca, ti ã cohtotarucuro seheta tina c̄hũ quihõno buheraa, ã cohtotarucura. Ti ã yoari buhiri nahitianop̄ũ, ñanop̄ũ ã jirucuahca tina mah̄noina.

¹⁴⁻¹⁵ Enoco panop̄ũ macariro cjiro Adão panamana seis baharo to panami tiroiro õ sehe nia tiri jire tinare mah̄noinare: “Tuhoga yuh̄are. Cohamac̄ũ payũ to yaina anjoa noaina mehne jipihtina ñainare ti ñaa buhiri buhiri dahrero tarohca. ã yoaro jipihtina Cohamac̄ũre ñũ tuhtiinare ti ñaa yoari buhirire tinare buhiri dahrero tarohca Cohamac̄ũ. Cohamac̄ũre ñano ti durucuri buhiri c̄hũre tinare buhiri dahrero tarohca”, ni yahuyua tiri jire Enoco. ¹⁶ Tina mah̄noina painare tuhtiina, nurerucuina ti ñano wacũa dihtare yoara tina. ã yoa “Painare masi yuhd̄ũcaja sã”, nirucura tina. ã jia ti cahmano sehe yoa duaa, paina ti c̄j̄aare na duaa, mah̄no c̄ũ durucura tuhõ ji coarop̄ata.

Jesu yainare yahu namoha Juda

¹⁷ Mari p̄htoro Jesucristo buhe duti to c̄ũrina ti buherire wacũga m̄sa, yũ cah̄ina. ¹⁸ Õ sehe ni buhere tina marine. “Ahri yahpa to pihtihto panocã Cohamac̄ũre, m̄sa to yaina c̄hũre ñano durucu buj̄upeina jahca. Tina Cohamac̄ũre cahmaeraa, ñaare ti goa pjaare yoahca”,

ni yahure Jesu to c̄ũrina m̄sare. ¹⁹ Jesu yainare ti basi ti cahma ñũ tuhtichũ yoara tina mah̄noina sehe. ã yoa tina ñaina ti m̄ s̄ro yoaina jia, Esp̄iritu Santore ne c̄j̄aerara tina. Ti ñaa goa pja dihtare yoara tina.

²⁰ M̄sa sehe yũ cah̄ina, Jesucristo ya buheare noano tuhõ namoga, noano wacũ tuaina m̄sa jihto sehe. Tí buhea sehe ñaa mariea buhea noa yuhd̄ũara. Esp̄iritu Santo yoadohoa mehne Cohamac̄ũ mehne durucuga m̄sa. ²¹ Cohamac̄ũ m̄sare tuaro cah̄ina. Tíre masina tirore noano yuhtiina jiga m̄sa. ã yuhtiina jiga, Jesucristo mehne m̄sa ã jirucuh̄ire m̄sa cohtaro watoi. Tiro marine pja ñũno m̄anop̄ũ ã jirucuchũ yoarohca.

²² Cristo yare “Quihõno jieraboca”, ni tuhõtuinare pja ñũga. ²³ Painare yoadohoga pichac̄ap̄ũ ti wahaerahto sehe. ã jina painare pja ñũga m̄sa. Tinare yoadohona m̄sa c̄hũ ti ñaa yoare ñũ c̄ũena tjiga. Wete tiri suhtirore m̄sa cahmaeraro seheta, paina ti ñaa yoare cahmaena tjiga m̄sa, “Ti ñaa yoare ñũ c̄ũ yoari”, nina.

Juda Cohamac̄ũre to ño payoa jira

²⁴ Cohamac̄ũ mari p̄htoro marine ñũ wihbo masina ñaare mari yoerahto sehe. ã jiro tiro si siteriro marine ñaa buhiri marieinare m̄anop̄ũ to cahap̄ũ c̄ũ masina. ã marine tórp̄ũ to c̄ũchũ mari wahchenahca. ²⁵ Tiro Cohamac̄ũ c̄ũirota jira. Pairo mariahna. Pichac̄ap̄ũ wahaborinare marine yuhd̄ũchũ yoariro jira. Tiro sehe panop̄ũ, mip̄ũre, jipihtia dachoripe c̄hũre noa yuhd̄ũariro, mari bui p̄htoro jiro, tua yuhd̄ũariro, jipihtinare dutiro jira. To ã jiro jichũ mari p̄htoro Jesucristo to yoadohoa mehne tirore ño payoa mehne wahchejihna. ãta yoajihna.

Apocalipsis

Baharopure ahri dacho to dohse wahahtore marine masichu yoaha Jesucristo

¹ Ahri pui Jesucristo marine to masichu yoarire yahu joarocai nija. Cohamacu sehe tire yahu dutiro cūri jire tirore, to yainare tirore dahra cohtainare masichu yoa dutiro. ã jiro michapucacãta to dohse wahahtore masichu yoari jire tiro. Mahanocã dũhsa mũjano nina to ã wahahto. Jesucristore to ã cūchu tiro sehe anjore tire yũhũre Joãore yahu dutiro warocari jire.

² ã jicu yũhũ Joã jipihtiare yũ ñũrire yahu joarocai nija. Cohamacu ya durucuares Jesucristo ya buheare yahu joarocai nija.

³ Ahri pui baharopu to dohse wahahtore yahu joai nija. Mahanocã dũhsa mũjano nina ahri jipihitia ti ã wahahto. ã jia jipihitia ahri pũre buheina, yũ yahuare noano tũhoina yũ yahuriro sehe yoaina wahcheina jahca.

Siete curuari macainare Jesu yaina cahmachuinare joarocaha Joã

⁴ Yũhũ, Joã mũsare siete curuari macainare Jesu yainare Asia yahpa macainare joarocaja: Cohamacu to cahũa mehne mũsare noa dutija. ã yoa to yoadohoa mehne noano jiga mũsa. Tiro panopũta ã jirucuriro jia tiri jire. Mipũ cũhũre ã jirucura. Baharopũ tarohca. To pũhtoro dujiro panoi jiina siete pjacu bajueraina jira. Tina ti cahũa mehne noano jiga mũsa tjoa. ⁵ Jesucristo to cahũa mehne noano jiga mũsa tjoa. Cohamacu yare mahũono marieno yahuriro jira tiro. ã jiro to yariari baharo to masa mũjari baharo ne pari turi yariasi tiro. “Õ sehe masa mũjaahca yũ yaina”, ni ñũ quihũ mũhtariro jira tiro. ã jiro jiro jipihitia ahri yahpa macaina pũhtoa ti bui pũhtoro jira tiro. Marine cahũno to di cohãri mehne mari ñaare cosawere tiro. ⁶ ã cosawero marine pũhtoa sũre tiro. Sacerdotea marine wahachu yoare tjoa. Cohamacu Jesu Pũcũro to yare yoahinare marine sacerdotea sũre tiro. Jipihitia dachoripe

“Tuariro jira”, ni wahche payorucunahca mari jipihitia tirore. Jipihitia bui pũhtoro ã jirucura tiro. ãta jirucujaro.

⁷ Noano wacũ masi cohtaga mũsa. Me curuari watoi duji tarohca Cristo. To ã tachũ ñũahca jipihitia. Tirore cjã puha wajãrina cjiri cũhũ tirore ñũahca. To ã tachũ ñũa ahri yahpa macaina tirore cahmaeraina jipihitia curuari macaina tuaro cahya, tiiahca. ãta yoajaro.

⁸ Õ sehe nina mari pũhtoro Cohamacu: “Yũhũ jipihitiare bajuamehneriro jija. ã yoa jipihitiare pihtichũ yoahitiro jija. Tua yũhdũũcariro jija yũhũ. Panopũ ã jirucua tii. Mipũ cũhũre ã jirucuja. Baharopũ taihtja”, nina Cohamacu tua yũhdũũcariro.

Cristore si siterirore to ñũrire yahuha Joã

⁹ Yũhũ Joã mũsa coyero Jesu yairo jija. ã jicu mũsa yoaro sehetã yũhũ cũhũ Jesu yare yũ yoari buhiri ñãno yũhdũhi. ã yoa mũsa yoaro sehetã yũhũre ti ã ñãno yoapachũta Jesu yoadohoa mehne Jesure cohãerahi. Mari cãno potori pũhtoro to sũho jiro macaina cjihti jija. Yũ ya dihta macaina ti cohãriro jicu Patmo wama tiri nũcopũ jihĩ. Cohamacu yare, Jesucristo to buheri cũhũre painare yũ buheri buhiri tũpũ ti cohãriro jihĩ. ¹⁰ Tũi yũ jichũ cã dacho domingo jichũ Espĩritu Santo yũhũre cahãnopũ ñũno nihre. To ã ñũochũ yũ baharo bahũsehei tuaro durucua bisiro coa tahre. Corneta to tuaro bisiro sehetã tũ sehetã bisiro coa tahre to durucua. ¹¹ Õ sehe nino coa tahre yũ tũhochũ:

—Mipũ mũ ñũhtire joari pũi joa õga. Mũ ã joa õri baharo siete curuari macainare Cohamacu yainare warocaga tí pũre. Tina siete curuari Asia yahpai jia macari macaina jira. Efeso macainare, Esmirna macainare, Pẽrgamo macainare, Tiatira macainare, Sardis macainare, Filadelfia macainare, Laodicea macainare mũ ñũhtire joarocaga —nino coa tahre yũhũre.

¹² To ã nichũ tũhocũ majarerũcahi yũhũre durucurirore ñũi tai. ã majarerũcacũ siete sihãa pocare ti duhu payoa yucũre uru mehne ti yoari yucũre ñũhi. ¹³ Tĩ yucũ watoi ducurirore masũno yoaro sehe bajurirore ñũhi. Tiro yoari suhtiro to

dahporip_u s_uri suhtirore s_uariro jihre. *Ā* jiro uru mehne ti yoari cahsaro mehne to p_ubuhu bui t_uā dihoriro jihre. *14* *Ā* yoa to pjoa yaja pjoari yoaro sehe noano yehsehre. To capari pichaca pohna yoaro sehe sihre. *15* To dahpori bronce wama tiri comaa siri comaa yoaro sehe si sitehre. Broncere pichaca mehne ti noano j_uweri baharo t_ure wahtara noano si pa dutia. Ti noano wahtariro yoaro sehe to dahpori noano si sitehre. *Ā* yoa to durucua pay_u poayeri yoaro sehe tuaro bisiro coa tahre. *16* To wamomaca poto b_uh_usehei siete *ñ*ahpichoha pocare c_uahre. *Ā* yoa to d_useroi *ñ*osari p_uj_u b_uh_useheri siori p_uj_une cuhc_uhre. *Ā* yoa s_udacho macariro to tuaro minoano seheta to w_uhd_u tuaro si sitehre.

17 *Ā* jic_u tirore *ñ*u_u to dahpori cahai doca caha s_uhi yariariro yoaro sehe. Y_u *ā* doca caha s_uch_u *ñ*u_u tiro to wamomaca poto b_uh_usehe mehne y_uh_ure duhu payo *ō* sehe nihre:

—Cuii tjiga. Y_uh_u jipihtiare ba-juamehneriro jija. *Ā* yoa jipihtiare pihtich_u yoah_utiro jija. *18* Catiriro jija y_uh_u. Yariariro jimai. Mip_ure *ñ*u_uga. Jipihtia dachoripe *ā* catirucuriro jija y_uh_u. *Ā* yoa yariaina ti jiroi p_uhtoro jija. Yariaina ti jiro macari sopaca sawire y_u c_uhaboriro seheta t_ur_u j_uinare na wio, pari turi catich_u yoa masija y_uh_u. *19* *Ā* jic_u mip_u wahahtore *ñ*u_u, joa *ō*ga. Baharop_u to dohse wahahto c_uh_ure *ñ*u_u joa *ō*ga m_uh_u. *20* Ahri siete *ñ*ahpichoha pocare y_u poto b_uh_usehei y_u c_uh_u pocare yahuihtja m_uh_ure. Siete sih_uā pocare ti duhu payoa yuc_u uru yuc_u c_uh_ure yahuihtja. *ō* sehe jia yahuaire panop_u masare ne yahuera tii. *ō* sehe jira t_u: Siete *ñ*ahpichoha poca siete curuari macaina y_u yaina cahmachuina p_uh_utoa jia nina mari piti dahre buhech_u. *Ā* jia siete sih_uā pocare ti duhu payoa yuc_u siete curuari macaina y_u yaina jia nina mari piti dahre buhech_u —nihre y_uh_ure.

2

Efeso macainare Jesu yainare joa d_uca dutiha Jo_uore

1 *Ā* ni tuhs_u *ō* sehe ni namohre y_uh_ure joa dutiriro:

—Efeso macaina y_u yaina, ti p_uhtoro c_uh_ure *ō* sehe ni joarocaga m_uh_u: “Y_u wamomaca poto b_uh_usehei siete *ñ*ahpichoha pocare c_uariro jija. *Ā* jic_u siete sih_uā dapoaa yuc_u uru mehne ti yoaa yuc_u watoi tiniriro jija. *Ā* tiniriro jic_u m_usare *ō* sehe ni yahuja: *2* Jipihtia m_usa yoarire masi pah_uñoja. Y_u ya c_uh_utire tuaro m_usa dahrarire, y_uh_ure m_usa wac_u tua duhuerari c_uh_ure noano masija. *Ñ*aare yoainare m_usa *ñ*u_u yabich_u c_uh_ure masija. *Ā* yoa ‘Jesu buhe dutiro to c_urina jija’, nimirinare quih_uño ti buherach_u, quih_uño ti yoerach_u *ñ*u_u, mah_uñoina ti jich_u masire m_usa. *3* Y_u yare m_usa yoari buhiri m_usa *ñ*u_u y_uhd_upanahta y_uh_ure ne duhuerare m_usa. *4* *Ā* noano yoaina jipanahta c_uno_ure t_u yoerare m_usa. Ahri jira t_u: Y_uh_ure m_usa noano cah_u m_uhtariro seheta mip_ure yoerara m_usa. *5* Y_uh_ure m_usa cah_u m_uhtarire wac_uga m_usa tjoa. Mip_ure y_uh_ure m_usa cah_uera curerire wac_uga. *Ā* yoa Cohamac_u yare tuaro cahmaga tjoa. *Ā* cahmana, y_u yare m_usa yoa m_uhtariro seheta yoaga tjoa. M_usa *ā* yoerach_u sih_uariare y_u duhu payod_u m_usa ya d_ure y_u dapod_ure m_usare nanocaihtja. (*Ā* nic_u *ō* sehe ni yahui nija m_usare. M_usa t_u macaina y_uh_ure coh_uboca. *Ā* coh_una t_u purota pihtinahca m_usa *ñ*aa yoare duhuerana.) *6* Y_uh_ure cah_uera cureina jipanahta ahrire noano yoare m_usa: Nicolaita wama tiina ti *ñ*aa yoarire *ñ*u_u yabira m_usa. Y_uh_u c_uh_u ti yoarire *ñ*u_u yabija. *7* Cahmori tiina jira m_usa. *Ā* jina m_usa ya curuari macainare y_u yainare Esp_uritu Santo to yahurire t_uhoga m_usa. *ō* sehe nina tiro: ‘Jipihtinare Jesure wac_u tua duhuerainare Cohamac_u masare to c_uno paraiso wama tiro macad_u dichare ch_u dutiitja. T_u dicha catich_u yoaa jira’, nina Esp_uritu Santo”, ni yahu joarocaga Efeso macaina y_u yainare, ti p_uhtoro c_uh_ure.

Esmirna macainare Jesu yainare joaroca dutiha Jo_uore

8 ‘Esmirna macaina y_u yainare, ti p_uhtoro c_uh_ure *ō* sehe ni joarocaga m_uh_u:

“Yuhũ jipihtiare bajuamehneriro jija. ã yoa jipihtiare pihlichũ yoah tiro jija. Yariaa wahai. Pari turi catija tjoa. ã jicũ õ sehe ni yahuja musare: ⁹ Mũsa ñano yũhdũrire masija. Pjacooina musa jichũ cũhũre masija. ã jipanahta Cohamacũ yare noaare pjĩro cjũara musa. Paina sehe ‘Judio masa jija’, nimarina mahũoina jira. Tina musare ti ñano quti dahrerire masija. Tina Satana yaina jira. ¹⁰ Mipũre musa ñano yũhdũhtire cuiena tjiga. Tũhoga musa. Watĩno musare Cohamacũre duhu dutiro cãina musa mehne macainare peresu yoa dutirohca. Diez dachori waro ñano yũhdũnahca musa. Ti ã ñano yoachũ musare ti ã wajãmoũnopachũta yũhũre yũ ya cũhũre cohãena tjiga. Mũsa ã yũhũre cohãerachũ ñũcũ jipihtia dachoripe Cohamacũ cahapũ musare ã jirucuchũ yoaihtja. ¹¹ Cahmori tiina jira musa. ã jina musa ya curuari macainare yũ yainare Espĩritu Santo to yahurire tũhoga musa. Õ sehe nina tiro: ‘Jipihtina Jesure wacũ tua duhueraina pichacapũ wahasi. Ti yariari baharo pichacapũ wahasi’, nina Espĩritu Santo”, ni joarocaga Esmirna macaina yũ yainare, ti pũhtoro cũhũre.

Pérgamo macainare Jesu yainare joaroca dutiha Joãore

¹² Pérgamo macaina yũ yainare, ti pũhtoro cũhũre õ sehe ni joarocaga mũhũ: “Yuhũ ñosari pjĩ pũ bũhũseheri siori pjĩne cjũariro jija. Musare õ sehe ni yahuihtja: ¹³ Mũsa yoarire, musa ya maca macaina ti yoari cũhũre masija. Tó macaina pũhtoro Satana jira. Tó macaina Satanare ño payoina Antipare yũ yare noano yahuriro cjirore wajãre. Tirore ti ã wajãchũ ñũpanahta yũ yare yoarucuna yũhũre ne wacũ tua duhuerare musa. ¹⁴ Mũsa ã wacũ tua duhuerapanahta mahanocã yũhũre yũhdũrũcare musa. Cãina musa mehne macaina Balãa ya buheare cahmana. Panopũ Balãa pũhtoro Balac wama tirirore õ sehe ni buhea tire: ‘Israe masare yũhdũrũca duacũ “Cohamacũ jira”, musa nia masũrine ño payo musa duhu payoa chũare chũ dutiga tinare. ã yoa numia mehne ñano yoachũ yoaga tinare’, ni buhea tire Balãa cjiro.

Cãina musa mehne macaina to buheare cahmana. ¹⁵ ã yoa paina musa mehne macaina Nicolaita wama tiina ya buhea sehere duhu duaerara. ¹⁶ ã jina musa ñaa tũhotumari cjirire tũhotu cohtota, Cohamacũ yare tuaro cahmaga tjoa. Mũsa ã cahmaerachũ ñũcũ soaro mehne musa cahapũ wahacũ, ã ñano yoaina mehne cahmacheihca yũ dũseropũ jiri pjĩ ñosari pjĩ mehne. ¹⁷ Cahmori tiina jira musa. ã jina musa ya curuari macainare yũ yainare Espĩritu Santo to yahurire tũhoga musa. Õ sehe nina tiro: ‘Jipihtinare Jesure wacũ tua duhuerainare manã wama tiri chũare to nũori chũare waihtja. Yehsea tãa cũhũre waihtja tinare. Tĩ tãare wahma wamare yũ joa õa tãa jiahca. Paina tí wamare ne masisi. Tĩ tãare naina dihta tí wamare masiahca’, nina Espĩritu Santo”, ni joarocaga Pérgamo macaina yũ yainare, ti pũhtoro cũhũre.

Tiatira macainare Jesu yainare joaroca dutiha Joãore

¹⁸ Tiatira macaina yũ yainare, ti pũhtoro cũhũre õ sehe ni joarocaga mũhũ: “Yuhũ Cohamacũ macũno yũ capari picha pohna yoaro sehe sira. ã jia yũ dahpori bronze wama tiri comaa ti wahtari comaa yoaro sehe si sitera. Musare õ sehe ni yahuja: ¹⁹ Mũsa yoarire masija yũhũ. Cohamacũre paina cũhũre musa cahĩrĩre, yũhũre musa cohãerarire, painare musa yoadohorire, ñano yũhdũpanahta yũhũre musa duhuerarire masija. Wahmanopũ musa yoariro yũhdoro mipũ sehere noano yoa namona nina musa. Tĩ cũhũre masija yũhũ. ²⁰ Mũsa ã noano yoaina jipanahta õ sehe yũhũre yũhdũrũcahre musa: Jezabe wama tiricoro ‘Cohamacũ yare yahu mũhtaricoro jija’, ni mahũoricoro musare to ñano buhechũ tũhona ticorore tuhtierare musa. Mahũo buhero yũ yainare yũhũre dahra cohtainare numia mehne ñano yoachũ yoara. ã jiro ‘Cohamacũ jira’, ti nia masũrine paina ño payo ti duhu payoa chũare chũ dutira ticoro yũ yainare. ²¹ To ñaare to cahyahtore cohtasinimai. Yũ ã cohtapachũta mũa mehne to ñano yoare duhu duaerare. ²² Yũhũre tũhoga musa. Ticorore dohatichũ yoaihtja. Ticoro

mehne ñano yoaina cãhure dohaticu yoaihtja. Ñ jia tina pjíro ñano yãhdãhca. Ñta yoaihca tinare ticoro mehne ti ñano yoaare ti cahyaerachu, tíre ti duhuerachu. ²³ Ñ yoa ticoro ya buheare cahmainare wajãihtja. Yã ã yoachu ñãa jipihtina yã yaina yã noano masiro jichã masiahca. Masa ti tãhotuare ti goa pjaa cãhure masija. Yã ã masiro jichã masiahca tina ticorore yã buhiri dahrechã ñãa. Jipihtina mûsa ñaare yoari buhirire buhiri dahreihntja mûsare. Ñ yoa mûsa noaare yoari wapa sehere noano yoaihtja mûsare. ²⁴ Paina mûsa mehne macaina Tiatira macaina ticoro ya buheare cahmaerare. Mûsa sehe Satana ya buheare ‘Pano to yahuerari cjiri’, ti nia buheare cahmaerare mûsa. Ñ jicã mûsa sehere duti namosi yãhã. ²⁵ Ahri dihtare yoa duti namoihtja mûsare: Mûsa cahapã yã tahto pano yã buheare mûsa masiro ne mahanocã duhuena tjiga. ²⁶⁻²⁷ Jipihtina ñaare duhuinare yã yare ã yoarucinare pãhtoa sõihtja. Yã Pãcã yãhure to pãhto sõriro sehetã mûsa cãhure pãhtoa sõihtja. Jipihtia yahpari macaina bui pãhtoa sõihtja mûsare. Ñ pãhtoa sãana, mûsa docai jinare jipihtia yahpari macainare tuaro dutinahca mûsa. Dihã biatore mari yucãcã mehne pohachã dói to wahtiaro sehetã Cohamacure yãhdãrãcainare ãta yoanahca mûsa. ²⁸ Ñ jicã mûsare yã yare ne duhuerainare bohrea mãja tachã mãja tariare waihtja mûsare. ²⁹ Cahmori tiina jira mûsa. Ñ jina mûsa ya curuari macainare yã yainare Espíritu Santo to yahurire tãhoga mûsa”, ni joarocaga Tiatira macaina yã yainare, ti pãhthora cãhure.

3

Sardis macainare Jesu yainare joaroca dutiha Joãore

¹ Sardis macaina yã yainare, ti pãhthora cãhure õ sehe ni joarocaga mûhã: “Yãhã siete pjacã bajuerainare Cohamacu yainare dutiro jija. Ñ yoa siete ñãhpichoha pocare cãariro jija. Mûsare õ sehe ni yahuja: Mûsa yoarire masija. Õ sehe ni tãhotumana paina mûsare: ‘Tina

Cohamacu yare noano yoa pãhñoina jira’, ni tãhotumana mûsare paina. Ti ã ni tãhotupachuta Cohamacu yare noano yoarera mûsa. ² Ñ jina noano yoaga mûsa ‘Ñaare yoari’, nina. Cohamacu yare mûsa masiro noano wacãga, ‘To yare duhuri’, nina. Cohamacu to ñãchã noano yoa pãhñoerasinire mûsa. ³ Ñ jina yã yare mûsa tãho mãhtarire noano wacãga mûsa. Ñ wacãna yã yare yoaga tjoa. Cohamacu yare pari turi cahmaga tjoa. Yã nino sehe mûsa yoerachã wacãenoca mûsare buhiri dahreihntja. Yacariro wacãenoca to yacaro sãariro sehetã mûsare wacãenoca buhiri dahreihntja. ⁴ Cãina mûsa mehne macaina Sardis macaina ñaare yoarucina jierara. Wete marieni suhtirore mûsa sãaboriro sehetã tí suhtirore mûsa wete piho duaeraro sehetã ti ñaa yoare piha duaerare mûsa. Ñ noaina jina, yehseri suhtiro sãaina yãhã mehne tininahca mûsa sehe. Ñ yoahtina cjihti jira mûsa. ⁵ Jipihtina yã yare duhueraina ãta yehsea suhti sãaina jiahca. Ñ yoa yãhã mehne ã jirucuhtina ti wamare to joa õri pãi tina cãhã ti wamare joa õina jiahca. Ti wamare to joa õrire pãhã cohãsi yãhã. Yã Pãcã to ñãrocaroi, anjoa cãhã ti ñãrocaroi yã yaina mûsa jirire yahuihtja tinare. ⁶ Cahmori tiina jira mûsa. Ñ jina mûsa ya curuari macainare yã yainare Espíritu Santo to yahurire tãhoga mûsa”, ni joarocaga Sardis macaina yã yainare, ti pãhthora cãhure.

Filadelfia macainare Jesu yainare joaroca dutiha Joãore

⁷ Filadelfia macaina yã yaina, ti pãhthora cãhure õ sehe ni joarocaga mûhã: “Yãhã ñaa marieriro jija. Yã nino sehetã yoariro jija. Davi cjiro panopã macariro pãhthora dutiro waro sawire cãariro jiro masare to dutiro sehetã tuaa mehne dutihtja yãhã cãhã. Tí tuaa mehne yã yoa dutierachã ne paina tíre yoa masierara. ⁸ Jipihtiare mûsa yoare masija yãhã. Wacã tuaera cureina jipanahta yã buheare noano tãho, tíre ne duhuerare mûsa. Ñ jicã yã yare cãi mûsare tíre buhe duticã. Ñ jia paina ‘Tíre buhena tjiga’, ni ducata

masierara m̄sare. ⁹ Ā jic̄u õ sehe yoaihtja: Paina m̄sa cahai jiina Satana yaina jira. ‘Judio masa jija’, nipahta judio masa waro jierara. Tinare m̄sa panoi na tuhcuca caha s̄u m̄sare ño payoch̄u yoaihtja tinare. Ȳu Ā yoach̄u ñ̄u m̄sare ȳu cah̄iare masiahca tina. ¹⁰ M̄sare ȳu yare ȳu duhu dutierach̄u t̄hona noano ȳuhtire m̄sa. M̄sa Ā yoach̄u ñ̄u ahri yahpa macaina jipih̄tina ti ñ̄ano ȳuhduhti p̄ja jich̄u m̄sare d̄ucataihtja m̄sa ñ̄ano ȳuhduerahto sehe. Tí p̄ja jipih̄tina ti ñ̄ano ȳuhduhti p̄ja jirohca. ¹¹ Mahanoc̄a d̄hsara ahri yahpap̄u ȳu tjua tahto. Ȳu yare m̄sa masirire boena tjiga. Ā yoa ȳuh̄re Ā ȳuhtirucuga, m̄sa noano yoari wapare ‘Butiri’, nina. ¹² Ā jic̄u ȳu yare Ā yoarucuinare ȳu P̄uc̄u ya w̄uh̄u macaina c̄jhtire c̄uhtja tinare. To ya w̄uh̄u macaa botari ti yoari p̄ja ti jirucuro seheta Cohamac̄u mehne jirucuch̄u yoaihtja tinare. Ā jia Cohamac̄u mehne macaina Ā jirucuahca. Ā jic̄u Cohamac̄u w̄uh̄u macaa botarip̄u ȳu joa õno seheta tinare ti p̄jac̄urip̄u õ sehe ni joa õihtja: Cohamac̄u ȳu P̄uc̄u wamare, to ya maca wama c̄uh̄re joa õihtja. To ya maca wahma maca Jerusalē jirohca. Tí maca m̄sanop̄u Cohamac̄u cahap̄u tari maca jirohca. Ȳuh̄u wahma wama c̄j̄aihca. Tí wama c̄uh̄re joa õihtja ti p̄jac̄urip̄u. ¹³ Cahmori tiina jira m̄sa. Ā jina m̄sa ya curuari macainare ȳu yainare Esp̄iritu Santo to yahurire t̄hoga m̄sa”, ni joarocaga Filadelfia macaina ȳu yainare, ti p̄h̄toro c̄uh̄re.

Laodicea macainare Jesu yainare joaroca dutiha Joãore

¹⁴ ‘Laodicea macaina ȳu yainare, ti p̄h̄toro c̄uh̄re õ sehe ni joarocaga m̄h̄u: “Ȳuh̄u Cohamac̄u jipih̄tia to yoarire, to yoah̄ti c̄uh̄re yoa sohtori tiriro jija. Ȳuh̄u potoc̄a yoariro jija. Ā jic̄u mah̄õno marieno ȳu ñ̄urire Ā yahurucuriro jija. Jipih̄tiare ȳu P̄uc̄u to yoarire yoabasariro jija ȳuh̄u. ¹⁵ Jipih̄tia m̄sa dohse yoarire masija ȳuh̄u. Ȳuh̄re wac̄u tuaina jipanahta mahanoc̄a wac̄u tuaina jira m̄sa. Ā sehe jira tí: Co ȳus̄era co s̄u mehne p̄jiroca si putia co yoaro sehe jira m̄sa. Tó sehe jia core mari ji coeraro seheta ȳuh̄re

wac̄u tuaera cureina m̄sa jich̄u ȳuh̄u c̄uh̄u m̄sare ji coeraja. Ȳuh̄re m̄sa noano wac̄u tuach̄u noaboa ȳuh̄re. Ȳuh̄re m̄sa wac̄u tuaerach̄u ñ̄a niboa ȳuh̄re. Ȳuh̄re m̄sa wac̄u tuaerari ȳuh̄doro mahanoc̄a wac̄u tuaina m̄sa jich̄u ñ̄a ȳuh̄duara. ¹⁶ M̄sa Ā jich̄u ñ̄uc̄u ñ̄u yabi ȳuh̄duaja ȳuh̄u. Ñ̄aa core ȳu cho coh̄ano seheta ȳuh̄re mahanoc̄a wac̄u tuainare ñ̄u yabi ȳuh̄duaja ȳuh̄u. ¹⁷ Ā jina õ sehe ni t̄hotumana m̄sa: ‘Jipih̄tiare c̄j̄aja. Ne yaba d̄hsaerara marine’, ni t̄hotumana m̄sa. Ā nipanahta p̄jac̄uoina yoaro sehe jira m̄sa. Ā jina capari ñ̄eraina ti ñ̄u duaare ti masieraro seheta Cohamac̄u yare ne masierara m̄sa. Ā jina suhti marieina ti b̄uo tiro seheta Cohamac̄u to ñ̄urocaroi m̄sa ñ̄aa yoarire b̄uo tihtina jira m̄sa. ¹⁸ M̄sa Ā jiina jich̄u ñ̄uc̄u õ sehe ni yahuihtja m̄sare: Uru warore m̄sa nuch̄aboro seheta noaare ȳu c̄j̄aare naga m̄sa. M̄sare ȳuh̄re wac̄u tuach̄u yoaihtja. Ā jina potoc̄ata Cohamac̄u ya mehne p̄j̄iro c̄j̄uanahca. Ā yoa yehseri suhtirore m̄sa nuch̄u m̄sa s̄ãno seheta ȳu di coh̄ari mehne ȳu yariaro mehne m̄sa ñ̄aa yoare cosawerina jiga. Ā yoana noaa suhti s̄ãina ti b̄uo tieraro seheta m̄sa ñ̄aare cosawerina jina b̄uo tisi m̄sa c̄uh̄u. Ā yoa m̄sa caparire m̄sa co tiri baharo noano m̄sare bajuro seheta Cohamac̄u yare noano t̄hoga, m̄sa noano masihto sehe. ¹⁹ Jipih̄tina ȳu cah̄inare yahuja. Ā jic̄u ȳu cah̄ina ti jich̄u ñ̄uc̄u, ti t̄hoerach̄u tinare quih̄õno yoa dutija, tinare yoadohoc̄u tac̄u. Ā jina ȳu ya sehere tuaro cahmaga. Ā yoa m̄sa ñ̄aare t̄hotumari c̄j̄irire cohtota, tí ñ̄aare duhuga. ²⁰ T̄hoga ȳuh̄re. M̄sa w̄uh̄re bihari w̄uh̄re ȳu sur̄uca ȳu s̄ãa dua ȳu pisurucuboro seheta, m̄sa mehne macariro ji duai nija. Ȳu Ā ji duach̄u t̄hoina jina ȳuh̄re m̄sa mehne ji dutiga. Ȳu yaina jiga. M̄sa Ā ji dutich̄u m̄sa mehne jiihtja. Ā jic̄u mari s̄uh̄o ch̄uro seheta m̄sa mehne noano jiihtja. Ā jina ȳuh̄u mehne macaina jinahca m̄sa. ²¹ Wat̄ĩnore ȳu ȳuh̄dur̄ucari baharo ȳu P̄uc̄u p̄h̄toro to duj̄iro cahai duj̄ija, ȳuh̄u c̄uh̄u dutic̄u tac̄u. Tó seheta m̄sa c̄uh̄u ñ̄aa yoarire m̄sa ȳuh̄dur̄ucari baharo ȳu

pəhtoro dujiro cahai dujinahca, mʌsa cāhʌ dutina tana. Mʌsare yʌ cahai dujichʌ yoaihtja. ²² Cahmori tiina jira mʌsa. Ā jina mʌsa ya curuari macainare yʌ yainare Espiritu Santo to yahurire tʌhoga mʌsa”, ni joarocaga Laodicea macaina yʌ yainare, ti pəhtoro cāhʌre —nihre yʌhʌre joa dutiriro.

4

Mʌanopʌ Cohamacʌre na tuhcuca caha sʌ ti ño payoare ñʌha João

¹ Yʌhʌre to ā ni yahuri baharo mʌanopʌ pʌōari sopacare ñʌhi. Pari turi corneta to tuaro bisiro seheta tuaro durucua bisiro coa tahre yʌ tʌhochʌ. Ō sehe nihre yʌ tʌhochʌ:

—Ōpʌ mʌja taga. Ahri yʌ yahuhti cjihti baharopʌre wahahtore mʌhʌre ñoihtja. Yʌ niriro seheta ā waharohca —nino coa tahre mʌanopʌ.

² To ā ni yahuchʌta tópʌ mʌja sʌcʌ Espiritu Santo tuaa mehne ñʌi nihi. Ā jicʌ pəhtoro dujirore mʌanopʌ ñʌhi. Tóci cāiro dujihre. ³ Noano si siteriro dujihre. Diamante wama tia tʌa yoaro seheta, rubí wama tia tʌa yoaro seheta noano si siteriro dujihre tiro. Ā jiro buhini soro esmeralda yoaro sehe si siteri soro dacho macai dujihre tiro. ⁴ Ā yoa to dujiro cahai veinticuatro dujiare ñʌhi. Tí dujia pəhtoa dujia yʌ ñʌ mʌhtarirore duji soroahre. Tí dujiapʌ veinticuatro Jesu yaina pəhtoa dujihre. Yehsea suhti tiina jihre. Ā yoa pəhtoa ti pisaa sorori uru sororire pisaina jihre tina.

⁵ Yʌ ñʌ mʌhtariro dujiroi orocasitehre. Ā yoa soro sehe jiro choro bisiro coa tahre. Wʌpo cāhʌ bisiro coa tahre. Tí dujiro panoi siete sihāa poca jihre. Siete sihāa poca mehne to piti dahre buhechʌ Cohamacʌ yaina siete pʌcʌ bajueraina jihre. ⁶ Ā yoa to dujiro panoi pʌjiri ma yoaro sehe vidro yoaro sehe sipari ma jihre. Noano co sitiri ma yoaro sehe jihre.

Ti dujiro cahai pititiaro soro sehe bajuina jihre. Ti pʌcʌri panoi ti baharo buhʌsehe cāhʌre payʌ capari tiina jihre tina. ⁷ Yʌ ñʌ mʌhtariro soro bajuriro yairo sohāriro yoaro sehe bajuhre. To baharo

jiriro wachʌ yoaro sehe bajuhre. Ti baharo jiriro masʌno wʌhdʌa sehe wʌhdʌa tiroro jihre. Tina tiaro baharo jiriro cja to cʌmʌadʌpʌrʌre saño dujiriro yoaro sehe bajuhre. ⁸ Tina seis dʌpʌri wʌa dʌpʌri tiina jihre. Ā jia ti wʌa dʌpʌri pʌ buhʌseheripʌta payʌ capari tia dʌpʌri jihre. Ā yoa dachoripe, ñaminipe ā dururucua nihre. Ne durucu duhuerare. Ō sehe ni durucuhre: “Noariro, noariro, noariro Cohamacʌ mari pəhtoro tua yʌhdʌariro jira.

Tiro panopʌta ā jirucua tiri jire.

Mipʌ cāhʌre ā jirucua.

Baharopʌ tarohca”,

ni durucurucua nihre.

⁹ Ā ni durucua tina pititiaro soro bajuina to tuaare durucua nihre pəhtoro dujiroi dujirirore. Ā durucua, tirore jipihitia dachoripe jirucurirore wahche payoa “Noana”, nia nihre. ¹⁰ Ti ā yoa payochʌ ñʌa veinticuatro Jesu yaina pəhtoa sehe pəhtoro dujiroi dujiriro panoi na tuhcuca caha sʌ, tirore ño payohre. Tiro jipihitia dachoripe jirucuriro jira. Ā ño payoa ti pəhtoa pisaa sororire to dujiro panoi doca payohre. Ā doca payoa ō sehe nihre tina:

¹¹ “Mʌhʌ Cohamacʌ sʌ pəhtoro waro jira.

Tuariro, noariro jira mʌhʌ.

Mʌhʌ sʌ ño payoriro jii nina.

Mʌhʌre ā ño payorucuro cahmana sʌre.

Jipihtiare bajuamehneriro jira mʌhʌ.

Mʌ cahmariro seheta tí jipihtiare bajuamehnea tiri jire mʌhʌ”,

nihre tina Cohamacʌre, tóci dujirirore.

5

Joari pūre turēri tiare cordero cāhʌre yahuha João

¹ Baharo tóci dujiriro to wamomaca poto buhʌsehei to cʌari pūre joari pūre ñʌhi. Tí pū pʌ buhʌseheri to joari pū to turēri tia jihre. Ā yoa siete wihtā ñahaa mehne to wihtā ñahari tia jihre. ² Tí tiare turēri tiare ñʌ tuhsʌ, tuariro anjore ñʌhi. Tiro tuaro durucua mehne ō sehe ni yahuhre:

—¿Ahri tiare wihtā ñahaare pahrēboriro ñaa buhiri marieriro diro sehe jijari, mʌsa tʌhotuchʌ? —nihre tiro anjo.

³ Ā niparota tí tiare pahrēhtirore bocaerare. Mʌanopʌ, ahri yahpʌpʌ, catiina watoi,

yaria tuhsuina watoi ne tí tiare ñahaare pahrēhtiro mariahare. Ā jiro tí tiare buhehtiro mariahare. ⁴ Ā jicu pahrēhtirore, tí pūre ñuhtirore ti bocaerachu ñucu tuaro tíihi yuhu. ⁵ Yu ã tíichu ñano cāiro Jesu yaina puhto mehne macariro õ sehe nihre yuhure:

—Tiiecu tjiga. Tí tiare ñahaare cāiro pahrē masina. Tiro Juda ya curua macariro tuariro jira. Tuariro jiro “Yairo sohāriro”, ti ni pisuriro jira. Tiro puhtoro Davi panamino ji turiariro jira. Watīnore yuhdurucariro jira tiro. Ā jiro tiro tí tiare siete ñahaare pahrē masiriro jira —nihre tiro yuhure.

⁶ To ã nichu tuhocu puhtoro dujiro panoi cordero to ducuchu ñahi. Cuatro soro bajuina, Jesu yaina puhto tina watoi ducuhre tiro cordero. Tiro ti wajāriro cjiro sehe bajuhre. Siete sahari tiriro, siete capari tiriro jihre. Tí siete sahari ã yoa siete capari mehne to piti dahre buhechu Cohamacu yaina pjacu bajueraina siete bajueraina yoaro sehe jira. Tina to yaina pjacu bajueraina jipihtiro ahri yahparu Cohamacu to warocarina jihre. ⁷ Ā jiro cordero sehe puhtoro dujiro caharu soro, tirore to poto buhusehei to cjuari tiare tuāwe nahre. ⁸ To ã tuāwe nachu ñaa cuatro soro bajuina, veinticuatro puhto cāhu cordero panoi na tuhcu caha su, tirore ño payohre. Tina puhto jipihtina arpa wama tia buaputēare, uru wahwari cāhure cjuahre. Tí wahwari incienso noano wahpaa posa tia wahwari jihre. Tí incienso mehne to piti dahre buhechu Cohamacu yaina tirore ti sini payori yoaro sehe jihre. ⁹⁻¹⁰ Ā tirore ño payoa õ sehe ni wahmaa basaare tina basa payohre tirore:

“Muhu ti wajāriro cjiro jira.

Ā jicu mu di cohāri mehne sã ñaa yoari buhirire cohāre muhu Cohamacu yaina sã jihto sehe.

Ā jicu jipihtia curuari macainare cāinare, jipihtia duseri durucuinare cāinare, jipihtia yahpari macainare cāinare sã ñaa yoari buhirire mu di cohāri mehne cosawere muhu Cohamacu yaina sã jihto sehe.

Sāre jipihtinare Cohamacu yaina cjihtire cūre muhu.

Ā jicu sacerdotea cūhre muhu sãre Cohamacure dahra cohtaina sã jihto sehe.

Ā yoacu ahri yahpa macaina bui puhto sōhre muhu sãre.

Ā yoariro jicu tí tiare wihtã ñahaare pahrēhtiro jira muhu”,
ni basa payohre tina corderore.

¹¹ Pari turi ñucu millones anjoa perire ñahi. Puhtoro dujirore cuatro soro bajuinare, veinticuatro puhtoare anjoa sehe tinare soroa ducu sahre. Tina anjoa peri tuaro ti sañurucu payochu ñahi. ¹² Õ sehe ni tuaro sañurucu payohre tina:

“Cordero ti wajāriro muhu jipihtinare dutiriro, jipihtiare cjuariro, masi pahñoriro, tua yuhdurariro jira muhu.

Masa ti ñaa buhiri ti wajāriro mu jichu ñana ã ni ño payoja muhure.

‘Noabiariro jira’, ninahca muhure.

Muhure noano durucunahca”,
ni sañurucu payohre anjoa peri.

¹³ Ā jicu paina cāhure ti sañurucu payoa coa tachu tuhohi. Jipihtina muano macaina, ahri yahpa macaina, catiina, yariaina caharu jiina cāhu, pjiri ma macaina, jipihtiropu jiina õ sehe ni durucu payoa coa tahre:

“Cohamacure to dujiropu dujirirore, Cordero cāhure musare puarore noano durucunahca.

Musare wahche payonahca.

‘Noa Yuhduaina, Tua Yuhduaina jira’ nina, jipihtia dachoripe ã nirucunahca musare”,

ni durucu payoa coa tahre.

¹⁴ Ā jia tina cuatro soro bajuina ti ã durucu payochu taho “Āta ni durucu payojaro”, nihre. Ā jia Jesu yaina puhto sehe na tuhcu caha su Cohamacure, Cordero cāhure ño payohre.

6

Papera tiare to nari tiare wihtã ñaharire pahrēna Cordero

¹ Baharo papera tiare to nari tiare Cordero wihtã ñaha muhtanore pahrēhre. To ã pahrēchu ñahi. To ã pahrēri baharo

cũiro soro bajuina mehne macariro, “Ñuna taga”, nihre. Ñ nino wapo yoaro sehe bisihre tiro.

² To ã niri baharo ñahi yuha. Yehseriro cawalore ñahi. Tiro bui pisariro buedure cjahre. Tirore puhtoro pisari sorore wahre paior sehe. To ã wari baharo tiro sehe tirore ñu tuhtiinare yuhducaro wahahre.

³ Baharo cũ wihtã ñahanore pahrẽ tuhsu Cordero pa wihtã ñahanore pahrẽhre tjoa. To ã pahrẽri baharo paior soro bajuina mehne macariro “Ñuna taga”, to nichu tuhohi tjoa.

⁴ Ñ jicu paior cawalore sohãrrore ñahi tjoa. Tiro bui pisarirore tuaare wahre paior sehe. Ahri yahpa macainare cahma wajã dutihtirore cũhre tirore. Ñ jia jipih-tiro macaina cahma wajãahca ahri yahpapu. Ñ yoa pjiri pjĩ ñosari pjĩne wahre tirore.

⁵ Baharo puarore pahrẽ tuhsu Cordero parore pahrẽhre tjoa. Ñ jicu puaro ti durucuri baharo paior soro bajuina mehne macariro “Ñuna taga”, to nichu tuhohi.

To ã niri baharo ñiriro cawalore ñahi. Tiro bui pisariro balanza quihõnore cjahre. ⁶ Tirore yu ñari baharo soro bajuina watoi õ sehe nino coa tahre:

—Cũ dacho dahrari wapa mehne trigore cũ kilota nuchahca masa. Cũ dacho dahrari wapa mehne cebada wama tia yaparire tia kilota nuchahca masa. (Trigo, cebada cũhu pihtia wahaahca. Ñ jia tí wapa buju niahca.) Wiho mejeta chua dahrea sere, vino cũhure dojochu yoaena tjiga — nino coa tahre.

⁷ Baharo tiarore pahrẽ tuhsu Cordero parore pahrẽhre tjoa. To ã pahrẽri baharo paior soro bajuina mehne macariro ji bato tiriro “Ñuna taga”, nihre tjoa.

⁸ To ã nichu tuhocu wapoariro cawalore ñahi. Tiro bui pisariro “Yariachu yoariro” wama tihre. Ñ yoa to baharo tariro “Yari-aina ti jiro” wama tihre. Ñ jiro tinare tuaare wahre paior sehe. Ahri yahpapure cuarta parte masare wajã dutihre. Cahma wajãa mehne, juca baa mehne, dohatia mehne, wahiquina nuchari macaina suaina

mehne tópeina masare ti wajãhtore cũhre tinare.

⁹ Baharo pititiaro wihtã ñahaare pahrẽ tuhsu Cordero paro ñahanore pahrẽhre tjoa. To ã pahrẽchũ altar docai Jesu yaina ti wajãrina ti catiri yajeripohnarine ñahi. Cohamacu yare ti yahuri buhiri, “Jesu yaina jija”, ti ni yahuri buhiri tinare wajãri jire. ¹⁰ Tina sañurucua õ sehe nihre Cohamacure:

—Mũhu sã puhtoro, ñaa marieriro, mahõono marieno, mu niriro seheta yoariro jira mũhu. ¿Ahri yahpa macainare, sãre wajãrinare dohse jichu buhiri dahreihcari mũhu? —ni sañurucuhre tina.

¹¹ Ñ jiro tinare yehsea suhti yoaa suhtire wahre. Tinare ã waro õ sehe nihre tinare:

—Sosiniga. Paina musa coyey Jesu yaina musa yoariro seheta mipu cũhure noaa buheare buhesinia nina. Musare ti wajãriro seheta tina cũhure ti wajã pahõohto dahsasina. Ñ jina tinare jipihtinare ti wajãhto pano mahanocã sosiniga musa —nihre tinare.

¹² Baharo cinco wihtã ñahaare pahrẽ tuhsu Cordero paro wihtã ñahanore pahrẽhre tjoa. Tóre to ã pahrẽchũta tuaro yahpa ñuhmihre. To ñuhmini baharo sũ dacho macariro ñiriro choro wahahre. Ñiri suhtiro yoaro seheta ñiriro choro wahahre. Ñ yoa sũ ñami macariro di yoaro sehe sohãriro wahahre. ¹³ Ñ yoa ñahpichoha poca yahpapu boraah wahahre. Yucucu dicha yahsaare wihnono to wã bure bororo seheta ñahpichoha poca boraah wahahre. ¹⁴ Ti ã wahari baharo mũano butia wahahre. Papera tiare mari turẽchũ to bajueraro seheta bajuerare mũano. Ñ yoa jipihtia tãyucu cũhu nũcopo cũhu pa sehẽpu sũcũchẽ. ¹⁵ To ã wahachu ñua, ahri yahpa macaina bui puhtoa coparipu tãyucu macaa tãa docapu cũhure duhtihre. Paina puhtoa, surara puhtoa, pache pu, tuaina, jipihtina tinare dahra cohtaina, dahra cohtaina jieraina cũhu tõihta duhtimahre. ¹⁶ Ñ duhtia tãyucure, tãa cũhure õ sehe nihre:

—Sã bui bora pjaga. Sãre nũoga. Siro puhtoro to dujiroi dujirirore cui yuhduaja. Cordero suaro, sãre ñano buhiri dahrerohca. “Ñ buhiri dahreri”, nina

nøoga sãre. ¹⁷ Jipihtinare tuaro ti buhiri dahrehti dacho ji tuhsæra. Æ jia ti buhiri dahrehtore ne cãiro duhtiro bihoeraro, cãno pjasi —nihre tina jipihtina.

7

Israe masapjacærire Cohamacæ to wama ña õhtore yahuha João

¹ Baharo pititiaro anjoare ñahi. Tina jipihtiropæ wahahre. Cãiro nortepæ waharo tórpæ tari wihnonore taerachæ yoahre. Pairo surpæ, pairo sã mæja taropæ, pairo sã sãanopæ wahahre. Nortepæ wahariro yoaro seheta yoahre tina cãhæ. Æ jiro ahri yahpapæ, pjiri mapæ cãhære ne wihnono taerare. Ne cãdæ yucæcære wihnono wã ñuhmichæ yoerare. ² Æ yoa pairo anjore ñahi tjoa. Sã mæja taropæ taro nihre tiro. Cohamacæ catiriro to wama ña õnore na taro nihre tiro. Æ na taro paina pititiaro anjoare tiro sañurucuhre. Tina anjoa sehe ahri yahpare, pjiri ma cãhære Cohamacæ to dojomehne dutiina jihre. ³ Tinare sañurucuro õ sehe nihre anjo:

—Cohtasiniga. Cohamacære dahra cohtaina ti wæhdæa pocare to wamare õna tana nija. Sã Æ õhto pano ahri yahpare, pjiri mare, yucæri cãhære dojomehnesiniena tjiga mæsa —nihre tiro paina pititiaro anjoare.

⁴ Æ jiro Cohamacæ to wama mehne ti wæhdæa pocare ti õhtinare “Õpeina jira”, ni yahuhre yæhære cãiro. Israe masa doce curuari macaina ciento cuarenta y cuatro mil masa ti õhtina jiyuhti. ⁵ Ahrina jiyuhti ti õhtina: Doce mil masa Juda panamana ji turiaina ti õhtina jihre. Paina doce mil masa Rubẽ panamana ji turiaina ti õhtina jihre. Paina doce mil masa Gad panamana ji turiaina ti õhtina jihre. ⁶ Paina doce mil masa Aser panamana ji turiaina, paina doce mil masa Neftalí panamana ji turiaina, paina doce mil masa Manase panamana ji turiaina ti õhtina jihre. ⁷ Paina doce mil masa Simeo panamana ji turiaina, paina doce mil masa Leví panamana ji turiaina, paina doce mil masa Isacar panamana ji turiaina ti õhtina jihre. ⁸ Paina doce mil masa Zabulõ panamana ji turiaina,

paina doce mil masa José panamana ji turiaina, paina doce mil masa Benjami panamana ji turiaina ti õhtina jihre. Tópeinata jipihtina masa ciento cuarenta y cuatro mil to wama mehne ti õhtina jihre.

Payæ yehsea suhti tiinare yahuha João marine

⁹ Baharo payæ masare ñahi. Jipih-tia yahpari macainare, jipih-tia curuari macainare, jipih-tia dæseri durucuinare, jipih-tia macari macainare cãinare Cristore cahmaina dihtare tói ducuinare ñahi. Pæhtoro to dujiro panoi, Cordero panoi ducuhre tina masa. Payæ masa jihre. Æ jia quihõ bihoina jierare. Yehsea suhti tiina jihre tina. Æ yoa pjaa põ pûrine cæhære. ¹⁰ Æ jia tina jipihtina õ sehe ni tuaro sañurucuhre:

“Cohamacæ jira sãre yæhdæchæ yoariro.

Tiro to dujiroi dujiriro jira.

Cordero cãhæ sãre yæhdæchæ yoariro jira”, ni sañurucuhre tina. ¹¹ Æ jia jipihtina anjoa, Jesu yaina pæhto cãhæ, soro bajuina mehne pæhtoro to dujiro cahai ducuhre. Æ ducua to dujiro panoi doca caha sæ, Cohamacære wahche payohre. ¹² Õ sehe ni wahche payohre tina:

“Æ tjira.

Cohamacæ sã pæhtoro mæhære noano durucuja.

Noa yæhdæariro, masi pahñoriro jira mæhæ.

Mæhære ‘Noana’, nija.

Mæhære ño payoja.

Tua yæhdæariro jira mæhæ.

Mæ tuaa mehne yoariro jira mæhæ.

Tó seheta jirucuriro jira mæhæ jipih-tia dachoripe.

Æ tjira”,

ni wahche payohre tina.

¹³ Ti Æ nichæ tæhoro cãiro Jesu yaina pæhto mehne macariro yæhære õ sehe ni sinituhre:

—¿Ahrina yehsea suhti tiinare masijari mæhæ? ¿Ti tarirore masijari mæhæ? —ni sinitu ñæhære yæhære.

¹⁴ To Æ nichæ tæhocæ:

—Masieraja —ni yæhtihi.

—¿Noa jijari tina? —ni sinituhi tirore.

Yæ Æ nichæ tæhoro õ sehe nihre yæhære:

—Ahrina ñabiaro yãhduri dacho jichu cãno pjaina jira. Ti suhti cosawerina ti jiro seheta Cordero to di cohãno mehne ti ñaa buhirire cosawerina jira. Æ jia noano yehsea suhti tiina jira. ¹⁵ Æ to cosawerina jia Cohamacu to dujiro panoi tirore ã ño payorucura. Dachoripe, ñaminipe tirore ã ño payorucura, sacerdotea Cohamacu wãhã ti yoariro seheta. Æ jiro tina mehne ã jirucuro, tinare yoadohorohca Cohamacu “Soro wahari”, nino. ¹⁶ Ne pari turi juca baasi tina. Æ jia ñahma yapiosi tina. Ne sã dacho macariro siro tinare ne jã pjasi. Tuarõ sia tinare ñano yãhdũchu yoasi. ¹⁷ Pãhtoro dujiro potoi ducuriro Cordero tinare ñu wihborohca. Ovejare ñu wihboriro yoaro sehe tinare ñu wihborohca. Æ ñu wihboro mári pohtaripu caticu yoaa mári pohtaripu tinare mu tã wahcãnohca, ovejare ñu wihboriro to mu tãno seheta. Æ yoaro ã wahcherucuchũ yoarohca tinare. Æ jia ne pari turi tiisi tina —ni yahuhre Jesu yaina pãhtõa mehne macariro yãhũre.

8

Seis papera ti wihtã ñahaare pahrẽ tuhsũro parore pahrẽha Cordero

¹ Seis papera ti wihtã ñahaare pahrẽ tuhsũro parore pahrẽhre tjoa Cordero. To ã pahrẽ tuhsũchu cã hora dacho macai tãpũ muãnopũ noano dihta marieaa wahahre. ² To ã wahari baharo siete anjoare Cohamacu panoi ducuinare ñũhi. Tinare siete cornetarire wahre paio. ³ Pairo anjo uru wahware inciensore posa tihti wahware cãariro altar cahapũ su, ducuhre. Tõi to ducuchũ payũ inciensore tirore wahre, jipihtina Cohamacu yaina tirore ti siniri mehne morehtire. Æ jiro uru altarpũ Cohamacu to dujiro panoi jiri altarpũ tí inciensore jũ muohre Cohamacure. ⁴ Æ jia anjo to cãari wahwa macaa inciensore altarpũ to poho siteri baharo tí incienso macaa me Cohamacu yaina tirore ti siniri mehne mujãa wahahre. ⁵ Æ wahari baharo altar macaa niti mehne tí wahwa wahpa wahachu, yahpai poho cãnocahre. To ã poho cãnocachũta wãpo pja, soro sehe

jiro bisi muã, oroca site muã, yahpa ñuhmi muãahre.

Cornetarire yahuha Joã

⁶ Baharo siete anjoa cãina ti cornetarire putia taa nihre.

⁷ Cãiro anjo to yariare puti muãhtahre. To ã putichũ co poca yũsũa poca pichaca mehne, di mehne morea poca yahpapũ bora su cahahre. Ti bora su cahachũta yahpa jãa wahahre. Õ puro jãhre: Ahri yahpa dacho maca sũro caharõ jãa wahahre. Æ jiro tã puro posata yucũri cãhũ jãa wahahre. Tã puro posata tja cãhũ jãa wahahre.

⁸ Anjo cãiro to ã puti muãhtari baharo paio anjo to yaria cornetare putihre tjoa. To ã putichũ pjidũ tãcũ yoaro sehe bajudũ noano jũrucudũ pjiri mapũre waharõca ñõjaa wahahre. Æ jiro yahpa to jũriro puro tã purota pjiri ma di ma dojoa wahahre. ⁹ Æ jia pjiri ma macaina wahi dacho maca mahano sũboro warõ yariaa wahahre. Tõpe bũsõta dohoã bũso cãhũ minia wahahre pjiri mapũre.

¹⁰ Pãaro anjoa ti putiri baharo paio anjo cãhũ to yaria cornetare putihre tjoa. To ã putichũ pjiria ñãhpichõhaca, sihãria yoaro sehe siria yahpapũ bora su cahaa wahahre. Ahri yahpa macaa mári dacho macabo curerõ tõpe mári bui bora su cahaa wahahre ñãhpichõhaca. Tõpe co wijaa copari bui cãhũre bora su cahaa wahahre. ¹¹ Tõpe márita suẽã mári wahahre. To ã wahachu payũ masa tí mári macaa core, tí copari macaa co cãhũre sihnimaa, yariaa wahahre. Tia ñãhpichõhaca “Suẽnia”, wama tihre.

¹² Tiarõ anjoa ti putiri baharo paio anjo cãhũ to yaria cornetare putihre tjoa. To ã putichũ sũ dacho macariro, ñami macariro cãhũ dacho maca sũboro warõ dojoa wahahre. Ñãhpichõha peri cãhũ dacho maca sũboro warõ jia poca tõpe pocata dojoa wahahre. Tõpe poca muãno macaa poca noano buhrierare. Dachopũ pititia horari wãro sũ dacho macariro ne buhrierare. Ñamine pititia horari wãro sũ ñami macariro, ñãhpichõha poca cãhũ ne buhrierare.

13 Baharo ñuroca m̄ohi tjoa. M̄anop̄u w̄arirore cjare ñahi. Ā jic̄u to sañurucuch̄u t̄ahohi. Ō sehe nihre tiro:

—Ñabiara. Ñabiara. Tiaro anjoa mip̄u putierasiniina ti putiri baharo pinihtare ñabiario waharohca. To ā wahach̄u ahri yahpai jiina ñabiario ȳhd̄ahca —nihre tiro.

9

1 Baharo pititiaro anjoa ti putiri baharo paio anjo to yaria cornetare putihre tjoa. To ā putich̄u ñahpichohaca yoaro sehe jiro anjo m̄anop̄u bora tarirore ñahi. Ȳu ā ñano watoi tirore c̄ãri copa macari sawire wahre. 2 Ā jiro tiro tí copare to pj̄och̄u pichaca me wijaahre. Pjiri pichaca macaa me yoaro sehetã pj̄ro me wijaahre tí copare. Ā wijaaro tí me dóihta s̄u dacho macarirore, m̄ano c̄ãh̄ure butia wahach̄u yoahre. 3 Ā yoa tí me puhichai jiina poreroa yahpap̄u tahre. Pichõno soroa ti tuaro pur̄ino sehetã tina c̄ãh̄u tuaro pur̄ihre. 4 Ā jiro tjare, yuc̄urire, paye toaare ñano yoa dutierare tinare. Masa dihtare ñano yoa dutihre tinare. Cohamac̄u to wamare ti w̄hd̄uã pocare õmahnoeraina dihtare ñano yoa dutihre tinare poreroare. 5 Ā ñano yoa dutiparota tinare wajã dutierare. Tinare wajã dutieraparota cinco s̄ãri waro tinare ñano pur̄ich̄u yoa dutihre. Pichõno soroa tjoaa ti pur̄ino sehetã pur̄ich̄u yoaina jihre poreroa c̄ãh̄u. 6 Tinare ti ā pur̄ich̄u yoach̄u masa yariaa waha duahca. Ti ā yaria duapach̄uta tinare yaria dutisi.

7 Poreroa sehe cawaloa yoaro sehe bajuhre. Ti cahma wajãhto pano cawaloare ti suhti s̄ãriro sehetã tó sehetã bajuina jihre tina poreroa c̄ãh̄u. Ti dapu pocai p̄h̄toa ti pisaa sorori uru sorori yoaro sehe bajuhre. Ti w̄hd̄uã poca masa yoaro sehe bajuhre. 8 Ti pjoari numia pjoari yoaro sehe jihre. Ā yoa ti piri yaya piri yoaro sehe jihre. 9 Pẽ buhu d̄uc̄atari cahsaro comaa cahsaro yoaro sehe bajuhre ti cutiro. Ā yoa tina ti w̄ch̄u paȳu cawaloa m̄arocaina ti m̄arocarõ sehe ti w̄ã d̄up̄ari bisihre. Cawaloa tunua b̄usore wajaina

ti cahma wajãnop̄u wahaa, ti bisiro sehetã bisihre poreroa w̄ã d̄up̄ari. 10 Ā yoa pichõno soroa ti pichõno tiro sehetã, tjoarica ti cj̄aro sehetã jihre tina poreroa. Ti pichõri mehne tjoaa, cinco s̄ãri waro masare pur̄ich̄u yoahre. 11 Tina p̄h̄toro cj̄aina jihre. C̄ãri copa p̄aro jihre ti p̄h̄toro. Tiro anjo jihre. Hebreo ya mehne Abadón wama tihre tiro. Griego ya mehne Apolión wama tihre. (Apoliõn “Pihtich̄u yoiaro”, nino nina.)

12 Poreroa masare ñano ti pur̄ino yoari baharo ahri ti ñano ȳhd̄uã m̄ãhtariro cjiro pihtia wahahre. Tó baharo p̄ã taha pari turi ñano ȳhd̄usiniãhca masa.

13 Baharo c̄ã wamomaca pihtiina anjoa ti putiri baharo paio anjo to yaria cornetare putihre tjoa. To ā putich̄u Cohamac̄u panoi ducuri altarp̄u uru altarp̄u durucua bisi wijaro coa tahre. Tí altar macaa sahari pititia saharip̄u durucua bisi wijaro coa tahre. 14 Ā durucuro cornetare putiriro anjore yahuhre:

—Eufrates wama tiri ma pjiri map̄u peresup̄u j̄inare anjoare wioga. Tina pititiaro anjoa jira —nino coa tahre.

15 Ā nino coa tach̄u t̄ahoro anjo sehe tinare pititiarore wiohre, paȳu masare wajãhtinare. Ahri horare, ahri dachore, ahri s̄ãre, ahri c̄ãh̄mare quihõno cohtaa nihre tina pititiaro anjoa. Ti cohtariro m̄u s̄ura. Ā jia wajãa taa nina. Jipihtina dacho maca doca curere masare wajãhca. 16 Ā yoa ti surarare “Õpeina jira”, ti nich̄u t̄ahohi. Tina cawaloa bui pisaina jihre. Doscientos millones surara jihre.

17 Ā yoa cawaloare tina bui pisaina c̄ãh̄ure ñahi. Tina cawaloa bui pisaina ti pẽ buhure d̄uc̄ataa suhti, comaa suhti, sohãa suhti, yahsaa suhti, ew̄u sehe bajua suhti jihre. Ā jia cawaloa ti dapu poca yaya sohãina yoaro sehe bajuhre. Ti d̄userip̄u pichaca, me, azufre wama tia me c̄ãh̄u wijaahre. 18 Ā jia cawaloa d̄useri wijaa masare wajãhre. Jipihtina dacho maca mahano s̄aboro waroi tópeina masare wajãhre. Pichaca mehne, me mehne, azufre mehne paȳu masare wajãhre. 19 Tina cawaloa ti d̄useri mehne wajãhre. Ā yoa ti pichõri

mehne wajähre tjoa. Ti pichõri sohtoapũ agãa dapu poca yoaro sehe bajuhre. ã jia ti pichõri mehne ñano yoahre tina masare.

²⁰ Payũ masa yariaeraina ti wajã dũharina sehe ti ñaa yoarire ne duhuerare. Watĩare ño payo duhuerare. “Cohamacũ jira”, ti nia masũri cãhũre ño payo duhuerare. Tí masũri uru mehne, plata mehne, bronze wama tiri comaa mehne, tãa mehne, yucũri mehne ti yoari masũri jihre. Tí masũri sehe ñuerare. Tũhoerare. Tinierare. ²¹ Paye ñaa cãhũre tina ne cahyaerare. Masare ti wajãrĩre, numia mehne ti ñano yoarire, ti yacari cãhũre ne cahyaerare tina. ã jia yaya ti yoaro sehe yoaa, tí cãhũre ne cahyaerare tina.

10

Mahari tiacãre papera tiacãre na taha anjo

¹ Baharo paio tuariro anjo mũanopũ to duji tachũ ñũhi. Me curua watoi tahre. ã yoa buhini soro to dapu bui pisahre. To wũhdũa sũ dacho macariro yoaro sehe si sitehre. To ñũchũa pichaca yoaro sehe bajuhre. ² ã yoa mahari tiacã papera tiacãre to pjãri tiacãre cjuahre tiro. To dahporo poto bũhũsehe macari dahporo mehne pjiri mápũ tũ cũhre. To dahporo cõ bũhũsehe macari dahporo sehe macarocai tũ cũhre. ³ ã ducuro yaya ti sañurucuro sehetã tiro tuaro sañurucuhre. To ã sañurucuri baharo siete wũpoa yahua coa tamahre. ⁴ Ti ã yahuchũ tũhocũ joa dũcamahi. Yũ ã joa dũcapachũta mũanopũ yũhũre õ sehe ni durucuro coa tahre:

—Siete wũpoa ti nirire painare yahui tjiga. ã jicũ tíre joa nai tjiga —nino coa tahre yũhũre.

⁵ To ã niri baharo pjiri mapũ ducuriro, macarocai ducuriro anjo to wamomaca poto bũhũsehe siõroca mũohre mũanopũ.

⁶ ã siõroca mũono Cohamacũ ã catirucuriro wama mehne wama payohre. Tiro Cohamacũ sehe jipihtiare mũanore, mũano macaare, ahri yahpare, ahri yahpa macaare, pjiri mare, pjiri ma macaare yoariro jira. ã wama payoro õ sehe nihre anjo:

—Cohamacũ mehne potocã nii nija. Tõ purota cohtanahca. ⁷ Seis anjo cornehtarire ti putiri baharo paio anjo to putichũ Cohamacũ panopũ “Õ sehe yoaihtja”, to niriro seheta ã yoarohca. Panopũ masare tíre noano yahuera tiri jire. Baharo tirore dahra cohtainare, to yare yahu mũhtaina sehẽre noano yahu pahũoa tiri jire tiro. Tí to yahu cũrĩre mipũre yoarohca tiro —nihre anjo.

⁸ To ã niri baharo mũanopũ yũhũre durucuro coa tariro pari turi durucuro coa tahre tjoa. Õ sehe nino coa tahre yũhũre:

—Pjiri mápũ ducuriro macarocai ducuriro siro anjo cahapũ wahaga. ã wahacũ papera tiacãre to cjuari tiacãre naga —nino coa tahre yũhũre.

⁹ To ã nino coa tachũ tũhocũ anjo cahapũ wahahi. Tirore papera tiacãre yũ sinichũ tũhoro õ sehe ni yũhtihre yũhũre:

—Naga. ã jicũ ahri tia papera tiacãre chũga. Mũ wahma chũchũ mi yoaro sehe noano bisirohca. Mũ pjaropũ mũ bũrori baharo sũẽa waharohca —nihre yũhũre.

¹⁰ To ã nichũ tũhocũ tí tiacãre anjore yũ nari baharo chũhi. Yũ wahma chũchũ mi yoaro sehe bisihre. Yũ chũ bũrori baharo yũ pjaropũ sũẽa wahahre. ¹¹ Yũ ã chũri baharo õ sehe nihre yũhũre:

—Pari turi macari macaina, yahpari macaina, payũ dũseri durucuina, tina bui pũhtoa cũhũ baharo ti dohse wahahtore, Cohamacũ tinare to dohse yoahito cũhũre yahuyuga mũhũ —nihre yũhũre.

11

Pũaro Cohamacũ yare yahuhtinare yahu joaha João marine

¹ Baharo yũhũre quihõdũre wahre Cohamacũ. Tjuadũ puro yoadũ jihre tũ. Tũre waro õ sehe nihre yũhũre:

—Yũ ya wũhũre quihõi wahaga. Tí wũhũ macari altar cãhũre quihõga. ã yoa tuhsũ, tí wũhũi yũhũre ño payoinare quihõga. ² Sopaca wija sũgũcari wapare noari wapare quihõi tjiga. Tí wapa yũhũre cahmaerainare ti cũri wapa jira. Tina cuarenta y dos sũri waro Cohamacũ ya macare tí maca macaina cãhũre ñano yoahca. ã jicũ quihõi tjiga ti ya wapare

noari wapare. ³ Æ jic_u y_u yare yahuinare p_uarore warocaihtja. Mil doscientos sesenta dachori waro y_u yare yahuahca. Masa ti coyera ti yariari baharo ti sãa suhti barore sãaina jiahca tina y_u yahu dutiina —ni yahuhre y_uh_ure.

⁴ Ahri yahpa macaina bui p_uhtoro Cohamac_u panoi p_uad_u Olivo wama tia yuc_u ducura. P_uad_u sihã payoa yuc_u cãh_u tí yuc_u cahai ducura. Tí yuc_u mehne piti dahre to buhech_u ahrina p_uaro to yare yahuina tí yuc_u yoaro sehe jira.

⁵ Æ jia tinare ñ_u tuhtiina tinare ti ñano yoa duach_u tina sehe ti d_usero macaa picha pohna mehne j_u pahñoahca tinare ñ_u tuhtiinare. Õ sehetã tinare ñano yoainare wajãahca tina p_uaro Cohamac_u yare yahuina. ⁶ Æ yoa tina p_uaro ti coro ta dutierach_u coro tasi. Æ jiro Cohamac_u yare ti yahuro puro coro tasi. Æ jia m_urine di m_uri wahach_u yoaahca tina. Æ jia ahri yahpare ñano wahach_u yoaahca. Jipihtia dohse jiare, jipihtina dohse jiiinare masare ñano wahach_u yoaahca. Tí dohse yoa duaro puro Æ ñano wahach_u yoaahca ahri yahpare. ⁷ Ti Æ yoa pahñoach_u waro c_uãri copap_u jiriro ñariro n_uc_u macariro wijaarohca. Æ wijaaro Cohamac_u yare yahuina mehne cahmachenohca. Æ cahmacheno tua y_uhd_ur_ucaro tinare wajãnohca. ⁸ To Æ wajãri baharo ti p_uac_uri cjiri pjiri maca macari mahap_u coãahca. Yahuina p_uhtorore ti c_uã puha wajãri maca jira tí maca. Tí maca macaina ñaina jia Sodoma macaina, Egipto macaina yoaro sehetã jia, tí pjare Sodoma, Egipto cãh_u wama tirohca tí maca mari piti dahre buhech_u.

⁹ Æ coãa tia n_um_u noano coãa, pa n_um_u dacho macai ti p_uac_uri tí mahai coãahca. Æ jia jipihtia yahpari macaina, jipihtia curuari macaina, jipihtia d_useri durucuina tópe n_um_uri waro ti p_uac_urire ñ_urucuahca. Æ ñ_urucua tópe n_um_uri waro ti p_uac_urire ya dutisi. ¹⁰ Ti Æ yariarina jich_u ñ_ua ahri yahpa macaina wahcheahca. Æ wahchea bose n_um_ure yoaa, ti basi paye barore Æ wanocaahca. Tina p_uaro Cohamac_u yare yahuina masare ñano y_uhd_uch_u yoarina jiri jire. Æ jia ti Æ yariach_u ñ_ua wahche

y_uhd_uahca ahri yahpa macaina. ¹¹ Æ jiro tia n_um_u baharoi pa n_um_u dacho macai Cohamac_u ti p_uac_urire masonohca. To Æ masoch_u tina pari turi wahcãr_uc_u suahca. Ti Æ wahcãr_uc_u s_uch_u ñ_ua jipihtina cui y_uhd_uahca tinare. ¹² Baharo tina p_uaro m_uanop_u tuaro durucuro coa tach_u t_uhoahca. Õ sehe ninohca tinare:

—Õp_u m_uja taga m_usa —nino coa tarohca.

To Æ nich_u t_uhoa me curua watoi m_ujaa wahaahca. Ti yabirina cjiri ti m_ujach_u ñ_uahca. ¹³ Ti Æ m_ujach_uta yahpa tuaro ñuhminohca. To Æ ñuhmich_u tí maca macaa w_uh_use décima parte boraa wahaahca. Æ jia yahpa ñuhmino mehne siete mil masa yariaa wahaahca. Paina d_uhsaina sehe c_uaa waha, Cohamac_ure m_uano macarirore “Tuariro jira”, ni ño payoahca tirore.

¹⁴ Ahri jipihtia ti Æ wahari baharo p_ua taha masa ñano y_uhd_u tuhs_uina jiahca. Ti Æ y_uhd_uri baharocãta pari turi dóihta masa ñano y_uhd_uahca tjoa.

Seis cornetarire ti putiri baharo paio putiha

¹⁵ Baharo seis cornetarire ti putiri baharo paio anjo to yariare putihre. To Æ putich_u m_uanop_u tuaro durucua coa tahre. Õ sehe nia coa tahre:

“Mip_u Cohamac_u Cristo mehne ahri yahpa macaina bui p_uhtoa jiahca.

Æ jia jipihtina bui p_uhtoa Æ jirucuahca”, nia coa tahre. ¹⁶ Æ yoa Cohamac_u panoi p_uhtoa dujiap_u dujiina veinticuatro Jesu yaina p_uhtoa Cohamac_u panoi caha s_u, tirore ño payohre. ¹⁷ Æ ño payoa Õ sehe nihre:

“Sã p_uhtoro Cohamac_u, tua y_uhd_uariro jira m_uh_u.

M_uh_u panop_u Æ jirucua tiri jire.

Mip_u cãh_ure Æ jirucura m_uh_u.

M_u tuaa mehne masa ti p_uhtoro m_u jirucach_u ‘Noana’, nija m_uh_ure.

¹⁸ Jipihtina ahri yahpa macaina m_uh_ure cahmaeraina m_uh_u mehne suamare.

Mip_ure tinare m_u buhiri dahrehti p_ua jira. Yariaina cãh_ure m_u buhiri dahrehti p_ua jira.

Ã jiro m̄ yaina sehere noaare ti yoari wapare m̄ wahti pja jira.

Cãina tina m̄h̄are dahra cohtaina m̄ yare yahu m̄htaina jira.

Ã yoa tina, paina m̄ yaina mehne jipihtina m̄h̄are ño payoina jira.

Ã jic̄u p̄h̄toare, wiho jiina c̄h̄are m̄ yaina ti jiri wapa noano yoaihca m̄h̄.

Ã jiro ahri yahpa macainare dojomehne cohtainare m̄ cohãhti pja jira mip̄are”,

ni ño payohre p̄h̄toa Cohamac̄u.

¹⁹ Ti ã yoari baharo m̄ano macari w̄h̄ Cohamac̄u ya w̄h̄ to pj̄ori w̄h̄ jihre. Ã jina tí w̄h̄i jiri carore ñ̄hi sã. Tí caro puhichap̄ Cohamac̄u masare to dutiare joa ða pj̄ni tãa pj̄ni sãahre. Sã ã ñ̄ch̄ata orocasite m̄a, w̄po pja m̄a, soro jiro bisi m̄a, yahpa ñ̄h̄mi m̄a, co poca ȳs̄a poca m̄anop̄u paȳ bora tahre.

12

Numinore pinono c̄h̄are yahuha João

¹ Baharo ahri yahpa to dohse wahahtore m̄anop̄u ñohre. To ã ñori wiho waro jierara. Ô sehe ñ̄ m̄htahi: M̄anop̄u numinore ñ̄hi. Ticoro to suhtiro sã dacho macariro yoaro sehe si sitehre. Sã ñ̄ami macariro bui ducuhre. P̄h̄toro to pisari soro barore doce ñ̄h̄pichoha poca c̄j̄ari sorore pisaricoro ducuhre. ² Ã ducuro mahanocã d̄hsahre to pohna tihto. Ã jiro ticoro sañurucuhre. ³ Baharo pari turi ñ̄hi m̄anop̄u: Pjiriro pinonore sohãrirore ñ̄hi. Siete dapu poca tiroiro jihre. Jipihtia to dapu poca p̄h̄toa ti pisaa sorori barore pisaa dapupoca jihre. Ã jiro diez sahari tiroiro jihre tiro. ⁴ To pichõno mehne ñ̄h̄pichoha pocare wahba siteroca borohre. Jipihtia ñ̄h̄pichohare dacho macabo cureroi wahba siteroca borohre. Ã jiro numino pohna tihticoro panoi ducuhre pinono. To mac̄nocã to bajuach̄u ch̄ro taro nimahre. ⁵ Baharocãta c̄j̄a tuhs̄h̄re wihãrirocãre. Jipihtia yahpari macaina ti p̄h̄toro c̄j̄ihto jihre tirocã. To ã p̄h̄toro tuariro jich̄u, masa tirore ȳhd̄ucaa cãno pjasi. To ã masa bajuach̄ata Cohamac̄u to dujiro

cahap̄u tirocãre naa wahcãa wahahre. ⁶ To ã yoach̄u numino sehe masa marienop̄u duhti wahcãa wahahre. Cohamac̄u to cahnoyurip̄u duhti wahcãhre ticoro. Tópare mil doscientos sesenta dachori waro Cohamac̄u ticorore ñ̄ wihborohca.

⁷ Wahmanore m̄anop̄u cahma wajã d̄caa tiri jire. Miguel wama tiroiro anjo to yaina anjoa c̄h̄u pinono mehne cahmachea tiri jire. Ti ã cahmachech̄u pinono to yaina anjoa mehne Miguere cahmachea tiri jire. ⁸ Ã yoa Miguel c̄h̄u pinonore ȳhd̄ucaa tiri jire. Ã jiro pinono yaina anjoa c̄h̄are m̄anop̄u ji namo dutiera tiri jire. ⁹ Ã jiro pjiriro pinonore cohãnocaa tiri jire Cohamac̄u. Tiro pinono wat̄nota jiro nina. Satana wama tiroiro jira. Panop̄u tiro pinono pjac̄u tiroiro jia tiri jire. Tiro jipihtiro yahpa macainare mahñ̄oriro jira. Tirore to yaina anjoa mehne m̄anop̄u jirirore yahpar̄u cohã boroa tiri jire.

¹⁰ Baharo m̄anop̄u sañurucuro coa tach̄u t̄h̄ohi:

—Mip̄are Cohamac̄u masare ȳhd̄uch̄u yoahre j̄na. Mip̄u pinihtare Cohamac̄u mari p̄h̄toro jiro tahre to tuaare ñono taro. To warocariro Cristo c̄h̄u to p̄h̄toro jiare to tuaare ñohre jipihtinare. Wat̄nore m̄anop̄u jirirore yahpar̄u cohã borohre. Ã cohã bororo to tuaare ñohre Cohamac̄u. Tiro wat̄no sehe dachoripe, ñaminipe Jesu yainare “Ahrina ñaina jira”, ni yahusãno niri jire Cohamac̄u. Ã jiro mari coyeare Jesu yainare yahusãriro jiri jire. ¹¹ Cristo Cordero wama tiroiro to di cohãri mehne mari coyea Jesu yaina tirore wac̄u tuaina ti ñaa yoari buhirire cohãre tiro. Ã wac̄u tuaina jia wat̄nore ȳhd̄uicare. Ã yoa Cohamac̄u yare yahua, wat̄nore ȳhd̄uicare. To yare ti yahuri buhiri paina tinare ti wajã duapach̄ata, tina cuieraa, Cristo yare duhuerare. ¹² Ã jina m̄sa m̄ano macaina wahchega. Wat̄nore yahpar̄u to cohã boroch̄u ñ̄na wahchega. Wiho mejeta ahri yahpa macaina, pjiri ma macaina c̄h̄u pjac̄uoina wahanahca m̄sa sehe. Ahri yahpar̄u tirore to cohã borori baharo m̄sa cahap̄u jira wat̄no. Tirore to buhiri dahrehto mahanocã d̄hsara. Ã jiro sua ȳhd̄uara tiro. M̄sa cahap̄u s̄ro,

ɸjacsuoina mʌsare tjuachʌ yoarohca tiro — ni sañurucuro coa tachʌ tʌhohi.

¹³ Pinonore yahpaprʌ to cohã boroçhʌ ñʌno, pinono sehe numinore, wihãrirocã pocorore nʌnʌ ti wahcãhre. ¹⁴ ã jiro ticorore ɸjiri to wʌa dʌpʌrɪre wahre Cohamacʌ, masa marienopʌ to wʌ duhti wahcãhto sehe. Tóprʌ to sʌri baharo tia cʌhma noano pa cʌhma dacho maca waroi ticorore ñʌ wihbohre Cohamacʌ. To ã ñʌ wihbohçhʌ pinono ticorore ñano yoa masierare. ¹⁵ Tóti to jichʌ ñʌno pinono ɸjiro core cho cohãhre ticorore mʌroca bʌroçhʌ yoaro taro. ¹⁶ To ã yoachʌ yahpa sehe ticorore yoadohohre. Pinono to dʌseroi wijaa core yahpa sehe wihmi na pahñonocahre. ¹⁷ To ã wahachʌ ñʌno pinono sua yʌhdʌahre. ã suaro cãina ticoro panamana ji turiaina mehne cahmacheno wahahre pinono. Tina sehe Cohamacʌ dutiare yoaina jia, Jesu ya buheare noaa buheare ne duhueraina jihre. ¹⁸ ã yoa pinono ɸjiri ma dʌhtʌ cahai ducuhre.

13

Pʌaro nʌcʌ macainare yahuha Joã

¹ ã yoa nʌcʌ macarirore tí mai jiriore to wahcã wihichʌ ñʌhi. Tiro sehe siete dapu poca, diez sahari tiriore jihre. To sahari ɸʌhto ti pisaa sorori barore pisahre. To dapu pocare to wamare joa õri dapu poca jihre. Tí wama to ñari wama jichʌ ñʌ yabira Cohamacʌ. ² Tiro nʌcʌ macariro yairo dohroriro yoaro sehe bajuhre. ã jiro oso yoaro sehe dahpori tiriore jihre. Yairo sohãriro ɸjiri wʌrʌ yoaro sehe dʌsero tiriore jihre. ã yoa pinono sehe to tuaare wahre nʌcʌ macarirore. ã waro tirore to ɸʌhtoro dujiroi cūno, tiro yoaro sehe payʌ masare dutichʌ yoahre pinono nʌcʌ macarirore. ³ Cũ dapu nʌcʌ macariro dapu ti wajãmaro dapu yoaro sehe bajuhre. To ã bajupachʌta to camino sehe yatia wahahre. Tí dapu to catichʌ ñʌa, cʌaa wahahre jipihtina ahri yahpa macaina. ã cʌaa, nʌcʌ macarirore ño payohre. ã jia tiro mehne macaina wahahre masa. ⁴ ã yoa nʌcʌ macarirore pinono to tuaare to wachʌ ñʌa masa sehe tirore pinonore na

tuhcua caha sʌ, ño payohre. ã jia nʌcʌ macariro cʌhʌre na tuhcua caha sʌ, tirore ño payohre. ã ño payoa õ sehe nihre:

—Ne paio mʌ yoaro sehe tuariro mariahna. Pairo mʌhʌre ne yʌhdʌrʌca masierara —ni ño payohre masa nʌcʌ macarirore.

⁵ ã yoa tiro nʌcʌ macariro “Tua yʌhdʌrʌcaro jija”, to nipachʌta Cohamacʌre to ñano durucupachʌta ã tʌhotunocasinihre Cohamacʌ sehe. ã jiro cuarenta y dos sʌri waro tiro nʌcʌ macariro masare dutisinimahre. Tó purota to ɸʌhtoro jihtore cūre Cohamacʌ.

⁶ ã jiro tiro Cohamacʌre ñano durucuhre. To wamare, to wʌhʌre, mʌanopʌ to jiro macaina cʌhʌre ñano durucuhre nʌcʌ macariro. ⁷ ã yoaro Cohamacʌ yainare cahma wajãno tinare yʌhdʌrʌcahre. To ã yoapachʌta ã ñʌnocasinihre Cohamacʌ. Cohamacʌ to ã yoa dutierachʌ yoaeraboa. ã jiro jipihtina ahri yahpa macaina bui ɸʌhtoro sãasinimahre nʌcʌ macariro. Jipihtina yahpari macaina bui, macari macaina bui, jipihtia dʌseri durucuina bui ɸʌhtoro sãasinimahre tiro. ⁸ ã jia jipihtina ahri yahpa macaina tiro nʌcʌ macariro panoi na tuhcua caha sʌ tirore ño payohre. Ahri yahpare Cohamacʌ to bajuamehnehto pano to yaina cjihtire ã jirucuhtinare ti wamare joa õ tuhsʌa tiri jire. Tí tju to ã joa õri tju Cordero ti wajãriro ya tju jira. Tí tju ti wamare joa õeraina dihta nʌcʌ macarirore ño payohre.

⁹ Cahmori tiina jira mʌsa. ã jina tʌhoga. ¹⁰ Jipihtina Cohamacʌ yaina peresu wahahtina, baharo peresu wahaahca. Jipihtina tina ñosari ɸjĩ mehne ti ñosa wajãahtina, baharo tí ɸjĩ mehne variaahca. Tíre masina mari Cohamacʌ yaina ñano yʌhdʌpanahta tirore cohãena tjijihna. ã yoa tirore wacũ tuarucujihna.

¹¹ Baharo paio nʌcʌ macarirore ñʌhi tjoa. Yahpa puhichapʌ jiri to wijaachʌ ñʌhi. Pʌa saharo oveja sahari yoaro sehe bajua sahari sahari tiriore jihre. ã yoa pinono yoaro sehe durucuhre. ¹² ã jiro nʌcʌ macariro ji mʌhtariro sehe baharo jiriore sehere ɸʌhtoro sõhre. To ã ɸʌhtoro sõriro sehe jipihtia yahpari

macainare ji m̄htarirore ño payoch̄u yoahre. Ji m̄htariro n̄c̄u macariro ti waj̄amariro camino yatiriro jihre. ¹³ ã yoa baharo jiriro n̄c̄u macariro bajuamehn-eare yoahre masa ti ñ̄u c̄uhto sehe. ã yoaro masa ti ñ̄uocaroi pichaca pjiri pichaca m̄anop̄u bora tach̄u yoahre. ¹⁴ ã yoa ji m̄htariro to ñ̄uocaroi paio n̄c̄u macariro sehe bajuamehnea mehne masare mahñohre “Ahriro m̄sa ño payohtiro jira”, nino. Tiro masare mahñono, ji m̄htariro mas̄re masare yoa dutihre tirore ti ño payohto sehe. Tiro ji m̄htariro ñosari pj̄i mehne ti ñosariro jiparota catiriro jihre. Tiro yoaro sehe bajuri mas̄reta yoa dutihre paio n̄c̄u macariro masare. ¹⁵ ã yoa baharo jiriro n̄c̄u macariro sehe ji m̄htariro mas̄re catich̄u yoahre masare to dutiht̄o sehe. ã jiro tí mas̄re ño payoerainare waj̄a dutihre masare mas̄u sehe. ¹⁶ ã yoaro jipihtinare ti wamomacari pot̄o buh̄usehei ti w̄hd̄ūa poca c̄uh̄re joa õ dutihre n̄c̄u macariro baharo jiriro. Wiho jinare, p̄htoare, pache p̄are, p̄jac̄uoinare, dahra cohtainare, dahra cohtaina jierainare, jipihtinare ti wamomacarine ti w̄hd̄ūa poca c̄uh̄re joa õ dutihre. ¹⁷ Tiro ji m̄htariro n̄c̄u macariro to wamare, to n̄merore joa õerainare ne nuch̄u dutierare. Tuhs̄u, tinare dua dutierare. ¹⁸ Tíre noano wac̄u masiga m̄sa. T̄ho masiina jina n̄c̄u macariro to n̄merore noano ñ̄u masiga. Tí número m̄no wama yoaro sehe jira. Tí número seis cientos sesenta y seis jira.

14

Cohamac̄u to ȳhd̄uch̄u yoaina c̄n̄ota wahma basaare basaha

¹ Baharo Siõ wama tid̄u t̄c̄u bui ducurirore Corderore ñ̄hi. Tiro mehne ciento cuarenta y cuatro mil masa jihre. Tina to ya wamare to P̄c̄uro ya wama c̄uh̄re ti w̄hd̄ūa pocare ti joa õrina jihre. ² Tinare ȳu ñ̄uch̄ata m̄anop̄u durucuro coa tahre. Pjiri poaye to bisiro seheta w̄po pj̄iro to bisiro seheta bisiro coa tahre to durucua. ã yoa arpa wama tiare ti buap̄t̄ẽno seheta bisiro coa tahre to durucua. ³ Tóí p̄h̄toro to dujiro cahai

pititiaro soro bajuina, Jesu yaina p̄htoa c̄h̄u paina jihre. ã jia tina panoi ciento cuarenta y cuatro mil masa ducuhre. Tóí ducua c̄n̄ota wahma basaare basaa nihre. Tí basaare tina dihta masihre. Ahri yahpai jiina ciento cuarenta y cuatro mil Cristo to ȳhd̄uch̄u yoaina dihta tí basaare masihre. ⁴ Ne tina c̄u tahac̄a numino mehne ñ̄ano yoerare. ã yoa Corderore ñ̄u c̄uina jia, to yare ã yoarucuína jihre. ã jiro tinare ñ̄aina mehne jinare to ȳhd̄uch̄u yoah̄tinare naahre Cohamac̄u sehe. ã to ȳhd̄uch̄u yoarina jia, Cohamac̄u yaina c̄j̄hti, Cordero yaina c̄j̄hti c̄h̄u ji m̄htaina jihre. ⁵ Tina mehne macaina ne c̄airo mahñoriro mariahna. ã jia Cohamac̄u to t̄hotuch̄u ñ̄aa buhiri marieina jihre tina.

Tiaro anjoa yahuroca boroha

⁶ Baharo m̄anop̄u w̄rirore anjore ñ̄hi. Tiro ahri yahpa macainare jipihtia curuari macainare, jipihtia d̄useri durucuinare, jipihtia yahpari macainare noaa buheare yahuhtiro jihre. Tí buhea ne cohtotaeraa, ã jirucura. ⁷ ã jiro anjo sañurucuro õ sehe niroca borohre:

—Cohamac̄ure cui, ño payoga. “Tua ȳhd̄uariro, noa ȳhd̄uariro jira”, niga tirore. Mip̄are tiro masare to buhiri dahrehti p̄ja jiro nina. Tiro m̄anore, yahpare, pjiri mare, mári pohtari c̄uh̄re yoariro jira. ã jina tirore na tuh̄cua caha s̄u, wahche payoga —ni sañurucuhre anjo.

⁸ To ã niri baharo paio anjo m̄anop̄u w̄riro õ sehe niroca borohre:

—Tinare coh̄nocahre. Pjiri maca Babilonia wama tiri maca macainare coh̄nocahre Cohamac̄u. Tina to coh̄rina sehe jipihtina painare ñ̄ano yoach̄u yoare. Masa tinare ñ̄u c̄u ñ̄aare goa p̄jaa, tíre yoare. Cahaina vinore ti tuaro goa p̄jare Babilonia macainare ñ̄u c̄u —ni yahuroca borohre paio anjo.

⁹⁻¹⁰ Tina p̄h̄aro anjoa ti ã niri baharo paio anjo ti baharo w̄riro õ sehe tuaro niroca borohre:

—Jipihtina n̄c̄u macarirore ño payoinare, to mas̄re ño payoinare, ti w̄hd̄ūa pocare, ti wamomacarine to wamare joa õrina c̄uh̄re buhiri dahrerohca Cohamac̄u. Tina mehne suaro, tina pinine tuaro waro

buhiri dahrerucurohca Cohamacu. Nucsu macarirore ño payoina jipihtina pichacaru wahaahca. Tõru tuaro purĩnohca tinare pichaca mehne, azufre wama tia mehne ti wijãri pichaca mehne. Noaina anjoa, Cordero cõhu ti ñurocaroi ñano yãhdãhca tina. ¹¹ Tí pichaca ã me tirucurohca. Ne yatisi. Tinare ã purĩrucuchu yoara. Jipihtina nucsu macarirore na tuhcuca caha su ño payoinare ã purĩrucurohca. Dachoripe, ñaminipe ã purĩrucunocanohca. To masare ño payoina, to wamare ti joarina cõhu tó seheta ñano yãhdãhca —niroca borohre anjo.

¹² Ti ã ñano yãhdũchu ñana Cohamacu yaina to dutiare yoaina, Jesure cohãeraina jina, to yare duhuena tjiga. Ñano yãhdũpanahta Cohamacu yare cohãena tjiga.

¹³ Baharo mũanopu yãhũre durucuro coa tachũ tuhohi. Õ sehe nihre yãhũre:

—Ahrire joaga mũhu. Cohamacu yaina tirore cohãeraina jina mipũre mũsa yariari baharopu cãhũre wahcheina jira mũsa —niroca borohre yãhũre.

To ã niri baharo Espĩritu Santo sehe õ sehe ni namohre tjoa:

—Ã tjira. Potocã tjira. Tina tuaro ti dahraare duhu, soahca. Mũanopu ti wahachu noano ti yoarire wacũnohca Cohamacu. ã yoa ti ã yoari wapa tinare noano yoarohca. ã jia tina wahcheina jira —ni namohre Espĩritu Santo.

Wese macaa toaa dichare mari bese nano seheta Cohamacu to yainare bese nanohca. Ñaina sehere soro bese daporohca

¹⁴ Baharo me curua yehseri curuare ñũhi. Tí curua bui masũno yoaro sehe bajuriro dujhre. Tiro uru soro pũtoro to pisari soro barore pisahre. ã yoa yoari pjĩ siori pjĩne cãhãre tiro. ¹⁵ Baharo paio anjo Cohamacu wũhũi jiriwi wijaa tahre. ã wijaa taro tuaro saũurucuhre me curua bui dujiriore:

—Mũ yoari pjĩ mehne wese macaa dichare ahri yahpa macaa dichare dũte naa pahũoga. Mipũre to quihõri pja sũra. Mipũre dichã sehe sohã tuhsũhre —nihre anjo.

¹⁶ To ã nichũ tuhoro to yoari pjĩ mehne ahri yahpa macaa dichare naa dũcahre me curua bui dujiriore.

¹⁷ Baharo paio anjo cãhu mũano macari wũhũi Cohamacu wũhũi jiriwi wijaa tahre. Tiro cãhu yoari pjĩ siori pjĩne cãhãre. ¹⁸ ã yoa paio anjo altar caharu jiriwi wijaa tahre. Tiro sehe altar macari pichacare ñũ wihboriro jihre. ã wijaa taro yoari pjĩ siori pjĩne cãhãriore õ sehe ni saũurucuhre:

—Mũ yoari pjĩ mehne ahri yahpai jiri wese, se wese macaa dichare naaga. Se sehe ñi tuhsũhre —ni saũurucuhre.

¹⁹ To ã nichũ tuhoro anjo to yoari pjĩ mehne ahri yahpa macaa se tõhorine yihso nahre. To ã yoari baharo tí tõhorine se tõhorine to tũ tihãhtoĩ cohãhre. To ã cohãriro seheta Cohamacu tirore cahmaerainare tuaro suaro, cohãnohca. ²⁰ Tí maca dũhtũ cahai ti tũ tihãhtoĩ tí se tõhorine tũ tihãhre. Tóĩ ti tũ tihãchu di wijaaahre. Di ma yoaro sehe jihre tí di. Tres cientos kilõmetros yoari ma, cũ metro noano pa metro dacho macai cããri ma jihre.

15

Masa ti ñano yãhdũhtore anjoa cũ batoaha masare

¹ Baharo mũanopu soro jirore ñũhi. Tĩre ñũa masa cãaa wahaca. Ahri yahpapũre to dohse wahahtore marine ñohre. ã jiro tí wiho waro jia nierara. Õ sehe ñũhi: Siete anjoa jihre. Cohamacu suaro, siete tahari masare buhiri dahre batoaro taro nihre. ã jia tina siete anjoa sehe buhiri dahre dutiro to cũhtina jihre.

² Anjoare yũ ñũri baharo pjiri mare noano co sitiri ma yoaro sehe jiri mare ñũhi. Tí ma pichaca mehne jiri ma jihre. ã yoa nucsu macarirore to masũ cãhũre yãhdũrucainare ñũhi. Tina to wamare to nũmerore cãhãeraina jihre. Tina yũ ñũchu pjiri ma co sitiri ma dũhtũ cahai ducuhre. Tóĩ ducuína arpa wama tiare bũapũtẽare cãhãre. Tí bũapũtẽa Cohamacu to wari jihre. ³ ã jia Cohamacũre dahra cohtariro Moise cjiro ya basaare cãnota basaa nihre tina. Cordero ya basaa cãhũre basaa nihre. Õ sehe ni basahre:

“Sã pũtoro mũhu Cohamacu tua yãhdũariro jira.

Mu yoaŕire ñuna ñu cuaa wahaja sã.
Mu yoari noa yuħduara.
Muhu jipihtia yahpari macaina bui
puħtoro jira.

Noano mahñoŕo marieno, quihõno yoaru-
cura muhu.

⁴ Jipihtina muhure wahche payoahca.
Jipihtina muhure ‘Tuariro jira’, niahca.
Muhu dihta ñaa marieriro jira.

Jipihtia yahpari macaina mu cahapu sua,
na tuhcua caha su, muhure wahche
payoahca.

Åta yoahca tina jipihtina noano mu
yoarire ñua”,
ni basaa nihre tina.

⁵ Baharo muaporu ñuroca mucu, Co-
hamacu wuhure pjoŕi wuhure ñahi. Tõi
Cohamacu to ya tahtia waroi to dutia to
joaa pjini tãa pjini ti wihbori pjini jihre.

⁶ Tí wuhure yu ñuchuta siete anjoa tí wuhu
puhichapu jirina wijaa tahre. Tina Co-
hamacu to buhiri dahre dutiro to cũhtina
jihre. Tinape ti buhiri dahrehtire cjuhahre
tina siete anjoa. Noaa suhti, wete maria
suhti, si sitea suhti tiina jihre. Å jia ti cutiro
bui uru cahsaro mehne tuã dihorina jihre.

⁷ Tí wuhuru jirina ti wijaa tachu pititiaro
soro bajuina mehne macariro tinare siete
anjoare siete uru wahwarire wahre. Tí
wahwari Cohamacu suaa to buhiri dahre-
hti mehne noano wahpaa wahwari jihre tí
wahwari. Tiro Cohamacu ã jirucuriro jira.

⁸ To ã wachu Cohamacu wuhu puhichapu to
si sitea mehne to tuua mehne me ti sahsea
wahahre. To ã me wuhu wahachu ne masa
tí wuhure sãa masierare. Siete anjoare
Cohamacu buhiri dahre dutiro to cũriro se-
heta masare ti buhiri dahre batoari baharo
pari turi tí wuhuru sãa masina tjoa. To
buhiri dahrehto pano sãa masierare.

16

Cohamacu masare to buhiri dahrehtore yahuha

¹ Baharo Cohamacu wuhai tuaro duru-
curo coa tahre. Siete anjoare yahuro
nihre:

—Siete wahwarihi posa tiare yahpapu
pio siteroca borona wahaga. Yahpa
macainare Cohamacu to niriro seheta
buhiri dahresiniga mipure —ni durucuro
coa tahre.

² To ã nino coa tachu tuħoro ji muħtariro
anjo to cjuari wahwai posa tiare yahpapu
pio siteroca borohre. To ã pio sitechu nucu
macariro wamare joa õrina, to masure ño
payoina ñano cami tihre. Tí cami tuaro
purihre tinare.

³ To ã pio siteri baharo paio anjo tjoa
to cjuari wahwai posa tiare pio siteroca
borohre tjoa pjiri mapu. To ã pio sitechuta
tí ma di ma wahahre. Yariariro di yoaro
sehe jihre tí di. Å wahachu tí ma puhichapu
jiina yaria pihia wahahre.

⁴ Puro ti ã pio siteri baharo paio anjo
tjoa to cjuari wahwai posa tiare pio site-
roca borohre tjoa máripu, tí mári pohtaripu
cũhure. To ã pio sitechu mári di mári dihta
wahahre. ⁵ To ã wahachu ñano paio anjo
márire cohtariro õ sehe nihre:

—Cohamacu muhu ñaa marieriro jira.
Mipu cũhure ã jirucuriro jira muhu.
Panoru cũhure ã jirucua tíre muhu. Å jicu
masa ti ñano yoachu ñucu quihõno tinare
buhiri dahrehtire muhu. Di márine yoacu
noano yoahre muhu. ⁶ Nucu macariro
yaina sehe mu yainare wajãa, di cohachu
yoahre. Mu yare yahuina cũhure wajãa, di
cohachu yoahre. Ti ã wajãri buhiri mári
di mári wahahre. Å yoa tinare dire mu
ã sihnicu yoachu noa nina. Õ seheta
mu yoachu cahmahre tina —nihre márine
cohtariro anjo.

⁷ To ã niri baharo altarpu durucuro coa
tahre:

—Å tjira. Cohamacu sã puħtoro tua
yuħduariro jira muhu. Mahñoŕo marieno,
quihõno masare bese, buhiri dahrera
muhu —ni durucuro coa tahre.

⁸ Tiaro anjoa ti pio siteri baharo paio
anjo to cjuari wahwai posa tiare pio site-
roca borohre tjoa sũ dacho macariro bui.
To ã pio sitechuta sũre masare tuaro sichu
yoahre Cohamacu. ⁹ Å jiro sũ dacho
macariro masare tuaro sihre. Å jia Co-
hamacu tinare to buhiri dahre dutichu
masia, tirore ñano durucuhre masa. Å
ñano yuħdupahta Cohacure maca du-
aerare. Cohacure “Tuariro jira”, ni
wahche payo duaerare.

¹⁰ Pititiaro anjoa ti pio siteri baharo
paio anjo tjoa to cjuari wahwai posa tiare

pio siteroca borohre tjoa nꝛꝛ macariro to dujiro bui. Pꝛhtoro dujiro jihre to dujiro. To ã pio siteri baharo nꝛꝛ macariro to yaina ti jiri yahpapꝛ nahitiano wahahre. Æ jia to yaina masa ñano purĩchꝛ bahca dihohre. ¹¹ Tinare ñano purĩpachꝛta, ñano cami tipahta, ne ti ñaa yoarire cahyaerare. Æ yoa tíre duhuerare. Æ jia Cohamacꝛ tinare to cami dahrechꝛ masia tirore mꝛano macarirore ñano durucuhre.

¹² Cã wamomaca pihtiina anjoa ti pio siteri baharo paio anjo tjoa to cꝛari wahwai posa tiare pio siteroca borohre tjoa Eufrates wama tiri ma pjiri mapꝛ. To ã pio sitechꝛta tí ma sihbi cahaa wahahre. Sã mꝛja taro macaina pꝛhtoa ti yaina masa mehne tí máre ti pahã tahto sehe ã yoahre.

¹³ Baharo tiaro watĩare taharo bꝛꝛna yoaro sehe bajuinare ñahi. Cãiro pinono puhichapꝛ jiro to dꝛseropꝛ wijaa tahre. Pairo watĩno nꝛꝛ macariro dꝛseropꝛ wijaa tahre. Pairo watĩno “Cohamacꝛ yare yahuriro jija”, ni mahñoriro dꝛseropꝛ wijaa tahre. ¹⁴ Tina tiaro watĩa bajuamehneare yoaina jihre. Jipihtiro macaina pꝛhtoare cahmachuchꝛ yoahre tina cahma wajã dutia taa. Ti ã cahma wajãhti dacho Cohamacꝛ tua yꝛhdꝛariro jipihtinare to dutihti dacho, pihtihti dacho jira. ¹⁵ Õ sehe nihre Jesu: “Ñuga mꝛsa. Yacariro wacũenoca to yacaro taro seheta yꝛhꝛ cãhꝛ wacũenoca taihtja. Yꝛ tahtore noano cohtariro wahcheriro jirohca. To yare noano cahnoriro, to suhti sãariro jira wahcheriro. Æ yoariro jiro yꝛ tachꝛ bꝛo tisi tiro suhti marieriro yoaro sehe jieraro”, nihre Jesu. ¹⁶ Baharo tiaro watĩa yahpari macaina bui pꝛhtoare cahmachuchꝛ yoahre tinare. Ti cahmachuno Hebreo ya dꝛsero mehne “Armagedon” wama tihre.

¹⁷ Seis anjoa ti pio siteri baharo paio anjo tjoa to cꝛari wahwai posa tiare me curuari cahapꝛ pio siteroca borohre tjoa. To ã pio siteri baharo pꝛhtoro dujiropꝛ Cohamacꝛ wãhã jiri dujiropꝛ tuaro durucuro coa tahre:

—Tó puro tjica —nino coa tahre.

¹⁸ To ã nichꝛta orocasite mꝛa, wꝛpo pja mꝛa, soro jiro bisi mꝛa, cuaro yahpa ñuhmihre. Ahri yahpai masa ti ji dꝛari baharo ne tó sehe ñaca yahpa ñuhmiera

tihre. Paye ñuhmia yꝛhdoro cuaro yahpa ñuhmihre. ¹⁹ Æ to ñuhmichꝛ pjiri macare tia maha yihti mꝛaa wahahre. Æ jia bꝛja macari ahri yahpai jia macari boraa wahahre. Æ jiro Babilonia wama tiri maca pjiri maca macainare wacũhre Cohamacꝛ tinare buhiri dahrero taro. Ti ñaare yoari buhiri tina mehne tuaro suahre. Æ suaro tinare tuaro buhiri dahrehre. ²⁰ To ã yoachꝛ jipihtia nꝛꝛcopo, tãyucꝛ cãhꝛ cohõ pihtia wahahre. Æ jia ne mariahre. ²¹ Æ yoa bꝛja poca co poca yꝛsꝛa poca yahpapꝛ masa bui bora tahre. Jipihtia poca co poca cuarenta kilos nꝛꝛca poca jihre. Tina bui ti ã bora tachꝛ Cohamacꝛ masare to tuaro buhiri dahrechꝛ masia ñano durucuhre masa Cohamacꝛre.

17

Mꝛa mehne ñano yoarucuricorore ñabiaro yoaricorore buhiri dahre dutirohca

¹ Baharo siete wahwarire cꝛaina anjoa mehne macariro yꝛ cahapꝛ wihiro õ sehe nihre yꝛhꝛre:

—Ñui taga. Payꝛ mári bui dujiricorore mꝛa mehne ñano yoarucuricorore ñabiaro yoaricorore Cohamacꝛ to buhiri dahrehre ñahca mꝛhꝛ. ² Ahri yahpa macaina pꝛhtoa ticoro mehne ti ñano yoaboro seheta ticoro yoaro seheta yoare tina. Cohamacꝛ ya sehere cahmaerare. Ahri yahpa macainare to cahachꝛ yoaboro seheta tina mehne to ñano yoaboro seheta ticoro masare ñaare goa pjachꝛ yoare. Æ yoaro ñaare yoachꝛ yoare masare —ni yahuhre anjo yꝛhꝛre.

³ To ã niri baharo Espiritu Santo sehe to bajuamehneare yꝛhꝛre ñohre. Anjo sehe masa marienopꝛ naahre yꝛhꝛre. Tóí numinore ñahi. Ticoro nꝛꝛ macariro sohãriro bui pisaricoro jihre. Nꝛꝛ macariro sehe to pjacꝛi payꝛ wama ti joa õriro jihre. Tí wama ñaa wama Cohamacꝛ to ñã yabia wama jihre. Æ yoa siete dapu poca tiro, diez sahari tiroro jihre nꝛꝛ macariro.

⁴ Tuhsꝛ, numino sehe noano yahsaa suhti pꝛhtoa ti sãa suhti sehe jiare sãaricoro jihre. Sohãa suhti cãhꝛre sãaricoro jihre. Payꝛ urure, wapa tia tãare, perla yapari cãhꝛre

õa suhtire sãaricoro jihre ticoro. Uru wahware cjũahre ticoro. Tí wahwai posa tia ñaa to yoari jihre. Mũa mehne ñano yoaro pjíro ñano yoahre ticoro. Tí ñaare ñũ yabira Cohamacũ. ⁵ To wũhdũai to wama ti joa õricoro jihre. Tí wamare noano masieraja mari. Tí wama piti dahre buheri wama jira. Ahri jira tí wama: “Pjiri maca Babilonia wama tiri maca jira. Jipihtia ñaa yoaare goa pjaare yoa dũcaricoro, Cohamacũre cahmaerachũ yoaricoro jira” ni, to wũhdũai ti joa õricoro jihre. ⁶ Æ jicũ ticoro payũ Cohamacũ yainare wajãricoro to jichũ masihi. Cahaare to wahchero seheta tinare wajãno ti di cohãchũ wahchehre ticoro. Jesu yare ti yahuri buhiri ticoro wajãhre tinare. Ticorore ñũcũ, ñũ cũaa wahahi.

⁷ —¿Dohseacũ mũhũ ñũ cũaa waharide? —nihre anjo yũhũre—. Mũ masierarire mũhũre yahuihtja. Numinore mũhũre yahuihtja. To pisariro cãhũre yahuihtja. Tiro nũcũ macariro, siete dapu poca tiriro, diez sahari tiriro jihre. ⁸ Tiro panopũ jiriro jire. Mipũre mariaha tiro. Baharo tiro cũãri copapũ jiriro wijaa tarohca. To ã wijaa tari baharo pichacapũ waharohca. Ahri yahpa macaina tirore ñũ cũa, ño payore tirore. Ahri yahpa to jihto pano Cohamacũ to yaina cjihtire ã jirucuhtinare ti wamare joa õa tiri jire. To joa õeraina jire nũcũ macarirore ño payoina. Tiro sehe panopũ jia tiri jire. Mipũ sehere mariaha. Baharo pari turi bajuarohca tjoa. Æ jia to bajuachũ ñũa masa tirore ñũ cũaa waahaahca.

⁹ 'Mipũre yũ yahuiltire masi duana, noano tũhonahca mũsa. Æ yoana noano masiina jiga. Nũcũ macariro dapu poca siete dapu poca siete tãyucũ jira, mari piti dahre buhechũ. Tí tãyucũ bui pisara ticoro mũa mehne ñano yoarucuricoro. Tí dapu poca siete pũhtoa yoaro sehe jira, mari piti dahre buhechũ. Payũ masa bui pũhtoa jira. ¹⁰ Cinco pũhtoare cohã tuhsũre. Pairo tina baharo jiriro pũhtoro jira mipũre. Pairo sehe baharo pũhtoro sãanohca. Æ sãano mahanocã pũhtoro jirohca tiro. ¹¹ Æ jiro nũcũ macariro panopũ jĩ mũhtariro, mipũ marieriro tina siete

pũhtoa baharo pũhtoro jirohca. Siete pũhtoa mehne macariro jira. Baharo pichacapũ waharohca.

¹² 'Nũcũ macariro sahari diez sahari diez pũhtoa yoaro sehe jira mari piti dahre buhechũ. Payũ masa bui pũhtoa jira. Tina pũhtoa sãaerasinihre. Baharopũ pũhtoa sãa mahanocã pũhtoa jiaha. Yoari pja jĩ dutisi tinare. Æ pũhtoa jia nũcũ macariro mehne pũhtoa jiaha. ¹³ Tina diez pũhtoa cãno potori tũhotuina jira. Tina nũcũ macarirore ti ya yahpari macaina bui pũhtoro sõahca. ¹⁴ Æ jia Cordero mehne cahma wajãahca. Ti ã cahma wajãpachũta Cordero to be-seina mehne tirore ne cohãeraina mehne tinare yũhdũũcaahca. Tiro jipihtina paina pũhtoa bui pũhtoro jira. Æ jiro tinare yũhdũũcarohca —ni yahuhre yũhũre anjo.

¹⁵ Ahrire yũhũre yahu namohre anjo:

—Mũa mehne ñano yoarucuricoro mári bui dujire. Tí mári ahri yoaro sehe jira mari piti dahre buhechũ: Yahpari macaina, payũ curuari macaina, payũ dũserire durucuina yoaro sehe jira tí mári. ¹⁶ Nũcũ macariro, diez pũhtoa mehne mũa mehne ñano yoarucuricoro ñũ yabiahca. Tina diez pũhtoa nũcũ macariro mehne ticoro yare ma pahño, suhti marienicoro cohãahca ticorore. Æ yoaa to pjacũre chũahca. Ti ã yoari baharo ticorore jũ pahñoahca. ¹⁷ Tina diez pũhtoa cãno potori tũhotua nũcũ macarirore ti ya yahpari macaina bui pũhtoro sõahca. Tinare ã yoachũ yoare Cohamacũ, to cahmano seheta yoaro taro. Æ jiro nũcũ macariro sehe pũhtoro jirohca. Jipihtia Cohamacũ panopũ to yahuriro seheta to yoari baharo nũcũ macarirore cohãnohca. ¹⁸ Ticoro mũ ñũricoro mehne õ sehe ni piti dahre buhera: Ticoro pjiri maca Babilonia wama tiri maca yoaro sehe jira. Jipihtina paina pũhtoa bui jira tí maca macaina —nihre anjo yũhũre.

18

Babilonia wama tiri maca to cohãri macajira

¹ Baharo paio anjo mũanopũ dujiarirore ñũhi. Tiro pũhtoro waro jihre. To si sitea jipihtiropũ noano buhria sahsea

wahahre. ² To ã dujiari baharo õ sehe ni tuaro sañurucu yahuhre:

—Cohãri jihre. Babilonia wama tiri maca pjiri maca macainare cohãri jihre. Mipure watia, payu ñaina pjacu bajueraina cãhu tí macai jia nina. Ñaina baro wahiquina waina peri cãhu masa ti ñu yabiina tí macai jia nina. ³ Jipihtia yahpari macaina tí maca macainare ñainare ñu cãu, tina cãhu ñano yoare. Á yoa yahpari macaina bui puhtoa tí maca macaina numia mehne ñano yoare. Ticoro ã mña mehne ñano yoarucuricoro jiro wapa tiare nuchña tire. Pjiro to ã nuchuchu ahri yahpa macaina pache duaina pjiro wapatare —ni yahuhre anjo.

⁴ Baharo pari turi mñanopu durucuro coa tahre. Õ sehe nihre:

—Yu yaina ahricoro mña mehne ñano yoarucuricoro mehne jiena tjiga mña. Ticoro mehne mña jichu mña cãhure buhiri dahrerohca. Á jina to ñano yoare ñu cãena tjiga. ⁵ To ñano yoari payu jinocahna. To ñano yoarire pari tju mari duhu payo mnochhu tí tju sehe mñanopu wahã snocabo. Á jia to ñano yoari payu jinocahna. Á jiro to ñano yoarire wacũna Cohamacu. Á wacũno ticorore buhiri dahre dutirohca. ⁶ Ticoro tuaro to buhiri dahreticoro jijaro. Masare to ñano yoachhu yoariro seheta ticoro cãhure ñano yuhdũchhu yoajaro. Masare ã ñano to yoariro seheta tí yuhdoro ticorore ñano buhiri dahrejaro. ⁷ Ticoro “Noaricoro jija”, ni tãhotumare. Á ni tãhoturo, wapa bujũare pjiro cũare ticoro. To wapa bujũare pjiro to cũaro purota ticorore pjiro ñano yuhdũchhu yoajaro. Tó purota ticorore cahyachhu yoajaro. To basi õ sehe ni tãhotumana ticoro: “Õi puhtorocoro yoaro sehe jiricoro dujija. Wapewahyoro jieraja. Á jico ne ñano yuhdũsi yuhhu”, ni tãhotumana ticoro. ⁸ Á ni tãhoturicoro to jichu wacũenoca ticorore buhiri dahreto jirohca. Ticoro dohati, yariainare yahco tii, jũca barohca. Tuhsu, ticorore jũ borohca. Mña puhtoro Cohamacu ticorore buhiri dahre dutiriro tua yuhdũariro jira. Á jiro tó seheta yu niriro seheta ticorore

buhiri dahre dutirohca —nino coa tahre mñanopu.

⁹ Á jia ticoro yoaro sehe jiri macare Babiloniare Cohamacu to buhiri dahreru baharo ahri yahpa macaina puhtoa tuaro cahya, tiiahca. Tí maca macaina mehne ñano yoaina jire. Á jia tí maca to jũchhu ñña tiiahca tina. ¹⁰ To ã jũchhu ñña tina puhtoa yoaropu ñurocarucuahca, “Mari cãhure buhiri dahreru”, nia. Tó ñurocarucua õ sehe niahca:

—Cue, pjacũori maca jira, Babilonia. Sí maca pjiri maca tuari maca jimahre. Wacũenoca sí macare buhiri dahrehre — niahca tina.

¹¹ Jipihtiropu macaina pache duaina tí macare ñña tuaro cahya tiiahca. Tí maca to pihtichhu ñña, ti pachere nuchũina mariachhu ñña cahyaahca tina. Á jia tiiahca. ¹² Ti na tarire urure, platare, wapa bujũa tãare, perla wama tia poca cãhure nuchũina mariahca. Á yoa paye ti na tari cjirire suhti noaa suhtire, yahsaa suhti puhtoa ti sãa suhti yoaro sehe jia suhtire, seda wama tia suhtire, sohãa suhtire nuchũina mariahca. Á yoa paye ti na tarire yucũri me sitia yucũri nuchũina mariahca. Á yoa paye ti na tarire marfil wama tiro mehne ti yoarire, wapa bujũa yucũri mehne ti yoarire, bronce wama tiri comaa mehne ti yoarire, comaa mehne ti yoarire, marmol wama tiro mehne ti yoarire nuchũina ne mariahca. ¹³ Á yoa paye ti na tarire canela wama tiare ti chũare coachhu yoare, paye ti chũare coachhu yoare, inciensore, mirra wama tia me sitiare, paye me sitiare nuchũina mariahca. Á yoa paye ti na tarire vinore, chña waja sere, trigo pohcare noano ti sũhaweri pohcare, trigo yaparire, wachũare, corderoare, cawaloare, tunua bũso cawaloa ti waja bũsore nuchũina mariahca. Dahra cohtainare nuchhu tinare cũaina cãhu mariahca. Masa ti jipachuta tinare nuchũina jimahre. Mipure mariahca. Á jia cahyaahca pache duaina. ¹⁴ Á jia õ sehe niahca tina tí maca macaina cjirire:

—Ade, ñacaro wahajari. Jipihtia mña cahiri cjiri pihtia wahahre. Á yoa jipihtia noaa mña cũari cjiri pihtia wahahre. Á ti

pihtia wahachũ tíre pari turi bocasi m̃sa —niahca pache duaina.

15 Tina tí macare pachere duaa, pjíro wapatamare. ã jia tina tí macare yoaropũ ñ̃rocarucuahca, “Mari c̃h̃are buhiri dahrerí”, nia. ã ñ̃rocarucua tí macare tuaro cahya, tiiahca. 16 Õ sehe niahca tí macare:

—Cue, p̃jac̃uoina jira sí maca pjiri maca noari maca macaina cjiri. Sí maca numino yoaro sehetã noaare c̃j̃ahre. Numino sehe noaa suhtire, yahsaa suhti p̃h̃toa ti s̃ã suhti yoaro sehe jia suhtire, sohãa suhti c̃h̃are s̃ãahre. ã yoa uru, wapa buj̃ã tãa, perla wama tia poca ðã suhtire s̃ãahre. Tó sehetã yoahre sí maca macaina. 17 ã jia wac̃uenoca sí maca buti pihtia wahahre —niahca tí macare.

ã yoa jipihtina dohoa b̃so mehne tiniina, tí b̃so p̃ã, ti m̃ã, paina pjiri map̃ã dahra wapataina c̃h̃ũ tí macare yoaropũ ñ̃rocarucuahca. 18 Tóí ñ̃rocarucua tí macare to j̃ch̃ũ ñ̃ã ð sehe ni sañurucuahca:

—Noaa macari sí maca yoaro sehe jia macari ne paye macari mariahna —ni sañurucuahca tina.

19 ã cahyaina jia ti dapu poca bui dihtare orẽ payoahca. ã jia tuaro yahco tiia ð sehe niahca:

—Cue, p̃jac̃uoina jira sí maca macaina cjiri. Noari maca jimare. Jipihtina dohoa b̃so c̃j̃aina pjiri map̃ã tiniina sí maca macaa pache mehne noano wapatamani mari. ã yoa dóih̃ta sí maca macaa buti pihtia wahahre —niahca b̃so macaina.

20 Tí macare to cohãch̃ũ ñ̃ãna wahchega m̃sa m̃ãno macaina. Cohamac̃ũ yaina, Jesu to c̃rina, to yare yahu m̃htaina jipih̃tina m̃sa wahchega. Tí maca macaina m̃sare ñ̃ãno ỹhd̃ch̃ũ yoare. Ti ã yoari buhiri buhiri dahrehre Cohamac̃ũ. ã jina wahchega m̃sa.

21 ã yoa tuariro anjo pjiria tãcare arẽni soro puro jiria tãcare na wahc̃õ, pjiri map̃ã doca ñohre. ã doca ñono ð sehe nihre:

—Ahria tãca to bora ñojariro sehetã pjiri maca Babilonia wama tiri maca tuaro boraro bisirohca. To ã borari baharo tí macare pari turi ñ̃si masa. 22 Tí macare butia wahachũ yoarohca. ã jia tí

macai basaare m̃sa basarucuriro sehe ne coa tasi. Arpa wama tiare m̃sa buap̃ut̃urucuriro sehe, flauta wama tia pocare, corneta c̃h̃are m̃sa putirucuriro sehe pari turi tí macai coa tasi. ã yoa tí maca mariachũ pari turi tí macai dahraina dahrasi. ã yoa tãca mehne m̃sa soari c̃h̃are t̃homahnosi. 23 Ne tí maca to buhria coãriro sehe ne jisi. ã yoa wamomaca d̃hteina m̃sa b̃se nam̃are m̃sa dahreriro sehe pari turi ne coa tasi. Tí maca macaina pache duaina nuch̃ina mehne paina ỹh̃doro c̃j̃ahre m̃sa. ã jina yaya wij̃õ wij̃ina yoaro sehe yoana jipihtiro macainare mahñohre m̃sa. M̃sa ã yoarire ñ̃ũ c̃ãã, Cohamac̃ũ sehere cahmaerare masa —nihre tuariro anjo.

24 Tí maca macaina Cohamac̃ũ yare yahu m̃htainare paina to yaina c̃h̃are jipihtiro macainare wajãri jire.

19

1 Babilonia to dohse wahahtore ỹ ñ̃ari baharo m̃ãnop̃ũ paỹũ masa sañurucua coa tahre ỹ t̃hoch̃ũ. ð sehe ni sañurucuhre: “Aleluya.

Cohamac̃ũre noano durucujihna. Cohamac̃ũ marine ỹhd̃ch̃ũ yoariro jira. Tirore noano ño payojihna. Tua ỹhd̃uariro jira tiro.

2 Mahñono marieno quihõno masare buhiri dahrera tiro.

Ñaricorore m̃ã mehne ñ̃ãno yoarucuricorore ñ̃ũ c̃ã jipihtiro macaina, ahri yahpa macaina ñ̃ãno yoahre.

Ticoro sehere buhiri dahrehre Cohamac̃ũ. ã jiro tirore dahra cohtainare ticoro to wajãri buhiri buhiri dahrehre tiro”, ni sañurucua coa tahre.

3 Pari turi sañurucua coa tahre: “Aleluya. Cohamac̃ũre noano durucujihna. Tí maca ñari maca to jãri maca ã me tirucurohca”, ni sañurucua coa tahre.

4 ã yoa veinticuatro Jesu yaina p̃h̃toa, pititiaro soro bajuina mehne na tuhcuacaha s̃ũ, Cohamac̃ũre to dujiroi dujirirore wahche payohre. ð sehe ni wahche payohre tina: “Amén. Aleluya. ã tjira. Cohamac̃ũre noano durucujihna”, nihre tina.

⁵ Baharo p̄h̄toro dujirop̄a ò sehe nino coa tahre:

“Mari p̄h̄toro Cohamac̄are wahche payoga.

Tiروه dahra cohtaina, tiروه ño payoina, wiho jiina, p̄h̄toa c̄h̄h̄ jipihtina m̄asa tiروه noano durucuga”, nino coa tahre.

Cordero to wamomaca d̄h̄tehti n̄m̄m̄ b̄ose n̄m̄m̄re yahuha Joã

⁶ Baharo paȳa masa ti durucuch̄a t̄ahohi. Pjiri poaye, w̄apo mehne to bisiro coa taro seheta durucua coa tahre ȳa t̄ahoch̄a:

“Aleluya.

Cohamac̄are noano durucujihna.

Tiro mari p̄h̄toro sehe p̄h̄toro s̄ãa tuhs̄are.

Tua ȳh̄d̄ar̄iro jira tiro.

⁷⁻⁸ Cordero to wamomaca d̄h̄tehti p̄ja jira mip̄are.

To wamomaca d̄h̄tehticoro noano ti cahno tuhs̄ar̄icorop̄a jira.

Ticorore noari suhtiro wete marieni suhtirore wahre.

Tí suhtiro Cohamac̄a yaina noaare ti yoari yoaro sehe jira, mari piti dahre buhech̄a.

Ã jina ti wamomaca d̄h̄tehti p̄ja to jich̄a wahchejihna mari.

Cohamac̄are ‘Tua ȳh̄d̄ar̄iro jira’, n̄jihna”,

ni durucua coa tahre.

⁹ Ti ã niri baharo anjo ò sehe nihre ȳh̄h̄re:

—Ahr̄ire joa naga: “Cordero to wamomaca d̄h̄teri n̄m̄m̄ b̄ose n̄m̄m̄re to p̄jirocarina wahcheina jira”, ni joa naga —nihre anjo ȳh̄h̄re.

Ã ninota ò sehe ni namohre:

—Potocã tjira ahri ȳa yahuri. Cohamac̄a ya durucua jira —ni namohre ȳh̄h̄re.

¹⁰ To ã nich̄a t̄hoc̄ata tiro panoi na tuh̄cua caha s̄a, tiروه ño payoi tai nimahi. Ȳa ã yoai cahach̄a waro ò sehe nihre tiro ȳh̄h̄re:

—Tíre yoai tjiga. M̄a yoaro seheta ȳh̄h̄ c̄h̄h̄ Cohamac̄are dahra cohtarirota jija. M̄a coȳea Jesu yaina jipihtina to ya buheare duh̄eraina yoaro sehe ȳh̄h̄ c̄h̄h̄ Cohamac̄are dahra cohtarirota jija. Ã jic̄a Cohamac̄are na tuh̄cua caha s̄a, tiro seh̄ere ño payoga —nihre anjo ȳh̄h̄re.

Cohamac̄a yare yahu m̄h̄taina cjiri panop̄a macaina Esp̄iritu Santo to yoadohor̄o mehne Jesu ya buheareta yahuyua tiri jire.

Cawalo yehseriro bui pisarirore yahuha Joã

¹¹ Baharo m̄h̄ano par̄i m̄h̄a wahach̄a ñ̄hi. Tóí cawalo yehseriro jihre. Tiro bui pisariro ò sehe wama tihre: To niriro seheta yoariro potocã yoariro wama tihre tiro. Quih̄õno masare ñ̄aina, noainare bese, tiروه ñ̄a tuhtiina mehne cahma wajãna.

¹² To capari p̄icha poh̄na yoaro sehe jihre.

Ã yoa to dapui paȳa p̄h̄toa pisaa sorori jihre. Ã jiro to p̄jac̄ai wama joa õriro jihre. Tí wamare tiro dihta masihre.

Paina masierare. ¹³ To s̄ãari suhtiro yoari suhtiro di wahãri suhtiro jihre. Tiro ò sehe wama tihre: Cohamac̄a ya d̄userore

yahuriro wama tihre tiro. ¹⁴ Ã jia to yaina surara m̄h̄ano macaina tiro baharo wahare. Yehseina cawaloa bui pisaina noano yehsea suhtire, wete mariea suhtire s̄ãaina

jihre. ¹⁵ To d̄useroi ñ̄osari p̄j̄ne siori p̄j̄ne cuhc̄h̄re. Tí p̄j̄i yahpari macainare to ȳh̄d̄ar̄ucahti p̄j̄i jihre. Ã jiro to tuaa mehne to dutich̄a ne c̄ãiro tiروه ȳh̄d̄ar̄ucaro bihosi. Cohamac̄a tua ȳh̄d̄ar̄iro paȳa yahpari macaina mehne sua ȳh̄d̄ara. To ã suach̄a cawalo bui pisariro tinare tuaro buhiri dahrerohca. ¹⁶ To suhtiroi, to ñ̄ach̄uc̄a c̄h̄h̄re ahri wamare joa õri jihre: “Jipihtina paina p̄h̄toa bui p̄h̄toro”, ni joa õri jihre.

¹⁷ Baharo s̄ã siroi ducurirore anjore ñ̄hi. Jipihtina m̄h̄anop̄a w̄in̄are yuca perire sañurucu m̄oh̄re tiro. Ò sehe ni tuaro sañurucu m̄oh̄re:

—Cahmachuna taga. Cohamac̄a to b̄ose n̄m̄m̄i ch̄ana taga. ¹⁸ Paȳa yahpari macaina bui p̄h̄toare, surara p̄h̄toare, surara perire, cawaloare, tina bui pisainare, jipihtina paina masare, dahra cohtinare, dahra cohtaina jierainare, paina p̄h̄toare, wiho j̄in̄are tina jipihtina ti p̄jac̄ari cjirire ch̄ana taga —nihre anjo yucaare.

¹⁹ Baharo n̄uc̄a macarirore, ahri yahpa macaina bui p̄h̄toa ti surara peri c̄h̄h̄re

ñahi. Tina cahmachuhre cawalo bui pisariro mehne to yaina surara peri mehne cahma wajãa taa. ²⁰ Ti ã cahma wajãchũ cawalo bui pisariro nũcũ macarirore peresu yoahre. Pairo “Cohamacũ yare yahu mũhtariro jija”, ni mahñoriro cũhũre peresu yoahre. Tiro mahñoriro sehe nũcũ macariro to ñũrocaroi bajuamehneare yoariro jihre. To bajuamehnea mehne nũcũ macariro to wamare wahãinare to masũre ño payoinare mahñohre “Ahri Cohamacũ ya jira”, nino. Tina pũarore to peresu yoari baharo tinare catiinareta pichacapũ cohãhre. Tí pichaca pjiri ma puro jiri pichaca pjiri pichaca azufre mehne jãri pichaca jihre. ²¹ Æ jiro dũhsainare ti surara peri cjirire ñosari pjĩ mehne to dũseroi jiri pjĩ mehne wajãhre cawalo bui pisariro sehe. Æ to wajãri baharo yucaã peri ti pjacũri cjirire chũã, yapi yãhdũã wahahre.

20

Mil cũhmari waro Cristo to yaina mehne masare dutirohca

¹ Baharo paio anjo mũanopũ to dujia tachũ ñahi. Cũãri copa macari sawire, pjiri da, comaa da cũhũre cjũahre tiro. ² Æ duji wihiro pinonore ñahahre tiro. Tiro pinono panopũ pinono sehe pjacũ tiriro jiro, watĩno Satana wama tiriro jihre. Tirore ñahano tirore dũhtehe mil cũhmari waro peresu yoaro taro. ³ Æ dũhte tuhsũ, cũãri copapũ cohãhre tirore jipihtia yahpari macainare mil cũhmari waro to mahñoerahto sehe. Æ cohã tuhsũro tí copare biha, wihtã ñahanocahre. Æ jiro mil cũhmari baharo pari turi mahaa dachoricã tirore wiosininohca.

⁴ Baharo pũhtoã dujiare ñahi. Tí dujia dujiina cũhũre ñahi. Tinare masa bui dutihtinare cũhre Cristo. Paina cũhũre ñahi. Tina sehe Jesu yare Cohamacũ yare ti yahuri buhiri ti dapu pocare dũte cohãrina cjiri jihre. Nũcũ macarirore to masũ cũhũre ne na tuhcuã caha sũ ño payoerare. Æ yoa ti wũhdũã pocare ti wamomacari cũhũre to wamare joa õ dutierare tina. Æ jia paina tinare ti wajãri baharo masaa wahahre tjoa. Masahre tina mil cũhmari waro

Cristo mehne pũhtoã jia taa. ⁵ Paina Cristo yaina yariaina cjiri sehe masaerasinire. Ti wajãrina ti masari baharo mil cũhmari pũhtoã ti jiri baharo paina cũhũ masaa wahaahca. Æ jia ti wajãrina cjiri Cristo yaina to baharo masa mũhtaina jihre. ⁶ To maso mũhtaina sehe tuaro wahcheina jiahca. Ñaa marieina jiahca tina. Æ jia pichacapũ wahasi tina. Masa pichacapũ wahaã, pari turi ti yariaro sehe wahara. Æ jia tina to maso mũhtaina pichacapũ wahaerara. Tina yaria masa mũhtaina sacerdotia jiahca, Cohamacũre, Cristo cũhũre ño payoã taa. Æ jia mil cũhmari waro Cristo mehne masa bui pũhtoã jiahca.

⁷ Mil cũhmari baharo Satanare perezui jirirore wiorohca. ⁸ To ã wiori baharo ahri yahpa macainare mahñono waharohca tiro. Gog wama tiinare, Magog wama tiina cũhũre mahñono waharohca. Æ jia tina to mahñoare tũhoa, ti surara perire cahmachuahca cahma wajãa taa. Tina surara peri payũ jiahca. Pjiri ma macaa padũ pohcaricã payũ ti jiro seheta payũ surara jiahca. ⁹ Tina ahri yahpapũre waha siteã, Cohamacũ yaina ti jiri macare Cohamacũ to cahĩri macare soroã wahaahca. Ti ã soroari baharo Cohamacũ tinare mũano macari pichaca mehne jũroca bororohca. ¹⁰ Æ wahari baharo watĩnore tinare mahñorirore pichacapũ cohãnohca. Tí pichaca pjiri ma puro jiri pichaca azufre mehne jãri pichaca jira. Tópũ nũcũ macarirore “Cohamacũ yare yahu mũhtariro jija”, ni mahñorirore cohã tuhsũhre. Tóĩ ti jichũ dachõ, ñamipũ cũhũre ã ñano purĩrucurohca tinare.

Cohamacũ masare buhiri dahre batoara

¹¹ Baharo pjĩro pũhtoro to dujirore noano yehserore ñahi. Tí dujiro bui dujiriro cũhũre ñahi. Tóĩ to dujichũ, ahri yahpa macaa cũhũ mũano macaa cũhũ pihtia wahahre. Æ pihtia wahaã pari turi ji namoerare. ¹² Æ yoa pũhtoro panoĩ yariaina cjiri ti ducuchũ ñahi. Tina wiho jiina, pũhtoã cjiri cũhũ jihre. Tóĩ ti ducuchũ joa õã tjurire pjõohre. Tí tjuri masa ti yoarire ti joa õã tjuri jihre. Æ jiro beseriro tí tjurire ñũ tuhsũ ti

yoarire masihre. Tíre masino yariainare beshre ñaina, noainare. Baharo pa tju cãhure pjõohre. Tí tju Cohamacu mehne ã jirucuhtinare ti wamare joa õri tju jihre. ¹³ Baharo pjiri mapu yaria miniina, diapu ti cohãrina cãhu wahcã mujaa wahahre. ã yoa yahpa puhichapu jiina, yariaina ti jiropu jiina cãhu mujaa wahahre. Ti ã mija suchu tói dujiriro ti yoarire masi pahõono, tinare beshre ñaina, noainare. ¹⁴ Baharo yariarore, yariaina ti jiro cãhure cohãnocahre Cohamacu pari turi mari yariaerahto sehe. Pichacapu cohãnocahre. Tí pichaca pjiri ma puro jiri pichaca pjiri pichaca jihre. Pichacapu wahaina sehe pari turi yariaina seheta wahara. ¹⁵ ã jiro ã jirucuhtina ti wamare Cohamacu to joa õri tjui jipihtina ti wamare joa õmahnoeraina sehere pichacapu cohãhre tiro.

21

Muano, yahpa cãhure wahmaare cohtotarohca Cohamacu

¹ Baharo muano, ahri yahpa cãhure wahmaare to cohtotarire ñahi. Muano pu ji muhtari, yahrapu ji muhtari, pjiri mapu ji muhtari cãhu pihtia wahahre. Mariahre. ² ã yoa yuhu João noari macare, wahma macare Jerusalêne ñahi. Tí maca muano pu Cohamacu cahapu to duji tachu ñahi. Wamomaca dũhteticorore noaa suhti mehne wahma suora wamomaca dũhtetirore wahchecu yoaro taro. Tó seheta tí macare cahnoyure Cohamacu, to yainare wahchecu yoaro taro. ³ Tíre yu ñuri baharo puhtoro dujiropu to sañurucuro coa tachu tuhohi:

—Ñuga. Mipure masa watoi jiro nina Cohamacu. Tina mehne jirohca tiro. ã jia to yaina jahca tina. ã yoa Cohamacu to basi tina mehne macariro jiro, ti yairo Cohamacu jirohca. ⁴ ã jiro ã wahcherucuhu yoarohca tiro tinare. ã jia pari turi cahyasi tina. ã jia ne pari turi yariasi tina. Ne ñano yajeripohna tia, yahco tia, puria cãhu mariaha tinare. Ahri jipihtia panopu macaa cjiri pihtia wahaahca —ni sañurucuro coa tahre.

⁵ Baharo puhtoro dujiropu dujiriro õ sehe nihre:

—Ñuga. Jipihtiare wahma cohtotachu yoaihca —nihre.

To ã niri baharo yuhure õ sehe nihre tjoa:

—Ahri yu niare joa naga. Yu nia potocã tjira. ã jiro yu niriro seheta ã waharohca. ã jicu yu niare joa naga —nihre yuhure.

⁶ Baharo õ sehe nihre tjoa yuhure:

—Tó puro tjica. Yuhu jipihtiare ba juamehneriro jija. ã yoa jipihtiare pihtichu yoah tiro jija tjoa. Ñahma yapioina tuaro tí core cahmano seheta yu cahapu waha duaina Jesure cahmaahca. ã jia Jesure yahthiaha. Tiro catichu yoaa co yoaro sehe jira. Tirore cahmainare wapa cahmano marieno yuhu mehne ã jirucuhu yoaihtja tinare. ⁷ Jipihtina yuhure wacũ tua duhuerainare õ sehe yoaihtja: Ti yairo Cohamacu jiihtja. ã jia tina sehe yu pohna jahca. ⁸ Wiho mejeta cuia yu yare duhuina, yuhure cahmaeraina, ñabaaare yoaina, masare wajãina, numia mehne ñano yoaina, mu mehne ñano yoaa numia, yaya, “Cohamacu jira”, ti nia masurine ño payoina, jipihtina mahõoina pichacapu wahaahca. Tói pjiri ma puro jiri pichaca pjiri pichaca azufre mehne jãno nina. Tópu wahaina pari turi ti yariaro sehe waha nina —nihre yuhure.

Wahma maca Jerusalêne yahuha

⁹ Baharo cãiro anjo yu cahapu wihihre. Tiro siete wahwari cjaina, to buhiri dahre dutiro to cũina anjoa mehne macariro jihre. ã wihiro, õ sehe nihre yuhure:

—Ñui taga. Cordero to wamomaca dũhteticorore ñoihca muhure —nihre anjo yuhure.

¹⁰ To ã nini baharo Espiritu Santo yuhure Cohamacu ya macare ñohre. Õ sehe bajuro ñohre yuhure: Muadu tãcu buipu yuhure na mujahre. Tópu Jerusalêne Cohamacu ya macare noari macare ñohre yuhure. Cohamacu cahapu muano pu jiri maca duji taro nihre ahri yahrapu. ¹¹ Cohamacu to si sitea mehne si siteri maca jihre tí maca. Wapa tia tãa yoaro sehe si sitehre. Diamante wama tia tãa yoaro sehe si sitehre. ã yoa vidro yoaro sehe noano co sitiri maca jihre tí maca. ¹² Pjiri sahrĩno muari sahrĩno tí sahrĩ sãari maca jihre tí maca. Doce

sopacari tihre tí sahrĩno. Tí sopacaripe cohtahre anjoa. Tí maca macaa sopa pahmaripɩ Israe masa curuari doce curuaripe ti wama wahãhre. ¹³ Sũ mɩja taro sehe tí sahrĩno cɩhãhre tia sopaca. Norte sehe tia sopaca jihre. Sur sehe tia sopaca jihre. Sũ sãano sehe cãhũre tia sopaca jihre. Jipihtiro doce sopacari waro cɩhãhre tí sahrĩno. ¹⁴ Tí sahrĩno doce tãa bui pisahre. Tí tãape Cordero to cũrina doce to cũrina sã cãina wama wahãhre.

¹⁵ ã yoa anjo yuhũre yahuriro quihõdɩ uru mehne ti yoadũre cɩhãhre. Tí macare, tí maca macaa sopacaripe, sahrĩno cãhũre quihõno taro nihre. ¹⁶ Tí maca to yoaro purota sahre. Mũano cãhũ tó purota mũahre. ã yoa anjo to quihõdɩ mehne tí macare quihõhre. Tí maca dos mil doscientos kilómetros yoari maca jihre. Tó purota sari maca jihre. Tó purota mũari maca jihre. ¹⁷ ã jiro tí maca macari sahrĩnore quihõhre anjo. Sesenta y cinco metros mũari sahrĩno jihre. Masa mari quihõno seheta quihõno nihre tiro anjo.

¹⁸ Tí sahrĩno diamante wama tia tãa mehne to yoari sahrĩno jihre. ã yoa tí maca sehe uru mehne to yoari maca jihre. Tí uru wete mariea jia vidro yoaro sehe noano co sitihre. ¹⁹ Tí sahrĩno docai jia tãare payɩ soro jia wapa tia tãa wahãhre. Tí tãa sahrĩnoi pisaa tãa doce tãa jihre. Ji mũhtaria tãcare diamante wama tia tãa wahãhre. To baharo jiria tãcare zafiro wama tia tãa wahãhre. Pũaria baharo jiria tãcare ágata wama tia tãa wahãhre. Tiaria baharo jiria tãcare esmeralda wama tia tãa wahãhre. ²⁰ Pititia poca baharo jiria tãcare ónice wama tia tãa wahãhre. Cũ wamomaca pihtia poca baharo jiria tãcare rubí wama tia tãa wahãhre. Seis poca baharo jiria tãcare crisólito wama tia tãa wahãhre. Siete poca baharo jiria tãcare berilo wama tia tãa wahãhre. Ocho poca baharo jiria tãcare topacio wama tia tãa wahãhre. Nueve poca baharo jiria tãcare crisoprasa wama tia tãa wahãhre. Diez poca baharo jiria tãcare jacinto wama tia tãa wahãhre. Once poca baharo jiria tãcare amatista wama tia tãa wahã batoahre. ²¹ ã yoa doce sopa pahmari doce perla mehne to yoaa pahmari jihre. Tí pahmaripe cã yapa perla yapa

mehne to yoaa pahmari jihre. ã jiro tí maca macari maha uru mehne to yoari maha jihre. Tí uru wete marieni uru jihre. ã jiro vidro yoaro sehe noano co sitiri maha jihre tí maha.

²² Tí macai Cohamacɩ wuhũre ñũerahi. Mariahre. Tí macai jipihtiropɩ mari pũhtore Cohamacɩ tua yuhdũarigore, Cordero cãhũre ño payora masa. ã jiro tí maca jipihtiro Cohamacɩ wuhũ yoaro sehe jihre. ²³ Tí macai Cohamacɩ to si sitea noano buhriahre. Cordero cãhũ sihãria yoaro sehe buhriahre. ã jia sũ dacho macariro cãhũre ñami macariro cãhũre tói ti buhriachɩ cahmaerare. ²⁴ ã yoa ahri yahpai ti buhria mehne jiahca jipihtiro macaina. ã jia jipihtia yahpari macaina pũtoa tí macapɩ noa yuhdũa ti cɩhãare na wihiahca. ²⁵ ã yoa dachore tí maca macaa sopacari pɩõori sopacari jiahca. Tópɩ ne ñami marianohca. ã jia ti sopacaripe ne bihasi. ã susurucuahca. ²⁶ ã yoa jipihtia yahpari macaina noaare ti cɩhãare tí macapɩ naa wihiahca. ²⁷ Ñaa sehere tí macapɩ ne naa wihisi. Bũo tichũ yoaina, ñaare yoaina cãhũ tí macapɩ ne wahasi. Mahñoina cãhũ wahasi. Cordero to joari tjui ti wama wahãina dihta tí macapɩ wahaahca. Tí tju to yuhdũchɩ yoaina ti wamare to joa õri tju jira. Tí tjui ti wama wahãina ã jirucuahca.

22

¹ Baharo noari mare catichɩ yoari mare ñohre yuhũre anjo. Tí ma noano co sitiri ma Cohamacɩ, Cordero cãhũ ti dujiropɩ tari ma jihre. ² ã yoa tí maca macari maha dacho macai burũahre tí ma. Tí ma pũ buhũseheri dahtɩ cahai catichɩ yoaa yucɩ ducuhre. Tí yucɩ sãripe dicha tihre. Cũ cãhmare doce tahari dicha tihre. ã yoa tí yucɩ macaa pũri mehne noano co tiahca jipihtia yahpari macaina. ³ Tí macare ne ñaa marianohca. Tí macai Cohamacɩ to dujiro jirohca. Cordero to dujiro cãhũ jirohca tói. ã jia jipihtina masa tói jiina tinare dahra cohtaina tina pano na tuhcuca caha sũ, tinare wahche payoahca. ã jiro tói ñaa marianohca. ⁴ Tina Cohamacɩre ñũ piti boca dujiahca. ã yoa ti wuhdũa pocai

to wama wahãina jiahca. ⁵ Tópure ñami marianohca. Ñ jia sihãa pocare cahmasi tói jiina. Sã to buhriachũ cãhũre cahmasi. Mari puhtoro Cohamacũ to buhriaro jirohca. Ñ jia tí macai jiina pa sehe macaina bui puhtoa ã jirucuahca.

Jesucristo ahri yahpapũ to tjua tahto mahanocã dũhsara

⁶ Baharo anjo yũhũre õ sehe nihre:

—Jipihtia ahri ti yahuri cjiri potocã tjira. Ñ jia ti niriro seheta waharohca. Mari puhtoro Cohamacũ to yare yahu mũhtainare masichũ yoariro jira. Tiro sehe mipũre to yairo anjore warocahre tirore dahra cohtainare masichũ yoaro taro. Baharocã to dohse wahahtore masichũ yoaro taro to yairo anjore warocahre —nihre anjo yũhũre.

⁷ Jesu sehe õ sehe nihre:

—Tũhoga mũsa. Mahanocã dũhsara yũ tjua tahto. Ahri tju macaa yahuare yũhdũrucaraina wahcheina jiahca —nihre Jesu.

⁸ Yũhũ João ahri jipihtiare yũ joa narire tũhohi. Ñ yoa tíre ñũhi. Ñ jicũ yũ tũhori baharo, yũ ñũri baharo yũhũre ñoriro anjo panoi na tuhcuca caha sũmahĩ. Tirore ño payoi tai nimahi. ⁹ Yũ ã yoachũ ñũno õ sehe nihre yũhũre:

—Tíre yoai tjiga. Mũ jiro seheta jiro yũhũ cãhũ Cohamacũre dahra cohtarirota jija. Mũ coyeyã Cohamacũ yare yahu mũhtaina, jipihtina ahri tju macaa dutiare yoaina cãhũ ti jiro seheta yũhũ cãhũ Cohamacũre dahra cohtarirota jija. Ñ jicũ Cohamacũ panoi na tuhcuca caha sũ, tiro sehẽre ño payoga —nihre anjo yũhũre.

¹⁰ Ñ yoa õ sehe ni yahu namohre yũhũre:

—Ahri tjui baharo to dohse wahahtore yahura. To ã wahahto mahanocã dũhsara. To ã mahanocã dũhsachũ ahri tjui yahurire ñuoi tjiga mũhũ. ¹¹ Tí pja yũ yahuri pjare ñaina sehe ã yoarucuwahnojaro ñaare. Ñaputiina cãhũ ñabiario yoarucuwahnojaro. Noaina sehe noano yoarucujaro. Ñ yoaga ñaa marieina ã ñaa marieina jirucujaro tí pjare —nihre anjo yũhũre.

¹² Õ sehe nihre Jesu:

—Tũhoga mũsa. Mahanocã dũhsara yũ tjua tahto. Mũsare yũ yainare yũ wahtore na tai tai nija. Ñ jicũ noaare mũsa yoari wapa mũsare noano yoaihtja. ¹³ Yũhũ jipihtiare bajuamehneriro jija. Ñ yoa jipihtiare pihtichũ yoah tiro jija tjoa.

¹⁴ Jipihtina wetẽ mariea suhtire sãaina ti jiro seheta ti ñaa yoari buhirire cosaweina tí macapũ sũahca. Ñ sũa, tí maca macaa yucũ catiare waa yucũ dichare chũahca. Ñ jia wahcheina jiahca tina. ¹⁵ Tí macapũ sũeraina sehe ahri jira: Ñabiaina, yaya, numia mehne ñano yoaina, mũa mehne ñano yoaa numia, masare wajãina, “Cohamacũ jira”, ti nia masũrine ño payoaina, mahũo ji coaina, mahũoa payũina cãhũ jira tí macapũ sũeraina —nihre Jesu.

¹⁶ Ñ yoa õ sehe ni yahu namohre Jesu:

—Yũhũ, Jesu yũ yairo anjore warocahi mũsare yũ yainare ahri tju macaare yahui tai. Puhtoro Davi panamino ji turiariro jija yũhũ. Yũhũ bohrea mũja tachũ mũja taria noano si siteria ñahpichoca yoaro sehe jiro jija —ni yahu namohre Jesu.

¹⁷ Espĩritu Santo Jesure “Tjua taga”, nina. Jesu yaina to wamomaca dũhtehticoro yoaro sehe jiina cãhũ “Tjua taga”, nina. Jipihtina ti “Tjua taga”, nirire tũhoina cãhũ “Tjua taga”, nijaro Jesure.

Ñahma yapioina core tuaro ti cahmano seheta Cohamacũ cahapũ waha duana Jesure tuaro cahmaga. Tiro catichũ yoaa co yoaro sehe jira. Tirore cahmainare wapa cahmano marieno ã jirucuchũ yorohca Cohamacũ.

¹⁸ Yũhũ João, jipihtina ahri tju macaare Cohamacũ yare tũhorinare mũsare õ sehe ni cua pisaro mehne yahuihtja. Ahri buhea mehne paye buhea mehne more suhu yahu namoina Cohamacũre yũhdũrucaca nina. Tí ã yũhdũrucachũ ñũno jipihtia ahri tjui to buhiri dahrehtore to yahuriro seheta cũnohca tina cãhũre. Ñ jiro tó seheta tina cãhũre buhiri dahrerohca. ¹⁹ Ñ yoa ahri tju macaa yahuare yahu dũhaina Cohamacũre yũhdũrucaina jira. Tí ã yũhdũrucachũ ñũno catichũ yoaa yucũ dichare tinare chũ dutisi. Ñ jia ã jirucusi tina. Tuhsũ, to ya macapũ noari macapũ

waha dutisi. Tí yuca, tí maca cãhũ ahri tju ti yahuripũ jira. tju tahto —nina tiro.

²⁰ Jipihtia ahri tju macaare yahuro õ sehe nina:

—Ã tjira. Mahanocã dũhsara yahpapũ yũ

Ã tjia. Sã pũhtoro Jesu tju tahta.

²¹ Mari pũhtoro Jesu to cahĩa mehne jipihina mũsa noano jiga.